

STATE LIBRARY OF PENNSYLVANIA

main, stks

873V587 1830

Publius Virgilius Mario variet



0 0001 00397888 7

42 col

9

873

V587


1830

V.1









Digitized by the Internet Archive  
in 2019 with funding from

This project is made possible by a grant from the Institute of Museum and Library Services as administered by the Pennsylvania Department of Education through the Office of Commonwealth Libraries

P I I S

H E Y N I I

M A N I B V S

S A C R V M



*Vergilius Maro, Publius.*  
=

P V B L I V S  
VIRGILIUS MARO

VARIETATE LECTIONIS

ET

PERPETVA ADNOTATIONE

ILLVSTRATVS

A

CHRIST. GÖTTL. HEYNE

---

EDITIO QVARTA

CVRAVIT

GE. PHIL. EBERARD. WAGNER

---

VOLVMEN PRIMVM

BVCOLICA ET GEORGICA

---

LIPSIAE.

SVMTIBVS LIBRARIAE HAHNIANAE

MDCCCXXX.

---

L O N D I N I

APVD BLACK, YOUNG & YOUNG.



S

873

V587

1830

4.1

---

P R A E F A T I O  
P H I L I P P I W A G N E R I.

---

*Calderoni*  
Ante hos octo annos auctore F. A. G. Spohnio, cuius immatura mors cum alios plurimos, tum me vehementer afflixit, Virgilii Heyniani denuo edendi negotium mihi mandatum est ab honestissimo Redemtore. Quae res quum mihi, qui veterum poetarum studio mirifice semper delectatus sum, gratissima esse atque acceptissima deberet, eadem onus imposuit gravissimum plane imparato. Erexit tamen animum, tum vel maxime ingravescente morborum vi oppressum ac debilitatum, ipsa ingentis incepti cogitatio; et quantum temporis munus, quo fungor, scholasticum, laboriosissimum illud quidem, reliquum mihi fecit aut valetudinis infirmitas concessit, id, posthabitis ceteris rebus, in quibus multi vitae positam putant suavitatem, omne impertivi Virgilio, quasi dulcissimo familiari meo, a quo et iucundissimum otii mei fructum et exantlati quotidiani laboris praemium peterem exoptatissimum. Qua in re illud tamen diligentissime cavendum mihi existimavi, privatum

studium ne quid publici muneris rationibus officeret, idque potius secutus sum, ut prudens essem officiorum meorum ratiocinator, tantumque quoque tempore vel adolescentibus optimis, in illustri Cruciano, cui Deus faveat! ingenia excolentibus, vel Virgilio meo, vel etiam valetudini tribuerem, ut omnibus, quantum in me esset, satisfacerem.

Sed quorsum haec? inquires, Lector candidè. Ignosce, quaeso, loquacitati meae: non mea solum, sed Tua quoque res agitur. Nam meum quum sit, Tuo servire commodo et tamquam bonus et liberalis convivator quam possim plurima et lautissima ex meo penu depromere, Tuum erit, cuius ad usum gustumque apposita haec sunt, videre, ne Tua fames, apparationi inhians convivio, cibos requirat sapidiore et deliciores, quam quibus mea Te potest pascere tenuitas. Coenulam exspecta, non epularum magnificentiam; et exiguae quum sint copiae, noli contemnere, quam ne Dii quidem contemserunt, non inertem fortasse nec pauperem voluntatem \*).

Sed mitto ambages. Virgilius is est scriptor, qui, licet plurimorum omnique laude florentium virorum studia expertus sit, tam immensam adhuc praebeat ad meditandum commentandumque materiam, ut homo et ingenio et doctrina abundans totam aeta-

---

\*) Ovid. Met. VIII, 678.

tem si in uno hoc poeta emendando, explicando, illustrando contriverit, rem vix possit eo, quo cupiat, adducere. At ego, qui nec a natura ita multum habeam adiumenti, et otio omnium minime affluam, unum me scire fateor, non posse quemquam me melius intelligere, quid quantumque restet ad consummandam suisque numeris absolvendam editionem Virgilii. Itaque hoc Te, Lector candide, rogatum volo, ut non, quid Tu me praestitisse velis, sed quantum ego potuerim praestare, consideres, neque ea quaeras, quae ego me daturum non sum pollicitus, sed id videas, quae me acturum fuisse statim profitebor, in his quomodo partes a memet ipso mihi impositas sustinuerim.

Suscepi Virgilium Heynianum ita denuo in lucem edendum, ut adderem, quae vellem, demerem nihil. Cui prudenti admodum honestissimi Redemptoris consilio eo lubentius obtemperavi, quo pluris, et merito, aestimari videbam Heynii operam in Virgilio adornando collocatam, maxime ab exteris nationibus, magnorum meritorum, ut videtur, memoriam fidelius conservantibus, quam id interdum non sine meo dolore a nostratibus fieri video. Et quamquam omne opus a mortalibus inceptum, licet ad illud perficiendum excellentissimo ingenio adiunxeris infinitam doctrinam laboremque indefessum, quae omnia summa fuerunt in Heynio, imbecillitatis humanae retinet vestigia, non sum tamen ego is, qui, quum ipse plu-



rima profecerim et quotidie proficiam e praestantissimi Viri libris omnis eruditionis genere refertissimis, nunc acriter persequar, si quos in tam longo ille fudit opere, errores. Itaque quidquid continet tertia Heynii editio, id in hac quarta omne redhibitum videbis. Unum mihi licere putavi, ut in contextu, si quam deteriore lectionem ab Heynio viderem receptam, reponerem eam, quam rationes criticae commendarent; religioni enim ducebam, nitidissimum poetam iis adhuc maculis deformatum pati, quae dudum erant abstergendae. Sed ut vel sic statim in oculos incurreret, quid a me mutatum esset, ipsi textui subieci lectionem Heynianam. Qua in re videbor fortasse multis (et visus mihi sum interdum ipsi) nimis diligens fuisse, qui quodvis etiam comma sublatum a me vel additum indicari accurate viderint. Feci hoc quidem in primo Volumine; sed si mihi, ut spero, lectores hanc tantam religionem remiserint, in ceteris Voluminibus mutatam a me distinctionem tum demum indicabo, ubi ea res plus ad intelligendum poetam habere momenti mihi visa fuerit. Et de ratione interpungendi quum longum sit dicere, differenda est haec disputatio in aliud tempus, si quando forte plus mihi contigerit otii. Nunc quidem nondum eam rem ad certas quasdam regulas a me revocatam esse facile intelliges; illud tamen fateberis, multa melius in quarta hac editione distingui, quam in tertia. Plurima



hoc in genere mutaverunt iam Wunderlichius, et, hunc ut plurimum secutus, Iahnus.

Heynium satis constat interpretationis maxime rationem habuisse, rem criticam non aequè curasse. Erat nimirum id Heynii ingenium, ut in edendis a se scriptoribus antiquis eam potissimum rationem sequendam sibi putaret, quae ad ipsam lectionem intellectumque esset fructuosissima, ab omni contentione, rem criticam tractanti necessario subeunda, alienissimus. Et quum ad summa omnia natus esset Vir eximius, facile, si eo inclinasset animus, in hoc quoque genere ceteris excellere potuisset. Sed fuit ea istius aetatis, qua inclarescere ille coepit, labes, ut quidam acres inter se exercerent inimicitias critici rusticeque se invicem exagitarent. Quae res Heynium, hominem omnium mitissimum et veram philologi laudem in humanitate morumque mansuetudine ponentem, non potuit non vel invitum deterrere ab ea re, quam rixarum atrocitas invisam reddere deberet homini nec alienis meritis invidenti obtrectantique, nec suam famam in anceps certamen committere cupienti. Erat igitur novi editoris, hanc imprimis partem expolire et perficere, quoad eius fieri nunc posset. Quamquam autem intelligebam, quam lubricum iter ingreditum esset quamque praeceptis ad labendum; quamquam etiam, quot in reprehensiones incursurus essem, videbam, fortis tamen viri

putabam, omnes telorum ictus subire malle, quam subductum ab acie et pulvere post signa subsidere. Aliorum iam erit, iudicare, acuto gladio an obtuso rem gesserim. Idque iudicium, licet virium mearum quae sit tenuitas haud ignorem, eo minus expavesco, quo magis illud fugere studui, ne quem prudens lacesserem laederemve, unum id agens, ut optimas artes literasque, a quibus ipse et solatium in adversis rebus petere soleo et in secundis ornamentum, si qua possem, adiuverem et pro summis, quae inde ad me redundarunt, beneficiis quasi remunerarer, si non magno, at grato tamen munere. Itaque hoc inprimis faciendum mihi putavi, ut diligentius excuterem codicem Mediceum, omnium praestantissimum iure haberi solitum. Atque hic non potest satis praedicari Fogginii diligentia, quam is hoc in libro typis accurate describendo praestitit. Nam Heinsius, qui ipsum codicem oculis usurpavit, festinantius in eo conferendo versatus est. Iam fieri non potuit, quin discrepent inter se interdum Heinsius ac Fogginus, aut quaedam ab hoc repraesententur, quorum notationem frustra quaeras apud illum. Et quanta esset Fogginii fides, Heinsii quanta interdum negligentia, quamquam usu expertus didiceram, tamen illa res sollicitum me et suspensum saepe habuit. Itaque nihil mihi magis erat in optatis, quam ut aliquis, Florentiam cui adire contingeret, cuique hoc negotium recte mandare

possem, eos locos, ubi illi dissentiunt, denuo inspiceret, quo intelligerem, utri plus fidei habendum esset. Hic a me publice gratiae agenda sunt Freytagio, Viro Clarissimo, Dorpatiensi, Russorum Imperatori a consiliis, qui, Italiam petens, liberalissime suam mihi promisit operam; nec multum intercesserat temporis, quum per literas certiozem ille me fecit de iis, quae scire cupieram. Dederam Viro officiosissimo charitulam, in qua locos complures e Bucolicis et Georgicis notaveram, quorum quae esset in Mediceo scriptura, dubium reliquerat Heinsii et Fogginii dissensio. Iam egregio Viri Optimi beneficio hoc debeo, ut ubique verum vidisse Fogginium cognoverim, praeter unum locum, Ge. IV, 14., ubi quum Heinsius *ab stabulis* in Mediceo exstare recte utique referat, apud Fogginium *a stabulis* legitur. Quidquid igitur in Mediceo Fogginiano diversitatis nondum indicatae reperi, id diligenter enotavi; eaque res saepe mirifice me adjuvit. Supersedi tamen, ne putida et molesta religione fastidium crearem lectori erudito, deterima etiam describere vitia, quale *quaeri* pro *queri* et his similia. Nec quae ad solam orthographiam spectant variae lectiones, si paucas quasdam excipis, quas scire lectoris plurimum interesse videbatur, huic editioni inserui. Ut tamen una ex re cognosceretur, quam fluctuarent hoc in genere libri etiam vetustissimi, ubicumque accusativum tert. declinat. *in-es* vel *-is* terminatum contra Medicei fidem



exhibuit Heynius, commemoravi hanc discrepantiam. Videbis autem saepe a me distinguere priorem et alteram lectionem Mediceam, primam et secundam manum. Ac priorem lectionem dico eam, cui ita superscripta est altera, ut prior non sit obelo transfixa in codice, aut, quod tantundem valet, punctis notata. Illi quidem par est plus tribui ponderis, quod ea videtur fuisse antiquissimi illius codicis, unde hic transscriptus est, lectio. Potuit tamen etiam fieri, ut librarius, superscripta vera lectione, priorem ex errore aliquo ortam transfigere oblitus interdum sit; quod accidisse subinde probant aperta vitia, correctam quidem ab emendatrice manu, relicta tamen integra vitiosa lectione. Contra priorem manum appello, quum ea, quae primo scripta fuerant, transfossa vel punctis notata sunt; et quae deinde relecta est lectio, eam dico secundam manum. Sed de ipso Mediceo ceterisque codicibus Virgilianis accuratius scribam alio tempore locoque. Nunc id satis visum est significare, plurimum me huic ipsi Mediceo, tum fragmento Vaticano, Gudiano, Mentel. I. et II. et Moret. I., per etiam multum Romano tribuisse. Hoc tamen in universum teneri velim, singulari quodam fortunae beneficio id contigisse Virgilio, ut plerique libri manu exarati satis emendate scripti sint, pauci plane depravati et corrupti. Itaque exiguo e codicum numero licet fere ita textum Virgilianum concinnare, ut raro alii libri in deliberatio-

nem adhibendi sint. Quare, quod tempore exclusus, etiamsi vel maxime voluissem, ne potui quidem, libros nondum collatos explorare nunc quidem nolui. Deterrebat ab hac opera etiam, quod ex iis collationibus, quas post Heinsium alii, Burmannus maxime et Martynus, tum Heynius, Vossius, Potterius (*Pottier*), Dorphius, et ante hunc auctor editionis diobolaris, quae Vinariae 1826. prodiit, instituerunt, parum aut nihil profecisse Virgilium videbam. Intuli tamen Heynianae Lectionis Varietati, quae notavit Potterius, quippe qui antiquissimos Bibliothecae Reg. Parisiensis codices tractaverit; quamquam ita tractavit in Virgilio, quemadmodum in Quintiliano. Licet enim huc transferre, quae Zumptius scripsit in Prooemio T. V. Quintil. Spaldingiani pag. XX. et XXI.: „— haec commemoratio codicum Parisinorum speciem habet maiorem quam utilitatem. — — Nam consilium quidem eius (*Potterii*) in excerpendis libris nullum cognovi, qui ne in illis quidem locis, ubi maxime opus fuerit, fideliter annotarit, quid in quoque libro invenerit. — — Unum hoc moneo, ne quis propterea quod Pottierius nihil annotavit, hoc vel illud esse in codicibus Parisinis putet.“ — In prioribus quidem Aeneidos libris saepe videbis laudatas codicis Alburgensis lectiones. Acceperam collationem sex priorum librorum huius codicis ab humanissimo modestissimoque Viro, Dorphio, Scholae Hothersnesiensis Rectore, factam; quam quum is Seebo-



dio, Viro Cel., Grammatophylacio philologico, in quo et alia quaedam sunt ad Virgilium spectantia, inserendam misisset, hic, qua est humanitate, statim mecum communicavit. Sed postquam ipsa Dorphii editio prodiit, nolui, quum excerptas ab eo lectiones ad omnium usum expositas viderem, porro onerare notas criticas, in nimiam molem iam excrescentes. Multo etiam minus a me impetrare potui, ut somniis Dunkeri nescio cuius locum in Var. Lect. concederem. Prodiit enim Heidelbergae Ao. 1806. libellus, cui ita inscriptum: „P. Virgilii Maronis Georgica inde ab Augusti tempore contra naturam interpolata ducentis quibus adhuc laborant locis ex Monachii Traghemensis exemplari sanitati restituere tentat Editio haec problematica. Libri primi specimen. M. O. R. I. A. A. V. Q. A. N. A. B. L. E. G. D. D. M. H. M. Ioannes Andreas Dunker.“ Proposita est omnis lectionis Dunkerianae diversitas in Nov. Diar. lit. Lips. 1807. n. 43. p. 684. sqq. Feci aliquoties mentionem codicis Servii, qui in Reg. Biblioth. Dresd. asservatur, interdum cum optimis codd. conspirantis; descripsi hunc ipse codicem accuratius in Diariis Scholast. Darmstad. 1830. n. 24. Exstat in eadem Bibl. Reg. Dresd. sub D. 126. codex saeculo XIV. scriptus, omnia Virgilii opera complectens, tum alius sub D. 81. Eclogas tantum exhibens; quos, si quid inde utilitatis Virgilio accessurum sperassem, minime neglexissem. Ultro mihi commodavit insignis Henrici

Blümneri, Viri Excellentissimi et ad literas iuvandas paratissimi, liberalitas duo libros mss. Bibliothecae Senator. Lips., oblongum a forma, et alterum, qui chartis est quadratis, a me in Var. Lect. vocatum. Uterque aevi est recentioris. Hi codices hunc mihi praestiterunt usum, ut, quoties parum constaret de lectione librorum mss., ad eos redirem tamquam aliquem fontem, unde, aqua mihi haerente, certior fierem, quid in libris mss. legeretur. Ita enim Heinsius in enotanda varia lectione versatus est, ut saepe non satis appareat, quid ille in codd. mss. repererit. Quare is utique operae pretium fecerit, qui potiores Heinsii codices denuo conferat accuratiusque, quid in quoque scriptum sit; exponat. Ac profecto indignum factu iudicabunt mecum omnes optimi poetae amatores, quod adhuc in recentioribus editionibus omnibus quaedam circumferuntur, quae nescias unde illata sint in textum. Ut Aen. I, 153. ex Burmanni editione lectio mendosa *iste* per omnes deinceps editiones propagata est; item IV, 529. *nec* videtur in libris mss. exstare omnibus, nisi quod Medic. a m. pr. exhibet *naeq.*; vid. quae ibi scripsi. Haec et similia ut detegerem, plurimum mihi profuit Mediceus Fogginii, tum adhibita librorum Lipsiensium collatio.

In antiquissimis libris mss. numeratur etiam Palatinus, quem Ambrogius cum apographo Medicei Fogginiano, sed non satis accurate, contulit. Is codex quum quibusdam

locis optimas servaverit lectiones, plerumque tamen praebet deteriores. Saepe eius in Aeneide mentio a me facta, omisa fere in primo hoc Volumine; quare visum est, hic adiiungere indicem neglectae a me diversitatis, ex Ambrogii editione petatum: Ecl. I, 73 *queis*. — II, 7 *cogis*. 15 *Menalcam*. 27 *fallit*. 73 *Alexis*. — III, 16 *facient*. 48 *spectes*. 84 *sit*. 100 *arvo*. — Ecl. IV. inscribitur *Pollio*. 49 *soboles*. 58 *Pan deus*. 63 *Nec d*. — Ecl. V. inscribitur *Daphnis*. 3 *consedimus*. 20 *Daphnim*. 37 *avenis*. — VI, 42 *Caucaseasq*. 49 *secuta est*. 60 *Gortinia*. 65 *duxerit*. 74 *secuta est*. 81 *alis*. 83 *lauros*. 85 *oveis*. — Ecl. VII. *Meliboeus* inscribitur. 6 *hic*. 7 *Daphnin*. 15 *agnos*. 30 *Mycon*. 41 *Sardois*. 69 *Thyrsin*. — Ecl. VIII. inscribitur *Pharmaceutria*. 20 *alloquor*. 24 *primus*. 27 *gryphes*. 28 *timidi*. 39 *iam ceperat*. 40 *a terra*. 44 *Ismarus*. *Rodope*. 45 *nostri generis*. 65 *thura*. 82 *lauros*. 107 *Hylax*. 109 *Daphnis*. — Ecl. IX. *Moeris* inscribitur. 6 *bene vertat*. 9 *veteris* — *fagi*. 25 *ferrit*. 30 *Cyrneas*. 64 *laedet*. 66 *et quod nunc instat*. 67 *veneris*. — Ecl. X. *Gallus* inscribitur. 10 *Naiades*. 12 *Aonia*. 13 *Lauri illum etiam*. 27 *baccis minioq*. 29 *ripis*. 40 *iaceret*. 55 *Nymphis*. 59 *Cydonia*. 60 *sit*. 69 *vincit*. 77 *Hesperus*. — Ge. I, 2 *Maecenas*. 4 *atque apibus*. 22 *non nullo*. 30 *Thule*. 33 *Erigonem*. 35 *Scorpius*. *relinquit*. 36 *sperent*. 57 *mittit*. *thura*. 65 *invertant*. 104 *cominus*. 120 *intuba*. 126 *Nec*. 138 *Arcton*. 145 *vincit*. 153 *tribuliq*. 155 *terram*. 157 *umbras*. 161 *queis*. 164 *traheaeq*.



175 *exploret*. 181 *illudunt*. 188 *curvabit*. 194 *amurca*. 209 *dividet*. 219 *triticeam*. 224 *credere*. 226 *avenis*. 229 *mittet*. 238 *deest et*. 246 *tingi*. 269 *deducere*. 275 *Incusum*. 284 *vites*. 290 *noctes*. 295 *dulcis* — *Volcano*. 296 *trepidi aheni*. 310 *cum*. 320 *sublime*. 337 *coeli*. 341 *Tunc agni pingues, tunc*. 342 *Tunc*. 351 *possimus discere*. 359 *increbescere*. 383 *Iam varias — et quae*. 390 *Nec*. 398 *litore*. 413 *deest in*. 418 *humidus*. 419 *Densat*. 437 *Panopeae. Melicertae*. 440 *astris*. 450 *decedet*. 454 *incipient*. 461 *vehat*. 470 *obsceniq.* 481 *vortice*. 506 *tam*. 513 *se in spatia*. — II, 22 *alii quos*. 47 *auras*. 52 *voces*. 65 *edurae*. 69 *ex fetu*. 84 *nec Id.* 86 *Orchites*. 98 *Tmolus et ass.* 101 *temensis et diis*. 106 *Discere*. 117 *thurea*. 189 *filicem*. 194 *pandis*. 196 *fetus ovium*. 200 *desunt*. 202 *reponet*. 205 *optuma*. 219 *viridi semper*. 220 *et — robigine*. 254 *prodit*. 277 *secius*. 281 *directaeq.* 290 *altius*. 292 *radice*. 294 *per annos*. 302 *oleae*. 319 *satio est*. 323 *frondi nem.* 340 *primum*. 343 *perferre*. 359 *bicornes*. 367 *iam — stirpibus*. 371 *tenendum est*. 379 *admorso*. 383 *Theseidae*. 396 *verubus*. 413 *rusci*. 417 *extremos effoetus*. 425 *nutritor*. 433: *exstat hic versus in Palat*. 440 *Caucaseo*. 451 *torrentem*. 472 *parvoq.* 487 *Sperchiusq.* 488 *in vallibus*. 506 *dormiat*. 509 *geminatur*. 513 *dimovit*. 514 *nepotes*. 515 *hinc*. 518 *atque*. 531 *nudat*. — III, 2 *Amphysos*. 12 *Idumaeas*. 20 *decernet*. 56 *mihi*. 62 *aratris*. 69 *malis*. 71 *sobolem*. 72 *delectus*. 73 *statuis*. 78 *ponti*. 85 *premens*. 92 *effudit*. 95 *hunc*. 114 *rapidisq.*

126 *pubentesq.* 127 *nequeant.* 135 *obtusior.* 136  
*oblimet.* 143 *pascant.* 144 *gramine ripa.* 145  
*procubet.* 178 *consument.* 184 *audere.* 188 *au-*  
*diat.* 190 *accesserit aestas.* 194 *provocet.* 223  
*reboant — magnus.* 235 *post.* 236 *oblitum.*  
 239 *nec ipso.* 241 *subiectat.* 273 *in Zeph.* 274  
*exceptantq.* 297 *filicumq.* 308 *soboles.* 309 *quo*  
*magis.* 316 *memores.* 326 *herba est.* 338 *et*  
*acanthida.* 349 *Maeoticaq.* 367 *secius.* 369 *con-*  
*serto.* 384 *lanicium.* 385 *tribuliq.* 408 *impa-*  
*catos.* 412 *agens.* 432 *exhausta.* 433 *exilit.*  
 435 *ne — dio.* 448 *amurca.* 449 *vivaque sul-*  
*phura.* 456 *et — omina.* 462 *atque in.* 465 *aut.*  
 474 *tum.* 475 *Iapidis.* 502 *tractanti.* 506 *imaq.*  
 517 *it.* 561 *illuvieq.* 563 *tentarat. — IV, 20*  
*obumbret.* 46 *unge.* 52 *terras.* 63 *meliphylla.*  
 85 *coegit.* 86 *tanta.* 87 *quiescent.* 95 *gentis.*  
 100 *soboles.* 110 *furum.* 119 *Pesti.* 120 *intuba.*  
 133 *inemptis.* 137 *iam tum tondebat acanthi.*  
 141 *tiliae.* 146 *umbram.* 148 *post commemo-*  
*randa.* 169 *fragrantia.* 195 *cymbae.* 199 *nixi-*  
*bus.* 200 *et suav.* 202 *refingunt.* 210 *Aegyptus.*  
 222 *terrasq.* 233 *Pleias.* 241 *suffire thymo.*  
 243 *Stellio lucif.* 246 *durum tineae.* 247 *in*  
*foribus laxos.* 248 *fuerint.* 250 *complebuntq.*  
 254 *aegris alius color, horrida vultum.* 260  
*sonus.* 262 *stridet.* 290: *hi versus hoc ordine*  
*leguntur: Et viridem — Et diversa — Usque*  
*coloratis.* 301 *obstruitur.* 306 *coloribus ante.*  
 319 *sacrum.* 331 *validam.* 336 *Drymoq. — Li-*  
*geaq.* 338: *exstat hic vs. in Palat.* 339 *Cy-*  
*dippeq.* 343 *Ephyre — atque Asia.* 347 *Aque.*  
 348 *dum fusis.* 351 *obstupere.* 357 *perculsa.*



361 *faciem*. 368 *primum*. 370 *saxosum*. 373 *influit*. 377 *mantilia*. 385 *subiecta*. 393 *trahantur*. 406 *illudent*. 409 *flammae sonitum*. 415 *diffudit*. 430 *vasti circum*. 446 *domos*. 447 *cuiquam*. 449 *lapsis*. 455 *ni fata*. 462 *Pangaea*. 463 *atque Actias*. 467 *Taenarias*. 482 *caeruleosq.* 493 *Averni*. 500 *fugit div.* 504 *rapta*. 505 *qua N.* 516 *nulliq.* 534 *tu numera*. 548 *facessit*. 558 *demittere*. 566 *patulae cecini*. In ceteris, si quaedam excipis, quae notare taedebat, conspirare Palatinum cum Mediceo putabimus, si modo is est Ambrogius, cui fidem ubique habere liceat. Certe facile intelligitur Ambrogium notasse etiam levissima Medicei menda, non item Palatini codicis; omitto manifesta quaedam negligentiae vestigia, ut Ge. II, 302. IV, 4. Ceterum sciens praeterii quasdam lectiones ad orthographiam spectantes.

Historiam textus Virgiliani criticam scribere aggressus mox intellexi, infiniti hoc laboris esse, nec posse rite a quoquam absolvi, nisi qui habitet in Bibliotheca vel Regia Parisiensi, vel Spenceriana. Tamen, si quando otium ad eam rem nactus fuero, experiar, quantum etiam his copiis destituto proficere liceat.

Iam in facienda critica id maxime allaboravi, primum ut, ubi necesse videretur, certius constaret de codicum lectione, tum ut causas diversarum lectionum investigarem, et id, quod vel receptum iam esset, si quam du-

bitationem residere putarem, vel quod ipse recepissem, certis firmarem argumentis. Ex meis coniecturis nullam in textum intuli, praeter unam Ecl. III, 110., non quod verum me assecutum confiderem, sed ut saltem legeretur aliquid, quod intelligi posset. In afferendis variis lectionibus Heynius brevitati inprimis studuit; hinc saepe apud eum legitur: sex septemve vel multi libri hoc habent; et similia. Et quum ipsa editionis Heyniana externa forma retinenda esset, nolui ubique singulorum codicum nominatim mentionem facere, ne notae criticae magis etiam, quam factum iam est, augerentur. Qua in re, si mihi licuisset, plane discessissem ab instituto Heynii, notasque criticas, iusta variantium lectionum sylloge auctas, ad calcem cuiusque Voluminis reiecissem. Nunc satis habui, ea subinde supplere, quae maxime necesse videretur, aut ubi qui codex non satis accurate notatus esset ab Heynio, addere id, quod aegre desideraretur; ut, quum plures eiusdem nominis sint codices, quales Menteliani, Moretani, Menagiani, Leidenses, numerum, quo illi inter se distinguuntur, si abesset, adicerem; cfr. Ecl. II, 43. III, 15. 17. 48. 59. 68. 81. 87. 89. 99. IV, 4. 9. 15. 22. 25. 30. 40. V, 70. 81. 88. VI, 57. 63. 71. 73. 80. VII, 19. 22. 24. 41. VIII, 11. 45. 49. 73. 82. IX, 25. 46. 64. X, 4. 7. 23. 30. 33. 54. et saepe alibi.

Sed pleniorum apparatus criticum ei editioni addere decrevi, quae Virgilii Opera

ad pristinam orthographiam, quoad eius fieri potest, revocata exhibebit. Et rem orthographicam quum initio non curassem, mox intellexi non esse plane neglegendam. Itaque quantum potui laboris et temporis impendi in rem taedii omnium plenissimam. Quamquam autem me non id assecutum spero, ut ea res ita iam sit non profligata modo sed etiam confecta, ut nihil usquam dubitationis relinquatur, tamen de multis eius partibus verius quid iam et certius, quam antea, statui pronuntiarique posse confido. Sed mox, quum cogitarem, esse hanc editionem non philologis solum, sed omnibus elegantioris doctrinae amatoribus, a novo et inusitato plane critices genere plerumque abhorrentibus, adornatam, coepi metuere, ne, si orthographiam ad ea, quae mihi probabilia viderentur, praecepta conformarem, nimis illi offenderentur scripturae insolentia, indigneque ferrent, quod cogerentur iam ad spinosam quandam et a suo ingenio alienam disputandi rationem mecum descendere. Quamquam, si quid invenisse tibi videaris verum, quodque idoneis argumentis comprobatum sit et stabilitum, licet id tale sit, quod ipsa sua novitate detertere potius videatur, quam capere et allicere, non est illud apud te retinendum et abscondendum, sed, etiamsi metuas, ne ab iis, qui vetera vina ac vetera vitia iuxta aestimant, acriter exagiteris, in medium audacter proferendum est et intelligentiorum iudicio sub-

iiciendum. Poteram igitur certe ea, quae super ea re commentatus fueram, ita communicare cum lectoribus, ut nihil tamen in ipsis poetae verbis immutarem. Sed terrebat me communis fere sors talium scriptionum, quae ab uno alterove leguntur, et, si quaedam vel operose congesta, vel ingeniose tractata visa fuerint, etiam laudantur, a plerisque negliguntur et contemnuntur, mox oblivioni tradita in situ et squalore delitescunt. Itaque putavi, ut tandem ipsi hominum oculi veriori adsuesfierent rationi, peculiarem mihi parandam esse editionem, quae et quaestiones istas orthographicas contineret et ipsa verba poetae ad ea, quae mihi probabiliter disputasse viderer, constituta exhiberet. Delevi igitur notas huius generis in commentarium, quem conscripseram, iam illatas; quamquam ita factum est, ut quaedam, quae oculorum aciem effugerant, in primo hoc Volumine remanserint. Paucissima igitur hoc in genere videbis a me correcta, nec vertes mihi vitio, quod adhuc quaedam diversis modis scripta deprehendes, ut *quum* et *cum*, *laevia* et *levia*, *labsus* et *lapsus*, et si qua sunt id genus alia.

Sed etsi rem criticam in potiore laboris mei parte habendam mihi existimavi, non tamen interpretis officium plane detrectandum vidi. Itaque ubi vel dissentirem ab Heynio, causas dissentiendi quam fieri potuit brevissime explicui, vel ubi praetermissum aliquid putarem, adieci, quod opus vi-



debatur. Leviora quaedam ne attigi quidem, nec, si non plane expeditam haberem sententiam, movere quidquam volui. — Excursus Heynii nulla re auxi, praeter primum ad Georg. lib. I. Poteram hic illic quasdam adspargere notulas, haud magnum fructum habituras, quum, qui his Excursibus utuntur, meam operam desideraturos non existimarem. Omnino otii defectus passus non est alii me rei, quam ipsis Virgilii carminibus, intentum habere animum.

Gratus autem profiteor, et in emendando et in enarrando poeta saepe ac multum me adiutum esse ab iis, qui nostris temporibus in ea re studium posuerunt suum. E largo Vossianae Bucolicorum et Georgicorum editionis penu erant fortasse qui plura depromta velint; sed non patiebatur ipsa operis ratio condicioque, notas iam nimis amplas ultra modum augeri. Notas Wunderlichii, ad interpretationem ferespectantes, magnam partem integras huic editioni intuli; Brunckii Iahnique nonnullas excerptas. Profuit etiam Fr. Iacobsii opera diligens in Volum. II. libri, cui titulum fecit *Blumenlese der Röm. Dichter*, collocata. Eximium autem ornamentum huic editioni quaesitum est ex ineditis Spohnii, τοῦ μαχαρίτου, commentariis. Is Bucolica a se correcta et explicata edere apud animum suum constituerat. Sed antequam propositum perficeret, diem obiit supremum. Auctor igitur fui Redemptori, ad rem contrahendam paratissimo, ut

emeret chartas illas Spohnianas. Coniecerat Spohnius commentarium suum in LXXVIII pagellas formae, quam vocant, octavae. Statim intellexi inchoatam demum fuisse ab optimo Viro hanc telam. Multa ita scripta erant, ut legi vix possent; pars ita comparata, ut facile appareret, si cogitatum perficere Spohnio licuisset, haud pauca vel demiturum fuisse, vel additurum, vel mutaturum. Sed etiam imperfectum illud opus satis, opinor, ostendet, quam pulchra totius species evasura fuerit, si extremum perpoliendi laborem adhibere potuisset! Praemiserat singulis Eclogis prooemia Spohnius, quae, tamquam dispersa membra, in unum redegere corpus et nomine Prolegomenon appellata Heynii quaestioni *De Carmine Bucolico* subieci. Ut autem, qua fide egissem, cognosci a quovis posset, F. A. Ebertus petenti mihi facile concessit, ut chartas Spohnianas Bibliothecae Reg. Dresd. asservandas committerem. — Praeterea accepi e literaria Spohnii supellectili editionem Virgilii Halensem, cuius singulis pagellis interpositae sunt chartae, in quibus ille codicis Zwickaviensis et alius cuiusdam libri ms., quem suo sibi aere Spohnius paraverat, lectiones variantes notavit. Sed fecit hoc in Eclogis tantum; et sui quidem codicis, praeterquam ad primam Eclogam, nullam iniecit mentionem. Intellexi ex hac collatione nullius esse pretii hos libros, vitiis omnis generis refertissimos. Et Zwickaviensis quidem codicis diversas lectio-



nes Spohnio Iahnus videtur commodasse, qui easdem mecum benigne communicavit. Praeterea Spohnius locos ex aliorum criticorum libris, sed unius fere Burmanni ad Anthologiam Lat., adscripsit, in quibus Virgilii quaedam ratio habetur.

Quaecumque autem nova huic editioni accesserunt, signis hisce ( ) ab iis, quae Heynii sunt, separavi siglaque etiam nominum addidi, quibus, quid a quoque profectum esset, indicaretur. Wunderlichii nomen literis *Wch.*, Spohnii literis *Sp.*, meum literis *Wr.* significavi. Aliorum nomina, ut Brunckii, Vossii, Iahnii, integra scripsi. Potterii Parisinos et Dorphii codices numeris inter se secrevi, hos Romanis, illos Arabicis, ut fecit ipse Potterius, antiquissimum quemque minimo numero indicans; Alburgensis idem est, qui Dorph. I. — Literae Q. V. significant Quaestiones Virgilianas, quibus res quasdam critici maxime grammaticaeque argumenti illustrare conatus sum, Volumini quarto adiiciendas. Ad quas quum saepe et in Varietate Lectionis et in Notis reditum sit, primo Volumini proxime succedet quartum, hoc ipso anno, si nulla erit in typographo mora, proditum. Prior eius pars continebit Culicem, Cirin, Copam et Moretum a Silligio meo librorum mss. ope emendata. Notitiam literariam eidem Volumini subiungendam melius digeret insigniterque augebit E. G. Gersdorus, Vir doctissimus, Bibliothecae Reg. Dresd. a secretis.

In contexendis notis meis maxime studui orationis vel simplicitati vel perspicuitati. Itaque retinui multa, quae, usu criticorum confirmata, respuit tamen ipsa Latinitas; quamquam video imprudenti mihi excidisse nonnulla, ad quae non pertineat ista excusatio. Mendis typographicis libera ut prodiret haec editio, providit inprimis Ch. G. Lorenzii AA. LL. M. diligens cura. Effugerunt tamen nonnulla et meam et illius aciem. Pag. 155. Not. l. 25. lege: *ne fuerunt quidem*. — 159. N. l. 11. sq. *Goensium de Cepotaph.* — 162. N. l. 11. *tus.* — 163. N. l. 13. *significet.* — 191. N. l. 2. *bis.* — 200. in textu l. 10. *Thyrsim.* — 290. Var. Lect. l. 1. pro 5 lege s. — 305. N. l. 26. *Wch.* non *Wr.* — 333. V. L. lin. extr. lege VI. pro VII. — 364. V. L. l. 10. *enim* pro *etiam.* — 398. N. l. 6. lege b pro 6. — Haec quum typothetae traderentur, nondum acceperam plagulas librum III. et IV. Georg. continentes. Quare si qua his in libris sphalmata deprehenduntur, ea emendabuntur alio loco.

Heynii orationem sunt qui non ubique satis puram esse rectamque affirmant; nec dubito, quin ipse Vir Summus, si otium fuisset, emendaturus quaedam fuerit. Fecit hoc compluribus locis Wunderlichius in minore editione; vid. eius Epistolam ad Heerenium pag. XIX. sqq.; feci idem, ubi maxime necesse videretur, in maiore; ut Ecl. II, 35. Not. III, 12. Not. VI, 31. Not. Ge. I, 218. Not. Sustuli etiam leviora quaedam

*παρορμήματα*, ut Ecl. II, 7. et 27. Not. VIII, 37. Not. Ge. I, 284. V. L. 395. et 396. V. L. II, 15. Not. Alia emendavit Lorenzii sagacitas.

Ceterum iam nunc quaedam, quae scripsi, si liceret, retractarem. In Not. ad Ecl. I, 52. fluctus, ut aiunt, in simpulo excitasse mihi videor. De Ge. I, 142. quae in V. L. ad h. l. disputavi, repudiata videbis in Q. V. XXXIII, 2.; quamquam illud manet, copulam *que* a Virgilio non adiungi secundo tertiove vocabulo. Et sunt integra ibi omnia, quod addubitaveram. Ecl. IV, 63. non debueram silentio praeterire, quod in cod. Rom. legitur *Non deus*. Ad Ecl. VIII, 4. commemoranda erat disputatio, quam instituit Fr. Iacob ad Propert. III, 15, 25.; sed quae ibi diseruit Vir doctissimus, ea nec mihi, nec Censori Lipsiensi in Diar. lit. 1830. n. 65. p. 515. sqq. probavit. Quae Ecl. X, 19. in V. L. disputavi, ea egregie firmari versu 23., nescio quo casu notare neglexi.

At Tu, pia, candida anima Heynii, si quid etiamnum hasce res respectas, ignosce, quaeso, si quando forte aliud agens immodestius quidpiam adversus Te pronuntiavi; ignosce, si quid indignum tanto nomine tantaeque gloria, cuius non minimam partem debes studio in his carminibus illustrandis posito, mea protulit mediocritas. Certe ego, quum difficile sit, una in re excellere, non possum satis admirari vim prope divinam

ingenii Tui, quo tot tantasque res ita amplexus fueris, ut, quae multis satis esset laus ad nominis aeternitatem, ea coniuncta in Te uno reperiretur. Quare vix invenio, cuius exemplum aeque ac Tuum commendare possim ad aemulandum iuventuti harum literarum studiosae:

sub Te tolerare magistro  
Musarum grave discat opus, Tua cernere  
facta

Adsuescat, primis et Te miretur ab annis!

Scrib. Dresdae Kal. Iuniis MDCCCXXX.

---

---

EX  
P R A E F A T I O N E  
E D I T I O N I S P R I M A E

ANNI MDCCCLXVII — LXXI

---

— *pessimus morbus, ut multa ex obscurioribus transilient, in satis vero perspicuis ad fastidium immorentur et exspatiantur scilicet.*

BACO DE AUGMENT. SCIENT. lib. VI, cap. 8.

**D**ifficile est Virgilium et sine interprete recte legere, et cum interprete. Sunt enim multa in doctissimo poeta, quae pueros non modo, sed viros satis acutos exercitatosque, etiam in repetita lectione, tenere, aut quae, cum non sine multarum rerum scientia nec sine subtiliore et subacto iudicio cognosci possint, legentis oculum fugere soleant, quamvis sint summa cum arte posita, pulcerrime a poeta dicta et ad sensum iucundissima; ut adeo voluptatis et utilitatis ex lectione percipiendae fructus liberali boni interpretis opera non parum sive maturentur sive augeantur. Dum tamen cum interprete poetam legis, vix fieri potest, ut cum recto sensu ac iudicio eum legas. Infringitur enim animi modo ad poetam, modo ad commentatorem conversi intentio, et retardatur impetus; pectus vero, quod magnarum, sublimium, et pulcerrimarum rerum ac sententiarum spiritu



incaluerat, subinde refrigeratur; avocatur mens ab operis summa et ab universae virtutis ac praestantiae cognitione, quae non tam in singulis rebus quam in partium inter se convenientia et ad commune consilium conspiratione cernitur; ex singulis tantum et minutis modo sentiis modo verbis aestimare poetam, et saepe id adeo ad alterius tantum nutum et nasum facere, discimus; quo ipso voluptatis ex carminis dulcedine capiendae magna pars intercipitur, quae, iam per ipsam ex retardatione molestiam, non admodum imminui non poterat. Huic tamen malo medela parata est ex repetita lectione. Enimvero nec minores difficultates ipsum premunt interpretem. Namque eius et ingenium rerum minutarum infinita copia ac subtilitate obtundi, obscuraque opera obscurari, et, dum in aliorum sensu acuendo desudat, proprium sensum obrui et hebetari necesse est. Ita, dum undique et ad singula verba, quibus aliqua difficultas, ad aliorum quidem intelligentiam, adhaerescere forte possit, circumfert et intendit animum, multa interdum occurrere solent minus cum re coniuncta; et excidere nonnunquam id, quod ad illum locum quaerebatur. Cum etiam multa sint, quae sentiri quidem facile possint, sed quae exponere admodum difficile sit, dum in iis commode explicandis et illustrandis defixus animus est, fieri solet, ut sensim sensimque ad alias rerum notiones et imagines delabaris, et tandem explanationem et interpretationem subiungas, quam, si in alio deprehenderis, quomodo ei in mentem venerit, assequi vix possis. Quae omnia non modo nostram sed communem interpretum conditionem duram satis et iniquam esse docent, ita ut in eo genere perfectae aliquid et absolutae operae vix expectari possit.

Mihi vero in Virgilio perpetuis commentariis illustrando, nam variantes lectiones congerere, aut

notulas passim adspargere, aut excerptas observationes ex schedis colligere et transcribere non tantum difficultatis habuisset, sed in Virgilio perpetuis commentariis illustrando et maiores et plures molestiae obiiciebantur ex superiorum interpretum copia et multorum operosa commentatione. Nam in poeta versabar, a tot interpretibus tentato, ut, si unusquisque ex iis vel unum tantum locum satis illustrasset, nihil in toto Virgilio obscuritatis relictum esse, sin unum saltem quilibet locum obscurasset, in toto nobis Virgilio caecutiendum esse videri deberet. Quos quidem omnes a me perlectos esse, neminem a me expectare velim: primo loco Servium, Probi lacinias, cum exscriptore Iulio Sabino, Donatum et Philargyrium, tum Heinsium et Burmannum, a quibus tamen ad interpretationem parum fructus feras, Cerdam, doctum et laboriosum, minus forte ingeniosum, interpretem, cuius tamen copia et eruditio non raro plus molestiae, quam boni fructus, habere solet; praeter Guellium et Ursinum, cum Martino, interdum Catioeum et Ruacum, evolvere satis habui: e quibus commentariis multum me profecisse non infitior, saepe tamen iis in locis, in quibus ipse haererem, utilitatis parum, taedii vero plurimum, inde ad me redire sensi. Destitutus enim ab iis, quoties eorum operam desiderabam, in aliis, quae nullum alienae opis desiderium faciebant, tam copiosos ac doctos eos esse videbam, ut, quomodo tot elegantium et acutarum observationum fructu adolescentes nec plane privarem, nec cum taedio satiarem, non facile invenirem. Offendi ad alia prave accepta, male exposita, aut obscurata, quae mihi satis clara ac perspicua visa erant; ita ut interdum nescirem, in quam partem me verterem; illustrationem enim haec a me postulabant, an vero ea, quae minus bene allata erant, refellerem dubitabam. Ab hac enim illiberalitate intactum pectus

semper habui, ut refellendis aut elevandis aliorum dictis indignam et ignobilem gloriam captarem. Multo magis abhorruì a foedo illo more, cavillationes scurriles et contumèliosa dicta in alios laude seu merita seu immerita ornatos iaciendi, aut, ut habeas, quo eos exagites, dicta ab iis impudenter calumniandi. Contra gratum mihi et iucundum ingenuaeque indole dignum visum est, profiteri per quos profecissem; meque meliora edoceri a melioribus atque etiam refelli, animo aequo fero, et vero etiam laetor. Quemadmodum tamen, minus recte aliquid dictum esse, facile interdum est animadvertere; qua tamen in re erroris momentum lateat, dicere, et nebulas erroris obiectas sine longa disputatione, dispellere, difficile est: ita multum interdum consumsi operae, ut uno verbo erroris fontem et causam declararem, aut ut illud apponerem, quo simili aliorum errori occurreretur: cum modo usum loquendi poeticum, modo poeticum aliquod phantasma, modo mythicam rationem parum recte teneri viderem. Sed monui fere verbo tantum; cuiusmodi si nonnulla forte occurrent, quae, cur a me apposita sint, non statim assequi possit lector paullo acutior: respectu ad nobiliorem aliquem commentatorem, quamvis a me non nominatum, habito, adiecta ea esse meminerit, ut, cum viri etiam docti in eum errorem essent abrepti, adolescens, qui in similem errorem aut difficultatem aut in eundem interpretem inciderit, statim habeat, quo eum redarguat. Ceterum eam legem, quae unicuique interpreti proposita esse debet, ut nihil, quod luce aliqua indigeat, cum ad illustrandum difficile sit, omittat ac praetereat, nihil autem, quod satis lucis per se habeat, alienis luminibus affusis offuscet et obscurret, nunquam ex oculis dimisi, eaque industria et cautione me illud assequutum esse spero, ut, si non raram doctrinam et exquisitas ubique obser-

vationes attulerim, at utiles tamen commentarios in poetarum principem condidisse videri debeam, in quibus ea proposita sint, quibus eius lectio adiuvari, commendari, et, si non omni molestia liberata, at cum voluptate tamen aliqua coniuncta, videri possit. Itaque nec doctrinam poetae\*) illustrare neglexi, et, si qua ab eo erudite, hoc est, sive ex fabulis et historiis arcessita sive ex Graecorum poetarum imitatione posita essent, illa loca, si supersunt, excitavi, nec tamen, etsi hoc nunc factum esse interdum mallem, integra adscripsi, ne moles commentariorum modum excederet. Quo eodem metu nec exempla coacervare in dictione explicanda volui, sed, cum brevitatem unam omnium maximam virtutem talis operae esse putarem, quotiescunque licuit, aut verbo rem monui, aut ad viros doctos lectorem remisi, qui copiosorem disputationem desideraret.

Nec tamen totam meam qualemcunque operam his finibus circumscribi passus sum. Cum Virgilius is sit, in quo legendo magna iuveniliū studiorum pars consumi soleat, eo quidem consilio, dummodo multi id sibi propositum haberent, ut ad adolescentum ingenia polienda, ad sensum et gustum pulcritudinis acuendum, ad iudicium de omnibus iis, quae ab arte et ingenio elaborata et expressa oculorum animique sensui subiici possunt, informandum valere illa lectio et vim habere debeat\*\*), feci id, quod in alio poeta,

\*) Profitetur eam poeta ipse in Epistola ad Augustum Caesarem; ait enim: *se impertiri* (h. e. adhibere) *alia quoque studia, quam numerorum et poetices, multoque potiora, ad id opus*, Aeneidem puta. Haec sunt ea, quae ad antiquitatem mythicam, inprimis Italiae, et

ad Tragicorum lectionem spectant.

\*\*) Quintil. I, 8, 4 *Cetera admonitione magna egent, inprimis, ut tenerae mentes, tracturaeque altius, quicquid rudibus et omnium ignavis insederit, non modo quae diserta, sed vel magis quae honesta sunt,*



qui non ita omnium manibus teritur, aut non nisi a callentioribus et doctioribus legitur, non mihi faciendum esse putarem, ut non modo ad ea, quae difficilia ad intelligendum et obscura sunt, verum ad illa etiam legentium animos adverterem, quae pulchra in poeta et praeclara insignique aliqua venustate nobilitata sunt, ut iisdem, in aliis poetis, sive observandis acprehendendis sive diiudicandis, adsuescerent. Quam interpretum sive sollertiam sive industriam cum saepe in puerili lectione desiderarim, aliorum votis similibus satis facere hoc instituto volui, simulque exemplum proponere iis, qui alia bona disciplina usi non sunt, ut habeant, ad quod se componant, si in iuvenili coetu poetas praelegunt et interpretantur. Quamquam enim illa ratio difficultatis aliquantum, paullo plus etiam in se habet, quam promittere videtur; sine tali tamen interpretationis genere vix ullus verus fructus ad elegantiam et ingenii perpolitionem aut orationis exornationem ex poetae lectione capi potest.

Poeta ipse ex Burmanni recensione, quae Heinsianam sequitur, unice expressus est \*); nec quicquam in contextu mutatum; non quod non loca in Virgilio adhuc aut mendo aut mendi suspitione laborare existimem, verum quoniam magna harum correctionum pars ad sensum parum spectat, nec ubique ad orationis elegantiam, sed plerumque in verbis et formulis versatur, in quibus librarii, grammatici, critici, et editores contendere inter se solent, ut quod alius eiecerat, alter revocet.

*discant. Ideoque optime institutum est, ut ab Homero atque Virgilio lectio inciperet; quamquam ad intelligendas eorum virtutes firmiore iudicio opuseset. Sed huic rei superest tempus: neque enim semel legen-*

*tur; interim et sublimitate heroici carminis animus assurgat, et ex magnitudine rerum spiritum ducat, et optimis imbuetur.*

\*) In prima scilicet editione.

Omnino autem in recensione scriptoris antiqui, in ipsis eius verbis innovatio omnis critica non modo periculi et dubitationis habet plurimum, verum etiam, dum subinde nova exemplarium discrepantia infertur, ea res plus molestiae et taedii quam fructus et utilitatis affert; ut adeo, ex quo lectio alicuius scriptoris semel fuit ad codicum fidem accurate satis constituta, ea, quae sive ingenii acumine sive codicum ope mutari possint, nisi ipsam scriptoris sententiam afficiant, notis et observationibus servari malim. Virgilius autem a trecentis inde annis tot doctissimorum virorum studia expertus est, ut, inprimis post Heinsii ac Burmanni operam, nemo facile tam vanus auctor reperiatur, qui e libris scriptis multa praeclara, quae nondum ex aliis libris notata sint, polliceri ausit. Aliter se rem habere novi in scriptoribus, quorum exemplaria pauca aut extant aut inspecta sunt. At eorum scriptorum, quorum codices et aetate et bonitate praestantes magno numero iam inspecti sunt, si alios codices vulgares comparaveris, omnis fructus plerumque ad sollemnes aut novos errores librariorum, et varietates iam aliunde notas redit; ita male collocatur otium. Itaque, si quis lectionis varietatem ex optimis libris ad nostrum usque tempus undique congestam consideret, ad emendatiorem et ornatiorem Virgiliani carminis lectionem operam recentiore multo minus fructuosam fuisse intelligat, quam superiorum temporum diligentiam; a novissimis autem Criticis vix quicquam varietatis e codicibus esse enotatum, quod non ex aliis libris iam notatum et plurium librorum consensu esset confirmatum; pleraque, quod ipsi tribus codicibus comparandis experti sumus, ad aberrationes librariorum redire; at in iis locis, quae vulnus habent, quod sententiam orationis obscuret, restituendis ac sanandis, ab his codicibus non magis quicquam utilitatis quam a ceteris arcessi posse.

Itaque ex innumeris iis codicibus, qui adhuc passim in bibliothecis latent, licet eos excuti non omnino inutile fore pronuntiem, ad summam tamen rei vix quicquam valde memorabile et insignis alicuius utilitatis expectandum esse arbitror. Plerisque, e Latinis certe, auctoribus, qui quidem accurata et sollerti lectione digni sint, emendandis et poliendis satis insudatum est, ut iam iis venia certe danda sit, qui emendatae huius lectionis fructum aliquem capere, nec omnem operam in rimanda lectionis varietate, aut ariolandi et coniectandi lubidine, ponere, aut auctores ad grammaticam modo et criticam subtilitatem recte intelligere, verum, cum ipsis rebus et sentiis, etiam eorum artem in inveniendis, eloquendis, et ornandis rerum argumentis, sententiarum ac verborum delectu, perspicere et eorum exemplis addiscere velint, quomodo ipsi sibi maiorem ingenii et orationis elegantiam comparent. Cum tamen Virgilium eum esse meminissem, in quo criticae alicuius facultatis copiam, qua nullus ingenuae doctrinae homo sine magno et suo et disciplinae, ad quam sese adiungit, detrimento carere possit, adolentes optime possint sibi parare, nolui vel hanc utilitatem ab hac editione seiungere. Itaque non modo variantes lectiones ex Burmanniana editione, praeter paucas prorsus inutiles, omnes excerpti, in meliorem ordinem digessi, iudicio etiam qualicunque meo adiecto; verum etiam varias lectiones ex Pierianis notationibus, quae Tomo istius Editionis quarto seorsum excusae sunt, subiunxi. Ex Martiniana porro Eclogarum et Georgicorum recensione septem codd. varietates suis locis inserui, et ex Edimburgensi emendationes Cuninghami, codicem Mediceum a Foggino expressum, Vaticani codicis fragmenta a Bottario excusa, codicis Romani varias Lectiones ad calcem ab ipso adiectas sedulo comparavi et exscripsi; trium etiam codi-



cum, quos cum insigni aliquo bene de me et de Virgilio merendi studio Vir Illustr. Iul. Car. Schlaegerus et obtulerat et inspiciendos miserat, excerptas lectiones, de quibus paullo post dicam, subieci. Constitutum quidem ab initio habebam, dilectum aliquem variantium lectionum, quod iussus eram, facere. Enimvero, quo magis rationes, causas, et usus earum in quocunque scriptore intellexeris, eo difficiliorem huius consilii effectum esse praevideas\*). Deinde, si iuventutis utilitatem respiciendam esse duxeris, ut ii aliquem harum rerum usum consequantur, in tali editione, multo autem magis in tali poeta nihil abesse volebam, quo ad varietatem lectionis eiusque usum omnino cognoscendum adducerentur. Reiskii coniecturas nonnullas et observationes pro multiplici variaque doctrina, quae in eo Viro est, et generosiore in correctionibus spiritu, non contemnendas, in variis ad Georgica locis inserui; miserat enim ad me Vir et olim mei studiosus pro benevolentia sua et humanitate Georgicorum exemplar manu sua notatum ea lege, ut, quae inde tollere aut relinquere vellem, libertatem faceret.

Et hactenus quidem de conatibus meis in ipsum poetam. Restat, ut breviter indicem ea, quae huic praefationi subiecta sunt. Primum, cum variantes lectiones ex satis magno codicum scriptorum numero excitandae essent, quorum ut alii, qui eandem mecum telam non detexuere, notitiam, et quanta cuiusque auctoritas esset, in promptu haberent, postulari non poterat; subiungenda erat aliqua eorum notatio et descriptio, in qua, re ipsa invitante, non modo nonnulla diligentius excussi, quae ad horum codicum historiam spectarent, ve-

\* Vid. modo Wetstenii proleg. praef. ad Moerim p. XX. Ven. ad N. T. p. 199—201. Pierson. Ernesti praef. Taciti a. 3.



rum etiam, cum valde turbatam et confusam hanc critices partem esse viderem, altius rem exorsus sum, ut omnino de codicibus quaererem, quorum quidem unquam ab editoribus Virgilii mentionem et notitiam factam videram. In quam commentationem cum semel incidissem, eo deductum me vidi, ut in eas editiones inquirerem, quae ex codicibus scriptis excusae aut emendatae esse traderentur. Processit ita non animadvertenti studium ad ipsam contextus poetae quam dixeris historiam, in qua cum omnia fere tenebris obducta et obscurata viderem, cumque, quae animi humani natura est, indigne ferrem, quoties de antiqua aliqua editione ageretur, haerendum et dubitandum esse, quorsum illa referenda, quae eius auctoritas habenda esset, opera tandem hac semel defungendum esse arbitratus sum, ut in editionum ordines et classes, stirpes ac familias, paullo accuratius inquirerem. Qua in re ut quadam tenus saltem procedere liceret, editionum ante omnia annales quidam erant conficiendi. Ea omnia subiunxi, non quod in iis eo, quo contendebam, pervenisse mihi videbar: non enim haec ab uno homine perfici possunt; et multa erunt, quae ad alterum ac sequentes forte Tomos accuratius et emendatius tradere licuerit; verum quoniam, si vel lineae earum rerum duci possent, utile et hoc ad critica haec et litteraria studia esse arbitrabar. Quem enim fructum satis magnum ex his litteris tulissem, nisi inde animum ita comparare et instituere didicissem, ut aliorum utilitatis potio rem rationem habendam esse putem, quam vani alicuius metus, ne existimationi meae ac laudi quicquam inde decedat, dum inchoatam et descriptam tantum operam publice propono, in qua unicuique facile sit et promptum, habere forte et memorare, quae ad eam perficiendam deesse possint. In promptu enim erit unicuique, cui editio mihi non visa ad manus

sit, aut erroris aut omissionis me arguere. Vitam etiam Virgilii meo studio confectam subiunxi, de qua quidem sub eius initium nonnulla monui; rem autem utilissimam atque etiam necessariam suscipere putavi, cum aliis de causis, tum propterea, quod multa in Eclogis, multa in Georgicis, episodica etiam nonnulla in Aeneide, ex reipubl. Roman. statu et conditione eorumque annorum rebus gestis explicanda sunt. Itaque etiam in notis et in ipsis argumentis Eclogarum et Georgicorum, in quibus naturam et artem carminis potissimum tradere volebam, nonnulla commemoravi, quae ad tempora, in quibus ea carmina scripta sunt, cognoscenda spectarent. Nisi enim vita, conditio, fortuna auctoris, et publica rerum facies, quam ipse ante oculos habebat, cum scriberet, nota sit, multa in unoquoque scriptore obscura nec satis expedita manere necesse est. Quamobrem hoc interpretationis genus, quod ex interiore eiusmodi historiae notitia petitur, imprimis probandum esse existimo\*).

\*) Subiiciam hic ex prior editione disticha, quibus eam *Fr. Wilh. Iahno*, amicissimo viro, inscripseram.

## V I R G I L I U S

Si tibi, cui recte tradas me, quaeritur, ipsa  
Quemque Thalia probet, cuique placere velim:  
Aude temnere opes; fuge lubrica limina regum.  
Quos colui, haud omnes Caesaris aula tulit.  
Sat tolerata mihi fastidia lenta potentum!  
Saepe alter *Bavius* tu mihi, *Caesar*, eras!  
Nunc mihi quaere *Bonum* et *Sapientem*; in pectore *Sancto*  
Cui *Rectam* mentem *Musa Deus*que dedit;  
Qui servare fidem *nulla mercede*, probare  
*Recta*, interque *minas* et *sine laude*, queat.

Hic mihi sit *Varius*; iuvet huic me iungere amicum,  
Inque tui LAHNI delituisse sinu.  
Addideris cari fidum HENNI pectus: amicis  
Redditus ah! priscis sic mihi visus ero.

*Plotius et Varius — Virgiliusque*  
— *animae, quales neque candidiores*  
*Terra tulit, neque quis me sit devinctior alter.*

Horat. Serm. I, 5, 40.

---

E X

P R A E F A T I O N E

TOMI SECUNDI EIUDEM EDITIONIS  
PRIMAE

EXCUSI ANNO LXXI

---

**I**nter Virgiliani carminis dotes praecipuas *doctrinam poetae et sermonis poetici praestantiam* me habere, ex iis, quae passim a me dicta sunt, intelligitur. Ut eas paullo accuratius declararem, quandoquidem Virgilius is auctor est, in quo iuvenilis aetas exquisitoris doctrinae initia imbibere solet, praeter cetera boni interpretis officia, propositum mihi in Commentariis meis fuisse, iam in praefatione ad priorem Tomum professus sum. Quam operam iis maxime praestare volui, qui non in eo acquiescendum sibi esse putant, ut universe sibi dictum audiant, magnum ac doctum esse poetam; in quo tamen ingenii illa vis ac doctrinae copia orationisque pulcritudo posita sit, non assequantur. Accidit mihi ipsi saepius, quod et aliis evenire solet, ut hunc vel illum locum sive audirem sive ipse bene sentirem esse sublimem, magnificum, divinum; dictionem praeclaram, poeticam; ut tamen nec



intelligerem, nec, si intelligerem, declarare possem, *qua* tandem *in re* pulcritudo illa, dignitas, et maiestas Virgiliani carminis spectanda esset. Habebam sensum aliquem praeclarae alicuius pulcritudinis, sed obscurum, iudiciumque mentis confusum et turbidum, quod nec mihi expedire possem, multo minus aliis, nisi ut exclamarem, pulcrum locum esse! Neque aliter rem se habere vidi in vernaculorum poetarum lectione; intellexi enim difficile multis esse, diserte satis exponere, quae tandem in iis, quae pulcre et praeclare conscripta mirarentur, pulcritudinis caussae essent; rerumne inventio, an tractatio, an enuntiatio, laudis summam contineret, et, quando oratio tam laudabilis esset, qua tandem re praeclara illa orationis virtus spectanda vel declaranda videretur. Potest enim aliquis verborum sensus tenere perbene; potest poetarum lectione esse tritissimus, in libris quoque, qui de sensu pulcritudinis agunt, versatissimus; fac critica quoque opera esse exercitatum; tamen is non parum forte haereat, si ab eo postuletur, ut rerum a poeta expositarum claras notiones expositionisque virtutes, tractationis artificium, orationis ornatum, aliis perspicue et plane declaret. Hoc illud est, quod plerumque in summis criticis animadvertas, ut in detegendo ulcere in verbis latente et in medela invenienda miram sagacitatem adhibeant, argumenti tamen tractationem locorumque difficiliorum sententias parum ipsi assequantur; quid? quod haud raro ne suarum quidem emendationum aut interpretationem commodam afferre, aut rationem idoneam reddere possunt.

Difficultatem hanc sensi obiectam maxime tum, cum *poeticam orationem ad solutam revocare* vellem. Mox tamen *in hoc ipso rerum cardinem versari* vidi, si quis poetici sermonis vim et naturam, copiam, ornatum percipere velit, ut tum demum

profecisse aliquid ad eam rem sibi videri debeat, ubi easdem res ac sententias communi sermone exponere et poetico habitu et ornatu nudatas animorum sensibus exhibere in promptu habuerit; ita enim in sensum oculosque incurrere, qua doctrina, ingenio, orationis vi, a poeta eadem res exornatae et commendatae sint. Non nisi in praestantioribus vel difficilioribus locis, nec semper nec ubique, hoc esse faciendum, per se intelligitur.

Ut itaque ornatissimam poetae orationem declararem et explicarem; id vero breviter facere, consilium et ingenium meum suadebant; nulla mihi ratio visa est commodior, quam ut, versu indicato, *sententiam soluta oratione*, sed *verbis propriis*, subiicerem, iisque dilectu, positu, et iunctura ita temperatis, ut poetici ornatus semina et causas continerent; unde adolescens, semel monitus, comparatis poetae verbis, facile assequi possit, qualis poetici phantasmatis ratio et natura per se sit, qualisque amplificatio et exornatio poetae arte accesserit, unde color poeticus, sententiae dignitas vel sublimitas, orationis dignitas et ornatus, petitus sit; quid in ipsis verbis, verborum dilectu, structura, collocatione, gravitate, pondere, ornatu, copia, exquisitiore aliqua flexione, figura, aut toto orationis habitu, cultu, elegantia et dignitate, immutato et inverso vulgari ordine, poetae artem et iudicium commendare debeat.

Pleraque *verbo* tantum monui; sed ut verbum illud rei et consilio meoque sensui satis consentaneum reperirem et exputarem, etsi illud nunc, cum a me appositum est, satis obvium, et vulgare forte, videri potest, saepe tamen intentione cogitatione et cura opus fuit, quam ad multas et copiosioribus notis conscribendas. Alia mihi

monenda fuere, cum interpretum aliquem et virum doctum in hoc vel illo loco et verbo haesisse viderem; nam faciebat ea res probabile, fieri posse, ut etiam alius ad eundem scopulum offenderet, etsi meo sensu locus nihil difficultatis habere visus erat; sed monui verbo, plerumque nulla alia re, quam vera interpretatione subiecta; quae si cui otiosa vel levis visa fuerit, antequam de eius inutilitate pronuntiet, alios velim interpretes et commentatores evolvendos sibi esse putet.

Ceterum operae meae, etsi tumultuariae fere, cum, post priorem Tomum vulgatum, poetam, per plures annos sepositum, moxque repetitum, per mensium saepe plurium decursum itidem aliae curae et officiorum partes manibus excuterent, ratio fuit fere haec, ut *primum* particulam aliquam poetae ad meum sensum interpretarer, quaeque monitu necessaria viderentur, adscriberem, *tum* interpretes consulerem, primum veteres, tum recentiores. Quam vellem omnes, saltem plures, a me potuisse inspicere, aliorumque copiis meam penum locupletari! Non dubito, et ex vetere lectione etiam memoria teneo, in sexcentis libris doctorum virorum Virgiliana loca illustrari vel obscurari. Poterunt post me alii aliunde opes novas congerere, aut ex aliorum accuratiori doctrina operam meam emendare; etsi super Virgilio multa dicere facile est, at, pauca recte dicere, satis difficile. Ego quidem cum non possem evolvere omnes, sumsi in manus optimos, saltem doctissimos, quos in praefatione prioris Voluminis huius editionis commemoravi; et, nunc in Aeneide, e recentioribus Trappium et Wartonum. Pierii, Heinsii, et Burmanni copiae ad lectionis varietatem et veritatem spectant; ad interpretationem parum inde profe-



ceris. Servium accurate comparavi, tum Ruhnkenii, doctissimi et humanissimi viri, monitu excutatus Iulium Pomponium Sabinum, qui veterum Grammaticorum fragmenta, e pleniore quoque Servio, nonnulla servavit. E Donati grammaticis et rhetoricis argutiis potest forte alius, qui otio abundat, pauca adhuc legere, quae utilitatem habeant; etiam ex diligente comparatione Anthologiae Latinae. Omnino velim mihi aliquem dari, qui a Silii Italici, Valerii Flacci, Statii et Lucani, Ausonii et Claudiani lectione recens studium suum ad Virgilium convertat! non ut ille loca similia et parallela inani ac vana ambitione congerat; verum Poetae illi, quos ad Virgilium se composuisse totos manifestum est, dum non modo in carminum ratione et ordine, verum in ipsa quoque elocutione, in singulis versibus ac verbis, exprimere eum laborant, saepe interpretationem locorum Virgilianorum suppeditant. Mihi acquiescendum fuit in iis, quae ex pristina lectione memoria retineret, aut quae passim in excutiendis locis vel interpretibus occurrerent.

Ut tandem *poetae artem ac doctrinam* declararem; cum ingenii et iudicii, quo ille celebratur, laus ea in re inprimis emineat; vanum enim est, quod multos iudicare audias, poetam omnia ingenio, nihil arti, debuisse; investiganda esse putavi, quae essent vel inventa a poeta vel aliunde, maxime e Graecis, translata, cum in toto argumento et materia singulisque eius partibus, tum in rerum verborumque ornamentis. Quae res cum non semper nota aliqua commode comprehendi posset, sed in disputationem paullo longiorem excurreret: praestare putavi, ut in *Excursus post singulos libros insertos* talia reicerem.



Quae mihi proposita fuerint, ingenue exposui; nollem me tam longe abesse ab eo, quod sequutus sum. Satis tamen mihi est, poetici cultus ornatusque declarandi, omninoque poetae interpretandi, exemplum proposuisse; quod nec minus ad aliorum poetarum, etiam recentiorum, lectionem rite instituendam, utilitatem habere possit. Scr. in alma Georgia Augusta: d. xxii. Aprilis c1910cclxxi.

---

---

E X

P R A E F A T I O N E

TOMI TERTII EIUSDEM PRIMAE EDI-  
TIONIS

EXCUSI ANNO LXXV

---

**A**bsolvi tandem, deo favente, enarrationem Virgilii, rem non tam per se arduam, quam homini molestam ac difficilem, qui non nisi per intervalla, satis multo interdum interiecto tempore, ad eam redire, nec nisi operae subsecivae partem aliquam ei impendere poterat. Cum primum spartam hanc susciperem, nihil amplius a me postulabatur, quam ut excerptis variis lectionibus et adpersis seu aliorum seu meis hinc inde notulis instruerem Virgilium in puerorum usum; ut librarius haberet libellum, quem proximo mercatu rerum forensium distrahere posset venditione parata ac facili. Etsi bene noram, operam eam esse expeditam et parum difficilem, ut notam et observationem allinas, non, ubi is, qui legit, notam requirat, sed ubi, quod notes, ipse in promptu habeas; (eum autem morem commentandi ad veteres auctores multorum esse virorum doctorum intelligo) parum tamen placuit ea conditio et tum, cum ea ferretur, et multo magis post, cum manum operi admoverem; rem enim indignam me facere videbam viro bono, qui in eo operae genere, quo publicam utilitatem propositam habere et doctrinam adolescentum alere et

possem, et deberem, non id sequerer, quod consilio huic consentaneum factuque optimum iudicarem. Erant ante oculos tot exempla veterum scriptorum, in quibus, cum seu notas aliorum colligere vel excerpere, seu notulas suas adspargere propositum habuissent editores, etsi accessit forte bonae frugis aliquantum, effectum tamen est, ut ei, quod in nova editione, quae interpretationem aut commentationem in fronte promitteret, expectandum et optandum erat, satisfactum sit parum aut nihil, etsi cum emtorum impensa haud modica in librum eroganda. Omnino ea fuit frequentata ratio ab editoribus superiorum temporum tantum non omnibus; si Gesnerum forte, multo magis Ernestium excipias; ut aut criticam subtilitatem, in verbis scilicet, ne in sententiis quidem, solam dignam putarent viro docto, aut notis Variorum in unum cinnum, seu in saturam, coniectis, pannorumve more inter se consutis, ita interpretationi se consuluisse crederent; aut ut subinde, ubi occurreret oculis vox rara et exquisita, formulave loquendi doctior, in hanc involarent et exemplorum congerie, interdum sexcentis iam in locis cumulata, tanquam Caeneum in fabula, obruerent: interdum prorsus securi, quae tandem verbi vis in eo loco esset, ad quem haec omnia converrebant. Memini itaque me subinde in lectione veterum auctorum indignatione excandescere, cum in locis, in quibus haerebam, nihil auxilii, ne monito quidem, locum esse difficilem, impeditum aut corruptum, contra vero alia omnia, quae nemo desideraret, apposita viderem. Inprimis autem animum pupugerat ea cogitatio, quod Virgilium noram esse in paucis illis scriptoribus, quos in scholis praelegere et interpretari solent magistri, eumque fere proponi iis, qui profectus iam aliquos in literis fecerint, et mox in academias sint abituri. Videbar igitur operae pretium facturum esse, si et magistris et ado-

lescentulis, saltem generosioris indolis, tradere possem in manus poetam ita adornatum, ut in interpretandi rationem artemque luculentior, quam qua vulgo uti solent, inde discerent, et apparatus criticum haberent locupletior, unde varietatis ac corruptelae varium morem, medelae afferendae sagacitatem, ac criseos faciendae gustum aliquem, capere ac parare sibi possent. Etsi enim editiones haberemus Virgilii multas et praeclaras, nullam tamen videbam esse, quae tali consilio satis responderet. Nam Burmanni editio criticas rationes potissimum sequitur; nec ubique; ad interpretationem autem parum praesidii habet. Cerda vero, totus interpretationi addictus, doctissimus homo, partim, pro saeculi sui more, copiam effundit inutilem, partim iudicio utitur parum subtili et explorato. In Ruaeo ac Catroeo, non indoctis interpretibus, altero etiam ingenioso homine, etsi paullo iactantior, quam ut aequo animo ferri possit, doctrinae subtilitatem facile desideres; ut contra in Trappio, qui multa utilia et ab aliis haud animadversa affert, et iudicii acumen et vero etiam ingenium poetica elegantia politum. Coniunctas autem et doctae interpretationis et criseos accuratae ac diligentis partes, ut esset exemplum in Marone propositum, quo uterentur, qui has literas paullo eruditius tractare vellent, nusquam videbam.

Quae cum animo volverem, statim ab initio fundum ieci interpretationis meae multo amplior, quam pro eo in quod conventum erat. Idque potius respexi, quid me deceret, quam quid a me postularetur. Nec me poenituit operae. Expertus enim sum favorem eximium ac studium virorum doctorum singulare, etiam in condonandis erroribus, quos, inprimis in priore Volumine, cum festinatio tum imbecillitas humana effudit plures: quorum indiculum subiicerem, nisi spes



esset, fore ut paullo post hoc ipsum volumen recudatur.

Quae in interpretatione mea potissimum spectarim, satis, puto, expositum a me est in praefationibus superiorum voluminum. Neque ideo repetere necesse est, me et doctrinam Virgilii et orationis poeticae indolem ac causas inprimis enucleare voluisse. Quod si reprehensum in opera mea fuit, me in nonnullis locis tenuia esse sequutum, potest hoc forte aliquoties factum esse parum opportune; non tamen oblivisci debebant viri docti id, quod iam olim diserte monui, me fecisse id sedulo in iis locis, ubi superiores interpretes aut haesisse aut lapsos esse videbam; tum formula loquendi per se forte erat satis nota, cum cumulasent alii exempla, sed causa et ratio, ut in plerisque fieri solet, minus erat seu observata, seu perspecta: hanc digito monstrare volui; tandem et multa in hoc genere esse solent satis obvia, si semel ab aliquo observata et explicata fuerint; non raro tamen evenit, ut illa ipsa facillima ratio, antequam monstrata esset, plerorumque oculos fugeret.

A cumulandis exemplis sedulo abstinui, cum omnino essem proclivior ad observandas causas formarum loquendi et elegantiarum; possunt enim exempla alicuius formae apponi vicena, et tamen obscura manere formae vis ac ratio: id quod saepe in virorum doctissimorum, etiam Nic. Heinsii et Burmanni, disputationibus longissimis factum animadvertas; dum, quid ex his colligi possit ac debeat, aut ipsi parum perspexere, aut, si perspiciebant, monere neglexere. In elegantia autem et ornatu orationis, inprimisque poetico, multum refert, an teneas causam ac modum figuratae dictionis, inversae structurae, mutatae vulgaris consuetudinis in exquisitiorem ac doctiorem, quae poetam deceat; nec nisi haec perspexerit aliquis ac-

curateque tenuerit, in patrium sermonem aut transferre ista aut imitari et aemulari recte potest. Tum brevitatem propositam habui, quantum licuit. *Nil moliri inepte*, non minus debet infixum esse interpretis animo, quam poetae. Inprimis autem illud aureum Plinii dictum memoria excidere non passus sum, quod in bonum interpretem non minus, quam in virum verecundum cadit: *ut nihil ad ostentationem, omnia ad conscientiam referrem*; hoc est, ut *non mihi* notas appingerem, *sed legenti*. Et si fatendum est, vix ullum aliud studium tam parum ad certum consilium ac finem attemperari a plerisque, et operam edendorum illustrandorumque scriptorum plerumque adeo incertam et male circumscriptam vagari, ut quid sibi sequendum, quid omittendum esset, omnibus aliis magis constituisse videas quam editoribus. Digna res est, quae alio loco accuratius, forte etiam opportunius, a me exponatur; nunc ad alia procedendum est.

Monui forte interdum nonnulla, quae ante me ab aliis, etiam per hos annos, quos in Virgilio interpretando per intervalla consumsi, iam occupata fuere; omisi forte alia, quae ab aliis egregie illustrata sunt. Nec dubito, multa ornamenta meae operae inde accedere potuisse, si varios virorum doctorum critici argumenti libellos evolvere ac comparare potuissem. Sed animum, variis curis iam sic satis districtum, novo et molesto studio onerare ac deprimere parum consultum erat; tum vero iam ante professus sum, idque etiamnum profiteor, habere me hoc in votis, ut ad editionem hanc novis curis emendandam ac locupletandam conferant suas opes et copias viri docti et publice proponant, qui in poeta interpretando ea utentur. Ita demum expectari potest, ut summus poeta dignam se nanciscatur interpretationem. Sunt enim in hoc genere innumera, in quae incidas potius, quam ut ea meditando extundas, nec unius facile

hominis sagacitas aut studium consequatur omnia. Fuere quoque viri docti, qui votis his meis responderent. Proposuerunt enim supplementa in *Georgica Geislerus, Bergstraesser, Nezker*, viri doctissimi, inter quae non pauca sunt, quae ipse in nova prioris Voluminis recensione amplectenda putabo. Accepi communicata alia per litteras a Ven. *Ernestio*, et a *Ruhnkenio*, viro in arte critica utriusque sermonis summo, quae in nova editione suis locis inserenda erunt.

In varietate enotanda ab initio onus mihi imposueram, ipso operae processu adeo molestum, ut interdum vix tolerari posse videretur. Sed receperam semel, omnem me varietatem non modo ab Heinsio et Burmanno enotatam, verum et Pierianam, et sic porro, esse adiecturum; cum equidem fidem putem esse praestandam etiam in eo, quod male receperis, nolui ab eo, quod semel susceptum erat, recedere. Tum virorum doctorum iudicia super varietate lectionis et codicum comparatione plerumque ea sunt, ut nihil omitendum esse putent, quod in aliquo libro scripto, vel ex scriptis edito, aliter, quam vulgo legitur, exaratum sit. Si tamen in Virgilio hoc forte concedi potest, tanquam in poeta principe, in quo nihil nimis leve esse possit, et in quo critices rudimenta facienda sint adolescenti: nolim tamen cuiquam eandem rationem probari in aliis minoris dignitatis scriptoribus. Si enim in Virgilio, ut diximus, esse potest utilitas aliqua variae lectionis diligentius etiam in obscuris et tenuibus aut in sollennibus erroribus adscriptae: ut specimina habeant adolescentes festinationis et stuporis librariorum: quae tandem in aliis, et ubique, esse potest utilitas enotatae varietatis, quae, si vere dicas, varietas nulla est, sed mera librariorum aberratio, millenis exemplis dudum nota, modo ab incuria, modo ab ignorantia, modo a saeculi inscitia profecta?



in qua nihil novi occurrat; nihil quod non sexcenties observatum sit; nihil quod aliquem fructum habeat, aut habere possit. Inprimis autem in iis auctoribus, qui iam critica arte et ad meliorum librorum exemplaria emendati sunt, quam utilitatem studii expectare potest is, qui iterum vulgarem aliquem et diobolarem codicem aut editionem a somnolentis operis depravatam sedulo excutiat, sphalmata et errores enotet, et sic novam se editionem adornasse putet? Nonne turpe est, brevem huius vitae fructum in haec impendere? in tam late succrescente rerum discendarum segete operam in nugis his consumere? Verum est ea multorum opinio, nullo animi iudicio explorata, ut putent satis esse, si modo codicem vel editionem veterem conferendam habeant; id autem, quod primo loco considerare debebant, sitne is liber novae, aut emendationis, lectionis fons vel adiuventum, vix in animum admittant. Atqui, ut hoc exemplo utar, Virgilii trecentos codices et editiones veteres hoc respectu vix dignas habebit, quas inspiciat, is, qui non ad vulgarem opinionem iudicium sibi mentis constituendum putet. Utilior haud dubie opera a viris doctis ponetur in hoc, ut plurimum editionum bona, cum dilectu tamen prudenti et diligenti, in unam conferant, eaque bona novis opibus, quas nostri in his litteris profectus, nostrae aetatis rationes postulare forte videntur, locupletent, quibus iterum alii singulas, quas conferre se posse putent, accessiones adiiciant: ut, in molesta hac diversarum editionum, quae singulae aliquantum bonae frugis habent, copia perveniatur aliquando eo, ut iis, quae ante hos ducentos vel centenos annos usum forte habere poterant aliquem, nunc autem aut omnino habent nullum, aut saltem exiguum, spretis ac reiectis, utilissima quaeque et optima in uno libro comprehensa habeamus. Nisi enim litterarum antiquarum studio hac aut simili alia ratione



succurratur, qua resecantur inutilia et a nostri saeculi cultu ac genio aliena, adiiciantur autem ea, quae huic litterarum luci, huic poetices et artium expolitioni, acumini philosophiae melioris et historiae subtilius tractatae, varietati et copiae doctrinae consentanea sint; nisi minuantur porro sumtus in tot editiones, quas nisi omnes ad manum habueris, sapere non licet, inque tantum librorum auxilium apparatus faciendi; revocentur vero virorum doctorum studia ad certum ac definitum finem et usum, constituenturque omnia sic, ut et iis capiendis par sit animus et vero etiam ceteris disciplinis percipiendis satis recte vacare possit: haec, inquam, nisi mature provideantur, vereor ne studium hoc graecarum et latinarum litterarum indies in maiorem contemptum adducatur a viris prudentibus, seu qui sibi prudentes videntur, qui omnia ad vitae usum referre volunt, nec litteris, nisi ex utilitatis messe, quae cum ipsa satione statim coniuncta sit, pretium statuunt. Ne illud nunc moneam, hoc nostro vulgari has litteras tractandi more videndum esse, ne in eam molem eae excrescant, cui versandae ac volvendae humanae vires vix sint pares. Quo ipso effici necesse est, ut in extremis tantum oris, aut in superficie haereant plerique, aut ad merum lusum totius studii severitatem revocent. Quae omnia quis non intelligat eo rem esse adductura, ut hoc litterarum humanarum studium a paucis idoneis viris excultum, intra breve tempus adeo neglectum ac derelictum iaceat, ut deficient non modo, qui Gronoviis vel Heinsiis similes sint, verum etiam ii ipsi, qui litteris his puerili disciplina tradendis satis idonei habeantur. Scriptum in Georgia Augusta xxx. Mart. ciorccclxxv.

---

---

# PRAEFATIO

## SECUNDAE EDITIONIS

CICIDCCLXXXVIII \*)

---

Subiiciendum nunc est paucis, quid in nova hac editione assequi voluerim. Primo quidem illud, quod in priore propositum erat, infixum habui animo, ut iis, qui exemplo bonae interpretationis domi destituerentur, traderem in manus poetam principem ea animadversione instructum, qua, si

\*) Praemissa erat dedicatio:

Ernesto Augusto  
Augusto Friderico  
Adolpho Friderico  
M. Britan. Regis Aug.  
Soboli Faustiss.  
Iuvent. Princip.

*Incenditque animum famae venientis amore.*

Aen. VI, 890.

Caesaris alta domus quem, Caesar et ipse, probavit:

Quem vatem coluit maxima Roma suum:

Cuius divinum carmen, ceu fonte perenni,

Sensibus ingenuis pectora vestra rigat:

*Guellica progenies* faustis penetralibus orta,

Hic audet vestras vester adire fores;

Proque uno Ascanio ternos miratus Iulos,

Quos aluit magnis insula freta viris,

Ingemit et, *Vestrae cur non in tempora famae*

*Ut servarer*, ait, *Fata dedere mihi!*

studium adhiberent, ipsi, vel sine magistro, ingenium fingere, interpretandi artem addiscere, et multarum notionum, sine quibus nec alii scriptores recte legi possunt, copiam sibi parare possent. Cum porro multo rerum usu didicissem, nihil difficilius esse in scriptoribus classicis, inprimis poetis, interpretandis, quam *cum sensu grammatico coniunctum retinere sensum poeticum*; et, dum sermonis proprietatem, orationis retexendae et ad logicum ordinem revocandae artem, multoque magis, dum criticam subtilitatem sequeris, videre, quid ex poeticae orationis genio poeta dixerit, quidque phantasmatis poetici ratio obiicere eius animo debuerit: nunc, minus quam antea, criticis seu grammaticis subtilitatibus implicitus, animum liberiore cursu *ad ipsum poetam* intendi, ut totius carminis descriptionem, partium consensum, inventorum fontem, et inventis utendi artem, phantasmatum poeticorum et rationem et auctoritatem excuterem. Itaque nulla facile pagina mansit intacta, quin manus emendatrix accederet, alia recidendo alia suppendo seu substituendo. Cum summam brevitatem in interpretatione sequendam esse viderem: claritatem tamen et perspicuitatem cum ea coniunctam esse volui. Quod si ad Cerdam, Heinsium, Burmannum et alios remitto, hoc non pro inutili citato habendum, verum quaerendam ibi esse exemplorum copiam seu ulteriorem declarationem eius, quod verbo tantum notavi; nec ablegavi ad alios, quin ipse rem et summam observationis apponerem: nihil enim esse potest molestius, quam, ubi in notis virorum doctorum ad aliquam difficultatem offendas, si nihil aliud videas adscriptum, quam videndum esse hunc vel illum virum doctum. Atqui, si alios consulere voluissem, non inspexissem te, o bone! Igitur ipsa res saltem est apponenda; uberior declaratio quaerenda apud eum, qui in ea illustranda singularem operam posuit.

Illa vero iniqua lex est, ubi editor magnum aliarum editionum numerum in struem ingentem circa se coacervatum habet, et tamquam in organo pneumatico modo hanc modo illam tibiam inflat, si idem nunc a te, qui legendi caussa librum in manus sumis, postulatur, ut, quoties difficultate aliqua obseptum te videas, totum illud organum manu tractes, et omnem apparatus et ipse circa te instruas. An plantarum aliarumque rerum nomina Linnaeana apponerem, diu dubitavi; verum, viro- rum doctorum iudiciis exploratis, vidi in plerisque opiniones esse varias et inter se dissonas; cum itaque rem a meis studiis alienam non ita tractare possem, ut meo quicquam iudicio definirem, allatis autem variis aliorum iudiciis nihil proficerem, nec longis disputationibus in poetae interpretatione locus esset, nolui consilium illud tenere, sed auctores, qui antiqua nomina illustrarunt, inque his imprimis Martinum sequi satis habui.

Cum de interpretatione maxime essem sollicitus, et ea quidem eiusmodi, ut non verba modo, sed iudicium poetae, inventum et artem, declararem, primo iterum inspexi veteres interpretes, ex iisque, quae frugi essent, adscivi; Macrobio et Iulio Sabino in partes assumto; iterum in Bucolicis Theocritum, in Georgicis Scriptores Rei Rusticae et Geoponicorum scriptores, in Aeneide Homerum mente ac memoria recolui; tum vero non parum interpretationem poetae meliorem adiuvisse videor argumentis diligentioribus praemissis, imprimis Bucolicis et Georgicis, quibus quidem nulla adhuc adieceram argumenta. Omnino Bucolicorum et Georgicorum expolitio in hac recensione elaboratior est quam in prima. Excursus alios refinxī et retractavi, alios adieci novos: Bucolicis quidem accessere quatuor: I *Ecloga IV graece versa*, II *de Varo*, III *de C. Cornelio Gallo et Euphorionis Chiliasi*,



IV *de Scylla*. Georgicis: lib. IV Exc. I *de Pleiade Piscem fugiente*, II *de Nympharum domo et Penei regia*. Aeneidi autem: lib. I Exc. I\* *de ministerio deorum*, inprimis *Iunonis*, in *Aeneide*; VII\* *de Antenore*; lib. II Exc. IV\* *de Palamede*; lib. IX Exc. I *Narrata de Aenea et Anchise ante b. Troiani tempora*; lib. XII Exc. V *Censura eorum*, quae in *Aeneidis oeconomia reprehendi possunt*.

Sunt alia, quae ad externum operis habitum spectant, in quibus diligentia adhibita est quanta adhiberi potuit; inprimis ut emendatissime expressa essent ab operis omnia. Cum in contextu poetae inductam ab Heinsio scribendi rationem nollem deserere, qua de re postea dicitur, retinui in notis alteram sollennem, quae et ipsa interdum pro illustratione esse potest \*).

Induxerat in animum librarius, honestus vir, ornamenta addere huic editioni figuris aere expressis. Non soleo equidem huic librorum pretia excandefaciendi consilio multum tribuere; omnino enim a luxu hoc typographico, in quo nostra aetas sibi placet, parum utilitatis ad ipsas litteras et litteratores proficisci video; quandoquidem non nisi

\*) At sunt alia levioris momenti, in quibus nolui nimis severus esse, quia tanti rem non esse putabam; v. c. quod syllabarum divisio et nexus ab operis librariis eo modo factus est, quem pro vero ac iusto habere non possum: cum v. c. scribitur in extrema linea *auc* - in altera *tumnus*; *ag-men*, et sic porro. Aut si interpunctio ad calcem parentheseos ponitur, et sic alia. Noninibus virorum doctorum, quos commemoravi, inprimis vita defunctorum, nolui ubi-

que adicere honoris caussa: *Vir Cl.* aut quo nunc se mutuo honore compellant *Vir Ill.* Totum hunc morem facetum, seu verius ineptum, quo *caedimus et totidem plagis consumimus hostem*, utinam sublatum esse vellet aetas nostra. Non ex loco et ordine ac dignitate, verum ex ingenio, doctrina et meritis, viri litterati sunt censendi; et nomine cuiuspiam audito assurgendum est, non titulo et honore pronuntiatio.

opulentis hominibus talia parare licet; emunt autem illi studio vano, ut in pulpitis et cancellis pretiosas has opes, ne inspectas quidem, occludant; nolui tamen deesse librarii votis, utque aliqua saltem lectori cum voluptate pararetur utilitas, diligenter conquisivi et delegi monumenta antiqua, quae cum versu aliquo Virgiliano forte convenirent; saltem ut lusui ingenioso locus esset. Subieci Volumini ultimo fontes horum ornamentorum, unde petita sint. Id quidem cavere volui, ne in eadem argumenta artificis opera incideret, quae iam in editionibus per Knapton et Sandby, Edge Pine et Henr. Iustice curatis prostant; pleraque parum aut nihil ad Virgilium facientia; nisi quod oculos forte legentis teneant. Iucundius auditu fuit, quod librarius recepit, chartae et litterarum nitore se virorum elegantiorum, imprimis exterorum, votis esse satis facturum; nam nostrates, qui litteras amant, de internis librorum dotibus magis solliciti esse solent \*).

Cum in priore editione lectionem Heinsianam a Burmanno constitutam reddere decrevissem, nihil mutare volueram, nisi in manifestis erroribus; in posterioribus tamen Aeneidis libris intelligebam ab eo consilio mihi esse discedendum, cum in iis Burmannianam editionem viderem haud satis emendate expressam esse; maxime in scriptura seu orthographia, forte quod operis aliud exemplar excudendum traditum fuerat. Redii itaque ad recensionem Heinsianam. Omnino tamen, quicquid seu in lectione, seu in interpunctione mutavi, in Var. Lect. notare haud neglexi. Verum, cum semel in hoc incidi, omnino quaedam ea de re ut interponam, consultum esse videtur.

\*) Curatum tamen est, ut ternis ornamentis, eaque parahuius quoque editionis exemplaria excuderentur sine istis ex-

bilia; a. LXXXVII.

Quam incerta et lubrica res et sit et esse debeat scripturae ratio et mos in omni lingua, neminem fugit, qui animum ad haec adverterit; imprimis tamen Romanus sermo hac parte multo magis laborat, quam Graeca lingua, quoniam ad grammaticam subtilitatem serius fuit revocatus et quia seriore aevo, e quo pleraque monumenta ad nos venere, temporum hominumque barbarie ille fuit corruptus. Nullus itaque rectae ac verae rationis fundus est satis fidus, sive etymum sequaris, quod nullus populus in omnibus retinet; sive auctoritatem; nam antiquiorem in numis et marmoribus videmus fluctuare, seriores autem ita contaminatam esse, ut vix habeas quod sequare. Persuasum tamen sibi habuere passim viri docti, priscam scribendi rationem revocari posse aut a se revocatam esse. Etiam Nic. Heinsius suam Virgilio orthographiam restitutam putabat expressa scriptura codicis Medicei. Verum antequam id affirmares, docendum erat, hanc scripturam esse veram illam antiquam Virgilianam. Nisi id feceris, hoc unum concessero, esse hanc scripturam eius aevi, quo codex est exaratus; atqui fuit illud ab Augusteo saeculo valde remotum et multis sermonis vitiis contaminatum. Dicat aliquis, antiquiorem saltem scribendi rationem in illo codice servatam esse. Atqui ne hoc quidem satis tuto affirmes; nam Fragmentum Vaticanum, quod hoc Mediceo antiquius habetur, vulgarem nostram rationem exhibet, *attrahere, illustris, collapsus*. Romanus autem, qui et ipse Mediceo antiquior est, modo hoc modo illud sequitur. Quid? quod ne ipse quidem Mediceus certam et constantem rationem servat, sed in eadem interdum voce modo ad hoc modo ad illud aberrat? Plus efficias, si rationem certam adhibeas et hunc in modum argumenteris: antiquiorem rationem haud dubie fuisse duriores ad aurem et severiores; succedente tempore molliorem et lenio-



rem; quemadmodum antiquissima aetate rudis fuerat, horrida et aspera; Maronem media illa ratione esse usum, etsi nonnulla ex asperitate prisca aspersa habuerit, ut *olli* pro illi; si modo Macrobius et Gellius non sibi imponi passi sunt, cum antiquos codices pro Virgilii manu sibi obtrudi non animadverterent. Verum tamen sequamur hoc et relinquamus Maroni scripturam illam, quam antiquiorem esse putamus: an vero putabimus nos illam habere satis certam? et Mediceum codicem esse fundum, cui, ut ad eius morem omnia refingas, satis inniti possis? Hoc vero nihil videas magis lubricum, omninoque tota ratione nihil inconstantius, si quidem ad certa principia rem revocaveris. Praecipit illa ratio, ne praeposita in verbis compositis colliquescant cum verbo, utque adeo scribatur *includere*, non illudere; *concludere*, non colludere; *adcipere*, non accipere. Cur tamen non eodem more *imperat* scribitur? et, si *imperat*, cur non et *imperium*? cur non: *obpetere*, *obponere*, *obpremere*? dum interea *obfero*, *obfulsit*, scribitur; cur non *subcedere*? *subcurrere*? Quod si in his auri obtemperatum esse patet, quo fideiussore contendes, hoc idem non eodem aevo factum esse in ceteris? *Volgus*, *voltus*, *Volcanus*, *volnus*, *volsus*, pro antiquiore scriptura haberi solet; quid si illa pronuntiationi, mediae inter fuscam et liquidiorum sequente littera liquida *l*, debetur, quam ex vulgari usu nonnulli in scripturam male traduxerunt; ut alii in *linguont*, *volvontur*. Sic fragm. Vat. *pollulat*. Simili modo sequente littera *m* et *r* sonus *roŭ* u abierat in *o*, in *divom*, *Argivom*; aut, quod aliunde doceri potest, *o* in tali positu tam fusco sono pronuntiatum fuit, ut pro *u* haberi posset et scribi. Fac hoc tantum in secundo casu locum habere, adeoque non pariter *aevom*, *laevom* scriptum esse: etsi *quom* pronuntiant; at cur non aequae *equom* pro equorum Aen. VII, 691? *vôrto*, *vortex*, eodem modo pronuntia-



tum. At Medic. *vertex*, *vertitur*. Si *maxumus*, *optumus*: debbat etiam esse *plurumus*; si *inmanis*, *conpages*, *immunis*: cur non et *communis*? *conmodus*? si *subplet*: cur non *subplex*? Sunt alia, in quibus manifestum mihi fit, deteriore rationem pro antiquiore vulgo haberi. Veteres Romani τὸ *u* extulerunt per *u* breve, pronuntiatum ut Gallorum *u*, grammatici intulere *y*, indocti, aut forte qui docti sibi esse videbantur, ut in nostro sermone vernaculo, scripsere *i*. *inclutus* vera scribendi ratio est, non *inclytus* et *inclitus*. *lacrumae*, non *lacrymae* et *lacrimae*. Porro non modo deterioris aevi, verum iam Catulliani, ut e Quintil. I, 5, 20 constat, pronuntiatio *c* in *ch* mutavit in plerisque: scribi adeo coepit *lachryma*, *anchora*, *pulcher*, *pulchrior*, *sepulchrum*. Recte adspiratio in his est expulsa; eodem tamen iure scribi debuerat *pulcer*, et, si veram antiquam rationem servare volebas, *polker*, ut *Karthago*. Veteres Romani *tia* nunquam pronuntiarunt ut *cia*: quo iure *nuncius*, *precium*, et similia scribimus? scilicet ex seriore pronuntiatione. Iterum certam rationem nemo sequitur in litteris geminandis: *litus*, *litera*, scribimus forte; at cur non et *belua*? *cela*? *ile*? Veteres omnino Graeci et Romani una littera scribebant, pronuntiatione eam geminabant: quod si semel antiquam rationem sequeris, ea sequenda erit in omnibus, adeoque, si *baca*, etiam *vuca*, *bucina*. Si poetae litteras geminant, ut syllaba producat, scriptum videas promiscue *quatuor*, *relligio*, et *Iuppiter*, hoc alterum etiam perperam, nam primam in *Iupiter* nusquam correptam vidi, et est contracta vox ex Iovis pater. *rettulit* indocte scribi, docuit Io. Schrader. Quotopere fluctuat scriptura in sequentibus: *sequor*, *secutus*: cur non aequè *sequutus*? *quum* pro cum, et *cuius* ex quis; qua tandem ratione *obtusus* scribendum dixeris, si *confusus* scribitur? aut *praegnas*, si *coniunx*? Grammaticorum et sequiorum aetatum ludi-

bria in his esse video, rationem desidero. Praeclara illa est a Bentleio primum prodita observatio, veteres nunquam non protulisse ImperI, negotI, consillI: adeoque sic LavinI et alia. Quid tamen si ex Ennio laudare possum: *Tarquinii corpus bona femina lavit et unxit?* Accedit quod ipse poeta ad aurium iudicium ponere potuit aliis locis id, quod in aliis spreverat aut reiecerat; cuius generis nonnulla credita sunt ab antiquis Maronis iudicio deberi. Apud Gellium XIII, 20 a Probo grammatico in libro manu ipsius poetae correcto fuisse traditur Ge. I, 25 *urbisne invisere Caesar*, non, urbes: contra Aen. III, 106 *Centum urbes habitant*. Aen. II, 460 *Turrim in praecipiti stantem*. II, 224 *incertam excussit cervice securim*. X, 349. 350 *Tres quoque Threicios — Et tris quos Idas*. Adeo nihil satis certi et tuti est in omni hac subtilitate grammatica; quam equidem, si primus auctor constituendae lectionis Virgilianae fuisssem, iure ac merito ad communem usum constitutam reliquisssem; qua enim in re nihil satis ad liquidum perducere potest, inprimis si magni per se momenti non est, quorsum multa moliaris, quae consilio ex parte tantum respondent? Locum enim hic habet illud Terentianum: *Here, quae res in se neque consilium neque modum Habet ullum, eam consilio regere non potes*.

In prima editione, cum, quod supra dixi, expressam esse vellem lectionem Burmannianam, multa mox turbata esse vidi propterea, quod operae non ea, sed alia editione ad Burmannianam emendata, usi erant; innumerae itaque aberrationes emendandae fuere in altera editione minore; tum vero nec ipsa Burmanniana recensio in operis tenore satis sibi constat. Nunc vidi ad certas regulas rem esse constituendam; amplexus itaque id sum, quod probabilius esse videbatur: Retinui *ad*, *in*, *con*, adeoque scripsi *adriago*, *inrisae*, *inpune*, *cõnplexus*; dedi vero operam quantum potui, ut le-

ctio haec ubique sibi constaret; operam molestiae ac taedii tam plenam, ut in pistrinum abdi malim; etsi vel sic fieri potuit, ut interdum operae aberrarent; ut *colligit* alicubi relictum esse memini. Quandoquidem auri aliquid in his tribuendum esse videbatur, eligendunque adeo, gravius ac sonantius quod esset: retinui *maxumus*, *optumus*, *quum*, *coniunx*, *immunis*, *communis*, *obfero*, *obfulsi*, *opponere*, *opprimere*, *submonere*, *supplere*, quia *supplex* tenendum erat. Reliqui auctoribus *οἰμώζειν*, *lacrimari*, *proelia*, *coelum*, *maestus*, *maereo*, *levis* pro laevis, *caecus*. Ad meliorem morem revocavi *saeptum*, *saepsit*, *saeculum*, *frenum*, *femina* et *fetus* a *feo*, *letum*, *obscenus*, *cestus*, et formas nonnullas antiquiores, ut *tris*. Scripturam quarti casus, *is* et *eis* et *es* vidi esse tam incertam, ut nollem quicquam in ea movere. Verum pudet in his operam consumere; quae apposui, ea de caussa monenda fuere, ut ex caussis et rationibus haec diiudicare discant studiosi, intelligantque, non omnino ea esse contemnenda nec tamen magnopere commendanda.

Multo gravioris momenti res mihi visa est interpunctio: qua emendata vidi sexcenta loca melius constitui posse, nec quicquam magis ab omni ratione et consilio alienum esse, quam interpungendi rationem in exemplaribus scriptis et in plerisque editis. Librorum itaque auctoritas in interpunctione omnino esse potest nulla. Nec maiorem tamen curam aut certam rationem, ad quam interpungerent, tenuere editores. Atqui ad sententiam constituendam et expediendam in plurimis locis omne auxilium est ex interpunctione; ut altera ex parte sensum nihil magis turbat quam prava interpunctio: quandoquidem huius ratio et principium quaerendum est in hoc, ut exacte respondeat illa enuntiationis partibus cum maioribus tum minoribus; quo eodem modo etiam pronuntiatio regatur; ut adeo unum idemque sit recte cogitare, recitare et scri-



bere; distinctio enim iusta interponi non potest, nisi enuntiatione in partes suas rite resoluta; si non calamo, saltem mente et animo. Ad interpunctionem itaque primum in altera minore editione maiorem curam adhibueram, tum multo magis in hac tertia adhibere studui.

In lectione mutanda nunc paullo plus mihi indulsi, quam in edd. prioribus; frenum tamen et hic inieci impetui rationibus certis apud animum propositis. Possunt innumera cum specie aliqua mutari, pauca cum ratione, quae vincat, ita scriptum fuisse: nec tamen, si acre iudicium adhibeas, alia in contextum recipienda esse iudicabis. Plurima in hac critices parte sunt, quae ad ingenii lusus revocare soleo; in plerisque ne quidem ingeniosum satis. Nam, cum sint innumera, inprimis in poetis, in quibus perpetua esse soleat scripturae varietas, ut sensui tamen parum inde seu decedat seu accedat, quae tandem laus illa esse potest, ut ubique nullo ad scriptorem fructu pro altero alterum inculces? Porro in poetis sunt certa phantasmata, verba sollennia, epitheta communia, quae, si semel memoria complexus sis, promptum est ubique afferre, et inde seu emendationis seu coniecturae, interdum valde ingeniosae, materiem quaerere. Aliae coniecturae proficisci solent ex sermone poetico, quem quis ad normam aliorum restituere studet, aut auctori suum morem vindicare. Pleraque ex his in marginem aut in lectionem variantem ac criticam reicere satius est: in contextum nihil admittendum, nisi quod tam liquido constet, ut nulla dubitatio, nedum cavillatio, illud infringere possit.

In alio critices genere severior fui, in eo inquam, quod ad ulcera detegenda, ad versus adulteros et supposititios, spectat: quandoquidem nimis alieni ab ea suspicione fuere editores. Erexit animum Brunckii auctoritas, qui suspensiones huius



generis a me communicatas pro iudicii acumine admodum probavit, et in editione sua versus eiecit. Nolui tamen auctoritatem sequi in hoc quoque, ut, quae suspecta essent, rescinderem et ex contextu excernerem; nam primum id mihi videbatur imperiosius factum quam meum quidem ingenium ferret: tum versum quaerentibus et librum evolventibus valde molestum est, si versuum numerum turbatum esse videant.

Lectionis varietatem, partim ex Burmanniana haustam, partim ex Pierianis, Martinianis, aliisque codicibus et edd. dimidio auctiorem, non modo intactam reliqui, verum etiam emendatiorem reddidi et novis accessionibus, de quibus post dicam, locupletavi: cum semel id agere instituissem, ut, quotquot quidem lectiones variantes alicubi reperiatae essent, in hoc saltem poeta in unam editionem essent congestae: ut hoc exemplo proposito adolescentes studiosi omnino variantis in codd. et edd. lectionis morem et usum addiscerent, sollennesque lapsus et allucinationes librariorum sibi familiares redderent. Curavi tamen simul hoc, ut hoc ipso exemplo proposito omnino de toto hoc genere recte statuere assuescerent. Bene enim ex prima aetate recordor, quam parum explicitas et iustas notiones de lectione variante imbibierim: cum non modo eruditionis liberalis summam in critica, verum etiam critices summam in lectionis variantis diligentiore studio et in elicienda aliqua felici emendatione vel coniectura, contineri audirem. Atqui maior huius curae pars ad solum editorem spectat, ad lectionem et interpretationem parum aut nihil, nec nisi in locis dubiis, obscuris et corruptis. Verum et ipse editor ex omni illa farragine perpauca tollere potest; quorsum enim pro lectione variante sollennia et ad sensum obvia vitia librariorum, errores et stupores manifesti, sexcenties obtruduntur? imprimis ubi melior iam lectio in bonis editionibus

ubique vulgata est. Subtilitate maiore in scriptoribus parum perpolitus aut in locis corruptis opus est. Est alia varietas, quae nec in sententiae nec in orationis nitore quicquam mutat; ut parum aut nihil referat, utro modo legas. Ubi lectionem receptam, et ipsam bonam esse videas, cur eam mutes eaque mutatione maiorem molestiam inferas, quam utilitatem? Est alia, ubi in utramque partem rationes possunt memorari idoneae: quo iure vulgatam deseras, alteram amplectaris? Sunt innumera, in quibus vera scriptoris ratio, mens et usus, non, nisi ipso auctore pronuntiante, constare potest: nisi eum ex inferis evocatum audire licuerit de se pronuntiantem, quis tibi ius in eum dedit, ut tu pro eo pronunties? Quin relinquis id, quod semel volumina occupavit et cui longo usu et lectione assuevimus? Omnino minutis his et exilibus, in quibus maior harum rerum pars versatur, animi et ingenii acumen et impetum frangi et atteri molestum est. Quo ipso factum est, ut magni Critici ad rerum summam et argumenti tractationem tractationisque artem, saepe ad singulas sententias, tam parum attenderent; utque emendationes de verbis singulis afferrent, cum rerum ac sententiarum summam non assequerentur. Non nisi vitiosa extirpanda sunt; si modo substituere possis vera, saltem satis probabilia. Reliqua, quae nihil interest, utro modo legantur, relinquere intacta satius est. Nam, ipsam manum veteris poetae in singulis et omnibus redhiberi posse, nemo prudens opinetur. Contra molestissima res est, si, quod *pro suo sensu* Heinsius eiecerat, *pro suo sensu* Burmannus receperat, idem *pro meo sensu* iterum eiicio, ut alius *pro sensu suo* hoc itidem expellat. Verum de toto hoc genere aut plura dicenda sunt, quam quae hic locus capit, aut, si paucis rem expedias, diversa statuentium his de rebus iudicia, si modo iudicia sunt, vix refinxeris.

Copiis criticis, unde huic novae editioni aliquid ornamenti accederet, usus sum haud contemnendis. Primo quidem schedis *Io. Schraderi*, viri doctissimi, cuius subtile in re critica ingenium ex Emendationibus in lucem editis perspectum habebam. Schedas eius in Virgilium, in auctione supellectilis librariae veneunt cum suis copiis huius generis inferre posset, maluit usibus meis permittere vir humanissimus et amicissimus, *Laur. van Santen*, I. V. D.; eas itaque in Bibliotheca nostra Academica reposui. Operam adhibendam esse vidi valde molestam ac difficilem extricandis innumeris, quae in chartam coniecerat, modo memoriae caussa, modo ut varia tentaret, diversis quidem temporibus repetitisque vicibus, ut exquirerem ac seligerem id, quod vir doctissimus probaturus fuisset ipse et in lucem proditurus: iniurius enim esset in Manes viri docti, qui omnia eius meditata vulgare ex schedis postumis vellet. Apposui igitur illa, in quibus ingenii acumen et poeticae elegantiae sensum deprehendere mihi viderer, ne quid, quod delectare posset, arbitris harum rerum inviderem, nec in cassum tot viri docti conatus ingenii recidere paterer. Alia, quae frustra tentata esse viderem, saltem utilitatem mihi praestiterunt hanc, ut interdum vulgatam, modo interpretatione adiecta, cum eam a docto quoque viro male intellectam viderem, illustrandam, modo usu poetico probato firmandam esse intelligerem. Aliam symbolam grato animo accepi a Viro doctissimo *Iacobo Bryant*, qui humanitate et amore suo ad omne officii genus provocavit me; misit idem ad me *Stricturas in Virgilii loca* eo cum acumine et perspicacia scriptas, ut in multis ei adstipulandum esse viderem, in aliis, cum iudicio meo dilectum usumque relinqueret, etiam meum ingenium in defendendo poeta adversus ea, quae reprehensa essent, acui sentirem. In multis iudicium viri subtile iam in priorē edi-



tione anteverteram; alia nunc apposui praeclare animadversa.

Fuere viri docti, qui sive per litteras sive scriptis prelo expressis seu monita seu consilia seu coniecturas in Virgilium mecum communicarent; in his *Io. Henr. Lud. Meierotto* in libello quem inscripsit: *De rebus ad auctores quosdam classicos pertinentibus Dubia* — *Chr. G. Heyne proponit*. Berolini 1785, 8. Grato animo accepi omnia; transtulique in meum usum ea, quae vel locum habere posse vel consilio meo respondere arbitrabar. Potuere me fugere alia, imprimis in versionibus virorum doctorum latentia; ad haec tamen operose indaganda et colligenda nimis eram occupatus in aliis studiis. Potuere etiam per intervalla, quibus deponendus ex manibus erat Virgilius, et per interpellationes crebras, multa animo excidere; nemo itaque in invidiam adducat, si quid a se monitum forte non commemoratum repererit. Professus quoque iam ab initio eram, non eam editionem me parare, quae omnia, quae unquam in Maronem animadversa sint aut animadverti possint, complectatur; sed quae pro fundo esset, cui alii superstruerent, adderent, demerent, pro consilio aut ratione aut copiarum suarum apparatu.

Cum iam pararetur a librario nova haec editio, in lucem prodiit praeclara *Rich. Franc. Phil. Bruckii* recensio Argentorati excusa nitide et emendate. Animadverterat vir doctissimus idemque acutissimus criticus, magnam esse scripturae inconstantiam in Burmanni recensione, a qua nec ipse in prior editione recedere volueram; scilicet quod tum, cum primo ad Virgilium accederem, nondum cognoveram, redditam esse parum accurate lectionem Heinsianam a Burmanno; quin forte exemplum non satis emendatum operis librariis excudendum traderat. Expertus ipse didici, quam parum tuta res sit, emendare apographum prave exaratum, aut



emendandum relinquere iis, qui madidas e prelo chartas corrigere recepere. Redeundum itaque est haud dubie ad editiones Heinsianas. Enimvero etiam hae valde inter se discrepant, cum in scriptione, seu orthographia, tum maxime in interpunctione.

Ceterum, fortuna aliqua propitia, mihi contigit, ut lectionis Virgilianae annales condere nunc possem meliore cum fide ac plenius, quam in editione priore. Cum enim editiones Aldinas ad manus haberem omnes, comparatione diligentius facta tandem id, quod suspicatus eram, intellexi, tertiam a Naugerio emendatam omnium esse emendatissimam, et Heinsii opera nos plerumque supersedere potuisse, si eam editionem exprimere maluissent editores sequentium temporum, quam Aldinas priores et Florentinas ex iis ductas operis excudendas tradere, aut ex Aldina priore et tertia novam lectionem miscellam conflare. Verum de his vide infra de Edd. Scr. Gottingae M. Decembri CIOIOCLXXXVII.

---

---

E X

P R A E F A T I O N E

T O M I I I . E D I T I O N I S   S E C U N D A E

L X X X V I I

---

Quae in nova hac editione Aeneidis accesserint, ambitioso recensu annumerare vel appendere nihil attinet. Sufficit pauca monere. Cum in priore editione verba recensionis Burmannianae exprimi curassem, in quibus etsi multa casu ac socordia operarum mutata, nonnulla etiam depravata, deprehendebam, tamen aliquid novare nolebam: nunc emendatiorem lectionem in multis locis exhibui; id quoque curavi, ut orthographia semel recepta sibi constaret; quamquam ea in re summam subtilitatem sequi nec volui nec potui: si enim ratio et analogia erat servanda, innumera fuerant mutanda; tum vero Romani in scribendi rationem constantem ac perpetuam non magis consenserunt quam nostrates, aut ulla alia natio; nec minutiis his aut meum aut aliorum ingenium onerare volui; imprimis cum mihi longe alia essent in hac opera proposita. Ceterum ex iis, quae, iam antea in superiore editione a me proposita, nunc in poetae contextum recepi, pleraque iam erant acumine critico *Brunchii* probata in nova recensione Virgilio

superiore anno edita; nisi quod mihi multo pauciora licere putavi. Ea igitur, quae non ita ad liquidum perducta esse videbam, ut quovis pignore contendere possem, ita scriptum fuisse a poeta, aut, ubi manifesta quidem esset corruptela, emendandi tamen ratio haud una, intacta relinquere aequius esse censi. Reieci haec in Variantem Lectionem, cui accessere cum alia, in praef. Vol. I commemorata, tum editionum Aldinarum et Iuntinae utilissima comparatio, lectio cod. Erfurt., imprimisque virorum doctorum animadversiones et coniectationes, publice privatimque ad me missae: ex hoc genere primo loco *Io. Schraderi* schedae mss. commemorandae mihi sunt, quae cum V. C. *van Santen* officiosa cura ad me pervenissent, iis ita utendum esse iudicavi, ut, quae subtili viri doctissimi acumine haud indigna essent, a me apponerentur. Communicavit alia mecum *Iacobus Bryant*, Britannus eruditissimus. Nihil horum, quod quidem utilitatem aliquam ad poetam habere visum erat, interversum a me aut dissimulatum est. Cum autem omnis haec opera in eorum gratiam suscepta esset, qui exemplum aliquod seu criticae rationis seu interpretationis diligentius factae ante oculos positum habere cupiunt, interposui nunc saepius, quam antea factum erat, iudicium meum, saltem verbo. Eodem consilio innumeris locis non emendavi modo, verum auxi quoque et locupletavi interpretationem subiectam, non modo ut nihil esset quod obscurum ac difficile videri posset iis, qui vulgari more verba poetae in transcurso legunt, verum multo magis ut erigerem et assuefacerem animos acutiorum ad animadvertenda innumera, quae modo in dictione modo in sententiis et rerum expositione aut praeclara sunt, aut reprehensionem admittunt. Volebam enim in hac omnis animorum intentionis remissione et hoc severioris studii bonarum litterarum neglectu, quo verendum est ne

intra haud multos annos obsolescant omnes hae litterulae Romanae ac Graecae, extaret saltem exemplar aliquod, quo de meliore et fructuosiore veteres poetas legendi et interpretandi ratione constaret iis, quibus bona institutio haud contigisset. Nec minus constanter institutum meum retinui in poetae doctrina declaranda, quod illud cum voluptatis tum utilitatis fructum habere usu expertus eram incredibilem; itaque Excursus non modo veteres passim retractavi, verum novos quoque aliquot attexui. Quo quidem illud effectum putavi, ut hac poetae summi enarratione magna omnis melioris litteraturae liberaliorisque institutionis pars contineretur, utque vere dici et a te sentiri posset, perlecto rite poeta principe ad omnem elegantiorum doctrinam aliquantum te profecisse. Scr. M. Iulio CIOIOCCCLXXXVI.

---



---

# P R A E F A T I O

## T E R T I A E E D I T I O N I S

---

Quod nec expectabam nec sperabam, ut tertia vice ad Virgilium novis curis retractandum evocarer, id mihi propitii numinis beneficio contigit. Post primam enim editionem annis LXVII—LXXV curatam, cum editio minor, ad solam interpretationem poetae instituta, anno LXXIX excusa esset, iterum operam meam ei commodavi in editione altera annis LXXXVII—IX vulgata, et aliquot annis postea Londini repetita; cum interea prelo repetita esset editio minor emendatior anno LXXXIX. Iudicia expertus sum virorum doctorum tam liberalia, ut ea ipsa mihi hoc tanquam onus imponere viderentur, ut, quantum possem, studium in emendanda et perficienda opera mea collocarem. Eaque in re tanto religiosius mihi versandum esse putavi, quanto melius ipse cognita ac perspecta haberem ea, quae in illa opera mea aut desideranda essent, aut aliter constituenda. Nequaquam enim ad Virgilium nova annotatione instruendum eo animo et consilio ac-

cesseram, quod postea sequutus sum. Nam cum, ante annos hos fere XXXV, a librario, sollerti et honesto viro, quaereretur, qui editionem Virgilii notis selectis et excerptis novisque nonnullis adspersis instructam, cuius generis editiones ista aetate in magna existimatione habebantur, curaret: Ernestius negotium mihi imposuerat; cuius auctoritate et consilio victus illud in me recepi, etsi tum recens adhuc in hoc litterarum genere, nec nisi nuper academico muneri admotus, cui, viribus corporis ingeniique longa multiplicique aerumna fractis, nondum parem me esse sentiebam. Cum ita, voluntate non satis proclivi, rem suscepissem, studium quoque meum retundebatur iudicio, quod de illo genere notarum fovebam; etenim ad subtilem diligentiam illud vix adducere seu commentatorem seu lectorem posse videbatur, contentum utrumque iis copiis, quae ad manum essent, nec penitus in poetae doctrinam, studium, artem, se insinuantem. Vix itaque opus ingressus, si ad praescriptum illud exsequi vellem, taedio ferendo me imparem esse sensi, primoque cunctanter meum sensum ac iudicium sum sequutus, tandem in Aeneide prorsus mihi ipsi obtemperavi. Ita autem evenit, ut opera mea aliquantum dispar esset comparatis Eclogis et Georgicis cum Aeneide; nec nisi in repetitis editionibus ad eundem modulum omnia constituere allaboravi; etsi vel sic bene intellexi superesse naevos, quos penitus eluere vix liceret, in corpore ad aliam formam ab initio designato. Quod tamen licuit, satagere haud refugi, ut, quoties nova editio pararetur, non modo relegerem poetam cum meis annotationibus, sed

etiam retractarem loca saltem potiora, et emendarem, quae quidem emendanda esse videbam, etiam ea, de quibus monitus essem; ea autem praeterirem, in quibus male essem reprehensus, ea relinquerem intacta, quibus meliora non allata vidissem, obliviscererque ea, quae ex animi malevolentia illiberaliter in me essent effusa: quibus non tam dolui mea caussa, quam propter imminutam litterarum nostrarum dignitatem, et ob detrimentum, quod bonis moribus suaeque quisque existimationi inter bonos ipse affert. Iam in praefatione prioris editionis professus eram, me inchoatam tantum et descriptam operam publice proponere, quae tamen pro fundo esse possit studiis virorum doctorum coniunctis in perficiendo eo quod designatum a me erat; multo enim utilius fore, si una aliqua editio repetitis plurium studiis et curis emendetur et locupletetur, quam si plures iteratis itidem vicibus eadem recoxerint, aut *veterem querelam*, ut cum nostro loquar, iterum iterumque *cecinerint*. Nec tamen vel sic cuiquam invidebo suis auspiciis meliora in medium proferenti, qui id inprimis per omnem vitam cordi habuerim, ut alia potius ingenia excitarem et acuerem, quam ut meum, qualecunque illud sit, iactarem. Quamdiu enim in his studiis versatus sum, id egi, ut litterae emendarentur et perficerentur sive per me sive per alios; et soleo laetari, quoties inter vulgaria haberi video ea, quae olim nove et audacter dicta haud raro displicebant seniorum iudiciis. Neque omnino hanc rationem commentandi in veteres auctores classicos tanquam unice probandam et amplectendam venditavi; contra vero cum aliis in locis, tum in praefationibus

studiose declaravi diversa diversis consiliis accommodata commentandi genera, et locum suum assignavi huic nostro; memoravi quoque, quam laudem studium vertendi in vernaculum sermonem, et quas opportunitates et commoda illud habeat, interdum ad ipsam interpretationis subtilitatem; nec omnino illud multum ab annotatione perpetua discrepat, saltem quatenus veram auctoris mentem et sensum in utroque redditum esse volumus.

Descriptionem operae meae et consilium exposui in praefationibus superiorum editionum, quas ea de caussa, ut hic iterum apponerem, necessum esse vidi, tum in disquisitione de Carmine epico et aliis passim locis, quae iis saltem inspicienda erant, qui iudices sedere et de summa operis calculos ferre volebant. Nunc itaque non nisi pauca subiungenda sunt de editione hac nova: cuius omne consilium debetur Fritschio nostro, viro intelligenti et sollerti, bonaeque laudis cupido: qui cum in altera editione adornanda exemplaria multis ornamentis, argumento ex antiquis operibus petito, caelo expressis, sumtu haud mediocri, adornasset, mox librariorum nonnullorum inter Britannos lucri cupiditate oppressum se videns, quandoquidem illi formulis suis repetere eam editionem constituerant, necessitate circumventus totum exemplarium apparatus iis vendiderat: quo illi in lucrum suum verso, nova exemplaria typis excuderunt; tum Fritschius apud se decrevit, post certorum annorum decursum editionem, eamque multo elegantiores ac splendidiores, parare, ut hoc exemplo constaret, nec arte et industria Germanos Anglis cedere, nec generoso sensu laudisque studio; sine



improba et sordida lucri aviditate. Obsequendum duxi optimo viro: cumque novissima iam vitae spatia ingressus ultimam manum imponendi huic operae opportunitatem se mihi offerre viderem: nolui fortunae deesse, iterumque retractavi ea, quae a me in Virgilium scripta essent, imprimisque priori volumini, quod Bucolica et Georgica complectitur, quantum per alias curas liceret, studium aliquod meum addixi; quoniam illa carmina subtiliorem interpretationis curam et sollicitudinem desiderare visa erant.

Reddere rationem sigillatim eorum, quae in tertia hac editione accesserint, quia sine ostentationis specie memorari talia nequeunt, supersedeo. Sufficit, emendasse me vel locupletasse observata in poetam locis multis; adiecissee Excursus nonnullos, quos in Conspectu operis praefationibus subiecto notatos videbis genere litterarum diverso; obelo confodisse alia, nec pepercisse iis, quae, olim admodum probata aut probabilia visa, nunc fundo idoneo desitui videbantur. Video quidem hoc esse inter mala operae meae, quod nulla est harum editionum, quae alteri ubique respondeat. Quid tamen in humana hac infirmitate facias, cum, quotiescunque aliquid, a te curatum aut elaboratum, iterum inspexeris, toties videas esse, quae mutata et emendata esse malles, etiamsi non nimis morosus sis tuae operae iudex ac censor? Itaque venia quoque danda mihi est, si interdum mutarim sententiam, alia amplexus sim, aut ad pristina redierim. Est immensa rerum moles, quae in tam longo operae cursu occurrit; nec semper idem est animi habitus et sensus; afferimus imprudentes ea,

quae mente in aliis negotiis occupata meditati eramus, et cum iis, ad quae accedimus, copulamus aliena, quae lusum ingenio faciunt; ea autem alio tempore a nobismet ipsis damnari quis miretur? Quae res animadversa, si nullam aliam, modeste de nobis sentiendi et aequa statuendi de aliis, causam haberemus, vel una satis esset ad retundendam omnem animi arrogantiam et in alios acerbitatem. Cum excuderetur liber typis alia in urbe, nec mihi facultas data esset plagularum inspiciendarum: in fortunae beneficio habeo, obtigisse mihi, ut in superioribus editionibus, ita in hac quoque, correctorem virum doctum et eximie his litteris imbutum, *Carolus Christianus Wendler*, A. M., cuius diligentiae et sollertiae in assequendis calami mei ductibus et in ipsis sententiis perspiciendis multum me debere gratus profiteor.

\*       \*       \*

Editio haec tertia cum a redemptore, liberali fortunarum erogatione, multis ornamentis aere expressis insignita esset, iam tum ab eo spes facta erat, opera ista profligata, se curaturum esse, ut eadem editio pretio multorum facultatibus magis accommodato venalis excuderetur. Hoc, quod ille tum ostenderat, se facturum esse, nunc a viro honestissimo praestari, admodum laetor; quandoquidem per omnem vitam eo fui animo, ut ingenuae alicuius et salubris utilitatis rationem haberem potiore, quam commendationis ex specie externa ambitiose quaesitae. Itaque nec hanc operam refugi, ut corrigerem nonnulla passim observata,

inspicerem loca notabiliora et retractarem, omninoque omitterem nihil, quo eorum, qui hac opera mea uti voluerint, commodis consuli posse viderem.

Iamque ea, quae Maro aut expectare aut admittere potest, nova ornamenta relinquo felicioribus seu ingeniis seu studiis, hicque subsisto. Tu autem, divine Maro,

— *extremum hoc munus habeto!*

Scr. Gottingae Septembri exeunte C1910CCXCIX.  
nuncque iterum subscriptum eodem mense a.  
C1910CCCI.

---

---

D E

## V I T A V I R G I L I I

---

De Vita Virgīlii multa sunt veterum Grammaticorum commenta, quae, tanquam certae et exploratae fidei, sequuti sunt alii, aut iis relictis novas ariolationes et coniecturas ita proposuere, quasi res ita gestas narrarent. Non quidem id agimus, ut eorum censuram nunc suscipiamus, neque nobis ad omnes eos, qui sive in scriptorum veterum recensu sive proprio quodam consilio Virgīlii vitam scripserunt, evolvendos satis otii suppetit; si tamen eos, qui post Ruaeum ac Baylium \*) nugas sub Donati, Probi, ac Servii nomine venditas, reiecere, in primis Martinum, Wartonum, Crusium \*\*) excutias, multa passim commemorari videas, quae cum coniecturae loco a viris nonnullis doctis olim proposita fuissent, nunc sine ulla dubitatione tanquam antiqui alicuius scriptoris fide et auctoritate suffulta exhibeantur. Cum de tanto poeta etiam ea, quae aut molesta aut nulla fide tradantur, cognoscere non iniucundum sit; dum modo satis explores, quo loco et estimatione unaquaeque narratio habenda sit: eam quidem Vitam Virgīlii, quae sub Donati nomine circumfertur, et ex qua aliae vitae, a Grammaticis modo Bucolicis modo Aeneidi praefixae,

\*) In *Dictionaire Art. Virgile.*

edit. Virgīlii cum vers. Angl. *Crusius*

\*\*) *Martyn Life of Virgil* praef.

*sus Lives of the Roman Poets.*

edit. Bucolicor. *Warton* in eleganti T. I.



concinnae sunt, omitti recte posse non putavimus; itaque ei annotationes subiecinus, in quibus partim firmentur, quae cum rerum fide tradi videbantur, partim incerta, falsa et insula, vel verbo notarentur. Subiicere constitueramus Vitam Virgilio a Ruao per annos suos distributam. Cum tamen multa in ea ieiune tradi, alia parum acute coniectari, plurima praeteriri, eorumque loco aliena attexi videremus: malimus novam vitam ad eandem fere rationem conficere, in qua ea breviter indicata essent, quae ad historiam sive vitae sive rerum, quoties poeta ad sua tempora respexit, accuratius cognoscendam facere possent. Itaque sub unoquoque anno primum res publice gestas ponimus, tum ea subiungimus, quae, sive in vita Virgilio, sive in eius carminibus, aliquo modo cum illis sunt coniuncta.

---

---

# TIB. CLAUDII DONATI

A D

TIB. CLAUDIANUM MAXIMUM

DONATIANUM FILIUM

D E

## P. VIRGILII MARONIS VITA

---

### CAPUT I

**P**ubl. Virgilius Maro parentibus modicis fuit, et praecipue patre 1 Marone, quem quidam opificem figulum, plures Magii cuiusdam,

Doctrinae huius Grammatici, cuius nomen prae se fert, fetus sit haec vita, nec ne, dubitatum est a viris doctis, cum tot ineptiis illa referta sit. Quamquam autem mature satis ineptire coepere Grammatici, et Donatus hic post Aelium Donatum, Hieronymi praeceptorem, vixit: non tamen haec narratio, nec, qualis est, ab homine docto proficisci potuit, nec tota ab aliquo plane indocto. Equidem ita sentio, fundum huius narrationis deberi Donato, mox tamen eam, cum passim transcriberetur, modo a grammaticis, modo a librariis monachis, quorum novam quisque narratiunculam, quam faciendo acceperat, exemplari suo intexeret, ita esse interpolatam, ut nunc in tali farragine plerumque dici vix possit, quid Donati fide proditum sit nec ne. Quae res vel ex eo manifesta fit, quod nullus facile

est codex, in quo non vita haec modo plenius modo contractius perscripta legatur. Ex his viri docti, qui primi Virgilium edidere, talem nobis Donatum hunc videntur concinnasse, qualem nunc habemus. A Daniele multo emendatior ille fuit excusus, multa etiam emendata I. Fr. Gronovii acumine, qui et plus, quam par erat, operae in eo posuit, ut ex dicendi genere et consuetudine Ger. Vossii ad Velleium sententiam firmaret, a Suetonio fundamentum huius narrationis esse iactum, cui deinde alii Grammatici sua commenta superstruerent. Scilicet *Suetonius* etiam *Virgilii* nostri *Vitam* scripsisse existimatur. Fuit etiam talis *Vita Servii* nomine venditata, ad quam in Serv. Comment. pr. ad Eclogas §. 24 provocatur, quam tamen non eandem esse puto cum illa, quae in Danielis editione, et hinc in aliis,

viatoris, initio mercenarium, mox ob industriam generum, tradiderunt; quem cum agricolationi reique rusticae et gregibus praefecisset socer: silvis coemundis et apibus curandis reculam auxit.

- 2 Natus est Cn. Pompeio Magno, M. Licinio Crasso primum Coss., Iduum Octobrium die, in pago, qui Andes dicitur, qui est a Mantua non procul. Praegnans eo mater somniavit Maia, enixam se laureum ramum, quem contacta terra confestim cerneret coaluisse, et excrevisse illico in speciem maturae arboris, refertae variis po-

Aeneidi fere praefixa, sub Servii nunc circumfertur. Habemus aliam, quae *Probo* tribuitur. Sed nulla est, in qua non interpolatricem aut mutilatricem manum foede grassantem agnoscas. Quae alii de *Donati* opere iudicant, vide in iis, qui a Burmanno ad Anthologiam Lat. T. I, p. 369 laudantur. Mihi quidem sortem magnorum virorum et fortunam saepe mirari subiit, quorum nomen ad multam posteritatem propagatum quidem est, ita ut dignus tanto ingenio aut tanta virtute immortalitatis fructus iis tandem, qui meriti essent, contingere videretur; iis tamen temporibus, cum genus humanum gravibus superstitionibus captum erat, tantum saepe sordium nomen illud ex contagione sacculi contraxit, ut iam illa celebritas ad incerta rerum miracula, monstra, ac portenta rediret. In Virgilii memoriam fabulis absurdis contaminandam omnes monachorum tribus conspirasse videntur, qui, cum sanctorum suorum virorum memoriam tot pudendis et stultis miraculorum narrationibus foedarent, quid mirum, si in poetae Romani laudibus adornandis nec minus miracula, omina, prodigia et reliquam huius generis *τερατολογία* ad taedium usque congesserunt.

§. 1. *quem quidam — auxit.* Posunt haec ab interpolatore inserta videri. Figulum patrem facit etiam Phocas v. 6.

*Magii cuiusdam, viatoris.* Magii, qui avus Virgilii maternus fuisse traditur, nomen cum ceteris ineptiis malae haud dubie scripturae in nomine matris *Magae* et *Magiae* pro *Maiae* debetur. Secundum hoc avus maternus *Maius* dictus esse potuit. Mater, quae *Probo Polla*, Phocae

v. 11 *Polla, Magii non infima proles*, dicitur, alii viro aliquando nupta esse debuit, cum infra §. 56 *Valerius Proculus ex alio patre frater* Virgilii memoretur, quem is heredem scripserat. Neque ea, quae de magicis poetae artibus ex Eliuandi monachi (mortuus is est circa 1227) *Chronicon* lib. XXVI narrat Vincent. Bellovac. *Specul. hist. lib. VII, c. 61*, et auctor *Append. ad Vitam S. Gulielmi in Actis SS. T. V. Iun. p. 125* aliam originem, quam modo memoratam nominis scripturam habuisse videntur. Accessit forte, quod monachi ex *Ecloga VIII* inprimis vss. 96 sqq. sacra magica meminerant. Copiose ea de re egit Naudaeus, *Apologie des grands hommes soupçonnés de Magie* ch. XXI, et Baylius *Dictionaire*, voc. *Virgile* litt. J. Haec eadem opinio de magica Virgilii scientia videtur effecisse, ut pro amuleto haberentur numi contorniati cum eius imagine efficta: cf. *Misc. Obs. novae T. I, p. 16*, Boulacre in *Mém. de Treux* 1743, *Avril*.

*Silvis coemundis*, conducendis et redimendis mancipum, ut qui pecua pascebant. Sic iam Gronov.

§. 3. Quae hic ad fin. §. 5 forte ex interpolatione, de praesagiis, quorum pleraque e narrationibus de magnorum virorum, ut Cyri, Romuli, natalibus adumbrata, nonnulla ex ipso Virgilii nomine ducta sunt, memorantur, tantum non omnia Grammaticorum somniis sunt accensenda. Augest etiam ea Phocas Grammaticus in *Vita Virgilii* v. 13 — 40. Poetica suavitate haec condierunt Iov. Pontanus *Uraniae* lib. II, pag. 2968. Opp. T. IV. Politianus in *Manto*, digno carmine, quod cum ipsa Maronis lectione coniungatur.

mis et floribus; ac sequenti luce, cum marito rus propinquum petens, ex itinere divertit, atque in subiecta fossa partu levata est. Ferunt infantem, ut fuit editus, nec vagisse, et adeo miti vultu 4 fuisse, ut haut dubiam spem prosperioris geniturae iam tum indicaret. Et accessit aliud praesagium: siquidem virga populea, 5 more regionis in puerperiis eodem statim loco depacta, ita brevi coalluit, ut multo ante satas populos adaequarit. Quae arbor Virgilio ex eo dicta atque consecrata est; summa gravidarum et fetarum religione, suscipientium ibi et solventium vota.

II. Initio aetatis, id est, usque ad septimum annum, Cremonae egit; et XV anno virilem togam cepit, illis Consulibus iterum, quibus natus erat. Evenitque, ut eo ipso die Lucretius poeta discederet. Sed Virgilius Cremona Mediolanum et inde paullo post Neapolim transiit. Ubi cum litteris et Graecis et Latinis vehementissimam operam dedisset, tandem omni cura omnique studio indulsit medicinae et mathematicae.

§. 4. *prosperioris geniturae*; felicis ortus, prosperi fati, benigni horoscopi, ut ea vox Suetonio Aug. 94. Calig. 57. Vitell. 3. Vespas. 25. Tit. 9. Ita Gronov.

§. 5. *Et accessit aliud praesagium. Et aut delendum aut Accessit et legendum esse*, Gronov. monet. Hoc praesagium e Sueton. Aug. c. 94 sub f. adumbratum esse videtur. *Apud Mundam Divus Iulius* etc.

*more regionis*: cf. Passer. Paralip. in Dempst. pag. 53. Vasc. Etrusc. Tom. I, pag. 70.

§. 6. *Initio aetatis*. Ios. Scaliger ad Euseb. Chron. p. 156 ex Hieronymo ita emendat: *Initia aetatis, id est a XIV usque ad sedecimum annum Cremonae egit, et XVII anno virilem togam sumpsit.* conf. inf. Vitam ad U. C. 696. Mihi verba *id est usque ad septimum annum* a seriore manu adiecta esse videntur; et desunt sane in aliis, in quibus ita haec exhibentur: *Initia aetatis Cremonae egit usque ad virilem togam, quam XVII anno natali suo accepit, iisdem illis Coss. iterum, quibus erat natus.* Atqui hic annus U. C. 699 erat XV ab a. 684. Unde satis apparet, primitus haec tantum a Donato dictata fuisse: *Initia aetatis Cremonae egit usque ad virilem togam.* Sumebat

tur illa modo XV, modo XVI, XVII anno. cf. inf. Vitam ad U. C. 699.

*Evenitque, ut eo ipso die Lucretius poeta discederet*; hoc reiicit Gifanius in Lucretii Vita, quia scilicet Idem annum 701 Lucretii morti assignat, sed de coniectura, quam nullo argumento probatam video; annum vero 703 Hieronymus Chron. Euseb. Nec tamen iis, quae hic leguntur, satis fidem habeo, cum et ipsa emblematis speciem prae se ferant.

§. 7. *et inde paullo post Neapolim transiit.* Aliter Hieronymus Chron. Euseb. v. inf. Vitam ad U. C. 701.

*litteris Graecis.* Parthenio quidem praeceptore, quo Grammatico in Graecis Virgilius usus est. Macrobr. Sat. V, 17. Fuit is poeta, cuius liber amatoriarum narrationum superest: (qui iterum prodiit hoc anno XCVIII. Gottingae.) Expressit ex eius carminibus versus nonnullos Virgilius, ut Macrobr. ibid. et Gellius IX, 9. XIII, 26 observant. Et Fabricius Bibl. Gr. Vol. II, pag. 677 ex Vossio memorat, in bibliothecae Ambrosianae codice Moreto Virgilii adscripta esse haec verba: *Parthenius Moretum scripsit in Graeco, quem Virgilius imitatus est.* vid. infr. Prooem. in Moretum.

De Syrone magistro vid. inf. ad



8 III. Quibus rebus cum ante alios eruditior peritiorque esset,  
se in Urbem contulit, statimque, magistri stabuli equorum Augu-  
sti amicitiam nactus, multos variosque morbos incidentes equis  
9 curavit. At ille in mercedem singulis diebus panes Virgilio, ut  
10 uni ex stabulariis, dari iussit. Interea a Crotoniatis pullus equi,  
mirae pulcritudinis, Caesari dono fuit missus: qui omnium iudicio  
spem portendebat virtutis et celeritatis immensae. Hunc cum ad-  
spexisset Maro, magistro stabuli dixit, natum esse ex morbosa  
equa, et nec viribus valiturum nec celeritate: idque verum fuisse  
inventum est. Quod cum magister stabuli Augusto recitasset,  
11 duplicari ipsi in mercedem panes iussit. Cum item ex Hispania  
Augusto canes dono mitterentur, et parentes eorum dixit Virgi-  
lius, et animum, celeritatemque futuram. Quo cognito, mandat  
iterum Virgilio panes duplicari.

12 IV. Dubitavit Augustus, Octaviine filius esset, an alterius:  
idque Maronem aperire posse arbitratus est, quia canum et equi  
13 naturam parentesque cognorat. Amotis igitur omnibus arbitris,  
illum in penitiorem partem domus vocat, et solum rogat, an sciat  
quisnam esset, et quam ad felicitandos homines facultatem haberet.  
14 *Novi, inquit Maro, te Caesar Auguste, et ferme aequam cum dis*  
*immortalibus potestatem habere, ut, quem vis, felicem facias.*  
*Eo animo sum, respondit Caesar, ut, si verum pro rogatu dixe-*  
*ris, beatum te felicemque reddam. Utinam, ait Maro, interro-*  
15 *ganti tibi vera dicere queam! Tunc Augustus: Putant alii me na-*  
*tum Octavio: quidam suspicantur alio me genitum viro. Maro*  
*subridens, Facile, inquit, si impune licenterque quae sentio lo-*  
*qui inbes, id dicam.* Affirmat Caesar iureiurando, nullum eius  
dictum aegre laturum, immo non nisi donatum ab eo discessu-

§. 79. Ios. Scaliger ad Catalecta Virgilii, in Cirin pr. et Heinsius de Satyra Horat. lib. II, p. 98 etiam a *Catio* Insubro philosophiae Epicureae gustum accepisse volunt; coniectura ex eo ducta, quod hic M. Catius Miltiades Insuber, et ex Epicuri secta philosophus, eo tempore Mediolani vixit. Meminere eius Cic. ad Div. XV, 16 et 19. Horat. Sat. II, 4 pr. Sed vide Baylium *Diction.* h. v. et Masson. Vita Horat. pag. 28. *M. Furium Bibaculum* oratorem et poetam, cuius versus aliquot Sueton. recitat III. Grammat. 11, inter Virgilii et Vari magistros retulere alii. vid. Arisii Cremona litterata T. I, pag. 17. 28. Legerant nimirum in Hieronymi Chron. Buseb. ad Olymp. 169, 3 (U. C. 652) *M. Furius poeta cognomento Bibaculus Cremonae nascitur.* In Gudiano

codice Guelpherb. bibliothecae Vita Virgilii erat praefixa, in qua poeta apud *Epidium* oratorem cum Caesare Augusto studuisse memoratur. Sane Epidius Antonium et Augustum docuisse ap. Sueton. traditur de Rhetor. IV.

De *Balista* e Phoca vid. inf. ad §. 28.

Ceterum non definiam, an narrationi huic de medicinae et mathematicos studiis Maronis aliquid veri insit. Videri potest ea esse profecta a monachis, qui in artibus mathematicis ad *γοήτεια* adhibitis et in medicina summam scientiae positam arbitrabantur.

§. 8—18. Unde ineptissima narratio profluxerit, nemo facile assequatur; nisi forte cura equorum, canum et pecudum Georg. III libro tradita nugae has monachorum ani-

rum. Ad haec oculos oculis Augusti infligens Maro, *Facilius*, ait, 16  
*in ceteris animalibus qualitates parentum a mathematicis et philo-*  
*sophis cognosci possunt; in homine nequaquam possibile est; sed*  
*de te coniecturam habeo similem veri, ut, quid exercuerit pater*  
*tuus, scire possim.* Attente exspectabat Augustus quidnam dice-  
 ret. At ille: *Quantum ego rem intelligere possum, pistoris filius* 17  
*es*, inquit. Obstupuerat Caesar, et statim, quo id pacto fieri po-  
 tuerit, animoolvebat. Interrumpens Virgilius: *Audi*, inquit,  
*quo pacto id conicio: Cum quaedam enuntiarim praedixerimque,*  
*quae intelligi scirique non nisi ab eruditissimis summisque viris*  
*potuissent: tu, Princeps orbis, item et item panes in mercedem*  
*dari iussisti: quod quidem aut pistoris, aut nati pistore, officium*  
*erat.* Placuit Caesari facetia. At deinceps, inquit Caesar, non 18  
*a pistore sed a rege magnanimo dona feres: illumque plurimi fe-*  
*cit, et Polioni commendavit.*

V. Corpore et statura fuit grandi, aquilo colore, facie rusti- 19

mis iniecit. Narrationis vanitatem iam perspexere alii viri docti. vid. Ruacum Vita Virg. a. 713. Martyn *Life of Virgil* pag. XXXI sq.

§. 19. Caput Virgilii e gemma Ur-  
 sini notissimum est; sed et passim  
 eius vultus cum in gemmis, ut in Lip-  
 perti Dactyliotheca, tum in marmore,  
 ut in Museo Capitol. I, 2, tum in codi-  
 ce Vaticano, ante Eclogam II et VI  
 expressos videas. Christii hac de re  
 libelli sunt: Epistola ad Saxium Vin-  
 diciis Virgilianis subiuncta, tum de  
 Imaginibus poetarum disputatio: et  
 ad Dactylloth. Lippert. notata non-  
 nulla. Adde Saxium in Indice Vir-  
 gili iustic. p. 2. 17. 18. 85, et Ono-  
 mast. p. 172. Nunc extra dubita-  
 tionem positum est, imagines, quas  
 habemus, Virgilii sine explorata ac  
 certa fide tradi omnes: esse potius  
 alias Apollinis, alias Musae, alias  
 poetae alicuius incerti. De numis  
 per fraudem effictis ne quidem mo-  
 nere opus est. (Nuper de iis mo-  
 nuit iterum Eckhel Doctr. num. Vol.  
 IV p. 351.) Video quidem Martialis  
 tempore (v. XIV epigr. 236) codices  
 Virgilii pictam poetae imaginem in  
 fronte habuisse; sed rudi librario-  
 rum et indocta opera viri sedentis  
 formam penicillo effictam fuisse, ex  
 similibus exemplis iudicare licet;  
 quale v. c. illud ipsum est, quod e  
 codice Vaticano expressum ad cal-  
 cem praefat. suae dedit Bottarius ad  
 ant. Virgil. cod. fragmenta. Virgilii

tamen imagines in bibliothecis pas-  
 sim visas fuisse Romae nullus dubito;  
 etiam Alexander Severus in larario  
 habuit Virgilii imaginem teste Lam-  
 pridio. Quod, redemptoris, Fritschii,  
 cura praefixum primae editioni, cap-  
 ut ex Iusticiano opere petitum erat,  
 ex Museo Io. Molinosii, nobilis Ve-  
 neti, profectum esse fertur, et est  
 Apollinis caput, cuius similia alia  
 passim visuntur. (Substitutum ei  
 nunc est Vol. Ildo aliud e Museo  
 Capitolino.) Circumfertur quoque nu-  
 mus Virgilii spurius. Eckhel Vol.  
 IV, p. 351.

*corpore et statura fuit grandi.*  
 Sub Musaei persona suam expressisse  
 visus est poeta Wartono, in Aen.  
 VI, 666 *Musaeum ante omnes, me-*  
*dium nam plurima turba Hunc ha-*  
*bet atque humeris extantem suspi-*  
*cit altis.*

*facie rusticana.* Hoc fecit for-  
 te, ut Horatii locum Sat. I, 3, 29  
 sq. ad Virgilium referrent, ubi: *ri-*  
*deri possit, eo quod Rusticiuston-*  
*so toga defluit et male laxus In*  
*pede calceus haeret;* ut et Ep. I, 1,  
 94. Ita et *torvum Maronem* apud  
 Statium Silv. V, 3, 63 accipiebant,  
 ubi de carminum severiore argumento  
 agitur. Avertere labem hanc rustici-  
 tatis a poeta laborat Spencius in Po-  
 lymeti p. 325. Facie subrustica ex-  
 hibere nobis Virgilium inter signa  
 Palatii Capitolini ap. Dom. de Ru-

cana, valetudine varia. Nam plerumque ab stomacho, et faucibus, ac dolore capitis, laborabat: sanguinem etiam saepius reiecit: cibi  
 20 vinique minimi. Fama est, eum libidinis pravioris in pueros fuisse. Sed boni ita eum pueros amasse putaverunt, ut Socrates Alcibiadem, et Plato suos pueros. Verum inter omnes maxime dilexit Cebetem et Alexandrum, quem secunda Bucolicorum Ecloga Alexin appellat: donatum sibi ab Asinio Pollione. Utrumque non ineruditum dimisit: Alexandrum grammaticum, Cebetem vero et

beis (Rossi *Racolta di Statue antiche n. XXII*).

ab *stomacho*. Confirmes ex Horatio Sat. I, 5, 48. 49 *Lusum it Maecenae, dormitum ego Virgiliusque; Namque pila lippis inimicum et ludere crudis*; ubi Schol. Cruquii: *se ait lippum, Virgilium autem crudum; laborabat enim stomachi cruditate, quod cibum ingestum difficulter concoqueret.*

et *faucibus*; forte hoc ex iis, quae inf. §. 42 memorantur, petitum.

§. 20. *Fama est* — Poterat tota haec macula ab nugacibus Grammaticis Virgilii memoriae adpersa videri ex iniquiore Eclogae II interpretatione, v. Argum. Ecl., nisi Martialis et Apuleii locis mox laudandis paullo molestiorem auctoritatem haberemus. Nec minus suspicionem movet Propertii locus lib. II, El. 34, 73, ubi ad Virgilium respicitur: *Felix, intactum Corydon qui tentat Alexin Agricola domini carpere delicias!* Verecundiam Virgilii defendebat Klotzius in disputatione, quam vide in Opusc. Defendit etiam Martinus ad Ge. IV, 520 et Baylius Diction. v. Virgile (A). Ut tamen accuratius hac de re cognoscere possit lector, subiiciemus revocatas ad certa capita calumnias. Et *Alexin* quidem seu Alexandrum, vero nomine, ab poeta adamatum fuisse vulgatissima fama est, quem alii a Maecenate, alii a Pollione, dono ei datum esse memorant. Fuere adeo, qui Caesaris Octaviani puerum fuisse traderent. Apud Martialem VIII, 56 loeo satis noto de Maecenatis in eum liberalitate, subiicitur: *Tu licet et nostrum, dixit, Alexin ames. Adstabat domini mensis pulcherrimus ille, Marmorea fundens nigra Falerna manu, Et libata dabat roseis*

*carchesia labris, Quae poterant ipsum solliciture Iovem. Excidit attonito pinguis Gulatea poetae, Thestylis et rubras uccsibus usta genas. Protinus Italiam concepit et arma virumque, Qui modo vix culicem flevrat ore rudi.* Idem eo respexit lib. V, 16, 12 *Sed non hac veteres contenti laude fuerunt, Cum minimum vati munus Alexis erat.* Atque hanc famam multi sequuntur. Alteram de Asinio Pollione, huius liberalitatis auctore, quam Donatus hic et inf. §. 37 et Servius ad Ecl. II, 1 retinet, Apuleius iam amplexus est in Apolog. I, §. 13 *Quanto modestius Mantuanus poeta, qui — puerum umici sui Pollionis bucolico ludicro laudans, et abstinens nominum, sese quidem Corydonem, puerum vero Alexin, vocat.* In Servianis ad Eclog. II, 1 ab aliis Caesaris puer fuisse Alexis traditur. Ad eandem Eclogam v. 15, ad Donati fere fidem, *Tres dicitur amasse Virgilius, Alexandrum, quem donavit ei Pollio, et Cebetem puerum cum Leria puella* (Aleria Plotia), quos a Maecenate dicitur accepisse. Singulare est, quod in Servianis ad Ecl. V, 89 legitur, ad verbum: *Non tulit Antigenes: Aut pastorem quendam pulcherrimum dicit, aut choraulam significat, quem legimus udmodum a Virgilio fuisse adamatum.* Choraules debuit esse puer aliquis chori cantibus tibia accinere solitus; de quo hominum genere v. Scalig. Animadvers. ad Euseb. p. 169. 170. Novum est, quod Pompon. Sab. ad Aen. VI sub f. de M. Marcello habet: „hic est, quem aiunt Virgilium intemperantia amoris exosculatum fuisse, praesente Augusto.“

*non ineruditum dimisit.* Hoc dimisit tollendum censet Gronov.



poetam. Vulgatum est, consuevisse eum cum Plotia Hieria. Sed 21  
Asconius Pedianus affirmat, ipsam postea maiorem natu narrare  
solitam, invitatum quidem a Varro ad communionem sui, verum  
pertinacissime recusasse. Cetera sane vita et ore et animo tam 22  
probum fuisse constat, ut Neapoli Parthenias vulgo appellaretur;  
ac, si quando Romae, quo rarissime cominebat, viseretur in  
publico, sectantes demonstrantesque se subterfugere solitum in  
proximum tectum. Bona autem cuiusdam exulantis offerente 23  
Augusto, non sustinuit accipere.

VI. Possedit prope centies sestertium, ex liberalitatibus ami- 24  
corum, habuitque domum Romae in Esquilis iuxta hortos Mae-  
cenatis: quamquam secessu Campaniae Siciliaeque plurimum ute-

§. 21. *Plotia Hieria.* al. *Plotia Aleria.* Alia narratio est apud Serv. ad Ecl. III, 20 *Varus, tragoediarum scriptor, habuit uxorem litteratissimam, cum qua Virgilius adulterium solebat committere; cui etiam dedit scriptam tragoediam, quam illa marito dedit tumquam u se scriptam. Hanc recitavit pro sua Varus, quam rem Virgilius dicit per allegoriam v. 15 sqq. Non ego te vidi.* Nimirum de Thyeste L. Varii loquitur; de qua fabula v. ad §. 30. Non reperio, unde Aeneas Sylvius petierit ea, quae in hist. de Euryalo et Lucretia narrat (p. 32 edit. Drudonis) „*Virgilius per funem tractus ad medium turrin pendit, dum se mulierculae sperat usum amplexibus.*“

Asconius Pedianus, forte in libro contra obtrectatores Virgilii. v. inf. §. 64.

§. 22. *ut Neapoli Parthenias vulgo appellaretur.* Non Grammatici modo, verum etiam Ansonius ita tradit in Centone nupt. ad f. *Quid etiam Partheniam dictum caussu pudoris? qui VIII Aen. cum describeret coitum Veneris atque Vulcani, αἰσχρογενίαν decenter immiscuit.* Nomen hoc et tota de pudore poetae narratio ex solo Virgilii nomine conficta esse videtur, quasi a virgine ductum esset. Hinc a παρθένοϛ *Parthenias.* Vidit hoc etiam Huetius Quaest. Alnet. lib. II, c. 15. conf. Bayl. *Diction.* voc. *Virgile* A. B. Potuit etiam alterum Neapolis nomen *Parthenope* Ge. IV, 564 homines male feriatos ad hoc commen-

tum adducere. confer Fabrum ad Iustin. III, 4. Ceterum quantum monachi in Virgilii nomine interpretando ineptierint, dici vix potest. Unum hic adferemus exemplum. In codice Gudiano inter alia somnia legitur: *Publius dictus Virgilius a pollice magno, quem habebat; ut Virgilius dictus est a virga lauri. Sive, Populi et Publii dicebantur apud antiquos quasi puppi et pupilli vel orfani.* — Maro *dictus est a mare. Sicut enim mare abundat aqua, ita et ipsi affluebat sapientia plus ceteris poetis.*

§. 24. *centies HS.* Sunt 80,7291.3 s. 4. d. secundum Arbutnotii computationem *Tables of anc. Coins* pag. 115, h. e. ad nostros numos 484, 374 thaleri. Gronov. in notis suis inf. ad §. 56 250,000 thaleros ex centies HS. conficiebat. Recte itaque Iuvenalis VII, 66 sqq. *Magnae mentis opus nec de lodice paranda Attonitae, currus et equos faciesque deorum Adspicere, et qualis Rutulum confundat Erinnyes.* Nam si Virgilio puer et tolerabile deesset Hospitium, caderent omnes a crinibus hydri. Debut autem fortunam suam Maecenati, ut vel ex Martiale apparet lib. VIII, 56 *Risit Tuscus eques paupertatemque malignam Reppulit* etc.

*secessu Campaniae,* h. in villa sua; habuit utique villam in agro Campano, non longe a Nola, ut ex narratione apud Gellium VII, 20 de contentione cum Nolanis de aqua in propinquum Virgilii rus ducenda colligas. De secessu autem Siciliae



retur. Quaecumque ab Augusto peteret, repulsam nunquam ha-  
 25 buit. Parentibus quotannis aurum ad abundantem alitum mitte-  
 bat, quos iam grandis amisit: ex quibus patrem oculis captum, et  
 duos fratres germanos, Silonem impuberem, Flaccum iam adul-  
 26 tum, cuius exitum sub nomine Daphnidis deflet. Inter cetera  
 studia, ut supra diximus, medicinae quoque, ac maxime mathe-  
 maticae, operam dedit. Egit et caussam unam omnino, nec am-  
 27 plius quam semel. Sermone tardissimum, ac paene indocto simi-  
 lem fuisse, Melissus tradit.

28 VII. Poeticam puer adhuc auspicatus, in Balistam, ludi gla-  
 diatorii magistrum, ob infamiam latrociniorum coopertum lapidi-  
 bus, distichon fecit:

*Monte sub hoc lapidum tegitur Balista sepultus:*

*Nocte, die, tutum carpe, viator! iter.*

Deinde *Catalecton*, et *Moretum*, et *Priapeia*, et *Epigrammata*,

nulla alia est auctoritas. E loco Propertii II Eleg. extr. 67 *Tu canis umbrosi subter pineta Galaesi* pos-  
 sit aliquis conicere, etiam in agro Tarentino eum praedium habuisse.

§. 25. *Flaccum, cuius exitum sub nomine Daphnidis deflet.* Eadem Serv. ad Ecl. IV, 1 et 20, ubi et Philargyr., it. Epigr. CCII libri II Anthologiae Lat.

§. 27. *Melissus.* Est is C. Melissus, Spoletius, Maecenatis libertus, de quo v. Sueton. de illustr. Grammat. 21. Scripsit fabulas togatas, unde Ovid. ex P. IV, 16, 30 *Et tua cum socco Musa, Melisse, levis*, ubi v. Heins.

§. 28. *ludi gladiatorii magistrum; lege ludi litteratorii*, si Phocas Grammaticus audiendus, in versibus de Vita Virgilii v. 41 sqq. Secundum hunc Balista Virgilii magister in elementis grammaticis fuerat. A Donato tamen, certe a prima manu, fuisse videtur *ludi magistrum*, ut iam in ed. Ven. 1472 et in aliis, ut Danielis, edd. legitur: male interpolatum addito altero. Vidit hoc Burmannus ad Antholog. Lat. Tom. I, pag. 367. Ceteroqui magnum acumen incesse disticho haud dixerō.

*Catalecton* — Nomen iam ap. Ausonium occurrit in Idyll. XII, quod Technopaegnon inscriptum. Declarat nomen carmina, quae haberi et censeri solent Virgilii, τὰ καταλεγόμενα εἰς τὰ τοῦ Μάρωνος. Est

enim τῶν καταλέκτων liber; τὰ καταλέκτα. Collectioni alicui eiusmodi praefixum esse debuit Epigramma 182, lib. II Antholog. Lat. *Vate Syracosio* etc. Eodem referebat versus Ecl. VI, 1 *Prima Syracosio* Ovidinus in Discept. de Culice Virgilii in Misc. Obs. crit. nov. Tom. IV, pag. 308. De iuvenilibus Virgilii poematibus post virorum doctorum, etiam Ruaei in Vita Virgilii ad a. 696 disputationes, iudicium nostrum in Prooemiis ad minora Virgilii carmina et Catalecta adieciimus. Interea haec monere sufficiat: Fuisse aliquando Culicem inscriptum carmen Virgilii passim habitum docet Martialis XIV, 185 *Accipe facundi Culicem, studiose, Maronis*; et VIII, Epigr. 56, 19. 20 *Protinus Italiam concepit et arma virumque, Qui modo vix culicem fleverat ore rudi.* Sueton. in Vita Lucani: *ut — sua cum Virgilio comparans, ausus sit dicere*: et quantum mihi restat ad Culicem? Statius Silv. II, 7, 74 de Lucano: *Haec primo iuvenis canes sub aevo Ante annos Culicis Maroniani*; et praef. Silv. lib. I, ubi veretur de Thebaide edenda: *sed et Culicem legimus et Batrachomyomachiam etiam agnoscimus; nec quisquam est illustrium poetarum, qui non aliquid operibus suis stilo remissione praeluserit.* Enimvero aut Culex ille Virgilii intercidit, et is, quem habemus, a Grammatico suppositus eius nomini est, aut mi-

et *Diras*, et *Culicem*, cum esset annorum quindecim. Cuius materia talis est: Pastor fatigatus aestu cum sub arbore obdormisset, et serpens ad illum proroperet, e palude culex provolavit, atque inter duo tempora aculeum fixit pastori. At ille continuo culicem contrivit, et visum serpentem interemit, ac sepulcrum culici statuit, et distichon fecit

*Parve culex, pecudum custos tibi tale merenti  
Funeris officium vitae pro munere reddit.*

VIII. Scripsit etiam, de qua ambigitur, *Aetnam*. Et mox, 30 cum res Romanas inchoasset, offensus materia et nominum asperi-

sere foedatus ille est, laciniis pannisque variorum interpolatorum asutis. Alterum carmen, nec minus foede interpolatum, *Cirin* Cornelio Gallo vindicatum ivit Iust. Fontaninus hist. litt. Aquilei. lib. I, c. 2, p. 32 sqq., repugnante Io. Schradero et aliis: sed de hoc v. Prooem. in *Cirin*. Quod ad *Epigrammata*, inprimis in *Priapum*, attinet, lussisse poetam huiusmodi quaedam dubitare nos non sinit Plinius Epp. V, 3. Nam ad maius aliquid quam Eclogarum lusum spectasse videtur, dum Virgilium inter eos memorat, qui paullo lasciviora carmina condiderint: quamquam alteram sententiam Ovidii verbis tueri possis Trist. II, 537, qui, dum Virgilii exemplo se tuetur, non nisi Bucolica nominat: *Phyllidis hic idem tenerosque Amar- yllidis ignes Bucolicis iuvenis luserat ante modis*. *Aetnam* Cornelii Severi vulgo habitam Lucilio iuniori nuper asseruit Wernsdorf. Poet. Lat. min. T. IV. *Diras* Valerii Catonis esse, a nemine facile nunc dubitatur. De *Moreto* vid. Prooem. *Copam* cum aliis ad alios auctores referre non veremur. Mos enim ille vulgatissimus sive Grammaticorum sive librariorum fuit, ut sive ἀθέ- σματα sive minora scripta clarissimo cuique scriptori adscriberent, saepe etiam in calce vacuis chartis illita carmina ad maioris carminis auctorem confidenter referrent. Ex *Epistolis* Virgilii ad Augustum duo loca memorat Macrobius Sat. I, 24, quamquam *Virgilium illa felicitas ingenii in oratione soluta reliquit*, Senecae iudicio Exc. Controv. lib. III. Augusti epistolas ad Virgilium lau-

dat auctor Dialogi de Oratore c. 13 et Claudianus Epist. ad Olybr. (n. XLI) v. 23 *Dignatus tenui Caesar scripsisse Maroni*. Ceterum non pigebit locum ex Vincent. Bellovac. Spec. hist. VII, 62 adscribere, ubi, postquam ex eo, quod *pascua, rura, duces* tantum cecinisse memoratur Virgilius, colligit: *proinde Virgilius de Culice, et Virgilius de Aetna, quos Aurelianenses ad ostentationem et iactantiam circumferunt, inter auctores apocryphos separandi sint*.

cum esset annorum XV; immo XXV, ut iam emendavit Oudin. l. c. pag. 309.

§. 29. Cuius materia talis est. Haec, et quae sequuntur, emblema e margine esse, manifestum est.

§. 30. cum res Rom. inchoasset; Ex illo Ecl. VI, 3 *Quum cunerem reges et praelia*. Servius ad e. l. *Gesta regum Albanorum, quae coepta omisit, nomen asperitate deterritus*. Alii *Scyllam* eum scribere coepisse dicunt, in quo libro *Nisi et Minois regis Cretensium bellum describebat*. Alii de bellis civilibus dicunt; alii de tragoedia *Thyeste*. *Scylla ad Cirin* referenda esse videtur. *Thyestes* fuit L. Varii nobile opus, de quo, praeter scriptores historiae litterariae, vide Rutgers. Lect. Venus. c. 3 et Intpp. ad Quinctilian. Inst. Orat. X, I, 98 *Iam Varii Thyestes cuilibet Graecorum comparari potest*. cf. Philargyr. ad Ecl. VIII, 10. Virgilium auctorem fabulae Thyestis fuisse, Grammatici narrant. vid. Serv. ad Ecl. III, 20. inf. §. 81, et sup. ad §. 20. Alii Cassio Parmensi eam vin-

tate, ad *Bucolica* transiit: maxime ut Asinium Pollionem, Alphenum Varum, et Cornelium Gallum celebraret: quia in distributione agrorum, qui post Philippensem victoriam veteranis, Triumvirorum iussu, trans Padum dividebantur, indemnem se  
 31 praestitissent. Deinde *Georgica* in honorem Maecenatis edidit, cum sibi vixdum noto opem tulisset, adversus Claudii veterani militis, vel, ut alii putant, Arrii centurionis, violentiam, a quo in  
 32 altercatione litis agrariae parum abfuit quin occideretur. Novissime autem *Aeneidem* aggressus est; argumentum varium, et multiplex, et quasi amborum Homeri carminum instar: praeterea nominibus ac rebus Graecis Latinisque commune, et in quo, quod maxime studebat, Romanae simul urbis et Augusti origo contineretur.

33 IX. Cum *Georgica* scriberet, traditur quotidie meditato mane plurimos versus dictare solitus, ac per totum diem retractando ad paucissimos redigere, non absurde carmen se ursae more  
 34 parere dicens, et lambendo demum effingere. *Aeneida* prosa prius oratione formatam, digestamque in XII libros, particulatim com-

dicarunt. v. Schol. Horat. Ep. I, 4, 3, quem illustravit Ruhnck. ad Vellei. p. 363 cum altero loco Acronis ad I Serm. 10, 62. De primis Virgilii in poetica rudimentis elegantissimos Popii versus meminisse iuvat: *When first young Maro sung of Kings and Wars, Ere warning Phoebus touch'd his trembling Ears, Perhaps he seem'd above the Critics Luw* etc.

maxime ut — Hoc Grammaticus hinc comminiscitur, quia Asinii Pollionis Ecl. III, 84. IV, 12. VIII, 7, Vari Ecl. VI, 7 sq. IX, 26, et Cornelii Galli Ecl. VI, 64 et X mentionem satis honorificam fecit. At res Augusti carmine se aggressurum esse minatur Ge. III, 10 sq.

in distributione agrorum. v. inf. Vitam ad a. 713.

§. 31. *adversus Claudii* — *Arrii* — De Arrio cf. inf. §. 36. 96. Servius ad Ecl. IV, 1 *Virgilius*, postquam pene occisus est ab Arrio centurione, Romam revertens mandavit procuratoribus suis, ut tuerentur agros suos et ad praesens obsequerentur Arrio; idem Comment. pr. §. 13 *Ad quem* (agrum) recipiendum profectus ab Arrio centurione, qui eum tenebat, pene est interemptus, nisi se praecipitasset in flumen Mincium, unde est alle-

gorice: Ipse aries etiamnunc vellera siccant. Conf. eundem ad Ecl. I, 48. III, 94. IX, 6. 23. Non admodum discrepant ea, quae alius Grammaticus inter Serviana ad Ecl. IX, 1 narrat: *Sane alii ordinem huius eclogae ita exponunt: Cum immunitatem agrorum Virgilius impetrasset, lis est exorta de finibus inter eum et eos, qui in proximo agros acceperant; ex quibus Clodius quidam dixit, se omnem litem amputaturum intersecto Virgilio; quem poeta stricto gladio se insequentem fugit in tabernam carbonariam, et beneficio institoris ex alia parte emissus servatus est. Milienum Toronem (centurionem) primipilarem e Probo memorat Pompon. Sab., Mancinellus et alii.*

§. 33. Facile apparet, haec, quae sequuntur, e variorum Grammaticorum sive iudiciis sive commentis esse consarcinata.

ursae more. Gell. XVII, 10 *Amici famuliiresque P. Virgilii in his, quae de ingenio moribusque eius memoriae tradiderunt, dicere eum solitum ferunt, parere se versus more atque ritu ursino v. rel. Quintil. Inst. X, 3, 8 Virgilium quoque paucissimos die composuisse versus, auctor est Varus.*



ponere instituit, ut quidam tradunt. Alii eius sententiae sunt, 35 ut existiment, eum, si diutius vixisset, quatuor et viginti libros usque ad Augusti tempora scripturum, atque alia quaedam percursum; Augusti vero gesta diligentissime exsecuturum: quippe qui, dum scriberet, ne quid impetum moraretur, quaedam imperfecta reliquit; alia levissimis versibus veluti fulsit: quos per iocum pro tigillis vel tibicinibus interponi a se dicebat, ad sustinendum opus, donec solidae columnae advenirent.

X. Bucolica triennio Asinii Pollionis suasu perfecit. Hic 36 Transpadanam provinciam regebat; cuius favore, cum veteranis Augusti militibus Cremonensium et Mantuanorum agrī distribuerentur, suos Virgilius non amisit. Facta enim distributione, suos, seu Claudio seu Arrio datos, recuperavit. Hunc Pollionem maxi- 37 me amavit Maro, et dilectus ab eo magna munera tulit. Quippe qui invitatus ad coenam, captus pulcritudine et diligentia Alexandri, Pollionis pueri, eum dono accepit. Huius Pollionis filium, 38 C. Asinium, et Cornelium Gallum, oratorem clarum, et poetam non mediocrem, miro amore dilexit Virgilius. Is transtulit Euphotionem in Latinum, et libris quatuor amores suos de Cytheride scripsit. Hic primo in amicitia Caesaris Augusti fuit: postea, in 39 suspicionem coniurationis contra illum adductus, occisus est. Verum usque adeo hunc Gallum Virgilius amat, ut quartus Georgicorum, a medio usque ad finem, eius laudem contineret. Quem postea, iubente Augusto, in Aristaei fabulam commutavit.

XI. Georgica septennio Neapoli, Aeneida partim in Sicilia 40 partim in Campania duodecim confecit annis. Bucolica eo successu 41 edidit, ut in scena quoque per cantores crebra pronuntiatione re-

§. 34. *ut quidam tradunt*; impudentissimi profecto homines, qui infimi subsellii poetastris usitatum morem tanto poetae tribuere ausi sunt. At illud etiam insulsius, ad XXIV eum libros Aeneidem fuisse perducitur; quasi de annalibus ageretur. Fecit tamen hoc Mapheus Vegius, Laudensis, saec. XV, qui XIII librum Aeneidi adiecit, quem iam in ed. Adami Rot. 1471 et hinc in multis editionibus expressum reperias. conf. *Abauzit Oeuvres* Vol. II.

§. 36. *Bucolica triennio* — Sic et Phocas v. 95 sqq. v. inf. Vitam ad a. 716.

§. 37. *Alexandri*; v. sup. §. 20.

§. 38. *C. Asinium*. Est is C. Asinius Gallus ex Tacito Ann. I, 12 et al. Dione L VII, 2 etc. satis notus.

De *Cornelio Gallo* v. ad Ecl. VI, 64 et X pr. cf. quos laudat Burmannus ad Antholog. lib. II, Ep. 176.

§. 39. *occisus est*; se ipsum intcremit. v. Vita Virgil. a. 728.

*ut quartus Georgicorum*. Eadem inter Scrviana ad Ecl. X, 1. Ge. IV, 1, quae an vera sint, valde dubito; non enim coniectare licet, quomodo Galli laudes in illo argumento locum habere potuerint; nec, si iam ante quatuor annos Georgica in vulgus exierant, locus potuit retractari.

§. 40. *Georgica septennio Neapoli*. De loco constat ex fine lib. IV Georg.; tempus Grammaticorum fide nititur.

§. 41. *ut in scena*. Idem commentum in Servianis ad Ecl. VI, 11 memoratur, Eclogam sextam a Cytheride mima esse recitatam; narrationis tamen fundum idoneum reperire haud facile est: praeterquam Dialogum de Oratoribus c. 13 *testis ipse populus, qui, auditis in thea-*



citarentur. At cum Cicero quosdam versus audisset, et statim acriter iudicio intellexisset non communi vena editos, iussit ab initio totam eclogam recitari: quam cum accurate pernotasset, in fine ait: *Magnae spes altera Romae*. Quasi ipse linguae Latinae spes prima fuisset, et Maro futurus esset secunda. Quae verba postea  
 42 Aeneidi ipse inseruit. Georgica, reverso ab Actiaca victoria Augusto, atque reficiendarum faucium causa Atellae commoranti, per continuum quatrimum legit, suscipiente Maecenate legendi vicem,  
 43 quoties interpellaretur ipse vocis offensione. Pronuntiabat autem maxima cum suavitate, et lenociniis miris. Seneca tradidit,  
 44 Iulium Montanum poetam solitum dicere, involaturum se quaedam Virgilio, si vocem posset, et os, et hypocrisim: eosdem enim versus, eo pronuntiante, bene sonare; sine illo, inarescere, quasi mutos.

*tro versibus Virgilii, surrexit unus versus et forte praesentem spectantemque Virgilium veneratus est sie, quasi Augustum.* Recitationes Romae in theatro factas esse, aliunde haud constat; et loca, e quibus id probatum ivere, vix dubitationem tollunt. Nam locum Ovidii Trist. V, 7, 25 *Carmina quod pleno saltari nostra theatro, Versibus et pluviis scribis, amice, meis*, de Medea intelligi posse docere videtur alter locus Tr. II, 519. 520 *Et mea sunt populo saltata poematu saepe; Saepe oculos etiam detinuerunt* — etsi quae sequuntur, *Nilequidem feci, tu scis hoc ipse, theatris*: obscurant rem. Ad haec tamen respondeas: saltem hoc ipsum exemplum, quod de Virgilii Bucolicis memoratur, satis esse ad morem testandum. Haec nisi essent, suspicarer, ex Ecl. VI, 66 *Utque viro Phoebi choros assurrexerit omnis* lepidum hominem hanc narrationem de Gallo in Virgilium argute conferre sibi visum esse. Quod Ovid. Trist. IV, 10, 54 *carmina se populo iuvenilia legisse* ait, ad recitationes sane spectat, nec tamen in theatro factum esse necesse est. Dixerimusne mimum aliquem in scena versus e Bucolicis interposuisse et laudasse? Iam vero illud quoque notabile, quod iam Ciceronis aetate mima in scena Romae memoratur; cum feminarum partes histriones et mimi agerent. A grammatico dicti sunt *cantores*. Senioribus aetatibus etiam

feminas in scenam prodisse, ex Patribus, quos appellamus, discimus.

*quasi ipse* n. Cicero. Est haec grammatici narrantis interpretatio: quae et ap. Servium l. l. habetur. Cum Cicerone indignam haec sui laudem putaret Warton (*Life of Virgil* p. 8.), quandoquidem *Silenus*, Ecloga sexta, recitata esse traditur, credidit ille, posse dictum hoc ita accipi, ut, cum illa Ecloga physici sit argumenti, post Lucretium partes secundas Maronem obtenturum esse significaverit.

*inseruit*: Aen. XII, 168 *Et iuxta Aeneas, magnae spes altera Romae*.

§. 42. *Atellae commoranti*. Falsum hoc; nam a pugna Actiaca rediens Caesar ultra Brundisium, quo Senatum Roma evocaverat, non processit. v. Dio LI, 4. conf. inf. ad 724; aegrotans vero rediit in Italiam a pugna Philippensi, a. 712, verum ut et tum aliquantum Brundisii subsisteret. cf. Appian. pag. 1073. 1080. Plutarch. Anton. pag. 925. Dio XLVIII, 3. conf. Vita Virgil. a. 724.

§. 44. *Iulium Montanum*. Heroica is et elegiaca scripserat. Ovidius ex P. IV, 16, 11 *Quique vel imparibus numeris, Montane, vel aequis Sufficit, et gemino carmine nomen habes*. Meminit eius Seneca Epist. CXXII *Recitabat Montanus Iulius carmen, tolerabilis poeta, et amicitia Tiberii notus et frigore*. Afferuntur ibidem versus ex eo, tole-

XII. Aeneidos vix dum coeptae tanta exstitit fama, ut Sext. 45 Propertius non dubitarit sic praedicare:

*Cedite Romani scriptores, cedite Graii,  
Nescio quid manus nascitur Iliade.*

Augustus vero, cum tum forte expeditione Cantabrica abesset, et 46 supplicibus atque minacibus per iocum literis efflagitaret, ut sibi de Aeneide, ut ipsius verba sunt, vel prima carminis hypographa, vel quodlibet colon mitteret, negavit se facturum Virgilius; cui tamen multo post, perfecta demum materia, tres omnino libros recitavit: secundum videlicet, quartum, et sextum. Sed hunc 47 praecipue ob Octaviam: quae, cum recitationi interesset, ad illos de filio suo versus, *Tu Marcellus eris*, defecisse fertur: atque aegre refocillata, dena sestertia pro singulo versu Virgilio dari iussit. Recitavit et pluribus; sed neque frequenter, et ferme illa, de 48 quibus ambigebat, quo magis iudicium hominum experiretur. Erotem, librarium et libertum eius, exactae iam senectutis, tra- 49 dunt referre solitum, quondam in recitando eum duos dimidiatos versus complexse ex tempore: et huic *Misenum Aeolidem*, adie-

rabiles et illi, nihil tamen de Virgilitate recitatione. Neque eo spectant, quae apud Senecam Controvers. XVI extr. legas.

§. 45. *Sext. Propertius*, v. lib. II, Eleg. 25 (34), 65. Scripta autem illa Elegia esse debet U. C. 728 vel 729; nam mortis Galli mentio in ea fit v. 91. 92.

§. 46. *cum tum forte*; f. *qui tum* Gronov.

*expeditione Cantabrica* U. C. 729. v. inf. h. a. Macrob. Sat. I, 24 *Ipsius enim Maronis epistola, qua compellat Augustum, ita incipit*: „Ego „vero frequentes a te litteras accipio; *et infra*: De Aenea quidem „meo, si mehercule iam dignum haberem auribus tuis, libenter mittem; sed tantum inchoata res est, „ut pene vitio mentis tantum opus „ingressus mihi videar; cum praesertim, ut scis, alia quoque studia „ad id opus multoque potiora impertiar.“ Legant haec poetae nostri et in sinu suo gaudeant, sibi ad carmina scribenda tanto apparatu opus non esse. De Epistolis Augusti ad Virgilium conf. sup. ad §. 28.

*vel prima carminis hypographa.* Leg. *primam c. hypographen* suspicatur Burmannus. Gesnerus ad Claudianum p. 630 *hypographa* primum

in chartas vel ceras coniecta esse notabat, nondum emendate et accurate perscripta.

*tres libros recitavit.* Serv. ad Aen. IV, 324 *Hoc solum nomen quoniam de coniuge restat.* „Dicitur autem „ingenti adfectu hos versus pronuntiasse, cum privatim paucis praesentibus recitaret Augusto; nam recitavit primum versus tertium et „quartum.“ Ubi alii „primum, tertium et quartum.“

§. 47. *ob Octaviam.* Eius filius M. Marcellus immatura morte obierat a. U. C. 731. vid. Vitam ad h. a.

*dena sestertia* 80 l. 14 s. 7 d. sive circa 434 thaleros; XXV versus, tot enim de Marcellis agunt, ad 2100 l. hoc est ad 12600 thaleris aestimati fuerunt. Apud Serv. ad VI, 862 „Et „constat hunc librum tanta pronuntiatione Augusto et Octaviae esse „recitatum, ut fletu nimio imperarent silentium, nisi Virgilius finem „esse dixisset, qui pro hoc aere gravi donatus est, id est missis etc.“ Ultima e Grammatici penu addita sunt.

§. 49. *versus complexse.* Etiam hoc Grammatici acumen prodit: qui forte versibus a se expletis fidem et auctoritatem parare voluit. Versus

cisse, quo non praestantior alter; item huic, *Aere ciere viros*, simili calore actutum subiunxisse, *Martemque accendere cantu*: statimque sibi imperasse, ut utrumque volumini adscriberet.

50 XIII. Bucolica Georgicaque emendavit. Anno vero quinquagesimo secundo, ut ultimam manum Aeneidi imponeret, statuit in Graeciam et Asiam secedere, triennioque continuo omnem operam limationi dare, ut reliqua vita tantum philosophiae vacaret. Sed, cum aggressus iter, Athenis occurrisset Augusto, ab oriente Romam revertenti, una cum Caesare redire statuit. Ac cum Megara, vicinum Athenis oppidum, visendi gratia peteret, languorem nactus est: quem non intermissa navigatio auxit, ita ut, gravior indies, tandem Brundisium adventarit: ubi diebus paucis obiit, decimo Kal. Octobr. C. Sentio, Q. Lucretio Coss.

52 XIV. Qui cum gravari morbo sese sentiret, scriinia saepe et magna instantia petivit, crematurus Aeneida: quibus negatis testamento comburi iussit, ut rem inemendatam imperfectamque. Verum Tucca et Varius monuerunt, id Augustum non permissurum. Tunc eidem Vario, ac simul Tuccae, scripta sub ea con-

sunt Aen. VI, 164. 165, ubi conf. Serv.

§. 51. *tantum philosophiae vacaret*. Convenit cum sententia versusum pulcerrimorum Ge. II, 475 sqq. *Me vero primum dulces ante omnia Musae accipiant* etc.

*Augusto ab oriente R. revertenti* ex itinere, quod e Sicilia per Asiam et Graeciam fecerat. vid. inf. Vitam ad 732 — 734.

*Brundisium*. Tarentum alii memorant. *Tarenti Apuliae civitate, dum Metapontum videre cupit, seu Brundisii, dum Megaram videre voluisset* (vides Grammaticorum seu Monachorum imperitiam, dum Donatum ante oculos habent §. 51) *quorundam iudicio invaliditudine ex solis ardore contracta*: Vita Virgilii praemissa edit. Ven. 1472, quae deinceps in ed. Danielis Servio tribuitur. Inepti Grammatici lacinia est in Serv. ad Aen. II, 197, qua Thessaliam adiisse Maro narratur.

§. 52. *Qui cum*. v. inf. ad 735.

§. 53. *L. Varius* auctor Thyestae v. sup. ad §. 30. Maecenati imputatur in Carm. ad Pison. 226, (quod Saleio Basso assignat Wernsdorf. P. L. M. Tom. IV, ubi v. p. 276) quod Varius tragoediae laude inclaruit: *Maecenas tragico quatientem pul-pita caestu Evexit Varium*. Locus

corruptus: alii *gestu*, immo *gressu*; nam *gestu* scena vix quatur, sed idem ab epico carmine commendatur ab Horat. Carm. I, 6, 1 *Scriberis Vario fortis et hostium Victor Maeonii carminis aliti*, h. poetac, qui evolat carmine epico. Serm. I, 10, 44 *forte epos acer, Ut nemo, Varius ducit*. Versus eius aliquot heroicis adscripsit Macrobi. VI, c. 1 et 2; corrupte tamen ibi laudatur: *Varius de morte*. At ex *Varii Pannegryrico Augusti* petitos esse versus, quos Horatius inserit I Ep. 16, 27. 28. 29, testatur Schol. ad e. l. Collegit fragmenta Rutgers. Venus. Lect. c. 3, ut sup. ad §. 30 monitum est. Cum Virgilio tamquam alter poetarum princeps nominatur Art. P. 55 et II Ep. 1, 247. Amicissimus Horatio, v. Serm. I, 9, 23, quem etiam Maecenati commendaverat. vid. Serm. I, 6, 55. Male cum Vario a multis confunditur. v. Exc. ad Ecl. VI. De varietate in scriptura conf. Horreum in prooem. Miscell. Critic. Videtur ille quoque latere in loco Macrobii II Sat. 4 pr. ubi de Augusti ioco de Aiace tragoedia ab eo inchoata: *posteu Lucius gravis tragoediarum scriptor interrogabat eum, quid ageret Ajax suus, et ille, in spon-giam, inquit, incubuit*. Quae male ad Ciceronem transtulit Io. Lydus a



ditione legavit, ne quid adderent quod a se editum non esset, et versus etiam imperfectos, si qui erant, relinquerent. Voluit etiam<sup>54</sup> sua ossa Neapolim transferri, ubi diu et suavissime vixerat; ac extrema valetudine hoc ipse sibi epitaphium fecit distichon:

*Mantua me genuit, Calabri rapuere, tenet nunc  
Parthenope: cecini pascua, rura, duces.*

Translata igitur iussu Augusti eius ossa, prout statuerat, Neapo-<sup>55</sup>lim fuere, sepultaque via Puteolana, intra lapidem secundum, suoque sepulcro id distichon, quod fecerat, inscriptum est.

XV. Heredes fecit ex dimidia parte Valerium Proculum, 56 fratrem ex alio patre, ex quarta Augustum, ex duodecima Maecenatem, ex reliqua L. Varium et Plotium Tuccam: qui eius Aeneidem post obitum, prout petiverat, iussu Caesaris emendave-

Schow editus p. 50. Nuper multa de Vario certa et incerta fide disputavit, docte tamen, Ger. Nic. Heerkeus in praef. ad Icones, ut ei inventam in Germania tragoediam Tereum vindicaret. Plotius Tucca, male *Quinctilius Tucca* appellatur apud Probum in Vita Virgilii. L. Varium et Plotium Tuccam mox §. 56 Donatus excitat. Plotius et Varius, tamquam communes Horatii et Virgilii amici, laudantur Horat. Sat. I, 5, 40. Inter praestantissimos carminum iudices refertur apud eundem Plotius Sat. I, 10, 81.

et versus etiam imperfectos relinquerent. v. ad s. 59. Eosdem etiam libros distinxisse, narrant Grammatici: qua de re vid. ad lib. V Aen. extr.

§. 54. distichon; hoc passim laudatur; est tamen tam ieiunum et ineptum, ut nemini facile fraudem faciat. Calabri declarant Brundisium. Aliud epitaphium in Cagianni, Principis feminae, Villa inventum, Mabilionius memorat Itin. Ital. p. 113 *Sistite, Viatores, quaeso pauca legite. Hic Maro situs est. Videatur et hoc carmen otiosi hominis lusus esse.*

§. 55. sepulcro; quod adhuc monstratur, ad ingressum cryptae Pausilypanae; quodque magicis poetae artibus monachi narrarunt effossum. Memorant de eo omnes, qui ad haec loca accedere: ut singulos excitare velle putidum foret. v. saltem Holdsworth *Remarks on Virgil* p. 501.

Egere porro de eo multi: in quibus videndi Cluver. Ital. ant. IV, 3, p. 1153, qui tamen in censuram venit Holdsworthi p. 5. Capacius Hist. Puteol. cap. 34. et Hist. Neap. lib. II, cap. 2. Cam. Peregrinius de Campania Felice diss. II, S. 20. Scip. Mazzella p. 203. Verum praestat nunc adire Paoli Antiqq. Puteol. fol. 10 sqq., ubi et expressa loci facies, nec minus speciose apud Hamilton. Campi Phlegraei T. II, t. 16. Adde Fabric. Bibl. Lat. Vol. II, p. 227\* Burmann. ad Antholog. lib. II, Ep. 198 et in praef. perdocta ad Dorvillii Sicula p. XXV. Silius Italicus illud monumentum Virgilii adire, ut templum, solebat Plin. Epist. III, 7. De quo Maroniani sepulcri cultu v. Martial. XI, 49 et 51. Ex quibus locis male lectis et acceptis Silium etiam Virgilii villam emisisse tradunt, qui Silii vitam composuerunt: quamquam Virgilii agrum non longe a Nola fuisse, supra ad §. 24 commemoravimus. Etiam Statius Silv. IV, 4, 51 *En egomet — Maroneique sedens in margine templi Sumo animum et magni tumulis ad canto magistri.*

§. 56. Romanus aliquis scripturus fuisset: Heredes fecit ex semisse Val. — ex quadrante Augustum, uncia Maecenatem, ex sextante, qui supererat, L. Varium et Tuccam. — Maecenatem. Is adeo superstes fuit Maroni. At Maroni adscripserant grammatici Elegiam in Maecenatis obitum.



runt; nam nullius omnino sententia crematu Aeneis digna visa fuit:  
57 qua de re Sulpicii Carthaginiensis exstant huiusmodi versus:

*Iusserat haec rapidis aboleri carmina flammis  
Virgilius, Phrygium quae cecinere ducem.  
Tucca vetat, Variusque simul; tu, maxime Caesar,  
Non sinis, et Latiae consulis historiae.  
Infelix gemino cecidit prope Pergamos igni,  
Et pene est alio Troia cremata rogo.*

58 Exstant et Augusti de ipsa eadem re versus plures et clarissimi, quorum initium est:

*Ergone supremis potuit vox improba verbis  
Tam dirum mandare nefas? ergo ibit in ignes,  
Magnaque doctiloqui morietur Musa Maronis?*

Et paulo post:

*Sed legum servanda fides; suprema voluntas  
Quod mandat, fierique iubet, parere necesse est.  
Frangatur potius legum veneranda potestas,  
Quam tot congestos noctesque diesque labores  
Hauserit una dies Et ea quae sequuntur.*

59 Nihil igitur auctore Augusto Varius addidit, quod et Maro praeceperat, sed summatim emendavit, ut qui versus etiam imperfectos, si qui erant, reliquerit. Hos multi mox supplere conati,

§. 57. *Sulpicius Carthaginiensis.* Grammaticus. Eius carmen vide etiam ap. Scalig. Catal. pag. 140. Anth. Lat. lib. II, epigr. 174. — *historiae* sane vs. 4 parum commode fit memoratio; deb. *Latia Musa* memorari; aut *Latia* s. Romano *nomini*. Dicit tamen potest auctor carminis respexisse origines Iuliae gentis et Romanorum a Troianis, quae Aeneidis argumentum constitunt.

§. 58. *Augusti.* Grammatici alioquin snb Augusti nomine: in Pithoeo p. 70, Catalectis p. 141, et in Anthologia II, 184. Videas tamen Voltarium horridos hos et ineptos versus non modo Augusto tribuere, verum etiam magnopere probare: *ils sont beaux et semblent partir du coeur. Essai sur la Poésie épique* chap. 3. Ita vides, ad verum pulcrarum sententiarum sensum et iudicium sermonis intelligentiam aliquam esse necessariam. (Infr. Testim. IV et VII.)

§. 59. *Hos multi mox supplere*

*conati*: cuius generis versus multos passim in suspicionem adduximus; alios dudum eiecere critici. Fuere tamen etiam recentiores, qui inanem operam in explendis his versibus collocarent; ut Nannius Miscell. VI, 10, et Vanierius, de quo I. M. Heinzeii, viri docti, Gymnasii Wimar. directoris, est commentatio. Illud vero vix fieri potuisse putes, ut existerent homines ingeniosi et qui sibi subtiles et acuti viderentur, qui in versibus his imperfecte relictis iudicium poetae et miram sagacitatem quaererent; scilicet ut argumenti gravitate tacto lectoris animo ad meditandum mora daretur. Qua de re cf. Disquis. I ad Aen. extr. Unum est Servii scholion ad Aen. IV, 361, in quo simile iudicium veteris Grammatici legere memini: *Et oratorie, inquit, ibi finivit, ubi vis argumenti substituit*. Atqui illud saltem recte is perspectum habuit, *oratorium* id esse. Sane ipsa res id ferre debuit, ut nonnullis in locis, sen-

non perinde valuerunt ob difficultatem; quod omnia fere apud eum hemistichia, praeter illud: *Quem tibi iam Troia peperit*, sensum videntur habere perfectum. Nisus, grammaticus, audisse 60 se a senioribus dicebat, Varium duorum librorum ordinem commutasse, et, qui tum secundus erat, in tertium locum transtulisse: etiam primi libri correxisse principium, his demtis versibus:

*Ille ego, qui quondam gracili modulatus avena  
Carmen, et, egressus silvis, vicina coegi,  
Ut quamvis avido parerent arva colono:  
Gratum opus agricolis: at nunc horrentia Martus  
Arma virumque cano.*

XVI. Obtrectatores Virgilio nunquam defuerunt. Nec mi-  
rum. Nam ne Homero quidem. Prolatis Bucolicis innominatus  
quidam rescripsit Antibucolica, duas modo Eclogas, sed insulsis-  
sime, *παρρησίας*, quarum prioris initium est:

*Tityre, si toga calda tibi est, quo tegmine fagi?*

sequentis:

*Dic mihi, Damoeta, cuium pecus, anne Latinum?  
Non; verum Aegonis nostri sic rure loquuntur.*

Alius, recitante ea ex Georgicis: *Nudus ara, sere nudus; subie-  
cit, habebis frigora, febrem.*

tentia absoluta, ingēni impetum poeta inhibere nollet, utque ad alia properaret, relicto et seposito versu imperfecto in aliud tempus, quod ei mors maturior invidit.

*Quem tibi iam Troia*, Aen. III, 340. Paullo ante *si qui erant* leg. cum Gronov. *sicut erant*.

§. 60. *Nisus, grammaticus*. Nomen eius passim occurrit in Grammaticorum scriptis, etiam in Macrobio, ubi Sāt. I, 12 eius *Commentarii fastorum* laudantur.

*duorum librorum ordinem commutasse*. Indoctum hoc, et indoctius adhuc enuntiatum; res ita se habet apud Servium pr. in Aen. „li-  
„cet quidam superflue dicant, se-  
„cundum (librum) primum esse,  
„tertium secundum, et primum ter-  
„tium, ideo, quia primum Ilium con-  
„cidit“ etc. scil. ad ordinem rerum gestarum iudicio facto, non ex epicae narrationis lege.

*his demtis versibus*. Atqui non demtos eos, sed ab alia potius manu adiectos Virgiliano operi esse dicen-  
dum erat; cum a natura fabulae epi-

cae praefixa huiusmodi narratio poetae de se abhorreat. In edit. 1472 ita hoc loco legitur: *Unde intuemur aliquos versus detractos in principio, ut: Ille ego, qui quondam, et in secundo* (v. 566): ibi aut ignibus aegra dedere. Ab aliis post Servium in Vita Virg., quae praefixa est Aeneidi, inter recisos versus numerantur XXII versus Aen. II, 567 sqq., ubi vide.

§. 61. *quo tegmine fagi?* forte: *quo tegmina fagi?* h. in quem usum? ut Gronov. Nec tamen vel sic acumen assequor. Alia parodia est apud Serv. ad Ge. I, 210 *Hordea qui dixit, superest ut tritica dicat*, h. debet et de his praecipere. Porro *cuium pecus anne Latinum*, cum Gronovio ita intellige: anne Latinum hoc est, si, *cuium pecus*, dicas? Venire potest in hunc censum pictura Herculanensis Tom. IV, p. 166, in qua Aeneas et Anchises humeris impositus et manu Ascanius implicitus, omnes exhibiti sunt cercopithecorum speciem referentes. (— Bothius in *Virgilio Vir-*

62 Est et adversus Aeneida liber Carvillii Pictoris, titulo Aeneidomastix. M. Vipsanius a Maecenata eum suppositum appellabat novae κακοζηλίας repertorem; non tumidae, neque exilis, sed ex communibus verbis, atque ideo labentis. Herennius tantum vitia  
63 eius contraxit; Perilius Faustinus furta. Sunt et Q. Octavii Aviti Ὅμοιοτελεύτων octo volumina, quibus annotantur, quos et  
64 unde versus transtulerit. Asconius Pedianus, libro quem contra obtrectatores Virgilii scripsit, pauca admodum ei obiecta ponit; et potissimum, quod non recte historiam contexuit, et quod ple-  
raque ab Homero sumpsit. Sed hoc crimen sic defendere assuetum ait: *Cur non illi quoque eadem furta tentarent? Verum intellecturos, facilius esse Herculi clavam, quam Homero versum surripere;* et tamen destinasse secedere, ut omnia ad satietatem malevolorum decideret.

65 XVII. Refert etiam Pedianus, benignum, cultoremque omnium bonorum atque eruditorum fuisse, et usque adeo invidiae expertem, ut, si quid erudite dictum inspiceret alterius, non minus gauderet, ac si suum fuisset; neminem vituperare, laudare bonos; ea humanitate esse, ut, nisi perversus maxime, quisque illum  
66 non diligeret modo, sed amaret. Nihil proprii habere videbatur. Eius bibliotheca non minus aliis doctis patebat, ac sibi; illudque Euripidis antiquum saepe usurpabat, τὰ τῶν φίλων κοινὰ, hoc  
67 est, *communia amicorum esse omnia.* Quare coevos omnes poetas ita adiunctos habuit, ut, cum inter se plurimum invidia arde-

giliano p. 7. interpungendum existimat: *Non; verum Aegonis nostri sic rure loq.* Sed parum commode pecus Latinum et pecus Aegonis inter se opponuntur. Wr.)

§. 62. De Carvillio Pictore nihil aliud reperiri memini. An forte ei debeatur pictura scurrilis modo memorata, quaerit Pusquale Carcanni Pictur. Herculi. Tom. IV, p. 166 et 368.— M. Vipsanius Agrippa eum, Virgilium, appellabat novae κακοζηλίας repertorem, quasi Maecenati ea in re gratificaretur poeta, cuius molle et discinctum scribendi genus passim perstringitur a veteribus. Quae sit labens cacozelia, obscurum est; an labantem, hoc est incertam, mediam inter tumidam et exilem dicere voluit? Multo magis putes Maronem obviam ivisse Maecenatis pravae et affectatae dictioni. Apud Serv. ad Aen. VIII, 310 „Hoc „etiam Maecenas in Symposio, cui „Virgilius et Horatius interfuerant, „cum ex persona Messalae de vino „loqueretur, ait: „Idem humor mi-

„nistrat faciles oculos, pulciora reddi-  
„dit omnia, et dulcis iuventae redu-  
„cit bona.“ Herennius qui fuerit, non liquet. Herennius Senecio aliquoties in Epp. Plinii occurrit. Nec quicquam constat de Perilio Faustino, aut de Q. Octavio Avito.

§. 64. *Cur non illi.* Dictum hoc Vincent. Bellovac. Specul. hist. VII, 62 repetit, una cum illo sup. §. 34 de ursae. Alia, quae Asconius de Virgilio tradidisse memoratur, v. sup. §. 21. Serv. ad Ecl. III, 105. IV, 110.

assuetum n. Virgilium. Mox videtur legendum: *destinasse se, cedere, ut — recideret.*

§. 65. Egregii mores poetae, et quales in tali ingenio esse debuisse divines! Confirmat Horat. Sat. I, 5, 40 Plotius et Varius — Virgiliusque — animae, quales neque candidiores Terra tulit, neque quae sit devinctior alter. Ex tota vita, si nihil aliud de poeta traditum esset, haec saltem censura eum omnibus bonis commendaret.



rent, illum una omnes colerent; Varius, Tucca, Horatius, Gallus, Propertius. Anser vero, quoniam Antonii partes sequutus est, illum non observasse dicitur. Cornificius ob perversam naturam illum non tulit. Gloriam vero adeo contemtor fuit: cum quidam 68 versus quosdam sibi adscriberent, eaque re docti haberentur, non modo aegre non ferebat, immo voluptuosum id illi erat. Cum 69 enim distichon, quod laudem felicitatemque Augusti continebat, fecisset, valvisque non nominato auctore affixisset (id erat eiusmodi:

*Nocte pluit tota, redeunt spectacula mane:*

*Divisum imperium cum Iove Caesar habet);*

diu quaeritans Augustus, cuiusnam hi versus essent, eorum auctorem non inveniebat. Bathyllus vero poeta quidam mediocris, tantibus aliis, sibi adscripsit. Quamobrem donatus honoratusque a Caesare fuit. Quod aequo animo non ferens Virgilius, iisdem 70 valvis affixit quater hoc principium: *Sic vos non vobis*. Postulabat Augustus, ut hi versus complerentur: quod cum frustra aliqui conati essent, Virgilius, praeposito disticho, sic subiunxit:

*Hos ego versiculos feci: tulit alter honores:*

*Sic vos non vobis nidificatis aves.*

*Sic vos non vobis vellera fertis oves.*

*Sic vos non vobis mellificatis apes.*

*Sic vos non vobis fertis aratra boves.*

Quo cognito, aliquamdiu Bathyllus Romae fabula fuit, Maro vero exaltatione.

XVIII. Cum is aliquando Ennium in manu haberet, rogare 71 turque quidnam faceret; respondit, se aurum colligere de ster-

§. 67. *Anser*; de quo Ovid. Trist. II, 435 *Cinnaque procacior Anser*. Adde Propert. II extr. 83. 84 *Nec minor his animis, nec se minor ore canorus Anseris indocti carmine cessit olor*. Forte: *Nec minor his animi, nec segnior ore, canorus — olor*. Virgilius, in his, quae luserat, nec minore spiritu, nec remissioribus numeris, Anser superior erat. De *Anser* Serv. ad Ecl. VII, 22. IX, 36. Graviore auctoritate *Cimber* inter inimicos Virgilii numeretur ex Quintil. Instit. VIII, 3, 27. 28. *Cornificius* Ovidio Trist. II, 436 memoratus: *Et leve Cornifici parque Catonis opus*. cf. ib. Burm. Catullianus *Cornificius* intelligi hic nequit. Hieronym. in Chron. Euseb. MDCCCCLXXVI (ad U. C. 712) *Cornificius poeta a militibus desti-*

*tutus interit, quos saepe fugientes galeatos lepores vocaverat*. *Iulius soror Cornificia, cuius extant insignia epigrammata*. Quibus vereor ne fabulae adpersae sint. Alioqui si hoc anno perit *Cornificius*, illa narratio de inimicitiis eius cum Virgilio exercitis concidit, cum is non nisi post *Cornificii* mortem inclaruerit. Servius ad Ecl. II, 36 per *Amyntam* *Cornificium* vult intelligi, quia is conatus est contra Virgilium scribere. cf. eund. ad Ecl. V, 8. Adde inf. §. 76. In argumentis cod. Gud. *Damon* Ecl. VIII est *Cornificius*, et *Alphesiboeus* Virgilius.

§. 69. 70. Totam de hoc *disticho* et de quaternis istis hemistichiis narrationem ineptum Grammatici seu monachi commentum esse existima.



core Ennii. Habet enim poeta ille egregias sententias sub verbis  
 72 non multum ornatis. Interroganti Augusto, quo pacto civitas feliciter gubernaretur: *Si prudentiores, inquit, temonem tenuerint, et boni malis praeponantur: itaque optimi suos habeant honores,*  
 73 *nulli tamen aliorum iniusti quidquam fiat.* At Maecenas: *Quid, inquit, Virgili, satietatem homini non adfert? Omnium rerum, respondit, aut similitudo aut multitudo stomachum facit, praeter*  
 74 *intelligere.* Idem interrogavit: *Quo pacto quis altam felicemque fortunam servare potest? Cui Maro: Si, quantum honore ac divitiis aliis praestantior sit, tanta liberalitate et iustitia alios superare*  
 75 *nitatur.* Solitus erat dicere: *Nullam virtutem commodiorem homini esse patientia; ac nullam asperam adeo esse fortunam, quam prudenter patiando vir fortis non vincat.* Quam sententiam in quinto Aeneidos inseruit:

*Nate dea, quo fata trahunt retrahuntque, sequamur;  
 Quidquid erit, superanda omnis fortuna ferendo est.*

76 Cum quidam eius amicus Cornificii in eum maledicta et inimicitias sibi enarraret: *Quam putas, inquit, esse huius malevolentiae causam? Nam neque unquam Cornificium offendi, et eum amo.* At, inquit, *Hesiodi sententiae non meministi, ubi ait, architectum architecto invidere, et poetam poetae? De malis, inquit, Graecus ille intellexit: nam boni eruditores amant.* Sed magna cum laude et gloria vindictam in manu habeo. Maiore enim cura virtuti intendam; atque quo elegantior ego fiam, eo vehementiore  
 77 invidia rumpetur. Erat Augusto familiaris Philistus quidam, orator et poesin mediocriter doctus, cui multiplex variumque ingenium erat, quique omnium omnia dicta reprehendere conabatur: non ut verum dignosceret, quod Socrates facere consuevit, sed ut eruditior videretur. Hic Virgilium, ubicumque convenire dabatur, maledictis salibusque vexabat. Quare ille saepe aut tacitundus discedebat, aut suffusus pudore tacebat. Verum, cum Augusto audiente elinguem illum diceret, et causam etiam suam, si linguam haberet, defendere nequire: *Tace, inquit, rabula.* Nam haec mea taciturnitas defensorem caussarum mearum Augustum fecit et Maecenatem; et ea tuba, cum volo, loquor, quae ubique et diutissime audietur. Tu loquacitate non modo aures hominum, sed muros rumpis. Augustus vero Philistum gravi vultu increpavit. Tunc Maro, *Si tempus, Caesar, inquit, tacendi hic sciret, raro loqueretur.* Tacendum enim semper est,

§. 72. Videntur homines lepidi, quicquid unquam pulcrarum sententiarum reperirent, ut clarum et gravem auctorem darent, in Virgilium cumulasse.

commentitius Grammaticorum homo esse videtur. Philistos varios enarrat Fabric. ad Dionem XXXVIII, 18, §. 89, sed nullus ex iis hic locum habet. *elinguem* quod dixit, videtur dictum respicere Melissi sup. s. 27.

§. 77. *Philistus* cum suo dicto

*nisi cum taciturnitas tibi noceat, aut oratio aliis prosit. Nam qui contendit, et an contentio finis utilis sit, non novit, stultis illum annumerandum sapientes putant.*

XIX. Posteaquam Augustus summa rerum omnium potitus 78 est, venit in mentem, an conduceret tyrannidem omittere, et omnem potestatem annuis consulibus, et senatui rempublicam reddere: in qua re diversae sententiae consultos habuit, Maece-natem et Agrippam. Agrippa enim utile sibi fore, etiamsi honestum non esset, relinquere tyrannidem longa oratione contendit: quod Maecenas dehortari magnopere conabatur. Quare Augusti animus et hinc ferebatur et illinc. Erant enim diversae sententiae, variis rationibus firmatae. Rogavit igitur Maronem, an conferat privato homini, se in sua republica tyrannum facere. Tum ille, *Omnibus ferme, inquit, remp. aucupantibus molesta ipsa tyrannis fuit, et civibus: quia necesse erat propter odia subditorum, aut eorum iniustitiam, magna suspicione magnoque timore vivere. Sed si cives iustum aliquem scirent, quem amarent plurimum, civitati id utile esset, si in eo uno omnis potestas foret. Quare si iustitiam, quod modo facis, omnibus in futurum nulla hominum facta compositione distribues; dominari te, et tibi conducet, et orbi. Benevolentiam enim omnium habes, ut deum te et adorent, et credant.* Eius sententiam sequutus Caesar prin- 79 cipatum tenuit. Audivit a Syrone praecepta Epicuri; cuius doctrinae socium habuit Varium. Quamvis diversorum Philosophorum opiniones libris suis inseruisse de animo maxime videatur, ipse tamen fuit Academicus: nam Platonis sententias omnibus aliis praetulit.

\*

\*

\*

§. 78. *Posteaquam Augustus* — Commentum hoc parum acuti hominis esse, monere necesse non est. conf. Ruæum Vita Virg. ad 725. Scilicet poetarum consilia hisce de rebus expetent tyranni! Forte ex rhetorum scholis fluxit, in quibus declamationis argumento inservire potuit. Wartonus tamen (*Life of Virgil* p. 25) narratiunculam admodum probat, et ex Platone petitam, Aen. I, 152 — 157 expressam esse existimat. Maecenatis et Agrippae disputationes hac de re ex Dione notae sunt: forte et illae in scholis rhetorum natae.

*consultos. consultores* emendat Gronov. Mox *et civibus* inutile est; nisi f. ut c. Paulo post *nulla hominum facta compositione* obscurum est. Dictum esse debet pro: nullo habito respectu.

§. 79. *a Scirone.* Lege: *a Syrone.* Syronem, Epicureum, Ciceroni amicissimum et optimum virum intellige, de quo Cicero Fin. II, 35, ad Div. VI, 11. Eum Virgilii et Varii magistrum fuisse passim Grammatici monent. vid. Phocas in Vita Virg. v. 63. 64. Serv. ad Ecl. VI, 13. Aen. VI, 264. cf. Not. ad Ecl. VI pr. Epigramma Virgilii ad Syronis villam v. in Catalectis et in Antholog. p. 677, in quo ei suos amicos et patrem eo videtur tempore commendare, cum ex agro suo veteranis assignato Romam discederet. *Magni docta dicta Syronis* laudantur ibid. lib. II Epigr. 243.

*ipse tamen fuit Academicus;* velim constet satis nobis de veritate huius rei. Vulgo pro Epicureo haberi solet Virgilius. Etiam Auctor Ciris v. 3. 4 proficitur philosophiae

- 80 XX. Nunc quoniam de *auctore* summatim diximus, de ipso iam *carmine* dicendum videtur: quod bifariam tractari solet, hoc est, et *ante opus*, et *in ipso opere*. Ante opus, *titulus*, *caussa*, *intentio*. Titulus, in quo quaeritur, cuius sit. Caussa, unde ortum sit, et quare hoc potissimum sibi ad scribendum poeta prae-sumserit. Intentio, in qua cognoscitur, quid efficere conetur poeta. In ipso opere sane tria spectantur, *numerus*, *ordo*, *ex-*
- 81 *planatio*. Quamvis igitur multa *ψευδογραφῆ*, id est, falsa inscriptione, sub alieno nomine sunt prolata, ut Thyestes tragodia huius poetae, quam Varius edidit pro sua, et alia huiusce-modi; tamen *Bucolica* liquido Virgilii esse minime dubitandum est: praesertim cum ipse poeta, tamquam hoc metuens, principium huius operis et in principio Aeneidos et in alio carmine suum esse testatus sit, dicens:

*Ille ego, qui quondam gracili modulatus avena,*  
et reliqua: et,

*Carmina qui lusi pastorum, audaxque iuventa,*  
*Tityre te patulae cecini sub tegmine fagi.*

- 82 *Bucolica* autem et dici, et recte appellari, vel hoc solum indicium suffecerit, quod hoc eodem nomine apud Theocritum censeatur. Verum *ratio* quoque demonstranda est. Tria sunt pastorum genera, quae dignitatem in *Bucolicis* habent: quorum qui minimi sunt, *αἰπόλοι* dicuntur a Graecis; iidem a nobis caprarii: paullo honoratiores, qui *ποιμένες*, id est, opiliones dicuntur: honestissimi, et maximi, *βουκόλοι*, quos bubulcos dicimus. Unde igitur magis debuit pastoralis carmini nomen imponi, quam ab eo gradu,
- 83 qui apud pastores excellentissimus invenitur? *Caussa* dupliciter inspicitur solet: ab *origine* carminis, et a *voluntate* scribentis.
- 84 XXI. *Originem* autem *Bucolici* carminis alii ad aliam causam

*Epicureae* studium. cf. ad pr. Ecl. VI.

§. 80. Quae sequuntur, male narrationi de vita subiecta sunt, cum ad sola *Bucolica* respiciant, atque his potius praefigenda sint. Sunt vero ea ita comparata, ut non magnum inde fructum capere possis.

§. 81. *ψευδογραφῆ* immo *ψευδ-πιγραφῆ*. De *Thyeste* v. sup. ad §. 30.

§. 82. *quam ab eo gradu, qui apud pastores excellentissimus invenitur*. Ineptum est hoc, quamquam apud Grammaticos passim obvium, etiam Graecos, ut ante Theocritum, in: *περὶ διαφορὰς τῶν βουκολικῶν*. Obtinuerat usus, ut *βουκόλοι* eodem modo, quo *ποι-μένες*, omnino de quocunque pasto-

rum genere dicerentur, utque adeo *βουκολικὸν* simpliciter esset *pastor-ritium*. Multa tamen ex hac etymologia suaviter eliciunt scriptores, qui de *bucolico* carmine egerunt: v. c. *Quadrio*, verbosus homo, *della Storia e della Ragione d' ogni Poesia* Vol. II, p. 600.

§. 84. *Originem*: v. quam *Eclogis* praemisimus de genere *bucolico* disputatiunculam. Nihil in omnibus his, quae memorata sunt, est, in quo acquiescere possis. Non vident homines docti, aliud esse carmen *bucolicum* arte elaboratum, aliud rude et indoctum, quod impetus animi, exultatio, et affectus temere effundit. Confundunt porro hymnos in deos agrestes, et sacra eorum et fabulas. Eadem tamen, quae hic



ferunt. Sunt enim, qui a Lacedaemoniis pastoribus Dianae primum carmen hoc redditum dicant, cum eidem deae, propter bellum, quod toti Graeciae illo tempore Persae inferebant, exhiberi per virgines de more sacra non possent. Alii ab Oreste, circa 85 Siciliam vago, id genus carminis Dianae redditum loquuntur per ipsum atque pastores: quo tempore de Scythia cum Pylade fugerat, surrepto numinis simulacro, et celato in fasce lignorum; unde Fascelidein Dianam perhibent nuncupatam: apud cuius aras Orestes per sacerdotem eiusdem numinis Iphigeniam sororem suam a parricidio fuerat expiatus. Alii Apollini Nomio, pastoralis scilicet 86

mémorantur, reperias in princ. Comment. Servii, e quibus videntur huc male revocata esse. Sunt autem pleuraque e Graeco Grammatico conversa, qui ab Aldina inde praefigi Theocrito solet: *περὶ τοῦ, ποῦ καὶ πῶς εὐρέθη τὰ Βουκολικά.*

a *Lacedaemoniis pastoribus.* Bello Persico cum festum Dianae Caryatidis instaret, cuius fanum in Laconica erat, in quo virgines Lacedaemoniorum anniversarium festum agebant et ex more patrio choros instituebant, vid. Pausan. III, 10, bello itaque Persico, quod Xerxes Graeciae intulit, cum propter hostium metum puellae Lacedaemone egredi non auderent, pastores Laconici agri sacra fecisse et Dianam suis carminibus celebrasse memorantur; quae carmina cum probata fuissent, ab eo tempore morem horum carminum esse servatum. Haec, etsi vix videas quomodo inde bucolici carminis origo repeti possit, iactata videas ubique: vid. Grammaticus in fronte Theocriti: Serviana pr. Bucolicor. Isidor. Orig. I, c. 38. Diomedes lib. III, p. 483 Putsch. Probus de bucolici carminis ratione, praefixus edd. nonnullis, ut Basil. Henricopetr. 1575, in quo multa copiosius exposita sunt: Vet. Grammatic. Apospasmata ad calcem Mallii ab Heusingero edita p. 93. 94.

§. 85. *ab Oreste.* In Sicilia, inter Mylas et Naulochum, non longe a promontorio Peloro, templum Dianae *Facelinae* sive *Facelitidis*, *Ἀφελίτιδος φακελίτιδος*, erat; cuius sacrum ac nomen a Lacedaemoniis petitum erat: v. Pausan. III, 16, p. 249; cum autem hi originem a Dianae Tauricae simulacro per Orestem de-

portato repeterent: fabulae licentia deinde errores aliquos Orestis circa Siciliam comminisci coeperunt; uude fluxit narratio de bucolici carminis origine, quae h. l. legitur. De *Diana Phacelitide* s. *Facelitide*, non vero *Fascelide*, v. inpr. Cluver. in Sicil. ant. p. 304 sqq. Muncker. ad Hygin. fab. CCLXI. Antonin. Lib. 27. Adde Probum supra memoratum, Grammat. Theocrit. l. l. Schol. Horat. Cruqu. I Carm. 7, 10. Intpp. ad Vibium p. 170. Traducta quoque est fabula in Italiam; nam et Ariciae fuit Dianae Tauricae *βρέτας*: Solin. cap. 2, p. 13 C. add. Wernsdorf. diss. de pignorib. imperii Rom. 1786, p. 13 sq. et Rhegii eius religio habita: v. Morisani Inscriptt. Rhegin. p. 91. 92. Probus l. c. laudat versus Lucilii: — *et saepe, quod ante Optasti, freta Messanae et Rhegina videbis Moenia, tum Liparas, Facelinae* (et) *templa Dianae*; scil. ad Mylas Siciliae. Tam late sparsa est haec fabula, ut eadem hac face plura scriptorum loca collustrare possis. Quid? quod ad Syriam eadem fabula fuit deducta ab Antiochenis scriptoribus, qui omnino sibi in hoc placuere, ut veteres fabulas ad suum Orontem traducerent. v. Malala p. 176. Cedren. p. 134 sq. Lamprid. Elagab. 7, et ibi Salmas. add. Eckhel Doctrina numor. Vol. III, p. 317. Clarissimum Dianae Tauricae signum fuit in Atticae pago Braurone; Eurip. Iphig. in Taur. extr.

§. 86. *Alii.* Facile apparet, Grammaticos haec ex iis poetarum bucolicorum locis collegisse, in quibus, poetico more, modo hunc modo illum deum rerum rusticarum praesidem propitium sibi esse volebant,



87 deo, quae tempestate Admeti boves paverat. Alii Libero, Nym-  
 pharum scilicet, et Satyrorum, et id genus numinum principi,  
 88 quibus placet rusticum carmen. Alii Mercurio Daphnidis patri  
 pastorum omnium principi, et apud Theocritum, et apud hunc  
 89 ipsum poetam. Alii in honorem Panos scribi putant peculiariter  
 90 pastoralis dei, item Sileni, Silvani, atque Faunorum. Quae cum  
 omnia dicantur, illud erit probatissimum, Bucolicum carmen ori-  
 ginem ducere a priscis temporibus, quibus vita pastoralis exercita  
 erat: et ideo velut aurei saeculi speciem in eiusmodi personarum  
 simplicitate cognosci: et merito Virgilium, processurum ad alia  
 carmina, non aliunde coepisse, nisi ab ea vita, quae prima in  
 terris fuit. Nam postea rura culta, et ad postremum pro cultis et  
 feracibus terris suscepta: quod videtur Virgilius in ipso or-  
 dine operum suorum voluisse monstrare, cum pastores primo, de-  
 inde agricolas, canit, et ad ultimum bellatores.

91 XXII. Restat, ut, quae *causae voluminitatem* attulerit poetae  
 Bucolica potissimum scribendi, consideremus. Aut enim dulce-  
 dine carminis Theocriti et admiratione eius illectus est; aut ordi-  
 nem temperum est sequutus erga vitam humanam, ut supra dixi-  
 mus: aut tres modos elocutionum, quos *χαρμηλικας* Graeci vo-  
 cant, *ἰσχυρὸν*, qui tenuis, *ἀσπρὸν*, qui validus, *μέσον*, qui mode-  
 92 ratus intelligitur. Credibile erat Virgilium, qui in omni genere  
 praevaluerit, Bucolica primum, Georgica secundum, Aeneida  
 93 tertium voluisse conscribere. Aut ideo potius primo Bucolica  
 scripsit, ut in eiusmodi carmine, quod et paullo liberius, et ma-  
 gis validum, quam cetera, est, facultatem haberet capiendae Cae-  
 94 saris indulgentiae, recuperandique agri, quem amiserat. Ob hanc  
 causam die tertio iduum Martiarum C. Caesare interfecto, cum  
 Augustum Caesarem pene puerum veterani milites, non abnuente  
 Senatu, sibi ducem constituissem, exorto bello civili, Cremonen-  
 ses, cum ceteris eiusdem studii, adversarios Augusti Caesaris ad-  
 95 invenerunt. Unde factum est, ut, cum victor Augustus in eorum  
 agros veteranos deduci iussisset, non sufficiente agro Cremonen-  
 sium, Mantuani quoque, in quibus erat Virgilius, maximam par-  
 tem suorum finium perdidissent, eo quod vicini Cremonensibus  
 96 fuerant. Sed Virgilius, Augusti familiaritate suoque carmine fre-  
 tus, Centurioni Arrio obsistere ausus est. Ille statim, ut miles,  
 ad gladium manum admovit. Cumque se in fugam proripuisset

et inventi carminis honorem ad eum  
 referebant poetae.

§. 90. *merito Virgilium*: stolidae  
 argutiae! Eodem tamen etiam in Ser-  
 vianis in pr. Bucolic. §. 24.

§. 91. *ἀσπρὸν, qui validus*. Melius  
 Gellius VII, 14 *ubarem* reddit, quam  
 vide. Servian. pr. Comment. in Bu-

colic. *grandiloquum*. Cf. Cuper. Obs.  
 I, 5 pr.

§. 93. *et magis validum*: immo  
 vero, *minus v.* vide §. 91.

*quem amiserat ob hanc causam*.  
 Ita iunge sententiam. Sicut autem  
 et haec ad §. 97 a sequiore manu,  
 forte ex Servianis Comment. pr. §.  
 11 inserta.

poeta, non prius persequendi finis fuit, quam se in fluvium Virgilius coniecisset. Sed postea, Maecenate, et Pollione, et ipso Augusto faventibus, agros suos recepit.

XXIII. *Intentio* libri, quam σκοπὸν Graeci vocant, imitatio-97  
tione Theocriti poetae constituitur, qui Siculus et Syracusanus fuit. Est intentio etiam in laudem Caesaris, et principum ceterorum, per quos in sedes suas rediit: unde, ut et delectationem et utilitatem finis contineret, secundum praecepta cuncta confecit. Quaeri solet, cur non plures quam decem Eclogas conscripserit:98 quod nequaquam mirandum videbitur ei, qui consideraverit aetatem scenarum pastoralium, quae ultra hunc numerum non potest proferri; praesertim cum ipse poeta circumspectior Theocrito, ut ipsa res indicat, videatur metuere, ne illa Ecloga, quae Pollio inscribitur, minus rustica videatur, cum ipsam sic praestruat ipse, dicens, *Sicelides Musae, paullo maiora canamus*: et idem similiter in aliis duabus facit. Illud tenendum esse praedicimus in Bu-99 colicis Virgilii, neque nusquam, neque ubique aliquid figurate dici, hoc est, per allegoriam. Vix enim propter laudem Caesaris et amissos agros haec Virgilio conceduntur; cum Theocritus, quem hic noster toto studio imitari conatur, simpliciter omnino conscripserit.

XXIV. Quod autem in ipso carmine tractari solet, est *nume-*100  
*rus, ordo, explanatio*. Numerus Eclogarum manifestus est. Nam 101 decem sunt: ex quibus proprie Bucolicae VII esse creduntur: nam tres ultimae proprie Bucolicae dici non debent, Pollio scilicet, Silenus, et Gallus. Prima igitur continet conquestionem publicam, et privatam congratulationem de agro, et dicitur Tityrus. Secunda amorem pueri, et dicitur Alexis. Tertia certamen pastorum, et dicitur Palaemon. Quarta genethliacum, et dicitur Pollio. Quinta epitaphium, et dicitur Daphnis. Sexta metamorphosin, et dicitur Varus, et Silenus. Septima amores diversorum sexuum, et dicitur Corydon. Octava Pharmaceutria, et dicitur Damon. Nona continet poetae conquestionem de amisso agro, et dicitur Moeris. Decima desiderium Galli, et dicitur Gallus. Quod ad *ordinem* spectat, illud scire debemus, in prima tantum 102 et ultima Ecloga poetam voluisse ordinem servare; quoniam in altera principium constituit: ut in Georgicis ait: *Tityre te patulae*

§. 97. *Intentio libri*. Eadem in Serv. ibid. §. 8.

§. 98. *Quaeri solet*. Vix habeas dicere; utra stolidior sit, quaestio-  
ne an eius solutio.

§. 99. *neque nusquam, neque ubique*; hoc vero acute dixit Grammaticus. Eadem in Serv. l. l. §. 9.  
10. vid. disput. de bucolico carmine.

§. 101. *Prima igitur*. Ne hi qui-

dem Eclogarum tituli commodè expressi sunt.

*Palaemon*. Sueton. de illustr. Grammat. c. 23 de Remmio Palaemone: *Arrogantia fuit tanta, et nomen suum in Bucolicis non temere positum, sed, praesagiente Virgilio, fore quandoque omnium poetarum ac poematum Palaemonem iudicem*.

*cecini sub tegmine fagi*: in altera ostendit finem: quippe qui dicat, *Extremum Arethusa mihi concede laborem*. Verum, inter ipsas Eclogas, pastorem conscriptumque ordinem nullum esse certissimum est. Sed sunt qui dicant, initium Bucolici carminis non *Tityre* esse; sed *Prima Syracosio dignata est ludere versu*.

- 103 XXV. Superest *explanatio*: ad quam antequam veniamus, illud dixerim, tenue esse Bucolicum carmen, et usque adeo ab heroico caractere distare, ut versus quoque huius carminis suas  
104 quasdam caesuras habeant, et suis legibus distinguantur. Nam cum tribus probetur metrum: caesura, scansione, modificatione; non erit Bucolicus versus, nisi in quo et pes primus partem orationis absolverit: et tertius trochaeus fuerit et caesura, et quartus pes dactylus magis quam spondeus partem orationis terminaverit, quintus et sextus pes ex integris dictionibus fuerit: quod Virgilius, a Theocrito saepe servatum, victus operis difficultate, ne-  
105 glexit. In solo principio, incertum industria an casu, has caesuras servavit. Nam, *Tityre*, dactylus partem orationis absolvit, *tu patu*, *lae recu*, tertium dactylum, quamvis de composita dictione conclusit: *baus sub* quartum spondeum pro dactylo. Cum subiunxit, *tegmine fagi*, terminalis partibus orationis integrum comma perfecit: cuius rei diligentiam licet in Theocriti omnibus  
106 ferme versibus admirari. Qui vero supra dicta acri iudicio diligenterque considerarit, facile intelliget, quae in Georgicis intentio, quique finis fuerit, nec minus etiam in Aeneide.

- 107 Poematis stili genera tria sunt. Aut enim *activum* vel *imitativum*, quod Graeci δραματικὸν appellant, in quo personae loquentes introducuntur sine poetae interlocutione: ut sunt tragoediae, et comoediae; δραῖν enim Graece agere dicitur: quo genere scripta est prima, *Tityre*, et, *Quo te Moeri pedes*. Aut *enarrativum*, quod Graeci διηγηματικὸν appellant: in quo poeta ipse loquitur sine interpositione personae, ut tres primi Georgicon libri, item Lucretii carmina. Aut *commune*, vel *mixtum*, quod Graeci μιχτὸν appellant; ubi et poeta ipse loquitur, et introductae personae: ut est Virgilii Aeneis.

§. 104. non erit Bucolicus versus, nisi. Grammatici subtilitas! Cum de caesura agunt Grammatici, versum bucolicum appellant, in quo post pedem quartum, eumque dactylum, nulla caesura incidit: ἀδύ τι τὸ ψιθύρισμα καὶ ἡ πύγξ [Dic mihi, Damoeta, cuium pecus?] Quod metrum Graeca Theocriti saepissime, Latina Maronis raro admittunt.

§. 107. Poematis stili genera tria sunt. Ex Grammatico Graeco in fronte Theocriti: περὶ τῶν τῆς ποιήσεως χαρακτήρων.

ut tres primi Georgicon libri. Cur non et quartus? saltem usque ad eam partem, qua Proteus vaticinans inducitur.



---

# P. VIRGILII MARONIS VITA

## PER ANNOS DIGESTA

---

U. C. Varr. 684. Cat. 682.

*M. Licinius Crassus. Cn. Pompeius Magnus Coss.*

*ante C. N. 70. Virgilii 1.*

**H**is Coss., et quidem Idibus Octobribus, natum esse Virgilium tradunt ad unum omnes. Consentiant et in hoc, Andes, agri Mantuani vicum, ei natale solum fuisse. De patre eiusque nomine ut et de matre multa ineptiunt Grammatici. Patrem Virgilium Maronem, matrem Maiam, fuisse dubitari nequit. Nomen et Virgilius et Vergilius scribitur. Sed videamus de singulis.

Coss. laudatos non modo Pseudodonatus diserte memorat, et Phocas v. 20. 21, verum etiam Hieronymus in Chronic. Euseb. p. 151 et p. 40 (ed. 1658) *Virgilius Maro in pago, qui Andes dicitur, haud procul a Mantua, nascitur, Pompeio et Crasso Coss.* cf. Scalig. Animadv. p. 152 b. Nam Graeca respicienda non sunt, in quibus p. 259 sequenti anno adscriptum est: *Βιργίλιος ἐγενήθη* quod idem sequuntur Chronicon Paschale s. Fasti Siculi pag. 184. C. Idatius Fastis Consular. a. 685. Apud eundem Hieronymum ad Olymp. 177, 3 is annus recte refertur. Phlegon Tral-lianus in Olympicorum et Chronicorum collectione apud Photium Biblioth. XCVII, p. 267, 25 ed. Rothomag., ubi de Olymp. 177, 3 καὶ Οὐιργίλιος Μάρων, ὁ ποιητῆς, ἐγεννήθη τούτου τοῦ ἔτους ἔβδοις Ὀκτωβρίαις.

*Andes* Hieronymus l. l. et Donatus aliiue memorant. *Andino vico*, inquit Probus, *qui abest a Mantua millia passuum III.* Situs huius vici incertus est. Mantuani tamen eum esse



contendunt, qui nunc duo millia passuum ab urbe dissitus, vulgo dicitur *Pietola*: v. Cluver. Ital. ant. p. 257. Ex more tamen satis frequenti inter veteres, de quo vel Catulli exemplo constat, qui, in insula Benaci Sirmione natus, Veronensis appellatur, Virgilii origines ad Mantuam ipsam referuntur, ut ab ipso poeta factum esse videtur Ge. III, 10; alia aliorum loca v. ap. Cluver. l. l. Erat Mantua in Gallia Cisalpina. *Venetum* tamen appellat apud Macrobius Euangelus, Sat. V, 2, sed cum irrisione, ut scilicet tanto magis eum a cultu Graecarum litterarum alienum fingeret; nisi secundum posterioris Venetiae fines dictum existimes, qui ad Adduam usque flumen extendebantur. Phocas Grammaticus in Vita Virgil. 21 *Vatem Etruscum* appellat et v. 5 *Aemula Virgilium tellus nisi Tusca dedisset*. Possit id ad origines Mantuae referri; v. Exc. I ad Aen. X. sed vix tam docte scribere voluit Phocas.

De Idibus Octobr. non modo ex Phlegonte l. l. verum etiam ex Martiale XII, 68 constat: *Octobres Maro consecravit Idus*. Adde Auson. Idyll. V, 26. A viris doctis eas inter dies festos habitas fuisse, cum ex illis locis apparet, tum Siliii Italici exemplo apud Plin. Epist. III, 7 *multum ubique — imaginari, quas non habebat modo, verum etiam venerabatur; Virgilii ante omnes, cuius natalem religiosius quam suum celebrabat*. Natum Virgilium, cum Sol ex Virgine in Chelas receptus esset, h. in locum Librae deinceps destinatum, Phocas v. 21. 22 memorat. Augusti aevo Sol Libram adibat Kal. XII Octobr. conf. ad Ge. I, 32.

De Grammaticorum nugis circa natales poetae v. sup. ad Vitam Donati s. 3. 4.

De scriptura nominis digladiati sunt inter se cum veteres tum recentiores Grammatici. Lapides et codices utrumque exhibent. Etiam Graeci modo *Οὐργίλιος* modo *Οὐεργίλιος* scribunt: et *Virgilius*, Mediceus, Pierii Romanus, et vetustissimum Fragm. Aspri apud Benedictinos *Nouv. Tr. de Diplom.* Tom. III. p. 152. Ceterum vide, si tanti est, Corrad. in Vita Virgilii pr. adde quos laudat Fabric. Biblioth. Lat. Vol. II, p. 226. Burmann. Antholog. T. I, p. 399. Pierius, Cerda, Burmann. ad Virgil. Georg. IV extr. Ruaeus Vita Virgilii pr. Nomini in veteribus nonnullis libris *Parthenias* additur: v. sup. ad Donat. §. 22.

Parentes Virgilius honestos quidem, quales nobiles nostros villaticos, sed tamen obscuros et in agro suo colendo vitam agentes, habuit. Unde ductum illud ap. Macrob. V, 2 *Unde enim Veneto rusticis parentibus nato, inter silvas et frutices educto, vel levis Graecarum notitia litterarum?* Quod autem figulum patrem esse narrant, id vereor ne inepti monachi a filio carmina fingente duxerint; uti altera narratio de patre mercenario non aliunde nata, quam quod Tityrum in prima Ecloga Virgilii patrem nonnulli tradiderant.

U. C. 689.

*L. Aurelius Cotta. L. Manlius Torquatus.**a. C. 65. Virgilii 5 — 6.*

Q. Horatius Flaccus nascitur VI Id. Decemb. Sueton. in eius Vita.

U. C. 696.

*L. Calpurnius Piso. A. Gabinius.**a. C. 58. Virgilii 12 — 13.*

Hieronymus in Chronic. Euseb. p. 151, ad Olymp. 180, 3, adeoque h. a. *Virgilius Cremonae studiis eruditur.* Aliter Donatus §. 6. Profectum tamen hinc esse videtur, quod recentiores nonnulli scriptores de ludo litterario publico, qui Romanorum tempore Cremonae floruerit, memorant, v. c. Ludov. Cavitellius Cremonens. Annal. pag. 1262 A. T. III, Thes. Ant. Ital. Superiore anno *Messala* natus erat. vid. ad Tibulli Vitam.

De magistris Virgilii vix quicquam certi tradi potest. Quae sive Grammaticorum fidei sive doctorum virorum coniecturis debentur, ad Donatum reiecta sunt ad §. 7 et 79.

Ceterum etsi de magistris Virgilii et disciplina non satis constet, et eum obscuro loco natum esse satis appareat, liberali tamen institutione eum usum et cum viris doctis et elegantibus versatum esse, tota ingenii eius in carminibus expressa venustas satis prodit. Ex humili enim et sordida vita et consuetudine nemo facile generosi poetae spiritus sumit; nisi forte litterarum humanitas, meliorumque hominum contubernium exemplumque, natalium sordes primaeque pueritiae robiginem deteraserit.

U. C. 699.

*Cn. Pompeius Magnus II. M. Licinius Crassus II.**a. C. 55. Virgilii 15 — 16.*

Hoc anno virilem togam sumsit Virgilius, si verum est, quod a Donato §. 6 memoratur, iisdem, quibus natus erat, Coss. id factum esse. Et anno fere XV vel XVI ea sumebatur. vid. Noris. Cenotaph. Pisan. p. 115 sq. et passim alios, ut Masson. in Vita Horatii et Ovidii.

U. C. 701.

*Cn. Domitius Calvinus. M. Valerius Messala.**a. C. 53. Virgilii 17 — 18.*

Hieronymus Chron. Euseb. ad Olymp. 181, 4 *Virgilius sumta toga Mediolanum transgreditur: et post breve tempus Romam pergit.*

At Donatus §. 7: *Sed Virgilius Cremona Mediolanum, et inde paullo post Neapolin transiit—se in Urbem contulit.* Uter verius dixerit, quis definire ausit? Forte ne Romam quidem omnino tum adiit; aut, si adiit, in agrum suum mox se contulit, quod inter belli civilis initia factum esse probabile fit.

De iuvenilibus Virgilii poematibus v. sup. ad Donatum §. 28.

## U. C. 709.

### C. Iulius Caesar IV. sine Collega.

#### a. C. 45. Virgilii 25—26.

*Alexin* hoc anno scriptum coniicit, primam certe omnium Eclogarum fuisse, contendit Martinus in Vita Virg. p. XXXIV, et ad Ecl. V, 86. Ex verbis enim huius Eclogae: *Hac te nos fragili donabimus ante cicuta; Haec nos, Formosum Corydon ardebat Alexin, Haec eadem docuit: Cuium pecus, an Meliboei?* Eclogam secundam et tertiam ante quintam fuisse scriptam apparet. Videtur autem quinta anno 712 edita esse, ut mox videbimus, ut adeo hoc certe anno anterior sit Alexis. Iam autem Martinus cum aliis (v. mox ad 711.) et hoc ponit, Virgilium Caesari notum fuisse, idque haud dubie carmine aliquo, quod ipsum carmen *Alexin* fuisse suspicatur, adeoque in hunc annum reiicit; sequenti enim anno occisus fuit Caesar. Vides, ut suspicio ex suspitione necti soleat. Est tamen Eclogae II cum argumentum tota tractatio, si sensum tuum, non opinionem, audias, eiusmodi, ut non facile, nisi in iuvenile ingenium, cadere possit.

## U. C. 710.

### C. Iulius Caesar V. M. Antonius.

#### a. C. 44. Virgilii 26—27.

Idibus Martiis Caesar occiditur. Varia post eius mortem prodigia, v. Dio XLV, 17, inprimis Sol toto anno pallidior, v. ibid. et Plutarch. Caesar. extr. Ea commemorat Virgilius Georg. I, 466 sqq., ubi cf. Not. Octavius, testamento Caesaris ex dodrante heres institutus et in familiam Caesaris nomenque adoptatus, Apollonia Romam rediit; cum autem Antonium iniquiorem in se esse videret, Optimatibus sese adiunxit. Apolloniae, quae Epiri urbs est, a Caesare ad Parthos profecturo praemissus, substiterat, studiisque vacaverat. Sueton. Octav. c. 8.



## U. C. 711.

*C. Vibius Pansa. A. Hirtius.**C. Iulius Caesar Octavianus. Q. Pedius suffecti.**a. C. 43. Virgilii 27 — 28.*

Habiti in Iulii Caesaris honorem ludi, in dedicando Veneris Genitricis templo; nec tamen ante medium Ianuarium, cum Sol in Capricorno esset: quod idem signum natale Augusti erat: cf. *de Mairan* in Epist. ad Com. de Caylus super gemma cum horoscopo Augusti: in Opusc. In his ludis stella crinita apparuit: Ecl. IX, 47 *Ecce Dionaei processit Caesaris astrum*, ubi v. Not.

Bellum Mutinense, quo, cum totam Galliam Cisalpinam, tum agrum Mantuanum, adeoque Virgilii possessiones valde afflictas fuisse necesse est. Ad haec tempora respicere videtur Silius VIII, 589 *Vos etiam, accisae desolataeque virorum, Eridani gentes.* Ex V Kal. Decembr. M. Lepidus, M. Antonius, C. Caesar Octavianus, Triumviros reip. constituendae in quinque annos se renuntiant, proscriptorum tabulas proponunt, inter quos a. d. VII Id. Dec. Cicero occiditur.

In provinciarum distributione, cum Africam, Siciliam, Sardiniam reliquasque eius maris insulas Caesar Octavianus, Hispanias cum Gallia Narbonensi Lepidus, reliquas Gallias Antonius obtinisset, vid. Appian. Civil. IV, pag. 953. 954, ager Mantuanus M. Antonii sorti accesserat. Miserat hic in has terras Asinium Pollionem, qui usque ad a. 714 Galliam Cisalpinam in Antonii fide continuit. cf. inf. ad 713.

Ad hunc porro annum *Palaemonem* Eclogam III refert Martinus (*Life of Virgil*) p. XLIV et ad Ecl. V, 86, quoniam in ea Pollio et primus et solus poetae laudibus ornatur. Ex iis, quae modo dicta sunt, coniecturam elegantissimi viri alioqui levissimam firmare possis, certe hoc impetrare, mature in Asinii Pollionis notitiam venisse poetam, cum is per eos annos in illis Italiae partibus degeret. Cur mihi inter prima poetae tentamina referenda videatur Ecloga III, ea est caussa, quod iuvenilem meditationem et exercitationem non obscure prodit; est enim ex Theocriteis Idylliis IV et V unice conversa aut adumbrata.

Iulio Caesari Virgilium innotuisse et carum fuisse, ex Ecl. V, 52 *amavit nos quoque Daphnis*, contendunt; Daphnidem enim Iulium Caesarem esse volunt. cf. ibid. argument., item Martinum in Vita Virgil. p. XXXIV; et ad Ecl. V, 52. Idem vir doctus verum illum ad studium Caesaris in Mantuanos referebat, quibus, cum ceteris Galliae Transpadanae urbibus, civitatem eum dedisse memorat Dio XLI, 36.

Lepida Grammaticorum fabula est de Ecloga sexta *in theatro a Cytheride mima cantata*, quam cum Cicero audiret, magnam



Virgilii famam praesagisse fertur. v. Donat. §. 41. Servius ad Ecl. VI, 11.

Hoc anno ad XIII Kal. April. (XX Martii) Ovidius natus est; nec multo ante Propertius; Tibullus autem iam ante 705 natus erat; quamquam alii eius natales ad a. 690; Propertii autem ad a. 697 referre volunt. Catullus circa 705 obierat.

### U. C. 712.

*M. Aemilius Lepidus II. L. Munatius Plancus.*

*a. C. 42. Virgilii 28—29.*

Triumviri Caesari divinos honores decernunt. Kal. Ianuariis in eius acta iurant. Sacellum ei tanquam heroi in foro faciunt, et quae id genus plura apud Dionem XLVII, 18. 19 memorantur. A quo inde tempore *Divi filius* Octavianus dici coepit, de quo nomine satis copiose agit Heins. ad Aen. VI, 793.

Anno fere exeunte pugnatur ad Philippos in ea Macedoniae parte sitos, quae olim ad Thraciam pertinebat. Brutus et Cassius se sua manu interficiunt. De pugna ad Philippos vid. Georg. I, 489 sqq. M. Antonius ad res Asiae constituendas discedit. Octavianus in Italiam redit, ad agros et praemia inter veteranos distribuenda.

Ad Caesaris consecrationem quam diximus nobiles illi versus spectant Aen. I, 290—294 *Nascetur pulcra Troianus origine Caesar* etc., et VI, 790 *hic Caesar, et omnis Iuli Progenies magnum caeli ventura sub axem*. De eadem consecratione seu apotheosi agere vulgo existimatur *Daphnis*, Ecloga V. Martinus (*Life of Virgil* p. XLVI et ad Ecl. V, 86. 20. 52. IX, 10) hoc ipso quoque anno eam scriptam esse statuebat; ut adeo Octaviano Caesari iam tum Maro commendatus esse videri debeat; idque hoc ipso carmine factum esse: ib. pag. LI. Si mihi haec coniectura, per se admodum levis, nam cur non multos post annos eiusdem rei memoria pariter bene carmine fieri potuisset? si tamen coniectura haec de anno, quo scripta sit Ecloga V, firmanda esset, aliud aliquanto firmitus argumentum asferrem: in IX Ecl. v. 19. 20 *Quis caneret nymphas? quis humum florentibus herbis Spargeret? aut viridi fontes induceret umbra?* haud dubie ad Ecl. V, 20. 40 respicitur; eam itaque nona, quam a. 713 scriptam esse liquido constat, priorem esse, necesse est.

### U. C. 713.

*P. Servilius Vatia Isauricus II. L. Antonius.*

*a. C. 41. Virgilii 29—30.*

Octavianus Caesar Romam reversus dum veteranis praemia persolvere eosque in agros municipales Italiae a Triumviris promis-

sos deducere instituit, ingentes per Italiam turbas, partim eorum, qui possessionibus suis eiiciebantur, indignatione, partim militum effreni cupiditate et audacia, de qua vid. Appian. p. 1082 sqq., Dionem Cass. XLVII, 17. Vellei. II, 74, excitari videt. Qua de re vid. Argumentum Ecl. I. Latissime autem calamitas illa et ad quamplurimos pertinere debuit, ita ut maximae fortunarum conversiones insequerentur; unde et Antonius apud Appianum p. 1075 dicere potuit, Octavianum in Italiam isse, si res dicenda sit, tamquam omnem Italiam sedibus suis emoturum, ἀναστήσων τὴν Ἰταλίαν. Vix enim est ex ea aetate poeta, aut scriptor, qui non communi clade afflictum se memoret. Hinc Tibulli *felix quondam, nunc pauper ager*, I, 1, 19—23. cf. IV, 1, 183—190. Propertius de se IV, 1, 129 *Nam tua cum multi versarent rura iuveni, Abstulit excultas pertica tristis opes*. Dum Fulvia, M. Antonii uxor, coloniarum deductionem in viri adventum differendam esse contendit: L. Antonius, Marci frater, Consul, novas et ipse res molitur, et partim iis, qui praediis et agris suis exciderant, opem suam pollicendo, partim Caesarem ad veteranos criminando, magnum exercitum comparat, bellumque in Caesarem movet.

In illa agraria largitione (non enim ad aliam trahi posse, quamquam res probatione vix eget, Ruaeus probavit ad Virgilii Vitam 713) etiam Virgilius agros suos paternos amisit. Etsi enim Mantuani nihil in Triumviros commiserant: magna tamen agrorum suorum parte multati sunt, quoniam, ut aiunt, Cremonensium, qui Bruti et Cassii partes sequuti erant, agri proscripti veteranorum cohortibus, quae eo deductae erant, non sufficebant; alia causa editur apud Pomponium Sab. ad Aen. IX, 28, forte ex Servio plenior: persuasione Cremonensium Mantuanos non misisse auxilium Augusto. Iam Virgilium Romam profectum Octaviani liberalitate agros suos recepisse, cum autem Mantuam rediisset, novam veteranorum iniuriam expertum esse, ex Ecloga I et IX satis apparet. Confirmat Martialis VIII, 56 *Iugera perdiderat* (Virgilius) *miserae vicina Cremonae, Flebat et abductas Tityrus aeger oves. Risit Tuscus eques* etc. Videamus nunc ea, quae a Grammaticis, pleraque fide incerta, traduntur.

Si Servianis laciniis ad Ecl. IX, 7 fides habenda, in his Italiae partibus *Octavius Musa, limitator ab Augusto datus*—*quindecim millia passuum agri Mantuani militibus assignarat, cum Cremonensis non sufficeret; offensus a Mantuanis, quod pecora eius in agro publico aliquando clausissent*. Alfeum tamen Varum metatorem edit alia in iisdem alterius, ut videtur, Grammatici lacinia ad v. 10 *Quod alii dicunt Virgilium ostendere voluisse, quod Mantuanis per iniquitatem Alpheni Vari, qui agros divisit, praeter palustria nihil relictum sit; sicut ex oratione Cornelii in Alphenum ostenditur*: „Cum iussus tria millia passus a muro in „diversa relinquere, ut octingentos passus aquae, qua circumdata

„est, admetireris, reliquisti.“ Praeclarus locus, modo non esset mutilus. Tertio loco *Asinium Pollionem*, quem in his terris cum imperio fuisse supra vidimus, distribuendis agris praefuisse, alia Servianae compilationis loca affirmant: ad Ecl. II, 1: *Pollio, qui eo tempore Transpadanam Italiae partem tenebat et agris praeerat dividundis*. Et Donatus in Vita Virgilii §. 36: *Hic Pollio Transpadanam provinciam regebat, cuius favore, cum veteranis — agri distribuerentur, suos Virgilius non amisit. Facta enim distributione, suos seu Claudio seu Arrio datos recuperavit*. Obscurum est qui factum sit, ut idem negotium ad plures referri posset. Sed forte ea loca rem expedient, in quibus Alfenus Varus Pollioni fugato successisse traditur. Serv. ad Ecl. IX, 29 *Sane blanditur Alfeno Varo, qui, Pollione fugato, legatus Transpadanis praepositus est ab Augusto*, et ad Ecl. VI, 6 *Alii fuso fugatoque Asinio Pollione, ab Augusto Alfenum Varum legatum substitutum, qui Transpadanae provinciae et agris dividendis praeesset, qui curavit, ne ager, qui Virgilio restitutus fuerat, a veteranis auferretur*. Habere nos putabo aliquid, quod sequi possimus, modo Pollionem eo anno fugatum esse probabile fieri poterit. Erat is M. Antonii amicus; et statim a triumviratus inde pactione U. C. 711 Galliae Cisalpinae ab Antonio praefectus fuerat (cf. Martin. p. XLIII); hoc anno, 713, Octaviani copias ab Alpium transitu prohibuisse memoratur, vid. Appian. p. 1088, et in bello Perusino eius fit inter duces Antonianos mentio, qui Salvienum e Galliis Octaviano copias adducentem persequuti, et L. Antonio suppetias ferre cunctati sunt, ibid. pag. 1097 sqq. Quum L. Antonius anno sequenti se dedidisset: cum iis, quas habebat, copiis Pollio profectus est, ut Antonio in Italiam venienti occurreret; in itinere Domitium cum copiis sibi adiunxit. vid. Appian. p. 1113. 1114. Vellei. II, 76 *Nam Pollio Asinius cum septem legionibus diu retenta in potestate Antonii Venetia, magnis speciosisque rebus circa Altinum aliasque eius regionis urbes editis Antonium petens, vagum adhuc Domitium — iunxit Antonio*. Potuit itaque inter has rerum vicissitudines fieri, ut Pollio ex agris Transpadanis expelleretur. Nunc autem in *Alfeno Varo* novae difficultates oriuntur, quem nobilem Ictum male nobis Grammatici in haec tempora intrudere videntur. vid. Argum. Ecl. VI. Si tamen satis se de quocunque alio Varo narratio de agrorum Mantuanorum metatione probaverit: et fuit aliquis Varus Virgilio amicissimus, etsi quis ille fuerit, non ad liquidum perducitur potest: vid. Excurs. II ad Bucol.; tum alius ex Serviano centone locus non tam falsi convincitur, dum innuere videtur, plures in iis regionibus Triumvirorum negotia curasse: ad Ecl. VI, 64 *Gallus — qui et a Triumviris praepositus fuit ad exigendas pecunias ab his municipiis, quorum agri in Transpadana regione non dividebantur*. Potuere adeo cum Pollione omnes illi quos memoravimus



agrorum dividendorum curam habere. Ceterum vides, omnem illam licentiam, quam nos superiori bello septennali, novo aliquo militum acumine, ad despoliandos homines increbuisse putabamus, iam tum frequentatam fuisse; bellorum autem civilium calamitates et militaris licentiae ludibria et furores hoc quo vivimus tempore, tamquam novo exemplo ante oculos versari vidimus et audivimus.

Virgilium Romam discedentem, nam ipsum Romam adiisse, ex iis, quae Tityrus de se narrat Ecl. I, 20 sqq., contendunt, ut agros recuperaret, Octaviano Caesari commendatum esse, omnes fere tradunt; sed alii ab Asinio Pollione, vid. Serv. ad Ecl. IX, 11. Donat. Vit. Virg. §. 36, alii ab Alfeno Varo, alii a Gallo, ut modo vidimus, cf. Donat. §. 30. 96, alii cum Martiale VIII, 56, et multo magis cum auctore Carminis ad Pisonem v. 218 sqq. (*Ipse per Ausonias Aeneia carmina gentes Qui sonat, ingenti qui nomine pulsat Olympum, Maconiumque senem Romano provocat ore, Forsitan illius nemoris latuisset in umbra, Quod canit, et sterili tantum cantasset avena Ignotus populis: si Maecenate careret;*) a Maecenate id factum esse memorant. Scilicet, ut iam Ruaeo visum est, cum Pollioni primum poeta innotuisset, ab hoc Maecenati commendari, huiusque studio in Octaviani amicitiam venire potuit. Sed satis est, si teneas, poetam his viris omnibus mature gratum et carum fuisse.

Recuperato agro, Eclogam loco, non tempore, primam, si supra memorata recte se habent, scriptam esse dubitari nequit. Obtinet tamen vulgaris opinio, anno hoc 713, aetatis 29, eum *Bucolica* scribere aggressum esse. Quod quidem consilium poetam Pollionis maxime auctoritate et hortatu suscepisse, inter Grammaticos fama tenet. vid. Donat. Vit. Virg. §. 36. Iidem ex loco primo, quem Ecloga Tityrus tenet, omnium etiam tempore primam scriptam, et calamitate amissi agri adductum Virgilium primum poetam aggressum (vid. Phocas v. 67 sqq. Donatus §. 91 etc.) esse putarunt; scilicet quo communi poetarum fortuna uteretur Maro, ut fames et miseria ad versus scribendos eum perpelleret.

Cum Virgilius Mantuam redux agros suos a veteranis, qui eos occupant, vindicaret, novam iniuriam accepit, ut adeo fuga vitae consulere necesse haberet. Patet id ex Ecl. IX, quam, Romam, ut aiunt, regressus, ut denuo Octaviani opem imploraret, Varo obtulisse videri potest; quamquam in ipso carmine nihil ea de re praeter honorificam Vari mentionem v. 27. 35 occurrit. vid. Argum. Ecl. IX. Non male hoc Ruaeus ipsa carminis forma, quae subitariam operam satis prodit, confirmari putat. Menalcas in eo carmine Virgilium intelligendum esse, iam Quinctilianus monuit Inst. VIII, 6, 47. Veteranus, cuius audaciae et furori Virgilius vix fuga se subducere potuit, ab aliis Arrius centurio, ab aliis Clodius, a Probo Milenus seu Milienus Toro primipilaris fuisse traditur. Sed de his disputationem ad Donatum §. 31 reiecimus. Iniuriam hanc



poeta non nisi Asinio Pollione fugato, expertus esse, ut paullo ante vidimus, narratur in Serv. ad Ecl. IX, 11 *quo*, Pollione, *fugato*, *rursus de praediis suis fuerat Virgilius expulsus*.

Si quaeras, qua ratione poeta iterum in agros suos reductus fuerit: Servium habes Comment. in Bucol. pr. §. 14 narrantem: *Postea ab Augusto missis triumviris, et ipsi integer ager est redditus, et Mantuanis pro parte*. In quam sententiam idem ibid. interpretatur versus 11 sqq. Ecl. IX. Vix tamen illud hoc ipso anno fieri potuit, quo bellum Perusinum exarsit, quo late Italia conflagravit; itaque rebus demum pactione Brundisina a. 714 compositis id esse factum, rectius ponit Martinus p. LI.

Mantuanis autem simul in Virgilio gratiam agrorum partem restitutam esse, satis probabile fit ex Ecl. IX, 7—10. conf. Serv. ad v. 10.

### U. C. 714.

*Cn. Domitius Calvinus II. C. Asinius Pollio.*

Suffecti sub exitum anni\*):

*L. Cornelius Balbus. P. Canidius.*

*a. C. 40. Virgilii 30 — 31.*

Bellum Perusinum. Octavianus L. Antonium Perusiamque urbem deditione accipit. Sub anni huius initium Scriboniam in matrimonium ducit; fecit tamen cum ea divortium anno sequenti, suscepta ex ea Iulia: Dio XLVIII, 16 et 34. Cum, M. Antonii in Italiam adventu, maxima omnium, ne bellum recrudesceret, sollicitudo esset, L. Cocceio, communi amico, cum utroque agente, et Maecenate et Pollione adhibitis (Appian. pag. 1126. Dio XLVII, 28), pace Brundisina, amicitia inter Octavianum et Antonium iterum coaluit; ad quam tanto magis firmandam M. Antonius Octaviam, Octaviani sororem, cuius maritus nuper obierat, uxorem duxit. Mox cum Sext. Pompeius, qui classibus mare tenebat, commeatu urbem intercluderet, fame urgente, de pace cum Sexto agi coeptum est; qua proscriptis, qui ad eum confugerant, reditus in urbem et incolumitas pacta est. Iam quae ex his huius anni actis ad Virgilium pertineant, paullo curatius videamus.

Perusia capta, tota simul Gallia Cisalpina cum reliquis Galliis et Hispaniis in Caesaris ditionem venit. vid. Appian. p. 1114 extr. Itaque tum demum Virgilio agros suos, postquam eos iterum amiserat, restitutos esse, credere licet. Testificandae suae laetitiae grataeque voluntatis caussa in Vari honorem, cuius opera secundum Ecl. IX, 27 sqq. ea res perfecta fuerat, *Eclogam sextam* tum scriptam esse, opinatur Martinus p. LVI et p. 149. Fuisse, qui sextam omnium primo loco scriptam esse dicerent, Donatus in Vita

\*) Apud Gruter. p. C. 8 Marmor visitur, a. d. IV Id. Octobr. Cn. Domitio et C. Asinio Coss. inscriptum.

§. 102 narrat; sed eos mala primi versus: *Prima Syracosio dignata est ludere versu*, acceptione, cum quod ad aetatem poetae spectabat, ad carminum ordinem referrent, inductos fuisse vix dubites. Aliam rationem, quare ante Tityrum Silenus scriptus esse debuerit, Catroeus ex eo petebat, quoniam secundum Donatum et Servium a Cytheride in scena Cicerone adhuc audiente ea recitata fuerit. Sic eam ante a. 711, quo Cicero ex proscriptione interceptus est, editam fuisse, necesse esset. At de Cicerone illam Eclogam recitari audiente explosa iam supra ad a. 711 et ad Donat. §. 41 est fabula.

Ad firmandam pacem Brundisii inter Caesarem et M. Antonium factam Octaviam Antonio in matrimonium datam esse diximus. vid. Dio XLVIII, 31. Appian. Civ. V, 65, p. 1126 sqq. Erat autem Octavia e priore marito, C. Claudio Marcello, gravida, ut Dio l. l. memorat. Cuius laudatissimae feminae (de qua vid. Baylium, nec non Froelichium in Mantissa Numism. rar. in Gorii Symbolis litt. T. VII, p. 123, ubi Tiberii Caesaris numus cum Octaviae et Augusti ore exhibetur) consilio et prudentia cum omnes boni pacem et concordiam tandem stabilitam et firmissimo vinculo coagmentatam crederent, cumque eius cum Antonio coniugium magna populi laetitia et acclamatione exceptum esset, visa est multis viris doctis *Ecloga IV* ad h. a. referenda esse, ut infans ille nasciturus, cuius in eo carmine tam praeclara fata ominatur poeta, nullus alius sit, quam is, quem Octavia tum utero gerebat. Est tamen difficile dicere, quomodo de Marcelli postumo, sive is (ex Catroei, Martini, et Spencii opinione Polymet. pag. 189, 86) idem ille M. Marcellus, qui immatura morte U. C. 731 obiit (ad quem annum vide), sive alius minor natus fuit, tot et tanta ad summam rerum spectantia augurari tum aliquis potuerit. Diximus paullo ante, sub huius anni initia Scriboniam a Caesare esse ductam. Erat ea sub exitum anni gravida ex Caesare. Probabilius itaque fit, ad prolem, quam ex ea tollendam sperabat Caesar, iam tum ad summas in republ. opes evectus, poetam respexisse et, laetitiae publicae impetum sequutum, rem sententiis exornasse et amplificasse, quas poetica ratio suppeditabat, imprimis, cum Sibyllinum oraculum, quod sequeretur, haberet. Hoc certe anno, pace iam confecta, Eclogam hanc scriptam esse, dubitari nequit; cum Pollioni Consuli inscripta sit v. 3. 11. 12, orbe iam pacato v. 17. Cf. Argum. illius Eclogae, ubi et illud notatum, male multos arbitrari, Pollioni filium natum eo carmine poetam gratulari. Secundum hos Hieronymus Chron. Euseb. MMXXX dixit: *C. Asinius Gallus, Orator, Asinii Pollionis filius*, cuius etiam Virgilius meminit, *diris a Tiberio suppliciiis enecatur*.

Non modo Brundisinam, verum etiam Puteolanam, pacem iam tum confectam fuisse, cum ea Ecloga scriberetur, Ruaeus cum aliis memorat, ut vere totus orbis pacatus videri posset.

Enimvero non nisi ineunte anno sequenti, cum Pollio iamdudum Consulatu abierat, illa pax est composita, cum Caesar et Antonius Pompeium apud Misenum convenissent. vid. Dio XLVIII, 31 extr., 36. Nam Appianus temporum ordinem non satis accurate sequitur, cum etiam post ista pag. 1135 extr. ea commemoret, quae anno superiore peracta fuerant. conf. Vellei. II, 76. 77.

Antequam Antonius adversus Parthos proficiscebatur, exercitus in hiberna deducendi partem adversus Parthinos, populum Illyricum, qui loca circa Epidamnium insidebat, et Bruti caussae eximie faverat, mittit. vid. Appian. pag. 1135. Civ. V, 75. Praefecerat iis copiis Pollionem, qui rem in iis terris egregie gessit, et anno sequente triumphum de Parthinis egit. vid. Dio XLVIII, 41 et ib. notam Fabric.

Quo in itinere adversus Parthinos cum Pollio esset, Pharmaceutria, quae est Ecloga VIII, ei a Virgilio missa esse videtur. Namque v. 6 *Tu mihi seu magni superas iam saxa Timavi, Sive oram Illyrici legis aequoris.* cf. ibi Notas. Ruaeus in reditu Pollionis scriptum carmen esse putabat; id quod verborum et sententiarum ordini repugnat. Qui enim a Timavo ad Illyricum procedit, is profectionem in Illyricum facere debet, non in Italiam redire. Pollionis etiam iussu Eclogam perscriptam esse, v. 11. 12 apparet: *iussis carmina coepta tuis.*

## U. C. 715.

*L. Marcius Censorinus. C. Calvisius Sabinus.*

*a. C. 39. Virgilii 31 — 32.*

A. d. VIII Kal. Novemb. C. Asinius Pollio ex Parthinis triumphat. Fasti Capitol. Chronic. Euseb. etc. Est is *triumphus Dalmaticus.* cf. Flor. IV, 12, 11. Horat. Carm. II, 1, 15. 16. De captis a Pollione Salonis, Dalmatiae urbe, vid. Porphy. ad e. l. Pighii Annal. h. a. De Pollione omnino vid. Martin. ad Ecl. III, 84. V, 86, et idem in Vita Virgilii p. XLIV. Egit de eo et de tota gente Asinia Lucius Camara de Teate antiquo lib. III, 4 (Thes. Ital. T. IX, P. V). De filio Pollionis, Salonino, seu Salonico, qui tamen nullus fuit, sed nepos, eo nomine, vid. Ruaeus ad Ecl. IV pr.

Dum Pollio in apparatu triumphi cum maxime esset, tertiam Eclogam a Virgilio factam ex v. 84 sqq. *Pollio amat nostram* etc. ingeniose colligit Ruaeus, ut de victimis triumphalibus in iis versibus agatur. Sed vide supra ad U. C. 711.

Hoc anno Horatium Maecenati a Virgilio et Vario commendatum esse, Sanadonius de coniectura ponit, ex Horat. Sat. I, 6, 55. Quod tamen maturius factum, si quidem vere huius anni Antonius Athenis Brundisium appulit, ut conducta die cum Caesare colloquium haberet (Appian. Civ. V, 78). Factum autem tum videtur (cf. Wesseling. Obs. II, 15), quod narratum est, ab Agrippa et



Maecenate, qui eo accurrebant, *Horatium*, *Virgilium*, *Plotium ac Varium* adductos fuisse: qua de re vid. Horat. Sat. I, 5 *Egressum magna* etc., inprimis v. 40. Ita enim iam ante inter familiares Maecenatis adscitus esse debuit Horatius. Alii quidem iter illud ad colloqui Tarenti habiti tempus a. 717 referunt (vid. Masson. vita Horatii ad 716); quod et ipsum *verno tempore* incidit. vid. Appian. p. 1149. Civ. V, 93. Aderat tum (717) Octavia pacis interpretes cum Maecenate; non autem Cocceius Nerva, quem Horat. I Serm. 5, 27 memorat, quique Brundisino congressui interfuit a. 715. Hoc itinere Maro solum fertile Tarentinum ad Gaesum fl. cognoverat: unde ductum episodium Ge. IV, 125 sq.

## U. C. 716.

*App. Claudius Pulcher. C. Norbanus Flavius.*

*a. C. 38. Virgilii 32 — 33.*

Bucolicis hoc anno finem impositum et Eclogam adeo X conscriptam esse, Ruaeus cum aliis existimat; ea scilicet caussa inductus, quod Grammatici intra triennium Bucolica absoluta esse memorant. vid. Donat. Vita §. 36. Phocas v. 95. Sed hominum illorum vanitas cum rerum argumentis tum iis ipsis, quae aliis locis repugnantia tradunt, facile arguitur. Nihil itaque commento illi iam Martinus tribuit pag. LXIV, g).

At idem vir doctus p. LXIII ad hunc annum, *Meliboeum VII Eclogam*, cuius alioqui incertum plane tempus est, refert, hoc uno argumento usus, „ne is annus prorsus aliquo Virgiliani ingenii monumento vacet.“

## U. C. 717.

*M. Vipsanius Agrippa. L. Caninius Gallus.*

*a. C. 37. Virgilii 33 — 34.*

Ad hunc annum Eclogam decimam referendam esse censet Martinus, hac de caussa, quoniam in eo carmine Gallo inscripto v. 23 et 47 Lycoris in Gallias abiisse et alium amatorem, qui in aliquo exercitu ad Rhenum militabat, sequuta esse memoratur. — *Tua cura, Lycoris, Perque nives alium perque horrida castra sequuta est — Tu procul a patria, nec sit mihi credere tantum! Alpinas, ah dura! nives et frigora Rheni Me sine sola vides.* A Iulio inde Caesare M. Agrippa primus fuit e Romanis, qui Rhenum traiecit; idque initio huius anni factum, quo Agrippa Cos. erat. vid. Dio XLVIII, 49. Vellei. II, 79. Ubii tum a Suevis vexati, ab Agrippa in fidem recepti, in Coloniam Agrippinensem deportati: Tac. Ann. XII, 27. Germ. 28. Mox enim, hoc ipso anno, a Caesare in Italiam evocatus Agrippa, classique adversus Sext. Pompeium fabricandae exercendaeque praefectus est. Possit qui-



dem aliquis haec alio Dionis loco labefactari putare, ubi anno 715 ineunte Octavianus Caesar in Gallias, ut excitatos in iis motus sedaret, profectus esse dicitur lib. XLVIII, 20. cf. c. 28 pr. Appian. p. 1135. Sed primum an exercitum secum duxerit, non memoratum invenias; tum nec Rhenum transiisse aut ad Rhenum quicquam rerum eum gessisse doceas. Quicquid est, probabilior haec est sententia, quam illa Scaligeri, ad Hieronym. n. 1960, qui ante caedem Caesaris Eclogam decimam publice editam esse debere putat, dum illam opinionem amplectitur, quintam in Caesaris necem esse scriptam, intra triennium autem Bucolica esse absoluta. Iam itaque si, quantum sive ex temporum notatione definire sive coniectura assequi possis, ordinem Eclogarum ac tempus constituere velis, ante eam, quae nunc primo loco posita est, *secundam*, *tertiam* et *quintam* scriptam esse probabile fit. Tum *prima* et *nona* anno 713. Collocat post hanc *sextam* coniectura Martini. Tum anno 714 *quartam*, 715 *octavam*, vulgatam esse in confesso est; intra idem forte tempus *nona*, et 717 *decima* ultimo loco scripta fuit; ut adeo ad temporis rationem ordo hic constitui forte possit:

1	Ecloga	II	
2	—	III	
3	—	V	
4	—	I	713
5	—	IX	eod.
6	—	VI	
7	—	IV	714
8	—	VIII	715
9	—	VII	
10	—	X	717.

Laudata et commendata sunt Virgilii Bucolica iam a poetis, qui eadem aetate vivebant. Propertius ad eorum argumenta, paullo tamen licentius, alludit El. II, 34, 67 sqq., ubi: *Tu canis umbrosi subter pineta Galaesi* (non quasi ibi Maro praedium habuerit; sed respectu laudum loci, in quas excurrit Ge. IV, 125) *Thyrsin et attritis Daphnin arundinibus*, (Ecl. VII) *Utque decem possint corrumpere mala puellam*, (Ecl. III, 71) *Missus et impressis haedus ab uberibus*, (ex IX, 6) *Felix, qui viles pomis mercaris amores! Huic licet ingratae Tityrus ipse canat*, h. huic puellae, licet ea ingrata sit, cum tamen amores eius tam parvo emantur, ipse Tityrus canat, qui Galateam amabat, nullo ad peculium fructu, ut Ecl. I, 31 sqq. *Felix intactum Corydon qui tentat Alexin Agricolae domini carpere delicias*. (Ecl. II) *Quamvis ille suam lassus requiescat avenam*: (igitur tum desierat scribere Bucolica) *Laudatur faciles inter Hamadryades*. Ovidius autem Am. I, 15, 25 *Tityrum* laudat, et Trist. II, 537 *Phyllidis hic idem tenerosque Amaryllidis ignes Bucolicis invenis luserat ante modis*.

Hoc etiam anno Maecenatis iussu Virgilium Georgica exorsum esse, communis est opinio; quam tamen, si molestior sis, non facile nisi Grammaticorum auctoritate probes.

De tempore absoluti operis paullo certior nobis fides fit ex Georgicorum extr. vers. vid. ad 724: modo exploratum satis esset, profectos vere illos versus esse a Marone. (Sed vide, quae in V.L. ad h. l. disputavi. *Wr.*) Eo consilio poetam de re rustica carmen condidisse, ut hominum animos ad agrorum cultum per bella civilia neglectum revocaret, docti viri coniiciunt. vid. Argum. Georgicor.

Eodem anno ab Agrippa, ut recens aedificatae classes tutum receptum haberent, lacu Averno et Lucrino cum mari commisso, portus Iulius factus est, de quo vid. imprimis apud Dionem XLVIII, 50. 51. Huius operis Virgilius meminit Ge. II, 161 — 164 *An memorem portus Lucrinoque addita claustra, Atque indignatum magnis stridoribus aequor, Iulia qua ponto longe sonat unda re-fuso Tyrheusque fretis immittitur aestus Avernis.*

Antonius cum classe ex Athenis Tarentum appulit. Tandem Octavia arbitra, Octavius ut eum conveniret, adducitur. Nova inter eos pactio fit. vid. Dio XLVIII extr. Appian. p. 1149 sqq. Eodem ex vulgari opinione Maecenas properans Horatium, Virgilium, Plotium ac Varium adduxerat; verum probabilius fit Brundisium iter illud factum 715. vid. sup. ad h. a.

#### U. C. 718.

*L. Gellius Poplicola. M. Cocceius Nerva.*

*a. C. 36. Virgilii 34—35.*

Octavianus Caesar, Sext. Pompeio pugna navali inter Mylas et Naulochum, ad Siciliae littus, victo et Lepido in deditionem recepto, Romam reversus immodicis honoribus affectus est. Anno suo XXVIII, inquit Appian. p. 1178, oppidatim inter deos tutelares coli coepit. Haec prima divini honoris in eum collati mentio. vid. Noris. Cenotaph. Pisan. p. 51 sqq. Quod itaque iam ante hoc tempus a Virgilio *Deus* appellatur, Ecl. I, id sine dubio eo pertinet, quod *Divum Iulium* patrem habebat. *Divi genus* Aen. VI, 739. cf. sup. ad 712. Summi tamen illi et exquisiti honores Romae et publice non nisi annis 724 et 725 fuere decreti. vid. Dio II, 19. 20.

#### U. C. 720.

*L. Scribonius Libo. M. Antonius.*

*a. C. 34. Virgilii 36—37.*

*M. Bavius poeta, quem Virgilius Bucolicis notat, in Capadocia moritur.* Hieronym. Chron. Euseb. Olymp. 186, 3. Trahi

ad eum solet Ecl. III, 90 *Qui Bavium non odit, amet tua carmina, Maevi!* ubi conf. Philargyr. et Domitii versus, quos ille laudat. Vide in Anthol. Tom. I, pag. 436.

## U. C. 722.

*Cn. Domitius Ahenobarbus. C. Sossius.*

*a. C. 32. Virgilii 38 — 39.*

Inimicitiae inter Caesarem et M. Antonium ad bellum spectant. Magni utrinque apparatus, de quibus versus Ge. I, 509 sqq. agere videntur: *Hinc movet Euphrates, illinc Germania bellum; Vincinae ruptis inter se legibus urbes Arma ferunt, saevit toto Mars impius orbe.* Alii versus ad a. 717 referunt.

## U. C. 723.

*Caesar Octavianus III. M. Valerius Messala.*

*a. C. 31. Virgilii 39 — 40.*

Pugna apud Actium, Epiri promontorium, a. d. IV Non. Septembr., cuius magnifica illa est in scuto Aeneae descriptio Aen. VIII, 671 sqq., ubi vid. Not. M. Antonius victus in Aegyptum fugit.

*Virgilium sequi voluisse Augustum contra Antonium ad Actiaca bella properantem*, ait aliquis in Servianis ad Ecl. III, 74, scilicet, quemadmodum Horatius Maecenati comes esse volebat Epod. I.

## U. C. 724.

*Caesar Octavianus IV. M. Licinius Crassus.*

*a. C. 30. Virgilii 40 — 41.*

Caesar post Actiacam pugnam cum Samum insulam in hiberna se recepisset, turbatus nuntiis de seditione militum, quos confecta victoria Brundisium praemiserat, media hieme repetit Italiam, tempestate in traiectu bis conflictatus. Nec amplius quam XXVII dies Brundisii commoratus in Asiam revertitur. Inde spretis Antonii et Cleopatrae legationibus, Aegyptum petit, obsesaque Alexandria, quo Antonius et Cleopatra confugerant, brevi potitus est.

Itaque narratio illa Donati Vita Virgilii §. 42 de praelectis Caesari Atellae decumbenti Georgicis nullam fidem habet.

Aegypto in provinciae formam redactae Cornelium Gallum, equitem R., Praefectum dedit; de quo vid. ad Ecl. X et VI, 64. 72. Fontanini hist. litt. Aquilei. p. 14. 15. Fuerat huius Galli insignis opera in Aegypto recipienda. vid. Dio II, 9. Plutarch. Anton. p. 952.



Caesar, rebus Aegypti constitutis, *per Syriam in Asiam provinciam profectus hiberna ibi egit, simulque et subditorum omnia negotia et Parthica composuit.* Ita Dio LI, 8. Sueton. Aug. 26 *quartum Consulatum in Asia, quintum in insula Samo — iniiit.* Nisi Suetonius inverse haec narravit. Tiridates regno a Phraate pulsus in Syriam confugerat et, ut Caesar se Romanis copiis restitueret, supplicabat, cum interea legati a Phraate missi et Tiridatem sibi reddi postularent et amicitiam cum Caesare iungerent. Caesar utrique comiter respondit, et Phraatis filium, sive a Phraate sive a Tiridate acceptum, Romam secum abduxit et pro obside habuit. vid. Dio I. 1.

Iam hoc anno ultimam Georgicis manum adhibitam esse, vulgaris est opinio, inque eam sententiam versus libri IV extr. interpretantur viri docti: vid. Masson. in Iano reserato III, 5, 6, nec tamen sic, ut omnia satis expediant: *Caesar dum magnus ad altum Fulminat Euphratem bello, victorque volentes Per populos dat iura vicisque affectat Olympo.* Est quidem is poetarum saeculi Augustei perpetuus mos, ut, quamquam nihil Augustus, quod admodum memorabile esset, adversus Parthos gesserit, magnifice tamen de rebus eius Parthicis loquantur. Constat porro e Dione LI, 20, litteras de Parthicis rebus initio anni sequentis Romam allatas tantum ad publicam gratulationem momenti habuisse, ut illustrare reliquam omnem Caesaris fortunam viderentur. Videtur tamen illud: *dum fulminat ad Euphratem*, pro re tam tenui, ac legatis auditis, nimis fastuosum esse. Itaque Martinus in annum 731 illos versus adeoque finem Georgicorum referre maluit. Nimis tamen hoc a ceteris temporum et carminis rationibus abhorret, si Georgica non nisi anno ante Virgilio mortem ad finem perducta esse posueris; mirumque foret, si 731 illa exierunt, non Augusti nomen, iam 727 inditum, sed Caesaris, in iis occurrere. Verum concidit omnis disputatio, si meminieris versus illos Georg. IV subiectos a poeta vix profectos esse; etsi ceteroquin illam narrationem, septennio Georgica absoluta a poeta fuisse, vid. Donat. §. 40, undecim autem annos fuisse Aeneidi impensos, ut adeo ab hac inde hieme eum ad Aeneida animum advertisse necesse sit, inter Grammaticorum commenta referendam esse putem. A Tristano *Hist. générale des Empereurs* T. I, p. 137 conclusionem Georgicorum in annum expeditionis Caii Caesaris in Parthos, quae in a. 754 incidit, male referri, iam Norisius notavit *Cenotaph. Pisan. Diss. II, p. 249.* Contra Catroeum disputat *d' Aubezit Oeuvres diverses* Tom. II.

Verum videamus uno loco collecta temporum mementa, quae in Georgicis passim occurrunt; Lib. I, 466 de morte Caesaris narrata ad a. 710 et 711 spectant, I, 489 bellum Philippense a. 712; I, 509 *Hinc movet Euphrates, illinc Germania bellum; Vicinae ruptis in er se legibus urbes Arma ferunt; saevit toto Mars impius orbe*, ad 717 — 722. II, 170 *et te, maxime Caesar, Qui nunc*



*extremis Asiae iam victor in oris Imbellem avertis Romanis arcibus Indum*, ad a. 724; II, 497 *Aut coniurato descendens Dacus ab Istro*, ad a. 725. III, 26 *In foribus pugnam — Gangaridum faciam*, *victorisque arma Quirini*, *atque hic — Nilum.* — *Addam urbes Asiae domitas*, *pulsunque Niphaten*, *Fidentemque fuga Parthum versisque sagittis*; *Et duo rapta manu diverso ex orbe tropaea*, *Bisque triumphatas utroque a littore gentes.* Tam magnifice poetae de gestis a. 723 et 724 tradunt; nonnulla tamquam vaticinantium spiritu: saltem hoc Georg. III, 26 sq. loco, quo futuras Caesaris laudes vaticinatur Maro; add. Aen. VIII, 724 sqq., ut adeo nihil hinc in horum annorum historiis constitui possit. Hactenus itaque nihil esset, quod versus IV, 559 sqq. *Caesar dum magnus ad altum Fulminat Euphraten bello* damnaret, nisi aliae essent de iis suspensiones.

Virgilium Neapoli Georgicorum partem certe extremam pertexuisse, ex lib. IV extr. manifestum esset, si versus illos ab eius manu esse satis constaret. Erat ea urbs illustrium et doctorum virorum secessu illa aetate imprimis celebris, ut otio ac levioribus studiis se ibi committerent. *In otia natam Parthenopen* Ovidius appellat Met. XV, 712. vid. Horat. Epod. V, 43 ibique Baxter. Statium Silv. III, 5, 85. Silium XII, 31, imprimisque Strabonem V, p. 378. Cf. Camilli Peregrini Campaniam felic. Diss. II, §. 21. et ad Ge. IV, 564.

Etiam Aeneidis condendae paullo altius petatum fuisse consilium, post Spencium in Polymet. Dialog. III, p. 18 autumant viri docti, ut summum unius imperium et gentem Iuliam fati ei imperio destinata Romanis commendaret. cf. Disquis. I in Aen. §. XV. Iam tum, cum Georgica scriberet, de Aeneide eum cogitasse, colligunt alii ex Georg. III, 46 sq. *Mox tamen ardentes accingar dicere pugnās Caesaris.*

#### U. C. 725.

#### *Caesar Octavianus V. Sext. Apuleius.*

##### *a. C. 29. Virgilii 41 — 42.*

Caesar Romam reversus a. d. VIII. VII et VI Id. Sext. triumphavit de Macedonia, Dalmatia et Aegypto, trinis diebus: vid. Dio LI, 21. Huc referendi versus de clipeo Aeneae Aen. VIII, 714 sqq. *At Caesar triplici invectus Romana triumpho moenia* etc.

Decreto Senatus Ianus clausus est, usque ad a. 727. vid. Masson. p. 74 et Dio LI, 20 et ibi Not. Quo Virgilius respexisse creditur Aen. I, 295 — 300 *Aspera tum positis nitescent saecula bellis — dirae Claudentur belli portae*: uti v. 296 *Cana Fides et Vesta*, *Remo cum fratre Quirinus Iura dabunt*, ad Censuram hoc anno a Caesare, assumpto M. Agrippa collega, actam Dio LII, 42. Nec tamen hoc ipso anno versus illos scriptos esse necesse est: ut arbitrabatur Masson. in Iano reserato p. 64. Nec magis Aen. IX,

642 *Dis genite et geniture deos; iure omnia bella Gente sub Assaraci fato ventura resident.*

Ad hunc annum Caesaris de imperio deponendo habita cum Agrippa et Maecenate consultatio pertinet. vid. Dio LII pr. Quas Virgilio ea in re partes dederint inepti Grammatici, vid. in Donato §. 78.

Hoc aut superiore anno, certe ante Ianum clausum, Dacos trans Istrum cum Bastarnis, Moesis et aliis populis bello adortus erat M. Crassus, de qua expeditione vid. Dio II, 22. 23 sqq. Unde versus Virgilii ductus Ge. II, 497 *aut coniurato descendens Dacus ab Istro*. A M. Antonio ad societatem et auxilia ferenda pellecti fuerant isti populi; quo factum esse videtur, ut in fines Romanos infestis mox armis incurrerent. Triumphum de iis egit Crassus IV Non. Iul. 726. Pro Dacis magnificentius visum poetis Getas nominare: ut Aen. VII, 604, ubi vid. Not. Horat. Od. IV, 15, 22; atque etiam Scythas: Carm. saec. 55.

### U. C. 726.

#### *Caesar Octavianus VI. M. Agrippa II.*

##### *a. C. 28. Virgilii 42 — 43.*

Apollinis in Palatio templum cum bibliotheca Caesar perfecit et dedicavit. Ludos Actiacos quinquennales, propter victoriam Actiacam iam ante decretos, cum Agrippa exhibuit. Tunc gymnici quoque ludi acti sunt. Dio LIII, 1.

Hos ludos adumbravit poeta sub iis, quos Aeneam suum facit instituere Aen. III, 280 *Actiaque Iliacis celebramus littora ludis. Exercent patrias oleo labente palaestras Nudati socii.*

### U. C. 727.

#### *Caesar Octavianus VII. M. Agrippa III.*

##### *a. C. 27. Virgilii 43 — 44.*

*Caesar ex ante diem XVI Kal. Februarii, sententia L. Munatii Planci, a senatu ceterisque civibus Augustus appellatus est, sese septimum, et M. Vipsanio Agrippa tertium Consulibus. Censorinus c. 22. vid. Dio LIII, 16 ibique Fabric. Romuli nomen a nonnullis propositum, et ab ipso Augusto magnopere esse appetitum, satis constat. vid. Dio ibid. Sueton. Aug. 7. Itaque versum Georg. III, 27 victorisque arma Quirini hinc interpretandum esse existimant viri docti; quod si recte facerent, etsi nimis levis est illa suspicio, pateret ex hoc, Georgica serius, quam 724 absoluta, saltem edita et vulgata fuisse. Namque illud nonnullorum commentum, de versibus serius et secunda aliqua recensione insertis, quod forte ex Donato §. 50 petatum est, non admodum probamus. Multo minus Harduini somnia nos tenebunt, cum in reliquis, tum*

in iis, quae ex temporum angustia contra Aeneidis a Virgilio susceptum opus disputat in *Pseudovirgilio* (inter Opera varia p. 280). Talia refellere, nostri otii non est. Post hoc itaque tempus etiam ille locus Aen. VI, 792 scriptus esse debet: *Hic vir, hic est, tibi quem promitti saepius audis, Augustus Caesar, Divi genus.*

Augustus bello in Britannos parato, sed mox seposito, ab Urbe in Gallias et Hispanias proficiscitur. vid. Dio LIII, 22 sqq. Ergo Ianus nunc reseratus. Messala ex Gallia triumphat VII Kal. Octobr. vid. ad Tibull. I, 7.

Hunc porro annum assignant viri docti Satyrae decimae libri I Horatii, in qua v. 45 *molle atque facetum Virgilio adnuerunt gaudentes rure Camoenae.* Quod iudicium cum unice ad Bucolica et Georgica spectet (vid. infr. de Carmine bucolico Tom. I), cumque ibidem: *forte epos acer, Ut nemo, Varius ducit,* adiectum sit, nihil adhuc de Aeneide tum poetam cogitasse, nihil certe vulgasse, probabile fit.

U. C. 728.

*Caesar Augustus VIII. T. Statilius Taurus II.*

a. C. 26. *Virgilii* 44 — 45.

VII Kal. Febr. Sext. Apuleius ex Hispania triumphavit: eum itaque superiore anno res in Hispania feliciter gessisse credere licet. *Cornelius Gallus* primus Aegypti praefectus Augustalis, cum propter multa flagitiose acta infamia ab Augusto notatus, mox et senatus iudicio damnatus esset, dolorem non ferens, poenam morte voluntaria antevertit. Dio LIII, 23. Eius laudes quarto Georgicorum libro Augusti iussu tum sublatae Aristaei fabulae locum fecisse, narrant Grammatici. vid. Donat. §. 39. Servius ad Ecl. X, 1.

U. C. 729.

*Caesar Augustus IX. M. Iunius Silanus.*

a. C. 25. *Virgilii* 45 — 46.

Expediit Augusti in Cantabros. Absentem eum a Virgilio literis suis Aeneidem flagitasse, Donatus memorat §. 46, ubi vid. Not.

Hoc et sequente anno Aelius Gallus ex Aegypto exercitum in Arabiam felicem duxit: vid. Dio LIII, 29. Strab. XVI, p. 1126 sqq. Potuit Virgilius illa respicere in versibus de Iano reserato Aen. VII, 604. 605 *Sive Getis inferre manu lacrimabile bellum, Hyrcanisve, Arabisve, parant.*

U. C. 730.

*Caesar Augustus X. C. Norbanus Flaccus.*

a. C. 24. *Virgilii* 46 — 47.

Altera vice clausus Ianus Augusto ex Hispania reduce. Ad h. a. spectat Hieronymus Chron. Euseb. ad Olymp. 189, 1 *Quincti-*



*lius Cremonensis, Virgilii et Horatii familiaris, moritur.* De eius obitu consolatur Virgilium Horatius noto carmine lib. I Od. 24. Quis ille Quinctilius fuerit, ignoratur; nec magis exploratum, quis ille Virgilius fuerit; nam Grammaticorum commenta audienda non sunt. vid. Argum. Ecl. VI, conf. Masson. Vita Horatii ad h. a.

## U. C. 731.

**Caesar Augustus XI. A. Terentius Varro Muraena,**  
**suff. Cn. Calpurnius Piso.**

**a. C. 23. Virgilii 47 — 48.**

Augustus e gravi morbo Antonii Musae opera convalescens semestri spatio interiecto M. Marcellum sororis filium, cum aedilitatem anno superiore suscepisset, et Augusto vulgo imperii heres destinaretur, e morbo decedere videt. Gravis tunc totius populi luctus. Dio LIII, 30. Virgilius eius mortem pulcerrimis versibus ornat Aen. VI, 861 — 887. De quibus versibus lectis et lauta remuneratione honestatis vid. sup. Donat. §. 47. De M. Marcello et eius numo vid. Fortunati Mandelli Commentarium in *Nuova Raccolta d' Opusc. scient. T. XII*. Est is nummus e Museo Nanio; an tamen is ad Marcellum nostrum spectet, non minus dubito, quam de altero numo, quem Spanhien. Tom. II, p. 316 et hinc alii exhibuere.

*Tiridates ipse, a Phraate vero legati, controversiarum suarum causa Romam venire. Quibus in senatum introductis, cum Augusto causae cognitio decreta esset, Tiridatem Phraatis nequaquam tradidit, filium tamen Phraatis, quem in potestate sua habebat, patri remisit hac lege, ut pro eo captivos signaque militaria, Crassi et Antonii cladibus amissa, reciperet.* Dio LIII, 33. Res tamen non perfecta ante annum 734. Ad hoc Augusti postulatam, quo negato bellum in Parthos susceptum iri suspicio erat, respexisse creditur Virgilius Aen. VII, 605. 606 *Sive Getis inferre manu lacrimabile bellum Hyrcanisve Arabisque parant, seu tendere ad Indos Auroramque sequi, Parthosque reposcere signa.* Addebat Ruaeus sub h. a. „Igitur annis minus quatuor sex fere ultimos operis libros poeta perfecit; nec vero tanta in iis elucet, quanta in superioribus, cura.“ Vix curae ac diligentiae defectum in novissimis libris odoratus esset bonus Ruaeus, nisi id iam aliunde sic narratum accepisset. vid. Monitum ad lib. VII pr.

## U. C. 732.

**M. Claudius Marcellus Aeserninus. L. Aruntius.**

**a. C. 22. Virgilii 48 — 49.**

*Augustus in Siciliam profectus est, ut eam ac omnes alias ad Syriam usque provincias constitueret.* Dio LIV, 6. Factum



id sub finem anni videtur. Videri potest de hoc itinere Noris. Cenotaph. Pisan. p. 292 — 294. Ante Augusti ex urbe discessum Ianum iterum reseratum esse probabile fit: nec tamen inde inferre velis cum Massono p. 112 sq., locum Aen. VII, 604. 605. 606 ex huius anni actis interpretandum esse.

Aethiopes, duce regina, Candace, impressionem in Aegyptum faciunt, et Elephantinen urbem diripiunt. Revertentes eos ad terras suas C. Petronius, Aegypti praefectus, caedit, Aethiopiam ingressus regiam evertit, et terram eorum praesidiis occupat. vid. Dio LIV, 5. Strabo lib. XVII, ubi de Aethiopibus agit. Haec Virgilius respicere videtur Aen. VI, 796 *Iacet extra sidera tellus, Extra anni solisque vias* etc., ubi vid. Not.

U. C. 733.

*M. Lollius. Q. Aemilius Lepidus.*

*a. C. 21. Virgilii 49 — 50.*

*Augustus rebus in Sicilia ordinatis in Graeciam transmisit. Rebus in Graecia confectis in Samum navigavit, ibique hiemavit.* Dio LIV, 7.

U. C. 734.

*M. Apuleius. P. Silius Nerva.*

*a. C. 20. Virgilii 50 — 51.*

Iterum victi hoc anno Cantabri ab Agrippa: Horat. I Ep. 12, 26. *Vere Augustus in Asiam perrexit, ibique et in Bithynia omnia constituit*, Dio LIV, 7; *etiam Syriam adiit* ibid. Iustin. XLII, 5. Hanc Augusti in provinciis adeundis, dignam principe tanto, industriam praedicat Virgilius Aen. VI, 802 — 806 *Nec vero Alcides tantum telluris obivit* etc. cf. Sueton. cap. 47.

Cum in Syriam advenisset, Phraates, veritus, ne bello peteretur, signa Augusto cum captivis et exercituum Rom. spoliis remisit. Qua re nihil ad Augusti gloriam illustrius unquam factum visum est. vid. Dio LIV, 8 et ibi Fabric. Etiam Indorum legati cum Antiochiae adierunt: Strabo XV, p. 719 C. D. Unde Aen. VI, 795 *super Indos Proferet imperium*. Itaque magnopere inprimis a poetis ea res extollitur et magnificis verbis ornatur, ut de profligatis Parthis, everso eorum imperio, victo Oriente, India debellata, eos loqui videas. vid. loca apud Cerdam ad VII Aen. 606. Ad hunc itaque annum versus poetae nostri Ge. IV extr., II, 170 — 173, III, 26 — 33 a nonnullis referri, supra ad a. 724 significavimus. Insigniter auctum est hoc idem Aen. VI, 799 *Huius in adventum iam nunc et Caspia regna Responsis horrent divum, et Maeotia tellus, Et septem gemini turbant trepida ostia Nili.*

*Occiso Artaxia*, qui aliis Artabazes sive Artavasdes, *per dolum propinquorum*, *datus a Caesare Armeniis* (maiori Armeniae) *Tigranes*, *deductusque in regnum a Tiberio Nerone* Tacit. Annal. II, 3. vid. Dio LIV, 9 et ibi Fabric. Add. Vellei. II, 94, 3 et ibi Ruhnck. Hinc Virgilii illud Ge. III, 30 *pulsumque Niphaten* (qui Armeniae mons est, male a poetis nonnullis pro flumine habitus, quorum loca vid. apud Masson. Vita Horatii p. 306 sqq.) illustrant viri docti. Sed ad res cum Parthis a. 724 transactas referre ea praestat. Ominatur poeta tamquam in vaticinio eventus futuros, non res vere gestas enarrat.

E Syria Augustus in Samum reversus ibidem iterum hiemavit. Frequentes hic ad eum legationes convenerunt, et Indi pacem, quam antea per oratores petierant, tunc interposito foedere sanxerunt et dona miserunt. Dio LIV, 9. Cf. dicta sup. ad a. 724. Garamantes quoque hoc anno victi a L. Balbo Procos., qui anno sequente VI Kal. Apr. ex Africa triumphavit, v. Plin. V, 5, qui classicus locus est, et Solin. 29. Add. Intpp., inprimis Ruhnck. ad Vellei. II, 51, p. 249, forte et Nasamones deleti, Priscian. Perieg. 194. ubi cf. Excurs. X. Wernsd. Bene itaque Aen. VI, 795 *super et Garamantas et Indos Proferet imperium*.

## U. C. 735.

C. Sentius Saturninus. Q. Lucretius Vespillo.

a. C. 19. Virgilii 51—52.

Donatus in Vita §. 51 *Anno quinquagesimo secundo, ut ultimam manum Aeneidi imponeret, statuit in Graeciam et Asiam decedere, triennioque continuo omnem operam limationi dare, ut reliqua vita tantum philosophiae vacaret. Sed cum ingressus iter Athenis occurrisset Augusto, ab Oriente Romam revertenti (quod verum est. v. Dio LIV, 10) una cum Caesare redire statuit. Ac cum Megara, vicinum Athenis oppidum, visendi gratia peteret, languorem nactus est: quem non intermissa navigatio auxit, ita, ut gravior indies, tandem Brundisium (alios Tarentum memorare, in Notis monitum) adventarit, ubi diebus paucis obiit, X Kal. Octobr. C. Sentio, Q. Lucretio Coss.*

Celebrabantur hoc anno XIX Kal. Septembr. Eleusinia, quibus Augustus initiatus est. An ipse quoque Maro: disquisivit vir doctus (*Critical Obs. on the sixth Book of Aeneid* Lond. 1770, 8. p. 39 sq.). Scilicet fuere, qui in lib. VI Aen. Eleusinia initia revelata arbitrarentur a Marone. Annum obitus confirmat Hieronymus Chron. Euseb. ad Olymp. 190, 2 *Virgilius Brundisii moritur, Sentio Saturnino et Lucretio Cinna* (hoc nullum Lucretiorum cognomen) *Coss.* Plin. XIV, 1 *Haec* (vitis per se in vino picem resapiens) *Virgilii vatis aetate incognita, a cuius obitu XC aguntur anni: numero rotundo; cum XCV essent.* v. Baylium *Diction. Virgile* litt. H. Harduin. ad Plin. ibid. et XIV, sect. 5.

Cum in Graeciam proficisceretur Virgilius, scriptum fuisse creditur ab Horatio Carmen III libri I *Sic te Diva potens Cypri*.

Dum in Graecia fuit, tertio Georgicorum libro splendidum illud exordium: *Primus Idumaeas referam tibi, Mantua, palmas*, additum fuisse cum Catroeo Wartonus putabat *Life of Virgil* p. 27, ex interpretatione scilicet parum subtili.

Fuisse, qui eum in itinere Tarenti vita excessisse traderent, ad Donatum §. 51 dictum. Sive tamen Tarenti, sive Brundisii obierit, utraque urbs cum ad Calabriam referatur, hinc intelligendus versus Epitaphii: *Mantua me genuit, Calabri rapuere*, h. in Calabria vitae ereptum se significat. cf. Phocas v. 105 *ut Calabros tetigit — vehementer luxavit corpora morbus*.

Ossa Virgilii Neapolin translata et ibi in via Puteolana sepulta. vid. Donat. §. 55. 56, et ibi Not. Apud Hieronymum l. I. *Ossa eius Neapolin translata in secundo ab urbe miliario sepeliuntur, titulo istiusmodi supra scripto, quem moriens ipse dictaverat: MANTUA ME GENUIT*; quod apud Donatum §. 55 legas, et in Eusebianum Chronicon haud dubie ab interpolatore venit; repetitum inde a Vincent. Bellovac. Specul. hist. VII, 60.

De testamento Virgilii vid. Donatum §. 56.

Eum paullo ante mortem scrinia, adeoque omnia sua scripta (ut etiam Grammaticus in Antholog. Lat. II, 184, (v. supr. inter Testimonia n. VII) accepit) comburere voluisse, mox, ut Aeneis saltem combureretur, tanquam imperfectum opus, testamento scripsisse, tandem, amicorum precibus victum, Vario ac Tuccae, de quibus v. ad Donat. §. 53, scripta sua legasse, ea sub conditione, ne emendarent, narrat Donatus §. 52. 53. Ab iis tamen, iussu Caesaris, Aeneidem emendatam esse, in eadem farragine memoratur §. 56, quod ita intelligas, ut emendarint quidem tollendo, non autem addendo; v. sup. ad Donat. s. 59. Ita fere Hieronymus Chron. Euseb. ad Olymp. 190, 4 *Varius et Tucca, Virgilii et Horatii contubernales, poetae habentur illustres, qui Aeneidum postea libros emendarunt sub ea lege, ut nihil adderent*. Nescio an inter sublata referendum sit illud, quod apud Senec. Suas. 3 e Virgilio excitatur: *plena deo*. Locum illud habere potuit in Aen. VI. Nihil tamen ex Aeneide intercidissee alioqui memoratur. Fuit tamen Guyeti acumen, quod quatuor extremos Aeneidis libros Virgilio abiudicaret. Nam Io. Harduini somnium vel verbo attingere piget, qui totam Aeneidem fetum saec. XIII esse volebat. Refellit eum Saxius in disp. Lips. 1737 habita.

Reliqui Grammatici modo hoc modo illud sequuntur. At veteres scriptores, Plin. VII, 30, sect. 31 *D. Augustus carmina Virgilii cremari contra testamenti eius verecundiam vetuit; maiusque ita vati testimonium contigit, quam si ipse sua probasset*. Gellius XVII, 10 — *sed quae procrastinata sunt ab eo, ut post recenserentur, et absolvi, quoniam mors praeverterat, nequiverunt, ne-*



*quaquam poetarum elegantissimi nomine atque iudicio digna sunt: itaque, quum, morbo oppressus, adventare mortem videret, petivit oravitque a suis amicissimis impense, ut Aeneida, quam nondum satis elimavisset, abolerent.* Macrob. Sat. I, 24 *qui enim moriens poema suum legavit igni, quid nisi famae suae vulnera posteritati subtrahenda curavit? nec immerito.* Multa in eam rem variorum Epigrammata vid. in Catalectis Scaligeri et Burmanni Anthologia. Adde Donat. §. 57. 58. Est etiam disputatio hac de re hominis Itali (*Sperone Speroni Opere* Tom. IV), verbosa, et vanis argutiis inanibusque quaestiunculis plena, ut lectio vix tolerari possit, non magis quam reliquorum eius super Virgilio Dialogorum. Gravis satis est vel una Plinii auctoritas, qua constet Virgilium poenituisse Aeneidis tamquam imperfecti operis. Maluit tamen vir doctus L. A. Bartenstein, Prof. Math. et Poes. Coburg. in Prolus. a. 1774 scripta nec teste nec argumento, sed mera suspitione contendere, poenitentia laudum in Augustum cumulataram, et inductorum, adversus Epicureorum disciplinam, deorum, eo adductum esse poetam, ut testamento suo carmen abolitum esse vellet.

Ceterum Virgilio mox *comitem ad Elysios campos mors misit* Tibullum iuvenem. vid. Domitii Marsi Epigrammata ad calcem Tibulli. Ovidius tum annum XXV agebat, itaque Virgilium *tantum se vidisse* testatur Trist. IV, 10, 51. Horatius annum ingressus erat XLVII.

Aeneidem cum vivo Virgilio multis hominum desideriis expectatam, et ab Augusto litteris flagitatam (vid. Donat. Vita Virg. s. 46 et ibi Not. e Macrob. I, 24), tum eo mortuo magno favore et praedicatione acceptam fuisse, ex poetis eius temporis colligas. Ovidius Rem. 395. 396 *Tantum se nobis Elegi debere fatentur, Quantum Virgilio nobile debet epos*\*). Sed idem Aeneidis iam meminit Am. I, 15, 25, quod carmen ad annum 736, proximum a Virgilii morte, Massonus retulit: *Tityrus et segetes Aeneidaeque arma legentur, Roma triumphati dum caput orbis erit.* Et in Arte 751 edita lib. III, 337 *Et profugum Aenean, altae primordia Romae, Quo nullum Latio clarius extat opus.* Nondum absoluta et edita erat Aeneis, cum Propertius (non ante 729, ut supra vidimus) nobiles illos versus scriberet lib. II Eleg. extr. 61 sqq. *Qui nunc Aeneae Troiani suscitavit arma etc.*

Virgilium paullo post, et adhuc aevo Augusteo, in scholis praelectum et enarratum fuisse, e Suetonio scimus de ill. Grammat. c. 16 Q. Caecilius Epirota Cornelii Galli familiaris — *primus dicitur latine ex tempore disputasse, primusque Virgilium et alios poetas novos praelegere coepisse*; etiam Orosii aetate: Oros. I, 18 Aeneas — *qualia per triennium bella excitaverit, quantos populos*

\*) Ita leg.; nam *opus nobile* esset quidem carmen epicum, non poesis epica.



*implicuerit, odio excidioque afflixerit, ludi litterarii disciplina nostrae quoque memoriae inustum est.*

Ut Virgilio Ennium ab Adriano praelatum taceam (Spartian. c. 15): Caligula Virgilii memoriae admodum infestus fuit. *Sed et Virgilii et T. Livii scripta et imagines, paullum afuit, quin ex omnibus bibliothecis amoveret, quorum alterum, ut nullius ingenii minimaeque doctrinae — carpebat* Sueton. Calig. 34. Itaque Virgilii codices ad parvum tum numerum redactos fuisse necesse est. An forte inde in tanto nunc apographorum numero mirus ille librorum etiam vetustiorum in corruptelas consensus repetendus est? ut, cum post haec Virgiliana carmina ex paucis, nec forte emendatissimis, exemplaribus describerentur, vera iam tum lectio periisset; quo factum, ut frustra nunc a libris auxilium, ubi haereas, expectetur. Extabat tamen Virgilii manus adhuc Plinii maioris aetate H. N. XIII, 12 extr. et Quinctiliani, Inst. I, 7, 20. Nam apud Gell. I, 21 Hyginum, qui paullo post Virgilium vixit, librum *ex domo atque familia Virgilii* habuisse nil mirum. Virgilii idiographum librum inspectum, sed ab aliis, Gellius memorat N. A. IX, 14. Apud eundem II, 3 — *venit nobis in memoriam, Fidum Optatum, multi nominis Romae grammaticum, ostendisse mihi librum Aeneidis secundum, mirandae vetustatis* (medio saec. II), *entum in Sigillariis XX aureis, quem ipsius Virgilii esse credebatur*, in quo Aen. II, 470 *aena* scriptum erat, addita supra littera *h* factum *ahena*. Apud eund. XIII, 20 Probus — *in primo Georgicon, quem ego, inquit, librum manu ipsius correctum legi, urbis per i litteram scripsit.*

Magnam copiam versuum et lusuum in Virgilium eiusque carmina cum bona tum mala, vetustiorum et seriorum poetarum, vid. post Pithoeum et Ios. Scaligerum in Catalectis apud Burmann. in Antholog. Lat. lib. II, ep. 173 sqq. De his Scholasticorum exercitationibus v. Prooem. ad Culicem. cf. Wernsdorf. P. L. M. Tom. VI, p. 29.

Cum semel hominum doctorum ingenia ad inanes lusus et nugae poetice deflectissent: exorti quoque sunt, qui illiberali prorsus invento centones Virgilianos conderent. Ex hoc numero saeculo quarto exeunte inclaruit Falconia Proba. conf. Sax. Onomast. T. I, p. 438. Circa idem tempus dispescuit suos centones Ausonius. Adeo difficile est perspicere et diiudicare, quid verum pulcrumque sit, si semel hominum iudicia occaecavit pravi exempli falsaeque opinionis auctoritas. Mirabantur tamen hi homines Virgilium non minus ac Pisones vel Messalae ex Augusteo saeculo.

TESTIMONIA  
DE  
VIRGILIO  
ET  
ARGUMENTA OPERUM



---

## TESTIMONIA DE VIRGILIO

H. E.

LOCA VETERUM SCRIPTORUM, IN QUIBUS DE  
VIRGILIO MEMORATIO FIT.

---

P. OVIDIUS NASO *Amor. I, 15, 25.*

Tityrus, et segetes, Aeneiaque arma legentur,  
Roma triumphati dum caput orbis erit.

EIUSDEM *Art. III, 337.*

Et profugum Aenean, altae primordia Romae:  
Quo nullum Latio clarius extat opus.

EIUSDEM AD AUGUSTUM. *Trist. II, 533.*

Et tamen ille tuae felix Aeneidos auctor  
Contulit in Tyrios arma virumque toros.  
Phyllidis hic idem, teneraeque Amaryllidis ignes  
Bucolicis iuvenis luserat ante modis.

SEXT. AURELIUS PROPERTIUS *lib. II,*

*Eleg. extr. 61 sqq. ad Lynceum.*

Actia Virgilium (*iuvet*) custodis littora Phoebi,  
Caesaris et fortes dicere posse rates.  
Qui nunc Aeneae Troiani suscitāt arma,  
Iactaque Lavinis moenia littoribus.  
Cedite Romani scriptores, cedite Graii:  
Nescio quid maius nascitur Iliade.  
'Tu canis umbrosi subter pineta Galesi  
'Thyrsin, et attritis Daphnin arundinibus;  
Utque decem possint corrumpere mala puellam,  
Missus et impressis haedus ab uberibus.  
Felix, qui viles pomis mercaris amores!  
Huic licet ingratae Tityrus ipse canat.



Felix, intaetum Corydon qui tentat Alexin  
Agricolae domini carpere delicias!

Quamvis ille suam lassus requiescit avenam:  
Laudatur faciles inter Hamadryadas.

Tu canis Aseraei veteris praecepta poetae,  
Quo seges in campo, quo viret herba iugo.  
Tale facis earmen docta testudine, quale  
Cynthius impositis temperat articulis.

QUINCTILIANUS *Lib. X, cap. 1, §. 85.*

Idem nobis per Romanos quoque auctores ordo ducendus est. Itaque ut apud illos Homerus, sic apud nos Virgilius, auspicatissimum dederit exordium: omnium eius generis poetarum Graecorum nostrorumque illi haud dubie proximus. Utar enim verbis iisdem, quae ab Afro Domitio iuvenis accepi, qui mihi interroganti, quem Homero erederet maxime accedere, Secundus, inquit, est Virgilius: propior tamen primo, quam tertio. Et hercle, ut illi naturae caelesti atque immortalis cesserimus, ita curae et diligentiae vel ideo in hoc plus est, quod ei fuit magis laborandum; et quantum eminentioribus vincimur, fortasse aequalitate pensamus. Ceteri omnes longe sequuntur.

ANTHOLOG. V, 74.

Καὶ φίλος Ἀύσονίοισι λυγύθροος ἔπρεπε κύκνος  
Πνεύων εὐεπίης Βιργίλλιος· ὃν ποτε Πώμης  
Θυμβριάς ἄλλον Ὀμηρον ἀνέτρεφε πατρίδος ἡχώ.

STATIUS THEB. XII, 816.

Nec tu divinam Aeneida tenta,  
Sed longe sequere, et vestigia semper adora.

ALCIMI *de Virgilio et Homero (vid. Antholog.  
Lat. II, ep. 177). \**

Maeonio vati, quis par vel proximus esset,  
Consultus Paean risit, et haec eecinit:  
Si potuit nasci, quem tu sequereris, Homere,  
Naseetur qui te possit, Homere, sequi.

D. AUGUSTINUS *de Civ. Dei lib. I, c. 3.*

Virgilium pueri legant, ut poeta magnus omniumque praeclarissimus atque optimus, teneris imbibitus annis, non facile oblivione possit aboleri.

\*) De hoc Grammatico vid. Wernsdorf. Poet. min. T. VI. P. I. pag. 27.

\* \* \*

Sequuntur carmina Grammaticorum et argumenta  
operum Virgilio.

\* \* \*

## Poemata de Virgilio

## I

*P. Virgilii Maronis vita, a Phoca Grammatico urbis  
Romae, versibus edita. vid. Antholog. Lat. P. Bur-  
manni Sec. T. I, Lib. II, Ep. 186.*

## P R A E F A T I O

O vetustatis memoranda custos,  
Régios actus simul et fugaces  
Temporum cursus docilis referre,  
Aurea Clio.

Tu nihil magnum sinis interire;  
Nil mori clarum pateris; reservans  
Posteris prisci monimenta saeculi  
Condita libris.

Sola fucatis variare dictis  
Paginas nescis: sed, aperta quicquid  
Veritas prodit, recinis per aevum  
Simplice lingua.

Tu senescentes titulos laborum  
Flore durantis reparas iuventae.  
Militat Virtus tibi; te notante  
Crimina pallent.

Tu fori turbas, strepitusque litis,  
Effugis dulci moderata cantu,  
Nec retardari pateris loquelas  
Compede metri.

His fave dictis: retegenda vita est  
Vatis Etrusci, modo qui perenne  
Romulae voci decus adrogavit  
Carmine sacro.

Maeonii specimen vatis veneranda Maronem  
Mantua Romuleae generavit flumina linguae.  
Quis facunda tuos toleraret Graecia fastus?  
Quis tantum eloquii potuisset ferre tumorem:  
Aemula Virgilium tellus nisi Tusca dedisset?

- Huic genitor figulus Maro nomine: cultor agelli,  
 Ut referunt alii, tenui mercede locatus.  
 Sed plures figulum; quis non miracula rerum  
 Haec stupeat? dives partus de paupere vena  
 Enituit: figuli soboles nova carmina finxit. 10  
 Mater Polla fuit, Magii non infima proles,  
 Quem socerum probitas fecit iam clara Maroni.  
 Haec cum maturo premeretur pondere ventris,  
 Ut solet in somnis animus, ventura refingens,  
 Anxius et, vigili praesumere gaudia cura, 15  
 Phoebei nemoris ramum fudisse putavit.  
 O sopor indicium veri! nil certius umquam  
 Cornea porta tulit. Facta est, interprete lauro,  
 Certa parens, oncrisque sui cognoverat artem.  
 Consule Pompeio vitalibus editus auris, 20  
 Et Crasso, tetigit terram; quo tempore Chelas  
 Iam mitis Phaethon post Virginis ora receptus.  
 Infantem vagisse negant. Nam fronte serena  
 Conspexit mundum, cui commoda tanta ferebat.  
 Ipse puerperiis adrisit laetior orbis: 25  
 Terra ministravit flores; et munere verno  
 Herbida supposuit puero fulmenta virescens.  
 Praeterea, si vera fides, sed vera probatur,  
 Lata cohors apium subito per rura iacentis  
 Labra favis texit dulces fusura loquelas. 30  
 Hoc quondam in sacro tantum mirata Platone  
 Indicium linguae memorat famosa vetustas.  
 Sed Natura parens, properans extollere Romam,  
 Et Latio dedit hoc, ne quid concederet uni.  
 Insuper his, genitor, nati dum fata requirit, 35  
 Populeam sterili virgam mandavit arenae:  
 Tempore quae nutrita brevi, dum crescit, in omne  
 Altior emicuit cunctis, quas auxerat aetas.  
 Haec propter placuit puerum committere Musis,  
 Et monstrare viam venturac in saecula famae. 40  
 Tum Ballista rudem lingua titubante receptum  
 Instituit primum, quem nox armabat, in umbris  
 Grassari solitum; crimen doctrina tegebat;  
 Mox patefacta viri pressa est audacia saxis.  
 Incidit titulum iuvenis, quo pignora vatis 45  
 Edidit. Auspiciis suffecit poena magistri.  
*Monte sub hoc lapidum tegitur Ballista sepultus.*  
*Nocte die tutum carpe viator iter.*  
 Nos tamen hoc brevius; si fas simulare Maronem:

7 l. locati.

21 f. Chelis — receptus.

37 in omen Toll. coni.

<i>Ballistam sua poena legit; via tuta per auras.</i>	50
<i>Hic Ballista iacet, certo pede perge viator.</i>	
<i>Carcere montoso clausus Ballista tenetur,</i>	
<i>Securi fraudis pergite nocte, viri.</i>	
<i>Quid trepidas tandem gressu pavitante, viator?</i>	
<i>Nocturnum furem saxeus imber habet.</i>	55
<i>Ballistae vitam rapuit lapis, ipse sepulcrum</i>	
<i>Intulit; umbra nocens pendula saxa tremit.</i>	
<i>Crimina latronis dignissima poena coerces.</i>	
<i>Duritiam mentis damnat ubique lapis.</i>	
<i>Hinc Culicis tenui praelusit funera versu:</i>	60
<i>Parve culex, pecorum custos tibi tale merenti</i>	
<i>Funeris officium, vitae pro munere, reddit.</i>	
<i>Tum tibi Syronem, Maro, contulit ipsa magistrum</i>	
<i>Roma potens, procuresque suos tibi iunxit amicos.</i>	
<i>Pollio, Maecenas, Varius, Cornelius ardent;</i>	65
<i>Et sibi quisque rapit, per te victurus in aevum.</i>	
<i>Musa refer: quae caussa fuit componere libros?</i>	
<i>Sumserat Augustus rerum moderamina princeps.</i>	
<i>Iam necis ultor erat patriae: iam caede priorum</i>	
<i>Perfusas acies legitur visura Philippos.</i>	70
<i>Cassius hic, Magni vindex, et Brutus in armis</i>	
<i>Intereunt. Victor, nondum contentus opimis</i>	
<i>Emeritas belli spoliis ditasse cohortis,</i>	
<i>Proscripsit miserae florentia rura Cremonae,</i>	
<i>Totaque militibus pretium concessa laborum</i>	75
<i>Praeda fuit. Violenta manus bacchata per agros.</i>	
<i>Non flatus, non tela Iovis, non spumeus amnis,</i>	
<i>Non imbres rapidi, quantum manus impia vastat.</i>	
<i>Mantua, tu coniuncta loco, sociata periclis,</i>	
<i>Non tamen ob meritum; miseram vicinia fecit.</i>	80
<i>Iam Maro pulsus erat. Sed viribus obuius ibat</i>	
<i>Fretus amicorum clipeo: cum paene nefando</i>	
<i>Ense perit. Quid dextra furis? quid viscera Romae</i>	
<i>Sacrilego mucrone petis? tua bella tacebit</i>	
<i>Posteritas, ipsumque ducem, nisi Mantua dicat.</i>	85
<i>Non tulit hanc rabiem doctissima turba potentum.</i>	
<i>Itur ad auctorem rerum: quid Martius horror</i>	
<i>Egerit, ostendunt; quid tunc miseranda tulisset.</i>	

56 h. ipsa lapidum strues ei pro tumulto fuit. *ipse*, lapis. hinc *pendula saxa*, sub quibus umbra tremit; tanquam metuens ne obteratur.

66 leg. *Te sibi q.*

69 iam *acies*, h. exercitus, legitur, scribitur, paratur, in Mace-

doniam iterum deducenda ad pugnam faciendam. l. *Perfusus*.

78 in aliis: *quantum manus impia, vastant*.

88 *quid Martius horror Egerit ostendunt*; qui tunc miseranda tulisset, Caesaris huic placido nutu repetuntur a. Toll. et Franc.



Caesaris hic placido nutu repetuntur agelli. His auctus meritis cum digna rependere vellet: Invenit carmen, quo munera vincere posset. Praedia dat Caesar; quorum brevis usus habendi: Obtulit hic laudes, quas saecula nulla silescent.	90
Pastores cecinit primos. Hoc carmine Consul Pollio laudatur, ter se revocantibus annis Composito. Post haec ruris praecepta colendi Quatuor exposuit libris, et commoda terrae Edocuit, geminis anno minus omnia lustris. Inde cothurnato Teucrorum praelia versu Et Rutulum tonuit. Bissenae volumina sacro Formavit donata duci, trieteride quarta.	95
Sed loca, quae vulgi memoravit tradita fama Aequoris et terrae, statuit percurrere vates, Certius ut libris oculo dictante notaret. Pergitur: ut Calabros tetigit, livore nocenti Parcarum, vehemens luxavit corpora morbus. Hic ubi languores, et fata minantia sensit:	100
	105

\* \* \*

*Cetera deerant in exemplari.*

## II

*De operibus Virgilianis incerti auctoris. ibid.  
lib. II. Ep. 173.*

Maeonium quisquis Romanus nescit Homerum,  
Me legat, et lectum credat utrumque sibi.  
Illius immensos miratur Graecia campos:  
Ast minor est nobis, sed bene cultus, ager.  
Non pastor, miles, nec curvus deerit arator.  
Haec Graiis constant singula, trina mihi.

## III

ALCINOI DE VIRGILIO. *ibid. Ep. 178.*

De numero vatum si quis seponat Homerum,  
Proximus a primo tum Maro, primus erit.  
Et si post primum Maro seponatur Homerum:  
Longe crit a primo, quisque secundus erit.

## IV

*C. Sulpicii Apollinaris* (ap. Donat. Carthaginiensis)  
*Grammatici in Aeneidem Virgilianam. ibid.*

*Ep. 174, supra in Donato §. 57.*

Iusserat haec rapidis aboleri carmina flammis  
 Virgilius, Phrygium quae cecinere ducem.  
 Tuca vetat, Variusque simul: tu, maxime Caesar,  
 Non sinis, et Latiae consulis historiae.  
 Infelix gemino cecidit prope Pergamon igni,  
 Et paene est alio Troia cremata rogo.

## V

*Imitatio eiusdem, Phocae Grammatici, ex fragmento  
 vitae Virgilii. vid. ibid. Ep. 175.*

Carmina Virgilius Phrygium prodentia Martem  
 Secum fatali iusserat igne mori.  
 Tuca negat, Varius prohibet: superaddito, Cacsar,  
 Nomen; in Aenea non sinis esse nefas.  
 O quam paene iterum geminasti funcre funus,  
 Troia bis interitus caussa futura tui.

## VI

*De eadem re versus attributi Cornelio Gallo, scholastici  
 poetae, ut apparet; expressi ex eodem Sulpicio Cartha-  
 giniensi. ibid. Ep. 176.*

Temporibus laetis tristamur, maxime Caesar,  
 Hoc uno amisso, quem fleo Virgilium.  
 Sed vetuit relegi, si tu patiere, libellos,  
 In quibus Aenean condidit ore sacro.  
 Roma rogat, precibus totus tibi supplicat orbis, 5  
 Ne pereant flammis tot monimenta ducum.  
 Atque iterum Troiam, sed maior, flamma cremabit.  
 Fac laudes Italum, fac tua facta legi.  
 Aeneanque suum fac maior Mincius ornet.  
 Plus fatis possunt Caesaris ora dei.

V, 4 f. in Aenean an sinis.

VI, 3 Qui vetuit r., si tu patia-  
 re, Ed. Ven. 1472.

5 Eadem ed. precibusque iddem  
 leg. isdem.

7 Atque iterum. Forte, Anne  
 iterum Troiam — flamma cremabit?

9 f. Aeneanque tuum. Tum ma-  
 ior Mincius; magnus Minciades,  
 Virgilius. Ornet ille carmine suo  
 Aeneam tuae gentis auctorem. Ita  
 vivet ille etiam post mortem, iussu  
 Caesaris. Alii legunt: maior nun-  
 tius. Gallo hoc carmen tribuitur in

## VII

*De eadem re veteris scholastici poetae versus, sub nomine Augusti Caesaris. ibid. Ep. 184.*

*Donat. §. 56.*

Ergone supremis potuit vox improba verbis  
 Tam dirum mandare nefas? ergo ibit in ignes,  
 Magnaque doctiloqui morietur Musa Maronis?  
 Ah scelus indignum! solvetur littera dives?  
 Et poterunt spectare oculi? nec parere honori 5  
 Flamma suo, dignumque operi servare decorem?  
 Noster Apollo veta, Musae prohibete Latinae.  
 Liber et alma Ceres succurrite. Vester in armis  
 Miles erat; vester doeilis per rura colonus.  
 Nam docuit, quid Ver ageret, quid egeret Aestas; 10  
 Quid daret Autumnus, quid Bruma novissima ferret.  
 Arva reformavit: sociavit vitibus ulmos:  
 Curavit pecudes: apibus sua castra dicavit.  
 Haec dedit, ut pereant? ipsum si dicere fas est.  
 „Sed legum est servanda fides. Suprema voluntas 15  
 Quod mandat, fierique iubet, parere neesse est.“  
 Frangatur potius legum veneranda potestas,  
 Quam tot congestos noctesque diesque labores  
 Hauserit una dies, supremaque iussa parentis  
 Amittant vigilasse suum. Si forte furenti 20  
 Erravit in morte dolor: si lingua locuta est  
 Nescio quid titubante animo, non sponte, sed altis  
 Expugnata malis, odio languoris iniqui:  
 Si mens caesa fuit: iterum sentire ruinas  
 Troia suas, iterum cogetur reddere voces? 25  
 Ardebit misere post vulnera vulnus Elisae?

cod. Vatic. n. 1536. vid. Praefat. ad fragm. Vatic. pag. XIV. Cod. *Aeneidemque suum*, de quo Ouvens Noct. Hag. p. 285.

VII, 4 *littera dives*, an multis egregiis sententiis refertus liber? ut mox VIII, 8 *lingua dives*. f. *solvetur littera*, Divi! Valerio Martiali tribuitur hoc carmen in cod. Vatic. n. 1586.

5 *nec parcere*, scil. poterit. *parcet* Ed. Ven. 1472. Eadem *ductumque operi servabit amorem*, ut al. apud Burm. Praestat vulgata, non poterit servare, non servet, Aeneidi aeternitatem, qua digna est?

7 *Pulcher Apollo* alii.

12 *Arbuta formavit* alii.

14 modo, hoc eloqui, non iam nefas est! Burmann. pulcre coni. *Ipsa sic iudice fas est*, Et. Ed. Ven. ut *perimant ipsum*, si d.

19 *supremaque verba*, Ed. Bas. et al.

20 *Amittant pro perdant vigilias*. Ed. Ven. *amittat*, et mox, *si forte superbus E. in morte piger*, ut alii apud Burm. f. *si forte suprema Erravit iam morte dolor*.

25 f. *reddere poenas*. conf. Georg. I, 502.

Hoc opus aeternum ruet? et tot bella, tot enses  
 In cineres dabit hora nocens, et perfidus error?  
 Huc huc Pierides nemorum per lustra loquaces  
 Tendite; et ardentes ignes fluvialibus undis 30  
 Mergite: ne pereat tam clari Musa poetae,  
 Flammaque vanescat. Vivat Maro clarus in orbe,  
 Ingratusque sibi. Sed, quod male iusserat ipse,  
 Sit vetuisse meum. Sacer est post tempora vitae.  
 Sicque erit aeternum tota resonante Camena 35  
 Carmen, et imperii divi sub nomine vivat.  
 Laudetur, placeat, vigeat, relegatur, ametur.

## VIII

*Eorumdem versuum scholastica imitatio, per Phocam Grammaticum ex vita Virgilii Fragmentum. ibid. Ep. 185. Possunt verius pro var. lect. ac corruptelis superioris carminis a versu inde 22 haberi: — lingua.*

Nescio quid, fugiente anima, non sponte, sed altis  
 Expugnata malis, odio languoris iniqui:  
 Infertur Tyriae post vulnera vulnus Elisae?  
 Sentiet applicitos turbata Sibylla vapores  
 Eiurata mori? nec cingula reddet Amazon? 5  
 Di meliora date, ac sensum revoke nocentem.  
 Pace viri liceat tanti. Nec commoda linguae  
 Divitis intereant: per quam Romana iuventus  
 Aeternum floret. Verum, quod iusserat ille,  
 Sit vetuisse meum. Nam post sua tempora vitae 10  
 Non taceat. Immo aeternum resonante Camena  
 Laudetur, placeat, vivat, relegatur, ametur.

27 *Tam sacrum solvetur opus.*  
 tot Ed. Basil. cum al.

*sub numine nomen Laudetur, vigeat, placeat, relegatur, ametur!*

29 Magna in seqq. scripturae varietas. Ed. Ven. sic legit: *Huc, huc, Pierides, date flumina cuncta; sapores* (leg. sorores) *Expirent in* (del. in) *ignes: vivat Maro ductus* (doctus) *ubique, Ingratusque sui, studiorumque invidus orbi Et factus post fata nitens* (leg. nocens); *quod iusserat ille, Sit vetuisse meum, satis est* (leg. sacer est sc. Maro) *post tempora vitae. Immo sit aeternus tota resonante Camena! Carmen et in populo et Divi*

35 *Immo sit aeternum — et in populo Divi sub numine nomen ad ductum* cod. Heins. ad Aen. VI, 739 legit Burm. quid sub *tota* lateat, non exputo.

VIII, 5 De Hippolyte nihil Virgilius habet, quod huc referas. Forte Camilla designatur Aen. XI, 648, quae equo relicto pedes pugnat v. 710, ut *cingula* inscite pro frenis dicta sint.



## ARGUMENTA OPERUM VIRGILII.

## I (IX)

*Scholastici cuiusdam poetae argumenta Aeneidis sub nomine Ovidii. ibid. Ep. 192.*

## P R A E F A T I O

Virgilius magno quantum concessit Homero,  
Tantum ego Virgilio Naso pocta meo.  
Nec me praelatum cupio tibi ferre poeta.  
Ingenio tantum si loquor, hoc satis est.  
Argumenta quidem librorum prima notavi, 5  
Errorem ignarus ne quis habere queat.  
Bis quinos legerent, feci, quos carmine versus,  
Aencidos totum corpus ut esse putent.  
Adfirmo gravitate mea, me crimine nullo  
Livoris titulum praeposuisse tibi. 10

## P R I M I L I B R I \*)

Vir magnus bello, nulli pietate secundus  
Aencas, odiis Iunonis pressus iniquae,  
Italiam quaerens Siculis erravit in undis.  
Iactatus tandem Libyac pervenit ad oras;  
Ignarusque loci, fido comitatus Achate, 15  
Indicio matris regnum cognovit Elisae.  
Quin etiam nebula septus pervenit ad urbem,  
Abreptosque undis socios cum classe recepit.  
Hospitioque usus Didus per cuncta benignae,  
Excidium Troiae iussus narrare parabat. 20

## S E C U N D I

Conticuere omnes. Tunc sic fortissimus heros  
Fata recensebat Troiae, casusque suorum:  
Fallaces Graios: simulataque dona Minervae:  
Laucontis poenam, laxantem claustra Sinonem:  
Somnum, quo monitus acceperat Hectoris, atrum: 25  
Iam flammās caeli, Troum, patriacque ruinas,  
Et regis Priami fatum miserabile semper:  
Impositumque patrem collo: dextraque prehensum

\*) Deest in aliis praefatio; et adscripta singulis libris argumenta cum Modestini Icti nomine; sic et in Basil. edd. Fabric. Et in cod. Rom. apud Bottar. p. 205. (Varietas lectionis e cod. Viechtiano enotatur in Seebodii *Archiv für Philol. und Pädagog.* Vol. I. p. 692. sq. Argu-

mentum primi l. in eo desideratur. *Wr.*)

21 *Tum Viecht.*

22 *patriae V.*

24 *Lacontis V.*

26 *flammās caeli*, quae caelo ibant, ad caelum surgebant. f. *flammās Ili* aut *flammās, caedes Troum.*

Ascanium, frustra a tergo comitante Creusa:  
Ereptam hanc fato: socios in monte receptos. 30

T E R T I I

Post eversa Phrygum regna, ut fuga coepta moveri:  
Utque sit in Thracen primo devectus: ibique  
Moenia condiderit, Polydori caede piata.  
Regis et hospitium: ut Phoebi responsa canebant,  
Coeptum iter in Cretam: rursus nova fata reperta. 35  
Naufragus ut fuerit Strophadas compulsus ad undas.  
Inde fugam, et dirae enarrat praecepta Celaenus:  
Liquerit utque Helenum praeceptis ordine fatis,  
Supplicem Achaemeniden Polyphemo urgente recepit,  
Amissumque patrem Drepani, atque hinc inde quievit. 40

Q U A R T I

At regina gravi Veneris iam carpitur igni.  
Consulitur soror Anna: placet succubmere amor:  
Fiunt sacra deis: onerantur numina donis.  
Itur venatum. Veneris clam foedera iungunt.  
Facti fama volat. Monitus tunc numine divum 45  
Aeneas classemque fugae sociosque parabat.  
Sensit amans Dido, precibus conata morari.  
Postquam fata iubent, nec iam datur ulla facultas,  
Conscenditque pyram, dixitque novissima verba,  
Et vitam infelix multo cum sanguine fudit. 50

Q U I N T I

Navigat Aeneas: Siculas defertur ad oras.  
Hic manes celebrat patrios: una hospes Acestes.  
Ludos ad tumulum faciunt: certamina ponunt.  
Prodigium est cunctis ardens delapsa sagitta.  
Iris anum Beroen habitu mentita senili 55  
Incendit naves, subitus quas vindicat imber.  
In somnis pater Anchises, quae bella gerenda,  
Quoque duce ad Manes possit descendere, monstrat.  
Transscribit matres urbi, populumque volentem,  
Et placidum Aeneas Palinurum quaerit in undis. 60

S E X T I

Cumas deinde venit. Fert hinc responsa Sibyllae:

30 <i>Areptam</i> V. — <i>repertos</i> id.	54 <i>adlapsa</i> V.
37 <i>narrat</i> V.	55 <i>tum</i> B. V.
48 <i>videt</i> V. — <i>voluptas</i> id.	60 <i>amisit</i> V.
51 Hunc in Viecht. praecedit hic versus: <i>Quintus habet ludos et clas-</i> <i>sem corripit ignis.</i>	61 Ante hunc in Viecht. hic legi- tur versus: <i>Quaeruntur sexto ma-</i> <i>nes et Tartara Ditis.</i>

Misenum sepelit: mons servat nomen humati.  
 Ramum etiam, ante deum placato numine, portat.  
 At vates longaeua una descendit Avernum.  
 Agnoscit Palinurum, et ibi solatur Elisam. 65  
 Deiphobumque videt lacerum crudeliter ora.  
 Umbrarum poenas discit narrante Sibylla.  
 Convenit Anchisen: penitusque in valle virenti  
 Agnoscitque suam prolem monstrante parente.  
 Haec ubi percepit, graditur, sociosque revisit. 70

S E P T I M I

Hic quoque Caietam sepelit; tum deinde profectus  
 Laurentum venit: hanc verbis cognovit Iuli  
 Fatalem terram. Mensis en vescimur, inquit.  
 Centum oratores veniam pacemque petentes  
 Ad regem mittit lectos tum sorte Latinum: 75  
 Qui cum pace etiam natae connubia pactus.  
 Hoc forte Alecto Iunonis dissipat ira.  
 Concurrunt dictis, quamvis pia fata repugnent.  
 Belli caussa fuit violatus vulnere cervus.  
 Tum gentes socia arma parant: fremit arma iuventus. 80

O C T A V I

Dat belli signum Laurenti Turnus ab arce.  
 Mittitur et magni Venulus Diomedis ad urbem,  
 Qui petat auxilium, et doceat, quae caussa petendi.  
 Aeneas divum monitis adit Arcada regem  
 Evandrum, Arcadia profugum, nova regna petentem. 85  
 Accipit auxilium. Huic natum, et socia agmina iungit  
 Evander. Pallas fatis comes ibat iniquis.  
 Iamque habilis bello, et maternis lactus in armis,  
 Fataque, fortunasque ducum, casusque suorum  
 Sortitus clipeo, divina intentus in arte est. 90

N O N I

Atque ea diversa penitus dum parte geruntur,

68 f. *Conv. Anchisen penitus in valle virenti*, A. In Viecht. *viremus. Wr.*  
 69 *narrunte V.*  
 71 Praecedit in Viecht. hic vs.: *Septimus Aeneam reddit fatalibus urvis.*  
 74 *pacem veniamque V.*  
 77 f. *Hoc Furia Alecto.* Et paullo ante f. *natae est connubia pactus.*  
 78 f. *Concurrunt ferro*, ut Menag., vel C. *Rutuli, q. Fata autem non Turno*, sed Aeneae Latium cum Lavinia assignaverant; et cf. VII, 583. 584.  
 80 *Tunc — sociare V.*  
 81 Praecedit in Viecht. hic vs.: *Praeparat octava (-vo) bellum quos mittit in hostis.*  
 86 *socium V.*  
 90 f. *Miratur clipeo divina intentus in arte*; casus in clipeo expressos.  
 91 In Viecht. praemittitur hic vs.: *Nonus habet pugnas nec adest dux ipse tumultu.*

Iunonis monitu Turnus festinat in hostem.  
 Teucrorum naves, Rutulis iaculantibus ignem,  
 Nympharum in speciem divino numine versae.  
 Euryali et Nisi coeptis fuit exitus impar. 95  
 Pugnatur. Castra Aeneadae vallumque tuentur.  
 Audacem Remulum dat leto pulcer Iulus,  
 Fit via vi. Turnus Bitian et Pandaron altum  
 Deicit, et totis victor dat funera castris.  
 Iamque fatigatus recipit se in castra suorum. 100

DECIMI

Consilium Divis hominum de rebus habetur.  
 Interea Rutuli portis circum omnibus instant.  
 Advenit Aeneas multis cum millibus heros.  
 Mars vocat, et totis in pugnam viribus itur.  
 Interimit Pallanta potens in praelia Turnus. 105  
 Caedunturque duces: cadit et sine nomine vulgus.  
 Subtrahitur pugnae Iunonis numine Turnus.  
 Aeneas perstat Mezenti caede piata,  
 Et Lausum invicta perimit per vulnera dextra.  
 Mox ultor nati Mezentius occidit ipse. 110

UNDECIMI

Constituit Marti spoliolum ex hoste tropaeum.  
 Exanimumque patri natum Pallanta remittit.  
 Iura sepulturae tribuit tempusque Latinis.  
 Evander patrios affectus edit in urbe.  
 Corpora caesa virum passim digesta cremantur. 115  
 Legati referunt Diomedem arma negasse.  
 Drances et Turnus, leges aequante Latino,  
 Concurrunt dictis. Aeneas imminet urbi.  
 Pugnatur. Vincunt Troes. Cadit icta Camilla.  
 Deinde duces castris, donec cessere, minantur. 120

DUODECIMI

Turnus iam fractis adverso Marte Latinis  
 Semet in arma parat, pacem cupiente Latino.  
 Foedus percutitur passuris omnia victis.

92 *ad hostes V.*

101 *In Viecht. praemissus hic vs.:  
 Occidit Aeneae decimo Mezentius ira.*

108 *Mezenti caede*, h. a Mezentio facta; stragem Troianorum ab eo editam ulciscitur. Forte fuit: *piare*, perstat in eo, ut piet, ex-

piet, ulciscatur, caesos, morte Mezentii.

111 *In Viecht. praemittitur hic vs.: Undecimo victa est non aequo Marte Camilla.*

119 *alta V.*

121 *Praecedit in Viecht. hic vs.: Duodecimo Turnus divinis occidit armis.*



Hoc Turni Iuturna soror confundit: et ambos  
 In pugnam populos agit, eumentia Camertem. 125  
 Aeneas volucri tardatur membra sagitta.  
 Anxia pro nato servavit cura parentis.  
 Urbs capitur. Vitam laqueo sibi finit Amata.  
 Aeneas Turnum, campo congressus, utrimque  
 Circumfusa acie, vita spoliavit et armis. 130

## II (X)

*Argumenta Monostichis expressa. v. ibid. Epigr. 191.*

Aeneas primo Libycis appellitur oris.  
 Funera Dardaniae narrat fletusque secundo.  
 Tertius errores canit, amissumque parentem.  
 Uritur in quarto Dido, flammisque fatetur. 5  
 Quintus habet ludos, et classem corripit ignis.  
 Quaeruntur sexto Manes et Tartara Ditis.  
 Septimus Aenean reddit fatalibus arvis.  
 Praeparat octavo, bellum quos mittat in hostem.  
 Nonus habet pugnas, nec adest dux ipse tumultus.  
 Occidit Aeneae decimo Mezentius ira. 10  
 Undecimo vieta est non aequo Marte Camilla.  
 Duodecimo Turnus divinis occidit armis.

## III (XI)

*Argumentum omnium operum Virgilianorum. ibid.  
 Epigr. 188 indocti et barbari hominis.*

Pastorum Musam vario certamine promit,  
 Ruris item docilis culturam carmine monstrat.  
 Arboribus vitem, prolem quoque iungit olivae,  
 Pastorumque Palen, et curam tradit equorum.  
 Tunc apium seriem, et quae mellis dona, recenset. 5  
 Aeneas profugus intrat Carthaginis oras.  
 Convivis series narratur Troica belli.  
 Tertius at complet narrantis in ordine gesta.  
 Ardet amans Dido fatum sortita supremum.  
 Quintus habet varia tumuli spectacula patris. 10  
 Infernos Ditis Manes et regna pererrat.

X Praefixa etiam singulis libris  
 in edd. Basil. et in cod. Rom. apud  
 Bottar.

8 bellum, pro bellum utrinque  
 gerentibus, positum. Nisi potius  
 est: Praeparat (Aeneas) octavo bel-

lum (et) quos mittat in hostem.  
 Nam ab Evandro auxilia arcessit.

XI, 3 verum non satis intelligo.  
 Nisi iungere est praecipiendo ad-  
 dere post arbores vitium et olivae  
 culturam.

In Latium Aeneas, Italas simul intrat in oras.  
 Intonat hinc bellum tecti de culmine Turnus.  
 Euryalum et Nisum deflet cum matre iuventus.  
 Mezentii interitus canitur, post funera Lausi. 15  
 Ultaque dehinc fertur telo mactata Camilla.  
 Turni vita fugit infernas moesta sub umbras.

IV (XII)

*Item Argumenta in Aeneidem per Hexasticha. ibid. Epigr.*

194, ubi ex Vossiano codice integritati sunt restituta.

*Itaque et nos inde transscripsimus.*

PRIMI LIBRI

Arma virumque canit vates, Iunonis ob iram,  
 Et totum Aeoliis turbatum fluctibus aequor;  
 Disiectas classes, submersaque corpora ponto;  
 Hospitium Didus, casus quo gentis, et annos  
 Aeneas Troiae fatumque et bella referret. 5  
 Quorum pars terrae, pelago pars, addita famae est.

SECUNDI

Conticuere omnes, intentique ore loquentis  
 Ora tenent. Ac tum dolus introducitur hostis.  
 Et fallacis equi damnosum munus in armis,  
 Perfidia notusque Sinon, amissaque coniunx. 10  
 Per medios ignes ablatas saevaue tela  
 Anchises, oneri facilis pietate ferentis.

TERTII

Postquam res Asiae, disiectaque moenia Troiae:  
 Dant pelago classes, Polydori funera discunt,  
 Atque Heleni praecepta, fidem cui fecerat usus: 15  
 Quae non accessus via sit tentanda, Cyclopas  
 Et Scyllae rabies et ineluctabilis unda,  
 Errorisque maris labor in contraria versus.

QUARTI

At Regina, gravi pectus succensa dolore,  
 Ardet amore viri; clausum veneratur amorem, 20  
 Dumque capit, capitur, sentit, quos praebuit, ignes  
 Aeneas; altum sociis et classe petivit.  
 Exstructa Regina pyra penetralibus, instat  
 Morte fugam praestare. Morae nec defuit hora.

18 Vid. Aen. III, 429. 430. 688  
 sqq.

24 Obscure dictum; *praestare fugam* morte esse videtur compensare,

## Q U I N T I

Interea medium Aeneas tendebat in aequor, 25  
 Moenia respiciens caussa flagrantia amoris.  
 Mox Siculae tenet arva domus, Manesque parentis  
 Ludorum exsequiis celebrat. Quibus additur Iris,  
 In faciem Beroes classem flammare iubentis,  
 Iunonem mentita dolo. Namque illa monebat. 30

## S E X T I

Sic fatur lacrimans. Cumarum allabitur oris,  
 Descensusque parans adiit praecepta Sibyllae.  
 Qua duce non faustum mortali limen aditur.  
 Hic primum maestos videt inter cetera Troas,  
 Tum patrem agnoscit, discit reditura sub ortus 35  
 Corpora, Romanosque duces seriemque nepotum.

## S E P T I M I

Tu quoque littoribus nostris, Caieta, manebis;  
 Servat honos nomen, pietas testatur honorem.  
 Caussa opus insequitur: bellum namque incipit esse,  
 Tyrrhidae iuvenum quod tunc conflaverat ira. 40  
 Turnus adest; monet, arma sibi contraria sumat.  
 Tum gentes socia arma ferunt; fremit arma iuventus.

## O C T A V I

Ut belli signum cecinit, sociosque vocavit  
 Turnus, et in varias turbatus pectora mentes  
 Aeneas Evandron adit, facit hospitis usum, 45  
 Atque operum caussas, urbis cognoscit honores:  
 Arma rogat, Cytherea rogat, mox accipit heros,  
 \*Tuque opere ast piget facti labor efficit artem.

luere: fugiente Aenea mori: solvere quasi poenam morte. Nam *prae-stare* est solvere, exaequare summam pecunia redhibita; pro fuga redhibet mortem. Idque illa sine mora exsequuta est.

30 An *In faciem Beroes* — *Iunonis mutata dolo*.

32 *adiit*, petiit.

39 Inepte; an *Caussa operum insequitur*, ut male adumbratum sit ex Aen. VII, 481 *quae prima laborum Caussa fuit*. Nisi malis: *Caussam opus insequitur*. *Caussa*, occasione data, pugna fit.

40 Indocte *Tyrrhidam* pro *Tyr-rho* posuit. Alias *Tyrrhi natorum* dicere potuisset.

41 *sumat*, scil. Latinus. nisi fuit *sumant*.

47 f. *Arma deum Cytherea rogat*. Sed in inepto carmine emendando operam ponere piget. Sequentem versum sic constituit Burmannus: *Tumque opera ista stupet; factis labor addidit artem*. Non deterior versus esset: *Ne que operis pigeat, facti labor efficit arte*.

N O N I

Atque ea diversa penitus dum parte geruntur,  
Iris adest; monet arma sibi contraria sumat, 50  
Caeduntur vigiles et mutua corpora fratrum,  
Nisus et Euryalus, morte et pietate fideles;  
Dumque petit laudem, vincunt contraria fata.  
Audacem Remulum leto dat pulcer Iulus.

D E C I M I

Panditur interea caelum sedesque Tonantis. 55  
Alternos questus Venus ac Saturnia promunt.  
Illa dolos, haec bella, movet; sed vincitur ira  
Mater. At Aeneas bello non segnior instat.  
Vulnere Mezenti\* laedaem nam fecerat iram,  
Quem tetigit virtus, superat per fata periculum. 60

U N D E C I M I

Oceanum interea Phoebus superaverat ortu.  
Exstruit Aeneas dextra quaesita tropaea,  
Condit humi socios, fatum quos condidit ante.  
Legati responsa ferunt, veniamque petitam  
Non negat, et contra pugnat secura Camilla, 65  
Femina caede potens, casu temeraria tanto.

D U O D E C I M I

Turnus ut infractos vidit cessisse Latinos,  
Instat atrox pugnae, \*neces sibi percipit hostis,  
Pectore secreto violatur vulnere teli,  
Aeneas caussa est. Illi Iuturna neganti 70  
Adfuit obsequio, quum mors finiverat iram.  
Sed sua fata virum traxerunt quaerere mortem.

V (XIII)

*In Aeneidem Monosticha* Basilii; male apud alios Ovidii.  
*ibid. Ep. 190.*

Primus habet, Libycam veniant ut Troes in urbem.  
Edocet excidium Troiae, clademque secundus.

50 *sumat*, scil. Turnus. nisi est: *sumant*.

51 Discedit a Virgilio Scholastici levitas; partim verborum proprietatem deserit.

53 Sine dubio, *petunt*.

57. 58 *sed vincitur ira Mater*. Quo spectet nescio; nec in seqq.

quicquam sani est. Videtur de Lausi et Mezentii caede agi debere.

68 *pugnaeque vices* iam Ouden-dorpius emendavit; et mox *pectore sed recto*. Quid si: *percussa intercept hostis Foedera: secreto violatur vulnere teli Aeneas. Caussa est illi Iuturna: neganti Affuit obsequio. Iam Mars finiverat iram; sed s. f.*



Tertius a Troia vectos canit aequore Teucros.	
Quartus item miserae duo vulnera narrat Elisae.	
Manibus ad tumulum quinto celebrantur honores.	5
Aeneam memorat visentem Tartara sextus.	
In Phrygas Italiam bello iam septimus armat.	
Dat simul Aeneae socios octavus et arma.	
Daunius expugnat nono nova moenia Troiae.	
Exponit decimus Tuscorum in littore pugnas.	10
Undecimo Rutuli superantur morte Camillae.	
Ultimus imponit bello Turni nece finem.	

## VI (XIV)

Tetrasticha in omnia Virgilio Opera. ibid. Ep. 193.

*In Bucolica Fragmentum ex quodam Poeta.*

Tityrus agresti modulatus carmen avena;  
Formosum pastor Corydon ardebat Alexin.  
Silenumque senem sertisque meroque ligavit.  
Pastorumque melos facili deduxit avena.

*In Georgica.*

Sidera deinde canit, segetes et dona Lyaei,	5
Et pecorum cultus, Hyblaei mella saporis.	
Principio breviter ventura volumina dixit;	
Intercidit opus, coepitque referre secunda.	

*In Aeneidem.*

## LIBRI PRIMI

Arma virumque canit mira virtute potentem;	
Iunonis odio disiectas aequore puppes;	10
Hospitium Didus, classes sociosque receptos,	
Utque epulas inter casus regina requirat.	

## SECUNDI

Conticuere omnes. Infandos ille labores,	
Deceptamque dolis Troiam, patriaeque ruinam,	
Et casus Priami docet et flagrantia regna;	15
Ignibus e mediis raptum deque hoste parentem.	

## TERTII

Postquam res Asiae deceptaque Pergama dixit;	
Tum, Polydore, tuos tumulos, tum Gnosia regna,	
Andromachen, Helcnumque et vasta mole Cyclopas	
Amissumque patrem Siculis narravit in oris.	20

XIV. Tetrasticha haec primum a Burmanno integra edita, cum antea non nisi quatuor primi versus legentur. — Vss. 7 et 8 inepte adiecti esse videntur. Spectant f. ad Aen. lib. II et III. vid. Donat. Vit. Virg. §. 60. 15 f. *flagrantia tecta*, I.

Q U A R T I

At regina gravi Veneris iam carpitur igni,  
Venatusque petit; capitur venatibus ipsis;  
Et taedas, Hymenaeae, tuas ad funera vertit,  
Postquam Anchisiades fatorum est iussa sequutus.

Q U I N T I

Interea Aeneas pelagus iam classe tenebat, 25  
Ludorumque patris tumulum celebrabat honore.  
Puppibus ambustis fundavit moenia Acestae.  
Destituitque ratem media Palinurus in unda.

S E X T I

Sic lacrimans tandem Cumarum adlabitur oris, 30  
Descenditque domus Ditis, comitante Sibylla;  
Agnoscit Troas caesos, agnoscit Achivos;  
Et docet Anchises venturam ad sidera prolem.

S E P T I M I

Tu quoque littoribus famam, Caieta, dedisti.  
Impetrat Aeneas Latium regnumque, Latinis 35  
Foedus agens; saevit Iuno, bellumque lacessit,  
Finitimosque viros Turnumque in proelia mittit.

O C T A V I

Ut belli signum Turnus, Mezentiaque arma,  
Conscivitque duces; tum moenia Pallantea  
Aeneas adit, Evandri socia agmina quaerens. 40  
Arma Venus portat proprio Vulcania nato.

N O N I

Atque ea diversa dum parte; hic diva Cybebe  
Puppes esse suas Nympharum numina iussit:  
Euryali et Nisi caedes et fata canuntur.  
Fecerit inclusus castris quae funera Turnus.

D E C I M I

Panditur interea caelum coetusque deorum. 45  
Iam redit Aeneas, et Pallas caeditur acer.  
Eripuit Iuno Turnum, Lausique parentem  
Adiecit comitem mortis Cythereia proles.

U N D E C I M I

Oceano interea surgens Aurora videbat

22 Bene Burmannus emendat, *capitur v. ipsa.*

38 f. *Concivitque.*  
47 f. *Lausoque parentem A.*

Mezenti ducis exuvias caesosque sodales, 50  
 Et Latium procures Diomedis dicta referre,  
 Tum qualis pugnae succedat Etrusca Camilla.

## D U O D E C I M I

Turnus ut infractos vidisset (*et*) undique caesos,  
 Ultro Anchisiaden bello per foedera poscit;  
 Quae Iuturna parat convellere; sed tamen armis 55  
 Occidit, et pactum liquit cum coniuge regnum.

## VII (XV)

*Incerti Poetae*, apud nonnullos Ovidii, *Tetrasticha in Georgica. ibid. Ep.* 189.

## P R A E F A T I O

Qualis Bucolicis, quantus tellure domanda,  
 Vitibus, arboribusque, apibus, pecorique, satisque  
 Aeneadum fucrit vates, Tetrasticha dicent.  
 Contineat quae quisque liber, lege carmina nostra.

## P R I M I

Quid faciat laetas segetes: quae sidera servet 5  
 Agricola, ut facilem terram proscindat aratris,  
 Semina quo iacienda modo, cultusque locorum,  
 Et messes docuit magno olim foenore reddi.

## S E C U N D I

Hactenus arborum cultus, et sidera caeli.  
 Pampineas canit inde comas, collesque virentes, 10  
 Descriptasque locis vites, et dona Lyaei,  
 Atque oleae ramos pomorum ex ordine lectos.

## T E R T I I

Teque, Pales, et te pastor memorande per orbem,  
 Et pecorum cultus, et gramine pascua laeta,  
 Quis habitent armenta locis, stabulentur et agni, 15  
 Omnia divino monstravit carmine vates.

## Q U A R T I

Protinus aerii mellis redolentia regna,  
 Hyblaeas et apes, alvorum cerea tecta.

53 Bene Burmannus, *ut infractos* Extabant iidem in cod. Rom. apud  
*vidit cecidisse Latinos.* Bottar., sed corrupti.

XV, 5 Vid. Burm. Ge. I, p. 170. 12 f. *Atque oleae, et ramos pomorum.*

Quique apibus flores, examina quaeque legenda,  
Indicat, humentesque favos, caelestia dona. 20

VIII (XVI)

*Duodecim scholasticorum poetarum Argumenta in Aeneidem. ibid. Ep. 195.*

LIBRI PRIMI  
V O M A N U S I

Aeolus immittit ventos, Iunone precante,  
Troianosque vagos Libycas expellit in oras,  
Solatur Venerem dictis pater ipse dolentem.  
Aenean recipit pulchra Carthagine Dido;  
Cui Venus Ascanii sub imagine mittit Amorem. 5

SECUNDI  
E U P H O R B U S II

Cogitur Aeneas bellorum exponere casus,  
Graiorumque dolos, et equum, fraudemque Sinonis,  
Excisamque urbem, Priamique miserrima fata;  
Utque patrem impositum forti cervice per ignes  
Extulerit, caramque amiserit ipse Creusam. 10

TERTII  
I U L I A N U S III

Post casum Troiae fabricata classe superstes  
Vela dat Aeneas, urbemque in littore Thracum,  
Mox aliam pulsus Cretaeis condidit oris.  
Cedit et hinc, Helenumque videt, praeceptaque discit;  
Aetnaeum Cyclopa fugit, sepelitque parentem. 15

QUARTI  
H I L A R I U S IV

Ardet amore gravi Dido, soror Anna suadet  
Nubere. Iunguntur, nimbo cogente, sub antro.  
Incusat precibus patrem contentus Iarbas.  
Navigat Aeneas iussu Iovis. Illa dolore  
Impatiens, et amore, necem sibi protinus infert. 20

QUINTI  
P A L L A D I U S V

In Siculas iterum terras Fortuna reducit  
Aenean, tumuloque patris persolvit honorem.



Tum cogit naves incendere Troadas Iris.  
Troes ibi linquunt socios. Venus anxia placat  
Neptunum. Somnus Palinurum mergit in undis. 25

## S E X T I

## A S C L E P I A D I U S VI

Sacratam Phocbo Cumarum fertur in urbem  
Rex Phrygius, vatisque petit responsa Sibyllae.  
Misenum sepelit. Post haec adit infera regna;  
Congressusque patri, discit genus omne suorum,  
Quoque modo casus valeat superare futuros. 30

## S E P T I M I

## E U S T H E N I U S VII

Tandem deveniunt Laurentia Troes in arva:  
Et pace accepta laeti nova moenia condunt.  
Nocte satam Iuno Furiam evocat. Illa Latinos  
Inter et Aeneadas bellum serit, et ciet arma.  
Protinus auxiliis terra instruit Itala Turnum. 35

## O C T A V I

## P O M P E I A N U S VIII

Vidit ut Aeneas summa vi bella parari:  
Arcadas Evandrumque senem sibi foedere iungit;  
Dardanioque duci sociatur Etruria tota.  
Arma petit genetrix, dat Mulciber: in clipeoque  
Res pingit Latias, et fortia facta nepotum. 40

## N O N I

## M A X I M I A N U S IX

Ad Turnum propere Iunonis mittitur Iris,  
Instigatque animos. Acies movet ille; Phrygasque  
Obsidet. In Nymphas versa est Aeneia classis.  
Euryalus Nisusque luunt nece praelia noctis.  
Vi Turnus potitur castris, vi pellitur inde. 45

## D E C I M I

## V I T A L I S X

Placat et uxoris, dictis, et iurgia natae  
Iuppiter. Auxiliis instructus Troius heros  
Advenit. Occurrunt Rutuli, atque in littore pugnant.  
Occidit a Turno Pallas: victorque superbus  
Aeneae eripitur. Mezentius interit acer. 50

U N D E C I M I  
B A S I L I U S X I

Occisis proprium pars utraque reddit honorem.  
Supplicibus Calydone satius negat arma Latinis.  
Cum Drance alterno iurgat certamine Turnus.  
Aeneas equitem praemittit, et obvia virgo  
Exeipit. Extincta Rutuli dant terga Camilla.

55

D U O D E C I M I  
A S M E N U S X I I

Troianis Rutulisque placet coniungere foedus.  
Id Rutuli rumpunt. Nato Venus alma medetur  
Dictamno, Rutulique luunt periuria victi.  
Cogitur Aeneae Dauni concurrere proles.  
Pallantea necem misero dant cingula Turno.

60

IX (XVII)

*Eorumdem duodecim scholasticorum Epitaphia P. Virg-  
lii Maronis, per tetrasticha. ib. Ep. 197.*

V I T A L I S I

Prima mihi Musa est sub fagi Tityrus umbra.  
Ad mea navus humum iussa colonus arat.  
Praeliaque expertos cecini Troiana Latinos;  
Fertque meos cineres inclyta Parthenope.

B A S I L I U S I I

Hoc iacet in tumulo vates imitator Homeri;  
Qui canit Ausonio carmine primus oves,  
Ad cultos hinc transit agros; Aeneidos autem  
Non emendatum morte reliquit opus.

A S M E N U S I I I

Bucolica Ausonio primus qui carmine feci,  
Mox praecepta dedi versibus agricolae.  
Idem cum Phrygibus Rutulorum bella peregi,  
Hunc mihi defuncto fata dedere locum.

V O M A N U S I V

Tityre, te Latio cecinit mea fistula versu:  
Praeceptisque meis rusticus arva colit.  
Ac, ne Musa carens vitiis Aeneidis esset,  
Perfida me celeri fata tulere nece.

## E U P H O R B U S V

Romulcum Sicula qui fingit carmen avena,  
 Ruricolasque docet qua ratione serant:  
 Quique Latinorum memorat fera bella Phrygasque,  
 Hic cubat; hic meruit perpetuam requiem.

## I U L I A N U S VI

Qui pastorali peragravit Maenala Musa,  
 Ruraque, et Aeneae concinit arma Maro,  
 Ille, decem lustris geminos postquam addidit annos,  
 Concessit fati: et situs hoc tumulo est.

## H I L A S I U S VII

Haec tibi Virgilius domus est aeterna sepulto,  
 Qui mortis tenebras effugis ingenio.  
 Maenaliū carmen qui profers ore Latino,  
 Et cultus segetum, bellaque saeva ducum.

## P A L L A D I U S VIII

Primus ego Ausonio pastorum carmina versu  
 Composui, et quo sint rura colenda modo;  
 Post, quibus Aencas Rutulos superaverit armis.  
 Vatis reliquias haec pia terra fovet.

## A S C L E P I A D I U S IX

Sicanius vates silvis, Ascræus in arvis,  
 Maeonius bellis ipse poeta fui.  
 Mantua se vita praeclari iactat alumni.  
 Parthenope famam morte Maronis habet.

## E U S T H E N I U S X

Quisquis es, extremi titulum lege carminis, hospes.  
 Hac ego Virgilius sum tumultatus humo;  
 Qui pecudum pariter, qui cultum fertilis agri,  
 Mox Anchisiadae bella ducis cecini.

## P O M P E I A N U S XI

Virgilio mihi nomen erat, quem Mantua felix  
 Edidit. Hic cineres vatis et ossa iacent.  
 Cuius in aeternum pastoria fistula vivet;  
 Rustica, mox eadem Martia, Calliope.

## M A X I M I A N U S XII

Carminc bucolico nitui; cultoribus agri  
 Iura dedi. Cecini bella Latina simul.  
 Iamque ad lustra decem Titan accesserat alter,  
 Cum tibi me rapuit, Mantua, Parthenope.

## X (XVIII)

*Item per disticha eorumdem, ib. Ep. 198, ex argumento  
Virgiliani distichi:*

*Mantua me genuit; Calabri rapuere; tenet nunc  
Parthenope; cecini pascua, rura, duces.*

## A S C L E P I A D I U S I

Tityron, ac segetes cecini Maro, et arma virumque.  
Mantua me genuit, Parthenope sepelit.

## E U S T H E N I U S II

Virgilius iacet hic, qui pascua versibus edit,  
Et ruris cultus, et Phrygis arma viri.

## P O M P E I A N U S III

Qui pecudes, qui rura canit, qui praelia vates,  
In Calabris moriens hac requiescit humo.

## M A X I M I A N U S IV

Carminibus pecudes, et rus, et bella canendo  
Nomen inextinctum Virgilius meruit.

## V I T A L I S V

Mantua mi patria est: nomen Maro: carmina, silvae,  
Ruraque cum bellis: Parthenope tumulus.

## B A S I L I U S VI

Qui silvas, et agros, et praelia versibus ornat,  
Mole sub hac situs est ecce poeta Maro.

## A S M E N U S VII

Pastorum vates ego sum: cui rura ducesque  
Carmina sunt. Hic me pressit acerba quies.

## V O M A N U S VIII

A silvis ad agros, ab agris ad praelia venit  
Musa Maroneo nobilis ingenio.

## E U P H O R B U S IX

Bucolica expressi, et ruris praecepta colendi;  
Mox cecini pugnas. Mortuus hic habito.

## I U L I A N U S X

Hic data Virgilio requies, qui carmine dulci  
Et Pana, et segetes, et fera bella canit.

## H I L A S I U S XI

Pastores cecini; docui, qui cultus in agris;  
Praelia descripsi. Contegor hoc tumulo.



CLX EPITAPHIA VIRG. DEDICATIO AENEID.

PALLADIUS XII

Conditus hic ego sum, cuius modo rustica Musa  
Per silvas, per rus venit ad arma virum\*).

XI (XIX)

*Asmenii Versus in Cod. Vatic. n. 1574.*

Primus habet pelagique minas terraeque secundus;  
Tertius errores, et amores quartus Elissae;  
Quintus habet ludos, sextus deducit ad umbras;  
Septimus Ausonios, Aeneam octavus et arma.  
Nonus at Hyrtacidem, decimus Pallanta peremit. 5  
Undecimus Tarchon damnat, pars ultima Turnum.

\*) Alios poetarum lusus in epitaphio Maronis condendo vid. ex Ca-  
talectis in Anthol. Burm. lib. II ep.  
199 — 206.

XIX, 6 deb. *Tarchontem unde-*  
*cimus.*

DEDICATIO AENEIDOS

SI MIHI SUSCEPTUM FUERIT DECURRERE MUNUS

O PAPHON O SEDES QUAE COLIS IDALIAS

TROIUS AENEAS ROMANA PER OPPIDA DIGNO

IAM TANDEM UT TECUM CARMINE VECTUS EAT

NON EGO TURE MODO AUT PACTA TUA TEMPLA TABELLA

ORNABO ET PURIS SERTA FERAM MANIBUS

CORNIGER HOS ARIES HUMILEIS ET MAXIMA TAURUS

VICTIMA SACRATO TINGUET ODORE FOCOS

MARMOREUSQUE TIBI DEA VERSICOLORIBUS ALIS

IN MOREM PICTA STABIT AMOR PHARETRA

ADSIS O CYTHEREA TUUS TE CAESAR OLYMPO

ET SURRENTINI LITORIS ORA VOCAT

*Dedicatio Aeneidis*; vulgo ipsi eius est venustas et suavitas. Legi-  
Maroni tributa; perperam; poetae tur in Antholog. Lat. lib. I Epigr. 63.  
tamen non infelicitis. Saltem mira et infr. Vol. IV Catal. VI.

P. VIRGILII MARONIS

B U C C O L I C A



---

D E

C A R M I N E   B U C O L I C O

---

Cum non modo id acturi simus, ut verba ac sententias poetae explicemus, quamquam eo ipso satisfecisse muneri suo bonus interpretes videri potest, sed etiam eam curam adhibeamus, ut, quantum quidem in hoc commentandi genere fieri potest, rationem et indolem cuiusque carminum generis, artificium in invenienda, tractanda, et ornanda re, dilectum, elegantiam et honestatem, convenientiamque rerum, sententiarum et orationis, notemus; in Eclogarum Virgilianarum interpretatione vix defungi officio nostro videbimur, nisi de bucolico carmine universe nonnulla monuerimus, de quo si recte sentiamus, dubium non est, quin in ipsis his Eclogis multa rectius ac facilius intelligantur et sentiantur. Permagnum enim refert, ut ab initio statim veras rerum notiones et aliquam in animo informatam veritatis et pulcritudinis rationem et normam, ad quam singula exigere possis, afferas. Vix autem aliud est carminis genus, in cuius natura constituenda adeo in diversas sententias abierint, qui his de rebus tradiderunt; neque hoc miraberis, si memineris, ipsum genus latius patere, ingenium autem cuiusque et iudicium circumscribere illud, naturamque et rationem carminis ex sensu suo finire ac designare. Nobis tamen cum Virgiliani potissimum carminis ratio habenda sit, ea tantum attingere licebit, quae ad eius indolem et artificium declarandum aliquam vim habere videantur.



Et carminis quidem bucolici, ἀπὸ τῶν βοῦ-  
κόλων, quod pastorum genus honestissimum erat,  
dicti, h. e. pastoritii, origo varie traditur et a  
diversis fabulis repetitur. Sunt qui eius initia in  
aetate aurea, sunt qui in Arcadia aut in Sicilia quae-  
rant\*). Alii auctorem Diomum aliquem, alii Daphni-  
dem, alii Stesichorum, alii Theocritum faciunt\*\*).  
Sed fluctuat tota haec disputatio et incerta fertur,  
quod non animadvertunt docti viri, aliud esse car-  
men pastoritium, quo homines, qui greges pas-  
cerent, ut nostris temporibus, ita primis statim  
vitae humanae initiis, longum diem fefellerint,  
aliud, quo homines ingeniosi vitae rusticae bona  
ac delicias certa ratione et arte adumbrarint. Prius  
illud haud dubie inter antiquissimos homines vi-  
guit, antequam in magnos coetus et civitates coi-  
rent; idemque inter omnes populos usitatum esse  
debet, qui sive vagis, Nomadum more, sive certis  
sedibus utentes dant gregibus alendis operam:

Et zephyri cava per calamorum sibila primum  
Agrestes docuere cavas inflare cicutas;  
Inde minutatim dulces didicere querelas,  
Tibia quas fundit digitis pulsata canentum,  
Avia per nemora ac silvas saltusque reperta,  
Per loca pastorum deserta atque otia dia\*\*\*).

Quemadmodum itaque apud Hebraeos et Arabes  
carmina fuere pastoritia ad veram vitam expressa,  
et regum principumque filii, cum inter ipsos, tum  
inter Troianos, Phryges et Hellenes memorantur,  
qui greges et armenta paverunt: ita potuere Ar-  
cades et Siculi, qui, uti bonis pascuis abunda-  
bant, ita vitam gregum curae impendebant, invi-  
tante ipsa locorum amoenitate, caeli clementia (cf.  
Diod. IV, 84), animi a curis vacuitate et otio, car-  
mina pastoritia condere et vulgari usu habere; po-

\*) Vid. Servius pr. Comment. Auctor  
Vitae Virgilii Donatianae c. 21. Dio-  
medes lib. III, p. 483. Putsch. Gram-  
maticus Graecus pr. Theocriti.

\*\*) Athenaeus XIV, pag. 619.  
Diodor. IV, c. 84. Aclianus V. H.  
X, 18. ubi vid. Not.

\*\*\*) Lucret. V, 1381 sqq.

tuere esse inter eos, qui cantu excellenter, qui certamine vincerent. Consecrarunt quoque poetarum fabulae nomina pastorum veteris vitae, ut Daphnidem. vid. ad Ecl. V. Forte etiam festa, quae Apollini, Dianae, Cereri, Pani aliisque diis rusticis celebrabantur, uti maiorem celebritatem, ita maius studium, maiorem artem, et concinnitatem carminum, forte etiam certantium, et sibi mutuo respondentium sollertiam, quae amoebaea carmina peperit, attulere; quo ipso apparet, cur initia Musae bucolicae ad festum fere Dianae aut Apollinis Nomii, alteriusve Numinis agrestis, referantur\*). Tandem, multo tempore post, forte etiam post multos alios, qui idem tentaverant, inter quos Stesichorus fuisse fertur\*\*), tum Sicelidas Samius, seu, ut grammatici tradunt, eius filius Asclepiades Samius, cum Lycida Cydoniata et Phileta, elegis nobilitato\*\*\*), exitit Theocritus, qui, cum videret, quantam gratiam ista carmina rudia et indocta haberent, quantamque, si arte paullulum polirentur, venustatem et suavitatem habitura essent, genus hoc carminis bucolici excogitavit, quod antiquam quidem illam indolem referret, politum tamen magis et excultum, numerisque ac legibus adstrictum, cuiusque ea natura esset, ut pastoritiae istius vitae, cuius species animo humano ipsius naturae quodam lenocinio iucundissima esse solet, bona, tranquillitatem, securitatem, innocentiam, delicias et gaudia numeris modisque adumbrando, animos hominum deliniret et grata fraude delusos teneret. Cum autem duobus id potissimum modis effici posset, aut narratione, in qua, tamquam a pictore in tabula, agri, greges, silvae de-

\*) v. Vitam Virg. Donat. §. 84 sq.

\*\*) Aelian. l. l.

\*\*\*) *Sicelidam* et *Philetam* memorat *Theocr.* VII, 40. ubi istum *Asclepiadem* esse contendit Schol. de quo inter epigrammatum auctores videndi Reiske, Schneider, Jacobs.

*Meleager* in *Corona* v. 46 *Sicelidam* cum *Posidippo* et *Hedylo* memorat, quibus ἄγρια ἀρούρης ἀνδρα tribuit; *Moschus* autem III, 97 sq. *Sicelidam* *Samium*, *Lycidam* *Cydonia* *Cretae* oriundum, *Philetam* et *Theocritum*.

scriptae exhibentur, aut actione aliqua et ad dramatis formam, per dialogum, dum colloquentes inter se sensus suos, fortunam, facta exponunt ac declarant: priore quidem illo, quod vix diu placere potest, et ipsum peculiare carminis genus, haud tamen copiosum ac fecundum, efficeret, omisso, alterum arripuit, et pastoritium carmen ita condidit et descripsit, ut actionem aliquam ex ista vitae simplicitate et felicitate, seu rem gestam, aut quae contingere in ista vita posset, sacrum aliquod festumve, forte etiam casum memorabilem, ut inter tales homines, aut etiam cultum et colorem eius vitae, sed facto aliquo expressum, quo istorum hominum studia, officia, rationes, affectiones declararentur, per sermones istorum hominum inter se confabulantium ita exhiberet, ut animi audientium iucunda rerum imagine et vitae istius grata specie frui viderentur\*). Capi autem et demulceri istis delinimentis animi non possunt, nisi ab urbanae vitae curis ac molestiis avocati in agris silvisque inter greges et armenta et pecoris magistros versari videbuntur, atque id curabitur a poeta, ut ne quid subeat animos, quod molestiam, tenuitatem, ac sordes istius vitae in memoriam revocet, adeoque suavissimam illam oculorum fascinationem solvat; qua ipsa de caussa factum est, ut pastoritia potius, quam omnino rustica vita, aut aratorum et opus rusticum facientium conditio in hoc carmine exhiberetur, cum haec quidem paullo plus offensionis haberet, nec facile ea laborum taedio, et attriti corporis defatigatione omninoque aerumnis suis, poetae arte et ingenio liberari posset. Sed haec a

\*) Appellare licet hanc argumentum aliquod tractandi rationem *dramaticam*, quoniam aliud nomen, quod magis accommodatum sit, non habemus; nec tamen vel sic carmen

bucolicum pro dramatis genere haberi, aut inde ductum esse, aut cum nimo Sophronis, multo minus cum mimis Romanorum, comparari potest.



multis satis diligenter sunt praecepta et ad prima huius generis elementa pertinere putanda sunt. Itaque

Et secura quies et nescia fallere vita,  
Dives opum variarum, et latis otia fundis,  
Speluncae vivique lacus, et frigida Tempe,  
Mugitusque boum mollesque sub arbore somni  
Non absunt \*),

omninoque totum carminis pastoritii argumentum ad silvas agrosque spectare, ruris et veris amoenitate commendari, et locus facti sive dramatis ita declarari debet, ut, dum legimus, rebus ipsis interesse videamur: quod animorum deludendorum artificium descriptione locorum ac temporis non parum iuvatur; cui veteres tam parum indulsisse mirari forte possis; quamquam Theocritus hac arte Virgilio multum praestat: sunt enim inter eius descriptiones nonnullae veris ac ruris suavissimae et dulcissimae \*\*); frequentius, et in multis feliciter, eo Gesnerus usus est, suavissimus poeta, quem antiqua illa Graecia aut suum esse popularem credidisset, aut nobis invidisset. Ex eodem fonte derivatur illa ratio, qua praecipitur, ut non modo, quicquid veri fructus, otii et felicitatis, vitae rusticae sive pastorali insit, ad pastoritii carminis suavitatem arcessatur, verum etiam ut, quicquid ad amplificandam, exornandam, ac cumulandam istam veram iucunditatem animi vis excogitare ac fingere possit, ad maiorem suavitatem liberaliter congeratur. Quicquid enim animum delectare et illecebris quibusdam delinire potest, in id poeta ius habet. Sed non in omni genere omnia ad delectandum vim habere possunt; et perperam statuitur, quod multi credere videntur, satis esse ad carmen rusticum, modo res e vita rustica, quaecunque istae sint, verbis ac versibus reddantur. Sunt multae partes et casus vitae rusticae, nimis

\*) Ge. II, 461 sqq.

\*\*) Vide Idyll. VII.



tenues, humiles, et viles, ita ut ornatum respuant aut ipsis ornamentis displiceant sagacioribus; sunt alia, quae in alio forte carmine feliciter adumbrata placere possint; sed in nostro genere tantum ea sunt admittenda, quae otiosam, securam, liberam et omnibus curis solutam negotiisque vacuam vitam exhibere et subiicere sensibus nostris possunt, qualis eorum hominum et olim fuit, et adhuc in quibusdam terris est, qui nondum in civitates redacti aut imperii aliqua forma descripti sunt: Qui homines cum aut venatione aut pastione victum quaerant, nam cum aratione et magnos hominum coetus cogi et naturali libertate exui necesse est, cumque venatio multum feritatis habeat; eorum, qui gregibus pascendis libere per silvas camposque vagantur, vita et minimis malis laborat et maximis plurimisque bonis cumulata est. In tractando itaque pastoritio argumento poetae necessario ita versandum erit, ut partim pastorum suae gentis conditionem malis, quibuscunque premitur, cogitatione liberet, bona autem omnia passim in ea obvia et maiora efficiat, et in unum congesta ita fingendi licentia exornet, ut cumulatissimam felicitate vitam adumbret; partim ad fabulas de primorum hominum vita et aetate aurea, nec non ad narrationes sive de maiorum vita, antequam per vicos et urbes habitarent, sive de populorum Nomadum pastoritiamque vitam agentium moribus et institutis confugiat et hinc suo argumento colores petat.

Iam non magna iudicii subtilitate indigere videtur ea quaestio diiudicanda, qua natura huius carminis ab argumentis piscatorii, venatorii, messorii, vindemiatorii et similis generis aliena esse existimatur. Carmina etiam huius argumenti bene condi posse quis neget? Sane erunt illa seu in descriptione et narratione, seu in actione aliqua ex vitae istius

partibus ac generibus exhibenda occupata; non vero in vitae pastoritiae simplicitate. Quod per se nihil habet, quod improbes. Quid? quod pastoritii generis materies omnino est parum locuples; ipsa vitae simplicitas et tranquillitas perpauca argumenta idonea suppeditat, et tractandi simplicitas non magis magnam tractandi varietatem admittit. Neque adeo fieri potest, ut magna copia bonorum carminum bucolicorum unquam speranda sit. Quidni igitur liceat quamcunque tandem vitae conditionem ac fortunam huic generi inferre, et fabulae semper eodem tenore procedentis taedium grata variatione levare, modo iucundas rerum imagines, quae delectent, et congruas sententias, adhibeas? Enimvero id ipsum difficultatis habet hoc argumenti genus, quod raro \*) molestis iniucundarum rerum imaginibus liberari et ad gratam illam, inhaerentem animo nostro, simplicitatis, libertatis, et tranquillae felicitatis notionem revocari potest; quo pacto et infecundum ingratumque hoc genus est, et, dum in angustiore gyro coercetur, multo tamen magis laboris, artis, et subtilitatis requirit. Quotum enim quodque ex Sannazarii idylliis caret iis vitiis, quibus tota huius poetices ratio, ut iucundis et gratis rerum imaginibus delectet, tollitur?

Enimvero, si totam bucolici carminis rationem his quidem finibus, quibus modo eam circumscripsimus, contineri libeat, quid magnae Theocriteorum et Virgilianorum carminum parti facias, videndum tibi est. Et Virgilii quidem quinta, septima, et octava haud dubie, quodammodo etiam tertia ecloga ad bucolicum genus referri poterit, reliqua ab eo aliena esse facile apparet \*\*). Quae quidem res, cum

\*) Fieri enim potest, ut ingenio et arte, qua tractata et enuntiata sunt, ea ipsa, quae natura molesta sunt, adsciscant gratum colorem et propter ipsam artem, quam animadvertimus, mirationem faciant.

\*\*) Servius in prooem. in Bucol. „Sane est sciendum, VII eclogas esse meras rusticas, quas Theocritus X habet.“ Exclusit puto IV. VI. X.

Virgilii et Theocriti carmina tam diversi generis sint, tam diversis doctorum hominum de huius generis natura et arte iudiciis locum fecit; cum aut naturam bucolici carminis ex illis exemplis constituere aut ad notionem e natura rei institutam revocare illa exempla vellent. Scilicet uti ea notio recte eo, quem sequuti sumus, modo informari videri potest, ita ingeniosorum hominum sollertia, quae intra artis ac praeceptorum angustias vix coerceri potest, alia genera invenit, quae cum illo coniuncta nec tamen plane eiusdem modi sunt. Et Virgilius quidem, nam ad hunc omnis nostra spectare debet disputatio, novum genus constituit in eo, ut non tam notiones et species rerum ex aurea aetate repeteret, sed ipsam auream aetatem repraesentaret, homines, deos et heroes, qui in ea vixissent, exhiberet, iisque sententias ac mores congruos tribueret. Id genus invenire mihi videor, si Silenum, eclogam VI, et Polionem, eclogam IV, inspicio. Et de illo quidem res manifesta; de hoc non magis dubia, si facultatem illam vaticinandi et poesin afflatis illis divino spiritu hominibus propriam ad antiquos homines pertinere memineris. Quod quidem cum novasset Maro, consequutus est simul hoc, ut epico carmini propius admoveret bucolicum, cum ex prisca heroum vita sensus et sententias inferre liceret; id quod omnino non modo ad excusandum, verum et probandum, Maronis spiritum in bucolico genere valet. Licuit non minus Maroni id facere, quam Theocrito Cyclopem Idyllium scribere; et antiquioribus, post Tragoediam et Comoediam Drama Satyricum condere, quod quodammodo comparari potest. Aliud porro carminis pastoritii, modo tantum variato, genus est hoc, ut, ad maiorem animorum voluptatem, rem, factum aut casum nostrorum hominum, nostrorum temporum, coloribus et pigmentis a vita



pastoritia petitis ornemus, et non modo ad fabulae bucolicae modum tractemus, sed etiam in fabulam inter pastores gestam commutemus; interdum etiam rem in antiquorum illorum temporum simplicitate et securitate agi aut evenire fingamus. Cuius generis, quod priore illo multis modis inferius habendum est, nec tamen sua laude, sua gratia ac suavitate, caret, reliquae fere Virgilii sunt eclogae. Quid enim? prima et nona an quicquam aliud, quam poetae casum et Mantuanorum fortunam, aut, si hoc magis placet, istorum certe temporum calamitatem enarrat\*)? Decima Galli amores, sub pastoralis fabula, exponit. Quarta autem, quamquam eam ad aliud genus modo retulimus, cum hoc tamen commune habet illud, quod natales nobilis alicuius pueri celebrat. Ecloga tandem secunda, Corydon inscripta, naturae pastoritiae nihil aliud habet, quam quod amoris miseri in puerum aestus imaginibus, sentiis, et notionibus pastoralibus exprimitur. Nam ad illud genus, in quo vitae pastoritiae libertas, innocentia, et simplicitas commendatur, id plane non pertinere, quis non videat? Quid? quod argumentum hoc, cum plane nullam huius generis voluptatem afferat, et a vitae pastoritiae integritate abhorreat, eo minus iucundum est, quod Corydon pastor servilis conditionis est, qui domini sui pusionem amat. Hoc tamen, etsi infimum, genus recentiores fere poetas, cum bucolica carmina condere sibi videbantur, sequutos esse, non opus est, ut multis doceamus.

Materia itaque et argumentum carminis bucolici seu pastoritii quale sit, videtis. Iam mores ac sententiae, verba atque numeri, facile ex ipsa vitae pastoritiae conditione duci pos-

\*) Non potuere Maronem Valerii Catonis Dirae fugere, si quidem ille similem fortunam Sullana proscruptione expertus et agro Battaro exutus fuerat. Sunt et loca ex eo car-

mine, quae animo tenuisse Maro videri potest ut Dir. 4 sq. 15 sq. 26 sq. 30. *Nec mihi saepe meum resonabis, Battare, carmen.* Sic porro, inpr. a v. 82 sq.



sunt. Simplicitas et naturalis aliqua venustas omnia ea continent, quae copiosius ab aliis hac in parte disputata sunt. In hac ipsa tamen simplicitate excluditur ex hoc genere, quicquid, etsi ipsam vitae rusticae veritatem exprimit, ingratum tamen ad sensum ac molestum est; neque adeo admittendae sunt sordes, quae nauseam moveant, non verborum rusticitas et asperitas, non agrestis et foeda spurcities: qua in re haud pauci egregie falsi fuere, dum imitationis veritatem male iactarent. Posse sane cum arte et cum ingenio carmine reddi omnia, quis neget? Quorsum tamen studeas imitando exprimere ea, a quibus, si casus obtulerit, oculos animumque avertimus? et quae illa laus esse potest, si imitatione ea bene reddideris, quibus, si in vera vita expresseris, omnibus ingenue natis importunus ac molestus foedusque videaris? Contra, modo placeat poeta ac delectet, si consilio suo respondere eiusmodi audaciam videat, quid eum vetet interdum ad mythicam hominum vitam nos revocare, et talem rerum ordinem, modum, et situm exhibere, qui nullus unquam nisi in hominum egregia imaginandi vi pollentium animis fuit; ea tamen cautione adhibita, ut ne incredibilia plane et ad praesentem vitae consuetudinem nullo modo verisimilia fingat. Interdum vero quid eum negeamus antiquam vitae pastoritiae rationem elegantius et deliciis e nostra vita petitis, modo satis consentaneae sint, temperare commode posse? Non enim natura huius carminis statim tollitur, si naturalis simplicitas, paullo horridior forte illa et incultior, nostra venustate et elegantia temperetur; quamquam prior illa ingenuis animis maiorem voluptatem afferre solet. Quae res vel ipso Theocriti et Virgilii exemplo declarari et comprobari potest. Illius enim quam simplicior et verior humilitatique argumenti accommodatior est ratio! huius vero quanto elegantior et ornatior! Sed ha-

bebat uterque, quod sequeretur; non enim abhorrebant Graecorum ingenia a simplicitate et nativa aliqua castaque venustate; ipsius sermonis ac dialecti Doricae natura, non potest dici, sentiri facile potest, quantam simplicitatem prae se ferat, et quantopere huic rerum generi apta et idonea sit, ut nec docta nec inculta et horrida oratio sit. At Virgilius sermonis et dialecti suavitate destitutus\*), qui politiore aevo, inter homines urbanos et elegantiam cum fastu sectantes, viveret, multa ex vitae pastoritiae veritate aut seponere aut verbis honestare necesse habuit, quae nude et ad rei veritatem proposita et expressa superbas Romanorum aures offendissent; quae eius elegantia adeo in laude fuit, ut et Horatius eum ab hac dote commendet\*\*): Molle atque facetum Virgilio annuerunt gaudentes rure Camoenae. Ad Eclogas enim et Georgica respexisse Horatius videri debet; ad Aeneidem nec Musae agrestes nec mollis et faceta oratio spectare potest; ut scriptam esse necesse sit Satyram, ante quam Aeneidis coeptae aliqua fama exiisset. Eam vero eius laudis sententiam, quamquam de ea iam veteres dubitasse videntur, esse probabile fit, ut poetam ab aequabili aliqua elegantia commendet \*\*\*). Et facetum quidem quid sit, iam a Quinctiliano †) expositum est, qui decoris magis et excultae cuiusdam elegantiae appellationem putat;

\*) Recte Probus *Theocritum poemum facilius ait Bucolica scripsisse, quiu apud Graecos sermo rusticanus a civili dividi potest, ideo Latinis difficile fuisse, quia necesse est per eadem verba uccommodare sensus.*

\*\*) Sat. I, 10, 46.

\*\*) Non male Boilavius expressisse videri potest in vulgato illo:

*L'Idylle —*

*Son tour simple et naïf n'a rien de fustueux,*

*Au contraire cet autre object en son language*

*Fait parler ses Bergers, comme on parle au Village —*

*Entre ces deux Excès la route est difficile.*

*Suivés, pour la trouver, Theocrite et Virgile.*

*Que leurs tendres Ecrits, par les Graces dictés,*

*Ne quittent point vos mains jour et nuit feuilletés.*

†) Instit. Or. VI, 3, 20.

et refertur facetum omnino ad id, quod placet et iucundum est, propter elegantiam maxime et urbanum aliquem leporem; sed molle ita accipiendum est, ut suavitatem significet, quae cum aequabili et remisso genere coniuncta est; opponitur enim epos forte Varii acris, et apud Ciceronem mollis et remissa oratio vehementiori et intentiori, qua animi tumultus ac motus excitantur.

Atque his dictis vix quicquam addendum est, ut illam caussam, quae tam diversis hominum doctorum iudiciis disceptata est, diiudicemus, utrum Virgilius Theocrito praestet. Qua in comparatione difficile est assequi, quid magna eorum pars sequuta sit, qui Virgilium Theocrito in genere bucolico quam maxime anteferendum esse existimarunt; sed consuetudine fere, auctoritate, caecoque aliquo amore et impetu eos duci videas\*); quamquam interdum ne ii quidem ipsi, qui Theocritum huius carminis verum magistrum esse largiuntur, iudicii subtilitatem et acumen nobis satis approbant, dum fere minutis nescio quibus et grammaticis rem rationibus decidunt. Virgilio elegantiae laudem, dignitatis et doctrinae nemo invidet; sed simplicitate et naturali aliqua venustate rerumque copia ac varietate non minus cedit Theocrito, quam ars naturae, quam vincere quidem illa operose in singulari aliqua re potest, sed in summa rei iners et vana habenda est. Verum, etiam si par laus utrique in iis ipsis rebus, quae maximae sunt, esset, Theocritus tamen in eo primas tuetur, quod ea invenit, in quibus retractandis alter et poliendis se continuit; quod quamvis magno plerumque ingenio factum nemo neget, in-

\*) Nolo Scaligeri criticen in poetic. lib. V, et qui eum sequuti sunt, hic excitare. Sed, quae nuperae Virgilii editioni Romanae adiecta est,

*Franc. Schmeizii* similis disputatio ita comparata est, ut tali magistro iudicii critici subtilitatem vix acuas.



terdum tamen tam sollicite Theocriti vestigia premit, ut sublegere potius illi sua, et versus undique conquisitos latine convertere, quam suo ingenio uti videatur. Sed de his ita quisque, uti libitum est, sentiat. Si tamen aliqua Virgilii ea in re culpa est, quod Theocriteas lacinias consarcinavit, satis graves poenas dedit, cum post eum vix quisquam aut veterum aut recentiorum bucolicos versus condiderit, quin ex Virgilio novam rhapsodiam bucolicorum versuum et sententiarum adornaret. Facilitas haec in nonnullis vitae rusticae parvis tamquam tabellis musivo opere coagmentandis inducere plerumque solet nascentes poetas, ut in idylliis condendis ingenii periculum faciant\*). Cum tabellarum harum, ut ita dicam, ex vita pastoritia, quae placere possint, perexiguus sit numerus; multo ille etiam minor futurus, nisi e vita prisca et ex antiquo sermone mythico multa in pastoritium sermonem migrassent: difficile est multa in his variare, ut nec tamen a simplicitate, sine qua hoc genus placere nequit, recedas. Qui primi e nostratibus in hoc genus involarunt, saltem vertendis ac repetendis antiquis ingenium approbare poterant. Nunc fere taedium faciunt, qui centies dicta repetunt, quae dum ingeniose variare volunt, in argutias et lusus incidunt. Romanae artis omnino non exigua pars in eo continebatur, ut, quae a Graecis naturali aliqua cum venustate et lepore dicta acciperent, ea orationis suae dignitate, gravitate, ac copia ornarent. Hoc unum monebo, nisi memineris, in Virgilio plus artis, in Theocrito plus nativae elegantiae, esse, te non mirari non posse, cum videas, etiam praestantissimos ex hoc genere poetas recentiorum temporum Virgilium

\*) Hinc etiam in bucolicis carminibus apud Interpretes tanta copia locorum similium et comparatio eorundem sententiarum afferri ac cumulari solet. Inspiciat aliquis Cer-

dam vel Martynum post Ursinum. Equidem non nisi ea apposui, quae aut Maroni ante oculos fuere aut illustrationis vim habere possunt.



maluisse sequi quam Theocritum. Artis scilicet semper facilior imitatio; naturalem venustatem difficillime assequare.

Quod ad descriptionem et oeconomiam huius carminis attinet, varie ea quidem institui potest, semper tamen spectandum hoc, ut ea potissimum ratio ac via ineatur, qua maxima voluptas legentis animo afferri possit; cuius quidem rei eo diligentior ratio habenda est, quod huius carminis simplicitas et humilitas interdum in exilitatem abire, lenis et mollis tenor languere, solet. Raro itaque poeta narrantis aut describentis partes suscipit; nisi ille in argumento admodum suavi et copioso ac florido versetur; sed convertit fere rem in drama et in actionem, ipsosque pastores colloquentes ac narrantes inducit, ut res non tam narrari, quam potius geri, ac lectoris oculis subiici, et ille inter silvas errare, in umbra arboris assidere, cantantes audire sibi videatur; quod non ita accipiendum, tamquam si omne carmen pastorale dramaticum esse debeat, ut cum Fraguero\*) plerique, qui hoc de carmine, nuper quoque, scripsere, existimant, verum quia haec ratio poetae consilio fere maxime respondet.

Situs ac loci temporisque designatio, quae cuiusque carminis argumento conveniat, uti poetae ingeniosi non infima laus est, ita ad maiorem ex lectione suavitatem capiendam non parum facit. Cuius enim animus veris ac ruris, pascuorum et armentorum, suavi descriptione non vehementer delectatur, aut quis cantum pastoris non multo gratiorem esse sentit, si ille sub fagi umbra, ad rivuli murmur, in molli herba inter gregum exultationes, sedens otio indulgeat?

Dicunt in tenero gramine pinguium  
Custodes ovium carmina, fistula

\*) *Dissertation sur l'Eclogue par M<sup>rs</sup> de l'Academie des Inscript.*  
*Mr. l'Abbé Fraguier, dans les Mé-* T. II, p. 132.

Delectante deum, cui pecus et nigri  
Colles Arcadiae placent\*).

Potest is locus interdum adeo duplex esse, ut et is designetur, in quo pastor cantet, et alter, in quo res commemorata gesta sit; ut in Ecloga decima a Virgilio factum videbimus.

Superest, ut nonnulla adiciamus, quae ad Virgilianas Eclogas propius spectant. Iam primum nisi alia essent, quibus Maro magni poetae nomen consequutus est, solis Bucolicis relictis vix eum in censum principum poetarum venturum fuisse arbitror. Ingenii enim in inveniendo vix magnam habet laudem; argumenta carminum, uti paullo ante vidimus, alia sunt ex Theocrito mutuata et interdum ieiune satis traducta, aut e pluribus Idylliorum locis coagmentata, ut tertia et septima Ecloga; alia non bucolicae erant naturae, sed tantum ad bucolicorum morem sunt tractata, ut prima, quarta, sexta, nona, decima. Sententiae autem et verba magnam partem ex Theocrito sunt conversa; alia sunt a bucolici carminis natura aliena. Quis pastorem ferat decantantem illa: Ante pererratis amborum finibus exul Aut Ararim Parthus bibet aut Germania Tigrim; et illa: At nos hinc alii sitientes ibimus Afros, Pars Scythiam et rapidum Cretae veniemus Oaxem. Quod infames mores pastorum uno saltem loco expressit (Ecl. III pr.), hoc erat quod vix ab eius urbanitate expectabamus; non magis quam haec nimis obnoxia et servilis pene Theocriti imitatio. Contra mirationem facere potest, quod metrum bucolicum, cuius Theocritus studiosissimus fuit, plerumque neglexerit: quod passim a multis observatum est\*): cuius rei causa potissimum in sermonis Romani indole pedumque et numerorum natura inesse videtur. An vero in verbis agrestia et soloeca sequu-

\*) Horat. Carm. IV, 12, 9.

\*\*) cf. *Jortin Tracts* To. II, p. 136. 7.

tus sit, non equidem ausim pronuntiare. Nam diversa res est; esse dura nonnulla, quae in his eclogis occurrant, quae tamen corrupta potius et interpolata dixeris. Ex uno vero illo, quod cuium pecus reprehensum fuisse Grammaticus narrat, vix satis tuto iudicium facias. Ut tamen Virgilius tantam apud populares suos laudem per Bucolica consequeretur, fecit inprimis rei novitas, felixque in carmine Siculo, quod ipsa sermonis Romani asperitas respuere videbatur, transferendo audacia. Nondum enim sermo Romanus ad hoc rerum genus, ad venustam hanc simplicitatem, ad numerorum hanc mollitiem, expolitus erat, cum Maro primus tentaret carmen bucolicum scribere. Sunt praeterea multa magni poetae in his ipsis carminibus vestigia, inprimis doctrina copiosa, orationis dignitas et elaborata limataque in plerisque elegantia.

Eclogae quidem nomen, non minus quam Idyllii, haud dubie Grammaticis debetur. Cum illud primo latius pateret, et ad quodvis carminis sive operis genus pertineret, quod e pluribus delectum esset, aut e pluribus eiusdem formae constaret; ut Horatii Sermones in nonnullis codicibus eodem nomine insigniri narrant viri docti; quandoquidem plura carmina minora, licet eiusdem generis, duobus libris comprehensa et collecta sunt; adhaesit id nomen, e Grammaticorum doctrina, generi bucolico; constat enim eiusmodi liber e pluribus carminibus; quae quidem ut ex aliis sui generis selecta sint, qui proprius vocabuli significatus est, minime necesse esse arbitror. Quo nomine Virgilius ea in vulgus emisit, non constat; de titulo et inscriptione librorum veteres non valde laborabant; Bucolicorum tamen nomen verius et antiquius est. Ipsum poetam, postquam singula ea carmina vulgaverat, uno volumine cuncta esse complexum probabile fit, cum Tityrus initium Bucolicorum



constituisset feratur iam inter Maronis aequales: Tityrus et fruges Aeneidaeque arma legentur, Roma triumphati dum caput orbis erit; ipse autem Maro Ecl. X pr. finem Bucolicis se imponere velle profiteatur.

De tempore et ordine Eclogarum ad Vitam Virgilii, maxime ad a. 717, satis copiose disputatum esse arbitramur. Monendum adhuc de allegoria Eclogarum Virgilii, in qua dici non potest, quam vanam et inanem operam a Servio inde viri docti consumserint. Et Servius quidem, cum exigua commentariorum pars antiquo illi Servio debeatur, tot tamque variis et ab omni historiae fide alienis commentis et nugis consarcinatus est, ut unicuique argutias captanti magna satis copia materiae ad manum sit. Catroeus autem, cuius vanitatem ut feras, magna animi aequitate et patientia opus est, tamquam si in Romanensi fabula versaretur, adeo multa nova et tam confidenter mentitus magis quam commentus est, ut interdum, quorsum evasura res sit, plane haereas. Verum ex reliquis etiam Interpretibus, qui maiore cum pudore, iudicii acumine et veritate, Eclogas enarrarunt, vix quisquam est, qui ab eo morbo intactus manserit. Quod si in nonnullis, ut in I. IX. X, allegoriae locus relinquendus est, eius tamen natura eiusmodi est, ut poeta universam rem fabula arcescita involvisse, singulas vero partes proprie tractasse suisque ornamentis honestasse videri debeat. Nihil itaque nec odiosius, nec a rei ratione magis alienum, quam singulas sententias ad allegoriae subtilitatem revocare velle\*). Sufficit v. c. in prima Virgilii ecloga tenere, communem omnium temporum opinionem esse, Virgilium partim ad suam partim ad Mau-

\*) Recte, quisquis ille est Grammaticus, in attestis Vitae Virgil. §. 99. *Illud tenendum esse praedicimus, in Bucolicis Virgilii neque nusquam neque ubique aliquid figurate dici*

etc., et in Servianis ad Ecl. III, 20. *Refutandae sunt allegoriae in bucolico carmine, nisi cum, ut supra diximus (ad Ecl. I, 1.), ex aliqua agrorum perditorum necessitate descendant.*



tuanorum fortunam respexisse, et Augusto pro redditis agris gratias agere voluisse. Sed ea, quae de Tityro memorantur, singula anxie cum Virgilii persona comparare, id quam putidum sit, quis non sentiat? Appellat ipsum se Tityrum Ecl. VI, 4. Sed ad eundemne versum 55 Ecl. VIII referas? Quid IX, 23? Plerosque tamen interpretum multos in eo esse videas. Non quidem, quo se tueantur, habere nego. Fecit idem hoc antiquitas. Sed omnino huius generis bucolicorum carminum ratio et natura melius intelligi poterit, si ea memineris, quae paullo ante de eo genere disputabamus, quo res e praesenti vita arcessita, maioris suavitatis caussa, pastoritiae fabulae suavitate et ornamentis ex ea vita petitis commendatur. Quod consilium recte si teneas, non erit, quod in singulis sollicite et anxie labores.

---

---

F. A. G. SPOHNII  
P R O L E G O M E N A  
A D  
CARMINA BUCOLICA VIRGILII

---

Carmen bucolicum, quod a Theocrito accepit excultum, Virgilius mutavit et inflexit ita, ut converteret in sua tempora, quae ab iis erant aliena, et a pastoritio carmine in plerisque argumentis recedens, ad alia genera deflecteret, ad quae bucolicum carmen erat proclive. (1.) Primum enim, dum imitatur Theocritum, quae hic dixerat simpliciter, ille traduxit in suum usum ita, ut alium sensum, aliud consilium iis subesse vellet, per artificium tecte ad quaedam alludens. Hinc allegorica interpretatio orta. Sed saepenumero nonnisi personas esse vult, quas introducit, non ut per totum carmen quasi personatos sese aut alios sistat, sed ita ut plerumque iis haec illa adscribat, quae sola ad se aut alium quempiam ita referri debent, ut in ceteris nihil restet de personato, sed res redeat ad pastores. (2.) Apud Theocritum nativa simplicitas, vitam adumbrans, qualis tam antiquis, quam serioribus temporibus fuit. Virgilius autem rusticos totamque vitam eorum, eiusque ingenium et indolem non ad naturam adumbravit; sed obversabatur animo artis quaedam perfecta species, ad cuius similitudinem exprimendam verba, sensa, totamque orationem converteret.

Qua in re iniqua saepe expertus est iudicia Virgilius; qui, si ad reiveritatem omnia expressisset, a saeculi sui moribus, ab elegantia illorum temporum ita recessisset, ut non delectasset, sed offendisset.

Post pugnam Mutinensem, in qua XVII. Kal. Mai. ai. 711. Hirtius et tertio die post ex vulneribus Pansa occubuerant Consules, Antonio se socium adiunxit Lepidus IV. Kal. Iun., propterea pridie Kal. hostis iudicatus a Senatu. Sed idem, qui quodammodo ab Octaviano excitatus ad Antonium se contulerat, quum sciret Octavianum ab optimatibus offensum decedere, per commercia epistolarum Octavianum cum Antonio conciliare studuit.

Octavianus interea Consulatum, qui sibi petenti a Senatu fuerat denegatus, armorum vi extorsit XIV. Kal. Septembr. Per Lepidi autem studium et quum sibi prodesse intelligeret, Octavianus cum Antonio societatem iniit, ita ut V. Kal. Decemb. ei. ai. Octavianus Caesar, Aemilius Lepidus et M. Antonius sese reipublicae constituendae triumviros in quinquennium renunciarent, et totius imperii Romani provincias ita inter se distribuerent, ut Lepidus Hispaniam cum Gallia Narbonensi, Caesar Octavianus Africam, Siciliam ceterasque eius maris insulas, Antonius autem reliquas Galliae regiones cum Transalpina et Cisalpina s. regione Transpadana acciperet.

Huic Transpadanae provinciae, quae Venetam regionem et Mantuanam amplectebatur, Antonius Asinium Pollionem praefecit, quocum vetus ei fuerat coniunctio et familiaritas. Hic paullo ante ex Hispania cum duabus legionibus, quas Antonio tradiderat, in Galliam fuerat profectus. Ex Gallia cum Antonio in Italiam redierat. Itaque ex ante diem V. Kal. Decemb. ei. ai., uti Galliae Transalpinae Q. Fufius Calenus et Ventidius Bassus ab Antonio praeficiebantur, sic Galliae Cisalpinae s.

Transpadanae Asinius Pollio praeesse coepit. Qui quidem, quum, nobili genere ortus, litteris Graecis et Latinis imbutus, ingenio emereret, non solum ipse litteras artesque coluit, sed eos quoque, a quibus illas coli comperisset. Scripsit ipse Tragoedias et magnum opus de historia bellorum civilium. Idem criticos, grammaticos, rhetores, poetas, sibi familiares esse voluit, domum concessit recitationibus. Quum vero esset hoc eius viri ingenium, fieri non poterat, quin brevi postquam provinciam moderari coeperat, Virgilium, sive iam antea ei innotuerat, dum studiis vacaret Virgilius, sive tunc demum per specimina, quae ille exhibuerat, ut Culicem, in eius venerat notitiam, accedere ad se vellet, eique aditum daret. Quum Virgilius tum per studiorum rationem, tum per vitae conditionem, quum agros et rem pecuariam curaret, ad agrestes Musas esset propensus, easque haud dubie diligenti Theocriteorum carminum studio excoluisset; Pollio, Graecae eruditionis amantissimus, auctor suasorque exstitit, ut in hoc genere ingenium exerceret Virgilius, ad quod iam prope accesserat conscribendo Culice. Quod auctoris elegantissimi consilium ut eo citius exsequeretur Virgilius, factum est per Alexandrum, unum e pueris, qui Pollioni ad pocula erant.

(Ecl. II.)

Cooperant iam antea nobiliores Romani viris doctis adeo familiariter uti, ut sibi in itineribus, quando peregre abibant, aut ruri comites esse vellet, domi autem per otium et in epulis convivas. Proinde Pollio, qui hunc morem non solum propter consuetudinem, quae iam invaluerat, sed propter indolem nativam adsciverat, paullo postquam Virgilius ei innotuerat, ad coenae societatem invitavit. Ibi Virgilius quum Alexandrum for-



mosissimum puerum, neque minus felicitis ingenii praestantia, quam corporis formositate excellentem, Pollioni pocula ministrantem conspexerat, adeo eum admiratus est, ut poetam plane captum amore pueri sentiret Pollio. Virgilius, ut eum, quem diligere coeperat, ad sui benevolentiam permoveret, carmen composuit in eius laudes, quare et Pollioni, qui hoc optaverat, satisfecit. Ita autem illud temperavit, ut ex Theocriti carminibus pleraque repeteret, quorum assidua lectione animum formaverat. Se quidem Corydonis, Alexandrum Alexis nomine personatos introduxit. Fuerunt quidem multi, qui hoc negarent; sed temere. Nititur enim ea res testimonio Donati §. 20. 37. Servii ad Ecl. II, 1. et 15. Martialis V, 16. VII, 26. VIII, 56. Apulei. Apolog. p. 279. Elmenh. ProPERT. II, 34, 73 sq.; et ipse Horatius quodam loco Epistt. huc respexisse videtur. Quae quum ita sint, qui negarunt, aut horum testimoniorum, aut illorum temporum morumque erant ignari. Quodsi quis etiam cognitis hisce negare voluerit, videat is, quid fiat veteri historia. Testimonia autem certa si sunt, haberi debent certa, et ex iis constituenda est historia; quod qui noluerit, figmentum potius ingenii sui, certe antiquitatis veram indolem non explicabit. Neque vero in ulla re, quae ad antiquitatem illustrandam facit, licet ea tantum depromere, quae expectemus et exoptemus, quaeve grata sint et cum iis conveniant, quae praeconcepta opinione nobis finximus; sed quum id unum agere debeamus, ut veritatem inveniamus, tunc quoque officio deesse non possumus, quando haec minus grata videtur exoriri. Quod autem inde in Virgilii mores redundat, etiam si vitiosi quodammodo fuerint, non est celandum. Nam si fuissent, non tam ipsius viri culpa, quam temporum iniquitate fuissent inquinati. Meminerimus illo aevo Romanos iam pridem a prisca

simplicitate ad luxuriam, ab integritate morumque castitate ad libidines deflexisse per bella diuturna, divitiasque exterarum gentium earumque exemplum saepe corruptissimum, nec solum ad illicitam Venerem, sed ad impuram adeo. Quum enim priscis temporibus tanta fuisset matrimonii sanctitas, ut eam vel leviter laedere nefas haberetur, his temporibus adeo perversi esse coeperunt hominum mores, ut adulteriis et matronarum vetito amore ne nobilissimi quidem et summi abstinerent. Neque vero in eo subsistendum sibi esse rati, ad impuram quoque libidinem et puerorum abusum delabebantur, ita quidem, ut, a quo scelere natura sua Romanos retinuerat, id per gentium perditissimarum vitia aspernari desiissent. Quamquam vero Virgilius hac temporum perditorum miseria excusari posset, si impuro amore dilexisset Alexandrum, non defuerunt tamen iam priscis temporibus, atque aequales adeo, ut Asconius Pedianus, qui eiusmodi culpam a castis Virgilio moribus removerent. Licet enim non negaverint, quod fateri debemus, amatum fuisse a Virgilio Alexandrum; probarunt tamen et eum et Cebetem, alium quendam puerum, casto amore fuisse dilectos, uti a Socrate et Platone formosos iuvenes, non abutendi iis consilio ad scelus, sed erudiendi formandique causa per doctam viri boni consuetudinem. Ac profecto Virgilius et Alexim et Cebetem erudivit ita, ut ex illo fieret grammaticus, ex hoc autem poeta.

Pollio illo carmine adeo delectatus est, ut Virgilio dono daret Alexandrum, cuius causa mutatis nominibus id erat conscriptum. Quodsi in hoc carmine Virgilius paullo ardentiore amore Alexandrum concupiscens nobis videtur; reputemus, eum, nisi poetam voluisset exuere, poetico, id est ardentiore et acriore colore uti debuisse. Hoc autem eo minus debet negligi, quo magis conspicua est in

carminibus Virgilii ars poetica. Non igitur quod erat haec rerum conditio, sed quod debebat ita proponi, ut aliter videri non posset, haec ita finxit Virgilius. Accedit ex eodem artis fonte alia causa. Quum enim Virgilius ad Theocriti similitudinem se suamque artem conformaret, fieri non poterat, quin ex illo, quae ad usum et finem eundem pertinere meminisset, repeteret et e Graecis Latina redderet. Maxime vero in tertio et undecimo Theocriti carmine inesse vidit, quibus sua sensa exprimeret. Ibi Cyclops insano Galateae amore captus aut conqueritur, aut garrit amatoria verba. Deinde vero etiam in XXIII. Idyllo, in quo quidam infelici amore pueri captus introducit, similem imaginem deprehendi intellexerat. Ex his igitur quaedam colligens, maioribus illustrata luminibus orationis suo inseruit carmini. Itaque totum hoc carmen artis potius est specimen, quam amoris impudici et vesani documentum.

(Ecl. III.)

Ad Graecorum autem poetarum tersum dicendi genus et elegans conversus Virgilius respuebat horridiorem Musam poetarum Latinorum antiquiorum, ut Plauti rudes iocos, Ennii loquacitatem. Sed plurimi veterum temporum et scriptorum laudatores et admiratores Plautum, Ennium, Lucilium in coelum efferebant; tum quod ipsorum rudioribus ingeniis hi magis erant apti; (et Quintiliani adhuc tempore fuerunt, qui hos prae ceteris probarent \*) tum quod prisca tempora, veterem reipublicae formam probabant, novam rerum faciem aspernabantur. Eminuerunt inter hos insipidos iudices novorum poetarum Bavius et Maevius, poetae

\*) Respexisse videtur Spohnius, quae ap. Quint. Inst. Or. X, 1, 93. leguntur: „Satira quidem tota nostra est; in qua primus insignem laudem adeptus Lucilius quosdam ita de-

ditos sibi adhuc habet amatores, ut eum non eiusdem modo operis auctoribus, sed omnibus poetis praeferre non dubitent.“ *Wr.*



quidem ipsi, sed iratis nati Musis, inimici et Virgilii et multo acriores postea Horatii. Ad ineptias usque admirabantur priscos poetas, insectabantur novos; maxime quos senserant per Graecam elegantiam formatos eandem elegantiam Latio inferre volentes. Accessit ad supra indicatas odii invidiaeque causas, quod Virgilius audacter quaedam sibi indulisit. Ediderat Virgilius Culicem et alia minora carmina, fortasse Moretum, quod e graeco Parthenii carmine latinum fecisse dicitur. Roserat haec Virgilii rudimenta praeter ceteros Anser, pessimus poeta, cuius censuram iniquam ultus est versu Ecl. IX, 36. Neque postea Bavius et Maevius abstinuerunt a Virgilio lacescendo; nam quum Eclogam V. edidisset ao. 712. extr., fecerunt:

hordea qui dixit, superest, ut tritica dicat \*).

Itaque quomodo persecuti sint odiosum novum poetam, qui novum etiam genus poeseos, idque ab exteris petatum, intulerat, iam apparet: in verbis notandis haeserant. Sed Virgilius hos importunos et ineptos adeo obtrectatores et artis et ingenii castigare voluit. Erat ingenio timidior, saltem ad rixas minime propenso; sed tamen ista ferenda non erant. Opportunitas data. Scripsit ao. 712. sub aestatem Ecl. III., carmen amoebaeum. Cur hoc? In amoebaeo carmine contendunt duo canentes, ita quidem, ut interdum exasperentur animi. Ita Theocritus in Id. II. et quodammodo IV. Introduxit is in priore statim ab initio altercantes rusticis et gravioribus dicteriis; in altero (IVto) posuit alterum facete et amare carpentem.

\*) Bavius curator Cappadociae obiit ao. 719. U. Varr. neque vero ao. 720. ut ... (Eusebius? an Vossius? qui laudat Eusebium ad Ecl. III. 90. Vix enim perplexos literarum ductus in Spohnii autogr. internoscas.)

Maevius periit in pugna Actiaca; ad quam quum abiret, exsecrationibus eum prosequutus est Horatius Epod.

X. Neque caruere vi. Quum enim navem quandam Antonianam submergere vellet, fratrem occidit. Quo cognito scelere, se fratris cense interfecit. *Sp.* — Secundum Scholiasten Ovidii, a Vossio laud., Athenis propter poema quoddam satiricum in vincula coniectus, fame periit. *Wr.*



Ex his potissimum suum expressit Virgilius. Carminis autem amoebaei haec erat triplex commoditas:

(1) ut non uni, sed duobus tribui possent, quae dici vellet. Iam si unus prodiisset loquens, is Virgilii personam sustinuisset paullo apertius. Nunc colloquio inter duos constituto quasi remotior et alienus est poeta, saltem ita videatur necesse est, quum quasi in scena agentes et altercantes videamus. Ergo a se quodammodo aliena fecit, quae illis dicenda dare et potuit et revera dedit.

(2) Quod, si unum introduxisset, fieri aut nunquam, aut non bene potuisset, ut ille gravioribus aculeis pungeret obtrectatores Virgilii, id facillime erat praeparatum. Iam ipsi per rixam se petierunt contumeliosis verbis; ergo facillime id ad alios, quos odio habebat, poterat traduci; et minus offendit, quod quasi obiter pupugit et per alios.

(3) Quum in carmine amoebaeo coniungi possint, quae sunt maxime diversa, quum ibi sententiae proferantur, quae saepe nullo modo cohaerent, non solum ad Bavii et Maevii putida capita acriter vellicanda et depectenda illas pastorum personas convertere potuit, sed licuit etiam, Polioni, fautori studiorum, meritas solvere gratias, et simul, dum pessimos istos poetas insectabatur, huius poetae Musas laudibus exornare, ideoque pluribus nominibus eius benevolentiam confirmare ac tueri.

Quae quum ita essent, Virgilius nunc ad amoebaeum carmen, quod omnia in se reciperet optime, quae vellet promere, accessit conscribendum. Introduxit autem duos pastores Mantuanos, Menalcam puerum, qui patris gregem pascit, et Damoetam, Aegonis cuiusdam servum, qui eandem Neaeram amat, cuius amore Menalcas captus est. Conveniunt in pascuo, compulsis forte gregibus. Menalcas, asperioris animi puer et ad rixam facilis, increpat Damoetam, quodammodo ei iratus, quod

servus erat eius, qui sibi erat aemulus in Neerae amore.

(Ecl. V.)

Hanc igitur Eclogam (III iam) composuerat Virgilius sub aetatem ai. 712. Sed paullo post ad aliam sese accingere debebat, quum instarent ineunte mense Iulio feriae maxima solennitate celebrandae, quas Triumviri in honorem Iulii Caesaris decreverant.

Iam ao. 710. non ita multo post necem Iul. Caesaris Octavianus ludos solennes instituerat in honorem Veneris genitricis, quum ab hac genus suum Iul. Caesar repeteret. Illis diebus mense Quinctili stella crinita apparuit. Populus sibi persuasit, animam esse Divi Iulii eumque inter Deos receptum esse; Octavianus statuam Caesaris cum stella super caput in Veneris templo posuit cum titulo *Καίσαρι ἡμιθέῳ*; mensis Quinctilis, quo Caesar natus fuerat, Iulius dictus. Ao. 712. Kal. Ianuar. Triumviri iure iurando se et alios obstrinxerunt, omnia Caesaris acta sese rata habituros. Octavianus se Octavianum Caesarem Divi filium nominavit. In pompa Circensi eius imaginem cum imaginibus Deorum et matris Veneris circumferri iussum. Sacellum ei tanquam heroi in eo loco fori, quo crematus fuerat, exstrui coeptum, ac, si quis reus illuc se reciperet, ne ab ara Divi Iulii abriperetur, vetitum. Sancitum denique diris poenis et execrationibus, ut omnes natalem Iul. Caesaris diem hilares et laureati celebrarent. Natus fuit III. Id. Quinctil. ai. 654. Sed in eundem diem ludi Apollinares inciderunt. Quum autem libris Sibyllinis vetitum esset, ne cuiquam deo praeter Apollinem eo die sacra fierent, natalitia Caesaris pridie agenda esse, decretum est, i. e. IV. Non. Iul. \*) Quae si quis negligeret, sacer et devotus

\*) Vide, quae scripsi ad Ecl. V, 66. *Wt.*

Iovi et Caesari heroi ultoribus habebatur. Haec sacra natalitia in regione Transpadana s. Gallia Cisalpina laetius acta, quam alibi, primum quod bello Mutinensi finito, quo illa regio turbata, laetior spes meliorum temporum affulgebat; tum quod Caesar diu praefuerat illi provinciae, incolasque variis nominibus sibi obstrictos reddiderat. Faverat ipse illis, ut qui ab iis diligeretur; ideoque ao. 705. Dictator omnibus ius civitatis dederat. Dio Cass. l. XLI.: „τοῖς Γαλάταις, τοῖς ἐν τὸς τῶν Ἀλπεων ὑπὲρ τὸν Ἡριδανὸν οἰκοῦσι τὴν πολιτείαν (ius civitatis) ἄτε καὶ ἄρξας αὐτῶν, (ao. 700) ἀπέδωκεν.“ Denique etiam poenae propositae, si essent, qui detrectarent, a degerunt.

Ergo Virgilius, inter illos, populares suos vivens, aut ad haec ipsa concelebranda, aut non ita multo post, hac opportunitate excitatus, carmen composuit. Ipse Caesari bene velle debebat, ut unus ex iis, qui ius civitatis ab illo acceperant; tum quod Caesaris revera erant tantae virtutes, ut, si prisca reipublicae forma remanere amplius iam non posset, hoc moderatore Romani felices fuissent futuri; deinde consilii quoque erat, Triumviris significare, talem sibi esse mentem; denique accessit sine dubio Pollionis amice hortantis admonitio, qui favit poetae ideoque voluit, ut his periculosissimis temporibus vitae ac salutis esset certus. Idcirco Virgilius, ut se poetam esse significaret, sub finem carminis mentionem eorum carminum inseruit, quae paullo ante ediderat. At vero Virgilius quodam quasi involucro ista omnia velavit; primum, ne nimis offenderet novae rerum formae osiores et strenuos antiquorum temporum laudatores; tum fortassis etiam, quod ipse noluit palam laudes Caesaris celebrare; denique quod hoc aptissimum erat ad colorem poeticum carmini conciliandum, quod aut frigidum, aut minus elegans facillime fieri posset, quum



originem suam tempori potius, quam ingenio deberet.

Propterea, ut poeta bucolicus, sub Daphnidis persona Caesarem induxit. Daphnis heros inter antiquissimos pastores aeyo fabuloso. Ergo argumentum aptum. Ita temperabat, ut (1) dolorem de Daphnidis obitu exprimeret; quam carminis partem quodammodo alienam alii tribuit pastori; (2) laetitiam de Daphnide heroe inter divos recepto. Hoc ei pastori retinuit, cuius persona latens ipse sua sensa volebat significare.

Ceterum non singula quaevis ad amussim exigenda, ita ut leones Afri sint feri populi Africae, aut similia. Sed ut in quavis imagine quaedam adduntur ad exornandum non necessaria, sed tamen utilia, ut delectent, ita in hac imagine totum eius, qui eam exhibuit, consilium spectare debemus; nam qui singula quaevis per metaphoram dicta sumserit, in maximas incidet ineptias.

### (Ecl. I.)

Sed non ita multo post novis turbis conquassata est respublica. Antonius et Octavianus traiciunt in Graeciam. Exeunte auctumno pugnatur ad Philippos. Pereunt cruenta caede clarissimi viri; spes restituendae reipublicae et Triumvirorum amovendorum penitus fere deleta. Exercitus Cassii et Bruti, utroque duce mortuo, partim solutus se confert ad Sext. Pompeium, partim, auctoribus et suasoribus Messala et Bibulo, se dedit Antonio. Antonius in Asiam abit et Syriam, ut illarum terrarum res componat et pecuniam cogat. Octavianus in proelio Philippensi victus per triduum in palude delituerat. Inde, quum iam antea affecta esset valetudine, in gravem morbum incidit. Diu aegrotat Brundusii, adeo ut Romae iam mortuus haberetur. Post proelium Philippense Octavianus et Antonius emeritos milites et e suis et



e Cassii Brutique copiis, qui transierant ad ipsorum signa, omnes dimiserunt, eosque in Italiam redire iusserunt.

Iam pridem ad Mutinam ao. 711., ut sibi obstrictos redderent militum animos (Appian. IV, 3.), octodecim urbium (Appian. V, 22.) in fertilissimis Italiae regionibus sitarum agros veteranis dividendos promiserunt, magnamque pecuniae vim insuper spoponderunt singulis. Ergo ut haec militibus divideret Octavianus, et ut Lepidum, ne quid is moliretur, observaret, et contra S. Pompeium ageret, in Italiam ao. 713. ineunte rediit. (Virgil. ao. aet. 29.)

Hinc iam reduces e Graecia veterani per varias Italiae regiones tumultum agebant. In his turbis Musas Virgilii per auctumnum ai. 712. et hiemem subsequentem conticuisse, non potest mirum videri.

Aggressus est Caesar Octavianus divisionem agrorum, opus invidiae plenum. Erant XXVIII. legionibus coloniae assignandae (Appian. V, 6.). Quum non sufficerent octodecim illarum urbium, quae iam antea militibus destinatae fuerant, possessiones et agri, aliae insuper urbes in hunc censum adscriptae sunt; revera dividebantur XXXIV. atque in universa Italia (Appian. V, 22.). In Gallia Cisalpina Cremonenses aut omnino adversati fuerant Octaviano et e Cassii Brutique partibus fuerant (Serv. ad Ecl. IX, 28.), aut non miserant Octaviano auxilium (Pomp. Sab. ad Ecl. IX, 29.); ergo Cremonensium agri distributi. Sed ne sic quidem suffecit (Appian. V, 13.); et milites cum fastu et petulantia vicinorum agros invadebant, et plura, quam quae erant adscripta, rapiebant, optima quaeque sibi sumentes. Neque Octavianus impedivit; summo enim studio dividendos agros susceperat et suis et Antonii veteranis (ut sibi obstrictos redderet; Dio Cass. III, 6. et Appian. V, 40.). Itaque Man-

tuorum quoque agri, Cremonensibus vicini, a militibus occupati, non propter culpam civium, sed propter vicinitatem (Serv. prooem. ad Ecl. IX, 28. Donat. vit. §. 36. 94.), quum Cremonensium agri militibus Romanis illuc missis non sufficerent. Hinc illud Virgil. Ecl. IX, 28.: Mantua vae miserae nimium vicina Cremonae! In his Mantuanorum agris etiam Virgiliani fuere, testibus Donat. l. l. Serv. plur. locis, Sidon. Apollin. praefat. Panegy. Maioriano dicti, Martial. VIII, 46.: (Virgilius)

Iugera perdiderat miserae vicina Cremonae. Dati quidem, sive sumti, a Claudio s. Clodio milite veterano. Sed Asinius Pollio, quocum iam vidimus coniunctionem intercessisse Virgilio, etiamnum illi provinciae Transpadanae praeerat. Et quamquam Octavianus militibus plurimam indulgeret licentiam, tamen resistere studebant eorum petulantiae Pollio, Lucius Antonius et Fulvia. Quum enim Octavianus administraret divisionem agrorum, ut ipse solus quasi suo nomine haec praemia militibus distribuere videretur, neque vero tam suo, quam Antonii nomine; id quorsum spectaret, sentientes et Lucius Antonius et Fulvia aegre tulerunt. Pollioni, utpote fido M. Antonii amico eiusdemque legato, patrono Virgilii, maxime hoc agendum erat, ne per nimiam licentiam militum Octaviani praeriperentur poetae dilecti possessiones, quae (uti omnes Mantuanorum) ultra praescriptos et concessos militibus fines erant sitae ad montium radices prope flumen Mincium. Omni igitur, qua pollebat, auctoritate Pollio eo est enisus, ut Claudius iste restitueret sua Virgilio. Quod ut eo certius tutiusque effici posset, auctor fuisse videtur poetae, ut Romam et ad ipsum Octavianum abiret, ad quem confluebant eiecti. Quibus quidem precibus praesentibus Virgilius hoc effecit, ut suos agros reciperet. Iuvisse eum non solum Pollionem, sed Maecenatem quoque, admodum est probabile.

Certum id quidem de Maecenate est seq. ao., quo videbimus agros Virgilio denuo fuisse aliquamdiu ereptos. Sed de altera illa ereptione, in qua statuenda longius etiam, quam in ceteris, recedo a recentiorum interpretum opinionibus de vita Virgilii, ac tempore et ordine Eclogarum, videbimus postea. Ergo Maecenas Virgilium, ut poetam, videtur commendasse. Accessit sine dubio Alfeni Vari et Cornelii Galli commendatio. Uterque olim eorundem magistrorum disciplina cum Virgilio usus fuerat. Neque vero eo anno, ut Vossius vult p. 14., Varus et Gallus iam praeerant illi provinciae, sed Romae versabantur. Utut est, hoc certum est, ab Octaviano Virgilium agros recepisse. Hoc singulare beneficium in communi civium vicinorum calamitate celebrandum erat Virgilio. Factum hoc per Ecl. I.; ita tamen, ut civium suorum sortem lugeret, et, si fieri posset, etiamnum illis Octavianum redderet mitiorem.

(Ecl. IX.).

ao. 713. U. C. sec. Varr. Servilio

et Luc. Antonio Coss.

Virg. aet. 29.

Postquam ad Philippos extremo auctumno ai. 712. pugnatum fuerat, Antonius in Asiam abiit, ut pecunias cogeret et Parthos oppugnaret. Octavianus Italiam petiit eo consilio, ut Lepidum observaret, Sext. Pompeium ab Italia arceret, denique militibus in utroque exercitu et Triumvirorum et Bruti Cassiique veteranis agros divideret dudum promissos.

Kal. Ianuar. Luc. Antonius Consulatum iniit et triumphum egit, quum iam per Fulviam Triumviri uxorem, feminam gravem et imperiosam, liceret. Rediit Octavianus, postquam ex gravi morbo convaluerat. Urgebat toto hoc anno per uni-



versam Italiam fames, quum frumenta arcerent Pompeius et in Ionio mari Domitius Ahenobarbus. Mense Febuario Octavianus repudiat Claudiam, Fulviae filiam. Post hoc repudium infensi Lucius et Fulvia, qui antea tranquilli fuerant et amico in Octavianum animo. Mense Martio Octavianus Galliam Cisalpinam sui iuris vult declarare in fraudem Antonii. Eodem mense divisionem agrorum aggreditur, primum quidem non XVIII. illarum modo urbium, quae a.o. 711. designatae fuerant, sed adiectis aliis per totam Italiam (Dio Cass. III, 6. 7.); nec solummodo, sed senatorum etiam et aliorum sine ullo discrimine. Multa spoliatis templis rapuit, alia mutuo, uti aiebat, sumsit (Appian. V, 13. 14. 23. 40.). Hinc grave odium. Romam turbae expulsoꝝ confluebant, iuvenes, senes, mulieresque cum infantibus, et in foro et per templa conquerebantur eulabantque, se nihil commisisse clamantes, pelli autem agris, ut bello devictos. Condoluit populus universus Romae, fame etiam pressus (Appian. V, 12.). Octavianus quamquam vehementer a spoliatoꝝ conviciis laesus, tulit tamen contumelias in gratiam exercitus, quum ista divisione militum animos sibi obstringere vellet (Appian. V, 13.); quos revera sibi etiam conciliavit. De vehemēti autem civium odio cfr. Dio Cass. XXXVII, 6. 7. 8. Sueton. Octav. c. 13. Dum adeo male audiebat a civibus, Luc. Antonius et Fulvia tum propter repudiatam ab Octaviano Claudiam, tum, ne milites soli Octaviano hoc beneficium acceptum referrent et Antonius eorum favore privaretur, primum differri volebant divisionem agrorum in Antonii adventum. Quod quum per festinantem militum cupiditatem et Octaviani studium illos beneficiis ac muneribus sibi conciliandi fieri non posse intelligerent; postulaverunt, ut Octavianus ne solus divideret, sed suis ipse quidem solus militibus, Antoniani autem exercitus veteranos Antonii amicis in colonias de-



ducendi faceret potestatem. Mense Maio Octavianus, quamquam invitus, coactus tamen propter Antonii Triumviri gloriam militarem et favorem apud milites, concessit; ideoque Luc. Antonius alique ex Antonianis designati diviserunt agros et colonias deduxerunt. Sed isti, quasi reparantes damnum, atque ut maiorem etiam, quam Octavianus, Antonio sibi gratiam a milite conciliarent, maiorem etiam veteranis concessere licentiam (Appian. V, 14.).

Hinc aliud lamentantium et conquerentium genus apud Octavianum de Antonianorum divisione, iniquiora haec esse dicentium ipsis proscriptionibus. Quibus etsi opem ferre studuit Octavianus, non omnino tamen potuit. Iam quidem Octavianus, quum videret et totam Italiam turbari et infestos sibi reddi omnium animos, quippe quum aliorum agros ipse eripere deberet, ut suis militibus divideret, aliorum ab Antonianis immunes servare non posset, et nihilominus cunctos milites sibi soli obstringi non posse; praeterea vero intelligeret, non tantum gratiae ab iis, quibus dederit, quantum odii ab iis, quibus eripuerit aut recusarit, consequuturum; eos vero, qui non obtemperarint, armis ad interitum, qui oderint autem, ad amorem armis adigi non posse; denique ut, quos Antoniani laesisent, ad se traduceret: ab instituto antea proposito paullulum discessit. Itaque neque senatorum agros, neque mulierum eos, quos dotis loco acceperant, neque qui minores essent, quam ut promissae in singulos milites magnitudini sufficerent, distribuit (Dio Cass. III, 8.); Galliam Cisalpinam (regionem Transpadanam) in fraudem Antonii liberam declaravit et Italiae adscribens tum ab Asinii Pollionis, praefecti ab Antonio, potestate, tum omnino ne cui Triumvirorum in eam ius esset, immunem fecit. (Dio Cass. III, 12. Appian. V, 22. coll. 3. Factum hoc mense Iulio.) Quibus quidem rebus hoc effecit, ut Senatus ceterique, quibus nihil amplius eripieba-

tur, mitius de se iudicarent. Sed iam a milite offenso tumultus orti, multi occisi, parumque abfuit, quin ipse ab iis interficeretur.

Quod quum eo spectare sentiret Octavianus, ut miles iam in studio segnior nimis offenderetur, denuo huic morem gerere coepit, populum vero a se avertere, ita ut iam modo ob populi, modo ob militis favorem male audiret, utrosque modo offenderet, modo placaret, possessores pelli se iniuria, milites non pro spe meritorum tractari se querentes. Sed tamen quum a militibus potissimum sibi timendum sentiret, denuo agros divisit. Romae et per Italiam fames. Romae et prope in omnibus Italiae urbibus inter plebem et milites armis decertatum est. (Mense Sextili.)

Paullo ante miserat Octavianus Salvidienum Rufum cum sex legionibus in Hispaniam. In itinere Placentiae turbas fecerunt et pecunias exegerunt. Calenus et Ventidius, quos Antonius ao. 711. m. Decembr. Galliae Transalpinae praefecerat, tumultuantibus illis Octaviani militibus Alpes praecluserunt. Asinius Pollio eosdem aggressus est, arcens ab itinere et a provincia Cisalpina, cui ab Antonio praefectus erat.

Interea Luc. Antonius et Fulvia, quum animadvertissent Octavianum consilium mutasse, postquam tumultus exstitit et res ad bellum spectare coepit, mutato consilio plus praesidii in iis esse rati, quos Octavianus laesisset, hos ad se pellicere studuerunt. Lucius se Triumvirorum potestatem abrogare prioremque reipublicae formam restituere velle promisit, spem fecit, consolatus, pollicitus est. Hinc gravior discordia cum Octaviano. Lucius Cons. custodiam corporis sumsit; uti a laesis acceperat spem, ita dedit auxilii. Ad eum et Fulviam pulsii agrorum possessores et qui sibi timebant; ad Octavianum, qui probabant divisionem, milites maximeque veterani se conferebant. Galliae Cisalpinae autem cives,

maxime quum Asinius Pollio abesset ad Placentiam, ne amplius essent provincia Antonii, mittebant Octaviano pecuniam et milites, ne quis alius exercitum per speciem gubernandae provinciae aleret.

Hoc tempore Virgilius Romae erat; huic enim tempori conveniunt poma matura vs. 37 sq. commemorata; tum Octavianus hoc tempore facilius ad exorandum. Et impetravit, quod voluit, Virgilius, tum quod ipse civis Galliae Cisalpinae; tum quod sine dubio minor erat ager, cfr. vss. 47 — 49.; qua de re vid. quae supra diximus; denique quod poeta erat, qui quidem ao. 712. in laudes Caesaris Ecl. V. fecerat, quique a Maecenate, communi poetarum omninoque virorum doctorum patrono ac fautore, commendabatur. Neque vero per literas commendaticias Asinii Pollionis, ut statuit Vossius, adiutum poetam putare licet; quippe qui Antonii esset praefectus, et in provincia ageret, quam Octavianus eripere studebat, atque illo ipso tempore oppugnaret Octaviani duces ad Placentiam; neque etiam per Alfenum Varum et Cornelium Gallum, praefectos Octaviani in illa provincia, quorum locus neque poterat ullus esse, neque erat, uti statim videbimus.

Mense Septembri Lucius et Octavianus Roma abierunt, hic ad deducendas colonias, ille ad milites visendos et colonias Antonianas in Bruttia. Discordia crevit calumniando. Lucius recessit Praeneste. Frustra reconciliare studuerunt concordiam duces legionum in concilio Teanensi. Lucius bellum parare coepit. Abierunt ad eum Roma praeter Fulviam liberosque Antonii ingens numerus senatorum et equitum; confluit ad eundem multitudo possessorum laesorum et eiectorum.

Octavianus mense Octobri per amicos privatim Praeneste missos, duces et proceres per legatos, deinde Octavianus per legatos ex exercitu missos, paullo post ex senatoribus, nihil effecerunt, ut Lu-



cium moverent. Iam Octavianus bellum sensim apparabat. Denique duae legiones Anconam deducendae in coloniam iudicio diem, locum Gabiis utrique statuerant. Lucius insidias veritus ex itinere incepto rediit Praeneste. Iam edicta utrimque emissa, mordacissima quidem.

Exeunte Octobri et ineunte Nov. Octavianus pecunias collegit et militem; militem etiam Lucius, cui maior Italiae pars favebat. Denique senatores legati Praeneste missi; sed frustra. Octavianus Roma ad bellum profectus ad Albam Longam duas legiones Lucii ad se pellexit, Furnium Lucio copias adducentem pepulit, Sentinum et Nursiam, Umbriae oppida, oppugnavit. Lucius e loco inter Praeneste et Albam Longam fere medio Romam petiit; quo facto Lepidus evasit ad Octavianum. Lucius populo convocato promisit triumviratum abrogatum iri, imperator salutatus, profectus est contra Octavianum, milites e coloniis Antonianis collegit eorumque oppida munivit.

Octavianus relicto ad Sentinum duce Romam rediit. Lucius interea Roma Salvidieno obviam ivit, ex Gallia, et Placentia quidem, redeunti, a tergo impugnato per Ventidium et Asinium Pollionem, qui hucusque eum ibi vexaverat et retinuerat. Octavianus maiore custodia Romae posita iterum abiit. Agrippa Sutrium, Etruriae oppidum, in via Lucii a tergo situm occupavit, ut Lucius se a tergo impugnatum iri sentiens non posset contra Salvidienum pergere. Reversus propterea mense Decembri ex via in Galliam Cisalpinam cum Ventidio et Asinio Pollione iam in Etruriam progressis copias coniungere voluit. Sed ne circumvenirent Agrippa et Salvidienus, timens, utrinque imminente hoste Perusiam deflexit, Ventidium et Pollionem expectaturus. Sed Agrippa a meridie, Salvidienus a septentrione, Octavianus ab oriente tribus simul exercitibus Perusiam et castra Lucii obsederunt. Octavianus undique convocatis copiis alias Ventidio et



Asinio obviam misit. Lucius tandem medio Decembri in moenia urbis se recepit; Octavianus Perusiam fossa et aggere cinxit. Fulvia hortata est per nuntios Praeneste missos Asinium et Ventidium, ut Lucio citius succurrerent. Quos nondum iunctis exercitibus appropinquantes Octavianus et Agrippa repulerunt, ut alter Ravennam, alter Ariminum se reciperet. Plancus cum exercitu Praeneste Perusiam petentem Agrippa Spoletium abegit. Tribus hisce Octavianus opposuit copias quasdam, ne coire possent, ad Perusiam rediit, munimenta auxit et amplificavit; quibus perfectis Lucius fame premebatur ita, ut proxima ante Kal. Ianuar. ai. 714. nocte acri proelio erumpere studeret; sed frustra.

Annus U. 714. Virg. 30.

Ventidius, Pollio et Plancus subvenire studuerunt Lucio, et reiecerunt quosdam Octavianos a Perusia; sed Agrippa et Salvidienus advenerunt cum maioribus copiis. Propterea Ventidius, Pollio ac Plancus, veriti, ne circumvenirentur, recesserunt Fulginium, oppidum XX. millibus passuum Perusia distans, ubi ab Agrippa obsidebantur. Perusiae fames aucta; Lucius mense Februario denuo ac tertio erupit; acre proelium; post irritum conatum crebra transfugia; fames horrenda et incredibilis, ut in proverbium abiret.

Lucius ad pacem paratus tandem Perusiam IV. Id. Mart. tradidit Octaviano; III. Id. Mart. milites se dediderunt. Sed urbs per incendium fortuito ortum tota absumta pridie Id. Mart. Ipsi Idibus ad aram Caesaris ingens numerus (trecentos alii, alii quadringentos dicunt) equitum et nobilium mactatus, sive non impediante, sive iubente Octaviano. Asinius, Plancus, Ventidius et caeteri duces Antoniani alius alio se receperunt, Pollio Ravennam et deinde in regionem Venetam. Calenus, qui in Gallia Transalpina remanserat, mortuus est. Octavianus Caleni exercitum atque Gal-

liam et Hispaniam, Antonii provincias, sibi conciliavit. Pollio Venetiam retinuit in potestate Antonii, ad Altinum et alias urbes res fortiter gessit, Patavinos aliosque, qui Octaviano faverant, graviter castigavit.

Octavianus Antonii ducibus et praefectis alios substituit, ex amicis suis eligens, qui praecessent (Appian. V, 51. 53. Dio Cass. III, 20.). In locum Caleni Cornelium Gallum, in Gallia Cisalpina in locum Asinii Pollionis Alfenum Varum, qui et Pollionem arceret in Venetia agros urbesque oppugnantem, et agris dividendis praesset, addito limitatore Octavio Musa. Varus et Musa inique tractarunt Mantuanos; addidit enim Musa quindecim millia passuum agri Mantuani, quum Cremonensis non sufficeret, offensus a Mantuanis olim, quod greges eius ab agri publici pascuis eiecerant. In his assentientem habuit Varum, qui inique praeter palustria nihil reliquit Mantuanis, propterea in oratione Cornelii cuiusdam notatus. Talis iniquitas eo minus poterat exspectari, quo maior spes fuerat, iam immunes fore Mantuanos, qui iam antea aliquid de suis perdidissent. Neque ipsum Virgilium Octaviani promissa tutum praestabant, quin Octavii Musae pertica limitans Arrio centurioni eius agros assignaret. Virgilius negans se cessurum, vix militis gladium elabatur. (Ecl. IX, 15.) Abit Romam, ibique in villa Sironis scripsit Ecl. IX. mense Iunio, aut Iulio ineunte, ao. U. 714. aet. 30. Interea villicus rem curabat, vs. 1 — 6. coll. etiam vss. 55. 67., Arrio morem gerens, uti voluerat dominus, donec sibi restitutus esset ager.

Iunio, aut Iulio ineunte scriptam esse hanc Eclogam, tum ipsum tempus rerumque illarum ratio declarat, tum eo probatur, quod poeta vs. 19 sqq. sine dubio ad ludos Apollinares alludit, et quod vs. 60. longi dies memorantur. Inducit autem senem vernam, qui herum Virgilium laudat,

ut poetam vs. 18. 21 — 25. 38 — 45. 55. et Caesaris laudes efferre solentem, vs. 19. 20. 46 — 50. et novas Varo parantem, dummodo is Mantuam servet, vs. 27 sqq.

(Ecl. IV.)

Pollio, victis Antonianis, se receperat in regionem Venetam, quam cum VII. legionibus diu retinuit in potestate Antonii, magnas res et speciosas circa Altinum aliasque urbes huius regionis edidit, Patavium quoque acerbè et graviter vexavit, cogens Patavinos, ut pecuniam et arma conferrent. Alieni enim erant huius regionis incolae omnes ab Antonii partibus, quippe quum faverant Octaviano, qui libertatem dederat et sui iuris esse iusserat Galliam Cisalpinam. Egit ista Pollio per aestatem huius anni, in quem cum Cn. Domitio Calvino Consul erat antea iam designatus, Consulatam autem adire nondum potuit. Dum haec edidit Pollio in Venetia, per epistolas studuit Domitium Ahenobarbum cum duabus legionibus et septuaginta navibus in mari Ionio e pugna Philippensi adhuc vagum ad Antonii partes allicere. Quod quidem ei ita successit, ut Ahenobarbus deinde se adiungeret.

Fulvia autem, Antonii Triumviri uxor, cum liberis post captam Perusiam se Brundisium, hinc Athenas contulerat. Ibi eamprehendit Antonius, qui vere huius anni (714) Alexandria, ubi per hiemem Cleopatrae amorì indulserat, Tyrum, inde per Cyprum et Rhodum in Asiam minorem abierat. Accepto autem ibi de rebus ad Perusiam nuntio Athenas pervenerat. Hinc ut ipse praesens Octavianum reprimeret aut auctoritate, qua apud milites pollebat maxima, aut, si esset opus, armis etiam, petiit Italiam mense Sextili, relicta Fulvia uxore aegrola, Sicyone navigans cum ducentis navibus ex Asia petitis.



Interea Pollio sive terrestri itinere prope mare descendens, sive advocato Domitio in Venetiam, classem eius cum VII. legionibus suis conscendit, obviam Antonio iturus. Appulerunt Antonii et Domitii Ahenobarbi classes prope Brundisium, ubi duae legiones, terrestres Domitii copiae, castra erant metatae. Brundisium Octaviani tenuerunt, ideoque introitu recusato Antonius oppugnare coepit. Italiae haec erat conditio, ut fames per totam Italiam iam per integrum annum et diutius fureret atrocissima, quum Domitius Ahenobarbus in Ionio, Sext. Pompeius in Siculo et Tyrreno mari et ex insulis intercluderent commeatum. Non solum regio Perusiae vicina, sed tota atque universa Italia ex divisione agrorum et Perusino bello commota erat. Qui tumultus tantum aberat ut essent repressi, ut maiores in dies fieri viderentur. Discordia inter Octavianum et Antonium creverat; Antonius iam accessit cum Domitio et Pollione, navibus et militum copia abundante instructus. Favebant ei milites in Italia. Octaviano dubia fere apud multos auctoritas, sed apud plures grata agrorum datorum memoria; apud cives ingens odium. Itaque belli civilis igniculi aegre tecti, neque vero restincti, in flammam erupturi proxime videbantur. Praeterea Sext. Pompeius instigatus per Antonium cum magna militum manu Sardiniam cepit, Thurios et Consentiam in Italia obsedit.

Octavianus Agrippam cum veteranis misit contra Antonium. Quum pugnare nolentes signa deseruissent, cum alio exercitu ipse Brundisium petiit, veteranis quidem, inscio Octaviano, statuentibus, se conciliare velle utrumque ducem. Exeunte Septembri per aliquot dies, quum iam universa Italia belli novi initia timeret, etiam S. Pompeio infestante litora, mutuae exprobrationes militum utriusque exercitus; tandem Octaviani milites



declarant, se amicitiam et pacem componere velle, idque unum sese agere. Commodò nuntius allatus est, Fulviam mortuam esse; quod gravissimum impedimentum Antonii conciliandi quum evanisset, per Cocceium, utrique duci amicum et e legatione ab Octaviano ad Antonium de rebus Lucii fratris aestate ai. 713. in Syriam missa apud Antonium superstitem, praesertim quum Antonium mater et Iulia moverent, legati sunt ab utroque duce constituti de pace componenda. Antonius revocavit Sext. Pompeium in Siciliam, Ahenobarbum misit cum imperio in Bithyniam. Ex Antonianis Asinius Pollio, qui cum Ahenobarbo ad Antonium accesserat in mari Ionio et cum illis appulerat ad Brundisium, e Caesarianis Maecenas adhibito Cocceio medio foedus Brundisium composuerunt, sine dubio primis diebus mensis Octobris. Octavia, soror Octaviani, Marcello marito nuper mortuo vidua, Antonio collocata est. Quo foedere composito Octavianus et Antonius Romam abierunt. Communis, ut fuerat per universam Italiam metus belli instantis, laetitia et publica hilaritas. Pollio his laetissimis temporibus tandem redux, Romae adiit Consulatum, nobilem per legem Falcidiam.

Uxor Pollionis cum marito reversa peperit filium exeunte Septemb. aut ineunte Octobri, aut paullo ante, aut ipso tempore, quo Pollio Consulatum adiit. In tanta universae Italiae laetitia, quum iam viderentur pacata tempora ex flammis, caedibus, sanguine et pugnis progigni, et ex summo gravissimoque metu et periculo universa civitas emersisset, idque beneficium, quum maxime ab Antonii parte instaret periculum belli, quod iam remotum erat, per generosum Pollionis legati animum contigisse existimaretur; Virgilius officio grati animi et benevoli deesse adeo non potuit, quin suis Musis communem laetitiam celebraret, ita quidem, ut, cui hoc beneficium publicae securitatis maxime et

repentinae quidem ac inopinatae deberetur, eum prae caeteris laudandum sibi sumeret.

Iam antea fama, novam instare mundi aetatem, ex Sibyllarum vaticiniis obtinuerat. Confirmata haec opinio mense Iulio, quum stella crinita, ad Ecl. IX. commemorata, apparuisset. Ao. 710. Vulcanius aruspex in concione dixerat: „significari exitum noni saeculi et ingressum decimi; sed quod invitis Diis secreta rerum pronunciaret, statim se esse moriturum;“ et nondum finita oratione in ipsa concione concidit. (Augustus in l. secundo de Memoria vitae suae. Serv. ad Ecl. IX, 47.) Hinc profecto erat, quod nunc (paullo post solennem istam comprobationem et gravem) opinarentur Romani iam accedere novam mundi aetatem, e rebus tristissimis et quasi ex inferis repente ad summum fastigium laetitiae per Pollionem maxime et Pollione Consule evecti. Itaque filius ei hoc ipso tempore natus quasi signum novi rerum ordinis videbatur. Asconius Pedianus (sine dubio in lib. de obrectatoribus Virgilii) a Gallo (Pollionis filio) se audisse refert, hanc Eclogam in honorem suum factam. Macrobi. Saturn. III, 7. de eodem Pollionis filio interpretatur. Hic igitur est ille puer, quem celebrat Virgilius, neque Christus, in quem vaticinium esse voluerunt, neque filius quidam Octaviani; non enim est ullus ei hoc tempore natus; Iulia filia ao. 715. demum mense Aprili aut Maio. — Atqui uxor Octaviani gravida tamen? Potuitne concipi a Virgilio puerum futurum esse? — At primum id fuisset maxime ridiculum; tum Octavianus non dilectus erat adeo, nec Virgilius humilis et vilis adulator; quam inepte porro Pollioni dicasset carmen in laudem pueri Octaviano nondum nati et fortassis ne nascituri quidem; denique omnia fatentur puerum iam esse natum, quod cum aliis quibusdam neglexerunt alii.

(Ecl. VI.)

Varus.

Ante exitum anni 714. suffecti Consules, licet in paucos dies essent futuri (Dio Cass. III, 32.), Cornelius Balbus et P. Canidius Crassus. Pollio ab Antonio, antequam ipse ad Parthos abiret, contra Parthinos missus, gentem Dalmatiae circa Epidamnnum, quae Bruto vehementer faverat (Appian. V, 75. Dio Cass. III, 41.). Eam enim fecerant Octavianus et Antonius imperii Rom. divisionem, ut, Africa Lepido relicta, Antonius, quae essent versus Orientem a Scodra, oppido Illyrici in recessu sinus Adriatici sito, haberet omnia, Octaviano autem parerent, quae inde versus Occidentem spectarent usque ad Oceanum.

Virgilius in agrum paternum rediit, aut non ex illo discesserat. Vidimus ao. 714. post finitum bellum Perusinum mense Aprili Alfenum Varum Galliae Cisalpinae ab Octaviano esse praefectum in locum Pollionis fugati. Additi huic erant Cornelius Gallus eques et poeta, et Octavius Musa limitator. Post Caleni obitum sine dubio Gallus mense Maio aut Iunio Galliae Transpadanae ab Augusto praefectus est. Idem est, qui primus subactae post devictum Antonium Aegypto ab Octaviano praefectus est, cui praeerat ad annum 728.; quo annum aet. 40. agens morte voluntaria periit; ergo fere annum 27. agebat. At Varus Galliae Cisalpinae praefectus idem, cui Ecl. IX. promiserat carmen, si servaret Mantuam; iam se quaedam incepisse, necdum perfecisse. Atqui Mantuanos quidem agros male vexavit, Virgilius tamen suos receperat. Iam quum id esset non per Varum quidem ipsum datum beneficium, attamen concessum, saltem non impeditum, neque recusatum ab eo, qui scilicet praecesset negotio agrorum dividendorum; Virgilius ita eum laudavit, ut artem pariter atque urbanitatem et in-



genuos mores mirari debeamus. Urgebat necessitas; promiserat; non poterat retractare. Scribendum erat carmen; sed tamen tale, quo non laudaret, quum neque de se, neque de civibus hoc promeruisset Varus. Ergo sic orditur: „Equidem tenuia tantum ludere possum; alii te, Vare, dicant digno modo. Si cui tenuia nostra placeant, tuum videbit nomen inesse.“ Sed quid? — Sileni carmen refert, quod se audiisse fingit. Hoc quidem totum ex Epicureorum doctrina; primordia rerum et hominum exponit; deinde poeta persequitur poeticam historiam priscorum temporum. Denique quaedam de Cornelio Gallo adduntur. Iam vero ita Varus quodammodo frustratur; neque vero sic, ut ille irasci possit; detinet eum in doctrina, quae ipsi placuit, Epicurea philosophia, de qua re, uti de Alfenio Varo, male dubitat Heynius, neque eam intelligit Vossius. Eiusdem autem magistri Epicurei disciplina usi Virgilius et Alfenus Varus, Sironis. Donat. vit. §. 79. Serv. ad h. Ecl. vs. 13. Phoc. vs. 64. In eius villa prope Romam versatus fuerat Virgilius ao. 714. medio, quum agris suis esset expulsus; et ex hac villa atque ab hoc Sirone Romam, deinde rus suum redierat; ideoque patent causae, cur in hoc potissimum argumentum deflexerit.

(Ecl. VIII.)

Interea Pollio in Dalmatia Parthinos subegit, gregibus, armis, agris multavit (Flor. IV, 12. Dio Cass. III, pag. 384. Appian. Bell. Civ.). Bello finito rediit et VIII. Kal. Novembr. ai. 715. triumphum egit. (Non bis subegit, neque bis triumphavit, ut iam contra Scaligerum Ruæus demonstravit.) Ceperat ingentem praedam, librorum quoque Graecorum et Latinorum tantam copiam, ut primus bibliothecam publicam instrueret in atrio Libertatis.

Quum iam in eo esset, ut rediret, Virgilius ei



misit Ecl. VIII. A Pollione ao. 711. et 712. primum excitatus erat ad bucolica scribenda; eidem Ecl. IV. anno superiore dicaverat; nunc ad triumphum splendidissimum accedenti mittendum erat quidquam carminis, ne plane officiosi et grati hominis muneri deesset, maxime quum Alfeni Vari causa quodammodo Eclogam IX. et VI. fecisset, eius quidem Vari, quem fuso fugatoque e provincia sua Pollione Octavianus praefecerat huic Galliae Cisalpinae. Male igitur alii ad Octavianum referunt, contra omnem fidem et historiam; et inepte (uti etiam vs. 9. patebit) alii Pollioni quidem missam hanc Ecl. sumunt, sed abeunti Pollioni, quum illam expeditionem susciperet. Ita geographica male se haberent; male etiam et inepte, quod iam Ruaeus sensit, Virgilius de bellicis laudibus et gloria militari loquutus esset; quid enim praecessisset? fugatum esse ab Octaviani ducibus et eiectum Pollionem e provincia: scilicet magna virtus, et egregia opportunitas laudandi! Imo post subactos Parthinos, gentem rebellem, quae, prouti Dalmatica, semper infesta Romano nomini diutissime iugum detrectavit. Strab. VII. p. 484. Vellei. II, 90. Et sempiternis bellis ferocitas Dalmatarum notissima. Post hos Dalmatas, inquam, subactos erat, quod Pollionis virtutem bellicam Virgilius laudaret.

(Ecl. VII.)

Ao. 716. ineunte Eclogam VII. scripsit Virgilius. Iam ab ao. 714. saepius Romae apud Maecenatem fuit Virgilius, ita ut modo ruri, modo in urbe vixisse videatur. Sed iam familiaris consuetudo cum Maecenate arctior. Accessit Plotii et Varii et Horatii amicitia. Verno tempore in itinere, quod Brundisium instituit Maecenas cum sociis Horatio et aliis, Virgilius, Sinuessae obviam factus, comitem se adiunxit, sine dubio Neapoli cum Plotio et Vario egressus. Ab huius enim anni vere Neapolim se contu-

lisce videtur, ubi deinde per septem annos Georgica scripsit. Donat. §. 40. Georg. IV. extr. Sed antequam illuc abiret, sine dubio ineunte vere, Februario exeunte, aut ineunte Martio, fecit Ecl. VII. Nam quum Meliboeus carmina referat pastorum ad Mincium vs. 13., consentaneum est, poetam, quum hoc carmen pangebatur, adhuc versatum esse in Gallia Cisalpina.

(Ecl. X.)

Ao. 716. U. C.

Iam igitur Neapoli Virgilius. Invitatus a Maecenata ad Georgica se contulit, quae ao. 723. absolvit.

Extremo anno 716. Agrippa missus in Galliam secundus Romanorum Rhenum transgressus est, adeoque feliciter pugnavit, ut vere ineunte magna victoria de Aquitanis reportata Romam nunciaretur. In eius exercitu militem quendam sequuta erat Lycoris, Cornelii Galli amica, de qua suo loco.

---

(Primam Eclogam, postquam in unum collecta sunt Virgilio bucolica, aevo iam Virgiliano ceteris praemissam fuisse, inde videtur apparere, quod ab hac totum bucolicon libellum significat poeta fere aequalis Virgilio, Ovidius, Amor. I, 15, 25.: „Tityrus et segetes Aeneidaeque arma legentur.“ Constat autem, sic solere ab exordiis totos libros designari a poetis. Sed quid Ovidium citamus testem, quum praesto sit ipse Virgilius, Georg. IV. extr.: „Tityre, te patulae cecini sub tegmine fagi.“ At cur hanc Eclogam primam loco esse vellet, satis idoneae fuerunt causae: neque enim alia aeque apta erat ad exhibendam in ipso carminis ingressu gratam vitae pastoritiae imaginem, et quum Octaviani beneficium per eam praedicandum sibi sumsisset,

cfr. inprimis vs. 10., ipsi huius viri dignitati dandum id fuit, ut hoc carmen in fronte totius libelli legere-  
tur. Nec in ceteris Eclogis ordinandis consilium  
poetae desiderare mihi videor. Ut enim ipsa varietate,  
quae plurimum habet in hoc genere suavitatis,  
legentum animos delectaret, amoebae eis carminibus  
I, III, V, VII, IX, interposuit non amoebae  
II, IV, VI, VIII; nam hoc quidem, octavum,  
specie magis, quam re, amoebaeum est. Ecloga  
X. non potuit alio, quam ultimo, loco poni. In  
digerendis autem ita his carminibus ut plurimum se  
ad tempus, quo singula scripta sunt, accommodavit;  
nisi quod primum ante tertium quintumque,  
et nonum post septimum collocavit. Hoc autem  
IX. propterea videtur proxime ante X. et ultimum  
posuisse, quod ob commemorata alia quaedam  
carmina bucolica, cfr. vss. 23 — 29. et 39 — 50.,  
ab hac collectione exclusa, is locus huic carmini,  
in ipso prope exitu operis collocato, maxime conveniebat. *Wr.*)

---

---

P. VIRGILII MARONIS  
B U C C O L I C O N  
L I B E R

---

E C L O G A I  
TITYRUS \*)

ARGUMENTUM

Meliboeus, agris suis exutus, dum patria extorris capellarum gregem ante se agit, in Tityrum incidit, quem cum in communi calamitate summa securitate et otio frui videret, miratus hominis sortem, cui acceptam eam ferat, rogat. Narrat Tityrus, quomodo et a quo agros suos gregesque salvos recuperaverit, 20 sqq.; scilicet se, iam aetate provectum, libertatis consequendae caussa Urbem adisse, ibique ab heri facilitate hoc obtinuisse, ut greges suos tuto ac libere pascere liceret. Putandus est adeo Tityrus esse unus ex pastoribus servis in fundo a domino habitis: cf. ad v. 28. Inter ea alter de malis ac molestiis migrationis suae conqueritur, tandemque aperte de veteranorum immissione in agros loquitur v. 70.

\*) *Tityrus*. Inscripti hi tituli cum ipso Eclogarum nomine debentur Grammaticis, non ipsi poetae: retineri tamen possunt, propter auctoritatem satis antiquam. (De Eclogarum nomine assentior. Ex vulgari usu significari per hanc vocem idem, quod per *ἐιδύλλια*, poematia, satis constat; ac si antiqui codd. hunc titulum prae se ferrent, non pugnam cum iis, qui ab ipso Virgilio profectum contenderent. Certe is inter titulos, quibus antiqui scriptores similes libellos inscripserunt, non infrequens videtur fuisse. Vid. Forcell. Lex. Peculiares tamen singularum eclogarum inscriptiones, per

antiquissimos codices propagatas, non video, quare genuinas habendas non censeamus; certe eas, quae nuda personarum nomina exhibent; nam quae quartae eclogae in ipso Romano leguntur praefixa: „Novi Saeculi Interpretatio,“ ea non facile quisquam erit qui tribuat Virgilio. Commodius tamen quum haec carmina per numeros, ordinem, quo singula legerentur, declarantes, indicari posse viderentur, vix dubito, quin veteres Virgilii interpretes, ut Servius, Donatus, eclogarum nomen adsciverint, eclogam primam, alteram, tertiam nuncupantes. Vid. etiam Weichert. Commentat. I. *De Laevio poeta*. p. 6. *Wr.*)



Subsistit dialogus in eo, ut Tityrus miserum exulem in suo tugurio pernoctare iubeat.

Atque hoc quidem verum ac proprium carminis est argumentum; quod, quantum a natura carminis pastoritii proprie dicti absit, facile apparet, et quale novum genus constituat, in disputatione de Bucolicis Virgilianis expositum est. Sed communis omnium temporum opinio, veterum Grammaticorum fide firmata, obtinuit, Eclogae huius rationem ad illa tempora et Virgilii fortunam accommodatam esse, eoque anno eam (U. C. 713) scriptam esse, quo Triumvirorum pactione decreta nefanda illa agrorum inter veteranos divisio ab Octaviano facta est: de qua v. Appian. Civil. lib. IV, 3. (ed. Amst. 1670, p. 954.) Dio XLVII, 14. Ante enim, quam Antonius et Octavianus adversus Cassium et Brutum profisciscerentur, icto ad Mutinam foedere, quae est infamnis illa Triumvirorum pactio U. C. 711, ut exercitum, ex veteranis fere conscriptum, in fide retinerent, militibus praeter alia praemia colonias urbium Italicarum, et opibus et solo et aedificiis inter ceteras insignium, octodecim, quae Cassii partes amplexae erant, inter quas Capua, Rhegium, Venusia, Beneventum, Nuceria, Ariminum, Vibona et Cremona memorantur, promiserunt: h. e. receperunt in se, se eos, bello feliciter confecto, in illas urbes, tanquam colonias, deducturos, et eorum, qui nunc incolerent, agros iis assignaturos esse. Quam rem cum, Cassio et Bruto caeso, in Italiam redux Octavianus perficere vellet, partim ex militum insolentia et avaritia, partim ex eiectorum de suis bonis indignatione magni motus ac tumultus orti sunt. vid. Appian. Civil. V, 3. 12 sq. (p. 1081 sqq. ed. Steph.) Dio Cassius XLVIII, 5 — 9; adde Sueton. Aug. XIII. Erat autem eorum, quibus praemia solvenda essent, ingens numerus, legiones nimirum, si Appiano fides habenda l. l. p. 1075. 1076, non minus XXVIII, quae una cum annumeratis in legiones (*μετὰ τῶν συντασσουσέων*) efficiebant centum et septuaginta viro- rum millia, praeter equites et turbam militarem; quamquam eorum, quibus ad Mutinam promittebantur agri, numerus etiam maior erat; habebant enim triumviri sub signis legiones XLIII, ut adeo quindecim legiones bello confecto desiderarentur; sive quod tanta hominum vis interiit, sive quod nonnullae legiones ab Antonio in Asiam abductae sunt, aliae vero, nondum stipendiis emeritis, ad nulla militiae praemia adspirare poterant; certe octo mille ex hoc numero memorantur apud Appianum l. l. p. 1073.

Inter eos, quorum agri assignati erant veteranis, fuere Cremonenses, qui et ipsi Cassii Brutique partes erant sequuti. vid. Serv. ad Ecl. IX, 28. Quorum agri cum pro militum immissorum numero nimis angusti essent, vicinos Mantuanorum agros additos esse narrant. Cuius rei etsi nullam, praeterquam Grammaticorum, auctoritatem reperio, fidem tamen ei faciunt alia. Appianus quidem l. l. p. 1082 militum avaritiam non sese continuisse intra suos

agros memorat, sed eos passim vicinos agros insolenter invasisse; plus, quam concessum esset, usurpasse, et quos meliores iis, qui sorte obtigerant, putarent agros, suos fecisse. Potuere itaque milites transgredi fines et Mantuanos agros invadere; ut vel sic *Mantua Cremonae nimum vicina* dici posset. Inter Mantuanos, qui hanc iniuriae indignitatem subirent, Virgilium fuisse tradunt: eum tamen, sive suo sive Asinii Pollionis consilio, Romam profectum ab Augusto obtinuisse, ut agri sibi restituerentur; qua de re v. ad Vitam Virgilii a. 713, ut adeo sub Tityri persona suam fortunam poeta adumbraverit. Atque ea iam veterum opinio fuit. v. Nemesian. Ecl. II, 82. Calpurn. IV, 162. Sidon. lib. I, Epist. 5, ut Quinctilianum taceam. Quae res bene se habere potest; modo allegoria non ad omnes versus et verba singula circumferatur. Grammaticorum omninoque Interpretum, in his Catroei, intolerabiles sunt in allegoria expedienda argutiae et nugae. Locus autem, in quo pastores conveniunt, est ad umbrosam fagum in loco arboribus consito, sub qua Tityrus recubans pastoritio cantu otium consumit, dum gregem errantem prospicit. Versu tamen 52—59 accuratius describitur loci prospectus, et quantum v. 48. 49 *quavis lapis omnia nudus*—intelligitur, ex ipsa rerum veritate. Ad maiorem rei iucunditatem facit contraria alterius pastoris fortuna; quae miserationem movet, et qua nihil disertius ad Tityri felicitatem illustrandam commemorari poterat.

Sunt tamen multa in hac ecloga, in quibus subtilius poetae iudicium desideres; nec ex hoc carmine eius ingenium aestimare velis. Primum ipsum hoc genus argumenti, quod, etsi pro mera allegoria haberi nequit, ad allegoriam tamen quodammodo accedit, adeoque in perpetuo rerum ac verborum lusu versatur, vix satis magnam gravitatem ac dignitatem unquam habere potest. Nec in eo potuit vitae rusticae propria vis ac ratio (characterem vocant) recte servari. Vix e persona pastoris apotheosis illa heri satis placere potest. Comparatio autem seu allegoria non ubique commode procedit. Sic v. 28 Tityrus, ut libertatem suam impetret, Romam proficiscitur; obtinet ab hero libertatem greges pascendi: quid mirabimur hoc factum, si quidem ille heriles greges pascit? v. 46 *Pascite, ut ante, boves*. Si libertatem consequutus est, quomodo haec securitatem et tutam in agro a vi hostili vitam praestare debuit? In sententiis autem ac verbis plurima sunt ab hoc rerum et hominum genere aliena: quae suis locis notavimus. Ita plures versus sunt fere epici, ut 7 *illius aram Saepe tener nostris ab ovilibus inbuet agnus*. Sic 60 sq. 65 sq. Cum tamen semel poeta suum sibi bucolici carminis genus constituerit, quo a vitae pastoritiae simplicitate recedendum ei esset, licuit et haec et alia in carmen suum recipere. (Virgilius Octaviano, qui fundum, quem ille in agro Andino habebat, intactum servaturum se esse promiserat, gratum hoc carmine pro tanta, qua sibi, dum vicini misere possessionibus suis exturbarentur, frui lice-

ret felicitate, animum testificari, et iuvenis fidem obstringere voluisse mihi videtur. Quem animi affectum Tityro, olim servo, eodem ferme tempore, quo haec a Caesare erant promissa, munisso, duplici tum laetitia percepta, et ex libertate donata et ex agro herili servato, exsultanti urbane tribuisse, carmineque pastortio, quale genus tum ille tractabat, apte exposuisse, nemo facile negabit. Hinc apparet, cur Tityrus magis de agro servato, quam de libertate accepta laetetur; et cur v. 10. illam statim beneficii partem praedicet: *Ludere, quae vellem, calamo permisit agresti*. Animus enim curis rerum necessariarum vexatus ad carmina incallescere nequit. Egregie cecinit Iuvenalis VII, 69. *Nam si Virgilio puer et tolerabile desit Hospitium, caderent omnes de crinibus hydri: Surda nihil gemeret grave buccina*. Distinguas autem velim dominum Tityri, Virgilium, et agri servati auctorem, Octavianum. *Wch.*)

---

## MELIBOEUS. TITYRUS

M. Tityre, tu patulae recubans sub tegmine fagi  
Silvestrem tenui Musam meditaris avena:

1 *Tytire* multi, vitiose; sed est *Τίτυρος*. cf. Burm. 2 *Agrestem* Quintil. IX, 4 memoriae vitio ex Ecl. VI, 8 laudat; ubi hunc versum iterum apponit poeta; recepit Egnat. v. Pier. et Heins., utrumque apud Lucret. V, 1397. IV, 539. conf. Cerda, qui *silvas* ad rem pastoritiam, *agros* ad rem agricularum, referri docet; quod hactenus verum est, ut communi *agrestium* rerum vocabulo et pastorum vita comprehendi possit, ut v. 10 *calamo agresti*.

In interpretandis Bucolicis omnino maior difficultas est, quomodo copiam inutilem evites, quam novas opes afferas. Facta enim sunt ea fundus observationum grammaticarum et philologicarum certatim huc congestarum et accumulatarum. Inter haec tamen de singulis potius verbis aut sententiis laboratum erat, quam de carminum summa, argumento, et forma, nec quaesitum, convenientne illa satis naturae suae praescriptisque, quae ex ea ducta sunt, aut duci possunt. Venia itaque dabitur, si ad haec potissimum cum in

Argumentis praefixis, tum in singulis locis animum advertimus: ut tamen unicuique iudicium suum relictum esse velimus liberum.

1. Meliboeum puta, agendo gregem ante se, accedere ad Tityrum sub fago sedentem et fistula canentem. (In animadverss. ad Eleg. ad Messal. pag. 32. notaveram, ex hoc Virgilii versu subducta esse, quae auctor illius carminis vs. 17. canit, ita tamen, ut, quum idem versus ad imitationem Graeci carminis compositus sit, fago substituaturs quercus; quercus enim, pi-



Nos patriae fines et dulcia linquimus arva;  
 Nos patriam fugimus: tu, Tityre, lentus in umbra  
 Formosam resonare doces Amaryllida silvas. 5  
 t. O Meliboeë, deus nobis haec otia fecit.

3 *Nos p. f. nos d.* quartus Moret. et fragm. Moret. a pr. m. *linquimus*, quod e Cod. Mus. Brit. probat Wakef. ad Lucret. I, 275 est quoque in Parrhas. (recte *linquimus*, i. e. in eo sum, ut linquam. *Sp.*) *patrios fines* idem coni. Wakefield Silv. P. IV p. 62 ne *patriae patriam* se excipiant, et ut sit pro *paternos fines*. 4 *letus* Rottend., h. laetus, sollenni variatione. v. Burm. h. l. et passim alii. (Non in tristitia et hilaritate oppositio inest, sed in rapida festinatione pulsorum et lento otio Tityri; lentus est tranquillus, non commotus. cf. Turnebi Advers. I, 15. Burm. ad Ovid. I. p. 3. Broukhus. ad Tib. I, 5, 45. *Sp.*)

nus aliasque arbores amari a Siculis Arcadiisve pastoribus, non fagos. Cui observationi Spohnius opposuit in nott. mss. Theocr. XII, 8.: „σκιερὰν ὑπὸ φηγὸν Ἥελίου φρύττοντος ὁδοιπόρος ἔδραμον ὥς τις.“ Verum totum illud carmen Theocriti non est e genere bucolico. Adiicit Spohnius: „Fagum dicit pro natura loci; prope Mantuam et in agris Virgilio erant veteres fagi. cf. Ecl. II, 3. IX, 9. Haeserunt nonnulli, quod hodie nullae sunt prope Mantuam, ut Holdsworth et alii. Sed non meminerunt, XVIII. saecula interiecta esse. In Libano hodie cedrorum exigua silva; olim omnis iis abundabat.“ *Wr.*) Tityrum *silvestrem* — *Musam*, carmen pastoritium, (per silvas enim aestate greges pascunt Itali; cf. Ecl. VI, 2. *Wh.*) *meditari*, exercere, μελετᾶν, h. e. cantui eum vacare, indulgere, ait, et quidem *tenui avena*, ut culmus pro fistula sit. v. Ecl. III, 27. quod, nimis forte argute, ad genus carminis humile et *tenuis* referunt; quamvis eius notio ipsi naturae carminis bucolici subsit. Ornans epitheton *tenuis*. An satis conveniat

bucolici generis indoli *Musam meditari avena*, pronuntiare vix ausis, nisi usus exempla essent. Est tamen in Theocr. I, 20 καὶ τὰς βουκολικὰς ἐπὶ τὸ πλεόν ἵκεο Μώσας. Lucretium praevisse Maroni in noto versu: *Fistula silvestrem ne cesset fundere versum* constat. Et sequuti sunt alii bucolici; Nemesian. I, 27 *Sed quia tu nostrae Musam deposcis avenae*. 4. *Fugit*, ut in Graecis, φεύγει, etiam is, qui expellitur et exulat, ut h. l. Meliboeus. *lentus*, otiosus et securus. Serv. vid. Heins. ad Ovid. Her. XIX, 81.

6 — 10. *deus*, dominus Tityri, quem Romae adierat, quemque infra vs. 43 *iuvenem* appellat. Octavianum Caesarem declarari, Divi Iulii filium, dubitari nequit, quatenus Virgilius suam fortunam adumbravit sub Tityri persona. (Apud Pompon. Sab. est: *deus*, Augustus — „vel Roma, ut ait Apronianus;“ ergo et is his argutiis litavit?) Nunc tamen herus Tityri *deus* ipsi est beneficiis. Præior autem veterum sermo in hunc vocis usum fuit, ut eos, a quibus servati essent, deos et σωτήρας



Namque erit ille mihi semper deus; illius aram  
 Saepe tener nostris ab ovilibus inbuet agnus.  
 Ille meas errare boves, ut cernis, et ipsum  
 Ludere, quae vellem, calamo permisit agresti. 10  
 M. Non equidem invideo; miror magis: undique totis

7 *In semper* — *deus* nugantur Grammatici. vid. Pier. Benedictus in Ed. Flor. 1520. 8 *imbuit* Rottend. 9 *meis* Rottend. 10 *promisit* Zallich., sollemni errore. 11 *totis agris* Io. Schrader. in mss. coni. *notis*.

appellarent. (Qui dei nomine significatur, non est proprie Tityri dominus. Tityri, servi manumissi, iam senioris, persona Virgilius latet, sed, ut dixi in Prolegg., non ita, ut singula ad vivum resecari debeant. Fingitur autem Tityrus quasi villicus, i. e. qui praecesset toti familiae in villa domini, qui in urbem ire solebat ibique vendere, vs. 36., cui peculium erat, vs. 33., et contubernalis, vs. 5. et 31., quacum liberos gignere ei licebat. Cfr. Varr. R. R. I, 17, 5. 2, 14. Talem, neque vero servum ex infimo ordine, elegit Virgilius, cui sua tribueret. Virgilius abierat Romam. Interea Tityrus, ut ab hoc, domino, manu mitteretur, ipse Romam, ubi ille erat, abiisse, simulque de agris domino suo restituendis egisse fingitur apud Octavianum; uti Ecl. IX. Meliboeus Virgilii heri nomine alia agit. Hinc iam desinit mirum esse, quod nusquam domini fit mentio. *Sp.*) Per *otia* intelligit securitatem inter tantas turbas et tumultus bellicos. 7. Observa poeticam orationem, pro, *ei sacrificabo*, sollemnem tamen; ut apud Theocr. Epigr. I, 5 Βωμόν δ' αἰμάξει κερὰς τράγος οὗτος ὁ μαλλός. 8. *ab ovilibus*, nostri ovilis; et tum *ovile* pro grege. cf. Burm. (Spohn.

laudat Tib. II, 1, 57., ubi vid. etiam Huschk., et I, 10, 26: „Hostia erit plena rustica porcus hara.“ — *Inbuet*, sc. sanguine suo; collecto enim mactatae victimae sanguine ara conspergebatur. Ceterum bene Ruaeus notat, publica religione Octavianum coli demum ab ao. 718. devicto Sext. Pompeio coeptum; cf. Appian. l. V. *Wr.* — *nostris ovilibus*, sic villicus de iis, quorum cura sibi, possessio domino erat, ut Ecl. IX, 2. et 11. *Voss. et Sp.*) 9. Burmannus valde contendit, ita iungi debere, ut sit, *ipsum hoc, quod animi causa et tam securus canto*. Cic. XIII ad Attic. 28 *ut vivere ipsum turpe*. Multo tamen simplicius et pastore dignius, *ipsum me ludere permisit*. Mox *ludere* animi causa cantare. *Ludere* enim de omni re non gravi et operosa, ac de carmine tenui infr. Ecl. VI, 1 *Prima Syracosio dignata est ludere versu*.

11. *Non equidem invideo*. Κοῦτοι τι φθονέω Theocr. I, 62, quae forte verba hinc defendi possunt tamquam Maroni lecta. *miror magis* pro vulgari: sed potius; (*magis* i. q. *potius*, imo, Stat. Theb. I, 141. *Sp.*) non tam invideo, quam miror: usque adeo totis agris turbatur. (recte Spohnius: turbant milites omnia; minus

Usque adeo turbatur agris. En, ipse capellas  
 Protenus aeger ago; hanc etiam vix, Tityre, duco.  
 Hic inter densas corulos modo namque gemellos,  
 Spem gregis, ah! silice in nuda connixa reliquit. 15  
 Saepe malum hoc nobis, si mens non laeva fuisset,

12 *turbamur* multi et ipse Rom. v. Picr. et Heins. (Sic e codd. Parisiensibus ap. Pott. 2. et 3. *Wr.*), sed damnat iam Serv., et alterum confirmat Quintil. I, 4, 28. 13 *Protenus* nonnulli ap. Heins. et Burm., quos vide; vana disputatio; utriusque scripturae vis eadem; antiquior tamen scriptura *Protenus* corrupta per pronuntiationem *Protinus*. vid. Not. 14 *Hinc* Augustin. de Gramm. *Haec* duo. *corulos*: alii *corilos*, vel *corylos*. Nil refert; sed nullus dubito antiquam scripturam in his et similibus fuisse *u*: ex pronuntiatione autem fuisse comparatam cum Gr. *v*; hincque tot voces per *y* scriptas invasisse Latinum sermonem. Conversae inde fuere nonnullae in *i*: ut *lacrimae* pro *lacrumae*, cum factum esset *lacrymae*. *densos* Leid. a m. sec. 15 *a* al., ut fere semper in antiquioribus membranis; sciores *ha. in media* Cod. Nonii Marcelli. *Silice in nuda* notat Quintil. I, 6, 2 quod maluit poeta pro *nudo*. *connixa* sex MSS. antiquo more. v. Heins.

commode Voss. de turba fugientium accipit. *Wr.*) In prosa per *nam* vel *quum* efferendum erat; miror te tam tuto et tranquille agere, quum tantae undique in nostris agris turbae et calamitates exortae sint; quum immissi in nostras possessiones coloni nostros agros occupent, nosque depellant. (Vocabulis *adeo*, *tantus*, *talis*, *is* pro *tantus*, similibus, periodos duas ita coniunctas saepe videbis, ut *nam* commode omittatur. Sed illa tum vocabula plerumque in initio periodi, priori annexae, collocari, hoc autem loco verba *usque adeo* in principium vs. 12. poetarum more reiecta esse, ut *nimirum* ap. Iuv. VII, 78. et *scilicet* ap. eundem VII, 159. notabis. *Wch.* — Quibus adde Heynii notam in V. L. ad Aen. V, 404. et meam ad A. XII, 831. *Wr.*) *Ipse*, eiectus paternis bonis, affecto quamvis corpore (nisi *aeger* pro *aegre* accipias, ut Aen. V, 468. 432, quo ducit *hanc etiam vix*),

ago capellas, dum hinc migro etc. (*aeger* rectius de tristitia animi interpretantur Voss. Wunderl. Spohn. Iahn. et Doering. in Progr. Gothae 1824. 4. edito. Pro *aegre* ne accipiatur, notante Iahnio, vetat, quod statim subiicitur, voc. *vix*. — Pronomen *ipse* autem quam vim habeat, discas e Q. V. XVIII, 2, b. *Wr.*) 13. *Protenus*, porro tenuis, longe a finibus, Servius ait. Simpliciter accipiendum pro: ante se agere; opp. τῷ errare, vagari, quod fit, dum pascendi causa aguntur; at hic abiguntur. Unam vero ducit, fune trahit. 15. *connixa reliquit*, non modo *enixa est*; *reliquit*, maiorem etiam miserationem excitat: quod nec lacte alere nec secum ducere potuit. *silice in nuda*, non substratis herbis, Ge. III, 297 Edico — et multa duram stipula filicumque manipulis Sternere subter humum. 16. Bene haec ad superstitionem talium hominum dicuntur, cum adversi aliquid

De coelo tactas memini praedicere quercus.  
Sed tamen, iste deus qui sit, da, Tityre, nobis.

18.\*SAEPE SINISTRA CAVA PRAEDIXIT AB ILICE CORNIX.\*

17 *De coelo memini tactas* Menag. 18 Versus hic a vetustioribus, etiam a multis serioribus, ut a nostris, fere abest; eiectus a Naugerio in Ald. tert. et iam ante ab Egnatio; adsutus et adumbratus ex Ecl. IX, 15. v. Heins. et Pier., in cuius binis erat *dicebat ab ilice*. omisit versum nunc ed. Parmensis. Et 18. 19. aberat a Monac. 2. (Merito critici et antiquiores et recentiores versum 18. eiecerunt; etiam a Parisinis Codd. abest omnibus. Praeterea iure taxat Spohnius, quod, quum proximo vs. praecessisset *praedicere* et *quercus*, statim inferatur *praedixit* et *ilex*. Wr.) 19 *quis sit* septem Codd. ap. Heins. tres Burm. cum Goth. pr. Sed v. Heins. ad Ecl. II, 19 et passim alios. (*quis sit* Parisini 8. 11. 14. vid. Q. V. XXII, 1 et 4. Wr.)

iis accidit. Debuisset se hanc calamitatem praevidere ait ex arboribus frequenter fulmine tactis: quod est inter ostenta. In *quercubus* ceterisque Servius aliique Grammatici hic argutantur. *laeva mens*, stupida, tarda. ut iterum Aen. II, 54 *si mens non laeva fuisset*. Horat. Art. 301 *O ego laevus* etc. contra *dexter ingeniosus* et *dexteritas*. 19. (*Sed tamen*: haec formula declarat graviolem oppositionem, quam simplex *sed* aut *tamen*. Propterea hoc utuntur tum, ut post longiorem enunciationem insertam sensum, illa interposita distractum aut obscuratum, revocent; tum, ut, postquam ad alia deflexerat oratio, his missis, illud urgeatur, quod aut idem, qui loquitur, aut alius quis antea dixerat. Sp. Similis huic locus Ge. I, 79.: „*Sed tamen* alternis facilis labor;“ quae verba referenda ad vs. 71. Praeterea tenendum, his particulis iungi interdum res plane diversas, ut Ge. I, 305.: „*Sed tamen* et quernas glandes tum stringere tempus;“ i.e. hieme non solum fruuntur parto agricolae, sed procurant etiam quaedam. Aen. III,

541.: „*Sed tamen* idem (*equi, bellum portendentes*) olim curru succedere sueti: Spes et pacis.“ Porro urgent hae particulae sententiam iam ante explicatam: Cic. de Orat. II, 32. ed. Schuetz.: „*sed tamen* hominum est multitudo, non criminum infinita;“ sc. uti saepius iam dixi. Denique non est praetereundum, *sed tamen* interdum elliptice dici, hunc in modum: Ecl. IX, 55.: „*Sed tamen* ista satis referet tibi saepe Menalcas.“ i. e. sed non fraudare his; nam etsi ego oblitus sum, tamen Menalcas ea tibi referet. Cic. de Orat. II, 35.: „quae quidem omnibus, qui ea mediocriter modo considerarint, studio adhibito et usu, pertractata esse possunt; *sed tamen* animus referendus est ad ea capita,“ etc. i. e. sed quamquam pertractata esse possunt, tamen animus etc. ibid. paulo inferius: „non possum equidem non ingenio primas concedere: *sed tamen* ipsum ingenium diligentia etiam ex tarditate incitat.“ Nubem explorum vid. ap. Santen. ad Terent. Maur. vs. 754. — De vi Pronom. *iste* vid. Q. V. XVIII, 1. Wr.) *da*, ede, dic, edissere,



τ. Urbem, quam dicunt Romam, Meliboeae, putavi 20  
 Stultus ego huic nostrae similem, quo saepe solemus  
 Pastores ovium teneros depellere fetus,  
 Sic canibus catulos similis, sic matribus haedos  
 Noram; sic parvis componere magna solebam.  
 Verum haec tantum alias inter caput extulit urbis, 25

21 *qua* Moret. un. a m. sec. *quoi* coni. Burm. qui haerebat in notione τοῦ depellere, ut esset: in cuius urbis gratiam, commodum et facilitatem victus, nos saepe lacte depellere solemus. vid. Not. 22 *deducere* unus ap. Torr. ad Hor. IV Od. 2. 23 *Sic catulos canibus* nonnulli; et *agnos* pro *haedos* nonnulli ap. Burm. 25 *Haec inter alias tantum* Franc. *tantum inter alias* Goth. pr. *altas* coni. van Hoven Campens. III, pag. 224.

ut *accipe*, audi, Aen. II, 25. *Serv.* (Cic. Acad. I, 3, 10: „Sed da mihi nunc: satisne probas?“ Terent. Heautont. prol. vs. 10.: „paucis *dabo*.“ Val. Flacc. V, 219.: „Thessalici *da* bella ducis.“ Stat. Theb. VII, 315.: „Asopos genuisse *datur*“ i. e. traditur. Claud. de raptu Pros. III, 337.: „pater post proelia praedam Advexisse *datur*.“ Ovid. Fast. VI, 434.: „Aeneas eripuisse *datur*.“ *Sp.*) Notent in iis, quae sequuntur, tirones longas narrationis ambages pastoris imperitiae non male convenientes, ut ne (v. c. cum nupero *Poetices Gallicae* auctore, acutissimo homine, Marmontelio, *Poetique Françoise* T. II, p. 85. 86.) hoc vitiose fieri putes. Debebat narrare, se libertatis petendae caussa Romam venisse et cum hac, ut tuto greges pascere posset, a domino impetrasse: haec v. 34 sequuntur.

20. Adit Tityrus Romam, cum alias tantum ad vicinum oppidum excurrere soleret. 21. *huic nostrae*, Mantuae, quo agnos agere solemus. *depellere* forte nimis violentum, nam por-

tantur a pastoribus agni tenelli; ait Burmann. Verum ii, qui iam a lacte remoti Ianio tradi debent, haud dubie agi et depelli possunt. Servius a lacte remove re interpretatur, qua de re proprie *depellere* Ecl. VII, 15. III, 82. Ge. III, 187; quo tamen sensu additur fere *depulsus ab ubere, lacte*. aut ipsa res eo ducit. Calpurn. II, 47 *Ne depulsa vagos quaerat fetura parentes*. Sed *depellere* dixit pro pellere, agere; sic *compellere* Ecl. II, 30. ἐλαύνειν totiés ap. Theocr. pro ἄγειν. ut statim III, 2 τὰ δὲ μοι αἴγες βόσκονται κατ' ὄρος, καὶ ὁ τίτυρος αὐτὰς ἐλαύνει. (Andes vicus erat Mantuanus, ab urbe tribus passuum millibus distans; ipse in loco editiore, et ager Virgilianus prope Mincium fluvium, qui iam ad lacum dilatatus, ad radices montium. Quum igitur ex hoc loco editiore, uti iam patet e fluvii cursu, qui inde deorsum ad urbem fluebat, deorsum abigere deberent pastores pecus, ut in urbem venirent, intelligitur, proprie h. l. dici *depellere*. Plin. H. N. II, 78.: „in inferas partes *depelli*.“ Sil.



Quantum lenta solent inter viburna cupressi.

M. Et quae tanta fuit Romam tibi caussa videndi?

T. Libertas: quae sera, tamen respexit inertem;

### 28. QUAE,

26 *virgulta* quartus Moret. 27 *Ecquae* olim aliquae vulgg. ap. Fabric. Nam *Et quae* statim ab Aldo editum. 28 *Libertas: quae, sera, tamen r.* Alii aut non distinguunt, aut: *quae, sera tamen, r.* (*sera, tamen, sero* quidem, sed venit tamen; ὅψῃ μὲν, ἀλλ' ἤϊθεν. Et *tamen* saepe sic ponitur, ut omis- sum sit in antecedentibus aut *etsi, quamvis* et similia, aut *quidem*. Propert. III, 4, 5.: „Sera, sed Ausoniis veniet provincia virgis.“ Prop. III, 15, 35.: „Sera, tamen pietas.“ De omisso *quidem* Cort. ad Sallust. Cat. c. 52. et 61. *Inertem* male ad senilem inertiam atque ad aetatem referunt; explicat ipse vs. 32 sq. sibi non curam peculii fuisse dicens. *Sp.* — Comma, quod erat ante *sera*, delevi. *Wr.*)

Ital. IX, 396.: „silicem, quem montibus altis *Depulerat* torrens.“ *Sp.*) 26. *Viburna* sunt fruticis s. virgulti genus flexile et lentum in saepibus obvium, vien- dis h. ligandis fasciculis utile. vid. Cerda. *Viorne, Wald-Rebe, Klein Mehlbaum*. Aiunt esse *Vi- burnum Lantana L.* (Vössio etiam *Schlingbaum, Wegeschlinge, Faulbaum* dicitur. *Wr.*)

28. *Libertas*, h. libertatis obtinendae spes ac desiderium. Ut nihil de ineptis huius loci in- terpretationibus dicamus, quas ipse Burman. sequitur, quam- quam vix omnia ad liquidum perducere possunt, verba tamen nullum alium sensum suppedi- tant, quam hunc: Tityrus intel- ligendus est esse aliquis ex ser- vis, quorum Romani tantum nu- merum in fundis suis et agris ha- bebant, quibus sive agrorum sive pecudum cura inadata erat. Hoc pastorum genus isto tem- pore, quo latifundiis occupata erat Italia, conf. Plutarch. in Gracch. pag. 828 A. Appian. de B. Civ. I, c. 7, per omnem Ita- liam erat frequentissimum. Ne-

que alius Corydon Ecl. II, 1. Sunt quidem et apud Theocr. V Comatas et Lacon, uterque ser- vilis conditionis; quamquam aliis in locis ipsi domini gregum loqui et canere intelligendi sunt. Sed in Italia villici, et quicumque in agris essent, non facile alia quam servili conditione aut libertini fuisse videntur. Qui homines an recte in pastortio carmine, quod sensibus nostris nil praeterquam amoenissimam quamque et sua- vissimam vitae rusticae speciem exhibere debet, a poeta excitari potuerint, nunc non disputo; sed ii homines, si peculium sibi satis magnum parassent, pretio dominis soluto in libertatem se vindicare poterant. Nota res, de qua nemo facile dubitet. Sub- ministravit tamen vir doctiss. auctoritatem Lipsii ad Tac. XIV, 42. Burman. ad Petron. 75, et Ovid. Am. I, 8, 63. cf. Apulei. Met. VIII, 43. Iam iisdem ho- minibus, nunc libertis suis, he- rus poterat greges suos commit-tere, certa mercede dicta; unde pastores mercenarios memoratos legimus. Tityrus, qui per mul-

Candidior postquam tondenti barba cadebat;  
Respexit tamen, et longo post tempore venit, 30

30 *R. tandem* Cod. Köler., non male. Sed totus versus tam scaber est, ut vix eum a poeta profectum, sed e margine illatum esse putem. Respicit locum Propert. II, extr. 71. 72. v. ad Vitam Virgilii a. 717. (Satis frequens est hoc genus *ἐπαναφορὰς* apud poetas Latinos; et Virgilio quoque familiare esse, disci potest ex Weichert. Dissert. de versibus iniuria suspect. p. 94. etiam ex iis, quae adnotavi ad Eleg. ad Messal. p. 13. Et si scabrum hunc versum eiciendumque Heynius censet, quid magis scabrum et insulsum hac oratione: „Candidior postquam tondenti barba cadebat; Postquam nos Amaryllis habet, Galatea reliquit.“ Sed aliud quid haud dubie obversatum animo Heynii; sed quale hoc esset, non perspexit. Attingit rem Spohnius, vituperans eos, qui hanc verborum collocationem *longo post tempore* tanquam novam, aut minus usitatam reprehendant, simulque ostendens, non solum poetas, sed etiam solutae orationis scriptores ita locutos esse. Immo hic verborum positus sollemnis in prosa, adeo ut ab usitata loquendi ratione recedat, si scriptum ita fuerit *longo tempore post*, nisi ubi *post* cum accusativo iunctum, aut ubi *quam* sequitur. Idem valet de part. *ante*. Sed illud insolitum dixeris et novum, quod, quum alias eiusmodi formulae tempus ad aliquam rem certo aliquo tempore vel factam vel faciendam exigant, hoc loco nulla videatur institui diversorum temporum comparatio. Tribuendum hoc scilicet communi hominum viliori sorte utentium, qualis Tityrus, negligentiae, quam pulcre imitatur h. l. Virgilius; et comparare putandus est Tityrus suae servitutis diuturnitatem cum usitato adipiscendae libertatis tempore; quam quidem industrii ac diligentes qui fuerint, post quintum servitutis annum, aut maturius, adeptos refert Vossius, vocato in testimonium Cicerone Orat. Philipp. VIII, c. 11.: „Etenim, P. C., quum in spem libertatis sexennio post simus ingressi, diutiusque servitutem perpassi, quam captivi frugi et diligentes solent:“ etc. Quanto post igitur Tityrus, senilem iam aetatem ingressus! *Wr.*)

tos annos, dum Galateae amori indulserat, peculii parum diligentem rationem habuerat, iam senex factus, cum Amaryllidem, quae frugalior et parcior erat, amicam haberet, ut libertatem sibi compararet, Romam ad herum suum profectus est. Iam de libertate quidem, quam obtinuerat, iam v. 28. 29. 30 memoraverat; facilitatem tamen heri et humanitatem maximam expertum esse se significat, in primisque illud obtinuisse ait, v. 46, ut tuto ac libere greges suos pascere posset. *quae, sera, tamen* r. quae, etsi sero, tamen aliquando mihi contigit, ut v. 30 repetitur. *Respicere* de Libertate, ut proprie *Fortuna respi-*

*ciens*. A deorum signis hanc designationem ductam esse, existimat Spencius Polymet. p. 155, nimis argute. *Pietas labores humanos respicit* Aen. V, 688. (vid. Spohn. in V. L. *Wr.*) — (29. *Candidior*, quod alii aliter explicant, referendum ad aetatem Tityri, qui vs. 47. senex dicitur. *Sp.* — Similiter Iuvenalis sensum: *olim tonsor meus* expressit I, 25.: „quo tondente gravis iuveni mihi barba sonabat.“ *Wch.*) 30. *Respexit tamen, et longo post tempore venit*. Singula ad declarandum tempus, quo libertatem obtinuit, valere debent. In senectute *barbam* memorat, quia libertatem consequutus eam deponit. Contigit tamen, inquam,

Postquam nos Amaryllis habet, Galatea reliquit.  
 Namque, fatebor enim, dum me Galatea tenebat,  
 Nec spes libertatis erat, nec cura peculi.  
 Quamvis multa meis exiret victima saeptis,  
 Pinguis et ingratae premeretur caseus urbi: 35

### 33. PECULI

31 *Galatea*, Γαλάτεια. male in multis *Galathea*. 34 *saeptis*, Hanc scripturam h. l. vix duo Reg. et Mentel., in aliis locis antiquiores agnoscunt. Nonnulli (*Wakefield. Wr.*) distinguunt post *pinguis*, ut sit *victima pinguis*, ut Ecl. VI, 4. At sic alterum, *caseus*, subiiceretur sine epitheto: quo extenuatur oratio: poetae itaque prius sine epitheto relinquere solent, alteri epitheton addere. (Colum. VII, 8.: „Is (*caseus*) si tenui liquore conficitur, quam celerrime vendendus est, dum adhuc viridis succum retinet: si pingui et opimo, longiorem patitur custodiam.“ *Sp.* — Copula *et* autem non ita raro postponitur uni vocabulo a Virgilio; cfr. Ge. I, 304. 402. Aen. I, 35. 333. III, 430. 668. IV, 124. VIII, 517. XI, 367.; duobus XII, 381; sed idonea cum excusatione. *Wr.*) *erraret victima* Parrhas.

libertas, et multo post mihi data est, *postquam*, ex quo tempore, a Galatea relictus, in Amaryllidis, conservae (quam v. 3 carmine recolebat, et quae moerore suo ex Tityri absentia amorem suum prodebat vss. 37 sqq.), contubernio sum. Amicane illa proprie dicta, an quae in contubernio esset, Romano sensu, quandoquidem servorum non coniugium erat, sed contubernium, non dicam. *longo post tempore*, ut v. 68 iterum. Sic *tanto post* Ge. III, 476. Fatendum tamen, insidere his nescio quid invenisti et incomiti: cf. V. L.; (ibi iam omnis scrupulus animo tuo eximetur. *Wr.*) quamquam et alia nonnulla in hoc primo carmine paullo ieiunius dicta videri possunt. Multo vero magis inficeta haec sunt, si cum aliis per alteram amicam, Mantuam, per alteram, Romam declarari pronunties.

34. Quamvis iuventus unus

et alter ex meis armentis deductus venderetur in urbe, aut eo deportarentur a me casei. Habuit autem Virgilius in animo Catull. XX, 10 — 13 (al. CXIV), si quidem Catulli carmen est. Georg. III, 400 *Quod surgente die mulsero horisque diurnis, Nocte premunt: quod iam tenebris et sole cadente, Sub lucem exportans calathis*, adit oppida pastor. (Fronto: „Victima maior est; ut vitulus; hostia minor; ut agnus.“ *Sp.* — Leguntur haec apud Front. in Different. Vocabulor. *Wr.*) 35. *ingratae*, quod nihil inde argenti referret, v. seq. Burmannus nimis argute exponit: *Mantuae iam non gratae, postquam occupata a veteranis, novis colonis*. Martinus pro *infelici* accipiebat. (*ingratam* comica morositate dicit: non tantum dedit, quantum mihi videbatur, et quanto opus erat ad ornatum Galatae. *Sp.* Hanc explicatio-



Non umquam gravis aere domum mihi dextra redibat.  
 M. Mirabar, quid maesta deos, Amarylli, vocares;  
 Cui pendere sua patereris in arbore poma.  
 Tityrus hinc aberat. Ipsae te, Tityre, pinus,  
 Ipsi te fontes, ipsa haec arbusta, vocabant. 40  
 T. Quid facerem? neque servitio me exire licebat,  
 Nec tam praesentis alibi cognoscere divos.

37 pro *Amarylli*. al. *Galatea*, ita malit Cerda; inani allegoriae servandae studio. (Male *Galatea*; quod vel ex vs. 32. sq. intelligitur. Miratur Meliboeus eam, quae neglexerit opus; id solebat *Galatea*; in hoc igitur nil mirum; sed mirum in *Amaryllide*. Sp.) 38 *mala* Rom. a pr. m. et in alio scriptum *poma* in rasura. 39 *Tityrus hinc aberat ipse* Goth. pr., perperam.

nem praefero ei, quam *Palda-*  
 mus ad Propert. p. XLVI. pro-  
 posuit: „*ingrata urbs*, i. e. ne-  
 gligens accepta et mox consu-  
 mens, et ideo semper nova  
 poscens.“ *Wr.*) Ceterum similia  
 sunt illa Moreti 81 *Nonis-  
 que diebus Venales olerum fasces  
 portabat in urbem; Inde domum  
 cervice levis, gravis aere, redi-  
 bat.* (cfr. etiam Wunderl. Ob-  
 serv. in Tib. I, 5, 67. *Wr.*)

37. Nunc in animum revocat  
 moerorem *Amaryllidis*, cuius  
 caussam ignorabat tunc *Meli-  
 boeus*, nunc facile assequitur.  
 Ceterum desiderium *Tityri* ab-  
 sentis bene poeta exprimit; quod  
 vero subiicit 39: *Ipsae te, T.*,  
 etsi bucolici carminis nota figura  
 est (sic apud Theocr. IV, 12),  
 ab hoc tamen loco, si recte iu-  
 dico, aliena est. Quorsum enim  
 nunc hoc, cum de *Amaryllidis*  
 desiderio agebatur? (*H. Vossius*  
 statuit, omnia resonasse vocibus  
 desiderio absentiae moerentis  
*Amaryllidis*; cui interpretationi  
 favent verba Propertii I, 18,  
 f.: „*Sed qualiscunque es, reso-  
 nent mihi Cynthia silvae, Nec  
 deserta tuo nomine saxa vacent.*“

*Wch.* — Nihil erat, quod in his  
 reprehenderet Heynius; neque  
 Vossium et Wunderlichium recte  
 statuuisse de sensu horum verbo-  
 rum puto. Nam ut omnino af-  
 fectus hominum in Bucolicis ad  
 ipsam naturam, arbores, fontes,  
 transferri solent, ita hoc loco  
 desiderium, quo *Amaryllis* affe-  
 cta erat, etiam arbores, fontes,  
 omnisque locus iste sensisse nar-  
 rantur. Aut quid faciendum erit  
 hisce: Ecl. X, 13. sqq.: „*Illum  
 (Gallum) etiam lauri, etiam fle-  
 vere myricae; Pinifer illum etiam  
 sola sub rupe iacentem Maenalus  
 et gelidi fleverunt saxa Lycae.*“  
 cf. etiam Mosch. III, 29. sqq.  
 Ceterum de significatione pro-  
 nom. *ipsae* vid. Q. V. XVIII,  
 2, a. Recte autem negat *Spoh-*  
 nius, verba *haec arbusta* de ar-  
 boreto cum vitibus, quae est  
 Vossii sententia, capienda esse;  
 fruticeta significari, ex vss. 2.  
 14. sq. apparere. *Wr.*)

41. *Quid facerem?* necessa-  
 rio mihi Romam proficiscendum  
 erat, nulla *Amaryllidis* querela-  
 rum ratione habita, cum neque  
 libertatem recuperare alibi, ne-  
 que tam praesentes h. propitios,



Hic illum vidi iuvenem, Meliboeae, quotannis  
Bis senos cui nostra dies altaria fumant.

43 *quot annis* divisim antiquiores. v. Pier.

faventes (v. Cerda) deos, tam praesens eorum beneficium, alibi experiri possem. 43. Hac in urbe herum meum vidi, tam munificum et lenem, ut eum pro deo colere decreverim. Non enim eum diversum facere videtur a iuvene. Dicta haec esse respectu ad Caesarem Octavianum habito, dubitari vix potest. Nectamen sunt nimium urgenda: alioqui dicendum esset, Octavianum possessiones in agro Mantuano habuisse, in quo Tityrus esset. (Herus, Virgilius, Romae tum fuit; Tityrus est senex villicus; Octavianus deus et iuvenis. Tityrus ut servus ab hero, Virgilio, libertatem impetravit, ut villicus ab Octaviano immunitatem et integritatem agrorum, quorum curam herus ei mandaverat. Sic omnes difficultates, quae interpretes vexant, remouentur; alioqui, si Tityrus aut ipse Virgilius, aut si idem et herus et deus, haec explicari nequeunt. *Sp.* — Res ita cogitanda: Virgilium, herum, voluntatem *iuvenis*, Octaviani, erga se benignam de agro servando tum aperuisse. *Wch.* — Equidem in his servi herique personas ita iunctas putaverim et mixtas, ut omnis eas accurate inter se discernendi conatus irritus sit et inanis. Certe, quae vs. 47. sq. Meliboeus servo dicit, quis non videt, ad herum esse referenda? *Wr.*) Ei se mensestruis sacris litare velle ait. cf. v. 7. 8. *fumant* pro fumabunt.

(Falsum hoc; iam enim coeperant fumare. Nam Tityrus mense Iulio aut Sextili ineunte Romam abierat; quod iniecta vs. 39. initium pomorum commemoratio indicat. Atqui hoc colloquium Octobri exeunte habitum fingitur; vid. not. ad vs. 82. Quod autem deus vocatur Octavianus, ao. 725. demum deus et appellari et coli coeptus est; ac primum quidem ipse Pergami et Nicomediae sibi templa strui permisit. At vero (1) iam ao. 712. Kal. Ian. *ἡμίθεος* habitus Iulius Caesar et Divus dictus, Octavianus autem se Divi filium appellabat. (2) Romani iam prони ad tales honores Iulio Caesari tribuendos, dum in vivis erat. (3) Octavianus tum potestatem summam habebat eamque graviter exercebat in Italia. Antonius maiore quidem ibi auctoritate et gloria militari florebat; sed ille aberat in Asia; hinc penes Octavianum erat arbitrium rerum gerendarum. Asinius autem iam discesserat e provincia, quae quidem valde favebat Octaviano, ut postea videbimus. Atque (4) omnino veteres sic de potentioribus; ut Graecos mittam, Horat. Serm. II, 6, 52.: „deos quoniam propius contingis;“ i. e. Octavianum, Maecenatem, Agrippam etc. Epist. I, 19, 43.: „Iovis auribus ista servas.“ vid. Arnald. Lect. Gr. p. 177. Iacobs Anthol. Gr. T. VIII. (an XI? *Wr.*) p. 191. et infra Ecl. IV. Pollionis puerum

Hic mihi responsum primus dedit ille petenti: 45  
Pascite, ut ante, boves, pueri; submittite tauros.

45 *Hoc* reposuit Wakef. et necesse esse ita legi pronuntiat. *primum* Longob. Pierii. 46 *greges* Menag.

deorum sobolem dici videbimus. — Colit autem Tityrus Octavianum, ut Larem domesticum; Horat. IV, 5, 34.: „et Laribus tuum miscet nunen;“ hinc ei bis senos dies fumant altaria, non continuos quidem, sed singulis mensibus, Kalendis quidem, aut Nonis, — quas omittit Servius — aut Idibus: Cato de R. R. — a Voss. laud. — c. 143, 2.: „Kalendis, Idibus, Nonis, festus dies cum erit, coronam in focum indat; per eosdemque dies Lari familiari pro copia supplicet.“ (*Sp.*) 45. Hic, cum Romae essem ipsumque herum adiissem, primum tuli responsum illud, h. facultas nobis data est, ut nos pueri, verna, servi, libere pascere et tauros submitteremus. Color similis carminis Agathiae: Analect. Brunck. To. III, p. 46. XXXVII. *Responsum* non nunc eo sensu, quo oracula hinc iussa dicuntur: nec tam magnifice, quam apud Horat. C. S. 55 *Iam Scythae responsa petunt*: sed simpl. respondit petenti, annuit. (Quo sensu voc. *primus* accipiendum videatur, expositum Q. V. XXVIII, 5. *Wr.*) *Submittite tauros*. Varie interpretes exponunt. Servius cum aliis: iugo submittere ad arandum: recte, modo *iugo*, *aratro*, aut simile quid adiunctum esset; etsi vel sic a pastorum persona alienum foret. *Submittere* est alere ad gregem supplendum; nam sub-

iunguntur reliquis et aggregantur ii tauri, quibus grex supplementur. Ge. III, 73 *quos in spem statuas submittere gentis*. cf. 159. v. Burm. h. l. Gesner. in Thes. *Submittere* enim esse mittere in alterius locum, supplere, dubitandum plane non est. An dictum esse possit pro: *tauros admittere*, dubitare licet. Femina submittitur, non taurus bovi, ut *submittere equas* Pallad. Mart. 13, 65 *submittendae tauris vaccae*, idem Iul. 4, 1; *in feturam submitti possunt vaccae* ibid. Nemesianus tamen dixit Cynege. 114: *Huic* (cani feminae) *parilem submitte marem*: aliud autem exemplum nondum vidi. Nisi et ibi est submittere ut admittatur. v. Ulit. ad e. l. Theocritus IX, 3 eadem forma uti videtur: *Μόσχως βωδῖν ὑφέντες, ὑπὸ στείλαισι δὲ ταύρωσ;* etsi et hic dubia lectio est, cum in aliis ἐπὶ στ. sit; et vix ὑφίεναι eodem versu duplici sensu dixit poeta, ut et sit *vitulos uberibus matrum admove* (ut vulgo ea vox adhibetur, v. c. IV, 4 *ἀλλ' ὁ γέρων ὑφίησι τὰ μόσχια*), et *admittere vaccis taurum*. Debebat ad e. l. audiri Reiskius, nimium interduum neglectus. (Res rustica duabus maxime continetur rebus, re pecuaria et agri cultura. Bene igitur haec iuncta, si *tauros submittere* de aratione explicabitur. Neque hanc alienam a suis pastoribus censuisse Virgilium, quum aliunde patet, tum ex ipsius hu-

**M. Fortunate senex, ergo tua rura manebunt !  
Et tibi magna satis; quamvis lapis omnia nudus**

48 Ex hoc et v. 52 expressus v. 11 in Epigr. 177 Anthol. lat. I, 1 *Haec tibi semper erunt, hic inter flumina nota* etc. Totum carmen ex Virgilianis versibus est contextum.

ius Ecl. vs. 71. sq. *Tauros* autem *submittere* dictum volo pro *domare tauros*, sc. ut iugum ferre discant. Cui explicationi favent ea, quae leguntur apud Rutil. Itiner. I, 142.: „Submittant trepidi perfida colla Getae.“ De supplendo grege si capias, vide, ne dicendum fuerit *iuvencos submittere*, non *tauros*; tauri enim iam adulti, non submittendi igitur, sed iam submissi. *Vitulos submittere* Ge. III, 159. *Wr.*)

47. *Ergo tua rura manebunt* tibi, non eripientur, et ea quidem *satis magna*, ad pascenda armenta. (Verba *tua rura manebunt* explicanda ex formula in iudiciis sollemni: *meum est*. Vid. Brisson. de Form. et Soll. P. R. Verbis I. V. §. 19. Sic infra Ecl. IX, 4.: „Haec mea sunt: veteres migrate coloni!“ cf. etiam Ecl. III, 23. Hinc gravius pronuntiandum pronomen *tua*, non verbum *manebunt*. *Wr.*) Quae sequuntur, varie interpungi et exponi possunt. Aut ut nova sententia fiat: *Quamvis — obducat pascua iunco: Non* (tamen) *insueta g.* (Ita Wakefield. qui comma post *iunco* posuit. *Wr.*) aut ut cum antecedenti iungas: *et tibi magna satis, quamvis lapis — iunco. Non i.*, ut sit sensus: *manebunt tua pascua, satis tibi magna, quamvis lapis et palus omnia obducat*. Iam hoc duplici potest modo dictum esse, aut ut ager

ille Tityri saxosus et palustris sit; aut ut inter aliorum agros saxosos et palustres pascua Tityrus habeat satis bona et tolerabilia. Hoc praeferam, ut neglectum culturae agrorum colonis suis creptorum ea res arguat. Scilicet haud dubie haec dicta sunt cum respectu fortunae istorum temporum. Prioribus dominis crepti agri a veteranis male culti sentibus horrebant, lacunis et paludibus erant obducti: id quod multo magis ita se habere debuit in agris ad Mincium fl. sitis, cuius et stagnatione et frequenti exundatione paludes facile existere poterant; erant autem Maronis agri a clivo inde collis ad eum fluvium siti, quibus adiacere debuere alii eodem situ eademque conditione: Ecl. IX, 7. VI, 12. Ge. III, 14. 15. II, 198. 199. Aen. X, 205. 206. Nunc igitur Meliboeus pergit v. 50 comparare suam calamitatem: cum, inquit, a meis agris discedendum mihi sit: neque ex partu male affectas capellas conveniente pabulo reficere, neque, cum mihi illae, qua sors dabit, agenda sint, satis cavere iis possum, ne in greges contagio, quod v. 51 *malum* h. noxium dicitur, tactos, aut in infecta saepta incidant. Sic etiam in sqq. istius sortem cum sua comparat. (Virgilianus ager describitur, partim ad radices montium saxosorum et silva tectorum situs, partim



Limosoque palus obducat pascua iunco.

Non insueta gravis tentabunt pabula fetas;

50

49 *obd. omnia* ms. Köler. e sup. versu. 50 *pascua* nonnulli ex antec. Pro *fetas*, aut ut vulgo male scribitur (est enim a feo) *foetas*, nonnulli cum Goth. sec. *foetus*, ut sint agni.

ad ripam Mincii fluvii, qui exundans et stagnans quaedam paludosa fecerat. Sed attenuantur opes artificiose per vicinum Meliboeum, 1) ut adsit fides, absit invidia; 2) ut Virgilius paucis contentus videatur; 3) ut militi non larga possessio, sed tenuis et macer agellus ereptus videatur. *Sp.*) 50. *gravis* — *fetas* dixit, ut *fetas* intelligas enixas, partu liberatas, ut saepe: vide vel Burm. ad Sammon. c. 13. cf. Gesner. Thes. h. v. Eo sensu *feta vulpes* ap. Horat. III, 17, 4, ut recte Bentleius accipit. *Gravis* h. aegras e partu. (*Gravis* sane interdum pro *gravidus*; Aen. VI, 516.: „fatalis equus — armatum peditem *gravis* attulit alvo.“ I, 274.: „sacerdos Marte *gravis*.“ Sed h. l. *graves* i. q. *languidas*, *aegras*; ut ap. Horat. Ep. 2, 57.: „*gravi* malvae salubres corpori.“ Cic. ad Sen. post red. 6.: „*graves* oculi eorum, qui nondum edormivere crapulam.“ *Fetae* autem prima significatione sunt *gravidae*; quod verum esse, docent frequentes metaphorae: Cic. de Nat. D. II, 62.: „terra *feta* frugibus.“ Ovid. Ep. ex P. I, 7, 13.: „regio nec pomo *feta*, nec uvis.“ Virg. Aen. II, 238.: „*machina feta* armis.“ Sic furore, ira, bello *feta*, i. e. plena. Iam latiore sensu *fetae* dicuntur etiam enixae, partu levatae, ut *fetura* conditio ante

et post partum: Varr. R. R. II, 1. Colum. VII, 3. Hic quidem *gravidae*, in utero habentes, ut Ecl. III, 83.: „Dulce — *Lenta* salix *feto* pecori.“ *Sp.* — Sed compara cum his, quae paulo post allaturus sum. *Wr.*) *Tentare* de morbis proprie. Ita non necesse cum aliis distinguere post *pabula*, et *graves*, *gravidas*, *fetas* autem, quae peperere, intelligere, ut Cerda fecit. *insueta* tandem *pabula* vel quia ignarum pecus non sentit noxias herbas esse quas depascit: (cf. Becman. ad Antigoni hist. mirab. c. 20 extr.) vel omnino, quia corporibus infirmis ea non salubria sunt, quibus non adsueverunt. (Ut haec recte intelligantur, tenendum est, suarum pecudum respectu ea dici a Meliboeo. Qui quum ipse capram modo enixam, aegram igitur e partu, duceret, cfr. vss. 13. sqq., accedebat id incommodi, ut ex alio in alium locum depulsae capellae semper mutarent pabula; quod perniciosum esse, aegris maxime, satis constat. Non ea sortis iniquitas premebat Tityri gregem. Neque etiam verendum erat Tityro, ne suus grex, non coactus extra consuetos fines vagari, ex vicinia contaminatorum gregum detrimenti quid caperet. Iam vss. 50. sq. ita cum vs. 52. cohaerent, ut particula adversativa *sed* omissa sit. Sic demum suam vim nanciscitur vo-



Nec mala vicini pecoris contagia laedent.  
Fortunate senex, hic inter flumina nota

51 Non Schol. Iuven. II, 81. Ne mala — laedant Charis., male. 52 intra Goth. sec.

cula *hic* vs. 52. Et quum e vulgari ratione oratio sic esset instituenda: Non tu exulans a paterno rure gregis tui perniciem videbis; sed hic tuis frueris commodis securus: poetica et vi et copia ita insigniter haec adornavit Virgilius, ut locus hic, tenerrimi affectus plenissimus, in paucis suavis sit ac iucundus. Hinc etiam patet, recte post vs. 49. punctum poni. Vid. etiam Voss. *IVr.*)

52. *Flumina nota* Mincius et Padus; quorum prospectus ex eo loco esse potuit: nescio saltem, an de situ horum agrorum, de quibus hic agitur, satis constet; Mincius, ex lacu Benaco ubi processit, non longe a Mantua lacus fit quinquies mille passuum, mox aliquantum progressus Pado se iungit. Iucundus vero ille tractus et bonus pascuis. v. Georg. II, 198. 199. Ab aliis tamen flumina de campestribus rivis istius loci accipi video. Subiunguntur sane *fontes*; durum tamen altera ex parte, in regione intra Padum et Mincium sita *flumina* si memorentur, de rivis potius, quam de illis proprie fluminibus dictis esse cogitandum. (*Flumina nota*, ex poetarum loquendi ratione, non possunt esse alia, quam ad quae venire Tityrus, ad quae gregem compellere solebat, non, ad quae prospectus tantum patet; consuetudinis enim frequentisque usus, atque inde ortae caritatis, no-

tionem sustinet hoc vocabulum, ut Aen. II, 256.: „Litora nota petens.“ III, 657.: „inter pecudes se moventem Pastorem Polyphemum et litora nota petentem.“ VII, 500.: „quadrupes nota intra tecta refugit.“ Ge. I, 363.: „notasque paludes Deserit — ardea.“ Subit etiam Homericum illud ἡδεα. Cfr. praeterea Aen. II, 401.: „Scandunt rursus equum et nota conduntur in alvo.“ VI, 689.: „Datur ora tueri, Nate, tua et notas audire et reddere voces.“ Vid. Eleg. ad Messal. pag. 22. Iam vero vix videtur is situs locorum fuisse, ut Virgillii praedium ad confluentes Mincii et Padi quaerere liceat. At enim quid impedit, quominus de uno Mincio loqui poetam existimes? Sic flumina de uno flumine passim apud Virgilium; ut *flumina Thermodontis* Aen. XI, 659. *Hebri* XII, 331. *adhuc ignota precatur flumina*, puta Tiberim, VII, 138. Sed negat Vossius, Mincium significari, qui lacum ibi efficiat, a quo abhorreat fluminis vocabulum. At certe ipsius Mincii nomen infra legitur Ecl. VII, 13.; tum non ita constat de agrorum Virgil. situ, ut pro certo illud affirmare liceat, quod contendit Vossius. Sed ut fateamur, incerta haec esse, manet tamen difficultas, ad quam mireris neminem interpretum offendisse. Quid enim hoc: „frigus captare inter flumina et

Et fontis sacros frigus captabis opacum.

Hinc tibi, quae semper, vicino ab limite, saepes

54. HINC, TIBI Q. SEMPER VIC. AB LIMITE SAEPE

53 *frigus captabis. tentabis* unus Rottend. 54 *a limite* Ven. *saepes*

fontes? " Vossium si sequaris, flumina per rivos campestris explicantem, coll. Ecl. V, 84. Ge. IV, 54., facilis erit emendatio: „hic inter flumina nota Ad fontis sacros." Quum autem constet, in libris mss. saepissime inveniri *at* pro *ad*, erit fortasse, qui ita scribendum censeat. Sed, nisi egregie fallor, omnia sana sunt. *Inter* aliquoties cum verbis motum indicantibus inngitur, ita tamen, ut substantivum illi praepositioni subiectum plures vel personas, vel res complectatur, quas inter medias venire aliquid dicatur. Ecl. II, 3.: „inter densas, umbrosa cacumina, fagos Assidue veniebat." Aén. V, 618.: „inter medias sese coniicit." Commode Servius ad Aen. XII, 437.: „te (Ascanium) magna inter praemia ducet: (Aeneas:) ad praemia." Cic. Catil. I, 4.: „Dico te priore nocte venisse inter falcarios;" id est, ad falcarios. vid. Moebius ad h. l. Ad quod proxime accedit illud, quum quis inter tecta fugere, se recipere dicitur, et similia. Tum inter designat, etiam locum, in quo quid medium versatur: Aen. II, 681.: „Namque manus inter maestorumque ora parentum Ecce levis summo de vertice visus Iuli Fundere lumen apex." VI, 658.: „canentes Inter odoratum lauri nemus." VIII, 608.: „At Venus

aetherios inter dea candida nimbos Dona ferens aderat." IX, 502.: „Illam Corripiunt interque manus sub tecta reponunt." X, 890.: „inter Bellatoris equi cava tempora coniicit hastam;" quod cave ita dictum existimes, ut IX, 750.: „Et mediam ferro gemina inter tempora frontem Dividit." Iam vero vocabulum *flumen* simili ratione h. l. positum, qua Aen. VII, 714.: „Qui Tetricae horrentis rupes, montemque Severum, Casperiamque colunt, Forulosque et flumen Himellae;" i. e. regionem adiacentem flumini. Quocum conferas Eurip. Electr. vs. 1.: Ὡ γῆς παλαιὸν Ἄργος, Ἰνᾶχου ὄοαί. Ge. II, 110.: „Fluminibus salices, crassisque paludibus albi Nascuntur, steriles saxosis montibus orni." Itaque nostri loci hanc puto esse sententiam: hic vel ad flumen vel ad fontem captabis frigus, sub arboribus umbram facientibus proiectus. Atque *inter flumina et fontes* poeta dixit referens hoc ipsum *inter* ad arbores ibi positas, ut plena sit sententia: inter arbores ad flumen. Cfr. Ecl. II, 3. supra laud. Non sensit horum verborum difficultatem Wunderl. Obs. ad Tibull. pag. 16. *Wr.*) 53. *Frigus opacum* est frigus loci opaci, nemoris umbrae. Ecl. II, 8.

54. Hunc locum, uti nunc se habet, ita expedire, ut nihil

## Hyblaeis apibus florem depasta salicti,

55

Rom. et Oblong. Pierii; et sic alibi vetustiores. cf. ad v. 34. Haud dubie versus totusque locus contaminatus; quem se non intelligere iam Markland. ad Stat. I Silv. 3, 43 professus est; suspectum etiam Burmann. merito habuit. Haeret interpretatio in *quae semper*, quod ieiunum, et in defectu verbi in enuntiatione *quae saepes*. Burm. tentabat: *Illic tibi quae surgit, vel serpit v.* Multa possent alia coniectari: ut *hinc tibi vicino praetenta* (l. *praetexta*) *ab limite saepes* — *Saepe levi somnum suadebit inire surro*: nisi haec et alia longius recederent. In ms. Köler. erat: *Hinc tibi, vicino q. semper ab limite sepes*. Iungunt alii: *Hinc tibi quae*. Sedes vulneris manifesta est: *Hinc . . . vicino a limite saepes* etc. — Licet explere lacunam multis modis: quis tamen veram vocem se assequiturum esse speret! quam exturbasse videtur vox *saepes* temere iterata; et, cum vitium animadversum esset, ineptis verbis, *tibi quae semper*, expleta est lacuna. (Vix est credibile, quantum editores et interpretes in his vss. minime, si lectionem spectas, affectis, aut ad intelligendum difficilibus, desudarint vel emendandis, vel explicandis. Proxime ad verum accesserunt Vossius, quem Wunderlichius sequitur, Spohnius in nott. mss. et Iahnus; omitto alios. Primum mutanda fuit interpunctio Hcynii, et comma post *tibi*, non post *hinc*, ponendum. Iam iungenda sunt haec: *Hinc — a vicino limite*. Quae traectio verborum in simpliciore et paulo negligentiore pastorum sermone tantum abest ut vituperanda sit, ut suam quandam habeat gratiam. Simile quid supra observavimus in V. L. ad vs. 30. Ac prorsus Virgilianum illud *Hinc a vicino limite*. Sic adverbii locum indicantibus appositionis quadam ratione similia snbiunguntur Aen. II, 18.: „*Huc delecta virum sortiti corpora furtim Includunt caeco lateri.*“ Ecl. III, 12.: „*hic ad veteres fagos.*“ Aen. III, 616.: „*Hic me, — Immemores socii vasto Cyclopi in antro Deseruere.*“ VI, 305.: „*Huc omnis turba ad ripas effusa ruebat.*“ Simile illud Aen. VIII, 47.: „*Ex quo ter denis urbem redeuntibus annis Ascanius — condet — Albam.*“ Inclusi verba *vicino ab limite* commatibus. Alii, quos ipse sequeretur, ni verior mihi h. l. ca videretur ratio, quam ingressus sum, verba *vicino ab limite* iungunt substantivo *saepes*, ut ita dictum sit, quemadmodum illud *nostris ab ovilibus agnus*. Sic Spohnius, laudans Broukhus. ad Propert. IV, 6, 37. Rutgers. Lectt. Venus. p. 358. Burm. ad Anthol. I. p. 294., quibus addicit Iahnus Ge. III, 2. Schrader. ad Musaeum pag. 157. et suam notationem ad Ovid. Met. IX, 136. Porro in his *quae depasta* omisso verbo auxiliari durior quidem ellipsis, sed non destituta exemplorum copia: Vossius affert Ecl. VIII, 24.: „*qui passus.*“ et Ge. IV, 89.: „*qui visus.*“ His adde multo illis duriora: Aen. I, 234. sqq.: „*Certe — Hinc fore ductores — Qui mare, qui terras omni ditione tenerent, Pollicitus (es).*“ V, 192.: „*promite Nunc animos, quibus in Gaetulis Syrtibus usi (estis).*“ V, 687.: „*Iuppiter omnipotens, si nondum exosus ad unum (es) Troianos, si quid pietas — labores Respiciat humanos.*“ IX, 675.: „*Portam, quae ducis imperio (ipsis est) commissa, recludunt.*“ Denique ipsam illam multum sollicitatam voculam *semper* nullo pacto desiderari posse, clarius fortasse elucebit, haec ipsa verba si Graeca fecerimus: *ὁ ἵτεών, ὃς αἰὲ κατανεμνημένος ἐστίν*, sive *κατανεμνηται*. i. e. cuius flores, simulac singuli proveniant, aut succum, unde mel fieri possit, gignunt, statim depascuntur. *Depasta* enim h. l. propriam habet Perfecti vim. Aliud autem significant haec: *ὃς κατανεμνημένος ἐστίν*, i. e. qui iam non potest amplius

supersit quod offendat, quamcunque rationem ineas, non adeo facile est. Inter ceteras tolerabilior ratio haec est, quam

Burmannus quoque iniit, verbis in hunc modum iungendis: *Hinc saepes a limite vicino*, h. agrum vicinum a tuo disterrinans, li-



Saepe levi somnum suadebit inire susurro:  
Hinc alta sub rupe canet frondator ad auras;

### 56. SUSURRO.

depasci; cui sententiae adversantur ea, quae sequuntur: „Saepe levis.“ etc. Ut igitur paucis, quae disputavi, comprehendam, sententia haec est: „Hinc, a vicino limite, saepes, quae semper Hyblaeis apibus florem salicti depasta (est), saepe tibi levi (apum) susurro suadebit somnum inire.“ Et *salicti*, quod secundum vulgarem rationem e voc. *saepes* pendere debebat, poetice inunctum est voc. *flores*. Quae quum ita sint, nemini facile emendationem probabit Doeringius, in Programmata supra laud. propositam: „*Hic*, tibi quae *superat*, v. a. l. s.“ etc. addita explicatione: „tua manet, tibi non, ut aliis, eripitur.“ coll. Ecl. IX, 27. Nimis etiam tenue illud: saepes, quae tibi supcrat. Neque adsenties Lachmanno, ad Propert. IV, 2, 29. [III, 3.] ita scribenti: „Verbum substantivum in talibus omitti non potest, nisi ita fiat, ut alibi lateat, tamquam h. l. in particula *hic* (quam e conjectura illuc intulit Lachm.). Ita scilicet latet cum in multis aliis bonorum scriptorum locis, tum in difficili loco Virgil. Ecl. I, 54.: Hinc, *tibi quae, semper* etc. Ita cape: Hinc saepis est, quae tibi saepe levi susurro somnum inire suadebit.“ *Wr.*) 55 *salicta* Prisc. ed. Putsch. laudat, vitio operarum. 56 *suadebat* Goth. pr. 57 *alte* unus Heins. ad *aures* Parrhas. quod refellit Burmann. (*Hinc* non erat, quod Doering. l. l. in *hic* mutatum vellet; respondet praegressae eidem particulae vs. 54. *Wr.*)

mitanea, (nisi malis *Hinc a limite vicino*, h. e. ab ea parte, qua vicinus limes est, ut Oudendorp. ad Suet. Aug. 91 monet,) quae semper depasta est florent salicti apibus, cuius salices, e quibus ipsa structa est (cf. Georg. II, 434. 435. 436), semper depascuntur ab apibus (quas epitheto ad ornatum facto *Hyblaeas* a monte Siciliae appellat), suadebit saepe tibi susurro levi apum (καλὸν βομβεῖν Theocr. dixit I, 107 et V, 46.) inire somnum. Ultima expressit Auson. Ep. 25, 12 *Hyblaeis apibus saepes depasta susurra*. (Cfr. cum his Ge. II, 434. sqq.: „salices — Sufficiunt saepemque satis et pabula melli.“ *Sp.* — Sententiam horum vs. in V. L. a me explicatam invenies. *Wr.*)

57. *Frondator*, qui vites amputat et vitium folia stringit, decerpit. vid. Georg. II, 365 seqq.

400. 407. 410. Ecl. II, 70. IX, 60. *ad auras*, uti de clamore, eum *exire in auras*, *tolli ad aethera* etc. conf. Burm.; alii *spirantibus auris et aestum levantibus*; subtilius etiam alii. Aliter dicta turris *stare ad auras* alte Aen. VI, 554. *sub rupe* in rupe, accipit Burn. (Male; sed ad radicem, clivum saxorum seu montium saxosorum alte surgentium. — Sane quidem ista omnia Augustum mensem respiciunt, ut docent Turneb. et Voss. Sed non ita haec dicuntur, ac si nunc fiant, sed sunt oblectamenta diversi ab hoc temporis; cf. Ecl. II, 46. Quapropter haec non indicant tempus, quo facta sit haec ecloga. *Sp.*) Mox v. 59 *gemere turturum ac columbarum proprium*. v. Cerda. et *aeris ab ulmo*, perpetuo arborum epitheto, ut multi docuere, et Burmannus ad Anthol. lat. pag. 100. (Quid



Nec tamen interea raucae, tua cura, palumbes,  
Nec gemere aëria cessabit turtur ab ulmo.

t. Ante leves ergo pascentur in aethere cervi, 60  
Et freta destituent nudos in litore piscis:

58 *rauci* apud Pier. nonnulli. 59 Serv. h. l. laudat: *turtur cessabit ab u.* 60 *in aethere* Gud. et duo alii: quartus Moret. pro diversa lect. *in aequore*, quod ad iustas oppositionis leges accommodatius foret: (at variata oratio suavior. *Wr.*) itaque placet Burm. et Trillero Obs. Crit. c. 27 et olim Cerdæ; malim et ipse, modo non correctorem redoleret. Recepit nunc Wakefield. (Acute vidit Iahnus, *in aequore* ex sq. *in litore* ortum esse. Sententia, si *aequore* probas, haec est: ante cervi piscium naturam induent; ubi, quid sibi velit *levis*, non intelligas. Longe aliud est, quod legitur Aen. V, 819.: „(*Neptunus*) Caeruleo per summa *levis* volat aequora currū.“ Atque ut *leves cervi* parum aptum natantibus epitheton, sic aptissimum volantibus: Aen. V, 838.: „*levis aetheriis delapsus* Somnus ab astris.“ VI, 16.: „(*Daedalus*) Insuetum per iter gelidas enavit ad Arctos, Chalcidicaque *levis* tandem super adstitit arce.“ *Wr.*) 61 *nudo in littore* unus Ven., deberet saltem *nudato*. (Hafn. A. ad littora. *Wr.*)

sit *ad auras canere*, discas ex Q. V. X, 1. Frondatorem perperam Servius avium quoddam genus esse statuit, deceptus ille transitu ad aves per hanc formulam factō *nec minus interea*. Meliboeus multiplicem amoenitatem istius praedii extollens commemorat primum flumen ac fontem opacis fruticibus vel arboribus obumbratum; tum propinquum salicetum, apum copia frequentatum, vineam, cui rupes imminet, et maiorum arborum silvam, quas amant palumbes et turtures. *Nec minus interea*, i. e. et simul cum frondatoris in vinea occupati cantu ex alia parte palumbium silvestribus locis nidificantium gemitus audietur. Turtur avis domestica, in villis nutriri solita; cf. Varr. de R. R. III, 8. Colum. VIII, 9. Pallad. I, 25. De palumbibus loquens ita refert Plin. Hist. Nat. X, 35.: „Cantus, omnibus — i. e. *omni columbarum generi* — similis atque idem,

trino conficitur versu praeterque in clausula gemitu: hieme mutis, a vere vocalibus.“ Unde intelligitur, falli eos, qui tantum, quum incubent, canere illos referant, perperam allato loco Plin. XVIII, 28. Ceterum formula transitioni inserviens *Nec minus*, et *Nec minus interea* multum frequentatur Virgilio; cf. Aen. I, 633. III, 482. VI, 211. 475. VII, 572. XI, 203. XII, 746. *Wr.*)

60. *Ante leves ergo*, quasi dicat: recte utique haec bona mea enumeras, Meliboe, et propterea grato per totam vitam in patronum meum ero animo; id quod omnino ad pietatem liberti spectabat. *Pascentur in aethere cervi*, pro volabunt, et *maria destituent piscis*, h. et pisces in sicco vivent; itaque *nudos* dixit. (i. e. non amplius undis tectos. Burm. et Sp.) Assumta autem formula ex antiquo sermone. v. Herodot. V, 92, 1. conf. inf. ad Ecl. V, 76.

Ante, pererratis amborum finibus, exsul  
 Aut Ararim Parthus bibet, aut Germania Tigrim:  
 Quam nostro illius labatur pectore vultus.  
 M. At nos hinc alii sitientis ibimus Afros; 65  
 Pars Scythiam et rapidum Cretae veniemus Oaxen,

## 66. OAXEM

63 Ingeniose tentabat Io. Schrader. *Aut Albim Parthis, Παρθίς* pro *Παρθινῇ*. (sed vid. Not. *Wr.*) 64 *cultus* con. vir doctus apud Burmann. 66 al. *Oaxen* (quod reduxi; vid. Q. V. III, 1.; male *Oaxem* Heynius. *Wr.*),

62. *Pererratis amborum finibus*, ad ornatum spectat: ita ut alter alterius fines pererraverit, ad alterius sedes pervenerit; h. antea Parthi migrabunt in Germaniam, et Germani sedes Parthorum occupabunt; quod, nisi victis et subactis Romanis, fieri non poterat. *Exsul* hic non urgendum; simpl. apud poetas, ut sup. 4 *fugiens*, qui ad alienas terras proficiscitur. Sic in illo: *patriae quis exsul se quoque fugit?* (*exsul*, qui solo patriae mutato vivit; proprie locutus est Virgilius. *Wch.*) 63. *Aut Ararim Parthus bibet*. Reprehenduntur haec, et merito, tamquam aliena a pastorum memoria, nomina, nimisque longe petita. Sed recessit Virgilius ab antiqua simplicitate in moribus, quos pastoribus suis tribuit. Porro *Germania* et *Arar* sibi respondere debebant; hic vero Galliae fluvius est, qui in Rhodanum se immittit. Defendunt poetam sic, ut dicant, hanc ipsam locorum inscientiam indoctum servulum non male decere. Sane quidem populos Gallos et Germanos vulgari sermone fere confundi, constat. v. Burmann. h. l., item Ruaeum et Martinum. Et fit hoc eadem fere ratione,

qua Tigris, qui Parthorum fines facit, Parthorum fluvius appellatur. (Omnia, si quid video, bene se habent; nam, quum haec praecessissent: „pererratis amborum finibus,“ etiam Galliae flumen recte poterat commemorari. Sententia haec est: Parthi pererratis Germaniae finibus in Galliam venient, Germani pererratis Parthorum finibus ad Tigrim. Hinc etiam patet, quid tribuendum sit Schraderi coniecturae, *Albin*, ignotum ceteroquin istoc tempore Romanis flumen, pro *Arari* inferentis. Et si quid est praeterea, quod videatur reprehendi posse, id in Nota ad vs. 67. defensum videbis. *Wr.*)

65. *Ibimus Afros*, elisum in; quod in epico carmine melius fieret, Homérico more. *alii* et *pars*, pro alii et alii. v. Burm. et alii. Musgrav. ad Eurip. Bacch. 407 *et — et* esse pro *aut — aut* contendit: quod sane fit interdum; etsi Aen. VII, 675 *Homolen Othrynque nivalem Linquentes* huc non referam. At h. l. est: et pars veniemus ad Oaxem et pars ad Britannos. (De *alii — pars — et — et* vide Q. V. XXXIII, 1. *Wr.*) 66. *rapidum Cretae*

## Et penitus toto divisos orbe Britannos.

*Oaxin*, *Eaxem*. *Oaxes* Cretae fl. nemini memoratus, praefer Vibium Sequestrem, forte ex hoc ipso loco; de urbe tamen Cretae, *Oaxo*, non dubitatur, forte eadem, quae *Axis* est ap. Herodot. IV, 154. ubi v. Wessel. pag. 348, 53, nunc adde Eckhel Doctr. numer. P. II, p. 305; neque illud ignotum, Cretam *Oeaxida* dictam esse. v. Apollon. I, 1131, cuius versus ab Varrone Atacino expressos Servius recitat. Mirantur porro sagaciores, cur tam obscuri nominis fluvius h. l. a pastore nominetur, neque illud satis assequuntur, quomodo post Africam et Scythiam, quum remotissimorum finium terra expectaretur, *Cretae* mentio facta sit. *Oaxin* itaque iam veteres modo Mesopotamiae modo Scythiae fluvium haberi maluerunt, nulla tamen nominis commemorata auctoritate. Fuere, qui *Araxem* reponi mallent; et sane apud Claudian. B. Gild. 31 inter *Oaxem* et *Araxem* codices fluctuant. Possit etiam confirmatio huius emendationis e Theocrito peti, ut eum noster ante oculos habuerit. Is enim, Hieronis laudes *ultra pontum Scythicum et Babylonem* ut extendantur, precatur Idyll. XVI, 99. 100. (Lucan. I, 19.: „Sub iuga iam Seres, iam barbarus isset *Arax* c.s.“ *IVr.*) Eodem itaque modo Virgilius Scythiam et Araxem diversarum Orientis regionum fluvium memorare potuit. Verum, etiamsi hoc liceret, vel sic *rapidus cretae* iungendum esset, qui rapit terram albam, radendo litus, h. lutulentus: atque hoc durum. Alii Oxum inferunt nunc a poeta sine exemplo *Oaxum* dictum, qui *limum vehit turbidum semper* secundum Curt. VII, 10. Excusemus poetam, quem defendere equidem non ausim. Sufficit fluvium huius nominis in insula Creta esse, cuius mentionem hic fieri minus mirabitur, qui, uti *Afros*, seu Libyas, et *Scythas*, sic insulas ab Italia remotas *Cretam* et *Britanniam* sibi opponi, observet. Probabile mihi fit, Maronem ante oculos habuisse locum ex antiquiore aliquo poeta, quem nimis docte et loco alieno expressit. Notabilia mihi haec et alia in hoc maxime carmine, tum in ceteris habentur Eclogis, quod in iis iuvenile Maronis ingenium, nondum satis maturo iudicio et subtilitate subactum, elu-

veniemus *Oaxem*; alii adhibimus Cretam. De Oaxi Cretae v. Var. Lect. Totus locus alienus a pastore carminis indole; nec modo tragicum quid spirat, (Lyricus dixit *ultimos orbis Britannos* I, 35, 29) verum adeo ἀπρόσδιόνυσον, quomodo enim pastores, agro Mantuano eiectioni, armenta sua agentes per Africam et Scythiam errare aut Britanniam et Cretam insulas adire poterant? Expressit tamen locum Nemes. Cyneg. 67. 68. (Britannia ante Caesarem ignota; Caes. Bell. Gall. IV, 20. Sueton. Caes. 25. Dio Cass. XXXIX, 50. Strabo IV. p. 304. Plutarch. Caes. 23. ultra terminos orbis habitati fines promota: Vellei. II, 46.:

„alterum paene imperio nostro ac suo quacrens orbem.“ Ao. 44. post Christ. nat. sub Claudio Aulus Plautius missus in Britanniam; sed aegre persuasit militibus, ut se sequerentur, quippe militaturi sibi videbantur extra orbem. Suet. Claud. 17. Tacit. Agric. 14. Dio Cassius LX, 19.: „ὡς γὰρ ἔξω τῆς οἰκουμένης στρατεύουσιν ἡγενάκτου.“ *Sp.* — Nihil in his tragicum aut lyricum; sed omnia proprie accipienda. Orbem terrarum ambit Oceanus; Britannia autem sita est ultra Oceanum; cfr. quae notavi ad Eleg. ad Mess. vs. 54. pag. 59. Quod autem acriter reprehenditur ab Heynio poeta, qui talia loquentes introduxerit



## En, umquam patrios longo post tempore finis,

cescere videtur; quo ipso apparet, a quibus initiis ille ad summam carminis absoluti laudem progressus sit. (*Oaxen* pro *Oxo* dictum accipit Vossius, *cretae* autem appellative dictum, ut pendeat ex adiect. *rapidus*, non ex subst. *Oaxen*. Neque aliter Servius. Nihil hic decernit Claudianus, cui Delrius *Araxen* reddidit l. l. Neque eo, quod *Oarion*, interposita a, pro *Orion* invenitur, causam tueri suam debebat Vossius; Ὠρίων enim per Ω scriptum quum admittat illam ἐπένθεσιν τοῦ ᾠ, respuit eandem O in nomine Ὠός. Porro Oaxum Cretae civitatem ab Oaxe conditam esse, referunt Steph. de Urb. et Plisthenes apud Serv. h. l. Atqui non raro Fluvios inter urbium conditores referri, satis constat; quod non est plane praeterendum. *Rapidus* autem sollemne est fluviorum epitheton, celeritatem indicans; sed eiusmodi epitheta non facile ad alium sensum detorta videas. Denique docendum erat, *rapidus* idem significare, quod *rapax*, et adiunctum sibi habere genitivum. *Oaxen* flumen esse Cretae, statuit etiam Meursius Creta pag. 92. Atque ut Libyae opponitur Scythia, sic optime, iudice Spohnio, Britannia insula insulae Cretae, septentrionalis meridionali. Vide tamen Q. V. XXXX, 3. *Wr.*) 67 *Britanos* e libb. notat Ge. Fabric. 68 *En patrios numquam* Ven. *En nunquam* unus Heins.

pastores, quae, si eventum spectemus, quomodo fieri potuerint, plane non appareat: cam reprehensionem quo magis in oculos incurrere videtur veram iustamque esse, eo studiosius cavendum, ne forte iniuriam faciamus poetae. Ac licet, de ea re qui memoriae prodiderit, sciam neminem, tamen persuasum habeo, provisum fuisse aliquod perfugium veteribus istorum agrorum possessoribus ab Octaviano, quo aveherentur, Africam scilicet aliasque remotas regiones. Sed maiorem dubitandi materiam fortasse suppeditabit commemoratio Britanniae, quam post Iul. Caesaris tempora neglectam ac relictam fuisse a Romanis, vulgaris videtur esse opinio. At etiam Augusto imperante Romanos aliquam istius insulae tenuisse partem, nisi haec ipsa Virgilii verba probarent, fidem faciunt, quae apud Horat. leguntur, Od. III, 5, 2.: „prae-sens Divus habebitur Augustus, adiectis Britannis imperio gravi-

busque Persis.“ et Od. IV, 14, 47.: „Te — niratur — belluosus qui remotis Obstrepit Oceanus Britannis.“ Atque in expeditione adversus Britannos suscepta Messalae opera usum esse Augustum, colligas ex Eleg. in Messalam vs. 54. Cum eo loco si contuleris, quae exstant apud Tib. IV, 1, 147. sqq., facile intelliges, Elegiam istam ante hunc Panegyricum scriptam esse; unde rursus de tempore, quo conditus sit Panegyricus iste, iudicium fieri poterit, coll. disputat. nostra de auctore Elegiae ad M. Val. Corv. Messal. pag. 9. et 11. *Wr.*)

68. *En umquam* pro unquamne. inf. Ecl. VIII, 7 *En erit umquam Ille dies*. Illustrat Heins. ad h. l. Intpp. Liv. XXIV, 14. XXX, 21. 70. (*En umquam*: pessime summi viri alii pro *an*, archaismum statuentes, acceperunt, alii pro traiecto *umquamne*. Neque interrogat ubique, uti bene iam docuit Gronov. ad Liv. XXX, 21., neque inest vis in voc. *umquam*, sed in voc. *en*.



Pauperis et tuguri congestum cespite culmen,  
 Post aliquot, mea regna videns, mirabor aristas? 70  
 Inpius haec tam culta novalia miles habebit?  
 Barbarus has segetes? en, quo discordia civis

## 69. TUGURI

69 *tugur* I v. Pier. (71 Iahnus hic et sq. vs. interrogationis notam sustulit; sed nescio an vim ac vigorem orationi una detraxerit. *Wr.*) 72 Hadr. Wallius apud Heins. distinguebat: *Inpius — miles habebit Barbarus? has segetes?* ut et erat in cod. Franc.

Est autem aut mirantis, aut iridentis (haec quidem notiora), aut increpantis. Increpantis: Aen. IV, 534.: „En quid ago!“ *Wie nun, was beginne ich nun!* En age! *nun auf!* Ge. III, 42. Sil. Ital. III, 179. En tandem! Curt. X, 2. et in interrogatione: Varro de R. R. I, 2.: „en, ibi tu quicquam nasci putas?“ *Wie nun, meinst du* etc. Plaut. Menaechn. V, 5, 25.: „Dic mihi, en unquam tibi intestina crepant?“ Virg. Ecl. VIII, 7.: „En erit unquam ille dies?“ *wie? soll ich nie* etc. Hinc intelligitur, cur *en* repetatur et hoc ipso loco et Ecl. VIII. l. l. *Sp.* — Adde Aen. VI, 346.: „En, haec promissa fides est?“ et absque interrogatione: VII, 452.: „En ego victa situ.“ Ecl. VI, 69.: „en accipe.“ Denique ad rem praesentem refertur: Ecl. V, 65.: „en quattuor aras, Ecce duas tibi, Daphni“ etc. Aen. I, 461.: „En Priamus.“ III, 155.: „tua nos en ultro ad limina mittit.“ *Wr.*) Vulgo *aristas* de annis exponi notum est. In hunc sensum iam Claudianus accepisse videtur, qui IV Cons. Honor. 372 *decimas emensus aristas* dixit. Huc etiam Rhiani, *χείματά τε ποιάς τε δύω καὶ ἑκοσι πάσας*, advocari possunt, ap. Pausan.

IV, 17 extr. Enimvero *mea regna* subiiciuntur *patriis sinibus* v. 68, ac *tugurio* v. 69, et eodem agros et possessiones miseri Meliboei denotant; haec itaque videns *post*, posthac (ex v. 68 *longo post tempore*), h. quando eos aliquando iterum adspicere mihi continget, *rarae in illis aristae aliquot oculis occurrent?* *hi tam culti agri* (*novalia* dixit v. 71 omnino pro agris quibusvis) *per novos suos colonos inculti neglectique iacebunt?* ut Ge. III, 476 *Nunc quoque post tanto videat desertaque regna Pastorum.* (Simillima huic structura Ge. II, 259 — 261.: *multo ante — et — ante*; quem locum afferunt Voss. alique. *Wr.* — Et *post* pro *postea* absolute etiam ante accusativ. Aen. II, 216. et alias. *Sp.*) In sequentibus poeta sui obliviscitur: pastor, cui pecus pascendum erat, de segetibus, de pomorum insitione, de vinea agit. (Sed vide, quae notavi ad vs. 46. *Wr.*) 71. *Inpius*, sceleratus, nefarius: utpote in bello civili. Etsi omnino perpetuum epitheton est: *impia bella. impius hostis. impius ensis.* ut synonyma sint *τοῦ saevus*, durus, crudelis. Contra *pius* est mitis, humanitatis sensum habens. 72. *Barbarus*, Galli, alique, qui in

Produxit miseros! en, quis consevimus agros!  
 Insere nunc, Meliboeae, piro, pone ordine vitis.  
 Ite meae, felix quondam pecus, ite capellae. 75  
 Non ego vos posthac, viridi proiectus in antro,  
 Dumosa pendere procul de rupe videbo;  
 Carmina nulla canam; non, me pascente, capellae,  
 Florentem cytisum et salices carpetis amaras.

73 *Produxit*. Ita ex Heins. et Pierii codd. edidit Heins.; vulgo, *Perduxit*, quod gravis auctoritas Vatic. et Longob. tuetur; quodque nunc repetiit Wakef. Voces hae fere permutantur. Sic inf. Ecl. VI, 60 *perducunt* alii *producant*. Est tamen *perduxit* id quod proprie hic locum habet; alterum erit pro exquisitiore habendum. (Reliqui in textu *produxit*, non quod ea sit exquisitior lectio, sed quia verior. *Produxit* firmatur optimis libris, in quibus Paris. 3., ut plurimum cum praestantissimo Mediceo consentiens; idem tuetur Heinsius, exempla proferens, ut solet, apta inepta. *Quo perduxit* valet: quem ad finem, quem ad exitum. Inde ea prodiret sententia: quem ad exitum res suas adduxerunt miseri cives! At non de exitio civium nunc agitur, sed horum colonorum. Verum hi non erant civium loco censendi; iidemque, discordiarum causas procul habentes, nihil curabant rem Romanam; cf. insignis locus Ge. II, 495. sqq. Verbum autem *producere* significat, paulatim rem magis magisque progrediendo adducere aliquo. Epitheton *miseri* optime convenit, ut Graecum *δειλός*, iis, qui, expertes consilii, obcaecati furore, omnia perturbant, mala malis cumulant, nocentes innocentes iuxta habent. Incusat igitur cives Meliboeus, quippe eo discordiae ac furoris paulatim progressos, ut iam acerbissima patriae infligant vulnera. *Wr.*) *en quis vel quis consevimus agros*; ita optimae edd. et codd. At Rom. cod., quo Pierius usus erat: *his nos consuevimus agris*, sed expuncto primo *u* in *consuevimus*, corrupte et interpolate. Arreptum tamen hoc a nonnullis: v. Burm. *en quis consuevimus agris* Zulich. *en quis consevimus agris* Gud. 75 *quondam felix* alii ap. Heins., et sic vulgo editum, usque ad Pulmann. Meliorem ordinem iam Pierius docuerat e suis. (*Felix*, ut fortius vocabulum, Vossio iudice, recte priore loco positum. *Wr.*) 77 *Froncosa* Mediceus Pierii, et Pompon. Sab. *de rupe procul pendere* Parrhas. Serv. ad Ecl. IX, 50, et edd. ante Pierium. Quod nunc editur, est quoque apud Arusianum Messium. 78 *nec me* ms. Lenguich. *pastore* unus Mentel. pro var. l. 79 *amatas* coni. Ulit. ad Gratii Cyneg. 390.

legionibus Romanorum tum erant. 73. *En quis c.*, quibus, in quorum utilitatem agros colimus. 74. Ironice dictum accipies. Quid iuvat nunc insevisse! Sive ut *inserere* sit pro plantare, quod fit pluribus modis: quod contendit Martyn. ad Ecl. IX, 50 *Insere, Daphni, piro*: sive ut sit de insitione proprie dicta accipiendum. (Sic

cum Vossio statuendum videtur; et piro, eodem auctore, speciem pro universo genere arborum frugiferarum nominat. — *Pone ordine vites*, i. e. in quincuncem, ut adnotat Vossius, coll. Ge. II, 277. — 75. *Ite* — *ite*, cf. notata ad Eleg. ad Messal. pag. 13. extr. *Wr.*) 76. E Theocrit. I, 116. 117. 79. De *cytiso* v. ad Ecl. II, 64.

T. Hic tamen hanc mecum poteras requiescere noctem 80

Fronde super viridi; sunt nobis mitia poma,  
Castaneae molles, et pressi copia lactis;  
Et iam summa procul villarum culmina fumant,  
Maioresque cadunt altis de montibus umbrae.

### 83. FUMANT;

80 *hanc — noctem*. Sic iam inde ab Aldo editum. Occurrit tamen in scriptis et edd. *hac — nocte*; sed illud tuentur Heins. Burm. Martin. (*hanc noctem* etiam Paris. 3., unde probabile est, eandem fuisse Medicei lectionem; atque hoc sententiae convenientius. *Wr.*) *poteras* editum iam a Nauger. in Ald. tert. firmavit e Rom. et Medic. Pierius, et ex optimis Heins. Alii *poteris*, ut fere codd. in his temporibus variant. Illud prius elegantius. conf. Ovid. Met. I, 679. (Videt protinus pergere Melibocum Tityrus; cf. vs. 75. Hinc dicendum erat *poteras*. *Sp.*)

80. Ex Theocriti XI, 44 sqq.  
82. *Castaneae molles* varie explicantur, ut sint *maturae*, vel *recentes* (Sed cae non magis tenerae, quam multo post. *Sp.*), vel *lostae*; vel de genere quodam, quod echinum seu corticem minus durum habet, conf. Cerda. (Sed quid hoc ad palatum et ad gustum Meliboei? *Sp.*) Fit id in primis, si amygdalis inseruntur. Laudant ex Palladio lib. XIV, 155 *Castaneamque truem depulsis cogit echinis Mirari fructus laevia poma sui*. Potuit tamen improprie pro *maturis molles* appellare. (*Molles* ad saporē referri debet; sic *mollissima vīna* Ge. I, 341. *mollia fraga* Ovid. Met. XIII, 816. *molle me-*

*rum* Horat. I, 7, 19. *Molles* igitur h. l. sunt *suaves, dulces*. *Sp.* — cfr. etiam Iahn. ad h. l. *Wr.* — *Maturae* autem castaneae mensibus Octobri et Novembri. Calpurn. Ecl. II, 82.: „Castaneasque nuces — *dabimus* — cum sole Novembri Maturis nucibus virides rumpentur echini.“ Hinc definiendum tempus, quo factum sit hoc carmen. *Sp.*) *Pressi copia lactis*, h. casei, quia serum e coagulo, sive concreta lactis parte exprimitur, et *adiectis* etiam pro *soliditate acquirenda ponderibus*, ut Palladius loquitur, *eliquatur*. 83. *Et iam* — nox ingruit. conf. Ecl. II, 67. (Fumant villae, in quibus coena paratur. *Voss* et *Sp.*)



## ECLOGA II

### ALEXIS\*)

#### ARGUMENTUM

Corydon pastor, Alexidis pueri, qui a communi utriusque domino amabatur\*\*), insano amore quum fureret, miserum sui animi affectum hoc carmine exponit. In votis habet, ut ille ruri secum habitet. Enumerat copias suas et opes rusticas v. 20, suam oris speciem 25, suam artem canendi 31, sua munera puero parata, fistulam 36, et duo capreolos 40, tum corollas variorum florum 45, mox tamen damnat ipse amorem suum 58. Dominus per *Iolae* nomen declaratus esse videtur v. 57. Idem Corydon amaverat Amaryllidem, asperam puellam, et Menalcam puerum v. 14 sq. 52. Etiam in huius Eclogae allegoria retexenda misere se torquent interpretes, quum a Servio et aliis traditum accepissent, Alexin sive Asinii Pollionis sive Maecenatis puerum fuisse, a Virgilio amatum; quanquam eius rei non satis constans fama fuit; cf. Heinsius, Martinus ad v. 1 et Catroeus. Quae ita secusne sese habeant, scire utique nihil refert; neque de castis Virgilii moribus disputare h. l. attinet; etsi ille in dilectu talis argumenti morum suorum castitatem parum nobis approbavit. In interpretatione tamen satis est aut tenere, aut statuere, Virgilium ingenii causa, forte ut Theocritum imitatione exprimeret, haec scripsisse, et exprimi hac Ecloga egregio cum artificio aestum et furias amoris, quo pastor, verna Iolae, nomine Corydon, in Alexin misere exarserat, qui domini amasius erat. Locus autem, in quo ille dolorem animi carmine mitigat, convenientissime describitur v. 3—5; amant amantes solitudinem silvarum. Siculos in hac Ecloga pastores inducere videtur poeta, v. 21 *Mille meae Siculis errant in montibus agnae*. Quo ipso argutiae allegoriae concidunt; quae plane corruunt, si expressa pleraque ex Theocrito cogites, imprimis ex Idyll. XI. XXIII et III, quae tamen, si cum his compares, multo dulciora esse, vix inficiari pos-

\*) *Alexis*, alii, etiam Mediceus, Poeta, *Corydon* ex antiqua narratione apud Serv.; Gud. addit *de amore pueri*. Leid. *Carmen vel micticon*; Poeta, *Corydon*, *Ecloga secunda*. Voss. *Coinon vel Miston*, forte pro *κοινὸν* et *μισητόν* h. impurum et libidinosum.

\*\*) Si modo recte accipio v. 2. *delicias domini*, ut idem utrique dominus esset. Verius nunc arbitror: Alexin esse Iolae pusionem alterius pastoris; ipsum autem Corydonem hominem sui iuris, pastorem gregis sui: qui adeo bene iactare poterat opes suas v. 20 sq. *Mille meae*—.



sis. Transtulit poeta in Corydonem nonnulla, quae melius de Polyphemo dicta erant, ut illud v. 25 *nuper me in litore vidi*. Inverso modo Polyphemi amores ad Corydonis exemplum expressit Ovid. Met. XIII, 776 sq. 801 sq.

**F**ormosum pastor Corydon ardebat Alexim,  
Delicias domini; nec, quid speraret, habebat.  
Tantum inter densas, umbrosa cacumina, fagos

### 1. ALEXIN

1 *Formosum* Rom., de qua scriptura v. Pier. *Corydon*, Κορύδων. Male *Coridon* et *Choridon*. *Alexin*: alii *Alexim*. v. Heins. hic, et quoties eadem varietas redit, v. c. *Daphnim* et *Daphnin*. prius Heins. praefert ex observatione usus doctioris. Est tamen *Daphnin* ad astra feramus. cf. ad 15. 26. 73. (Scripsi *Alexim*, quod ex Palat. notatur. De hac terminatione vid. quae disputavi Q. V. III, 3. *Wr.*) Tum in cod. Rom. *Corydon pastor ardebat*. Legerat Eclogam Propert. II extr. 73. v. Vitam Virgilio 717. 2 *nec quod sp.* edidit Brunckius sine libro: ex usu Ciceroniano, quod iam maluerat Nodell. Obs. Crit. p. 39 et Io. Schrader. (Neque poeticum hoc: *habeo*, *quid*, ut Heynius, neque ἀρχαϊκῶς dictum, ut Vossius statuit. *Habeo* quod dicitur de re, quae vere est; *habeo* quid de re, quae an sit, aut qualis sit, incertum est; quod est dubitantis et rem animo volventis; Germanice hoc exprimas adiecta particula *wohl*, *etwa*, *vielleicht*. Itaque *habeo*, *quod respondeam* valet: in promptu mihi est respondere, possum respondere, *ich kann antworten*, *ich habe eine Antwort darauf*; *habeo*, *quid respondeam*: i. e. non plane dcest, quod responderi posse videatur, *ich könnte wohl darauf antworten*, *ich wüsste vielleicht eine Antwort darauf*. *Habeo*, *quod sperem*, *ich habe eine bestimmte Hoffnung*; *habeo*, *quid sperem*, *ich könnte wohl*, *vielleicht*, *etwas hoffen*; non habebam, *quod sperarem*, i. e. nulla erat spes, *ich hatte keine Hoffnung*; non habebam, *quid sperarem*, i. e. nulla spes videbatur esse; nihil spei apparebat; nulla spes, omnia mihi circumspectanti, offerebatur; *ich wusste nicht*, *was ich etwa hoffen sollte*. Firmatur id, quod modo disputavi, ut ipsa ratione, ita satis grandi exemplorum numero, quae petere licet ab Handio ad Stat. Silv. I, 2, 114. Beiero ad Cic. Offic. II, 2, 7. Ramshorn. Gr. Lat. §. 160, 1, Not. 2. Eodem modo inter se differunt *mirari* *quid* et *mirari* *quod*. Liv. XXXVIII, 10.: „Eo tandem legati Aetoli, mirante consule, quod morarentur, venerunt;“ i. e. mirabatur moram, et succensebat; recte, ut ex praegresso *tandem* intelligitur; nec erat, quod Gronov. *quid* scribi mallet; hoc enim esset: mirabatur, quae causa moram afferret. vid. Drakenb. ad eum locum. Constat autem, id quod in nostrum locum cadit, quae cum aliqua dubitatione negantur, saepe fortius negari. — 3 Spohnius et Iahnus hic et infra IX, 9. tollunt commata, sententiam si spectas, recte, si grammaticam rationem, secus; vid. Q. V. XXXIII, 3, d. *Wr.*)

(1. *Ardere*, de amore, aut *aliquo*, quod usitatissimum, Horat. Od. II, 4, 7. III, 9, 5. Sil. Ital. V, 15. ubi vid. Drakenb. aut in *aliquo* Ovid. Her. IV, 99. Me-

tam. VIII, 50. aut *aliquem*, vel *aliquid* Hor. Od. IV, 9, 13. Stat. Theb. IV, 337. Gell. N. A. VII, 8. Prop. I, 13, 23. — 2. De deliciis et delicatis pueris cfr. Burm.

Adsidue veniebat; ibi haec incondita solus  
Montibus et silvis studio iactabat inani: 5

O crudelis Alexi, nihil mea carmina curas?  
Nil nostri miserere? mori me denique coges.  
Nunc etiam pecudes umbras et frigora captant;  
Nunc viridis etiam occultant spineta lacertos;  
Thestylis et rapido fessis messoribus aestu 10  
Allia serpyllumque herbas contundit olentis:

4 Drakenb. ad Sil. Ital. III, 429 malebat *solis Montibus*. Sed et *solus* satis se tuetur. v. Burmann. (*Solus* firmatur etiam Nemesiani imitatione, Ecl. IV, 41.: „solus cano.“ *Sp.* — Ita *flere* cum dativo Tibull. III, 6, 40. *stud. inani*, frustra. *Wr.*) Pro *ibi* Goth. sec. *ubi*; nec male. 5 Idem hemistichium in Ciri 208. (Hoc hemistichium, et alia quaedam in Ciri lecta, Corn. Gallo sublegisse Virgilium statuit I. H. Voss. pag. 55. Sed ego multo graviores habeo causas, cur ista omnia ex Virgilio sumta existimem. *Wr.*) 7 *coges* Rom. et Heinsii meliores, et defendunt ex Theocr. ἀνάγκασθαι με ποιήσεις. Sed praesens, quod et ipsum boni codd. Pierii et aliorum agnoscunt, maiorem vim habet. v. Cerda, Burmann. (*Coges* recte; nam *denique* h. l. indicat futurum tempus. Non est h. l. gradatio: nil curas; nil misereris; mori denique cogis! sed per interrogationem procedit oratio: num curas? num misereris? vae ad mortem me ages! Non quidem nunc cogis, sed, si ita pergis, coges. *Sp.*) 9 *nunc etiam virides* Ven. ap. Burm. et Goth. sec. *inculant* Moret. fragm. *lacertas* idem fragm. Moret. et codd. plures ap. Burm., it. sec. Goth. 10 *rabido* emend. Clericus, rustice a Burmanno exagitatus, quanquam et illud bene dicitur et locum habet. (*Rabidus* numquam de sole et aestu dicitur, nisi quum iunctum fuerit sideribus a feris bestiis, ut Leone, Cane, nomen habentibus. *rapido* legere malit Odinus in Miscell. Obs. Crit. Nov. T. XII. p. 475. *Wr.*) 11 Nonnulli *Alia*; antiquus mos consonas geminas una

ad Suet. Aug. 83. Gronov. ad Stat. Silv. II, 1. V, 5, 66. Plut. Anton. c. 59. Iuven. VI, 47. — *Domini*: non utriusque, Corydonis et Alexis, dominus Iolas, sed solius Alexis; cfr. vs. 19. sqq. *Sp.*)

4. 5. Vid. Theocr. XI, 17. 18. *iactabat*, ut *verba*, *voces*, *iacere*, et Ecl. V, 62 *voces iactare ad sidera*. Nunc silvis in montibus conqueritur spretum amorem suum. (cfr. Broukhuis. et Wunderl. ad Tibull. III, 6, 40. *Sp.*)

7. Ex Theocr. III, 9, 8-13. In summo aestivi temporis aestu tua vestigia sequor. Suaviter e vita rustica adumbrata sunt sequentia. ad v. 8 cf. Georg. III,

327 sqq. 9. Ex Theocr. ductum VII, 22 *σῶρος ἐφ' αἵμασι αἰσι καθεύδει*, ubi ὅφ' ex h. l. commendabat Valck. Diversa tamen *αἵμασι* ex caementis a spinetis; assident lacertae maceris, aut insident: praestat saltem ἐν, quod codd. praebent.

10. *rapido aestu*, h. vehementer, magno, quia *sol rapidus* dicitur, ducto vocabulo ab iis, qui *rapido cursu* h. magno et incitato feruntur, adeoque incallescunt, fervent. Burmannus, qui h. l. Clericum exagitat, ipse nimis argute exponit, *aestum*, qui *vires messoribus rapit*. Alio modo *flamma rapit*, rapax est. 11. *herbas olentis*, ornat epitheton

At mecum raucis, tua dum vestigia lustro,  
Sole sub ardenti resonant arbusta cicadis.  
Nonne fuit satius, tristes Amaryllidis iras  
Atque superba pati fastidia? nonne Menalcan? 15

tantum scribendi. In talibus haerere nihil attinet. Porro alii *serpillum*, *serpullum*, *serpelium*; sed est *ἑρπυλλον*. quod latine scribi debuit *serpullum*. 12 *Ac* Rom. Heinsius malebat distinguere: *At me, cum raucis — cicadis, resonant arbusta* ut Ecl. I, 5. 14 *melius* Zulich., ex interpretatione. 15 *Menalcan* a Pierio ex optimis commendatum, a Pulmann. Commelin. aliis receptum; alii *Menalcam*. In his igitur graeca terminatio pro exquisitiore habita est. v. ad vs. 1. (Rom. *superva*, de qua scribendi ratione consu-

a natura rei ductum, nec definit, bene an male, modo graviter ac valde. Simile edulium esse videtur *moreto*: quod carne descriptum habemus. *Allia* vero *serpyllum*que memorantur simpliciter, quia talium hominum in illis terris quotidianus cibus erant; nam, quod ideo manducasse aiunt, ut odoris gravitate serpentes et scorpiones fugarent (v. Plin. Valer. IV, 37, et Ursin. in Virg. coll. ad h. l.), id vero, ne subtiliter magis, quam vere dictum sit, vereor. *Serpyllum* esse nostrum *Quendel*, *Feldkiimmel*, *wilder Thymian*, Martinus ad Georg. IV, 30 docet; dubitant alii, an diversum sit.

12. *Arbusta resonant cicadis mecum* h. me cantante, illis una stridentibus. Nam ita *mecum* accipere iubet ratio grammatica, quam hic illustrabo. Ge. I, 41 *Ignarosque viae mecum miseratus agrestes*: mecum, qui eos miseror ipse. Ge. II, 8 *musto tinge novo mecum crura*, mecum, qui et ipse tingo, calco uvas. Aen. I, 675 *Sed magno Aeneae mecum teneatur amore*. mecum, simul, ut ego eius amore teneor. Meminisse debebam haec, ad locum Aen. IV, 115 expediendum, ubi Iuno ad Venerem: *mecum*

*erit iste labor*: erit tibi labor hic una mecum; me una tecum al-laborante. In aliis locis res est apertior, ut statim inf. vs. 31. *Mecum una in silvis imitabere Pana canendo*, una mecum, qui ipse imitor. Apud Horat. *sic collige mecum*. Eodem igitur modo h. l. *arbusta resonant cicadis mecum*, me canente; resonant arbusta et cicadis strepibus et me una canente. (At non est idem: *arbusta resonant cicadis*, et: *arbusta resonant Corydonis cantu*. Adiecta haec sunt temporis accuratius definiendi causa; ac *mecum* ad tempus spectat: solae enim cicadae tempore meridiano, ab hora quarta, i. e. nostra decima, Ge. III, 327. sq., ceteris animalibus quiescentibus, canunt. Sententia igitur haec est: eo tempore cano, quo cicadis arbusta resonant. Quum autem hoc ipsum resonant *arbusta cicadis* idem sit, quod *cicadae canunt arboribus insidentes*, non debet offendere ea structura: *mecum resonant arbusta cicadis*: sed sola ex his repetenda est canendi notio: *mecum canunt cicadae*. Ceterum nihil necesse, maritatas arbores, ut statuit Vossius, sub arbustorum nomine intelligi. *Wr.*) 15. *nonne Menalcan?* nonne



Quamvis ille niger, quamvis tu candidus esses.  
 O formose puer, nimium ne crede colori!  
 Alba ligustra cadunt, vaccinia nigra leguntur.  
 Despectus tibi sum, nec, qui sim, quaeris, Alexi;  
 Quam dives pecoris, nivei quam lactis abundans. 20  
 Mille meae Siculis errant in montibus agnae.

lendus Pier. ad h. l. sic in Medic. Ge. I, 158.: *spectavis*. IV, 299.: *vima* Aen. I, 260.: *favor* pro *labor*. ib. 529.: *supervia*. ib. 577.: *iuebo*. ib. 708. a m. pr.: *discumvere*. II, 605.: *evetat* a m. pr. pro *hebetat*. ib. 785.: *supervas*. III, 9.: *iuebut*. IV, 546.: *iuebo*. VII, 605.: *Aravisve*. cfr. V. L. Ecl. VI, 16. — De forma *Menalcan* vid. Q. V. III, 1. *Wr.*) 19. *nec, qui sim*: ita meliores ap. Pier. et Heins. conf. ad Ecl. I, 19. (*qui sim* Paris. 4. 7. 8. Vid. Q. V. ad Ecl. I, 19. laud. *Wr.*) Vulgg. cum aliis codd. *quis sim*. Primum mutatum video in Pulmann. et Commelin. Est *qui* mollius et doctius. vid. Heins. 20 *nivei* et ad *pecoris* et ad *lactis*, nam utrumque recte dicitur, referri potest. Prius Serv. et Mart., posterius Heins., sequuntur. In pecore epitheton maiorem vim quam in lacte niveo habet. Si tamen poeticum morem, de quo monui ad I, 35., si porro aurem consulas, non dubitabis eo modo distinguere, quo nunc fecimus. (Voss. *nivei* et *pecoris* iungit. Sane quidem albae oves praestantiores habitae; sed id huc non facit; nam hoc est potissimum: dives pecoris sum. Praestat iungere:

pati satius erat Menalcae fastidia?  
 qui eum spernebat; quod v. sq. confirmatur. Erat hic colore fusco ut verna ruri natus. (Nonne fuit satius, Amaryllidem pati iracundam, morosam, superbam? nonne Menalcam nigrum ferre? i. e. hoc solum eius vitium, quod fuscus est; fastidia enim non ad Menalcam pertinent; et e verbo *pati* similis notio ferendi subauditur. Voss. et Sp.)

17. *ne crede*, confide formae. Servius e Sallustio laudat: *Virtuti satis credebant*. 18. cadunt, decidunt neglecta, adeoque iacent. *vaccinia nigra* esse eundem florem cum hyacinthis ferrugineo colore, satis convenit inter viros doctos. v. h. l. Cerda. cf. inf. v. 63. X, 39, cll. Theocr. Idyll. X, 28 *Καὶ τὸ ἶον μέλαν ἐντὶ, καὶ ἡ γραπτὰ ὑάκινθος*. Ge. IV, 183, ubi Martinus *hyacinthum* poetarum *lilium floribus reflexis*, sive *Martagon*, forte id genus,

quod *Imperial Martagon* appellant, *Türkisch Bund*, esse putat, et eius effigiem apposuit. Salmasius ad Solin. pag. 1224 *gladiolum*, nobis *Schwerdlilie*, intelligi contendebat: caussas breviter recensuit Ruaeus ad Ecl. III, 62. Add. nunc Schreber. ad Theocr. X, 28. Sed de *ligustris*, Italiae flore, maior dubitatio. v. Martin. ad h. l. Vulgo *troene*, *Rainweide*, reddunt; alii *convolvulum* maiorem intelligunt. Plinius arborem appellat. Graecis *Cyprus*. cf. Pompon. Sab. Sufficit, hunc florem, licet pulcrum, negligi, dum hyacinthus, coloris non aequae grati flos, ametur.

19. Ex Theocr. III, 7. et reliqua ex XI, 29 sqq. 21. *Siculis*. Revocatur adeo hoc carmen ad pastores Siculos. v. Argumentum. nec potuit Corydon esse verna Iolae; sed pastor sui iuris. (Mirum sane, quomodo Spohnium,

Lac mihi non aestate novum, non frigore defit.  
Canto, quae solitus, si quando armenta vocabat,  
Amphion Dircaeus in Actaeo Aracyntho.

*nivei lactis*; et solleane est hoc lactis epitheton apud Tibull. Ovid. alios; tum Graecis γάλα λευκόν, ut Homero, Theocrito. *Sp.*) 22 *Ille mihi* Menag. alt. *nec frigore* alii ap. Burm. *defit* Goth. pr. *Lac mihi non aestate, novum non frigore defit*: ita distinguit Burm. Hieme enim *lac novum* (v. Ecl. V, 67) suppetere, id demum esse gloriosum. Atqui ineunte hieme parvum edunt oves. Verum, etiamsi post *novum* distinguas, repetendum utique idem voc. in altero membro de hieme. De *colustro* vero non accipi potest. v. Martin. Locum ante oculos habuit et expressit Ovid. Met. XIII, 829. (Defieri dicitur, quod cessat, sive sensim incipit deesse, in eo est ut desit; deest, quod iam defieri coeperat ante. Sententia autem: lac novum per totum annum habeo; hinc sane post *novum* interpungendum. *Aestate — frigore*, ut Soph. Philoct. 17.: ἐν ψύχει μὲν — ἐν θερεὶ δέ. *Sp.* — Langius in Vindiciis Tragoediae Romanae pag. 49, allato hoc ipso loco, docet, oppositorum saepe talem esse vim, ut alterutrum non adsit, nisi ut alteri illustrando inserviat. *Wr.*) 23 *si quanto arm. vocabant.* ms. Barth. Burm. coni. *vacabant.* 24 Scribitur *Arachinctus*, *Arachintus* etc.; item *Arctheo*, lapsu vario. Item *Dirceus*. At est Διρκαιός. Pindar. P. 9, 153 Διρκαιῶν ὕδατων. Totus versus ex Graeco factus est: Ἀμφίων Διρκαιός ἐν Ἀρκαίῳ Ἀρακύνθῳ, ut adeo manifestum sit poetam Graecum esse expressum. (Quod ita manifestum esse, negat Vossius. *Wr.*)

in Prolegg. hoc carmen in Alexandrum, servum Pollionis, scriptum esse statuentem, et illic, et h. l. difficultas, quam obicit Siculorum montium commemoratio, fugere potuerit. At Virgilius non fuit Siculus. Sed habebat Spohnius, quod responsurus fuisset; nam ne pastor quidem fuit Virgilius. Et quum alia finxit in hoc carmine liberius, tum illud minime ita comparatum est, ut Spohnii sententiam evertat. Quid enim Virgilium, ut poetam, impediabat, quominus locum, ubi haec agerentur, Siciliam esse vellet, pastorum carminibus celebratam? Quid, quod ipsa Graeca nomina, Corydon et Alexis, non patiuntur, aliud his rebus esse theatrum, nisi regionem, in qua Graecus sermo regnaret? — De his: *Mille meae agnae*, exposui ad Eleg. ad Messal. pag. 33. *Wr.*) 22. Suppe-

teresibi per totum annum vaccas ait, quae bonam lactis copiam praebeant, ut quotidie lac recens apponi possit. Theocritus pro lacte *caseum* posuerat Idyll. XI, 36, etiam hoc ex more harum regionum: vide modo Georg. III, 400. 401.

23. Nec imperitum se cantus esse pronuntiat. *armenta vocabat*, revocabat, compellebat, ut inprimis sit vesperi, ut domum pastor gregem reducat. vid. suavem locum Apollon. I, 575 sq. et Cerd. 24. *in Actaeo Aracyntho*. Huius nominis nobilis mons est Acarnaniae sive Aetoliae; v. vel Strab. X, pag. 692 A; nam fines harum regionum modo angustius modo latius patuerunt; non longe ab urbe Pleurone. Ad hunc referenda haec esse contendit Palmerius Graec. ant. IV, 10, docetque eum tractum ἀπὴν dici apud Homerum, quia Ithacae et

Nec sum adeo informis: nuper me in litore vidi, 25

25 *Non Ven. et Parrhas., et in nonnullis deest in.*

Cephalleniae insulis ex adverso situs est in continente. Amphion tamen in Acarnania fuisse nusquam legitur. Occurrit et huic rei ita, ut partim nos non omnia de hac fabula memorata tenere dicat, partim verba haec: *In Actaeo Aracyntho*, initium carminis noti faciat, ut apud Theocr. Idyll. IV, 31, 32 fieri putat, et ut noster fecit Ecl. V, 86. 87, utque alii faciunt, v. c. Aristoph. Nub. 964. Alia exempla v. ap. Benth. ad Horat. I Serm. 3, 7. Et forte ad eundem modum trahendi versus Bionis Idyll. III (al. VI.), 7 sq., ut argumenta carminum sint, quae poeta Amorem edocuerit. Verum satis contorta est omnis illa Palmerii ratio, et tota Amphionis, qui lyrae cantu Thebas condidit (Horat. Art. 394), fabula ad Boeotiam pertinet; etiam hic *Amphion Dircaeus* a fonte Boeotiae. Tum vero nec deficit Aracynthi montis nomen et memoria in Boeotia: nam non modo Steph. Byz. Ἀράκυνθος, ὄρος Βοιωτίας, ἀπὸ οὗ Ἀθηνᾶ Ἀράκυνθος, et Vibius Sequester id asserunt, add. Lutat. ad Statii Theb. II, 239, et Sext. adv. Grammat. I, 12, p. 270; verum et illustris est Propertii locus III, 13 (al. 16.), 41 *victorque* (ultus matris iniuriam) *canebat Paeana Amphion rupe, Aracynthe, tua.* (ad quem locum miror in Burmanni edit. nihil esse notatum.) Simile quid in Euripidis Antiope lectum fuisse de Amphione, colligebat ex Probo Valckenarius

Diatrise pag. 66. 67. Probi verba sunt: *Amphionem et Zethum Euripides, Iovis ex Antiopa Nyctei filia natos, ait cantando potuisse armenta vocare.* Si recte haec a Probo scripta sunt, firmatur inde lectio Codicis in Propert. I. c. *Prata cruentantur; Zethus victorque canebat P.* ut sit *Zethus victorque Amphion docte pro Zethus Amphionque victores.* Nam frigent *Prata Zethi*, durum est *Prata cruentantur Zetho*; et, quae alii coniectant, *Prata cruentantur late*, vel quae coniectari possint, v. c. *laetus victorque c.*, lubrica sunt. Quod tandem *Aracynthus Actaeus* vocatur, puta eo spectare, quod mons ille fuit in finibus Boeotiae et Atticae, unde *Actaeus*; omnis enim Attica *Actaea* dicitur, h. e. littoralis, ab *acte*, quae pro *littore* dicitur. Sextus I. l. Ἀράκυνθος τῆς Ἀττικῆς ἐστὶν ὄρος. Add. Barth. ad Stat. II Theb. 239 *Illa* (Diana) *suas Cyntho comites agat, haec* (Pallas) *Aracyntho.* Copiosi in locis congerendis Cerda et Martinus. (Amphion cum fratre Zetho natus Eleutheris in confiniis Boeotiae et Atticae; expositus a Nycteo avo uterque, et educatus a pastore ac nomine notatus. cfr. Pausan. I, 38. Apollod. III, 5, 5. Ergo iuventutem Amphionis respiciunt poetae verba et tempus, antequam ad regnum ille pervenit. *Sp.*)

25. E Theocr. VI, 34 sqq. Verum in eo commode haec de Cyclope dici poterant; non aequae



Quum placidum ventis staret mare; non ego Daphnim  
Iudice te metuam; si numquam fallit imago.

26. DAPHNIN

27. METUAM, SI N. FALLAT

26 *Dum placidum* quatuor ap. Burm. *Daphnin* multi Pieriani et Rufiniani. cum pluribus Burm. Si *Menalcas* scribas, debuit et *Daphnin* scribi cum Pulmann. Commcl. Conf. Heins. ad v. 73. Conficitur res ex V, 52 *Daphnin ad astra feramus*. Itaque *Daphnim* expunxi. (Sed eam scripturam restituendam videri, docet Q. V. III, 3. *Wr.*) *Daphni* Rufiniani. p. 272. quod ornari posset, si tanti esset. 27 *fallat* meliores Pier. et Heins.; et sic elegantior sermo ferre putatur pro vulgari usu *fallit*, quod erat ante Heins. vulgatum. Mentel. pr. et Vcn. *fullet*. (Vossius, Spohn. et Iahn. praetulerunt *fallit*. Recte; Spohnius haec scribit: „*Fallat* dubitationem exprimeret ab h. l. alienam. Sententia haec est: Non informis sum; vidi me in litore, et imago non fallit.“ Diversi modi *metuam* vicinitas locum dedit, ut saepissime factum videmus, depravationi. Quod clarius etiam ostendit tertia lectio *fullet*, ab iis introducta, qui *metuam* futurum esse existimarent. *Fallit* quidem maiorem habet a codicibus auctoritatem; sed in his plus etiam valere ratio debet, quam codices; vid. Q. V. VI, 4. *Wr.*)

nunc de pastore, qui melius fonte, rivo, amni, pro speculo utitur. At Servius omnino negat mare unquam esse satis tranquillum, ut imaginem reddat. Videtur is de alto cogitasse; nam ad littus maris facies satis tranquilla et pellucida esse potest: conf. Cerda et Burm. Servio tamen obtemperarunt alii, in his Alb. Gentilis, qui de lacu Mantuano accipere maluit, ut Aen. I, 244 mare de Timavo. (De imagine in tranquilla maris superficie repraesentata vid. Lucian. Dial. Mar. T. I. p. 239. Ed. 1687. ibique interpretes. *Wr.*) *Quum placidum ventis staret mare*, h. a ventis, per ventos. v. inf. Ge. IV, 484. cf. Tibull. IV, 1, 126. Explicat Seneca Quaest. nat. V pr. *Itaque si legeris*: Quum placidum ventis staret mare, scito illud non stare, sed leviter succuti, et dici tranquillum, quia nec huc nec illuc impetum capiat.

Est hoc philosophi argutantis. Quantopere Tassus, dum eandem rem in *Amynta* ornare vellet, a rerum natura recesserit, docuere viri docti. (*placidum ventis* Spohnius explicat: *placidum a ventis*, coll. Hirt. Bell. Alex. c. 1.: „nam incendio fere tuta est Alexandria.“ Verum si cum his contuleris Aen. V, 763.: „placidi straverunt aequora venti;“ probabilior esse intelliges Wunderlichii sententiam, ita scribentis: „*Placidum ventis*, i. e. ventis sopitis, quum venti quiescere. Nam ventis placidis sternere aequora tribuitur, ut Aen. V, 763. Ita apud Soph. Aiac. 674.: δεινῶν δ' ἄημα πνευμάτων ἐκόλυσε στένοντα πόντον. h. e. *status vehementium ventorum* (sc. cessando) *gementem pontum sopire solet*; ubi vid. interpretes.“ Itaque *ventis placidum mare* i. q. ventis placatum, stratum. *Wr.*)

O tantum libeat mecum tibi sordida rura  
 Atque humilis habitare casas, et figere cervos,  
 Haedorumque gregem viridi conpellere hibisco! 30  
 Mecum una in silvis imitabere Pana canendo.  
 Pan primus calamos cera coniungere pluris

28 *O libeat tantum* duo Burm. 31 *Meque una* fragm. Moret. Deest versus in Zulich. 32 *primum* Rom. et Goth. sec. *cerae* Leid. Locum multi expressere una cum VIII, 24. ut Ovid. Met. XI, 154. cf. Tibull. II, 5, 31. 32. Ita quoque mox 40 sq. expressi ap. Ovid. Met. XIII, S34 sq.

28. *O tantum libeat*, ut Theocr. XI, 65. *sordida rura*, h. l. non in vitium dictum, sed pro vilis, pauper. *Servius tibi sordida* iungit, quae tibi sordent. (*Sordida rura*, quia carent munditiae urbanae cultu. Martial. X, 96.: „Et repetam saturae sordida rura casae.“ *Sp.*) 29. *figere cervos*, si ferae sunt, telo, iaculo, Georg. I, 308. Aen. V, 516. VI, 803. cf. Burn. h. l. Venationis tamen studium a vita pastorum alienum esse videtur. Praestat hactenus alterum, quod Servius habet: „aut furcas, quae figuntur ad casae sustentationem: quae dictae sunt cervi, ad similitudinem cornuum cervinorum.“ et praecesserat mentio casae; nisi alia ex parte id parum opportune commemoratur inter cetera ad vitae rusticae commendationem. Probarunt tamen hoc Lips. et Duker. in Specim. Not. ad Serv. To. I. Virg. Burm. In re militari obvia est vox, v. ad Tibull. IV, 1, 84 et Intpp. ad Liv. XLIV, 10. In vita communi aut pastoritia vox non aequè occurrit, et omnino poeta non satis caute dilogiam intulit: dum *figere cervos* dixit. (Venationem ferarum ad vitam pastoritiam pertinere, docere possunt Ecl.

III, 12. Ge. IV, 404–413. Colum. VII, 12. Geopon. XIX, 1–3. Theocr. V, 106. Neque ad laborem, qui est in furcis figendis, sed ad voluptatem Alexis invitatur; tum iubetur cum Corydone habitare iam structas casas, non extruendas demum. *Sp.*— Similia invenies ap. Serv. et Vossium. *Wr.*) 30. *hibisco*. Hibiscus e malvarum agrestium genere esse creditur, Graecorum *althaea*: etsi, quae de ea disputantur a viris doctis, parum certa sunt. vid. Martin. Iam h. l. duplici modo eius notio constituitur: aut cum Servio, ut sit, *ad hibiscum*, tanquam ad herbam pabularem: quod ex usu loquendi bene fieret; aut ut hibisci caulis et virga intelligenda sit, qua pastor utitur ad compellendum gregem. Haud diffiteor mihi nunc praeferendum videri prius illud; est enim *hibiscus* pabuli genus et planta esculenta: Calpurn. Ecl. IV, 32 *viridique famem solarer hibisco*. (*Hibisco*. dativ. pro *ad hibiscum*; vid. si opus videtur, Voss. et Gronov. Diatr. p. 8 sq. Recte idem Vossius negat, *compellere* significare i. q. *agere, ducere*; sed valere *agere aliquo*; requiri igitur locum, quo agantur.— 31. *in silvis*: comes

Instituit; Pan curat ovis oviumque magistros.  
 Nec te poeniteat calamo trivisse labellum:  
 Haec eadem ut sciret, quid non faciebat Amyntas? 35  
 Est mihi disparibus septem compacta cicutis  
 Fistula, Damoetas dono mihi quam dedit olim,  
 Et dixit moriens: te nunc habet ista secundum.  
 Dixit Damoetas; invidit stultus Amyntas.  
 Praeterea duo, nec tuta mihi valle reperti, 40  
 Capreoli, sparsis etiam nunc pellibus albo,

## 38. SECUNDUM:

33 *ministros* Franc. 41 Pierii Vatic. vetustissimus distinguebat: *sparsis etiam nunc pellibus. ambo Bina die siccant. ambo Bina die siccant* Goth. pr. Sic et in nonnullis Heias. Sed *ambo* otiosum, post *duo*. vid. Burm. (*etiamnum* fragm. Mor.; male, ut de re praesenti; recte vero Ge. IV, 135., ut de re praeterita; hoc est *damals noch*, illud, *etiamnunc, ietzt noch*. Vid. quae notavi ad Aen. I, 365. *Wr.*)

mihi eris in saltibus gregem pascenti; et saltus contrarii pratis, in quibus viret hibiscus. Haec Vossius. *Wr.*) 33. *Ovium magistris* sunt pastores, οἰοπόλοι. ut Ecl. III, 101 *Idem amor exilio pecori pecorisque magistro*, et alibi. Sic *gregis magister* Tibull. II, 5, 35. *pecori pecorisque magistris* Ovid. Fast. IV, 747 et sic saepe.

34. *Nec te poeniteat*, pigeat, molestum videatur aut parum te dignum. cf. Tibull. I, 4, 47. (Wunderl. haec ita accipit: „nec te, ut arbitror, poenitebit;“ minus commode. De vi verbi *poenitere* consuli potest Heusinger. ad Cic. Off. I, 1. Lambin. ad Hor. Sat. I, 6, 89. *trivisse labellum*, quia movetur ad labra canentis. *Sp.*) 35. *quid non faciebat* omnia fecit, nihil intentatum relinquens. Nota formula. Corydon igitur cantu fistulae excellebat: eiusque artis aemulus erat Amyntas. 36. *cicutis* pro cannis. Ecl.

V, 85. Expressa quidem haec a multis, satis ingeniose tamen ab uno Popio *Pastor*. II, 39, si expendas ac compares versus 43. 44. — (38. *Te nunc habet illa secundum*, dignitatis hoc iudicium. Ecl. V, 48. sq.: „Nec calamis solum aequiparas, sed voce magistrum. Fortunatè puer, tu nunc eris alter ab illo.“ — 39. *Dixit Damoetas*: non temere nomen repetitum; accedit dignitas ex persona loquentis, ut vidit Vossius. *Wr.*)

40. E Theocr. XI, 40 sq. III, 34 sq. *nec tuta mihi valle reperti*, commendat donum a difficultate; periculo a feris contempto capreas has silvestres ceperat. conf. Ovid. Met. XIII, 834 sq., quo toto loco hanc Eclogam ante oculos habuit. Ovem praebere ubera capreolis, exemplo non caret. 41. *sparsis pellibus albo*, ut maculae fuerint albae. Ducta res e Theocr. XI, 41, ubi vid. disputantes Intpp. *etiam nunc*



Bina die siccant ovis ubera; quos tibi servo.  
 Iam pridem a me illos abducere Thestylis orat;  
 Et faciet; quoniam sordent tibi munera nostra.  
 Huc ades, o formose puer: tibi lilia plenis 45  
 Ecce ferunt Nymphae calathis; tibi candida Nais,  
 Pallentis violas et summa papavera carpens,  
 Narcissum et florem iungit bene olentis anethi;

42 quod Rom. 43 ipsos a me Rottend. a me ullos Leid. pr. Schrader. coni. optat. 47 Palantes Leid. a m. pr. 48 bene iungit fragm. Morret. acanthi coni. Schrader. An bene oleat acanthus, ignoro.

vero, quia accessu temporis mutant colorem, ait Servius, ex albo in pallidum an lividum. Nisi, durius quidem, ad *siccant* referas; etiamnum lactent. (*Album* de colore Ge. III, 56. Senec. Q. N. III, 25. *Sp.* — Rem confirmant venatores, capreolos recentes sex ferme menses pelles albis maculis distinctas gerere, notantes. *Wch.*) 42. *die*, quotidie Ecl. III, 34. Aen. XI, 397. 44. *Et faciet*, abducat; ex Theocr. III, 36. Ad 45 sq. cf. XI, 47. 56. 57. (*Faciet*: non dixit *dabo*, ne voluntas declarata amatum offenderet. *Sp.* — De copula *et*, quae hic est minantis, vid. Q. V. XXXV, 7, c. *Wv.*)

46. *ferunt Nymphae*. Repente a vita vera et communi aberrat poeta et transit in vitam mythicam et poeticam; quod vix bene fit: inopinato enim in vitam vulgarem inducuntur deae, Nymphae et Naides. Forte tamen non nimium in hoc argutandum; ita enim loqui et deos deasque agrestes lusibus pastorum interesse dicere, genus carminis bucolici forte fert. Splendidi autem hi versus 46—55. (Haec non ita accipi debent, ac si omnia ista hoc tempore i. e. tempore messis

vs. 10., colligantur ac parentur Alexi. Demto ornatu haec est sententia: Haec omnia ruri nascuntur; diversis tamen temporibus, non una cuncta. *Sp.* — Calathus similis lilio explicato, vid. eius imago a Spanhem. ad Callim. H. in Cer. vs. 1. repraesentata. *Copa* vs. 15. sq.: „Et quae virgineo libata Ache-lois ab amne Lilia vimineis adtulit in calathis.“ Nymphae autem alunt flores: Cat. LXI, 21. sqq. — *lilia*, κλίνα, s. λείρια, *weisse Lilien*. Voss.) 47. *Pallentis violas*, sunt nostrae violae flavae, *gelbe Violen*, vid. Martin. ad h. l., inter vernos flores numerandae; λευκόιον s. albam violam, flore sive albo sive flavo sive purpureo, vocant veteres. *Pallens* vero pro flavo; si corpora hominum calidiore in plaga viventium reputes, quae, cum pallent, subflavescent. (*pallens* pro *flavus*: Ovid. Met. XI, 100.: „saxum quoque palluit auro.“ Martial. VIII, 44.: „Superba densis arcapalleat nummis.“ Aliter statuit Passow ad Pers. pag. 213. sqq. qui docens, pallere etiam de fusco colore dici, intelligendum censet ἴον μέλαν, non luteam violam, quae teste

Tum, casia atque aliis intexens suavis herbis,  
Mollia luteola pingit vaccinia caltha. 50  
Ipse ego cana legam tenera lanugine mala,

49 *Cum casia* Ven. et Parrhas. *Tunc* multi. 50 *Pingua* l. Nonius Marcellus in *caltula*. aliter Prisc. l. III.

Plin. H. N. XXI, 14. humilis sit parumque speciosa, et auctumno floreat, alieno ab h. l. tempore. Verum ibi diserte Plinius ait, maximam esse luteis auctoritatem; et argumento a tempore petito occursum supra a Spohnio ad vs. 46. *Wr.*) *Papavera* sunt ex genere silvestri, flore rufo, quod in arvis cum hordeo maxime nascitur. Plin. XIX, 9. vid. Martin. h. l. et ad Ge. I, 78. *Narcissus* ex eo ulique genere est, quod nos ita appellamus. v. eund. ad Ge. IV, 122. Schreber. ad Theocr. I, 133 cum Limaeo consentit, qui *Narcissum poeticum* edidit. (Quae autem Iulius Sabinus h. l. habet de Narcisso, coronis Erinnyum destinato, petita sunt ex Schol. Sophocl. Oed. Col. 681.) *Anethum* nostrum *Tille*, s. *Dille*, *dill*, *anet*, esse putatur, quod et in nostris hortis visitur, flore flavo. *ἄνηθον* etiam Theocritus cum rosis et violis iungit VII, 63: Dubites tamen de alio loco Idyll. XV, 119. Cum malvis et apio iungit τὸ τ' ἐνθαλὲς οὐλον *ἄνηθον* Moschus Idyll. III, 101. 49. *Casia* a Plinio inter herbas ac flores recensetur coronarios, et inter eos, quos circa alvearia serere iubet. Vulgo *lavendulam* nostram esse putant. vid. Cerda ad Ge. IV, 30, pag. 480. Sed Martinus, comparatis inter se Plinio, Dioscoride ac Theophrasto, docet, *Casiam* hanc esse

*cneorou* Graecorum, s. *Thymelaeae lini folio*, quae grana *cnidia* fert. v. Martin. ad Ge. II, 213. (Vossius *Zeiland* appellat. *Wr.*) 50. *pingit vaccinia*, hyacinthos ferrugineo colore, variat, *caltha*, tamquam flore diversi coloris, *intexens herbis* n. violas et reliqua. Aen. VII, 488 *cervum Mollibus intexens* ornabat cornua sertis. *Caltha* vulgo nostra *Ringelblum*, *marggold*, *souey*, habetur. vid. Cerda, quamquam de eo adhuc dubitat Martin. ad h. l. De *vacciniis* vid. ad v. 18. *mollia*, tenera, ut Ecl. V, 38 *mollis viola*, VI, 53 *mollis hyacinthus* et ut nostrum *sanft* pro *zart*.

51. *cana legam tenera lanugine mala*. *χρῶδοντα*. Intelligunt vulgo mala cydonia, s. cotonea, nobis *Quitten*, quae cana lana s. lanugine obduci satis constat. Quum tamen ea palato puellae parum grata fuisse videri possint (oblitus erat vir doctissimus, h. l. de re coronaria agi, ad quam referuntur quoque calathi floribus et pomis nucibusque scite ornati), coniicit Martinus significari a poeta *praecocia*, s. nostra *Apricosen*. Sed vulgata interpretatio confirmari etiam potest ex Alcimi Epigrammate Antholog. Burm. T. I, n. 211, quod ex h. l. expressum, ubi haec mala redduntur *velleribus hirsuta cydonia canis*. Calpurn. Ecl.

Castaneasque nuces, mea quas Amaryllis amabat.  
 Addam cerea pruna; honos erit huic quoque pomo;  
 Et vos, o lauri, carpam, et te, proxima myrte:  
 Sic positae quoniam suavis miscetis odores. 55  
 Rusticus es, Corydon; nec munera curat Alexis;

53 *poma* Ven.; porro *et ante honos* in vulgg. edd. et in nonnullis libris ad evitandum hiatus; male. vid. Pier. Heins. h. l., qui primus eiecit, et ad Ge. I, 4. 221. Wasium de Senar. cap. 4. Ad Graecorum imitationem, quibus adspiratio sonum consonae similem reddebat, *v* vel *w*, *f*: poeta et hoc accommodavit, est quoque hiatus in caesura, sententia subsistente. (De hiatu vid. Q. V. XI, 3. 4. Wunderlich. haec adnotat: „Sed etiam sic mihi hiatus, ab illo III, 6. diversus, ita displicet, ut lectionem *et honos* reduci malim. *Et—quoque* apud Ovid. Ep. XVI, 92.: „*Addit et ad festos hunc quoque Troia diem.*“ Constructio vero variata pro: *Addam cerea pruna, et hoc quoque pomum honorabo.*“ Sed vellem docuisset lectorem Wunderl., qui factum esset, ut ex plerisque codd. *et* excideret. Sententia autem haec est: *honos erit huic pomo apud te, Alexim.* *Wr.*) 56 *est* Rom.

II, 90. 91 *ut in arbore saepe notavi Cerea sub tenui lucere cydonia lana.* cf. Martial. X, 42 aliosque a viris doctis ad utrumque locum laudatos. 52. Respicit hunc versum Ovid. Art. II, 267. III, 183. 53. *cerea pruna*, sive flava, sive matura; hoc sensu dictum illud Alcmænis, quod h. l. laudat Fabric., *κηρίαν ὀπώγαν*, illo videtur accipere Ovid. Met. XIII, 818 *prunaeque, non solum nigro liventia succo; Verum etiam generosa novasque imitantia ceras.* Memorantur quoque cerea pruna in Copa 18. Alia loca Cerda laudat. cf. Intpp. ad Horat. I Carm. 13 *cerea Telephi brachia.* („Sunt et nigra—pruna—ac laudatiora cerina.“ Plin. H. N. XV, 13. laud. a Voss. et Spohn. Vid. ibi Intppr. *Wr.*) 54. *proxima myrte*, quae in calathio proxima laureis frondibus ponetur; et iunguntur fere. v. Horat. Od. III, 4, 19. v. h. l. Burm. (Vossius intelligit myrtum in hortulo Corydonis lauro

proxime positam; exile hoc, ad meum quidem sensum; Spohnius odoris suavitate proximam; hoc malim. Sed unice veram esse Heynii explicationem, evincit proximus versus: quoniam sic positae etc. *Wr.*) *Laurus* vero non est accipienda de eo genere, quae accuratius *lauro-cerasus* dicitur, et versus finem saeculi XVI ex Trapezunte et Constantinopoli ad has terras allata fuit, sed de ea lauro, quae in silvis et saepibus passim per Italiam visitur. Ceterum imaginem huius *serti flori* expressam dedit Martinus ad h. l.

56. *Rusticus es*, stultus; nisi poeta exprimere voluit Theocr. XX, 3 *Βωκόλος ὢν ἐθέλεις με κύσαι τάλαν*; quod tamen paullo argutius esset dictum. (*Rusticus* propria vi dicitur, adiuncta tamen stultitiae significatione, quae eiusmodi muneribus Alexis amorem conciliari posse speret; sic etiam Vossius haec intelligit. Et rus aperte opponitur urbi vss. 60.



Nec, si muneribus certes, concedat Iollas.  
 Heu, heu, quid volui misero mihi! floribus austrum  
 Perditus, et liquidis inmisi fontibus apros.

57 *certet* idem, et *concedat*, quod praestantiores Heinsii tuentur; idque editum inde ab Aldd. At Pierius editum laudat *concedet*, sicque multi codd. *concedit* pr. Moret. (Legendum *concedet*; nam si legerimus *concedat*, sensus esset: si forte certes, forte non concedat, i. e. fieri possit, ut non concedat. Sed hoc certum est, certumque esse ipse sentit. *Sp.* — cf. Q. V. VI, 3. Sed fugit Spohnium, saepe ea, quae, certissima esse significare volumus, cum aliqua dubitatione proferri. Tum coniunctivus ab optimis libris defenditur; quamquam fateor, modum praegressi verbi non raro ad mutandum proximi verbi modum valuisse. At unde tantum codicum discordium h. l. ortum putabimus? Originem mendi indicat pr. Mor., egregius liber, indicativum *concedit* exhibens. Praeclare autem Serv. Dresd. *Nec si muneribus certas, concedit Iollas.* Optime *certas*; nam facere iam instituerat. Indicativi quum offensioni essent, varie corruptus est versus a librariis. Sed ne cupidius rem egisse videar, intactam reliqui interim lectionem ab Heynio exhibitam. Praeterea *certet* etiam Lips. alt. sed supra scripta s. *Wr.*) *Iollas* in plerisque: quod metrica ratio requirit. *Iolla* Rotend. sec., ut Ecl. III, 79. Est *Ἰόλη. Ἰόλαος. Ἰόλας.* (*Iollas* Rom. et sic in eodem cod. alibi exaratum refert h. l. Bottarius; neque aliter Aen. XI, 640. in Mediceo; sic etiam Serv. Dresd. constanter. Brunckius cum Burmanno ubique *Iolus* simplici *I* edidit; sed retinui Heynianam, etiam per optimos codd. commendatam, rationem ut in Gracco vocabulo, in quo, ut produceretur brevis syllaba, more consueto geminabatur *I. Wr.*) 58 *Heu! heu!* Rom. et alii vetustiores: itaque recepit Burm.; vulgo editur et scribitur *Eheu*, ut et apud alios. v. h. l. Muson. et Burm. (Mira est Servii annotatio ad Aen. II, 69.: „HEU modo una est syllaba: sed interdum propter metrum duae fiunt, ut Ecl. III, 100.“ Num igitur etiam *he-ü*, utraque syllaba producta, pronunciatum putas? Fecellit Servium haud dubie, quod eiusmodi locis, ubi nunc duplex editur *heu*, unum videret exaratum, id quod egregie firmat Serv. Dresd., qui et ibi, Aen. II, 69., et hoc ipso loco, Ecl. II, 58., simplex *heu* exhibet. Sed admodum est probabile, librarios interdum, ubi geminatum *heu* invenirent, alterum omisisse, ut haud raro in simili causa factum. Cf. Aen. X, 705. Vid. etiam Burm. ad Ecl. III, 100., ubi rursus idem cod. Rom. praebet *Heu heu.* Huschk. Analct. ad Tib. Carm. pag. 711. *Wr.*) 59 *inmisi* Parrhas. *Perditos* Rom. ex antiquo usu. v. Pier. *Proditus* quart. Moret. *Perditis* Lutat. ad Stat.; at satis notum, *perditus* pro *miser*, ut, amore.

sqq. *Wr.*) *Iolas*, dominus (Corydonis et) pueri huius delicati. Fluctuat autem in sqq. et iactatur variis curis animus miseri amantis ab alio ad aliud abreptus. — (57. *Concedit*, i. e. cedit donorum amplitudine. *Wr.*)

58. 59. Ita intelligo: me miserum! qui munerum mentionem feci, quibus te expugnare et mihi conciliare vellem; quam meae caussae male ipse consului,

quum, ut munerum rationem habes, te hortor; habes enim herum tuum, amatorem, qui multo maioribus te corrumpere possit. (Amplecterer Heynii horum versuum explicationem, nisi haec praecessissent: *nec munera curat Alexis.* Si *Alexis* non curat munera, non est, quod Corydonem poeniteat, mentionem fecisse munerum. Tum ne miserat quidem, sed cogitaverat tantum de mit-

Quem fugis, ah, demens? habitarunt di quoque  
 silvas, 60  
 Dardaniusque Paris. Pallas, quas condidit arces,  
 Ipsa colat: nobis placeant ante omnia silvae.

60. AH D.

61. CONDIDIT, ARCES

60 *Quam f.* Menag. sec. a, ah, ha, o alii, ut fere in libris variatur scriptura. (*ha* etiam Serv. Dresd. vid. V. L. ad Ecl. I, 15. Ceterum *ah* commate separandum a vocativo; neque enim nominibus personarum iungitur, sed ad rei causam pertinet. cf. Ecl. I, 15. X, 48. et 49. Infra, vs. 69. sic procedit oratio: Ah, quae te, Corydon, dementia cepit. *Wr.*) 61 *quae condidit* Pier. ex Rom. ut sit ipsa illa dea, quae condidit arces. 62 *colit* duo Burm. *colant* Rom.

tendis; at si proximos vss. ad munera spectare censes, ea est eorum sententia, quae non mittenda munera, sed missa intelligi iubeat. Itaque alia ineunda est veri inveniendi ratio. Bene in his agnovit proverbialem locutionem Vossius. Floribus qui Austrum, ventum perniciosum, — hodie Scirocco vocatur — liquido fonti apros immitteret, eum demenciae argueremus; tranquillitate gaudent et flores et fontes, oderunt turbas. Stultitiae igitur in his inest accusatio; stulte autem fecit Corydon, qui, quum videret, numquam se voti compotem futurum, animi sui tranquillitatem deinenti huius pueri amore perverterit, quin etiam cum maximo rerum suarum detrimento huic amori indulserit; quod et divinare facile possumus, et patet ex vs. 70. Coepit igitur ad meliorem mentem redire Corydon; sed statim, ut mos est perditae amantium, rursus desipere incipiens eandem curam recoquit, quam modo videtur abiecissee. Felicissime expressum tam misere amantis ingenium Tibull. III, El.

VI., quod carmen, etsi fateor in reliquis eiusdem libri carminibus contineri multa iustae reprehensionis obnoxia, summo poeta dignum existimari debet. *Wr.*) *Perditus*, n. amore, amens. Ecl. VI, 88.

60. *habitarunt di quoque silvas.* Notum exemplum Phoebi. Ovid. Art. II, 239. Tibull. II, 3, 11. (add. Theocr. XX, 33. a Voss. laud. *Wr.*) Paris autem inter pastores adolevit. Pallas vero *πολιάς, πολιοῦχος, ἀγκαία* satis nota. v. Spanhem. ad Callim. Lav. Pall. 53. cf. Cerda. (Hoc tenendum erat cum Vossio; *condidit*, i. e. condere docuit; hinc urbes in eius tutela; hinc ipsa *πολιοῦχος* dicta. Et quae nunc doctiora videntur, illo tempore cuivis, etiam servo, nota esse potuerunt. Arx autem, clausa et circumsaepa urbs, egregie opponitur ruri libero et undique patenti. Vidit hoc idem Vossius. Secundum haec statuendum de reliqua parte notae Heynianae. *Colat*, i. e. incolat. De pronom. *Ipsa* mutataque interpunctione vid. Q. V. XVIII, 2, c. *Wr.*) Enimvero quid est, *quas condidit*? An plures arces, ἀκροπόλεις,

Torva leaena lupum sequitur; lupus ipse capellam;  
 Florentem cytisum sequitur lasciva capella;  
 Te Corydon, o Alexi; trahit sua quemque voluptas. 65  
 Adspice, aratra iugo referunt suspensa iuveni,

63 *capellas* Rom. 64 Hic versus abest a Ven. et Rottend. 66 *iugo ut referunt* Leid. et alii quidam. Sic Ecl. IV, 52. V, 6. Aen. X, 20 et al. v. Burm. *Aspice, ut* Goth. pr., paullo incitius; idem *referant*.

Minervam condidisse constat? Scilicet revocanda res ad solas Athenas: habitet Athene suas Athenas, quarum tutela illa est. Etiam haec paullo doctiora, quam pro pastorum ingenio, videri debent; monuit quoque Klotzius Opusc. pag. 285. Ornavit haec Popius *Pastor*. II, 59 sqq.

63. Ex Theocr. X, 30, quo loco, quidquid Grammatici pro Virgilio dicunt, multo commodius et elegantius positum est. Hic Corydon inter alias animi aestuantis curas ardoris sui incredibilem vim et impetum sive exponere sive excusare putandus est. (Comparatur hic studium atque impetus, quo, duce natura sua, bestiae feruntur, cum cupiditatis vehementia, qua abreptus quodammodo cogitur Alexim sequi Corydon. Quod minime alienum videtur a bucolici duntaxat carminis indole. *Wr.*) *Torva* est truculenta, ipso adspectu terribilis, βλοσυρά. *sequi* autem non uno sensu ponitur; alio enim modo Corydon Alexin sequitur, quam leo lupum. (Sensus sane diversus, sed eadem significatio, quum *sequi* de omnibus, quae studiose appetimus, dieatur. Gronov. ad Liv. XXVIII, c. 18. *Sp.* — *lupus ipse*, λύκος δ' αὖ, vid. Q. V. XVIII, 2, a. *Wr.*) 64. *Cytisus* fruticis ge-

nus, rhamno similis, colore albicante, ramis fere cubitalibus, iueundo foliorum odore et sapore, apibus et capris gratum. Nostorum *Cytisus Marantae*. Plin. XIII, 24. v. Martin. Ge. II, 431. Audio tamen etiamnum frustra hoc asseri; nec constare, qui cytisus veterum sit. Certe e XVII speciebus in Linn. ed. Murray p. 666 nulla convenit; esse forte medicaginis arborescentis genus suspicantur artis periti. Verum ad veteres poetas haec sunt ἀπὸς-διόγνυσα. (Vossio vocatur *Geisklee* ad Ecl. I, 78. *Wr.*) 65. *trahit sua q. voluptas*, amor, libido. vide Burm. Theocr. X, 31, unde haec conversa, ἐγὼ δ' ἐπὶ τὴν μεμάνημαι. cf. Martin. ad Ge. III, 130. (Verbum *trahere* de rebus, quae nos alliciunt et tenent. Iuv. XIV, 37. *Wr.*) 66. *aratra ex iugo suspensa*, inverso vomere, ut solum verrant, protracta. Horat. Epod. II, 63 *videre fessos vomerem inversum boves collo trahentes languido*. (Iunge: *iugo referunt*; *suspensa*, i. e. ita sublata, ut solum non tangant, *referunt*, i. e. domum ferunt, *iugo*. *Sp.* — *Suspendere* de rebus, quae vix terram attingere videantur, Plin. H. N. XXXIII, 8. Quint. Inst. Or. XI, 3. *Wr.*) Color horum versuum petitus ex Theocr. II, 38. 39.



Et sol crescentis decedens duplicat umbras:  
 Me tamen urit amor; quis enim modus adsit amori?  
 Ah, Corydon, Corydon, quae te dementia cepit!  
 Semiputata tibi frondosa vitis in ulmo est. 70

## 69. AH C.

<sup>1</sup> 67 *descendens* pr. Ed. et Vessian. a pr. m. *discedens* Pier. ex nonnullis, sollenni lapsu. (*decedens*, ut Ge. IV, 466. ubi eadem diversitas; vid. Burm. ad Ovid. Met. IV, 91. Sp.) 69 *O Corydon*. In aliis *a. ha. v. Pier.* (Comma posui post *ah.* vid. V. L. supra vs. 60. *Wr.*) 70 *tibi est f. vitis in ulmo* unus Heins. Iunius Philargyrius laudat e Varo anapaestos: *Et frondosam — Semiputatam — Queritur vitem.*

Graecis una voce est βουλντός. 67. Ecl. I, 84 *Maioresque cadunt altis de montibus umbrae.* (*Duplicat* proprie accipiendum; quod nisi facis, friget *crescentes*. Umbrae secundum Palladium per dies longissimos undecima hora duplo fere sunt maiores, quam decima. Voss.) 68. Theocr. VII, 56 θεμὸς γὰρ ἔρωσ ἀντῶ με κατάρθει. (Pridem sol desiit aestum facere; refrigescunt omnia: ego solus ardeo adhuc. Sic Voss. et Spohn. Frigidius hoc ad meum quidem sensum; mihi hoc dicere Corydon videtur: nihil prodesse tempus et moram mitigando suo amori; nec minus se flagrare, quam antea; omnia iam cessare et quieti se dare, solum amorem suum non restringui. *Wr.*)

69. Ex eodem XI, 72 sq. et epice in Aen. V, 465 *Infelix, quae tanta animum dementia cepit!* Obiurgat se ipsum, quod amori indulgens curam operis rustici negligit; debuerat dudum vites et ulmos amputare et opus inchoatum et omissum absolvere. Itaque v. 70. 71 subiicit *Semiputata tibi f.* cf. ad Ecl. I, 57, et Georg. II, 410. Servius ad l. l. superstitionem veterum com-

memorat, *in sacris dici furore corripit eum, qui sacrificaverit de vino, quod est de vitibus imputatis:* atque talis lex inter Numae leges memoratur: *Dūs, ex imputata vite ne libanto.* (Hinc deseruit Vossius simplicem sententiam, hanc proferens explicationem: demens es, vinum bibisti ex vite semiputata. *Wr.*) Cuius opinionis ad acundam rusticorum industriam summa vis esse debuit. Amputantur autem vites bis in anno, primum aestate (ad priorem hanc amputationem, quae fiebat ante aequinoctium, vid. Plin. H. N. XVIII, 26. ibique Hard., Corydonis verba referenda. *Wr.*), deinde post Idus Octobres, ut maturitatem capere fructus et sole coqui possint. Colum. V, 5 *Pamipinandi autem modus is erit, ut opacis locis humidisque ac frigidis aestate vitis nudetur, foliaque palmitibus detrahantur, ut maturitatem fructus capere possit, et ne silu putrescat.* De altera hac amputatione accipiendus locus Theocriti VII, 134, quod apparet, si conferas ib. vss. 24. 25. Idem in arboribus fieri necesse est, quibus vites se adiu-

Quin tu aliquid saltem potius, quorum indiget usus,  
Viminibus molliq̃ue paras detexere iunco.  
Invenies alium, si te hic fastidit, Alexim.

71. SALTEM, POTIUS Q.

73. ALEXIN

71 *potior quorum indiget usus* elegans est emendatio Marklandi ad Statii Silv. pag. 341. Sed *μᾶλλον* etiam in Theocr. loco XI, 74. (Male distinguebatur *saltem*, *potius*. *Potius* enim quid sibi velit h. l. cum his iunctum: *quorum indiget usus*, vix dixeris; neque enim, quarum rerum maior, quarum minor sit usus, hic requiritur, sed ut omnino aliquid fiat, quod utilitatem aliquam afferat. Hinc retrahendum ad praecedentia voc. *potius*, ut sexcenties iunctum invenitur *Quin potius*. Tum *aliquid* et *usus* fortius pronuncianda. *Aliquid saltem*, i. e. quantumvis exiguum. Et *aliquid* saepe, ut hic, rem parvam denotat; nostrum *nur Etwas*; sic Ecl. III, 15. 73. ubi vid. not. Aen. X, 84. de re maiore idem dicitur Aen. II. 89. Ovid. Met. XIII, 241. De structura autem *aliquid* — *quorum* vid. not. ad Aen. XI, 172. *Usus*, cf. Cic. de Off. I, 26.: „si quando usus esset;“ ibiq̃. Beier. — Ceterum ubique Medic. *saltem*, non *saltim*. Wr.) 72 *para* tres Burm. 73 *hic* abest a Rottend. sec. *fastidat* Rom. *Alexin* Heins. reposuit e melioribus, in quibus *Alexin* et *Alexim*, vulgo *si te hic fastidit Alexis*, quod et ipsum bene se habet. (Non unam ob causam recepta interpunctio praefereunda; quarum haec est gravissima, quod vitiosum est, carmen finire secunda sententia, qualis haec est: *si te hic fastidit Alexis*; non primaria, qualis haec: *Invenies alium* — *Alexim*. Et sic, *Alexim*, exarandum curavi; vid. vs. 26. Wr.)

gunt, et sustentur, ne aemula umbra viti noceat. cf. Martin. h. l. 71. *quorum indiget usus*, quae ad usum vitae rusticae necessaria; scil. vas aliquod, vel calathum. (Ceterum vid. V. L. Wr.) *detexere iunco*, cf. Tibull. II, 3, 15. *mollis*, *flexilis*, *ῥγρός*. — (73. *Alium Alexim*, alium formosissimum puerum, qui te non spernat; nomen pro simili, ut

saepe. Cf. Burm. ad Ovid. A. Am. III, 13. *Sp.* — *alium Alexim*; ita Tacit. Hist. IV, 73.: „Sed ne quis alius Ariovistus regno Gallicarum potiretur.“ Wch. — Cf. etiam Eleg. ad Messal. pag. 77. et Q. V. XXIII, 10. *Alter* in tali oratione spectat ad pares, *alius* ad similes, significatque *alius* id, quod nos dicimus: *wieder so einer, wie jetzt, s. wie sonst*. Wr.)

---

## E C L O G A III

### PALAEEMON

#### ARGUMENTUM

Disceptant hoc carmine alternis versibus duo pastores, Damoetas mercenarius, Aegonis oves pascens, et Menalcas, puerili aetate (v. 33) constitutus, et puerili petulantia alterum lacessens: cuius carminis, *amoebaeum* illud dicitur, ea lex est, ut is, qui respondet, iisdem versibus ac numeris aut contrarium aut maius et pulcrius aliquod dicat, aut ulla alia ratione simile quid subiiciat. Neque ex eodem omnia argumento necesse est esse petita, sed a variis ac diversis plane rebus arcessita; cuius quidem rei bene memores esse debemus, ne argutemur in constituendo sententiarum ordine et nexu. Etiam nostro tempore eius generis carmina apud Italos in pretio haberi, et laudari poetas *Improvisatori*, nota res est. (cf. Spencius, Anglus elegantissimus, Ecl. VII pr.) Occasio huius certaminis parum feliciter a conviciis mutuis et probris, quibus se invicem lacessunt; petitur, in quibus non modo honesti et decori nulla ratio habita, verum ne id quidem, quod poetae nomen et naturam efficit, spectatum est, ut non nisi gratae et iucundae res exhiberentur. Vitae et moribus huius generis hominum convicia ista haud esse insolita, nemo dubitet; verum poeta, si ingenio et carmine recte utitur, nunquam ad sordida et flagitiosa, turpia ac foeda, carmine exprimenda se demittet: multo minus, si carmina *virginibus puerisque* cantare se meminerit. Nec omnino inventi magna laus esse potest, non modo in summa carminis; est enim petitum argumentum ex Theocrito Idyll. IV et V; verum et in singulis versibus pastorum sibi respondentium: nihil enim in illis est, quod naturali aliquo sententiarum ordine vinctum vim ad animum habeat. Singula disticha sunt singula carmina: scopae solutae. De tempore huius carminis v. Vita Virgil. a. 711. cf. 709. Agitur res inter pascua et greges per agros gramen carpentes. cf. v. 55.

---



# MENALCAS. DAMOETAS. PALAEMON

M. **D**ic mihi, Damoeta, cuium pecus? an Meliboei?  
 D. Non; verum Aegonis: nuper mihi tradidit Aegon.  
 M. Infelix o semper, oves, pecus! ipse Neaeram  
 Dum fovet, ac, ne me sibi praeferat illa, veretur,  
 Hic alienus oves custos bis mulget in hora: 5  
 Et sucus pecori, et lac subducitur agnis.  
 D. Parcius ista viris tamen obiicienda memento.  
 Novimus, et qui te, transversa tuentibus hircis,

1 *ain'* M. unus Leid. 3 *oves* iam Ald. sec., Steph. et aliae, firmavitque Heins. ex Picr. Rom. Oblong. aliisque codd. *ovis* vulgo, quod secundo casu capiebant; at si est quartus casus, facile admittes. (*Ovis* omnes codd. Heinsii; neque aliter Servius. Recte; modo accusandi casu dictum accipias. Est hoc appositionis genus satis frequens in Bucolicis et Georgicis; vid. Burm. h. l.; idem tamen ab epico opere, Aenecide, fere exulat. Vid. Q. V. XXXIII, 3, d. *Wr.*) 4 *ille veretur* Leid. Servii. Sic et Rom. 5 *Hic'* *alienus*. Sic Marius Victorin. in Grammat. monet legendum. v. Heins. ad Aen. II, 664. Scilicet ubique ante vocalem ita erit scribendum; enimvero iam ubique conventum est in hoc, ut *Hic* producta syllaba sit pro *hicce*. (*Hic'* exprimendum curavit Bruuck. laud. Voss. de A. Gr. II, 29. Est hoc Grammaticorum inventum, merito repudiatum a Santenio ad Terent. Maur. p. 252. sq. *Wr.*) *ovis* vett. edd., Marius Plotius et potiores scripti cum edd., sed iam Aldd. *oveis*; tum *mulgit* Montel. 6 *sucus* ubique antiquiores: recte a sugendo. 7 *Parcius: ista*, ita distinguunt codd. nonnulli et Servius: atqui sic esse debebat: *ista viris te obiicere memineris*. 8 *hircis* Grammatici et pars codd., sive ut sit pro *hircis*, diversa scri-

1. Ex Theocrit. IV, 1 sq. *cuium* iam desueta vox erat; *sic rure loquuntur*, addebat Virgiliomastix, ut Pseudo-Donatus §. 61. memorat. („Hic quoque *an* habet vim addubitandi: *doch nicht?* quippe respondent ea Theocriteis IV, 1.: *τίνος αἰ βόες; ἢ ῥα Φιλώνδα;*“ Beier ad Cic. Off. I, 15, §. 48. *Wr.*)

4. Dum ipse Aegon Neaerae assidet, hic mercede conductus gregem eius perdit. Fere ut ap. Homer. Od. q, 246 *ἀλαλήμενος αἰὲν Ἀστυνάτ' αὐτὰρ μῆλα κακοὶ φθείρουσι νομῆες*. (6. *El sucus* etc. Prosaee conveniret *Quo sucus* etc. *Wr.*)

7. *Parcius ista viris*. Convicium convicio opponit Damoetas, et Menalcae infamiam pathicae libidinis exprobrat. Dicit itaque, etiamsi haec iure exprobrari mihi possent, at ista tamen convicia certe non homo mollis, effeminatus et turpis, iis facere debebat, qui sunt puris moribus, h. mili; ut apud Suet. Vesp. cap. 13 Vespasianus notae impudicitiae homini respondet: *Ego tamen vir sum*.

8. *Novimus et qui te* scil. corruperit. Non me latet, te inter greges, hircis intuentibus (potius: oculos ab ista turpitudine

Et quo — sed faciles Nymphae risere — sacello.

M. Tum, credo, quum me arbustum videre Miconis 10  
Atque mala vitis incidere falce novellas.

D. Aut hic ad veteres fagos quum Daphnidis arcum

9. QUO; S. RISERE; S.

12. FAGOS, Q.

ptura, sive ut sint ἄλλοι, oculorum anguli. v. Pier. Sed vid. Not. Apud Ovid. Fast. I, 283 Ianus *attollens oculos diversa tuentes* legitur; verum ibi, quia biceps est. 10 *Miconis* nunc scripsi e Theocrito hoc ipso loco, quem expressit: *Μικωνος* Idyll. V, 112. Vulgo *Myconis*. (Et sic, *Micon*, exstat in Serv. Dresd. Ecl. VII, 30. et *Amicon* in Medic. a m. pr. ibid. — Contra codd. auctoritatem Iahnus *tunc* scripsit. Posset nunc fides huic correctioni accedere ex Serv. Dresd. Verum *tum*, subiecta litera *c*, non raro in *tunc* mutatum. Vid. omnino Q. V. XXV, 1. et 5, a. et b. sub fin. *Wr.*) 12 *Daphnidis* Valer. Prob. in Arte Grammat. agnoscit. (Non est Virgiliana haec genitivi forma. Nam quod *Panos* Aen. VIII, 344. legitur, hoc minime

avertentibus. *Wr.*), et in ipso sacello Nympharum turpi libidine pollutum esse. *hircos* s. *hirquos* multi ex interpolato Servio de angulis oculorum accipiunt, h. oculis prae libidine in angulos reductis. Sed hoc inter argutias interpretum harum Eclogarum referendum; idque manifestum fit, si quis Theocrit. V, 41. 42, unde haec expressa, et Plinii locum (qui in nostro Plinio non occurrit), a Servio laudatum, comparet. *sed faciles Nymphae risere* n. sacrilegum hoc facinus, cum alii dii severiores id graviter ulturi fuissent. Potest itaque *faciles* hactenus ad lasciviam Nympharum referri, quae causa huius facilitatis erat: quae proprie in iniuria ferenda, h. l. e violata religione, spectatur.

10. 11. Aliud Menalcas Damoetae exprobrat flagitium malitiae in Miconem, corrumpenda eius vinea. Tum, credo, hoc factum, cum Nymphae viderunt me etc. Noto ironiae genere de se praedicat flagitium alterius. Imitatus est hoc, ut solent ho-

mines digna indigna imitari, Calpurnius VI, 84 sq. *mala falce*, obtusa, rubigine exesa, qualis falx ramis et vitibus tanto magis nocet. Ita exponit Burm., docte utique, ut tamen nihil huic loco insit, quod ad istam argutam rationem ferat. Damoetae furtim per malitiam vites incidisse ac corrupisse sufficit. Accipiamus itaque simpl. *malam*, nocivam, perniciosam. Tibull. III, 5, 20 *Et modo nata mala vellere poma manu. arbustum* potest esse synonymum *vitium*, ut Georg. II, 416 *Iam vinctae vites, iam falcem arbusta reponunt*. Nec tamen necesse; cum vites sint satae inter arbores iisque iunctae. (Arbustum est arboretum, ubi vites in ramis haerent; vites autem novellae sunt recens plantatae, humiles adhuc, quae nondum se ad arbores implicuerunt; ergo vites adultas et novellas laesit. *Sp.* — Capitale fuisse, arbores alienas incidere, ait Servius; vid. etiam Cuiac. Obs. IX, 12. laud. a Lemar. *Wr.*)

12. Recriminatur hic, simile-

Fregisti et calamos: quae tu, perverse Menalca,  
 Et, quum vidisti puero donata, dolebas;  
 Et, si non aliqua nocuisses, mortuus esses. 15  
 M. Quid domini faciant, audent quum talia fures!  
 Non ego te vidi Damonis, pessime, caprum  
 Excipere insidiis, multum latrante Lycisca?

probat, etiam *Daphnidos* hic et similiter alia scribenda esse. Vid. ibi notata. — De verbis *hic ad fagos* cf. quae notavi in V. L. ad Ecl. I, 54. — Comma post *fagos* quod antea conspiciebatur, recte sustulit Wunderlichius. Structura verborum haec est: Aut tum, quum viderunt, quum hic ad fagos *Daphnidis* arcum fregisti: *als sie sahen, wie du* etc. Sic saepe apud Ciceronem *audire, videre, quum*. cfr. de Orat. II, 46, sect. 193. *Wr.*) 15 *aliquid* Ven. et Parrhas. *aliquem* Rottend. alter. *ex aliqua* Voss. ex glossa. 16 *faciant* Heins. ex optimis codd. etiam Pierianis iterum revocavit; ediderat iam idem Nauger. in Ald. tert. (vid. Not. *Wr.*) Vulgo *facient. facerent* unus Moreti. (vid. Not.) *Quid facient domini, audent* Scalig. et Gifan., evitandi ingrati soni caussa. 17 *Nonne ego* Menag. sec. et Goth. pr.; idem mox *correcta*.

que eius, quo se petatum videbat, malitiae et invidiae flagitium obicit Menalcae. (De singulis vid. V. L. *Wr.*) *quae donata* v. 13, sc. *arcum* et *calamos*. Arcus non alienus a pastorum vita ad defendendos greges a feris. (Venandi etiam causa pastores arma gessisse, supra notatum est, Ecl. II, 29. *Wr.* — Et *calami* de sagittis Hor. Od. I, 15, 17.: „calami spicula Gnosii.“ *Sp.*) Videtur arcum e fago suspensum reperisse Menalcas, cuius potiundi ipse cupidus fuerat, at *Daphnis* eum puero donaverat. (*Perversus* de malevolo, iniquo, Brut. in Cic. Ep. Div. XI, 10. Liv. XXI, 33. *Sp.*)

16. *fures*, servi, ex oppos. *domini* et vetere interpretatione *Servii*; cum nunc ille mercenarius pastor conviciari audeat. Usus vocis in vulgari sermone arguunt *Comici*, qui fures pro servis improbis, ac de scelestis plebe adhibent. („Multi putant furem simpliciter poni pro servo, quod

est falsissimum. Serio numquam sic ponitur, neque umquam sensus potest ad servum deduci, nisi quando iocantur aut illudunt personae comicae; tum fures dicuntur servi parum fidi, aut homines e plebe eiusdem farinae. Sententia horum verborum haec est: Quum hic mercenarius furacissimus talia in me audeat proferre, quid putem dominum sibi licitum putare adversus me, Aegonis in Neaera, quam amamus uterque, aemulum? Ergo *faciant* legendum, non *facient*, quod esset: quid exspectandum est? quid ille facturus est? tunc certo facturus aliquid esset Aegon. Contra *faciant*, quid putem, sumam, eum facere posse, sibi licitum putare.“ Haec Spohnius, Vossium secutus. Illud quidem recte negatur, servos simpliciter dici fures. Itaque si eam sententiam, quam Vossius et Spohnius, inesse his velis, scribendum erit, ut sibi constet oppositorum ratio: „Quid domini faciant, audent



Et quum clamarem: Quo nunc se proripit ille?  
 Tityre, coge pecus; tu post carecta latebas. 20  
 d. An mihi cantando victus non redderet ille,  
 Quem mea carminibus meruisset fistula caprum?  
 Si nescis, meus ille caper fuit; et mihi Damon  
 Ipse fatebatur; sed reddere posse negabat.

## 22. FISTULA, C.

19 *Et dum* multi. 23 *quem mihi* Rottend. sec. 25 *haut unquam*  
 Goth. pr. pro *aut*; nonnulli *haud* apud Burm. et Pierii Mediceus. Cetera  
 similia Ecl. II, 32.

cum talia servi;“ non fures. Ac ne sic quidem omnia bene se haberent: scribendum esset *facient*; sane enim exspectare deberet Menalcas, Aegonem etiam audaciorem fore servo illo suo. Coniunctivo in tali interrogatione utimur, aut quum significare volumus, nescire nos, quid fieri possit; Ecl. VIII, 26.: „quid non speremus amantes;“ i. e. nescio, quid sperare non possumus, s. nihil non sperandum est;— aut quum animi pendemus, neque habemus, quid faciamus. Iam vero quum sibi opponantur domini et fures, non dominus et servus, necesse est, aliam esse horum verborum vim ac sententiam. Quam negligi potuisse a Viris doctissimis, est quod mireris. Hoc igitur dicit Menalcas: Vidi te audacissimum esse furem; quid igitur non timendum domino talis servi? quippe verisimile est, eum, qui vicinorum bona invadat, multo minus temperaturum ab iis, quae in promptu sunt et quasi invitant ad furtum, bonis dominorum: quomodo igitur domini tueri sua poterunt adversus horum rapinas? hoc est illud: *Quid domini faciant?* *Was sollen die Her-*

*ren thun?* nihil habent, quod faciant. vid. Q. V. XXXI, 11. — 18. Lyciscam Servius vult canem esse ex lupo et cane natum; vid. Plin. H. N. VIII, 40. et Ulit. ad Grat. Cyneg. p. 201. sq. a Lemar. laudd. — 19. *ille*, vid. Q. V. XXI, 1, a. *Wr.*) 20. *Tityre, coge pecus*, quod dispersum vago discursu palabatur; tacite vero eo ipso indicabat, furem adesse, qui caprum ex grege dolo interciperet. *Tityrum* vero Damonis servum intelligere debemus, aut eum certe, qui eius pecus pasceret. *Carex* apud Catull. cum *iunco*, apud Colum. cum *filice* iungitur; Georg. III, 231 *acuta* appellatur; videtur itaque *iunci* genus esse commune, *Riedgrass*. v. Martin. ad Ge. III, 231.

21 — 24. Non furtum factum, sed debitum a Damone esse exactum profitetur Damoetas. — (22. Inter singulas cantilenae partes syringe, vel fistula caneabant; et *fistula carminibus meruit* ita dictum, ut Ecl. VIII, 21.: „Incipe Maenalios mecum mea tibia versus.“ *Sp.*) 23. *Si nescis*, h. ut hoc scias, ne hoc ignores. Ovid. Epist. XX, 150 *Si nescis, dominum res habet*

M. Cantando tu illum? aut umquam tibi fistula cera 25  
Iuncta fuit? non tu in triviis, indocte, solebas  
Stridenti miserum stipula disperdere carmen?

26 *Vincta* Rom. et alii, sollenni lapsu. Sed vid. Heins. Nonnulli *num tu*, et v. 27 unus Heins. *misere. dispergere* ms. Lenguich. quod etiam Wakefield. in animum venerat ad Lucret. I, 418.

*ista suum.* — (24. Reddere noluit non aliam ob causam, quam quod, si reddidisset, palam se victum et inferiorem Damoetae esset confessus. Ergo quamquam se victum confitebatur Damoetae privatim, tamen signum victoriae ei concedere noluit, ne famam perderet. *Sp.*)

25. *Cantando tu illum?* vixisse te ais? cf. Theocr. V, 5. (Interdum similis notio subauditur e verbo praegresso, ut incedendi notio e verbo currendi, Hor. Sat. I, 3, 9—11. supra II, 15.: ferre e verbo pati. Propert. II, 13, 37.: „Nec minus haec nostri notescet fama sepulcri, Quam fuerant Phthii busta cruenta viri.“ Sic h. l. activa notio vincendi e passivo verbo victus. *Sp.*) 27. *in triviis* — *miserum* addita intellige, ut efficiat, ea esse quam vilissima; uti *disperdere* h. e. corrumpere, vitare, depravare, invidiose pro canere. (*Stridenti*, non, quae nunc stridet, sed quae omnino; participium h. l. vim induit adiectivi: *stridenti* pro *stridula*. Nam participia ablativum non in *i* mittunt, sed in *e*. Vid. Benth. ad Horat. Od. I, 2, 31. 25, 17. — *Stipula*, uno calamo, non syringe s. fistula, pluribus calamis iunctis. — *Disperdere* est *male perdere*, ut *dispeream*, i. q. *male peream*. Propert. II, 33, 10.: „duro

perdere verba sono!“ — *in triviis*, quale canunt viatores et agrestes homines; Calpurn. I, 28.: „Non pastor, non hoc triviali more viator, Sed deus ipse canit.“ Ovid. Trist. IV, 1, 5.: „Hoc est; cur cantet vinctus quoque compede fossor, Indocili numero quum grave mollit opus.“ *Sp.* — „Vulgares versus in genere quantitate neglecta, haud scio, an etiam respexerit Virgilius Ecl. III, 26. Sic Iuvenalis VII, 53.: *Sed vatem egregium, cui non sit publica vena, Qui nihil expositum soleat deducere, nec qui Communi feriat carmen triviale moneta.* cf. Titium ad Nemes. Ecl. IV, 3. Eximie enim *indoctos* Antiqui vocabant Musicae, atque adeo Numerorum, ignaros. vid. Cicer. Tuscul. I, 2, 4. Quinctilian. I, 10, §. 18. sqq. et illic interpretes.“ etc. Haec Santen. ad Terent. Maur. p. 181. sq. Vossius intelligit carmen coram pueris aliisque rudibus hominibus cantatum; quod eodem denique redit. Ceterum Spohnius, quod nemo facile probet, *miserum carmen* ita dici putat, ut sit infelix carmen, *ein armes, unglückseeliges Lied*, quod canis non a te factum, sed per se bonum, quod tu ex alio auditum imitari vis et exprimere, cui vero tu male illudis male recitando. *Wr.*) *in*

D. Vis ergo, inter nos, quid possit uterque, vicissim Experiamur? ego hanc vitulam (ne forte recuses, Bis venit ad mulctram, binos alit ubere fetus) 30 Depono: tu dic, mecum quo pignore certes.

M. De grege non ausim quidquam deponere tecum: Est mihi namque domi pater, est iniusta noverca,

### 33. PATER; NOVERCA;

33 *iniusta*. Io. Schrader. malebat *infesta*, χαλεπή, ut ap. Theocr. χαλεπὸς δ' ὁ πατήρ μου καὶ ἡ μήτηρ. Idem mox coni. *pecus*, altera haedos.

*trivis*, multo minus in certamine.

28. (*Visne et vin' tu* interrogat tantum, sed *vis* et *vis tu* excitat. *Sp.*) *vicissim* h. l. per vices, alterne; ad amoebaeum carmen referendum. cf. Ecl. V, 50. (Non satis accurate Heynius. *Vicissim* enim, si per se spectas, non necessario ad carmen amoebaeum referendum. Aliud est enim, si alter praeit carmine cantando, alter sequitur, ut Ecl. V, 50.: „quocumque modo tibi nostra vicissim Dicemus;“ i. e. nos vicissim, quantum in nobis est, postquam tu cecineris, canemus. Sed nunc non semel hoc, verum saepius agendum. Aliud igitur amoebaeum carmen, quale hic exhibetur, ubi alterni cantant, saepius periclitantes carminibus canendis vires. *Vicissim inter nos*, ut Lepidus in Cicer. Ep. Div. X, 34.: „studia officii mutuo inter nos certatim constituerunt.“ — *Vitula* hic i. q. iuvenca. Ge. IV, 299.: „vitulus bima curvans iam cornua fronte.“ Sic *puer* de iuvene, viro; *virgo* de muliere, quae iam peperit. Terent. IV, 8, 10. vid. Forcell. Philargyr. ad h. l. Varro, Columella et Geop. Gr. tertio quartove anno exacto vac-

cam parere volunt; tamen apud Romanos etiam anniculae pariunt, quod non probat Plin. H. N. VIII, 45. *binos alit fetus*; Plin. l. l.: „gignunt raro geminos;“ ex Arist. H. A. VI, 21. Addit: *ne forte recuses*, laudans eam a praestantia, ne ille, quem ad sponsionem provocat, certamen detrectet, quasi vili pignore, nec satis digno posito. *Sp.*) Damoetas vaccam in sponsione collocat. conf. Theocr. VIII, 11 sq. 30. Ex Theocr. I, 25. 26. (Non recte comparant hunc locum cum nostro, quia illic de capellis agitur. *Sp.*) Est autem iuvenca διδυματόκος: aliter quam apud Theocritum, in quo ἐς δύο πέλλας positum est, ut tantum lactis ex mulctu proveniat, quantum ad duo mulctralia replenda satis sit. *pignus* dictum pro sponsione. cf. Theocr. VIII, 14 sq. (non pro sponsione; sed sponsio fit per pignus, aut unum, quod alter aut perdit, aut retinet, aut duplex, quod alteruter cum suo recuperat. *Sp.* — *quo pignore* idem quod: *quo pignore posito*. Haec ad illud caput grammaticae, ubi de ablativis absolutis agitur, pertinent. *IVchl.*)

32. Theocr. VIII, 15 sq. (*tecum*, non *in certamine tecum*,



Bisque die numerant ambo pecus, alter et haedos.  
 Verum, id quod multo tute ipse fatebere maius, 35  
 (Insanire libet quoniam tibi) pocula ponam  
 Fagina, caelatum divini opus Alcimedontis:

ut sit noverca. (Commate, non semicolo, uti fecerat Heynius, post *pater* interpungendum, ut adiectivum *iniusta* etiam ad patrem pertineat. Satis quidem constat, iniustas inprimis vocari novercas; sed illud etiam ex Comicis notum, saepissime parentes a filiis nuncupari iniustos. Certe ex adiect. *iniusta* repetendum similis notionis adiectivum, ut *durus*; flagitat hoc particula explicativa *que* in *Bisque*. vid. Q. V. XXXIII, 10. Eandem ob causam etiam post *noverca* semicolon cum commate commutandum fuit. *Wr.*) 35 *tute multo ipse* Leid. *tu ipse* Ven. Ed. 1472. 36 Distinxere alii, ut iam in scriptis, post *libet*, alii post *quoniam*, sive eodem sensu, sive ut ipse Menalcas de se dicat, se insanire, qui depositurus sit contra vitulum poculum (poetice dixit plur. *pocula*), multo maioris rem pretii. (vid. Not. *Wr.*) 37 *Alcimedontis*. Multis modis aberrant librarii; est *Ἀλκίμεδων*.

ut Wunderl. explicat, sed: *uti tu pignus ponens*. *Sp.* Hanc veram esse explicationem, probat Plaut. Cas. Prolog. vs. 75.: „Id ni fit, mecum pignus, si quis volt, dato.“ vid. ibi Gronov. *Wr.*) 34. *Bisque die numerant*. Hinc ductum est illud: *Pauperis est numerare pecus*: Ovid. Met. XIII, 824. *alter et haedos*, fetum pecoris h. matrum caprarum, numerat. (*alter*, aut pater, aut noverca, prouti fert occasio. — *bis*, et mane, dum educitur, et vesperi, dum redit pecus in stabula. *Sp.*) 36. *Insanire* scil. mecum certando. *pocula ponam*: aut pluralis pro singulari positus aut sunt duo pocula: utrumque fit paullo durius; praeferam tamen prius: cui alter tamquam maius aliquid vs. 44 subiicit: *Et nobis — duo pocula*. (At quidni duo intelligamus pocula, quum vs. 44. etiam Damoetas duo commemoret? Et *pocula* pro uno poculo dici, recte negat Vossius. Ne autem forte verba *in medio*

vs. 40. Heynii sententiae patrocinarari putes, Damoetas eadem de suis poculis repetit vs. 46.; et voc. *medium* substantivi loco capiendum. Paria autem poculorum haberi esse solita, Vossius docet; et bina singulis convivis fuisse apposita, apparet ex Horat. Sat. I, 6, 117. ab eod. Voss. laud. — Bene autem fagina pocula; ea conveniunt pastorum paupertati. Et faginea pocula pauper ministrat Philemon apud Ovidium. Dudum usum poculorum fagineorum exolevisse apud Romanos, certe elegantiores, discitur ex Tibull. I, 10, 8.: „nec bella fuerunt, Faginus adstabat quum scyphus ante dapes.“ Sed his Menalcae poculis pretium accessit ex caelaturae artificio. *Wr.* — 37. Alcimedontem non pastorem, sed artificem clarum fuisse notat Ciampi in *Dissertat. dell' antica toreutica*. Sed fictum tamen nomen esse videtur. *Iahn.* — Sillig. in Catal. Artif. haec scribit: „Haud ego recusaverim, si quis Alcimedontem Virgilio ae-

## Lenta quibus torno facili superaddita vitis

38 *facilis* fuisse a prima Virgilii manu testatur Serv. ad Aen. II, 592, agnoscit quoque Donatus, estque idem illud in quibusdam codd. parum commode post *lenta*. Etiam *fragilis* Rom. et al. v. ad Ovid. Met. XV, 169 B. (Possit per se ferri *facilis*. Sic alias locutum esse Virgilium, probavimus ad Aen. VIII, 559. Nec *lenta* et *facilis* idem significant, quod Burm. contendit; sed ea existeret sententia: superaddita est lenta vitis multa cum facilitate. Verum requirit poetarum usus aliquod epitheton, quod ornet tornum; quare nolui deserere vulgatam. Wr.)

qualem fuisse dicat, qui hac ratione artificem eleganter adulatus sit.“ Wr.)

38. *Lenta quibus torno f.* Multo plus pulveris commotum est in hoc loco cum ab aliis tum a me ipso (in Addend. Ed. pr. p. 212), quam necesse erat. De *torno* et *caelatura* egi disertius alio loco (*Antiquar. Aufsätze* II P. pag. 145 sq.). Reputandum erat, h. l. agi non de Graeci alicuius artificis (nisi et hic volumus Virgilium immiscuisse aliena a vita rustica), sed de pastoris opere, qui nec *torno* tornare poculum, nec *caelo* uti potuit, sed *scalpello*, quo et *excavavit* illud et *caelavit*, exsculpsit in poculi exteriori area *opus anaglyphum*. Est adeo *tornus* h. l. parum proprie dictus pro scalpello, seu cultro pastoritio ad scalpendum adhibito. Nihil amplius: hocque uno animadverso expedita satis sunt reliqua. Itaque Salmasio et Burmanno nolis accedere, ut *torno* tantum politum et rotundatum poculum, *caelatura* vero vitis superaddita sit, h. in plana et laevigata superficie exsculpta extet. (*Tornus* pro caelo, aut scalpello, ut γλύφανον non solum caelum, sed etiam terebram denotat. Sp.) Iam reliqua ita iungenda: *quibus*, h. cui poculo (rectius: in

quibus poculis, i. e. in quorum ora. Sp.) *vitis lenta superaddita*, exsculpta, *torno facili*, ope scalpelli, quod *facili* h. e. docta et perita manu tractatur. v. ad Ovid. Art. I, 160. Tibull. I, 4, 40. — *vitis vestit corymbos diffusos hedera pallente*, explicat se supra hedera, cuius corymbi diffusi sunt, eamque adeo implicat suis racemulis. (*hedera diffusos*, i. e. qui a b hedera diffunduntur, diffusi pendunt. Sp.) Scilicet anaglyphum erat ita factum, ut, collocatis in medio duorum hominum signis, oras ambiret vitis hederæ implicita. *Corymbi* sunt racemi hederæ in orbem circumacti, ut Plin. 16, 34, et acinis ac bacis, qui fructus hederæ, quas uvas vocant, graves. *Hedera* dicta *pallens*, quia genus eius albo colore conspicitur; namque est alia nigro colore, et nigro aut croceo fructu. v. Martin. ad h. l. (Doering. in Programm. supra laud. pallentem dici hedera existimat eam, quae fere subnigri sit coloris; coll. Plin. H. N. XVI, 34. Martial. V, 79. Ovid. Medic. Fac. 69. Quum autem color hederæ in tali opere distingui non potuerit, apparet ornandi causa adiectum esse hoc epitheton; quare supervacaneum est, de colore quaerere. Wr.)

Diffusos edera vestit pallente corymbos.

In medio duo signa, Conon: et quis fuit alter, 40

39 *palante* Rottend. sec. et qu. Moret., ut Ecl. II, 47.

*Vitis* autem explicare se et serpere super *racemos diffusos hedera*, h. racemos hederac, hederaceos, adeoque super hederam, putanda est, atque ita ambire duas caelatas imagines Cononis et Arati. Nam *vitem* de hederæ vimine, etsi viticula appellatur a Plinio, cum W. Clarkio (*Connexion of Roman, Saxon and English Coins* p. 224.) accipere non licet: ita vimen hederæ, adeoque hedera hederam, ambire diceretur. Erat in his ante oculos Maroni locus Theocriti I, 29 sqq., quem h. l. illustratum dabo: Ibi in cissybii, quod maius vas erat pastoritium, superficie tres sunt areae: quarum prima mulierem sedentem inter duo amatores cum ipsa amatorie expositulantes exhibet, in altera piscator rete trahit mari, in tertia vinea est cum pucro custode. Totum poculum ambit acanthus flexibus suis: ad summam oram hedera et helichrysus sunt implicitae inter se mutuis nexibus: ex his expressit illa Maro: *Τῷ περὶ μὲν χεῖλῃ μαρῦεται ὑψόθι κισσὸς, ambit oram vasis hedera, κισσὸς ἐλιχρύσω κεκονισμένος* flore helichryso (de quo quomodo dubitare possunt, qui Idyll. II, 78 legerant?) *vestita*, implicita, ἃ δὲ ἐλῖξ ἀγαλλομένα καρπῷ προκόεντι εἰλεῖται κατ' αὐτὸν, hederæ autem racemuli, *corymbi diffusi hedera*, corymbi hederæ, diffusi, fructu croceo seu baccis ornati (cf. Bentl. ad Horat Ep. I, 19, 10),

volvuntur circa illum (helichrysum), florem eum implicant. Ita fere ap. Nemesian. Ecl. III, 18. 19 *vitea sarta plicantur corymbis*. Cf. sertum Theocr. III, 22. 23. Ceterum, qui flos *helichrysus* sit, ignoro cum aliis; florem esse patet. An sit gnaphalium stoechas Linn. quod coniectatum vidi, dispiciant botanices magistri. Atqui illi clamant, tam parum certos characteres plantarum a veteribus proditos esse, ut certi aliquid de iis pronuntiare omnino haud liceat. Acanthi autem et hederæ ambientis signa interius apposita exempla occurrunt passim in vasis pictis, v. c. Hamiltoni et Tischbeinii, ad quæ comparandus Commentar. Böttiger.

40. *In medio duo signa: Conon*. Fuit Conon celeberrimus mathematicus et astronomus, qui circa Ptolemæi Philadelphii tempora vixit, cuius Archimedes aliquoties, tamquam sibi amicissimi et doctissimi hominis, et Catullus *de coma Beren.* v. 7 ex Callimacho, mentionem fecit. cf. Mart. h. l. *quis fuit alter* — de celebri astronomo loqui eum necesse est, qui caeli plagas, ortus occasusque siderum, et anni tempora in agricolarum usum descripserit. Ad Aratum (male Ptolemæus interponitur, qui CL annis serius vixit), Eudoxum, Servius, alii ad Hesiodum, Anaximandrum, Archimedein, referunt. Iam Archimedein familiarem Cononis fuis-



Descripsit radio totum qui gentibus orbem,  
 Tempora quae messor, quae curvus arator haberet?  
 Necdum illis labra admovi, sed condita servo.  
 D. Et nobis idem Alcimedon duo pocula fecit,

## 41. ORBEM;

42 *haberet arator* duo Burm.43 *Nondum* Goth. pr. hic et 47.

se, et sphaeram e vitro confecisse, constat vel ex Claudiano epigr. 86. v. ibi Gesn. (de Thaletis, Eudoxi duplicique Archimedis sphaera vid. Cic. de Rep. I, 14. *Wr.*); verum eum rem rusticam sua arte adiuvisse, memoriae tradidit nemo; quod contra in Aratum cadit, qui astronomicas rationes ad usum agricolarum transtulit, cuiusque *phaenomena et prognostica*, propter utilitatem magis forte, quam propter poetae ingenium, celeberrima inter veteres fuere, et, cum fastorum et Kalendariorum usus non tam frequens, ut nunc, esset, utilissima esse debuere. Forte tamen *radius* melius tribuitur Eudoxo, quippe astronomo. (De Eudoxo, de cuius Phaenomenis, agricolarum usibus per Italiam inservientibus, vid. Colum. IX, 14, 12., unice cogitandum esse censuit H. Vossius. *Wch.* Scholia a Maio edita, praeter Aratum et Eudoxum, Archimedes nominant, Hipparchum, Eudaemonem, Euclidem, etiam Hesiodum; recte omisso, quem laudat Servius, Ptolemaeo. *Wr.*) Laudabat Schrader. locum Avieni *Arati Phaenom.* pr. ubi is late illud Arateum exposuit; Grot. Arateor. p. 84 *Hic* (Iupiter) *primus Cnidii radium ducis intulit astris Mortalemque loqui docuit con-*

*vexa deorum.* *Radius* enim proprie geometrarum virga est, qua in pulvere formas delineabant; nec in aliam rationem intelligendum videtur, quando Uraniae signis, aut, uti sollemni more fit (cf. Aen. VI, 851), astronomis tribuitur, cum et figuris et numeris opus habeant. Ceterum certavit cum his Popius *Pastoral.* I, 35 sq., qui etiam minus ambitiose nonnulla dixisse videri potest. — (41. *Descripsit orbem, quae tempora* pro vulgari: *descr. orb.*, definiens, *quae temp. Wch.*) At v. 42 allusum esse videri potest ad Hesiodeum E. 384 *Πληιάδων — ἐπιτελλομενάων, Ἀρχεσθ' ἀμνητοῦ, ἀρότοιο δὲ, δυσσομενάων.* (*Curvus arator*, i. e. curvato corpore incumbens aratro, et sic ipso corporis pondere vomerem terrae altius imprimens. vid. Geop. II, 2. Plin. H. N. XVI, 49. a Voss. laud. *Wr.*) 43. *Con-*versa ex Theocr. eod. l. v. 59. 60.

44. Invidia punctus hic duo pocula pro uno commemorat (sed vid. Not. ad vs. 36. *Wr.*), verum ambo, ut apparet, eodem exemplo facta. Pro vite hederæ implicita nunc ambit ora acanthus; in media poculi area Orpheus cantans effectus. Est autem *Acanthus* apud Virgilium et plantae Aegyptiacae, ex acaci- arum genere, v. Georg. II, 119.

Et molli circum est ansas amplexus acantho, 45  
 Orpheaque in medio posuit silvasque sequentis.  
 Necdum illis labra admovi, sed condita servo.  
 Si ad vitulam spectas, nihil est, quod pocula laudes.  
 m. Numquam hodie effugies; veniam, quocumque  
 vocaris.

#### 45. ACANTHO;

46 *in medium* Goth. pr. *sequaces* alter Rottend., quod illustrat Heins.; nam ponitur et ipsum pro *sequentes*. (*Sequax* est pronus ad sequendum per naturam suam; *sequens*, qui vel invitatus sequitur; tanta est artificii praestantia, ut quasi sequi silvas videas. *Sp.*) 48 *Si ad* non displicuisse duram synaloephen ex eo patet, quod *ad* abesse poterat. (*ad* cum vi comparandi; cf. Gronov. Obs. IV, 6. pag. 581. ed. Lips. Barth. ad Grat. 211. *Si vit. spectas* esset: *si intueris*. *Sp.*) *spectas* reposuit Heins. e potioribus: idem iam Ald. pr. dederat; sed Naugerius et ceteri *species* (hoc esset: fieri possit, ut *spectes*. *Wr.*); in compluribus etiam *laudas*. *quo pocula laudas* Menag. pr. *cur p. laudes* Ven. 49 *Non hodie* Zulich. *vocabis* Goth. sec.

ibique Mart., et herbae silvestris hortensisque ac topiariae genus, hic et Ecl. IV, 20. Georg. IV, 123 et 137, ubi v. Mart. add. Aen. I, 649. 711. v. Böttigeri doctam notam ad Vasa picta Vol. I. p. 80. et iam Ciofan. ad Ovid. Met. XIII, 701. (Linneus a Voss. laud. distinguit duo acanthi genera, mollem et spinosum. *Wr.*) Nos *Bärenklau* dicimus. *Mollis* ad artificis facilem et levem manum referri contendit Burm., nimis docte; nam *mollis* est proprium ex acanthi lubrica et flexuosa natura epitheton; vide modo laudatum locum Georg. IV, 137 *Ille comam mollis iam tum tondebat acanthi* et ap. Theocr. I, 55, unde haec expressa, ὑγρὸς ἀκανθός: cf. Martin. h. l. add. doctam notam Ciofani ad Ovid. Met. XIII, 701. 48. *Si ad vitulam spectas*, h. si tamen poculum tuum ad iuvenecam exigis, cum ea comparas: non est quod illud vitula potius habeas; nec opus est, ut

ego, etsi duo pocula et ipse habeo, alterum ex iis pro sponsione ponam. Scilicet Damoetas veretur, ne Menalcas iuvencae aliam iuvenecam in sponsione opponere recuset eo consilio, ut certamen propositum effugiat: qua suspicione incensus Menalcas mox crimen in eum vertit: *Numquam hodie effugies*. (Sententia haec est: tuum pignus prae meo, s. ad meum, cum meo comparatum, — vid. V. L. — nihili est; ergo non possum hoc posito certare. Sic saltem interpretatur animi sensa Menalcas, adeo detorquens, ac si Damoetas haec dixerit, ut certaminis discrimen evitet. *Sp.*)

49. *Numquam hodie effugies*: verba a Naevio mutuata esse ap. Macrob. VI, 1 asseritur pag. 576. *veniam, quocumque vocaris*: quod vulgo, descendere ad omnia, h. l. omni conditione proposita tecum certabo: modo arbiter certaminis adsit! (Recte Heynius; se quoque vitulae pignore certaturum

Audiat haec tantum — vel qui venit, ecce, Palaemon. 50

Efficiam, posthac ne quemquam voce lacesas.

D. Quin age, siquid habes; in me mora non erit ulla,  
Nec quemquam fugio: tantum, vicine Palaemon,

50. TANTUM, VEL

51. EFFICIAM POSTHAC,

52. HABES, ULLA;

50 Palat. et Reg. distinguunt post *vel qui*? At vero: *Audiat haec aliquis* Ven. et Parrhas.; hic quoque *vel quis*. Tandem Moret. quartus *Audeat* — ipse P. Ceterum de *Palaemonis* nomine, quod fatale visum Grammatico Remmio Palaemoni, arroganti homini, v. Sueton. III. Grammat. 23. (— 51. Recte a Vossio, Wunderlichio, Iahnio, probante idem Spohnio, comma, quod erat post *posthac*, retractum. — 53. *Nequaquam* male Serv. Dresd. *Wr.*)

indicat Menalcas, quod liquido apparet ex vs. 109. Et verba *veniam*, *quocumque vocaris* significant promptum ad quidvis audendum animum; audet enim, quasi exploratam habens victoriam, de grege aliquid ponere, quod non sine summa patris ac novercae offensione amitti possit. Quae propter Spohnium adieci, non ad pignus, sed ad ipsum certamen haec referentem. — *Numquam* gravius simplici negatione, ut Aen. II, 670.: „Numquam omnes hodie moriemur inulti.“ *Wr.*) 50. *Audiat haec tantum* — volebat subiicere *aliquis*, vel nomen pastoris alicuius, cumque circumspicienti se offerret Palaemon, *vel hic Palaemon*, inquit, *audiat, qui ecce venit*. cf. Theocr. V, 61. 62. VIII, 25 sqq. (Particula *vel* haud dubie notat, Menalcam iudicem aequiorem vel peritiorum quidem desiderare, sed vel hoc iudice de victoria esse certum. *Wch.* — Idem sequitur Spohnius. Sed quod is suae accedere sententiae praesidium putat ex

verbis vs. 54.: *res est non parva*, ea mihi illam evertere videntur. Magnum erat victoriae praemium, vitula. Tanta autem rei iudicium non est probabile hominis non satis idonei arbitrio permissum esse. Hinc acquiescendum puto in Heynii interpretatione. Et interruptam orationem lineola transversa indicavi. *Wr.*)

52. *siquid habes*. Eadem formula Ecl. IX, 32. V, 11. (Damoetas, iniuriis laesus vs. 3. Menalcae provocato vs. 28. ius prius canendi superbe cedere videtur. cf. Theocr. V, 20. 78. Sed rem ad suum morem iam vs. 58. revocat Palaemon. Ita H. Vossius. *Wch.*) *Nec quemquam fugio*, iudicem recuso. (Rectius explicabis, uti Vossius: nec te fugio, nec aliumquemquam; licet pro Heyniana interpretatione laudare possis Liv. IX, 1.: „Quem tibi tuarum irarum, quem meorum suppliciorum iudicem feram, neminem, neque populum, neque privatum, fugio.“ — 53. Captat Damoetas Philemonis benevolentiam



Sensibus haec imis, res est non parva, reponas.

p. Dicite: quandoquidem in molli consedimus  
herba. 55

Et nunc omnis ager, nunc omnis parturit arbos,  
Nunc frondent silvae, nunc formosissimus annus.  
Incipe, Damoeta; tu deinde sequere, Menalca.  
Alternis dicetis; amant alterna Camenae.

d. Ab Iove principium, Musae: Iovis omnia  
plena; 60

55. HERBA;

60. PRINCIPIUM MUSAE; PLENA.

55 in abest a nonnullis Pier. et Heins. *consedimus umbra* Ven., perpetua librorum aberratione. vid. Barm. conf. ad Tibull. II, 5, 95. (— 56. Recte *arbos* editur, non *arbor*; illa forma ubique in Mediceo, haec nunquam visitur. Constanter etiam *honos*, iambi, nunquam *honor*, pyrrhichii mensura. Contra ubique in eodem cod. *labor* exaratum, si discesseris ab uno loco, ubi *Labos* personae nomen est, Aen. VI, 277. *Wr.*) 59 *alterni* Menag. et ed. Ven., etiam hoc bene; ut Ecl. VII, 19. 60 *A Iove* alii: sed solenni poetarum usu alterum dicitur. v. Barm. (Vid. Q. V. I, 1. *Wr.*) Potest quoque, quod Servius iam monuit, interpungi: *A Iove principium, Musae.* ut sit, o Musae. (Hoc mihi verum visum est; quamquam *Musa* pro carmine frequens apud Virgilium, vs. 84. Ecl. I, 2. VIII, 1. Nam quod *Iovi* carmina sua *curae* esse dicit Damoetas, id invocationem *Musarum*, ut dearum tutelarium, non prohibet. Et quod plurimum valet, in Iove celebrando Musarum auxilium implorare apud Veteres sollemne; Theocr. XVII, 1.: „*Ἐκ Διὸς ἀρχώμεσθα καὶ ἐς Δία λήγετε Μοῖσσαι.*“ Hinc Cicero carminis Aratei principium: „*Ἐκ Διὸς ἀρχώμεσθα*“ Latine reddidit: *A Iove Musarum principium.* vid. de Legg. II, 3. Adde Ovid. Met. X, 148. *Wch.* Sic etiam Voss. Spohn. et Iahn., quos secutus sum, sed cunctabundus. *Wr.*)

am, vicinum appellans. Te-  
rent. Heautont. I, 1, 5.: „vici-  
nitas, Quod ego in propinqua  
parte amicitiae puto.“ Haec  
ex Servio Spohnius. — 54. *res*  
*est non parva*: respiciunt haec  
verba vitulam, praemium victo-  
riae; et ita loqui putandus est  
Damoetas, ut digito ad vitulam  
intento monstret eam Palaemoni;  
aliter enim non appareat, qui  
scire hic potuerit vs. 109., vi-  
tulam esse ab iis positam. *Wr.*)

56. *Et nunc omnis ager* —  
ex Bione Idyll. VI, 17 *εἴαρι πάν-  
τα κύει, πάντ' εἶαρος ἄδεα βλα-  
στεῖ.* (In fine praegressi versus

punctum posui pro semicolo.  
De vi copulae et cfr. Q. V. XXXV,  
7, h. *Wr.*) Cf. Popius Pastor.  
IV, 5. 58. Theocr. IX, 1. 2.  
Prior ad cantandum prodit, qui  
provocatus erat. 59. *Alternis*,  
*δι' ἀμοιβαίων*, Theocr. VIII, 61.  
*amant alterna Camoenae*; no-  
tum Homeri Iliad. α, 604 *Μου-  
σάων θ', αἱ ἄειδον ἀμειβόμεναι  
ὅππ' καλῇ.* cf. Ecl. VII, 18. 19.

60. 61. Esse versum 60 ex  
principio Phaenomenorum Arati  
translatum, iam Servius monuit.  
cf. La Cerda, Ursinus et al.,  
quamquam colorem ex Theocr.  
V, 80 — 83 mutuatus esse, et

Ille colit terras; illi mea carmina curae.

M. Et me Phoebus amat; Phoebo sua semper apud me  
Munera sunt, lauri, et suave rubens hyacinthus.

62 *At me tres* Heins., ut 66. *Et* Menag. cum Goth. pr.

quoad prima verba respexisse ad Idyll. XVII, 1 videri potest; et a laudibus Iovis carminum initium facere solenne antiquioribus. v. Pindar. Nem. II, princ. (vid. Hand. Stat. Silv. p. 17. *Wr.*) Dixerat vero Aratus, *Iovis omnia plena esse*, ex Stoicorum mente, dum animam mundi intelligeret, quae universum hoc permearet, cf. Georg. IV, 220 sqq. *deum namque ire per omnis Terrasque tractusque maris* etc. audiverat enim Stoicos, Dionysium Heraclitum, et Persaeum Citium. Attamen in indocti pastoris ore videntur haec nimis esse subtilia. Omnino illud *πάντα θεῶν πλήρη εἶναι* varia sententia dictum occurrit, saltem inter philosophos: cf. Davis. ad Cic. de LL. II, 11. Gesner. Comment. Soc. Gott. To. I, p. 87, ut difficile sit definire, quo sensu a poeta pastoris ore dictum sit. *Colere terras* idem dicitur h. curare, seu, cum Servio, amare, frequentare et saepe in iis versari, ut Aen. I, 15 Iuno fertur Carthaginem coluisse. Nisi philosophicum illud in animo habuit poeta: Iupiter, s. mens et anima mundi, omnes terras penetrat; per eas diffusus est. cf. Aen. VI, 724 sqq. *Curae vero illi carmina*. Novum hoc, si bene memini, certe non vulgare, Iovem carmina curare. Apollini et Musis probari ea dici solent. Forte dictum respectu Musarum in Olympo canentium. (Sententia haec est: Omnia Iovis plena

sunt, rus quoque; quod exprimitur verbis: *ille colit terras*; hinc eidem grati acceptique rusticolae, pastores, pastorumque carmina. Non autem propterea tutelarum poetarum deus Iupiter habendus. Quare, quod Menalcas Apollinem commemorat, hoc non ita fit, ut Iovi hunc opponat. Nam Apollo universo poetarum choro ita praeest, ut, licet alia quoque numina poetas iuvare possint, cfr. Eleg. ad Messal. pag. 62., ea tamen non recte opponi videantur Apollini. Quid enim possunt poetae, h. e. ipsum ingenium et vena poetica, id totum est Apollinis et Musarum; in factitanda autem arte etiam aliis Diis, ad quos forte ipsa, quae fiunt, carmina aliquo modo pertinent, iuvandi locus esse potest. Hinc iam intelligitur, quomodo proximus versus explicandus sit. Fuerunt enim, quos vocula *Et* torserit. Hoc igitur dicit Menalcas: *non tibi Phoebus favet soli, sed etiam mihi*; nam omnis canendi peritus a Phoebos ametur necesse est. Hoc ideo respondet, quod superbius Menalcas dixerat, Iovi grata esse, quae ipse canat. Neque officiant huic interpretationi laud. a Spohnio Theocr. V, 80.: „*Ταὶ Μῶσαί με φιλεῦντι — — — Καὶ γὰρ ἐμ’ Ὀπόλλων φιλέει.*“ et Calp. Ecl. II, 28.: „*Me Silvanus amat — — — Et mihi Flora comas spargit.*“ *Wr.*) Qui sit 63 *hyacinthus*, v. ad Ecl. II,

d. Malo me Galatea petit, lasciva puella,  
Et fugit ad salices, et se cupit ante videri. 65

m. At mihi sese offert ultro meus ignis, Amyntas,  
Notior ut iam sit canibus non Delia nostris.

d. Parta meae Veneri sunt munera: namque notavi  
Ipse locum, aeriae quo congressere palumbes.

m. Quod potui, puero silvestri ex arbore lecta 70  
Aurea mala decem misi; cras altera mittam.

64. PUELLA;

66. ULTRO, AMYNTAS;

65 Burmannus ad Anthol. lat. p. 37 rectius legi putabat: *sed se cupit a.* Idem malebat Drakenb. ad Liv. Epit. l. XLVIII. (Vid. de h. l. Q. V. XXXIII, 3. extr. et XXXV, 7, h. *Wr.*) 68 *iamque* Voss. pr. *namque* notavit ipsa locum praestare putat Wakefield Silv. P. IV, pag. 4. (an, quod *Ipse* otiosum videtur? vid. Not. *Wr.*) 69 *quo concessere* coni. Heins. *consedere* Io. Schrader. Notat Quinctil. I, 6 pr. quod, *aeriae palumbes*, non *aerii*, maluit poeta. 70 *Quot* quatuor; sed vulgatum tuetur Burm. *Quae potui* Franc. Respicit locum Propert. II extr. 69 sq. v. Vitam Virgilii 717. (— 71. *decim* Rom. *Wr.*)

18. *laurus* ib. ad 54; utramque in dei gratiam et honorem colere ait. (Haec Phoebus grata erat ob Daphnen, ille ob Hyacinthum, Amyclae filium. *Wr.* — *sua*, i. e. propria, quae conveniunt. *Sp.*)

(Sequuntur quina carmina amatoria, 64—83., quae non ad ipsos eorumque amores referri debent, sed quae ficta sunt ab ipsis, aut audita ab aliis, ut IX, 32. *Sp.* et *Voss.*) 64. 65. Ex Theocr. V, 88 sq., ubi *λεῖος ὑπαντῶν* ex hoc ipso Virgilii loco, *sese offert*, defenditur; et VI, 6 sqq., ubi admodum suaviter expressa res. *ante videri*, antequam a saliceto occultetur. (Mala Veneri sacra; quare malo petere, mala mittere, amantum est. vid. Cerda. *Wr.*) 67. *Delia* nomen amicae, quae frequenter pastorem suum conveniebat, more antiquo; cf. Ecl. VII, 40. Tibull. II, 5, 36: cui vs. 68 alter suam opponit, nominans eam

*Venerem*. Observat praeterea Burm., utrique animalia, *deabus*, quarum nomina habent, sacra et cara, tribui, Deliae, quod nomen Dianae est, canes, Veneri columbae; lepide, hercle!

Versus 68 sq. ex Theocr. V, 96 sq. 69. *quo congressere* p. Notandum absolute dictum pro vulgari *nidum congerere* (vid. Cerda. *Wr.*); advocat Burm. Horat. Od. III, 4, 19 *collata myrtus*, at ibi ea tegitur puer dormiens. (*aeriae*, i. e. in alto nidificantes, ut *aeriae volucres* Ovid. A. A. II, 44. Columbae autem, quippe Veneri sacrae, in donis amantium. vid. Cerda. *Sp.* — *Ipse* h. l. quid sibi velit, indicatum Q. V. XVIII, 2, l. *Wr.*) 71. *Aurea mala*, Theocritus III, 10, unde haec petita, simpl. *μῆλα* dicit, ut epitheton adeo tantum ornatus caussa adiectum, et *aurea* pulcra esse videri possint. De malis tamen



D. O quoties, et quae nobis Galatea locuta est!  
 Partem aliquam, venti, divom referatis ad auris!  
 M. Quid prodest, quod me ipse animo non spernis,  
 Amynta,

## 73. ALIQUAM VENTI DIV.

- 72 *quotiens* codd. Pier. ut alibi, more prisco. 73 *auras* Menag. et ed. Ven. 1472, ut Ecl. I, 57. 74 *ipso animo* nonnulli codd. et edd. *Amyntas* alii cum Goth. pr.

Cydoniis (*Quitten*, v. ad II, 51), melle condiri solitis, accipi potest. Mala citrea, s. medica (*Citronen*), intelligi non possunt, quoniam, cum ea arbor Mediae propria esse dicatur Georg. II, 126, nondum ea *silvestris* Italiae arbor esse potuit. Ea, quae Galli *Oranges* appellant, veteribus plane ignota fuere. Martinus, qui hic videndus, *poma Punica*, seu *granata*, significari non temere contendit. (*Aurea mala* h. l. videntur esse non alia, quam vulgaria. Commemorantur quidem supra II, 50. cydonia, sed in horto crescentia; Damoetas autem sua petierat e silva. Porro ea lecta dicuntur; i. e. selegit matura; cydonia autem magis propter odorem, quam saporem amabantur. Accedit, quod cydonia mala in humilioribus nascuntur arboribus; ille vero ait „*Quod potui*,” non sine labore; nam alta ex arbore decerpta erant; quod respondet acriis palumbibus pullis, quos Damoetas missurus erat suae. Mala autem punica *purpurea* dicenda fuissent, non aurea. Denique Propert. II, 34, 69. hunc locum respiciens simpliciter mala commemorat. *Sp.*)

72. Certat cum Theocr. V, 132 — 135. 73. *Partem ali-*

*quam* n. eorum, quae locuta est, o *venti*, etc. Vota irrita, et verba ac promissa, quae ad nihilum recidunt, noto loquendi more, ferre venti dicuntur. v. Tibull. I, 5, 35. III, 49, 96, uti periuria amantium ib. I, 4, 21. III, 6, 50. Iam pastor ex omnibus iis blande dictis ac promissis partem saltim ratam esse et eventum habere precatur: dum addit *divom referatis ad auris*. Variavit Theocriteum VII, 93 *τὰ πον καὶ Ζανὸς ἐπὶ θερόνῳ ἤγαγε φάμα*. Burmannus ideo eum velle ait ad deorum aures promissa illa pervenire, ut puellae perfidiam ulciscantur. (Verissime Servius: „Ita mecum dulce locuta est Galatea, ut deorum auditu eius digna sint verba.” Satis mirari nequeo, quomodo factum sit, ut doctissimi viri locutiones plane diversas non discreverint: *venti ferant* et *venti referant*, praesertim quum adiunctum sit: *ad aures*. Iubet Damoetas Ventos partem aliquam, i. e. exiguan, ut ad Ecl. II, 71. notavimus, particulam igitur istorum blandimentorum ad Deos referre, quippe sufficientem, quae vel Deorum, in quibus ut omnia summa, ita etiam harum rerum sensus perfectissimus, animos cumulatissima impleat voluptate. Et cui non

Si, dum tu sectaris apros, ego retia servo? 75  
 n. Phyllida mitte mihi; meus est natalis, Iolla:

75 *Si, tu dum* Goth. pr. *r. cerno* Ven. 76 *meus et* Meantel. pr.  
*Iolas* conl. Burm. At vid. Notam. De scriptura *Iolla* v. ad II, 57.

statim hic in mentem veniat suavis-  
 simum illud Sapphus: „Φαί-  
 νεται μοι κῆνος ἴσος θεοῖσιν ἔμ-  
 μεν ὤνῃς, ὅστις ἐναντίος τοι  
 ἰσθάνει, καὶ πλασίον ἄδῃ φωνᾷ-  
 σαί σ' ὑπακούει, καὶ γελᾷς ἡμε-  
 ρόεν.“ Propius etiam ad no-  
 strum accedere videtur Catul-  
 lus, Sapphonis insistens vestigiis,  
 carm. Ll.: „Ille mi par esse deo  
 videtur, Ille, si fas est, su-  
 perare divos,“ etc. Contra  
 nullum in his perfidiae vesti-  
 gium, quam a Damoeta his ver-  
 bis notari plerique interpretes  
 putant. — 74. De pronom. *ipse*  
 vid. Q. V. XVIII, 2, p. *IVr.*)  
 75. *ego retia servo*; ferebat mos,  
 ut hoc esset obsequii genus. v.  
 Tibull. I, 4, 50. IV, 3, 12.  
 Ovid. Art. II, 189; ut vero, uti  
 nonnullos accipere video, peri-  
 cula sibi cum eo communia esse  
 velit, id ex nostrorum hominum  
 elegantis est. Scilicet hoc vult  
 pastor, obsequium suum fructu  
 carere, cum puer venationi in-  
 tentus sit; non suo amoris. Ce-  
 terum haec a pastoris persona  
 ne aliena sint, vereor. (Non  
 esse aliena, probat nota ad vs.  
 13. Ceterum *servo* hic quoque,  
 ut monet Spohnius, i. q. *observo*.  
 Et in iis, qui venatoribus adesse  
 solent, Pollux V, segm. 17. nu-  
 merat λινόπτας, dicens: λινόπτῃς,  
 ὁ τὰ ἐμπύπτοντα ἀποσκοποῦ-  
 μενος. vid. ibi Not. Hesychius:  
 λινόπτῃς, ὁ ἐν τοῖς κυνηγετικοῖς  
 λίνοις ἐστὼς, καὶ ἀποσκοπῶν τὰ  
 ἐμπύπτοντα θηρία. *IVr.*)

76. Intelligenda est Phyllis  
 fuisse sive serva sive amica Io-  
 lae; quem Damoetas, quasi  
 praesentem, rogat, ut Phylli-  
 dem ad sacrum natalitium ve-  
 nire iubeat: alter, Menalcas, ut  
 eius dictis obtrectet, se etiam  
 amari ab ea dicit, quia se disce-  
 dente fleverit, ac, tanquam ipsi  
 comes adhaesura, Iolae amatori  
 valedixerit: *Longum vale, vale,*  
*o formose Iola.* Hac ipsa inter-  
 pretatione sententia de h. l. no-  
 stra satis intelligitur. Ea certe  
 ratio unice ferri potest. (Diu  
 haeseram in hisce; et malebam  
 voc. *longum* ita accipere, ut es-  
 set dictum: voce in longum du-  
 cta Phyllidem haec pronunciasset:  
*Vale, formose Iolla, vale!*  
 Nunc video idem statuuisse Henr.  
 Stephanum a Burm. laudatum.  
 Quo ego alacrior factus iam ex-  
 pediam, qua id causa fieri ma-  
 lim. Phyllis si Iollae vale dixit,  
 non alia id causa fecit, quam ut  
 sequeretur Menalcam; non erat  
 igitur, cur fleret hoc discedente.  
 Ac si formosus erat Iollas, etiam  
 magis mireris, cur illum relique-  
 rit, Menalcam secutura. Nec hoc  
 epitheto, amantium blandimen-  
 to, Iollam ornasset, nisi vere  
 eum amaret. Tum plenum est  
 teneri affectus repetitum illud  
*vale*. Quare haec oratio minime  
 talis est, qua utatur puella ama-  
 torem suum desertura. Hinc ita  
 statuendum, aut ipsum Menal-  
 cam Iollae nomine appellari s.  
 Damoeta; hoc malim, coll. va-

Cum faciam vitula pro frugibus, ipse venito.

M. Phyllida amo ante alias: nam me discedere flevit,  
Et longum Formose, vale, vale, inquit, Iolla.

D. Triste lupus stabulis, maturis frugibus imbres, 80

78. FLEVIT;

79. ET, LONGUM FORMOSE V.

77 *vitulam* Rom. et Medic. Pierii, Reg. et Voss. cum ed. Ven. Burmanni; etiam Non. Marcell. in *facere*. Sed istud etiam Priscian. et Macrobr. (*Facere*, de re divina, et ablativum et accusativum adiunctum habet; vid. Drakenb. ad Liv. I, 45. et X, 42. Sed accusativum h. l., ut Vossius vidit, soni elegantia respuit. *Wr.*) Porro Alcuin. Grammat. vet. *ipsa venito*; ac si *Iola* feminae nomen esset: male: v. Ecl. II, 57. 80 *imber* tres vetusti et Franc., quod Burm. praefert, quum omnes fere huius versus voces in sibilum exeant. (Sibilos plures pariter cumulosos vid. ap. Tib. I, 3, 54. ibique Obs. *Wch.* vid. Iahn. ad Aen. VI, 310. *Wr.*)

107.; aut Menalcam, suscepta Iollae persona, haec pro illo respondisse. Quae quum ita sint, non commode *longum* accipias h. l. pro *in longum*. Quos enim longum valere hoc sensu iubemus, eos aut sero, aut nunquam redituros putamus. Quod cur h. l. statuamus, propinqua certe loca Phyllide et Iolla, sive Menalca, habitantibus, nihil causae video. Ut autem *longos ciere fletus* dicitur, et similia, sicut etiam *longum vale* probe dictum arbitror, praesertim quum similem in modum apud probatos scriptores legatur *supremum vale*. Tib. III, 1, 21.: „Sed primum nympham longa donate salute.“ vid. ibi Huschk. Hinc voc. *longum* minore, *Formose* maiore litera initiali exprimendum curavi. *Wr.*) 77. *Cum faciam vitula pro frugibus*. Sacrum ambarvale. Georg. I, 345. cf. Tibull. I, 1, 21. II, 1. *facere pro frugibus*, ἑξαι ὑνὲρ Δαναῶν Iliad. α, 444. (Festus a Taubm. laudatus: „Ambarvalis hostia est, quae rei divinae causa cir-

cum arva ducitur ab iis; qui pro frugibus faciunt.“ Tib. I, 5, 27. sq.: „deo pro vitibus uvam, Pro segete spicas, pro grege ferre dapem.“ Vitula autem maior hostia; alii porcum, alii agnam, pro suis quisque facultatibus, immolabant. Tib. I, 1, 21.: „Tunc vitula innumeros lustrabat caesa iuencos: Nunc agna exigui est hostia magna soli.“ Ceterum, ut bene observavit Vossius, cum irrisione haec dicta sunt a Damoeta; die enim natali genio atque amoribus indulgebant, in sacris autem deorum, ad quae Iollam invitat, omnia debebant esse casta. Ovid. Am. III, 10, 1. sqq. Tib. II, 1, 11. sqq. *Wr.*) 79. *Longum vale*, μακρὰ χαίρει, Cland. Rapt. Pros. II, 234. *Sis memor, o, longumque vale*. vid. Burm. et Cerd. Simili modo Statius IV Theb. 158. si lectio vera est: *frondosa longum deus audit ab Oeta*.

80. Secundum Theocritea illa Idyll. VIII, 57 sqq. (*Triste lupus*, notus Graecismus vel ex



Arboribus venti, nobis Amaryllidis irae.

m. Dulce satis humor, depulsis arbutus haedis,  
Lenta salix feto pecori, mihi solus Amyntas.

n. Pollio amat nostram, quamvis est rustica, Musam:  
Picrides, vitulam lectori pascite vestro. 85

81 *Amaryllidos* Moret. qu. pro var. lect. (Recepit hanc formam Vossius; non recte. vid. V. L. ad vs. 12. *Wr.*) 84 *quamvis est* Heins. e Rom. suisque melioribus: ut sit: *quantumvis rustica*; non, *quamvis est*. Vulgo sit: quod pedestris oratio postulat. (Coiunctivus non conveniret sententiae; *quamvis sit* significaret: quamquam Pollioni talis videtur; aut omnino: quamquam talis, i. e. rustica, haberi debet; *quamvis est* significat: quamquam revera, non tantum e iudicio Pollionis, aut alius cuiusquam, sed e natura sua et conditione talis est. Posterius solum admitti posse patet. *Sp.*) Alii *et*.

Homerico illo: οὐκ ἀγαθὸν πολυκοιρανίῃ. *Wr.*) 82. *depulsis haedis*, h. a lacte remotis. Ecl. VII, 15. cf. ad I, 22. *arbutus*, in Italia valde frequens et obvia arbor, fructum habens fragis similem, ut tenuiorum victus esse possit. v. Martin. ad Georg. I, 148. Italici dici solent *Sorbole pelose*, et Romae *cerase marine*. Frondes eius ac folia grata capellis, vid. Georg. III, 300. Horat. Carm. I, 17, 5, quae iisdem a lactis materni desiderio levantur. Calpurn. Ecl. II, 47 *novas ut carpere frondes Condiscant — Ne depulsa vagos quaerat fetura parentes*. *Salix*, vid. Ecl. I, 79.

84. *Pollio* gratia apud Augustum, amicitia M. Antonii, ingenio, tragoediis studiisque suis in Virgilium Horatiumque notissimus. cf. Horat. Od. II, 1, et Vitam Virgilii ad a. 715. Ei alter, tamquam iudici carminum suorum intelligenti et eleganti, vitulam, alter, tamquam poetae nobili, iuencum decernit. Non vero in alterutro horum munerum argutandum, sed res simpliciter ad amoebei carminis naturam exigenda est, cum, quod

primus posuisset, alteri amplificandum et augendum esset. Cum itaque ille iudicem carminum et vitulam posuisset, hic poetam et iuencum commemorat simpliciter, ut hoc et iudicii et ingenii praemium esse debeat. (Sententia haec est: Pascite vitulam, quam Diis pro Pollionis salute sacrificem. *Voss.* et *Sp.*) Alioqui Ruaei non inelegans coniectura est, qui eo respici putat, quod Pollio circa illud tempus (U. C. 715) ex Illyrico, victis Parthinis, ad triumphum habendum Romam decesserat, quo ad eo tempore triumphalia sacra ac victimae pro Pollionis victoria parandae erant. cf. Ecl. VIII, 6. Hor. Od. II, 1, 15. 16. Nam, quod Burm. amplectitur, pasci et vitulam et iuencum Pollioni dici, ut istam tamquam lyricus, hunc tamquam epicus, poeta immolet, id nimis doctum adeoque multo magis vitiosum in tali carmine; quamquam in similem modum argutatur Schol. Horatii ad Epist. I, 3, 36. Quod vero *lectorem* carminum memoravit, parum scite fecisse et personam in hoc pastoris male sustinu-

M. Pollio et ipse facit nova carmina: pascite taurum,  
Iam cornu petat, et pedibus qui spargat arenam.

N. Qui te, Pollio, amat, veniat, quo te quoque gaudet;  
Mella fluant illi, ferat et rubus asper amomum.

M. Qui Bavium non odit, amet tua carmina, Maevi; 90

### 88. GAUDET.

87 Idem versus Aen. IX, 629. et sane epico poeta dignior. (Hunc versum propter amoebaei carminis leges abesse non posse, recte scribit Iahnus. *Wr.*) *Qui c. Parrhas. Qui iam cornu petat* Ven. v. IX, 25. *cornum* Rom. 88 *qui te quoque* ed. Ven. et Mediol. *quo te quoque laudet* conl. Burm. At v. Not. 89 *fluunt* Mentel. pr. *robis* Leid. et codd. optimi ap. Serv. ad Ge. I, 266. *rubus aspera* conl. Heins. sed vid. Burm. 90 *Meni* Ven. *Mevi* Rom.

isse videri debet Maro; Pastor canit carmina et auditur eius cantus: non vero scribit carmina et legitur. Ferri poterat Ecl. VI, 12 in praefatione ipsius poetae. Alias Pastor in cortice fagi versus incidit; recte Ecl. V, 13. Multo minus contum est, quod Pollionem *lectorem Pieridum* facit; etiamsi statuere malim, *lectorem* esse h. l. qui carmina recitat. 86. *nova carmina*, h. praeclara, qualia nunquam ante facta, ut Horat. Od. I, 26, 10 *fides novas* dixit. Pollionis autem laudem ex tragicis studiis tenuimus ex Horat. Carm. II, 1, 9. 10. Serm. I, 10, 42 *Pollio regum facta canit pede ter percusso*, h. tragoedias scribit senariis. (Wunderlichius, Vossium secutus, nova carmina dici statuit, quibus res novae tractentur; quam explicationem reiecit Spohnius tanquam ineptam, quasi vetera facere potuisset. *Wr.*)

88. *veniat*, quo te quoque gaudet. Quod primum occurrat, est, ut suppleas, *pervenisse*; utque ad felicitatem omnino referas, quam apprecetur ei, qui

Pollioni faveat. Cum quo convenit v. 89, in quo adeo aurei saeculi felicitas exprimitur: v. Ecl. IV, 30. 25. Si tamen Menalcae verba compares, et, quem expressit Maro, locum Theocrit. I, 20 καὶ τὰς βωκολικὰς ἐπὶ τὸ πλεόν ἔκειτο Μούσας, apparere arbitror, hoc, *quo te quoque gaudet* pervenisse, esse referendum ad cantus facultatem; illi, tam bonum poetam contingat esse, quam Pollio est; ut contra, qui Bavium non odit, tam malus iudex carminum esto, ut Maevium probet. (Prior explicatio simplicior, probata etiam Spohnio. Wunderlichius ex mente Vossii ita interpretatur: „Carmina optima pangat, ita divino furore correptus, ut aetatis aureae felicitatem et bona sibi cernere videatur.“ *Wr.*) 89. Adumbratur ad ductum Theocr. V, 124 sq. *Amomum* fruticis genus Indici, quod tamen quale fuerit parum constat. Plinii et Dioscoridis loca v. ap. Martin. et Salmas. ad Solin. p. 284, qui amomum fere de omni aromate sincero dictum docet. *Rubus* est nostratum *Brombeerstaude*.

Atque idem iungat vulpes, et mulgeat hircos.

D. Qui legitis flores et humi nascentia fraga,  
Frigidus, o pueri, fugite hinc, latet anguis in herba.  
M. Parcite, oves, nimium procedere; non bene ripae  
Creditor: ipse aries etiam nunc vellera siccatur. 95

D. Tityre, pascentis a flumine reice capellas;  
Ipse, ubi tempus erit, omnis in fonte lavabo.

M. Cogite ovis, pueri; si lac praeceperit aestus,  
Ut nuper, frustra pressabimus ubera palmis.

D. Heu, heu, quam pingui macer est mihi taurus  
in ervo! 100

91 *mulceat* Rom. et duo tresve. 94 *ante pr.* Zulich. *producere* Rot-  
tend., ut pueros appellet; quod illustrat Burmann. *nam bene* ed. Dan. Heins.,  
vitiose. 95 *etiam sua* Menag. (— 96. vid. V. L. Ge. IV, 355. et K. L.  
Schneideri Gr. Lat. V. I. p. I. pag. 288. *Wr.*) 98 *perceperit* Ven. et  
Parrhas. *aestas* Rom. cum aliis Pier. 99 *pressabit* ed. Ven. *prensabi-*  
*mus* Zulich. *pulsabimus* Moret. qu. vid. ad Aen. III, 642. 100 *Heu!*  
*Heu!* Burmann. ex nonnullis pro vulg. *Eheu.* conf. ad Ecl. II, 58. *in ervo*  
ab Heins. reductum et firmatum e libris permultis, et Plinii ac Columellae

90. Nihil his, quae alter subiicit, cum Pollione commune esse, aut huic Bavium opponi, cum nulla rei auctoritas adsit, censendum est; sed, cum iste bonum poetam laudasset, ipse malum memorat, eiusque studiosis mala maxima precatur, n. amare Mae-  
vium, peiorem etiam poetam etc. Creditor idem esse quem exagitat Horat. Epod. 10. *iungat vulpes* ad arandum. (Sunt proverbiales locutiones, rem plane ineptam et absurdam denotantes. Similia his, ab aliis iam laudata, apud Suidam: Ἀλώπηξ τὸν βοῦν ἐλαύνει, et apud Lucian. in vita Demonact. T. I. pag. 865. extr. Edit. 1687.: „ἰδὼν δὲ ποτε δύο τινὰς φιλοσόφους κομιδῇ ἀπαιδεύτους ἐν ζητῇσει ἐρίζοντας, καὶ τὸν μὲν ἄτοπα ἐρωτῶντα, τὸν δὲ οὐδὲν πρὸς λόγον ἀποκρινόμενον· οὐ δοκεῖ ὑμῖν, ὦ φίλοι, ἔφη, ὁ μὲν ἕτερος τούτων τράγον ἀμέλειν, ὁ δὲ αὐτῷ κόσκι-

νον ὑποτιθέναι;“ *Wr.*) 92 sqq. Sequuntur sententiae temere arreptae, ut se certanti Damoetae offerebant.

93 — 95. *Frigidus anguis* dictus ex natura horum reptilium: sic et Ecl. VIII, 71. *Parcite*, cavete, nolite, *oves*, *nimium procedere*; o oves, ne procedite: ex gr. φοίδου προελθεῖν. *non bene creditur*; Horat. II Serm. 4, 21 fungis — *aliis male creditur*. Adumbrata autem haec ex Theocr. V, 100 etc. (Perturbationem animi et numeris anapaesticis, *pueri*, *fugite hinc*, declarari, dicit Vossius, et ipsa verborum positura pingi, coll. Soph. Ai. 1040. sq., ostendit Wunderlichius. — ψυχρὸς ὄφις Theocr. XV, 58. *Wr.*)

96. 97. Ex Theocr. V, 146. 98. *Cogite* ad umbram et frigus captandum. *praecipit lac aestus* siccato ubere.

100. *Errum* leguminis, no-



Idem amor exitium pecori, pecorisque magistro.

m. His certe neque amor caussa est: vix ossibus haerent.

Nescio quis teneros oculus mihi fascinat agnos.

n. Dic, quibus in terris, et eris mihi magnus Apollo,  
Tris pateat coeli spatium non amplius ulnas. 105

### 103. QUIS,

auctoritate; vulgo *arvo*, quod Manutius invexisse videtur; nam Aldd. recte *ervo*. Tuentur *arvo* Rom. Longob. et alii. 101 Ante Burm. *est* ante *pecori*; in codd. Pierii et aliorum modo post *pecori*, modo post *magistro*; itaque Burm. sustulit; a Goth. utroque abest. (vid. Q. V. XV, 6. *Wr.*) 102 Elegans Heinsii et iam Stephani coniectura est: *Hi certe (neque amor caussa est) vix ossibus haerent*; eamque recepere Cuningh. et Brunck. Gulielm. eodem modo dispungebat, ut tamen *his ossibus* retineret. (Verissime contendit Vossius, *neque* h. l. dictum esse pro *ne—quidem*, ut ea existat sententia: tuus quidem taurus malo laborat, cui tamen occurri potest; sed meis aguis ne remedium quidem malorum exstat ullum. Atque ita *nec* ab optimis scriptoribus usurpari, exemplis docuit Forcellin. in Lex. et Wunderlich. Observatt. in Tibull. I, 2, 95. Cic. Tusc. I, 26.: „quo nec in deo quidquam maius intelligi potest.“ Plin. H. N. XVII, 4.: „Sed *neque* illa, quae laudatur, diu, praeterquam salici, utilis sentitur.“ Spohnius ita explicat: „Agnis meis neque pabulum, — quod supplendum — neque amor causa est.“ *Wr.*) Moreti quartus omittit *est*. 103 *oculis* Marius Victorin. Pro *agnos* habet *haedos* Goth. pr. 105 *Coeli* scripserunt nonnulli, ut poetam Mantuanum tetigerit Maro, qui bonis omnibus consumtis tantum modo spatii sibi servaverat, quod sepulcro sufficeret: ap. Servium et Iun. Philargyr. *ulnis* Ven. et ed. Ven. *ullas* Rom.

stratum *Wicken*, genus, bubus iam olim pastum dari solitum, ut ex Columella docent Intpp. (Non plane idem esse *ervum*, quod nostrum *Wicke*, docet Vossius. *Wr.*) Versus expressus ex Theocr. IV, 20, ut 102 ex IV, 15. (— 103. Oculis proprius in fascinando locus. vid. Cerda. Ceterum *Nescio quis* non positum pro *Nescio qui*, ut statuit Vossius; *nescio quis* valet: *aliquis*; *nescio qui*, idem fere quod *nescio qualis*. *Wr.*)

104. 5. (Quum iam Menalcam non inferiorem se esse sentiat Damoetas, quippe qui paratissimus semper regesserit alterna alternis, subito ad aliud argumentum transsit, in quo venam ei minus divitem esse sperat: ae-

nigma proponit. *Sp.*) Simpliciter intelligam cuiuslibet loci puteum, in quem cum quis descenderit, tantum caeli prospicit spatium, tantum caeli, quantum puteus patet, h. e. putei latitudo permiserit. In talibus Grammatici, (quorum pericula in solvendo aenigmate dabit Servius, cum Philargyrio, ubi sunt qui ad ea, quae, etsi non valde ingeniosa, ex ipso Virgilio audita fuerant, provocant, alia Burmannus,) crucem sibi fixam esse putare non debebant. Proposita nuper ab Abbate Divotio ratio, ut ad Panthei tholum referatur, et ab pastoris ingenio, et ab eo tempore, quo plura huius modi formae aedificia Romae visebantur, plane aliena est Alio

M. Dic, quibus in terris inscripti nomina regum  
Nascantur flores; et Phyllida solus habeto.

P. Non nostrum, inter vos tantas componere litis:  
Et vitula tu dignus, et hic. Et quisquis amores

109. \*ET VITULA TU DIGNUS, ET HIC: ET QUISQUIS  
AMORES\*

107 *Nascuntur* multi et Pier. et Burm. Sed est paullo ante *pateat*.  
108 *Non vestrum inter nos Parrhas. inter nos* Voss. pr. Horat. I Epp. 2, 11.  
12 *Nestor componere lites inter Peliden festinat et inter Atriden.* 109  
*dignus es, et* Goth. pr.

eoque magis arguto, nec tamen  
magis vero, lusu possit aliquis  
huc arcessere cryptam ad Pau-  
silypum in Campania, eiusque  
ingressum veterem: quod fecit  
quoque Paoli *Antiqq. Puteol.* fol.

11. (Satius est, cum Vossio  
Servium sequi et Philargyrium,  
qui Asconium et Cornificium  
ex ipso Virgilio audisse referunt,  
Coelium quendam, decoctorem  
Mantuanum, omnibus, quae  
possederat, divenditis, nihil,  
nisi locum, quo sepeliretur, sibi  
reservasse; hoc ipsum sepulcrum,  
spatium fere trium ulnarum ca-  
piens, designari a Damoeta, et  
totum aenigma versari in nomine  
Coelii, sive Coeli. *Wr.*) 106.  
Nota res de hyacintho, de quo  
sup. ad Ecl. II, 18, in cuius fo-  
liis passim litteras ΑΙ inscriptas,  
sive ut Αἶ, Αἷ, *heu! hen!* quae  
Apollinis de Hyacintho lamenta  
adumbrarent, sive ut Αἶαντος s.  
Aiace nomen expressum esset,  
veteres memorabant. Cf. Ovid.  
Metam. XIII, 398. *Reges* du-  
ces Graecorum voce Homericā.  
Apud Ciceronem Agamemnon  
*rex regum*. (De utroque, Aiace  
et Hyacintho, intelligi haec posse,  
eo probatur, quod alii etiam lite-  
ram Τ in illo flore conspici sibi

visi sunt. vid. Voss. Atque Hy-  
acinthum, regis filium, regem  
et ipsum dici posse, annotat  
Spohnius. *Wr.*) 107. *Phyl-  
lida*, quam uterque amicam sibi  
vindicaret. v. 76 sq.

108. *Non nostrum* scil. est.  
Servius tamen contendit inter-  
pungendum esse: *Non*: quasi  
interloquatur Iudex, *non, non  
habebis Phyllida* etc. *nostrum  
est, arbitrium ferre*. Sed hoc  
durum: nec satis potest confir-  
mari ex Theocr. V, 138 παύ-  
σασθαι κέλομαι τὸν ποιμένα.

109. *et quisquis amores* etc.  
Ut haec verba per se sensum sa-  
tis obvium habeant, non tamen,  
quid ad reliquam sententiam faci-  
ant, ab ullo interprete moni-  
tum aut dictum est, neque un-  
quam dici posse existimo. Re-  
ferre interpretum commenta nil  
attinet; frigere enim ea cum ipso  
carinine necesse est. Verum  
Palaemon eiusmodi arbitrium fa-  
cit, ut utrumque parem esse di-  
cat, ut adeo alter, Menalcas,  
*vitula*, ab Damoeta in sponsione  
posita, Damoetas autem *poculo*  
fagino Menalcae dignus videri de-  
beat. Iam, quorsum reliqua hoc  
et seq. versu spectent, non fa-  
cile dicas; neque quicquam ex

Haut metuet, dulcis, aut experietur amarus. 110

110.\*AUT METUET DULCIS, AUT EXPERIETUR AMAROS.\*

110 *metuat et experietur* Ven. *metuat et experietur* Leid. duo cum Goth. sec. *metuet et experietur* Moret. quartus. Ebertus coniiciebat *et quisquis amarus aut metuet, dulces aut experietur amores*. Ita sane *metuet* magis convenit. Recepit hoc Wakefield. Nondum me poenitet eorum, quae ante hos XX annos in Notis moxque in Addendis Tom. IV, pag. 215 adscripseram: necdum, etsi discendi valde cupidus, vidi ullam rationem aut grammaticae aut sententiae satis consentaneam, qua scabri hi versus defendi possint. Nam quae tandem haec est sententia: *Et vitula tu dignus est hic, et quisquis*: ut uterque vitula remunerandus sit (atqui alter poculum ferre debebat); multo minus ferri potest, ut et tertius aliquis vitulam ferat, et omnes alii praemium idem ferant, et quidem non propter victoriam, sed propter amores infaustos. Quis tandem locus praemio in hoc? et quorsum vitula? an puellae amatae loco? Sin sententiam ab antecedentibus seiunctam facias, ut sit: *Et vel At quisquis amores Aut metuet — aut experietur*, primo sententia est contorta, obscura, et si expeditam dederis, a loco aliena; quorsum enim repente amores? de cantu agebatur; praemium debebatur ei, qui cantu superior esset; nunc autem ambo cantu erant pares, non amore felices aut infelices; tum vero grammaticae adversatur hoc, ut *quisquis* sit unusquisque. Nam *quisquis* relativam vim habet, nec absolute poni potest; nisi addito aut subintellecto verbo: *quisquis* ille fuerit, *quicquid* illud est: multo minus *quisquis* de duobus pro uterque dictum esse potest. Mihi itaque satis liquere videtur, duo hos versus esse factum Grammatici, qui supplere volebat sententiam breviter a poeta enuntiata: *Non nostrum inter vos tantas componere lites*. Forte plures interpolationis auctores fuere. Adscripserat prior: *Et vitula tu dignus est hic poculo*. Casu appinxerat alius versum paraeneticum in margine: *Aut metuat dulces aut experietur amarus*. Fuit librarius, qui utrumque versum male consarcinatum intexeret. Fruatur tamen per me iudicio quisque suo. (Antequam, quae mea sit de versibus his vexatissimis sententia, exponam, aliorum conatus et explicationes oculis lectorum subiciam, ita tamen, ut refellendi laborem, non ita difficilem, ipsis relinquam. Schirach in Clave Poetar. Classicor. part. post. pag. 556. sic scribit: „Non nostrum est, inter vos tantas componere lites, et ne quis victorem se fuisse ostendat, tu dignus es praemio et ille, et uterque suam persequatur rationem, neque animum abiciat quisque in suo genere perfectus, et perget, aut dulcem amorem celebrare, aut de amaro conqueri; nunquam enim constitui de lite inter vos poterit.“ Vossius ita exhibet hos versus: „At quisquis amores Aut metuat dulces, aut experietur amarus.“ Bothius in Virgilio Virgiliano scribit pag. 7.: „Palaemon postquam laudavit iuvenes, qui de rebus amatoris cantaverant, etiam ipse sententiam hac de re addit suam, dicens, opus esse, ut quisque amori dulci diffidat, nisi amarum eum experiri velit. Simplex oratio, simplex homo; futura posita pro imperativis.“ Multum in explicando horum versuum sensu, sed frustra, se torsit Io. Ge. Lud. Beutler in descriptione academica: Animadversiones criticae in Homerum et Virgilium. Ienae. 1823. 4. Censor huius libelli in Annalibus Heidelberg. fasc. IV. anni 1824. hanc proponit interpretationem, prorsus cum Bothiana

Calpurnio Ecl. II, 99 divines, VI extr. *Νίκη μὲν οὐδ' ἄλλος*, ubi haec adumbrat: *Este pares vicit neuter, ἀνάσσωσι δ' ἐγέ- et ab hoc concordēs vivite; nam νοντο*. Meliorem quoque viam iniit Popius Pastoral. I, 92 *sociavit et aetas*. Melius Theocr. sqq.



## Claudite iam rivos, pueri: sat prata biberunt.

convenientem: „et quisquis fugiet amores, nisi amarus eos experiri velit.“ Doeringius in *Programmate* saepius laud. sic scribendum censet: „ita quisquis amores Aut metu at dulces, aut experiatur amarus;“ hac subiecta explicatione: „Vos ambo digni estis posito pignore; utinam ita, eadem suavitate, quivis alius aut metum et sollicitudinem in amore felice, cfr. vs. 74., aut amaritatem et curas in amore infelice, cfr. vs. 80., canendo exprimat.“ In eundem modum idem V. D. disputavit ad Catull. LXVIII, 28., nisi quod ibi *sic*, non *ita*, pro *et* offert. Spohnius reiectam iam ab Heynio et Vossio retractat explicationem: „Digni estis praemio; dignus hic, dignus alter; dignus, quicumque iam sapit et abstinet ab amore, aut alieno edoctus dolore, aut suo, aliquando resipiscens.“ Iahnus denique sic interpretatur: „Summo praemio digni estis et tu, et ille, et omnis, qui tam praeclare amoris aut dulcedinem aut amaritudinem carmine celebrabit.“ Praeclare, nisi ad fulciendam hanc sententiam addendum fuisset illud „tam praeclare.“ Similiter Spohnius, ne absurdi aliquid dicentem faceret poetam, non satis fideliter eius orationem expressit. Acutius omnibus, qui vel ante, vel post ipsum solvere hunc nodum conati sunt, vidit Heynius, sensu haec plane destituta esse intelligens. Illud tantum improbes, quod resecandos censuit vs. 109. sq. Atque ut supra propositas explicandi rationes verbo refutem, pronomen *quisquis* h. l. nullo pacto pro *quisque*, multo minus pro *uterque*, quod mireris quomodo Schirachio in mentem venire potuerit, dictum accipere licet. Nam ut concedam, optimi saeculi scriptores, relativis vel nominibus, vel particulis praegressis, ut *quicumque*, *qui*, *ubi*, *ut*, — quae quidem omnia eum in modum dicuntur, quo illud Aen. IV, 371.: „Quae quibus anteferam?“ — aut etiam pronomini possessivo *suus* ita interdum subiungere *quisquis*, ut pro *quisque* positum videri possit: non facile tamen vel pessimus scriptor in initio enunciati, qui locus proprius est relativis, *quisquis* ita posuerit. Et initio enunciatorum ea quoque posita censenda sunt, quibus praecedit copula, ut h. l., quippe quae nihil pertineat ad ipsius vim sententiae, sed tantum iungendis duobus enunciatis inserviat. Ceterum qui exempla cupit huius usus pronominis *quisquis*, eum relego ad Forcell. Lex. sub voc. *Quisquis*. Manut. ad Cic. Ep. ad Div. VI, 1. porro ad librum, cui inscriptum est: *Deutsches Museum*. 1786. Vol. I. pag. 24. Doering. ad Catull. LXVIII, 28. Quum autem, si vs. 109. sq. tanquam spurios eiciamus, aptam desiderari optimi carminis clausulam appareat, neque in interpretatione satis sit auxilii, ad coniecturam descendamus necesse est. Itaque lenissima mutatione facta pro priore *aut scripsi haut*; ac sic saepissime haec negandi particula in ipso Mediceo demta adspiratione legitur. Praeterea ita singula distinxi: „Et vitula tu dignus, et hic. Et quisquis amores Haut metuet, dulces, aut experietur amarus;“ i. e. aut dulces experietur, aut amarus. Quibus verbis Palaemon ad utrumque paratum esse iubet, quicumque amores tractet; nam „Vinceris, aut vincis; haec in amore rota est.“ Propert. II, 8, 8. Haud metuit amores, qui eos non fugit, non spernit; quae non infrequens est huius verbi significatio; Ge. I, 246.: „Arcti metuentes aequore tingui.“ Aptè autem tangit diversa horum pastorum in amore fata; cf. vs. 76. sqq. 80. sqq. 101. 107. Neque illa *Et vitula tu dignus, et hic* quidquam habent offensionis, ut visa sunt Heynio; cf. not. meam ad vs. 49. et 54.

111. *Claudite iam rivos*. Exisse Palaemon intelligendus, ut servis suis imperaret, ut rivos seu canales ad irriganda prata aperirent; interea a Menalca et

Damoeta arbiter advocatus, nunc, finito certamine, ad servos suos iterum se convertit. vid. Serv. et Burm. conf. Calpurn. II, 96. 97.

Post *hic* autem inhibendus paululum orationis cursus. Ac nova sententia, quae Palaemonis praecepto continetur, recte per copulam *Et* adiuncta est; gravius autem pronuncianda haec: *Haut metuet*; non *quisquis*, aut *amores*. Neque in eo haerendum, quod verbum *experietur* aliter collocatum malis, hunc in modum: dulces aut amaros experietur. Talem enim verborum positum interdum sibi indulserunt poetae, ut Ge. II, 447.: „At myrtus validis hastilibus, et bona bello cornus;“ pro: *et bello cornus bona*. Praeterea verissime quidem docet Heindorf. ad Horat. Sat. I, 1, 8., ubi duae res magis minusve diversae vel iungantur, vel separentur, plerumque duplex *et*, *neque*, *vel*, *aut*, locum habere. Ex qua regula dicendum h. l. foret „aut dulces, aut amaros.“ Sed alteram particulam etiam omitti, vel iste versus Propertii, quem supra laudavi, declarat. Denique non praetereunda est similitudo soni in vocabulis *amores*, *amaros*, quam sectantur in talibus interdum optimi scriptores, ut Cicero in Orat. pro M. Coelio c. 32.: „Conservate igitur reipublicae, iudices, civem bonarum artium, bonarum partium, bonorum virorum.“ Virg. infra Ecl. VIII, 80.: „Limus ut hic durescit, et haec ut cera liquescit.“ Et cf. not. ad Ge. I, 157. *Wr.*)

## E C L O G A IV

POLLIO\*)

### ARGUMENTUM

In hac Ecloga interpretanda dici vix potest, quam inanem operam et olim Grammatici et hinc viri docti vana religione capti navaverint. *Vaticinationem Sibyllae de Christi natalibus* expressam esse, quam Virgilius ingeniose ad natales nobilis pueri transtulerit, iam *Lactantius, Instit. VII, 24* statuebat, et *Constantinus M. in Orat. ad Sanctorum coetum*, graece reddita a non indocto homine, *Eusebii libris de Vita Constantini* adiuncta c. 19 sq. (quam in Exc. I ad Bucolica iterum excudi curavi), demonstrare voluit, eiusque auctoritatem cum ista aetate plerumque Christiani homines (cf. Wernsdorf. Poet. min. To. IV, p. 767 sqq.), tum aetatibus nostris viri docti sequuti sunt plerique omnes, de via ac ratione tantum solliciti, qua reconditum huiusmodi vaticinium ad Romanos pervenire potuerit. Vide inprimis *Chandler's Vindication of the Defense of Christianity Book II, ch. 2, sect. 2*, et *T. II. Postscript p. 44. Whiston's Supplement to the literal accomplishment of Scripture Prophecies p. 94 sq. Cudworth Systema Intellect. c. IV, §. 16*. Certis tamen rerum argumentis destituitur ista opinio; quamvis ea multis aliis exornari possit, quae a viris doctis minus animadversa sunt. Sic v. c. e Ioseph. Ant. XV, 13, qui Herodem regem Pollionis hospitio et amicitia usum esse memorat, colligere aliquis possit, ab Herode facile, Virgilio praesente, Pollioni de Messia narrari, aut Nicolaum Damascenum, doctum hominem, cuius ministerio Herodes usus est, Augusto percarum, de Iudaeorum opinionibus commemorare potuisse, et id genus alia. Enimvero, quicumque sensum Romanorum et ingenium vel e longinquo inspexit, facile tenebit, nunquam Iudaeorum tantam auctoritatem ac fidem aut fuisse aut esse potuisse apud Romanos, longe aliis sensibus, religionibus, iudiciis imbutos, ut istorum opiniones publice admitterent et carminibus celebrarent. Meminit superstitionis Iudaicae Horatius: verum ut eam risu exploderet. Attamen vel sic vulgata esse potuit fama inde ab Oriente propagata, de Rege venturo, de heroe nascituro, de novi saeculi, novi rerum ordinis im-

\*) *Pollio*. In plerisque vett. *Saeculi novi interpretatio*. Zulich. *Laus novae progeniei*.



minente fatali exordio. Nam similimodo alias quoque superstitiones, maxime vaticiniorum, pervagatas esse plura loca reperimus; Roman autem a confluyente undique multitudine eas maturius delatas esse quid miremur!

Ut ordine agamus: videamus primo loco, quodnam carminis argumentum sit per se spectati. Carmen bucolicum ad Consulem, quem v. 11 *Pollionem* nominat, se exorsurum esse profitetur Maro: 1—3. Agi nunc ultimam aetatem a Sibylla memoratam: Inde restitutionem rerum in pristinam faciem, ἀποκατάστασιν, novum saeculorum ordinem, novam hominum progeniem, melioris aetatis vitam, humano generi redituram esse pronuntiat; idque eventurum esse puero aliquo nato, in Pollionis quidem Consulatu 4—14. Ille adscriptus erit heroibus, et orbis terrarum pacati erit regnator 15—17. Iam vero melior illa aetas, aetati aureae ac Saturniae similis, per gradus succedet, ita ut puero nato exordia, 18—25; incrementa vero sua habitura sit, quando ille adoleverit, 26—36; cumulata autem ut sit et perfecta ab omnibus partibus, ubi ille ad virilem aetatem pervenerit: 37—45. Reliqua sunt exultantis laetitia et vota facientis ac gratulantis poetae: 46 ad fin.

Iam in his facile agnoscas, si modo nulla praevia opinione imbutus accesseris, primo poetam phantasmata ab aureae aetatis narrationibus petiisse; tum vero, eum illa cumulasse in certo aliquo sui temporis eventu declarando, quem paullo obscurius designavit, quoniam in vaticinium rem mutavit, adeoque vaticinantis verbis et phantasmatibus sensa sua exposuit. Solent autem poetae cupide et ambitiose vaticinia argumenta carminum facere, cum nihil ad entusiasmum poeticum sit accommodatius: quod multis exemplis doceri posset, si nunc id ageretur. Summa sententiarum haec est, insequuturam esse temporum felicitatem magnam; eamque initium habituram esse a natalibus pueri, Pollione Cos. nati. Quinam ille puer fuerit, et quid poetam adduxerit, ut tantam rerum conversionem eo nato insequuturam polliceri posset, hoc est, quod quaeritur. Scilicet inter omnes populos, magna inprimis aliqua calamitate oppressos, vaticinia circumferri assolent, quae sive graviora minari sive laetiora solent polliceri, eaque, necessaria rerum vicissitudine, melioribus aliquando succedentibus temporibus, fere semper eventum habent. Nullo tamen tempore vaticiniorum insanius fuit studium, quam sub extrema reipublicae Romanae tempora, primosque Imperatores; cum bellorum civilium calamitates hominum animos terroribus omnis generis agitados ad varia portentorum, prodigiorum, et vaticiniorum ludibria convertissent. Inprimis autem ad Sibyllas multa vaticinia referebant, cuius oraculorum generis omnino et alias inter Romanos et tunc multo magis erat magna auctoritas. Collegit ex illa aetate oracula nonnulla Sibyllina Fabricius Bibl. Gr. Tom. I, lib. I, c. 30, §. 6 sqq. Sed rem satis vel unus Suetonii locus Octav. c. 31 declarat; cum

Augustus librorum fatidicorum Graeci Latinique generis, qui nullis vel parum idoneis auctoribus ferebantur, supra duo millia contracta undique cremaverit. Iam in magno illo numero vaticiniorum et oraculorum, quae partim superstitione partim fraudibus hominum celebrata, et sive sub aliis nominibus sive sub Sibyllarum nomine passim vendita fuere, unum fuit aliquod, quod magnam aliquam felicitatem futuram promitteret, eiusque descriptionem ab iis, quae de saeculo aureo memorassent poetae, mutuaretur. Erat alia ab Etruscis profecta fama de octo saeculis genti Etruscae datis, et de saeculo nono inde a Sulla exorso, tum de decimo, periodi rerum, quae tum erat, fine. cf. Censorin. c. 17. Plutarchi. in Sulla p. 456 A. Opinionis vestigium aliquod apud Serv. ad Ecl. IX, 47 est de noni saeculi exitu et ingressu decimii. Erat alia de magno anno vertente e Platoniciis et Stoicis petita opinio, quo omnium rerum ἀνακύκλωσις et ἀποκατάστασις esset futura, tum alia de magno Rege venturo fama: vid. Sueton. Aug. 94. quae iterum sub Nerone increbuit: Sueton. Vespas. 4. solet enim eiusmodi superstitio vulgo variis modis circumferri, inflecti, variari. Quascunque autem in hoc genere descriptiones novae felicitatis habemus, sive in Orientis sive in Graecis ac Romanis poetis, omnes fere inter se similes sunt: bestiae ac ferae cicures, serpentes innocui, fruges nullo cultu enatae, mare placidum, dii praesentes in terris aliaque eiusmodi in omnibus memorantur. Nullum in his phantasma est, quod non mens humana magno metu contacta concipere possit, si ad vitae simplicitatem, a pestibus et malis magnarum urbium et magnorum imperiorum liberatam, cogitatione se retulerit. Haec eadem aetatis aureae, saeculi Saturnii, bona constituunt. Translata ea partim ad Elysium, et ad Hyperboreos, ac similia commenta.

Hoc itaque oraculo et vaticinio seu commento ingenioso Virgilius commode usus esse, et, quae de aetate aurea, inprimis ab Hesiodo, memorantur, ad ea tempora, in quibus hanc eclogam scriberet, et ad pueri, circa id tempus nascituri, natales, quasi cum iis aetas aurea initium habitura sit, transtulisse videri debet. In quo aliquid sumi a viris doctis video, quod omnino necesse esse non video; volunt enim puerum nasciturum novi rerum ordinis auctorem, certe pignus, a poeta pronuntiari: quod ita se non habet. Tempora felicia ait esse successura, eorumque initium natalibus pueri ita assignat, ut cum vitae humanae gradibus ea incrementa habitura esse ostendat. Potest ita novi saeculi felicitas, ex pace Brundusina ducta, simpliciter, tamquam epochae, alligari natalibus pueri, qui tum expectabantur. Fuit enim annus U. C. 714, Coss. C. Asinio Pollione et Cn. Domitio Calvino, ut ex v. 11. 12 patet. Eo itaque anno, post summos, ne bellum civile inter Octavianum et M. Antonium, qui ex Asia cum copiis in Italiam traiecerat, recrudesceret, metus, Maecenatis et Pollionis opera Brundisii pax composita fuit, cuius quasi pignus Octavia, Octavi-

ani soror, Antonio in matrimonium tradita est. Erat ea ex priore marito, Marcello, gravida, id quod disertis verbis Dio memorat, lib. XLVIII, c. 31; infantem illum M. Marcellum, generum mox Augusti, de quo Aen. VI locus nobilis est, fuisse, putant; an omni dubitatione maius hoc sit, non cum Catroeo, qui sublectam hanc Badio Ascensio aliisque rationem tamquam a se profectam mirifica vanitate iactat, decidere ausim: sunt enim, quae contra moneri possint. Sed, cum ea pace confirmata tandem publica tranquillitas videretur, satis commode Virgilius hunc tamquam fundum sui carminis facere potuit, ut ex eo tempore, rerum fortuna in melius mutata, auream aetatem esse reversuram diceret, eamque sententiam iis omnibus exornaret, quae a poetis de felicitate eius aetatis commemorari solent. An Saturnaliorum dies inter ea commemorandi sint, quibus poeta in rem suam usus sit, paullo longius petita est coniectura. Haec quidem, quamquam difficultatibus ea suis labore non ignoro, inter alia parum probanda, saltem aliqua cum veri specie dici videntur. In difficultatibus tamen est inprimis haec, quod puer ex Octavia suscipiendus, non ex novo sed ex pristino matrimonio erat nasciturus. cf. Vitam Virgilio ad a. 714 exeuntem, ut adeo non appareat, quanta spes ex huius pueri natalibus de felicitate publica concipi potuerit; maior erat spes ex Octaviae prudentia, si Antonium in officio retineret.

Aliam magnae expectationis prolem eidem anno assignari posse viderunt alii viri docti, inque his *Nauzeus* (*Mém. de l'Acad. des Inscript.* Tom. XXXI), et iam ante eum vir doctus (*Boulacre* in *Bibliothèque Française* Tom. XXVIII, p. 243, accessit quoque nuper *Sam. Henley*, vir elegantis ingenii, in libello mox commemorando), ex nuptiis Octaviani cum Scribonia, quacum tamen anno sequente divortium fecit, suscepta ex ea Iulia. Duxerat eam Caesar initio anni, quo Pollio Cos. erat, eamque sub anni exitum, quo pax Brundisina facta est, partui vicinam fuisse, ex eo intelligitur, quod Iulia sub anni sequentis initium nata est. Cum in expectatione esset Roma, quam prolem Scribonia editura esset, quippe uxor Caesaris, III viri iam tum Lepidi et Antonii praevalentis opibus, potuit Virgilius filium ominari et meliorem inde rerum conditionem augurari; etsi de Augusto rerum domino nondum illo anno quisquam cogitare poterat.

Errat inter duo hos partus interpretatio, cum uterque habeat, quod iudicium inclinare possit. Quod Pollioni inscripta est Ecloga, pro priore opinione facit, quandoquidem is inter eos fuit, per quos pax Brundusina fuit composita: missus erat ab Antonio, cui fuit familiaris et studiosissimus; ex nuptiis adeo eius cum Octavia haud parum laetam spem concipere debuit. Nec obstat, quod idem Pollio mox iterum in Antonii partibus fuit: est enim res ex eius anni, quo pax facta est, actis dispicienda.

Iam quod ad Pollionis filium, Saloninum, vulgo e Servianis commentis ad vs. 11. (idque ceteris doctius persequutus est Boe-



cler. Diss. Acad. Tom. II, pag. 388), aut ad Salonini fratrem, C. Asinium Gallum, ex alio istis commentariis adsuto panno ad v. 11, res refertur, non magis fide historica nititur; nam Pollioni puerum illo anno natum esse ignoramus. Esset adeo hoc, inferre aliquid de suo in poetam, et tum ex eo, quod intulimus, probationes petere. In Drusum incidisse virum doctum video in Comment. Trevolt. 1703, p. 7, id vero temporum rerumque rationibus repugnat. cf. Ruaeus pr. huius Eclogae. Multo vero molestiorem et nulla ope tuendam rationem proposuit Vignolius (in *Biblioth. Germ.* Tom. XXXV, pag. 173 sqq.), qui hanc Eclogam in annum 730 coniecit, ut tamen v. 11 de M. Tullio Cicerone, M. F. Consule suffecto 724, accipiat, et *Tullio* pro *Pollio* legat, et ad magnae aerae Alexandrinae initium, quod a magni cycli canicularis, qui est 1461 annorum, decimo quarto saeculo procedebat, retulit; quae sententia cum hactenus speciosa sit, ut valde probabile fiat, poetam ad magnam istam aeram, quae pro *revolutione magni anni* et ἀποκαταστάσει omnium rerum habebatur, respexisse (cf. *des Vignoles Chronologie de l'Hist. Sainte* Tom. II, pag. 710. 711), in annum tamen memoratum 730 reiici ipsa ecloga non potest, nisi perquam contorte et adversa rerum verborumque omni natura, ut probare se eam rem Burmanno potuisse mirer. Enimvero quorsum bonum otium contero in exponendis opinationibus et ariolationibus, in quibus nihil ad liquidum perducī potest!

Quid autem, si ne locus quidem ariolationi est, quis puer ille fuerit, quem Maro nascentem memorat? Potest enim ille nihil aliud voluisse, quam, calamitosis bellorum civilium temporibus succedens nunc esse tempora laetiora; quae ἐὺφραντασιώδης poeta per aetates mythicas declarat; cum autem funestum hoc et ferreum saeculum non protinus mutari posset in aureum, inversa ratione per gradus res ad saeculum aureum adducenda fuit. Cum porro melior rerum conditio esse nequeat, nisi homines meliores deterioribus successerint: eam rationem ingressus esse putari potest, ut *novam progeniem* prodituram esse dicat: haec progenies ut primordia sua habeat necesse est; deflexit itaque orationem ad *puerum* illum, *qui primus in huius saeculi auspiciis est nasciturus*. Nunc succurrebat vaticinium illud vulgatum de Rege seu heroe venturo, seu nascituro. In hanc fere sententiam vidi quoque incidisse unum ex meis olim familiaribus Kuithan, Tremoniensem, acuti ingenii iuvenem, Rectorem nunc Gymnasii Lünensis Westphaliae. Puerum illum διογενῆ iam herois nomine et loco recte impertiit; potuere quoque Iovis pueri incunabula animo poetae insidere; recte quoque *patrias virtutes* commemorat, natus enim ille puer est a deo aliquo, tamquam heros. Manent quidem vel sic in figmento hoc nonnulla obscura nec satis comode inventa; verum probe arrogantem esse necesse foret eum, qui hoc sibi sumeret, aut sibi satis confideret, ut omnia a se expedita in hoc carmine esse pronuntiet:

ipsa enim res, vaticinii indoles et lex, enuntiationis modus per mythica ornamenta, omnem conatum sufflaminant.

Non Oraculum Sibyllae sed Hesiodi quatuor aetates a Marone respici contendebat Fabric. in Bibl. Gr. Tom. I, 31, 19. Fuere tamen huius generis et vatum et poetarum lusus multi alii. In ipso quoque Hesiodo non satis aperta est aetatum ratio, loco forte interpolato. De obscuritate carminis perperam conqueruntur homines docti, quandoquidem hoc ipsum ad vaticinii indolem pertinet, ut per ambages obscurata sit oratio. Tum vero singulos versus ad singulare aliquod istorum temporum factum revocare velle, non minus inane studium est, quam quod interpretes oraculorum sacrorum sequi videas, cum singula phantasmata vatum, tamquam si in annalibus Taciti alicuius versentur, inter ipsas res gestas referunt, et poetica ornamenta ad factorum fidem explorant. Etiam Lowthius Summe Ven. Episc. Londin. Praelect. XXI. erudite de hac Ecloga agit, eamque omnino expediri posse negat, nec multum abest, quin sibi persuadeat, non sine veri dei afflatu eam scriptam esse: contra quam sententiam disputatum est nuper singulari libello a viro docto, *Sam. Henley*. Si quis tamen animo reputet, aliorum quoque populorum, praeter Iudaeos, vates et vaticinia olim fuisse permagno numero; eorum porro vatum ingenia non minus incaluisse phantasmatibus et visis poeticis, seu poeticum ornatum admittentibus; quotiesque in eodem argumento seu calamitatum praedicendarum seu felicitatis publicae privataeque ostendendae versarentur, necessario in eadem rerum phantasmata eos incidere debuisse: non adeo mirabitur, adumbratas esse in hoc carmine, ut in tot aliis, rerum species ac formas ex aetate aurea iisque similes, quae in Hebraicis vatibus occurrunt; ut illud taceam, in magno illo Sibyllinorum oraculorum numero, quem paullo ante vidimus, multa esse debuisse a Syris et Iudaeis hominibus propagata. Noluere viri docti hanc Eclogam inter Bucolica referri: quae res omnino ex carminis Bucolici notione ac definitione diiudicanda est. Illud notari debet, etsi argumentum ex ipsa vita rustica petitum dici nequeat, ita tamen illud esse tractatum, ut sententiae et imagines rerum sive ab ea vita sive a vita antiquissimorum hominum arcessitae sint. Ceterum et in hoc carmine poetam interpretabimur ad sensum nostrum: ad refellendum quemquam non descendemus. Quoties fide historica certa destituimur, omnisque res ad coniecturam redit, liberum cuique esse debet, pro ingenio suo ariolari, aut, si nolit, omnino non ariolari: in qua quidem secta me esse profiteor. Imitatione magnam partem expressit Calpurnius Ecl. I, 36 sqq.

Sicelides Musae, paullo maiora canamus!

Non omnis arbusta iuvant humilesque myricae;  
Si canimus silvas, silvae sint Consule dignae.

Ultima Cumaei venit iam carminis aetas;  
Magnus ab integro saeculorum nascitur ordo. 5  
Iam redit et Virgo, redeunt Saturnia regna;

1. CANAMUS; 6. VIRGO;

1 *Sicelides* passim codd. Pier. et Burm. Verum est *Σικελίς*, *Σικελίδης* ex *Σικελοί*. 2 *humilesque genestae* Pierii Medic. *myricae*, penultima longa, cum Theocrito *μυρίαι*. At Homer. *Iliad. K, 467* corripit: — *μυρίκης τ' ἐριθηλέας ὄζους*. 3 *sunt* Goth. sec. cum al., et sic Pierius in plerisque esse ait: sententia parum commoda. (Vossius humile et tenue genus bucolici carminis per arbusta et myricas, per silvas autem, altas et proceras, elatum et grandius intelligi vult. Ac propterea *sunt* recepit pro *sint*. Non recte; num igitur deinde silvas canit poeta? at hoc necessario exigeret talis professio. *Sp.* — Per silvas, gregum pascua, nihil aliud significatur; quam per arbusta et tamariscos. Itaque sententia haec est: Non omnium personis dignum hoc carminis genus; itaque si tanto nomine inscribendum est eiusmodi carmen, sit hoc ita comparatum, ita supra vulgarem modum elatum, ut ne dedecet viri summi, Consulis, dignitatem. *Wr.*) 4 *Cymaei* plerique ap. Pier. *temporis* Menag. pr. *iam venit* Leid. (— 6. Pro semicolo, quod erat post *Virgo*, comma posui; nam *redit et Virgo, redeunt Saturnia regna* idem est, quod *et Virgo et Saturnia regna redeunt*.)

1. (Ecloga haec, ut in Prolegomenis demonstratum, facta est in laudes Pollionis, cuius ope Antonius pacem restituerat orbi, icto cum Octaviano foedere Brundusino, et pueri Asinii Galli, qui mense Septembri ai. 714. aut ineunte Octobri natus erat. *Sp.*) *Sicelides Musae*, Pastortii carminis praesides, Theocriteae, omninoque bucolicae. *Σικελὸν μέλος* Bion *Idyll. VII, 1*. *Σικελικαὶ Μοῦσαι* Moschus *Idyll. III*. Paullo altius se pro bucolico carmine aggredi argumentum bene praefatur, quia Pollioni, viro docto, illud dedicat et inscribit. Idem genus bucolicum porro *arbustis*, *myricis*, et *silvis* exprimit. *Myrica* virgulti genus in Italiae oris, quod ripas fluminum obsidere solet.

*Tamariscum* esse docent post Iulium Sabinum viri docti. conf. Martin. *Tamaricem Gallicam* Linn. Schreber. ad Theocr. I, 13. 3. *silvae sint Consule dignae*, sit carmen hoc bucolicum satis ex dignitate Pollionis Cos. (Aliter haec cum Vossio interpretatur Doering. l. l. sed vide V. L. *Wr.*)

4. 5. Agitur iam ultima aetas carminis Sibyllini; iterum procedent saecula, quae fuerunt: 6. 7. Adeoque redit nunc saeculum Saturnium, et cum eo hominum genus, quale saeculo illo aureo fuit. Itaque v. 8. 9 subiicitur: puero nato ferream aetatem desinere, auream exoriri. Haec sunt ipsa poetae phantasmata, si nihil aliunde adsciveris. Igitur carmen tum supererat, quod ad Sibyllam Cu-



Iam nova progenies coelo demittitur alto.  
 Tu modo nascenti puero, quo ferrea primum  
 Desinet, ac toto surget gens aurea mundo,

Tenendum enim, repetitum vocabulum vel Verbum interdum vim habere repetendae copulae: Aen. VII, 327.: „*Odit et ipse pater Pluton, odere sorores Tartareae monstrum.*“ VIII, 91.: „*Labitur uncta vadis abies: mirantur et undae, Miratur nemus insuetum fulgentia longe Scuta virum.*“ XI, 169.: „*Quin ego non alio digner te funere, Palla, Quam pius Aeneas, et quam magni Phryges, et quam Tyrrhenique duces, Tyrrhenum exercitus omnis.*“ XII, 548.: „*Totae adeo conversae acies, omnesque Latini, Omnes Dardanidae.*“ Eodem modo Praepositio repetitur: Aen. X, 313.: „*huic gladio perque aerea suta, Per tunicam squalentem auro, latus haurit apertum.*“ Hinc etiam reponendum esset Ge. I, 312.: „*ubi iam breviorque dies, iam mollior aestas,*“ si potiores codices addicerent. Hinc defendi etiam poterit vulgata lectio Ge. III, 480. sq.: „*Et genus omne neci pecudum dedit, omne ferarum, Corruptique lacus, infecit pabula tabo;*“ nempe *infecit* idem fere, quod *corruptit*; vid. tamen V. L. ad vs. 481. Ceterum raro in his etiam et geminatur, ut infra vs. 24.: „*Occidet et serpens et fallax herba veneni Occidet.*“ *Wr.*) 7 dimittitur alii ap. Burm., solita variatione. 9 et Menag. pr. at Goth. sec.

manam vulgo referri solebat, in quo, ubi *ultima aetas* advenisset, quam de sua aetate interpretatur poeta, meliorum temporum ordo, per ἀποκατάστασιν aliquam, denuo procedere nuntiabatur; nam, *Cumaeum carmen de Hesiodo*, a Dio eius patre, Cuma oriundo (vid. Opera et Dies v. 636 sq.), secundum Valerium Probum, Grammaticum, intelligere (cum Fabricio Bibl. Graec. I, 30, 14, et Graevio Lectt. Hesiod. c. 5.) non licet. Nihil enim in illo de revolvendis se ac rediventibus aetatibus melioribus occurrit: nisi obscure elicias ex vs. 175 ὄφελον — ἢ πρόσθε θανεῖν, ἢ ἔπειτα γενέσθαι. Quot aetates Sibylla constituerit, ex h. l. non constat. Etiam in retracto aetatum cursu mox tantum memoratur melior seu aurea aetas, sua exordia, incrementa, et ἀμύην habens. Si quem vero illud male habet, quod, cum

Cumanae Sibyllae libri in Capitolio servarentur, nihil ex iis a poeta sciri aut vulgari potuerit: tenendum est, auctoritate Senatus, qua quidem talia agi fas erat (v. Dio lib. XXXIX, c. 15.), multa passim ex libris Sibyllinis vulgata, et praeterea magnum effatorum Sibyllinorum numerum, undecunque acceptum et ex cunctis gentibus apportatum, vulgo inter homines iactatum fuisse. v. Argumentum. Constituit autem poeta aetatem auream per certos gradus ac progressus, quos secundum vitae humanae gradus constituit; per pueritiam, 18—25 dum aetatis ferreae mala desitura, aureae bona reditura sunt; tum per adolescentiam, qua perfectior quidem aetas, heroicae tamen similis, processura sit; 26—36 cum virili autem aetate, tamquam tertio gradu ipsum saeculum Saturnium esse successurum. Poetica haec esse phan-

Casta, fave, Lucina: tuus iam regnat Apollo. 10  
Teque adeo decus hoc aevi, te Consule, inibit,

10 Erat vir doctus, qui accipiebat de Pollione: *tuus iam regnat Apollo.*

tasmata, nec historici quicquam argumenti, ne vaticinium quidem, subesse, satis apparet, dummodo nihil aliunde intuleris, et, ubi intuleras, ex eo argumententeris ac disputes. (*intēgro.* Rara huiusmodi syllabarum in thesi productio, ut Lucret. I, 926.: „iuvat integros accedere fontes.“ Horat. Sat. II, 2, 113.: „Integris opibus“. et *sacrae* Sil. Ital. I, 599. *Sp.*) 6. *Virgo, Δίκη*, Iustitia, ut Hesiod. *“Egy.* 256. Nota res vel ex Ovid. Met. I, 149, et Ge. II, 414. Hesiod. *“Egy.* 200. (De grammatica horum verborum ratione vid. V. L. *Wr.*) *Saturnia regna* ut Romanus poeta laudat (vid. Excurs. V ad Aen. VII.), Graeci tamen et auream aetatem *ἐπὶ Κρόνου* memorant: Hesiod. l. l. 109 seq. Attigit noster eandem Georg. I, 125 sq. II, 536 sq. 7. *nova progenies*, novum hominum genus, nova successio, nascitur, *νέα πληθὺς ἀνδρῶν*, h. meliores et iustiores, ut in novo rerum ordine et aurea aetate. Eadem mox vs. 9 *gens aurea*. Hesiod. Op. et D. 109 *χρῦσεον γένος μερόπων ἀνθρώπων*. Non igitur ad puerum referri hoc potest; qui ab ea discernitur. *demitti coelo* simpliciter esse nasci, statuas ex v. 8 *nascenti puero*. etsi notio *θεόθεν γεννᾶσθαι*, divinitus, numine propitio, nasci. *surget*, procedet, ortum et initium habebit hoc puero nato. (*mundo*, orbe terrarum, ut Lucan. I, 160. *Wr.*)

10. *tuus iam regnat Apollo.* „Ultimum saeculum ostendit, quod Sibylla Solis esse memoravit.“ *Serv.* (Apollo antiquis Romanis ignotum numen; deerat teste Arnobio adv. Gent. I. II. pag. 95. Edit. 1651. in catalogo numinum, quae Numa probavit, Indigitamentis Pompilianis; cfr. *Serv.* ad Ge. I, 21. Sed permixtum eius et Solis numen a senioribus esse, vulgatum est. *Sp.*) Scilicet ut Saturni, ut Iovis fuit regnum, sic nunc Apollinis. Videtur hoc tenendum esse. Fabricius Bibl. Gr. I, 30, §. 14 multa quidem docte contra disputat, ipse tamen multo molestiorem rationem proponit, ut et omnes ceteri interpretes. Si subsequentibus temporibus scriptum esset carmen, ferrem sane *Apollinem* pro *Caesare* dici; namque deus erat Caesarum tutelar; habitabat Augustus in Palatio ab 718 inde. cf. Dio XLIX, 15. LIII, 16, et Apollinis filius existimatus fuit. v. Sueton. Octav. cap. 94. Occurrit quoque Apollo et Sol in numis. Verum eo tempore, quo haec Ecloga scripta est, honores illi in Caesarem nondum erant cumulati.

11. Instat tempus novi saeculi et ab hoc ipso anno procedit tui consulatus. (De particula *adeo* vid. Q. V. XXVI, 4. *Wr.*) *decus hoc aevi*, praeclara haec aetas. *inibit*: simplicissima est ratio, ut *inibit* sit pro, cursum inibit, incipiet; eamque Servius

Pollio, et incipient magni procedere menses;  
Te duce, si qua manent, sceleris vestigia nostri  
Inrita perpetua solvent formidine terras.

## 12. POLLIO; MENSES.

13 *primi vel nostri* Köler. ms.

14 *poenas* Ven.

et vulgo interpretes sequuntur. *Inire* quidem absolute ita positum non occurrere, bene monet Burmannus; participium tamen nunquam non ita dicitur: *in-eunte anno, mense; iniens aetas*: quidni etiam *annus init?* et eodem modo dictum *ingredi* pro incipere, ut Ge. I, 42 *ingredere*. (Burmannus, ut ita iungamus, auctor est: *Apollo*, hoc est, Augustus, hunc fere intelligunt interpretes, *inibit decus hoc aevi, te, Pollio, Consule*. Melius subiectum esset sic ipse *puer nascens*, qui idem ex nostra ratione *Apollo* est, qui hanc praeclaram vitam, hoc aevum, inibit. Videri aliis possunt verba v. 12 *et magni incipient procedere menses*, quae ad *novam progeniem* spectant, postulare, ut et illa *decus hoc aevi inire* putetur. Sed praestat vulgatum retinere.) 12. *magni menses*, illustres, insignes, memorabiles, ut v. 5, utpote saeculi aurei. (Ita explicat etiam Spohnius, eaque explicatio sola convenit praegressis *decus hoc aevi*. Vossius proprie magnos, i. e. longos, nostris maiores, dictos accipit. Wr.) Nimirum *magnus annus* est, utique hinc et *magni menses*. Quis, nisi apud Iulium Sabinum e pleniore Servio legeretur, crederet, iam Asconium Pedianum libro se-

cundo de praetura urbana putare potuisse, Virgilium intellexisse de Iulio et Augusto, qui menses nomina tum de D. Iulio et Augusto Caesare acceperant. (Ridiculum hoc et ipsi historiae repugnans; nam Pollio ab in-eunte Octobri per tres menses Consulatum gessit. Sp.)

13. *Te duce*: auspice, a tuo inde consulatu; expiabitur primo omne scelus, quo contaminatum est hoc hominum genus: scilicet ut sanctior et castior aetas succedere possit. (Sensit Vossius, comparata inter se Octaviani ac Pollionis persona, videri posse Virgilium nimis magnifice de Pollione loqui. Cui rei occurrit ita, ut dicat, illo tempore Romanos minime existimasse, omnia in unius, Octaviani, potestatem cessura esse, sed pristinam sibi libertatem restitutum iri sperasse. Quo accedit, ut tum Consulatus dignitas, sensim evilescens, nondum ita imminuta videretur. Wr.) *sceleris vestigia nostri*: belli civilis reliquias spectari, manifestum est. Nam perpetuum hoc, ut de bello civili *ἄγος, scelus*, praedicetur; notum: *Cui dabit partes scelus expiandi*. Quo, quo, *scelesti, ruitis*. Nunc in primis de illo tempore agitur, cum post Brundusinam pacem Sext. Pompeius adhuc maria Ita-



Ille deum vitam adcīpiet, divisque videbit  
 Permīxtos heroas, et ipse videbitur illis;  
 Pacatumque reget patriis virtutibus orbem.

15

15 *divosque* Rottend. sec.  
 aliquot Pierii. f. pro patriis.

17 *patriis* Mentel. pr. et in vetustissimis

liae infestaret, et commeatu Romanam intercluderet. Pax quidem etiam cum hoc paullo post apud Puteolos inita; verum, quod Ruaeus post hanc pacem Eclogam nostram scriptam arbitratur, unde scilicet tanto maior aurei saeculi spes affulsisse videri posset, id propterea commode dici non potest, quia pax illa sequenti demum anno composita fuit, vid. Dio XLVIII, c. 36; partus vero ille pueri adhuc eodem anno expectabatur, ut v. 11 et 61. Mox ornatus v. 14 pro eluentur, tollentur. *Inrita*, abolita. *formido* est propter τὸ ἄγος et reatum ex scelere conceptum.

15. 16. *Ille*, puer ex vs. 8, deorum progenies, heroibus erit adnumerandus: quippe et ipse διογενής. *deum vitam adcīpiet*, aget vitam deorum, et inter deos heroesque. Adumbratum ex iis, quae praedicantur de aurea aetate ὥς τε θεοὶ ἔζων, ἀκηδέα θυμὸν ἔχοντες Νόσφιν ἄτερ τε πόνων etc. conf. Hesiod. *Ἔργ.* v. 112 sqq. Erat enim hoc inter aurei saeculi bona, ut dii praesentes inviserent homines. Ovid. Fast. I, 251 et passim. 16. *et ipse videbitur illis*, scil. permixtus iis, h. e. admixtus erit. ἀναμῖξ ἐκάθητο, Aratus Phaenomen. 104, quem ante oculos habuit. 17. *Pacatum orbem reget*: etiam hoc ex aurea aetate, quod

in ea pacata omnia sunt: obscurius est, quod addit, *patriis virtutibus*, omnino, maiorum: et ad hoc, tamquam ad scopulum, offendit quaelibet opinio de puero nascituro. Marcello- rum quidem nomen in annalibus Romanis clarissimum: hactenus puer, qui ex Octavia, Octaviani sorore, Marcello nupta, nunc autem Antonio desponsa, patriis virtutibus ornatus esse poterat: at quae spes esse potuit, ut ille *orbem regeret*? Non magis in puero ex Octaviano et Scribonia id locum habebat: nam de herede imperii et successore designato eo tempore cogitari nondum potuit. Multo minus haec caduit in Pollionis, viri consularis, prolem. *Regit orbem terrarum populus Romanus* (*Tu regere imperio populos, Romanae, memento*), regit postea princeps, at nec Senatus, nec magistratus. Manet igitur illud, quod omnium maxime probabile esse dixi, ut simpliciter nova progenies aurei saeculi intelligatur: ut dixi supra p. 128. Ita omnes argutiae concidunt. Cetera ad vaticinia, quae tum vulgo ferebantur, composita esse puta: inprimis ad famosum illud de rege, seu heroe nascituro. (Rem expediunt ea, quae ad vs. 13. notavi. *Ille* designat, ut Vossius quoque et Spohnius statuunt, filium Pollionis; isque

At tibi prima, puer, nullo munuscula cultu  
Errantis ederas passim cum baccare tellus,  
Mixtaque ridenti colocasia fundet acantho. 20

18. CULTU, 19. BACCARE,

18 *Ac tibi Rom. primo Parrhas.* 20 *fundat* ap. Macrob. Sat. VI, 6.  
*fundit* Gud. a m. pr., et mox *referant.* *fundet* Schol. Horat. II Carm. 6.

ad summos in pacata ac denuo confirmata republica honores olim evectus, patriis, i. e. iisdem, quibus pater splendeat Pollio, virtutibus eam gubernaturus dicitur; *reget orbem*, i. e. Consul factus administrabit rem Romanam. Iahnus Octavianum pronomine ille indicari putat, coll. Ecl. I, 7. 42. 44. Sed illorum locorum longe alia est ratio. Hic quidem nec grammatica patitur, nec res, de Octaviano cogitare. Puerum nascentem, pergit Iahnus, intelligi non posse propter vs. 18., ubi particula *at* oppositioni inserviat; deceptus videlicet eo, quod non senserat, illam particulam eo loco trans-euntis esse ad novam rem, non alterum alteri opponentis. *Wr.*)

18. Felicitatis *aureae* huius *aetatis*, ex versibus forte Hesiodicis l. l. 130 sqq. subito commento, *initia* cum pueritia procedere facit, *incrementa* vero cum adolescentia, cum virili tandem et perfecta aetate *vitam perfectissimam*. nullo cultu, uti omnia in saeculo aureo nascebantur, Hesiod. l. l. v. 118 *καρπὸν δ' ἔφερε ξείδιωρος ἄρουρα Ἀυτομάτη πολλόν τε καὶ ἄφθορον* hic tamen, utpote in infantia eius pueri, herbas tantum et flores sua sponte terra editos memorat; at fruges cum

adolescentia v. 28, cum virili tandem aetate omne genus proventus terrae sponte nascetur v. 39. Ovidius adeo, *sine semine*, addit Met. I, 108. 19. *Baccar*: Plin. XXI, 6, s. 16 *Bacchar quoque radicis tantum odoratae est; a quibusdam nardum rusticum appellatum—Odor est ei cinnamomo proximus.* Formam Dioscorides satis accurate descripsit, sed, qualis illa sit, inter recentiores nondum constat, ut docet Martinus. Fascinum depellere creditum esse, discimus inf. Ecl. VII, 27. (Nobile unguentum inde factum, quod et ipsum *βάρχαρις* dicebatur. vid. Athen. l. XV. p. 690. *Wr.*) 20. *Colocasium* s. *colocasia*, planta palustris Aegyptia, latis-simis foliis, caule spectabili, quo quidem non minus ac radicis bulbo vesci solent; fabas esu gratas pro fructu habet. Circa haec demum tempora in Italia seri coepisse, ex Plinio colligere licet; non tamen post victam demum ab Augusto Aegyptum, ut Serv. ad h. l. Notissima etiam nunc haec planta est inter Aegyptios nomine *Culcas*. (Res dubiae fidei. vid. Voss. p. 197. extr. *Wr.*) cf. Martin. et Cerda, Schneider. ad Pallad. III, 24, 14. *Acanthus* h. l. est Aegyptia arbor, Acaciae genus. Cf. ad Ecl.

Ipsae lacte domum referent distenta capellae  
 Ubera, nec magnos metuent armenta leones.  
 Ipsa tibi blandos fundent cunabula flores.  
 Occidet et serpens, et fallax herba veneni  
 Occidet; Assyrium vulgo nascetur amomum. 25  
 At simul heroum laudes et facta parentis

22. UBERA; 26. AT,

22 *metuant* Mentel. pr. et Menag. sec. 24 Interpungunt alii post *veneni*, ut iteretur *occidet*. (Alienam ab his verbis induxit gravitatem Vossius, sic interpungens. Longe alia est ratio laudati ab eo Horat. Od. II, 3, 17. *Wr.*) 25 *Assyrium* et v. Pierii Longobard. Versus deerat Leid. a m. pr. 26 *Ac* multi. *Et* unus qu. Moret. *facta parentum* fragm. Moret. et Gud. a sec. manu, et Rom. Pierii. Memorabilis haec est lectio, et poterit hac uti, cuius animo insidet aliqua opinio. Tutum iudicium fieri nequit, quamdiu involucra, quibus sententiam suam obscuravit poeta, retexere nequimus.

III, 45. *ridens* est *florens*, pulcer: notissimo usu vocis *ridere*, γελᾶν, γάνος, γανοῦσθαι et similia, etiam in vernaculo sermone.

21 — 25. *Ipsae*, sponte, nullo ducente, (quia nullus a lupis metus, ait Vossius. *Wr.*) ut satis notum. Sic αὐταὶ pro αὐτόματοι Theocr. Idyll. XI, 12, et mox v. 23 *cunabula fundent ipsa flores*, quos *blandos* dixit seu colore et adspectu seu odore gratos et tactu. Quod ex iis flores sponte nascuntur, ductum est ex iis, quae de deorum praesentia et ἐπιφανείᾳ passim narrantur: tellurem sub eorum gressu et obtutu virescere ac florescere. cf. Hom. II. XIV, 347. 24. Aut *herba veneni*, graeco more pro venenata; eadem *fallax*, ut Georg. II, 152 *nec miseros fallunt aconita legentes*, aut *fallax veneni*, veneno fallaci; exquisitiore usu poetae, ut audax animi. (Iunge: *herba veneni*, ut *poculum veneni* ap.

*Solium*, *mortis* ap. Ciceron. *lactis* ap. Tibullum; quasi continens venenum. *Sp.* Alia affert Wunderlichius. *Wr.*) *Occidet*, verum ut *herba moritur*. 25. *Assyrium* — *amomum*: quod genus fruticis aromatici est. v. ad Ecl. III, 89. *Assyrium* vero, cum Armeniae et Mediae ea planta esset. cf. Mart. ad h. l. (*Assyriam* latiore sensu de plagis orientalibus interdum dici, admonet Vossius. *Wr.*)

26. 27. Ubi adoleveris. Hoc splendide enuntiatur. *heroum laudes* sunt facta laude digna, ut κλέα ἀνδρῶν ἡρώων apud Homer. Iliad. χ. 520. *Parens*, cuius *facta* legere poterit, aut ipse Octavianus est, si de Scriboniae puero agitur; aut, si de Octaviae partu, C. Marcellus; cuius tamen virtus cum parum nobilis et celebrata sit, arripienda foret coniectura, a Martino ad v. 15 proposita, ut forte infans ille ab Octaviano adoptatus, aut certe in pacis conditionibus



Iam legere, et quae sit poteris cognoscere virtus:  
 Molli paullatim flavescet campus arista,  
 Incultisque rubens pendebit sentibus uva,  
 Et durae quercus sudabunt roscida mella.

30

## 29. UVA;

27 et poteris, quae sit unus Heins. 28 flavescit Gud. a m. pr. Rot-  
 tend. tert. et qu. Moret. 30 Edurae coni. Vossius, ut Ge. IV, 145. v.  
 Ge. II, 65. rosida et hic scribitur in binis, ut alibi.

aliqua ratione ei insigniter pro-  
 spectum fuerit. Cum tamen et  
 huius rei fides laboret; altera  
 lectio, *facta parentum*, h. maio-  
 rum, tamquam tutior, ample-  
 ctenda erit. (*parentis*, i. e. Pol-  
 lionis. Sic omnis concidit dif-  
 ficultas; *parentum* originem de-  
 bet praegresso *heroum*. *Wr.*)  
 27. *quae sit*—*virtus*, pro, vir-  
 tutem cognoscere: frequenti poe-  
 tarum, inprimis Homérico, usu.  
 Nimis argute ad philosophiae di-  
 sciplinam trahunt. (Vs. 26. de-  
 notantur poesis et historia, utra-  
 que clarorum virorum facta ce-  
 lebrans, eoque communem omni-  
 um virtutum fontem aperiens.  
 Non sapientiam illam ex philo-  
 sophorum praeceptis haurien-  
 dam, sed eam virtutem, quae  
 ex aemulatione alienae virtutis  
 oriatur, h. l. indicari, declarat  
 pronomen *quae*, i. e. cognosces,  
 quae virtus heroum ac paren-  
 tis fuerit; philosophorum autem  
 in disputationibus disceptatur:  
 quid sit virtus. *Wr.*)

28 — 30. Ubi puer adoleve-  
 rit, maior iam terrae cultus et  
 felicitas erit (conf. ad 18); na-  
 scentur sponte fruges, uvae,  
 mel. Quod *sponte* haec fiunt,  
 nullo cultu, conf. Ovid. Met. I,  
 109. 110 ex omni consilio poe-

tae manifestum: etsi non satis  
 diserte expressum est. Diser-  
 tius Horat. Epod. 16, 43 *Red-  
 dit ubi Cererem tellus inarata  
 quotannis, Et imputata floret  
 usque vinea, Germinat et nun-  
 quam fallentis termes olivae*,  
 etc. Haec ornate extulit. *Mol-  
 lis arista* quo sensu dicta sit,  
 ambigitur: communi usu et ra-  
 tione erit, quae adhuc est in  
 herba, gramen tritici, herba.  
 Sic Seneca Epist. 124 *cum fol-  
 liculo se exserit spica mollis*.  
 Ita *arista* improprie dicta. At-  
 que ita poetam sensisse nullus  
 dubito: nova segete sponte ena-  
 ta paullatim ager efflorescet. Si  
 vero *aristam* proprie dictam con-  
 tendas, ut sit spica frugis iam  
 adulta et firmata, quandoqui-  
 dem *flavescet* adiectum est, tum  
 in epitheto *mollis* haerebis; et  
 aut accipiendum erit, ut sit lae-  
 vis: cum nunc grana tenuibus  
 quibusdam et acutis acubus,  
 tamquam vallis, obsita sint, no-  
 vo miraculo aristae tum erunt  
 glabrae. Ita etiam Martinus. (et  
 Vossius; recte; nihil enim, si  
 aliter capis, affertur novi a poe-  
 ta; et hoc eum voluisse, patet  
 ut e proximis, sic ex eo, quod  
 in principio versus posuit hoc  
 adiectivum. *Wr.*) Aut *molles*

Pauca tamen suberunt priscae vestigia fraudis,  
Quae tentare Thetim ratibus, quae cingere muris  
Oppida, quae iubeant telluri infundere sulcos.

32 *Thetin* duo ap. Heins. qui ubique praefert Latinam terminationem tamquam minus usitatam. (*Thetim* Serv. Dresd. vid. Q. V. III, 3. *Wr.*) 33 *infundere* tres, aberratione solita. *tellure* Rottend. tert. *tellurem infundere sulco* Rom. unus (idque recepit Vossius. *Wr.*), pro quo *sulcis* Vatic. oblong., quae et ipsa bene se haberent. Recepit quoque posterius Wakefield. (Retinui cum Iahnio vulgatam lectionem, quum mutandi non satis graves viderentur causae. *Infundere sulcos* legitur etiam Aen. V, 142. *Wr.*)

erunt tenerae, quod aristarum epitheton Aen. VII, 809 habetur: *nec teneras cursu laesisset aristas*. Ita *molles* h. e. tenerae *aristae*, ut *mollis acanthus*, *mollis iuncus*, *molle siler*. 30. *sudabunt*, stillabunt, eliquabunt. Exemplum dat Cerda. Inf. Ge. II, 118 *odorato sudantia balsama ligno*. Nam duplici more haec effleruntur. Videntur antiqui hoc aetatis aureae bonum dupliciter extulisse, ut aut mel, quod in quercubus apes faciunt, tam copiosum esset, ut in terram deflueret, ut Ovid. Am. III, 8, 40. Horat. Od. II, 19, 11. Epod. 16, 47. conf. Hesiod. *Ἑογ.* 233; alios v. apud Ursin. ad h. l.; aut ut folia ilignea mel eliquarent et sudarent pro glutine, quod nunc illa folia certis temporibus obsidet. Sic Ovid. Met. I, 112 *Flavaque de viridi stillabunt ilice mella*. Ge. I, 131 *mellaque decussit foliis*, de Iovis aetate; et hunc in sensum dictum h. l., quare et *roscida mella* accipio, quae roris more per folia guttatim se colligebant. Eiusmodi mel ex certis arboribus, v. c. palma, in Media, Arabia, variisque Asiae locis legi memoratur. vid. Wesseling ad Diodor. XIX, 94. Esse

id ἄργειον illud μέλι, quo Ioannes usus est, putant nonnulli, et sub *Mannae* nomine ex Suida complexus est Salmas. in Diss. sua de Manna. Apud Constantinum l. l. Σκληρῶν δὲ πένκης λαγόνων μέλιτος ὅτε νᾶμα ex priore ratione exponitur: *Duris ex picearum truncis mellis latex fluxit*. Cf. ad Tibull. I, 3, 45. Transtulere poetae hoc idem naturae miraculum ad prodigia et miracula, quae in Bacchicis initiis iactabantur, ut dei praesentia mella passim defluerent arborum truncis. v. Eurip. Bacch. 142 sq. 703. 710. Horat. II Carm. 19, 11.

31 — 36. *Pauca tamen*. Heroum erit haec aetas, nondum illa Saturnia: ad quam per istam exactam rerum orbis redibit. Enarrat adeo poeta illa, quae ab heroica vita non abfuere. *vestigia fraudis*, sceleris, προτέρας ἄτης, ut v. 13 *sceleris vestigia nostri*, h. mala et vitia nonnulla, ex serioribus aetatibus inolita, quae cum Saturniorum temporum simplicitate et innocentia non satis conveniunt; ut navigatio, urbium munitio, aratio; quae omnia cum adulta pueri aetate cessabunt v. 37. Cum in vate versemur, inter-

Alter erit tum Tiphys, et altera quae vehat Argo  
 Delectos heroas; erunt etiam altera bella, 35  
 Atque iterum ad Troiam magnus mittetur Achilles.  
 Hinc, ubi iam firmata virum te fecerit aetas,  
 Cedet et ipse mari vector, nec nautica pinus  
 Mutabit merces: omnis feret omnia tellus;  
 Non rastros patietur humus, non vinea falcem; 40  
 Robustus quoque iam tauris iuga solvet arator;

35. BELLA; 38. VECTOR; 39. MERCES; 41.  
 ARATOR.

34 *Argos* duo, male; mox duo *Achillis*. *delectos heroas* illustravit Mitscherlich. noster Lect. in Catull. p. 3. 37 *Hic* Parrhas. et Ven. 38 *maris* Goth. sec. a m. pr. *victor* Mentel. et Dan. Heins. ed. 40 *Nec* Vratisl. et Franc.; alter et mox *nec vinea f. falces* Menag. sec. 41 *Robustis* Ven. et Parrhas., sed et illud epitheton ornat. (Wunderlichius, quem sequitur Spohnius, in Not. ad Tibull. II, 1, 7. contendit, *tauris* h. l. esse ablativum, non dativum, multos afferens locos, ubi *solvere* sextum casum adiunctum habet. Res ita se habet: *solvere* apud poetas saepe hanc duplicem sustinet notionem, ut sit *liberare*, aut *solvendo demere*; prior requirit ablativum, altera dativum, ut ap. Propert. II, 9, 39.: „Fugite certantes, atque hanc mihi solvite vitam“; paulum discrepat, si dicas: atque hac me solvite vita. Itaque, nisi ad miserum enallages auxilium confugere malis, nostrum locum sic explicabis: *tauris* demet iuga, solvendo ea. Nec conturbant hanc rationem eiusmodi loci, ubi talia, quale est *corde*, *pectore*, *mente*, iunguntur verbo *solvere*. Ea enim non raro negligentius adiciuntur ita, ut e nullo pendeant verbo, sed fere sic solvenda

preti subsistendum in hoc phantasmate poetico; nec quaerendus eventus, qui respondeat. Magis argute itaque quam vere ad res eius anni referas, quod post Brundusinam pacem metus de Sexti Pompeii classibus adhuc supererat, quem annus sequens pace Puteolana sublatum vidit. 34. Indulget sibi poeta, ea, quae heroicis aetatibus evenisse narrantur, commemorando: Argonautarum scilicet navigationem, et Achivorum ad Troiam expeditionem. Sunt vero plane adumbrata ex Hesiodaeis vss. 161 sqq.

37 — 45. Cum virili aetate perfectum ab omni parte succedet saeculum Saturnium, aurea

aetas. Ab hac itaque aberunt omnes pestes et mala vitae, quae per cupiditates hominum inferuntur. Contra omnium rerum ubique per terrarum orbem copia erit summa, *omnis feret omnia tellus*, ut navigatione externa bona ne petere quidem necesse sit. Nulla adeo erit navigatio v. 38. 39; erit contra frugum omniumque e terra nascentium proventus sine cultu 40 sqq., quae est perpetua laus aetatis aureae, ex antiquo sermone petita. Quid? quod adeo loquendi mos invaluit, ut etiam populi, qui iustitiam colit, vita eodem modo redhibeatur ab Hesiodo Op. 232 sq. 236. 237. Ad v. 38 — 40. Nulla



Nec varios discet mentiri lana colores:  
 Ipse sed in pratis aries iam suave rubenti  
 Murice, iam croceo mutabit vellera luto;  
 Sponte sua sandyx pascentis vestiet agnos.

45

sint: quod est in corde, pectore; ut Aen. I, 562.: „Solvite corde metum, Teucrici;“ i. e. solvite metum, qui est in corde. *Wr.*) 44 *fucabit* coni. Io. Schrader., ut Ge. II, 465. IV, 335. Virgilium expressit Claudian. 29, 73 *roseis formosus Duria ripis Vellera purpureo passim mutavit ovili.* 45 *sandyx* multi apud Burmann. Fuit vir doctus, qui *nascentes* coniceret: adversus quem disputavit Burmann. ad h. l. et ad Ovid. III Art. 25 et ad Calpurn. Ecl. II, 37. Scilicet fuit is Benteleus (in *Bibliothèque Angloise* T. I, p. 186). Haeserat autem ille in voce *pascentes*: si enim inter pascendum mutatum est vellus: pabuli ea vis esse debuit, ut fucus accederet lanac. Enimvero fraudem fecit non animadversa poeticae orationis indoles: *pascentes*, epitheton, ornat tantum agnos; nihil amplius. Idem hoc non animadversum adduxerat veteres, et ipsum Plinium (v. in Not.), ut Virgilium crederent *sandycem existimasse herbam esse*. In quo iniuriam faciunt poetae. Quod si vel maxime id se ita haberet, iciunum esset: repente inter pascendum sandyce gustato mutari vellus. Interea tamen fatendum, *nascentes* melius scriptum fuisse a poeta. (Sententia horum versuum haec est: oves iam carpent feliciores herbas, et ita fiet, ut inter pascendum ipsi trahant eos colores, qui summo in pretio habebantur. Hinc non est, quod pro *pascentes* legere malis *nascentes*; qui *pascentes* mutatum velit, eidem ne illud quidem in pratis vs. 43. intactum relinquendum erit. Murex autem, lutum et sandyx mera hic sunt colorum nomina; quod vel ex vocabulo muricis apparet. *Wr.*)

opera humana indigebit ager. cf. Arat. Phaenom. 110. 111. Genus operae in vitium cura est amputatio. v. ad I, 57. II, 70. Respexit autem noster Catullum LXIII, 39 sqq., uti nostrum Ovidius Met. I, 101.

42—45. Novum ac mirum phantasma in vaticinio! pecudis color nativus erit purpureus, croceus ac roseus. Hoc ita declaravit, ut tingendi necessitatem abfore dicat. *Mentiri lana* dicitur, dum fucum imbibit, alieno colore tingitur. Ad Etruscam disciplinam referre hoc vult cum Servio Grammaticus ap. Macrob. III, 7; ex ea enim: *purpureo aureove colore ovis ariesve si aspergatur*: principis generis claritatem significari. Potest hoc ita se habere; potuit tamen nec

minus poetae satis esse, ut lanae pulcritudinem in gregibus inter fausta et laeta adspectu aureae aetatis numeraret. 44. *mutabit vellera luto*, permutabit, adeoque tinget, inficiet, naturalem velleris colorem ipse, sponte, naturae beneficio, non opera hominum, purpura et luto, ut naturalis color iam purpureus sit et aureus. Pro coloribus materias colorum posuit. *Luteum* seu *lutum*, ac *lutea*, herbae genus, qua tincta lana flavo et croceo colore inficitur. Notus eius usus etiam nostris tinctoribus sub nomine *Wau*. Cf. Martini., it. ad Tibull. I, 8, 52. ubi meliora e Beckmanno nostro apposui. *Sandycem* v. 45 a Virgilio pro herbae genere habitam esse, post Plinium XXXV, 6

Talia saecla, suis dixerunt, currite, fuis  
 Concordes stabili fatorum numine Parcae.  
 Adgredere o magnos (aderit iam tempus) honores,  
 Cara deum suboles, magnum Iovis incrementum!

46 *currere* Parrhas. et Pierii Mediceus. Io. Schrader. coni. *ducite*.  
 47 Idem fere versus in Ciri 125 — *regnumque futurum Concordes stabili  
 firmarunt numine Parcae*. (Unde sua mutuatum esse Virgilium, Vossius  
 existimat; quod et Spohnius improbat, nec ego probare possum. Tollius  
 corripiebat *nemine*, refutatus a Burm. Anthol. p. 281. *Wr*.) 48 *Adgre-  
 dere*: scripturam e libris firmat Burmaun., nescio cur hoc potissimum loco.  
 Tuenda erat ex eo, quod tenorem et constantiam sequi consentaneum est.  
 49 *Clara* Moret. quart. et Scheff. recentiss. Idem versus in Ciri v. 398.  
*suboles* vetus scriptura, quam Festus firmat h. v. versu laudato.

(23) credunt interpretes; de na-  
 tura tamen coloris nihil dixit  
 poeta; coloris tantum genus in-  
 dicare voluit, quo vellus ovil-  
 lum splendeat: ut *sandyx* sit co-  
 lor sandycis, et ornate dixit,  
 quod erat; habebunt agni vellus  
 rubrum nemine tingente. Est  
 vero coloris seu pigmenti genus  
 ex metallo; interdum etiam fa-  
 ctitium, ex sandaracha tosta et  
 rubrica aequa parte admixta:  
 ut ibid. Plin., quo rubeus color  
 efficitur. Nisi cum viris doctis,  
 in his cum Beckmanno, sandy-  
 cem pro herba tinctoria, forte  
 rubia, habere malis, quando-  
 quidem cum altera herba, *lu-  
 tea*, iungitur. Referunt quo-  
 que eo *pascentes*, quia depasta  
 rubia ossa pecudum infici solere  
 observatum est. Paullo tamen  
 subtilius haec ita accepta putem.  
 (vid. quae notavi in V. L. *Wr*.)  
 Constantini Interpres l. l. c. 20  
*purpuream Sandycem* appellat:  
 Σάνδυνι πορφυρέω λάχνην ὀν-  
 πύεσσαν ἀμείβων. Est autem ὁ  
 et ἡ Sandyx.

46. 47. Tale saeculum fato  
 decretum succedet. Hoc ornate:  
 Dixerunt Parcae suis fuis: *O  
 talia saecla, currite!* pro vul-

gari: o fila. Pro filo ex colo de-  
 ducto fata sunt, seu saecla: haec  
 neri dicuntur; ut apud Home-  
 rum toties ἐπικλώθειν fata alicui  
 destinare, nendo scil. Ἄλλ' οὐ  
 μοι τοιοῦτον ἐπέκλωσαν θεοὶ ὄλ-  
 βον. Habuit autem, quod iam  
 Macrobi. VI, 1 vidit, Maro ante  
 oculos Catull. LX, 320 sqq., ubi  
 est *Currite fusi*. Sed vos, quae  
*fata sequuntur*, *Currite ducen-  
 tes subtemina, currite, fusi*.  
 Tum v. 47 *Concordes stabili fato-  
 rum numine Parcae*. fata sunt  
*stabilia*, immutabilia, iisque  
*numen* h. vis et potestas aequae  
 ac voluntas divina tribuitur.  
*Parcae concordēs fatīs*, h. in  
 fatīs hominum rerumque defi-  
 niendis et constituendis. Solent  
 autem poetae modo in nuptiis  
 modo in natalibus Parcas, *Μοί-  
 ρας*, adhibere fata canentes.

48—52. Dicere haec ἐνθου-  
 σιῶν de puero, iam ad virilem  
 illam aetatem adulto, existiman-  
 dus est poeta, impatienter fe-  
 rens moram, et iam animo pro-  
 videns praesagia ac prodigia,  
 quae magnam rerum mutatio-  
 nem portendunt. 49. (*Deum*,  
 accipe: dei alicuius. Sic inter-  
 dum pluralis ponitur pro singu-

Adspice convexo nutantem pondere mundum; 50  
Terrasque tractusque maris coelumque profundum;  
Adspice, venturo laetantur ut omnia saeclo!

## 52. SAECLO.

50 Sic in Ciri 228 *culti nutantia sidera caeli*. etsi ibi minus commode. *sidera enim micant, nictant, scintillant*. At nutant quae aut quassantur, aut quae pondus habent. Sic *nutant cristae, silvurum cacumina, terra mota*. 51 *Terrasque et tractusque* Menag. alter, scilicet ad fulciendum verum. *Terramque* nonnulli ap. Pier. Versus repetitur Ge. IV, 222. 52 *laetantur* Rom. Pierii. conf. Burm. ad Ecl. II, 66. Bentl. ad Horat. Epist. I, 1, 91, et hoc vulgato *laetentur* praeferendum in poeta arbitror. (Bona est Spohnii observatio ad Ecl. V, 7.: *Adspice — ut spursit*. „Male quidam putant, Indicativum pro Coniunctivo positum; ac neque doctius hoc, neque poeticum, neque antiquum, neque Graecum, ut illi arbitrantur. Coniunctivus ad cogitationem refertur; Indicativus indicat rem, non qualis habetur aut haberi debet, sed qualis est. *Adspice, ut sparserit*, ille pastor si dixisset, alterum pastorem iuberet reputare, quomodo sparsisset; sed *ut sparsit* simpliciter rem ita se habentem denotat.“ Quo magis mirum videri debet, quod idem Spohnius pronunciat, ineptum esse h. l. *laetantur*. Exempla Indicativi in interrogatione indirecta positi multa con-gesserunt Ramsh. Gr. Lat. §. 174. 2. Not. 2. Ruddim. Instit. Gr. Lat. P. II. L. I, 2, 71. ubi vid. quos Stallb. laudat; tum Burm. ad Virg. Ecl. II, 66. Sillig. ad Catull. LXI, 77. Quae exempla qui inter se contulerit, facile intelliget, non esse omnia unius generis; quaedam etiam ita comparata, ut usui quotidiani sermonis aliquid concedendum videatur. Omitto cetera; unum hoc quaero, multum frequentata illa *Adspice, ut: Viden ut*: quomodo sint struenda. Apparet autem, duplici modo haec dici posse, aut ita, ut merae sint admonendi excitandique formulae, nullam ad subsequen-tia vim exserentes; aut ita, ut vel addubites paululum vereque interroges, vel non omnia certa esse in aliqua re significes. Itaque *Viden, ut laetan-*

lari de aliquo incerto, ut Aen. VIII, 503.: „Externos optate duces“; i. e. externum aliquem ducem. XI, 784.: „superos Arruns sic voce precatur“; sed ut ex seqq. patet, unum ille pre-catur Apollinem. Eurip. Hec. 349. sq. ed. Herm. „ἐπειτ' ἐθρέ-φθην ἐλπίδων καλῶν ὕπο, βα-σιλεῦσι νύμφη.“ Wr.) *ma-gnum Iovis incrementum*, alu-mnus et nutricius, *θρέμμα Διός, διοτρεφής*, ut: Iove natus. cf. Cerda. (*Incrementum Iovis* ex-plico: qui per Iovem incrementa capit; cui Iupiter favet, adspi-rat, ut ait Wunderl. adiecto Soph. Electr. vs. 163.: *Διὸς βή-*

*ματι, gressu, quem Iupiter tue-tur*. Spohnius interpretatur per *donum, munus Iovis*, laud. Casaub. ad Ael. Spartian. Adrian. c. 7.; at non simpliciter pro mu-nere dicitur incrementum, sed ita, ut addendi augendique no-tio involvatur. Hoc autem pro-fuerit adiecisse, incrementa vo-cari etiam honores, quibus di-gnitas alicuius augeatur. Sueton. Vitell. c. 3.: „existimatusque — Vitellius — corporis gratia ini-tium et causa incrementorum patri fuisse.“ Id quam egregie nostro conveniat loco, facile patet. Wr.) 50. Eorum, quae sequuntur, ambigua est et stru-



## O mihi tam longae maneat pars ultima vitae,

*tur* hoc significat: vide illos laetantes; contra *viden*, ut *laetentur*: sentisne tu pariter, atque ego sentio, ut laetentur? Illud vernaculo sermone sic exprimas: *Siehst du? wie freuen sie sich!* hoc ita: *Siehst du wohl, wie sie sich freuen?* Unde facile intelligitur, receptam ab Heynio lectionem, expulsam ab Iahnio, *laetantur*, non esse deserendam, satis illam quidem stabilitam praegressis verbis: *adspice nutantem mundum*, i. e. *adspice*, ut *nutat*, non: ut *nutet*; nam hoc in huiusmodi oratione non licebat per participium exprimere, illud licebat. Atque ut rem exemplo illustrem: *Adspice*, ut *laetentur aves*, et *Adspice*, ut *laetantur aves*: recte utrumque dicitur, ita tamen, ut hoc praesentem quarundam avium laetitiam indicet, illud autem cogitatum tantum, et quam in quibusdam vel omnibus avium generibus hoc vel illo tempore animadvertere liceat; quare hac ratione frequenter utuntur poetae in afferendis exemplis. Quamquam illud etiam concedendum videtur, non idem hac in re omnes secutos esse; fuisse etiam, qui ex uno verbo et indicativum et coniunctivum suspensum fecerint, ut Propertium, de quo vid. Lachmann. ad I, 2, 9. *Wr.*) 53 longe aliquot vett. edd., ut Flor. Egnat., et hinc recentiores nonnullae.

ctura et sententia. Potest prior versus: *Adspice convexo nutantem pondere mundum*, per se accipi tamquam phantasma propheticum seu visum prodigii, quod instantem rerum inversionem portendit: universi terrarum orbis motus ac tremor. *mundus nutans convexo pondere* ornate dictus pro: mundus convexus, caelum convexum, nutans: bene tribuitur caelo moles, pondus, inprimis in motu. *Nutat* autem et concutitur orbis terrarum, tamquam adventu et apparitione numinis, quod in *ἐπιφανείαις* deorum fieri solenne est. Quae sequuntur, cum antecedente iungere licet, ut et ipsa terra, mare, caelum, nutent; utque subiiciatur sic ad declarandam caussam: *adspice ut omnia laetentur venturo saeculo*, instante magna illa rerum inversione. Ita *nutatio mundi* futuri laetum ac faustum signum habendum. Quemadmodum in dei praesentia terra moveri ac contremiscere et quasi exultare ac tripudiare solet: quod adeo

ad deum agrestem Horatius retulit III Carm. 18, 14 *Spargit agrestes tibi silva frondes*, haud dubie nutantibus cacuminibus. (Hoc Vossio, Spohnio, mihi probatum. Recte autem Wunderlichius: „Mihi verba *Terrasque — profundum* explicatio mundi, atque cum vi et *Adspice* repetitum, et omnia ad terras, tractus, caelum relatum, post ut *laetantur* insertum esse videtur.“ *Wr.*) Alter modus iungendi verba est: ut unicum praedicatum sit: *Adspice, ut laetentur omnia*: et ut in enumeratione partium mundus epitheto ornetur: *convexo nutantem pondere mundum*, h. e. simpliciter libratum mole sua aequaliter. Est vero sic graeca structura: *Adspice mundum, terras etc., ut laetentur*, pro: aspice, ut mundus etc. omnia laetentur. (Sic sane statuendum, probante etiam Wunderlichio. *Wr.*) Et vastae utique cuius moli ac ponderi tribui hoc potest, ut *nutare* cum vi et *δαινόρῃτι* dicatur, ut de ruina tamen aut dissolutione

Spiritus et, quantum sat erit tua dicere facta:  
 Non me carminibus vincet nec Thracius Orpheus, 55  
 Nec Linus; huic mater quamvis, atque huic pater adsit,  
 Orphei Calliopea, Lino formosus Apollo.

54. FACTA! 56. ADSIT:

Sed iam Aldd. et ex his ductae *longae*, quod firmat Heins. post Pier., nam et libri variant. (Nihil dicerem de hac varietate, nisi Spohnium lectioni *longe* patrocinari viderem. „*Longae vitae*, inquit, esset: vitae, quae adeo longa est.“ At non erat dicendum: *quae adeo longa est*, sed: *quae adeo longa sit*; sunt enim haec optantis verba; quod si ille attendisset, bene habere vulgatam lectionem intellexisset. Et quis unquam ita dixit: *vita longe manet*? Certe aliterendum erat exemplum, quod positivum huius adverbii temporalem quoque potestatem habere ostenderet; quod vereor ne frustra quaeras. *Pars ultima longae vitae* poetica quadam usus abundantia dixit pro eo, quod simpliciter dici poterat: *longa vita*. Simile est illud Ovid. Met. VI, 675.: „Hic dolor ante diem longaeque extrema senectae Tempora Tartareas Pandiona misit ad umbras.“ Cfr. Lachmann. ad Prop. pag. 146. *Wr.*) In multis etiam *tum*: quod praetulit Wakefield., nec incommode. (At *tam* non haberet, quo referretur; quando enim? *Tam longae* i. e. ut, quum ad virilem aetatem perveneris, res a te gestas canere possim. *Wr.*) 54 *sua* Heins. unus. *fata* Rottend. (Male in fine huius versus exclamandi signum ponunt, non satis perspecta eiusmodi structurae ratione. Vs. 55. tanquam apodosis referenda ad vs. 53. sq., quod genus orationis ne a pedestri quidem scribendi genere alienum. Liv. VI, 18.: „Ostendite modo bellum: pacem habebitis. Videant vos paratos ad vim: ius ipsi remittent.“ *Wr.*) 55 *Thraceas* nonnulli. 56 *atque* deest in uno Rottend. 57 *Orphi*, *Orptheo*, *Orphea*. *Calliopia*. Sic variant libri edd. et Grammatici. *Orphi* Rom. et Priscianus agnoscunt: Ὀρφεύ, Ὀρφεῖ. Et Καλλιόπεια. (*Orphi* etiam 7. 8. 11. 14. vid. Burm.

nihil significetur. Sic *rami pondere nutant* apud Ovid. Art. II, 263. Nec aliter acceperat Constantini Interpres. v. Excurs. ad hanc Eclogam. Quo minus hanc interpretationem praeferam, movet me, quod ita *mundus* et *caelum* 50. 51 non bene discerni possunt.

53 — 59. *O mihi tam*: adumbratum ad Hesiodi ductum l. l. 174 sqq. Sit mihi tam longa vita! cumque eius non nisi extrema pars ea tempora attingere possit, pro eo dixit: *longae pars ultima vitae*. *Spiritus*, ingenii vis vigorque poeticus; et

mihi sit tantus, quantum eius spiritus sat erit ad facta tua dicenda. (Spohnius haec ita iungi iubet: *Spiritus, facta tua dicere*; et *quantum sat erit* esse i. q. *iusto modo*. Ceterum vid. V. L. vs. 54. *Wr.*) 55 — 59. *Non me c.* Tanta erunt tua facta; tanta erit, tamque magnifica ac divina, materia tuae laudis, ut ingenium meum ab ea excitatum, inflammatum et diviniore spiritu actum, supra omnes excellere, et ipsos deos canendo vincere possit. *adsit*, uti invocati dii adsunt, opem ferunt, favent poetis. (*huic* — *huic*, vid. Q. V. XX, 9. *Wr.*)

Pan etiam, Arcadia mecum si iudice certet,  
Pan etiam Arcadia dicat se iudice victum.

Incipe, parve puer, risu cognoscere matrem: 60  
Matri longa decem tulerunt fastidia menses.

### 60. MATREM;

*Orpheo* 2. 3. Spohnius scribit: „Bene *Orphei*; modo διασύνθετος legatur; cfr. *Georg.* IV, 545. 553. ut *Terêi, Persêi.*“ *Wr.*) 53 *Pan etiam, Arc.* firmata ab Heinsio omnium libb. lectio, excepto uno Oblongo Pierii: in quo *Pan deus*, quod hinc irrepsit in edd. Pulmann., et hinc in alias. Potest quoque interpungi: *Pan, etiam Arcadia mecum si iudice certet, Pan etiam A. si i. cantet* *Aurel. Vict. de Orig. gent. Rom.* 5, memoriae vitio. 59 *dicet* nonnulli ap. Heins. (Hoc recepit Voss. Sed fortius *dicat*; i. e. non poterit non victum se fateri: *er müsse sich für überwunden erklären.* *Wr.*) 61 *tulerunt* agnoscunt Grammatici, Probus et Donatus, cum libris, inpr. Rom. et Gud. Male metuentes metro alii: *tulerint, tulerant, abstulerint* legi, addit Servius.

60 — 63. *Incipe, p. p., risu cognoscere matrem.* Desiderii impatientia poeta ἐνθουσιῶν vix moram fert, quod fausti saeculi initia nondum exorsum habere videt, cum pueri natalibus coniuncta. Vulgari ratione esset: nascere puer! nam decimus iam mensis agitur, iustumque adeo matri utero ferenti tempus expletum. Omnia haec ornavit, ut poeta: cum decem menses memorat, *fastidia* addit, cum temporis huius decursu satis iam magna oneris sui taedia ei sint. Exprimit porro rem a signo valde iucundo, a voluptate et laetitia matris, cum qua recens natum infantem intuetur; ut eo risu se quasi matrem probare videri possit. Vix dici potest, quantum h. l. trepident interpretes, qui ab antiquissimis inde temporibus (verum tamen Iulius Sabinus vidit) ad risum pueri matri arridentis haec retulerunt. At hoc non admittunt seqq. *cui non risere parentes*: scilicet poeta volebat: incipe in dias auras

prodire, et oculos in matrem coniicere, eamque quasi ex hoc, quod tibi ea arridet, agnoscere. Poeticum sensum ad talia afferre necesse est. (Nondum tamen in suam sententiam me Heynius adduxit, et veriore adhuc puto aliorum Interpretum, ut Servii, explicationem. De matris risu si haec explicas, offendit geminatum illud *Incipe*; quod eam habet vim, ut gravius quid expectetur, quam tenue illud: ipsum risu a matre exceptum iri. Otiosa etiam illa: „Matri longa decem tulerunt fastidia menses.“ Maxime autem languent ultima: „cui non risere parentes“ etc. quae, si istam explicationem sequeris, digna habenda erunt putiduli Grammatici sapientia, non divini poetae ingenio. Boni poetae ars maxime spectatur in carmine apte claudendo. Et quum omnia in toto carmine ad puerum istum retulerit Virgilius, extrema pars non debet a summa argumenti aberrare. Atqui si recte Heynius



Incipe, parve puer: cui non risere parentes,

62. PUER;

62 *qui* emendarant viri docti, uti iam Quintilianus IX, 8 legerat, v. Pier. Cod. Burmann., receptum quoque in Aldd., et in tertia interpunctum: *qui non risere: parentes Nec.* Sensus aut nullo aut parum commodo: at *cui* indubitate vera lectio; antiquiores etiam *quoi*. In Parrhas. cur. Io. Schrader. coni. *qui non risere parenti, Nec deus hos m.* saltem lenius, quam Withof. *cui non ridere parenti est, —*

horum versuum sententiam declaravit, ad parentes se poeta iam convertisse eosque ad puerum suum risu excipiendum exhortari voluisse putandus est: „Cui non risere parentes, etc. Ergo arrideant tibi!“ Nae ita iratae non fuerunt Musae Virgilio, ut talia eum balbutire passae sint! Age, ipse pro se loquatur Virgilius: „Incipe, parve puer, risu cognoscere matrem: nam Matri longa decem tulerunt fastidia menses. Incipe ergo; nam cui non risere parentes,“ etc. sive: „Incipe matrem risu agnoscere. Digna est enim, quam risu tuo exhilaras, quippe cui decem menses longa tulerint fastidia. Incipe ergo tuo risu parentes ad mutuam arrisionem provocare. Magnum hoc: nam cui non risere parentes“ etc. Verum aliud est *cognoscere*, inquit, aliud *agnoscere*. Quasi in pedestri scriptore versemur, non in poeta! „Incipe risu cognoscere matrem“ brevius, more poetico, dictum; explanatius dices: Incipe risu significare, illam a te cognosci. Hoc autem idem est, quod: *incipere risu agnoscere*. Ceterum decem menses e vulgari loquendi more, de quo vid. Cerda, tempus significant, quo exacto gravidæ pa-

rere solent. Nihil ergo hic novum aut reconditum; quod mones propter Vossium aliosque. *Wri.*) 62. *cui non risere parentes, Nec.* Exprimit id, quod iam dicendum erat: risum hunc matris ad puellum natum laetitiam matris arguere, eumque expectandum esse ei puero nato, qui matri gratissimus sit, quippe qui aliquando inter heroes et deos locum sit habiturus: a contrario; quae conversio rationi poeticae valde consentanea est. Quem infantem recens natum tali cum risu non exceperunt ulnis suis parentes, adeoque de nato puero non laetati sunt, est is ingratus et invenustus homo, adeoque ad deorum vitam et consortium admitti non potest, quod puero promiserat vs. 15. Conveniret adeo in eum, quod Pindarus ait Pyth. II, 80 γόνον οὐτ' ἐν ἀνδράσι γερασφόρον, οὐτ' ἐν θεῶν νόμοις, de Centauro Ixionis f., aut quod apud Homerum est, θεῶν ἀέχῃτι γενέσθαι τε τραφέμεν τε Odyss. γ, 28. Designari autem recepti inter deos herois vita duabus rebus solet, convictu cum Iove et deae alicuius coniugio. Sic de Hercule Horat. Od. IV, 8, 30 Iovis interest optatis epulis, idemque Heben coniugio accipit.

Nec deus hunc mensa, dea nec dignata cubili est.

63 *est abest a nonnullis. cubile est duo, et cubilest in Rom.*

cf. Virg. Georg. I, 31. Haec interpretatio uti simplicissima, ita verissima est. Ad Vulcanum hactenus respici potest, quod, cum eius deformiter nati aspectu Iuno parum delectata fuisset, ita ut eum de caelo praecipitaret, Hymn. in Apoll. 316 sqq., exclusus ille est (ad tempus certe, nam aliis locis in consilio Iovis nominatur) deorum consessu et convivio, et a dea Minerva spretus, cuius ille coniugium appetierat.

# E C L O G A V

## DAPHNIS

### ARGUMENTUM

Convenerant Mopsus et Menalcas, pastores, ille fistula, hic cantu excellens, et se ad canendum mutuo invitant 1 — 19. Postquam sub antrum concesserant, prior Mopsus 20 — 44 Daphnidis mortem luget; inde Menalcas succedens 56 — 80 eiusdem Daphnidis tamquam diis adscripti laudes persequitur. Mutuis hinc sibi muneribus datis discedunt. Etiam in huius Eclogae allegoria exsculpenda molesti fuere interpretes. In Daphnide plerique Iulium Caesarem, eiusque necem et apotheosin (v. Vita Virgilii ad a. 712.), nonnulli, iam ex antiquioribus, Maronis fratrem Flaccum, mox etiam Quinctilium Cremonensem, sive etiam Quinctilium Varum, item Saloninum, Pollionis filium, quaesiverunt; ut Catroei aliorumque somnia taceam. Quod si altiorem, quam verborum ratio fert, sententiam quaerendam putes, ad Caesarem ut putes poetam respexisse, feram equidem; modo non singula allegorice interpretari ausis; quandoquidem illud saltem non incommode fieri potest; quod tamen cogat nos, nihil inest; inferre autem de suo aliquid alieni, quod non in ipso carmine habetur, non est boni interpretis, cui satis esse debet, elicere ea, quae in carmine sunt, non ea, quae sunt extra carmen, inferre. Si carmen animo ab opinione vacuo et intacto legimus, nihil aliud poeta spectasse videri potest, quam ut Theocritei Idyllii I et XIX imitationem institueret, et, ut Ecloga tertia duos pastores a conviciis ad cantum progressos, ita h. l., idque paullo elegantius, duo alios pastores a mutuis laudibus ad cantus certamen procedentes induceret. Carminis argumentum sunt *Daphnidis laudes*, nobile haud dubie in vetustis carminibus pastoritiis argumentum, ut ex nonnullis Theocriti, imprimis Idyll. I et VII, 73 sqq. locis apparet. Fuit ille in herois loco inter pastores habitus; cantu ille nobilis et a Nympha amatus; hique eius amores fata et mors pastoritiis carminibus celebrata et multis modis variata. vid. de eo Servius ad Ecl. VIII, 68. Diodor. IV, 84, et Aelian. V. H. X, 18, H. An. XI, 13 et ibi Intpp., Schol. Theocr. Id. VIII, f. et primo loco Parthen. c. 29 ex Timaeo. cf. Silius Ital. XIV, 466 sqq. Ovid. Met. IV, 276 — 278, et ibi Intpp., Dorvill. Sicula p. 27 sq. Epigr. in Analectis T. I, p. 15. et T. III, p. 123. III. Noster vero poeta argumentum pastoritium heroico generi propius admovit, idque ita tractavit, ornavit et amplificavit, ut generosum



poetae epici spiritum facile in eo agnoscas; quamquam singulae rerum imagines et characteres ex antiquissimorum carminum indole et colore ducti sunt. Locus, in quo se conveniunt pastores, statim ab initio magna cum suavitate describitur: successerant antro agrestis vitis palmitibus obducto. Carmen ad annum 712 referri solet. Vide *Vitam Virgilii* h. a. Imitatione sequutus est hanc Eclogam Popius *Pastor*. IV, quem *nascentes poetae* cum ea contendunt. (Titulum Heynius, secundum cod. Rom., huic carmini fecit: Menalcas, Mopsus; ego, cod. Palat. secutus, Daphnis inscripsi. *Wr.*)

## D A P H N I S.

Cur non, Mopse, boni quoniam convenimus ambo,  
Tu calamos inflare levis, ego dicere versus,  
Hic corulis mixtas inter considimus ulmos?

MO. Tu maior; tibi me est aequum parere, Menalca;  
Sive sub incertas Zephyris motantibus umbras, 5

### 5. MUTANTIBUS

1 *consedimus* Picrii Oblongus. Malo nunc distinguere post *levis*, quam *leves versus* iungere, quae pastoris sensui minus convenirent. Alioqui epitheton alteri membro iungere praestat. cf. ad I, 34. 35. 3 *considimus* Heins. e Gud. Mentel. pr. a m. sec. Mentel. sec. a m. pr. praetulit, utpote in poeta. *consedimus* vulgo. (*considimus* etiam 7. *Wr.*) *inter consedimus agros* Menag. prior. 4 *tibi me aequum est* Leid. et Rottend. alter. 5 *Zephyris mutantibus*; hoc ab Heinsio e binis Moret. alt. Rottend. cum Voss. alt. commendatum, accedente Frauciano et fragm. Antwerp., cum praeterea alter Mentel. a m. pr. et pr. Voss. *nutantibus* haberent, reposuit Burm. Vulgo ubique *motantibus*: quod equidem haud deseruissem. Modo recte accipias *Zephyris motantibus* scil. eas umbras. Nisi alteram malis

1. *boni* — *inflare* — *dicere*. ἀγαθοί, ἐσθλοί, σοφίζεῖν, ἀείδειν. Theocr. Idyll. VIII, 3 Ἄμφω σοφίσδεν δεδαημένω, ἄμφω ἀείδεν. *Convenimus* in unum locum. *Calamos leves*, ita iunge; ut sit fistula e tenui arundine facta: ut *arundo calamo levi* in Moreto 62. Sic est epitheton culmi, stipulae. In vss. 3. 6.12 color ductus ex Theocr. Idyll. I, 12 sqq. (De vi praepo-

sitionis *inter* vide, quae ad Ecl. I, 52. N. disputavi. *Wr.*)

4. *maior natu*. Sic *maximus* absolute Aen. VII, 532. Quanto haec iucundiora sunt Eclogae tertiae principio! Ἀλλὰ πῖθεςθ' ἄμφω δὲ νεωτέρω ἐστὸν ἐμεῖο Iliad. α, 259. 5. *mutantibus* (eas) *Zephyris* reddit rationem τοῦ *incertas*, quod non pro vituperio umbrae haberi debebat, cum sit longe elegantissima re-

Sive antro potius succedimus. Adspice, ut antrum  
Silvestris raris sparsit labrusca racemis.<sup>98</sup>

ME. Montibus in nostris solus tibi certat Amyntas.

MO. Quid, si idem certet Phoebum superare canendo?

### 8. CERTET

*motantibus* esse *moventibus* se. Etiam Ecl. VI, 28 *rigidas motare cacumina quercus*. Nunc cum alterum et ipsum locum tueri possit, retinetor illud, ne iterum variet vulgata lectio. Mutavit tamen iterum Wakef. quem cf. ad Lucret. IV, 78. (*Mutantibus* etiam 4. 11. quod tueri videtur Lachmann. ad Prop. II, 10 [9], 33. neque hoc, ut Vossius, Spohnius, Iahnus statuunt, deterius ad sensum. Vid. Gronov. Obs. l. III, c. 1. Heins. ad Ovid. Met. XIII, 937. Restitui tamen *motantibus*, tum quod a Servio et potiore codicum parte firmatur; tum, quod fere ubique pro rariore verbo *motare* magis tritum *mutare* in codd. substituitur. Cfr. Ecl. VI, 28. Aen. III, 581. Quamquam etiam *mutare* in *motare* a librariis interdum converti docent Gronov. et Heins. l. l. *Wr.*) 6 *antra* Parrhas. *subseditus* Zulich. 7 *paucis* Leid. e glossa. *variis* con. Schrader. Opposita sunt: *rarum* — *continuum*. 8 *certat* antiquiores fere omnes cum Arusiano Messio. v. Pier. et Heins., quod equidem praeferam. Accommodatius etiam sic vs. sq. sententiae dictum. E nostris idem habet Goth. sec., sicque edd. Aldd. et hinc aliae. *certet* tamen praesidium habet in Oblongo Pierii, tum in multis aliis. In edd. praeivit Flor. ex emend. Angellii: tum Fabric. *solum tibi certet* Franc. (*Certet* e Parisinis 3us. *Certat* etiam Serv. Dresd. Bcne; nam *certet* e proximo vs. repetitum videri debet; tum *certet* foret: iudicio meo solus Amyntas certamen tecum inire potest; contra *certat* est simpliciter affirmantis, solum Amyntam cum Mopso certandi fiduciam habere. Quod ille, Mopsus, sic interpretari poterat, ut Menalcae et ceterorum pastorum hanc esse sententiam existimaret. Et hoc convenientius usitato pastoribus cavillandi studio. Hinc Mopsus, carpens Menalcam, tanquam perversi hominem iudicii, iubet vs. 15. Amyntam in certamen secum deduci a Menalca. Is vero proximis versibus, 16 — 18, declarat, quid de Amynta ipse sentiat. Itaque non Menalcae hoc est, quod vs. 8. proponitur, iudicium, sed Amyntae de se opinio. Ergo indicativus *certat* requiritur. *Wr.*) 9 *certet* Phoebum; hoc ordine plures Pier. et Heins., et inter edd. Ald. tert. et hinc aliae. Alii *Phoebum certet*. (*Phoe-*

rum imago. Sic *umbrae tremulae* apud Calpurn. Ecl. V, 101. 7. *labrusca* vitis silvestris, *ἀγρο-ἀμπέλος*. v. Plin. XXIII, 1. cf. Martin. Vitibus obductae speluncae, utpote quae amoenitate se commendant, passim laudantur. Habent scilicet poetae ex Homeri splendida descriptione antri Calypsus Odyss. ε, 68. cf. 63. *raris* autem hic non urgendum, uti Burm. et Martin. faciunt; alias in vitio hoc esset, quod rari sunt racemi; sed sim-

pliciter notat naturam racemorum, sive uvarum, passim e palmitibus per antri ostium serpentibus pendentium, ut adeo per intervalla dies intret. Ita et Ecl. VII, 46 *Et quae vos rara viridis tegit arbutus umbra*. (*Adspice, ut sparsit*: vid. V. L. ad Ecl. IV, 52. *Wr.*)

9. *Quid si idem certet*. Aut dictum hoc cum sensu modestiae, ut Amyntam unum omnes superare dicat, nec mirum itaque sit, se ab eo quoque superari;

ME. Incipe, Mopse, prior: si quos aut Phyllidis  
ignes, 10

Aut Alcomis habes laudes, aut iurgia Codri.

Incipe; pascentis servabit Tityrus haedos.

MO. Immo haec, in viridi nuper quae cortice fagi

*bum certet* etiam Serv. Dresd. Sed vulgatum praestat; fortior enim sedes post *πενθημιμερῇ*. Cfr. Georg. I, 287. 289. IV, 174. 439. et sic saepe alias. *Wr.*) 11 *ut* Leid. Mentel. (Cort. ad Lucan. VIII, 715. in Mss. *Cordi* h. l. se invenisse refert. *Wr.*) 13 *Immo etiam viridi* Zulich. in *viridi n. quae in c. Parrhas.* Heinsius adscripserat: *in viridis — fagi.*

aut est invidiose dictum: ut pungat pastorem laus aemuli, eamque adeo ille eleve, ut ex audacia potius, quam artis confidentia, certare eum cum melioribus significet. *Hoc eum audere, ut se mihi aequiparet, mecum certet, nihil mirum, cum idem ille satis temerarius sit, ut vel cum diis congregiatur.* Firmes hoc ex v. 15 *tu deinde iubeto certet Amyntas.* Apud Theocritum dictum est sine obtreactione et invidia IV, 8 *φαντί νιν Ἡρακλῆϊ βίην καὶ κάρτος ἐρίσδεν.* (Cum stomacho dicta haec esse, ipsa constructionis ratio declarat; nam confirmantis esset: *Quid, si certat?* i. e. immo certat. *Quid, si c.* coniunct. de eo dicitur, quod non est, non fit, non esse putatur, aut fieri non potest: Terent. Heaut. IV, 3, 41.: „Quid, si nunc caelum ruat?“ Cic. de Fin. V, 14, 40.: „Quid, si non sensus modo ei [viti] sit datus, verum etiam animus hominis?“ et de eo, quod alios fieri velle suspicamur: Plaut. Poen. III, 4, 18.: AG.: „Quid, si recenti re aedes pulsem?“ AD. Censeo.“ ib. V, 3, 43.: „Quid, si eamus illis obviam?“ cum indicat. de eo, quod ita est, fit, aut esse, fieri

putatur: Plaut. Pseud. I, 3, 52.: „Quid, si non habui?“ Cic. Ep. ad Qu. fr. I, 2, 3.: „Quid, si infitiat? Quid, si omnino non debetur?“ *Wr.*)

10. Ex Theocr. I, 19 sq. Nil nisi nota aliqua pastoritiorum carminum argumenta h. l. memorari et vulgaria pastorum nomina recitari puta; qua de re dictum in Nota ad Ecl. II, 24. Male hic aut Phyllis a Demophoonte amata, aut Codrus, Athenarum rex, nominaretur. De Codro pastore infra quoque VII, 22. 26. *iurgia Codri*, carmen respiciunt, quo is cum alio pastore cantu contenderat. Ita Ecl. III inscribi posset: *Iurgia Damoetae et Menalcae.* (Alii ficta hic proferri nomina negant; vid. Serv. probante, ut videtur, Spolmio, qui haec de Codro addit: „Codrus malus poeta, natus in Africa, unus obtreclatorum Virgili, Ecl. VII, 26. etiam ab aliis commemoratus. Rodit eum Virgilius, quasi in transcurso obiter notans. Nondum erat mortuus, ut putat Weichertus, sed ad a. 727. certe vixit. Et iurgia Codri, non convicia, quae ille protulit in Virgilium, sed aut rixae eius, quas cum quopiam instituit, aut



Carmina descripsi, et modulans alterna notavi,  
 Experiar: tu deinde iubeto ut certet Amyntas. 15  
 ME. Lenta salix quantum pallenti cedit olivae,  
 Puniceis humilis quantum salianca rosetis:

## 15. IUBETO CERT.

14 *destrixi* Goth. pr. an *destrinxi*? Sed vitium est; sic idem Ecl. VI, 12 *praestrixit: modulansque alterna Zulich. notavit* vitium est Ald. 1527. 15 *iubeto, ut certet* A. Rom. Longob. Medic. Pier. cum quatuor Heins. et Lenguich. Omittitur tamen melius *ut*. (His, quibus Bacchius uno vocabulo comprehensus *iubeto*, nisi interpunctio sequatur, in hac sede displicet, veluti apud Propert. II, 33, 9.: „*Quum te iussit habere puellam cornua Iuno*“, accedo, utque h. l. optimorum codicum lectionem *iubeto ut recipiant*, auctor sum. *Wrh.* Idem censet Lachmann. ad Prop. III, 6, [II, 15,] 43. Neque aliter Spohuius. Recepti *ut. Wr.*)

iurgia in ipsum, ut „iniuria Sabinarum“ Liv. I, 13. quam Sabinae perpressae sunt; sed prior ratio praestat.“ Idem ad vs. 12. haec adnotat: „Tityrus servus; Mopsus, filius divitis patris, haedos, ut iunior aetate, pascit; sic ap. Tib. I, 10, 41.: „Ipse suas sectatur oves, at filius agnos.“ Eurip. Cycl. vs. 27.: „*Παῖδες μὲν οὖν μοι κλυτὺν ἐν ἐσχάτοις Νέμουσι μῆλα νέειν πεφρονότες.*“ —.“ Voss. conferri iubet Ecl. II, 30. *Wr.*)

14. *alterna notavi*, per alterna, alternatim canens versiculum, et eundem mox incidens in corticem. Etsi non levis opera esse debuit, totum hoc, quod sequitur a v. 20, carmen incidere cortici. (At apud Calpurn. I, 33. sqq. versus LVI prope-ranti falce notati in cortice leguntur. Cfr. etiam Tit. ad Calpurn. III, 43. Virg. Ecl. X, 53.: „tenerisque meos incidere amores Arboribus.“ Quare non erat, cur Voss. in deducto cortice haec scripta existimaret. *Modulans alterna notavi*: i. e.

Ubi versuum quendam numerum cortici incideram, eos modulatus sum et modulamen notavi. Hinc modulatores, artis musicae doctores, Componisten, Tonsetzer. Sic Tityrus Ecl. I. modulatur avena carmen silvestre, i. e. quaerit aptos modos. Modulamen autem duplex erat, vocis, nam cantando recitandum erat carmen, vs. 48. et Ecl. III, 21., et fistulae, quae quasi intercalare carmen, s. modos musicos, canebat, quo finito denuo cantus pergebat. Itaque quasi haec alterna erant, canere voce et inflare fistulam, quod nemo una potest. *Sp.* — *Immo haec* vs. 13., vid. Q. V. XX, 7. *Wr.*) 15. Vid. Theocrit. V, 92 — 95. 17. *salianca*, herba ignota, forte *nardus Celtica*. vid. Martin. Iulio Sabino genus virtuti asperi est. (*Saliuncam* esse nardum Celticam, probabiliter disputat Vossius. Est autem ea herba, auctore Plinio, odore quidem suavi, tanta autem brevitate, ut necti non possit. *Wr.*)

Iudicio nostro tantum tibi cedit Amyntas.

mo. Sed tu desine plura, puer; successimus antro.

Exstinctum Nymphae crudeli funere Daphnim 20

Flebant: vos coruli testes et flumina Nymphis:

Quum complexa sui corpus miserabile nati,

Atque deos atque astra vocat crudelia mater.

20. DAPHNIN 22. QUUM, GNATI

18 *mihi* Zulich. *cedet* tres ap. Burm. cum Goth. sec. 19 *Tu sed d.* Rottend. *succedimus* tres cum Goth. pr. 20 *Daphnin.* Etiam hic *Daphnim* alii scripti et editi: at inf. *Daphnin ad astra feremus.* cf. ad II, 26. (*Reduxi Daphnim.* Vid. Q. V. III, 3. *Wr.*) 22 *Est complexa* unus Heins. (Pro *gnati*, quod editur, scripsi *nuti.* vid. Q. V. XXXVIII, 2. — Praeterea comma, quod erat post *Quum*, sustuli, Wunderlichium secutus, *atque — atque* pro *et — et*, *τὲ — καί*, a Virgilio dici negantem Praefat. pag. IX. sq. Vide, quae notavi ad Ge. III, 257. Cfr. etiam Lachm. ad Propert. pag. 39. *Wr.*)

20. Luctus super Daphnidis, antiqui istius pastoris Siculi (cf. Argum.), morte, quem poeta nunc carminis argumentum facit, satis declarat lusum ingenii, non verum affectum et sensum ex funere vero. Itaque luctus declaratur phantasmatibus antiquorum poetarum: sentire eum et armenta et feras 25 — 29, et ipsos agros ac prata 35 — 39. Mater eius fuit Nympha, a Mercurio oppressa. Retracta igitur res in aetatem heroicam et mythicam: sicque excuses dithyrambicam fere vss. 27 sqq. audaciam. (Spohnius in Prolegomenis haec ad interitum Caesaris referenda esse docet, Vossium secutus. Is h. l. ita fere scribit: „Iulio Caesari, qui a. 710., postquam magnas res gesserat, maioribus intentus, interfectus est, poeta bucolicus pastoris forma ingenioque insignis, sed in ipso iuventae flore mortui, personam induit. Huius

mortem lugent vss. 20 — 28.

Nymphae et mater — *Dei Romanorum tutelares, ac, quae parens Iuliae gentis credebatur,*

*Venus* — tum reliqui pastores cum gregibus suis — *magistratus cum populo* — atque ipsae ferae bestiae — *domitiae gentes* —.

Ipsam enim, ut Bacchi cultor, vs. 29 — 31. naturam quasi mitiorem ac mansuetiorem, et homines reddidit humaniores.

Ille decus nostrum, vs. 32 — 34., eoque terris erepto, vs. 34 — 39., agrorum miseranda vastitas consecuta. Quare agite, vs. 40 — 44., sacra funebria ei instituamus bustumque faciamus.“

*Wr.*) *crudeli funere*, simplic. acerba morte. (De numerorum elegantia vs. 21. dictum Q. V. XIII, 2, d. *Wr.*)

23. *astra vocat crudelia*, h. invocat, inclamat, deos et astra incusat. Ieiunum est, quod vulgo aiunt: dicit astra esse crudelia. (Inte-

rim, donec probatum fuerit,

Non ulli pastos illis egere diebus  
 Frigida, Daphni, boves ad flumina; nulla nec  
 annem 25  
 Libavit quadrupes, nec graminis adtigit herbam.  
 Daphni, tuum Poenos etiam ingemuisse leones  
 Interitum, montesque feri silvaeque loquuntur.

## 25. NEQUE AMN.

24 *Nonnulli* fragm. Moret., male. 25 *ulla nec nonnulli*. vid. Heins. (Restitui Virgilio *nec*. Vid. Q. V. XXXII, 11. *Wr.*) *ad flumina nota, nec annem* Zulich., non infelici aberratione: modo *frigida* non praecederet. *ad flumina nulla* iungebat Longob. 26 *quadrupes* codd. etiam hic. vid. Pier. (*quadrupes* semel in Mediceo, Aen. XI, 714. et *i* supra scriptum ibid. 875.; praeterea ubique *quadrupes*. *Wr.*) 27 *gemuisse* Rom. Pierrii. 28 *ferae* Parrhas. Mentel. tert. a m. sec. et unus Heins., quo alludunt Menaag. sec. et Ven., in quibus *fere*. Haecenus nihil interest, seu *silvae ferae* seu *montes feri* dicantur. *montes feri, loca fera* h. inculta et alibi occurrunt. Markland. ad Stat. II Silv. 6, 13 coni. *montesque, feras, silvasque loquuntur* scil. homines; ingeniose quidem. Verum vid. Notam. Tum parum placent *ferae* inter *montes* et *silvas*: et vel sic reponerem, *montesque feros silvasque loquuntur*.

*vocare* incusandi vim habere — nam invocandi notio plane abhorret ab h. l. — reiecta ab Heynio explicatio retinenda erit. Terent. Adelph. V, 7, 13.: AES. „Placet, pater lepidissime. DE. Euge! iam lepidus vocor.“ Fortius tamen esse *vocare*, quam *dicere*, facile largior. Quod autem astra vocat crudelia, hoc ex Chaldaeorum doctrina explicandum, de qua vid. Interpp. ad Horat. Od. I, 11, 2. *Wr.*)

24. Non pastores prae luctu armenta ad pascendum, et post pastum ad flumina egerunt. conf. Burm. Mosch. III, 23. 24. Nemes. II, 29. Adeoque ea fuere impasta per eos dies. 26. *graminis herbam* puta hic et Ovid. Met. X, 87. Liv. I, 24 dictam esse, ut *cytisi*, *loti*, herban, nempe cum de virenti germine fruticis cuiuscunque agitur; nisi noto poetarum more pro herba

graminea dictum malis, cum *gramen ipsum inter herbas vulgatissimum sit*: Plin. XXIV, 19. (Inter prodigia necem Caesaris indicantia refert Sueton. c. 81.: „equorum greges, quos in traiciendo Rubicone flumine consecrarat, ac vagos et sine custode dimiserat, comperit pertinacissime pabulo abstinere ubertimque flere.“ *Sp.*)

28. *montesque feri silvaeque loquuntur*. Montibus et silvis vocem dari, satis notum est; et si *ingemuisse montes silvasque* dixisset, aut *queri*, aut *loqui*, eodem, cum isto, sensu, ut in exemplis a Burmanno fieri deprehendas, et in Bionis Idyll. I, 32, nihil offenderet: solet enim rebus inanimatis sensus, adeoque et vox tribui: sic inf. 62 *Ipsi laetitia voces ad sidera iactant Intonsi montes; ipsae iam carmina rupes, Ipsa sonant ar-*



## Daphnis et Armenias curru subiungere tigris

29 *curru* unus Moreti pro var. lect. (Nempe *curru* antiqua est dativi forma. Cfr. Ge. IV, 158. 198. Aen. I, 257. III, 541. 692. *Wr.*) *Armenia* Rom. et Leid.

*busta*. conf. X, 14. 15. Sed hic est: *montes et silvae memorant, narrant, leones ingemuisse*. Nam pro *resonare* accipi *loqui* non potest, cum praeteriti temporis rem *to ingemuisse* indicet. Itaque dicendus est poeta paullo durius expressisse idem illud, quod ante dixerat: *coruli testes et flumina Nymphis*: si sunt testes, si meminerunt, nunc etiam narrant audita. A poetico spiritu aberres, si velis reddere eos, qui in silvis et montibus habitant. *Leones Afros* pastorem in Sicilia extinctum deflere vix poeta credi voluit; sed est epitheton ornans, ut mox *Armeniae tigres* et supra *Cydonia mala, Sithonia nix*; et quod multo magis mireris Ecl. X, 59 *libet Partho torquere Cydonia cornu Spicula*. (Huic disputationi videtur ob stare, quod ne fuerunt unquam in Sicilia leones. Itaque Vossius non dubitat, quin ipsa Africa his verbis designetur: Africam quoque ingemuisse Caesaris desiderio, qui Carthaginem colonia a. 708. eo deducta reficere voluerit. Spohnius, reiecta hac explicatione, summam totius carminis ad antiquum illum fabulosum Daphnim referendam censet; sub huius imagine, velut sub involucro, latere Caesaris imaginem; et leonum in ea re mentionem ex Theocrit. I, 72. a Virgilio translata. Sed ne sic quidem remota omnis difficultas; quod

enim antea in Virgilio displicebat, idem nunc reprehendendum erit in Theocrito, leonum mentionem dico, qui in Sicilia quidem nulli erant. Verum meminerimus, saepe in fabulis assignari sedes his bestiis, quas nunquam tenuerunt. Sic Graecia, ut hoc unum asseram, Nemeaeum leonem protulisse perhibetur; vid. etiam Ge. IV, 510. ibique Heyn. Itaque nihil impedit, quominus *Poenos* h. l. leones ornatus causa dici, cum Heynio existimemus; vid. Q. V. XXXX, 1. *Wr.*) Circumspectius hunc colorem servasse videas Moschum in epicedio Bionis, quod ante oculos habebat Virgilius, quum Daphnidem scriberet; uti Virgilium Nemesianus Ecl. I, 72 — 74. Sunt tamen *leones* sequentibus tigribus adiungendi, ut et ipsi a Bacchi leonum domitoris fabulis petiti et hic memorati sint: Daphnidem flevisse leones et tigres, quos in Bacchicis orgiis ille domare didicerat. (Non licet ea, quae vs. 29. dicuntur, cum superioribus iungere; separanda esse, docet ipsa transeundi ratio: *Daphnis et*, novi quiddam proferri manifesto arguens. *Wr.*)

29. Haec et seqq. paullo abruptius posita, simpliciter eo interpretanda sunt, ut, ad augendas eius laudes et amplificandam dignitatem, Daphnidem suum seu ipsius Bacchi laudibus impertiat, seu, quod censeo, eum unum ex Bacchi commili-

Instituit; Daphnis thiasos inducere Bacchi, 30  
 Et foliis lentas intexere mollibus hastas.  
 Vitis ut arboribus decori est, ut vitibus uvae,  
 Ut gregibus tauri, segetes ut pinguibus arvis:

30 *Baccho* ubique editum video. *Bacchi* ex antiquioribus Pierii et Heins. probatum Heinsio reposuit Burm., memor versus Aen. VII, 390 *etenim molles tibi sumere thyrsos*; iterum eiecit Brunck., cum *Baccho* exquisitius sit. (Nempe is haec ita dicta existimat, quemadmodum apud Aristoph. in *Ly-sistr.* *ὄρχησάμενοι θεοῖσιν. Wr.*) *thyrsos* Parrhas. Cum *inducere thiasos* obscurum esset Heinsio, coniiciebat: *thiasos indicere Bacchi*. *indici* enim sacra solleunia et festi dies solent: quod copiose adstruit Heins.; forte multo magis hoc ex usu loquendi foret; sed et hoc Daphnidis laudibus convenit, ut ipse duxisse choros dicatur. Possis quoque accipere *inducere*, inferre in vitam, usum, instituere. *θιάσους, τελετὰς εἰσάγειν*, ut bene Mitscherl. (Vid. quae scripsi in Not. Neque exquisitior est dativus *Baccho*; is significaret, nondum inventos fuisse thiasos; sed *Bacchi thiasos inducere* est: thiasorum, iam inventorum, usum introducere aliquo. *Wr.*) 32 *est* abest a Menag. sec. (vid. Q. V. XV, 2. *Wr.*) *est et vitibus* Moreti quartus, qui et mox: *Et gregibus t. s. et p.* in Theocr. VIII, 79 *τῶ δὲ πρὶ τὰ βάλαναι κόσμος*. Accommodatius hoc quam: *Vitis ut arboribus decori*

tonibus et sociis fuisse fingat, qui sacra Bacchi instituerit inter pastores, eoque caerimonias in Liberalibus sollemnes exhibuerit, inter quas Bacchi res gestae imprimisque ad Indos expeditio repraesentari solebat. Quam convenienter haec de Daphnide pastore narrentur, non dicam. (Omnis res eo redit, ut Daphnis vitium culturam apud suos instituisse dicatur; cum hac enim coniunctus fuit Bacchi cultus. Et partem agriculturae, nobilissimam quidem, posuit pro tota. Hanc interpretationem confirmat tum subiecta vs. 32. sqq. comparatio, tum ea, quae vs. 35. sqq. post mortem Daphnidis evenisse narrantur. Haec autem ita spectant Caesarem, ut ipsa natura per eius numen — nam numen habuisse putandus est, per quem talia possunt fieri — laetiores induisse vultum, sed eundem, illo extincto, mutasse dicatur. Vossius sapientes leges

institutaeque salubria, quae Caesari accepta retulerint Romani, his verbis significari statuit; Bacchum enim et Cererem auctores fuisse vitae a feritate ad humanitatem revocandae. *Wr.*) Bacchum autem curru tigribus iuncto vehi, innumeris monumentis constat. (cf. Montfaucon. *Ant. expl. Vol. I, tab. 158.*) 30. *thiasos inducere Bacchi* accipio pro simplici *ducere* choros bacchantium, quales saepe in anaglyphis et gemmis. (Sed quis ita locutus est: *inducere thiasos, choream*, pro simplici *ducere thiasos, choream*? Certe hoc esset, ut ait Cort. ad Latronis Declam. contra Catilin. c. 32., eorum, qui sunt extra classem. *Inducere* dicitur de iis, qui novum morem introducunt, primi aliquid faciunt. Cfr. Schwarz. ad Plin. Paneg. c. 11. *Wr.*) Versu 31 thyrsus describit, quem bacchantes gestabant.

32. Ex Theocr. VII, 79.

Tu decus omne tuis; postquam te fata tulerunt:  
 Ipsa Pales agros, atque ipse reliquit Apollo. 35  
 Grandia saepe quibus mandavimus hordea sulcis;  
 Infelix lolium et steriles nascuntur avenae.  
 Pro molli viola, pro purpureo narcisso,

*est.* Arboribus ornatus ex pomis et frondibus est. Io. Schrader. coni. *Fetus ut arboribus decori est.* Ut Ge. II, 390 *Ergo omnis largo pubescit vinea fetu.* Sic saepe *fetus: Arborei fetus.* Quid tamen? si poeta de ulmis et populis cogitavit, quibus iunctae sunt vites? Ornat ulmum vitis, vitem uva. 34 *tulere* unus Heins. et Goth. uterque. (Male; vid. Q. V. V. *Wr.* — Wakefield. ad Sophocl. Philoct. p. 255. Erf. ad verba *tu decus omne tuis* intelligit *ut* et a vv. *postquam te* etc. apodósion incipit. *Iahn.*) 36 *quidem* nonnulli apud Pier. 37 *dominantur* vulgo editum. Est tamen *nascuntur* omnibus fere in vetustis. Iam alterum istud: *steriles dominantur avenae* extat etiam in Georg. I, 154; docuit vero Heins. ad h. l. et ad Aen. V, 466. IX, 814, Virgilium, si hemistichio versuve eodem bis utatur, vocem fere unam alteramve immutare solere. Itaque hic *nascuntur* verius visum. 38 *viola* et p. Rom. Zulich. Diomedem Grammat. *purpurea* legisse suspicatur Heins.

34. Ornavit hunc luctum Moschus Idyll. III, 66. *fata tulerunt*, abstulerunt. σὲ δ' οὐλόμεναι κῆρες ἔλοντο Apollon. IV, 1485. Hom. Iliad. β, 302 οὐς μὴ κῆρες ἔβαν θανάτοιο φέρουσαι. 35. *Pales* et *Apollo* Nomius agros reliquerunt, deliciis suis, Daphnide inquam, sibi ereptis et ablatiis, ut solitudinem agrorum fugerent. Summo cum affectu haec, ad iacturae magnitudinem dolorisque gravitatem, dicta sunt. Cum ea tamen morte eorundemque deorum discessu, agros summa sterilitas occupare debuit; itaque versuum sequentium sententia inde exoritur. (De vi Pronominis *ipsa* — *ipse* vid. Q. V. XVIII, 2, a. *Wr.*) 36. 37. In iis sulcis, quibus *hordea*, quod hic omnino pro quovis frumenti genere dictum, serebamus, *infelix lolium* (infecundum, ut contra *felix seges*), et *avenae*, vani culmi vitiosi frumenti (*Flughaber*) nascuntur. (*grandia* i. e.

ad serendum selecta; Ge. I, 197. Sic Voss. et Spohn. *lolium*, i. q. *Taumellolch*, *Tollkorn*, secundum Voss.; idque *infelix* dici Voss. et Spohn. putant, quod titubantes et trementes reddat, qui manducarint, aut caecos teste Servio. Ego Heynii sententiae accedo, *infecundum* interpretantis; hoc enim dicere vult Mopsus, eludi operam serentum, nec nasci, quod ad vescendum utile sit; similiter „*Infelix victus*“ Aen. III, 649. Hordeum autem in lolium et avenam degenerare, opinio veterum fuit. Vid. Cerd. *Wr.*) 38. Vid. Theocr. I, 132 sq. *purpureus narcissus*, a purpureo calyce. (Aequinoctii auctumnalis tempore florere hoc narcissi genus, quod purpureum habeat calycem, notat Voss. h. l. et Ecl. II, 47. *Wr.*) *paliurus* fruticis spinei et rubi seu rhamni genus, *Christdorn*, *Rhamnus paliurus* Linn. vid. Martin. ad



Carduus et spinis surgit paliurus acutis.  
 Spargite humum foliis, inducite fontibus umbras, 40  
 Pastores: mandat fieri sibi talia Daphnis.  
 Et tumulum facite, et tumulo superaddite carmen:

39 aut spinis Zulich. crescit paliurus Menag. pr. e glossa. 40 montibus Goth. pr. frondibus Voss. et fragm. Moret. cum Goth. sec. (Sic etiam 2. 3. 4. Vid. quae in Not. scripsi. Wr.) frontibus unus Leid., ut sertis tempora cingant; probatum Klotzio Opusc. p. 300. aras Pierii Rom., unde ille legit: inducite frondibus aras, ut Manibus arae sertis cinctae ponantur. Sequitur hoc Catroeus. Nec per se improbum. Sed tuetur vulgatam locus Ecl. IX, 19 quis humum florentibus herbis Spargeret aut viridi fontes induceret umbra; quamquam ad sententiae rationem reddendam nihil inde auxilii accedit, de qua vid. Not. Alio modo dicitur fontes inducere, ubi de satis agitur; ut Columella X, 143 et primum moneo largos inducere fontes. inf. Ge. I, 106 Deinde satis fluvium inducit rivosque sequentes. At in nostro est inducere umbras fontibus, h. obducere umbra fontes. 42 et ante tumulo deest in Moret. quarto.

h. l. et Schreber. ad Theocr. XXIV, 87.

40. Spargite humum foliis, si proprie accipias, hoc non nisi de florum ac frondium sparsione per humum exponi potest. Horat. Od. III, 18, 14: Spargit agrestes tibi (Faune) silva frondes. Fieri hoc putandum est in honorem Daphnidis. inducite fontibus umbras, multo magis vagum et indefinitum est: sive sic accipias, ut arbores ponantur circa fontes, sive ut rami frondentes: quod et ipsum ad honorem quodammodo factum spectare dicas, frondibus et corollis circa fontem suspensis. An vero hoc circa omnes fontes fieri debet, et quorsum? Aiunt ritum funebrem esse; sed quis eum usquam memoravit? Circa tumulum arbores seri mos fuit (v. c. Iliad. ζ, 419), non vero circa fontes. Si porro de arboribus ponendis ac serendis accipias, accommodatum erit, ut priore quoque loco spargere humum foliis de satione florum accipiamus.

Firmat hanc rationem locus Eclogae IX, 19 quis humum florentibus herbis spargeret, aut viridi fontes induceret umbra? Neutrum tamen inter honores mortuis habitos memorari usquam vidi; quamquam ad fontes et in viretis olim sepulcra facta esse, et, frondes ferre, inter honores et munera mortuorum habitum esse, non ignoro. conf. locum, in quo cum nostro certat, Nemesiani Ecl. I, 64 sqq. Nihil, quod ad rem faciat, afferunt interpretes, neque locus Horatii Carm. III, 13, 2 O fons Bandusiae — Dulci digne mero nec sine floribus, recte huc refertur. Videtur mihi res sic expedienda, ut tumulum iuxta fontem factum intelligamus. Sic in honorem defuncti pastoris, noto more, humus floribus et frondibus spargitur ac circa tumulum arbores seruntur. Incusandus tamen vel sic poeta, quod ad sensum animi et oculi non satis diserte rem exposuit. Popius, expressurus haec, ad

Daphnis ego in silvis, hinc usque ad sidera notus,  
Formosi pecoris custos, formosior ipse.

ME. Tale tuum carmen nobis, divine poeta, 45  
Quale sopor fessis in gramine; quale per aestum  
Dulcis aquae salientē sitim restinguere rivo.  
Nec calamis solum aequiparas, sed voce magistrum.  
Fortunate puer, tu nunc eris alter ab illo.  
Nos tamen haec quocumque modo tibi nostra vicis-  
sim 50

Dicemus, Daphnimque tuum tollemus ad astra;

46. QUALE, P. 48. MAGISTRUM; 51. DICEMUS;  
DAPHNINO.

45 *nobis carmen* ap. Probum Grammatic. suavius ad aurem. (Et ita, accedente etiam Cod. Hafn. auctoritate, Vossius edidit. Commendat hunc positum verborum etiam Wunderlichius, „quod in vulgari positura verborum, ubi vocabulo *nobis* peculiaris vis per metrum additur, male *Menalcas* et *fessi* opponuntur.“ Neque aliter Lachmann. ad Prop. I, 6, 25. Sed nolui vulgatum mutare; neque enim ad nostrum sensum talia videntur exigenda, siquidem constat, veteres scriptores amare antitheses; nec reprehendentes hoc: Mihi carmen tuum tale est, quale fessis sopor in gramine. *Wr.*) 46 *lassis* Rom. *per gramina* apud Priscian. VII. 47 *restringere* seriores tres, ex more. 48 *aequiparas* scriptum in vetustioribus. v. Heins.

alia delabitur *Pastor*. IV, 21 sq. (Nihil hic obscurum. Commentarii loco esse possunt, quae leguntur in Culice vs. 387. sqq. de sepulcro Culici faciendo: „Quantumcunque sibi vires tribuere seniles, Rivum propter aquae, viridi sub fronde latentem Conformare locum capit impiger:“ etc. etc. Vid. praeterea Voss. Spohnius laudat Goënsium de Cenotaph. p. 170. sq. et Interpp. ad Sueton. Aug. c. 18. *Wr.*) 43: Theocr. I, 120. 121 *Δάφνις ἐγὼν ὅδε τῆνος, ὃ τὰς βόας ὥδε νομεύων, Δάφνις ὃ τὼς τάνρωας καὶ πόρτιας ὥδε ποτίσδων*: quos versus, cum multo maiorem simplicitatem habeant, mireris Virgilianis posthaberi. *hinc usque ad sidera notus*, epi-

cum est, nec in pastoritio carmine satis placere potest. Si tamen exemplo defendi potest, quod non per se probes, et locus haud multum dispar in Theocr. VII, 92. 93. (Serv. Dresd. explicat: „in silvis notus et hinc usque ad sidera.“ Non bene. *Wr.*)

45. Vid. Theocr. I, 1 et 7 etc. VIII, 78 — 83. Compara Popium *Pastor*. IV, 1 — 4. *aquae rivo* poetis perpetuum: vid. ad Ecl. VIII, 87. 48. *sed etiam voce*, cantu, magistro par es. (potius: *sed*, quod maius est, *voce*. Non solum — *sed etiam* est enumerantis, Non solum — *sed* comparantis et comparando rem augentis. *Wr.*) 49. Conf. Theocrit. I, 3. 4. 5. 51. *tollemus ad astra*, potest esse: in caelum et

Daphnin ad astra feremus: amavit nos quoque Daphnis.

MO. An quidquam nobis tali sit munere maius?

Et puer ipse fuit cantari dignus, et ista

Iam pridem Stimicon laudavit carmina nobis. 55

ME. Candidus insuetum miratur limen Olympi,  
Sub pedibusque videt nubes et sidera Daphnis.

Ergo alacris silvas et cetera rura voluptas

Panaque pastoresque tenet Dryadasque puellas.

#### 54. DIGNUS;

(— 52. Vid. Q. V. III, 3. *Wr.*) 53 *An quicquid Gnd. tali nobis* Voss. et fragm. Moreti. *Et, puer, ipse* interpungit Wakef. coll. v. 19. 55 *Stimichon, Stimycon*, varie scribitur. *Sthymacon* et *Stimethon* Gothani. In Serranis confunditur *Στιμίδης* ap. Theocr. „nonnulli Stimichonem patrem Theocriti dicunt“ hoc quidem parum certa fide. Verum probabile inde fit, *Stimicon* in nostro corruptum esse ex *Στιμίων*. v. Koen. ad Gregor. Cor. p. 133. *Stimichus* repositum est in edit. Parmensi. 56 *lumen* Menag. alter et Franc. Sicque Gifan. et Canter. et post illos Klotzius Opusc. pag. 301. *nomen* Menag. prior. 58 *et cetera rura*. Quam vim *cetera* h. l. habeat, non video. Erant tamen epitheto quae adiungi poterant: *florea, roscida*. Nunc video, etiam Io. Schrader. coni. *secretaque, securaque*. Poterat quoque scribi *silvas, et agros, et rura*. (Sed vid. Not. *Wr.*) 59 *pastoresque simul* Menag. alter. *videt* Ven. *Dryades* Rom. et Leid. (In his nominibus Graecam secutus est formam Virgilius; sic Ge. I, 138.: „Pleiadas, Hyadas.“ Aen. I,

inter divos sublatum canam; est tamen verius ex usu loquendi et simplicius: celebrabimus, ut IX, 29 *Vare, tuum nomen — Cantantes sublime ferent ad sidera cygni*: et sup. 43 *hinc usque ad sidera notus*. (Hoc verum videtur; vid. Q. V. X, 2. *Wr.*) Porro v. 54 *puer* est Daphnis. Sic v. 49 *puer* erat Mopsus, etsi aetate maior sup. 4. (*p. ipse*, vid. Q. V. XVIII, 2, p. *Wr.*)

56. Iam Daphnis deus factus celebratur, itaque ei, tamquam novo numini agresti, ea omnia tribuuntur, quae sive deorum olim in terris praesentiae tribuebantur, sive deorum honoribus institui solebant; summa scilicet laetitia etiam ferarum et rerum

inanimatarum 58 — 64. Inde sacrum annuum ei instituendum narrat 65 — 80. *Candidus*, splendens, micans, ut sidus. (*candidus*, hilaris, quasi ita serenus, ut ne levissima quidem nubecula moestitiae dolorisve adsit. Sic *candidi dies*, *candida fata*, *candida Pax*, *Aurora*, *candidus Liber*. Respicit autem poeta superstitionem in Prolegg. ad hanc Ecl. init. memoratam. *Sp. — Olympus* h. l. arx coeli, ubi Dii habitare putabantur. *Voss.*) Locus autem longe dulcissimus. 58. *alacris* ratio poetica cum *voluptas* iungi docet. (*Ergo pro igitur* h. l. positum esse, probat Lachmann. Propert. pag. 236. *Wr.* — *Cetera* bene adiectum; nam *rus*



Nec lupus insidias pecori, nec retia cervis 60  
 Ulla dolum meditantur: amat bonus otia Daphnis.  
 Ipsi laetitia voces ad sidera iactant  
 Intonsi montes; ipsae iam carmina rupes,  
 Ipsa sonant arbusta: deus, deus ille, Menalca!  
 Sis bonus o felixque tuis! en quatuor aras: 65  
 Ecce duas tibi, Daphni, duas altaria Phoebo.

65. TUIS: 66. PHOEBO;

744. III, 516.: „pluviasque Hyadas.“ Ecl. VI, 62.: „Phaethontiadās.“ Ita constanter Mediceus. Nominativus quoque horum nominum ultimam ubique habet brevem; cf. Ecl. VII, 21. X, 10. Ge. IV, 341. Aen. I, 500. V, 613. *Wr.*) 61 *malum* alii apud Pier. et Heins. pro *dolum. meditantur* Menag. pr. 62 *laetitiae voces* Mentel. pr. *iactant vel tollunt* ms. Köler. 63 *ipsae et iam* Rom. 64 *deus ipse* Longob. et Medic. *Menalcas* Goth. pr. 65 *an* Menag. 66 *duoque altaria* vulgo ante Heins. (sic etiam

silvas et pascua complectitur. *Wr.*) 61. Non scilicet illa silvarum et agrorum laetitia esse poterat sine securitate: quam per *otia* declarat. Ab hac itaque enuntiationem mutuatur poeta. (*bonus*, i. q. benignus; non infrequens hoc de diis; infra vs. 65.: „Sis bonus o felixque tuis.“ Aen. XII, 647.: „Vos o mihi, Manes, Este boni.“ *Wr.*) Et vs. 62 omnium adeo rerum naturae ea laetitia communis esse ponitur. Ductum autem ex Theocr. XXIV, 84. 85 videtur, ubi, Hercule inter deos recepto, lupus non amplius insidiatur hinculo. 63. *Intonsi montes* sunt silvosi, incaedui, ut Serv. Paulo aliter *tonsaes valles* Georg. IV, 277 sunt quas pecudes tondent, depascunt. *tonsa humus* Ovid. Rem. 192 desecto gramine vel foeno. Non uno itaque modo hoc dicitur. Quibus ipsis concidit dubitatio Martini, qui non nisi a *pecude depastos* intelligi posse putabat. 64. O Menalca, ipsa arbusta resonant: Deus,

deus ille! (Rectius Wunderl.: „Laetitiam illam animadvertit Menalcas; ei igitur rupes et arbusta acclamare finguntur: *deus, deus ille, Menalca.*“ *Wr.*)

65. Nunc sacrum ei annum decernit. Primo eum invocat: *Sis bonus o felixque tuis. felix* est propitius, ut Aen. I, 330 *Sis felix, nostrumque leves quaecunque laborem.* vid. Serv. et Intpp. Mox sacrum eius cum alio sacro Phoebi coniungit: quod observatu dignum est: heroi igitur cum deo: forte tamquam cantus praeside. Porro novum hoc, quod non utrique una ara fit, ut *σύμβωμοι* sint; sed quod utrique *sua* ara, et quidem utrique *duae* arae, adeoque *quatuor* ponuntur. Cuius rei equidem rationem novi nullam. (*Duas*: sic quatuor Neptuno ponuntur; plures, ut plures victimae mactari, aut omnino plura sacrificia ibi fieri possint, ut Ge. IV, 538. sqq. docent. *Voss.* et *Sp.*) 66. *duas altaria Phoebō*, duas aras Phoebō, quae sint

Pocula bina novo spumantia lacte quot annis  
Craterasque duos statuam tibi pinguis olivi;

68. DUO OLIVI.

11. 14. *Wr.*) *duo altaria* in nonnullis. (sic 2. 3. 7. *duo haec a.* 8. *Wr.*) *duas altaria* iam e Longob. probabat Pier., ex Gud. et aliis adstruxit Heins. (*duas* etiam 4. neque aliter Servius, licet alterum praescribatur. *Wr.*) 68 *Craterasque* iam inde ab Aldo editur; in aliis *Crateresque*. (Ubique ap. Virg. Graeca regnat in accusativo et sing. num. et plur. forma *cratera*, *crateras*, constanter a Mediceo servata; et *crateres* ultima brevi Aen. VI, 225; neque usquam hoc voc. primam apud eundem sequitur declinationem. *Wr.*) Contra vulgg. *duos*. (Quod revocandum putavi. Vid. Q. V. XII, 14. *Wr.*) At *duo* iam e Rom. commendavit Pier., nunc Heins. recepit, aliis assentientibus. *olivae* duo Moret. et fragm. Interpuxi nunc plene post *olivi*, in fine vs. 68. ut diversa sint seqq. a superioribus. v. Notam.

altaria; ut, quod discrimen inter utrumque faciunt grammatici, poeta sequatur (vid. Heins.), Phoeboque adeo, tamquam ex superis diis, altare, Daphnidi, heroi, aram dedicet. Non tamen placet in poeta ista grammatici subtilitas; et potuere duo vocabula promiscue a poeta poni, communi more. (Aras, in quibus thus, fruges et similia Diis oblata ponantur, et altaria, in quibus victimae crementur, h. l. secerni, ipsa appositionis ratio declarat. *Wr.*) Observandum autem, Daphnidi ut heroi sacrum fieri lacte, oleo, vino, adeoque *λοιβῆ, σπονδῆ* non victima caesa. Idem Nymphis et Pani fit apud Theocr. V, 53. 54 et 58. 59, unde haec expressa sunt. *novo lacte*, ut Ecl. II, 22 *Lac mihi non aestate novum, non frigore defit*. (Et Daphnidis cultus cum Phoebo iungi videtur, quod Caesaris dies natalis, III. Id. Iul., in ludos Apollinares incidit; quamquam is, quum libris Sibyllinis vetitum esset, eo tempore alii deo, praeter Apollinem, sollemnia institui, IV. Non. Iul., id est: pridie

eius diei, quo ludi Apollinares initi, celebrabatur. Vid. Voss. h. l. Liv. XXVII, 23. et Wölff. Lazii Reip. Rom. l. X, 8. — 67. sqq. Probabilior est, quam Heynii, de toto hoc loco Vossii, et, qui eum sequitur, Spohnii disputatio; cuius quae summa sit, paucis declarabo. Praeter festum die natali Daphnidis, personati Caesaris, agendum, ad bina sollemnia Daphnidem singulis annis a se adhibitum iri ait Menalcas, ad Ambarvalia, quae fiunt extremo Aprili, incipiente iam messe, acriore iam in Italia sole, et ad Liberalia, sive Dionysia, exeunte autumnino, Octobri vel Novembri mense, celebranda. Laribus quoque suas in utraque sollemnitate fuisse partes, intelligitur ex Tib. I, 1, 19. sqq. et II, 1, 17. ubi vid. Wunderl. Ut autem Graeci homines in deorum numerum receptos Heroum, sic Romani Larium loco habebant; cf. Ecl. I, 7. 44. Itaque Caesar, tamquam Lar, a pastoribus quoque et agricolis inter numina agrestia colitur. Nymphas quoque Liberalibus pastores veneratos esse,

Et multo in primis hilarans convivia Baccho,  
 Ante focum, si frigus erit, si messis, in umbra, 70  
 Vina novum fundam calathis Ariusia nectar.  
 Cantabunt mihi Damoetas et Lyctius Aegon;

69 *altaria* Medic. Pierii. 70 *sin aestus, in umbra* coni. Waddel. p. I. 71 *infundam* Menag. pr. et Moret. quart., it. Pier. Oblong. *nova infundam* Moret. sec. Aberrationes in *Ariusia* vid. apud Pier. et Burm. (*Ariusia* etiam 1. 4. 8. *Wr.*); it. mox in *Lyctius*. Est ἡ Ἀριουσία χώρα, insulae Chii, et Ἀλύτος, urbs Cretae. (— 72. *mihi* sc. „sacra facienti“. Inter sacra mea tibi facta carmina canent. Non recte igitur Frenzel in Seebodii grammato-philacio philol. et paedag. Vol. I. p. 139. *tibi* correxit. *Iuhn.* — Menalcas hoc carmine indicat, quam ipse solemnitatem in honorem Daphnidis instituturus sit, vid. vs. 68. 71.; in eius rei partem sese, ut dominum vel procuratorem praedii, vocaturum reliquos ex eodem praedio pa-

et vota solvisse, Ambarvalibus fortasse vel Palilibus, sub idem tempus celebratis, nuncupata, ut bona essent pascua, versu 74. sq. probatur. Non est igitur, quare Siculos ritus, ut post alios fecit Heynius, hic tangi existimemus. Itaque totus locus, vs. 67—75., duplex sollemne spectat. Confirmari hoc ait Spohnius vs. 67. sq. 70. 74. sq.; versu 67. sq., quod novum lac vernale tempus significat, oleum auctumnale; neque ob stare, quod Ecl. II, 22. legatur: „Lac mihi non aestate novum, non frigore defit;“ ibi enim in Sicilia rem geri, hic in Gallia Cisalpina sub frigidiore coelo; versu 70. autem, quod frigore hibernum tempus, messe aestivum denotetur; et vs. 74. sq. aperte duplex sollemne indicari. Denique sic veteres Romanos bis esse solitos celebrare dies festos; Suet. Aug. 31.: „Compitales Lares ornari bis anno instituit, vernis floribus et aestivis.“ id. Neron. c. 57.: „Et tamen non defuerunt, qui per longum tempus vernis aestivisque floribus

tumulum eius ornarent.“ *Wr.* — *pocula bina*: proprie *bina*, bina in singulis aris, ut in epulis solebant singulis convivis bina poni; duos autem crateras, i. e. in singulis aris singulos; erant enim maiores et ampliores. *Sp.*) 69—73. Ex multo suaviore loco Theocr. VII, 63 sqq. adumbrata. Ambiguitas est in sqq. sintne omnia revocanda ad festos dies in Daphnidis honorem habendos, an ad honorem et memoriam eius recolendam in quibusvis sollennibus, ut ei tamquam heroi seu deo libatio fiat; etsi nonnulla interponuntur, quae sacrum in eius honorem instituendum arguant. Videtur itaque sic statuendum esse, ut v. 69 sq. de ceteris sollennibus ac festis diebus memoraret, quibus inter epulas festas *Daphnidi quoque libatio fiat*: hoc est vs. 71 *fundam*. (*Convivia*, epulae post sacrificium. *Voss.* et *Sp.*) 70. *Ante focum, si frigus erit*: quod sane et ipsum oblectationem facit; unde poetae et hoc memorant. cf. ad Tibull. II, 1, 29. 71. *Vina*



Saltantis Satyros imitabitur Alphesiboeus.

Haec tibi semper erunt, et quum sollemnia vota  
Reddemus Nymphis, et quum lustrabimus agros. 75  
Dum iuga montis aper, fluvios dum piscis amabit,

stores, Damoetam, Aegonem, Alphesiboeum. Recte igitur ab Iahnio *mihi* defenditur. *Wr.*) 74 *donu* Parrhas. et pro var. lect. unus Leid. 75 *et collustrabimus* tres. *conlustrabimus* unus Burm. 76 *amavit* Gud. a m. pr.

*Ariusia*, ex promontorio et tractu Ariusio in insula Chio. v. Heins. ad h. l. et Potter. ad Clement. Alex. Coh. pag. 184. Etiam horum mentio a pastore facta reprehensione digna visa Klotzio Opusc. p. 287; defendi tamen potest, cum inter Chium et Siciliam commercia satis multa fuerint, cumque in carmine maioris spiritus versetur poeta. (Qui eiusmodi epulis interfuerint, eos in mensis secundis generosius vinum libasse, laud. Ge. II, 101. sq. docet Vossius; et post a. 700. U. C. vini peregrini usum increbuisse apud Romanos, idem annotat. Vid. praeterea, quae ad vs. 67. diximus. *Wr.*) *novum nectar*; fuit scilicet vinum dulce. *Calathus* h. l. vasis et calicis genus. 73. *Saltantes Satyros imitabitur*: simpliciter pro saltabit: scil. Satyrorum more, incondite: ut Georg. I, 350 in sacro ante messem *Det motus incompressos et carmina dicat*. (Commode Satyrorum mentionem fieri in sacris ad deos agrestes, in primis vero Bacchum, cfr. vs. 79., pertinentibus, ait Vossius. *Wr.*) Male accipit Baxter. ad Horat. Epist. II, 2, 125, ut sit, Satyrum saltabit.

74. 75. Ea, quae antea omni-

bus diebus festis se facturum esse dixerat, nunc ad duo sollemnia insigniora revocat: alterum Nympharum, alterum lustrationis agrorum. Ipse poeta paullo ante v. 69. 70 bina binis sollemnibus tempora assignat, alteri festo hibernum, alteri aestivum: nec tamen ista ad h. l. referri posse videntur. Apud Romanos sollemne Nymphis institutum fuisse aliunde vix constat. *Lustratio agrorum*, sive ambarvalia, moribus quidem Romanis fiebant sub casum hiemis, iam vere sereno. v. Georg. I, 340, et ad Tibull. II, 1 pr. Fatendum igitur est, ad Siculos potius ritus accommodata haec haberi debere. Itaque cogitandum simpliciter de festo Nympharum, et altero festo agrorum lustrandorum. (Sed vide, quae notavimus ad vs. 67. *Wr.*) Discernit ipse poeta paullo post v. 79 sacrum Bacchi et Cereris ab illo, quod Daphnidi instituetur. (Quomodo discernit? Ad eandem sollemnitatem, de qua vs. 67 — 75. agit, redit vs. 79. sq. *Wr.*)

76 — 78. Fastiditum nunc hoc, quod delectare debuit novum dictum in poeta, h. l. Aen. I, 607 sqq. et Ecl. I, 60 sqq. ut temporis duratio per eiusmodi

Dumque thymo pascentur apes, dum rore cicadae:

Semper honos nomenque tuum laudesque manebunt.

Ut Baccho Cererique, tibi sic vota quot annis  
Agricolae facient; damnabis tu quoque votis. 80  
MO. Quae tibi, quae tali reddam pro carmine dona!

Nam neque me tantum venientis sibilus austri,  
Nec percussa iuvant fluctu tam litora, nec quae  
Saxosas inter decurrunt flumina valles.

ME. Hac te nos fragili donabimus ante cicuta. 85  
Haec nos, Formosum Corydon ardebat Alexim:  
Haec eadem docuit, Cuium pecus? an Meliboei?

#### 85. CICUTA; 86. ALEXIN

77 *pascuntur* Gud., quod tuetur Cort. ad Plin. II Epp. 9, f. (male; *dum* adiuncto praes. est: *ἐν ᾧ*. Et vid. Q. V. VI, 5. *Wr.*) 78 Versus repetitus Aen. I, 609. 79 *tibi sua* Moreti quartus. 80 *damnabis — votis*. Placebat Heinsio *voti*. Sed utrumque recte. 81 *pro munere* Leid. *carmine* alt. *digna* Parrhas. *vota* unus Leid. 82 *nec mentis* s. fragm. Moret. 85 *donavimus* ap. Probum in Institutis art. et in pr. Mentel. et Reg. (etiam 2. 8. *Wr.*), quod de parato Menalcae ad donandum animo accipit Muson., parum apte. *ante*, antequam discedimus. Paulo ieiunius hoc a poeta insertum. Praestabat saltem *ecce*. Coniicit hoc idem Io. Schrader. et laudat VI, 69 *Hos tibi dant calamos, en accipe, Musae*. (At pessime haec sonant: *ecce cicuta*; et recte ipse Heynius in edit. min.: „*ante*, quam tu me dono ornes.“ *Wr.*)

inductiones declaretur. — *dum rore cicadae*: antiqua opinio. vid. Hesiod. Sc. Herc. 395, Theocr. Idyll. IV, 16. cf. Ursin. et Cerda. 79. 80. Referetur ergo Daphnis in deorum agrestium numerum. *damnabis tu quoque votis*, h. eo, quod homines earum rerum, quas a te precati erant, compotes facis, obligabis eos ad vota, quae ea quasi sub conditione fecerant, solvenda. Res saepe obvia. sic et *voti reus* Aen. V, 237. Formula sollennis: *damnatus voti*, sed et *voto*. Spe-

ctat autem hoc ad numen declarandum, ut non modo sacra, verum ut etiam preces et vota ad eum, qui inter deos relatus est, fiant, utque vota, re impetrata, ei persolvantur. Simili modo numen declaratur per iusiurandum: *Iurandasque tuum per numen ponimus aras*.

82. *veniens auster* est oriens, flare incipiens. vid. Burm. 83. Certavit cum Theocr. I, 7. 8. 86. 87. Exordia carminum ad ea declaranda posita ut sup.

mo. At tu sume pedum, quod, me quum saepe  
rogaret,

Non tulit Antigenes, (et erat tum dignus amari)

Formosum paribus nodis atque aere, Menalca. 90

89. ANTIGENES, ET AMARI,

88 *Ac* Moreti quart. *me dum saepe rogavit* Ven. 89 *erat cum pr.*  
Moret. *tunc* qu. Moret. et Ven. (etiam Serv. Dresd. *Tum dignus in Tam*  
*dignus*, aut *Condignus* mutatum velit Voss. *IVr.*)

v. 10. 11. Ex vss. 86. 87 haud agnosci: cum sua carmina me-  
temere suspicio nata, voluisse moret: Ecl. II et III.

Maronem sub Menalcae persona 88. Cf. Theocr. VII, 43. 44.



## E C L O G A VI

### SILENUS \*)

#### ARGUMENTUM

**E**xordio praemisso poeta se, parum feliciter tentato carmine epico, redire ait ad carmen bucolicum; Vari tamen laudibus celebrandis et hoc laud impar fore 1—12. Inde narrat, duo Satyros cum Nympha Aegle Silenum iacentem aggressos adegisse, ut sibi carmen caneret — 30. Exponit inde summam poeta 31—63 carminis argumentum, quod mythicum est; attigerat Silenus fabulas primo e cosmogonia 31—40; inde alias, promiscue memoratas, inter quas copiosius exponit Pasiphaes infaustum amorem tauri 45—60; qui cur eum potissimum detinuerit si quaeras, causam idoneam non reperio, praeter lubitum poetae. Repente inde ad Gallum carmen deducitur, et ad eius laudem poeticam et carmina inchoata 64—73. Tum iterum ad fabulas redit 84. Vespere ingruente facit Silenus finem canendi 85. 86.

Felix in huius Eclogae argumento et eius tractatione fuit poeta. Iucundissimis enim, dulcissimis, ac pulcerrimis rerum imaginibus omnis haec narratio distincta est, qua Silenus ex antiquissimorum poetarum ac philosophorum rationibus originem rerum canit, atque inde per fabulas ornatum poeticum maxime admittentes vagatur. Non enim, quare cum Grammaticis, qui Syronem huc vocant (de quo v. ad Pseudodonat. s. 79.), ad Epicuri potissimum placita v. 31 sqq. referam, video; quid? quod quatuor elementa, e quibus universum ibi construitur, quae ad Empedocleam rationem pertinent, ab Epicureorum principe Lucretio exagitantur I, 717, et nititur tota de Virgilio Epicureae philosophiae sectatore fabula fide Pseudodonati et Servii, aut potius vanissimorum hominum, qui nomina ista sunt mentiti. Fuit autem antiquissima aliqua reconditior fabula de Sileni philosophia et super res naturales et ethicas disputationibus: neque vanum est, quod Servio insertum est ad v. 13 *Sane hoc de Sileno non dicitur fictum a Virgilio, sed a Theopompo translatum. Is enim ap-*

\*) *Silenus*. Adscriptum praeterea in edd. *Faunorum, Satyrorum, et Silvanorum delectatio*. Hoc et codd. habent; nonnulli pro *Silvanorum Si-*

*lenorum*, ab aliis voc. omnino abest. Pro *Silenus* in aliis praescriptum *Faunus*. (Hoc Vossius adoptavit, suadente etiam vs. 12. Recte fortasse. *Wr.*)

*prehensum Silenum a Midae regis pastoribus dicit crapula madentem et ex ea soporatum; illos dolo aggressos dormientem vinxisse, postea vinculis sponte labentibus liberatum de rebus naturalibus et antiquis Midae interroganti respondisse.* Locus fuit hac de re classicus in Theopompi Thaumasiis: unde excerpta particula apud Aelian. Var. Hist. III, 18, ubi vid. Intpp. et quos laudant. Apposita ibi narratio Sophista aliquo dignior de terra Meropide in Oceano sita mythice exornata. Antiquior tamen et ex domesticis Phrygum \*) de Mida fabulis ducta mythi auctoritas fuit; saltem Pindari (Fragm. CLII, p. 148.), nam, quod ille Silenum cum Olympo confabulantem induxit, conjunctum cum illo fuit; est enim Olympus Marsyae Phrygis alumnus. Vocem inde ἐφήμερος pro homine laudat Schol. Aristoph. Nub. 223 et ex eo Suidas (in Pindaro esse debuit, ὃ τάλας ἐπάμερε —). Servata ex dictis illis sententia: non nasci homini longe optimum esse, proximum autem, quam primum mori Cic. Tusc. I, 48, unde habet Lactant. Inst. III, 19. Ex Plutarch. Consolat. ad Apollon. p. 115 discimus, Aristotelem in Eudemo haec latius exposuisse, unde ibid. D. Δαίμονος ἐπιπόρου καὶ τύχης χαλεπῆς ἐφήμερον σπέρμα, τί με βιάζεσθε λέγειν ἃ ὑμῖν ἄρειον μὴ γινῶναι. Memorabile autem hoc, quod Silenus nunc inter canentes deos habetur. Quod eum vinciunt, ut cogant canere, Satyri, a furore vaticinantium petitum esse putabimus, quem detrectabant vates: ut vel de Pythia notum. Catroeus, et post eum Martinus ac Wartonus, qui anglicis versibus Eclogas reddidit, si quaeritur, quorsum physicis placitis fabulae istae a v. 43 sqq. subiectae sint, rationem comminiscuntur satis subtilem, tradi scilicet non minus moralem quam naturalem Epicureorum philosophiam, qua revocentur inprimis a cupiditatibus et immoderatis animi perturbationibus homines; haec autem praecepta, ut decebat poetam, expressa esse fabulis de turpi amore Herculis et Pasiphaes, de superbia Proetidum, avaritia Atalantae et immodico luctu Phaethontiadum sororum. Sed Virgilium eas tantum fabulas sequutum esse apparet, quae et frequentatissimae in veterum carminibus essent, et ornatum poeticum inprimis admitterent. Itaque alias disertius exponit, aliarum non nisi argumenta commemorat, et delectationi adeo studet, ut inter antiquas illas fabulas Galli sui meminerit; loco parum idoneo, nisi versus transponere placuerit: qua de re v. inf. ad 64. Formam et colorem ab hoc carmine ducebat Gesnerus elegantissimus poeta, cum *Cantharum fractum* scriberet, sed nollemus eum carminis gravitatem ad rem levissimam deflexisse; quo ipso omnis voluptatis fructus interceptus est.

\*) Phrygum s. Brigum, cum adhuc loca sub monte Bermio in Macedoniae postea dictae finibus inhabitarent: Herodot. VIII, 138. Conon Narrat. I. conf. ad Philostrati

Imagg. I, 22 notata. Adumbravit inde sua de Mida et Sileno Ovid. Met. XI, 90—99. v. Opusc. nostra Vol. IV, in Philostrati Imagg. p. 68 sq.

Ceterum Varo inscriptum est carmen: de quo vid. Excurs. ad hanc Ecl. Fabulam de recitata hac Ecloga a Cytheride mimia et Ciceronis exultatione vid. in Pseudodonati Vita Virg. s. 41.

## Prima Syracosio dignata est ludere versu Nostra, neque erubuit silvas habitare, Thalia.

1 *Syracosio*. Ita Romanus Pierii. *Συρακόσιον ᾠσμα*. Vulgo *Syracusio*, mendose: quod iam Benedictus monuit. *Syracuso* Moreti alter, Menag. alter et Parrhas. (*Συρακόσαι* antiquissimi Graeci scriptores et vinctae et solutae orationis. vid. Boeckh. ad Pind. Ol. VI, 6. *Syracosio*, quod metrum et usus poetarum requirit, etiam in Servio se invenisse ait Pier. Eadem forma in Palatino visitur. *Wr*.) 2 *neque* e scriptis reposuit Heins. pro *nec*. *silvis* Rom. Pierii. conf. Heins.

1. *Syracosio* — *versu*, Theocriteo. v. Ecl. IV, 1. *Prima* intelligunt vulgo: e Romanis; e quibus se primum ad tenue hoc carminis genus descendisse significet. Ge. II, 175 *tibi res antiquae laudis et artis Ingredior, sanctos ausus recludere fontes, Ascreaemque cano Romana per oppida carmen*. Ita accipiebat quoque Popius *Pastoral*. I. pr. Melius de aetate accipias, quod in adolescentia iis carminibus se dederat, non epicis, vs. 3, a quibus revocabat eum Apollo. (Priorem explicationem probant Voss. et Spohn. Totum carminis exordium si spectas, facile intelliges, scripsisse haec poetam, ut tenuitatem suam — vs. 3 — 5 — Varo excusaret. Id quare fiat, vix poteris exputare, nisi statues, ad sublimius carminum genus poetam a Varo vocatum esse. Ac videtur Varus, quippe leviori bucolici carminis argumento non satis conveniente tanto ingenio, auctor Virgilio exstitisse, ut epicum carmen tentaret, materiam ipsis bellis civi-

libus, quibus interfuerat Varus, suppeditantibus; vs. 6 — 7. At poeta, epico carmini scribendo imparem se esse ratus, id sibi sectandum existimat, ad quod natura factus sibi videatur; vs. 9.: „*Non iniussa cano*.“ Atque hoc quoque tale esse, cui nomen Vari commode intexi possit; vs. 9. sqq. Ita demum apparet, quorsum spectet illud *dignata est* vs. 1. et *erubuit* vs. 2.; nam non satis dignum bucolicum carmen Virgilio ingenio Varus iudicaverat. Iam nemini obscurum esse potest, parum apte voc. *prima* vs. 1. ad initia bucolicae poesis inter Romanos referri; eamque esse poetae mentem, ut dicat, natura ipsa ducente ad carmen bucolicum se primum applicuisse, et, quum ad epicum transire conatus sit, — si modo tum conatus est; nam licuit hoc fingere — revocatum esse ab Apolline, et — vs. 6. „*Nunc ego*“ — ad agrestem Musam redisse. *Wr*.) 2. *silvas habitare*, ad genus bucolicum refertur. v. ad Ecl. IV pr. *Tha-*



Quum canerem reges et proelia, Cynthus aurem  
 Vellit, et admonuit: Pastorem, Tityre, pinguis  
 Pascere oportet ovis, deductum dicere carmen. 5  
 Nunc ego (namque super tibi erunt, qui dicere laudes,  
 Vare, tuas cupiant, et tristia condere bella)  
 Agrestem tenui meditabor arundine Musam.  
 Non iniussa cano. Si quis tamen haec quoque, si quis  
 Captus amore leget: te nostrae, Vare, myricae, 10

6. EGO; N. 7. BELLA;

4 *admovit* Rottend. ex more librar. *Pastorum Tityre* vitium ed. Rob. Steph. 5 *ducere* Moret. quart. et Ven. *deductum carmen* ex h. l. memorat Quinctil. VIII, 2, 9. 7 *Vurre* Parrhas., hic et in sqq. *cupiunt* duo Moreti et fragm. Antwerp. 8 Variat verbum 2. Ecl. I. 10 *legut* Menag. sec. et Moret. sec., et Priscian. ap. Heins. utrumque dici solet. vid.

*lia* omnino pro Musa dicta videri potest; etsi ea proprie hic memorata, quia bucolicum carmen eius fidei ac praesidio creditum habebatur: quod saltem auctoritate Schol. Apollonii Arg. III, 1 traditur: *Θάλεια δὲ (λέγεται εὐρηκέναι) γεωργίαν καὶ τὴν περὶ τὰ φυτόν πραγματείαν*. 3. Voluit igitur Maro adolescens aggredi statim epos: *reges et praelia*; (quod minus bene de tragoedia interpretatur Heins. ad Ovid. IV ex P. 2, 1.) Oudin. in Misc. Obs. crit. nov. To. IV, p. 308 ad Culicem hoc trahit, Pseudodonato et Servio advocate. Possis ex Servio etiam laudare, quod res Romanas seu regum Albanorum aggressus esse Maro fertur. Sed parum tuta haec, cum aliis ap. Pseudodonat. in Vita s. 28. (Vid. quae diximus ad vs. 1. *Wr.*) *aurem vellit*; notus admonendi mos, qui adeo in gemmis expressus. (v. Museum Flor. T. II, t. 22, unde in ed. Lond. Knapt. repetitus.) 5. *deductum carmen*, ex ipsa sententia apparet esse te-

nue, ut pastoritium; oppositum grandiori epico. Ita tamen adiectum expectes: tenui filo, ut ap. Horat. Ep. II, 1, 225 *tenui deducta poemata filo*. Est enim petitum hoc a lana in filum deducta. Ausus igitur est poeta *deductum* absolute pro tenui ponere; ex Afranio et Cornificio illustrat usum voc. Macrobius VI, 4, p. 595. 596.

6. *qui dicere laudes tuas cupiant*, qui carmen epicum condant. Magna vero cum venustate rem ad Vari laudes trahit: ac si hoc epici carminis argumentum constitutum habuisset. Varum autem res bello gessisse necesse est, ut eius *bella condi*, carmen de iis componi posset. v. Excurs. II.

9. *Non iniussa cano*, sed ab Apolline iussa; *iussis carmina coepta tuis* Ecl. VIII, 11; tenui ea *quident* carmine; si tamen non infeliciter a me elaborata erunt, ut sint, quibus placeant; haec ipsa quoque laudes tuas ornabunt. 10. *myricae* — *nemus* pro rure est pastoribus; qui

Te nemus omne canet; nec Phoebō gratior ulla est,  
Quam sibi quae Vari praescripsit pagina nomen.

Pergite, Pierides. Chromis et Mnasylos in antro  
Silenum pueri somno videre iacentem,  
Inflatum hesterno venas, ut semper, Iaccho; 15  
Serta procul, tantum capiti delapsa, iacebant,

# 16. PROCUL T. DELAPSA IACEBANT;

Burm. (*Legat praetulerunt* Voss. Spohn. et Iahn., nimiam, si quid video, modestiam poetae tribuentes; vid. Eleg. ad Messal. p. 59. sq. Ac sperasse Virgilium, inventura esse lectoris haec carmina, aperte indicant illa: „si quis captus amore leget“; retinendum igitur futurum. *Wr.*) 11 *est* a Leid. alt. abest. 12 *perscripsit* multi, malc. *praescribit* Parrhas. 13 Errores in his nominibus v. ap. Burm. *Cronus* et *Cronys* Goth. *Χρόνις*. *Μνάσυλος*. — 15. *venas hesterno* Ms. Bosii apud Cort. ad Lucan. I, 395.; qucm vide. *Wr.*) 16 *capiti tantum* Rottend. Saltem hoc malim a poeta profectum. (Sed vid. Not. *Wr.*) Quod nunc habemus, *procul tantum capiti d.*, vix habet quomodo satis bene iungas (vid. Not.), aut expeditas. Poterat tamen tum facile epitheton substitui et apponi *capiti*, v. c. *madido, tumido, fesso*. Potest quoque in capite versus mox excidisse videri *Vitea certa procul capiti delapsa*, male et importuno loco suppleta. Omnino ieiunus est versus, et multo magis *id iacebant* post v. 14 *videre iacentem*. (At vide, ut ex multis pauca afferam, vs. 84. sq. a Voss. laud. et vs. 5. sq. vid. Wunderl. Obs. in Tib. I, 9, 67. 4, 42. et quae notavi ad Ge. II, 125. *Wr.*) Tacent, qui in aliis diserti sunt. Nec Wakef. quicquam monet aut movet. (Weichert. Epist. crit. p. 39. *tantum* in *tacitum* mutari iubet. *Wr.*)

carmen repetunt. conf. ad v. 2 et Ecl. IV, 2. *pagina* nunc primum a poeta pro carmine dicta, ut *charitae* Horatio, hoc tamen Ennii exemplo; *pagina* hinc in Ciri, Culice, aliis. Vox a pastoris persona aliena adhiberi h. l. in bucolico carmine potuit, quum e poetae persona haec dicta sint; cf. ad Ecl. III, 85.

13. *Chromis et Mnasylos*. Faunorum vel Satyrorum nomina esse necesse est. Et ita Servius quoque. Rem poeta hic adornavit in artis quoque antiquae operibus obviam. v. Excurs. II\* ad h. l.

16. *Serta procul tantum c.* Hoc in loco me adhuc haerere fateor, nec, *procul tantum* quomodo bene iungi possit, video.

Graece dictum Faber accipit; satis longe; nec tamen declarat, quomodo sic dici possit. Comparat cum Graeco ἄλλως, ut sit pro sic, temere, ut casus tolerat, Dan. Heinsius ad Hesiod. *Egy.* 344, sed sine auctoritate. *tantum delapsa* iungunt, et *tantummodo* exponunt Turnebus et Cerda; ita vero quomodo *procul* iacent, si *tantummodo* delapsa sunt? nisi contendas *tantum* nove dictum esse pro *modo*, ut *ad tempus* referatur, quod alio exemplo nondum vidi confirmatum. (Praeclare Weichert. Epist. crit. pag. 39.: „*tantum* expl. I. H. Vossius p. 297. modo et ita vertit: *Ferne lag, nur eben dem Haupt entglitten der Laubkranz*. Hic significatus,

Et gravis adtrita pendebat cantharus ansa.  
 Adgressi, nam saepe senex spe carminis ambo  
 Luserat, iniiciunt ipsis ex vincula sertis.

17 *At gravis* Moret. quartus. 18 *ambo*; ita Pierii et Heins. meliores et plures; alii *ambos*. v. Heins. 19 *ex ipsis* Voss. pr. (*ipsis ex*, ut Ecl. IX, 36.: „argutos inter strepere anser olores.“ *Sp.*) *et vincula* Menag. sec.

Tursellino plane ignotus, rarissimus et a Vossio Valer. Flacc. I, 546. probatus est: addere possum Cicer. Ep. ad Div. VII, 23.: „*Tantum ex Arpinati veneram, cum mihi a te literae redditae sunt.*“ Sed, testor iudicii Tui elegantiam, quid lectoris intererat scire, utrum tempore longo an brevi ante sarta capite deciderint? Nonne hoc friget? (*Wr.*) Dicas *procul* relative dici, nec semper remotum ac longinquum significare; definiri quoque ac circumscribi per *tò tantum*: ut sit, *procul*, nempe a capite *tantum delapsa*, prope caput. Exempli usus huius in *procul* collegit Ouwens Noct. Hag. p. 415. Ita Servius accipiebat Aen. X, 835 *Arboris acclinis trunco*; *procul aerea ramis Dependet galea*. Ita *sarta procul iacebant*; cum restrictione tamen, quam vocant, ut essent *capiti tantum delapsa*. Verum etiam haec ieiuna sunt, et quovis bono poeta indigna; quod sensus quemque suus docebit. Quanto melius de Andromache Iliad. χ, 468 *Ἦριπε δ' ἐξοπίσω — Τῆλε δ' ἀπὸ κρατὸς χεῖρ δέσματα σιγαλόεντα*, *Ἀμπυκα* etc., et Hymn. in Dionys. 13 *τὸν δ' οὐκ ἴσχανε δεσμὰ, λύγοι δ' ἄπο τηλόσ' ἐπιπτον χειρῶν ἢ δὲ ποδῶν*. *longe lapsum temone* quoque dixit no-

ster Aen. XII, 470, et IX, 771 *Cum galea longe iacuit caput*; et Catullianum, de pinu: *Illa procul radicitus exturbata Prona cadit*: Epith. 107. Nec minus coacta sunt, si interpungas: *Serta procul. Tantum c.*, aut si ita iungantur verba: *videre iacentem, inflatum. Tantum sarta capiti delapsa procul iacebant*; ut Ecl. II, 3 *Tantum inter densas, umbrosa cacumina, fagos assidue veniebat*; ut supprimantur reliqua, scilicet eos illi soli, neminem comitem, nullum Faunum vel Satyrum, habenti, supervenisse, ut adeo vincere sertis potuerint. *Tantum sarta a capite pendentia et cantharus cum eo erant*. Si ad Graecam rationem refingere velis, aut esset πόρρωθεν ὅσον, ut ap. Theocr. I, 45 *Τυτθὸν δ' ὅσον ἄπωθεν* (pro τόσον ἄπωθεν, ὅσον τυτθόν), et 25, 37 *ἀπὸ χθονὸς ὅσον αἰείρων*; tantum, quantum a terra, h. paululum; aut τῆλε τόσον, τῆλε τοῖον, ut sit δεικτικῶς dictum, cum gestu, ut saepe Homericum τοῖον vel τόσον, v. c. Od. o, 404. 450, h. e. tantillum, non adeo longe, paullulum. Homericum itaque more efferres: κρατὸς ἄπο τόσον πολυάνθεμα στέμματ' ἔκειτο. (Nollem hunc versiculum Heynio excidisse. *Wr.*) Hoc saltem tolerabile; etsi vel sic poeta hic



Addit se sociam timidisque supervenit Aegle; 20  
 Aegle, Naiadum pulcerrima; iamque videnti  
 Sanguineis frontem moris et tempora pingit.  
 Ille dolum ridens, Quo vincula nectitis? inquit.  
 Solvite me, pueri; satis est potuisse videri.

## 20. SOCIAM, SUPERVENIT,

20 *timidisque* Leid. sec. a m. sec. (Comma, quod erat post *sociam*, omisi; vid. Q. V. XXXVIII, 3. *Wr.*) 21 *namque* aliquot antiqui Pier., tum Moreti unus et ed. Mediol. Est et in ed. Ven. 1472. et Goth. sec. 23 *Quid* ed. Ven., et Pier. in antiqu. aliquot codd. esse memorat; scilicet ex interpretatione.

paullo ieiunior est. Similitudinem habet, nihil tamen interpretationem iuvat, locus Catulli Epith. 66 de Ariadne: *Prospicit — Non flavo retinens subtilem vertice mitram* etc. *Omnia quae toto delapsa e corpore passim — Ipsius ante pedes fluctus salis alludebant.* Apud Statium Theb. VII, de Baccho turbato v. 149 *Non crines, non sarta loco; dextramque reliquit Thyrsus, et intactae ceciderunt cornibus uvae.* Et Prudent. Psychom. 687 *Scissa procul palla, structum et serpente flagellum Multiplici, media camporum in strage iacebant. capiti esse a capite, nemo dubitet, Graece dictum: Silius XVI, 468 veluti delapsa corona Victoris capiti foret.* (Nec sententia obscura mihi videtur, nec versus ieiunus. Virgilius fingit, Silenum vel sedentem, vel iacentem bibisse, et inter bibendum obdormivisse. Sic factum, ut nec cantharum e manu ille emiseric, nec sarta longe lapsa sint. *Procul* recte Servius explicat *iuxta*; verba *tantum capiti delapsa*, ut epexegesis voc. *procul*, comatis inclusi. Sic etiam patet,

voc. *tantum* non esse loco suo movendum; vid. V. L. *Wr.*) *Gravis cantharus*, vino plenus, inquit Burmannus; malim omnino vas magnum et capax designari. (de *cantharo* vid. Voss. et Wagner. ad Val. Flacc. II, 270. *Wr.*) Nam *pendebat* sc. *semi-supinus*, *tantum* non *eversus*. *adtrita*, frequenti usu. Variavit rem auctor Epithal. Auspicii in Anthol. Lat. et in Poet. min. Wernsdorf. Tom. IV, p. 481 *Ecce pater pando recubans Silenus asello; Cui lacer a summo pendebat cantharus armo.*

21. *iamque videnti*, expergefacto. Caussam pingendi afferunt sive iocum ac petulantiam, sive honorem, quod antiquissimo more, qui deinceps in diis agrestibus perstitisse videtur, deorum simulacra minio pingebantur. Notum, Iovem miniari solitum ap. Plin. XXXV, 45. etsi alia de caussa, ne lignum ab imbribus putresceret. Praefendum prius. 24. *satis est potuisse videri*, ut videamini me vincere potuisse. Petitum autem hoc, ut vincere vellent Silenum, quo ad canendum, quod vellent, eum cogere, ab eo,

Carmina, quae vultis, cognoscite; carmina vobis, 25  
Huic aliud mercedis erit. Simul incipit ipse.

Tum vëro in numerum Faunosque ferasque videres  
Ludere, tum rigidas motare cacumina quercus;  
Nec tantum Phoebo gaudet Parnasia rupes;  
Nec tantum Rhodope miratur et Ismarus Orphea. 30

Namque canebat, uti magnum per inane coacta

## 28. QUERCUS. 30. MIRANTUR

26 *ille* Ven. et Parrhas. 27 *Faunos silvasque* Vratisl. 28 *mutare* Lougob. Pierii, quod ille exponit, ut mutant arbores montium cacumina, transeant de monte in montem. *nutare* Parrhas. cf. Ecl. V, 5. (— 29. *Parnasia simplici s* recte; sic Medic. Ecl. X, 11. Ge. II, 18. III, 291. *Lyrnesus* Aen. X, 123. XII, 547. *Gnosius* Ge. I, 222. Aen. III, 115. V, 306. VI, 23. 566. IX, 305. *Wr.*) 30 *Ismarum urbem* ex Homero bene novimus: nunc *montem* memorari ne dubites; etiam Ge. II, 37 *iuvat Ismara Baccho Conserere*; quod unde poeta acceperit, non constat. Fuit etiam Ismaria palus, Herodoto memorata ad Maroneam VII, 199. *mirantur* e Rom. aliisque melioribus Heins. Vulgo *miratur*. (*Miratur* etiam 2. 3. 4. 8. 11., recte; vid. Q. V. VIII, 3, a. Et malui recipere, quod rationes criticae commendarent, quam quod plenius ad aures accideret. *Wr.*) *tanto* Leid. Post hunc in nonnullis libb. et edd. supposititius, et iam a Benedicto damnatus, versus: *Quantum omnis mundus gaudet cantante Sileno*: habet etiam Goth. uterque, alter ab alia manu, quae metrum vapulare nolebat, adscriptum habet alium versum: *Quantum Sileno silvae laetantur ovante*. Priorem versum ex Servii verbis consarcinatum esse vidit Io. Schrader. in schedis mss. Non autem semper τὸν quantum subiicitur tantum. Similis ratio erat Ecl. V, 82 sq. (vid. Lachmann. ad Prop. II, 6, 6. *Wr.*)

quod de vatibus memorari solet, qui repugnabant, nolebant *ἀ-τοχοί* fieri, deo impleri. Notum de Pythia. cf. Lucan. V, 116 sq. Furor enim ille, qui mentem occupat, spasmos haud mediocres afferre corporibus debuit, cf. Aen. VI, 47 sqq. Inde etiam in diis vaticinantibus hoc idem locum habuit; itaque Proteus vinculis constrictus apud Homer. Odyss. δ, 414 sq. et Ge. IV, 396. 439. Et Silenus ad Midam vinctus adductus (ap. Plutarch. Consolat. ad Apollon. Tom. II Opp. p. 115, D.) diu renuit ac repugnat. 26. *Huic aliud mercedis erit*; secundum illa: *vis haud ingrata puellis*. 27. *in numerum*, ad rhythmum sal-

tare, ut *παίξειν*. *Faunis saltantibus* adiungit *feras saltantes*, et subiicit *quercus moventes cacumina*, aut omnino, aut moventes in numerum. Tanta scilicet e cantu audito est voluptas; tanta carminis dulcedo: non autem haec in modorum concentu quaerenda, sed in argumenti mythici novitate et fabularum suavitate. (—30. *miratur*. Usus praesentis pro perfecto in comparatione notabis. Cfr. Tibull. II, 4, 55.: „*quidquid habet Circe*.“ *Wch.*)

31. Nota ad h. l. servata est Probi valde docta, sed bonis malisque permixta; partem inde mutuatus est Iulius Sab. cum loco e Varrone de LL. IV, p. 17.

Semina terrarumque animaeque marisque fuissent,  
 Et liquidi simul ignis; ut his exordia primis  
 Omnia, et ipse tener mundi concreverit orbis;  
 Tum durare solum, et discludere Nerea ponto 35  
 Coeperit, et rerum paullatim sumere formas;

32 *terrurum, unimaeque* Ven. et ed. Ven. *marisque* quatuor cum Goth. (et 2. 3. *Wr.*); et sic in edd., usque ad edd. Pulmann., in quas *ve* temere inductum miror ab Heinsio et Burm. esse servatum. Post v. 32 Goth. sec. subiungit versum: *Hinc hominum quondam genus et primordia rerum.* 33 *in his tres scripti* cum ed. Ven. 34 *concreverat* Mentel. uterque. *mundus* Rottend. 35 *ponti* Zulich.

Ex Apollonii Argonaut. I, 496 sqq. adumbratum hoc exordium est, ut iam notavit Ursinus. Macrobius VI, 2, p. 586 laudat loca Lucretii V, 453 sq. 447. 456. quem Maroni ante oculos fuisse manifestum est inde ab eo loco. *Semina* sunt elementa, non atomi Epicureae, ad quas ea revocant grammatici, inducti per voc. *inane*; sed sunt elementa per chaos sparsa; itaque *coacta* dixit semina, quae passim per vacuum ferebantur, nunc ad quatuor rerum genera redacta. *magnum inane*, et *anima* pro aere, et *liquidus ignis*, Lucretiana oratio. (Facile omnia haec ad Epicureorum doctrinam exigas, ut fecit Voss. Neque est, cur veteribus Grammaticis, Virgilium Epicureum fuisse tradentibus, fidem derogare velimus. Itaque *semina* atomos, *inane* vacuum illud, quod Epicurus ante mundi originem fuisse statuebat, spatium dici existimabimus. Certe nullo modo licet *inane* et *animam* h. l. pro synonymis habere, tota sententia reclamante. *Wr.*) *tener orbis*, ut *tenerae res* Ge. II, 343. *mollium terrae arva* Lucret. V, 778. *Chaos enixum terras* dixit Manil. II, 13 *Orbemque*

*sub illo Infantem; primum titubantia sidera corpus.* (*tener mundi orbis* coelum est ex Vossii sententia, utpote ex tenerissimis atomis conflatum; sed etiam res novae et quasi nondum adultae dicuntur tenerae. *Omnia exordia* sunt singulae res ex atomorum concursu natae; his rectius iungitur totum illud universitatis corpus, quam solum coelum. Et quum Silenus universum mundum his verbis complexus sit, deinde per singula eundo terram, mare, tum demum coelum, vs. 37. sq., memorat. *Wr.*)

35. *Tum durare solum et d.* Cecinit tum, ut terra coeperit indurescere et solidari, adeoque aquas discretas et a superficie intra certos fines et littora depulsas mari includere (cf. Lucret. V, 439. 448. 454. 488. 498 sq.), et paullatim herbis arboribusque vestiri. Eae enim sunt *formae rerum*, quae, exclusis aquis, in superficie telluris apparuerunt. cf. Lucret. V, 781. At *durare* quae-ras quodnam sit eius subiectum? *solumne*, ut sit, *durare se*, indurescere? malim, *orbis mundi* coepit *durare solum*, et reliqua. (Praestat prior explicatio. *Wr.*)



Iamque novum terrae stupeant lucescere solem,  
 Altius atque cadant submotis nubibus imbres;  
 Incipiant silvae quum primum surgere, quumque  
 Rara per ignaros errent animalia montis. 40  
 Hinc lapides Pyrrhae iactos, Saturnia regna,

## 40. IGNOTOS

37 *novum ut terrae* erat ante Heins.; sustulit ille *ut* ad fidem vetust. codd. 38 *utque c.* Rom. Pierii. *utque cadunt* Mentel. pr. a m. pr. et Leid. *submotis ignibus* idem Rom. cum ed. Ven. 1472. quod Pierius interpretatur summota aestate. (*Altius* superiori versui adiungendum videri, diximus in V. L. ad Aen. III, 250. *Wr.*) 39 *Incipiunt* Moreti quart. Leid. sec. 40 *errant* Moret. quart. et Mentel. tert. *currant* Ven. et Parthas. *per ignaros — montes* Rom. Pierii, it. ed. Ven. 1472, quod commendat et passive pro *ignotus* dici ostendit Heins., qui etiam Medic. laudat; atqui is ante v. 48 deficit. Tuetur vulgatam Burm.; proprium enim *notus* de sedibus ferarum. Quod quidem verum est; *ignarus* tamen doctius est altero: adeoque ad criticam rationem praeferendum erat. (Recepi *ignaros*, sed, ut Burmannus, explico: montes, qui antea animalia non viderant. Ut autem *ignaros* facilius potuit in *ignotos* mutari a librariis, sic ipsa montium commemoratio nihil novum videtur habere, quum silvarum nomen montium notionem includere soleat; hoc autem novum, animalia etiam creata esse, quae iam, ut ignota antea, ignari prius et expertes eorum mirari poterant montes. *Wr.*) 41 In cod. Franc. *Hinc lapides Pirre iactos, primordia rerum. Hinc hominum pecudumque genus, Saturnia regna*; in Voss. et Zulich. a sec. m. *Hinc hominum quondam genus et primordia rerum*; ita etiam in fragm. Moreti, nisi quod *regum*. Videtur interpolatio deberi iis, qui vide-

37. 38. 39. *stupeant — cadant — Incipiant*. Tempus praesens pro praeterito: canebat, *ut* stupuerint, ceciderint etc., sed valet hoc ad vividiores orationem. Dicta vero haec ornate pro, ut sol et caelum factum sit; levatis a terra, quam obsidebant, vaporibus et nebulis, collectus aer facit atmosphaeram; unde mox iterum pluviae in terras descenderent. (*Altius* cum particip. *submotis* iungit Wund.; non recte; ita enim quum fere redundet *altius*, non debebat in ipso versus initio collocari; iungendum igitur *altius cadant*, i. e. *ex alto cadant*; nam comparativo usus est poeta, quod antea humida mixta et iuncta erant siccis. Sed vid. V. L. *Wr.*) 39.

*Incipiant silvae*: cum primum silvae inciperent enasci cum animalibus. *montes ignotos*, in quibus tum primum ferae vagabantur.

41. Hominum originem iam exponere debebat; sed, et poeticam rationem et vetustissimorum philosophorum morem sequutus, fabulis eam involutam exponit: quas qui singulas vult cognoscere, adeat Nasonem aliosve mythologos, etiam Apollodorum. Delectare porro narratione pueros et puellam Aeglen instituerat. *Saturni regnum* ad diversum mythorum genus diversumque mythorum ordinem spectat, ut et subductus a Prometheo et hominibus impertitus ignis; suntque haec diluvio Deu-

Caucasiasque refert volucres, furtumque Promethei.

His adiungit, Hylan nautae quo fonte relictum  
Clamassent, ut litus, Hyla, Hyla, omne sonaret;  
Et fortunatum, si nunquam armenta fuissent, 45  
Pasiphaen nivei solatur amore iuveni.

bant, *Saturnia regna* non bene post Pyrrham poni. (Corruptum esse hunc versum, mihi est persuasissimum. Nam ex usu Virgilii, quem ubique in eiusmodi rerum enumeratione servatum reperies, verba *Saturnia regna*, quum nulla disiungantur a praegressis copula, appositionis loco ad lapides a Pyrrha iactos pertinentis habenda sunt. Quod quum ferat grammatica, ipsa res aspernatur. Quare aut omissa sunt nonnulla; quae quidem qualia fuerint, ex codd. ab Heynio commemoratis vix poteris suspicari; aut verbis *Saturnia regna* vitium insidet. Quid? si Virgilius scripserit *Titania r.*, ut homines ex istis lapidibus, quos iecerant Deucalion et Pyrrha, Titania proles utraque, ortos intelligas? et Pyrrha Titania dicitur Ovid. Met. I, 395. Regnum autem tribui Deucalioni a veteribus, probant loci in Nitsch. Lex. Mythol. pag. 612. sec. edit.-notati. Similiter Aen. XI, 483. in Parrhas. a m. sec. *Saturnia virgo* legitur pro *Tritoniu v.* Sic *Saturnia* tanquam ineptum glossema e textu removendum erit; nisi forte, leniore medicina adhibita, ita sanare hoc ulcus licebit, ut scribas *Saturnique*; vid. V. L. ad Aen. I, 2. *Wr.*) 42 *Caucasiasque*; sic vetustiores Pier. et Heins. (et 7. vid. V. L. ad Aen. I, 201. *Wr.*) *Caucaseasque* alii. *Caucaseosque* Reg. *Caucasea refert* Leid. *Promethi* Franc., sicque Serv. ad v. 78, ubi *Teri.* (vid. V. L. Aen. I, 30. *Wr.*) 43 *Hylan* Pier. et Heins. e melioribus. Vulgo *Hylam.* 44 *quo littus* ex aliquot mss. laudat. Pier. (— 45. *numquam* et *umquam*, non *nunq.* et *unq.* exarari solet in Medic. *Wr.*)

calioneo anteriora: sed in tali enumeratione ordinem temporum servare non necesse erat. (ne ab historicis quidem ubique servatur. Tacit. Hist. I, 50.: „Pharsaliam, Philippos, Perusiam, Mutinam.“ Annal. I, 10.: „Tarentino Brundusinoque foedere.“ cfr. Lips. ad h. l. et Wolf. ad Suet. Iul. 44. *Sp.* — vid. etiam Wunderl. ad h. l. *Wr.*)

43. Ex insignioribus antiquitatis mythis sunt Argonautica et res Hercules; ex his unus laudatur Hylas, Argo ad Mysiam impulsus, a Nymphis raptus et frustra ab Hercule quaesitus. v. Apollon. II, 1207 sq. Qui de eo egerunt, adscripti sunt in Not. ad Antonin. Lib. 26. 45. 46. Ad

antiquiores mythos referendi Cretenses, inque his Europae genus, Minos, cui nupta fuit Pasiphae. v. Apollod. III, 1. Eius amor tauri inter phantasmata est, quae poetica copia ornari possunt: itaque arripuit poeta et in eo moratur: haec una est ratio, qua tueri possis mythos tam promiscue memoratos, ut nec dilectus, nec ordinis ullam rationem idoneam reperire queas. *solatur amore iuveni*; elegantissima conversio, pro eo, quod simpliciter erat, *Pasiphaes amores canit*, quae fabula magna cum arte ad rerum praesentissimas imagines revocata apponitur. Sic poetae dicuntur *conqueri* eos, quorum fata canunt,

Ah, virgo infelix, quae te dementia cepit!  
 Proetides inplerunt falsis mugitibus agros:  
 At non tam turpis pecudum tamen ulla secuta est  
 Concubitus, quamvis collo timuisset aratrum, 50  
 Et saepe in levi quaesisset cornua fronte.  
 Ah, virgo infelix, tu nunc in montibus erras;  
 Ille, latus niveum molli fultus hyacintho,  
 Illice sub nigra pallentis ruminat herbas;  
 Aut aliquam in magno sequitur grege! Claudite,  
 Nymphae, 55

47 Servius: Calvus in Io: *Ah virgo infelix, herbis pascereis amaris.*  
 48 *auras* duo Moreti, quod et ipsum bonum esset. *falsas* — *auras* unus  
 Meutel. et fragm. Moreti. Sed Macrobius IV, 6 et Schol. Stat. V Theb. 590  
 agnoscunt vulgatam. 49 *est* abest a Medic. (Sic etiam vs. 74. vid. Q. V.  
 XV, 1. *turpes* idem Medic. *Wr.*) 50 *collo quamvis* unus Francii, ele-  
 ganti ordine. (Verum *collo* ita collocatum ineptam haberet vim. *Wr.*) *te-  
 nuisset* tres libri; unde Heins. coniicit *renuisset*, frustra; mox *quaesissent*  
 tres scripti. (— 51. Medic. *luevi*, sed expuncta a. *Wr.*) 53 *fulto*  
 Gud. a m. pr. *suffultus* Leid. Acute quaerit Io. Schrader., an in silvis hya-  
 cintholocus sit? et an tam parvo flore fulciatur bos? coniicit itaque: *suf-  
 fultus acantho*; (At quale hoc! Num igitur fruticibus, quo ex genere est  
 acanthus, incubuisse putabimus hunc bovem? stultum profecto, qui adeo  
 durum cubile molliori praetulerit! *Wr.*) scilicet in pratis quoque passim  
 arbores visuntur, et in saltibus loca sunt libera herbosa, *ἐλαμναι*. Et,  
*fultum* esse, ornatui inservit, si de recubante agitur. 55 in deest in  
 Zulich.

nunc *solari*. conf. 62. 63. 47. *virgo* h. l., ut puella, omnino  
 pro femina; nam nupta illa erat  
 Minoi. (Sic *virgo* de impudica,  
 aut virum experta saepe; cfr.  
 Taubm. ad Plaut. Cistell. II, 3,  
 77. Burm. ad Calpurn. Declam.  
 II. Interpp. ad Horat. Od. III,  
 14, 10. *Sp.*)

48 — 51. *falsis mugitibus*.  
 Proeti filiae insania correptae vi-  
 debantur sibi in vaccas mutatae  
 esse, mugiebant, et aratro iungi  
 se putabant. Est hic inter an-  
 tiquiores mythos historici gener-  
 is: primumque exemplum mor-  
 bi hysterici: a quo liberatae sunt  
 Proetides alvo purgata Melam-  
 podis opera. cf. Apollod. II, 2, 2  
 et Not. pag. 278 sq. Alia vid.

Kurt Sprengels *Beyträge zur Ge-  
 schichte der Medic.* I, 2, p. 37.  
 Fuit olim carmen, *Προϊτίδες*,  
 quod Theocrito tribuerunt: Sui-  
 das in *Θεόκριτος*.

52. *Ah virgo*, ut *κόρη*, puella,  
 etsi Minois uxor. *erras*, vagaris  
 per montes, tauri amati inse-  
 quendi caussa. At ille spreto  
 tuo amore, tamquam superbus  
 aliquis puer, *inter herbas ac flo-  
 res* recubans etc. 54. *pallentes* —  
*herbas*, *χλωράς*, virides; iam  
 Ecl. II, 47. III, 39. V, 16. *ilex*  
 vero *nigra* a nigricante virore.

55. *Claudite, Nymphae*. Ut  
 concitator et acrior reddatur  
 narratio, ingeniosa orationis con-  
 versione Pasiphae exclamans in-  
 ducitur. Observare iubet silvae



Dictaeae Nymphae, nemorum iam claudite saltus;  
 Si qua forte ferant oculis sese obvia nostris  
 Errabunda bovis vestigia; forsitan illum  
 Aut herba captum viridi, aut armenta secutum,  
 Perducant aliquae stabula ad Gortynia vaccae. 60  
 Tum canit Hesperidum miratam mala puellam.

56 *Dircaeae* Rottend. *nemori* fragm. Moreti. Distinguunt multi post *Dictaeae* et iungunt *Nymphae nemorum*, quo spectat Zulich. *Dictaeae, et Nymphae*, minus suaviter. 57 *Si quae* Leid. alt. a m. pr. *fata* pro *forte* Goth. pr. *ferent* ed. Dan. *vestris* quinq. codd. cum Goth. sec., quod et ipsum ferri possit. Verum *Si quae* ut εἴπωσ. εἰδὲν ap. Homerum, dictum est pro *ut*: occludite silvarum aditus, ut ille mihi in conspectum veniat, evagandi licentia adempta. (Meliora doceri qui cupit, adeat V. L. Aen. I, 577. *Wr.*) 59 *herbam* Medic. (at ultima litera expuncta. *Wr.*), forte *herba* in addit Burm. Sed est ex vitio scriptionis. cf. in eod. cod. Ecl. VII, 8. 13. 60 *Producant* fragm. Moreti. v. ad Ecl. I, 73. *Cortynia* passim codd., male. 61 *Tunc* tres ap. Burm. Parum suavis est iunctura horum versuum: *Tam canit* v. 61, *Tum Ph.* v. 62, *Tum canit* v. 64. Io. Schraderum video eo devenisse, ut v. 61 retraheret supra ante v. 54 *Et fortunatam*. (At recte Iahnus: „Proprius est usus part. *tum* in plurium rerum enumeratione; vid. Wunderl. ad h. l. et Gernhard. ad Cic. Offic. I, 7, 22; neque repetitum *canit* illius — Schraderi — sententiam firmat; vid. Not. ad Horat. Od. I, 3, 28. et ad Aen. V, 281.“ Ceterum in Medic. *capit* legitur sed supra scripta *n. Wr.*)

exitus, ne taurus, quem illa quaerit, elabatur; forte illum vaccam sequendo aberrare ad stabulum alienum. 56. *Dictaeae* a monte Cretae, Dicte. *nemorum saltus* sunt hic aditus ad silvas, angusti fere, asperi et confragosi, quae loca proprie *saltus* dicuntur. Aen. XI, 904. 905 Aeneas *saltus ingressus opacos* — *silvaeque evadit opaca*. 58. *Errabunda bovis vestigia*, h. gressus bovis errantis; *πλανοδίας βοῦς* dixit Auctor hymni Homericum in Merc. 75. Comparat Servius *εἰλίποδας βοῦς*. quod remotius est. 60. *Gortynia stabula* a Gortyne, Gortyna, Cretae urbe, ut sic, sprete Pasiphae, aliam amicam sequutus, ad stabulum vaccae perducatur, cum ille e Gnossicis armentis es-

set. Vix tamen cogit poetica ratio *Gortynia* tam anguste accipere; est enim omnino ornatus caussa appositum, quia res in Creta agitur, et intelligenda stabula vaccae nota ac consueta.

61. Atalantam canit, Schoenei f. Potest poeta *Hesperidum mala* omnino dixisse pro aureis; potest etiam sequutus esse veterem poetam, qui vere ex Hesperidum pomis fuisse illa Hipponomenis poma aurea inter decursum proiecta aut sinxerat aut crediderat. Idem tradit alter ex grammaticis ad Theocr. III, 40, et Maronem sequitur auctor Elegiae ad Messalam in Catal. v. 25. Vulgatius est, a Venere fuisse apportata illa poma: vid. Schol. ad e. l. Hygin. f. 185. Alia ad Apollod. Not. pag. 678.

Tum Phaethontidas musco circumdat amarae  
Corticis, atque solo-proceras erigit alnos.

Tum canit, errantem Permessi ad flumina Gallum

62 Male *Phaetontides* scriptum in ed. Burm. et al.; est enim *Φαῖδων* Sol. *Φαῖδοντιδης*. *amarae corticis* notat Servius propter genus; cum alibi ut Aen. VII, 742 sit masculinum. 63 *aque solo* Gudian. a m. pr., ita variatur fere; v. Ge. IV, 347. hic tamen non male; etsi *a* per se suppletur. (Non *a*, sed *in*; i. e. canit, ut solo fixae steterint, quae antea libere in-cesserant, arbores factae Phaethontides. *Aque* si dixisset poeta, videretur quasi cernere arbores istas ad tantam proceritatem succrescentes; quod subinsulsum foret. *IVr.*) 64 Tam importuna est Galli commemoratio in mediis fabulis, cum mox v. 74 ad alias fabulas de Scylla et Philomela procedat, ut semper molestum sensum in his verss. habuerim. Facilis tamen medela est, si versus transpositos esse intellexeris; quod si usquam, saltem h. l. factum arbitror; neque aliter Scaligerum sensisse constat. Scilicet versus 74—81 *Quid loquar* etc. usque ad *Infelix sua tecta supervolitarit alis* retrahendi sunt in suum locum ante hunc 64, utque post illos sequatur: *Tum canit, errantem*. (At formula *Quid loquar* vs. 74., qua utimur ad finem properantes, docet, ista non esse loco suo movenda. Negari tamen nequit, ex parte verum vidisse Scaligerum et Heynium. Sed sublata omnis difficultas, si, Vossium secuti, vss. 74. sqq. e Galli carminibus, ornandi amici causa, huc traductos esse statuerimus. Acute etiam Iahnus: „Magis etiam Heynius aberrat, versibus 64—73. post vs. 81. transpositis, quoniam in mediis fabulis importuna sit Galli commemoratio. Sed tamen in his etiam fabula Grynaei refertur, cui summatim tantum neque ipsis Sileni verbis narratae poeta commode Galli mentionem intextere potuit.“ Equidem fateor, me nondum expeditam habere de toto hoc loco sententiam. Ceterum *Permessi* scriberem, si ulla ex codd. auctoritas accederet; cfr. V. L. vs. 29. *IVr.*)

62. 63. *musco circumdat*, h. canit, quemadmodum Phaethontis sorores muscoso cortice circumdatae et in alnos mutatae fuerint. Dicunt enim poetae ea *feri*, quae *facta* narrare volebant; et tribuitur poetae ac vati tanquam auctori id, quod contigisse carmine suo exponit: ut iam ad vs. 46. (Exempla si quaeris, adi Gronov. Diatr. pag. 119. *IVr.*) Ceterum Phaethontis sorores mutatas esse in *larices*, communior fabula fert, populos noster ipse substituit Aen. X, 190, ubi v. Not. Piceas appellat circa fontem Padi sitas, Pades Gallis dictas, Plin. III, 16 s. 20 e Metrodoro. De electro, quod exsudare dictae sunt,

multis modis statui potest: quod satis constet, non habemus.

64—73. Intertextit his mythis Gallum suum ad Musarum chorum deductum et a Lino fistula Hesioidea donatum: an loco satis commodo, recte dubites: dum antiquissimis rebus innisceatur homo aevi Virgiliani. (Sed vid. V. L. *IVr.*) Per se quidem praeclarum est poetae commentum ad Galli laudem ab ingenio et poetica facultate. Ut poeticis studiis eum teneri significaret, ait eum errasse in Musarum recessibus. *Permessus* fl. Boeotiae ex Helicone monte descendens; declaratur hic mons per *Aonas montes*, ab Aonibus, primis Boeotiae incolis. v. Strabo

Aonas in montis ut duxerit una sororum; 65  
 Utque viro Phoebi chorus adsurrexerit omnis;  
 Ut Linus haec illi, divino carmine pastor,  
 Floribus atque apio crinis ornatus amaro,  
 Dixerit: Hos tibi dant calamos, en accipe, Musae,  
 Ascraeo quos ante seni; quibus ille solebat 70  
 Cantando rigidas deducere montibus ornos.  
 His tibi Grynei nemoris dicatur origo:

65 *Aonios* unus Pierii et Heinsii tres cum edit. Mediol. ex interpretatione. *Ionas* ed. Ven. 1472. *dixerit* Medic. (idem *montes*. *Wr.*) 66 *Atque* v. nonnulli et ap. Arusian. Messium. (At commode Wunderl. ad vs. 67.: „Notanda sunt verba *ut Linus*, sine copula adiecta. Cf. Ecl. V, 77. *dum — dumque — dum.*“ *Wr.*) 67 *hoc illi* Ven. 68 *armatus* duo. (*crinis* Medic. *Wr.*) 69 *Dixerat* fragm. Morct. *eia a. con.* Heins. *en aspice* Goth. sec. 70 *ante solebat* Ven. Parrhas. (*Ascraeo* Medic. et Serv. Dresd. *Wr.*) 71 *rigidos* quart. Moret. 72 *Grinei* et *Grynasi* aberratt. Sed est *Γρύνειον*.

IX, p. 615. (*Aonas* pro: *Aonios*; cfr. quos laudavi ad Nicephor. Blemm. pag. 22. *Sp.*) Finxit autem poeta haec ad exemplum Hesiodi in Helicone oves pascentis et in Musas incidentis Theog. 22 sqq. add. Nicand. Ther. 11. 12 *εἰ ἐτέον περ Ἀσκραῖος, μυχάτοιο μελίσσηντος ἐν ὄρεσιν, Ἡσίοδος κατέλεξε παρ' ὕδασι Περμησσοῖο*. (*Una sororum*; sic saepe sororum nomine appellantur Musae; vid. Huschk. ad Tib. III, 4, 45. *Wr.*) Quod omnes Musas Gallo adsurrexisse ait, honoris testificatio est, non tam ex suae aetatis elegantia a poeta illata, quam aevo iam heroico frequentata. Sic Iovi venienti assurgunt dii Iliad. α, 533. 534. 535. 67. *Ut Linus*. Duplici modo haec iungi possunt: aut, ut *divino carmine pastor* sit Linus, pro vulgari, pastor divini carminis seu cantus; seu, ut *dixerit* haec *divino carmine*: quod praeferam. (At displicet

sic nude adiectum *pastor*; itaque prior ratio verior. *Wr.*) *Linum*, supra IV, 56. cum Orpheo iunctum, memorat, nomen inter vetustissimae memoriae vates clarum, servatum illud partim fama ac mythis, partim carminibus, quae eius esse ferebantur. Nunc ille cum Musis versari narratur et earum iussu fistulam Hesiodi Gallo dare. Cur apio coronatum dixerit, caussa non constat: nisi ad argumentum lugubris cantus in eius mortem spectat: de quo cantu multa occurrunt vel in Pausania. *Ascraeus senex* Hesiodus a vico Boeotiae Ascra. Novum vero hoc, quod nunc Hesiodo tribuitur, id quod de Orpheo sollemne est, silvas eius cantum esse sequutas.

72. 73. *Grynium* seu *Grynia* oppidum Aeolidis in Asia minore, fano et oraculo Apollinis, quod in luco amoenissimo situm erat, nobile. vid. Strabo XIII, p. 923 B. (622). Paus. I, 21 f.



Ne quis sit lucus, quo se plus iactet Apollo.  
Quid loquar, ut Scyllam Nisi, quam fama secuta est,

73 *Nec* Goth. uterque. *Nec qui sit lucus* Rottend. sec. et Mentel. alter a m. pr. *quo plus se* Ven. et Zulich. cum Goth. pr. 74 *Quid loquar aut Scyllam Nisi quam f.* Sic Medic. cum aliis vett., ut et Goth., sicque edd. Aldd. pr. et sec., ut tamen interpungant: *Quid loquar? aut.* At Nanger. in tertia emendavit *ut Scyllam*: estque ei lectioni auctoritas e cod. Rom. et suffragantur viri docti, in his Brunek.; et fatendum est, orationem ita fieri leniorem. Gronov. Obs. I, 22 etiam ingeminat: *Quid loquar, ut Scyllam Nisi, ut, quam f.* Suppleri quidem potest *ut*, toto sententiarum ordine recte instituto, ex v. 78 *Aut ut m.* Altera tamen ex parte non minus proclivis fuit lapsus, ut mutaretur *ut* in *aut*: nec minor auctoritas est Romano quam Mediceo codici. *Quid loquar? an Sc. N. aut unus Pier. in Scyllam Nisi Parrhas.* Porro *aut Sc. N.* aut *quam f. s.* in Pulmannianas illatum: nec constat auctoritas. Recte itaque Heinsius secundum codices expulit alterum *aut*. Idem observat, interpolationem hinc ortam, quod duas Scyllas, Nisi alteram, alteram Phorci et Crataeidis (apud Homer. Od. μ, 124. cf. Ciris 65 sq. et ibi notata. Hygin. f. 199 et Muncker), confundi hic nolebant viri docti; quod tamen passim factum. vid. Heins. Ovid. Epist. Sabini I, 33. Perizon. Animadverss. hist. c. 9, et passim alii; etsi non tam confundere dicendi sunt poetae fabulas, quam potius varios narrandi modos sequi; quod bene monuit doctiss. Ouwens Noct. Hagan. p. 389 sqq. *an Scyllam Nisi an quam* fuerit qui emendarent, apud Taubmannum. *Fama loquuta est* tres ap. Burm., sed male post *quid loquar.* A Medic. abest est; Rom. narraverat. Ceterum in Voss. et Reg. ante v. 74 erat vacuum spatium, quo apponi scilicet alio pigmento fabulae argumentum posset. (Quum non una ratione hunc versum emendare liceat, non potest ad liquidum adduci, quid scripserit Virgilius; nec quidquam h. l. pro certo affir-

add. Burm. ad Aen. IV, 345. In magnas difficultates iniegit interpretes, quamquam ipsi satis sensisse non videntur, Serviana aliqua lacinia ad h. v. *Hoc autem* (quod de Gryneo nemore narratum fuerat) *Euphorionis continent carmina, quae Gallus transtulit in sermonem latinum, unde est illud in fine Ecl. X, 50 Ibo, et Chalcidico quae sunt mihi condita versu Carmina.* De his v. Excurs. Si tamen, interpretum nulla ratione habita, verba ipsa sequi in animum induxeris, nihil aliud dici videas, quam, Linum fistulam Hesiodi Gallo dedisse, quo Gryneum nemus cantaret. Quo nihil aliud significari potest quam, Gallum aut carmine tractasse fabulam

ab Hesiodo in parte aliqua τῶν ῥηϊῶν memoratam, aut ad Hesiodi imitationem seu scripsisse seu inolitum esse opus, quo oraculi Grynei aut Apollinis Grynei fabulae seu historiae exponerentur. Praebuisse autem eas satis materiae ad carmen condendum, discere licet ex iis, quae in Servianis ad v. 72 exposita sunt de Gryno Eurypyli f., de Pergamo Neoptolemi et Andromaches filio, de Calchante et Mopso. cf. Not. ad Apollod. p. 655. 73. *Ne quis sit lucus, quo se plus iactet Apollo;* quod simplicius Callimach. in Del. 269 οὐδέ τις ἄλλη Γαϊάων τοσσόνδε θεῶ πεφιλῆσεται ἄλλω.

74. *Quid loquar.* Pergit commemorare Silenii carminis argu-

Candida succinctam latrantibus inguina monstris 75

Dulichias vexasse rates, et gurgite in alto

Ah! timidos nautas canibus lacerasse marinis;

Aut ut mutatos Terei narraverit artus;

Quas illi Philomela dapes, quae dona pararit,

77. MARINIS? 78. AUT,

mari potest, nisi hoc: vitiosam esse lectionem per codd. tantum non omnes propagatam et ab ipso Servio confirmatam: *Quid loquar aut Scyllam*. Quam quum ipse antea probassem, — nunc Iahnium ita edidisse video — ita tamen, ut comma, quod est post *loquar*, tolleretur, mox retractavi sententiam. Nam ut taceam, illud *Quid loquar aliquem* non satis convenire ei, qui nihil, nisi rerum ab alio narratarum memoriam repetat: scabra et minime Virgiliana oratio, quae ita existit, vitium subesse manifesto indicat. Quis enim paulo melior scriptor ita loquitur: „Quid loquar Scyllam, — Aut ut mutatos Terei narraverit artus“? Nempe hoc ita comparatum esse debebat: „Quid loquar Scyllam, — aut ut Tereus mutaverit artus.“ In re adeo incerta textum Heynianum mutare nolui; et vid. Q. V. XXXX, 3. Illud tamen fateor, nihil videri aptius huic loco, quam quod Doering. in Programm. supra laud. proposuit: *Quid loquar, ut Scyllam Nisi, aut quam* etc. Hoc aut in uno se invenisse testatur Pierius; sed quomodo excidere potuerit, quaeritur. Aut humanae incuriae hoc tribuendum, aut, quod fortasse maiorem veri speciem habeat, festinantes librarii *Nisi* particulam esse, non nomen, opinantes, eiectione, quod male intrusum videretur, illo *aut, nisi quam* scripserunt; nihil autem illis familiarius esse debebat, quam hoc ipsum *nisi qui*. *Wr.*) 75—77 iidem versus in Ciri 59. 60. 61. (— 75. Rom. *subcinctam*. *Wr.*) 76 *gurgite vasto* Goth. sec. a m. sec. (*Dulichias* Medic. vid. Schneid. Gramm. Lat. Vol. I. p. 199. *Wr.*) 77 *At Menag. canibus nautas* unus Moreti et Leid. *vexasse* Rottend. alter pro *lacerasse*. 78 *Terei* Voss. prior et Serv., ut 42 *Promethi*. 79 *pararet* Mentel. pr. *pararat* Rottend. sec.

mentum, non Galli versuum; brevitatis autem studio strictim tantum fabulas percenset. Quid loquar, ut narraverit Scyllam, aut ut Tereum mutatum narraverit, h. fabulas de Scylla et Tereo. Scyllam nunc facit poeta Nisi filiam, quae aliis poetis alia ac diversa est, Phorci quidem filia. v. Var. Lect. De Ulyssis, dum praeterveherentur, sociis a Scylla devoratis nota fabula. vid. Odyss. μ, 265. *quam fama secuta est*, simpl. quam ferunt, *μυθοῦνται*, (expressit voc. *φάρτις*, *φήμη*, pro *μῦθος*, fabula) habentem inguina succincta cani-

bus marinis, ex alvo eius prodeuntibus, infestasse Ulyssis navem et socios eius devorasse. Versum 75 et formam monstrosam Scyllae illustrant numi, gemmae et alia monumenta. Alia v. in Excursu ad h. l. 76. *vexasse*, habuisse hoc vocabulum paullo maioris atrocitatis significatum apud veteres contendunt, et defendunt Virgilium, Gellius N. A. II, 6. Macrob. VI, 7. Serv. ex Probo h. l. Videtur poetae animo insedissee Homericum *βλάπτειν*. *Canes marini*. v. Excurs. ad h. v. (*Dulichias rates*, una tantum quum fuerit. *Wr.*)

Quo cursu deserta petiverit, et quibus ante 80  
Infelix sua tecta supervolitaverit alis?

Omnia, quae, Phoebō quondam meditante, beatus

80 *Quae cursu deserta* Ven. et Parrhas., non male, sed *Quo cursu* melius respondet *quibus alis. petierit* Parrhas. et Reg. Vulgata est ap. Schol. Stat. Theb. III, 503. 81 *supra volitaverit ales* Rom. *ales* etiam Medic. a m. sec. Ciris 50 de altera Scylla: *ut tenui conscendens sidera penna Caeruleis sua tecta supervolitaverit alis.* 82 *quodam* Medic. *quae quondam Phoebō m.* Goth. sec.

80. Pendet a superioribus: *ut narraverit, quas dapes paravit — petiverit — volitaverit.* Nota vel ex Ovid. Met. VI extr. fabula. Trepidavi olim in hoc loco, dum non meum sensum sed alios interpretes consulueram, qui Philomelam in lusciniā mutatam avolasse in silvas volunt, et ante, antequam volaret, suas aedes circumvolitasse aiunt. Poeta, puto, eos sequitur, qui Philomelam in hirundinem mutatam esse memorarunt, ut multi fecere: vide v. c. Apollod. III, 14, 8. cf. Notas p. 842 sq. Conon. c. 31. Appositis autem epulis, ex Ityis filii membris paratis (*dapes* — *dona*), illa cum sorore statim profugit, insequente cum ferro Tereo; hinc illud: *quo cursu deserta petiverit.* Mox, Tereo instante, sorores in aves mutantur; tum Philomela hirundo facta ingenioso lusu narratur aedes suas circumvolare, quasi pristinae sedis desiderio: Stat. III Silv. 5, 98 *Non sic Philomela penates Circuit amplectens animamque in pignora transfert;* et de altera Scylla in avem mutata Ciris 51 *ut tenui conscendens sidera penna Caeruleis sua tecta supervolitaverit alis.* Similiter de Callisto in ursam mutata Ovid. II Met. 490 *Ah quoties, sola non causa quic-*

*scere silva, Ante domum quondamque suis erravit in agris.* Quo cursu et quibus alis dicta eleganter pro quomodo; sic Aen. I, 750 *Nunc quibus Aurorae venisset filius armis, Nunc quales Diomedis equi, nunc quantus Achilles,* pro: multa rogans super Memnone, Diomede et Achille. (vid. quae notavi in V. L. ad Aen. I, 8. Sed ex parte tantum vera est haec explicatio; nam verba *quo cursu* aliter sunt accipienda; vid. quae statim disputabo. *Wr.*) Tum *tecta ante sua* iungenda sunt, quod iam alii monuere, ut in Ovidii loco: *quondamque suis in agris,* etsi parum suaviter adiectum sentio. Attamen alterum, ut *ante* sit antequam deserta peteret, non minus molestum est. Cursus, *quo deserta petivit,* videri possit esse bacchatio, qua illa, mariti scelere comperto, ad locum prosiluit, quo soror occlusa latebat: Ovid. I. c. 590. 594 sq. Ne tamen sic statuas, poeta ipse intercedit; nam *post* paratas iam epulas et appositum filium, *cursum in deserta* commemorat, et tunc demum Philomela in avem mutatur. (Nihil in his obscurum. Primum non video, quare Virgilium illos putemus secutum, qui Philomelam in hirundinem mu-



Audiit Eurotas, iussitque ediscere laurus,  
 Ille canit; pulsae referunt ad sidera valles:  
 Cogere donec oves stabulis, numerumque referri 85

### 83. LAUROS 85. REFERRE

83 *edissere* Parrhas. *edicere* Pierius exhibet, et laudat ex vet. *ramos*. *laurus* Medic. et Ven. Heinsii. (In reliquis casibus quum hoc voc. secundae declinationis esse voluerit Virgilius, in accusativo plural. tamen quartam secutus videtur. Et praeter hunc locum eadem forma exstat in Medic. Ecl. VIII, 82. et Aen. III, 363.; posteriore tamen loco quae u prius fuerat, commutata est in o. Semel *lauros* exhibet Medic. Ecl. VIII, 13.; sed *laurus* eo loco manifeste agnoscit Charisius. Neque hoc praetereundum, quod Servius Dresd., haud raro optimarum lectionum vestigia servans, in eiusdem Eclogae, VIII, versu proximo, 83., quum *laurum* singul. num. requirat ibi ipsa oratio, *laurus* dedit, quod ex superiore versu adscitum videtur. Ac si quaeritur, qui factum sit, ut adeo rara haec forma in codd. appareat, causam eius rei redditam videbis in Q. V. XVI, 4. vid. Broukhus. ad Tib. II, 5, 63. *Lauros* probat Cort. ad Lucan. I, 287. *IVr*.) At *myrtos* ad Eurotam plantaverat Catull. Epith. Thet. 89. Statius autem *oleas* IV Theb. 227. Monuit Io. Schrader. 85 *referri* optimus quisque cum Medic. a m. sec., qua exquisitiore ratione usus interdum Virgilius, ut Ge. I, 130. II, 316. Aen. III, 61. vid. Heins. idque ipse praeferam. Regius etiam: *numeroque referri*. Sunt tamen veteres grammatici, qui alterum, *referre*, laudant. (Sed horum in tali re saepe perexigua auctoritas. Originem mendi si quaeris, vix potest dubitari, quin *referre* praegresso *cogere* accommodatum sit a librariis; et quam saepe vicinorum vocabulorum terminatio corrumpendi causa fuerit, docebit magnus exemplorum numerus in Q. V. VI, 1. memoratorum. Procliviores autem ad errandum librarios h. l. fecit rarior constructionis conversio; defensa tamen Aen. V, 772. sq.: „et

tatam referunt. Deserta magis conveniunt luscinae, in silvis degenti, quam hirundini, sub tectis nidificanti. Vocolam ante cum verbis *sua tecta* iungi ipse locus, quem illa tenet, non patitur; itaque Philomela, luscina facta, tecta sua supervolitavit ante, quam deserta petiit. Neque haerendum in voc. *cursu*. Nam ut taceam, cursum interdum pro volatu dici, ut apud ipsum Virg. Aen. VI, 194. cfr. Heins. ad Ovid. Am. II, 6, 11., verba *quo cursu*, i. e. *quali cursu*, indicant ipsam mutationem, quam subierat Tereus; neque enim solito iam cursu, sed novo, ut volucris, ferebatur. Vid. etiam

Voss. Langius in Vindiciis Tra-goediae Romanae pag. 50. illud *quo, quibus*, gravius interrogantis esse contendit, coll. Aen. III, 337. *IVr*.)

83. Amavit Hyacinthum, Oebali filium, Spartanum, Phoebus. vid. Ovid. Met. X, 162 sqq.; ad Eurotae itaque, qui Laconicae fl. est, ripas saepe lyra cecinit; (*lauros*: regionem Amyclarum ad Eurotam arboribus optimis consitam fuisse, refert Polybius V, 19. *IVch*.) quae ille cecinerat, nunc repetit Silenus. *meditante*, v. ad Ecl. I, 1. *pulsae* sc. vocibus, sonis, ut resonarent. (vid. Huschk. ad Tib. II, 1, 66. *IVr*.) 85. Silenus usque ad no-

Iussit, et invito processit Vesper Olympo.

Tempestatibus agnam Caedere deinde iubet solvique ex ordine funem.“  
Vid. etiam V. L. ad Aen. III, 61. *Wr.*)

ctem canit. Sed quam poetice *Olympo*, quod caelum aegre fe-  
hoc expressum! *numerum referre*, rebat, nocte ingruente carmen  
cf. Ecl. III, 34. *Vesper* est He- finiri. Contendi possunt Popia-  
sperus, Veneris stella. *invito* na *Pastor.* III, 97.

---

---

## E C L O G A VII

### MELIBOEUS

#### ARGUMENTUM

Meliboeus pastor narrat, se, cum aberrantem caprum quaerebat, in Corydonem et Thyrsidem incidisse, qui, assidente Daphnide, cantu erant decertaturi; obtemperasse se Daphnidis hortatibus, ut ipse assideret et cantantes audiret — 20. Inde Corydon primas, Thyrsis secundas, partes carmine amoebaeo ita sustinent, ut, quemadmodum Ecl. III distichis, sic nunc tetrastichis, seu quaternis versibus, comprehensa carmina decantent, sena uterque, Corydon diversi quaeque argumenti exorsus, Thyrsis, aut similia ac paria aut contraria afferendo. Habet adeo carmen non nihil ex dramatico genere, quo ipso maiorem delectationem facit. Locus, in quo consederant, est sub umbrosa quercu a favonio leviter agitata, inter apum susurrus, in vicinia Mincii fluvii, et quidem ea parte, qua armenta potum ducebantur. Etiam in hoc carmine putidum esset referre allegorias, quas commentum sunt interpretes, cum haud dubie nihil aliud spectarit poeta, quam ut ad Theocritei Idyllii VI imitationem illud carminis amoebaei genus exprimeret, quod narratione alicuius pastoris, qui interfuerat certamini, continetur. Nec omnino magnam inventi laudem Maro habet in hoc carmine. Nova arte ac varietate expressit Eclogam Gesnerus in *Lyca et Milone*. Propert. II, Eleg. extr. 67 hoc carmen respicit: *Tu canis umbrosi subter pineta Galaesi Thyrsin et attritis Daphnin arundinibus*. Non quasi Maronem narret haec in agro Tarentino cecinisse; verum paullo argutius respectu ad Ge. IV, 126 habito, ubi illorum locorum amoenitatem praedicat Maro.

---



# MELIBOEUS. CORYDON. THYRSIS.

M. Forte sub arguta consederat ilice Daphnis,  
Compulerantque greges Corydon et Thyrsis in unum,

## 2. UNUM;

1 *sub antiqua* Schol. Horat. Epod. 2. *considerat* Mentel. a m. pr. et Regius, exquisitiore forma; sed tuentur h. l. Grammatici antiqui vulgatam. (Summi inter Batavos Critici, Nic. Heinsius, Io. Fr. Gronov., Broukhus., Burmann. uterque, alique — vid. inprimis, quos laudat Drakenb. ad Silium V, 3. et Arntzen. ad Plin. Paneg. c. 16. — certatim veteribus scriptoribus verbum *sidere*, maxime autem ex eo composita, pro verbo *sedere* restituant; et quoties fere Perfectum *sedi* legitur, aliam quandam formam, *sidi*, non solum commendant, sed etiam in texta recipiunt. Ut pauca de multis afferam: Heinsius Ovid. Ep. XVII, 190. *residit*, et Broukhus. Propert. III, 7, 37. *sidisse* inferunt, quum omnes, nisi fallor, codices *resedit* et *sedisse* tueantur. Vossius de Analog. l. III. c. 26., quo comprobet illam Perfecti formam *sidi*, unum affert locum Columell. XII, 24.; sed ibi optimos libros *sederit* praeberet, Schneiderus testatur. Prudenter etiam Drakenb. ad Liv. II, 29, 6. illam Perfecti formam a Livio areendam indicat. Et quod apud Tacit. Annal. I, 30. *considerant* in edit. Gronov. legitur, Lipsius, Ryckius, Ernesti, Oberlinus ne commemorant quidem. Audiendi sunt in tali re Grammatici; qui quidem tantum abest ut eiusmodi formam proponant, ut Priscianus l. X, 4, 23. neget se invenisse Perfectum verbi *sidere*. At eodem libro, inquit Broukhus., idem haec habet: „*Sido* praeterea *sidi* facit.“ Vix credas oculis! leguntur haec non ita longo post illa intervallo, §. 29. Ergo tam brevis fuit memoriae Priscianus, ut illa, quae modo scripserat, oblitus plane his contraria tradiderit? Levius est in his verbis vitium, quod *praeterea* editur, quum dubitari vix possit, quin *Praeteritum* scripserit Priscianus. At illud primum iure mireris, quum cetera, quae ibi afferuntur, omnia exemplis a Prisciano illustrentur, nihil hic adici, quo comprobetur illud *sidi*. Quid, quod ita ille pergit: „Cuius — *sido* — Praeteritum in usu non est, — debuit enim *sisi* esse; sed utimur Praeterito *sedeo* verbi, id est *sedi*, pro supradicti quoque verbi — *sido* — Praeterito.“ Apparet igitur, pro *sidi* scribendum esse *sedi*; vid. V. L. ad Aen. III, 565. Atque ut hoc addam: qui potuit Priscianus illud *sisi* comminisci, si *sidi* exstare noverat? Itaque omnis res eo redit, ut verba *sedere* et *sidere* saepissime confundi in codd. dicamus; — ita apud Quintil. Inst. Or. II, 1. quum *subsedeat* ipsa flagitet sententia, codices tamen plerique *subsidiat* exhibent — et, quum *e* atque *i* infinitis locis inter se permutentur, non esse mirandum, si pro *sedisse* interdum *sidisse* et similia inveniamus. *Considerat* pro *consederat* etiam Medic. Aen. X, 780. *Wr.*) 2 *Compulerat* Rottend. (et duo Mss. Cortii, quem vid. ad Lucan. I, 115. *Wr.*)

1. *arguta ilice*, levi cum surro ac murmure, seu sibilo venti, agitata. Sic Graecis arbor ἄρδι, σφρίζεται, μελίζεται, ψιδνρίζει. Expressum vero hoc initium carminis ex Theocr. Idyll. VI, 1 sq. et VIII, 1 sqq. Ipsa Me-

liboei narratio habet summam et ἀφέλειαν et suavitatem. *Illicem* in agro Mantuano non nasci, ut nec pinum, nec iuniperum v. 24, notat Castelvetrius. Sed Rayi et Matthioli auctoritate eum refellit Martinus. Saltem

Thyrsis oves, Corydon distentas lacte capellas,  
 Ambo florentes aetatibus, Arcades ambo,  
 Et cantare parēs, et respondere parati. 5  
 Huc mihi, dum teneras defendo a frigore myrtos,

### 3. CAPELLAS;

*gregem* alter Rottend. cum Pierii ant. cod. (— 3. *ovis* Medic. *Wr.*)  
 5 *certare pares* Leid. *et respondere periti* coni. Io. Schrader., ut in  
 Theocr. *ἄμφω σφιγμένω δεδομένω, ἄμφω ἀσίδεν*. Scilicet et hoc bene  
 scriptum esset; sed poeta maluit alterum. (melius *parati*, quod promptam  
 facultatem exprimit. Wunderl. ad vs. 69. haec scribit: „Ceterum cum  
 Thyrsis victus pronuntietur, vides, cur supra v. 5. *ambo*, Corydon et Thyrsis,  
*respondere parati* dicantur, non *respondere periti*.“ *Wr.*) 6 *Huc*  
*mihi* revocavit Burm., ut in Medic. et aliis antiquis libris, it. Goth. sec. a  
 m. pr. *Hic mihi* erat in Ald. pr. et hinc descriptis, *Huc* a Naugerio re-  
 ceptum; quod iterum eiecit in Pulmannianis et aliis hinc per Belgium du-  
 ctis. Interpretatur tamen *Hic* Servius. *teneros* Voss. *myrtus* Gud. (*myr-*  
*tus* plur. num. editur. Ge. II, 64.; sic ibi et Medic. et Lips. Obl., et for-  
 tasse etiam ceteri; sed Ge. IV, 124. *myrtos* in omnibus. Itaque nolim  
 temere pro certo aliquid affirmare. *Wr.*) conf. Not. Cum *frigus*, quod

poetae patrius ager notior esse  
 debuit, quam ut in hoc peccaret.  
 Male autem hic *Daphnis* con-  
 funditur cum altero illo, mythi-  
 co, Ecl. V. 4. *florentes aetati-*  
*bus*, ut poeta dixit, ambo flo-  
 rente aetate. 5. *Et cantare pa-*  
*res*, h. pares cantando, et uter-  
 que amoebaeo carmine praestans:  
 hoc expressit *paratus* ad *respon-*  
*dendum*, quod in eo genere dif-  
 ficillimum est. Nemes. Ecl. II,  
 16 *ambo aevo cantuque pares*.  
 Similes adeo ii, qui nunc Italii  
*Improvisatori* dicuntur. Quod  
 vero *Arcades* ambo sunt, id per  
 se otiosum non esset, cum is  
 populus musica maxime delecta-  
 retur; ipsa etiam legum disci-  
 plina, ad molliendos hominum  
 nullis urbibus habitantium mo-  
 res, ea arte erudiebantur pueri;  
 erant itaque inter eos plures, qui  
 in ea excellerent. Est tamen al-  
 tera ex parte, quod parum con-  
 venire videtur, cum in agro Man-  
 tuano v. 12. 13 illi greges pa-

scere dicantur. Alterutrum igi-  
 tur ne memoraret, poeta cavere  
 debebat. (Potius ita existiman-  
 dum: latere nos, quae fuerit eius  
 rei ratio. Arcades servi post de-  
 letam Corinthum in Italiam ve-  
 nisse videntur Vossio; nihil au-  
 tem impedit, quin ab illis hos  
 pastores ortos putemus. *Wr.*)

6. *defendo a frigore*, vindico,  
 tegendo eas stramine, sarmentis  
 etc., ne frigore urantur. Sed hic  
 ea difficultas iam antiquis (v.  
 Serv.) animadversa oritur, quod  
 aestivo tempore tota huius Eclo-  
 gae res agi videatur, in quo, in-  
 primis clementi Italiae caelo, a  
 frigore nullus metus esse potest.  
 Descenderunt adeo viri docti ad  
 emendationem: vid. Var. Lect.  
 Enimvero agi hic *de verno tem-*  
*pore*, ut statuamus, et *umbra*  
*quercus* et *arundinis tenerae* men-  
 tio, et *apum susurrus* permittit,  
*depulsi* vero a lacte *agni* et *dis-*  
*tentae lacte capellae* etiam iu-  
 bent; exitu enim auctumnali oves

Vir gregis ipse caper deerraverat; atque ego Daphnim

Adspicio; ille ubi me contra videt: Ocius, inquit,  
Huc ades, o Meliboeë; caper tibi salvus, et haedi;  
Et, si quid cessare potes, requiesce sub umbra; 10  
Huc ipsi potum venient per prata iuveni;

## 7. DAPHNIN

myrtos exurat, per aestivum tempus parum bene memoratum videretur: Vossius delet *a* explicabat: *defendo myrtos frigore* h. umbra, ne aestu exurantur. Burm. coni. *Hic ego dum teneros defendo a frigore fetus*, ut haedos intelligat, quos in aprico loco posuerit. Ita vero eadem difficultas mauet, unde tantum frigus per aestivum calorem veniat. Nec aliter se res habet, si cum alio viro docto *mutres* substituas. Io. Schraderus inter alia tentabat: *defendo a sidere*, h. sole. Nunc vid. Not. 7 *at ego* Leid. *atque Daphnin* alter. *Daphnim* multi Heins. v. ad II, 26. 8 *ipse* Zulich. *ubi contra* Leid. 9 *ut haedi* coni. Burm., qui in h. l. argutatur. 10 *potest* fragm. Moreti. *velis* Leid. 11 *veniunt* Leid., quod placet. (Displicet Vossio. Ceterum quare *iuveni* scribere maluerit poeta, non *iuvencae*, discas ab Huschk. Tib. III, 4, 67. *IVr.*)

in his Italiae locis parere appareret. Adderem versus 46. 47, sed vid. ad 53. Ineunte autem vere non raro uri arbores nocturno frigore videmus, et *myrtos* frigoris impatientes esse docet Martinus; et regio ista ultra Padum frigidior. conf. Serv. ad v. 47. (Recte autem addit Spohnius, ab iis, quae sint poetae propria in hoc carmine, probe distinguendas esse fictas rerum imagines, quales in amoebaeis carminibus saepe interponantur. Ceterum structuram verborum *dum defendo — deerraverat* Wunderlich. illustrat ex Liv. XXIII, 11.: „*dum haec geruntur — venerat Mago.*“ Adde Aen. VI, 171—174.: „*forte cava dum personat aequora concha, — — Inter saxa virum spumosa immerserat unda.*“ Vid. omnino de hoc usu coniunctionis *dum* Heindorf. ad Horat. Sat. I, 5, 72. et V. L. ad Ge. IV,

559. *IVr.*) 7. *Vir gregis ipse caper*: habet a Theocrit. VIII, 49; *ipse caper* deerraverat, adeoque et haedi totusque grex; hinc versu 9 *caper tibi salvus et haedi*. (vid. Q. V. XVIII, 2, b. *IVr.*) Animadverterat eos et in tutum locum compulerat Daphnis v. 9. Sed idem Meliboeus armenta pascebat; quibus adiunctum capellarum et ovium gregem habebat. conf. v. 11 et 15. (Iuencos dici Daphnidis, non Meliboei, ait Vossius; addit causam Spohnius, quod singuli pastores unius generis gregem pascere solerent. Sed Ecl. III, 3. 6. 29., quem locum ipse Spohnius, mutata videlicet sententia, margini adscripsit, idem pastor et ovium agnorumque et boum gregi praeest. Et ipse orationis color Meliboei iuencos h. l. intelligi iubet. Ceterum docet Vossius, capras, postquam Novembri concepissent, Martio mense pa-



Hic viridis tenera praetexit arundine ripas  
 Mincius, eque sacra resonant examina quercu.  
 Quid facerem? neque ego Alcippen, neque Phyl-  
 lida, habebam,  
 Depulsos a lacte domi quae clauderet agnos; 15  
 Et certamen erat, Corydon cum Thyrside, magnum.  
 Posthabui tamen illorum mea seria ludo.  
 Alternis igitur contendere versibus ambo  
 Coepere: alternos Musae meminisse volebant.

## 14. NEC PH.

12 *pertexit* Voss. prior. *protexit* Zulich. et Leid. sec. *virides etiam protexit* Franc. *viridis ripas* iungere nemo dubitabit. (Vossius iungit *viridis Mincius. Wr.*) 13 *atque* Longob. sec. Moreti et Zulich. *hic* quart. Moreti. Pierius memorat a viris nonnullis doctis recitari: *eque cava.* 14 *neque Ph.* fragm. Moreti. (et hoc revocavi. vid. Q. V. XXXII, 1. et 5. *Wr.*) 15 *quae clauderet haedos* Medic. Sic conveniret cum v. 7 et 9; sed in marg. *agnos. pasceret agnos* fragm. Moreti. (— 17. Auson. Mosella vs. 206.: „*sua seria ludo Posthabet.*“ *Wr.*) 18 *A. ergo c.* Rottend. sec. 19 *alternis Musae cecinisse volebant* nusquam legitur: quod magis expeditum esset. *alternos M. m. volebam* Medic. (sed apud Foggin. *volebant* exaratum; et ita scriptum videtur Freytagio, qui codicem oculis usurpavit. *Wr.*) cum Menag. et pro var. lect. in pr. Moret., uti Serv. alios legere ait, ut sit sensus: *Optabam, o Musae, meminisse alternos, h. omnia, quae dixerunt, tenere, nam et in fine dicturus est: Haec memini.* In vulgari lectione, quam tamen Messius Arusianus et Nonius

rere solere; tribus post mensibus a lacte depelli; sed quae his conciperent, Ge. II, 150., autumnali etiam tempore gignere, Ecl. I, 14.: et eiusmodi haedos h. l. et Ecl. III, 34. commemorari. — De vi particulae *atque* vid. Q. V. XXXV, 22. *Wr.*) 12. Mincius enim non longe a Mantua lacum efficit et palustres ripas habet. cf. Ecl. I, 49. 52 et Notas. Ge. III, 13—15. Ea facie ille a nostris quoque hominibus describitur. Cf. Aen. X, 205. *sacra quercus.* Ge. II, 16 *habita Graiis oracula quercus.* (Iovi Dodonaeo sacra.) Ornamenta sunt petita ex Theocriti I, 106. 107. conf. Ecl. I, 54 sqq. Mox *certamen* pro certantibus.

15. *Depulsos a lacte agnos*, h. a matribus. v. Ecl. I, 22. III, 82, atque adeo infirmos et curae diligentioris egentes. (Agni nascebantur Novembri aut Decemse, Ecl. II, 21., et quatuor mensibus post depellebantur. Voss. — 16. *certamen, Corydon c. Th.* in minore edit. Heynius cum his comparat Aen. V, 339.: *tertia palma Diorea. Wr.*) 19. *alternos Musae meminisse volebant.* Si haec vera lectio est, in hunc modum exponenda forte sit: Musae, *quae amant alterna*, Ecl. III, 59, hanc legem carminis dicebant, ut alternos versus meminissent, seu recitarent; h. e. ut versibus alternis canerent. vid. Var. Lect. (Vossius: „Vo-

Hos Corydon, illos referebat in ordine Thyrsis. 20  
 c. Nymphae, noster amor, Libethrides, aut  
 mihi carmen,  
 Quale meo Codro, concedite; proxima Phoebi

Marcellus agnoscunt, ieiuna est sententia, quocunque te vertas; sive ut ad duo pastores referatur, ut in Nota feci, sive ut ad Meliboeum, ut vulgo accipitur; ut sit: *Musae volebant me meminisse alternos*; h. iubebant. Musae iubent canere, non vero meminisse ea, quae ab aliis canebantur; etsi nemo dubitet, carmina audita pastorem memoriae mandare potuisse, ut Ecl. IX, 38. 45. 53. Equidem totum versum insititum esse arbitror; supplere vetus poetaster voluit id, quod provide Maro omiserat, cum scripsisset: *Alternis igitur contendere versibus ambo*; *Hos Corydon, illos referebat in ordine Thyrsis.* (Ut infinitivus habeat, ex quo pendeat, verbum, quale est *coepere*, h. l. necessarium est; itaque versus 19. abesse nequit. *Wr.* — Videtur tamen Heynius *contendere* absolute dictum accepisse, ut esset, qui dicitur, infinitivus historicus. Sed qui Virgilii morem callet, omisso hoc versu desiderari aliquid sentiet. Plenius quiddam os huius poetae sonat. *Wr.*) 20 *Haec Corydon* Franc. 22 *concedunt* Menag. alt. *proxima Phoebo* alter Rottend. et Leid. male.

*lebam* antiquae pro *vellem*.“ Cur antiquum dixerit, nescio; huius Indicativi haec est ratio, ut indicet id, quod ita esse potuit, sed non fuit. At certe bene multa Meliboeus memoria tenuit; et cupientis est *velim*, *vellem*, non volebam. Spolnius haec habet: „Musae volebant me illorum versuum memorem esse; ideoque eos referre possum, ut illi referebant in ordine, i. e. sese excipientes.“ Sed vis, quae inest in repetito voc. *alternos*, non videtur hoc admittere. Ego Heynii explicationem praefero, ab ipso Virgilio Ecl. III, 59. commendatam; quod autem poetae, quae canerent, doceri a Musis se perhibebant, canentes meminisse ea, quae quasi didicerint, dici possunt. Wunderl. *meminisse* Graeco more dictum putat, ut sit *aggredi*, *tractare*, uti saepe *μεμνήσθαι*; et erunt fortasse, qui hoc sequi malint. *Wr.*)

21. Quae sequuntur, parva sunt carmina quaternorum versuum (*Quatrains* dixeris), sui ac

diversi singula argumenti. *Libethrus* fons est cum antro in Helicone. v. Strabo IX, p. 629 A. τὸ τῶν Λειβηθρίδων νυμφῶν ἄντρον, alius, isque antiquior, in Pieria; qua de re disputatum in Commentat. de Musarum religione p. 44 (in Commentat. Soc. Gott. Tom. VIII). conf. Martin. et Cerda. Videri possunt Musae h. l. inter Nymphas referri: ut vulgo statuunt. (vid. Voss. h. l. *Wr.*) Possunt tamen deae loci, Nymphae, non minus a pastore h. l. invocari, quam Arethusa Ecl. X, pr. (Scilicet hoc utique tenendum, quod Hermannus in Dissert. de Musis fluvialibus *Epicharmi et Eumeli* p. 6. docet: Musas quidem nymphas esse, sed non omnes nymphas Musas; et nymphas fontium, Ecl. X. init., ut quae mentes divino afflatu impleant, nonnunquam Musarum loco a poetis invocari. *Wr.*) 22. *Codrus* nomen pastoris, quem iam supra memoravit cantu certantem Ecl. V, 11. (Scholia a Maio edita: „Codrum

Versibus ille facit; aut, si non possumus omnes,  
Hic arguta sacra pendebit fistula pinu.

T. Pastores, edera nascentem ornate poetam, 25  
Arcades, invidia rumpantur ut ilia Codro;  
Aut, si ultra placitum laudarit, baccare frontem  
Cingite, ne vati noceat mala lingua futuro.

c. Saetosi caput hoc apri tibi, Delia, parvus  
Et ramosa Micon vivacis cornua cervi. 30

## 25. EDERA CRESCENTEM

24 *His a Ven. pendebat* Voss. pr. *quercu* Zulich. a m. pr. pro *pinu*.  
*pino* Gud. pro div. lect., ut Ecl. VIII, 22. 25 *nascentem* Medic. a m. pr.  
cum nonnullis aliis ap. Pier., Heins. et Burm., forte ex interpretatione alte-  
rius, quod minus obvium. (*Nascentem* est prior Medicei lectio; quod quanti  
sit momenti, in Praefatione expositum videbis; sic etiam praestantissimae  
Servii Editiones cum Serv. Dresd. Et rectius *crescentem* ex interpretatione  
ortum existimabis. Tum *nascentem* et optime respondet vati futuro  
vs. 28., et maius hoc est, quod vel nascens poeta tantam Codri invidiam  
in se convertere potuerit. *Wr.*) 26 *Codri* Moret. sec. et Gud. a m. sec.  
27 *placidum* Longob. Pier. et Goth. pr. 28 *ne puero noceant mala signa*  
Glossator Barthii Adv. 37, 5. *futuro* in Voss. altero ab eadem manu super-  
scriptum *susurro*. 29 *Saetosi* scripturam Burm. e libris emendavit. *Setosi*  
vulgo. (Fuisse, qui capri legerent, ex Servio discitur. Quod ex eo ortum esse,  
quod librarii, vel grammatici, metro metuentes, *hocc* requiri putaverint,  
probat Vossius. *Wr.*) 30 *Micon* reposui: vid. sup. ad III, 10. Vulgo

plerique Vergilium accipiunt, alii  
Cornificium, nonnulli Helvium.  
Valgium Codri poetae mentionem  
in suis carminibus fecisse, tra-  
dunt eadem Scholia et Servius.  
*Wr.*) 23. *aut, si non possumus*  
*omnes*: versus facere proximos  
(ita exp. τὸ *proxima*, neutrum  
absolute positum) (ut supra:  
*Triste lupus stabulis*, et: *Dulce*  
*satis humor*. Ceterum vid. Doe-  
ring. ad Catull. L, 6. *Wr.*) eius  
versibus; pro, si eum aequare  
carmine non licet. *proximus* h. l.  
dignitate et praestantia. conf. ad  
Tibull. III, 5, 3. *sacra* (Pani) ut  
v. 13. Ovid. Met. X, 103. 104.  
(Qui ab aliqua arte discedebant,  
eius instrumenta Diis suspende-  
bant sacrabantque. *Cerda*. vid.  
quos ille laudat. *Wr.*)

25. *nascentem poetam*. De se  
loqui Thyrsin puta. Obtrectat  
scilicet laudibus Codri. 27. *ultra*  
*placitum*, si plus, quam ipsi  
placet, h. videtur, laudamur ab  
eo; si Codrus nos immodice et  
praeter veritatem laudat. Est  
autem fascini genus notum, ut  
immodica laude efferantur ea,  
quibus quis invideat. v. *Cerda*.  
De *baccare* vid. ad Ecl. IV, 19.  
(— 28. *Vates* idem, quod su-  
pra *poeta*. Si maius quiddam et  
sanctius significare voluisset Vir-  
gilius h. l., ut Vossius statuit et  
Wunderl., mutato verborum or-  
dine scribendum ei fuisset: *ne*  
*noceat vati m. l. f.* *Wr.*)

30. Mirantur, quod de alieno  
pastore agat Corydon, non de  
se. Verum sunt haec, ut dixi-



Si proprium hoc fuerit, levi de marmore tota  
Puniceo stabis suras evincta cothurno.

*Mycon.* *Myco* alter Menag. (sed vid. V. L. ad Aen. VIII, 506. *Wr.*) *parvos* (a m. pr.) *Et raros Amycon* Medic. (*parvos* est prior lectio Mediceï; *u* suprascripta recentioris est formae. Praeterea notat Fogginius, prius in Medic. scriptum fuisse *Amicon*. *Wr.*) 31 *leni* duo, ut solent. 32 *suras stabis evincta* Goth. pr.

mus, parva carmina promiscue cumulata. Nunc id, quod sequitur, est epigrammatis genus seu votum a pastore Micon Dianae factum, cui similia sunt in Anthologia graeca. Supplendum vero „Micon tibi dicat, quod, te propitia, feliciter venatus fuerit.“ (Epigrammatum est, plura etiam omitti. vid. Arrian. I, 16. *Wch.*) At obscurum est quod sequitur: *si proprium hoc ac perpetuum fuerit*, quoniam, poetae incuria, non certam habet interpretationem ex ipsis verbis aut ex re, quid illud sit, quod per *hoc* designetur. Dicitur aliquid esse *proprium*, h. e. perpetuum, usu et fructu certum ac tutum, firmum et stabile. (Cornel. Nep. Thrasyb. c. 4.: „parva munera diutina; locupletia non propria esse consueverunt.“ *Wr.*) De hoc nemo dubitet. Sed quaeritur, quid *hoc* sit. Cum dedicentur spolia ferae ex venatu, videtur elici posse e Miconis persona: si tam felici venatu perpetuo uti contingerit etc.; hoc sequuntur Serv., Cerda et Burn. (Recte; bene etiam Wunderl.: „Nec rara sunt loca, in quibus pronomina ad rem referuntur, quam in prioribus magis significavit, quam elocutus est scriptor.“ Vid. not. ad Viger. pag. 178. extr. *Wr.*) Hoc sensu Aen. VI, 872 *propria*

*haec si dona fuissent*. Ut reddas cum aliis: „si quidem habitus iste tibi proprius est,“ fieri vix recte potest; nam et friget hoc, et deberet ita esse *est*, non *fuerit*. Alii apud Servium *proprium hoc* ad gregem, quem pascebat (ita responderet vs. 36 *si fetura gregem suppleverit*), alii ad id, quod v. 21 sq. petierat, ut carmen sibi, quale Codro, contingeret, referunt. Volunt scilicet haec ex Corydonis persona dicta esse, ut comparationem instituere dicatur Corydon: Micon tibi haec capita cervi et apri dicavit, o Diana; at ego statuam marmoream, quod maius est, tibi ponam, si proprius ac perpetuus grex hic fuerit. Enimvero sic impedita huius versus manet ratio; et adversatur hoc, quod mox alterum epigramma, etiam ex alterius pastoris persona subiicitur. De *proptomis* ferarum Dianae consecratis et ex arbore suspensis nota res, et rotus locus Spanhemii ad Callimach. in Dian. cf. Aen. IX, 407. 408 *Dona — si qua ipse meis venatibus auxi Suspendive tholo aut sacra ad fastigia fixi*. Sunt quoque huius generis epigrammata: ut Analect. Tom. II, pag. 295. 32. Antiquo more in statuis etiam marmoreis vestitus coloribus pingi solitus; ita h. l. pedum indumentum. In Epigr. in

T. Sinum lactis, et haec te liba, Priape, quot annis  
Exspectare sat est: custos es pauperis horti.

Nunc te marmoreum pro tempore fecimus; at tu, 35  
Si fetura gregem suppleverit, aureus esto.

c. Nerine Galatea, thymo mihi dulcior Hyblae,

33 *haec tibi liba* multi apud Heins. et Burm. cum Goth. pr., quod magis vulgare esset. (At aliud est: *tibi sat est*, aliud *sat est te exspectare*; illud ex Priapi, hoc ex loquentis persona dictum; idque solum huic loco convenit. *Wr.*) 35 *et tu* Rottend. *ac tu* Menag. 36 *greges* Goth. sec. 37 *Nunc Galathea thymo* — *mihi* Parrhas., aperta aberratione. *Nerine*: ex *Νηρεϊνῇ*, a *Νηρεΐς*. Alias est *Νηρηϊνῇ*, a *Νηρηΐς*.

Aeneidem: *Marmoreusque tibi, dea, versicoloribus alis In morem picta stabit Amor pharetra. Cothurno*, quod calceamentum venatorium est, Diana fere conspicua in signis et gemmis. *evincta* potest esse, a pede ad suras usque; nisi est simpliciter vincta: ut Aen. I, 337 *Purpureoque alte suras vincire cothurno*. Livius Andronicus in Inone apud Terentian. Maur. de Metris: *Iam nunc purpureo suras include cothurno* (forte ad Inonem nutrix, ut Dianam illa imitetur). *stabis* vox sollemnis: tibi statua ponetur: expressit locum hunc Statius II Theb. 725 sqq. (*tota*, non herina tantum. *Voss.*)

33 — 36. Etiam hoc, ut dixi, epigramma est, Priapi signo affixum, ut innumera alia; idque votum ei factum. Signum eius est ex marmore (sane a pastore ligneum expectabas), ad quod sacra quotannis fiunt pastoritia: ponet ex voto auream statuam, (nimis ambitiose pro pauperis pastoris persona!) si deus propitius fuerit. (Sed magna loqui et *κομπάζειν* Thyrsim, ac, Micone magna Dianae pollicito, maiora et in ridiculum aucta

Priapo promittere Virgilius facit de industria, ut vidit acute Vossius; vid. etiam Q. V. XX, 3. Ceterum Asper in Scholiis a Maio editis: „Sinum est vas vinarium, ut Cicero significat, non, ut quidam, lactarium. — Sinum ergo vas patulum... e sinus vocitatum.“ an *proprie sinus v.*? Sic *sinus* apud Attam in iisd. Scholiis laudatum. *Wr.*) 34. Idem color in Tib. I, 1, 19 sq. Sat est tibi haec a me quotannis offerri. 35. *pro tempore*, ut tempus et res ferebat, *ἐκ τῶν παρόντων, ἐνόντων, ὑπαρχόντων*. 36. h. si bona ovium fetura fuerit.

37. *Nerine Galatea*. Nerei et Doridis filia fuit, Nympha illa marina a Polyphemo adamata, quam tamen hic Corydon, Nympham pastor, tanquam suam amicam, ut vesperi ad se veniat, appellat. Scilicet poeta tantum in hoc elaboravit, ut Theocriteum carmen exprimeret Idyll. XI, 19 sq., uti etiam fecit Ecl. IX, 39 sq. Sic sup. v. 26 *Arcades* pastor memorat, qui inter Mantuanos vivebat. (Sed vid. not. ad vs. 5. *Wr.*) Quamquam hoc ipso minor carminis suavitas

Candidior cyncis, edera formosior alba,  
 Quum primum pasti repetent praesepia tauri,  
 Si qua tui Corydonis habet te cura, venito. 40  
 t. Immo ego Sardoniis videar tibi amarior herbis,  
 Horridior ruscò, proiecta vilior alga:  
 Si mihi non haec lux toto iam longior anno est.

38. ALBA; 41. SARDOIS

38 *cigno* alter Rottend. (*Cygnus* Ecl. VIII, 55. Aen. I, 393. XII, 250. literam *g* in Medic. habet; quae est deterior scriptura, orta ex molliore pronunciatione, qua usos esse constat Romanos in iunctis his literis *cn. Wr.*) 39 *repetunt* multi ap. Heins. quod et ipsum defendas. *praesepia* fragm. Moreti, vitiose. 40 *tibi* Ven. 41 *Sardois* ex Gr. Σαρδῶος. vid. Intt. ad Sammonic. de Medic. pag. 431, sicque editum statim in Ald. sec. Sed Medic. cum aliis Heins. Longob. et Medic. Pierii, et Goth. sec. *Sardoniis*, ut et ipsi Gr. Σαρδόνιος. Σαρδόνιον κατὰ νῦνα Theocrit. XVI, 86, nec aliter expressum in edd. antiquis et Ald. pr. *Sardonis* Gud. bini Leid. et Ven. *Sardiniis* Pierii duo. vid. Heins. (*Sardoniis* uterque Lips. *Sardois* qua auctoritate nitatur, si a codd. Hafnienss. discesseris, vix dicas; nec Pierius, nec Heinsius indicant libros, in quibus hoc legatur; neque pro certo affirmari potest, id in ullo codice ab iis inventum esse. Servii quoque praestantissimae Edit. et Serv. Dresd. praescriptum habent *Sardoniis*. Ac videtur *Sardois* aut alteri lectioni *Sardonis*, scriptura tantum a *Sardoniis* differenti, — nam pro duplici *ii* simplex solebat a veteribus pingi — aut, quod probabilius, Servio deberi, a Sallustio commemorari herbam *Sardoam* adnotanti; vid. Q. V. XVI, 1. Quodsi exquisitiora sectaris, poterit hoc, quod Sallustius posuit, vulgarius videri, exquisitius *Sardoniis*, quod revocandum putavi. *Wr.*) *videor* alter Menag. et ed. P. Dan. *videat* fragm. Moreti. *tibi ritherior* alt. Menag. a m. pr., aberratione calami ex seq. *herbis*. 42 *rusto* Giph. ind. Lucret. ex mss., ut Ge. II, 413. *visco* Parrhas. 43 *totoque* Voss. *est* deest Parrhas. *anno st* Medic. a m. pr. (*annost* in Medic. superscripta *e. Wr.*)

esse debet, quod in vera vita istae fabulae minus iucundae sunt. De *Hybla* cf. Ecl. I, 55. *edera alba*, vid. ad Ecl. III, 39.

41. Thyrsis suam et ipse amicam invitat, ut vesperi ad se veniat; desideriique sui impatientiam declarat. Per *Sardoniis* *herbas*, batrachii s. ranunculi, *Hahnenfuss*, genus intelligunt, cuius magnus in Sardinia erat proventus; vis eius caustica, ut, si cruda folia cuti imponantur, pustulas, ut ignis, faciat, Plin. XXV, 13; succus autem potus insanire facit, et inter alias membrorum contractiones eos oris

spasmos efficit, ut ridere videantur. v. Martin. ad h. l.; hinc de risu Sardonio res notissima. cf. Tzetz. ad Hesiod. p. 26 ed. Heins., quem male in ipsum Homerum intulerunt Od. v, 302. *amarior*, nam δριμύτατον appellat Dioscorides; et hinc *amaror mellis Sardoi*. 42. *Ruscus* virgultum breve, acutis foliis et pungentibus. Serv. conf. Martin. Iterum memoratur Ge. II, 413; nostris *Mausdorn* esse dicitur. *alga*, herba marina vario genere, quae tempestate in littus elici solet. vid. ibid., conf. Cerda. 43. Quanta venustas in illo Theocr.



Ite domum pasti, si quis pudor, ite iuveni.  
 c. Muscosi fontes, et somno mollior herba, 45  
 Et quae vos rara viridis tegit arbutus umbra,  
 Solstitium pecori defendite; iam venit aestas  
 Torrida, iam laeto turgent in palmite gemmae.

45 *mollior alba* Parrhas., forte pro *alga*, quod repetitum ex v. 42. Burm.  
 46 *Et quae nos rura* fragm. Moret. *nos* etiam coniciebat Io. Schrader. *Et quae rara tegit viridis vos* Goth. sec. 48 *lento* Medic. a m. sec. (*leto* cod. uterq. Lips. et haud dubie multi alii libri; quod quum et *laeto*, et *lento* legi per se posset, fortasse, si hoc curassent priores Critici, non tantus reliquorum codd. consensus protegeret lectionem *laeto*. Ac satis crebro *lentos* et *laetos* a librariis permutari, multis locis docuerunt V. V. D. D. *Laetae* dicuntur arbores, quum frondent; vid. Huschk. ad Tibull. II, 3, 3. at palmes gemmas agens nullis dum frondibus vestitus est; quare ab h. l. alienum videtur hoc epitheton. Egregie contra Ge. II, 363.: „dum prima novis adolescit frondibus aetas, — et dum se laetus ad auras Palmes agit.“ Quod autem legitur Ge. II, 262.: „ante — quam laetum infodias vitis genus;“ et sensu paululum differt, et aliud est *laetum vitis genus*, aliud *laeta vitis*; nam quod universo generi tribuitur, non semper singulis tribuere licet; vix autem puto, Virgilio hoc placitum fuisse: *quam laetam infodias vitem*. Denique ne illud quidem plane praetereundum, quod epitheton *laetus* non satis convenit pastori, aestivo, qui instabat et per gemmas palmitum instare significabatur, solis fervore minime laetanti. Itaque *lento* restituendum videri poterit. *Wr.*)

XII, 2 οἱ δὲ ποθεῦντες ἐν ἡματι γηράσκουσι. 44. *si quis pudor*, increpat boves, quasi dicat, pudeat vos pastos tam tarde domum procedere, et me ab amicae amplexu distingere.

45. Felicius fuit poeta in hoc et altero tetrastichio: (cur felicius? vid. quae notavi ad vs. 33. *Wr.*) alter frigus et umbram per aestivum tempus laudat, alter focum hiberno tempore. *somno mollior herba*, ex Theocrit. expressum Idyll. V, 50 εἴρια ὕπνω μαλακώτερα. τάπητες ὕπνω μαλακώτεροι XV, 125. cf. Valck. p. 405. 406. *molliis somnus* solenni epith. Ge. II, 470, non minus ac *molliis herba*; hinc comparatio ducta. Ceterum v. 45—60 cum Theocrito certavit Idyll. VIII, 33 sqq. 46. *arbutus*, vid. ad Ecl. III, 82. *rara vero umbra*,

aut ut ad naturam arboris humilis nec admodum patentis respiciatur, (hoc verum videtur; nisi forte arbutos per intervalla positas, raras igitur ipsas, fuisse existimes. *Wr.*) aut pro anni tempore, verno, needum adulto; (ita Voss.; sed quomodo hoc tempus cum solstitio conciliari possit, non video. *Wr.*) aut, quod praestat, ut *rara* non urgendum sit, epitheton ornatus causa appositum, ex ipsius umbrae, intervallis distinctae per frondes, natura; ut Ecl. V, 7. (sed racemorum ibi memoratorum paucitas non potest cum foliorum copia recte comparari. *Wr.*) Dictum vero pro: *et o arbuti, quae legis eos* etc. h. et o arbuti, quae legis fontes cum herba. (vid. Vecliner. Hellenolox. p. 240. Sp.) 47. *Solstitium pe-*

τ. Hic focus, et taedae pingues, hic plurimus ignis  
Semper, et adsidua postes fuligine nigri. 50

Hic tantum Boreae curamus frigora, quantum  
Aut numerum lupo, aut torrentia flumina ripas.

c. Stant et iuniperi, et castaneae hirsutae;

49 et plurimus Menag. pr. (De positu adverbii *semper* vid. Huschk. ad Tibull. III, 1, 2. *Wr.*) 51 *Hinc tantum* Servii tempore nonnullos legisse colligas e scholio ad v. 49. 53 Hunc versum sequenti subiicit Moreti quart. At doctus Britannus, qui mox Corydonis amicam Phyllidem laudari meminerat v. 63, ne nunc ipsi amica eripatur a Thyrside v. 59, versus ordinem mutabat, et post v. 52 subiiciebat tetrastichon 57 — 60 et Corydoni asserebat; alterum vero: *Stant et iuniperi*, Thyrsidi. Ita vero Thyrsin tanto manifestius inconstantiae reum facit, qui intra paucos versus Aleixidis et Lycidae amorem profitetur. Scilicet fugiebat virum doctum, quod supra monuimus, non ex sua persona pastores haec canere, sed esse parva carmina in medium allata. (Si quid mutatum velis, concinnior existeret ordo, si tetrasticha 53 — 56. et 65 — 68., tum 57 — 60. et 61 — 64. sibi responderent. Quod cur statuam, facile intelligitur. Verum ne continuo transponenda iudicemus, vetat reliqua oppositorum ratio. *Wr.*)

*cori defendite*, h. calorem ac vim solis in solstitio constituti, s. simpliciter, aestivi, a pecore prohibete. Horat. Od. I, 17, 3 *Faunus igneam defendit aestatem capellis* etc. Cic. Cat. mai. 53 *uva vestita pampiniis nec modico tepore caret, et nimios solis defendit ardores*. Sic ἀρκεῖν, ἐπαρκεῖν, ἀμύνειν, ἀλέξειν, ἀλάλκειν. Mox v. 48 *turgere, δογᾶν*. Ornamenta huius versus avide arrepta sunt ab aliis poetis, Ovidio et al.

49. *taedae*, ligna, e picea, seu pinu. Versus ex Theocr. XI, 51. 50. *postes fuligine nigri*, utpote in paupere tugurio sine καπνοδόκη. 51. Ex Theocrit. Id. IX, 12. 13 et 19. 20. 21. 52. *numerum lupo*, ut numerato pecori parcat. (numerus eum non deterret. *Wch.*) Ita nec curat ripas torrens, quibus coerceri debebat; nec ad focum curat frigus pastor.

53 — 56. Corydon hoc eloqui

vult: esse quidem eius loci ac montis iucundissimam naturam, cum sit arboribus consitus iisque frugum plenis; at Alexidis absentia omnem istam rerum suavitatem obscurari. *Stant* simpl. est sunt. (*Stant* amplius quid significat h. l., quam *sunt*; nam ex verbis vs. 55. „omnia nunc rident“ apparet, anni tempus indicare voluisse Corydonem. Hinc *stant iuniperi et castaneae* valet: fructibus, baccis et echinuis horrent. Sic stare saepe de re horrida aut rigida: Aen. II, 333.: „stat ferri acies mucrone corusco.“ VI, 652.: „Stant terra defixae hastae.“ Ge. III, 368.: „Stant circumfusa pruinis Corpora magna boum.“ sic etiam aliquoties: „steterunt comae.“ *Wr.*) Expressa sunt Theocritea VIII, 41 — 49. conf. sup. Ecl. V, 32 sq. Iam satis monitum, in his carminibus, quae per alterna eduntur, singulis tetrastichis singulas easque

Strata iacent passim sua quaque sub arbore poma;  
 Omnia nunc rident: at, si formosus Alexis 55.  
 Montibus his abeat, videas et flumina sicca.  
 t. Aret ager; vitio moriens sitit aeris herba;  
 Liber pampineas invidit collibus umbras:  
 Phyllidis adventu nostrae nemus omne virebit,  
 Iuppiter et laeto descendet plurimus imbri. 60

## 59. VIREBIT;

54 Quod iam antea Heinsii et Gronovii ad Liv. III, 22 aliorumque (Bentlei. ad Manil. II, 253. Iahn.) emendatione reponendum esse visum est: *sua quaque sub a.*, nunc recepinus. Ita enim sermonis ratio postulat, ut aut sit: *iacent poma sub (sua) quaque arbore*, quod h. l. metrum non admittit, aut: *sub sua quaque arbore poma sua*, h. nativa eius arboris, ut Georg. II, 82. Contra adversante sermonis genio legebatur: *sua quaque poma iacent sub arbore*. (Servandam censet codicum lectionem Spohnius, ita tamen, ut *sua* neutro genere dictum sit; vellem, quod in tali re necessarium, exemplis eam confirmasset. Voss. et Wunderl. *sua* ablativum esse volunt, sed *μονοσυλλάβως* pronunciandum. Sic Ennius saepe *suo*, *suos*, *suas*,  *suis*, etiam *suum* pro *eum*, monosyllaba facit; vid. Hessel. pag. 32. et 297. Quid, quod apud ipsum Virgilium *mis* invenit Quintil. Inst. Or. VIII, 3, 25., quod ex *meis* contractum videri potest; sed vid. ibi Burm. At vereor, ne talia poetis aevi Augustei horridiora visa sint, ut religiosum sit, nitorem eorum his antiquitatis sordibus obfuscare. Mireris autem, quum ultro se offerret, quod res et usus postulabat, cur Virgilius sic praeter necessitatem ad obsoleta et dudum explosa redire maluerit. Ac valde est veri simile, *quaque* deberi praegresso *sua*; et quam vim praegressorum nominum genus, numerus, casus, ad immutanda proxima habuerit, expositum est in Q. V. VIII. Itaque nolui mutare, quod Heynius receperat. Wr.) 56 *flumina caeca* Ven. Heinsii, quod Heins. illustrat. Est tamen alienum ab h. l. *caecae fossae* sunt opertae, obstructae; non, siccatae. *siccās* Gud. 58 *uvās* Voss. alter a m. sec. 59 *adventum* Ven. *nostrum nemus* Leid. C. 60 *descendit* quinque Burm. *imbri* aliquot.

inter se diversas sententias memorari; neque adeo illae ex cantantis persona dictae sunt: alioqui non posset post aetatem et hiemem 45. 49 nunc de autumnum agi, aut ab eodem pastore Galataeae, Alexidis, Phyllidis, amores iactari. Nec tamen aut ingenii multum aut delectationis in his est. Maiore cum arte et suavitate Popius *Pastor*. I, 68 sqq. *castaneae hirsutae* exteriori cortice, seu echino. v. Calpurn. Ecl. II, 83. 54. Vid. Theocr. VII, 144.

57—60. *vitio aeris*, int. aestum et nimium calorem. 58. *Liber p.* docte dixit, ut poeta: „aret vinea; exsiccatae sunt nimio aestu vites et folia amiserunt.“ *Serv.* 60. *Iuppiter*, de aere, ut Georg. II, 325, ubi vide (hinc *δῦπενής* ex aere veniens, ut de pluviis saepe; et *δῦπενεῖς οὐανοὶ* Hymn. in Ven. 4 *aeriae volucres*): ex veteris philosophiae involucris fabulosis; quod et ipsum vereor, ut pastoris ingenio accommodatum sit. (Ingeniose — an vere, non dixe-



c. Populus Alcidae gratissima, vitis Iaccho,  
 Formosae myrtus Veneri, sua laurea Phoebo:  
 Phyllis amat corulos; illas dum Phyllis amabit,  
 Nec myrtus vincet corulos, nec laurea Phoebi.  
 T. Fraxinus in silvis pulcerrima, pinus in hortis, 65  
 Populus in fluviis, abies in montibus altis:  
 Saepius at si me, Lycida formose, revisas:  
 Fraxinus in silvis cedat tibi, pinus in hortis.

M. Haec memini, et victum frustra contendere  
 Thyrsin.

64 *Nec myrtus vincet Veneris.* Sic praefixum verbis Servii ad h. v., quod et ipsum habet suavitatem, ex paritate eius quod respondet: *laurea Phoebi.* (Sic etiam Serv. Dresd. Sed ambitiosius Phyllidis et Veneris nomina sibi opponerentur. *Wr.* — 65. Male Bodenius corr. *tinus.* vid. Schirach. Clavis Poetar. classic. P. II. p. 531. et Heins. ad Ovid. Art. Am. III, 692. *Iuhn.*) 67 *ac* Medic. a m. pr. 68 *cedut* e Medic. et aliis Heins. reposuit. Laudabat idem e Longob. Pierius. Vulgo lectum: *cedet.* (*cedet* etiam 7. 11. 14. probatum Cortio ad Lucan. I, 103. vid. Q. V. VI, 3. *Wr.*) 69 *Haec memini: victum et f.* Oblongus Pierii. *Thyrsim* multi: at vid. ad Ecl. II, 26.

rim — Vossius haec ita interpretatur, ut hoc significare voluisse Thyrsim existimet: adveniente Phyllide, Iovem, quasi Danae aliqua conspecta, per imbrem se demittere. *Wr.*)

65—68. *pinus in hortis*, pinus sativa, seu domestica, et hortensis, Ovidio Art. III, 692 *pinus culta*, *πίτρυς ἡμερος*, arbor semper virens, et apibus grata, de qua docta ad h. l. disputatio Heinsii. cf. Cerda ad Ge. IV, 112. (— 66. *in fluviis*, i. e. *ad fluvios*, ut Prop. I, 2, 11. vid. not. ad Niceph. Blemm. p. 29—31. *Sp.* Vid. etiam Broukhuis. et Burm. ad Prop. I, 1, 11. *Wr.*) 67. Praeferam te fraxino et pino.

69. Operose docent viri docti per totam Eclogam, quantopere in singulis versibus superior

Thyrsi sit Corydon, iis tamen fere argumentis, ut, si poeta Thyrsin victorem pronuntiasset, iidem huius iudicii causas et probationes ab iisdem locis ducturi fuisse videantur. Hoc facile perspicio, Thyrsin esse perpetuum Corydonis obtrectatorem; id quod ipsa lex carminis amoebaci postulat; huius tamen versus qua tandem in re Thyrsidos numeris praestent, qui tardus meus sensus est, equidem non percipio. Inventi saltem laudem in neutro video esse magnam, maiorem tamen in eo, cui ex tempore respondendum est ad id, quod alter ex meditato paratum habuerat. (Sed ut cetera Corydon melius, sic h. l. Rectius enim Corydon arbores cum arboribus, minus apte Thyrsis arbores cum Lycida comparat. Vid. Voss. *Wr.*)

Ex illo Corydon Corydon est tempore nobis. 70

## 70. \*EX ILLO — — — — NOBIS.\*

70 *nobis* coni. Nannius. Dedi versus interpretationem qualemcumque in Notis. Fateor tamen, non nisi aegre eam ex verbis exsculpi: totumque verum esse tam inertem, ut vix eum a Virgilio profectum esse mihi persuadeam. Si tamen alii aliter statuerint, equidem feram animo aequo. (Removi asteriscos. Certe addendum erat aliquid, quo carmen apte finiretur. Quid dicere voluerit Meliboeus, non est ambiguum: Corydonem ex illo tempore sibi prae ceteris egregium poetam videri. Sed ea sententia quaeritur quomodo his verbis inesse possit. Vossius quidem haec ita iungenda existimat: „Corydon ex illo tempore nobis est Corydon.“ ut Corydonis nomen, praedicati loco, quod dicunt, positum, poetam praeclarum κατ' ἐξοχήν indicet: *seitdem ist Corydon mir ein Corydon*. Et verbum esse Dativo iunctum interdum idem valere, quod *existimari ab aliquo*, exemplis probat Wunderl. ad Tibull. IV, 13, 4., quibus addi potest Virgilianum illud, Ecl. III, 104.: „et eris mihi magnus Apollo.“ Corn. Nep. Praefat.: „Hi si didicerint, non eadem omnibus esse honesta atque turpia,“ etc. Verum huic explicationi vix puto fore multos qui calculum adiciant suum. Mihi haec ita videntur commode expediri posse, ut *mihi est* de eo dicatur, cui placeat aliquid. Sic certe *sit mihi* adiuncto Infinitivo aliquoties ita legitur, ut valeat i. q. *placeat*. Propert. I, 20, 13.: „Nec tibi sit duros montes et frigida saxa, Galle, neque expertos semper adire lacus.“ Similiter dicimus *sit mihi* cupientes, quae complacere. Huc redit etiam illud *meus*, quo eum solemus significare, qui nobis in primis gratus et carus est, ut *Celsus meus*. Quid multa? *Corydon est nobis* non differt ab eo, quod e communis sermonis usu dicendum erat: *Corydon est noster*. Plaut. Bacch. III, 2, 39.: „Noster esto, dum te poteris defensare iniuria.“ Mil. Glor. III, 3, 25.: „Heus, noster esto!“ vid. ibi Taubm. Itaque verba *Corydon est mihi* ita accipio, ut vernacule possis simili modo reddere: *Corydon ist mein Mann!* Sic etiam effugiemus necessitatem ellipseos statuendae. vid. Serv. Nomen autem Corydonis cum vi repetitum, ut supra II, 69.: „Ah, Corydon, Corydon, quae te dementia cepit!“ *Wr.*)

70. *Ex illo C.*; accipien- ne est versus. vid. Var. Lect.  
dum: ex eo tempore animo meo Quantum praestat Theocrite-  
Corydon nobilis ille et praeter um, Idyll. VIII, 92 Κῆκ τούτω  
omnes excellens cantu pastor Δάφνης παρὰ ποιμέσι πρῶτος  
habetur. Sed indignus Maro- ἔγεντο.

## E C L O G A VIII

### PHARMACEUTRIA

#### A R G U M E N T U M

**D**uorum pastorum carmina, alterum ex Theocriti Idyll. III alterum ex Idyll. II expressa, recitantur a poeta, tamquam qui ea audierit v. 1 — 5. 62, 63. In Damonis carmine 17 — 61 gravis dolor et aegritudo alicuius pastoris, cui Nisa, amata puella, Mopsum rivalem praetulerat, praeclare exponitur; in Alphesiboei carmine 64 ad fin. mulier Daphnin, amantem suum, a quo se desertam esse putabat, incantationibus magicis ad se revocat. Putandi enim hi sunt esse lusus utriusque pastoris; qui amores aliorum commemorant, non suos. Utrumque carmen per se sibi constat, nec vinculo ullo ea tenentur, nisi quod a binis pastoribus recitantur, qui inter se certasse videntur, si proprie dixit poeta v. 62 *responderit*. Artem et spiritum poetae in neutro desideres. Nam ipsa incantationis magicae descriptio non abhorrens ab hoc poetices genere argumentum videri debet; recte enim et ex natura nostra, quandoquidem agrorum et silvarum solitudine mire affici animi nostri et ad religionem componi solent, pastoribus proclivius paullo et pronius in superstitiones et magicas rationes ingenium tribuitur. Inscripta vero, quod primus Scaliger ad Euseb. Chron. 2020 docuit, est Ecloga Asinio Pollioni v. 6 — 13, qui tum in Illyricum exercitum ducebat, et iam sive pedestri itinere Istriam emensus erat, sive maris Illyrici oram legebat, ut ad Parthinos perveniret, qui versus Macedonicos fines non longe a Dyrrhachio sedes habuere. v. Appian. pag. 1135 extr. Dio XLI, c. 49, ibique Reimar., item Pigh. Annal. ad 714, et Vit. Virgilii hoc anno. Ad extrema enim huius anni, quo Pollio consulatum gesserat, referenda esse res videtur; nam sequenti anno VIII Kal. Nov. triumphum de Parthinis habuit. Catroei argutias veteremque opinionem, qua ad Octavianum carmen hoc spectare memoratur, operose refellit Burm. ad v. 6. cf. Martin. Ceterum comparari velim cum hoc carmine Popii *Pastor. III*. (In Mediceo hic est huius carminis titulus: Damonis et Alphesiboei Certatio. *Wr.*)

---



## DAMON. ALPHESIBOEUS.

Pastorum Musam Damonis et Alphesiboei,  
 Inmemor herbarum quos est mirata iuvenca  
 Certantis, quorum stupefactae carmine lynces,  
 Et mutata suos requierunt flumina cursus;  
 Damonis Musam dicemus et Alphesiboei. 5  
 Tu mihi seu magni superas iam saxa Timavi,

(1. *Musas* Serv. Dresd. *Pastoris* quatuor Mss. ap. Cort. Lucan. I, 115. *Wr.*) 3 *carmina* Leid. sec. Mentel. pr. et a m. pr. Rcg., sicque ms. Lengnich., ut sit Graecismus. (quasi ἐκπλαγεῖσαι τὴν ὥδην? At *stupefactus* semper ablativum adiunctum habet. Quae res magnam excitat suspicionem, latere h. l. aliquod vitium. Itaque Virgilium scripsisse puto: *stupefactae* ad *carmina*; quod quam egregie etiam proximo versui conveniat, quivis videt: „flumina ad ea cursum mutarunt et requierunt.“ Ovid. Met. V, 509.: „Mater ad auditas stupuit, cu saxea, voces.“ ibid. I, 503.: „neque ad haec revocantis verba resistit.“ ibid. XIV, 214.: „omnemque tremiscens Ad strepitum.“ Heroid. XI, 63.: „Mortua, crede mihi, tamen ad tua verba revixi.“ Et tritum est expavescere ad aliquid; vid. Burm. ad Val. Fl. III, 264. et VII, 623. Eodem modo Graeci θαμβεῖν, θανατοῦξεν, ἐκπλήττεσθαι, ολίγειν πρὸς τι, et similia; vid. Iacobs. ad Achill. Tat. IV, 14. pag. 732. Interim ne calidius rem egisse videamur, lectionem *carmina* librariis ad illud, quod infra positum erat, *flumina* aberrantibus deberi putabimus; iuncturam autem sententiarum minus commodam illustrabimus Q. V. XXXIII, 4. extr. *Wr.*) 4 *Et mirata suos* ed. Ven., quod sane placere potest. (Ineptum hoc; sponte enim requierunt; nec, dum illos mirantur, semet mirari possunt. Malis tamen *Atque morata suos* etc. Horat. Od. I, 12, 9.: „Orphea — Arte materna rapidos morantem Fluminum lapsus.“ *Mutata flumina* proprie loquentibus dicuntur, quae a suo cursu deflectuntur in alium cursum; et mutare fluminum cursum magae dixerim esse, non poetae. Valer. Flacc. VI, 443.: „Medea — Mutat agros fluviumque vias.“ vid. Huschk. ad Tibull. I, 2, 44. Quare si sana hic sunt omnia, ad mutatum hoc naturam fluminum referam: quorum quum sit currere, *mutata flumina* accipe: quae, exuta natura sua, currere desierunt. *Wr.*) *suo* Medic. a m. pr. *liquerunt* nonnulli Pier. et Heins. cum Goth. sec., ex inducta interpolatione. 6 Interpungitur *Tu mihi, seu* et, *Tu, mihi seu*: quod Wakef. sequitur. Sufficit, utrobique *mihi* ex more abundare. *iam magni superas seu* Parrhas.

1 — 5. Mansit hoc ex priscorum hominum sermone in pastorum carminis simplicitate, ut cantus praestantiam ita declararent poetae, ut pecudes, feras, et inanimata eo moveri aut delectari dicerent. 4. Flumina requierunt *mutata suos cursus*, graece pro: mutato suo cursu, h. l. inhibito. (vid. V. L.) Quamquam, *requiescere* cum casu quar-

to nonnumquam iungi, docuit iam Servius. Ciris 233 *Quo rapidos etiam requiescunt flumina cursus*. Calpurn. Ecl. II, 15 ita expressit: *Et tenere suos properantia flumina cursus*. *Lynceas* vero nolis in tali carmine esse memoratas, quod ad Siciliam pertinet. Certat cum Virgilio Popius *Pastor*. II, 5 sq.

6 — 13. Asinio Pollioni, a

Sive oram Illyrici legis aequoris; en erit umquam  
 Ille dies, mihi cum liceat tua dicere facta?  
 En erit, ut liceat totum mihi ferre per orbem  
 Sola Sophocleo tua carmina digna cothurno? 10

7 *regis* quartus Moreti et Leid. *et erit* Medic. a m. pr. 8 *liceat mihi*  
*cum tua* duo Moret. *mihi ut liceat* primus Moreti. *mihi quo l.* Goth. sec.  
 9 *liceat mihi totum* alter Rottend.

quo iussus erat carmen bucolicum condere, Eclogam hanc inscribit: pollicitus aliquando carmen maius, quo eius laudes comprehendat: quae duplicis generis sunt, et rerum gestarum v. 8, et ingenii operumque poeticorum 9. 10. Quod nomen Pollionis adscriptum non est, forte sic excuses, quod in fronte voluminis illud adscriptum erat. Interpungebam olim cum aliis *Tu mihi*, et accipiebam dictum, ac si voluisset subiungere: *ades*; sed desiderii aestu esse alio abreptum. Quod tamen non necesse, quandoquidem *mihi* saepe sic otiose interponitur. Ceterum poeta inceptum sermonem deserit, et interponit *ἐνθουσιῶν* illa: *en erit umquam — tibi desinet*. Iungenda adeo: *Tu mihi — accipe iussis carmina coepta tuis*. (In explicando boni poetae carmine simplicior ratio semper habenda probabilior. Nimis autem remota sunt illa „*accipe carmina*“, quam ut *mihi* cum his iungere liceat. Ac si haec „*en erit umquam — tibi desinet*“ *παρένθετα* esse statueris, vide, ne vim egregiae orationis plane infringas. Rectius igitur iunges *mihi superas*. Neque otiosum est illud *mihi*; quod saepe interponitur, ubi rem quandam aliquo modo ad nos pertinere indicamus. vid. vs. 30. Not. Hoc

quidem loco per hoc pronomen gaudium suum significat poeta de Pollionis reditu, rebus bene prospereque gestis. Nam reverenti Pollioni, non eunti, scriptam esse hanc Eclogam, infra probabitur. *Wr.*) *Timavus* in ora Adriae, non longe ab Aquileia, fluvius ex terra novem fontibus seu capitibus progressus, brevi cursu, in unum alveum collectus, lato altoque flumine in mare exit. cf. Aen. I, 244, et ibi Excurs. VII. Unde, ex quo loco, egressus sit Pollio in Parthinos profectus, notatum nec in Appiano V, 75 nec in Dione XLVIII, 41 video. Si cum Caesare et Antonio post pacem Puteolanam Romam decesserat (Appian. l. c. 74.) et legiones ex Gallia Cisalpina et Venetia fuerunt collectae: Pollio exercitum seu terra per Istriam, Illyricum, Dalmatas, versus Parthinos duxisse, seu mari Adriatico oram Illyrici praeternavigasse putandus est. Itaque ille hoc tempore aut in Istria haerere aut ulterius progressus esse poterat. Si prius illud: montes erant traiciendi, in quibus Timavi fontes sunt. (Proficiscentem ad bellum Pollionem his verbis appellari, recte negant Ruacus, Vossius, Spohnius; vid. Spohn. Prolegg. Nec commode offerat poeta vs. 12. sq. hederam Pollioni, laureae vi-

A te principium; tibi desinet; adcipe iussis  
Carmina coepta tuis, atque hanc sine tempora cir-  
cum

Inter victrices ederam tibi serpere laurus.

Frigida vix coelo noctis decesserat umbra,  
Cum ros in tenera pecori gratissimus herba, 15

### 13. LAUROS

11 *desinit* Schol. Horat. Cruqu. ad Epist. I, 1, 1 cum Leid. pr. 12 *tempore* alter Rottend. 13 *laurus* Charis. lib. I f. cum aliis Grammaticis apud Pierium. (Reposui hanc formam; vid. not. ad Ecl. VI, 83. *Wr.*) 14 *discesserat* Pierii Oblong. Parrhas. et Leid. cum Goth. sec. v. ad Ecl. II, 67. 15 *herba est*; sustulit *est* Heins. auctoritate librorum; et iam Pierius suadebat. (vid. Q. V. XV, 11. *Wr.*)

ctrici, i. e. triumphali, intertexendam, nisi parta iam victoria. Ceterum pedestri itinere Pollionem redisse Spolnii existimat; faciliorem enim fuisse, si navibus usus esset, Dyrriachio Brundisium traiectionem. Illud certum est, qui in superiore Adria navigarent, eos, ut tuto hoc fieret, litus legere consuesse; vid. Heyn. ad Aen. I, 243. sq. — 8. *Ille*, vid. Q. V. XXI, 1, b. *Wr.*) 7. *en erit umquam*, cf. ad Ecl. I, 68. 10. *Sola Sophocleo* — tragoedias tuas Sophocle dignas, sive Sophocleam gravitatem ac maiestatem exprimentes, ut IX, 35 *Varo et Cinna digna dicere*. Asinium Pollionem tragoedias composuisse, supra vidimus Ecl. III, 84 sq., et Horat. Od. II, 1. Eas tamen illo tempore nondum in vulgus exiisse, ex verbis his intelligas; etsi non satis commode Maro Pollionis carmina, si tam praecleara sunt, *suis* tamen laudibus in notitiam hominum adducere vult. 11. *tibi desinet*, ex τῷ *dicere*, *ferre*, carmen, in te desinet; laudes tuae perpetuum

meorum carminum argumentum erunt; ita simpliciter exponere malim, etsi dura oratio est. (Non est dura, sed commotior. Atque haec „*A te principium, tibi desinet*“ preverbii in morem dici propterea non nimis proprie accipienda esse, docet Vossius, coll. Hom. II. IX, 97.: ἐν σοὶ μὲν λήξω, σέο δ' ἄρξομαι. *Wr.*) conf. Theocr. XVII, 1. 13. Permite, ut inter laudes tuas bellicas etiam hic ex poetico encomio honos tibi accedat, nec Musam meam dedignare. Haec vero quam eleganter expressit poeta! Pulcre ininitatus Popius *Pastorals* II, 9. 10 *Accept, o Garth, the Muse's early lays, That adds this wreath of ivy to thy bays.* (*Iussis Carmina coepta tuis*: aut omnino talia, ad quae me excitasti, i. e. bucolica; vid. Prolegg.; aut hoc ipsum carmen, quod te iubente coeperam. Et coeperat fortasse Virgilius a. 712. sed seposuerat nondum absolutum, ad alia transgressus, instantibus turbis e divisione agrorum. Sic Horat. Epod. XIV, 6. sqq.: „Deus, Deus nam me vetat Inceptos,



Incumbens tereti Damon sic coepit olivae:

d. Nascere, praeque diem veniens age, Lucifer,  
almum;

Coniugis indigno Nisae deceptus amore

Dum queror, et divos, quamquam nil testibus illis  
Profeci, extrema moriens tamen adloquor hora. 20  
Incipe Maenaios mecum, mea tibia, versus.

17 *postque diem* Zulich. *quaeque* Leid., male. (— 18. Medic. hic et vs. 26. *Nysae. Wr.*) 19 *queror ad divos* Moreti quartus, sed sic copula desideratur. 20 *extremam* Gud. *adloquar* Leid. pr. Mentel. pr. et Medic. a pr. m. (*adloquar* est prior Mediceo lectio. *Wr.*) Vss. 19. 20 iterum leguntur in Ciri 405. 406. 21 *mea fistula* Mentel. pr., quod magis pastoritium esset.

olim promissum carmen, iambos  
Ad umbilicum adducere.“ *Sp.*)

16. *Incumbens—olivae*: War-  
tonus *against an olive's trunk re-  
clin'd*; hunc enim moerentis ho-  
minis statum esse. Recte vero,  
modo usus loquendi ferret; arbo-  
ris *trunco* acclinis aliquis stat vel  
*recumbit*; et alienum tum epi-  
theton *tereti*. Sed nec alterum  
absonum, ut stet pastor nixus  
baculo; et baculus *oleagineus*  
ex more. v. Apollon. Argon. II,  
34, et sic in parte librorum  
Ovidii Met. II, 680 *Illud erat  
tempus, quo te pastoria pellis  
Textit, onusque fuit dextrae sil-  
vestris oliva, Alterius, dispar  
septenis fistula cannis*; etsi  
Heins. ibi ex aliis libris reposuit  
*baculum silvestre sinistrae*, quum  
vulgo legeretur, *baculus silve-  
stris olivae*. Inuixum pede pa-  
storem fistula novem calanorum  
canentem vide, si tanti res est,  
in lucerna fictili ap. Borionium  
in Collectan. Antiqu. tab. 87.

17. *praeque d.* praeveniens  
diem age s. adduc. Aen. II, 802  
*Iamque iugis summae surgebat  
Lucifer Idae, Ducebatque diem.*

*Serv.* Vigilarat vero noctem mi-  
ser amator. *diem alnum*, ut *lux  
alma* Aen. I, 306 quae recreat:  
ubi vid. 18. *Coniugis*, simpl.  
amicae. cf. infr. 66. Ecl. VI, 52.  
Aen. IV, 536. (et not. ad Eleg.  
ad Messal. p. 47. *Wr.*) *indigno  
amore*, h. perfido, quo eius fides  
digna non erat; adeoque pro  
puellae perfidia. 19. *testibus  
illis*, ab amica, Nisa, saepe amori  
testando aut iureiurando voca-  
tis. 20. *adloquor*, incusandi eos  
caussa: ἡδὴ γὰρ φράσσει πάνθ',  
ἄλιον ἄμμι δεδύκειν: Theocr. I,  
102, quae hinc illustres. *queror  
deos et adloquor* iungunt alii.

21. Versus intercalaris ad imi-  
tationem Theocr. I, 64. II, 17  
etc. factus: in eo interponendo  
non certum versuum numerum  
servat Maro. *Maenaios* intell.  
Arcadicos, pastoritios, quales a  
pastoribus cani soliti in monte  
Arcadiae, Maenalo; unde sqq.  
versus 22—24 subiicit, nam in  
Maenalo inter pineta pastorum  
carmina ipsiusque Panis assiduo  
audiuntur. (Tibiam, qua apud  
Romanos tantum in sacris ludis-  
que scenicis utebantur; apud

Maenalus argutumque nemus pinosque loquentis  
Semper habet; semper pastorum ille audit amores,  
Panaque, qui primus calamos non passus inertis.  
Incipe Maenaliis mecum, mea tibia, versus. 25  
Mopso Nisa datur: quid non speremus amantes?  
Iungentur iam gryphes equis; aevoque sequenti  
Cum canibus timidi venient ad pocula damae.

22 *pinosque* tres ap. Heins. *lucosque* Zulich. *pinosque sonantes* Medic. ex Ecl. X, 28, uti Burm. suspicatur; (at in Medic. a Foggin. expresso legitur *loquentes*; idque in ipso codice vidit Freytagius, qui *sonantes* tamquam glossema a manu senioris aetatis appictum scribit. *Wr.*) illustrat *loquentes* Heins. 24 *primum* Medic. vid. Ecl. II, 32. *non p. agrestes* Menag. pr. (*inertes* Medic. *Wr.*) 26 *speramus* Moreti pr. *spernemus* Voss. *quid nos speremus amantes?* Burm. coniicit, et Io. Schrader. *quid nunc.* Sed v. Not. 27 *Iungentur* Moret. pr. *tigres* pro *gryphes* Parrhas. *grypes* Medic. γρύπες. (rectius hoc fortasse; vid. Schneider. Gr. Lat. Vol. I. pag. 204. *Wr.*) *sequente* Leid. C. 28 *tumidi* Voss. *timidae* Parrhas. et Rottend. sec. Medic. et Ven., sed iam Charisius genus in h. l. notavit. (*timidi d.* profert etiam Quintil. Inst. IX, 3. pag. 800. ed. Burm., quem lo-

Graecos etiam inter pastorum instrumenta musica inveniri docet Voss. Sed fortasse καλάμιμος αὐλὸς intelligendus, de quo Athenaeus IV. c. 80. p. 182.: „Ὁ δὲ καλάμιμος αὐλὸς τιτύρινος καλεῖται παρὰ τοῖς ἐν Ἰταλίᾳ Δωριεῦσιν.“ Probatur hoc vs. 24.: „Panaque, qui primus calamos non passus inertes;“ et vs. 33. fistulam appellat. Haec autem „Incipe, tibia, mecum versus“ accipienda de cantu tibiae singulis versuum complexionibus praemittendo. *Wr.*)

22. *pinosque loquentis*, idem quod *argutae*, aut vento sonorae, vid. Heins. ad h. l. cf. Ecl. VII, 1. aut, quod cum Servio melius statuas, resonantes cantu, propter sqq. *semper pastorum ille audit amores.* (Hoc verum; laudat Spohnius Cic. Epist. ad Fam. VI, 3.: „Sed in ea es urbe, in qua haec, vel plura, et ornatiores parietes ipsi loqui posse videantur.“ *Wr.*) 24. Et audit

ille *Pana*, qui non passus est, non patitur, *inertis* esse *calamos*, sed canoros; quod Ecl. II, 32 *Pan* primus calamos cera coniungere plures Instituit. Color idem Ge. I, 124 *nec torpere gravi passus sua regna verteno.*

26. *Mopso Nisa datur* sc. nuptum. *quid non speremus amantes* sc. fieri posse? nihil non nunc expectare licet. *Omnia nunc fient, fieri quae posse negaram.* *sperare* generali notione, ut ἔλπεσθαι pro οἴεσθαι. Dicta haec cum indignatione et dolore videri possunt, ut illa v. 30, etiam cum sarcasmo. 27. *Iungentur* amore. (Rectius Vossius: „eidem currui.“ *Wr.*) Color ductus ex Theocr. I, 132 sqq. *Gryphes* poeta novo exemplo induxit; fabulosum monstrum ex hieroglypho ductum, quod ad Apollinem spectabat. *aevo sequenti*, simpl. in posterum. 28. *ad pocula*, ad potum.

Mopse, novas incide faces: tibi ducitur uxor.

Sparge, marite, nuces: tibi deserit Hesperus Oe-  
tam. 30

Incipe Maenalios mecum, mea tibia, versus.

cum adscripsit Vossius; quamquam hoc etiam ex Ge. III, 539. afferri potuit. *Wr.*) *timide* Goth. sec. 29 Vir doctus ap. Burm. coniecerat: *incende faces*, uti et in cod. Divionensi erat; quia, sponsa deducta, incenditur fax, non inciditur. (vid. Miscell. Observ. Crit. Nov. Tom. XII. p. 454. *Wr.*) Nimis argute! Sed tuctur vulgarem Burm. 30 *iam deserit* Ven. 31 *tibia*: de pastore expectabamus fistulam.

29. *novas incide faces*, incisis lignis para taedas, ad novam nuptam domum ducendam. Epitheton *novas* ornat simpliciter. 30. *Sparge, marite, nuces*, qui antiquus in nuptiis Romanorum mos erat: eumque adeo poeta ad pastorum vitam traduxit. Spargebantur autem nuces nupta iam in domum et thalamum deducta, adeoque nocte iam orta: quam sponsi in gratiam solito citius oriri ait; hoc enim est: *tibi deserit Hesperus Oetam*. (Rectius hoc infra explicatum videbis. *Wr.*) Itaque in votis novae nuptae ac sponsi tam frequens est Hesperii mentio: cf. Catull. LX, 328 sq. Est autem hoc, quod ab Oeta Hesperus oriri dicitur, ab aliquo poeta Graeco ductum, qui aut in locis Oetaeis montibus subiectis vixit, aut rem in iis locis gestam, si recte coniicio, Pelei et Thetidis nuptias, narravit; inde hoc in sollemnem poetarum usum verum est, et quidem promiscue modo in ortu modo in occasu solis ac dici: cum uterque ab Hespero et a Lucifero designari soleat, ut si idus illud ab Oeta in conspectum venire dicatur. v. Cirin 350. Seneca Herc. fur. 132.133. cf. laudd.

a Barth. ad Stat. V Silv. 4, 8. Maroni autem proxime praeiverat Catull. LIX, 7 *Oetaeos ostendit noctifer ignes*, ubi v. Intpp. Porrigitur illud montium iugum ab oriente versus occidentem, vid. Strab. IX, p. 655. In iis itaque, qui illum tractum habitabant, fuere, quibus Veneris seu Hesperii stella, quoties post solis occasum in summo Oetae vertice, in conspectum veniebat, ab Oetaeis montibus oriri videri potuit heliace. Sic et Cul. 202 *Et piger aurato procedit Vesper ab Oeta*. Vulgari enim more loquendi, quem poetae sequuntur, astrum *oriri* dicitur, quod in conspectum venit; pro *oriri* autem sollemne est *surgere, procedere, venire* de astris, ut X extr. Ita et Servii et Cerdæ cum Vossii ad Catull. p. 150, et Huetii in Huetianis subtilitatibus non indiget res. (I. H. Vossius Hesperum h. l. eundem esse putat, qui proprie Lucifer dicitur, ut haec prodeat sententia: „oritur iam, matutino tempore, Lucifer, idem, qui mox, quum nox venerit, Hesperus luceat, ac diu sperata gaudia tibi afferat.“ Sed deductio uxoris nuncumque sparsio, vesperi fieri so-



O digno coniuncta viro! dum despicias omnis,  
 Dumque tibi est odio mea fistula, dumque capellae,  
 Hirsutumque supercilium, promissaque barba;  
 Nec curare deum credis mortalia quemquam. 35  
 Incipe Maenaios mecum, mea tibia, versus.  
 Saepibus in nostris parvam te roscida mala  
 (Dux ego vester eram) vidi cum matre legentem;  
 Alter ab undecimo tum me iam adceperat annus;

## 39. IAM CEPERAT

32 *Et digno* Leid. alter. *cum despicias* Rottend. alter. (*omnes* Medic. *Wr.*) 34 *promissa* Heins. e melioribus, quem vid. Vulgo: *prolixa*, quod in omnibus suis libris Pierius legebat; atque ita editum in Aldd., excepta altera 1505, quam, ut hinc intelligas, Pierius tractabat. (*Prolixa* etiam 4. 7. 11. 14. et Serv. Dresd. *Wr.*) 35 *credas* Moret. quart. et interpres Statii ad Theb. III, 350. *credes* Goth. sec. 37 *roscida mella* Moret. sec., ut Ecl. IV, 30, sed recte vulgatam tuetur Heins. *Therasiaca mala* Ven. 39 *ab undeno* Leid. *tum me iam acceperat a.* Sic Medic. cum potioribus, et Eugraphio ad Terent. Andr. I, 1. Tuetur tamen Heins. *ceperat*;

lita, vetat, Hesperum h. l. improprie dictum existimari. Et Damon, licet ista primo mane canat, nihil tamen obstat, quin ea, quae mox futura erant, animo iam praecipiat. *Tibi ducitur uxor*, h. l. valet: iam in eo est, ut domum tuam nupta deducatur; *tibi deserit Hesp. Oetam*, i. e. tibi cupienti; nam eiusmodi Dativo saepe animum aliquo modo affectum indicari, vidimus supra vs. 6. Not. Ge. II, 252.: „Ah, nimium ne sit mihi fertilis illa!“ Ge. IV, 354.: „ipse tibi — Aristaeus — stat lacrimans.“ Sic interpretor etiam Aen. I, 136.: „Post mihi non simili poena commissa luetis.“ Ceterum vide Q. V. XXXX, 3. *Wr.*) Astrum in numis Locrorum de Hespero interpretantur viri docti: vid. Spanh. ad Callim. in Del. 303. Firmat coniecturam locus Strabonis IX; pag. 638, qui Ozolas publico sigillo inscriptum ha-

buisse Hesperum testatur. Visitur autem illud non modo in numis Locrorum Ozolarum seu Hesperiorum ad occidentem habitantium, verum etiam in numis Opuntiorum, ut ap. Goltz. in Graec. Num. t. XVIII, 3. 4. Pellerin. *Recueil* T. I, t. XIV. Luciferum ab Ida oriri Troianis dixit noster Aen. II, 801, ubi cf. Excurs. XVI ad lib. II.

32. *O digno c.* cum contemtu irrisio; nam non minus rusticum et multo se deformiorem esse eum innuit, cuius tamen illa caussa periura fieri sustinuerat; hoc v. 35 a caussa exprimit. conf. Theocr. XI, 31.

37. *roscida mala*, rore matutino adpersa, *δρoσόεντα*. *Saepibus in n.*, h. in horto prope saepem; adumbrata suavissima in toto hoc genere *ῥῆσις* ex Theocr. XI, 25 — 29, ubi pro pomis erant *ὑακίνθινα φύλλα*, flores. 39. *Alter ab u.*, h. duo-

Iam fragilis poteram ab terra contingere ramos. 40  
 Ut vidi, ut perii! ut me malus abstulit error!  
 Incipe Maenaios mecum, mea tibia, versus.  
 Nunc scio, quid sit Amor: duris in cotibus illum  
 Aut Tmaros, aut Rhodope, aut extremi Garamantes,

40. A TERRA 41. PERII,

scil. ut magis orationi poeticae consentaneum. (*acceperat* etiam 2. 3. 4. 11. apparet autem, syllabam *ac* elisione absorptam esse; quare *acceperat* restitui. Vid. V. L. ad Ge. III, 190. *Wr.*) *tum iam me ceperat* Pierii Oblong. 40 *ab terra* Medic. (Bene! vid. Q. V. I, 1. et offendit aures ipse sonus *á terrá*; itaque *ab* reduxi. *Wr.*) *a* abest a Goth. sec. *coniungere* Longob., more variandi solito. 41 Versus in Ciri 430. 44 *Aut Tmaros*; ita diserte liber Bembi, Menag. Moret. Gud. (et 3. 4. 5. *Wr.*) *Aut Maros* Medic. *Aut Marus* liber Serv. Colot. *Aut Ismarus* in duobus Servii ap. F. Ursin. Vulgo legebatur *Ismarus aut R.*, etsi de altera lectione *Aut Tmarus* iam Pierius monuerat, inde Ursinus ac Fabricius apud Burm. cum Cerda. Graeca essent ἡ Τμάρως ἢ Ροδόπη, ἢ τηλουροὶ Γαράμαντες. Variavit Maro Theocriteum: Ἡ Ἀθῶ ἢ Ροδόπαν. Fuit tamen altera lectio *Ismaros aut* perantiqua, cum eam Valerius Probus recitet in Institutt. De Tmaro v. Var. Lect. ad Aen. V, 620.

decimus, ut Ecl. V, 49 *alter ab illo*, secundus — *me ceperat*. Uti *anni accedere, addi*, aut nos *ad annos pervenire, annos attingere*, dicimur, ita h. l. *annus capit, accipit* eum, qui annum duodecimum ingreditur. 41. *Ut vidi, ut perii*, ex Theocr. II, 82. III, 42; cum vidi, tum statim amore exarsi. ὥς — ὥς pro ὥς — οὕτως seu ὥς: ut — ita. ex quo, — *confestim*. De quo passim Heins. et al. (Recte Vossius Latinum hoc esse negat. Primum *ut* est temporale: *simul ac*; alterum et tertium est exclamantis; vid. Tursell. de Partic. p. 1097. ed. Schwartz. Idem tamen Vossius errat, quum dicit, exclamandi vim tribui posse etiam his: *ut vidi*; videndi enim verbum non capit hanc emphasisin. *Wr.*) *error* vero pro insania, et hinc pro amore. v. Cerda ad h. l. Heins. ad Ovid. Am. X, 9. Met. X, 342.

43. *Nunc scio*, sero scil. Ex Theocr. haec Idyll. III, 15 sq., sed multo is modestius et ex imperiti pastoris persona decentius; quamquam sagacissimus Popius Virgilii rationem sequi maluit. *cotes* pro cautibus. *Tmaros* Epiri mons, sub quo Dodona, Strabo VII, p. 505. vid. congesta a Gesner. ad Orph. Argon. 264. *Rhodopen* Thraciae nemo ignorat; at *Garamantes*, extremas, ut veteres credebant, Africae supra Gaetuliam partes incolentem populum, a pastore iactari quis quaeso ferat? conf. Aen. IV, 365 sqq. (Haec e Graeco exemplo videntur expressa; totus certe versus ad Graecam rationem effictus; quo pertinet, ut hoc obiter attingam, praeter alia etiam rhythmica extremae versus partis conformatio plane Graeca: *extremi Garamantes*. Vid. Q. V. XI, 1. Ceterum, quam vim habeat *illum*, exponitur Q.

Nec generis nostri puerum nec sanguinis edunt. 45  
 Incipe Maenaios mecum, mea tibia, versus.  
 Saevus Amor docuit natorum sanguine matrem  
 Conmaculare manus: crudelis tu quoque, mater;  
 Crudelis mater magis, an puer improbus ille?  
 Improbus ille puer: crudelis tu quoque, mater. 50

## 45. SANGUINIS, 47. GNATORUM

45 *generis nostri* Pier. et Heins. e scriptis omnibus: *nostri generis* vulgo lectum. *puerum aut s.* Leid. uterque: alter et *vestri*. (— 47. Heins. Burm. et Heyn. ediderunt *gnatorum*. Sed *natorum* Medic. Lips. uterq. Potterii codd. omnes et Serv. vid. Q. V. XXXVIII, 2. *Wr.*) 49. 50 Etsi audacter dictum videbitur, libere tamen profiteor, versus hos ab inepto homine ex margine illatos videri. Adscripserat aliquis pro suo iudicio: *Crudelis mater magis, an puer improbus ille?* Alter, ac si iudex sederet, adscripserat: *Improbis ille puer: crudelis tu quoque, mater*. Dignum operculum patella! sed uterque versus eliminandus. (Immerito suspecti sunt Heynio hi versus. Qui si non adiecti essent, quid facias inani panno vs. 48. adsuto: *crudelis tu quoque mater?* quod hemistichium tum demum locum suum tuebitur, quum proximos versus adiunxeris. Iam proceedit oratio hoc modo: Crudele quidem matris quoque facinus; sed si quaeras, utrum mater, quae illud ausa est nefas, crudelior, an Amor, qui eam ut auderet impulit, improbius fuerit, illa sane crudelitatis, hic turpiorem et foediorum improbitatis notam sustinebit. Ex quo apparet, non esse synonyma h. l. *crudelis* et *improbis*; hoc ad mentem refertur, illud ad facinus ipsum: Amor excogitavit, Medea ab illo excogitatum scelus perpetravit; ille igitur magis detestandus, quam haec. Vox *magis* vs. 49. ante adiectivum *improbis* repetenda. *Wr.*) 49 *an pater improbus ille; improbus ille pater*, ut de Iasone intelligatur, coni. Meurs. ad Lycophr. probante Schotto II. Obs. c. 18. Male. vid. Not.

V. XXI, 6. *Wr.*) 45. *edunt*, pro ediderunt, genuerunt, ut in prosa oratione dicendum fuisset. (Sic saepius poetae in vividiore oratione Praesente utuntur pro Perfecto; vid. exempla ad Eleg. ad Messal. pag. 27. sq. a me allata. Vid. etiam Wunderl. ad h. l. *Wr.*)

47. Haud dubie Medeam suos filios ex Iasone perfido marito mactantem respicit; cuius dum immane facinus ad Amorem refert, refugit simplicis pastoris animus horrore ad memoriam tanti sceleris; itaque ad corrigendum id, quod dixerat, subiicit: *crudelis tu quoque, mater*.

Etsi enim ad ultima mala impellere infelix amor possit; at tale tamen scelus nemo, nisi ipse immani ingenio sit, suscipiat. Cum tamen semel contra Amorem causam suscepisset, neque omnem propterea ab eo culpam removeri vellet, in dubitationem incidit, ita tamen, ut tandem culpam utrique communem esse decernat. Uti haec recte, ut feci, defendere me posse arbitror, tamen ut praeclare dicta extollere nolim. Inest enim ieiuni et inepti lusus nescio quid; nec tollitur illud, si mater Venus sit. *Improbis* vero nil aliud, quam *crudelis*, saevus, Aen. II, 80.



Incipe Maenalios mecum, mea tibia, versus.  
 Nunc et ovis ultro fugiat lupus; aurea durae  
 Mala ferant quercus; narcisso floreat alnus;  
 Pingua corticibus sudent electra myricae;  
 Certent et cynis ululae; sit Tityrus Orpheus; 55  
 Orpheus in silvis, inter delphinas Arion.  
 Incipe Maenalios mecum, mea tibia, versus.  
 Omnia vel medium fiant mare. Vivite, silvae;  
 Praeceptis aerii specula de montis in undas  
 Deferar; extremum hoc munus morientis habeto. 60

52 *Nunc ad oves ultro fugiat lupus* Zulich., quod arridet Burmanno. *ut oves ultro fugiat* Ven. 53 *ferent* Moreti fragm. (*quaercus*, sic, Medic. ut saepe alias. *Wr.*) 55 *Et certent* Zulich. Theocr. V, 136 *ποτ' ἀηδόνα νίσσας ἐρίσδεν*. Ex hoc versu adstruas quoque lectionem *ἡὲ δόρων τοὶ σκῶπες ἀηδόσι θαρίσωντο* pro *γαρύσωντο* ibid. I, 136. Contraria via Wakef. monitu amici ex ms. intulit *cantent*, ut conveniat cum *γαρύσωντο*. 56 *delphines* Zulich. *Orion* in nonnullis ap. Burm. 58 *fiat* Medic. cum Leid. sec. a m. pr. et Gud. (etiam 2. 3. 11. vid. Q. V. VIII, 2, b. *Wr.*) 59 *in altum Deferar* legit Scaliger ad Auson. Cupid. cruc. 24. 60 *Versus repetitus* in Ciri 267. et vs. 59 ibid. vs. 302.

X, 727, unde fere permutatur cum *impius*. conf. Anthol. Lat. I, p. 358. (Sed vide, quae in V. L. disputavi. *Wr.*)

52—56. Ex Theocr. I, 132—136. (de Adv. *ultro* vid. Q. V. XXVII, 1. *Wr.*) 54. *myricae*, vid. ad Ecl. IV, 2. *aurea mala*, vid. ad III, 71. 56. *Orpheus in s.*, h. Tityrus, rudis cantu, nunc inter reliqua, quae contra rerum naturam fient, erit alter Orpheus et Arion. Poetica exornatione adiecit utrique determinationem ab externa aliqua ratione: Orpheus inter feras, Arion inter belluas marinas. Ita adiecta erant: *Fraxinus* in silvis, — *pinus* in hortis: Ecl. VII, 68.

58. *medium mare. medium* interdum non ita definite sed paullo pinguius dici, dudum docuere viri docti: ita est mare altum. Alioqui est mare, quod est in mediis terris; nunc qui-

dem aquarum terras opprimendum illuvie. *Vivite*, valete etc.; ducta haec ex Theocr. I, 115—118. 59. Nimis subtile est, quod respicere volunt pastorem ad scopulos Leucatae, promontorii, Sapphus iactu nobiles, v. Scalig. ad Auson. Cupid. v. 24, ib. Toll., it. ad Strab. p. 694 etc. *Specula* pro cacumine, ex *σκοπιά*. Expressit autem Theocr. Idyll. III, 25. 60. *hoc munus*, int. carmen, quod cecinit; non mortem: quae non posset esse *munus morientis*. Etsi per se amicae aliquis spiritum ac vitam pro munere offerre velle posset. (Sed totus orationis color haec de morte Damonis intelligi iubet. Morientes munera superstitionibus offerre solent; Ecl. II, 38. sq. Acerbe igitur Damon: Hoc muneris, hanc tibi laetitiam moriens offero, ut tua causa misere peream. *Wr.*) Respexit ad Theocr.

Desine Maenalios, iam desine, tibia, versus.

Haec Damon: vos, quae responderit Alphesiboeus,

Dicite, Pierides; non omnia possumus omnes.

A. Effer aquam, et molli cinge haec altaria vitta;  
Verbenasque adole pinguis et mascula tura: 65

#### 61. DESINE, MAENALIOS IAM

61 *Desine M. mecum mea t. v.* Voss. alter a m. pr. 64 *Et fer aquam* Gud. *Affer* Goth. pr. fragm. Moreti et Zulich., quod tamquam sacrificio accommodatius praefert Burmann. Theocr. II, 1 *φέρε Θέστυλι*. Mala ratione ab *aqua calida* petita tuetur *Effer* Cerda. Ex v. 107 videtur colligi posse, agi haec in aedibus, vel in aedium impluvio, *ὑπαίθρῳ*. (Hoc verius. *Wr.*) Videtur sic convenire Aen. IV, 494 de Didone: *Tu secreta pyram tecto interiore sub auras Erige.*

III, 24. 25, et XXIII, 20. 21, et sup. Ecl. II, 7 *mori me denique coges.*

63. *non omnia p. o.* (Vide Beier. de hoc loquendi genere docte disserentem ad Cic. Off. I, 17. *Wr.*) Alphesiboei carmen, tamquam doctius, recitandum ad Musas refert. Caussam per proverbium reddit: se ei recitando non aequae ac superiori carmini parem esse: quia *non omnia possumus omnes*. Ductum esse ex Lucilio testatur Macrobius VI, 1, p. 575 *maior erat natu: non omnia possumus omnes*. Multo tamen ingeniosior ratio illa Popiana est *Pastor*. III, 56 *Next Aegon sung, while Wind-sor groves admir'd. Rehearse, ye Muses, what yourselves inspir'd.* Est autem hoc, quod sequitur, carmen ex Theocriti Pharmaceutria Idyll. II adumbratum. (Et hoc ut scriberet, imposuerat poetae Pollio. *Voss.* et *Sp.*) Mulier aliqua venefica inducitur amatorem suum, a se abalienatum, et ex agro in urbem profectum, magicis sacris

ad se revocans. Loquitur verocum Amaryllide, sacrorum horum administra.

64. Apparatum sacri magici curare iubet venefica: Stat ara, affertur aqua lustralis, coronatur ara, verbena in ara accenditur, cum ture. *vitta molli*, quia lanea. Sic Ge. IV, 348 *molliam pensa*. Vir doctus ad Lucret. I, 89 *Qui simul insula — ex utraque pari malarum parte profusa est*, cum huius loci recordatus esset, praepropere etiam *mollem vittam* esse profusam pronuntiabat. Attamen *profusum* et *molle* nec usu, nec re, sunt synonyma. Theocrit. Idyll. II, 2 *οἷός ἀώτῳ*. quis non meminit *mollem lanam*?

65. *Verbena* modo de omni herba e sacro loco petita, modo de genere aliquo dici videtur; ut ex Plinio, Servio aliisque, docent viri docti ad h. l. et passim. *Masculum tus* vocabant veteres optimum ac praestantissimum: idem *stagonias* appellatum, in guttae speciem rotundum; ut ex Dioscoride ac Plin. XII, 14 docuere viri docti. vid. Cerda. Iam

Coniugis ut magicis sanos avertere sacris  
Experiar sensus; nihil hic nisi carmina desunt.  
Ducite ab urbe domum, mea carmina, ducite Daphnim.

Carmina vel coelo possunt deducere Lunam;  
Carminibus Circe socios mutavit Ulixi; 70

### 68. DAPHNIN

66 *Coniugis et magicis* Moreti primus. *avertere sensus Exp. sacris* Moret. quart. et Parrhas. *insanos vertere* emend. Io. Schrader. 68 *Daphnin* ubique reposui pro *Daphnim*, ut scriptura sibi constaret: vid. ad II, 26. (Ego contra *Daphnim* edidi. *Wr.*) 69 Versum adoptavit Petron. 134 in verss. de saga 13. *Carmina e caelo* Giphani. ad Lucret. pag. 463 e scriptis. *Carmina et e caelo* ex antiquis aliquot exemplaribus laudat Pierius. *Carmina vel lunam caelo deducere possunt* Schol. Stat. Theb. I, 104. (Hic versus in Mediceo omissus, casu puto, et in margine inferiore adscriptus. *Wr.*) 70 *Ulixi* Heins. e Medic. et Mentel., quem vide ad h. l. (etiam 3. vid. ad Aen. I, 30. *Wr.*) Nec tamen codices me moverent, nisi veteres Grammatici observarent, dici *Achillei* et *Ulixei*. *Achilli* et *Ulixi*. Scilicet, quantum assequi licet, *Ὀδυσσεὺς* fuit pronuntiatum *Ulixes*; et alia flexione, *Ὀδύσσης*, ut *Τύδης*, *Ὀρφης* (Priscian. pag. 68), *Ulixes*. Iam occurrit casus secundus *Ulixi*; ut Chryses, Chrysi; Hercules, Herculi. cf. ad Aen. II, 7. In edd. legebatur *Ulyssi*, et inde a Pulmann. *Ulysssei*. At in codd. *Ulixis*, *Ulixes*. (Haec forma *Ulysses*, geminata s, vix videtur Latina fuisse; vid. Burmann. ad Ovid. Heroid. I, 1. et Osann. ad Apulei. de Orthogr. pag. 52.; nisi statueris, veteres Romanos geminata s pro x usos fuisse; quod tradit ipse Apuleius modo laud. §. 17. ubi vid. Osann. *Ulissei* Palat. *Wr.*) *Circe* in Medic., superadscripto a, ut sit *Circa*; tum *mutabit* Gud.

*adolere*, quod proprie fuit augere, cumulare, translatum est ad genus augendi, imprimis in sacris, *augere flammam*, *ignes*: unde usu deductum est eo, ut sit simpliciter cremare: conf. ad Aen. I, 704. Valer. Fl. I, 204 alio verbo dixit: *pingui cumulat libamine flammam*. 66. *sanos avertere* — *sensus*. Recte Serv. a sanitate mutare, pervertere; *παρὰτρέπειν*. Est pro vulgari: in amoris insaniam vertere, insanum amorem reddere. Puellae mentio nulla fit, a cuius amore eum avertere et avocare possit. Apud Theocritum est, sacro magico facto incantare *καταθύεσθαι* l. l. v. 3 *Ὡς τὸν ἐμοὶ βαρὺν εὖντα φίλον καταθύσομαι ἄνδρα*.

*sani* vero ornandi causa adiectum: quia ad insaniam et amorem vertebat. *Coniux* simpl. amator, ut sup. 18, et sic Gr. *ἀνὴρ*, ut Theocrit. *carmina* de magica formula accipe.

69. De his teratologiis magicarum artium ad omnes tantum non poetas plurima, ut solent fere in his munifici esse, loca collegere interpretes; v. ad Horat. Epod. V et XVII. Lucan. VI, 420 etc. Tibull. I, 2, 32, et ad h. l. Cerda alique: itaque hic paucissimis defungi licebit; nec otium in his conterere placet. Interea ad superstitionum causas attendere velim animum, ut intelligas, esse fere eas aut a rebus insolitis et praeter naturae



Frigidus in pratis cantando rumpitur anguis.  
Ducite ab urbe domum, mea carmina, ducite  
Daphnim.

Terna tibi haec primum triplici diversa colore  
Licia circumdo, terque hanc altaria circum  
Effigiem duco; numero deus inpare gaudet. 75  
Ducite ab urbe domum, mea carmina, ducite Da-  
phnim.

72. DAPHNIN 74. HAEC 76. DAPHNIN

71 in campis Zulich. 73 triplici primum Goth. sec. triplici circumdata filo Licia Donatus memorat ad Terent. Andr. V, 4, 8. triplice d. c. Medic. et Menag. pr., qui et v. 105 et 106 hic inserit; sed intempestive. Vs. 73 cum 75 insertus fere Ciri 371. 373. 74 terque hanc Longob. Pierii, ut referatur ad effigiem. Praetulit hoc Wakef. (Novum hoc, quod licia commemorantur: itaque haec licia, quae manu tenet; novum etiam quod imago: itaque hanc effigiem, quam item manu tenet; altarium contra, non nunc demum, sed supra iam facta mentio vs. 64.: cinge haec altaria. Quare hanc, si vel in nullo exstaret codice, restituendum e coniectura foret; vid. Q. V. VIII, 1. Hanc etiam Vossius adscivit. Wr.)

morem fieri creditis aut ab aliqua similitudine, modo tropica, modo allegorica, petitas; rebus physicis plerumque ad animorum sensus traductis. 71. cantando pro incantando, fascinando. Frigidus ex natura anguium dictum, ut supra III, 93, et male alio trahitur. rumpitur, disrumpitur. Gesnerus Thes. h. v. malit a nocendo cohibetur exponere, quia fere rumpi dicuntur, qui defatigantur, conficiuntur. Scilicet insederat viro exquisitae doctrinae hoc, quod sisti fere serpens, ac detineri carmine aut torpere, solvi ac rigere, dicitur. cf. Tibull. I, 8, 20. Lucan. VI, 488 et al. δολιχὴν ἀνελύει ἄκανθαν Γηγενέος σπείρης, μήκυνε δὲ μυρία κύκλα Apollon. IV, 150. Sed et alterum memorari solitum fuisse, nunc uno Ovidii loco docebimus Am. II, 1, 25 Carmine dissiliunt, abru-

ptis faucibus, angues; in quem sensum rumpi ut accipiamus, suadet sermonis ratio et usus. (Probat hoc etiam Iahnus laud. Weichert. de Iarbita Timagenis aemulatore. p. 6. Wr.)

73. Dum haec loquitur, maga imagunculam, Daphnidis (sane Daphnidis, ut ex pron. tibi intelligitur, quod non potest ad alium, nisi ad Daphnidem, referri. Nam quod vs. 80. duae commemorantur imagines, quum unam utraque Daphnidis effigiem repraesentet, nihil impedit, quominus h. l. singulari numero utatur poeta. Wr.) an mulieris, tenere eamque tribus filis, diversi quoque coloris, circumdare et circa aram portare putanda est. (H. Vossius novem licia, terna unius coloris, intelligit, secutus Ciri 371.; sed hoc vereor ut Latinitas patiatur. Terni pro tres Aen. V, 560. Wch.) 75. deus

Necte tribus nodis ternos, Amarylli, colores;  
Necte, Amarylli, modo; et, Veneris, dic, vincula  
necto.

Ducite ab urbe domum, mea carmina, ducite Daphnim.

Limus ut hic durescit, et haec ut cera liquescit 80  
Uno eodemque igni: sic nostro Daphnis amore.  
Sparge molam, et fragilis incende bitumine laurus.  
Daphnis me malus urit: ego hanc in Daphnide  
laurum.

### 79. DAPHNIN 82. LAUROS

77 *trinos Ven. tribus natis* Leid. 78 Mira res est, quantopere in-  
eptierint viri docti saec. XV et XVI in huius versus metro: dum nodos in-  
trudere voluere. Ceteris ap. Burmann. adde Benedictum philologum in Ed.  
Iunt. 1520, ut sit versus amphimacer. *modos* Zulich. 80 *haec ubi Ven.*  
82 *laurus* Medic. conf. sup. v. 13. (recepti. vid. not. ad Ecl. VI, 83. *Wr.*)  
*ramos* Picrii Oblongus. v. Aen. VII, 135. 83 *me male urit* Rottend. alter.  
*in hac ego Daphnida lauru* tentabat Io. Schrader. Certe *in Daphnida*  
requiram; *ἐπὶ Δάφνιδι*, h. e. *ἐἰς Δάφνιν*. Si tamen Virgilio non placuit  
ita scribere? Reposuit Wakef. (Bene *in Daphnide*; dictum hoc „urere

universe, cum proprie sit Hecate, cui magica sacra fiunt. 77. Tum illa iubet ancillam *ternos colores tribus nodis*, h. e. tria fila diversi coloris, unumquodque suo nodo, nectere verba praefatam: Veneris hoc vinculum se esse velle. (De nodis magicis vid. Turneb. Advers. XIX, 22. Delrion. Disquis. Magic. III. part. I. Quaest. IV, 25. et Cerd. ad h. l. *Wr.*)

80. Duae Daphnidis imagines, alteram e limo, e cera alteram, igni admoventi puta. Cerea etiam ap. Theocrit. II, 28 est; minus bene Servius alteram ex limo ipsius veneficae esse vult: nam sequitur: *sic nostro Daphnis amore*, scil. liquescat molliaturque in amorem mei, obdurescat vero et obsirmetur animo ad constantiam amoris. (Probabilius haec Vossius ita exponit,

ut dicat, id pharmaceutriam hoc ritu efficere velle, ut obdurescat Daphnidis pectus adversus alias puellas, molle autem et mite fiat erga ipsam. Recte idem sentit, studio quaesitam videri soni similitudinem, quae sit in verbis *durescit — liquescit*; ac pertinere hoc ad morem in arte magica observatum; vid. etiam not. ad Ecl. III, 110. *Wr.*)

82. Aliud venefica nunc adgreditur: laurum incendit, ut Daphnis eodem modo amore incendatur. *molam*, far et salem, ut etiam Theocr. v. 18 et 21. cf. h. l. Serv. Cur, pro sulfure, *bitumine* illitas lauros memoret, nam videtur mystica aliqua causa subesse, ariolationes vid. apud eund. *fragiles* Lucretii VI, 111 auctoritate a sono ex fragore explicant, *crepitantes in flamma*, quod ominis loco in hac arbore

Ducite ab urbe domum, mea carmina, ducite Daphnim.

Talis amor Daphnim, qualis, quum fessa iuven-  
cum 85

Per nemora atque altos quaerendo bucula lucos  
Propter aquae rivum viridi procumbit in ulva,  
Perdita, nec serae meminit decedere nocti,  
Talis amor teneat, nec sit mihi cura mederi.

#### 84. DAPHNIN 85. DAPHNIN

*laurum in Daphnide*“ aut ita, ut notissimum illud „ardere in puella“; praepositio *in* in tali sermone indicat, qua causa quid fiat, quo quid pertineat; idem fere, quod *propter*; vid. Brem. ad Nep. Timol. c. IV, 3.; aut, quod mihi probabilius videtur, „urere laurum in Daphnide“ ita capiendum est: urere laurum, ut in ea se uri Daphnis sentiat; quod idem est, ac „Daphnidem in lauru urere“; Ovid. Met. VIII, 515.: „absens flamma Meleagros in illa Uritur.“ Vossius haec proprie dici et laurum in Daphnidis imagine repositam uri existimat. *Wr.*) 86 *altu* Ven. 87 *concumbit* Gud. *in ulvu* Heins. e melioribus mss. reposuit iterum, cum iam a Naugerio in Ald. tert. et hinc in alias inductum fuisset. (Medic. *ulla*; *v* tamen, sed a recentiore manu, suprascriptum. *ulvu* Potterii codd. omnes. *Wr.*) Vulgata *in herba*, quam Pier. defendebat, ex Ald. pr. propagata est in alias, in his in Steph. conf. Martin. *in umbra* ed. Ven. cum Goth. sec. a m. pr. *consedit in herba* unus Heins., sollemnes utique variationes. 88 *sera m. d. nocte* quartus Moreti et alius Heinsii. *noctis* fragm. Moreti; unde Burmann. coni. *sero noctis. decedere* Menag. et Rottend. sec. vid. sup. Ecl. II, 67. Ambiguum est, utrum *perdita* antecedentibus, an sequentibus, ut in loco Varii (in Notis) subiungas. (Est hoc ex eo epiphonematum genere, quod creberrimum apud Homerum et Virgilium; recte F. A. Wolfius talia ubique commatis inclusit; Heyniana interpunctio in his sibi non ubique constat; curandum putavi, ut iam sibi constaret. *Wr.*)

observabatur. Theocr. l. l. v. 24. v. Cerda ad h. l. cf. Tibull. II, 5, 81. 83. Mox 83 *in Daphnide*, ἐπὶ Δάφνιδι, in Daphnidem, quod in Daphnidem vertat, ut is eodem modo flamma amoris consumatur. (vid. V. L. *Wr.*) Theocr. l. l. v. 23 Δέλφιδις ξύ' ἀνίσσεν· ἐγὼ δ' ἐπὶ Δέλφιδι δάφνην Ἀΐθω etc. Horat. Epod. V, 81. Scilicet magicae hae rationes fere symbolicae sunt, quarum congruentiam et similitudinem physicum aliquem effectum habere stultitia hominum aut credidit, aut aliis persuadere voluit.

87. *Propter aquae rivum*; ex usu poetarum, Horatii, Tibulli I, 1, 28 praeeunte Lucretio II, 30 *prostrati in gramine molli Propter aquae rivum, sub ramis arboris altae.* in Culice 389 *Rivum propter aquae viridi sub fronde.* Et iam sup. Ecl. V, 47 *Dulcis aquae saliente sitim restringere rivo.* 88. *nec serae — decedere nocti*, elegantius ad poeticam rationem, quam *sera nocte*; quod aliis verbis dixit Statius Theb. VI, 191 *Tunc piget ire domum, maestoque novissima campo Exit et oppositas impasta averitur herbas.* Locus



Ducite ab urbe domum, mea carmina, ducite Daphnim. 90

Has olim exuvias mihi perfidus ille reliquit,  
Pignora cara sui: quae nunc ego limine in ipso,  
Terra, tibi mando; debent haec pignora Daphnim.  
Ducite ab urbe domum, mea carmina, ducite Daphnim.

Has herbas atque haec Ponto mihi lecta venena 95  
Ipse dedit Moeris: nascuntur plurima Ponto:  
His ego saepe lupum fieri, et se condere silvis  
Moerim, saepe animas imis excire sepulcris,  
Atque satas alio vidi traducere messis.

Ducite ab urbe domum, mea carmina, ducite Daphnim. 100

Fer cineres, Amarylli, foras, rivoque fluenti

90. 93. 94. DAPHNIN 95. HERBAS, VENENA, 98.  
MOERIN 100. DAPHNIN

92 *Pignera* duo. vid. Burm. *limite* Goth. sec. (— 95. *Iunge mihi dedit*; Heynius in fine versus interpunxerat. *Wr.*) 96 *plurima* Medic. (*plurima* est prior lectio Medic. *Wr.*), ut *maxima*, a m. pr. 98 *Moerim* alii. (in quibus Medic.; et sic edidi. *Wr.*) v. ad II, 26. *Moerim et s.* Zulich. *animasque* Parrhas. *exire* Goth. sec. ed. Mediol. 1474 cum aliis antiquis; uti auguror.

omnino pulcerrimus; in quo Varium expressit noster, docente Macrobi. Sat. VI, c. 2. Dixerat ille de cane cervae vestigiis insistente: *Non amnes illam medii, non ardua tardant, Perdita nec serae meminit decedere nocti.* Est Homericum *πειθώμεθα νυκτι*, ut Odyss. μ, 291. nec bene, puto, redditur, ad seram noctem.

91. Simillima haec sacris magis a Didone institutis Aen. IV, 495 sq. 93. *debent haec pignora D.* expectat hoc a defossis sub limine vestibis, ut ad eas Daphnis vel invitus retrahatur et redire cogatur. Variavit Theocriteam rationem l. l. v. 53. 54. 59. 60. *Liminis* autem sollemnis

mentio in poetica oratione, cum aut admittuntur aut admitti cupiunt, aut excluduntur amantes.

95. Lecta in Ponto, nunc pro Colchide, venena commendantur, quia Medea iis usa erat. (*Has h. atque h. venena*, i. e. has herbas venenatas; vid. Q. V. XXXIII, 4. *Wr.*) Magica quae sequuntur miracula nimis nota sunt, quam ut aliquis in iis haereat. cf. Cerda, et laudd. ad v. 69. (*Ipse M.*, vid. Q. V. XVIII, 2, i. — De vs. 97. vid. Q. V. XXXIII, 3. — 99. *satas messes*, i. e. sata in futuram messem. *Wr.*)

101. Novum et fortissimum praeter cetera incantationis ge-

Transque caput iace; nec respexeris: his ego Daphnim

Adgrediar; nihil ille deos, nil carmina curat.

Ducite ab urbe domum, mea carmina, ducite Daphnim.

Adspice: conripuit tremulis altaria flammis 105

Sponte sua, dum ferre moror, cinis ipse. Bonum sit!

Nescio quid certe est; et Hylax in limine latrat.

Credimus? an, qui amant, ipsi sibi somnia fingunt?

### 102. 104. DAPHNIN

102 *nec respexeris* Medic. Pierianus Oblong. Gud. (et 2. 5. 14. *Wr.*); et hoc verum est: vulgo *ne*. (Iahnus *ne* probat. Vetatur Amaryllis respicere in iaciendo; itaque copulativa requiritur, referenda ad modo praegressum illud *Transque caput iace*; et vid. Q. V. XXXVI, 14. et 15. — 103. Medic. *nihil carmina*; Serv. Dresd. *nec c. Wr.*) 105 *trepidus* vel *tremulis* cod. Köler. *palmis* pro *flammis* Moret. sec. 106 *Bonum fit* Zulich. a m. pr. *ipse bonus sit* Nonii quaedam edd. in *cinis*. 107 *Nescio quis* ex Ald. ed. pr. *qui* poster. laudat Burmann. Male: nam Ed. pr. sec. tert. *quid* habent; nec nisi in edd. senioribus 1527. 1557 varietas illa occurrit. *quit* Medic. *certi est* ex eodem laudat Heins., quod Foggini. non expressit. (Sane notat Foggini, alteram *e* vocis *certe* in *i* mutari in Medic. *Wr.*) *Nescio quicquid id est* Zulich. *est* abest a Veu. Io. Schrader. tentabat: *Nescio quis certe est; ut Hylax in limine latrat!* (Doering. in Progr. saepius laudato sic interpungendum putat: „Nescio quid? — Certe est, et Hylax“ etc. Audiamus ipsum: „Venefica erumpit subito in haec abrupta verba: *Nescio quid* . . . sc. audio, *certe est*, sc. Daphnis, certe Daphnis venit. Virgilius post verba: *Nescio quid* admisit aposiopesin; sic enim loquuntur, quos rapit vehementior animi commotio.“ Mihi quidem adhuc probatur Heynii explicatio, ut simplicior. *Wr.*) Porro *Hylas* fere in libris. 108 *omnia* sed superadscripto *s* Medic. *omina* Canter. ex vet. cod. emendabat. vid. Heins. *qui adamant* Zulich.; Heins. in ora codicis, forte: *ipsis sibi somnia fingunt*; quod minus eleganter diceretur. Deerat hic versus Parrhasiano.

nus adgredi videtur, ut cineres ex ara in aquam fluentem et pone caput iaciat; quod partim cum expiationis, fluminis aqua viva fieri solitae, ritu, partim cum eo more coniunctum esse puto, quo diis inferis aliquid devovetur. v. Cerda. cf. Theocr. XXIV, 92. 94. (*rivo fluenti*, i. e. in rivum; ut Ecl. II, 30. Aen. X, 683. *Wr.* — *nec respexeris*, ne aut sibi noceat, aut rei, quae irrita fieri possit. Ovid. Fast. V,

439. *Sp.* — Ceterum vid. Q. V. XXXIII, 2. *Wr.*) 103. *nihil ille deos*, deos, qui inter incantandum vocati fuerant. Quandoquidem omni magico ritu nihil adhuc effeci, experiar novissimum. Et ecce v. 105 hoc effectum habet.

105. Non necesse haec ex alia quam ex veneficae persona dici. Ipsa illa simul cum ministra ad movere cineri manus poterat. *cinis conripuit tremulis flammis*,

Parcite, ab urbe venit, iam parcite, carmina, Daphnis.

109 *iam, carmina, parcite* Medic. et Pierii Oblong. Vatic. (Retinui vulgatum ordinem, comprobatur etiam vs. 61.: „Desine Maenalios, iam desine, tibia, versus.“ *Daphni* cum lineola transversa Medic. *Wr.*) *Parcite, ab urbe domum iam parcite carmina, Daphnis* Medic. Pierii.

<p>h. flammae ex cinere moto cor- ripiere aram; h. e. exarserunt in ara; res ominosa, ut no- tum. <i>cinis ipse</i>, αὐτὸς, sponte. (<i>Sponte sua</i> — <i>ipse</i> quomodo</p>	<p>Vossius explicet, exponitur Q. V. XVIII, 2, m. <i>Wr.</i>) 107. <i>Nescio quid</i> est certe aliquid; evenit, quod veneficio efficere volui.</p>
--	---

---



# E C L O G A IX

## MOERIS

### ARGUMENTUM

Ad urbem Mantuam haedulos deportanti Moeri, villico, (qui homines et ipsi servi erant, v. Ecl. I, 28. Cic. Verr. III, 50;) adiungit se in itinere Lycidas, aetate florente pastor et carminum studio flagrans; a quo viae caussam rogatus Moeris calamitates suas, dominique, Menalcae, iniurias ac pericula inter eundum, id quod aliquantum iucunditatis habet, commemorat; cumque sermo ad Menalcae carmina deductus esset, recitat uterque nonnulla ex iis fragmenta ac locos, qui fere ex Theocrito conversi sunt, uti tota carminis forma ex eius Idyllio septimo ducta est. Totum carmen ad certum poetae consilium compositum, eiusque, sub Menalcae nomine, fortunam ac temporum calamitatem in eo adumbratam esse, manifestum fit. Iam Servius porro haec narrat: *Virgilius, postquam paene occisus est ab Arrio centurione, cuius in se strictum gladium ut effugeret, in Mincium fl. se praecipitaverat* (vid. eund. ad III, 94), *Romam revertens mandavit procuratoribus suis, ut tuerentur agros suos et ad praesens obsequerentur Arrio. Modo ergo Moeris, procurator eius, secundum praeceptum patroni, portat haedos Mantuam, quos Arrio offerat.* Quae res cum per se non improbabilis sit; effrenis enim libido et insolentia militum in colonias deductorum erga possessores agrorum, quos ipsi affectabant, fuisse memoratur, vid. Appian. Civ. lib. V, 12. 13 (ed. Steph. p. 1082); apud eundem tamen mox alia narratio de Clodio attexitur, qua et superioris fides infringitur. Haec ipsa a recentioribus interpretibus multo etiam magis exornata videas. Inspice modo Catroeum ac Ruaeum. Ex ipso carmine haec saltem confirmantur: scriptum id esse eo anno, quo agri Cremonenses ac Mantuani inter Veteranos divisi essent, U. C. 713, adeoque paullo post primam Eclogam; Virgilio fortunam sub Menalcae persona adumbrari; hunc quidem caussam habuisse, in largitione ista agraria agros suos sibi relictum iri, ut crederet; atque ita vulgo creditum fuisse; eius rei spem ac fidem carminum gratiam fecisse v. 6—10; fuisse tamen illum possessionibus suis eiectum, neque id sine magno periculo, v. 15 et 16. Carmina ipsa, quae intexta sunt, numero quatuor, sunt partim e Theocrito versa, partim ad temporum conditionem accommodata v. 46 sq. Lycidae pueri studium et cupiditas audiendi delectat 56 sqq. Omnino carmen spiritum Maronis et dignitatem epicam prodit; etsi in summa

argumenti equidem non multum ingenii agnoscam. (De tempore, quo conscripta sit haec Ecloga, vide veriora docentem Spohnium in Prolegg. De praestantia huius carminis haec disserit Wunderlichius: „Sua ut recuperaret, composuit hanc Eclogam Maro; atque conditionem indignam poetae praestantis, dum promissis confidit, miserrime bonis suis privati praeclare expressit. Haec si ponas, et cur maxima pars Eclogae, 19—50., in laudibus praestantiae poeseos Menalcae versetur, et cur Octaviano ille Caesarem inter deos beneficos referendo aduleatur, vs. 47., et Vari etiam gratiam quaerat vs. 27., sponte patebit. Iam animum mihi adverte ad urbanitatem Maronis, de certis Octaviani promissis, quamquam spe firma mox sua recuperandi nititur vs. 55. 67., nil memorantis, nec veteranos vehementer incusantis vs. 12., et speciem prae se ferentis, se pro agro toto Mantuanorum restituendo laborare vs. 27.“ *Wr.*)

## LYCIDAS \*). MOERIS.

L. Quo te, Mōeri, pedes? an, quo via ducit, in urbem?

M. O Lycida, vivi pervenimus, advena nostri,

1 In Parrhas. et Leid. alt. ita distinguebatur: *an, quo via ducit? in urbem?* ut hoc ἐπεξηγητικῶς subiiciatur. *aut quo via* Ed. Ven. 2 Vix mihi temperabam in priore editione, quin *Q uo, Lycida, vivi pervenimus!* reponerem; et sic Ecl. I, 72 *En quo discordia cives Perduxit m.* Ecl. III, 88 *veniat, quo te quoque gaudet.* Idem iam Heinsio in mentem venerat, nec Burm. improbat. Si hoc tenemus: exciderat, ut centies factum, prima littera in *quo*, propter simile initium vicinorum versuum, et quod magnum

1. *an in urbem, quo via ducit?* Forma ducta ex Theocrit. VII, 21 sqq. ἃ πόδες ἄγον, Theocr. XIV, 42. (*Quo te, Moeri, pedes*, puta: *ducunt*, ex proximo *ducit* repetendum. Usitatior quidem eiusmodi omissio in secundo membro, quando iam expressum est verbum, quod volunt repetere, licet id alia persona aliove tempore ponendum

sit. Sed nec altera ratio exemplis destituta, ut Horat. Sat. I, 3, 9.: „saepe velut qui, currebat, fugiens hostem;“ i. e. saepe velut qui hostem fugiens currebat, currebat ille. ibid. II, 6, 12.: „qui mercenarius agrum, Illum ipsum mercatus, aravit;“ i. e. illum ipsum mercatus aravit. *Sp.*) 2. *vivi pervenimus*, scil. eo, *ut possessor advena agelli dice-*

\*) *Lycida* quinque ap. Burm., quem vid. (*Lycida* etiam in Medic.; sed verior, ne vs. 2. hoc debeatur. *Wr.*) Zulich. hanc Eclogam post decimam ponebat.

Quo numquam veriti sumus, ut possessor agelli  
Diceret: Haec mea sunt: veteres migrate coloni.  
Nunc victi, tristes, quoniam Fors omnia versat, 5

### 3. QUOD

spatium litterae initiali primi versus relictum esset. Sic in Regio cod. *Lycida* ita scriptum erat, ut breve *o* adpictum esset. Retinebat tamen me, quod ingrata est illa repetitio τοῦ quo, et quidem diverso nunc sensu. (Quo nullo pacto ferri potest, quum id ipsum, quo res pervenerit, significetur his verbis: *ut — diceret. Wr.*) Desideratur huc, *co*, — *ut possessor agelli diceret.* (non amplius desiderabitur; vid. vs. 3. V. L. *Wr.*) Poterat adeo scribi: *Huc, Lycida, vivi pervenimus*, vel, quod Io. Schrader. in schedis tentabat: *O Lycida, vivi quo venimus!* aut vitium in voce inutili *vivi* quaerere. Nunc cum nihil afferri possit, quod non alius aliter constituat, relinquenda est vulgata corrupta. Vetus ulcus esse debet, cum iam Servii codd. insederit. *Vivi pervenimus* pro vivendo attigimus, seu, diu vivendo ad ista pervenimus, Serv. exponit; quod durum et sine exemplo esse, recte Burm. affirmat. (Bene *vivi*. Alias enim non nisi interfectis colonis aut belli iure exactis milites in agrorum possessionem veniebant. Illud vero novum ac prorsus inusitatum, quod quieti et ab armis omniq. societate belli remoti pellebantur; vid. Vita Virg. a. 712. Heyn. Not. ad vs. 28. Vernacule haec ita exprimas: *Was ich nie gefürchtet, habe ich erleben, mit eignen Augen sehen, mit meinen Ohren hören müssen. Wr.*) 3 *Quo nunquam* Moret. quart. et Leid., quod etiam loco mederetur, *vivi pervenimus* eo, *quo nunquam veriti sumus nos perventuros esse*: nisi durior traectio esset. *qua* Gud.; forte pro *quae* addit Burm. (*quo* etiam e Parisinis Potterii unus, cod. 14.; eodem ducit optimi Gud. lectio *qua*. Revocavi *quo*, ipsa Latinitate flagitante; nec prius sanum putabo, quod vulgo editur, donec edoctus fuero, Latinum esse: *pervenimus*, ut. Terent. Eun. I, 2, 44.: „sine me pervenire, quo volo.“ Indoctis librariis verbum verendi accusativum requirere videbatur; ac nihil frequentius, quam hoc ipsum: *quod nunquam veritus sum*, et similia. Neque ita rara sunt exempla, etiam durioris, verborum apud Lat. poetas traiectionis; vide, quos laudat Spohnius, Burm. Praefat. ad Phaedrum. Benth. ad Hor. Sat. I, 3, 61. Heind. ad Sat. I, 6, 68. *Wr.*) *Quam nunquam meriti sumus!* Leid. alt., ut sit exclamatio, quasi haec tam indigna immerentibus evenierint. 4 *migrare* Ven. 5 Quamquam duplex epitheton affectui animi non male inservire videri potest, conf. Ge. I, 407, eleganter tamen Burm., dum duo epitheta ferre se negat, distinguit ac legit: *Nunc, victi, tristis quoniam sors omnia versat. tristis fors* legit etiam Probus Instit. Grammat. et recepit nunc Wakef. Vulgata tamen, *Nunc victi, tristes*, firmatur ex Grammatici imitatione, Anthol. Lat. lib. I, pag. 178, v. 84, ubi vid. Burm. Sec.; eamque feres, si *victi* per se dictum accipias, postquam, quia, victi sumus, nunc tristes mittimus. Quod vero, Cerdæ ac Pierii exemplo, *sors* h. l. praefert Burmann., non recte facere videtur. Longe aliter ap. Horat. Od. II, 3 extr. *sors versari urna* dicitur, quam *sors versat omnia*. (Qua auctoritate lectionem *sors* tueatur Burmannus, non habeo exploratum. *Fors* certe in Medic. et Serv. Dresd.; *sors* tamen in Ald. tert., in tribus codd. Hafn. a Voss.

*ret*; sed v. Var. Lect. (*nostri*, ut servi loquuntur; cf. 12. et I, 8. Sic *tua* vs. 30. accipe. *Wch.* — ut fundos amittant. (Rectius, ut mihi videtur, Spohnius: „*victi*, coacti a veteranis, iis cedere



Hos illi (quod nec vertat bene) mittimus haedos.

1. Certe equidem audieram, qua se subducere colles  
Incipiunt, mollique iugum demittere clivo,  
Usque ad aquam, et veteres, iam fracta cacumina,  
fagos,

## 6. BENE VERTAT

laud. et in Lips. obl. *Sors* eventus est, non ipsa vis fati; quare non est Latium *sors versat*. Contra *Fors* significat caecam quandam vim, res humanas temere ac nullo consilio regentem, nulla tamen adiuncta aut laedendi, aut iuvandi notione; quare nullum usquam huic nomini adiicitur epitheton. Non sunt igitur huic plane syuonyma *Fortuna* et *Fatum*. Hinc apparet, nec *Fors*, nec *tristes* sollicitandum esse. Vid. etiam Paldamus ad Propert. pag. 240. *Wr.*) 6 *non bene v.* unus Moreti. *nec vertat bene* Menag. et Pierii Oblong. (*nec vertat bene* etiam Medic. et Hafn. C. ap. Voss.; recte! et recepi, ne diutius laedatur elegantiorum aures pessimis numeris:

Hós illi | quod néc bene vertat | mīttimus haedos.

Unum, quod praeterea apud Virgilium exstat, rhythmī eodem vitio laborantis exemplum correximus suo loco, Aen. X, 51. Prava verborum collocatio h. l. orta ex usitata formula: *quod bene vertat*. Sed Terent. Adelph. II, 1, 37.: „quae res tibi vortat male.“ Vossius quidem eundem verborum ordiem exhibet, quem nos; sed, quod mireris in homine eruditissimarum aurium, non aliam ob causam, quam quod rarius sic posita inveniantur. Idem *vortat* edidit; recte fortasse, licet e nullo codice enotatum. Ceterum vid. Q. V. XXXII, 8. *Wr.*) *quod* superscripto s Medic. (— 7. *quae* Medic. a m. pr. *Wr.*) 8 *Incipiant* Goth. sec. *dimittere* Goth. pr. et septem ap. Burm., nota variatione. 9 Lectio haec ab Heiusio e Mediceo probata et a Burm. reposita, uti et in Gud. a vet. manu emendatum fuerat, et sic Ecl. II, 3 *inter densas, umbrosa cacumina, fagos*; multo nimirum

debentes.“ *Wr.*) 6. *quod nec bene vertat*, „quae res in eius perniciem vertatur.“ Serv. Quod male ei sit, cum imprecatione novi heri, cui haedi ex agro in urbem apportandi sunt. (*Mittimus* explico: agnus absenti, ad absentem, utpote in urbe degentem dominum; nec alio fere sensu dici hoc putarim, quam *inferias mittere*, i. e. ferre inferias, quae per tumultum ad inferos deveniant. *Wr.*)

7. Situm agri Virgiliani puta fuisse hunc, ut ille inde a collum clivo usque ad Mincium fl. et fagos ibi satas pertingeret. cf. Ecl. I, 52 Not. *subducere* se col-

les dicuntur, qui ex alto in planum deducuntur, decrescant, cf. Burm.; iidem colles *demittunt iugum molli clivo*, cum dorsum collis molliter declive lenem ad planitiem et fl. Mincium descensum praebeat. *Fagos* fractas puta seu vi hostili excisas, seu procella et vetustate; quod praestat. (Et sic intelligi haec iubet particula *iam*, ad vetustatem referenda. Ac fagos istas termini loco fuisse, probat Vossius, coll. Horat. Ep. II, 2, 170.: „qua populus adsita certis Limitibus vicina refugit iurgia.“ *Wr.*) In priore agnoscas imitationem Di-rarum Valerii Probi 26 *Tu ne-*

Omnia carminibus vestrum servasse Menalcan. 10  
 M. Audieras? et fama fuit; sed carmina tantum  
 Nostra valent, Lycida, tela inter Martia, quantum  
 Chaonias dicunt, aquila veniente, columbas.

Quod nisi me quacumque novas incidere litis  
 Ante sinistra cava monuisset ab ilice cornix: 15  
 Nec tuus hic Moeris, nec viveret ipse Menalcas.

L. Heu! cadit in quemquam tantum scelus? heu,  
 tua nobis

Paene simul tecum solatia rapta, Menalca?

Quis caneret Nymphas? quis humum florentibus  
 herbis

### 11. AUDIERAS; 18. MENALCA!

ea elegantior vulgata: *veteris iam fracta cacumina fagi*. (hoc videtur praeferre Spohnius; orta haec lectio e veteri scriptura *veteris*, i. e. *veteres*, de qua dicitur alio loco. *Fagos* praescriptum est etiam ap. Pompon. Sab. *Wr.*) Apud Quintil. VIII, 6, 46 libri plerique: *confracta c.*, quod Catroeus, sibi mirifice in eo placens, recepit; saltem expectabo, donec *infracta* se obtulerit. 10 *nostrum* Goth. sec. quatuor Burm., it. Ed. Mediol. (In hoc *nostrum* veram Virgilii scripturam latere suspicatus Vossius *vostrum* edidit. Sed quum alia, quibus insistas, desint vestigia, relinquamus hanc formam antiquioribus, et meminerimus, nihil esse crebrius hac pronominum *vester* et *noster* permutatione etiam in prosariorum scriptis; cf. Drakenb. ad Liv. XXXIII, 2, 2. *Wr.*) *Menalcam* Medic. (In Medic. pro ultima litera lineola transversa comparct, quae etiam literam *n* designare potest; vid. omnino Q. V. III, 1. — 11. Male hucusque editum erat: „*Audieras*; et *f. f.*“ vid. Q. V. XXXV, 9. *Wr.*) 12 *marcida* Moreti fragm. 13 *aquila dicunt* Ven. et cod. Burm. 14 *quocumque* Ven. *quae vel quacumque* Gud. (*lites* Medic. *Wr.*) 15 Conf. ad Ecl. I, 18. — 17. Serv. Dresd. *tant. scelus? hoc tibi nuper.* — 18. Hcyn.: *Menalca!* Non haec cum exclamatione, sed per interrogationem efferenda. Exclamatio convenit narranti, non audienti. *Wr.*) 19 *Quis caneret silvas* fragm. Moreti, at Ecl. V, 20 *Extinctum Nymphae* etc. *orbis* a m. pr. in Medic.

*mus, et multum nostris cantata libellis Optima silvarum — Non fundes virides umbras — Militis impia cum succidet dextera ferro.*

13. *aquila veniente*, irruente, hostili et infesto animo. cf. Burmann. In animo habuit poeta Lucret. III, 751 *tremetque per auras Aeris accipiter fugiens veniente columba*. *Chaoniae* vero *columbae* sollenni epitheto a Dodoneo luco et oraculo per co-

lumbas s. palumbes edito. Erat autem Dodona urbs Epiri, vetustissimis temporibus a Chaonibus habitatae. conf. Strabo VII, pag. 498 C. 14—17. Nisi augurio monitus fuisset, ut *quacumque* via ac ratione iurgia cum veteranis in agros immissis praeciderem; capitis periculum una cum hero Menalca adissem. (Cic. de Div. I, 39.: „*cornix a sinistra facit ratum.*“ *Wr.*)

18. *solatia*, carmina erepta.

Spargeret? aut viridi fontis induceret umbra? 20  
 Vel quae sublegi tacitus tibi carmina nuper,  
 Quum te ad delicias ferres, Amaryllida, nostras?  
 „Tityre, dum redeo, brevis est via, pasce capellas;  
 Et potum pastas age, Tityre; et inter agendum  
 Occursare capro, cornu ferit ille, caveto.“ 25  
 M. Immo haec, quae Varo nec dum perfecta cane-  
 nebāt:

„Vare, tuum nomen, superet modo Mantua nobis,

## 27. NOMEN (SUPERET)

20 *montes ind.* Moreti fragm., etiam male. vid. ib. v. 40. cf. ib. Var. Lect. (*fontes* Medic. *Wr.*) 21 *Nam quae* Nonius in *legere*. 25 *capre* Medic. a m. pr. *cornu petit* Rottend. tert. et Gud. pro var. lect., frequenti variatione. vid. Burm. h. l. et ad Ecl. III, 87. *feret* Medic. a m. pr. 26 *Pro haec, quae* Medic. a m. pr. *terque. nondam* nonnulli ap. Pier., it. ed. Ven. *canebant* Gud. 27 *superent* Medic., deleta *capiant*, quod ante perscriptum erat. *Bare* idem, et superiore versu *Baro*, at v. 35 *Varo*.

(*Solatia*: ad Ecl. V, 20. 40. respicere poctam, haud inepte conicit Voss. *Wr.*) 20. *spargeret* — *induceret*, dicta non proprie; sed poetico acumine, quod Ecl. VI, 62. 63 vidimus, h. caneret, ut sparguntur — ut inducuntur; aut ut sparsa et consita floribus sit terra, utque fontes arboribus umbris consiti sint. (vid. Q. V. VIII, 3, VII, a. *Wr.*) Verbo: quis caneret carmina bucolica: pro his sunt argumenta memorata, *quis caneret Nymphas, prata, fontes!* Respicit autem *Eclogam quintam*, inprimis v. 20 et 40 *Spargite humum foliis; inducite fontibus umbras*. Utrumque vero dici, et *fontibus inducere umbras*, et *fontes inducere umbris*, docet Burm. ad h. l.

21. *Vel quae* sc. quis caneret, quis cecinisset vel ea, quae nuper, te non sentiente, cum caneres, ex te didici, quando ad Amaryllidem te conferebas. Tum subiicitur vs. 23 — 25 breve

carmen ex Theocrit. III, 3—5 ad verbum conversum. Comparat ista inter se Scaliger Poet. V, 5 pr., sed suo more. Add. Gell. IX, 9. 22. *Amaryllida, delicias nostras*: aut communem utriusque amicum dicere voluit, aut pro, meam amicum. Neutrum satis placet; hoc tamen magis consentaneum, quandoquidem Moeris iam senio fractus est v. 51. Ut ex alia persona dictum habeatur, verba versus 22 *Quum te* non admittunt, nisi quis aliena de suo sensu admisceat. (— 23. *dum redeo*, ut ap. Terent. Adelph. II, 1, 42.: „Delibera hoc, dum ego redeo.“ *Wr.*)

27—29. Aliud breve carmen. Aut quis haec caneret, quae etc. *Vare, tuum nomen cantantes s. — superet modo* —. Nexus sententiarum esse videtur hic: Si modo Mantua ab interitu servata fuerit: nomen tuum per totum agrum Mantuanum celebrabitur. Poetico, si non pasto-



Mantua vae miserae nimium vicina Cremonae,  
Cantantes sublime ferent ad sidera cycni.“

I. Sic tua Cyrneas fugiant examina taxos; 30

### 28. CREMONAE!)

29 *Candentes* con. Io. Schrader., *sublima ferent* e Lucret. inculcare malit Wakef. ad Lucret. I, 341. *ferant* Gud. Goth. pr. 30 *Sic sua* Alcuin. Grammat. p. 2124. — *Cyrneas* varie corruptum in libris v. ap. Burm. (Medic. *Cyneas*, sed tertia litera erasa et ita superscripta *r*, ut fiat *Cyrneas*. *Wr.*) Est *Κύρνος*, *Κύρνεος*. *fugient* Ven. *exugmina* Medic., sed transfixo *g*.

ritio, phantasmate, quo omnis natura sensu rerum iucundarum et molestarum imbutur, ad olorum cantum id revocavit: quandoquidem cantus tribui iis solet: ipsi cycni tuum nomen celebrabunt. Commemorat hos, quia Mincius iis abundat Ge. II, 198. 199 *Et qualem infelix amisit Mantua campum, Pascentem niveos herboso flumine cycnos.* Ut cycni poetae sint, etsi illud aliis locis occurrit, v. ad Horat. IV Carm. 2, 25 et ad h. l. Cerda, vix video, quomodo commode fiat. Ita esset: poetae Mantuani Varum celebrabunt; saltem dictum erit de uno Marone. Verum res ita declaranda esse videtur: Quod vulgo erat: nomen tuum per totum agrum Mantuanum celebrabitur; poetica ratione ad olorum cantum revocatur. Quod enim poetae sensum tangit, id cum omni rerum natura, animata et inanimata, communicatur. Ut igitur simili modo totum nemus aliquem canere diceretur, utque supra Ecl. V Daphnidem lugent et celebrant laudibus silvae ac ferae, et I, 39. 40 fontes et arbusta desiderabant Tityrum; ita nunc cycni concinunt in Vari honorem. Cycnorum cantum, saltem silve-

strium, nostra quoque aetate rerum experimento vindicarunt plures viri docti, in his Abb. Mongez. De Varo vid. Exc. ad Ecl. VI pr. Meritum eius aliquod fuisse apparet in agris Mantuanorum a veteranorum iniuria vindicandis. *superet modo Mantua nobis*, h. incolumis et salva sit, agris redditis; quo facto, ipsi Virgilio suae possessiones conservabantur. 28. *vae miserae n.* Scilicet, cum Cremonensium, qui Cassii et Bruti partes sequuti fuerant, agri militum numero, cui assignati fuerant, non sufficerent, proximi agri Mantuani additi sunt, licet ea urbs in Augusti partibus fuisset. vid. Vita Virg. a. 712.

30. *Sic* nota obtestandi formula: cf. Ecl. X, 4. *Incipe canere, si quid habes*, quod canas, aut potius, quod memineris ex Menalca auditum: sic apibus et gregibus tuis bene eveniat. (Apibus abundasse agrum Virgilii, discitur ex Ecl. I, 54. VII, 13. *Wr.*) *Cyrneas taxos*, Corsicanas, ex *Κύρνος*. *Taxus* omnino mellificio exitiosa: Ge. IV, 47 *Neu propius tectis taxum sine.* *Cyrneas* ergo non aliter accipies, quam ut a notiore ac famosiore genere epitheton *taxis*

Sic cytiso pastae distendant ubera vaccae:  
 Incipe, si quid habes. Et me fecere poetam  
 Pierides; sunt et mihi carmina; me quoque dicunt  
 Vatem pastores: sed non ego credulus illis.  
 Nam neque adhuc Vario videor, nec dicere Cinna 35

31 *distendant* Heins. e melioribus, etiam sic Medic., sicque alii apud Pier., cum vulgo *distentent* legeretur. *distentant* Voss. pr. (sic etiam Serv. Dresd.; et hinc orta vitiosa lectio *distentent*. *Wr.*) *distentant* Ed. Ven. 33 *dicent* Ven. 34 *non sum credulus* unus Moreti. 35 *Vario* manifeste legit Serv. et Schol. Horat. Cruqu. ad Od. I, 6, qui Thyestae tragodiae auctorem, eundemque nobilem epicum poetam, intelligit; sed in scriptis constanter *Varo*. In edd. *Vario* repositum est ab Egnatio et Naugerio: quod iterum deseruit Paullus Manutius cum edd. sequ. Quae ambiguitas in his nominibus sit, nota res est: v. Exc. ad Ecl. VI. Varum inter viros principes et militia claros istius aetatis fuisse, satis constat; an idem poeta fuerit, non nisi ex hoc loco statuas. De poeta enim cogitandum esse, docet memoratio Cinnae. Itaque, cum perpetua sit horum nominum confusio, cumque veteres Grammatici *Varium* hic in libris legerint, post *Varum* v. 26, illum alterum *Varium*, in locum suum retrahendum esse manifestum fit. (*Varo* etiam Potterii codd. omnes. Explicandus codicum in hoc vitio consensus ex eo, quod bis antea commemoratus fuerat *Varus*. Varii nomen etiam Apuleio de Orthogr. restituit Osann. pag. 67. *Wr.*) *Cigna*, *Cyigna*, *Cyna* in libris nonnullis. *neque dicere* Moret.

dederit *Mel amarum* in ea insula confectum, satis notum post tot de Corsica virorum doctorum commentationes. 33 — 36. Ex Theocrit. VII, 37—41 92 sqq. De v. 34 docta est Macphersoni disputatio in *Critical Diss.* p. 205, qua efficere vult, vocabulum *Vatis* Virgilium a Gallis suis Cisalpinis petiisse; fuit enim inter Celtas Vatum seu Eubatam, Euhagum, ordo, Bardos etiam dignitate antecellens. conf. Strabo IV, pag. 302. Ammian. XV f. Enimvero concidit omnis haec subtilitas, si meminervis, Virgilium latine reddidisse Theocritea, in quibus *αοιδὸς* est, nec diversum esse vatem a poeta.

35. *Varius* nobilis *Thyestae* auctor. vid. ad Donati Vit. Virg. §. 53. *Cinna* Smyrnam scripserat, carmen, quod decem annis elimaverat, v. Catull. 89. conf.

Martial. X, 21. (Vid. omnino binas Weichertii Commentatt. de C. Helvio Cinna. Grimmae 1822. sq. edit. Adde Osann. in V. L. laud. p. 68. sq. *Wr.*) Ruaeus parum validis rationibus ad Cornelium Cinnam magnum Pompeii ex filia nepotem refert. Poetas esse hic intelligendos, versus sequens arguit: *inter olores*. 36. *Anserem* aliquem eius temporis poetam, de quo Ovid. Trist. II, 435. Propert. II, 34, 84. II, 25, 83, et ad quem Cic. Phil. XIII, 5 respicere putatur, hic tacite vellicari, docet Servius. Sed anserem ex opposito olorum natum esse et expressisse nostrum Theocritea, probabile fit Idyll. VII, 47. (Etsi respexerit Virgilius Theocritum, tamen hoc non impedit, quominus in nomine luserit, Ciceronis exemplo, Philipp. XIII, 5.: „de Falerno An-

Digna, sed argutos inter strepere anser olores.

m. Id quidem ago, et tacitus, Lycida, mecum ipse  
voluto;

Si valeam meminisse; neque est ignobile carmen.

„Huc ades, o Galatea; quis est nam ludus in undis?

Hic ver purpureum; varios hic flumina circum 40

Fundit humus flores; hic candida populus antro

Inminet, et lentae texunt umbracula vites.

Huc ades: insani feriant sine litora fluctus.“

L. Quid, quae te pura solum sub nocte canentem

Audieram? numeros memini, si verba tenerem. 45

m. „Daphni, quid antiquos signorum suspicis ortus?

36 *inter strepet* Ven. Wakef. ad Lucret. II, 410 poetam scripsisse *argutus* censet, ut Ge. I, 143 *arguta serra* et *argutus anser* ap. Martial. 37 *Iam pridem ago — mecum ipsa voluto* Zulich. et abest a Goth. sec. 38 idem *Qui valeam m.* 39 *nam* deest fragm. Moreti et Goth. sec. 40 *ver perpetuum* quendam legere notant Guellius et Cerda, quem vid. 43 *incant fluctus* mavult Bentl. ad Lucan. II, 673. (merito hoc reiectum ab Iahnio. *Wr.*) 46 Mediceus etiam quinque sequentes versus refert ad Lycidam. Moeris ab illis incipit: *Omnia fert aetas*; nec aliter Gud. Heins. *respicis ortus* Zulich. *suscipis* Gud. et Rottend. sec.

seres depellentur.“ *Sp.* Serivium sequuntur praeter Spohnium etiam Voss. et Weichert. Comment. I. p. 9. *Wr.*) Odio mihi sunt Musarum alites, *Μουσῶν ὄρνιθες* (ut ap. Horat. *Maeonii carminis aliti* Vario), qui cum Homero contendunt, *ὄσοι, ποτὶ Χίον ἀοιδὸν Ἀντία κοκκύζοντες, ἐτώσια μοχθίζουσι.* *arguti* sunt canori.

39. Ex Theocr. XI, 42 — 49. 63 sq. cf. V, 45 sq. ductum, sed oratione variata: nobile vero bucolici generis argumentum Cyclopis amor et Galataeae in eum asperitas. Quis non ex Theocrito meminerit Idyll. XI. conf. Bion. Idyll. VII, 3, et fragm. IV. Mosch. Idyll. III, 59. Cum suavitate variavit hoc idem Gesnerus Idyll. *Die übel belohnte*

*Liebe.* 40. *ver purpureum* pro pulcro, a splendore purpurae petatum: non a colore; ut notum. (*purpureum*, splendens, nitens; vid. exempla ap. Burm. ad Anthol. Lat. T. I. p. 267. *Sp.*) 41. *candida populus*, ἡ λεύκη. 42. Frondes vitium memorat, utpote in vere.

44. Aliud ex Menalca auditum, quod Moeridem canentem audierat Lycidas. *pura sub nocte*, serena; illustravit Burmann.

46 — 50. Persuasione vulgi, quae tum erat, stellam crinitam, quae inter ludos D. Iulio ab Augusto habitos apparuerat, U. C. 711 animum Caesaris in caelum recepti esse (v. Sueton. Caes. cap. 88), ingeniose poeta ita utitur, ut eum inter deos ruris relatum esse fingat. conf. Ge. I, 26. 27. 42.



Ecce Dionaei processit Caesaris astrum;  
 Astrum, quo segetes gauderent frugibus; et quo  
 Duceret apricis in collibus uva colorem.  
 Insere, Daphni, piros; carpent tua poma nepo-  
 tes.“ 50  
 Omnia fert aetas, animum quoque; saepe ego  
 longos  
 Cantando puerum memini me condere soles:  
 Nunc oblita mihi tot carmina; vox quoque Moerim

## 53. MOERIN

47 *Dionaeus* vero recte: *Κύπρι Διωναία*, apud Theocr. XV, 106. 48  
*et quod* Medic. a m. pr. 49 *a priscis* Zulich. *in vallibus* ap. Nonium  
 Marcellum in *ducere. apricis in collibus* est quoque in Tibull. I, 4, 19. *in*  
*apricis saxis* est inf. Ge. II, 522. 50 Obscurum est quod Pomponius ad  
 h. v. habet: „In codice Aproniano hoc scriptum erat *Nepotes* hi.“ 52  
*Cantando solitum* Agroetius de orthographia. *Cantando longos* Scholia-  
 stes Horat. Od. IV, 5. *ducere soles* Gudian., sed *ducere* modo v. 49. 53  
*Moerim* et hic refnxi. Vulgo *Moerim*: v. ad Ecl. II, 26. (Reduxi *Moerim*.  
 Medic. *quod moverim*, supra literam *d* scripta *q*, et in *moverim* transfossae  
*v et e. Wr.*)

De ea stella vid. Plin. II, 23. ubi ipsa Augusti verba adscripta sunt, Sueton. Caes. 88. Dio XLV, 7 et not. Seneca Qu. Nat. VII, 17. Eandem a. 1680. iterum in hominum conspectum venisse, Hal-leius alique viri docti opinati sunt. Ceterum istam stellam in numis gemmisque conspici, notum est. *Dionaei*, quod Caesar genus ab Iulo, adeoque Anchisa et Venere, ducere credebatur; mater autem Veneris *Dione*. *Iulium sidus* Horat. Od. I, 12, 47. *processit*, orta est stella. Ecl. VI, 86 *invito processit Vesper Olympo*. Alio modo *menses procedunt* Ecl. IV, 12. Laudant Homer. Iliad. κ, 252 ἄστρα δὲ δὴ προβέβηκε, verum hic alio modo dictum est et petatum a motu et progressu siderum ad occasum vergentium ad oculorum sensum notato. vid. Excurs. II ad lib. II

Aen. Eius vero stellae ortus bonum frugum proventum omninari et maturare fingitur. *Insere* seu proprie, seu omnino: planta: cf. Martin.

51. *Omnia fert aetas, animum quoque*. Memoria deficiente Moerim subito obticuisse, nec, quod coeperat, implere potuisse puta; addit itaque cum dolore: Omnia aufert, eripit, atterit aetas, etiam animi vires, memoriam. Atqui saepe ego me, dum puer essem, memini, totos dies aestivos cantando exigere; nunc tot carminum oblitus sum, ipsa etiam vox me deficit: *condere soles*, ut Horat. IV Carm. 5, 29 *Condit quisque diem collibus in suis*; pro vulgari, videt diem condi. Quod fit in tempore, tribuitur alteri tamquam actio: exigit diem, peragit, fugat, finit, adeoque quoque, con-

Iam fugit ipsa: lupi Moerim videre priores.

Sed tamen ista satis referet tibi saepe Menalcas. 55

L. Caussando nostros in longum ducis amores.

Et nunc omne tibi stratum silet aequor; et omnes,

Adspice, ventosi ceciderunt murmuris aurae.

Hinc adeo media est nobis via; namque sepulcrum

#### 54. MOERIN

(54. Medic. *Moerem*, sed *e* in *i* mutatur. *Wr.*) 55 *refero* Zulich. 57 *et omnis* Rottend. 58 *ventosi ceciderunt marmoris irae* emendabat Triller. in *Miscell. Lips. Nov. To. VII, P. II.* Eum refellit Oudendorp. ad Sueton. p. 1023. 59 *est post media* deest in Zulich. *iamque* Menag. alter; nec male.

dit. Praeiverat Callimach. in Epigram. 2, 3 ἐμνήσθην δ' ὅσ-  
σάκις ἀμφοτέροι' Ἥλιον ἐν λέσχη  
κατεδύσαμεν. Sic et: *noctem*,  
*lucemam, producere.* (vid. Waar-  
denburgii *Opuscula orat. poet.*  
crit. pag. 232. *Wr.*) 54. *lupi*  
*Moerin videre priores*; in prosa  
extulisses: Obticiui (subito de-  
stituente me memoria), quasi  
lupus me primus vidisset; ex  
opinionem ac proverbio vulgari,  
cui ratio a metus subiti contactu  
subesse potuit. Habet et hoc a  
Theocr. XIV, 22.

56. *Caussando n.*; caussas et  
excusationes asserendo differs  
meum desiderium, canentem te  
audiendi: Lucret. I, 399 *Qua-*  
*propter, quamvis caussando*  
*multa moreris, Esse in rebus*  
*Inane, tamen fateare necesse*  
*est.* 57. *aequor*, int. lacum, in  
quem non longe a Mantua fl.  
Mincius diffunditur. *Sterni* et  
στορεῖσθαι, καταστορεῖσθαι, de  
tranquillitate maris sollemne, ut  
Theocr. VII, 57, ut et *silere* de  
ventis cessantibus, ut Theocr.  
II, 38 Ἠνίδε σιγᾷ μὲν πόν-  
τος, σιγῶντι δ' ἀῆται. (Soph.  
Aiace vs. 659. ed. Herm.: „δε-

νῶν δ' ἄημα πνευμάτων ἐκοί-  
μισε στένοντα πόντον.“ ubi vid.  
Interpp. et supra ad Ecl. II, 26.  
Adde Aen. III, 69.: „placataque  
venti Dant maria.“ *Wr.*) 58.  
*ventosi ceciderunt murmuris au-*  
*rae* in soluta oratione: murmur  
aurae cecidit, et hoc pro ipsa  
aura: aura, ventus cecidit. Sci-  
licet, quod Oudendorp. ad Sue-  
ton. p. 1023 illustravit, *aura*  
*murmuris* dictum est pro aura  
murmurans, sollenni poetarum  
Graecorum et Romanorum, at-  
que etiam Orientis, more, ad-  
iectivum vel participium in sub-  
stantivum mutandi: unde existit  
*aura murmuris*. (vid. de hoc ex-  
quisito genitivi usu Wunderl.  
not. ad Ecl. IV, 24. *Wr.*) Di-  
versa est ratio, qua aetheris  
aura, luminis aura, et sic alia  
dicuntur, de quo vid. ad Georg.  
II, 47. Epitheton proprie ad  
auram spectabat: *ventosa aura*,  
ut Ovid. Medic. fac. 57 *Haec*  
*ubi ventosas fuerint siccata per*  
*auras.* Ante oculos habebat  
Maro Theocriti suavissimum ver-  
sum: τὰ δὲ νιν καλὰ κύματα φαί-  
νει Ἀσυχὰ καχλάζοντα Idyll. VI,  
11. 12. conf. II, 38. (— 59. De

Incipit adparere Bianoris: hic, ubi densas 60  
 Agricolae stringunt frondes, hic, Moeri, canamus;  
 Hic haedos deponere; tamen veniemus in urbem.  
 Aut; si, nox pluviam ne conligat ante, veremur,  
 Cantantes licet usque (minus via laedit) eamus;  
 Cantantes ut eamus, ego hoc te fasce levabo. 65  
 M. Desine plura, puer; et, quod nunc instat, agamus.  
 Carmina tum melius, quum venerit ipse, canemus.

## 64. LAEDAT

60 *hic tibi Ven.* 61 *stringunt.* Pompon. „In codice Aproniani sic scriptum erat.“ Forte *stringunt.* 62 *ad urbem* Zulichem. 63 *At, si* Menag. *nos pluviam* Parrhas. 64 *laedat;* ita Heins. cum bonis nonnullis, et sic eruditius loquuntur. *laedet* vulgo fere. *laedit* Medic. et Moret. sec. cum nonnullis aliis: quod equidem praeferam. (*laedat* ex vicino Coniunctivo ortum. Sententia ipsa requirit Indicativum Praesentis; neque enim quia id potissimum speraret, minus laesuram viam esse, sed quia, ne plueret, verendum erat, euntes se, non sedentes canere vult; quo accedit, ait, quod ita via minus laedit; vid. Q. V. VI, 4. *Wr.*) 65 *ego te hoc* Vossian. *hoc* abest a Goth. sec. 66 *et deest* Leid. sec. *nunc quod nunc* Menag. primus; scilicet ut in Medic. cum errore scribentis omissum fuisset *et*, mox inter *puer* et *quod nunc* insertum est *et nunc.* 67 *tum* Heins. e scriptis. *tunc* al. *cum venerit ipse Menalcas* Goth. sec.

Adv. adeo vid. Q. V. XXVI, 5. *Wr.*) 60. *Bianorem* eundem cum Oeno et conditorem Mantuae facit Servius hic et ad Aen. X, 198 — 200, quem illustrat, sed suo more, Mazochius in *Diss. dell' Accademia di Cortona* T. III, pag. 27. cf. Excurs. I ad Aen. X, med. Destituitur tamen totum hoc assertum idonea auctoritate, nec alius quam aliquis ex illustribus viris vel ex heroicis Mantuanorum fuisse videtur ille Bianor. Vestigia autem pres-

sit Theocriti VII, 10. 12. *stringere* simpl. int. decerpere, amputare. cf. ad Ecl. I, 57. Ge. II, 368. 62. *tamen veniemus*, „etiamsi paullulum quiescentes dederimus operam cantilenae.“ Serv. 63. *nox pluviam ne conligat ante*, ne cum vespera nubes in pluviam colligantur. 64. Pressit et hic vestigia Theocriti VII, 35. 36. 65. *hoc fasce*, haedorum, quos portat, onere. 66. *desine plura* dicere. 67. *ipse*, Menalcas.



# E C L O G A X

## GALLUS \*)

### ARGUMENTUM

**C.** *Cornelius Gallus*, de quo supra ad Ecl. VI, 72 vide, amicam Lycoridem habuit, quam etiam elegis celebravit, saepe a Propertio, Ovidio, Martiale, aliisque laudatis: Servius adeo ad vs. 1 huius Eclogae et Donatus Vita §. 38 libros eius quatuor fuisse Amorum memorant, sub Lycoridis nomine editos. cf. Pompon. Sab. Is a perfida amica desertus, magno dolore oppressus, in hoc carmine tanquam pastor aliquis in Arcadiae montibus ac silvis, sub antro aliquo proiectus, amores suos deslere fingitur. Obiurgat poeta Naidas, quod solae non adfuerint Gallo amoris curis confecto 8—12: cum tamen amoris et miserationis affectum testatae ei sint ipsae inaninatae res, arbores et saxa, 13—15: tum greges cum pastoribus 16—20. Miserandi et consolandi causa accessere ipsi dii: Apollo 21—23; Silvanus 24. 25; Pan 26—30. Tum Gallus, in lamenta et questus erumpens, suam sortem et infaustum amorem conqueritur; malle se pastoris vitam agere 31—43. Nunc in castris versari amicam in Gallias profectam 44—49. Videtur tamen vel sic sibi repente in rus migrasse et aliis curis amoris tormenta levare 50—61; sed amoris mox impatientia victus nulla inde solatia expectat 62—69. Praemittitur exordium poetae, cum epilogo, quo singularem Galli amorem testatum facit. Habet hoc carmen miram artem ac suavitatem; primum in eo, quod omnia, ad maiorem Galli dignitatem, non modo ad vitam pastoritiam, sed ad tempora heroica, in quibus permisti mortalibus dii viverent, relata et ex sensibus et opinionibus istorum saeculorum adumbrata sunt; quare etiam ferre debemus, si quae paullo altiore ac graviore spiritu hic dicta reperiamus; deinde vero quoniam impotentis et sprete amoris aestus ille ac furor, in omnes partes animum rapiens, ipsum legentis animum commovere videtur; quamquam hac in parte Theocriti vestigiis institit, Idyll. I, unde, quae de Daphnide dicta erant, in Gallum transtulit, ut multa tantum latinis verbis reddiderit, in aliis autem cum eo certaverit; uni-

\*) *Conquestio cum Gallo* in scriptis nonnullis. *Conquestio cum Gallo poeta de agris* Medic.; et sic fere in sex septemve aliis; etiam Pom-

pon. Sab.; quod non assequor, quorsum dictum sit. *Poeta ad Gallum. De amore Galli consolatio* Gudian. vid. Burmann. ad h. l.

verse vero a simplicitate et venustate pastoritii carminis et Theocritea suavitate in plerisque recesserit.

Iam de *Lycoride* addunt interpretes Servio duce: fuisse eius verum nomen *Cytheridem*, et esse eam eandem cum Antonii amica illa, mima, ex Ciceronis Philipp. II, 24. 25, ad Att. X, 10 et 16, ad Div. IX, 26. cf. Plutarch. Vita Antonii p. 74 ed. Brian. Plin. VIII, 16 infami, cuius nomen verum fuit *Volumnia*, quoniam Volumnii Eutrapeli liberta esset. (Consentiunt veterum testimonia, Volumniam mimico nomine Cytheridem, a Gallo eiusque amico Virgilio Lycoridem dictam esse. Ergo temere agat, qui aut neget, aut dubitet. Ex iisdem intelligitur, multos eam habuisse amatores; in his M. Antonium ab a. 705. — Cic. ad Att. X, 10. — usque ad a. 708., quo anno ille, Iul. Caesare perditam vitam Antonii improbante, missa Cytheride Fulviam in matrimonium duxit. Hinc amari coepta a Corn. Gallo, qui quatuor libros Elegiarum in eam composuit. Ao. 716. Cytheris fere XXVIII — XXIX. annorum erat; eandem aetatem agebat Gallus. Hoc neminem offendet, qui noverit amorum istorum rationes, qui meminerit, saepe et a pluribus amatas esse non iuniores natu, quam ipsi essent; ita a Propertio Hostiam, s. Cynthiam, ab Ovidio XXII. annos nato Corinnam, i. e. Cynaram. *Sp.*) Quod cum ferri possit: illud alterum, quod, de temporum ratione securi, contendunt ex Servio ad v. 1, eam propterea Gallum destituisse, quod Antonium ad Gallias euntem sequuta esset, quo v. 22 sqq. 46 sqq. referunt, fidem non habet. Nam primum Antonius Cytheridem iam ante 709 dimiserat; adeoque ante id tempus, quo haec post reliquas omnes Ecloga scribi potuit; ea enim de re iam Ciceronis Philipp. II, 28, §. 69 locus est. Decima autem haec Ecloga ante 717 vix scripta est, ut paullo post videbimus. Deinde vero iis annis, quibus haec Ecloga scripta esse potest, Antonius in Oriente, non in Gallia, fuit. Quae omnia docte demonstravit Martin. ad v. 22. Neque ferri potest doctiss. Morgagni (*Opusc. miscell. T. III, epist. Aemil. pr.*) sententia, qui, cum Servium amplecteretur, et Antonii in Gallias profectionem aliquam circumspiceret, illam arripuit, cum Quae-sturam Romae petiisset, et inde ad Caesarem, qui tum in Galliis bellum gerebat, rediret, quae res ad annum 702 Pompeio Cos. sine Collega referenda esset; quod fieri non potest, si Ecloga haec ultimo loco scripta est, ut versus primus declarat. Fontaninus, vir longe doctissimus, in *Hist. litt. Aquilei. p. 28* de fuga Antonii intelligit, cum ad Mutinam 711 victus in Galliam ulteriorem se reciperet, et M. Aemilium Lepidum sibi iungeret. Sed ut alia ne memorem, neque tum quidquam ad Rhenum gestum, quem memorat poeta v. 45. Enimvero non nisi anno 717 U. C. ineunte, M. Agrippa, L. Caninio Gallo Coss., ab Agrippa Cos. exercitus Romanus in Gallias ductus Rhenum transiit. v. Dio XLVIII, c. 49. conf. Martin. ad hanc Eclog. et Vita Virg. ad a. 717; cum quo

exercitu Lycoris militem aliquem sequi potuit, dum interea Gallus sub Augusto ad Pompeianas classes ab Italiae littoribus arcendas in armis esset, aut in alia expeditione versaretur. Ita expedita est sententia versuum: *Tu procul a patria—Alpinas ah dura nives et frigora Rheni Me sine sola vides.* De v. 44 *Nunc insanus amor duri me Martis in armis Tela inter media atque adversos detinet hostes*; ad e. l. accuratius est disputatum. Ios. Scaliger hanc Eclogam Dorica dialecto versam vulgavit. (Ut argumentum a mor Galli insanabilis naturam rei pastoritio carmine tractandae acciperet, alia detrahenda addendave, alia mutanda erant. Unde illud fingitur, Gallum sub sola Arcadiae rupe iacentem de amore questum esse. Nam alioquin commemoratio montium, pastorum et deorum agrestium aliena esset vss. 16—30.; neque appareret, unde ipsi pastori Galli militantis amores innotuissent. Sed quam commode miles, stipendia, in Campania fortasse, faciens in Arcadiam subito transferatur, vix perspicies, neque ex hac parte inventionem Maronis laudabis. *Wch.*)

**Extremum hunc, Arethusa, mihi concede laborem:**

**Pauca meo Gallo, sed quae legat ipsa Lycoris.  
Carmina sunt dicenda: neget quis carmina Gallo?  
Sic tibi, quum fluctus subterlabere Sicanos,**

### 1. LABOREM. 2. SED, LYCORIS,

1 *hunc* deorat Zulich. *cum* Medic. a m. pr. *hinc* Ven. (Antea h. l. ita interpungebatur: *laborem. Pauca—Lycoris, Carmina* etc. Causas mutatae interpunctionis reddidi in Eleg. ad Messal. pag. 68. Et comprobat meam haec distinguendi rationem ipsa auctoris istius carminis imitatio, vs. 1. sq.: „Pauca mihi — niveo sed non incognita Phoebo — Pauca mihi doctae dicite Pegasides.“ *Wr.*) 4 *subterlabere* unus Moreti. *interlabere* Parrhas. *subter labere* divisim Medic. (Nempe ita est apud Fogginium; sed ipse codex nullis singula verba distinguit spatiis; audi Fogginium pag. XIV.: „Lectori fastidio futura mihi ea visa est religio, nulli autem utilitati,

1. *Arethusam*, Nympham Siciliae, ut in carmine bucolico, pro Musa, invocat. cf. Eclog. VII, 21 *Nymphae Libethrides*. Quidni enim pastor Siculus, ut Pana aliosque deos agrestes, ita numina locorum, invocet! nec propterea Nymphae mutantur in Musas. Solenne autem Nym-

phas invocari etiam extra bucolica; ut Coluthus carmen orditur *Νύμφαι Τρωιάδες*—. 2. *sed quae legat ipsa Lycoris*: scil. ut et erubescat de levitate sua ac perfidia, et, tam bonum ac constantem amatorem indigne deseruisse, ut poeniteat. 4. *fluctus subterlabere Sicanos*, maris



Doris amara suam non intermisceat undam. 5

Incipe; sollicitos Galli dicamus amores,  
Dum tenera adtondent simae virgulta capellae.  
Non canimus surdis: respondent omnia silvae.

Quae nemora, aut qui vos saltus habuere, puellae  
Naides, indigno quum Gallus amore peribat? 10

### 10. PERIRET

cum satis sit hoc unum nosse, Codicem nullis spatiis verba inter se distinguere et separare.“ Sed hoc erat operae pretium notare, in Medic. verbum hoc sic scriptum exstare: *supterlabere. Wr.*) *Sicanos*, nunc prima breviter. v. ad Aen. I, 557. 5 *Doris amica* Zulich. *amata* ed. Dan. Heins., vitium ex edd. Pulmann. in multas propagatum. 7 *tenera tondent* unus Moreti. *adtondunt* Morct. qu. *Dum simae adtondent* Ven. 9 *qui nos* Ven. et v. 11 *nobis*. 10 *Naides* Heins. reposuit cum Medic. et optimis; nam *Naiades* est quadrisyllabum. *Ναῖς, Ναῖδες*. At *Ναῖα, Ναῖάδες*. Ita tamen iam correxerant Egnat. et Nauger. Ald. tert. et hinc deductis. *peribat* in Medic. a m. sec. cum Gud., it. in Rom. Pierii, ex poetica ratione a vulgari recedente melius: *ὅκα Δάφνις ἐτάκετο*, quod Pierius comparat. (*peribat* est altera lectio Medicei, literis *BA* supra extremam syllabam . . *RET* appictis. *Quum* subiecto Coniunctivo Imperfecti simpliciter indicat, rem quandam eo tempore evenisse, quo alteram aliquam; sequente Indicativo eiusdem temporis hanc saepe habet vim, ut duas res nec tempore diversas, et ipsa natura sua ita comparatas significet, ut mutua quaedam inter ipsas intercedat ratio. Quod quorsum pertineat, statim apparebit. Non hoc solum dicit Virgilius, Gallum sic affectum fuisse eo tempore, quo Naides in nemore aliquo latuerint; sed increpat istas, quod abfuerint, ubi hoc Gallo laboranti debuerint, ut adessent. Itaque *peribat* scribendum, non *periret*; non

Siculi, Ionii; unde *Doris amara* pro aqua salsa ac marina. (Sic tibi, Arethusa, sinceritas tua perstet, non corrupta aquis marinis. *Wr.*) Videtur hoc primus aliquis ex Alexandrinis poetis novasse, ut Nerei coniugem hanc et Nereidum matrem (Met. II, 268. 269) pro mari diceret. Nota est vel ex Moschi fragm. VII de fonte hoc Siciliae et eius cum Alpheo, flumine Elidis, intercurso fabula, operose excussa a Cluver. in Sic. ant. vid. Ovid. Met. V, 513 seqq. conf. Aen. III, 694, ornavit eam Statius Silv. I, 2, 203 sq. Theb. I, 271. IV, 238, utrobique nostrum expressit. cf. D'Orville Sicula I, pag. 198. Add. Avien. Descr. Orb. 1175 et

Wernsd. 6. *sollicitos amores*, qui animum sollicitum reddunt, cruciant, *πολυκηδής, πολυμέριμος*. Theocrit. X, 20 *ὁ φρόντιστος Ἔρως*. 8. *respondent*, resonant, per echo. cf. Popius Pastor. II, 13 sqq.

9 sqq. Solae Naides non adfuistis Gallo moerenti. Ex Theocrit. Idyll. I, 66 sqq. Pope ibid. v. 23, *Milton* in Monodia, Lycida: *where were ye Nymphs* etc. 10. *indigno—amore*, quo dignus non erat; cum meliore flamma, ut Horat. Od. I, 27, dignus esset tam obnoxius, tam constans amator, non ut a perfida et levi puella sperneretur. Naides fontium et amnium deae sunt, itaque Parnassus et Pin-

Nam neque Parnasi vobis iuga, nam neque Pindi  
Ulla moram fecere, neque Aonie Aganippe.

quod exquisitior sit, ut Heyn. putat, Indicativus, sed quia necessarius. Cic. Verr. IV, 21.: „Credo tum, quum Sicilia florebat opibus et copiis, magna artificia fuisse in ea iusula;“ solent enim, ubi opes adsunt et copiae, artes florere. Cic. de Lege Agr. II, 24.: „tum, quum erant Catones, Philo, Laelii, quorum sapientiam temperantiamque in publicis privatisque rebus perspexeratis, tamen huiusmodi res commissa nemini est;“ non est commissa Catonibus, Philis, Laeliis, quibus tamen recte potuit committi; Coniunctivi in simili sententia, qui ibi praecedit, alia ratio est. Cic. Tusc. II, 20.: „Dionysius tyrannus ea ipsa, quae concupierat, ne tum quidem, quum omnia se posse censebat, consequabatur;“ i. e. re eo adducta, ut haec facillime consequi posse videretur. Cic. Off. III, 10.: „Quum Colatino collegae Brutus imperium abrogabat, poterat videri facere iniuste;“ i. e. abrogatio videri poterat iniusta. Hinc partim supplere, partim corrigere poteris ea, quae docuit Ramshorn. Gr. Lat. §. 189. III., unde haec ipsa, quae posui, exempla petii; alia saepe aliter expedienda, vid. doctiss. Ramsh. l. l. *Wr.*) 11 *Parnasi* per simplex s Heins. cum optimis codd. scribit. cf. Picr. (vid. Ecl. VI, 29. *Wr.*) nobis Ven. 12 *Aoniae Aganippae* Heins. reposuerat; ita ad *iuga* erat referendum: atqui montem Aganippen nemo novit; fontem Boeotiae novimus omnes. Magna hic est lectionis varietas: vidcamus primo de editis. Legit igitur *Aoniae Aganippae* ed. Ald. pr. cum Iunt. 1520 et aliis hinc ductis, *Aonia Aganippe* sec., *Aoniae Aganippes* autem tertia. Tum Manutius iuduxit *Aoniae Aganippe*, quod iam vett. edd. Mediol. Ven. et al. habebant; tandem vtro Pulmann. Commelin. Steph. et hinc profectae *Aonia Aganippe* in vulgus propagarunt. Quod ad codd. attinet, *Aoniae Aganippes* Heinsius (excepto tamen Mediceo) suos omnes habere testatur; *Aonie Aganippe* Reg. Voss. et fr. Moret. *Aoniae Aganippe* Medic. cum Longob. Sic Aganippe Aoniae, h. Boeotiae, fons dictus esset; parum poetice, arbitrator. Omnino ex lubrica librorum in vocali simplici et duplici fide nihil decidi potest, nec magis ex Grammaticis; Grammatici veteres, Charisius et Probus, cum aliis ap. Heins. *Aoniae Aganippes*, vel *Aoniae Aganippae* agnoscunt. Si ad rationes criticas haec excutias, potior videri debet ea lectio, a qua reliquae aberrasse videri possunt: ea autem est haud dubie Serviana: *Aonia Aganippe*. Casus secundus *Aoniae* male fuit adscitus, atque *Aganippes*, qui fons fuit, *iuga* hinc efficta. Restat nunc, ut aut *Aonie Aganippe* scribatur, aut *Aonia Aganippe*. Alteram hanc lectionem, quae Serviana est, equidem antea praeferebam de caussis modo dictis, suaviorem quoque ad aures. Enimvero prior est prorsus ex graeco ducta et rationem habet ultimae productae *Ἀωνίη Ἀγανίππη*. Sic et Silius *Ortygie Arethusa* lib. XIV, 515 et sic in multis. Receperat quoque Brunck. (Fontem omnis huius diversitatis, ut saepissime alias, Mediceus videtur monstrare, in quo scriptum *Aoniae Aganipse*, p supra s scripta. Saepe autem pro longa, etiam pro brevi, e finali in eodem codice, ut in aliis, ae invenitur. Tum mendum, quod est in extremo altero nomine, lectioni *Aganippes* videtur locum fecisse, aliis, ut hoc voc. concordaret lectioni *Aoniae*, scribentibus *Aganippae*. *Wr.*)

— 11. Si quaeris, cur nec Parnassus, nec Pindus moram illis fecerit, puta, hos quoque montes, ut infra vs. 15. Maenalum et Lycaeum, luxisse duram Galli, poetae, conditionem. Quare

— 11. Si quaeris, cur nec Parnassus, nec Pindus moram illis fecerit, puta, hos quoque montes, ut infra vs. 15. Maenalum et Lycaeum, luxisse duram Galli, poetae, conditionem. Quare

Illum etiam lauri, etiam flevere myricae;  
 Pinifer illum etiam sola sub rupe iacentem  
 Maenalus, et gelidi fleverunt saxa Lycaeï. 15  
 Stant et oves circum; (nostri nec poenitet illas;  
 Nec te poeniteat pecoris, divine poeta:

13 *lauri, illum etiam flevere myricae*, ut Longob. et pauci alii habent, ante Heins. vulgatae inde a Ge. Fabricio et Palmanno; sed sustulit is versus male intrusum fulcrum Medicei et optimorum librorum tum edd. superiorum auctoritate. *laurus, etiam* Zulich. *lauri, nec non fl.* Parrhas. et ed. Ven. *lauri, illum flevere* Rom. Pierii. 14 *tacentem* Barth. e tribus antiquis Advers. XVIII, 16. 16—18 Tres hos versus post versum octavum Scaliger Poet. V, 5 retraxerat, atque ita Taubmann. exhibuit. Alia coniectura est Schützi, excidisse post *Stant et oves circum* quaedam a grammatico aliquo male suppleta. Si omnino poeta una cum his verss. etiam upiliones et subulcos (apud Theocr. I, 80 sunt *βῶται, ποιμένες, αἰπόλοι*) omisisset, et post v. 15 statim Apollinem, Silvanum et Panem, subiecisset, nihil utique suavitati carminis detractum fuisset. Dedi trium versuum interpretationem qualemcunque; eos tamen a loco hoc alienos esse bene sentio; (sed vid. Not. *Wr.*) et pedibus in Scaligeri sententiam concederem, nisi hoc unum me retineret, quod versus Theocriteos Maroni ante oculos fuisse video: Ubi Nymphae eratis, cum Daphnis (ut nunc Gallus) contabesceret? Illum deflerunt ferae — tum 74 *Πολλὰ οἱ παρ ποσσὶ βόες, πολλοὶ δέ τε ταῦροι, Πολλὰ δ' αὖ δαμάλαι καὶ πόρτιες ὠδύραντο. vestri nec* Parrhas. Vs. 18 convenit cum Theocr. I, 109 *ὠραίος ἔ' ὠδῶνις ἐπεὶ καὶ*

non erat, cur Lachmann. ad Propert. IV, 8, — sive III, 9, — 36. moram pro commoratione h. l. dictam existimaret. *Wr.*) 14. 15. Si montes Arcadiae, *Maenalus* et *Lycaeus* (τὸ Ἀνάκτιον), Gallum deflerunt: necesse est, in Arcadia nunc fingi Gallum sola sub rupe iacentem; Arcadiae etiam accommodata sunt reliqua. Poeta autem putandus est fingere se Gallo adfuisse; unde v. 26 se ipsum vidisse Panna ait.

16. *nostri nec poenitet illas.* Omnino hanc sententiam asserre voluisse videtur: etiam ipsi ovium greges, pascuorum immemores, tuum dolorem miserari visi sunt; hoc ex Theocr. l. l. v. 74. 75, quod cum nude ponere poetam dedeceret, adiunxit alterum, quod commen-

dati eo nomine greges esse, adeoque nec petitum ab iis carminis argumentum Gallo displicere debeat: ut sup. Eclog. VI, 2 *nostra nec erubuit silvas habitare Thalia.* Scilicet *nostri nec poenitet illas* proprie est, ut Burm. iam docuit, contentae sunt nobis pastoribus; sed cum vi dictum pro: gaudent nobis: cantibus nostris delectantur, et nunc etiam nobiscum lugere sortem nostram non dedignantur; (*Poenitere* de iis, quae contemnimus. Cic. Acad. IV, 22.: „Quid eum Musarchi poenitebat?“ *Wrch.*) nec tu itaque aut curam eorum te indignam iudica, nec in meo carmine sub pastoris persona exhiberi dedignare. Etiam Adonis pastoris munus ac nomen non detrectavit. conf. tamen Var. Lect. (Non video, post hanc



Et formosus oves ad flumina pavit Adonis)  
Venit et upilio; tardi venere subulci;

### 19. BUBULCI

μᾶλα νομεύει. quod Eldik. ἐπ' ἄγρεσι, et ex verbis *ad flumina* in ἐπ' ἀντᾶ mutabat Eichstädt. (— 18. *ovis* Medic. *Wr.*) 19 *oppilio* alter Mentel. *appilio* Voss. *opilio* Longob. et Medic. Pierii cum aliis; s. ex οἰοπόλος nata vox, s. ex ovilio. (*upilio* Medic. Rom. alii. Servius: „UPILIO propter metrum ait: nam *opilio* dicimus: et Graeco usus est schemate, sicut illi dicunt οὐρεα, pro eo, quod est ὄρη.“ *Wr.*) *tarde* ed. Ven. *clari* Medic. a m. pr. (nec *clari*, ut refert Heynius, nec *pari*, ut Burmannus, sed *dari* a m. pr. in Medic. legitur. *Wr.*) *subulci* idem Medic. cum praestantioribus, Reg. Voss. al. Rom. Medic. Pierii, item Servio; et sequuntur id edd. Aldd. et earum propages; tum Germanus, Manutius, alii. Sed tucntur viri docti *bubulci* ex vet. Grammaticor., Apuleii, Theocriti I, 80, aliisque auctoritatibus. vid. Heins. conf. Cerda, Barth. l. l. Ex editis hoc iam exhibuere Egnat. Angelius in Flor. 1520, tum Steph. Pulmann. Elzev. (*Subulci* etiam Potterii codd. omnes, neque aliter uterque Lips. Ac ne unus quidem commemoratur liber Ms., in quo *bubulci* legatur; quare *subulci* lectio communis omnium librorum habenda. Quod Apuleius, Virgilii Bucolica respiciens, *upilio* nes et *bubsequas* iungit, speciem argumendi habet, non vim; et *bubsequa* familiare Apuleio. Apud Terentianum autem, vs. 1191., *subulci* restituit Santenius; en huius verba: „Bubulcorum defensoribus apud Virg. Ecl. X, 19. haec quidem Terentiani auctoritas decedet; ex utraque enim Veneta et Parrhasiana *subulci* recipiendum existimavi, licet Brissaeus *bubulci* exhibeat.“ Atque ut bubulcorum defensoribus largiar, Terentianum scripsisse *bubulci*, memoria lapsus videbitur, magis obvio bubulcorum apud poetas nomine. Unde intelligitur, facilius potuisse *subulcum* cum *bubulco* commutari, quam *bubulcum* cum *subulco*. At, inquiunt, tria tantum pastorum genera celebrantur apud Bucolicos, *bubulci*, *caprarii*, *opiliones*. Sed ipsi, qui hoc docent, fatentur tamen, Menalcam esse *subulcum*. Affirmant porro, *tardos* dici solos *bubulcos*, a *tardo* boum incessu; celerius moveri *sucs*. At etiam *opiliones*, *subulcos* recte dici *tardos* existimaverim, et *tardos* reddi ipso vitae genere; stant enim plerumque aut sedent; neque ita sequi ac comitari solebant *subulci* gregem suum, quemadmodum *opiliones* alique pastores, sed *buccina* regebant et convocabant, ut liberius vagari ac latius dispergi solitum; Varro de R. R. II, 4, 20.: „Ideo ad *buccinam* convenire dicuntur, ut silvestri loco dispersi ne disperireant.“ Sed accedimus iam ad id, quod causae *subulcorum* a nobis receptae vel maxime adversari videtur: Qui enim, commemoratis modo *subulcis*, Menalcae, qui et ipse *subulcus*, mentio iniici commode potuit a Virgilio? qui etiam fieri, ut *bubulci* plane praeterirentur, quos prae ceteris, ut nobiliores, requirimus? Nempe mirifice errant Interpretes, Menalcam *subulcum* esse statuentes, quippe a glande venientem, qua soli scilicet sues vescantur. At bobus quoque glans praeberi solita; Colum. VI, 3, 4. sqq.: „Bubus pro temporibus anni pabula dispensantur. Ianuario mense fesi et aqua macerati ervi quaternos sextarios dare convenit. — Si grano abs-

explicationem quid in his vss. aut difficile sit, aut obscurum. *Wr.*) 18. Est haec de *Adonide* pastore paullo reconditior fabula: sed est a Theocr. I, 109.

19. In repetito *venit* colo-

rem orationis similem Homericæ Odyss. θ, 322 agnoscebat Ernesti ad e. l. *Venit et upilio*. Ad consolandum Gallum accessere etiam pastores; et primum quidem venere ovium custodes, tum

Uvidus hiberna venit de glande Menalcas. 20  
Omnes, unde amor iste, rogant, tibi? Venit  
Apollo:

tinemus, frondis aridae corbis pabulatorius modiorum viginti sufficit, vel foeni pondo triginta, vel sine modo viridis laurea et ilignea frondes; et his, si regionis copia permittet, glans adiicitur. — Mense Februario plerumque cadem sunt cibaria. Martio et Aprili debet ad foeni pondus adici; — ab Idibus tamen mensis Aprilis viride pabulum recte secatur; etc. et XI, 2, 83.: „Glandis quoque non inutile est singulis iugis modios singulos darc. — Glans autem paleis immiscenda est, atque ita bubus apponenda.“ Vid. etiam Intpp. ad Plaut. Trucul. III, 1, 2. Hiuc primum intelligitur, bobus quoque datam esse glandem; tum etiam, non ultra Idus Apriles, in calidioribus certe regionibus, dari solitam; unde patet, hanc Eclogam certe ante Kal. Maias scriptam esse. *Hiberna glans* a Virgilio dicitur, utpote hiemali tempore collecta; vid. Ge. I, 305. et Caton. statim laudand. Denique *uvidus* est Menalcas, non, ut hariolantur, a rore nescio quo; sed quia glandes, in pabuli usum comparatae, in aqua asservabantur; Cato de R. R. LIV.: „Ubi sementim patraueris, glandem parari legique oportet, et in aquam coniici.“ Colum. VII, 9, 8.: „saepe de manu dandum est, quum foris deficit, pabulum; propter quod plurima glans vel cisternis in aquam vel fumo tabulatis recondenda est.“ Quamquam autem, ne quid dissimulem, subus quoque glandes aqua maceratae a pastoribus Italicis ministratae videntur; illud tamen certum est, nihil obstande, quin Menalcam bubulcum fuisse existimemus. Quae quum ita sint, non dubitabimus, quin hoc quoque loco, ut plerumque, codicum consensus parum tutae Apuleii alicuius fidei antehabendus sit. Et si Heinsii, Cerdæ, Burmanni, Heynii, Vossii, aliorumque iudicio damnatur codicum lectio, non levis est ad eandem defendendam ponderis ac momenti I. F. Gronovii auctoritas, Diatr. pag. 135. *Wr.*) 20 *Uvidus* ed. Ven. Guellius quosdam *Uvidus hesternus* legere narrat. *Umidus* Rom. Pierii. 21 distinguunt alii: *omnes, unde amor iste, rogant, tibi venit? Apollo: Galle.* alii: *rogant: Tibi venit Apollo.* Utroque modo oratio exilis redditur.

bubulci, *tardi* a lento et tardo ingressu boum, quos pascunt. conf. Burm. 20. *Uvidus h.* Venit etiam subulcus Menalcas; de quo, id quod maxime in subulcum conveniret, addit hoc: eum modo de nocte in silvis glandibus ad pastum gregis hibernum legendis vacasse. Hinc *uvidus* a rore matutino. *hiberna glande*: in hiemem a poetis Italis referri solet glandium colligendarum tempus. Georg. I, 305 genialis hiems: — *Sed tamen et quernas glandes tum stringere tempus.* Sic arbutorum Georg. II, 520, ubi de hieme agitur. Lucret. V, 938 *quae nunc hi-*

*berno tempore cernis Arbuta.* Hic vero Maronis sagacitatem desideres. Nam, si hiberno tempore Menalcas e silvis redux h. l. fuit, reliquorum, quae memorantur, ratio parum constat. Ut poetam ex his laqueis expedias, esto glans in hibernum usum parata; etsi sic iterum haerere possis in *florantibus* ferulis et liliis v. 25. (Quae de vs. 19. sq. scripsit Heynius, ea pleraque omnia falsa esse, ex iis cognosces, quae in V. L. disputavi. *Wr.*)

21. *unde amor iste*, h. a qua puella; quam puellam amas? *τίνας ὧ γὰρ ἐτόσσον ἔρασσαι;*

Galle, quid insanis? inquit, tua cura Lycoris  
 Perque nives alium perque horrida castra secuta est.  
 Venit et agresti capitis Silvanus honore,  
 Florentis ferulas et grandia lilia quassans. 25  
 Pan deus Arcadiae venit: quem vidimus ipsi  
 Sanguineis ebuli baccis minioque rubentem.  
 Ecquis erit modus? inquit. Amor non talia curat.  
 Nec lacrimis crudelis Amor, nec gramina rivis,

## 24. HONORE FL.

23 *Perque nives Alpum* conl. Schottus Obs. II, 4, male. v. Barth. Adv. XVIII, 16. 24 *capiti* Menag. (Interpunctionem in fine versus, ab Heynio in recentissima editione sublatam, revocavit Wunderlichius, coll. Aen. IV, 11. Iuvenal. XI, 106. Val. Flacc. I, 438. *Wr.*) 25 *violas pro ferulas* Goth. sec., sed vid. Not. 26 *Arcadia* vet. cod. Barthii in Advers. XLI, 26, male. 27 *baccis* et hic multi. (*baccis* etiam Medic. et Serv. Dresd. *Wr.*) *minioque* Medic. 28 *Ecquis* Heins. e Medic. et aliis. *Et quis alii.* (in quibus 2. 3. *Wr.*) *Amorum* cod. Barthii; quod non habet, cur vir doctus tantopere commendet. *nec talia* Parrhas. 29 *ripis* Medic. a m. pr. (*ripis* est prior lectio Medic. *Wr.*)

v. 78. 23. Cf. v. 47 et Argument. (— 23. *perque nives*: hinc apparere videtur, Eclogam hanc scriptam esse eo tempore, ubi in Italia iam vernant omnia, in Alpinis regionibus nix nondum collicuit; cfr. etiam V. L. ad vs. 19. *Wr.*) 24. *agresti capitis Silvanus honore*, ornatus serto e ferulis et liliis. Ita scilicet et a poetis et in priscis monumentis Silvanus exhibetur, ut coronam ex frondibus arboreis, aut grandibus floribus et arundinibus gerat, manu (cf. Georg. I, 20) cupressum aut alium arboris truncum teneat. Sic corona pinea operatur in noto marmore ap. Boissard. T. IV, p. 134, et Gruter. p. LXIII, quo tamen eodem habitu Pan interdum insignis est. Sic Lucret. IV, 591, quem expressisse h. l. noster videtur: *Pan Pineae semiferi capitis velanina quassans.* add.

Ovid. Fast. I, 412. III, 84. Eximia cum venustate hoc idem transtulit Columella X, 43 *Satur Auctumnus, quassans sua tempora pomis*, et Hymenaeus *marcentes cupio quassare coronas* ap. Claudian. XXXI, 96. Ceterum in his versibus color ductus esse videtur ab Odyss. ω, 58 sqq. *Ferula* autem frutex, foliis foeniculo, specie et usu arundinibus, quibus pro baculis utimur, similis; Graecorum *νάρθηξ*. cf. Martin. Nihil autem novi, coronas ex arundinibus, frondibus arboreis, esse factas. Comparari quoque cum his possunt illa Moschi Idyll. XIV, 26 sqq.

27. *rubentem*, cf. sup. ad VI, 22. *Ebulum* nostris *Attich*, herbae genus, baccas rubras, in similitudinem sambuci, *Hollunder*, producens. 29. *Nec lacrimis crudelis Amor.* Amor h. l. de deo accipiendum, si sa-



Nec cytiso saturantur apes, nec fronde capellae. 30  
 Tristis at ille: Tamen cantabitis, Arcades, inquit,  
 Montibus haec vestris, soli cantare periti  
 Arcades. O mihi tum quam molliter ossa quiescant,  
 Vestra meos olim si fistula dicat amores!  
 Atque utinam ex vobis unus, vestrique fuisssem 35

### 32. VESTRIS;

30 *oves* Moret. qu. et alius pro var. leet. 31 *at ille: Tamen*; ita eum Servio Heins. Vulgo distinguunt: *Tristis at ille tamen: C.*, minus venuste, aiunt. At nee alterum satis venuste. (Reete interpungitur *ille: Tamen*, i. e. lieet sciam, nullum amoris esse remedium in luetu et lacrimis, iuvat tamen indulgere huic dolori, quod meos amores non tacebunt Arcadii pastores. *Tamen* in solando habet locum: Aen. IV, 328. sqq.: „si quis mihi parvulus aula Luderet Aeneas, qui te tamen ore referret, Non equidem omnino eapta ae deserta viderer.“ X, 507. sqq.: „O dolor atque decus magnum rediture parenti! Haec te prima dies bello dedit, haec eadem auferet: Quum tamen ingentes Rutulorum linqvis acervos!“ Ceterum bene Wunderl.: „Particula *at*, deorum adhortationibus dolorem eius nihil levatum esse, significatur.“ *Wr.*) 32 *Montibus heu v. Zulich. nostris* Ven. et unus Moret. *olim*; c. p. coni. Florens Christianus. *parati* Menag., ut supra Ecl. VII, 5. 33 *O mihi quam tum* fragm. Moret. *tum* erasum in Voss. *nunc quam* Moreti quartus. *quiescent* idem eum Leid. pr. a m. see. ed. Ven. Mediol. et aliis apud Pierium, idem Goth., quod Catroeus recepit; et habet vim ad nostram loquendi rationem. *quiescent* fragm. Moreti, Rottend. see. et duo Leidens. 34 *Nostra* pr. Moreti. *sic fistula* cod. Barthii.

nam sententiam conficere volumus. Amor *χαίρέκακος* non modo dolorem et cruciatum miserrorum amantium nil curat, sed etiam ridet, *ἄγρια παίσδει*, ut Moschus Idyll. I, 11, voluptatemque ex eo capit; nec lacrimis amantium crudelis eius animus unquam satiatur atque expletur, aut ad miserationem vertitur; cf. v. 60. 61; id quod deinde pastoritia rerum assimulatione ornat.

31. *Tamen cantabitis A.*; etsi Amor talia nil curat, neque querelis quicquam praesidii contra eius superbiam inest, tamen ad leniendum dolorem meum ac levandum faciet, si cantabitis haec: s. quae sequuntur, s. fortunam suam, amores suos, ut

subiicit ipse v. 34; erunt adeo inter argumenta pastoritii carminis: Galli infelices amores. (vid. V. L. *Wr.*)

35. Ductum ex Theocr. VII, 86. at ibi locum habet suum, cum de pastore dudum vita functo agatur, quo superstite ipse vivere vellet: *αἴθ' ἐπ' ἐμεῦ ζωοῖς ἐναρίθμιος ὄφελος ἡμῆς· ὥς τοι ἐγὼν ἐνόμεινον ἀν' ὥρεα τὰς καλὰς αἰῶνας, φωνᾶς εἰσαΐων* —. At h. l. confunduntur notiones vitae pastoritiae et militaris: Gallus, quem adhuc videbamus pastorem in Arcadia cubantem in antro et amores desilentem, repente in seqq. fit miles in aliqua expeditione versans. Iudicio recto ac simplici vix haec se satis probare possunt; at condonanda

Aut custos gregis, aut maturae vinitor uvae!  
 Certe, sive mihi Phyllis, sive esset Amyntas,  
 Seu quicumque furor, (quid tum, si fuscus Amyn-  
 tas?)

Et nigrae violae sunt, et vaccinia nigra)

Mecum inter salices lenta sub vite iaceret;

40

39 *Et morae violae* ms. Köler. barbara voce pro nigrae. (Petita est haec lectionis diversitas e Koehleri *Disputatione philologica de Codice Virgilii adhuc incognito* Ienae 1771. ed. Commendat hanc, ut genuinam, lectionem Fr. Osannus in Auctario Lexicor. Graecor. pag. 185. Abest haec vox a Lexx. Deminutiva tamen forma exstare putatur apud Plaut. Poen. V, 5, 10.: „Iam pol ego illam pugnīs totam faciam ut sit morula.“ Alii Morula, maiore litera initiali, ut nomen sit gentile, i. e. *Maurula*. Mamil. Astron. IV, 729. sq.: „Mauritania nomen Oris habet, titulumque suo fert ipsa colore.“ Quod non recte fieri, docere mihi videtur comparatio subiecta cum homine Aegyptio; ita enim pergit Plautus: „Ita replebo atritātē, atrior multo ut siet, Quam Aegyptii.“ Scilicet *morula* formatum videtur a *moro*, arbore vel bacā, i. e. *moro similis*. Martial. I, 73, 5.: „quae nigrior est cadente *moro*.“ VIII, 64, 7.: „Sit *moro* coma nigrior caduco.“ Iam vero Lat. *morum* et Graecum *μόρον* non differunt, nisi quantitate, ut etiam Salmas. iudicat Plin. Exercit. p. 328. Sed illud ipsum *μόρον* non potuit fieri e *μανρός* sive *ἀμανρός*, unde Latinum Adiectivum *moros*, *morulus*, ductum putat Koehler. Nam *μῶρον* unius Hesychii et Glossatorum quorundam auctoritate munitum videtur. Denique ne certa quidem apud Plautum l. l. lectio, quum in aliis libris exstet *merulea*. Itaque hoc certum mihi videtur, nihil posse praesidii lectioni a Koehlero prolatae c. verbis Plantinis peti. At vide, quam aegre careas grata illa epanalepsi: „Et *nigrae* violae s. et vacc. *nigra*.“ Si *morae* scripsisset Virgilius, vix dubito, quin ita haec collocaturus fuisset: „Et violae *morae* sunt et vacc. *nigra*.“ Sed unde tandem ortum *morae*? Qua in re indaganda id maxime cavendum, ne multa agendo nihil agamus: merum est scilicet mendum e magna literarum similitudine natum; quam enim facile NIGRAE in MORAE depravari potuerit, apertum est. *Wr.*) 40 *iaceres* Medic. et Gudian. a m. pr., male. An non requiras *lenta aut sub vite*? Vix enim *salices* et *vites* eodem agro plantari solitae. Melius in

ea sunt Maroni et adolescenti et id agenti, ut viris potentibus placeret. (vid. V. L. ad vs. 45. *Wr.*) 38. *Seu quicumque furor*. (Wunderl.: „Notabis constructionem *Phyllis* vel *Amyntas est mihi furor*, h. e. causa furoris, furioso amore a me amatur. Cfr. Obs. ad Tib. II, 3, 31.“ Rectius Spohn.: „*furor*, ut *cura*, *ignis*, *flamma* de puella vel puero amato.“ *Wr.*) Quamcumque sive puellam sive puerum amarem, eum amplexibus

tenerem sub vite; nec in amorem perfidae Lycoridis incidissem. Characterem autem miseri amantis hic expressum meminisse debemus, qui, cum ipsis querelis suis in imaginem rei gratiae et animi affectum illudentis incidisset, in ea sibi placet, ei inhaeret, eam prosequitur. Mox tamen v. 42 iterum ad Lycoridem redit.

39. Conf. Ecl. II, 16. 19, ex Theocr. X, 28, καὶ τὸ Ἴον μέλαν ἐντὶ sq., sed ibi venustius et op-

Serta mihi Phyllis legeret, cantaret Amyntas.  
 Hic gelidi fontes; hic mollia prata, Lycori;  
 Hic nemus; hic ipso tecum consumerer aevo.  
 Nunc insanus amor duri me Martis in armis  
 Tela inter media atque adversos detinet hostis: 45

44. DURI TE 45. HOSTIS.

loco Thocriteo, quem expressit, VII, 88 τὸ δ' ὑπὸ δρυὶν ἢ ὑπὸ πεύκαις  
 ἄδὼ μελισσόμενος κατακέκλιτο, θεῖε Κούρτα. Io. Schrader. tentabat *inter*  
*calices*. (Vossius comma posuit post *salices*. Aut corrupta haec sunt, aut  
 nondum recte explicata. Ac fortasse verba *sub vite* significant caput corona  
 vitea redimitum, ut captivi sub corona vendi dicebantur; quamquam offenda-  
 dat aliquem vitea corona. *Wr.*) 41 *Serta mihi legeret Phyllis* Goth. pr.  
 et ms. Lengu. 42 *Lycoris* Medic. (sed s. trausfossus. Scr. Dresd. *Ly-*  
*quoris*. *Wr.*) 43 *consumeret* fragm. Moreti. 44 *diri* Leid. unus. 45  
 Liceat hoc saltem loco emendationem sine codice recipere; facilis enim literulae  
 iactura est, ne absurda dixisse videatur Maro. Ut nunc constanter  
 legitur: *Nunc insanus amor duri me Martis in armis detinet*; verba ad  
 Gallum spectant; ut oppositum sit: *Tu procul*; de Lycoride. Gallus in  
 armis detinetur, in militia versatur, *insano Martis amore* adductus: quod  
 commode h. l. vix interpositum dixeris; tum vero poctam valde absurda  
 finxisse dicendum, si Gallus, qui nunc inter Arcadicos pastores sedere pu-  
 tandus est (v. 14 et Argum.), idem *in armis*, in castris, versatur. Nec  
 magis accommodatum esset, si *Martis in armis* eum *insanus amor deti-*  
*neret*. Sensisse videri debet difficultatem Heumannus, popularis noster,  
 cuius emendationem *duri te Murtis in armis* re parum explorata adsperna-  
 batur Burmann. Benc tamen illa se habet, ut ad Lycoridem hoc spectet,  
 quae militem in Gallias profectum comitata erat. Nam, ut *Tu procul* op-  
 positionem inferat, necesse non est; nec firmitus alterum, quod Burm. ur-  
 gebat, Lycoridem dici non posse *in armis* esse. Immo vero amoris iusania  
 detinet eam *duri Martis in armis*, in exercitu, in castris, ubi cum ama-  
 tore versatur, *inter media tela et hostes*. Quid? eodem modo Gallus per-  
 git: *Tu, procul a p.* Haec eadem iunctim de ea pronuntiaverat v. 23 *Tua*  
*cura Lycoris Perque nives alium perque horrida castra sequuta est.*

portunior loco. 43. *aevo*, se-  
 nectute, v. Burm., quod Tibull.  
 III, 3, 8 *inque tuo caderet nostra*  
*senecta sinu*: pro vulgari: te-  
 cum senectam consumerem.

44. Ad Lycoridem haec spe-  
 ctant in castris cum amatore  
 versantem: *Amor te detinet*.  
 Antea erat, *me*. (quod restitui;  
 vid. V. L. *Wr.*) Ita vero ver-  
 sabatur eodem tempore Gallus  
 in aliqua expeditione; nisi sub  
 Augusto ad Pompeianas classes  
 ab Italiae littoribus arcendas eum  
 in armis fuisse dixeris. Atqui

omnia haec aliena sunt ab eo,  
 qui in Arcadia inter pastores de-  
 sidere fingitur v. 14. Servius  
*me*, meum animum, interpre-  
 tatur; mente et animo cum Ly-  
 coride esse. Videtur adeo me-  
 deri voluisse vitio, medela multo  
 deteriore; cum verba tam pa-  
 rum eam admittant. Ad allego-  
 ricam vero rationem omnia haec  
 transferre si velis, et verbis et  
 naturae carminis et sensui animi  
 veris et simplicibus inusto id re-  
 pugnare facile senties. vid. Var.  
 Lect.



Tu procul a patria (nec sit mihi credere tantum!)-  
Alpinas, ah dura, nives et frigora Rheni

Recte eadem emendatio vindicata est a Medebachio in Amoenit. litt. pag. 17, et iam ante a Desfontaines (*Hist. de l'Acad. des Inscr.* Tom. XXXIV, pag. 156) nuncque iterum a Wakef. (Servarunt codd. lectionem Voss. Wunderl. Iahn. Recte! Primum non est haerendum in eo, quod non satis commode et in Arcadia morari Gallus dicitur, et in expeditione versari. Mirifice in toto hoc carmine miscet omnia poeta, res Italicas, Arcadicas, Siculas; sic Silvanus, Italicum numen, vs. 24. cum Pane, proprio Arcadium deo, iungitur; vs. 51. pastoris Siculi avena carmina se modulaturum, et paulo post, vs. 55., Maenala lustraturum dicit. Non mirabimur igitur, si etiam nostro loco parum constans sibi fuerit poeta, a fictis imaginibus ad rerum veritatem relabens. Quod quam recte ille instituerit, nolo disceptare, dum hoc maneat, illa qui scripserit, haec quoque scribere potuisse. Et quum recte dici videatur puella, militem secuta, detineri in armis, non ita, ut sit ipsa armata, sed ita, ut inter armatos versetur, haec tamen *inter media tela et adversos hostes* non possunt de alio accipi, quam de milite in acie constituto, nisi quam Amazonem ac non muliebris audaciae puellam fingi a poeta putes. Ipsa autem totius loci indoles suadet, ut haec de Gallo dicta existimemus. Optaverat Gallus vs. 35., ut ipse unus esset e pastoribus Arcadicis, Lycoris filia pastoris; exponit deinde, quae sibi ac puellae suae gaudia allatura fuerit vita pastoritia: tum enim suam secum semper futuram fuisse Lycoridem, hanc autem ex ruris amoenitatibus plurimum voluptatis capturam fuisse; nunc vero et se, duos Martis labores secutum, his commodis orbari, et illam pro dulci rure horrida amare castra. *Te pro me* si legas, omnem tollas concinnitatem, sententia in hunc modum conformata: vellem, me esse pastorem, te pastoris alicuius filiam: at tu militem sequeris. *Nunc* particula cum temporali potestate coniunctam saepe habet, ut h. l., adversativam, ac respondet fere nostro *so aber*: Ge. II, 53. sqq.: „Nec non et sterilis — exuerit silvestrem animum, — vacuos si sit digesta per agros; Nunc altae frondes et rami matris opacant“; maxime cernitur ea vis in optando: Aen. X, 628.: „Qui si, quod voce gravaris, Mente dares; atque haec Turno rata vita maneret! Nunc manet insontem gravis exitus.“ Cicer. pro Lege Manil. c. X.: „Utinam, Quirites, virorum fortium atque innocentium copiam tantam haberetis, — —: nunc vero cum sit unus Cn. Pompeius“ etc. Ceterum *hostes* Medic. *Wr.*) 46 *nec sic* Medic. a m. pr. *ne sit* Menag. pr. *quantum* Barthii liber; quod esset *procul quantum*, *τηλόθεν ὅσον*. conf. ad VI, 16. Varie vero haec distinguuntur et distinguui possunt, ut aut iungatur: *procul tantum*, pro, tam procul, aut *vides tantum Alpes*, nil vides praeter Alpes, ut Burmann. accepit et distinxit, quem in priore edit. eram squutus. Friget tamen sic *tò tantum*. Nam videbat plura alia praeter Alpes; aut: *nec sit tantum mihi credere*, ut sit, utinam liceat tantum non credere, modo ne cogar credere; sive, ne in animum inducam, ut tantum cogitem; aut, *nec sit mihi credere tantum*, h. tantam rem credere nec cogar. *μὴ γένοιτό μοι πείθεσθαι, πιστεύειν τοιοῦτό τι*. Tibull. III, 4, 82 *Ah ego ne possim tanta videre mala*. Hoe itaque, ut fas erat, nunc practuli, praecunte olim Heumanno.

46. *nec sit mihi credere*, h. utinam liceat mihi non credere! *εἴη μοι μὴ πείθεσθαι*, ne cogar credere; de forma *ne sit* v. ad Tibull. I, 6, 24. *tantum*, tantam, tam atrocem rem. conf.

Var. Lect. Ceterum in Servianis ad h. l. *Hi omnes versus Galli sunt, de ipsius translati carminibus*. Nec improbable hoc fit, e Galli carmine Maronem nonnulla expressisse. Qui tamen

Me sine sola vides. Ah te ne frigora laedant!  
 Ah tibi ne teneras glacies secet aspera plantas!  
 Ibo, et, Chalcidico quae sunt mihi condita versu 50  
 Carmina, pastoris Siculi modulabor avena.  
 Certum est in silvis, inter spelaea ferarum  
 Malle pati tenerisque meos incidere amores  
 Arboribus: crescent illae; crescetis, amores.  
 Interea mixtis lustrabo Maenala Nymphis; 55  
 Aut acres venabor apros; non me ulla vetabunt  
 Frigora Partheniös canibus circumdare saltus.  
 Iam mihi per rupes videor lucosque sonantis

49 *A mihi non t.* Alcuin. Grammat. 50 *Chalcidico* Medic., sed vid. Heins. Est *Χαλκίς*. 51 *meditabor* duo vet. cum Goth. pr. et Lengnich. *moderabor* Zulich. 53 *incedere* Gud. 54 *crescunt illae* Parrhas. *crescent illis* a m. pr. unus Moreti. *illae crescent, crescetis* Rottend. *crescente illa* Donat. ad Ter. Andr. III, 3. 55 *mixtus* septem octove apud Burmann., sed *mixtis* exquisitius. (vid. Q. V. XVI, 1. *Wr.*) *lustrabor* Moreti quartus. *lymphis* Medic. 56 *necabunt* Leid. pr. *negabunt* alius. 58 *per lucos videor rupesque* alter Rottend. (*sonantes* Medic. *Wr.*)

aut quot versus Gallo debeantur, nemo dixerit. Fontaninus hist. litt. Aquilei. pag. 35 novem usque ad vs. 54 Galli esse contendebat.

50. *Chalcidico versu*, h. Euphorionis, sive latine reddito, sive imitatione expresso (hoc quidem Probus firmat: „Euphorion — cuius in scribendo colorem sequutus videtur Gallus“), et quidem de Apolline Gryneo eiusque oraculo: v. sup. VI, 72 et Exc. ad e. l. Respicit h. l. Quinctil. X, 1, 56, qui, quod Chalcidico versu conditorum carminum mentionem facit Maro, inde colligit, Euphorionem ei fuisse probatum. Iam ea carmina fistula canere instituit. Egregie autem misere cruciati et in omnes partes rapti animi inconstantia exprimitur. Nunc enim v. 52 in solitudinem sese abdere constituit; mox venari,

nunc omnia ista aspernatur. 53. *pati*, amores: l. durare et vivere. Sic *pati* absolute positum. vid. ad Lucan. V, 313 *disce sine armis posse pati*, aliosque. 54. *crescent illae; crescetis amores*. hoc vero, si quid aliud, Virgiliana elegantia dignum. Compara Ovid. Epist. V, 23. 24 *Et quantum trunci, tantum mea nomina crescunt. Crescite, et in titulos surgite recta meos!*

55. *mixtis* — *Nymphis* pro vulgari: permixtus Nymphis. cf. Bentl. ad Horat. Od. IV, 1, 22. *acres* autem proprie de apris; h. animosi, iracundi, *θυμώδεις, θεῖοι*. *Parthenium*, montem Arcadiae, bene memorat, nunc ipse in Arcadia constitutus. Ante oculos hic locus erat Claudiano de R. Pros. II, 148. 58. *lucosque sonantis*, resonantes sive a latratu canum ac clamore ve-

Ire; libet Partho torquere Cydonia cornu  
Spicula: tamquam haec sit nostri medicina furo-  
ris, 60

Aut deus ille malis hominum mitescere discat.  
Iam neque Hamadryades rursus, nec carmina nobis  
Ipsa placent; ipsae rursus concedite silvae.  
Non illum nostri possunt mutare labores,  
Nec si frigoribus mediis Hebrumque bibamus, 65  
Sithoniasque nives hiemis subeamus aquosae,

60. SINT 62. 63. RURSUM 64. LABORES; 65. NEC,

59 *Rhodonea Medic. a m. pr., sed emendatum. Sidonia Goth. sec. Cydonea al. vid. Pier. et Burm.; urbs Κυδωνία, οἱ Κύδωνες, Κυδώνιος.* 60 *haec sint* Heins. e Medic. et tribus aliis. *haec sit* vulgo. (Male editur *sint*. Neque enim τὰ τοξεύματα, sed τὸ τοξεύειν habenda est medicina. Sic saepius male intellecto nomine verbi numerus in deterius mutatus est; vid. Q. V. VIII, 2, b. *Wr.*) *haec a Voss. primo abest. medicina laboris* Servius Danielis. 61 *miserescere* Moreti quartus. 62 *rusum* Heins. e Medic. et Rottend. *Vulgo rursus.* (Mediceus ceterique praestantiores libri hanc servant legem constanter, ut *rusum* non admittant, nisi ita, ut sequente vocali altera syllaba elidatur. Et quum praeter hunc locum nulla usquam scripturae diversitas a Foggino in hac voce notata sit, hoc quidem loco, quod non debebat negligi ab Heinsio, a m. pr. *drusum*, a m. sec. *rursus* praebet Mediceus, proximo autem versu a pr. m. *rusum*, a sec. m. item *rursus*; quam formam utrobique restitui. — 63. *Serv. Dresd. ista, i. e. ista carmina versu Chalcidico condita; idem disced. s. Wr.*) 64 *vestri* nonnulli ap. Burm., et sic Ald. tert. Flor. Angelii et al. *possunt nostri* Goth. sec. (*possent* Serv. Dresd. *Wr.*) 66 *Scythoniasque* Aldd. et hinc profectae. *Sidonias* Voss. et Leid. unus a m. sec. *Sithonias* tamen iam Egnat., tum correxit Fabric. Steph. alii. Editum etiam *Sythonias*. Variatur in hac voce, ut in *Βιστωνίς* et *Βιστωνίς*, v. ad Cir. 165, sic *Sitho-*

nantium, sive omnino, cum  
vento silva agitur: hoc qui-  
dem cum sermonis poetarumque  
usu coniunctius. Sic sup. VII, 1  
*arguta ilex*, et *silvae sonantes*,  
*luci sonantes*, passim. *Cydonia*  
*spicula*, a Cydonia, urbe Cretae.  
cf. Aen. XII, 858. *Gnossia spi-*  
*cula* Aen. V, 306. *Lyctios ar-*  
*cus* Apollinis Callim. H. in Ap. 33  
memorat. conf. Meurs. Creta III,  
12. 60. In medio verborum cur-  
su iterum amoris aestu victus  
damnat sua vota miser amator.  
61. *mitescere*, ad miserationem  
flecti adeoque dolores miseri

amantis finire. (*deus ille*, vid.  
Q. V. XXI, 6. *Wr.*)

62 — 69. Iterum mentem ac consilium mutat, nec curarum remedia a vita pastoritia expectat; ne tum quidem, si in extremo septentrione vel austro versetur: haec ornavit. 63. *concedite*, valet. (*Ipsa—ipsae*, vid. Q. V. XVIII, 2, h. *IVr.*) 64. *labores*, ad venationem refer, quam incassum susceptum a se iri ait, cum amorem nil sit quod animo eximere possit. 65. *Nec si f.* ex Theocr. VII, 112 — 114, et quidem admodum in-



Nec si, quum moriens alta liber aret in ulmo,  
Aethiopum versemus ovis sub sidere Cancrī.  
Omnia vincit Amor: et nos cedamus Amori.

Haec sat erit, divae, vestrum cecinisse poetam, 70  
Dum sedet, et gracili fiscellam textit hibisco,  
Pierides; vos haec facietis maxima Gallo:  
Gallo, cuius amor tantum mihi crescit in horas,

### 69. AMOR;

nes, media brevi, et *Sithonius* apud Romanos poetas, ut aliquoties ap. Horat. I Carm. 18, 9. III. 26. 10. Ovid., ut in *Past. Sithonias et Scythicas triumphos*. Stat. Theb. III. 387 *Sithonia* — sub *Arcto*: ergo *Σιθόνιος*. Attamen *Σιθωνίη γῆ* ap. Herod. VII. 122 et Steph. Byz. At *Σιθωνες* esse debere Lycophroni v. 1357 *Ἐξεν γυνάντων Σιθόνων νεκλήμενοις*. Hoc enim metrum postulat, non *Σιθόνων*. Quod hiemem *aqueosam* memorat, forte parum commode fit, ubi de *nive* agitur. Io. Schrader, tentabat *Haemi s. aqueosi*: ingeniose. (Nihil mutandum; vid. Q. V. XXXX, 3. *W.*) *Hyemi subeamus aqueos* Barthii codex pro *hyeme*. Burmann, tentabat *sulcimus*. 67 *Ne si fragm.* Moreti. *commoriens* unus Moreti et Gud. *commoriens* Zallach. *liberaret in ulmo* fragm. Moret. 68 *versemus* Barthii sive *liber* sive emendatio, iam a Florente Christiano facta. apes Moret. 69 Idem hemistichium Cir. 437. *vincet* Medic. *vicat* Rom. Pierii. *sed nos* ed. Ven. 70 *Hoc sat erit nostrum* Ven. *Hoc etiam* Goth. sec. et unus Moreti. *vestrum*. *Divae* duo vel tres. 72 *facietis carmina* fragm. Moreti. Illustrat Burm. e Petron. 39 et 48. 73 *mihi tantum* Parthas. et Rottend.

geniose: cum ibi minas Pani fiant. cf. Horat. Od. I, 22 extr. *frigoribus mediis*, media hieme, *ῥέφαται μέσσω*, Thraciam si adeam, cuius gens *Sithones*. Theocritus Edonos *Ἡδωνός*; dixerat VII, 112. *subeamus*, dureremus frigus Thraciae. Burmannus de cadente in caput magna nivis vi et copia accipiebat. 68. *Aethiopum versemus ovis*, pro inter Aethiopes, in Aethiopia. *versare* h. l. agere, pascere, ex *ποιάειν*, unde *αἰπόλος*, *οἰονόλος*; etc. *liber* vero, pars corticis interior, omnino pro cortice atque arbore. 69. Nexus sententiae est paullo durior: Nihil est, quod ab amoris curis solvat animum, vincit ille omnia reme-

dia; ergo mihi succumbendum est. (Equidem nihil video, quod durum sit. Est hoc redeuntis iam ad sanam mentem: Omnia vincit Amor; et quum vincat Amor omnia, age, cedamus, nec flectere eum velimus. *W.*)

70. De se iam poeta loquitur, ad Musas conversus; haec se luisse pastoritio carmine v. 71; petit vero ab iis, ut, quae ipse minima in Galli honorem fecerit, ipsae faciant, ut pro maximis Gallo sint, h. eam et gratiam et dignitatem habeant, quam carmina gravia, Gallo, cuius indies maiore amore teneatur. *Fiscella*, calathus in usum cogendi lactis. cf. Tibull. II, 3, 15. De *hibisco* vid. sup. II, 30.

Quantum vere novo viridis se subiicit alnus.

Surgamus: solet esse gravis cantantibus umbra; 75  
Iuniperi gravis umbra; nocent et frugibus umbrae.  
Ite domum saturae, venit Hesperus, ite, capellae.

P. VIRGILII MARONIS BUCOLICON LIBER  
EXPLICITUS.

74 *subicit* Medic. Parrhas. *subrigit* coni. Vales. in Valesianis pag. 182. 75 — 77 Hos tres versus novissimos, tamquam sententia parum aptos et coniunctos, reprehendebat Ill. Home (Lord Kaimes *Essay of Criticism* c. 1 extr.). Poterant utique abesse; nec tamen dedecet carmen, quod sunt adiecti, quandoquidem faciunt ad infingendam animo altius cogitationem ac sensum, agi haec inter pastores. Tum vero respondent hacc v. 7 *Dum tenera adtondent virgulta capellae.* 75 *cunctantibus* coni. Titii Locor. X, 7 probat Cerda et alii. *cantantibus* Barthius e suo cod. sensu eodem: ut morentur diutius quam expedit. Proclivior in hoc est Wakef. ad Lucret. VI, 783. 76 *frugibus herbae* Rottend. E nonnullis ap. Pierium hic versus exciderat: et ratio subesse visa est viris doctis, cur sublaturum mallent; nam sententia a loco est aliena. Poeta sub iunipero cur sedebat, si umbra gravis est! (Sed liceat etiam interrogare, cur omnino in umbra consederit poeta, quum vs. 75. umbra cantantibus gravis dicatur? Nempe de umbra vespertina cogitandum, quum omni, tum iuniperi, cuivis, maxime cantantibus, gravi. Et qui sublaturum volunt hunc versum, doceant velim ante omnia, unde immigrasse existiment. *Wr.*) Saltem otiosa est exornatio sententiae antecedentis versus: quae tamen ferri possit. (Certe hac lege versus bene multi e Bucolicis Virgilii carminibus tollendi erunt. — 77. Medic. *Espurus.* *Wr.*)

74. *viridis se subiicit alnus*, tenera crescit, conf. Georg. II, 19; est ab iis, quae se attollunt, sursum erigunt, emicant, ductum; haec enim *se subiicere* dicuntur, ut flamma Georg. IV, 385. Ab eadem re duxit imaginem famae Horat. Od. I, 12, 45 *Crescit occulto velut arbor aevo Fama Marcelli.*

75. *gravis — umbra*, nociva; physicis de caussis, ut rheumatismos arcessat nimio calore solutis membris. conf. Lucret. VI, 783 sqq. *Iuniperi* vero mole-

stae exhalationes, inprimis sub noctem. Inde ap. Apollon. IV, 156 ramus, quo medicamenta sua soporifera draconis oculis inspergit Medea, iuniperi est. 76. *nocent et frugibus umbrae.* cf. Ge. I, 121. 156. 157. 77. *venit Hesperus*, in conspectum venit, oritur, sole occidente, conf. ad Ecl. VIII, 30, ut Hor. Carm. II, 9, 11 *Vespero surgente*, et minus definite *surgentibus astris* noster Ge. I, 440. *venit*: sic εἶσιν ap. Hom. Iliad. χ, 27 Ἀστέρεα — ὅς ῥά τ' ὀπώρης εἶσιν.

## E X C U R S U S I

### *Ecloga IV graece versa in Orat. Constantini M.*

**E**clogam hanc graece redditam, et eo consilio appositam, ut adventum Messiae in ea praedictum esse manifestum fieret, magna ex parte extare apud Eusebium in Orat. Constantini M. ad Sanctorum coetum iam in argumento praefati sumus. Repetitum illud carmen et adiectum edd. Ge. Fabricii Chemnic., Rob. Stephani, aliisque; sigillatim excusum a Fed. Morellio 1583, et post alios a Maittaire in Miscellan. Carminib. pag. 139. Inseruit quoque cum interpretatione, sed nulla crisi adhibita, Boecler. Diss. acad. Tom. II, n. XI, pag. 387 sq. Non alienum erit a studiis eorum, quibus haec editio parata est, si subiecero Graeca ad meum sensum emendata: notato versuum Virgilianorum numero, cui illa respondent:

1 Σικελίδες Μοῦσαι, μεγάλην φάτιν ὑμνήσωμεν.

\* \* \*

- 4 Ἦλυθε Κυμαίου μαντεύματος εἰς τέλος ὁμφί.  
 5 Οὔτος ἄρ' αἰώνων ἱερὸς στίχος ὥρονται ἡμῖν.  
 6 Ἦκει παρθένος αὖτις ἄρουσ' ἑρατὸν βασιλῆα.  
 7 Ἐνθεν ἔπειτα νέων πληθὺς ἀνδρῶν ἐφράανθη.  
 8 Τὸν δὲ νεωστὶ πᾶν τεχθέντα, φραεσφόρε Μῆνη,  
 9 Ἀντὶ σιδηρεῖης χρυσῆν γενεὴν ὁπάσαντα,  
 10 Προσκύνει . . . .

\* \* \*

- 13 Τοῦδε γὰρ ἄρχοντος, τὰ μὲν ἔλκεα πάντα βρότεια  
 14 Ἀλγέα τε στοναχαί τε κατευνάζονται ἀλιτρῶν.  
 15 Λήψεται ἀφθάρτοιο θεοῦ βίοντος, καὶ ἀθρήσει  
 16 Ἡρώας σὺν ἐκείνῳ ἀολλέας, ἡδὲ καὶ αὐτὸς  
 Πατρίδι καὶ μακάρεσσιν ἐλδομένοισι φανεῖται,  
 17 Πατροδότοις ἀρετῇσι κυβερνῶν ἡνία κόσμον.  
 18 Σοὶ δ' ἄρα, παῖ, πρῶτιστα φύνει δωρήματα γαῖα,  
 19. 20 Βάκχαριν ἡδὲ κύπειρον, ὁμοῦ κολοκάσσι' ἀκάνθῳ.

5 Οὔτος ἄρ'. leg. Αὖτις ἄρ'.  
 13 τὰ μὲν ἔλκεα· ita duo codd. ap. Vales. Vulgo: μενοεικέα πάντα βρ., quod sane ad sensum redigi potest: omnia mortalia ex animi voluntate. Si futurum praeferas, erit κατευνάσσονται.

19 Βάκχαριν. Vulgo: κριθὴν ἡδὲ κύπειρον, perperam; κισσοὺς erat emendatio Morelli ex Latino facta. Maittaire coni. Βάκχαριν ἢ κισσοὺς καὶ ὁμοῦ; modo non a litterarum ductu nimium recederet. Si tamen κύπειρος Cyperum esculentum Linn.



- 21 Σοὶ δ' ἄρα, παῖ, χίμαροι μαστοὺς καταβεβριθυῖαι  
 Αὐτόματοι γλυκὺ νᾶμα συνεκτελέουσι γάλακτος.  
 22 Οὐδὲ θέμις ταρβεῖν βλοσυροὺς ἀγέλησι λέοντας.  
 23 Φύσει δ' εὐώδη τὰ σπάργανα ἄνθεα. αὐτῇ  
 24 Ὀλλυτο ἰοβόλου φύσις ἐρπετοῦ· ὄλλυτο ποίη  
 25 Λοίγιος· Ἀσσύριον θάλλει κατὰ τέμπε' ἄμωμον.  
 26 Αὐτίκα δ' ἠρώων ἀρετὰς πατρός τε μεγίστου  
 27 Ἔργ' ὑπερηνορίῃσι κεκασμένα πάντα μαθήσῃ·  
 28 Πρῶτα μὲν ἀνθερίκων ξανθῶν ἤχθοντο ἄλωαί,  
 29 Ἐν δ' ἐρυθροῖσι βάτοισι παρήγορος ἦλδανε βότρυς,  
 30 Σκληρῶν δὲ πεύκης λαγόνων μέλιτος ῥέε νᾶμα.  
 31 Παῦρα δ' ὅμως ἔχνη προτέρας περιλείπεται ἄτης·  
 32 Πόντον ἐπαῖξαι, περὶ τ' ἄστεα τείχεσι κλεῖσαι,  
 33 Ῥῆξαι τ' εἰλιπόδων ἐλκυσμασι τέλσον ἀρούρης.  
 34 Ἄλλος ἔπειτ' ἔσται Τίφυς καὶ Θεσσαλὶς Ἀργῶ  
 35 Ἀνδράσιν ἠρώεσσιν ἀγαλλομένη· πολέμου δὲ  
 36 Τρώων καὶ Δαναῶν πειρήσεται αὖθις Ἀχιλλεύς.  
 37 Ἄλλ' ὅτ' ἂν ἠνορέης ὦρη καὶ καρπὸς ἴκηται,  
 38 Οὐχ ὅσιν νάυτησιν ἄλιτρυτοῖς ἀλάλησθαι,  
 39 Φυομένων ἄμυδις γαίης ἄπο πίονι μέτρῳ·  
 40. 41 Ἀγρός δ' ἄσπαρτος καὶ ἀνήροτος· οὐδὲ μὲν ἀκμήν  
 Ὀτραλέου δρεπάνοιο ποθησέμεν ἄμπελον οἶμαι·  
 42 Οὐδ' ἐρίων δεύοιτο βροτὸς πόκον· αὐτόματος δὲ

est, non ingrati graminis genus, potuit cum baccari iungi.

21 Legebatur ὦ παῖ, θαλεροὶ μαστοὶ καταβεβριθυῖαι. In Virgilio est: *Ipsae lacte domum referent distenta capellae Ubera*. Vales. coni. αἶγες.

23 Edebatur ἄνθεα αὐτά. In cod. apud Vales. erat ἄσεν' ἐνιπὴν et ἄσιτ' ἐνιπὴν; quod non assequor. Poterat ἐνιπὴν cum seqq. iungi: ἐνιπὴν ὦλεσεν ἰοβ. φύσις ἐρπετοῦ. Sed in ἄσεν' quid lateat non video. Suspicio ἐνιπὴν esse factum ex fine versus sequi. ποίη, quod ubique corruptum πίσεως, ποίσεως, ποιήσεως.

24 ὄλλυται vulgo altero loco cum vitio versus. Malim ὦλετο.

25 κατὰ τέμπε' editum a Vales. Vulgo: κατὰ πάμπαν. Ex iis, quae Constantinus interpretationis caussa adiecit, putes eum legisse: *Οἴχεται Ἀσσύριον, θάλλει κατὰ τέμπε' ἄμωμον*· perperam acceptis Maronis verbis.

28 ἤχθοντο. Gravatae sunt areae, βεβριθασί, spicis. Vulgo ἤγοντο sine sensu. Etsi hoc ipsum Constan-

tinus interpretatur *τουτέστιν ὁ καρπὸς τοῦ θείου νόμου ἤγετο εἰς χρεῖαν*.

33 Corrupte alii Πῆξαι.

37 καρπὸς. Maitt. coni. κάρτος. Alterum tamen cum ὦρα bene convenit.

38 Vulgo: Οὐχ ὅσοι αὐτοῖσιν ἀλιτροτάτοιςιν . . . . Ex Marone *Cedet et ipse mari vector, nec nautica pinus Mutabit merces* in promptu est in αὐτοῖσι latere νάυτησι et in ἀλιτρο. latere ἀλιτρο. Vidit iam Maitt. ἀλιτρυτοῖς *navigatione confectis* legendum esse. In fine versus deficit vox, quae *navigationem* declarat. Vales. ἀλάσθαι posuerat. Mox *φυομένων ἄμυδις*, h. ἔμα, non dispersim, sed promiscue ubique.

40. 41 Ἀγρός δ' sc. ἔσται. Editum erat vulgo αὐτὸς, quod Vales. emendabat αὐτῇ δ'. ἀκμήν· al. ἀμήν· cum ἀμή δρεπάνον h. l. sit, parum id commodum, nisi sit ἀμή pro frondatione dicta.

42 Nec necesse, ut homo tingat lanam; aries ipse mutabit eam purpura: *παρatreψει* sc. πόκον.

43. 44 Ἀρνειὸς Τυρίοισι παρατρέψει λιβάδεσσι·  
 45 Σάνδυκι πορφυρέῳ λάχνην ὑπόμεσαν ἀμείβων.



- 48 Ἄλλ' ἄγε τιμῆεν σκηπτρον βασιληΐδος ἀρχῆς  
 49 Δεξιτερῆς ἀπὸ πατρὸς ἐριβρεμέταο δέδεξο.  
 50 Κόσμου κητώεντος ὅρα εὐπηκτα θέμεθλα,  
 51 Χαρμοσύνην γαίης τε καὶ οὐρανοῦ ἡδὲ θαλάσσης,  
 52 Γηθόσυνόν τ' Αἰῶνος ἀπειρεσίου λάσιον κῆρ.  
 53 Εἴθε με γηραλέον ζῶντά τ' ἔχε νήδυμος ἰσχὺς  
 54 Σὴν ἀρετὴν κελαδεῖν, ἐφ' ὅσον δυνάμεις γε παρείη·  
 55 Οὐκ ἄν με πλῆξιεν ὁ Θρακῶν διὸς αἰοιδός,  
 56. 58 Οὐ Αἰνός, οὐ Πάν αὐτὸς, ὃν Ἀρκαδίη τέκετο χθών·  
 59 Ἄλλ' οὐδ' αὐτὸς ὁ Πάν ἀνθέξεται εἵνεκα νίκης.  
 60 Ἀρχεο μειδιώσαν ὄρων τὴν μητέρα κεδνὴν  
 61 Γνωρίζειν· ἢ γάρ σε φέρει πολλοὺς λυκάβαντας·  
 62 Σοὶ δὲ γονεῖς οὐ πάμπαν ἐφημέριοι ἐγέλασαν·  
 63 Οὐδ' ἥψω λεχέων, οὐδ' ἐγνώως δαῖτα θάλειαν.

## EXCURSUS II

## De Varo.

Ecl. VI, 6. 7 *namque super tibi erunt qui dicere laudes, Vare, tuas cupiant, et tristia condere bella.* 10 *te nostrae, Vare, myriacae, Te nemius omne canet: nec Phoebo gratior ulla est, Quam sibi quae Vari praescripsit pagina nomen.* Ecl. IX, 27 *Vare, tuum nomen — Cantantes sublime ferent ad sidera cycni.* Quae ex his de Varo, cui Ecloga inscripta, si modo in utraque Ecloga de eodem Varo agitur, colligi possunt, haec sunt: fuisse hominem Maroni amicissimum; Musis gratum et iucundum nomen; eum rebus bellicis clarum fuisse (*et tristia condere bella*), promitti ei nominis immortalitatem; fuisse quoque aliquam eius gratiam ac meritum apud Mantuanos, in vindicandis iis a veteranorum iniuriis. Nec tamen illa sufficiunt ad declarandum, quisnam ille Varus fuerit; cum tot gentium, ut Quinctiliae, Pompeiae, Atiae, Liciniae, cognomen illud fuerit, nec alia in scriptoribus Vari huius memoria

43. 44 Vales. malit *πάρα πρέψει*.  
 sed quid *πάρα* sit, non assequor.

50 ὅρα. Vulgo *ὄρῳ*, quod Homericum esset; sed in tali carmine vix frequentatum.

52 Αἰὼν in personam abiit. Miras in his verss. turbas facit Vales.

55 *πλήξειεν. πλήσσειν* percutere

seu in luctu seu vulnere pro *νικᾶν*. nisi corruptus et mancus locus est.

60 *μειδιώσαν ὄρων*. Turbatum et hic erat in Graecis, ut ab interpretibus in Latinis: *Ἀρχεο μειδιῶν ἀνορῶν*. in codd. *μειδιῶν ὡς ἂν ὄρων*. Verum vidit iam Vales.

62 Interpolatum hoc in Graecis, ut sensus sit: At tibi non mortales parentes fuerunt.

satis liquido prodita sit. Grammatici vero multo magis turbant disputationem, cum non modo plures Varos confundant, verum et *Varium* cum *Varo* misceant. Franc. Arisius in Cremona litterata T. I, p. 27 sq., a quo haec severius tractata expectabam, et ipse diversos homines miscuit; reprehensus iam hoc nomine a populari (in *Giornale de' Letterati d' Italia* To. X, p. 264 sqq.). Dignum tamen nomen hominis a Marone tam studiose celebrati, ut paucis de eo agatur. Nescio enim, quomodo accidit, ut istis aetatibus, quibus magna rerum inversio facta est, magnique viri, et rebus gestis et ingenio clari, floruerent, nullum nomen sit, quod non animum impellat et studium nostrum in se convertat. Tum vero, si magni viri studio semel tenemur, etiam amicos eius cognoscere avide cupimus.

Secernamus primo Varos, quos temere huc vocarunt Grammatici. *P. Quinctilium Varum* U. C. 761 in Germania caesum iam ipsa temporum ratio excludit; si quidem florente aetate Virgilius hoc carmen scripsit. Eadem de causa locum nec habet *P. Alfensus* (scribitur et *Alphenus* et *Alfinius*) *Varus*, Cos. 754, nobilis Ictus, ad quem male retulere Horatii locum Sat. I, 3, 130.

Alium *Alfenum Varum* ab Augusto Transpadanae provinciae et agris dividendis praefectum, ne Virgilio ager eriperetur, curasse, memorant Serviana ad Ecl. VI, 6 et in Pseudodonato s. 30. Hunc esse de quo Virgilius hac Ecl. VI. tam magnifice loquitur, probabile fieret: si modo de hominis rebus bello gestis aliquid constaret, quae tantae essent, ut carmini epico materiem idoneam praeberent.

*Quinctilium*, acutum et severum illum criticum ap. Horat. Art. 438, de cuius morte solatur Virgilium suum Horatius I Carm. 24, et quem Hieronymus Chron. Euseb. Cremonensem appellat, enotato eius anno emortuali ad Olymp. 189, 1 (U. C. 730, ante Ch. n. 24), nulla idonea auctoritate *Vari* cognomine appellant Grammatici, Servius ad Ecl. V, 20, et Schol. Horat. cf. Ruaeus ad Ecl. VI, 7.

*Q. Alium Varum* ex Caesaris Comment. de B. G. VIII, 28. B. Civ. III, 37 huc vocat Martin. nominis similitudine inductus. *Q. VAR.* occurrit in Sarda Dactyloth. Lipp. Tom. II, 2, 219.

*L. Varus*, Epicureus, Caesaris amicus, memoratur ap. Quinctil. I. Or. VI, 3, 78. Nullam hic lectionis varietatem notatam video; ut nec in altero loco X, 3, 8 *Virgilium paucissimos die composuisse versus auctor est Varus*.

Indubitatum quoque *Vari* nomen est ap. Horat. I, 18 Carm. *Nullam, Vare, sacra*. Et Epod. V, 73, ubi Canidia in eum, tamquam inconstantem amatorem, saevit.

Nihil in his est, quo manifestum fiat, an de eodem Varo agatur. Qui Horatii amicus fuit, potuit et Virgilii esse; potuit idem



Caesaris amicus esse. Pro eodem itaque cum L. Varo Epicureo habuerunt eum viri docti, in his Masson. Vit. Horat. p. 222. Eidem adeo et haec Ecloga VI inscripta videri potest: si verum est, quod Servii ad v. 31, Phocae in Vita Virg. v. 63, Donati in V. V. s. 79 fide traditur, in v. 31 sqq. Epicureum dogma proponi; si porro Syronis, philosophi Epicurei e Cicerone noti, una cum Varo auditor fuit Virgilius. Sunt tamen haec omnia tam parum firmatae fidei, ut nihil illis equidem confidam. Contra gravem dubitationem movet adversus hanc Massoni opinionem hoc, quod Varus Virgilio nostri bello clarus fuit: nam Ecl. VI, 7 *erunt, qui dicere laudes, Vare, tuas cupiant, et tristia condere bella*: id quod in Epicureum illum philosophum non cadit.

In loco Ecl. IX, 35 vulgo legebatur: *Nam neque adhuc Varo videor nec dicere Cinna Digna, sed argutos inter strepere anser olores*. Si hoc recte se haberet: recte inferres: Varum aut poetam aut carminum iudicem bonum fuisse; prius illud verius; nam Cinna notus satis poeta fuit, non criticus; ita vero de Varo poeta multo maior dubitatio suborietur. Eninvero multo probabilius fit, *Vario* legendum et de L. Varo tragico locum accipiendum esse, de quo vid. ad Donat. Vit. Virg. s. 30 et 53. atque secundum haec *Vario* reposui.

Apud Servium ad Ecl. IX, 35 legitur: „Nam Varus victor et dux fuit, cui supra blanditur“, unde colligit doctiss. Ruhnken. ad Vellei. p. 364, Varum eum fuisse, non Varium, quem Acron narrat ad Cassium Parmensem occidendum ab Augusto missum. Verum et illud Scholion Acronis et hoc Servii tam contaminatum est Grammaticorum ineptiis, ut vix quicquam inde conficias. In Servianis, quisquis illud apposuit, quod paullo ante adscripsi, indocte expressit Horatianum: *Scriberis Vario fortis et hostium victor*.

Restat pro Varo poeta qui memorari possit locus Ovidii ex Ponto IV, 16, 31 *Cum Varus Gracchusque darent fera dicta tyrannis*. Duo tragoediarum auctores memorari manifestum est. Gracchum Tragicum illustrat Heins. ad e. l. Cum Varii Thyestes tam nobile opus fuerit; Vari autem aliunde nulla prostet memoria; equidem non dubito in Nasone quoque *Varium* substituere: etsi is paullo maior natu esse debuit Nasone puero.

## EXCURSUS II \*

### *De Sileno a Satyris et Nymphis victo.*

Ecl. VI, 13 *Chromis et Mnasylos in antro Silenum pueri somno videre iacentem — Adgressi, nam saepe senex spe carminis ambo Luserat, iniiciunt ipsis ex vincula sertis. Aldit se sociam, timidisque supervenit Aegle, Aegle Naiadum pulcerrima.*

Cum motus mentis magnis sensibus contactae et phantasmata animi concitati ab aetatum priscarum hominibus nec discerni satis inter se nec ad causas suas possent revocari, adeoque nec re nec nomine notari: ad furores illi divinitus mentibus immissos revocati sunt, modo religiosos modo fatidicos; fidem faciebant opinioni calores animorum et furores in orgiis Bacchicis et Phrygiis per choros ad numeros concitados tympanorum et tiliarum moveri soliti: de quibus ad locum Strabonis lib. X. disputatum est alio loco (Commentat. Societ. Reg. Sc. Gotting. Vol. VIII.). Iam haec eadem translata esse ad vates, et inde ad poetas, ut et ipsi deo incallescere, furere, *μάλισθαι* putarentur, nota res est.

Inter deos, qui vatibus et poetis furores iniicerent, Apollo et Musae mox et Nymphae et alii dii habiti sunt, tum et *Bacchus*, qui et in Apollinis et Musarum consortium eo nomine venit. Non mirum itaque si, cum ille suos comites et *θιασώτας*, inprimis Bacchas, Maenades inde dictas, furore impleret, Silenum ita *ἐνθρον* ab eo redditum esse *μυθιστῶς* narrarunt poetae, ut et vaticinaretur, utilia moneret, tandem et vatum more caneret; itaque eo deventum est, ut Sileno tribuerentur carmina, tandem disputationes, de rebus physicis ac divinis: eo modo, qui expositus est a me in argumento huius Eclogae.

Cum semel ea, quae de vate vaticinante narrari solebant, transferri coepissent ad poetas: Sileno a Virgilio tribuitur hoc quoque, quod vaticinantium erat proprium, ut non nisi inviti et reluctantes deum reciperent; nam Silenus ad carmina sua recitanda non nisi invitus accedit; itaque vi cogunt eum Satyri, ut alibi videmus Proteum aut Pythiam ad vaticinandum vi adnota cogi: qua de re vid. dicta ad vs. 28.

Adscripsi haec in breve collecta in eorum gratiam, quibus haec scripta sunt. Poeta hoc ipsum in lepidum mythum mutavit, cum narret Satyros duo, qui dudum carmina flagitaverant a Sileno, vi tandem adigere eum voluisse ut caneret, adiutrice Nympha. Versa tamen res in lusum, cum et corollis senem vincirent, et Nympha procaciter eius frontem rubro pingeret.

Inter argumenta operum antiquorum nullum est copiosius et locupletius Bacchicis orgiis et lusibus. Satyri itaque ludentes, Silenus temulentus et Bacchae, h. e. Nymphae cum Baccho bacchantes sunt inter ea, in quibus artifices ingenia exercuerunt vel maxime. Sunt quoque in his quae cum nostro carmine comparari possint. Silenus recubans in pelle substrata, utre vini pleno nixus, altera manu cantharum inversum tenens (qui tamen artifice recentiori vitiatum marmor reficienti deberi videtur) in villa Ludovisia visitur Romae, caelo passim expressus.

Est Silenus ad arborem revinctus, Satyro ac Nympha exorantium specie adstantibus, in gemma *Lipperti Dactylioth. Mill. I,*

1, 183. Sunt alia apud *Tassie*. Inventum est nuper in finibus Neapolitanis anaglyphum, Silenum in antro sedentem cum Nympha frondem seu surculum ostendente exhibens, Satyris duobus auscultantium similibus; pone antrum Sileni asellus cum duobus Satyris saltantibus. Id anaglyphum e nostro poeta adumbratum esse censuit Xaver. Mattei in diss. 1759 edita. Repetitum anaglyphum parum scite et affabre factum et aere sculptum in edit. Virgilii Ambrogiana. Similis fere argumenti aliud est anaglyphum, quod ad ἀσκολιασμόν refert Vir doctus in *Diss. Acad. Cortonensis* To. I. diss. VIII. aliud vero manifeste expressum e Virgilio marmor XVI figuris, inter quas Aegle pingens Sileni faciem, visitur in Villa Pembrok. Wilton. Etsi nondum satis confido antiquitati horum monumentorum; vix enim artifices graeci Virgilium edidicerunt.

### EXCURSUS III

*De C. Cornelio Gallo simulque de Euphorionis Chiliasi.*

Ecl. VI, 64 — 73 *Tum canit errantem Permessi ad flumina Gallum etc.*, et Ecl. X, 2 *Pauca meo Gallo, sed quae legat ipsa Lycoris, Carmina sunt dicenda.*

Est Gallus inter eos homines, qui aliorum potius laude, quam sua virtute, nomen ad posteritatem propagatum habent. Iterum nostra aetate multis de eo egere viri docti per Italiam, dum de eius patria decertarent, aliis eum Foroiuliensem, aliis Foroliviensem fuisse asserentibus. Priores partes tuetur doctiss. Fontanini in *Hist. litt. Aquilei*. I, 1, quem fere transscripsit Io. Ios. Liruti (in *Notizie delle Vite ed opere scritte da' Letterati del Friuli* Tom. I pr.). At pro Foroliviensibus, post Peregrinum Maserium, Sigisim. Marchesium in *Supplem. Hist. Foroliv.* lib. I, p. 34, et Ge. Vivianum Marchesium in *Vitis illustr. Foroliv.* lib. II, cap. 5, p. 227 sqq., denuo pugnavit eruditiss. Morgagnus in *Opusc. Miscell.* P. III Ep. 1 et 10. Add. Burm. ad *Anthol. Lat.* To. I, p. 353. Adeo et huius hominis exemplo proposito contemnere aliquis discat nominis famam et immortalitatem: in qua et ipsa casus et fortuna regnat.

Contigit tamen inter haec, ut multa, quae ad Galli res spectant, accuratius constituerentur. Contra vero nec minus alia virorum doctorum argutiis fuere impedita et obscurata, etiam in iis, quae ad Virgilium spectant. De amica *Lycoride* disputatum est in *Argum. Ecl. X*. Ingenium Galli et facultatem poeticam pauca testantur fragmenta, quae supersunt; adstruunt autem eam veterum praeconia, inque his Virgilii. Verum hic non tam ab Elegorum felicitate eum celebrat, quam ab alterius generis carmine: altero loco VI, 72 *Grynei nemoris originem* argumentum illius constituisse



innuit: nam, cum Gallum summo honore a Musis acceptum narrasset Maro, Linum ait ei fistulam Hesiodi praebuisse, verbis adiectis: *His (calamis) tibi Grynei nemoris dicatur origo: Ne quis sit lucus, quo se plus iactet Apollo.* Altero loco Ecl. X, 50. 51 Gallus loquitur: *Ibo, ait, et Chalcidico quae sunt mihi condita versu Carmina, pastoris Siculi modulabor avena.* Gallus adeo versu Chalcidico carmina condiderat. Euphorionis carmina respici, qui Chalcidensis ex Euboea fuit, satis convenit; eiusque necesse est aut transtulisse carmen aliquod in Romanum sermonem Gallum, aut liberiore calamo expressisse. Proclive est ad coniectandum, carmen de Apolline Gryneo eiusque oraculo fuisse illud ipsum carmen. Hactenus consentanea sunt, quae apposui. Similia illis habet Servius ad Eclog. VI, 72 et X, 50.

Enimvero viri docti suspitione et opinatione adiecere alia; ex VI, 69. 70, ubi *calamos ei dant Musae, quos ante dederant Ascræo seni*: ergo Opus aliquod Euphorionis, quod Hesiodi carminis genere scriptum erat, respici. Iam Euphorion Varroni et Columellae inter scriptores rei rusticae numeratur; ideo carmen illud nomine *Hesiodi* inscriptum fuisse visum est; et est ap. Suidam inter Euphorionis scripta *Ἡσίοδος*. Georgica fuisse illud censent. Verum cum argumento hoc parum conveniunt versus subiecti: *His tibi Grynei nemoris dicatur origo* etc. quid enim in tali carmine convenire potuit cum Georgicis? Videndum itaque est de his paullo diligentius.

*Euphorion*, Chalcide Euboeae, ut dixi, oriundus, Antiochi M. regis Syriae bibliothecae praefectus, magna olim fama floruit. De eo post Meurs. ad Helladium (Opp. To. VI), et Voss. de hist. Gr. I, 17, et de poet. Gr. c. 8 cum Casaub. ad Suet. Tib. 70, et Davis. ad Cic. de N. D. II, 64 egit Toupus in Epist. crit. pag. 161, (Emendat. novae edit. To. II, p. 601) et qui alia, quam in quae is inciderat, attulit, Fontaninus in Hist. litt. Aquilei. p. 29 sqq. Desideratur tamen vel sic iusta de eo commentatio. Laudantur ap. Steph. Byz. et Athen. Euphorionis *Χιλιάδες*. Est porro de eo Suidae locus in *Εὐφορίων*, in quo ei tribuuntur opera: *Ἡσίοδος, Μοψοπία ἢ Ἀτακτα.* *Μοψοπία* est idem atque Attica; nam antiquius nomen illud fuit ab Oceanide Mopsopia: *καὶ ὁ λόγος τοῦ ποιήματος ἀποτείνεται εἰς τὴν Ἀττικὴν.* (Male adiectum in Suida *χιλιάδα*, iam deletum a Toupio, minus tamen bene mutatum in *χιλιάδες*.) Respexerat in eo opere eos qui deposito eum fraudaverant, docueratque eos certam poenam daturus esse periurii. Inde deductus fuerat ad colligenda oracula, quae per spatium mille annorum prodita erant, et eventus, quos illa habuerant. Haec saltem inter se quodammodo conveniunt. At Suidas aut male exscripta aut interpolata subiicit: *εἶτα συνάγει διὰ χιλίων ἐτῶν χρησμούς ἀποτελεσθέντας.* de oraculis per mille annorum, decursum

*eventu probatis*, scilicet suo ut quodque tempore eventum habuerit, ut orsus forte esset librum inde ab Argonauticis. Sequutus in hoc erat Euphorion exempla aliorum, qui *χρησμούς* collegerant: inter quos Philochorus fuit, Atthidos scriptor, ἐν τοῖς περὶ μαντικῆς Δ'. ap. Plutarch. de Pyth. Orac. p. 403, E. Sequitur in fine: εἰσὶ δὲ βιβλία εἰς ἐπιγράφεται δὲ ἡ πέμπτῃ χιλιάς περὶ χρησμῶν, ὡς χιλίων ἐτῶν ἀποτελοῦνται. ultima male ab interpolatore accessere. Ceterum haec viri docti ita accipiebant, ut opus illud in quinque Chiliades divisum putarent, quarum quinta περὶ χρησμῶν inscripta esset. At Toupius *Χιλιάδας* opus statuit diversum fuisse a Mopsopia: quintum librum περὶ χρησμῶν inscriptum fuisse. Si tamen mille hi anni *quinto libro* nomen *χιλιάδος* dedere: unde quaeso quatuor ceteri libri hoc idem *chiliadum* nomen habuere? aut quale earum argumentum fuisse dicemus, quod a millenario numero quicquam traheret? Estne porro sermoni hoc consentaneum, *Χιλιάδα* appellari librum, in quo oracula exponuntur per mille annos ad eventum perducta? Saltem dicendum erat, *chiliadem annorum* nomen suppeditasse libro, ut *χιλιάς* inscribi posset. Oraculum vero Locrorum, ut per mille annos placarent Minervam Iliensem, alienum est ab h. l. non enim illud de eventu agit post mille annos. Difficultatem adeo, quae in his erat, non sustulit vir doctus, sed reliquit. Verba Suidae adeo corrupta et male luxata sunt, ut nihil tuto ex iis colligas, nisi forte hoc: si verum est, totum opus nomen *Χιλιάδων* habuisse, probabile fit, ita inscriptos esse libros quinque, propterea quod mille ἐτῶν erant, h. e. mille versibus singuli constabant. Nihil adeo est, quod impediat, idem opus fuisse *Μοψοπίαν* et *Ἄτακτα*, et *Χιλιάδας* appellatum: sed liber quintus περὶ χρησμῶν, de oraculis, agebat. Attamen dubito an recte ponatur, omnes quinque libros *Χιλιάδας* inscriptos fuisse; apud Stephan. Byz. et Athen. potuit scriptum esse ἐν *Χιλιάδι*, quo solus liber quintus, idem περὶ χρησμῶν inscriptus, et mille forte versibus constans, designatus fuit. Scripserat Suidas: εἴτα συνάγει διὰ χιλίων ἐτῶν (non ἐτῶν) χρησμούς ἀποτελεσθέντας, responsa et eventa. Ita recte subiecit ἐπιγράφεται δὲ ἡ πέμπτῃ (pro τὸ πέμπτον) *χιλιάς ἢ περὶ Χρησμῶν*.

Iam quod ad Gallum attinet, ex Ecl. X, 50 *Chalcidico quae sunt mihi condita versu*, ut diximus, intelligitur, eum Euphorionem Chalcidensem seu latine reddidisse, seu quocunque modo eius carmen saltem imitatione expressisse: prius tamen illud tradunt Grammatici. Quaeritur nunc, quodnam Euphorionis opus hoc fuerit. In vss. his 69 sqq. Ecl. VI Gallus, Musarum iussu, a Lino traditam sibi accipit Hesiodi fistulam, qua *Grynei nemoris originem* canat. De oraculo hoc Apollinis fabulae potuere esse plures; fuere quoque in iis multa de Mopso et Calchante (cf. Not. ad Ecl. VI, 72), potuit eas persequi Gallus carmine ad Euphorionis exemplum composito: potuit quoque esse Euphorionis liber de illo fano,

cuius ad nos memoria nulla pervenit, quem Gallus latinis versibus reddidit; verisimilius tamen est, fuisse *particulam Chiliadis* *περὶ χορησμάτων* a Gallo latine conversam. Inter alia enim oracula etiam Grynei debuit memoratio fieri. Susplicari quoque aliquis possit, Mopsi nomen latere in voce corrupta *Μοψοπία*, et fuisse *Μόψου ἔπη*, aut *Μοψοπέειαν*. Inter haec restat difficultas, quod non intelligi potest, quidnam in simili opera Galli ab Hesiodo mutuatum esse potuerit: nam *Hesiodea fistula* haec canere dicitur. Nimis acutum esset si diceres, aliud Hesiodi opus respici, non *ἔργα καὶ ἡμέρας*, forte *τὰ ἔπη μαντικά*, et *Μελαμποδίαν* olim ei tributam, quam Euphorion aut sequutus erat aut expresserat. Verum simplicius res ita constituitur: Idem Euphorion et *Ἡσίοδον* et *Χορησμοῦς* scripserat; prius illud habebat aliquid coniunctum cum vita pastorum et cantibus. Cum Gallus occupatus esset in altero *Χορησμών* opere, memorari poterat Linus tradere calamos Hesiodi Gallo, quibus uteretur in altero opere eiusdem poetae exprimendo.

Fontaninus l. c. miro acumine plura Galli carmina ex versibus Virgilianis exsculpsit: ex v. quidem 70 colligere vult, eum latinum fecisse Hesiodum Euphorionis, ex v. 73 eum vertisse latine Chiliadem, tum ex v. 74 scripsisse eum fabulam Scyllae utriusque, quarum alteram superesse in Ciri Virgilio tribui solita contendit, et v. 77 fabulam Terei et Philomelae. Haec tamen ad Sileni carmen spectare, meliore interpretatione facile edoceri poterat vir doctissimus. Cirin Gallo vindicarant et alii, inter quos Gifanius. vid. Prooem. ad Cirin.

Ceterum Euphorionis, ut ceterorum Alexandrinorum poetarum, magna fuit Romae hac aetate existimatio: et inde interpretandos esse censeo *cantores Euphorionis* ap. Cic. Tusc. III, 19, non tamquam mollis alicuius poetae amatores: quae interpretatio fundamento idoneo caret, cum eius carmina amatoria nulla usquam commemorentur. At obscuritate eum, et quidem ex doctrinae copia, non minus quam Callimachum *ἐν Αἰτίοις* et Lycophronem, laborasse, vel ex Cic. de Div. II, 64, et Clem. Strom. V, pag. 676 notum est, etsi ob hanc eandem obscuritatem probaverat se Tiberio Caesari, vid. Suet. cap. 70.

## EXCURSUS IV

### *De Scylla.*

Ecl. VI, 74 *Scyllam Nisi, quam fama sequuta est, Candida succinctam latrantibus inguina monstris Dulichias vexasse rates, et gurgite in alto Ah! timidos nautas canibus lacerasse marinis.* Aen. III, 426 *At Scyllam caecis cohibet spelunca latebris, Ora exertantem et navis in saxa trahentem. Prima hominis facies, et*



*pulcro pectore virgo Pube tenus; postrema immani corpore pistrix, Delphinum caudas utero commissa luporum; et 432 Scyllam et caeruleis canibus resonantia saxa; add. Ciris 58 sqq. 79 sq.*

Multum absum ab eo consilio, ut fabulam de Scylla seu potius fabulas recoquere velim; nam magnus earum numerus fuit: vide vel Athen. VII, p. 297. et Cirin 55 sqq. nec omnino de Scyllae forma laboro, verum de eo tantum, qua specie Maro Scyllae speciem apud animum suum finxerit. Videri enim potest a se ipso dissidere, cum altero loco *canes marinas*, altero *lupos marinos* cum *delphinibus* commemoret, qui quomodo ex eius alvo prodierint una omnes, haud facile dictu esse videtur.

Apud Homerum, a quo primum Scyllae speciem declaratam habemus, mythum omnino simpliciores et rei declarandae magis consentaneum videmus Od. μ, 85 — 100. Scopulus est, cum antro, cuius fundo illa incubat; πόδες δυώδεκα πάντες ἄωροι (obscurο sensu) ei tribuuntur v. 89, saltem illa pedibus suis insistere nequit; itaque medio tantum corpore ex antro prominet et sex sua capita late exerit, ut piscetur, unde vivat, belluas marinas Δελφῖνὰς τε κύνας τε καὶ εἵποδι μείζον ἔλῃσι Κῆτος. Vox porro eius est qualis catuli v. 86 τῆς ἥτοι φωνὴ μὲν, ὅση σκύλακος νεογλῆς, Γίνεται.

Mutarunt itaque sequiores poetae fabulam, et *canum vocem piscationemque delphinorum et canum* ad speciem Scyllae exornandam transtulerunt: ademptis capitibus sex. Pro his enim superne species est puellae, quae tamen inferius corpus monstrosum habet. Ovid. Met. XIII, 732 *Illa feris atram canibus succingitur alvum Virginis ora gerens*. Tibull. III, 4, 89 *Scyllave virgineam canibus succincta figuram*. Est adeo fabula haec ex eo genere, in quo artificum ingenia pristinam monstri formam in iucundiores mutarunt.

In his ac similibus nihil est, quod haereas. Verum difficultatem facere potest ea species, qua in extrema corporis parte *delphines, lupi et canes*, una commissi et coniuncti finguntur. In versu: *postrema immani corpore pistrix Delphinum caudas utero commissa luporum* ambiguum est, utrum sit: *pistrix*, quae commissas habet *delphinum caudas utero luporum*, an *luporum caudas delphinum utero*. Neutram speciem facile fingat sibi aliquis animo: inprimis si vulgarem Scyllae formam in priscis monumentis reputet, in quibus ea in delphinum caudas desinit, canibus ex utero subtus prodeuntibus. Itaque tertiam aliquam rationem ingressus sum in Notis ad e. l., ut sit: *commissa caudas delphinum*, habens caudas delphinum commissas, coniunctas, cum *utero luporum*, luporum uteris s. corporibus, quae inter binas delphinum caudas ex alvo prominent. Recte haec se habent, modo ex pluribus Scyllae formis eam teneas, quae Virgilii animo insederat.

In antiquae scilicet artis operibus non una Scyllae forma oc-

currit; modo ea in delphinum binas caudas desinit; nihil amplius; modo intertextae aut intermixtae sunt canum protoniae; et haec quidem est sollennis forma, ut in aere maximo Gordiani (Mus. Flor. tab. 73) et Pupieni (Max. mod. Numism. R. Gall. tab. 25) et simili modo Scylla remo sublato ictum intentans in denario Sext. Pompeii, v. c. Thes. Morell. Pompei. t. II, 1. cf. Spanh. de V. et P. N. T. I, p. 262; et adiunctis binis corporibus iuvenum, per canum nexus implicitorum in Pict. Hercul. Tom. III, t. 21. et uno viro in gemma ap. Lippert. I, 1, 127. 128. ap. Tassie pl. XXXI. et ap. Tischbein *Homer in Zeichnungen nach Antiken* fasc. III. Et cum his, maxime cum Sexti Pompeii numo, comparare malim poetae versus collato Silio V, 135. Est quoque in numis Contorniatibus navis Ulyssis imminente et sociorum unum rapiente Scylla: de quibus v. Eckhel Vol. VIII, p. 285. Est tamen tertia species, qua alvo adiunctae sunt utrinque duae canum protomae in unam delphinis caudam coeuntes. Hanc speciem habet numisma Agrigentinarum a Principe Torremuzza (*Opusc. di Autori Siciliani* Tom. XIV, tab. VII, IV) editum, et in Siciliae vet. Num. tab. V repetitum, ubi alterum canis alterum hydrae est, et iam ante, parum assabre, adumbratum a Pancratio l. c. nec multum abludit ara in Winckeln. *Mon. ined.* no. 37. Plures Scyllae species uno loco expressit *Pancrazi Antichità Siciliane* p. 4.

A poetis fere canes memorantur, eaeque verae ac terrestres. Dubitari tamen vix potest, eos, qui primi fabulam commenti sunt, cum de monstro marino narrarent, belluas quoque marinas ei adiunxisse. Etiam Homerus l. I., ubi Scyllam exertis capitibus praedari ait circa scopulum aquatilia, *Δελφινάς τε* narrat *κύνας τε καὶ εἰποδι μεῖζον ἔλῃσι Κῆτος*. Probabile itaque fit de phoca eum cogitasse: quam vitulum marinum iam veteres appellarunt, qui idem etiamnum modo *canis* modo *lupi marini* nomine venit; *phocam pusillam* Linn. eam haberi audio. Iconem et descriptionem vituli marini videas ap. Rondeletium de Piscibus marinis lib. XVI, c. 6. Maiorem horum amphibiorum olim in mediterraneo mari frequentiam fuisse constat; ad fines Aegypti desertos notas eorum sedes novimus ex Odyss. δ, ubi de Proteo agitur. Narrant nostris quoque temporibus canum marinorum circa promontorium Scyllaeum ingentem conspici copiam; multo magis hoc ita se habuit antiquioribus temporibus, cum et thynnorum piscatio circa Scyllaeum belluarum istarum opera exerceretur\*). Duxere quoque viri docti nomen Scyllae ab iisdem; est enim *σκύλαξ, σκύλλος, σκύλλα*.

Interea in artis praeae operibus, non magis quam in poetis, aliae quam verae canes expressae esse videntur, saltem quantum

\*) Cf. Strabo lib. I, p. 43 sq. e Polybio: qui tamen *canes* de alio piscium genere accepit: *τοὺς γαλεώτας*,

*οὓς καὶ ξιφίας καὶ κύνας λέγεσθαι φασι*. Etiam Oppian. Halieut. V, 365. 376 *canes* et *phocas* distinguit.

ex eorum apographis assequi possum: unum est fragmentum in Marm. Oxon. P. I, CXXXII, in quo os canis propius fit ori bestiae aquatilis. Lucretius V, 890 *rabidis canibus succinctas semimarinis Corporibus Scyllas* dixit: ibi tamen non canes sed Scyllae sunt semimarinis corporibus: quas pro una Scylla semimarino corpore dixit, respectu caudae. Lusere veteres artifices in forma belluarum e Scylla nascentium (v. c. Pictur. Herculan. Tom. III, pag. 109), modo in caudis, quae in serpentes exeunt in Monumentis Etruscis. Novat quoque in Scyllae forma Schol. Apollonii IV, 825, dum ei canes prodire ait ex lateribus et pectore. In cod. Vatic. Virgili ad lib. VI Aeneidis in inferis Scylla picta est hippocampo similis. In ipso illo numo Agrigentinarum, quem paullo ante memoravi, alterum caput canis an lupi, alterum hydrae est.

---



P. VIRGILII MARONIS

G E O R G I C A



---

## PROOEMIUM.

---

Ad Georgica facetum illud ac molle, quod peculiari aliquo Musarum munere Virgilio concessum esse Horatius memorat \*), proprio quodam modo spectare videtur. Mollitudo quidem ex eo venit, quod, cum exquisito aliquo et numerorum et orationis cultu omnia elaborata et expolita sint, nihil duri, scabri et horridi, quod in divino Lucretii carmine offendit, aspersum est; nihil, quod otiose vacet aut utilius absit. Nec modo verborum dilectu et iunctura, verum etiam sententiarum veritate, lumine ac naturali faciliq[ue] et apto nexu, ingenii artisq[ue] insignis aliqua felicitas, quae in Virgilio erat, effecit, ut leni ac facili cursu omnia defluant. Habent porro decus et exultam aliquam elegantiam, uti Quintilianus \*\*) istud facetum Horatii interpretatur; cum scilicet in argumento tam tenui et humili, quod ad rusticam orationis asperitatem tantopere non modo patebat, sed et deflectebat et inclinabat, omnia sint scite, honeste, et liberaliter tractata, ut politum, elegans, et urbanum ingenium ubique facile agnoscas. Ad iuncturam adeo verborum lenem ac mollem et numerorum artificium, totumq[ue] carminis nitorem, et ad cultissi-

\*) Sat. I, 10, 44. 45 *molle* vid. sup. de Carmine bucolico  
*atq[ue] facetum Virgilio adnue-* pag. 13.  
*runt gaudentes rure Camenae.*

\*\*) Inst. Or. VI, 3, 20.



mae orationis verecundiam et venustatem referendum nobis esse videtur elogium illud, quod tam variis, incertis saepe et obscuris, modis a viris doctis versatum esse videas. Magnificam autem et praeclaram esse illam Virgiliani carminis praedicationem, quis non videt? Est scilicet summa laus, quae in id carminis genus cadere possit, quod didacticum appellare solemus. Cum enim eius natura in eo posita sit, ut sive notio aliqua, sive sententia, sive sententiarum, etiam praeceptorum de quacumque sive scientia sive arte, aliquis complexus eo sermonis genere exponatur, quod quam maxime ad permulcendum voluptate aliqua animum vim habeat: voluptatem illam non tam ab ipso argumento, quamquam in eius dilectu et hoc videndum est, ut ne iniucundum sit, quam ab eius tractatione et ornatu expectandam esse facile apparet. Nam cum neque factum aut res gesta, aut actio, neque animi aliqua affectio, voluntatis inclinatio aut vehementior impulsus mentis et perturbatio, quae et ipsa cum actione aliquantum coniuncta sunt, in eo carmine tractentur \*); quo ipso fere eius a reliquorum carminum natura diversa indoles continetur; in re exponenda et ornanda carmen didacticum tanto maius artificium requirit, quo minorem vim res ipsa ad delectandum habere potest, quoque magis cavendum poetae est, ne ad subtilem praeceptionem, qua nemo facile delectatur, aut ad meram rerum descriptionem carmen hoc revocet, qua animos nostros non diu cum voluptate teneri satis constat \*\*). Itaque

\*) Utique non sic, ut carminis summam et argumentum constituent. Alioqui enim haud dubie etiam per narrationem carmen didacticum detexti posse, praeclaro, in ipso Vergeris et Gratiarum contubernio cla-

borato carmine, *Musarion* inscripto, docuit ingeniosissimus inter venustiores poetas Wielandus nostras.

\*\*) Vid. du Bos Reflex. critiqu. P. I, S. 9.

ex toto materiae apparatu ea deligenda sunt, quae cum aliqua voluptate audiri, aut, si per se nihil suavitatis habent, ornari et nobilitari ab arte possint; quaecunque autem tractanda selegeris, ea rerum facie quasi ac vultu eoque colore exhibenda sunt, quo maxime niteant, hominumque animos ad cognoscendam rem et contemplandam alliciant et invitent. Tum perspicuitas a lucido, non autem dialectico, rerum ordine, argumentorum dilectu, dispositione et expositione ad animum tenendum accommodata, arcessenda est. Tenent autem animum ea, quae non modo nihil molestiae ei creant, dum cognoscuntur, verum etiam, dum leni ac facili cursu in animum influunt, non horrida aliqua ac ieiuna subtilitate exaescunt, sed eo corpore ac colore succoque expleta sunt, quo ad impellendos sensus nostros animumque aliquam vim habeant. Quo fit, ut in ornatu summa huius carminis posita videatur. Ad ornatum autem omnia referenda sunt, cum ea, sine quibus ille recte esse nequit, verborum numerorumque recta, elegans, ac suavis ratio, tum rerum argumentorumve, quae, quod ornatum capere videbantur, ad exponendum seposueras, ea elocutio et repraesentatio, quae ad animum continua gratarum rerum, imaginum ac sensuum vicissitudine tenendum quam maxime sit idonea. Quod quidem ita maxime assequi videare, si, iis exceptis, quae nullum ornatum admittunt, et breviter ac simpliciter exponenda sunt, cetera verbis ac sententiis locupletibus, variarumque rerum similitudinem ac colorem in animum revocantibus, expressa sint; ea vero, quae universe dici poterant, ad factum aliquod, idque unum et actionem singularem e multis revocata, ad vivum repraesentata, descriptione oculis subiecta, exemplis et comparationibus illustrata, sententiis gravibus sint distincta, omninoque ita tractata, ut non tam animus doceri

se sentiat quam delectari: ut non magna animi intentione ad cognoscendum opus sit, sed ut satis sit, modo animus recipiendis impulsibus variarum imaginum sensationumque pateat; ut praecepta et sententiae quasi corpore aliquo inductae sensibus subiectae ante oculos incedere palparique posse videantur, utque, dum in rerum ipsa tractatione et usu versari te existimes, sine omni molestia, putes te adsuescere potius rebus agendis quam discendis. Iam res aliae naturali aliqua seu dignitate seu suavitate se commendant, in quibus poetae iam satis parata laus, modo ne eas oratione deterat; sufficit, ut aequet; sin amplificet et augeat, id vero ad tanto maiorem ingenii commendationem facere necesse est: aliae autem res aut natura sua tenues et ieiunae, aut opinione humiles, et nullo suo decore insignitae sunt; quas si poeta cum per se grato aliquo habitu induere, tum externarum rerum, imprimis digressionum, virtute satis ornare potuerit, in eo vero summam poeticae facultatis et artis laudem consequitur. Digressionum itaque ad ornandum huiusmodi carmen inprimis magna laus habenda \*). In iis autem Virgilii ingenium inprimis commendat hoc, quod consilio et argumento carminis eae et dilectu et ornatu accommodatae sunt. Est utique in iis liberalior ornamentorum materia, maiorque splendor, pro indole tamen et natura carminis; ars quoque mirifica in iunctura horum locorum et in transitu redituque a digressionem ad praecceptionem; porro in praecipiendi formulis mirificaque earum varietate, quam magna ex parte Arato et

\*) Reprehendit etiam has, et transitus ad eas tamquam parum opportunos, Homius (*Essay of Criticism* cap. 1 extr.). Sed confudit Vir Ill. genera orationis et scriptionis inter se diversissima, maioremque, quam pro poetica ratione, subtilitatem, nullum

vero poeticae seu artis seu scientiae sensum in hoc aliisque iudiciis adhibuisse videtur. Disputavit adversus eum perdocte Io. Iac. Netzker, Prof. Gymnasii Thorunensis, in Commentatione *de Georgicorum Virgilii lucido ordine*.



Nicandro debere eum videbimus: tandem in venustate, proprietate, copia orationis et dictionis, in qua Lucretianum carmen ante oculos habuit, sed emollitum et expolitum ad poetarum Alexandrinorum elegantiam: quibus rebus efficitur delectatio illa, quam poeta sibi habere debet propositam.

Atque haec illa sunt, a quibus Virgilii laus, si a iudicio aliquo profecta videri debet, inprimis repetenda est. Est is proprius quasi Virgiliani carminis character, ut, si ingenium Homericum in inveniendis rebus desideres, si Theocriteam simplicitatem, et nativam aliquam venustatem, qua animi, inani nostrorum morum fuco nondum contaminati, tantopere capiuntur, frustra in eo quaeras, elegantiam tamen cultumque, eundemque rectum, purum, pudicum ac decorum, simulque elaboratissimum et exquisitissimum, facile agnoscas. Inveniendi quidem sollertiam, si animi sensa libere eloqui fas est, non maiorem in Georgicis quam in reliquis eius carminibus deprehendimus. Adumbrata fere omnia, depromta et hausta, plurima fere ad verbum conversa sunt et transsumta ex aliis sive Graecis sive Romanis poetis ac scriptoribus. Ut enim suis locis indicabimus, nonnulla ex Hesiodo, multa ex Lucretio; locum de peste ex eodem et Thucydide; alia, inprimis doctrinam de arborum cultu, ex Theophrasto, doctrinam de apibus ex Aristotele, locum de serpentibus, inprimis de chelydro \*), ex Nicandri Theriacis, locum de prognosticis totum ex Arati Diosemeis \*\*), nonnulla ex Xenophontis Oeconomico, magnam praeceptorum partem, inprimis de pecudum cura, ex Catone et Varrone transtulit. Cuius rei quanto manifestiora habituri essemus indicia, si antiquiores auctores de Re Rustica et singulis eius partibus \*\*\*), praecipue

\*) Ge. III, 432 sqq.

\*\*) Conf. Macrob. V, 2.

\*\*\*) Multa eorum et magna nomina a Varrone, Columella, et Plinio me-

qui versibus eas illustrarunt, omninoque poetae Alexandrini, plures superstites essent, inprimis Nicander, Eratosthenes, Parthenius \*). Nam, quamquam poetae nostri ingenium satis in se materiae ad exquisitiorem aliquem ornatum ac nitorem carminis habuit; erat enim illud naturae aliqua indulgentia ad praeclarae cuiusque pulcritudinis sensum natum ac factum, inque vita illa per litteras Graecas et urbanitatem Romae sub principe Augusto, et consuetudine cum elegantissimis et urbanissimis hominibus, eximie cultum et politum: variarum tamen rerum comparatione et indagatione progressi hoc nobis animadvertisse videmur, ex Alexandrinis inprimis poetis Virgilium nostrum profecisse; his eum naturalem illam et parum operosam, cum tanto tamen cultu, ornatu, et dignitate coniunctam, venustatem debere arbitramur. Sed ea de re alio tempore accuratius disputandi erit locus. Quid? si alios, e quibus singulos versus, mutuos sumtos aut expressos a Virgilio, Grammaticorum cura nobis servavit, ut Ennium, Lucilium, Varronem Atacinum, integros haberemus; annon multo plura irrigati fontibus alienis ingenii vestigia essemus deprehensuri? Non itaque temere posuisse videbimur illud, quod paullo ante commemorabamus, defuisse Virgilio divinam illam nova et intacta ab aliis proprio quodam nisu proferendi vim, liberum illum animi per ignota et intentata vagantis impetum; quem tamen ipsum verecunda illa, recta et casti-

morata videas, quae congesta sunt ab Ursino *Virgilii collati pr.*

\*) Quinctilianus Inst. X, 1, 56 *Quid? Nicandrum frustra sequuti Macer atque Virgilius? E Democrito poetam nonnulla sumsisse Plinius monuit. vid. ad Georg. I, 336. Ex Eratosthene translatus locus Ge. I, 233 sqq. e Parthenio versus Ge. I,*

437. Servius ad Ge. I, 43 *Sane sciendum, Xenophontem scripsisse unum librum Oeconomicum, cuius pars ultima agriculturam continet: de qua parte multa ad suum hoc opus Virgilius transtulit; sicut etiam de Georgicis Magonis Afri, Catonis, Varronis, Ciceronis quoque libro tertio Oeconomicorum, qui agriculturam continet.*

gata, carminis pulcritudine redemisse et compensasse videri debet; neque in illa morum vitaeque elegantia, certis decoris et honestatis cuiusdam legibus adstricta, aut in illa doctrinae ac litterarum copia, quae in Virgilio fuit, liber ille et supra mortalia emicans et tamquam alatis Platonis equis inter nubes evectus spiritus vigere potuit; fieri enim aliter vix potest, quam ut haec operosae doctrinae quasi sarcina impetum animi diviniorem retardet; unde, neque ex academica nostra institutione umquam Homericum aliquod ingenium aut prodiisse aut proditurum esse, facile augurari licet; uti contra inter poetas nostros, iis, quorum animis Virgilii et Homeri non nisi obscura aliqua notio, ex puerili tantum institutione, insidet, vix eminebit castigata et elaborata dictio, recta et casta carminis pulcritudo aut elegantia ex ingenii cultu exquisitiore profecta, quae ex diligentiore antiquorum studio comparanda est. Enimvero, si Homero atque aliis nonnullis forte poetis illa diviniore, quae in inveniendi felicitate cernitur, ingenii vi cedit Virgilius, in hac, quae secunda esse videtur ab illa, facile omnium est princeps habendus, ut ea, quae ab aliis acceperit, multo ornatiora et pulciora ab eius ingenio prodeant. Quod magistris nostris acceptum nos referre solemus, ut, cum a parentibus vitam acceperimus, ab illis rectae et iucundae vitae usu impertitos nos esse fateamur; hoc in illis, quae iam ab aliis prolata erant, accidere videas, ut ex Virgilii ingenio multo felicius enascantur, et pulcrius efflorescant; ut, si ea non novitate, at gratia tamen, dignitate, venustate, miros animi affectus moveant, magnaeque admiratione perfundant. Qua in re mihi quidem in poesi eundem locum tueri videtur Virgilius, quem Cicero in eloquentia. Nam et huius ingenium, quod ipsum per se non facile praeclari aliquid proferret, in ornandis et amplificandis alio-



rum inventis, inprimis in vestiendis oratione Latina Graecorum dictis, eximiae felicitatis et artis fuit. Itaque hoc in genere Virgilium, poetarum Cicero-nem appellare nonnunquam lubet. Illa autem ingenii Maroniani propria venustas in nullo eius opere magis cognoscitur, quam in Georgicis, omnibus numeris absoluto, perfecto et expolito, carmine, ut, si in nostra interpretatione hoc assequuti sumus, nos enim id sequutos esse non negamus, ut non modo verborum ac sententiarum vim declaraverimus, verum etiam carminis pulcritudinem, inprimisque ornatum, sensibus et oculis adolescentum subiecerimus, nos operam nostram non omnino male collocasse arbitraturi simus.

Ex iis, quae adhuc disputata sunt, nuperam censuram Georgicorum, quam Edmundus Bur-tonus, Britannus non indoctus nec inelegans, proposuit \*), ab iudicio parum subtili et limato profectam facile videas, dum hanc ipsam copiam, hunc ornatum rerum tenuium et exilium, ad reprehensionem carminis traxerit. Sed iudicii huius auctoritatem iam satis alio eiusdem viri docti acumine elevatam dabimus, cum idem ille in Bucolicis summam simplicitatem et humilitatem vitae ac morum a Virgilio expressam dixerit; quo quid a rerum fide ac sensu alienius afferri possit? A tumore ac frigore aut inepto aliquo studio ac nimia sedulitate Georgica vacare confidenter affirmem, qui alioqui non multa me certo tenere affirmare soleam.

Georgica Maecenatis suasu ac consilio scribere suscepisse poetam, ut hominum animi ad agri colendi studia revocarentur, Britannorum nonnullorum, Wartoni, Crusii, Martini, elegantium virorum, est opinio. Italia sane bellis civilibus tantum

\*) *Ancient characters deduc'd from classical Remains* 1763, 8.

non in vastam solitudinem erat redacta; veterani, inter quos agri fuerant divisi, ab operis rustici molestiis et aerumnis tolerandis alienissimis erant animis; frumenti inopia ab anno inde DCCXIII magna Italiam fame afflixerat; carmine itaque, quo vitae rusticae bona commendarentur, delinitos animos ad agricolationem adduci posse, censuisse Maecenatem. Fundamentum tamen coniecturae idoneum non apparet; quin ea nec satis probabilis esse videtur, cum carmini maiorem vim, maiorem etiam celebritatem, tribuat, quam inter homines indoctos, feroces, per bellorumque civilium licentiam rapinis caedique adsuetos, ullo modo expectari possit. Hoc forte fieri potuit, ut, cum multa apud Maecenatem de detrimentis, quae ex agriculturae neglectu reipublicae inferrentur, et de modis ac rationibus, quibus ei honos suus restitui posset, disputarentur et agerentur, Virgilii ingenium ad hanc materiam deferretur excitareturque, ut eam carmine tractandam sibi sumeret. Carminis tamen auctoritas apud Romanos fuit summa, omninoque ex ea pendent Columella et Plinius, versibus quoque integris adscriptis. Nec mirum hoc; cum carminum ubique maior apud vulgus et politos homines gratia sit, quam operis philosophica subtilitate elaborati.

Unum adhuc monebimus. Hesiodi de opere rustico carmen a Virgilio imitatione esse expressum, vulgaris et constans fere a Servio inde est opinio \*), quam poeta ipse fecisse videtur, dum se Ascræum carmen Romana per oppida canere ait Ge. II, 176, quae ipsa res ad tanto maiorem eius gloriam pertinuit: comparatione enim

\*) Apud Macrobiū quoque: Saturnal. V, 2 *Dicturumne me putatis ea, quae vulgo nota sunt,*

*quod sibi Theocritum fecerit pastoralis operis auctorem, ruralis Hesiodum?*

eius ad Hesiodum instituta, nihil exilius, ieiunius, et aridius Hesiodo, nihil copiosius et plenius Virgilio. Qui tamen hoc primus affirmavit, eum non admodum recentem ab Hesiodi lectione fuisse necesse est. Vix enim in tribus aut quatuor locis Hesiodeae sententiae sunt expressae; carminum ipsorum forma non convenit; diversa utriusque natura, diversus genius, diversum consilium. Hesiodus non Georgica, h. e. de re rustica, scripsit aut scribere voluit, sed totius vitae domesticae, qualis tum erat, coniunctae scilicet illius vel maxime cum agricolatione, rationes tradere, prudentiae etiam et morum praecepta proponere. Quod autem Ascræum carmen appellat suum opus Virgilius, id eo pertinet, quod in simili fere genere illud versatur, non quod ex Hesiodeo petatum aut transcriptum aut ad eius formam est compositum. Potest quidem aliquis in eam opinionem adduci, atque in eam iam Dan. Heinsium Introd. ad Hesiod. c. 4 venisse video \*), ut aut quoddam aliud, aut hoc, quod habemus, Hesiodi opus olim multo locupletius et plenius extitisse existimet. Quis enim in tali argumenti tractatione, qualem nunc in eo videmus, non miretur Catonem, qui apud Ciceronem ita disputat \*\*), ut de stercorandi utilitate doctum Hesiodum ne verbum quidem fecisse moneat, cum de cultura agri scriberet? Quid autem Manilium sequutum esse putabimus, qui, dum Hesiodi opera enarrat, Quintetiam, inquit, ruris cultus legesque novati Militiamque soli: quod colles Bacchus

\*) Ios. Scaliger, qui ad Manilii locum hanc sententiam improbabat, ita tamen in verbis Manilii haerebat, ut eum forte Orphei *Ἔργα καὶ Ἡμέρας* Hesiodo attribuisse coniectaret, cuius sane operis initium cum Manilianis versibus aliquid coniunctum habere videtur. Servatum illud est a Tzetza

prooem. ad Hesiodum. Idem Tzetza Orphei librum Georgicorum laudat; sed versus ex iis excitatos in Maximi Philosophi de Electionibus carmine (quod Fabricius Biblioth. Gr. Vol. VIII, p. 415 inseruit) inveniri vidit Wesseling. Probabil. cap. 17.

\*\*) De Senect. cap. 15.



amaret, Quod fecunda Ceres campos, quod Pallas utrumque, Atque arbusta vagis essent quod adultera pomis, Silvarumque deos, sacrataque numina, Nymphas, Pacis opus, magnos naturae condit in usus \*). Quo quaeso Operum ac Dierum loco earum rerum vestigium aliquodprehendas? Sed potest hic, quod iam Bentleio visum est, interpolatrix manus grassata esse videri; id tamen cum aegre admitendum sit, videor mihi Manilium Propertii imitatione ulterius, quam vellet, evectum excusare posse. Lynceum is \*\*) amicum suum, poetam graviora argumenta tractare solitum, amore iam captum exagitat, et ad elegos amatorios adhaesurum esse auguratur. Nec tamen eam rem ut pudori sibi ducat, aut ut haec carmina minorem inter Romanos habitura esse gratiam existimet, monet: dum bucolica scribat, dum Hesiodi exemplo de re rustica carmen condat, non tamen haec, quae de amore scripturus sit, ulli venient ingrata legenti, Sive in amore rudis sive peritus erit. Luserant eadem, pergit, alii. Dum Hesiodum memorat, Tu canis, inquit, Ascraei veteris praecepta poetae, Quo seges in campo, quo viret uva iugo. Vides exemplo Hesiodi cani dici, non ab ipso Hesiodo; potuit ea tamen Manilius ad Hesiodum ipsum referre, atque etiam, cum in laude poetae versaretur, eo adduci, ut copiosius et ornatius, ac res ferebat, efferret.

Sententiarum et praeceptorum rei rusticae in hoc carmine interpretationem sine tolerabili aliqua agricolationis peritia recte vix succedere posse, facile intelligitur; eam tamen in mei ordinis homine

\*) Manil. II, 19 sqq.

\*\*) Propert. lib. II Eleg. extr. versus finem.

haud facile esse posse in confesso est. Aliam difficultatem facit hoc, quod praecepta Maroniana ad agri colendi morem in alio solo, sub alio caelo, in alia aetate, spectant. Quod facere licuit, subiunximus scriptorum de re rustica loca, e quibus poetae praecepta unice illustrari poterant, inprimis Varronis, quem in multis sequutus est, et Columellae, qui perpetuus Virgilii commentator est, cum Plinio. Et habebamus in hoc, quorum opera fere uteremur, Interpretes doctissimos, in nonnullis Guellium et Ursinum, in plerisque Cerdam ac Martinum. Ut autem poeticum ornatum horum praeceptorum adolescentium oculis subiiceremus, utque id cum fructu fieret, nec tamen res notarum modum excederet, ita potissimum nos effecturos esse putavimus, si sententiam pedestri oratione expressam subiungeremus; quod quoties factum est, fit autem singulis locis, in quibus res non ipsa in oculos incurrit, adolescentes monitos velimus, ut poeticam orationem cum solutae orationis formulis illis comparent, et inde cognoscant, quid notioni simpliciter in notis expressae a poetae ingenio et copia sive ad pulcritudinem sive ad suavitatem omninoque ad ornatum accesserit. Ita demum eos intellecturos esse speramus, qua in re poeticae inprimisque Virgilianae orationis pulcritudo ac praestantia quaerenda sit \*).



Ab istis inde annis, quibus haec scripta erant, quoties retractavi Georgica, non quidem nullam, nec tamen praecipuam aliquam operam in iis illustrandis posueram; quippe qui maiore cum voluntate et operae fructu in Aeneide versarer; nunc tamen, quandoquidem novissimam hanc, quoad

\*) De anno, quo scripta sint Georgica, vid. Vitam Virgilii ad a. 724.

inter mortales versabor, operam Virgilio adhibebam, consului et inspexi libros, qui hisce de rebus, quae in Maroniano carmine memoratae sunt, praecipiant; comparavi quoque ea, quae in illud, nonnunquam cum contumelia mei, scripta, aut callide in diversum sensum deflexa sunt, ut cachinnis commovendis locus esset; quod quam liberaliter fiat ab iis, de quibus bene meritus eram, iudicent alii. Equidem, condonatis ingenio asperiori ceteris, sustuli inde illa, quae videbam monita esse vere ac recte, aut quoties non bene recessissem a Cerda et aliis rei rusticae peritis. Me in agri colendi ratione et usu haud versatum, nec rusticarum operarum et instrumentorum satis esse peritum, ingenue eram professus; bene quoque intelligo, hominem operis vitaeque agrestium intelligentem in multis, quae poeta attingit, videre acutius et maiorem ex lectione capere posse voluptatem, quia res ipsas, quarum equidem tantum speciem aliquam animo fingebam, oculis animoque propositas habet, aut habuit. Enimvero hoc locum habet in omni lectione et interpretatione, ut pro rerum, quae a scriptore tractantur, et pro intelligentiae, quam lectores afferunt, diversitate diversus sit sensus, iudicium et iucunditas lectoris cuiusque et interpretis; et debet hoc ipsum verti ad plenum ac perfectum e scriptore capiendum fructum, si plures, pro suo quisque modulo, rerum usu ac facultatibus, eam rebus et verbis lucem afferant, quam ab uno aut paucis frustra expectes. Verum ea est labes ingenii humani, ut gloriolam ex aliorum obtreptione aucupari malit, quam utilitatibus ab aliis paratis alias novas addere, nec tam propria laude florere, quam aliorum virtute obscurata crescere.

Quae in Virgilianorum carminum interpretatione spectaverim, et quantopere in votis habue-



rim, ut bonis meis meliora alia adderent alii, meamque editionem tanquam pro basi ac fundo, aut, si vellent, pro area haberent, cui inaedificarent, disponerent ac constituerent ipsi melius descripta, ad normam redacta et exquisitiore iudicio elaborata: satis exposui in praefationibus, ad quas aequiorem lectorem aequo ipse animo remitto. Scr. Gottingae M. Maio c1813ccxcix.

---

P. VIRGILII MARONIS  
G E O R G I C O N \*)  
LIBER PRIMUS  
AD C. CILNIUM MAECENATEM

A R G U M E N T U M

*Georgica*, seu de *re rustica* praecepta, arationem, arborum, iu-  
primis vitium et olearum, culturam, pastionem et mellificium, e  
Romanorum notione complectuntur. Ordinem dicendorum ducit  
*Propositio* et *argumentum* operis v. 1—5. Inde *Invocatio* numi-  
num agrestium cum ipso Caesare Augusto—42. Nunc de *prima*  
operis rustici parte, quae est de *Aratione*: primo quidem *quando*  
illa incipienda sit—49. Ante omnia *caeli solique natura* est ex-  
ploranda—63, unde *leges culturae diversae* proficiscuntur, in-  
primis *arationis*—99, et *sationis*—121. Cum in his multum  
laboris et aerumnae tolerandum sit, *digreditur* ad *caussas* huius  
rei *mythicas* inde a Saturni aetate—159. Inde de *instrumento*  
*rustico*—175; tum *de aliis ad opus rusticum faciendum curandis*,  
in his de area ad terenda grana paranda—186. Iudicium de  
futuro anni proventu unde facere liceat—192, de semine medi-  
cando—196, de seminum dilectu faciendo—203. Sequitur  
locus *de temporibus operum rusticorum* diserte tractatus. Tempus  
*sationis*—230. *Digressio* de solis cursu annuo et quatuor anni  
tempestatibus—256. Quae curanda sint tempore pluvio—267;  
diebus festis—275. Dierum lunarium, qui fausti vel infausti  
sint, observatio—286; nonnulla noctu melius tractanda—296;  
alia per calorem aeris—299; alia hieme—310. Parat sic sibi  
viam ad duas *auni tempestates* poetica arte describendas, alteram

\*) *Georgicon*. Alii *Georgicorum*:  
sed Graeca in his titulis regnant. vid.  
Heins. In multis codd. et edd. ant.  
praemittuntur pro libri primi argu-  
mento quatuor versus, quos inter  
Argumenta videbis No. XV *Quid*  
*faciat laetas* s. Eos in Rottend. et

Menag. *Ovidio Nasoni*, in priscis  
edd. Modestino tribui notavit Burm.  
Apud Suidam graeca metaphrasis  
*Georgicorum* memoratur *Arriani*:  
Ἀρρίανος, ἑποποιός, μετάφρασις  
τῶν Γεωργικῶν τοῦ Βεργιλίου ἐπι-  
κῶς ποιήσας.

*auctumni*, alteram *veris incuntis*, utramque *procellosam*; observanda itaque esse earum tempora 337, et religionibus deos exorandos — 350. Esse etiam certa tempestatum per vices succedentium *prognostica*. In his exponendis et ornandis copiosus est poeta — 463. Multo ornatius est episodium, ad quod aditum sibi struxit, de *prodigiis* Iulii Caesaris nece facta bellum civile subsequutum portententibus — 497. Subiunguntur *vota* pro Augusto — ad fin.

Quid faciat laetas segetes, quo sidere terram  
Vertere, Maecenas, ulmisque adiungere vites  
Conveniat; quae cura boum, qui cultus habendo

2 *Maecenas*. Μακρήνας. Male scriptum *Moecenas*. vid. Pier. Heins. (Medic. *Moecenas*, sed supra o ab alia, ut videtur, manu scripta a; in eodem *Micenas* Ge. IV, 2.; sed Ge. II, 41. et III, 41. *Maecenas*. — Medic. *vites*. Wr.) *ulmis adiungere* Toll. 3 *quis cultus* alii scripti et editi, ex more; sic iam Ecl. I, 19. *qui* iam Nauger. edidit. (vid. Q. V. XXII, 4. Wr.) *habendus* Toll., male. vid. Burm. et conf. Not.

1. Primis quatuor versibus argumentum operis exponitur: *agricultura et rusticatio*, lib. I; *vini et omnino arborum cultura*, lib. II; *res pecuaria*, lib. III; *res apiaria*, lib. IV. Primo versu Hesiodi operis, etsi argumento valde diversi, titulum ἔργα καὶ ἡμέρας expressum esse, iam Servius monuit: quo opere et quibus temporibus ager colendus sit. Est autem ad verborum ornatum statim in primis versibus attendendum. Ait se agere velle primo loco de agri et vitium cultura. *laetas segetes*, quod Hesiod. εὐφρονα καρπὸν dixerat *Ἔργ.* 775 epitheto proprio, Cicero de Or. III, 38 *laetas segetes etiam rustici dicunt: quod enim declarari vix verbo proprio potest, id translato cum est dictum, illustrat id, quod intelligi volumus, eius rei, quam alieno verbo posuimus, simili-*

*tudo*. *Vites* pro omni arborum genere ponit. In his: 2 *ulmisque adiungere vites*; secundum *Italiae situm loquutus est, in qua vites altius elewantur*. Serv. 3. De re pecuaria agam: *qui cultus habendo sit pecori*; pro vulgari, quae cura sit pecoris, quod quis habet, possidet, sive alit, servat. *habendo* ad ornatum adiectum pro epitheto. Solenne vero in re pecuaria est *habere*. vid. Burm. (Sed quum Gerundii Dativo ea insit vis, ut significet, quid aptum sit, conveniat, hic quidem verba *pecori habendo* malim accipere: ut recte habeatur, s. ut recte curetur; ut infra II, 178.: „quae sit rebus natura ferendis;“ i. e. quod agri ingenium aptum sit rebus ferendis. Colum. VIII, 5, 19.: „curandum erit, ut tepide habeantur pulli.“ Itaque *qui cultus ha-*



Sit pecori; apibus quanta experientia parcis:  
Hinc canere incipiam. Vos, o clarissima mundi 5  
Lumina, labentem coelo quae ducitis annum;

## 6. ANNUM,

4 *pecori atque apibus* fere codd. et edd. *pecorique* nonnulli. Sed fulcrum hoc versus iam a Pierio convulsum sustulit et Medicei et optimorum librorum auctoritate Heins. conf. ad Ecl. II, 53. Tono et caesurae multo plus, quam Homerus, tribuit, (itane? *Wr.*) atque etiam hiatus per ea ipsa admittere maluit Virgilius. *pecori quanta apibus* ed. Ven. *parvis* alii legunt ap. Stephanum; non invenio, quinam illi sint. Reposuit tamen Wakef. (vid. Not. *Wr.*) *paucis* Meadii liber, ut sit: *paucis hinc canere incipiam*, quod exile esset. 6 „*Numina* fuit, sed emendavit ipse, quia postea v. 10 ait: *et vos agrestum praesentia numina Fauni*,“ inter Serviana legitur. Intulit tamen et hoc, *numina*, Wakef. An *dii mundi* bene dicantur, nescio. *qui ducitis* Pierii Oblongus, fragm. Moreti et Mentel. alt. a m. pr., sed confirmant *quae* Apuleius, Probus, Macrobi. vid. Heins. (Commate post *annum*, et semicolo post *Ceres* proximo versu Heynius interpunxerat; vid. Not. *Wr.*)

*bendo sit pecori* idem valet, quod *qui cultus habendus sit pecoris*; sed illud suavius ad aures. (*Wr.*) *cultus*, pro cura, ut Cic. de N. D. II, 158 *quae quidem* (oves) *neque ali, neque sustentari, neque ullum fructum edere ex se, siue cultu hominum et curatione potuissent*. 4. *quanta*, quae, *experientia apibus* sc. habendis, seu apum habendarum ad mellificium sit; pro cura subiunxit aliud, quod apum cultui accommodatum esset, *experientiam* et usum, quo mellificationis ratio exculpta est. Georg. IV, 315. 316 *Quis deus hanc, Musae, quis nobis extudit artem? Unde nova ingressus hominum experientia cepit?* Nam apum experientia, etsi iis aliqua tribui potest, v. inf. IV, 156 sq., huc vocari nequit. (*parcis*, non *parcentibus*, *φειδομένας παρσόντων*, ut volunt, sed *σπανίας*, non *sparsam*, sed *spärlich*, quam vim inesse adiectivo *parcus*, non est, quod multis demonstrem. Molle ani-

mal est apibus et multis obnoxium casibus, ut difficile sit et magnae experientiae, copiosum ac florens habere apiarium, difficilius etiam, augere. Neque aptum in brevi argumenti totius operis descriptione epitheton ab ipsa apium natura repetitum. (*Wr.*) 5. *Hinc*, post bucolica aiunt. Omnino initium designat; ut alias *nunc*. (*hinc*, ex his, horum partem, interpretantur Voss. et Jacobs. *Wr.*) Quae sequitur usque ad vs. 45 invocatio, est haud dubie inter partes carminis ornatissimas ac splendidissimas.

5. 6. *labentem caelo quae ducitis annum*; h. quorum decursu tempora anni efficiuntur. Habuit ante oculos versus Lucretii V, 1435 — 1438. *Sidera annum*, eiusque *tempora*, vicissitudines ac partes, ducere, tamquam regant et moderentur, sollemne est. conf. Burm. Scilicet quoniam ortu illa et occasu suo vires istas temporum designant.

## Liber et alma Ceres, vestro si munere tellus

## 7. LIBER, CERES;

7 *vestro si numine* Medic. a m. sec. et Colot. cum Arund. (*munere* est prior lectio Medicei, altera *numine*. Atque huc haud dubie pertinet illa, alieno loco illata, notula, quae inter Serviana legitur, vs. 6. ab Heynio laudata; quis enim putet, ita ibi scripsisse Virgilium: *clarissima mundi numina*? quasi non ipsum epitheton *clarissima* eam opinionem refellat! Ceterum *sit* pro *si* Medic. a m. pr. *Wr.*) *nostro* Ven.

Argutatur Macrob. I, 16 extr., qui veterem lunarem et novum solarem declarari vult. *ducunt* autem *annum caelo*, h. in caelo, in quo ipsa oriuntur et occidunt, et pro cursu anni, dixit *annum labentem*, procedentem; quod proprium de temporis fuga seu decursu est. In seqq. incerta est interpretatio: sintne *lumina* — *Liber et alma Ceres* per epexegesi dicta et iuncta, an sint diversa. Est in utraque ratione, quod iuvet, et quod premat. Si diversa sunt, ita ut *lumina*, *labentem caelo quae ducitis annum*, sint Sol et Luna, utque subiungantur, tamquam diversa, *Liber et Ceres*; dura est oratio, quod nulla interposita est copula. Nisi forte sic oratio continuata sit: *Vos, o lumina*, — (et vos) *Liber et alma Ceres*, — et vos *Fauni Dryadesque ferte pedem*, adeste. Ita communis mythiorum usus, quem tenere fas est poetam, servatur. Etiam apud Varronem RR. I, 1, 5 in XII diis rusticis ista numina inter se distinguuntur. Quod si ita *Sol et Luna ferre pedem* dici putantur parum commode, aut generalis notio elicienda est, favete, sitis propitii, aut cogitandum, numina haec ipsa esse. Sin alterum sequi placet, quod ipse probo, ut *Sol et Luna*,

mox per *Liberum et Cererem* declarentur: poetam h. l. philosophicam opinionem eorum, qui Solem et Lunam sub Liberi et Liberæ nomine coli contendebant, non popularem sequi, dicendum est; vid. Macrob. Sat. I, 18. Num vero doctrinae copia, an poetae graeci imitatione, haec posuerit, non definiam cum Euangelio apud Macrob. I, 24. Interpretatio haec numinum in diversos sensus poetae iam aetate admodum frequentabatur, partim e philosophorum disputationibus, ut vulgi religiones emendarent, partim ex teletarum doctrina arcana, partim ex comparatione religionum a patribus acceptarum, quae in quaque fere urbe, tractu ac populo, diversos ritus, opiniones et mythos sacraverat. In nulla autem magis, ac maturius, quam in Bacchica religione confusio illa numinum et attributorum regnavit: quod docent vel chori in Bacchis Euripidis aut chorus in Sophoclis Antigone, 1128 sq. Πολυνώνυμε Καδμείας. (Seiungendi Liber et Ceres a Sideribus; nam et haec „*labentem* — *annum*“ siderum, et illa „*vestro si* — *uvīs*“ Bacchi et Cereris, secundum mythorum rationem, propria sunt. Neque in opere rusticanorum hominum usibus

Chaoniam pingui glandem mutavit arista,  
 Poculaque inventis Acheloia miscuit uvis;  
 Et vos, agrestum praesentia numina, Fauni, 10  
 Ferte simul Faunique pedem Dryadesque puellae:

8 *Chaonia* Gud. 10 *praestantia* vitium edit. Genev. 1636. 11 Pro *Faunique* memorabilis lectio *Satyrique* in Gothano pr. Nam frigere videtur *Fauni* altero loco iteratum; et iunguntur Satyri Dryadesque v. c. Cul. 115 et saepe. Si codex paullo antiquior esset, dicerem veram eius lectionem voci ex antecedente versu revocatae cessisse. Nunc interpolatori deberi dicenda est lectio; vulgatum, *Faunique Dryadesque*, dictum esse puta pro: Et cum Faunis vos, Dryades.

destinato recondita philosophicarum quaestionum arcana poetam depromsisse credibile videtur. Atque ut haec „*vestro si — uvis*“ ita dicta sunt, ut, quare invocentur Bacchus et Ceres, appareat, sic illa „*labentem — annum*“ non eo consilio adiicit poeta, ut, quae sint ea lumina, clarius pateat, sed ut, qui Siderum sit in hac invocatione locus, intelligatur. Quod quum non satis perspexisset Heynius, facile poterat decipi. Iam vero reddita sua toti huic loco concinnitate, nihil est, quod amplius desideretur. *Wr.*) — Ceterum pro diversis culturae generibus diversa numina invocare putandus est. Ad lib. I spectat Ceres; ad lib. II Bacchus, Fauni et Nymphae cum Silvano, Minerva autem propter oleae culturam; ad lib. III Neptunus, quippe cum de equorum cura agatur, tum Aristaeus et Pan (Ge. III pr. etiam Pales cum Apolline Nomio); tandem ad lib. IV idem Aristaeus, mellificii auctor. 7. Quandoquidem vobis arationis ac vitium sationis inter homines initia debentur, *ferre pedem*, adeste vos mihi canenti. *Tellus* permutavit *glandem ari-*

*sta*; ut ei tribuatur, tamquam actio, ea res, cuius tantum caussa et instrumentum fuit: pro glandibus vesci coeperunt homines frumentis. (Hinc ducta videntur, quae leguntur ap. Valer. Flacc. I, 70.: „et flava quercum damnavit arista.“ *Wr.*) 8. *Chaoniam*, v. ad Ecl. IX, 13. *pingui*, ἀδρᾶ, granis tumentis, grandi. 9. *Vestro beneficio* homines vini usum invenerunt. Nam *miscere vinum* solenne pro bibere; sic κερᾶσαι pro ἐγγχεῖν, πλνείν. *miscuit pocula Terra*, h. vitibus editis effecit, ut misceri possent. *Pocula Acheloia* pro aqua; at quam splendide! *Acheloum*, Aetoliae fluvium, pro quovis flumine et aqua quacunque, tamquam priscis carminibus celebratissimum, more antiquorum Graecorum, dixit. Docta est de h. l. disputatio ap. Macrob. V, 18. (merito videtur hanc explicationem explodere Hermannus in Dissertatione de *Musis fluvialibus Epicharmi et Eumeli* pag. 17. *Wr.*) 10. *praesentia numina*, et potentia et propitia. v. Ecl. I, 42. 11. *Ferte simul pedem*, adeste; Fauni, Nymphaeque simul. *Dryades*, tamquam deae silvarum et sal-



Munera vestra cano. Tuque o, cui prima frementem

Fudit equum magno tellus percussa tridenti,  
Neptune; et cultor nemorum, cui pingua Caeae

### 13. EQUUM,

12 o omittunt codd. Servii ad Aen. I, 541 et Goth. sec. (etiam Rom., sed additur a recentiore manu. *Wr.*) 13 *Fudit aquam* antiquissimos libros habuisse testatur Servius; male tamen haud dubie, quod fabula de equo paullo magis recondita esset, de aqua vero facile unusquisque cogitaret. Idem ad Aen. I, 1 laudat: *cui prima furentem*; sed eod. lib. v. 541 *fremmentem* habet. Mox *tridente* Gudian. Schol. Statii Theb. VII, 184. et uterque Gothanus. (*tridente* edidit Iahnus; sed *tridenti* cum ceteris libris Medic. tuetur etiam Aen. I, 145. II, 418. 610. eamque Ablativi formam etiam in aliis vocc. communi saepe praetulit Virgilius. *Wr.*) 14 *cultor pecorum* coni. Io. Schrader. in schedis, quia *nemora* et *dumeta* se excipiunt, et statim v. 16 iterum *nemus*. Sic *cultor pecorum*, ut v. 3 *qui cultus habendo sit pecori*; et Sallust. Iug. 54, 3 *agri ac pecoris magis quam belli cultorem*. Cod. Monacens. *custos pecorum*. *Caeae* de scriptura post Pierium vid. Heins. ad Ovid. Epist. XX, 222. Est Κέως, Κέος. Unde Κείος, et ex hoc, producta priore, Romanis *Cea*. Male scriptum passim *Caeue*.

tuum, in quibus greges pascuntur.

12. Sequuntur Neptunus, Aristaeus, Pan, Minerva cum Silvano: vid. ad v. 6. *Munera vestra*, ex anteced. frumenta, vitem, armenta, greges. *cui prima frementem Fudit equum*, cuius iussu primum e terra equus editus est. Nota fabula, Atheniensibus domestica, de Neptuni cum Pallade certamine, cum dii arbitrium tulissent, ut, uter rem mortalibus utilissimam produxisset, eius nomine nova urbs (Athenae) appellaretur. cf. Bentl. ad Horat. Carm. I, 7, 7. Neptunus inde ἑπιοός. (Aliam fabulam, quae primum equum a Neptuno in Thessalia procreatum memorat, Lucan. VI, 396., respici existimant Cerda, Vossius, Iahnus, qui etiam Boettiger. Amaltheam T. II, p. 310. laudat. *Wr.*) *Fundere* proprie de partu felici ac facili; hinc omni-

no, procreare. *percussa tridenti*, sollenni deorum more, quoties aliquid e terra provenire volunt. v. Callimach. in Del. 30, in Iov. 29 sq. (*prima fudit equum*; de voc. *prima* vid. Q. V. XXVIII, 3, f. et 4.; refertur hic, ut saepe, ad originem: tellus fuit prima equi creatrix; poetice cum nomine, *tellus*, iunctum *prima*, quod ad verbum, *fudit*, relatum *primum* esse debebat. Hinc *prima tellus* non est *nova t.*, ut Heindorf. statuit ad Horat. Sat. I, 3, 99. *Wr.*) 14. *Cultor nemorum*, h. e. pascuorum, adeoque et gregum, curam habens, est Aristaeus, Apollinis et Cyrenes filius, qui, Cycladibus magna siccitate et fame afflictis, cum, Ceam arcessitus, Sirium placare monstrasset, quo facto etesiae aerem temperare coeperant, Iovis Aristaei et Apollinis Nomii nomine cultus fuit. Pind. Pyth. IX, 104 sq. (et Boeckh.

Ter centum nivei tondent dumeta iuveni; 15  
 Ipse, nemus linquens patrium saltusque Lycae,  
 Pan, ovium custos, tua si tibi Maenala curae,  
 Adsis, o Tegeaeae, favens; oleaeque Minerva  
 Inventrix; unciq̄ue puer monstrator aratri;  
 Et teneram ab radice ferens, Silvane, cupres-  
 sum; 20

16 τὸ Λύκαιον ὄρος. Male *Lycei* edebatur. conf. Ecl. X, 15. Mox τὰ *Μαίναλα* ὄρη sunt. 17 *si sint tibi* Moret. primus. *tua sit tibi* Vratisl., sed *si* ex formula obtestandi ductum. Elegans tamen est Schraderi emendatio Obs. I, 3 *tua seu tibi M.* etiam a Brunckio recepta, seu Maenala tua tibi curae sunt, h. Maenalum nunc frequentas, in eo monte versaris. Idem coniecerat in schedis *munera*. 18 *Tegeaeae*. Recte iam ab Aldo editum: *Τεγεαῖος*. Alii *Tegeee* et *Tegaeae*, sed vid. ad Aen. V, 299. (— 19. Medic. *monstrator*, sed supra scripta *n*; in quo veteris prononciationis vestigium deprehenditur, ut saepe alias in eodem cod. *Wr.*) 20 *a radice* octo ap. Burm.

ad h. l. *Wr.*) Apollon. II, 500 sqq. IV, 1132. cf. ibi Schol. et h. l. Serv., quem pleniorē habuit Iulius Sabinus. inf. Ge. IV, 317 sqq. Diod. IV, 81. 82. Hic propter pascuorum et saltuum curam invocatur. *nemora* dicta sunt pro saltibus, in quibus pascua sunt. Etiam v. 15 *dumeta* pro saltibus, loco arbutis consito. *pinguia*, herbosa. *tondent*, pascunt herbas inter arbusta natas. Aut praesens pro praeterito positum; aut, tamquam poeta deum adhuc in insula praesentem agere cernit. (hoc verius. *Wr.*) In seqq. ante oculos erant versus Theocriti Idyll. I, 123. 124. (*Ipse* cur adiectum? vid. Q. V. XVIII, 2, g. *Wr.*) 17. *tua si tibi Maenala curae*, quandoquidem Maenalus, Arcadiae mons, pascuis egregius, tibi est longe gratissimus, tu mihi rem pecuariam tractanti propitius, precor, adsis. 18. *Tegeaeus*, Pan ab Tegea oppido Arcadiae, in qua et montes Ly-

caeus et Maenalus. *Si* in invocationibus et obtestationibus frequentissimum. vid. ad h. l. Burm. 19. *uncique puer monstrator aratri*, Triptolemus Eleusinius a Cerere arationem edoctus. cf. Callim. in Cerer. v. 22 ibique Spanhem. In gemmis aequae atque in aliis monumentis occurrit modo puer, modo bigis draconum vectus. Quod nomen non apposuit, fecit ut poeta; non quasi litem de aratri inventionē suam facere noluerit; ut Nic. Loensis Epiphyll. I, 11 contēdebat. Ceterum observatu dignum, quod Triptolemus heros nunc inter deos invocatur.

20. Tali habitu *Silvanus* tenerum cupressi truncum ferens in marmore ap. Boissardum P. VI, tab. 30 occurrit. Ramum cupressi ferens expressus est a Spencio Polymet. Pl. XXXV, 7. Fuit quoque fabula de Cyparisso puero amato: vid. Serv. ad III Aen. 680. *Silvanus* pinifer apud Beger. Thes. Brundel. T. III,

Dique deaeque omnes, studium quibus arva tueri,  
 Quique novas alitis non ullo semine fruges,  
 Quique satis largum coelo demittitis imbrem;  
 Tuque adeo, quem mox quae sint habitura deorum  
 Concilia, incertum est: urbisne invisere, Cae-  
 sar, 25

21. TUERI; 22. FRUGES;

22 *non ullo* Heins. e Medic. et quinque aliis vetustioribus, quibus adde Goth. pr. (et 2. 3. 12. *Wr.*), quo alludit etiam Parrhas. Vulgo *nonnullo*, quod et Servius interpretatur, sed sententia aut nulla aut parum commoda. *non ullo de semine* Rom. Alibi, inquit Pierius, *nullo de semine* habetur. Hoc postremum Catroeus, egregie loquax interpres, poetae vindicatum it; sed est haud dubie ex interpretatione vetusta. *messes* vel *fruges* cod. Köleri. 23 *dimittitis* alii ap. Burm. 25 *Consilia* alii ap. Pierium, ut fere solent, quod idem Catroeus arripit, at male interpretatur de decreto a diis faciendo. Immo vero esset idem deorum coetus, qui et *concilium* est. Horat. Carm. III, 25, 6 *egregii Caesaris Aeternum meditans decus Stellis inserere et concilio Iovis*; ubi etiam alii *consilio*, quod tamen accommodatius ibi esse videtur, non propter Aegyptiam fabulam a Baxtero memoratam, sed quia *Iovis consilium* ibi habetur. At in nostro simpliciter de numero ac coetu deorum agitur. *urbes* Medic. cum nonnullis aliis, ut ambiguitas, ne *urbis* pro secundo casu habeatur, vitetur. Sed *urbisne* auctoritate vett. grammaticorum confirmatur ap. Gell. N. A. XIII, 20; ubi Probus in codice poetae manu correcto legi et auris iudicio *urbis* praelatum esse ait a poeta pro *urbes*. Ergo *Urbis terrarumque curam* non iunxere veteres, nec *invisere curam* ferendum esse putarunt pro suscipere.

pag. 158, et in Marm. Oxon. P. I, n. LXXX visitur. Hinc ille *inculto termite gaudens* ap. Gratium Cyneg. 20. Eo referatur Silvanus *Dendrophorus* apud Gruter. p. LXIV, 7. conf. Salmas. Exercitt. Plin. p. 294. *cupressum a radice* h. truncum cupressi. 21 — 23. Dii agrorum, silvarum et tempestatum, praesides. Nam hi sunt, *studium quibus arva tueri; quique — quique*, —. Videtur sane deos Romanorum agrestes, miris nominibus ab omni re rustica petitis, declarare voluisse. 22. *fruges* latius pro plantis dixisse videtur, *non ullo semine*, nulla satione, sua sponte, provenientes. opp. v. sq. *sata*; sic et Ge. II, 10. 11. 14 *Namque aliae*, arbo-

res, *nullis hominum cogentibus, ipsae Sponte sua veniunt* — h. e. non satae; etsi non affirmatur sic, eas omnino nullo ex semine nasci; — *Pars autem posito surgunt de semine*. Ovid. Met. I, 108 de aurea aetate: *Ver erat aeternum, placidique tepentibus auris Mulcebant Zephyri natos sine semine flores*.

24. Omnibus diis invocatis, adeo et tu, o Caesar, adsis propitius, tamquam mox deus futurus, quamquam incertum est, cuius ordinis ac generis; quicunque tamen deus futurus es, v. 40, adsis. (De Adv. adeo vid. Q. V. XXVI, 6. *Wr.*) 25. *urbisne invisere, Caesar, Terrarumque velis curam; et* —. Multis modis haec inter se et



Terrarumque velis curam, et te maxumus orbis  
Auctorem frugum tempestatumque potentem  
Adcipiat, cingens materna tempora myrto;

26 *te et m.* Menag. pr. 27 *frugum caeli terraeque p.* Goth. sec. a m. pr. (*Auctorem, fr. t. potentem, Adc.* interpungit Wakef. *Wr.*) 28 *Adcipiet* Voss. Durum esset iungere *Adcipiat: cingens — myrto An deus venias*; etsi sic ad maris imperium myrtea corona respectu Veneris bene referretur. Lenius procedit oratio, si iunxeris: *Caesur* (e vs. 25) *cingens*.

cum ceteris iungi possunt. Omnibus tamen tentatis, nulla est ratio tutior, quam ut *invisere urbes* proprie dictum accipiamus, tumque in altero membro substituamus ex voc. *invisere* generalem notionem, habere, suscipere, *terrarum curam*. De tali verbi eiusdem iunctura duplici vid. Burm. ac Benth. ad Horat. Carm. I, 1, 7. Proprie *dii invisere* dicuntur terras et urbes, quas aut praecipue amant et colunt, aut in quibus instituta sibi sollennia sacra frequentant. De his *ἐπιδημίαις* et *ἐπιφανείαις* deorum agit Spanhem. ad Callim. in Apoll. v. 13. Hoc loco tamen *invisere* esse videtur inspicere, *ἐφορᾶν*; nam subiicitur *cura*, curatio, administratio; adeoque est regere, moderari. Scilicet poeta pergere volebat, *urbesne invisere et terras curare*. hoc invertendo mutavit, *velisne curam terrarum*. Est autem *velle*, etiam, praeferre, fere ut Homero *βούλεσθαι · βούλομ' ἐγὼ λαὸν ὅσον ἔμμεναι*, pro *βούλομαι μᾶλλον*, praefero. Bene autem Caesar inter deos urbium et terrarum tutelares referri potuit: uti dii sunt *πολιοῦχοι*. Notanda vero copia orationis, qua, splendore cum summo, idem toties effert: *velisne deus esse*. Ceterum conf. Lucan. I, 45 sqq. et

Stat. Theb. I, 24 sq. 26. *maxumus orbis*, seu caelum, seu, quod verius nunc esse arbitror, orbis terrarum. (ita iubent praegressa *terrarum curam*. *Wr.*) *maximus* pro magnus, vid. Burm. ad v. 187. *adecipiat*: habeat *auctorem*, moderatorem proventus agrorum et tempestatum, adeoque tutelam agriculture; *auctor* et *potens* ad eandem notionem spectant; nam qui largitur, is habet in potestate; Manilius I, 393 ex h. l. *Caesar nunc terris, post caelo maximus auctor*, regnator. Iam debebat sequi, *te cinctum materna tempora myrto*; nunc idem *orbis cingens tempora myrto* dictus, scilicet corona myrtea orto a Venere Augusto, novo deo, imposita. Magnificum phantasma! Fac te videre Orbem Terrarum Augusto stanti coronam myrteam imponentem; aut Augustum in medio inter Cybelen et Neptunum stantem et ab utroque corona myrtea coronatum! 27. *tempestatum*, non de procellis accipiendum, sed de caeli aerisque mutationibus et anni temporibus, quia cum frugibus illa iungi mos est. *tempestates* pro temporibus sive statis, sive quibuscunque aliis vel Lucretii exemplo bene dicuntur, ubi ad anni caelique temperiem aeris-

An deus immensi venias maris, ac tua nautae  
 Numina sola colant, tibi serviat ultima Thule, 30  
 Teque sibi generum Tethys emat omnibus undis;  
 Anne novum tardis sidus te mensibus addas,

29 *et tua* duo. *an tua* Goth. sec. 30 *serviet* Goth. sec. *Thylae* Medic. *Thyle* (ut 2. 3. *Wr.*), *Tyle*, *Thile* alii; et mox vitiose *Thetis*, solenni errore, quo *Θέτις* et *Τηθύς* permutantur. 31 *generum te Thetis* in o. Goth. sec. 32 *Atque* nonnulli ap. Pierium. *sidus tardis* Ven. *messibus* ed. Ven.

que mutationem, quae cum ipsis temporis vicibus succedit, respicitur. 28. *materna myrto*, Veneri sacra, ad quam et Anchisen Iulios genus suum retulisse notum est. At, quorsum myrti huius mentionem hic iniectionem dicemus? ut scilicet Augusto e divino sanguine orto locus inter deos tributus tanto minus admirationis habeat.

29 — 31. An tu inter deos marinos recipiaris, et quidem princeps. *venias*, futurus sis. Iterum tenui verbo substituit ornatus. *Thulen* ad nostras insulas Shetlandicas a septentrione Britanniae obiectas referendam esse nunc satis constat. *Servire* ea dicitur deo marino, quatenus eius potentia et maiestas per omnia maria obtinet: declarantur maria per insulas, nuncque per ultimas terrarum. Scilicet *servire* dicuntur poetae ii, quibus imperatur. Est adeo idem ac, et an omnis maris imperium habiturus sis. *sola*: potentius voc. quam, praecipuum numen. 31. *Teque sibi generum Tethys emat* pro vulgari: et una ex Oceanitidibus tibi nubat. Eos, qui inter deos adscripti essent, deabus iungi fas erat; sic Hercules Hebae. Itaque Augusto, maris deo, una Nympharum,

filiarum Oceani et Tethyos, dabitur; sed pretio proposito et dote numerata. Sic Perseo Andromedam paciscuntur *Promittuntque super regnum dotale parentes*: Ovid. Met. IV, 704. Promiscue autem, ap. Homerum quoque, munera, *ἔδνα*, heroum aevo, et parentum nuptarumque sunt et sponsorum. Alia est Romanorum coemptio et in manum conventio: de qua v. Cannegieter. Obs. I. C. IV, 1, 4. Ea vero locum non habet in poeta, qui de diis agit, adeoque mythici vel heroici temporis ritus servare tenetur. Splendide adiectum: *omnibus undis!*

32 — 35. Novum phantasma, quod nescio an apud antiquiores poetas occurrat: ut aliquis, qui pro deo vel heroe habendus erat, in sidus mutetur. Videmus profecisse iam Maronem ex philosophis Alexandrinis, qui animabus sedem in astris assignabant. Ductum esse ex iis opinionum commentis suspicari licet aliud ea aetate frequentatum, Iulii Caesaris animam esse stellam crinitam, quae ludis funebribus in eius honorem editis fulsit: Sueton. Iul. c. 88. Nisi haec ita colligas, mirum et insolens videri potest, Caesarem rogari, an velit sidus fieri, seu, inter sidera

## Qua locus Erigonen inter Chelasque sequentis

33 *Erigonem alii.*

referri; pro vulgari, in caelum, inter deos, recipi. An novum sidus, et quidem in Zodiaco, caelo accessurus sis. Annorum, mensium ac dierum, mensuram siderum decursus facit; itaque *menses* memorat. *tardos* dixit poetico more, tantum ut epitheto ornaret; nam anni, dies, menses, modo longi, modo breves, tardi, celeres, pro consilio poetae appellari possunt ac solent. Alii aliis modis exponunt; inter haec, ut de *aestivis mensibus* accipiatur: subtiliore quoque ratione mathematica arcessita. Enimvero versamur in poeta: cui *aestivi dies* possunt esse *longiores, tardiores; vix menses*. Nec nisi pro ornante epitheto accipio ap. Manil. II, 202 *cum sol adversa per astra Aestivum tardis attollat mensibus annum*. Subtilius, quam pro poetica simplicitate, ex physicis rationibus Halleium explicantem sequitur Martinus, dum alii de diebus aestivis intelligunt. 33. *Qua locus*, h. inter signa, Virginem et Scorpionem, qua nunc Libra est; quae antiquitus ab omnibus astrologis inter signa non habebatur, locum vero eius Chelae seu Scorpionis brachia occupabant; quo respexit Ovid. Met. II, 195 — 197 *Est locus, in geminos ubi brachia concavat arcus Scorpios, et cauda flexisque utrimque lacertis Porrigit in spatium signorum membra duorum*. Vacans spatium deinde Libra occupavit, ita ut ab Scorpione teneretur; ut etiam expres-

sum in Marmore Farnesio conspicitur. Librae itaque locum assignat Augusto, respectu iustitiae et aequitatis, cuius symbolum libra habita est. Simili lusu ex astrologicis rationibus sub Libra natis iudicis et legislatoris auctoritas promittitur. v. Manil. IV, 548 sq., quem adeo Scaliger ad Augustum respicere putabat. Et in his acquiescendum erat. Verum multa subtiliter de h. l. quaeri coepere in disputatione de die Augusti natali: ut etiam poeta credatur ad illum respexisse, in signo Librae numini futuro assignando. Vulgo quidem signum eius natale habitum est Capricornus; vide vel Suet. Aug. 94; idem in numis Augusti obvium; v. Eckhel. Doctr. num. Vol. VI, p. 109, et egit de eo copiose Schlegel. ad Morelli Impp. T. I, p. 194. dies natalis traditur IX Kal. Octobris, sole ex vulgari ratione Libram ingressu, ex vera autem adhuc in Virgine versante, non vero in Capricorno. Scilicet eadem nocte Luna in Capricorno erat gradu XVI vel XVII. (vid. Alphons. des Vignoles in *Hist. crit. de la Rep. des Lettres* T. XI. XII, qui in eandem sententiam lectionem Manilii II, 507 trahit: *contra Capricornus in ipsam Convertit visus; quid enim mirabitur ille Maius, in Augusti felix cum fulserit orium!* cum recepta sit lectio: *in ipsum* scil. se. Alii alia commenti sunt. vid. Scaliger et Faius ad Manil. l. l. *Lettre de Mairan in Lettres et Opusc.*



Panditur: ipse tibi iam brachia contrahit ardens  
 Scorprios, et coeli iusta plus parte reliquit: 35  
 Quidquid eris, (nam te nec sperant Tartara regem,  
 Nec tibi regnandi veniat tam dira cupido:  
 Quamvis Elysios miretur Graecia campos,  
 Nec repetita sequi curet Proserpina matrem)  
 Da facilem cursum, atque audacibus adnue coe-  
 ptis, 40

36. ERIS; NAM SPERENT - 39. MATREM;

34 *Panditur ipse* iungit Servius. (vid. Q. V. XVIII, 2, 5, β. *Wr.*) *tibi nam Ven.* 35 *Scorprios* Heins. e Medic. et al. *Scorpius* vulgo. *plus iusta* Erf. (etiam 2. 11. et Hafn. A. B. *Wr.*) *reliquit* Medic. cum Gud. et Menag. alt., it. Rom. Pierii, Goth. pr. et Erf. et videbatur hoc, ex elegantia poeticae dictionis, recipiendum esse, pro vulgari *relinquit*. (hoc tamen tuentur Voss. et Iahn. Retinui *reliquit*, non ut elegantius, sed quod iam factum significet illud, quod modo fieri per Praesens *contrahit* indicatum fuerat. *Wr.*) Interpolate est *ut c. — relinquat* in Arundel. 36 Hic versus in Moret. post v. 38 legebatur. *Quidquid erit* Goth. pr. Sed *Quidquid eris* est pro, *Quisquis deus eris. iam te* Pierii Longob. *nec sperant* Rom. *ne sperant* Medic. a m. pr., sed immutatum: *nec sperent*. (*nec sperent* est altera lectio Medicei; et vereor, ne genuina sit *nec sperant*; quae quam facile in *nec sperent* transire potuerit, statim intelligitur. *Sperant* etiam Ald. tert. emendatissima. Itaque, cum utrumque se tueri possit, tamen *sperant*, ut gravius, praetuli. *Wr.*) *non te spectent nec ed. Ven. spernent* unus Mead. et ed. Norimb. 37 *tam saeva Zulich. dura* Goth. sec.

les p. 275 sqq.) Enimvero sufficit ad poetae mentem, quod ab initio posuimus. Chelae autem *sequentes*, vel quia Scorprios Virgini a tergo est, (hoc verum; ita *sequi* de sideribus sollemne. *Wr.*) vel poetico epitheto, ut hederæ flexiles dicuntur sequaces. *ardens* Scorprios tamquam sidus; hoc simplicissimum. *iusta plus parte* eleganter; ad signum maioris reverentiae plus, quam iustum ac necesse erat, de loco decessit. Alio modo locum hunc tractavit de Vespasiano Valer. Fl. I, 16 sq. *cum iam genitor lucebis ab omni parte poli* sqq.

36 — 39. Exquisita orationis conversione exprimit ultimum

illud: an inferis diis adscribi velit: id quod aversatur poeta. *Tartara* omnino pro locis inferis dixit, non proprie; substituit paullo post campos Elysios in inferorum parte sitos. 38. Etsi a Graecis poetis multa praeclara de locis inferis, nominat nunc *campos Elysios*, narrata sunt; *mirari* est celebrare, multis verbis ornare. 39. *Nec — curet*, nolit, noluerit. v. Burm. Videri potest fabulam de Proserpina respicere, quae nunc ignoratur. Nam in vulgari narratione Proserpina invita a Plutone retinetur; et comesta mali Punici grana huc vix referri possunt. Nisi sic potius poeta dictum esse voluit: Nec Proserpina nunc,

Ignarosque viae mecum miseratus agrestis,  
Ingredere, et votis iam nunc adsuesce vocari.

Vere novo, gelidus canis quum montibus humor  
Liquitur, et Zephyro putris se gleba resolvit,  
Depresso incipiat iam tum mihi taurus aratro 45  
Ingemere, et sulco adtritum splendescere vomer.  
Illa seges demum votis respondet avari

(41. *agrestis* etiam Medic., sed *i in e* mutatur. *Wr.*) 44 *zephyro putri* edd. Terentiani Mauri, perperam. *se putris* Toll. 46 *vomis* Medic. a m. sec. tert. Mentel. Reg. a m. sec.; sic inf. 162 et ap. Ovid. Fast. IV, 927. ubi vid. Heins. et Serv. ad Aen. I, 293. (*vomer* est prior lectio Medicei; quod reliqui in textu; *vomis* enim ex vs. 162. adscitum videtur; sic enim interdum similium verborum aut sententiarum recordatio novas peperit lectiones, vid. Heins. ad Ecl. V, 37. Aen. V, 88. 486. IX, 814., cuius rei insignia quaedam vestigia in ipso Mediceoprehenduntur. *Wr.*) 47 *voti* Rom. *avaris* Zulich.

etiamsi a matre revocetur, redire inde velit: adeo amat nunc loca infera. 41. *mecum miseratus* iunge interpretando: seu, *mecum ingredere*, incipe, h. l. dum mihi ades, faves. (*Ingredere* aut cum Infinitivo *vocari* iungendum, ut *ingredior dicere*, *scribere* apud Tullium; aut, quod praestat, absolute dictum de re magna, quo ducit ipse Virgilius Aen. VIII, 511. sqq.: „Tu, cuius et annis Et generi fata indulgent, quem numina poscunt, Ingredere, o Teucrum atque Italum fortissime ductor;“ quibus verbis Evander Aenean ad regnum Tyrrhenorum capessendum excitat. *Wr.*) Ita *ingredi* v. c. II, 174 *tibi res antiquae laudis et artis Ingredior*. Adde Aen. IV, 107. VIII, 513. XI, 704. 42. *iam nunc adsuesce*, utpote deus futurus.

43 — 46. Cum primo vere aratio instituenda est: ad ductum Hesiodi *“Egy. 458 sqq., cum nix liquescit, et terra, a frigore constricta, tepidae aurae afflatu*

*resolvitur. putris — gleba*, emolita tepore, resoluta et tenera, cum antea esset gelu adstricta. v. ad II, 204. 45 sq. Quam ornate pro: iam tum arationis initium faciendum est! Lucret. V, 209 *vis humana — valido consueta bidenti Ingemere et terram pressis proscindere aratris*. Ad rem vid. *Dickson Husbandry of the ancients* T. I, p. 483 sq.

47 — 49. At aratio iterato facienda est, ut proventus agri votis respondeat. *Illa seges — bis quae solem, bis frigora sensit. seges* h. l. est terra, ager. Trepidant in h. l. Interpp. iam inde a Probo, ut componant haec cum aratione tertia, qua vulgo constat seri solitum fuisse, ita ut vere ineunte ager proscinderetur, aestate iteraretur, auctumno tertiaretur, atque ita sementis fieret. conf. inf. 219 sqq. et vide v. c. Colum. II, 4 et II, 8. add. Arat. Diosem. 321 sq. At enim ii agricolae, qui in terra rite subigenda summam culturae ponebant, quater arabant, se-



Agricolae, bis quae solem, bis frigora sensit;  
Illius immensae ruperunt horrea messes.

Ac prius, ignotum ferro quam scindimus aequor, 50  
Ventos et varium coeli praediscere morem

49. ILLIUS

50. AT PRIUS

51. VENTOS

48 *quae bis s.* Menag. alter. *bis quoque s.* Parrhas. *sensit* Zulich. duo Moret. et fragm. eiusd. Goth. pr. cum Erf. (etiam uterq. Lips. *Wr.*) 50 *At p.*: ita et Medic. cum al.; at alii: *ac*, etiam Romanus. (Sed in Medic. Foggino et Freytagio testibus *Ac prius* exaratum; itaque sola Gudiani et Palatini cod. auctoritate niti videtur *At prius*; quamquam *At prius* etiam Servii et Pompon. Sabini expositio praefixum habet; in Servio tamen Dresd. *ac prius* legitur. *Ac* vix potest dubitari, quin *At* debeatur iis, quibus particula transitionem indicans h. l. requiri videretur; vid. Q. V. XXXVII, 2, a. Sed quum mox ad ipsam arationem rediturus sit poeta, vs. 63., haec, quae vss. 50. sqq. leguntur, ita interponuntur, ut non plane diversum ab iis, quae praecedunt, argumentum, sed rei modo memoratae et mox, vss. 63. sqq., copiosius tractandae cognatum persequantur. Quare *Ac* revocavi, ac versum ab Heynio longius a margine reductum eadem iussi cum reliquis serie decurrere. *Wr.*) *immensum* Servius in suo habuit. 51 *proprium c. p. morem* sex vet. codd. exhibent ap. Columellam I, 4, 4 et reponendum putabat Pontedera Antiqq. pag. 479; quomodo enim, quod varium sit,

mel quidem iam sub finem autumni, tum vere anni sequentis, mox aestate, tandem autumno, cum sationis tempus instaret. Graecis id solenne fuisse videtur, ut colligas e Theophr. Causs. Plant. III, c. 25 καὶ ὅταν μετὰ τοὺς πρώτους ἀρότους νεάσωσι etc. Hoc vero faciebant, ut solem et frigus ager sentiret, ὅπως χειμασθῇ καὶ ἡλιασθῇ, ut idem Theophr. paullo ante. *bis* vero, quia bis in hibernum, bis in aestivum (vere et aestate) tempus, aratio talis incidit. vid. Salmas. Exerc. Plin. pag. 510. Etiam apud Theocr. Id. XXV, 25, ubi de Augiae opibus: τριπόλοις σπόρον ἐν νειοῖσιν ἔσθ' ὅτε βάλλοντες καὶ τετραπόλοισιν ὁμοίως. Vulgarior tamen tertiationis usus (cf. Arat. Dios. 321 sqq. de lentisco: la-

tine vertit Cic. de Div. I, 9), isque iam Hesiodi aetate, si compares *Egy.* 384. 448 sq. 462, et νεῖον τρίπολον ipse Homerus memorat Iliad. σ, 541. 542, et Odyss. ε, 127. Plinii locus XVIII, 20, s. 49. 3 unica huius versus interpretatio: *quarto seri sulco Virgilius existimatur voluisse, cum dixit, optimam esse segetem, quae bis solem bis frigora sensisset*; cum scilicet vulgo trina aratione defungerentur aratores Itali, h. tertiatione. v. Varr. I, 29. cf. 32. 33. 34. Colum. II, 4, 4. Quamquam idem Plinius innuere videtur, iam tum diversas de hoc loco sententias viguisse. *quarto sulco* vero pro quarta aratione dictum tum per se patet, tum ex eodem Plinii loco XVIII, 20, s. 49, n. 3 *Spis-sius solum, sicut plerumque in*



Cura sit, ac patrios cultusque habitusque locorum;  
Et quid quaeque ferat regio, et quid quaeque recuset.

praedisci possit? Sed variare aliqua res potest, et tamen cognosci, et multa ita variant, ut in uno tamen quoque statu aliquantum consistant. Hoc autem loco variat tempestas pro regionum diversitate. Agitur igitur de re, quae non unum eundemque habitum ubique habet. *praedicere* tres ap. Burm., more solito. *praediscere* firmat cum Colum. l. 1., tum Plin. XVIII, 24, s. 56 extr. 52 *cultus habitusque*, omisso *que*, multi Pier. et Heins. quod praeferam h. l. ne *patrios* ad *habitus* quoque referatur; sunt enim duo diversa: *habitus*; tum *cultus patrius*. (At praestantiores libri tuerentur *cultusque*. *Cultus praediscere*, i. e. praediscere, quam quisque ager colendi rationem postulet; *habitus* recte interpretantur: ingenium ac naturam loci cuiusque. Male autem *patrios cultus* accipiunt de colendi ratione maiorum; de qua ne verbum quidem a Virgilio profertur in sqq. *Patrios* autem, quum proprie dicendum esset *cultus habitusque locorum patriorum*, more poetico, nimis saepe interpretibus neglecto, alienis iunxit vocabulis *cultus* et *habitus*; loci autem patrii dicuntur, quos quisque colit. In his autem *cultusque habitusque* animadvertit ὅστερον πρότερον nam quomodo colendus sit quisque ager, ex habitu eius cognoscitur. Et quare noluerit ita scribere poeta: *patrios habitus cultusque locorum*: quamque etiam necessarium sit geminatum *que*, facile patebit intelligentibus. Fallitur tamen Wunderlichius, propterea, quod sequatur *et — et*, requiri h. l. *que — que* existimans. Wr.) *cultosque* Gud. et ap. Colum. l. 1. 53 *quid ferre recuset* nonnulli ap. Pier.

*Italia, quinto sulco seri melius est, in Tuscis vero nono.* conf. Harduin. Mox tamen v. 64 sqq. poeta in communi more acquiescere videtur, cum pingue solum vere, tenue auctumno arare iubet, ut scilicet sub hiemem conseratur. Nec vero prorsus ignota fuit satio frumenti verna: *trimestrem* appellabant: cum cogit necessitas, addit Columella II, 9, 7. (Ego quid de his verbis statuam, cognosces e V. L. ad Ge. IV, 203. Wr.) 49. *illius*, seu segetis, seu agricolae. Prius melius: *illa seges — Illius. ruperunt horrea*, replent: praeclare ad magnam copiam significandam: conf. ad Aen. XII, 527. Tibull. II, 5, 84 *Distendet spicis horrea plena Ceres*, ubi vid. Not. Colum. X, 307 *Pressaque flammeola rumpatur fisci caltha*.

50. Ante arationem et omne opus rusticum natura caeli solique consideranda est. *ignotum aequor*, agrum, cuius natura nobis ignota sit. 51. *caeli — morem*, aeris naturam, temperiem, *varium*, pro diversa regionum natura ac situ diversum. Columella lib. I, praef. 23 *Caeli et anni praesentis mores intuentur: neque enim eundem, velut ex praescripto, habitum gerunt* etc. Totus ille locus s. 22 sqq. pro commentario poetae est. 52. *habitus locorum*, h. naturam, genium agri, ex praecepto omnium, qui de re rustica tradidere. vide vel Xenoph. Oecon. XVI, 2 sqq., quem ante oculos habuisse videtur Virgilius. *patrios cultus*, colendi rationem usu maiorum probatam. (Sed vid. omnino, quae in V. L. disputavi. Wr.) Dickson *Husban-*

Hic segetes, illic veniunt felicius uvae,  
 Arborei fetus alibi; atque iniussa virescunt 55  
 Gramina. Nonne vides, croceos ut Tmolus odores,  
 India mittit ebur, molles sua tura Sabaei;

54. UVAE; 55. ALIBI,

54 *illuc* Rottend. *Hic segetes, veniunt uvae felicius illic* in nonnullis vidit Pierius. A v. 53 ad 58 laudat Sen. ep. 87. 55 *Pro iniussa* male apud Pier. et Heins. alii *invisa, iniusta*. 56 *Molus* multi. v. Heins. (etiam Medic., sed in hoc *T* minio supra appicta. *Wr.*) *croceos uti molus* Rom. *Tmolos* alii. *adores* Goth. pr. 57 *nutrit ebur* tres ap. Heins. *mittat* Medic. (apud Foggini., cuius fides iam comprobatur Freytagii testimonio; tacet Heinsius. *Wr.*) Scilicet, quod saepis-

*dry of the ancients* T. I, p. 217, qui, quod facere necesse non est, repetendum esse arbitratus epitheton *patrios cultus* et *patrios habitus locorum* laborat in notione alterius rei, quinam esse possint *habitus patrii*: cur enim illi maiorum aetate diversi a praesenti agri natura? Dicas esse naturam, qualem maiores usu cognoverant. Enimvero *habitus locorum* per se sunt sumendi: et eorum cultus est patrius. 53. Plin. XVIII, 47 extr. *In omni quidem parte culturae — valet oraculum illud: quid quaeque regio patiatur*. Iam in iis, quae sequuntur, agnosce poeticam rationem, propositionem generalem per singula exempla declarandi et ornandi. 54 sqq. Convenit locus cum Aetna 258 sqq. 55. Per *gramina* declarari puta pascua. *iniussa*, sponte, Colum. X, 16 natura soli, *quae* — iniussi *consternitur ubere mali*. 56. *Nonne vides*: est inter formulas enumerationum: pro, praeterea, porro: et habet *ἐνάργειαν*. οὐχ ὀράας Arat. Dios. pr. *crocei odores* pro croco. *Tmolus* Lydiae mons, vino generoso nobilis,

v. II, 98; eum nucem, et castaneam, vitem, malum et mala Punica ferre asserit Theophr. H. P. IV, 6. at eundem a croco commendatum nunc videmus. Succinit Virgilio Columella III, 8, 4. qui tamen Maronem sequi potuit; Solini et Marciani auctoritas, a Cerda memorata, est nulla. Contra in Cilicia crocus frequens proveniebat, inprimis ad Corycium promontorium. Servius Tmolus Ciliciae montem esse dixerat, unde Burmannus Tmolus pro Cilicia dictum censebat, quia veteres in Ciliciae nomine errarunt, cum viderent Cilicas apud Homerum memorari in Mysia; potuisse adeo eos etiam credere, Lydiam Cilicum fuisse et Cilices usque ad Lydiam fines protendisse, ita ut Tmolus pro Ciliciae monte diceretur. Vide Burm. ad h. l. et ad Ovid. Met. XII, 109. Atqui haec quam longe petita sint vides; nec bene ea olim sequutus eram. Potuit et Tmolus crocum ferre cum aliis terris apud Plinium XXI, 6, 17 memoratis, et Virgilius Graecum aliquem poetam exprimere. 57. *molles* — *Sabaei*: perpetuum epitheton populorum.



At Chalybes nudi ferrum, virosaque Pontus  
Castorea, Eliadum palmas Epiros equarum?

58. FERRUM; 59. CASTOREA;

sime in Marone notandum occurret: Est orationis pedestris exquisitior ratio in multis, ut subiunctivus ponatur: ita h. l. *Nonne vides, ut mittat*. At poeta hoc ipso a vulgari recedit, dum subiunctivum respuit. Critici fere in his ludunt, et alterum, 'quod scriptum reperiunt, mutant in alterum; nulla certa ratione; sed tantum ut ingenium ostentent. (Est sane certa hic ratio: Indicativus requiritur, ubi non proprie et cum aliqua dubitatione interrogamus, sed, magis vigente duntaxat orationis genere utentes, simpliciter declaramus, rem aliquam sic vel sic se habere. Itaque *vides, ut mittit* idem est, quod *vides mittere*; quam inversionem respuit vera interrogatio. Vid. etiam notata ad Ecl. IV, 52. *Wr.*) *Pontos* Movet. pr. a m. pr. 58 *Et Ven. vel ut.* (de vi particulae at vid. Q. V. XXXVII, 3. *Wr.*) *Calybes* et *Calibes* aberratur. Sunt *Χάλυβες*. *ferrum* alter Rotend. 59 *Epirus, Epeiros*, alii. (*Epiros* Potterii codd. omnes; etiam Cortii ad Lucan. V, 496. *Wr.*) *Ἠπειρος*. Si Servium audiamus, etiam Romani in pronuntianda voce ex graeca flexione servarunt accentum, et pronuntiarent h. l. *Epiros*. Nam *sane*, inquit, *Epiros graece profertur; unde etiam E habet accentum; nam si latinum esset, Epirus, Epiri, pi haberet* (accentum), quia longa est.

Asiaticorum, effeminatorum caeli indulgentia et soli bonitate. Sic *tener Arabs* Tibull. II, 2, 4, ubi v. Broukh. ἀβροβίων Ἀράβων γένος Dionys. Perieg. 968. *Mitti* vero, h. e. exportari, solenne de mercibus, ex eo loco petitis, ubi praecipuus earum mercatus est: est adeo idem ac provenire. 58. *Chalybes nudi*, utpote in ferro cudendo occupati, ut recte Serv. ad h. l. *propter ferri cudendi studium* (ita enim leg. pro *caedendi*); Aen. VIII, 425 *nudus membra Pyracmon*. Porro *Castoreum*, h. castoris s. fibri testes. *virosa castorea*, tetri odoris, graveolentia; quo sensu potissimum *virus* et *virosus* dici solet. Ex nostro petiit Nemes. Cyneg. 223. *Castoreum Ponticum* praestantissimum sui generis habebatur. vid. Strabo III, p. 163 (248). 59. *Eliadum palmas Epiros equarum*. Epirus mittit, alit, equos praestantissimos. Praestantia de-

claratur ab eo, quod antecellunt alios equos in certamine cursus. Posuit poeta certum certamen, Olympicum. *Palma*, ut *victoria*, pro victore dicitur. Sic Aen. V, 339 *tertia palma*, ubi conf. Not. Sunt adeo equae victrices inter equas Olympicis ludis decurrentes. *Epirus εὔπιρος, εὐπωλος*, et generosis equis nobilis Ge. III, 121 *Et patriam Epirum referat*. Statius Achill. I, 428 *frenat celeres Epiros alumnos*. Etiam boves Epiri passim memorantur. vid. Plin. VIII, 45, s. 70. Unde apud Pind. Nem. 4, 84 *βουβόται πρόωνες* Epiri. Scilicet omnino bonis pascuis illa abundavit. *equas* noto more, quo sexus feminei animantia praestantiora habentur. *Eleus campus* infra III, 202. *Elco carcere missus equus* Tibull. I, 4, 32; alios vid. ad Gratium v. 504. Ad equos palmatos, palmae signo et nomine notatos, nimis subtiliter retulit lo-



Continuo has leges aeternaque foedera certis 60  
 Inposuit natura locis, quo tempore primum  
 Deucalion vacuum lapides iactavit in orbem,  
 Unde homines nati, durum genus. Ergo age,  
 terrae

Pingue solum primis extemplo a mensibus anni  
 Fortes invertant tauri, glebasque iacentis 65  
 Pulverulenta coquat maturis solibus aestas:  
 At si non fuerit tellus fecunda, sub ipsum

66. AESTAS. 67. AT,

61 *Nam posuit* Mentel. prior a m. pr. *primus* Goth. sec. 62 *lapides vacuum* Leid. et Moret. unus. *vanum* Voss. pr. 64 *a* deest fragm. Moret. 65 *invertant* scriptura e Medic. Verum si hic: cur non ubique? et si ex solo aurium iudicio: quis hoc sibi arroget in lingua, cuius sonos ac numeros nos nobis fingimus, haud callemus! (*invertant* recepit Voss. Sed *e* in Medic. supra appicta. Tum admodum est probabile, sonum praegressi voc. *fortes* librarii auribus obversatum esse. *Iacentes* Medic. *Wr.*) 66 *maturis frugibus* Pier. e Rom., sed vulgatam defendit Burm. vel ex Gratii Cyneg. 85. 67 *Et si* Longob. *Aut* Goth. sec.

cum Wernsdorf. ad Nemesian. p. 265.

60. *Continuo*. Vocant huc viri docti usum vocis graecae ἀΐτινα, quod in commemorationis exordio ponitur, et per *exempli gratia* reddi potest: copiose de eo actum ab Ernestio ad Xenoph. Mem. IV, 7, 2. Callim. I, 76. Ruhnck. ad Timaeum p. 41. Koen. ad Gregor. p. 194. Scilicet res ita illustranda est, ut quasi dictum videatur: *ut statim hoc exemplo utar, ut statim hoc commemorem*. Atqui haec omnia aliena ab h. l. Etenim concluduntur superiora; et est, quod sententiae docent: statim a rerum initio. Nec minus aliena est illa observatiuncula ab aliis locis, ut Ge. I, 169. 356. III, 75. IV, 254. Ubique videbis esse, principio. In aliis locis est, extemplo, confestim, συνέχεως. *has leges*, ut cuique

terrae suum ingenium, sua ratio colendi sit, eas natura imposuit statim tum, cum primum etc. *foedera* h. l. conditiones, leges, ut Aen. I, 66 et al.

63. *Ergo age, terr.* refer ad vs. 43 *Vere novo*. Primo vere esse arandum ait. vid. Plin. XVIII, 26, s. 65, 2. Colum. II, 4. *terrae solum*, γῆς πέδον. 66. *maturis solibus*, calore aestatis. *Sol maturus* adultae aetatis, quo maturescunt fruges. *coquat* adeoque rarefaciat, ut salibus ex aere imbibendis solum idoneum sit. Ge. II, 259 *terram* multo ante memento excoquere. ubi vid. Not.

67. *si non fuerit tellus fecunda*, h. si tenuis, si gracilis: interpretatur locum Colum. II, 4 extr. de ipsa re agit Dickson T. I, p. 469. et de vss. 63 sq. idem p. 480 sq. *sub ipsum Arcturum*: Colum. XI, 2, 63 *Non*.

Arcturum tenui sat erit suspendere sulco:  
 Illic, officiant laetis ne frugibus herbae,  
 Hic, sterilem exiguus ne deserat humor arenam. 70  
 Alternis idem tonsas cessare novalis,  
 Et segnem patiēre situ durescere campum.  
 Aut ibi flava seres, mutato sidere, farra,

## 69. HERBAE;

68 *splendescere sulco* Goth. sec. *solco* duo: quae erat certorum saeculorum pronuntiatio. 69 *offiant* Reg. a m. pr. *efficiant* Ven. 70 *Haec* e Medic. laudat Burm., sed nil tale expressum in exempl. Foggin. *non deserat* Zulich. 71 *tonsas* Medic. a m. pr. (*novalis* idem. *Wr.*) 72 *Aut segri*: alter Menag. et un. Moret. cum Erf. *torpescere* coni. Io. Schrader., ut v. 124. 73 *Aut ubi*, *Aut tibi*, *At ibi* alii; ex more. *mutato semine* Romanus, quod iam Pierius laudavit, quod Catrocius recepit, et mihi (cum eodem Io. Schradero) valde se probare non diffiteor; magis enim consentaneum reliquae sententiae esse videtur; et v. 82 idem explicatur: *mutatis fetibus*. *sidere* tamen criticae rationes tuentur, et revocari facile ad eandem sententiam illud potest. vid. Not.

*Septemb. Arcturus exoritur*; de matutino exortu agi puta: v. Plin. II, 47. XVIII, 31, s. 74. cf. Mart. ad h. l., et Pfaff. de Ort. et Occas. sid. p. 51. *suspendere*, leviter proscindere, vomere non alte descendente: suspensio, levato, aratro. 69. *Illic*, in pingui solo. Nam *Humida maiores herbas alit*: Georg. II, 251.

71—159. Recreatur ager et vires sumit variis modis et hominum studiis et primo ipsa cessatione cultus. *Idem tu alternis vicibus patiēre cessare tonsas novalis*. *Novale* arvum, *novalis* ager, proprie est, qui silvis excisis primum colitur, nunc terras *novalis* dixit Maro de agro, qui alternis annis vacat et novatur: id quod perpetuum erat veteri Italiae, quae triticum serebat. Hinc nec stercoreationis magnus usus; nam ipsa cessatio satis recreat agrum in his locis. *Novalem* eodem modo dixit Plin. XVIII, 49, 2 *Novale*

*est*, quod *alternis annis* seritur; et ita accipitur in Varr. I, 29, 1 *Novalis*, ubi fuit satum ante, quam secunda aratione renoveatur. *tonsae* eae terrae, h. demessae. *situs* pro otio, cessatione; unde epitheton *segnem*; *durescere* pro requiescere; dum non movetur tellus, indurescit. Totum praeceptum ex Virgilio repetit Plin. XVIII, 21, s. 50. cf. Colum. II, 10, 7. II, 14, 1. Varro I, 44, 3. De ipsa re disputat Dickson T. I, p. 240 sqq. interpretatione tamen poetae haud satis idonea et p. 458. To. II, p. 153.

73. *mutato sidere*: anno altero. *Sidus* pro sole, ut saepe; cum decimum premeretur *sidere signum* Ovid. Met. IX, 286. *sol* pro anno et pro anni tempore. Aen. IV, 309 *hiberno sidere*, sole. Igitur altero quoque anno legumina in agro serenda esse ait, et tertio iterum far. vid. Colum. II, 10, 1. et 11. (*mutato sidere*,

Unde prius laetum siliqua quassante legumen,  
 Aut tenuis fetus viciae, tristisque lupini 75  
 Sustuleris fragiles calamos silvamque sonantem.  
 Urit enim lini campum seges, urit avenae,  
 Urunt Lethaeo perfusa papavera somno:

77. AVENAE; 78. SOMNO.

74 *lectum* Rom. Pierii. *foetum* legebat Reisk., at sequitur *fetus siliquae*. 75 *tenuis* duo Burm., it. Servius, et edd. nonnullae. *lupinis* Medic. (hoc unde habeat Heynius, nescio; *lupini* certe ap. Foggin. — 76. *fragilis calamos* Medic.; *substuleris* Serv. Dresd. *Wr.*) 77 Versus sunt ap. Columell. II, 14, 3; laudat quoque Plin. XVII, 9, 7. 78 *Lethaeum*. *Ἀθηναίος*. Alii *Letheum*, male. vid. ad Aen. VI, 705.

alio — alterius — anni tempore. Praecipit poeta, ut ager, in quo priore anno veris tempore satio facta sit, proximo anno auctumno demum seratur; cf. vs. 215. et 220. *Iahn*. secutus Voss.) 74. 75. 76. ornate: unde prius messueris vicias et lupinos. *legumen siliqua quassante*: quod habet siliquam quassantem se: seu vento seu alio impetu agitatum, imprimis cum exaruit: unde mox *silva sonans* de agro siliquis consito. Sic *quassa cinnama* apud Ovidium Met. XV, 399 recte se habent, nec alia illa sunt quam arida. De faba autem interpretatur poetam Plinius l. l. et XVII, 9, 7. 75. *tenuis vicia*, quia tenui semine, si cum faba compares: nam tenuem culmum cum ceteris communem haberet. *tristis lupini*, amari, ut saepe; contristatur enim degustantis vultus, ut ap. Macrobius VI, 5; est genus leguminis, pauperum et Cynicorum victus, *ἑξέκτος*: non confundendum cum lupulo. Lupini seges agro stercorandō admodum utilis habita; in primis succedente confestim aratro:

conf. Plin. XVII, 9, s. 7; XVIII, 14, s. 36, inpr. Colum. II, 14, 1 sqq. et II, 15, 5. Alios vid. in Not. ad Geopon. II, 39, 6. — 76. *fragilis calamos*, quia aridi, ut Ecl. VIII, 82, et propter hoc, si moventur, sonantes. Lucret. VI, 111 hinc *fragiles sonitus* iunxit. *silvam* poetica ratione, qua etiam florum, herbarum, silva grata similitudine dicitur. Sic herbarum malarum silva inf. vs. 152, et IV, 273 de centauro: *uno de cespite silva* culmorum. *sonantem*, quia calami aridi sunt, ut diximus. *Silvas cannabias* dixit Gratius Cynege. 47 pro segete. 77. Poetica suavitate pro: lino enim vel avena vel papavere seri nolim agrum interquiescentem; nam ea urunt h. exsiccant agrum. Repetit ex nostro Plin. XVII, 9, s. 7. Colum. II, 14, 3. cf. II, 10, 17. Pallad. Octobr. 2. Hinc *linum* in agro humido seri solet; et Gratius Cynege. 334 *Optima Cynophiae paludes lina dabunt*. cf. sqq. 78. *perfusa somno papavera*, quae habent vim soporificam; quae natura nigri praecipue papaveris est. cf. h. l. Martin.



Sed tamen alternis facilis labor: arida tantum  
 Ne saturare fimo pingui pudeat sola, neve 80  
 Effetos cinerem inmundum iactare per agros.  
 Sic quoque mutatis requiescunt fetibus arva;  
 Nec nulla interea est inaratae gratia terrae.

## 80. SOLA;

79 Sententiae implicitae ac perplexae. Io. Schrader. occurrere volebat transpositione versuum: 82. 83. 79. 80. 81. (Santen. ad Terentian. vs. 754. pro *Sed tamen* h. l. legendum putat *Et tamen*. Non adeo difficilia haec viris doctis visa essent, si, quod negligi non debebat, attendissent ad vim particulae *enim* vs. 77. idem fere, quod *quidem* significantis; vid. Beier. ad Cic. Offic. I, 39, 139. et III, 13, 57. Itaque hoc dicit poeta: „Urit quidem linum, avena, papaver: sed, si alterna seres, tamen facilis erit agri labor. Modo, alterna serens, stercorando agrum refice ac recrea: sic illud efficietur, ut ager, licet non cessaverit, tamen requiescat.“ His concinunt Columellae verba II, 10, 17.: „Linum — — agris praecipue noxium est. Itaque pinguisimum locum et modice humidum poscit.“ et II, 14, 3. ab Heynio in Not. laud. Ceterum adiuvī interpretationem a me propositam mutata interpunctione Heyniana. *Wr.*) 80 *Nec* Parrhas. Voss. Goth. pr. 81 vel *Effossos* Zulich. *Effectos* Vratisl. et Goth. pr., Nonius in *cinis*, etiam Romanus; aberrationes librariorum. conf. inf. II, 417. *immundos* Menag. alter. 82 *requiescat* Ven. *requiescent* Rom. et ed. Ven. Heins. emendabat *requiescant*: quod alienum est. *fecibus* error fragm. Moret.

79 — 83. Quaeritur de iunctura sententiarum: sintne ad superiora inde a vs. 73 referenda, an proxime ad solos vss. 77. 78. Si ad proxima refers, sensus est: possunt tamen, ait, etiam illa, nimirum lina, et avenae et papavera, alternis annis recte seri, modo satis stercoracione ager reficiatur. Et hic est sensus, quem naturalis verborum iunctura suppeditat, et Columellae locus II, 14 (13), 3 firmat. (vid. V. L. *Wr.*) Sin prius: dicendum est, sensum esse: altamen satis est, terram alternis vicibus cessare, dummodo ager bene stercoretur; etiamsi enim ager plane non cesset, aliis autem interea frugibus ferendis exerceatur, ut leguminibus vs. 74 sqq., modo tamen stercoracioni largiter indulgeas, ager vel sic

requiescere aliquo modo videri potest; fimo enim novas vires, novos sales, recipit, atque interea etiam utilitatem aliquam, ea enim est *gratia*, ex agro percepisti. Inseruit versus 77. 78 suis verbis Columella II, 14, 3. tum pergit: *Sed omni solo, quod praedictorum leguminum* (in his etiam linum memoraverat) *segetibus fatiscit, una praesens medicina est, ut stercore adiuvet, et absint vires hoc velut pabulo refoveas.* — 79. *facilis labor*, s. ipsius agri, ut ei tribuatur labor, quemadmodum fatigari, defetiscere, recreari ille dicitur, s. agricolae in agro colendo, si alternis ille cessat; hoc facilius, illud doctius: ut inf. 150 *mox et frumentis labor additus.* (— 83. Sententia horum verborum haec est: et sic

Saepe etiam sterilis incendere profuit agros,  
Atque levem stipulam crepitantibus urere flam-  
mis: 85

Sive inde occultas vires et pabula terrae  
Pinguia concipiunt; sive illis omne per ignem  
Excoquitur vitium, atque exsudat inutilis humor;  
Seu pluris calor ille vias et caeca relaxat  
Spiramenta, novas veniat qua succus in herbas; 90  
Seu durat magis, et venas adstringit hiantis:  
Ne tenues pluviae, rapidive potentia solis  
Acrior, aut Boreae penetrabile frigus adurat.

84 *Sentes et steriles* fragm. Moret. (*steriles* Medic. *Wr.*) 87 *aevum* vel *ignem* Zulich. 88 *exundat* Parrhas. a m. pr. 89 *pluris* vetustiores praeter Medic. (*pluris* tamen a Foggin. exaratum invenio; et ita in codice legi testatur Freytagius. — 90. *sucus* ubique Medic. et Rom., non *succus*; vid. Heyn. ad Ecl. III, 6. *Wr.*) 91 *constringit* Ven. et Parrhas. *restringit* Moreti. 92 *tenuis* Rom. cum aliis Heinsianis. *rapidive* Heins. e melioribus retraxit; nam sic iam Aldd. pro *que*, quod edd. occuparat.

est aliqua interea terrae gratia, quae nulla est, si non aratur, si ager cessat. *Wr.*)

84. Aliud praeceptum de stipulae incensae ad agrum beneficio. *sterilis agros*, stipulas agri, ut vs. sq. explicatur. Provocat ad h. l. Plin. XVIII, 72 extr. (30.) *Sunt qui accendant in arvo et stipulas, magno Virgilii praeconio. Summa autem eius ratio, ut herbarum semen exurant.* De ipso praecepto disputant scriptores; v. c. Dickson c. 12. p. 324 sq. 86. *Sive — sive.* Pro varia soli, vel macri vel uliginosi vel densi vel rari, natura, varias causas subiicit. *pabula* sunt succi, qui nutriunt semina ac plantas: puta ex cinere crematarum stipularum et lixivio. 88. *inutilis humor*, noxia uligo. 89. *caeca spiramenta*, meatus occultos et latentes, nos poros dicimus; mox *venas*. Lucretius sic fere *spiracula* dixit

VI, 492. *Specus saevi spiracula Ditis* Aen. VII, 568. *Vada latentia* apud Gratium Cyneg. 423. (*vias — qua*; sic Aen. V, 590.: „Mille viis habuisse dolum, quae signa sequendi Falleret.“ *Wr.*) 91. *calor adstringit* sc. condensando molle et lutosum solum. 93. *Adurare* convenit proprie frigori tantum et aestui solis. Sed, sollemni figura, generalior inde notio τοῦ nocere elicienda et ad illud: *ne tenues pluviae*, referenda est. *Penetrabile frigus* iam Lucretius dixerat I, 495. *tenues* ex natura pluviae petitum epitheton, quod hic nullam vim habere debet, ut saepe epitheta ponuntur, utque *rapidus* sol, frigus *penetrabile* hoc ipso loco. Ipsa tenuitate humoris pluvia se in humum insinuat. Alioqui *pluviae tenues* in vitio esse possunt, nimio solis aestu eas coquente: melliginem vocant. Enimvero in h. l. illud cadere nequit; nam



Multum adeo, rastris glebas qui frangit inertis,  
Vimineasque trahit crates, iuvat arva; neque il-  
lum 95

Flava Ceres alto nequidquam spectat Olympo;

94 *rastris*. Io. Schrader. coni. *rutris*, ligonibus. Sed Plin. XVIII, 49, 3 occatio — *crate vel rastro*. Alius rastris, seu sarculi dentati, usus memoratur post sationem v. 155. Meliorem locum haberet coniectura Aen. VII, 725 vertunt *felicia Baccho Massica qui rastris*: putes *rutris* melius fodi vineas. Verum noli turbari: Etiam vineas colentes aratro, adeoque et rastro, glebas frangunt; v. c. Colum. III, 13, 3 de Arb. 12, 2. (Medic. *inertes*. *Wr.*) 95 *nec* Ven. Goth. pr. 96 *spectet* Parrhas.

vitium illud culmos laedit, qui ex humore a sole excandefacti corrumpuntur; nec solo durato averti potest rubigo, nec in solum illa penetrat. (Haec disputat Heyn. contra Geissler. Schol. ad Georg. p. 1. *Wr.*) Vir doctus dictas *pluvias tenues* putabat, quia tenuem reddunt terram, adeoque fecunditatis causam afferunt, dilutis salibus seu partibus resinosis et ignitis. Sed hoc, comparatione ceterorum, quae nihil reconditi habent, nimis docte factum videtur. (Requitur aliud epitheton; nam ex sqq., ubi nimius aestus et nimium frigus commemoratur, statim intelligitur, cogitandum esse de multa ac nimia pluvia. Sed ne continuo male affectum esse hunc locum suspiceris, vetat, quod subinde observare licet, esse hoc Latinis poetis in more positum, ut ornantia et alias usitata epitheta substantivis iungant etiam ubi non commodus sit eorum usus; cfr. not. ad Aen. III, 76. et Q. V. XXXX, 1.; nec quam recte Polyxena Aen. III, 322.: *Troiae sub moenibus altis* immolata dicatur, exputo. *Wr.*)

modis terram frangendam, minuendam, et a sole excoquendam esse, omnes monent de RR. auctores. vid. Xenoph. Oecon. c. XVI, 11—14. *glebas inertes* dicit poeta, quae, nisi comminuantur, nil generant. Agit autem seqq. verss. de occatione et pulveratione. conf. Plin. XVIII, 49, 3 (20). etiam in vinea, Colum. XI, 2, 60. Varro I, 29. 95. *trahit crates*: Colum. II, 18, 4 *tum glebas sarculis resolvemus, et inducta crate coaequabimus* etc. Ex *vimine* autem factae satis validae sunt crates in solo raro ac pulverulento: alioqui sunt dentibus ferreis. 95. 96. Ex Callimacho suavissima imago expressa: *Οὓς δὲ κεν εὐμειδῆς τε καὶ Ἰλαος ἀνγάσσειαι, Κείνοις εὖ μὲν ἄρουρα φέρει στάχυν* etc. H. in Dian. 129, et *flava Ceres*, ut *ξανθή Δημήτηρ* iam in Homero. *neque — nequidquam*, h. non sine fructu, ut Aen. VI, 117 *nec te nequidquam lucis Hecate praefecit Avernis*: *spectat*, propitia est, respicit, ut Gratius, qui hunc locum ante oculos habuit Cynege. 426 *nec non tamen illum — Respicit et facilis Paeon adiuvit in artes*. 97. Etiam ille multum iuvat arva, qui etc.

94 — 99. Omnibus omnino



Et qui, proscisso quae suscitatur aequore terga,  
Rursus in obliquum verso perrumpit aratro,  
Exercetque frequens tellurem, atque imperat arvis.

Humida solstitia atque hiemes orate serenas, 100  
Agricolae; hiberno laetissima pulvere farra,

97 *suscitet* Moret. pr. *qui suscitatur* Gud. 98 *obliquom* Medic. et Gud. *prorumpit* multi scripti et excusi ap. Pier. et Heins., sic et Aldd. pr. et sec. *perrupit* Voss. pr. et Bodlei. ap. Martin. *perrumpat* Cantabr. ibid. *in oblitum* Ven. *arator* Goth. pr. 99 *armis* Bodlei. 100 *optate* Moret. qu. a m. sec. Arundel. ap. Martin. edit. La Cerda; et ita legisse videtur Plin. XVII, 2, nisi potius ex interpretatione dixit, ut etiam a Servio factum in Nota ad h. l. Recepit tamen Wakef.

conf. praecepta ap. Colum. II, 2, 25. Plin. XVIII, 49, 18, s. 49, 2 et disputata a Dickson T. I, p. 434 — 491 sq. T. II, p. 54 sq. Frequentibus autem his sulcis perficitur tandem hoc, quod deum *recte subactum esse* aiunt, *ut non intelligatur, utro vomerierit*, vid. Plin. ibid. 49, 2 extr. conf. Colum. II, 4, 1. *terga resoluta* agro tribuit id. X, 7. Idem imitatus est hunc locum libro X, vss. 91 — 93. 99. *Exercetque* fr. tractat, versat. Colum. IV, 14, 2 de fossione vineae: *nam utique frequenter solum exercendum est*. Inf. II, 356 *aut presso exercere solum sub vomere*. Post haec illud, *atque imperat arvis*, quamquam eleganter dictum, paullo otiosius positum videri potest. Sed habet tamen *imperare* vim coercionis, acerbitalis et iniquitatis: cogit quasi ille agrum, ut sit fecundus. Sic *imperant vitibus* ap. Colum. III, 3, 6. Senec. de Tranquill. an. c. 14 *Danda est remissio animis — Ut fertilibus agris non est imperandum: cito enim exhauriet illos nunquam intermissa fecunditas*. Inf. II, 369 *tum denique dura exerce imperia*.

100 — 103. De tempestate monet, quae sementem iactam excipit; pro natura tamen soli Italici. *Humida solstitia*, aestates, ut Ecl. VII, 47. *Solstitium* proprie de aestivo latine dicitur; hiemale *bruma* vocatur. vide quos ad h. l. laudat Cerda, imprimis Plin. II, 19, s. 17, adde XVIII, 25, s. 58. conf. Salmas. Exerc. Plin. p. 175 et al. *humidum* tempus, ut pluviarum irrigatione fervidi caloris vis temperetur. Exagitat hunc nostri versum nobili loco Plin. XVII, 2, ubi tandem subiicit: *Hiberno quidem pulvere laetiores fieri messes, luxuriantis ingenii fertilitate dictum est*. Contra quae tamen defendi poeta potest, et defenditur a Cerda ad h. l., imprimis ex antiquo carmine, quod apud Fest. in *Flaminium*, item apud Macrobian. Sat. V, 20 extr. et Serv. ad h. l. habetur: *Hiberno pulvere, verno luto, grandia farra, Camille, metes*. Scilicet omnia haec pro regionum et agrorum situ, forte et temporum decursu, variant. Virgilius ad agrum Mantuanum respicere putandus. 101 — 103. *nullo tantum se Mysia cultu*.

Laetus ager; nullo tantum se Mysia cultu  
Iactat, et ipsa suas mirantur Gargara messis.  
Quid dicam, iacto qui semine comminus arva  
Insequitur, cumulosque ruit male pinguis are-  
nae? 105

102 *nullo se tantum* Wakef. refinxit, tamquam mollius, ex ant. edit. (Serv. Dresd. *se tantum*. Sed recte *tantum se*; cf. not. ad Aen. I, 333. *Wr.*) *Moesia* in multis et antiquioribus. vid. Heins. et Pier. At *Mysia* Rom. cum alio Pierii, Medic. Gud. Moreti fragm. (etiam 3. et 14. *Wr.*), et sic editum a Commelino e Palat., hincque ab aliis: idque ratio postulat, cum Gargara sequantur. *Mesia* uterque Goth. cum aliis. *Messia* Cantabr. 103 Deb. *et — mirantia*; sed est: et non tantum mirantur. (*messes* Medic. *Wr.*) 104 *iacto cum* Moret. sec. 105 *tumulosque* Medic. a m. sec. Parrhas. (*tumulos* est altera lectio Medicea. *Wr.*)

Simplicissima, et nulla praevia opinione occupato animo, ex grammatica ratione, procedit sententia, eaque cum poetae consilio coniuncta: *nullo*, non ullo, *cultu Mysia*, cultissima regio, *tantum se iactat*, tam insignis est, quam tali caeli temperie: quae in illis locis est. Sunt ea loca fertilitate nobilissima, partim caeli clementia, partim situs felicitate sub monte Ida, unde magna rivorum et aquarum copia eos agros fecundat. Ida *πολυιδάκος* ex Homero notus est: cf. Iliad. θ, 47 sq. pars Idae australis est *Gargara* (τὸ Γάργαρον, τὰ Γάργαρα, quibus subiecta quoque fuit urbs τὰ Γάργαρα). Haec, ut dixi, sponte se offert sententia. Si tamen ante grammaticum usum adhibitum attuleris acumen ingenii, sententia haec prodit: laetus ex tali temperie est ager; nec ager Mysiae, etsi cultissimus, cum eo est comparandus; haec poetice ornasse videri potest Maro. (Hoc verum; *nullo tantum se Mysia cultu iactat*, i. e. *non tanto cultu*; cultu autem, quo

efficitur, ut laetiores proveniant segetes, designantur h. l. sata laeta; itaque detracto verborum ornatu haec prodit sententia: non Mysia aequae laetis segetibus insignis est. *Nullus* gravius negandi potestatem habet, ut Aen. II, 583. IV, 232. 272. VI, 405. *Wr.*) Hanc fere sententiam expressam vides in verbis Macrobiani V, 20 „Omnis regio, quae opportunos habuerit humores, aequiparabit fecunditatem arborum Mysiae.“ Multum recedit tertia ratio, ut sit, *Mysia nullo cultu*, quae non colitur; haec frigent, cum otiose sint adiecta.

104—110. Prodest quoque semente facta glebas rastris comminuere, ut semen obruatur, et aqua agrum obducere. *Quid dicam* de eo, *qui*; h. praeclare haud dubie et is facit qui; transitus formula, etiam in pedestri oratione. In hac autem varianda Maro felicissimus. Alius haec omnia praeciando extulisset: Faciendum est hoc et illud, et sic porro. — 105. *arva Insequitur*, sulcos factos in arvo pro-

Deinde satis fluvium inducit rivosque sequentis,  
 Et, quum exustus ager morientibus aestuat herbis,  
 Ecce supercilio clivosi tramitis undam  
 Elicit? illa cadens raucum per levia murmur  
 Saxa ciet, scatebrisque arentia temperat arva. 110  
 Quid, qui, ne gravidis procumbat culmus aristis,  
 Luxuriam segetum tenera depascit in herba,

## 106. SEQUENTIS?

106 *rivosque fluentes* Rom. 107 *herbas Gudian. extuat* Goth. pr. 108 *diversi tramitis* Menag. alt., forte pro *deversi*, h. deorsum versi, ex interpretatione. 109 *Eligit* Rom. *Et licit* Gudian. *illa scatens* Erf. a m. pr. *raucumque* Medic. 111 *gravidus* ed. Mediol. (Serv. Dresd. *grandis aristis* et pro altera lectione *aristas*, quod aliquis, cui talia placeant, defendat. *Wr.*)

sequitur, alium post alium rastris frangendo, et cumulos seu nimium seu inutiliter pinguis, h. duri, soli, glebas tenaciores, contundit et evertit et omni parte aequat. Fit hoc alias sarritione. De qua v. c. Colum. II, 12. *Insequi* idem atque urgere, instare et sine intermissione aut mora rem statim aggredi, aut prosequi. Sic *fossor insequitur, pampinator insequitur* ap. Colum., et inf. 155 *insectari terram rastris*. Hesiod. "Εργ. 469 ὁ δὲ τυτθὸς ὀπισθεν Δμωός, ἔχων μακέλην, πόνον ὀρνίθεσσι τιθείη Σπέρματα κακρόπτων. *arena* pro solo, terra omnino: ut IV, 291 *et viridem Aegyptum nigra fecundat arena* Nilus. (Rectius, puto, Frenzel. in Archiv für Philol. u. Paedag. Vol. I. p. 139. *male pinguem arenam* interpretatur *non pinguem, infecundam*. *Arenam* proprie dici h. l., indicare videntur vss. 106. sq. *Wr.*) — Ceterum v. 106 sqq. noster Iliad. φ, 257 sqq. egregium locum ante oculos habuisse videtur. — 106. *fluvium rivos-*

*que*: aquis obducatur agrum ad supplendum pluviae defectum, quae post arationem in votis habetur: ut Nubes ap. Aristoph. 1116 promittunt Atheniensibus: ἣν νεοῦν βούλησθ' ἐν ὥρᾳ τοὺς ἀγροὺς, Ἵσμεν πρῶτον. — 107. Totus scilicet versus translatus ab animantium sensu: isque ornatissimus cum sqq. — 108. *clivosi tramitis* pro montis molliter clivosi, in quo rivulis tramitem facit. *supercilium*, ut ὄφρυς, pro superiore montis parte: nota res. Sic iam Iliad. v, 151. 110. *scatebris* simplic. pro aqua, ut v. 106 *fluvius* et *rivi*.

111 — 117. Depascenda quoque est a grege pecudum herba segetis nimis luxurians; et coluvies aquarum stagnans ex agro deducenda per collicias. — 111: *ne gravidis procumbat culmus aristis*. Verba sunt Hesiodi "Εργ. 473 Ὡδέ κεν ἀδροσύνη στάχυν νεύοιεν ἔραζε. 112. Pro interpretatione sit Plin. XVIII, 44, 2 *Inter vitia segetum et luxuria est, cum oneratae fertilitate procumbunt*, et c. 45 *Luxuria se-*



Quum primum sulcos aequant sata? quique paludis  
Conlectum humorem bibula deducit arena?

Praesertim incertis si mensibus amnis abundans 115

Exit, et obducto late tenet omnia limo:

Unde cavae tepido sudant humore lacunae.

Nec tamen, haec quum sint hominumque boum-  
que labores

113 *aequat* Goth. pr. Viro docto ap. Servium hic versus adeo se probavit, ut adscripsisse narretur: „Sane Virgilii hoc hemistichium unum de invictis est.“ 114 *deducit in herba* Goth. pr. ex versu 112. 115 *certis* ap. Probum Grammat. lib. I, quod ferri possit, verum tamen non est. *cum mensibus* Reg. apud Martin. 116 *Exiit obducto* Gudian. (*fimo* apud Foggin.; sed, ut ipse scribit pag. 459., in codice exstat *limo*. *Wr.*) 117 *trepido* Menag. pr. 118 *labores* deest Gudiano. *hominumque deumque labores* ap. Serv. Aen. II, 306. *boum* unus Mead., perpetuo. *cum sunt* Serv. Leid.

*getum castigatur dente pecoris in herba duntaxat; et depastae quidem vel saepius nullam in spica iniuriam sentiunt.* Theophrast. Hist. Plant. VIII, 7 *Ἐν δὲ ταῖς ἀγαθαῖς χώραις, πρὸς τὸ μὴ φυλλομανεῖν, ἐπινέμουσι καὶ ἐπικείρουσι τὸν σῖτον;* fit idem falce inter nos. *sulcos aequant sata.* Scilicet sulcus nunc designat terram inter duo sulcos proprie dictos elatam, *porcam* dictam. Ponitur enim sulcus varie, etiam pro ipso agro arato, interdum quoque sato, ut inf. 216 et al. et pro aratione ipsa sup. 68.

114. Spectat praeceptum ad agros, in quibus aquarum colluvies facta locis cavis ac depressis. *paludis collectum humorem, Wassergalle.* Collecta et stagnans lacunae aqua, putris colluvies, deducitur sulcis aquariis factis, quos *collicias* dixere Plin. XVIII, 49, 3. Colum. II, 8, 3; *elices* ap. Festum; hic vero eius generis sulcus seu fossa exprimitur, qua aqua *arena,*

h. e. per vel ad arenosum locum, deducitur, ubi in sabulum se insinuans tandem exaescit. Simile fossarum genus est in solo adhuc inculto, ut cultui idoneum reddatur: eae vel patentes sunt vel caecae. v. Colum. II, 2, 9. Pallad. VI, 3. Solet quoque solo humido arena admixta humor subduci, qua de re cf. Dickson de agricolatione. 115. *incertis mensibus* veris et auctumni, quod anni tempus incertae tempestatis est. conf. Ovid. Art. II, 318; hic tamen de vernis potissimum agitur. *exit*, evagatur ripas, ut Aen. II, 496 *aggeribus ruptis cum spumeus amnis Exiit.* Tum *obducto tenet* pro obducit. 117. pro vulgari: unde lacunae existunt. *sudant humore tepido*, adeoque putrido et noxio. *sudant*, madent, loca, in quibus lacuna existit. (Cf. Aen. II, 582.: „sudarit sanguine litus.“ *Wr.*)

118. *Nec tamen nihil.* Vides transitum ad aliam rem: ea, quae noceant segeti. Comparat

Versando terram experti, nihil improbus anser,  
Strymoniaeque grues, et amaris intuba fibris 120  
Officiunt, aut umbra nocet. Pater ipse colendi  
Haud facilem esse viam voluit; primusque per  
artem

Movit agros, curis acuens mortalia corda,  
Nec torpere gravi passus sua regna veterno.

120. FIBRIS, 123. CORDA;

120 *intiba* plerique. *intyba* alii. *intuba* antiquior scriptura. vid. Pierium. Subest ratio, quod Romani u Gallico fere more, si breve esset, pronuntiarunt; unde substitutum passim γ. In aliis pronuntiatum ut o, unde *voluus*, *vortere*, *arduos*. 122 *primusque parentem* Romanus. 124 *sua iura* ed. Ven.

locum Lucretii V, 214 sqq. Macrobius VI, 2 extr. Quum homines bovesque experti sint haec omnia, versando terram: multum tamen officium, obsunt, anseres. 119. *improbus*, insatiabilis, avidus, et hoc ipso noxius. Scilicet, ut post variâs virorum doctorum disputationes semel moneatur: *probum* est id, quod verecunde fit, intra modum est, moderatum; adeoque iustum, modicum, aequum. *Improbum* autem, quod modum et mensuram excedit, adeoque inmodicum, nimium; iniquum, iniustum; nimis magnum, et omnino magnum, grande, vehemens: conf. ad Aen. IX, 62. Sic ἀναιδής. Quod sequitur: *Strymoniae grues*, a graecis poetis profectum est. E Thraciae finibus, cuius flumen *Strymon*, veniunt grues in Graeciam, cum hieme ingruente migrant. *intubum* e cichoreorum genere, erraticum, fibris seu radicum minutis filis late serpens; Theophr. Hist. Plant. VII, 11 τὸ κηχώριον — παραβλαστικὸν δὲ καὶ τῇ ῥίζῃ καὶ ἄλλως μακροῦρίζον· διὸ

καὶ δυσώλεθρον. ὅταν γὰρ ἐκλαχανίζωνται, πάλιν τὸ ὑπόλοιπον ἄρχῃν λαμβάνει γενέσεως. non modo hortense, quod inf. IV, 120, nobis *Endivien*, sed et silvestre genus est, πικρὸς dictum; idem prosequuntur anseres et aliae aves domesticae. vid. Colum. VIII, 14, 2.

121. Iam principio rerum natura ita constitutum est, ut dii vendant sua bona labore. Non invitum lectorem ad digressionem hanc duci intelligis: redit ad propositum v. 150. 155. Adumbratus locus ex Hesiodi *Egy.* 42 sqq. (cf. etiam Arat. vs. 6. *Wr.*) Nostrum ante oculos habuit Manil. I, 79 sqq. et Claudianus XXXVI, 20 sqq. 31. 122. Tribuitur Iovis iussis, quod sub eius imperio contigit: stimulo igitur hominum animos curis, *Movit agros*, h. fecit moveri, arari, necessitatem colendi imposuit. *sua regna*, homines, quibus imperabat; qui vivebant sub Iovis regno. *veterno* pro ignavia, inertia. Nemesian. Ecl. I, 60 *Nec segnem passus nobis marcere iuventam* etc.

Ante Iovem nulli subigebant arva coloni: 125  
Ne signare quidem aut partiri limite campum  
Fas erat: in medium quaerebant; ipsaque tellus  
Omnia liberius, nullo poscente, ferebat.

125 *subiebant* Leid. sec. et Voss. (*nullis* Medic. vid. V. L. ad Ge. III, 444. *Wr.*) Vss. 125 — 128 sunt apud Senecam Ep. 90. 126 *Ne signare quidem* e vetustis multi, etiam Romanus; perpetua varietate, et sequuntur fere hoc viri docti. Sequar nunc et ipse pro altero *nec*, cum Wakefield, qui sic in Lactant. Inst. V, 5 legi memorat; at apud Senecam edi *nec*. Debebat utique alterutra ratio *constanter* servari. (At certum quoddam discrimen in his observandum esse, docet Gernhard. ad Cic. Cat. IX, 27. X, 33. *Ne — quidem* emphasin habet, *nec — quidem* nullam; illud excludendi atque opponendi, hoc definiendi et limitandi potestatem habet; illud est, quod Germanice dicimus *nicht einmal*, *auch nicht einmal*, hoc *und zwar nicht*, *und zwar auch nicht*. Illud satis tritum; hoc exemplis indiget: Cic. Epist. ad Div. VI, 6, 2.: „His autem literis animum tuum — — confirmandum etiam atque etiam puto: nec iis quidem verbis, quibus te consoler, ut afflictum et iam omni spe salutis orbatum, sed ut eum, de cuius incolumitate non plus dubitem, quam te memini dubitare de mea.“ Catilin. III, 10.: „Ultus est huius victoriae crudelitatem postea Sulla; nec dici quidem opus est, quanta deminutione civium et quanta calamitate reipublicae.“ Sallust. fragm. incert.: „Nec simplici quidem morte moriebantur.“ Sueton. Tiber. c. 37.: „Hostiles motus, nulla postea expeditione suscepta, per legatos compescuit: nec per eos quidem, nisi cunctanter et necessario.“ Prae ceteris insigne est illud, quod exstat apud Quintil. Inst. IX, 3, 55.: „Non enim dixi quidem, sed non scripsi: nec scripsi quidem, sed non obii legationem: nec obii quidem, sed non persuasi Thebanis.“ Translata haec ex Demosth. Orat. pro Cor. pag. 288. ed. Reisk.: „οὐκ εἶπον μὲν ταῦτα, οὐκ ἔγραψα δέ· οὐδ' ἔγραψα μὲν, οὐκ ἐπρέσβευσα δέ· οὐδ' ἐπρέσβευσα μὲν, οὐκ ἔπεισα δέ· Θηβαίους.“ Eadem, sed minus eleganter, vertunt Aquila Rom. de Figur. c. 40. et Diomedes p. 443. ed. Putsch. Itaque male a Voss. et Iahnio *Nec signare quidem* editur hoc loco, cuius haec est sententia: Quid? quod etiam divisio et certa possessio agrorum nulla tum erat. *Ne* etiam Medic. ap. Foggin. et 3. 5. atque ita in Mediceo exstare scribit Freytagius. Recte idem Medic. Ge. III, 561. cum paucis, sed praestantissimis, codd. *ne* tuetur. Ac *ne* in hac compositione fere ubique in *nec* mutatur a librariis; vid. Gernh. ad Cic. Lael. XIII, 44., et inprimis Drakenb. ad Liv. I, 10, 3. *Wr.*) *signare solum* recitat Macrob. Sat. I, 8. forte memoriae fraude. 128 Io. Schrader. coni. *Omnia, et uberius*.

125. Expressa ex Hesiod. "Εργ. 90 sq. et Arato 110 sq. Inde locus a multis tractatus: inprimis a Tibullo I, 3, 35 sq., ubi v. Broukh. Hunc versum respexit, notante Burmanno, Seneca ep. 86 de Scipione: *terram, ut mos fuit priscis, ipse subigebat*. 126. Expressit haec Ovid. Met. I, 136. Am. III, 8, 42. *Nec fas erat*, h. solenne, solitum, ut

saepe. 127. *in medium*; quicquid acquirebant, parabant, in commune parabant et afferebant. Exponit Lactant. Institut. div. V, 5, sed suo more inepta calumnia, cf. Iustin. XLIII, 1, 3. 128. *liberius*, quam nunc; aut omnino pro positivo, libere, satu non coacta, sponte. Horat. III Carm. 24. 12 *Liberas fruges — immetata ferunt iugera*. Accipi quo-



Ille malum virus serpentibus addidit atris,  
 Praedarique lupos iussit, pontumque moveri; 130  
 Mellaque decussit foliis, ignemque removit,  
 Et passim rivis currentia vina repressit:  
 Ut varias usus meditando extunderet artis

130 *moveri* ventis Serv. Wakef. ubique inculcat suam observationem passivi vi media positi; ita quoque h. l. *movere se*: quod a sententia alienum est: in motu erat mare iam antea; nunc succedit motus violentus. 131 *discussit* Zulich. et fragm. Moret. *suppressit* Moret. pr., quod Burmanno placet; mihi non aequae, esset enim vulgare pro poetico. *removit* post *moveri* forte non satis gratum. 132 *rivos* Ven. 133 et 135 ex more in simili vocabulo variatur. Alii *extunderet*, *extruderet*, *excuderet*, (ut in utroque Gothano) *exfoderet*: cf. Georg. IV, 315. *medicando* Menag. alter. Et duo Martin., male pro *Ut*. (*artes* Medic. *Wr.*)

que potest *liberius* dictum pro liberalius, felicius, ἀφθόνως. (Sed ea notio aliena est ab hoc voc. *Wr.*) Expressum ex Hesiod. "Eg. 118 καρπὸν δ' ἔφερε ξείδωρος ἄρουρα Ἀντομάτη πολλόν τε καὶ ἄφθονον. Lucret. V, 940 *Plurima tum tellus, etiam maiora, ferebat. nullo poscente, h. arante. Supr. 99 imperare arvis. nullo cogente* Ovid. Met. I, 103.

129. Serius subnata sunt vitae nostrae mala. *Sub Iove* serpentes facti sunt venenati, lupi rapaces etc. *malum virus* indidit, noxium. *serpentium* aliqua genera sunt *atro colore. atras viperas* Horat. Carm. III, 4, 17. (*atris*, rectius, puto, Iacobs. *diris* interpretatur. *Wr.*) 130. Effleravit lupos, *pontumque moveri*, ventorum scilicet vi et procella, *iussit*. Burmannus *remis motum mare* intelligere et ad navigationem malebat referre; atqui sic vs. 136 inanis esset repetitio eiusdem sententiae; et nunc mala enarrantur, quae in rerum naturis mutatis supervenire. 131. Non iam, ut ante, folia rorem aliquem melleum eli-

quabant: detersum hoc mel est foliis; ut *silvis decussus* honor inf. II, 404. De melle hoc vid. sup. ad Ecl. IV, 30. adde Plin. XVI, 8, s. 11. *Ignem removit* Iupiter, quem iam ante Saturnio aevo usibus hominum adfuisse necesse est statuere. Nunc eum Iupiter *removit*, ita ut eius usus ignoraretur, utque adeo necesse esset mox eum iterum reperire et silicum attritu elicere: cum ab eo reperto omnium artium initia, omnisque vitae cultura deducta sit. Hactenus ignis in venis silicum tanquam absconditus, abstrusus (ut mox vs. 135. et Aen. VI, 7 *quaerit pars semina flammae abstrusa in venis silicis*), latuit: Κρύψε δὲ πῦρ Hesiod. "Eg. 50. 132. *rivis currentia vina*: h. e. rivos vini fluentes. Sic copiam vini eloquebantur veteres, antiquissimo phantasmate, ad magnam copiam declarandam, ut quasi e fontibus quibusdam huiusmodi flumina vinosa prodire dicerent. — 133. Omnia haec Iupiter ita moderatus est, eo consilio, ut usu invenirentur artes, utque ingenium et industriam acuerent

Paullatim, et sulcis frumenti quaereret herbam;  
 Ut silicis venis abstrusum excuderet ignem. 135  
 Tunc alnos primum fluvii sensere cavatas;  
 Navita tum stellis numeros et nomina fecit,  
 Pleiadas, Hyadas, claramque Lycaonis Arcton.  
 Tum laqueis captare feras et fallere visco

## 139. FERAS, VISCO,

134 *Ut vitem et sulcis* coni. Waddel. *herba* Parrhas. 135 *Ut* Heins. e melioribus; antea *Et s.*, ut in utroque Goth. Eratque hoc haud dubie lenius: nisi etiam *ut sulcis* adsciveris. (Malis Virgilium scripsisse: *Ut varias usus* — — *Paulatim; ut sulcis* — — *herbam, Et silicis* etc. Sed vid. V. L. ad Ge. IV, 203. *Wr.*) 136 *Tunc alnos fluvii primum* scripti Heins. quod Wakef. sequitur ex ed. ant. praeter Medic. et Gud. (receptum verborum ordinem exhibet iam Ald. tert. *Wr.*) *alveos* Scheff. *alnus* Mentcl. pr. a m. pr. 137 *stellas* Menag. alter. *Navita cum stellis* laudat Serv. ad Aen. VI, 64. *dum* ed. Norib. 138 *Pleiadas* alii: ita *atque Hyadas* scribendum foret. Alii *que* adiiiciunt. (Med. a m. pr. *Arctom. Wr.*) 139 *Tunc* Medic. a m. pr. (vid. Q. V. XXV, 5, b. *Wr.*) *laqueo* unus Mcad. *hibisco* coni. virorum doctorum ap. Burm.

homines. *meditando*, exercendo, experiundo. Nota res. cf. Cerda. 134. *frumenti herbam*, noto more poetarum pro herba frumentacea, h. e. frumento, segete: conf. Ecl. V, 26. *quaereret sulcis*, aratione produceret, *usus*; ut usu, arte, pararentur frumenta.

136. Tum primum navigatio inventa. Multis modis variatum phantasma apud poetas: vide Tibull. I, 3, 35. Propert. III, 5, 43. Manil. I, 78 sq. *Nec vitam pelago, nec ventis credere vota Andebant, se quisque satis novisse putabant.* Legendum saltem *sua*; Santeinius emendabat: *sua quisque satis sola nosse putabant.* — *sensere* tamquam onus novum, ipsi adhuc intacti: pro habuere. *alnum* vero nominat, quia palustribus et littoribus gaudet: Ge. II, 451 *Nec non et torrentem undam levis innatat alnus* *Missa Pado.* 137. Sidera locis suis et nominibus no-

tari coepere. (*numeros fecit*: „ad distinguenda sidera observabatur numerus stellarum, quibus quodque constaret.“ Sic Iacobs. *Wr.*) Enumerantur autem ea, quae et lucidissima sunt et inter reliqua omnium prima observata, in primisque ad navigationis prima exordia in usum vocata. (*nomina fecit Pleiadas* etc. ut ap. Liv. VII, 22.: „Quidam Kaesonem, alii Gaium nomen Quintio adiiiciunt.“ et multa alia id genus; vid. V. L. ad Aen. III, 18. et Not. ad eiusd. l. vs. 693. *Wr.*) 138. *Arctos*, ursa maior, Helice, olim Callisto, *Lycaonis* filia, nota vel ex Ovid. Met. II, 505. *clara* vero tamquam sidus: ut sup. v. 5 *clarissima mundi sidera.* Nisi fortè Virgilius graecum versum ante oculos habuit: *Πληιάδας θ' Ἰάδας τε, κλυτὴν τε Λυκάονος Ἄρκτον.*

139. *Venatio* et *aucupium* inventum. Aves hic inter *feras*

Inventum, et magnos canibus circumdare saltus. 140  
 Atque alius latum funda iam verberat amnem,  
 Alta petens; pelagoque alius trahit humida lina.  
 Tum ferri rigor, atque argutae lamina serrae;  
 Nam primi cuneis scindebant fissile lignum;

141. AMNEM; 142. PETENS PEL.

140 *Inventum*: magnos unus Arund. *Inventum est*: m. unus Mead. 141 *tam v.* Gud. *everberat* mallet Heins. *funda latum* ed. Iunt. ex Ald. pr. et sec., ut in Goth. pr. 142 Mutavi interpunctionem Heinsianam, quae mihi et olim displicebat: *verberat amnem, alta petens; pelagoque alius tr.* Iam apud Servium erant, qui distinguerent, ut nunc factum est. (probat hanc rationem Becker. Eleg. Rom. p. 56. *Wr.*) Cum tamen displiceat copula in tertium vocabulum reiecta, Reiskius ingeniose emendabat: *Alta petens pelagosque*, aut *pelageque*. Putari potest poeta variare voluisse numeros in: *alta petens pelagoque*, alioqui potuisset efferre: *Et pelago alta petens*. Illud autem vix usu firmes, quod in antiqua interpunctione loca *alta* de flumine memorabantur. (Si genuinam h. l. habemus lectionem, revocanda est pristina interpunctio, ipsius Medicei auctoritate defensa. Virgilius enim, contra quam existimat Huschk. ad Tibull. I, 10, 51. pag. 266., non solet copulam *que* alteri tertiove vocabulo subiungere, praeterquam praegressa praepositione, ut Ecl. V, 57. Aen. II, 227.: *sub pedibusque*, Ge. III, 524.: *ad terramque*, et in *iamque* et *namque*, ut Ecl. III, 33. Aen. V, 733. VI, 72. 81. VII, 637. X, 614. 813. Quod sicubi praeterea *que* postpositum invenietur apud Heynium aliosque editores, melior interpunctio suum Virgilio restituet nitorem, ut Ge. IV, 22. Aen. III, 380. VI, 396. VIII, 354. IX, 766. Sed Aen. X, 813.: „huic gladio perque aerea suta, Per tunicam squalentem auro latus haurit apertum,“ quum dicendum esset *perque* aerea suta tunicamque, iterandae copulae *que* loco repetitur praepositio *per*; de quo genere loquendi vid., quae diximus in V. L. ad Ecl. IV, 6. Apparet autem, non de geminata etiam *que* haec disputari, sed de simplici tantum. Quae quum ita sint, aut Vossium sequemur, *alta petere* h. l. ita interpretantem, ut de eo dictum existimet, qui funda in altum, i. e. profundum, demissa piscetur; aut *alta petere* dicitur piscator, a mari ad flumen translata dictione, qui medium amnem petit; quod maioris est audaciae, quam in ripa stantem arundinis ope pisces captare. Hoc equidem praetulerim, ut consuetudini Maronis convenientius; vid. Aen. VII, 362. VIII, 691. IX, 81. *Wr.*) *ligna* Menag. 143 Alii *serae*, *sarrae*, *lammina*. (*lammina* Medic. *Wr.*) 144 *primum* admodum multi. Versum totum pro inserto habebat Iac. Bryant, V. C.; et fateor me ipsum in ea sententia fuisse. Verba quidem sunt admodum ornata; et iterum Aen.

comprehensae latent, et notio earum ex ceteris est elicienda; ut saepe facere necesse est in poetis. 141. Inventa piscatio. *funda*, βόλος, Ovidio A. A. I, 763 *iaculum*, rete, in fluvium proiectum: itaque *verberat amnem*, qui iacit; sed audet iam piscator non, ut in antiqua interpunctione, *alta petens*, ad

medium fluvii alveum procedere; sed *alta petens pelago*, in ipso mari, in altum evectus, everriculis piscari: ita audaciae notio augetur ipsa voce, *alta petens*. (vid. V. L. *Wr.*)

143. *ferri rigorem* poeta pro ipso ferro rigido dixit; sequuti eum Manilius, Prudentius et alii. Intelligit tamen h. l. usus ferri



Tum variae venere artes: labor omnia vicit 145  
 Inprobus et duris urguens in rebus egestas.  
 Prima Ceres ferro mortalis vertere terram  
 Instituit, quum iam glandes atque arbuta sacrae  
 Deficerent silvae et victum Dodona negaret.  
 Mox et frumentis labor additus, ut mala culmos 150

148. INSTITUIT: 149. SILVAE, 150. ADDITUS:

VI, 181 *cuneis et fissile robur Scinditur*. Et XI, 137 *Robora nec cuneis — scindere — cessunt*: verum alienum a re est id, quod inseritur, et sententiarum nexus inde languorem contrahit. (Genuinus est hic versus, si quis alius. *Wr.*) *Iam primum* ed. Ven. Enimvero *Nam primi* editum iam inde ab Aldd. *findebant* Cantabr. *fissile robur* Leidens. unus a m. sec. 145 *rates* pro *urtes* Ven. *vicit* recte Heius. e melioribus non primus dedit sed revocavit post Ald. tert. Naugerii. (*vicit* e Parisinis habent 2. 3. 4. 8. *Wr.*) Vulgo *vincit*. narrantur facta; non sententiose dicta. 146 *surgens* Medic. a m. pr. 148 *sacra* ed. Genev. cum Servio Dan. 149 *Defuerant* nonnulli apud Pierium. *negarent* Rom. 150 *frumenti* Gud. et Goth. sec. a m. pr. *ex frumentis* coni. Burm., sed haeret in *lavor*. vid. Not. *ut m. culmus* Gud. et a m. pr. Parrhas.

ad instrumenta procudenda, securim inprimis, durati; adiicitur serra, ferro iam in laminas cudi coepto. 145. *venere*, provenere, inventae sunt. *labor inprobus*, pervicax, qui nulla aerumna vinceretur. vid. sup. ad v. 119. (*duris urgens in rebus egestas*; huc pertinet versus Theocr. XXI, 1.: „ἀ πένια, Διόφαντε, μόνα τὰς τέχνας ἐγείρει,“ quem Iacobs. laudat ad vs. 133. Sed ne vs. 145. eadem, quae supra vs. 133. dixerat poeta, repetere videatur, tenendum est, vs. 145. varias artes proprie dici varia artium genera, artificia; superiora autem strictiore sensu capienda et ad agriculturae inventionem referenda esse. *Wr.*)

147. Inventa aratio Ceres beneficio, cum ad homines in coetus coactos glandium victus haud sufficeret. Cum cultura labores et aerumnae natae sunt. *ferro*, vomere ac ligone. (Nexus

sententiarum hic est: Ante Iovem nullus agrorum cultus, vs. 125., Iove imperium tenente variae artes inventae et Ceres agricolendi rationem homines docuit. *Wr.*) 148. *Cum iam silvae*, quae poetice *diis sacrae* dicuntur, *deficerent* quoad *glandes et arbuta* (de his v. ad Ecl. III, 82. Possunt verba varie iungi: sed *glandes silvae*, (sic Wunderl. haec iungit. *Wr.*) seu silvarum, orationem minus poeticam efficerent); et cum *quer-cus*, cuius generis nobilissimae apud Dodonam silvae, non amplius satis magnam glandium copiam suppeditarent.

150. Redit ad propositum v. 121. Mox etiam noxae, mala et damna (*labor*, ut *πόνος* pro *πῆμα*, *βλάβη*) invasere frumenta, h. factum, ut segetes variis malis ac morbis laborarent; invasit eas *robigo mala*, exitiosa, quae culmos exedit, *carduus*, qui et

Esset robigo, segnisque horreret in arvis  
 Carduus: intereunt segetes; subit aspera silva,  
 Lappaeque tribulique; interque nitentia culta  
 Infelix lolium et steriles dominantur avenae.

151 *robigo* meliores scribunt: (*robigo* bis in Fastis Praenest. p. 326. edit. Suet. Wolf. *Wr.*) dederat hoc iam Commelin. e Palat. et revocavit Heins. pro *rubigo*. *horrescet* Ven. 153 *tribolique* Rom. Medic. et Gud. Sic etiam Georg. III, 385. (Quum modo, iisdem codd. obtemperans, *robigo* Heynius exhibuerit, non video, cur hic *triboli* exarari noluerit. *Wr.*) *vi-rentia culta* Parrhas. et ed. Mediol. Sed vid. Burm. ad Georg. II, 211 *At rudis enituit impulso vomere campus*. Obvia sunt, *nitere* quae culta sunt, squalere et horrere inculta, ista esse *laeta* adspectu, haec tristia. 154 *nascuntur* Moret. sec. ex Ecl. V, 37. ubi idem versus.

late serpere et semen quaquaversus disseminare solet; ex uno enim seminis grano viginti quatuor millia, primo, adeoque quinquies millies ducenties sexagies centena millia (526,000,000) granorum seminalium altero anno produci posse aiunt: vid. Martin. *segnis*, qui efficit segne seu retardat, ad quodcumque adhaerescit; tenax. Quoties tamen ad h. l. redeo, interpretationem sentio subtilem magis esse quam veram. Vir doctus, Meierotto, eo revocabat, quod carduus aratrum seu rastrum retardat. Sed praestat manere in simplici ratione a Servio iam tradita: *segnis carduus*, inutilis, infecundus. Nam *segnis*, a motu ductum, ad motus effectus traducitur: sic *segnes terrae* Ge. II, 37, quae non moventur, coluntur, adeoque nec fruges ferunt. Sup. 72 *segnis campus*. Nunc in denso non *segnior ubere Bacchus* Ge. II, 275, proventu. Est adeo *segne*, quod nil gignit. *horreret*, cum vi, pro cresceret: quatenus *horrere* poetis dicuntur omnia, quae erecta stant, aut eminent, ut

pili in metuentis corpore, itaque et spinosa virgulta. 152. *silvam* vocat lappas, lolia etc., ut vs. 76 leguminum *silvam sonantem*, ea *subit*, succedit in segetis locum. 153. *lappae* nostris *Kletten*. Plinius ἀπαρίνην ita reddidit. vid. Martin. ad h. l. *tribuli*, spinarum genus, in Italia frequens. *lolium* nostris *Lülch*, lolium temulentum Linn., αἶφα. vid. Geopon. II, 43. Galen. de Alim. fac. I ult. Plin. XVIII, 44, s. 17. *infelix*, sterile, ut *felix* arbor pro frugifera. vid. Intpp. ad Grat. Cyneg. 442 et al. Epitheton hoc, tamquam Virgilium auctorem agnoscens, laudat Plin. XXII, s. 77. *avena* pro frumenti vitio olim habita, ut et hordeum in eam degenerare crederent, vid. Plin. XVIII, 44, 1; sed peculiarem herbam, sui seminis, esse docent recentiores. Respexit h. l. Plin. XVIII, 17, 2 *Nam lolium et tribulos et carduos lappasque non magis quam rubos inter frugum morbos potius, quam inter ipsius terrae pestes, numeraverim. Caeleste frugum vinearumque malum, nullo minus noxium est, robigo.*

Quod nisi et adsiduis herbam insectabere rastris, 155  
 Et sonitu terrebis aves, et ruris opaci  
 Falce premes umbram, votisque vocaveris imbrem:

155. TERRAM INS. 157. UMBRAS

155 *adsiduus* Ven. *herbam* Medic. uterque cum Regio; et placere potest; sed est interpretamentum, a rei rusticae rationibus alienum: agitur enim hic de sarritione, quae fit sementi peracta; ad condenda semina: a quibus etiam aves abigendae sunt; et *insequi arva* iam v. 104 dixerat de sulcis satis, et satione facta: nunc *terram insectari*, instare agro sato, raistro inducendo. (Restitui lectionem *herbam ins.* optimorum librorum, Medicei, Gudiani, utriusque Mentel. pr. Moret. aliorumque auctoritate commendatam. Altera lectio, *terram ins.*, vix potest dubitari, quin ex vs. 104. „*arva insequitur*“ nata et interpretamenti loco habenda sit. Et de comminuendis glebis, i. e. terra insectanda, iam supra satis copiosus fuerat poeta; nunc, quum lappas, tribulos, aliasque id genus herbas commemorasset tantum, supererat, ut etiam adiceretur, quomodo huic incommodo medendum esset. Sarritionem autem eo consilio institui, ut herbae nocivae eradicentur, discitur ex Colum. II, 11. (12.) Eoque spectare, quae sequuntur, ex ipsa transeundi formula *Quod nisi cognoscitur. Wr.) sectabere* Parrhas. *rutris* Io. Schrader. coni. et hic. Idem praeferbat *herbam*. 157 *umbram* Medic. Romanus cum multis; nec improbo. (Sic etiam Servii codd., in quibus Dresd.; vid. Burm.; quare hanc formam reduxi, nihil re-veritus τὸ κακόφωνον, quod quis deprehendere sibi videatur in vocc. *umbram* — *imbrem*. Nec raro Virgilius studiose quaesivit verborum quandam similitudinem, qua orationem per se concitatam etiam alacriorem redderet; ut h. l. Cfr. Aen. IX, 634.: „I, verbis virtutem illude superbis.“ X, 735.: „haud furto melior, sed fortibus armis.“ in vivida descriptione: Ge. II, 441.: „Quas animosi Euri adsidue franguntque feruntque.“ Aen. VIII, 644. sq.: „Raptabatque viri mendacis viscera Tullus Per silvam, et sparsi rorabant sanguine vepres. Nec non Tarquinium eiectum Porsena iubebat Accipere, ingentique urbem obsidione premebat; Aeneadae in ferrum pro libertate ruebant. Illum indignanti similem similemque minanti Adspiceres“ etc. in re atroci: Ge. III, 421.: „Tollentemque minas et sibila colla tumentem.“ Aen. VIII, 669.: „Pendentem scopulo Furiarumque ora trementem.“ IX, 621.: „Talia iactantem dictis ac dira canentem Non tulit Aeneas.“ in re lugubri: Aen. XI, 189. sq.: „Ter circum accensos — Decurrere rogos: ter moestum funeris ignem Lustrare in equis: ululatusque ore dedere.“ in re horroris plena: Ge. I, 479.: „sistunt amnes, terraeque dehiscunt“; quare ibidem vs. 470. non dubitavi ex uno Medic. scribere: „Obscenaque canes importunaeque volucres“; quocum cfr. Aen. III, 262. Vid. etiam, quae notavi ad Ecl. III, 110. extr. *Wr.)*

*Frequentissima haec in roscido tractu convallibusque, ac perfatum non habentibus: e diverso carent ea ventosa et excelsa.*

155. *adsiduis terram insectabere rastris*, assiduo instare glebis *sarritione*, nam de hac loquitur (cf. Colum. II, 12): quae

fit semente facta, ante occationem, sarculo: quod h. l. *rastrum*. Quod, ὃ, καθὸ, quamobrem, cum ita res se habeant, nisi etc. Lucretianum. Ge. II, 425 *Hoc pinguem et placitam Paci nutritor olivam*, ubi v. Not. *insectabere* pro insectatus fueris; ut et reliqua. Sed ita solent poe-



Heu, magnum alterius frustra spectabis acervum;  
Concussaue famem in silvis solabere quercu.

Dicendum et, quae sint duris agrestibus arma, 160  
Quis sine nec potuere seri nec surgere messes:  
Vomis et inflexi primum grave robur aratri,  
Tardaque Eleusinae matris volventia plaustra,

161. SERI, SURGERE, 162. VOMIS,

158 *Heu frustra magnum alterius* laudat Sen. de Benef. VII, 5. *exspectabis* Medic. Pierii et Bodlei. *sperabis* ms. Musei Britannici ap. Wakef. ad Lucret. II, 2. quod idem probat. 159 *Concessamque* ed. Gen., male. vid. inf. IV, 81. *Excussa* unus Mead. 160 *duris quae sint* legi vult Cuninghame. Et sunt qui iungant: *Dicendum et arma, quae agrestibus sunt.* 161 *non p.* Zulich. 162 *Vomis* vel *Vomer* Rottend. vid. sup. v. 46. *Vomer* Goth. pr. 163 *Tarde que* Voss. *volventia matris plaustra* Goth. sec. *Eleusine* edd. vett. et Ald. pr. *Eleusinus* novavit poeta pro vulgari *Ἐλευσίνιος*.

tae. vid. Burm. 157. *frondes arborum* umbram facientium amputandas esse dicit: *falce premitur* id, quod secatur; uti alio modo stringi dicitur. Nisi cum Mitscherlichio accipere malis *premere umbras* comprimere frondes, coercere. Verum et Horat. I Carm. 31, 9 *premant Calena falce vitem*: premitur enim vitis falce admota, dum reciduntur frondes. Calpurn. V, 110. 111 *molle salicium preme*: quod vs. 98 erat: *incipere falce nemus vivasque recidere frondes.* — *rus opacum* h. arboribus consitus ager, adeoque pro arboribus. *volisque vocaveris imbrem*: suaviter, nisi votis obtinueris: pro vulgari: nisi tempestivae pluviae obtigerint: secundum vs. 100. 158. 159. *Messem parcam fore* ominatur poeta ornate. Ex Hesiod. *Ἔργ.* 394. 395 ὥς τοι ἕκαστα Ὠρεῖ ἀέξεται· μή πως τὰ μεταξὺ χατίζων Πτώσσης ἀλλοτρίους οἴκους καὶ μὴδὲν ἀνύσσης.

160 — 166. De *instrumentis* operis rustici agit: primum *vomer* s. *vomis*, et *aratum robustum*; *robur aratri*, ut τὸ μένος. Ap. Lucret. I, 881 *fruges robore quum saxi franguntur.* et II, 449 *Et validi silices et duri robora ferri.* (*primum*, non sequente *deinde*, vid. Q. V. XXVIII, 1. *Wr.*) tum *plaustra* bobus iuncta; unde *volventia* se, *tarda*, pro *tardum*, *tarde*, (vid. de hoc loquendi genere notata ad Aen. VIII, 559. *Wr.*) quae volvuntur, tracta a bubus, et aguntur *tarde*, forte rotis parvis iisque solidis, sine radiis: tympana appellant: cf. Probus: cuiusmodi rotae etiamnum passim visuntur, etiam in Lombardia. *Cereri sacra*, quippe a qua omnino operis rustici ratio profecta (non vero, quod eorum usus in *pompa Eleusinia* praecipuus fuerit, ut inter instrumenta *Orgica* essent; in pompa enim Eleusinia Ceres in thesis, ἐπ' ὀρχήματος, quadri-

Tribulaque, traheaeque, et iniquo pondere rastrī;  
 Virgea praeterea Celei vilisque supellex, 165  
 Arbuteae crates et mystica vannus Iacchi.  
 Omnia quae multo ante memor provisa repones,  
 Si te digna manet divini gloria ruris.  
 Continuo in silvis magna vi flexa domatur

167. REPONES;

164 *Tribulaeque* laudat Nonius Marcellus. Est sane *tribula* et *tribulum* a τριβόλος. conf. *Ansse de Villoison* V. C. ad Longum p. 220. *trahaeque* Medic. et al. (in Serv. Dresd. praescribitur *trahaeque*; eadem forma in explicatione apparet. *Wr.*) et abest a Voss. pr. *rastra* Goth. pr. *rutrum* et hic Iul. Sab. praescriptum habet; sed ille, ex Probo suspicor, omne instrumentum rusticum enumerat. 165 *Cuelei* Mentel. pr. Gud. (etiam Medic. *Wr.*) At est Κελεύς. 166 *mustica vallus* Romanus, utrumque scriptura antiqua. 167 *praevisa* Leid. sec. *reponus* Medic. Pierii; et alii ap. Burm. 168 *movet* Rottend. sec. 169 *dometur* fragm. Moret. *inflexa* Parrhas.

gis candidis ducebatur. vid. Spanhem. ad Callim. Cer. 122.). *Tribulum* fit e tabula lapidibus aut ferro asperata, quo (quae) imposito auriga aut pondere grandi trahitur iumentis iunctis, ut discutiat e spica grana Varro RR. I, 52, 1. Usus eius adhuc inter Turcos. (v. *Voyage de Paul Lucas fait dans la Grece* etc. T. I, pag. 182, ubi etiam forma expressa.) *Trahea* s. traha, vehiculi genus sine rotis; iungit cum tribulo etiam Colum. II, 21; vide de utroque Scheff. de re vehic. II, 7. *rastrī* admodum magno pondere; puta dentibus ferreis; item, pergit poeta, reliqua *supellex*, quae ex viminibus et materia rustica, ut Varro ait I, 22, 1, adeoque *vili* fit; *Celei* appellatur, Eleusinii, cuius filius, Triptolemus, a Cerere, hospitio excepta, sationem frugum acceperat; vid. Callimach. Hymn. in Cer. 97 sq. et Apollod. I, 5, 1. Referuntur autem ad illam supellectilem: *crates* et

*vannus*, cuius usus erat in *mysteriis* Eleusiniis; portabatur enim in pompa Iacchi, quae certo Eleusiniorum die ex Ceramico Eleusinem ducebatur. cf. Meurs. Eleusin. cap. 27. Ceterum Hesiodi locum ante oculos habebat Virgilius ex *Egy.* 423 sqq. Observanda quoque in vs. 160 variata formula transitus ad aliud rerum caput. *potuere* vs. 161 aoristi modo, possunt.

167. Ex Hesiod. *Egy.* 457 τῶν πρόσθεν μελέτην ἐχέμεν, οὐκ ἤϊα θέσθαι. *memor*, providus, ut ibid. vs. 422 μεμνημένος, non omittens et obliviscens, cf. Colum. I, 8, 8. *provisa repones*, ornatè pro, providebis. 168. Si satis magnam ex opere et re agresti laudem consequi cupis. *divini ruris*, ut θεῖος, δῖος, *praeclarus*; ex more loquendi.

169 — 175. Principio (vid. ad v. 60) ulmus in *burim* inflectenda est, quod statim in ipsis silvis fit, cum ulmus a rustico ita incurvatur, ut curva adole-

In burim et curvi formam adcipit ulmus aratri. 170  
Huic ab stirpe pedes temo protentus in octo,  
Binae aures, duplici aptantur dentalia dorso.

170. BURIM, ARATRI; 171. A STIRPE OCTO;

171 *ab stirpe* Medic. a m. sec. et al. (sic edidi. vid. Q. V. I, 1. *Wr.*)  
*protensus* Menag. pr. *praetentus* Moret. quart. 172 *Bina auris* Moret.  
pr., probat Heins., reicit Burm. *Bina* etiam Goth. pr. *aureis* Boecler.  
*dentalia* Moret. sec. Copulam nuspiam adiici: *duplicique* miror; cum sol-  
lenne hoc sit librariis.

scat. *curvum aratrum* est nunc pars aratri, buris. De vomere ipso nihil monet poeta; de quo disertius Hesiodus agit vs. 427 sqq. conf. Plin. XVIII, 18, s. 48. Sed *burim* accuratius descripsit, quam in ipsis scriptoribus Rei Rusticae factum legimus: praeter unum enim Varronis locum I, 19, 2 *de bura fracta*, nulla alibi burae seu buris mentio facta constat; ut nec de dentali ac reliquis. Iam esse *burim* partem aratri posticam, tignum illud incurvatum, cui et temo iunctus est et vomer ipse, h. e. lignum seu ferrum rostratum, aduncum, glebas eruens, non dubitatur. Fuit buris aliquando pro temonis tamquam basi ac fundo; postea ei inserta est et iniuncta trabs seu pertica, quae pro temone esset: ita huic buri, *a stirpe* in inferiore parte trunci, (ut Ge. II, 312 *non a stirpe valent* et *a stirpibus inis* Ge. II, 53. *de stirpe ino* Aen. XII, 208) temo, ἰσοροεὺς, pedum octo, tum aures et dentalia iunguntur et aptantur. *Aures* esse videntur prominentiae duae, sive affixi utrimque asserculi aut ferramenta, quibus sulcus latior efficitur, et lira seu porca altior. Hinc Palladius tit. I, 43, 1 *ara-*

*tra aurita* memorat. *Aratra simplicia*, vel, si plana regio permittit, *aurita*, quibus possint contra stationes humoris hiberni sata celsiore sulco attolli. *Dentale* accipiebam cum aliis, duce Servio, de ligno, quod vomerem recipit, cui vomer includitur; quippe cuius rostrum terram prosciudens dictum est *dens* apud Colum. II, 4, 6, et inf. 262 *vomeris obtusi dentem*; sed, quomodo aut *duplici dorso* aptari aut ipsum *duplici dorso* esse possit, difficile dictu erat. Nunc meliora edoctus lubens in eam sententiam concedo, ut *dentale* sit ipse vomeris dens, qui solum infringit: uti a Columella II, 2, 24 iuncta leguntur: ubi Celsus censet *exiguus vomeribus et dentalibus terram subigere*. *Duplex* autem eius *dorsum* ad duo crura vomeris referemus, quae Servius *latus utrumque* appellare videri debet. Mox *iugum* ac *stiva* s. manica (*Sterze*) conficienda esse dicitur, quae *currus imos a tergo torqueat*, h. aratrum ipsum, rotis subnixum; (sed vid. V. L. ad vs. 174. *Wr.*) quod Gallis peculiare fuisse et Serv. h. l. notat et Plin. XVIII, 48, p. 123, l. 23, modo Harduini interpolationem non ad-



Caeditur et tilia ante iugo levis, altaque fagus  
Stivaque, quae cursus a tergo torqueat imos;  
Et suspensa focis explorat robora fumus. 175

Possum multa tibi veterum praecepta referre,  
Ni refugis, tenuisque piget cognoscere curas.

174. CURRUS 176. REFERRE;

173 *talea* Gud., male, et adversante metro. *Editur* et Mentel. tert. a m. pr. 174 *Stiva quoque et currus* ed. Ven. *Stivaque currus* Bodlei. Molestae utique copula in *Stivaque*. Debebat esse *fagus, stiva*, per appositionem, quae sit *stiva*. Martinus non male emendandum arbitratur *altaque fagus Stivae quae c. uti iugo*, ut ex ea iugum fiat, *caeditur tilia*. (Receperunt *stivae* Vossius et Iahn., probat etiam Wunderl., non sentientes, quantum ea lectio detrimentum numeris afferat; vid. Q. V. XIII, 2, d. *Fagus stivaque* i. q. *stiva faginea*; sed vid. Q. V. XXXIII, 4. *Wr.*) Quod tamen *stiva caeditur* absurde dictum videtur viro docto, mirari licet; non cogitabat, se iu poeta versari, cui dici poterat *Stivaque* pro: et arbor, quae *stiva* sit. Apud eundem vir doctus paullo post legebat *cursus*; (*Cur-*  
*rus* fere ubique ita dicitur, ut machina rotis instructa intelligatur. At vetus aratrum caruit rotis; vide, quae addidi ad Heyn. Excurs. ad h. l. Iam vero *currus* etiam navem designat apud Catull. Epithal. Pel. et Thet. 9. sq.: „Ipsa levi fecit volitantem flamine currum, Pineae coniungens inflexae texta carinae.“ Sed navis dicitur currus vel ob velocitatem, vel ob vehendi usum; altera explicatio probatur eo, quod Graeci *ναῦον ἀνήγην, ναῖον ὄχημα* navem appellant; vid. Doering. ad Catull. l. l. et Elmsl. ad Eurip. Med. 1091. sq. Neutra notio nostro loco apta; itaque edidi *cursus*, quod iam confirmatur Paris. 2. 3. *Wr.*) non bene. Nam aratrum non *currit*; nec *cursum aratri* quisquam facile dixerit. Io. Schrader. transponit 174. 173. De ceteris vid. Notam. 175 *explorat* reposuit Heins. e Medic. a m. pr. (est ea prior lectio Medic. *Wr.*) et aliis, ut et Goth. sec. Sic quoque Pierii Rom. et Oblong., ut cum *caeditur* conveniat. (Et repetendum ante ex v. 173. cf. V. L. ad vs. 185. *Wr.*) Vulgo in editis et scriptis *exploret*. (sic 2. 4. 11. 12. *Wr.*) Eadem varietas in Anglicis Mss. ap. Martin. 177 *cognoscere causas* Oblongus Pierii.

mittas. Erat enim antiqua lectio: latiore cuspide vomer: *Id non pridem inventum in Rhaetia. Galliae duas addiderunt tali rotulas; quod genus vocant planarati* (plaunarati). *Robora* vero, h. materia, seu lignum, unde haec conficiantur, *fumo durata* esse debent. conf. Hesiod. *Egy.* 45. 629. *explorat* videtur exprimere naturam fumi, dum lente per minutas particulas sese insinuat, ut *iter, vias, tenebras explorare* dicimur. Potest tamen etiam dictum esse, ut poetis alias *probare*, ut de bonitate

ligni inde constet; nisi enim firmum et probum sit, exarescens rimas aget. Nimis subtilis illa ratio, ut *explorare* dictum sit pro exsudare, excoquere, expellere humorem tamquam lacrimas ac *ploratus*. Ceterum advocant viri docti Hesiodi *Egy.* 427 sqq. Verum de hoc et aliis vide Excurs. I ad h. l. (In hoc Excursu retractavit quaedam Heynius; alia quaedam ipse addidi; effigiem quoque veteris aratri aeri incisam ibidem exhibui. *Wr.*)

176. 177. Nova transitionis

Area cum primis ingenti aequanda cylindro,  
Et vertenda manu, et creta solidanda tenaci,  
Ne subeant herbae, neu pulvere victa fatiscat, 180

179. TENACI: 180. FATISCAT;

178 *cum primis* Medic. uterque et plerique vett., etiam apud Pierium. Alii *cum primum*, quod vulgare esset, *quam primum*, *tum primum*. vid. Gell. XVII, 2. Etiam *est* ab aliis interiicitur. 179 *verrenda* ed. Mediol. Sed fodienda est terra et comminuendae glebae, ut Cato c. 91. *Evertenda* Rottend. sec.

formula. 178. De *area*, ἀλωή, veterum cogitandum est: qui erat locus in ipso agro patens et editus, (Varroni est *sublimior*; et *area extumida*), qua ventus perflare posset, solidus ac complanatus, quo frumentum ex agro congestum statim terebatur et ventilabatur; tum purgatum corbe in horrea deportabatur. vid. Varro de R. R. I, 51; non enim, ut apud nos, tritura in horreo instituebatur. Scilicet anni tempus, quo hoc faciebant, siccum et nullis pluviis obnoxium, quale in istis regionibus esse solet, nullum tectum locum, ut apud nos, requirit: in iis tamen partibus, in quibus caelum inconstantius esset, aut nubilaria vicina habebantur: vid. Varro I, 13, 5, aut in horreo perticis exterebantur grana per hiemem. vid. Colum. II, 21, 4. Modum conficiendi aream eundem fere cum nostro tradit prae-ter Varron. I, 51. Cato de R. R. 91 et 129. cf. Colum. II, 20. Pallad. I, tit. 36. VII, tit. 1. Geopon. II, 26. vid. ad Tibull. I, 5, 21. *Operosius* aream instruere Virgilium ait Plin. XVIII, 29, s. 76. conf. Dickson T. II, p. 383 sq. c. 40. Pro *cylindro rotundum lapidem vel columnae fragmentum* memorat Palladius.

Eundem usum praestabat *pavicula*, instrumentum terrae pavien- dae et solidandae aptum. Imitatur hunc locum Columella X, 318 sqq., et respexit Plin. XVIII, 29, s. 71.

180—186. Observa, quanto cum ornatu et copia haec dicta sint: alioqui mures, talpae, bu- fones aliaque reptilia, item cur- culiones et formicae, nocent frumento. *neu pulvere victa fa- tiscat*. Rem illustrat Varro I, 51. quem ante oculos habuit: aream ait oportere esse *solida terra pavitam*, *maxime si est ar- gilla*, *ne*, *aestu paeminosa*, (vox seu antiquata seu corrupta, si terra squalida, ἀρχμηρά, fue- rit) *in rimis eius grana oblite- scant*, *et recipiant* (illae) *aquam et ostia aperiant muribus atque formicis*. *Fatiscere* proprie di- citur, quicquid viribus fractis deficit, ita ut solvatur, disso- lutum dilabatur, proruat. Sic ap. Valer. Fl. VII, 598 *ille fa- tiscens in caput proruit*, et IV, 48 *Icta fatiscit aquis donec do- mus*. Inde Aen. I, 123 *naves rimis fatiscunt*, h. e. solvuntur, ita ut rimae fiant; ab hoc Ae- neidis loco duxere viri docti notionem verbi, esse illud, *ri- mas agere, hiscere*. At nec recte fit illud, nec locum habet; nam

Tum variae inludant pestes: saepe exiguus mus  
Sub terris posuitque domos atque horrea fecit;  
Aut oculis capti fodere cubilia talpae;  
Inventusque cavis bufo, et quae plurima terrae  
Monstra ferunt; populatque ingentem farris acer-  
vum 185

Curculio, atque inopi metuens formica senectae.  
Contemplator item, quum se nux plurima silvis

181 *illudant* (quae est prior Medic. lectio. *Wr.*) Heins. post Pierium e melioribus firmavit; emendaverat iam Nauger. in Ald. sec. Sic et Goth. sec. (et 3. 7. 11. 14. *Wr.*) *illudunt* alii et Ald. pr., quam sequuntur plerique. (eaeque est altera Medic. lectio. *Wr.*) *Cum variae illudunt* Ven. *Nam variae illudant* legebat Reiskius. (*Tum* est copulae loco, et oratio sic se habet: „neu fatiscat, et, ubi hoc factum fuerit, variae pestes illudant.“ Hinc semicolon, quod erat in fine vs. 180., in comma mutavi. *Wr.*) Clausulam versus miram gratiam habere, iam Quinctil. VIII, 3, 20 censuit: *at Virgilii miramur illud: saepe exiguus mus* et sqq. Recte, modo ne artis summam in hoc quaeras. 182 *domus* Pierii Longobard. Moret. sec. et Goth. sec. (idem in Gudian. exstare scribit Cortius ad Lucan. VIII, 216. Sed forma *domos* constanti fere potiorum codicum auctoritate apud Virgilium defenditur. *Wr.*) 183 *oculos capti* elegantius laudat Nonius Marcellus in *capere*. Idem *fovere* habet: III, 420 coluber *fovit humum*. IV, 43 *Sub terra fovere larem*. Est tamen nil nisi librarii lapsus. (Medic. *apti*, sed supra scripta c. *Wr.*) 185 *que* post *populat* exulat a Mediceo Pierii; nec male. (immo pessime; ac si quem copula h. l. offendet, is meminerit, repetendum esse *saepe* ex superioribus; cf. V. L. vs. 175. *Wr.*) *populantque* Moret. pr. et Parrhas. 186 *gurgulio* scribitur in multis, item *curgulio*. *metuensque inopi* laudat Schol. Horat. Cruquianus Sat. I, 1. 187 *Contempletur* Rottend. sec. a m. pr.

si terra in pulverem solvitur, non dehiscit. Respondet vox τῷ *solidanda*, ne solum *pulvere fatiscat*, solvatur, in pulverem attenuetur. Sic Ge. II, 249 *haud umquam manibus iactata fatiscit*, in grumas solvitur. Aen. IX, 809 *saxis solida aera fatiscunt*, repetitis ictibus galea solvitur, rumpitur, perforatur. Apud Lucret. III, 459 *aevo fessa fatisci* dicuntur, vetustate labefactari, solvi, dilabi. *victa* ornatus causa adiectum, nihil amplius. (*victa pulvere* i. e. superante pulvere. *Wr.*) *Tum variae inludant pestes*, h. varia animalcula nociva invadant, clam subeant,

quod eleganter *illudere* dicitur, quia clam, et quasi per fraudem et insidias faciunt, hacque ratione eludunt operam et curam agricolae. *exiguus mus*, non de certo genere, sed est epitheton ornans. *posuit*, ponere solet. 184. *quae plurima*, qualia multa, οἷά τε πολλά. 185. *populat ingentem farris acervum* expressit Columella II, 20, ubi de amurca, qua aream conspergere solebant veteres, *nam ea res a populatione murium formicarumque frumenta defendit*. conf. Prudent. in Symm. I, 1052.

187 — 192. Ornatus locus. Ut de futuro anni proventu iu-



Induet in florem, et ramos curvabit olentis:  
 Si superant fetus, pariter frumenta sequentur,  
 Magnaque cum magno veniet tritura calore; 190  
 At si luxuria foliorum exuberat umbra:

188 *Induit et curvavit* Rufinian. de Schematis Lexios pag. 34. *Induit* Gud. *curvavit* Medic. *curabit* Ven. (*induet* i. e. induerit; vid. Burm. ad vs. 155. *Olentes* Medic. *Wr.*) 189 *sequentur* Goth. pr. Plinius XXIX, 8 *neque enim dubitaverim aliquibus fastidio futura, quae dicentur, animalia; at non Virgilio fuit, nominare formicas, nulla necessitate, et curculiones, ac lucifugis congesta cubilia blattis.* 191 *luxuries* Voss. alt. ita *umbra* foret casus sextus. *luxuriae* Rom. Pierii. *luxurie* Parrhas. et Huls. in ed. Cuniingham., qui est Regius Burm., atque sic in eadem edit. expressum est. *luxurians* coni. Heinsii. (cui coniecturae fides accedere possit ex Serv. Dresd., in quo *luxuriam. Wr.*) *exsuperat* duo apud Martin., vitiose. *exuberet* Pierii Mediceus.

dicari possit, observandum esse dicit, an *nux amygdala*, quae primo vere floret, abundet multo flore; ita enim magnam fertilitatem anni fore; sin pro flore arbor foliis luxurietur, messem fore malignam. Ad *amygdalam* referendum esse, ex Theophylacto Problem. nat. (c. 16.) et Philone de Vita Mos. (III, p. 163, T. II. ed. Mang.) apud Cerdam apparet; est enim *nux* generis nomen. Aemulatur autem Maro Aratum, qui in Prognost. 314 sqq. signa arationis faciendae a lentisco et ilice (σχιῖνος et πριῖνος) petierat. Ab eodem formulam novam praecipiendi petiit: *contemplator; φράζω, σκέπτεο, τεκμαίρου.* Etiam Nican- der, ut Ther. 396. 438. *nux induet se in florem*, ut Aen. VII, 20 quos — *Induerat Circe in vultus atque ora ferarum.* Usitatius esset, *induit se flore*, ut saepius apud auctores R. R., v. c. Columell. IV, 24, §. 12 *induunt se uvis n. vites*, h. vestiunt se; et inf. Georg. IV, 142 *Quotque in flore novo pomis se*

*fertilis arbos Induerat. nux plurima* vel *nux*, quae multa est in silvis, h. quibus silvae abundant, v. h. l. Burm., vel ut sit, quando *nux plurimum*, h. cum maxime, se induit: Georg. II, 166 *Italia auro plurima fluxit*; atque hoc poeta dignius. (Proprie fructu, non flore curvari ramus dicitur. Itaque verba *ramos curvabit olentes* sic accipe: quum curvi nucis rami multo flore olebunt. *Wr.*) *Fetus* nunc flores sunt, mox in nuces, fetus arboris, abituri. Exquisite dicta sunt: si *superant*, si eorum maior copia est: et pro altero, etiam frumenti maior erit copia: *pariter frumenta sequentur.* De *tritura* vid. ad vs. 178. Nunc dicta est pro messe. (Proprie dixit Virgilius: laboriosa tritura magnum frugum sequitur proventum; *veniet*, agricolis. *Wch.*) *umbra* est arbor ipsa umbrosa, frondosa. *Area teret culmos*, poetica ratione non infrequente pro, culmi terentur in area, inf. 298. vid. ad Tibull. I, 5, 22 et Cerdam ad h. l. Reliqua sic iungere

Nequidquam pinguis palea teret area culmos.

Semina vidi equidem multos medicare serentes,  
Et nitro prius et nigra perfundere amurca:  
Grandior ut fetus siliquis fallacibus esset, 195  
Et, quamvis igni exiguo, properata maderent.

192 *pinguis palea* Heins. e Medic. et aliis; etiam Romano et Medic. Pierii, tum Serv. *pingues palea* Mentel. pr. et Goth. sec. *pinguis* vel *pinguis paleae* vulgo editum. (*pingues paleae* esse, qui legant, scribit etiam Philargyr. *Wr.*) *palea pinguis* Moret. pr. *terit* Romanus. 194 *praefundere* Ven. *amurga* scribit Medic. cum al. (sic idem Medic. cum Gud. Ge. III, 448.; vid. etiam Schneider. Index ad Scriptt. R. R. sub hoc voc. Graecis dicitur ἀμύργη. Servius h. l.: „*amurca* per *c* scribitur, et per *g* pronunciatur, ut C. *Gaius*, *Cn. Gneus*.“ *Wr.*) Vss. 195. 196 leguntur ap. Columellam II, 10, 11. ubi e cod. receptum nunc *maderet*. 196 *igne* Mentel. pr. *Et — tamen*. Expectabam in aliquo libro iri inventum: *At, q.*, quod nunc reposuit Brunck. et Wakef. Sequebar enim alteram interpunctionem, ut iuncta essent: *Et, quamvis — maderent, Vidi lecta — degenerare tamen*. Ita fraudem fecerat iunctura: *quamvis* sequente *tamen*. Catroeus et alii huius versus fine maiorem ponunt στυγήν; ut adeo iungatur: *ut esset et ut maderent*: potest auctoritas peti e Colum. II, 10, 11. et in hoc nunc acquiesco, meliora edoctus. Antea enim in h. l. haerebam, quia vs. 196 ad semina serenda referebam cum aliis. At si monitus fueris, eum versum de leguminibus e semine natis agere, statim apparet, id agi, quod ap. Pallad. XII, 1 est: *Graeci asserunt, fabae semina — nitrata, aqua respersa, cocturam non habere difficilem*.

praestat: *Area nequidquam teret culmos*, utpote *pingues*, abundantes, *palea*, non granis. Potest enim etiam iungi: *area teret culmos nequidquam*, frustra, inutiliter, *pingues*, cum non granis sint *pingues*, sed *palea*.

193. *Semina* leguminum intellige, nam paullo post: *siliquis fallacibus*; quas, quod Hallerus censebat, pro gluma seu folliculo dici posse haud arbitror, et me confirmat Plinius XVIII, 17 (45) et Colum. II, 10, 11. III, 10, 18, qui diserte Virgilium de faba loqui affirmant. cf. Pallad. XII, tit. 1. Geopon. II, 35, 2 add. c. 18, 1 et s. 12, item c. 41. Etsi verum est, in aliarum quoque frugum seminibus hoc idem tentatum esse, v. c. in tritico Plin.

XVIII, 73, amygdalis vid. Pallad. II, 15, §. 7. *Medicare* est inficere, macerare alienis succis. (De *amurca* vid. Schneid. ad Cat. c. 99. *Wr.*) 196. Non, ut olim cum aliis, etiam Dickson To. II, p. 43, statueram, ad *semina* hoc spectat, ut aqua ad ignem modicum coqui, h. e. humectari et molliri, a nonnullis fabas serendas dicat, ut eo citius in agro progerminent; sed de leguminibus e semine natis: humectari semina serenda ait, ut legumina aliquando eo faciliorem coctionem habeant, citius coquantur. *Siliquae fallaces*, quia saepe, folliculi cum inanes sunt, maiores videntur, ut Servius etiam exposuit. 196. et, *ut properata maderent, propere aqua fervente maderent* mollita,

Vidi lecta diu et multo spectata labore  
 Degenerare tamen, ni vis humana quotannis  
 Maxuma quaeque manu legeret; sic omnia fatis  
 In peius ruere, ac retro sublapsa referri; 200  
 Non aliter, quam qui adverso vix flumine lembum  
 Remigiis subigit, si brachia forte remisit,  
 Atque illum in praeceps pronò rapit alveus amni.

198. TAMEN: 200. REFERRI.

197 *Vidi ego* laudat Colum. II, 9, 12, sed altero loco, III, 10, 8, abest. Utrobique vss. 197 — 200 adscripti sunt. *laeta* Zulich. et abest Moret. qu. *expectata* idem cum Leid. sec. et Voss. *Vidi lecta manu* Mead. ap. Martin., non male. (adscitum hoc e vs. 199. *W*r.) Duplex est interpungendi ratio: *Vidi lecta diu, et* et altera post *Vidi lecta, diu et m.* 199 *manus* Medic. a m. pr. *legerent* Parrhas. a m. pr. 200 *sublata* Moret. fragm., et Boecler., ut etiam variatur Aen. II, 169. Pro *ac* legitur *hac, et.* pro *ruere* Wakef. *fluere.* idque se fidenter reposuisse ait in ipso carmine, quod factum nolis. Nondum vidi qui diceret, *In peius fluere.* At labimur, ruimus, in proclive, in praeceps, in malum. Versus iterum legitur Aen. II, 169. 201 *qui ex adverso fl.* Leid. sec. 202 *subicit* Serv. quod captat et pro vero habet Wakef. ad Lucret. VI, 719. *subiit* Mentel. pr. *remigio* Leid. pr. vid. ad Aen. VI, 302. 203 *trahit* Romanus. vid. Burm. in *prono praeceps* legi testatur Pierius; et sic est in Rom. *amne* vulgo ante Heius.

mollirentur, citius coquerentur, igni quantumvis modico. *spectata*, dum leguntur, explorata. 199. Grandissima semina legere nostri poetae auctoritate iubet Columella II, 9, §. 11. 12. conf. Varro I, 52, 1 *Quae seges grandissima atque optima fuerit, seorsum in aream secerni oportet spicas, ut semen optimum habeas.* conf. Geopon. II, 16. *vis humana*, hominum opera, h. homines; habuit in animo Lucret. V, 207. 208 *Quod superest arvi, tamen id Natura sua vi Sentibus obducat, ni vis humana resistat.* 200. Aen. II, 169 *Ex illo fluere et retro sublapsa referri Res Danaum.* (De singulari hoc Infinitivi absoluti genere vid. Q. V. XXX, 4. *W*r.) 203. *Atque iam* Gell. X, 29 et Serv. interpretati sunt, *statim.* conf.

Burm. Et est haud dubie ea antiqua loquendi ratio. Sic in XII tabb. *Si in ius vocat; atque eat*, ubi vid. Intpp. Nisi tamen auctoritati parendum putes: ita facere necesse non duco, modo suppleas: *Non aliter, quam is retro sublapsus refertur*, qui navigium agit, — *atque illum in praeceps pronò rapit alveus amni.* aut, si magis etiam subtilia captes: *non aliter quam* lembus *refertur, si is, qui adverso vix flumine eum remigiis subigit, brachia forte remisit atque illum lembum in praeceps rapit amnis pronò alveo.* Malo sequi simpliciora. (Omnis difficultas in eo est posita, quod a passivo ad activum transitur. Sunt autem haec ita constituenda: *Non aliter, quam is, qui vix summa virium contentione lembum re-*



Praeterea tam sunt Arcturi sidera nobis  
 Haedorumque dies servandi et lucidus Anguis, 205  
 Quam quibus in patriam ventosa per aequora vectis  
 Pontus et ostriferi fauces tentantur Abydi.  
 Libra die somnique pares ubi fecerit horas,

204 *tam sint* unus Moret. 205 *dies signandi* Schol. Horat. Carm. III, 1 laudat. vid. Burm. 207 *ostriferae* fragm. Moret. Rariorem formam δ "Αβυδος sequutus esse videtur poeta; nescio qua auctoritate. *fontes* pro *fauces* vitiose Ven. (*fauces repetantur* cod. Spohn. *Wr.*) 208 *die*, vulgo editum, Medic. a m. pr. cum ceteris codd. agnoscit, et Priscianus, Donatus, Probus. Contra Charisius *dii* scriptum fuisse contendit; scilicet *diei* contracte modo *die* modo *dii* pronuntiatum est. (vid. Aen. I, 636. et Burm. ad Anthol. Lat. I. V, 41, 2. *Wr.*) At Gellius N. A. IX, 14 iis credere se ait, qui *dies* in ipso Virgilii apographo lectum fuisse traderent; cum antiqui eodem modo secundum casum extulerint. vid. h. l. Heins. In Romano ap. Pierium *diei* scriptum erat, in reliquis *die*. (*die* in Medic., sed minio supra scripta *i*, ut fiat *diei*. De variis Genit. quintae Declinat. formis vid. Schneider. Gr. Lat. T. II. Vol. I. pag. 355. sqq. Facile autem adducor, ut credam Gellio, antiquissimo testi, *dies* Virgilium exarasse; modo ne eam genitivi esse formam putes, sed accusativi plural. Quum autem proximum vocabulum a consona *s* incipiat, praecedens *s* facile absorberi potuit, praesertim quum altera syllaba vocabuli *dies* circumflecteretur ideoque sono obscuriore, quam a nobis solet, pronunciaretur ab antiquis. Fuerunt etiam fortassis, qui, genitivum requiri opinantes, ultimam litteram eicerent. Interim reliqui *die* in textu. *Wr.*) *fecerat* Zulich. *cum* ed. Mediol.

migiis subigit, simulac brachia forte remiserit, retro sublapsus refertur et in praecipit. *Wr.*)

204. Agricolis siderum ortus et occasus non minus sunt servandi quam navigantibus; vid. Colum. XI, 7, 31. Hoc ornat: iis, qui in Pontum et Hellespontum navigant. *tentare* est adire. Ge. III, 8 *tentanda via est* etc., quamquam proprie ad iter ignotum et periculosum referri debuit. Maluit memorare redeuntes in patriam, quam iter longinquum facientes: *in patriam vectis*, redeuntibus ex Ponto Euxino per Hellespontum in mare Aegaeum. (*vectis*, i. e. qui vehuntur; vid. Q. V. XXVIII, 3. *Wr.*) *Abydus* ostreis nobilis. v. Fulv. Ursinus et Cerda;

etiam nostra aetate: vid. Guys (*Voyage litteraire de la Grece* T. II, p. 238). Ex sideribus vero poetico more sigillatim aliquot septemtrionalia enumerat, quorum cum ortu procellae ingruunt. Ceterum Plinius ad h. l. respexit libr. XVIII, sect. 56, et omnem, qui sequitur, locum de temporum observatione accurate ante Maronem tractaverat Varro R. R. I, 27 — 37. quem omnino ad manus habeas in Marone legendo.

208. Ab aequinoctio autumnali usque ad brumam, solstitium brumale, hordei sationem esse ait. Pulcritudo loci, ex forma signi, *librae*, petita, obvia, quam multi imitando assequi studuerunt, inprimis Lucan. IV, 58. 59. VIII, 467. 469. Colum. X, 42 *Cum paribus Titan*

Et medium luci atque umbris iam dividit orbem:  
 Exercete, viri, tauros; serite hordea campis 210  
 Usque sub extremum brumae intractabilis imbrem;  
 Nec non et lini segetem et Cereale papaver

209 *dividit* Heins. e melioribus; *dividet* intulerat Naugerius Ald. tert. (*dividet* 3. 8. 12. 14. et Serv. Dresd. vid. notata ad vs. 450. *Wr.*) 210 Servius: *hordea* usurpative ait; — *sane reprehensus Virgilius dicitur a Bivio et Maevio hoc versu*: Hordea qui dixit, superest, ut tritica dicat.

*orbem libraverit horis.* Horae autem *pares*, quia dies tam aestivus quam hibernus duodecim horis, sed longioris modo, modo brevioris spatii, absolvebatur, adeoque horae, uti etiamnum in Italia, pro dierum spatiis erant impares. *somnus* pro nocte. *Libra*, h. sol in libra, *dividit orbem*, h. caelum, *medium luci atque umbris*, h. inter diem et noctem dividit, in linea aequinoctiali constitutus, dum nec versus arcticum neque ad antarcticum polum processit, neque adeo alterutri parti longiores dies noctesve attulit. *bruma intractabilis*, dura, aspera, ut alias *indomita*, quae vix vinci, superari, tolerari potest. Sic melius, quam ut sit, in qua propter frigoris rigorem nulla res tractari, agi, potest; ita Iustinus XXIV, 4, 4 *loca frigore intractabilia* dixit. *extremum imbrem* noli urgere; est dictum pro, *usque ad brumam*; solstitium brumale. Extrema ea anni est pars, itaque adiectum epitheton *extrema bruma* hoc translatum ad *imbrem*: in quo est cogitandum de caelo Italiae, in quo hiemale tempus magna sui parte pluvium est; adeoque pro, usque ad brumale frigus, dici potest, usque ad brumales im-

bres. Ita non peccat Maro in praeceptum agricolarum ap. Plinium XVIII, s. 56 *Inter omnes autem convenit, circa brumam serendum non esse*, de quo cf. Dickson T. II, p. 175 sq. Colum. II, 9 et al. Varro I, 34. Plin. XVIII, 10, §. 1. 24, s. 56, inpr. Geopon. II, 14; hinc messis nec minus maturior. Si versus in poeta alius regionis ac caeli occurreret, posset sane sic accipi, ut bruma omnino sit tempus hibernum, cuius pars prior pluviosa sit, quam nix et glacies tamquam altera pars exciperet; esse adeo hordeum serendum usque ad extremos imbres ante frigus ingruens. Verum scriptores laudati brumam, solstitium hiemale, diserte memorant. De *hordeo* post aequinoctium serendo expresse monent Geopon. II, 14, 3. Plin. Colum. l. c. De *lino* v. 212 diversa idem Plinius, etiam de Transpadanis, tradit XVIII, 56. Decembri mense linum serere iubet Columella II, 10, 17. *papaver Cereale*, quia Cereris ornamentum symbolicum esse solet, in signis et apud poetas. *incumbere aratri*: omnino mature arandum esse praecipit, etsi etiam ad lini et papaveris sationem terra aratur. *nubila pendent*, eleganter e natura rei,

Tempus humo tegere, et iamdudum incumbere  
aratri:

Dum sicca tellure licet, dum nubila pendent.

Vere fabis satio; tum te quoque, Medica, pu-  
tres 215

213. TEGERE;

213 *rastris* in Romano et multis ap. Heins. et Pierium et in utroque Goth. Sic quoque quatuor apud Martinum, qui ita exprimi curavit cum Brunckio et Wakefield. ex ed. ant. et placere possunt *rastri*, quia de *lini* et *papaveris* satione agitur iam facta, cui succedit sarritio: at aratio praecesserat. Insolentius sic dictum videri posset *incumbere rastris*: liceret tamen cogitare de *rastris iniquo pondere*: v. 164. Sed versus sequens declarat satis, poetam praeceptum de aratione tempestive facienda summatim iterare maluisse: eadem autem nec minus ager lino conserendus indiget. *rutris* Mentel. a m. pr. (*aratri*, prior est, *rastris* altera lectio Medicei; *aratri* etiam 2. 5. 7. 8. Vitiosa Mentel. lectio mendi videtur originem indicare; fraudi fuit elidendi ratio. *Wr.*) *humo est tegere* Zulich. *et dudum* idem cum Moret. qu. 215 *satio est* Seneca epist. 86 et Parrhas. *cum te* idem et Toll. *tunc te* Seneca ibid.

nubibus nondum in imbres solutis. Laudat versum Colum. II, 8, 3.

215—218. Vere seritur faba, s. legumina, medica et milium. *Medica*, herba a Medis advecta per bella Persarum Graecis illata, pabuli genus praestantissimi; vid. Plin. XVIII, 43. Strabo lib. XI, p. 796 C.; nostrum *Luzerne*. v. Millers *Gardener's Dictionary* h. v. et auctores botanices, imprimis Hallerum de plantis pabularibus p. II, T. I. Nov. Comment. Soc. Gotting. Est idem *ῶκύθοον τριπέτῃλον* apud Callimach. in Dian. 165, ubi cf. Spanh. Eius laus et cura ap. Colum. II, 11, §. 2. *Fabae*, cuius diversum a nostra faba genus, et rotundum ac parvum legumen veteribus in usu erat. vid. Indic. Scriptt. R. R.; non idem omnibus serendi tempus, imprimis si Columellam lib. II, c. 10, §. 9 compares. Verum Plinius: *Virgilius eam per ver*

*seri iubet, Circumpadanae Italiae ritu*, XVIII, 12, 30, p. 115. Sed quam varie, quam copiose, extulit singula haec poeta! *putres* sulci, fractis et comminutis crebra aratione, stercoratione et frigoris penetrabili vi glebis. v. Ge. II, 204 et al. Colum. II, 11, 3 *Locum, in quo Medicam proximo vere saturus es, proscindito circa Calendas Octobris, et eum tota hieme putrescere sinito. Milium* non vere modo, sed et aestate (hoc iam Hesiodi aetate, quem vid. in Cliepo 398. 399) et hieme serebatur; undecolumnia Senecae Epist. LXXXVI, de qua vid. Cerda et Martinus. Vere tamen commodissima satio, vid. Colum. II, 9, 18. XI, 2, 33. Pallad. IV, tit. 3. Geopon. II, 38. *milio venit annua cura* poetica copia dictum quidem pro, milium seritur. v. Colum. II, 9 extr. Plin. XVIII, 26, sect. 66 extr.; sed cum respectu medicae, quae ex uno satu denis



Adciipiunt sulci, et milio venit annua cura:  
Candidus auratis aperit quum cornibus annum  
Taurus, et adverso cedens Canis occidit astro.

216 *Accipiant* alt. Menag. et ed. Ven. *Accipient* Parrhas. 217 *dum* Menag. pr. 218 Disputationes de h. l. vide ap. Heinsium: tam parum expeditas et explicitas, ut non eruditior sed incertior hinc discedas. Vulgata lectio erat *adverso*: conveniunt in hac Medic. et Romanus, diversarum alias sectarum duces, cum iisdem alii. (sic 11. 12. 14. *Wr.*) Reposuit *averso* Heins. Gudianum, Mentel. utrumque, fragmentum Voss. et Servium sequutus: sic et Goth. sec., et *averso incedens* Medic. Pierii. Cum tamen perpetua in his vocibus sit scripturae varietas: ex ipsa lectione, utrinque bonis codd. munita, etsi *adverso* vel sic maiorem auctoritatem codicum habet, confici controversia nequit. Atqui ad sensum nec minus utraque lectio satis convenit. Si *averso astro* retinere malis, iustas habes causas: quod omnino *fugae* accommodata vox *aversus*, nam qui fugit, non adversus, sed aversus cedit; recte modo verborum iuncturam instituas; iungenda enim sunt, *Canis averso astro cedens*, h. e. Canis aversus cedens, non ut *averso astro* sit, Tauro. Accedit quod Canis pedibus et cauda prius occidit quam humeris ac fronte: ut bene Pfaff monuit de ortu et occasu sider. p. 60. Si *adverso* tueris, tum *cedens astro adverso Canis* aut intelligi potest, *cedens soli* ex adverso posito, ut apud Columellam X, 54 *Solis et adversos metuent Atlantides ortus*; aut *cedens Tauro*, astro sibi ex adverso posito; haec lectio et interpretatio, more et usu poetico firmata, praeferenda videri potest propterea, quia secundum astrorum picturas veteres, ut in Farnesia tabula, quas poetae sequi fere solent (v. inf. Not. ad IV, 233), Cani *adversus Taurus* sedet. Iam autem ex poetae mente, si penitus consideres, vis praecipua phantasmatis in Tauri capite minaci posita esse videtur, itaque *astro adverso*, casu tertio, ut cedat Canis Tauro sibi adverso, nunc praetuli: inprimis, quia sic maior codicum auctoritas ius suum in iudicio critico faciendo servat.

(nam apud Plinium l. l. corrupte *tricens* legitur) annis durat.

217. 218. *Vere* — *quum*. Ineunte vere, sole in Taurum ingresso. Ad tempora designanda poetae amant siderum motum commemorare, quoniam ea ratio poeticum ornatum admittit. *Taurus* est signum verni temporis; eum Sol illo tempore adibat IV Kal. Maias. conf. Petav. Auctar. Op. de doct. temp. VII, 3. *Candidus*, quatenus sidera fulgentia *candida* dicuntur, *auratis cornibus*, rutilantibus propter lucidissimas in fronte stellas, *aperit annum*, cum anni tempus id, quo tellus resoluta flores herbasque effundit, tum

incipiat; sed quam suaviter! Emergere sidus Tauri et adscondere caelum tum videri potest; cornibus itaque et capite quasi nixus viam sibi facit, qua specie in asterismis et tabulis Orbis caelestis exhiberi solet, et multo magis olim exhibitus fuit: vide Farnesiam tabulam apud Gorium Thes. Gemmar. ant. T. III, item apud Spencium *Polymet.* tab. XXIV. Servius hic nimum argute. *Canis* vero, Sirius, tum occidit heliace, h. occultatur, conspici amplius non potest, sole nimum vicino: sic iam Macrob. Somn. Scip. 1, 18 exposuit. *cedit adverso astro* simplicissimum est accipere poetica ratione de Cane

At si triticeam in messem robustaque farra  
 Exercebis humum, solisque instabis aristas: 220  
 Ante tibi Eoae Atlantides abscondantur,

219 *triticea* Goth. sec. a m. sec. (*triticiam* Medic. Wr.) in abest a Moret. sec. in *mensem* Gud. 220 *solidisque* non malam Waddelii (Animadv. Crit. pag. 7) coniecturam memorat Burmannus. 221 *abscondentur* Gud.

occidente, eoque ipso fugienti simili inprimis cum retro cedere videatur occidendo; nam in sphaera sedet, adversam habens Tauri frontem. Ergo cedit Tauro minaci, instanti cornibus: casu tertio; quod ex tabulae astronomicae adspectu facile percipies. Alias iunctura fieri possit non uno modo, ut sit Canis ipse astro adverso cedens: casu sexto. Possit et astrum adversum esse Sol, a quo occultatur Canis. Quae pro altera lectione *Averso astro* dici possunt, in Var. Lect. attuli. Argutias interpretum vid. ap. Heinsium, Martinum, Spencium pag. 174. Rem expedit Colum. XI, 2, §. 36 *XV Cal. Maias sol in Taurum transitum facit* — *Pridie Cal. Maias Canis se vespere celat.*

219 — 224. Tritici et farris satio non fit nisi post matutinum occasum cosmicum Pleiadum, et post ortum heliacum Coronae, h. mense Octobri. 219. *Triticum* veterum diversi a nostro generis fuisse, inde colligit Martinus, quod v. 202 et apud Varr. de R. R. I, 48, 1 *arista* h. acus tenuis e gluma prominens ei tribuitur. Verum sunt omnino plures, quas vocant species, ut post Dodonaeum ac Manettum docuit Hallerus, de Cerealiis; Nov. Comment. To. V. *Far* (nobis *Dünkel*) *robustum*, sive cuius

praestantia e pondere censetur, ut apud Colum. II, 6, 1 *tritici genus, robur dictum, quoniam et pondere et nitore praestet*, sive, et hoc verius, quod aeris, ventorum pluviarumque ac frigoris iniuriam melius, quam alia frumenti genera, ferre possit; in quam sententiam apud Theophrast. de Caussis Plant. IV, 6 toto capite *πυρὸς ἢ κριθὴ* inter *τὰ ἰσχυρότατα* referuntur. 220. *solis instabis aristas*, frumenti solius, tritici et farris, curam et rationem habebis. 221. Pleiades seu Vergiliae, *Atlantis filiae, absconduntur Eoae*, matutinae, h. occidunt matutino tempore, mane subnervuntur in occidentali parte, dum sol interea ab oriente emergit. *Absconduntur autem*, ita laudatis verbis poetae nostri interpretationem subiungit Columella II, 8, 1, *altero et trigesimo die post auctumnale aequinoctium, quod fere conficitur nono Cal. Octobris: propter quod intelligi debet tritici satio dierum sex et quadraginta ab occasu Vergiliarum, qui sit a. d. IX Calend. Novembr. ad brumae tempora.* Columellae sementem etiam citra Cal. Octobr. fieri placet. Sed vid. loc. Idem lib. XI, 2, 77 *XIII et XII Cal. Novembr. solis exortu Vergiliae incipiunt occidere; tempestatem significat* — *V Cal. Novembr.*

## Gnosiaque ardentis decedat stella Coronae,

222 Alii *Cnosia* scribunt, variatione sollemni. *discedat Ven. descendat* Mead. unus. *succedat* coniiciebat Reiskius. Io. Schrader. *procedat*. h. oria-  
tur, ut tollatur dubitatio de h. l. Scilicet, aut in verbis aut in iudicio Vir-  
gilii vitium esse necesse est. Est autem in iudicio; et errat Maro. vid. Not.

*Vergiliae occidunt*. Plin. XVIII, 56 (24) *Virgilius triticum et far a Vergiliarum occasu seri iubet: hordeum inter aequinoctium autumni et brumam; viciam vero, faseolum et lentem, Boote occidente*. Sed idem diversa fere agricolarum hac in re esse instituta deinceps exponit. Respexisse autem noster Hesiodum putatur in notis versibus *Eoy.* 383. 615. Omnino tenendum, Graecos a Pleiadum ortu, medio Maio, aetatem ac messem, ab occasu hiemem cum aratione ac semente duxisse. Loc. class. Arat. Phaen. 264 sqq., ubi Schol. p. 35 ed. Oxon. recentius Scholion, et pag. 36 antiquius videndum. conf. Plin. XVIII, 29. Theophr. de Caus. Plant. III, 28. Schol. Aeschyli Prometh. 457. Ex artis praeceptis de re disputat Petav. Auctar. Operis de Doctrina Temp. II, 9. conf. inf. ad Georg. IV, 231 sqq. Add. Bayer. in Comment. Petropol. To. V, p. 391. Spectat huc b. Afric. 47 *Vergiliarum signo confecto*. ubi cf. Morum. 222. *Gnosia stella Coronae ardentis* est sidus Coronae, novem stellarum, a corona Ariadnes, quam Bacchus caelo affixit, appellatum; erat autem Ariadne Minois, regis Cretae, filia, in qua *Gnosus* urbs. vid. Arat. Phaen. 71 et ibi Grot. ad imag. p. 33 sq. *Ardet stella*, dum lucet, fulget; *stella Coronae me-*

moratur, aut quia inter ceteras huius sideris stellas una est luculentissima omniumque prima conspicitur; aut *stella* h. l. pro sidere. Si *stella decedere* dicitur, id nihil aliud, quam occidere aut occultari, est. Ad hanc tamen anni partem, m. Octobrem, non occasum sideris huius pertinere, sed ortum, docent astronomi, et qui inde sua petiere: Hygin. Astron. 5 *Haec Cancro et Leone exoriente occidit, exoritur cum Scorpio Nonis Octobris*. Columella XI, 2, 51 *IV Non. Iul. Corona occidit mane*; et §. 73 *III Non. Octobr. Corona incipit exoriri — VIII Id. Octobr. Coronae clara stella exoritur — III et pridie Idus Octob. Corona tota mane exoritur*. conf. Plin. XVIII, 74 pr. Hanc difficultatem, nihil enim codices variant, ita post Servium viri docti tollunt, ut stellam oriri et emergere heliace non aliter dicant, quam ut recedat a sole, *decedat*, quo videri iam non possit: ut adeo *decedere* h. l. ortum designet. At hoc fit invito sermonis genio. Nam perpetuo usu loquendi sidus, quod oritur, *subire*, *succedere*, uti *ascendere*, *emergere*, dicitur: non vero *decedere*. Poterat commentarii loco esse Columellae imitatio lib. X, 52 *Expectetur hiems, dum Bacchi Gnosius ardor Aequare caeruleo celetur, vertice mundi* (h. verti-



Debita quam sulcis conmittas semina, quamque  
 Invitae properes anni spem credere terrae.  
 Multi ante occasum Maiæ coepere: sed illos 225  
 Expectata seges vanis elusit aristis.  
 Si vero viciamque seres vilemque faselum,  
 Nec Pelusiacæ curam adspernabere lentis:

223 *quamquam* Moret. sec. 224 *caedere* Medic. vid. Burm. *properis* Gud. 226 *aristis* Heins. e Medic. fragm. Voss. Moret. pr. et vet. Grammaticis: ut iam Pierius ex Rom. et aliis notarat. *aristis* etiam Goth. sec. habet. Vulgata lectio erat *avenis*; quod proprie hac in re dicitur; et quod post Pierium prae tulit Cuningham. Videtur tamen proclivior error fuisse, ut ad *avenis* aliquis deflecteret, quam vice versa. (quod mihi secus videtur; sed quum veterrimorum librorum et Grammaticorum, veterum quoque Interpretum, quorum silentium in tali re testimonii pondus habet, auctoritas propugnet lectionem Heynio probatam, malim ita statuere, *avenis*, quod Voss. et Iahn. receperunt, deberi librariis propinqui voc. *vanis* sono deceptis; atque aurium iudicio si aliquid dandum, nemini facile placebit *vanis avenis*. Wr.) *acervis* Arundel. et Cantabr. Vide hic Martinum. *eluxit* Voss. *delusit* Parrhas. *illusit* Rom. 227 Alii *phaselum*, *phasillum*, *fasellum vitiamque*. (*phaselum* cum ceteris vetustioribus etiam Medic.; neque aliter Ge. IV, 289. Wr.)

gine et circumactione caeli), *Solis et adversos metuant Atlantides ortus*: quo quidem loco proceletur legitur *celeretur*, *curve-tur*; nullus tamen dubito *cele-tur* ibi esse veram lectionem ex Virgilii imitatione profectam, Virgilium autem in erroneum calculum incidisse, dum Democriteam rationem sequebatur, quam servavit Geoponicorum auctor ex Didymo lib. II, 14 *Δημόκριτος δὲ φυσικὴν τινα παρατήρησιν παραδιδούς, περὶ τὴν τοῦ Στεφάνου μάλιστα δύσιν σπεῖρειν συμβουλεύει. — ἄρχεται δὲ ὡς ἐπὶ τὸ πολὺ ἢ τοῦ Στεφάνου δύσις ἐν τοῖς κατὰ Φοινίκην τόποις τῇ πρὸ ἑπτὰ καλανδῶν Δεκεμβρίων* etc. Dubitari igitur nequit, quod dixi, e mente Virgilii occidere Coronam sub exitum Novembris et praecipui sub istud tempus tritici sationem. (vid. Q. V. XXXX, 3. Wr.) 223. 24. Ornatissimi versus! in-

*vitae* terrae, quandoquidem aratione subigenda est.

225. *ante occasum Maiæ*, h. Pleiadum, e quibus una Maia est. Ad rem Xenoph. Oeconom. c. XVII, 2. Columella XI, 2, 80 *Vetus est agricolarum proverbium, Maturam sationem saepe decipere solere, seram numquam, quin mala sit*; quod et Plin. memorat XVIII, 56. Posterius iam Hesiodus monuerat *Egy.* 479 sqq. cf. Geopon. II, 14, pag. 129.

227 — 230. Viciae, faseli, et lentis satio sub initium mensis Novembris usque ad multam hiemem. In his autem omnibus clementioris caeli nos memores esse fas est. *Faselus* est genus fabarum, quod nobis *Bona porcina* et *Turcica*. vid. Index Scrip. R. R.; propter frequentiam *vilis* dicta. 228. *Lentis* magna praestantia et copia apud Aegyptios; vid. Plin. XVIII, 31;

Haud obscura cadens mittet tibi signa Bootes;  
Incipe, et ad medias sementem extende pruinas. 230

Idcirco certis dimensum partibus orbem  
Per duodena regit mundi Sol aureus astra.  
Quinque tenent coelum zonae: quarum una corusco  
Semper sole rubens, et torrida semper ab igni;  
Quam circum extremae dextra laevaue trahun-  
tur, 235

229 *Aut* Gud. et Goth. sec. *mittit* Medic. fragm. Voss. Ven. *mittat* Menag. alt. 230 *expende* Roman. Arundel. unus hic repetebat v. 213 *Tempus humo tegere et iamdudum incumbere aratris.* 231 *Dimensum certis idcirco* p. Zulich. *demensum* Reg. et Iunt. ed. ex Ald. pr. (sic etiam 3. 4. 14. *Wr.*) *annum pro orbem* habet Rottend. alt. 232 *regat* Leid. alter. 233 *caeli alios legere* a Reiskio notatum video. (*coruscho* Medic., sed *h* puncto notata. *Wr.*) 234 *ab igni est* Interpres Cruqu. ad Horat. Od. I, 22. ed. Nuremberg. et Goth. pr. (et ita Iahnus edidit; non recte; vid. Q. V. XV, 6. *Wr.*) Alii *ab igne*.

igitur epitheto ab Aegypti urbe petito ornatur. 229. *Bootes*, qui et *Arctophylax*, cum stella *Arcturo*, occasu suo tempus serendae viciae *certum* indicat. *Colum.* XI, 2, 78 *IV Cal. Nov. Arcturus vespere occidit.* et *Plin.* XVIII, 74 *Pridie Calendas* (Novembres) *Caesari arcturus occidit.* *Quarto Nonas arcturus occidit vesperi.* Vide de lentis satione *Colum.* lib. II, c. 10, §. 15, et *Plin.* XVIII, 31 cum Emen-dat. *Hard.* XII. *Palladius* XII, 1, 1 *Novembri — nunc seritur prima lenticula.*

231 sqq. De zonis caeli et Zodiaco. Ut ad anni vices et siderum ortus et occasus operis rustici tempora definiri possint, solem certum per caelum cursum tenere ait, v. 231 — 256.

232. Ambiguum, fere ut v. 6 in voc. *coelo*, cui verbo τὸ mundi iungendum sit. *orbis mundi* bene diceretur. *Sol mundi*, *sol coeli*, otiose; his modis ponderatis, praestat iungere, *Astra*

*mundi* h. caeli, ut passim *sidera caeli*, ut inf. 335 *caeli menses et sidera.* Etsi post *dimensum certis partibus*, scil. spatiis, quae eadem XII signa occupant, *orbem* h. caelum illud apponit. *Caelum regit Sol per duodecim signa*, quatenus cursu eius per illa facto constituuntur ea, quae in caelo sunt, siderum motus ac tempora. Adumbravit autem haec poeta ex *Erato-sthenis* versibus πέντε δὲ οἱ ζῶναι περιειλάδες ἐσπείρηντο (*tenent caelum*)· αἱ δὲ δύο μὲν γλαυκοῖο κελαινότεραι κυάνοιο (*caerulea glacie concretae atque imbribus atris* et de iisdem mox αἰεὶ φρικαλέαι αἰεὶ θ' ὕδατι νοσέουσai), ἡ δὲ μία ψαφαρὴ τε καὶ ἐκ πυρὸς οἶον ἐρυθρὴ (*corusco semper sole rubens, et torrida semper ab igni*). (vid. ed. Oxon. *Arati* p. 46.) apud *Heraclidem* de *Allegoriis Homer.* p. 476. conf. *Tibull.* IV, 1, 151 sqq. 233. *coelum* nunc proprie tellus est, caelo subiecta. 235. *extremae*

Caerulea glacie concretae atque imbris atris;  
 Has inter mediamque duae mortalibus aegris  
 Munere concessae divom; et via secta per ambas,  
 Obliquus qua se signorum verteret ordo.  
 Mundus ut ad Scythiam Rhipaeasque arduus ar-  
 cis 240

Consurgit: premitur Libyae devexus in Austros.  
 Hic vertex nobis semper sublimis: at illum

236. ATRIS, 238. DIVOM; VIA

236 *Caeruleae glaciae* in Medic. Similis aberratio in aliis libris apud Pierium et Martin., quibus apparet, olim in nonnullis *caeruleae* ad *zonae* retractum fuisse. 238 *concessit* Goth. pr. *et via secta* Medic. cum aliis, item utroque Gothano. Heinsius f. *it.* (*et via* plerique codd. cum Hygino; sic etiam Ald. tert. Nec dubitavi copulam revocare. Neque enim, unde illata sit, apparet, et quum haec ad vs. 231. sq. respiciant, aegre desideratur; defenditur etiam verbo *verteret*: concesserunt has singulari beneficio mortalibus dei, viamque per ambas secuerunt, qua se verteret etc. *Wr.*) 239 *verterit* Leid. pr. *signorum* — *orbis* tentat Io. Schrader.: quod sane et ipsum bonum esset. Sic *signifer orbis*: vid. Lucret. V, 690. At nec minus *ordo signorum* bene se habet. Sic v. c. Manil. I, 563 *Fila* — *per quae dirigitur signorum flammeus ordo*. 240 *Rhipaeas*. τὰ Ῥίπαια ὄρη. libri fere *Riphaeas*. Iterum Ge. III, 381, 2. (adspiratio deest in Potterii libris omnibus. Medic. *Ripheas*, ut etiam Serv. Dresd. Idem Medic. Ge. III, 382. *Ripaeo*, supra p scripta h; et IV, 518. *Riphaeis*; priore loco Serv. Dresd. *Rhipheo*. Serv. ad Aen. IX, 82.: „*Ripaei*, montes Arcadiae, non scribuntur cum adspiratione; quam addimus, cum *Riphaeos*, montes Scythiae, significamus“; sed *adimimus* pro *addimus*, e cod. Daven- triensi enotatum a Rhoer. Ferae Davent. p. 73. Ceterum *arces* Medic. *Wr.*) 241 *diversus* ed. Ven. *ad austros* ed. Mediol. 242 *nobis sublimis* semper Moret. sec. *et illum* duo. *at illum*, *sub pedibus*, *Styx atra videt*, h. qui est sub pedibus nostris, distinguit Wakef. vid. Not.

sunt in extrema parte positae; et *trahuntur* est plenius pro *sunt*; nos vulgo, extendunt se. Ducuntur enim circuli paralleli. 236. *concretae* proprie quidem tantum *glacie*; sed eadem tempestas *atros imbres*, ὄμβρους ζοφόντας, affert, et recte adiuncta ad idem verbum referuntur. Eratosth. l. I. Αἰὲι κρυμμένα, αἰὲν δ' ὕδατι μογέουσιν, laborantes. 237. *aegris* cum dilectu h. l. positum epitheton pro miseris; δειλοὶ βροτοὶ Homeri.

238. Zodiaci descriptio; et mox poli arctici et antarctici.

Quae sequuntur, facile e sphaerae caelestis doctrina intelliguntur. *per ambas*, inter, ut v. 245 *per duas Arctos*. vid. Macrob. in Somn. Scip. II, cap. 8. 240. Omnia ad sensus nostros dicta, si sphaeram ante oculos positam habemus. *Mundus* et hic pro caelo. *arces* poetis omnino pro locis excelsis, adeoque et pro montium iugis. vid. inf. IV, 461 et saepe. 241. ita *premitur devexus* ornate pro *vergit*, ut *consurgit*, elevatur. 242. *Hic vertex*, polus arcticus, *nobis semper sublimis*, eoque conspicuus.



Sub pedibus Styx atra videt Manesque profundi.  
 Maxumus hic flexu sinuoso elabitur Anguis  
 Circum perque duas in morem fluminis Arctos, 245  
 Arctos Oceani metuentis aequore tingui:

### 245: CIRCUM,

244 *labitur* Rottend. alter, fragm. Moreti, unus Arundel. Sed *elabi* est simpliciter *labi*, *venire*, Aen. V, 151. IX, 632. Burm. (*Elabitur* minime idem, quod simplex *labitur*; illud de porrecto ultra utramque Ursam Angue accipiendum. Sic *elabi* de eo, quod emicat, Ge. II, 305.: „ignis, Qui furtim pingui primum sub cortice tectus, Robora comprehendit, frondesque elapsus in altis Ingentem caelo sonitum dedit.“ de eo, qui ceteros post se relinquit, Aen. V, 151.: „Gyas Effugit ante alios, primisque elabitur undis.“ Aen. IX, 632. minime debebat huc vocari. *Wr.*) hic et illic praeter morem dicta sunt pro illic in vertice nobis semper sublimi, hic, ut perhibent sq. hic, in parte caeli boreali, *anguis circum elabitur*; περιελίσσεται, ἀμφιελίσσεται. (Sustuli comma, quod erat post *Circum*; neque cum verbo, sed cum substantivo iungendum erat *circum*: *Circum Arctos et per Arctos*. Vid. etiam Q. V. XIII, 2, d. *Wr.*) 246 aequora aberratio duorum libr. *mergi* Arundel. unus. (*metuentes* Medic. *Wr.*)

ἀντίος ἐκ βορέαο. 243. Pulcerime pro, polus antarcticus latet, οὐκ ἐπίοπτος, ut Arat. Phaenom. v. 25, unde haec expressit Virgilius, *non cernitur*; ἀτδής est; quo modo *infera* omnia declarat Hades, ὁ Ἀΐδης, ἕδης. pro quo ponitur *Styx* et *Manes*. Iam: *sub pedibus*, si iungitur cum *videt*, sensus esset: vident illi *subter se* polum antarcticum, ei insistent: ita sequeretur, poetam Haden in medio terrae collocasse; quod alienum est et ab ipsa loci ratione et a communi poetarum ratione, quibus Hades et Tartarus sunt in imis locis subter nostris terris; necesse itaque est iungere: *illum sub pedibus*, alterum polum, qui nobis sub pedibus est, *Styx videt*: inferi suspiciunt, ut nos caelum. (Frustra se torquent Interpretes: iunge *Styx sub pedibus*, i. e. quae est sub pedibus nostris; sic solet ornan- di causa adiici *sub pedibus*: Aen.

IV, 491.: „mugire videbis sub pedibus terram.“ VI, 256.: „Sub pedibus mugire solum.“ *Wr.*)

244. 5 Circumlabitur, circumflectitur Draco, Ursae utrique implicitus. Servius laudat fragmentum Hesiodeum: ποταμῷ ξείοντι ξοικῶς. Sed tota sententia conversa ex Arato Phaen. 45—48 οἷη ποταμοῖο ἀπορῶς etc. 246. Septemtrionalia illa sidera, interque ea Ursam maiorem et minorem, Helicen et Cynosuram, nunquam occidere, infra δρίζοντα seu finitorem non descendere, semper nobis conspici, notum. Fundus poetici ornatus Homer. Iliad. σ, 489 et Odyss. ε, 273 sq., ubi conf. Intpp. et Toll. ad Apollonii Lex. Exc. V. Iis intervolvitur Draco. *metuentes tingui*, qui nunquam tinguntur, occidunt: quasi ab hoc sibi caveant, quod nunquam faciunt. Ἀρκτοι κτανέον πεφν- λαγμέναι ὠκεανοῖο dixerat Aratus l. l. cf. ad Horat. II Carm.

Illic, ut perhibent, aut intempesta silet nox,  
Semper et obtenta densantur nocte tenebrae;

248 *densentur* erat antiqua lectio: pro qua *densantur* induxit, quantum intelligo, Paullus Manutius moxque Commelin. Est ea Medicea lectio, aliorumque codd. At *densentur* Rom. cum multis antiquis: sic etiam Goth. pr.; reiiicit illud Burm., ne toties syllaba *en* redeat; in aliis locis *densent*, *densentur*, praefertur; ut inf. v. 419. Aen.-VII, 794. X, 432. (Heinsium si sequeris, ubique forma *densere* reducenda erit. Sed in tanta codicum dissensione difficile est, quid verum sit, invenire. Grammatici, ubicunque laudant versus Virgilianos, in quibus hoc verbum legitur, secundae Coniugationis formas exhibent; quorum auctoritate nihil aliud conficitur, quam perveterem eam fuisse lectionis discrepantiam. Et quum inde suspicari liceat, fuisse, qui ubique *densere* scripsisse Virgilium putarent, non mirabimur, ubique etiam codicum lectionem fluctuare. Equidem comparatis inter se Servio ac libro Mediceo ita statuendum puto: in Georgicis communem formam secutum esse Virgilium, alteram in Aeneide, excepto Aen. XII, 264.: „vos unanimes densate catervas“; Imperativo enim magis convenire videtur gravior ac plenior sonus formae *densare*. Cur ita statuam, has habeo causas: Servius, quum Aen. VII, 794. X, 432. XI, 650. diserte de forma *densere* admoneret, silet Ge. I, 248. 419. Aen. XII, 264. Et *densantur*, *densate*, in Mediceo conspicitur Ge. I, 248. Aen. XII, 264., et quum Ge. I, 419. in eodem exaratum esset *denset*, minio supra appicta est *A*; contra *densentur* Medic. praebet Aen. VII, 794.; et ibid. XI, 650., ubi a m. pr. *densat* scriptum erat, perfossa *A*, supra scripta est *E*; semelidem codex, Aen. X, 432., non conspirat cum Servio; quod quum semel fiat, nullam habere debet vim. Ceterum cfr. Q. V. XVI, 4. *W*r.) *obducta* alter Rottend., ex interpretatione. v. Burm. *silet nox — obducta nocte*: parum suaviter! Saltem *nube* dixisset! Coniicit quoque hoc idem Io. Schrader. in Schedis. (Male Wunderlich. Obs. ad Tibull. I, 5, 52., hunc Virgilii versum laudans, adverb. *semper* ad praegressa referendum et comma, quod post *nox* ponitur, tollendum censet, non sentiens, pessumdari ita numerorum singularem elegantiam atque gravitatem. Nam sexta decima caesura ubi admittitur, necesse est vocem paulum subsistere in fine versus; nec spero, ad impugnandam hanc sententiam quemquam usurum esse vs. 181., aut si quis exstat similis. Teneandum est autem: *semper* interdum in versuum principibus ita inter duas similes sententias collocari, ut ipso quidem positu ad solam alteram pertineat, vi autem, quae maior ex ea re existit, ad utramque. Sic Tibull. III, 6, 1. sq.: „Candide Liber ades; sic sit tibi mystica vitis, Semper sic hedera tempora vincta geras;“ de quo versu vid. Q. V. XIII, 3.; eandem rationem apud eund. I, 5, 52. sequendam puto. Hinc luccm accipiunt etiam quae Aen. VII, 716. sq. leguntur: „Has equidem

2, 7 *penna metuente solvi*, non solvenda.

247 — 251. *Illic*, sub polo antartico aut nox est perpetua, aut dies ibi est, dum nostro caelo nox exoritur, et vice versa. Parum subtiles erant veterum opiniones de terris australibus, et altero hemisphaerio, de quibus post Strabonem Macrobius in Somn. Scip. II, cap. 9 sq. viden-

dus. Ad nostrum locum proxime facit Lucret. V, 649 — 654. Quam vero ornate *intempesta silet* (pro est) *nox — tenebrae*, ut profundam noctem, altas tenebras, esse significet! *Nox* autem (ut tenebrae) obtenditur, obducitur caelo et terrae. Homer. Odyss. λ, 19 Ἀλλ' ἐπὶ νύξ ὀλοή τέταται δειλοῖσι βροτοῖσι. *nox intempesta* iam Ennio et Lu-

Aut redit a nobis Aurora, diemque reducit;  
 Nosque ubi primus equis Oriens adflavit anhelis, 250  
 Illic sera rubens adcendit lumina Vesper.  
 Hinc tempestates dubio praediscere coelo

memorare tibi atque ostendere coram, Iampridem hanc prolem cupio enumerare meorum.“ Ibi Heynius ita scribit: „Iuncturae asperitas aliqua in vs. 716. 717. inesse videtur. Puto a poeta scriptum fuisse: *ostendere coram Iampridem*, ac *prolem*“ etc. Nulla hic asperitas, modo *Iampridem* ad utrumque versum referas: *Has equidem iampridem — ostendere coram, Iampridem hanc prolem cupio enumerare meorum.* Quare cum quadam vocis intentione illud *Iampridem* pronuntiandum. *Wr.*) 249 *diemque reliquit* Leid. pr. 250 *Noxque* et *Orion* unius aberratio. *que* abest a Goth. pr. 251 *Illis* apud Senec. ep. 122. et placet; reposuit quoque Wakef. *ostendit* Ven. 252 *Hic* Mead. *praedicere* Rom. et alii ex more; ut v. 51. II, 255. *praediscere* iam correxerat Nauger. in Ald. tert.

cretio frequentata; ut V, 984. 249. antiquo nomine, quia tempestivum tum non est, ad agendas res, ἀεργής. *redit Aurora* scil. ad eos; adit eos. (Usurpantur verba *redire*, *reducere*, *recurrere*, *referre*, alia similiter composita, ubi de rebus, in primis naturae, statis vicibus redeuntibus agitur. Ita Horat. Od. II, 10, 15.: „*Informes* hiemes *reducit* Iupiter, idem submovet.“ Cf. eiusdem IV, 7, 1. 12. et infr. 336. 339. 440. 458. *Wch.*) 250. *equis anhelantibus* tribuitur *adflare* id, quod ante se habent; ut in cursu certamine eos, quos ante se decurrentes cursu attingunt. *Adflant equi Solis* eas terras, quas sol oriens illuminat. Iam poetica inversione dixit: *Sol oriens adflat nos equis*; ut et Aen. V, 739 *Et me saevus equis oriens adflavit anhelis.* 251. Cum *Oriens* paullo ante sit Sol, vi oppositi *Vesper* possit esse Sol occidens. *Vesperum* tamen pro Sole dictum nondum vidi. *Vesper*, Hesperus, sole occidente, in conspectum venit, oritur, lu-

*men suum profert.* Ita accipit quoque Silius, qui hunc versum expressit XI, 516. 517 *Invadunt campum et late fulgentibus armis Accendunt ultro lucem surgentis Eoi.* conf. Lucret. I, 1064. 5. 6. Namque nec vespera *accendere potest crepusculum*, nec illa vulgaris ratio, qua de facibus et candelis accipitur, quae ut incendantur, vesper caussa est, non quidem indocta est, sed humilis tamen et abhorrens a tali carmine. Opportunius idem illud inf. vs. 291.

252. *Hinc.* E solis hoc per Zodiacum decursu, a v. 231, atque adeo succedentibus sibi invicem anni partibus, instantem tempestatum mutationem discimus. Habuit in animo versus Arati Diosem. 10 sqq. *Tempestates* de quatuor anni partibus dici, ex v. 258 patet, *Temporibusque p.*; coniunctam tamen mutati aeris ac caeli notionem esse, ex adiuncto patet. (reiiicit hanc explicationem Vossius; recte, si quid video. *Wr.*) *Caelum dubium*, scil. instantibus pluviis, procellis. Ad cetera



Possumus, hinc messisque diem tempusque serendi;  
Et quando infidum remis impellere marmor  
Conveniat; quando armatas deducere classis; 255  
Aut tempestivam silvis evertere pinum.

Nec frustra signorum obitus speculamur et ortus,  
Temporibusque parem diversis quatuor annum.  
Frigidus agricolam si quando continet imber:  
Multa, forent quae mox coelo properanda sereno, 260

253 *mensisque diem* alii, perpetua aberratione. conf. Ecl. V, 70. 256 *Et t.* Macrob. Sat. VI, 4. Schol. Cruqu. Horat. Carm. I, 23. *in silvis* multi. *avertere* Zulich. 257 *speculantur* fragm. Moret. 259 *agricolas* laudat Macrob. Sat. VI, 4 et Schol. Horatii Cruqu. Carm. I, 23. *detinet* ed. Ven. (—260. *Quae post*, non *Quae mox*, Mediceus; aliter tamen Nonius in *Muturare*, et Gellius et Macrobius. *Heins.*)

compara Tibull. IV, 1, qui, eadem horum *limborum* ac *balteorum*, seu *zonarum*, enumeratione facta, cum in temperata substitisset, pergit v. 169 *Hinc placidus nobis per tempora vertitur annus. Hinc et colla iugo didicit submittere taurus* etc. Ex eadem observatione antiquus de Aeolo mythus natus. vid. Heraclid. de alleg. Hom. sub f. 254. *marmor*, ἄλα μαρμαρέην, Iliad. ξ, 273. *resplendentem* vid. ad Aen. VII, 26. cf. ad VI, 729. 255. *armatae classes*, ὀπλισμέναι, simpl. instructae naves. (recte, si dixeris, speciem h. l. poni pro genere. *Wr.*) cf. Hesiod. *Egy.* 631. 632, et 671. 672. Sed is meliori iure navigationem memorabat, quandoquidem illa aetate, et in Graecia undique mari cincta, inter curas patris familias erat, frumenta navi de-vehi ad permutanda alia vitae necessaria. Longe diversa erat vitae reique rusticae ratio Virgilii aetate: etiam in devehendis mari frugibus. Ad argumentum rusticum commemoratio classium

non bene esset accommodata. 256. *tempestivam silvis evertere pinum* h. ligna ac materiem tempestive cadere. Consulatur Cato de R. R. c. 31 (unde vocem *tempestiva* ductam esse observat Macrob. VI, 4, p. 596). Plin. XVI, 74. 75, s. 39. cf. Cerda.

257 — 267. Habet etiam alias utilitates, si observes siderum ortus et occasus et vices anni temporum. 260. Si pluvium tempus *continet* h. e. domi tenet (v. Burm. h. l.) agricolam: multa interea parare et facere licet, quae mox sereno caelo parum tempestive curanda essent. Hoc poeta ornatius extulit, post Hesiodum, quem compara 493 sqq. Praeterea monent Grammatici, Servius ad h. l. Gellius X, 11. Macrob. VI, 8 de dilectu verborum adhibito a poeta: *Maturari* ea, quae accelerentur quidem, sed diligentiae tarditate cum industriae alacritate ac celeritate coniuncta. Eadem, cum subito, raptim et properanter fiunt, *properari* dicuntur, nec facile diligenter et accurate fieri pos-

Maturare datur; durum procudit arator  
 Vomeris obtusi dentem; cavat arbore lintres;  
 Aut pecori signum aut numeros inpressit acervis.  
 Exacuunt alii vallos furcasque bicornis,  
 Atque Amerina parant lentae retinacula viti. 265  
 Nunc facilis rubea texatur fiscina virga;

261 *Procurare* eadem ed. Ven. *proscindit arator* Moret. sec. 262 *obtusi* Romanus, Medic. et alii; ut veteres solebant. (sic etiam Servius, quem vide h. l., et constanter Mediceus. *Wr.*) *obtusio* Parrhas. et Reg. a m. pr. (*lyntres* Medic. *Wr.*) 263 *impressat* Rottend. alter et cod. Danielis; et sic editum in Cuningham. post Bersmann. Pro vulgata laudatur Calpurn. V, 88. 264 *Exacuant* Rottend. alt. *vallos alii* e suis codd. Brunck. 265 *Amerina* duo. 266 *rubra* Ven. At Serv. *Rubea virga*, quae abundat circa Rubos, Italiae oppidum: Horat. Serm. I, 5, 94 *Inde Rubos fessi pervenimus*. Etiam ad e. l. Schol. Cruqu. „hi Rubi oppidum; hinc putant aliqui dixisse Virgilium *Nunc facilis rubea t.*“ Sic scribendum foret *Rubia*, quod et MS. Bersmann. habebat; atque ita post Scalig. et Torrent. ad Horat. l. l. Cuninghamius emendarat. Bene sane *Rubia virga* post *Amerina retinacula*: modo de viminibus circa obscuram hanc Apuliae urbem, inter Canusium et Barium, aliunde constaret. Apud Iul. Sabin. est: „Rubiorum oppidum fuit in Campania:“ confundit ille Rufas Aen. VII, 739. *fiscina* pr. Moreti, ut codd. apud Ovid. Fast. IV, 754.

sunt. Quae an ita se habeant, (quidni? *Wr.*) equidem non dixerō. Potuit enim poeta verba simpliciter ponere pro vulgari: multa nunc facere licet, quae mox essent facienda. Ut contra *maturare fugam* dixit Aen. I, 137 pro praecipitare. De re vid. Cato c. 2, §. 3. Varro I, 36. 262. *Vomeris dentem* aut proprie, quod sup. 172 erat *dentale*, (vid. ibi notata. *Wr.*) aut dixisse videtur omnino pro vomere. (non capio h. l. Heynii mentem. *Wr.*) *lintres*. Si scaphas, et fluviatiles naviculas intelligas, possis agrum Mantuanum omninoque istam Italiae oram Pado aliisque fluminibus perfusam cogitare; conf. Servium ad h. l. Convenientius tamen vitae rusticae esse videtur, ut vasa lignea concava et alveos interpretaris, qui inter rustica instrumenta sunt. Sic alveos, in

quibus uvae portantur in vinemia, *lintres* dixit Tibull. I, 5, 23. 263. *aut pecori signum*: sic III, 158 *Continuoque notas et nomina gentis inurunt*. Porro: *numeros inpressit acervis*. Aut cum Servio tesserae et tabellae intelligendae, acervis impositae, quibus frumenti numerus designatur, aut *acervi* sunt frumenta saccis seu vasis condita, quibus vasis inscribat paterfamilias, quot modios contineant. *inpressit*, ἀπορίστως dictum, ἐνέγραψεν, imprimit. 265. *Amerina salix* (erat Ameria, Umbriae urbs, non longe a Tiberi) inter terna salicis genera memoratur Columellae IV, 30, 4. ubi de pedaminum in vineis, iugorum ac vininum, prospiciendorum cura agit. cf. Plin. XVI, 69. *Vallos* esse palos, in promptu est. 266. *Rubi* (nostris *Brombeerstaude*) *recisis aculeis alli-*

Nunc torrete igni fruges, nunc frangite saxo.  
 Quippe etiam festis quaedam exercere diebus  
 Fas et iura sinunt: rivos deducere nulla  
 Religio vetuit, segeti praetendere saepem, 270  
 Insidias avibus moliri, incendere vepres,

267 *et frangite* Moreti sec. *saxis* Rom. 269 *deducere* Medic. pr. Moret. Ald. (pr.; nam sec: *deducere* recepit) et forte Servius, qui *siccare* interpretatur. (*deducere* etiam 2. 3. 7. 11. *Wr.*) Est et in Cuningham. edit. (Cato de R. R. cap. 155.: „Per hiemem aquam de agro depelli oportet.“ Quod autem paulo post apud eundem eadem de re legitur *aquam deducere in vius*, a Schneidero e codd. in *deducere* mutatum est; quod moneo propter Ursinum, *deducere* e Catone commendantem. *Wr.*) 270 *Religio prohibet* Urs. *sepe* etiam hic alii: vid. ad Ecl. I, 54. *sepes* fragm. Moret.

*gant.* Plin. XVI, 69 *Cetera vincula, qualia sunt ex rubo, maiorem operam, sed in egeno tamen necessariam, postulant.* Colum. IV, 31, 1. *Fiscina*, calathus seu aliud vas vimineum, ad usus rusticos, *facilis*, aut quae facili opera struitur, quia ex viminibus facta, aut quia haec vimina flecti et texi possunt, adeoque ipsa sunt *facilia*. *Mollem iuncum* dixerat Ecl. II, 72. conf. ad Tibull. I, 1, 40. II, 3, 15. 267. Sic et Aen. I, 182. 183. Notum, antiquos aliquando totis igne granis vesci solitos fuisse; sed hic de eo more agitur, cum vita iam ad meliorem cultum perducta far igni torrerent, ut facilius mola, et quidem manuarum, qua utebantur, frangi et glumis exui posset.

268 — 275. Non mirum est, rusticum aliqua facere debere per pluvias, cum sint quae facere possit etiam festis diebus: cf. Serv. add. Moret. 67 sq. Locum, qui sequitur, laudat, et copiosius rem prosequitur Colum. II, 22, 1. et XI, 1, 20. *Quippe etiam*: nova transitus

formula; ut *quid? quod.* 269. *Fas et iura*, h. divina humanaeque iura, ut iam Servius monuit. 269. 270. *nulla religio*, h. nullus respectus deorum, nullus metus peccandi, *vetuit*, vetare solet, vetat, ut saepe iam factum vidimus. *Quod autem ait deducere, nihil aliud est, quam detergere; nam festis diebus rivos veteres sordidatos detergere licet, novos facere non licet*, Macrobi. Sat. III, 3. Consentit Colum. II, 22, 3. *Rivum* tamen *deducit* ac *ducit* omnino is, qui aquam ex rivo vel lacu per prata irriganda ducit. *Satis fluvium inducit rivosque sequentes* supra v. 106 dixerat. *Deducitur* tamen etiam rivus sive aqua, cum fossa exsiccat: ut *collectus humor* supra v. 114, dum educitur et emittitur. Ut in sententiam Macrobi dictum sit, de aqua cogitandum, quae ut per pratum deducatur, ne via praecludatur, sordibus purganda est. conf. Serv. ad 272. 270. *Quamquam Pontifices negent segetem feriis sepi debere*, Columella I. I. 271. *Insidias*



Balantumque gregem fluvio mersare salubri.  
 Saepe oleo tardi costas agitator aselli  
 Vilibus aut onerat pomis; lapidemque revertens  
 Incusum, aut atrae massam picis, urbe reportat. 275  
 Ipsa dies alios alio dedit ordine Luna

272 *greges* Macrobi. Sat. III, 3. *versare* Zulich., male. 275 *Incusum* Romanus, Medie. cum plerisque; item Goth. pr., etiam apud Martinum: sicque Ald. pr. et sec.; at Nauger. in tertia reposuit *Incusum*; et iam ante Egnat. 1506. Idem proditur e Reg. a m. pr. Goth. sec. *Incassum* Ven. *Incisum* fluxit edit. Masvie. 276 *ipsa dies alios*. nemini in mentem veniet *alias* reponere, cum libri grammatici vulgares doceant femininum pluralem usu haud habitum esse. Sosip. Charis. Instit. I, p. 18 — *dum tamen sciamus, pluraliter feminine hae dies et has dies non oportere nos dicere*. (Nempe *alias* Vossius exarandum in sua Edit. curaverat; at Tibull. III, 6, 32.: „Venit post multos una serena dies.“ *Wr.*)

*avibus moliri*; ut reliquis consentaneum sit, de avibus praedantibus et nocivis intellige. 272. *fluvio salubri*. cf. inf. III, 445 sq. Argutatur in hac voce adiecta Macrobi. I, 16, p. 287. Idem III, 3 extr. *Cavetur enim in iure Pontificio, ut — festis diebus purgandae lanae gratia oves lavare non liceat; liceat autem, si curatione scabies abluenda sit; ideo hoc quoque inter concessa numeravit* Balantumque greges fluvio mersare; quod si hucusque dixisset, *licita et vetita confuderat, sed, adiuciendo salubri, caussam concessae ablutionis expressit*. cf. Colum. l. l. §. 2. Varro ap. Servium ad l. l.

273 — 275. Haec ex duriorum patrum familias ratione; ut Catonis, c. 138. vid. Colum. II, 22, 5. *Vilia poma* dicuntur ad magnam copiam denotandam. Sic v. 227 *vilis faselus*. *Lapis incusus*, sive rudis, asper, sive cusus et incisus. De mola manuali fere accipitur post Servium. *pix* variis usibus agre-

stium inservit; ut mustis con-diendis etc. Notetur et illa forma: *agitator aselli* — *onerat*, pro agricola; quem poma in urbem mittere dicturus, quoniam aselli opera in eo utitur, *agitatoreu asini* poeta appellat: non enim de asinario agit. Ceterum ex v. 274. 275 patet, feriatis diebus etiam mercatus in uribus habitos esse, unde ex venditorum pomorum pretio picem et lapidem parare agricola posset. cf. Varronis locum ap. Serv. ad 275.

276 — 286. Etiam dies lunares observandos esse dicit; esse enim alios faustos, ad opus faciendum (hoc est, *felices operum*), alios infaustos. Sequitur autem superstitionem Hesiodi, versus finem Oper. et Hier. 765 sqq., aut potius Democriti (fuit enim liber eius de R. R. γεωργικόν, Varroni et Columellae ac Plinio laudatus; de eo vid. Proleg. Geoponic.); Plinius XVIII, 32, s. 75 *His quae sunt necessaria adiucientur de luna ventisque et praesagiis* —

Felices operum: quintam fuge; pallidus Orcus  
Eumenidesque satae; tum partu Terra nefando  
Coeumque Iapetumque creat, saevumque Typhoea,

### 277. ORCUS,

277 *quintum* Ven.; et putes sic continuandum fuisse post *dies alios*. vid. sup. Sed variavit poeta, ut mox 284 *Septima post decumam*. (*quintam* Medic. sed transfossa *c*; idem *felicis*. *Wr.*) *Orchus* alii scribunt, ut et alibi; (vid. Serv. ad Ge. III, 223. *Wr.*) e more senioris aetatis, quae ubique τὸ *c*, *K*, in *ch* mutabat; unde et *pulcher* factum ex *pulcer*. 278 *cum* unus Mead. *parto* Mentel. pr. et tert. a m. pr. 279 *que* abest post *Coeum* in quatuor. *Coeum*, Κοῖον, scribunt meliores. *Caeum* alii. (*Lapytumq.* Medic. *Wr.*) *Typhonem* Philarg. ad Ge. II, 460.

Namque Virgilius etiam in numeros (tempora) lunae digerenda quaedam putavit, Democriti sequutus ostentationem: h. doctrinam variis a rationibus iisque vanissimis ductam, modo ab observatione eventi, modo a numero, modo ab auctoritate, fraude aut stolidi persuasione. Etsi autem mirari licet haec a Virgilio in carmen recepta: est tamen laudanda prudentia, quod paucis ea tantum attigit, et observanda ars poetae, qua fabulis intexendis locum facit ac parat. *Luna dedit* pro *dat*: ut Aen. IX, 266 *quem dat Sidonia Dido*. Sic *Tarquinius regno pulsus fugit* ap. Horat. I Serm. 6, 13 non quasi praeteritum corripitur, sed praesens pro praeterito; re praeterita in tempus praesens adducta. Sententia autem est: sunt dies lunares alii felices, alii minus. 277—279. Quinto die ab lunae ortu natos ait Orcum, Furias, Titanes et Gigantes; antiqua et ignota superstitione, ad numerorum rationes spectante. Recedunt haec ab Hesiod. *Egy.* 802—804, qui non *eo die* Orcum et Furias natas memorat, sed Furias periuri-

ria hominum ultum ire: "Ορχον τιννυμένας, τὸν Ἐοῖς τέκε πῆμ' ἐπιόρχοις. *Furiae* e Croni sanguine ortae: Theog. 185. Apollod. I, 1, 3. Novavit hoc Maro nescio qua auctoritate, quod *Orcum cum Furiis* natum edidit. Quaeri potest, volueritne "Ορχον Hesiodeum declarare, deum iuris iurandi et ultorem periurii, an Orcum, τὸν Ἀἰδην, Plutonem, seu potius Orcum, tanquam diversum aliquod a Plutone inferum numen. Cum plura astrologica carmina, Alexandrinarum superstitionum fetus, extarent, etiam sub Orphei et Melampodis nomine, si modo Marone antiquiora fuere, ex his hunc locum adumbrare ille potuit. Parum tamen tutum est, de his aliquid suspicari, multo minus pronuntiare. (vid. Lenz de fragmentis Orphicis ad astronomiam spectantibus, 1789. et de personati Orphei *Ἐγχοῖς καὶ Ἡέκαῖς* in *Neuem Schulmagazin* 1794 B. II, 2, p. 359. ubi vid. p. 378. 379.) *Coeus* et *Iapetus* sunt e Titanibus, Coeli et Terrae soboles. E Terra et Tartaro *Typhoeus*, de quo vid. Theogon. 821 et Apollod. I, 6, 3.

Et coniuratos coelum rescindere fratres. 280  
 Ter sunt conati inponere Pelio Ossam  
 Scilicet, atque Ossae frondosum involvere Olym-  
 pum:  
 Ter pater exstructos disiecit fulmine montis.  
 Septuma post decumam felix, et ponere vitem,  
 Et pressos domitare boves, et licia telae 285

281 Vulgatam tuetur Nonius in *involvere*. *Pelion Ossae* Zulich. Menag. alt. et Moret. pr. a m. sec. *Ossan* Schol. Cruqu. Horat. Od. III, 4, 51. *impellere P.* ed. Mediol. 282 *inponere Olympum* Schol. Cruqu. ibid. *invertere* Parrhas. *frondosae* fragm. Moret. 283 *obstructos* Rottend. alt. *structos* duo. *disiecit* Romanus, tres apud Martin., Menag. alt. et ed. Ven., ut inf. Georg. I, 333, sed *disiicere* plus est, et maiorem impetum habet. vid. Burn. 284 *vites* Romanus ac multi; sieque vulgo lectum; at *vitem* alii, etiam Goth. sec., et doctius; unde Heins. recepit; (*vitem*, non *vites*, in suis videtur Heinsius invenisse omnibus; *vitem* etiam Medic. apud Foggin.; et *vites* Potterius ex uno tantum Parisiensi, at recentiore, codice enotavit; quare non debebat hoc ab Iahnio revocari. *Wr.*) idem malebat e potioribus, *est ponere*, (sed et *ponere* Medic. ap. Foggin. *Wr.*) ut et Pierii Longob. a m. pr. et unus Arundel. habet, et ut Georg. II, 273. *exponere* Mentel. pr. et Zulich. *inponere* Ven. 285 *pressos* multi, variatione sollenni; essent iugo imposito pressi. Sed vid. Not. *telis* alt. Menag. et Leid. pr. a m. sec. vid. v. 294.

*creat, γεννῶν*, pro creavit. (Vid. notata ad Ecl. VIII, 45. *Wr.*) 280. *fratres*: seu Gigantes, quod praefero, seu Aloidas nunc memorat, Otum et Ephialten, similia illis molitos: vid. Apollod. I, 7, 4 et Aen. VI, 580 *Hic — Titania pubes — Hic et Aloidas — qui manibus magnum rescindere caelum Adgressi superisque Iovem detrudere regnis*. Est autem *rescindere* pro excindere, cum notione perrumpendi, irrumpendi, quod bene observat Wakef. ad Lucret. II, 406. uti si *vallum*, *porta*, rescindi dicitur. Id enim egerunt, *ἵν' οὐρανὸς ἀβύσσος εἴη*, ut ubi Olympum tenuissent, ex eo caelum conscenderent Iovemque deturbarent. 281. Ex Odyss. λ, 314 fonte huius fabulae, quae inde nata, quod motu terrae graviore Ossa ab Olympto revulsā

atque convallis saxis rupibusque constrata fuerat. vid. Strabo lib. IX, p. 658 A. (De numerorum huius versus vi ac praestantia vid. Q. V. XI, 3. extr. *Wr.*) 282. *involvere* hic est sursum, in altiore locum volvere. *Scilicet* est δὴ poetarum, vel ὅα, quibus vis dictorum augetur; etiam δὴ ὅα, unde factum δηλαδὴ, ex δηραδὴ. 284. Non satis definitum, sitne dies XVII intelligenda, an dies X felix illa quidem, sed secundum eam multo magis VII. Decimam faustam esse, affirmat etiam Hesiod. *Egy.* 794, et septimam vss. 770. 805. At quae hic v. 285 enumerantur, ad diem ille XIV refert v. 794 — 797. Quæri quoque potest, sitne *nonā* vs. 286 post decimam, intelligenda, an mensis an cuiusvis decadis. 285. *prensi boves*, qui libere, nec-



Addere; nona fugae melior, contraria furtis.

Multa adeo gelida melius se nocte dedere,  
Aut quum sole novo terras inrorat Eous.

287 *melius gelida* alii; minus concinne; sed praestat forte, ne utroque versu alterum hemistichium *melior*, *melius* initium habeat. (At longe alii sunt versus praecedentis numcri. *dederunt* Serv. Dresd. *Wr.*) *sub nocte* Zulich. 288 *Vel cum* Romanus et apud Pierium nonnulli, item unus Mead. *irrigat* unus Arundel. Apud Lucret. V, 283. 284 *Largus item liquidi fons luminis aetherius sol*, *Irrigat adsidue coelum candore recenti*. Wakef. ex his Virgilium verba: *sole novo terras inrorat Eous* petiisse ait et laetatur, additque perurbanc alia. Tribui *luci* praedicata ab humore petita notum est; *luce perfundi*, *rigari* res sollemne est; quia *radii* dicuntur *spargi*, *fundi*; et eodem modo *nox*, *somnus*, *rigare membra*, *corpora*, dicitur. In his nihil novi. Recte igitur *sol irrigat caelum luce*; durius tamen dictum esset, *dies*, Eous, *inrorat terras sole novo*, etsi ferendum. Modo non doctius csset alterum, *Luciferum irrorare*, irrigare terras rore, humectare; agitur enim h. l. de opere quod propter *rorem*, quo stipulae madescunt, felicius peragi potest: *noctes lentus non deficit*

dum iugo iuncti, errabant. (vid. Gronov. Diatr. pag. 52. (97.) ibique Hand. *Wr.*) Hesiodus, quem respexit, v. 797 *εἰλίποδας ἑλικας βοῦς — Προῖνεν, ἐπὶ χεῖρα διδούς*. *Addere licia telae*, est telam ordiri; ut adeo tela sit sive stamen et trama, sive ipsa machina textoria, cui illigatur iugum. (Ad verba *licia telae addere*, h. e. *annectere*, compares Tibull. I, 6, 79.: „*annectit licia telis*”; et Not. ad eum locum. *Wch.* — vid. etiam Obs. in eund. loc. *Wr.*) — 286. *Nonus dies* servis fugitivis faustus, furtum tentantibus infastus. Quorsum hoc? Scilicet cautionem tanto maiorem adhibebit eo die diligens paterfamilias, ut contra de furtis parum sollicito esse licet; est enim is dies furibus parum faustus. *Furta amoris* propter adiunctas servorum fugas advocare non possumus; ut nec *fugam* de exilio intelligere cum Servio, cum in re rustica versemur.

Vanas huius generis iudicationes plures videbis in Carmine, Maximo vulgo tributo, de Electionibus v. 320 sq., et de furtibus 567 sq., apud Fabric. Bibl. Gr. T. VIII, p. 432. 446.

287 — 296. Sunt etiam noctu vel summo mane nonnulla tractanda. *Dare se alii* dicitur is, qui ad eius voluntatem se accommodat, gratificatur, concedit. *Res dant se*, ut sese offerunt, occurrunt. Sic et locus, occasio, tempus, se dare dicitur. *Dat se* et illud, quod impulsu inclinatur, se, flectitur, cedit. Itaque et h. l. *multa se dederunt*, h. se dare solent, occurrunt agenda, perfici et peragi possunt. Servius: *melius nostro obsequuntur labori*. Aen. IV, 627 *Nunc olim, quocumque dabunt se tempore vires*. cf. Burm. ad Gratii Cyneg. v. 143. (et Gronov. Elench. Antidiatr. p. 84. sq. *Wr.*) 288. *Eous ἠὲρος* scil. *ἀστὴρ*, *ἑωςφώρος* pro *Lucifero*, atque adeo pro ortu lucis. Sic

Nocte leves melius stipulae, nocte arida prata  
Tondentur; noctes lentus non deficit humor. 290  
Et quidam seros hiberni ad luminis ignes  
Pervigilat, ferroque faces inspicat acuto:

*humor.* Dicta autem similiter atque Ge. III, 304 *cum — extremoque irrorat aquarius anno*, irrigat terras pluviis. Et agricola *plantis amicos irrigat imbres* Ge. IV, 115. Est autem *irrorare* voc. rusticum: v. Ind. Script. de R. R. Ap. Colum. IX, 14, 10 *irroratis floribus*, apes mella conficiunt. Ergo et nox irrorat terras vel Lucifer. Et Ovid. Met. XIII, 622 *Aurora — Nunc quoque dat lacrimas et toto rorat in orbe.* 289 *stipulae melius* al., non belle. (vid. Cort. ad Lucan. I, 137. *Wr.*) 290 *noctis* potiores, cum Grammaticis: conf. Pierius cum Heinsio: qui hoc reposuerat, ut pro *noctes* esset. Iterum retractum *noctes* a Burmanno, ut ambiguitas tolleretur; et praestat auctoritatem Rom., et qui eo alludunt, sequi, nisi *nocteis* scribas. *nocte* Longobard. Medic. et duo codd. ap. Serv. ad Aen. IV, 7. (Nulla est ambiguitas; optime enim Fabricius: „Nocti proprium est, ut sit humida: non igitur *humor noctis*; sed *humor non deficit noctes*.“ Et Servius: „*Noctis*, Accusativus pluralis.“ *Wr.*) *humidus noctis non* TOLLIAN. *defuit* Ven. 291 *ad* deletum in Rottend. sec. 292 *Pervigilant* fragm. Moret. *exspirat* Ven., aberrationes.

Ge. III, 324 — 6 *Luciferi primo cum sidere — dum ros in tenera pecori gratissimus herba. inrorat terras*, quia aeris humor et in herbis ros tum sub sensum venit; quod Eurip. Hippol. 78 dixit: ἔως δὲ ποταμίαισι κηπεύει δρόσοις. *Solem novum* dicunt poetae pro oriente. Dictum igitur, *sole novo*, h. e. mane, cum rore arva rigata sunt, madent. (Vide, si placet, Gronov. Diatr. p. 234. *Wr.*)

289. De foeno Plin. XVIII, 67, §. 4 *Quidam pridie rigant, ubi sunt rigua. Noctibus roscidis secari melius*, quia scil. noctes sunt humidae. De faba Colum. II, 10, 12 *Silente luna fabam vellito ante lucem.* Ergo *stipulae* non ad frumentorum messem, sed ad legumina, *prata* ad foenisecium erunt referenda? De *stipulis* tamen dubitare licet, an ita dicantur. Contra vero de frugibus sub diluculum metendis omnes auctores operis ru-

stici praecipiant; ita ut de iisdem accipiendae sint stipulae. cf. inf. ad v. 297. Vir doct. Voss, operis rustici peritus, verba ad eum morem refert, quo post refectos messe facta culmos relictas stipulae serius secantur. Qua de re nihil quidem in Columellae loco hinc expresso lib. II, 18. 19. 20. nec in Plinio reperio; memoratur tamen ista missionis ratio inter trinas in Italia media usitatas Varro I, 50. Omnino miror Scriptores R. R. de ipsa metendarum frugum ratione tam pauca praecipere. De pratis vero nemo dubitat. cf. Dickson T. II, p. 311 sq. *Noctibus roscidis secari melius*, Plin. XVIII, 67, 4.

292. Eclog. VII, 29 *novas incidere faces.* conf. Plin. XVIII, 63. Colum. XI, 2, 90. *inspicare* novasse videtur poeta, ut sit in spicae formam, adeoque in acutam cuspidem, concidere. *solata laborem*: vid. ad Aen. I, 239.

Interea longum cantu solata laborem  
 Arguto coniunx percurrit pectine telas;  
 Aut dulcis musti Volcano decoquit humorem, 295  
 Et foliis undam trepidi despumat aheni.

### 293. INTEREA, LABOREM,

294 *mulier perc.* ed. Mediol. *percussit* Goth. Versus idem Aen. VII, 14 *Arguto tenuis percurrrens pectine telas* de Circe. 295 *humor* Scaliger legebat, ut esset *decoquit* se. conf. Rutgers. Var. Lect. V, 17. (Medic. *dulcis*, sed ultima litera transfixa et puncto etiam notata, unde suspicari liceat, *dulcem* scripsisse Virgilium. *Wr.*) 296 *trepidi aheni* erat lectio ante Heins. vulgata; sicque Parrhas. Voss. alii ap. Martin. *trepidi* dabant Gud. Mentel. duo, uterque Menag. Moreti fragm. cum Pierii Medic. et aliquot aliis. *foliis* — *trepididis* Medic., hocque Pier. in editione sua legisse videtur. (natum hoc ex ipso verborum posito: *trepidi despumat. Wr.*) *trepididis aenis* Rom. De varietate hac vid. Heins. h. l. et ad Ovid. Met. XII, 279. *tenui aeni* Gud. pro var. lect. *dispumet* Moret. quart., hoc et illud in vulg. edd. Gellii N. A. II, 3, ubi de scriptura *aheni* agitur.

(et de hoc usu Particip. Perf. vid. Q. V. XXVIII, 3. *Wr.*) 294. *arguto* et cantui mulieris tribui potest, et *pectini*, ut sit, qui stridorem inter texendum edit. Hoc quidem melius fieri, docet ratio poetica, ne alterum nomen nudum et sine epitheto sit, et poetarum usus: ut quoque *νεκρίς* passim in poetis *μελομένην*, *αοιδός*. (omnem, si qua est, dubitationem tollit Aen. VII, 14. in V. L. laud. *Wr.*) *pecten canorus*. (Exempla dabit v. c. Brunck. ad Aristoph. Ran. 1316.) *Tela* est trama, cuius filis inseritur subtemen ope *pectinis*; s. radii aut spathae: (Graecis *νεκρίς* est: de qua vid. Apollod. II, 8, 1. Antonin. Lib. 25. Sophocl. Antig. 988) cuius formam a nostra navicula textoria diversam et pectini, quo lyra pulsatur, propiorem fuisse necesse est. Loc. class. Ovid. Met. VI, 53 sqq. cf. Excurs. I\* ad Aen. VII, 14. et, qui postquam ista scripta erant, in lu-

cem prodiit, Indicem Scriptor. R. R. p. 370, in quo a doctissimo Schneidero sub voc. *tela* — omnis res textoria veterum accuratius, quam a quoquam alio, est exposita. Patet autem ex hoc versu, in Italia quoque matresfamilias rusticorum telarum texturae vacasse. 295. Ge. IV, 268 *igni pingua multo Defruta*. Sedula in variis e musto defruti generibus conficiendis veterum fuit opera: vid. Plin. XXIII, 18. XIV, 11. Columella XII, cap. 19 — 21. *Dulce mustum* laudat Quinctil. Inst. VIII, 2, 10 inter epitheta, quae id, quod rei proprium sit, exprimant. *humor musti* poetica periphrasis. 296. *trepidum*, proprie mustum est trepidum, quia, quod ebullit, quasi tremere videtur: Aen. VII, 463 *undans ahenum*, hinc *undam* idem mustum dixit ebulliens et exundans. Fronde autem, forte pampinea, spumam auferunt, dum defrutum faciunt.



At rubicunda Ceres medio succiditur aestu;  
 Et medio tostas aestu terit area fruges.  
 Nudus ara, sere nudus: hiems ignava colono.

297 *succinditur* Goth. sec. 298 *costas* alios habere Reiskius notabat forte pro *costas*. 299 *ara et sere* Leid. pr. *colono est* Rottend. alter et Medic. Pierii; in aliis *colonis*. Notus est iocus παρωδίας: *habebis frigora, febrim* Donati Vita V. s. 61.

297. Messem ait esse secandam et terendam *medio aestu*. *Ceres rubicunda*, quae alias *flava*, quia rubent, flavescent, aristac. Columella II, 21, 2 *aequaliter* flaventibus iam satis, *antequam ex toto grana indurescant*, cum rubicundum colorem traxerunt, *messis facienda est*. At de *medio aestu* dubitari potest: sitne media aestate, an medio die aestivo. Utrumque recte ac vere diceretur. *Prius, medio aestu*, aestate, dictum, ut Ecl. X, 65, *frigoribus mediis*, cum sqq. convenit, *Nudus ara, sere nudus*, cum mature, aere adhuc tepente, arationem et sationem faciendam esse ait. Et de *messe mature facienda* moment alii quoque: vid. Colum. l. l. Omnino hoc idem praecipit Hesiod. 571 sqq., ubi tantum abest, ut de opere per medium diem urgendo agat, ut etiam mane surgendum et metendum esse moneat. Et Theocr. X, 48—51 simili modo praecipit, *medio autem die quiescendum* esse dicit, ἀρχεσθαι δ' ἀμῶντας ἐγειρομένῳ κορυδαλλῷ, καὶ λήγειν εὐδοντος, ἐλινύσαι δὲ (κατὰ) τὸ καῦμα. Spectat quoque huc, quod colligendae sunt fruges sub diluculum; conf. Geopon. II, 25. *Posterior* si praeferas, medio die, respiciet antecedentia 289. 290. Inf. IV, 401 *Ipsa ego te,*

*medios cum sol accenderit aestus, Cum sitiunt herbae* etc. ut *medio aestu* sit, medio die, interdiu; sic inf. III, 154 *mediis fervoribus*: ut opposita sint 287, 8. *gelida nocte*, cum *die novo*, et nunc *diei calor* s. *aestus*. et III, 331 *aestibus at mediis umbram exquirere vallem*. Enimvero sic repugnant sibi vs. 389, ubi nocte *stipulas et prata ton-denda* ait, et nunc *medio aestu*, meridie, *succidendas fruges*. Ita occurrendum esset sic, ut *stipulas* proprie acciperes, et rem a messe diversam innui diceres, ut supr. ad 289 monitum est. (Qui verbis *medio aestu* simpliciter aestatem significari putant, ii vereor ne Virgilium h. l. praecepisse aliquid statuunt, quod tam planum sit et apertum, ut insaniat, qui alio tempore, quam aestate, metere velit. Itaque hoc praecipere videtur a poeta, ut messio fiat non ipso quidem medio die, ubi quiescebant messores, sed per totum diem reliquum; qui, hibernis noctibus vs. 291. oppositus, verbis *medio aestu* indicatur. Wr.) 298. *Area terit fruges*: in qua teruntur. v. sup. ad v. 192.

299. Ex Hesiodo petita esse satis constat, "Eg. 391, 392 γυμνὸν σπείρειν, γυμνὸν δὲ βω-τεῖν etc. Monet autem, mature, atque adeo auctumno, aratio-

Frigoribus parto agricolae plerumque fruuntur, 300  
Mutuaque inter se laeti convivia curant.

Invitat genialis hiems, curasque resolvit:

Ceu pressae quum iam portum tetigere carinae,

Puppibus et laeti nautae inposuere coronas.

Sed tamen et quernas glandes tum stringere tem-  
pus, 305

Et lauri baccas, oleamque, cruentaue myrta;

Tum gruibus pedicas et retia ponere cervis,

Auritosque sequi lepores; tum figere damas,

303. CEU,

300 *feruntur* Medic. a m. pr. 302 *curam* Schol. Cruqu. Horatii Od. III, 17 et veteres aliquot apud Pierium. *curant*; *curas*; non refugit Maro. 303 Heinsius coni. *fessae*, probante Burmanno: est sane hoc proprium in reditu. At *pressae* non minus accommodatum: v. Notam. Reiskius aut *fessae*, aut *piceae*, aut *Thressae* conieciabat. (Plerumque interpungitur ab Heynio post particulas comparationi inservientes; quod non ubique recte fieri, intelligitur ex Aen. II, 304.: „In segetem veluti cum flamma — Incidit.“ VII, 462.: „magno veluti cum flamma sonore suggeritur.“ ibid. 528. IX, 435. XII, 103. 587. 749. cet. Itaque eiei commata, praeter hunc locum, Aen. II, 471. ibique V. L. 626. IV, 402. 441. VI, 707. VII, 699. IX, 59. et saepius. Ex alio genere est Aen. IV, 301. *Wr.*) 304 Idem versus Aen. IV, 418. (— 305. *tunc* Ald. tert. etiam vs. 307. *Wr.*) 306 *mirtamque oleamque cruenta* Goth. sec. 308 *dammās* Medic. cum al., et ex hoc alii *dammās*.

nem et sationem esse faciendam, cf. sup. 208 sq. II, 315. 316, cum tepor aeris satis magnus, ut arator veste non egeat. *Nudum* esse tantum tunica indutum, toga aut paenula reiecta, post Cuperi Obs. I, 7 satis notum. *Hiems ignava colono* esse dicitur, quae colonum otiosum esse iubet, et ab opere sub dio faciendo avocat. *plerumque*, maxima hiemis parte, Bion VI, 5 ἡ καὶ χειμᾶ δύσεσθον etc. 302. *genialis hiems*; conviviorum hilaritati, risibus iocisque apta, qua genio indulgetur. Grata poetis dictio: ex quo enim semel cum Genio notio hilaritatis, in primis epularum, coniuncta fuit,

*geniale* dictum est, quicquid hilare, festivum, gratum, iucundum, corpus animumque recreat. 303. 304. Faustum reditum ad Lares naves declarabant coronata puppi: in qua tutela navis collocata erat. *pressae carinae* sunt mercibus oneratae, seu onustae naves, vid. Tibull. I, 3, 40. Ovid. Fast. IV, 300.

305. *quernas glandes stringere*, vid. ad Ecl. X, 20. 306. *cruenta myrta*, baccae myrti nigrae succo rubicundo: ad vinum condiendum, myrtitem: cuius conficiendi rationem v. ap. Colum. XII, 38. 308. *Auritos lepores* Afranio debebat Maro. vid. Macrob. Sat. VI, 5, p. 600.

Stuppea torquentem Balearis verbera fundae:  
Quum nix alta iacet, glaciem quum flumina tru-  
dunt. 310

Quid tempestates auctumni et sidera dicam?  
Atque, ubi iam breviorque dies et mollior aestas,  
Quae vigilanda viris? vel quum ruit imbriferum ver,  
313. VEL,

309 *torquentur* Toll. edd. Ven. et Mediol. *torquere* Zulich. a m. sec. *torquentes* Romanus. *Stippea* fragm. Moret. *Stuppea* Rom. Medic. alii scribunt, qua in re parum sibi constant antiqui codices; nam ex more geminatam litteram una scribere debebant antiquiores. (Verum non in omnibus vocabulis regnavit haec consuetudo. *Stuppa*, *stuppeus*, ubique Medic. *Wr.*) *Stupea* editum erat in Aldd. pr. et sec., in Commel. et al. (*Baliaris* Medic. a m. pr. *Wr.*) 310 *iecit* Romanus, aut verius *tegit*, ut Burm. notatum vidit. Ita et ea, quae ed. pr. Burm. 311 *et frigora* unus Moreti et unus Arundel., nec non Goth. sec. in litura; sed vulgatum verum et exquisitum; vid. Not.; et natum forte istud ex Georg. II, 321 *Prima vel auctumni sub frigora*. 312 *dies, iam mollior* unus Mead., quod perplacet. (at displicet Iahnio ad Aen. I, 90.; tamen, si ea esset plurium et potiorum librorum lectio, haud cunctanter in textum admittenda esset; vid. quae notavi ad Ecl. IV, 6. *Wr.*) 313 *et cum r.* unus Mead. *umbriferum* alter Rottend.

*figere* telo, transfigere. 309. *verbera fundae* poeta pro funda dixit, e stupa facta, maiore ornatu, quatenus ea verberat, ferit, emissio saxo, quod iacitur circumagendo, torquendo, fundam.

311—315. Tempestates subiungit, quae duabus praecipue anni partibus frequentius ingruere solent, sub auctumni initium (v. 311. 312. 313) inde a medio Augusto, Colum. XI, 2, 57. 58, et sub veris exitum (v. 313. 314. 315) M. Aprili medio. Columella ibid. §. 36 sqq. Quam vero ornate haec dixit, et quam proclivis hinc ad ornatissimam tempestatis aestivae descriptionem via! *Sidera auctumni*, quia ad siderum ortus et occasus tempestatum tempora atque etiam caussas referebant. cf. v. 335. Atque, quid dicam, *quae vigi-*

*landa viris* sint, *ubi iam br.*; quae curanda et providenda (v. Serv. et Burm.) ab agricolis sub auctumnum: inde a medio Augusto, ut diximus. *mollior aestas*, leniore calore, cum vehementior aestus iam remisit se. *vel quum ruit imbr. ver.* M. Aprili, circa Vergiliarum exortum: videndum nunc, imbrium ingruentium vi ne anni spes a procellis profligetur, sementisque facta proluatur. (*ruit*, ad finem vergit, interpretatur Vossius; Wunderlich.: festinat. Equidem ad imbrium vinum referre malim, de quibus *ruere* proprie dicitur. *Wr.*) *Horre* (vid. ad v. 151) *agri* aut *segetes* et *sata* dicuntur fere, cum aristae iam maturae sunt; h. l. seges lactescens, in *stipula* h. culmo *viridi*; vagina Varr. I, 48, 3. cf. Iliad. ψ, 598 sq. vid. Cerda. (*inhorrere* de re-



Spicea iam campis quum messis inhorruit, et quum  
Frumenta in viridi stipula lactentia turgent? 315  
Saepe ego, quum flavis messorum induceret arvis  
Agricola, et fragili iam stringeret hordea culmo,  
Omnia ventorum concurrere proelia vidi,  
Quae gravidam late segetem ab radicibus imis  
Sublimem expulsam eruerent; ita turbine nigro 320

318. VIDI: 320. SUBLIME ITA

315 *ex viridi* Leid. *luctantia* multi. *iacentia* Rom. *torgent* Mentel., omnia prave. 316 *duceret* Medic., sed in supra scriptum. 318 *concurrere* omnes Hëiusii. *consurgere* Rom. et unus Mead. quod et ipsum recte dicitur; et variant verba et alibi: vid. h. l. Burm.; sed legit in nostro *concurrere* Plinius XVIII, 35, s. 78. 319 *a r.* Zulich. et Parrhas. vid. v. 20. 320 *Sublimem* Medic. et Reg. a m. pr. cum Romano, quod utique sollennius; sed et alterum usum habet. vid. Oudendorp. ad Iul. Obsequ. cap. 101, quem Burmannus laudat. (*Sublime* interpretamenti loco habet Nobbius Syntagm. Locor. Parallel. p. 127. *Sublimem*, quod recepi, praebet etiam 3. Servius autem Dresd. haec habet: „*Sublimem expulsam eruerent*: pro — non *per*, quod est in ceteris — sublime portarent eru-

bus usurpatur, quae agitantur. Sic Valer. Fl. III, 348.: *inhorruit aether*. cf. Aen. III, 195. *Wch.*) *lactentia turgent* plenius etiam dictum quam lactent; amant vocem poetae. Ovid. Fast. I, 351 *sata teneris lactentia succis*; et saepe. Habuit hunc locum ante oculos Gratius Cyneg. 290 *Inde ubi pubentes calamos duraverit aestas, Lactentesque urens herbas siccaverit omnem Messibus humorem, culmisque armarit aristas* etc. item Colum. X, 325 sqq.

316. Quid? quod, id quod multo maius est, in ipsa messe procellae aut imbres saepe ingruunt. vid. Plin. XVIII, 35, sect. 78. cf. Colum. II, 21, 2. Similiter de vitibus inf. II, 419 *Et iam maturis metuendus Iuppiter uvis*. 317. *fragili hordea culmo* dicit poeta pro hordeis simpliciter, aut certe culmis fragilibus hordei; non de certo hor-

dei genere; hos culmos *stringunt*, qui falce secant; dum falcem admovent, tangunt scilicet et stringunt. Ita v. c. lib. II, 368 coll. cum 365 *tum stringe comas*. Solent autem poetae id, quod agitur, a variis actionis momentis designare. Itaque ea, quam Burmannus et Martinus movent, difficultas, dum pro ligare dictum esse putatur, concidit. Vir doctus *stringere*, pectinibus decerpere, interpretabatur: est id inter metendi genera ap. Colum. II, 21, 2. 3. De his cf. Varro I, 50. Dickson T. II, p. 368 *stringentem* hordea intelligit eum, qui apprehendit culmum manu, ut falce admota resecat. 318. *ventorum proelia concurrere* plenius quam ventos concurrere; ut acies ad pugnam faciendam. 319. *seges grævda* proprie ex agro *gravidum*. Sed poetae omne id *gravidum* dixisse videntur, item *secundum*, quod succo plenum

## Ferret hiems culmumque levem stipulasque volantis.

tam segetem.“ Illustravi hoc, saepe in libris mss. oblitteratum, loquendi genus ad Aen. VIII, 559. Haec autem *gravidam segetem sublimem expulsam* si cui horridiora videbuntur, is, si meminerit, rem horridam et asperam h. l. describi, artem potius poetae laudabit, quam nitorem desiderabit. *Wr.*) *eruerint* Moret. sec. a m. pr. *ruerent* Reiskius coniiciebat. Miror neminem satis audacem fuisse, ut corrigeret: *ut turbine*. Sic enim iungerentur: quae *eruerent*, ut — *ferret hiems*. ita, ut. (Nihil necesse. Exspectes *ferebat*, non *ferret*; sed ex *quae* vs. 319. repetendum est *ut*. Illud enim quae hanc habet vim: *tanta quidem*, *ut*. Ita autem h. l. valet i. q. Gr. *εἶτα*, *tum*; quam particulae huius potestatem non debebat Gorenz. ad Cic. Academ. II, 35, 113. in dubium vocare. Ita — *ferret*, i. e. erutumque ferret. *Wr.*) 321 *stipulamque volantem* Franc. *stipulamque levem culmosque volantes* Zulich. (*volantes* Medic. *Wr.*) *stipulasque sonantes* Goth. pr.; ut *fragiles calamos silvamque sonantem* Georg. I, 76. *lucosque sonantes* Ecl. X, 58. Enimvero nunc volant, dum ab aura feruntur; non sonant.

ac tumidum esset, ut *gravidum* uber Georg. III, 317. *gravidae fringes* II, 143. *gravidae messes* Ovid. Metam. VIII, 781. conf. de hac voce ad Aen. IV, 229. X, 87. 320. Venti segetem *eruant*, et in aerem expellunt, extollunt; hoc ornatius effert, *sublime expulsam eruant*, quia *sublimem*, in *sublime*, pro adverbio, sublimiter, ferunt. Reliqua: *ita turbine nigro* etc. difficultatem habent ex structura, quam qui animadverterunt, varie tollunt. Martinus comparisonem subiici putat, qua tempestatis messem evertentis vis declaretur, cum ea evulsas radicitus spicas cum aristis et radicibus ita sublimes ferat, quemadmodum alias ventus ferre solet leves stipulas; *ita*, tam facili negotio, *hiems*, tempestas, *ferret culmum* etc. Haec tamen comparatio parum ad augendam rei *δεινότητα* facere, immo eam imminuere ac frangere, videtur. Ruaeus ita interpretatur, ut verba sint epiphonematis loco: *tam denso nim-*

*bo iactabat procella calamos leves et stipulas volantes*. Verum sic *ferebat* dicendum erat. Catoeus vertit, quasi poeta diceret: *aut turbine nigro*. Si emendatione res indigeret, proclive esset: *ita turbine nigro Versat hiems*: quod firmes ex Lucretio, cuius versus ante oculos habuisse noster videtur lib. V, 218 *Et tamen interdum magno quaesita labore — Aut subiti perimunt imbres gelidaeque ruinae, Flabraque ventorum violento turbine versant*: seu melius *vexant*, ut alii legunt. Atque haec erant, quae me olim in h. l. commentantem ad subtiliorem rationem abducebant. Necdum me iudicii mei poenitet; non enim mihi satis erat, sensum qualemcumque arripere aut inferre, verum ex ipsis verbis grammatica lege et ratione sensum eruere. Qui itaque aliquid dicere vult, quod ad rem spectet, ei est grammaticae docendum, quomodo *ita — ferret* possit esse dictum pro, *quemadmodum hiems fert*. Scilicet

Saepe etiam immensum coelo venit agmen aquarum,  
 Et foedam glomerant tempestatem imbribus atris  
 Conlectae ex alto nubes; ruit arduus aether,  
 Et pluvia ingenti sata laeta boumque labores 325  
 Diluit; implentur fossae, et cava flumina crescunt  
 Cum sonitu; fervetque fretis spirantibus aequor.

322 *ex caelo* Menag. pr. *e caelo* ed. Ven. *ruit agmen* Schol. Statii Theb. I, 356; sed vid. Burm. 325 Aen. II, 306 *rapidus montano flumine torrens Sternit agros, sternit sata laeta boumque labores.* 326 *Deluit* fragm. Moret. 327 *fervetque* Goth. pr. *fretis spumantibus* idem cum altero: hoc etiam Romanus exhibet; et est apertius; sed est minus docta lectio. Etiam Aen. X, 291 *Qua vada non spirant, nec fracta remurmurat unda.*

a poetis, ad variandam orationem, sic, ita, haud aliter, pariter, in fine sententiae subiici solent comparative: „haud aliter hiems, gravis tempestas ea parte anni, qua procellosum tempus esse solet, (auctumno et vere vs. 311 — 315. non quae nostra hiems dicitur) orta ferret, diriperet, stipulas, quam nunc media aestate radicitus aristas fert.“ In hac demum interpretatione acquiescere licet. (Sed vide, quae scripsi in V. L. *Wr.*) Convenit, ex parte tamen, non prorsus, Horat. Sermon. II, 2, 124 *Ac venerata Ceres, ita culmo surgeret alto Explicuit vino contractae seria frontis.* ubi Bentl. ita scil. ut iam nunc surgit. Immo vero est petitum a formula precandi, obtestandi: ita ut nunc precatur, votis expetit.

322. Praeiverat locus insignis Homeri Il. π, 385 sqq. *ἤμαρ ὁπωρινῶν, ὅτε λαβρότατον χέει ὕδωρ Ζεὺς* sq. cum Lucret. VI, 255 sqq. *Praeterea persaepe* sqq. *agmen aquarum* de imbre denso ingruente. *venit, ruit;* *venire* enim etiam hoc sensu satis grave verbum. *Veniunt hostes, bar-*

*bari, qui impetum faciunt etc.,* ut docuit Burm. h. l. et ad Phaedr. I, 21. cf. Aen. X, 456. 324. *ex alto nubes conlectae* Servio sunt a septemtrione: v. sup. v. 240, quod forte nimis doctum. Alii, ut Iulius Sabinus, e mari; quod in mentem venire potest, si Italiam cogites. Simplicissimum est, *altum* de caelo intelligere; ex aere descendunt contractae nubes; inf. 443 *urget ab alto Notus.* itaque *ruit aether* h. nubes collectae. Aen. V, 695 *ruit aethere toto turbidus imber aqua.* Martial. III, 100, 3 *Imbribus immodicis caelum nam forte ruebat.* Praeiverat Lucret. VI, 290, 1 *Omnis uti videatur in imbrem solvier aether.* Alias *caelum ruit tonitru;* unde Aen. I, 129 *caeli ruina omnino de procella.* 325. *boum labores,* *ἔργα βοῶν* Hesiodi *Eg.* 46. Homer. l. c. Iliad. π, 392, et hinc alii. v. Cerda et Fulv. Ursinus. 326. *cava flumina,* quae in alveis cavatis fluebant; nunc littus exeunt. vid. Burm. ad Lucan. I, 396. 327. *freta spirantia* sunt aestuantia. Aen. X, 291, ubi vid. Heins. *spirant,* quae efferve-



Ipsē Pater media nimbōrum in nocte corusca  
 Fulmina molitur dextra: quo maxuma motu  
 Terra tremit; fugere ferae; et mortalia corda 330  
 Per gentes humilis stravit pavor: ille flagranti  
 Aut Atho, aut Rhodopen, aut alta Ceraunia telo  
 328. PATER, NOCTE,

328 in deest Moret. quart. a m. sec. et in uno Arundel., item in nonnullis  
 r. ni. (vid. Q. V. XIII, 5, c. *Wr.*) 329 Reiskius distinctionem post  
*dextra* sublatam in fine versus ponebat: *Fulmina molitur eo motu, quo*  
*maxima molitur.* 330 *fremit* Zulich. *tremuit* Mentel. pr. Alterum Arun-  
 del. et Cantabr. sequutus. *et post ferae* Martinus sustulit; non male factum!  
 (Probum hoc *et*. Diversa sine copula adiiciuntur, similia cum copula: *et*  
*ferae* et homines istum terrorem expavescunt. *Wr.*) 331 *humiles* Moret.  
 sec. *fragranti* primus. *humili* — *flagrantis* Romanus. 332 *Athon* Medic.  
 Reg. Pierii Rom. et Medic., it. alii, etiam ap. Martin., et uterque Goth.  
 cum edd. Aldd. pr. et sec., Commel., et ex illis aliae. Ita et legebatur in  
 Valer. Flacc. I, 664. Tenet tamen alterum post Servium, Cerdam et alios,  
 Heinsius: *Aut Atho, τὸν Ἀθῶ.* Causa iusta est, quam Benedictus iam at-  
 tulit, quod *Athon* metro repugnat. (*Athon* in omnibus libris mss., quot-  
 quot inspecti sunt, etiam in Potterii codd. Parisinis et utroque Lips. Pro  
 testimonio esse debet etiam Servii silentium, praesertim quum is Aen. XII,  
 701. diserte doceat, *Athos* in brevem exire syllabam, concinente Prisciano  
 VI. sect. 70. Nec Burm. Val. Flacc. I, 664. a librorum lectione, *Athon*  
 praebentium, discedere ausus est. Quae quum ita sint, Latinos *Athos*, sive  
*Athus*, etiam correpta altera syllaba pronunciassē statuendum et *Athon*  
 Virgilio relinquendum erit. *Wr.*)

scunt, ebulliunt. *freta* autem,  
 ut *vada*, poetice simpl. aquae,  
 mare.

328. Interdum etiam fulmina  
 et tonitrua cum ventis pluviis-  
 que miscentur. Ita acceptus vix  
 bene locus reprehensus, tam-  
 quam alienus a re. *corusca dex-*  
*tra.* Notum illud Horatii Carm.  
 I, 2, 2 *rubente Dextera.* Ex an-  
 tiqua tabula adumbratum esse,  
 in qua fulminis rubor ipsam ma-  
 num illuminabat, coniectabat  
 Spenc. Polymet. pag. 55; saltem  
 picturae idoneum argumentum  
 illud foret. Manum tamen, quae  
 tenet fulmen, ab eo splendere  
 ac coruscare, facile etiam sine  
 tabula picta assequaris. Habet  
 tamen nec minus rationem suam,  
 si *corusca fulmina* iungas. 329.  
*moliri fulmen* est iacere, vibrare;

nam de omni motu ac conatu aut  
 opere *moliri.* *maxima terra* est  
 magna, γαῖα πελώρη. (quo motu,  
 i. e. quibus commota. Similiter,  
 immo insolentius, Nepos Cat.  
 cap. 2.: „multas res novas  
 in edictum addidit, quae re lu-  
 xuria reprimeretur.“ *Wr.*) 330.  
 De hiberna procella similia vid.  
 apud Hesiod. *Egy.* 511. 512, et  
 529—533. *fugere* pro fugiunt;  
 ut saepissime, ex aoristo: nisi  
 velis argutari ex vernaculo ser-  
 mone. (Sed vid. Q. V. VII, 6.  
*Wr.*) 331. *humilis pavor* poe-  
 tica venustate; partim quod red-  
 dit humiles, partim, quod *timere*  
 pusillanimitatis et humilis animi est.  
*stravit*, sternit, pavor, animos,  
 καταπλήττει, percellit; unde  
 etiam *consternare* ductum. 332.  
 Montes fulmine ferit, dicebas;

Deiicit; ingeminant austri et densissimus imber;  
 Nunc nemora ingenti vento, nunc litora plangunt.  
 Hoc metuens, coeli menses et sidera serva; 335  
 Frigida Saturni sese quo stella receptet;

333 *densissimus aether* ed. Ven. et unus Mead. Eleganti coniectura Reiskius totum locum ita constituebat: *ille* (v. 331 Jupiter) *Deiicit ingeminans; austri et d. imber Nunc n. — plangunt.* (Sed elegantior librorum lectio. *Wr.*) Ex *Aen.* I, 43. 44 facile incidas in *disiicit*. Idque video factum a Wakef. ad *Lucret.* V, 404. Quis tamen cogitat poetam semper eandem formulam decantare? (Medic. *deiicit*, sed altera e puncto notata. *Wr.*) 334 *aequora* vel *littora* ms. Köler. *plangit* Franc. Reg. Menag. Mentel. alt., et sic Rom. et perveteres aliquot ap. Pierium, ut ad *imbrem* referatur; vid. Heins. ad *Ovid. Epist. Didus* v. 106. Wakef. mavult subiungere, *Iupiter*; sic et in ed. Masvic. et al., sed Grammaticos mutasse neutrum significatum minus obvium, docet *Burm.*, itaque *plangunt*, vulgatum inde ab Aldo, tuetur: quod et in utroque Goth. At *clangunt* Leid. Menag. alter pro var. lect. et cd. Ven. 1472. *plaudunt* unus Voss., utrumque male. Satis firmatum est, undarum allisarum esse *plancus*. 335 *Quod superest, caeli* laudat Nonius Marcellus in *servare*. *Haec metuens* Parrhas. et ed. Medioli. *caeli mores* substituit Wakef. ad *Lucret.* I, 297 tanquam ingenii lusu, quia *caeli morem* meminerat ex I, 51. (at supra vs. 232. *mundi astra. Wr.*) 336 *quo sese* ap. Senec. *epist.* 88 et Goth. pr. (*quo se* Serv. Dresd. *Wr.*) *qua sese* Schol. Statii Theb. I, 305. *sese cum stella receptat* Schol. Juvenalis Sat. VI. *receptat* etiam Moret. pr. et Leid.

at quam sublime: *deiicit!* Magis etiam exornat haec Silius V, 385 — 389. *flagranti telo*, Homeri et Hesiodi, *πολόεντι κεραινῶ*. *Alta Ceraunia ἀκροεραῖνία* satis noti vel ex Horatii I Carm. 3 Epiri montes, qui in mare procurrunt, ut *Athos* in mare Aegaeum, Macedoniae mons. 333. Versus ex Theocr. VII, 77 *Ἡ Ἀθῶ, ἡ Πόδοπαν, ἡ Κανύρασον ἐγκατόντα*. 334. *plangunt* h. l. plangorem edunt, resonant; proprie mare plangit, percutit littus, ut resonet; tum *plangunt litora*: nunc assumptum alterum quoque, *plangunt nemora*.

335. Propter has tempestatum mutationes observanda sunt anni tempora. mox v. 351 prognostica ex atmosphaera. *Coeli menses* simpl. tempora intelligam, quia astrorum, quae in

caelo sunt, motu definiuntur: volebat subiungere solem et lunam: posuit pro iis sidera; *caeli sidera* erunt adeo de planetis accipienda, ut subiiciat duo alios planetas, Saturnum et Mercurium. Nisi malis adhaerere Servianae interpretationi, ut *sidera* sint duodecim signa zodiaci, quae totidem fere mensibus sol peragratur; quapropter *menses* essent adiecti. Esse porro verba deprompta e Menandro, notat Nonius Marcellus in voce *servare*: sed Graeca corrupta sunt: forte usum τοῦ servare pro observare, ex τηρεῖν tantum illustrare voluit. (*caeli menses et sidera* ex indole poeticae orationis, de qua vid. Q. V. XXXIII, 4., dicuntur signa caelestia menses et tempestatem regentia, coll. vs. 232. i. e. sidera zodiaci; quare nolim in Heynii ac Wunderlichii

Quos ignis coelo Cyllenius erret in orbes.  
In primis venerare deos, atque annua magnae

## 337. COELI

337 *signis* Parrhas. *caelo* Medic. cum Iulio Sabino, nec prave, ne *caeli* menses et *ignes caeli* sibi occurrant intra tres versus. I, 6 *labentem caelo quae ducitis annum.* (*caelo* recepit Voss.; quod quam facile in *caeli* mutari potuerit, quivis, vel non admonitus, intelligit. Acute autem Wunderlichius: „Causa, cur *caelo* praeferendum sit, praeter auctoritatem cod. Medic., et haec mihi videtur, quod verba *quos in orbes caeli* diversos orbes caeli significant, planeta vero eundem cursum, *orbem*, peragit. Ceterum *in orbes errare* dicitur Mercurius, quippe qui ex planetis, si Lunam exceperis, minimum orbem, intra spatium dierum 87. et 23. horarum, percurrit; itaque plures orbes peragrat, dum Saturnus maximum orbem intra spatium annorum 29., dierum 166. et horarum 19. peragit. Bene igitur ad omnes planetas notandos Saturnum et Mercurium delegit.“ Ceterum orbis Medic. *Wr.*)

sententiam ire, planetas his verbis significari existimantium. *Wr.*) 336. Observet quoque planetarum cursum: pro omnibus ponit unum et alterum planetam. Saturni stella in quod signum se recipiat, cum quo sidere se coniungat; *in Capricorno enim facit gravissimas pluvias, et praecipue in Italia, — ut in Scorpio grandines.* Haec Servius, qui plura super hoc receptat nugatur dicam, an observat. (*sese receptet*, proprie; nam *se receptare, recipere* dicuntur ii, qui eo, unde aliquando discesserunt, proficiscuntur. Atqui planeta easdem semper in cursu suo stellas ingreditur. Add. Not. ad 249. Cogites velim, Saturni sidus in cursu suo permultas stellas unius signi ingredi, et ex his coniunctionibus omnibus de tempestatibus coniecisse Veteres. *Wch.*) Saturni motum tardissimum esse, et vix binis annis sexque mensibus unum signum transire satis constat; ut adeo vix intelligas, quem usum observatio tam tardi sideris ad

tempestatum prognostica habere possit. Ita tamen a veteribus indicatum est, observatione a lunae phasibus ducta, de stellis erraticis, ut pluviarum aliarumque aeris mutationum augurium ex iis caperent. Fuit in his in primis Saturni transitus: vid. Plin. II, sect. 39, et idem XVIII, 25, sect. 57 *Ideo Virgilius errantium quoque siderum rationem ediscendam praecipit, admonens observandum frigidae Saturni stellae transitum.* Sunt plura eiusmodi e Democrito in Geopon. I, 12. Saturno, extremo orbe se moventi planetae, *frigus* tribui, memorare nil attinet. vid. Plin. II, 8, sect. 6. 337. Observare monet Mercurii motum: hoc enim est *errare ignem Cyllenium* (quem hinc mutuatur Claudianus XXII, 440) *in orbes coeli*, movere se ad certas leges, quibus in caelo cursum per orbitam agit. (vid. V. L. *Wr.*)

338. Ad procellarum subinde ingruentium clades avertendas religionum quoque auxilium adhibere monet. Ex Hesiod. *Egy.*



Sacra refer Cereri laetis operatus in herbis,  
 Extremae sub casum hiemis, iam vere sereno. 340  
 Tum pingues agni, et tum mollissima vina;  
 Tum somni dulces densaeque in montibus umbrae.

## 341. TUNC TUNC 342. TUNC

339 *in arvis* multi. (sed plures et potiores *herbis*. *Wr.*) Etiam Medic. *in orbis* et e correctione *in arbis*. Agnoscunt tamen vulgatam antiqui Commentatores. vid. Heins.; et cum vere ineunte *herbae* frugum melius memorantur. (Hic quoque cod. Medic., ut saepe, originem deterioris lectionis indicat. Nam quum librarius, aberrantibus ad vs. 337. oculis, inde verba *in orbis* huc transtulisset, alius *a* supra scripsit, unde ducta lectio *arvis*; tertia denique manus in margine veram appiuxit lectionem *herbis*; et litera *a*, quam altera manus supra *o* adscripserat, transfossa est, a tertia, nisi fallor. Tibull. II, 5, 95.: „Tunc operata Deo pubes discumbit in herba.“ *Wr.*) 340 *sub casum* Medic. cum nonnullis; (sic etiam 3. 8.; idem praefixum notae Servianae, etiam in cod. Dresd.; et debetur omissio extremae literae elisioni. *Wr.*) *sub casu* alii maiore numero cum Romano. Ita et edd. variant: prius Egnat. Manut. Commelin., hoc Aldd. servant. *Extremo sub casu* Vcn. 341 Ita Medicum, nisi quod *Tum* scribitur, et Pierii libros cum aliis expressit Heinsius. Vulgatum erat: *Tunc agni pingues*, quod multi, ad vitandum scilicet hiatum, habent. Inter eos, qui ordinem: *Tunc pingues agni*, servant, ut vitent tamen hiatum, habent Arundel. unus, *tum sunt*; Mead. *sunt, tum*; ex nostris recentior: *tunc et*; at alter: *Tunc agni p. et tunc*; ad tertiam usque vicem *cum* legi malebat Reiskius. (Mediceus ter exhibet *tum*, testante etiam Freytagio; Serv. quoque Dresd. et cod. 8. *Tum pingues agni*; Lips. alt. *Cum pingues agni*. *Tunc* debetur librariis, substantivum *agni* ante adiectivum *pingues* retrahentibus; *tum* edendum curavi et hoc et proximo versu; vid. Q. V. XXV, 5, a. Praeterea laederet aures: *Tunc agni pingues* — — *Tunc somni dulces*. Et maximopere vitavit Virgilius similes in versibus sese excipientibus primorum ordinum sonos. *Wr.*)

465. 466. Agit autem poeta, ut e seqq. manifestum fit, inpr. 345 de *Ambarvalibus*, vid. Tibull. II, 1, cf. sup. ad Ecl. V, 74. 75. et, si *Suovetaurilia* eiusdem generis sunt, Catonem de R. R. cap. 141. *Sacra refer*, repete, et hinc simpliciter fer, celebra. (Sed vid. vs. 249. Not. *Wr.*) Utroque enim sensu dictum videbis in exemplis ab Heinsio cummulatis ad Ovid. II. Fast. 532. *Operatus* pro operans. (vid. Q. V. XXVIII, 3. *Wr.*) Est autem hoc voc. sacrorum. vid. Tibull. ibid. v. 9. 340. Vel hic locus docere potest, quam pa-

rum subtilis interdum sit poetica ratio: *Extremae sub casum hiemis* putes esse primum veris initium; at subiiciuntur ea, quae adultum satis significant; quamvis non immemor sim, clementioris caeli in nostro poeta rationem esse habendam. Similiter sup. 230 *ad medias pruinas*; quod sane severe exigi nequit. 341. Hesiod. „*Εργ.* 585, ubi de aestatis initio: *Τῆμος πύοταται τ' αἶγες καὶ οἶνος ἀρίστος*. *Vina mollia*, scilicet hiemis interiecta mora, *asperitate*, duritia, *carentia*, mitia, lenia. Ita et Graecis οἶνος σκληρὸς et μαλακός.

Cuncta tibi Cererem pubes agrestis adoret;  
 Cui tu lacte favos et miti dilue Baccho,  
 Terque novas circum felix eat hostia fruges; 345  
 Omnis quam chorus et socii comitentur ovantes,  
 Et Cererem clamore vocent in tecta; neque ante  
 Falcem maturis quisquam supponat aristis,  
 Quam Cereri torta redimitus tempora quercu  
 Det motus inkompositos, et carmina dicat. 350  
 Atque haec ut certis possemus discere signis,  
 351. POSSIMUS

344 *Quoi* Medic. mutatus in *Cui*. 345 Versus est ap. Macrob. III, 5. Sat. ubi de hostia ambarvali agit. 346 *comitantur* aliquot ap. Burm. et Goth. pr. 347 *vocant* sec. Moret. et Goth. pr. 348 *quicquam* Goth. pr. 349 *redimantur* Zulich. 350 *incompositus* Mentel. alter et Goth. sec. 351 *in certis* Franc. *dicere* Goth. pr.; in Medic. τῶ *discere* superadscriptum *noscere*, ex interpretatione scilicet; ibidem a manu prima *possemus*. In Romano erat: *possemus dicere*. (*possemus* etiam 2. 3. ea-que est Medicei prior lectio; quam recepi, Wunderlichio etiam probatam. Et melius haec tamquam ex Iovis voluntate pendentia pronunciantur; hoc enim dicit poeta: „Iupiter certas quasdam tempestatis vicissitudines per Lunam designari volens id egit, ut *possemus*“ cet. *Wr.*)

*Durus Bacchi sapor* Ge. IV, 120. *somui dulces* propter adiectas *umbras* nulli alii esse possunt quam in herba vel sub arbore ad concentum avium, florum odores, et sic porro. 343. Conf. Tibull. I, 1, 23. 344. E lacte, melle, vino *mulsum* factum innui, notat Macrob. III, 11, magis forte subtiliter, quam vere. Nam diis agrestibus libatur ex more, lacte, melle, vino. conf. idem VII, 12 et Serv. et Cato R. R. c. 134. 345. Ducitur hostia, lustrandi agros causa, circa novam segetem. *felix hostia*, h. fecunda, ut Servius; quemadmodum *felix ager*, *arbor*. De his dubitat nemo; uti nec de hoc, hostiam sterilem sacris admoveri, nefas fuisse: sed usus perpetuus ita fert, ut accipiamus hostiam, qualitari potest, quia pura et sacrificio apta diisque grata est; quae-

que adeo est felicitis ominis, et bonum frugum proventum portendit, aut ipsa felicitis proventus causa, placatis per eam diis, haberi potest. 346. *chorus et socii*, est chorus sociorum, pro, turba. Int. autem socios operum, vernas, ut II, 528. 347. *vocare in tecta*, ut adsit, invocare. Laudant Colum. X, 430 *Et te Maenaliū, te Bacchū, teque Lyaenū Lenaeūque patrem canimus sub tecta vocantes*; et Horat. Carm. I, 30, 3 *vocantis Ture te multo Glycerae Transfer in aedem*. 348. *neque ante falcem ni.* („Nunc alterum festum Cereris seu sacrum memorat, instante messe.“ Haec minore Edit. Heyn. repetii. *Wr.*) nec metere incipiant agricolae, nisi sacris Cereri factis. Cf. Cato c. 134. *Priusquam messim facies, porcam praecidaneam fieri*

Aestusque, pluviasque, et agentis frigora ventos:  
Ipse Pater statuit, quid menstrua Luna moneret;  
Quo signo caderent austri; quid saepe videntes

352 Sie plane Goth. pr. At *Aestus et p.* et Goth. sec. a m. pr. *Aestus et pl.* Frane. ed. Mediol. *Aestusque et* ed. Ven. et Medic., inserto et ab alia manu. *pluvias et sine que* unus Mead. ed. Norimb. et Grimoaldus apud Martin. (*Aestusque et pluvias et ag.* est altera lectio Medie. *Wr.*) *agentes fulgura* Frane. et ed. Mediol. 353 *moveret* Frane. Parrhas. Mead. et al., etiam edd., vulgari variatione; de qua multi monuere, ut ad Propert. IV, 1, 107. (vid. Cort. ad Lucan. I, 631. *Wr.*) sed potest h. l. defendi. 354 *quod* multi scripti et impressi apud Pier. Burm. et Martin., etiam Goth. pr. nec ipsum male. (*quid* eum vetustioribus Mediceus; idque, a Vossio desertum, bene defendit Iahn. *Wr.*)

*oportet* sq. 350. De incondita saltatione, qua carmina messoria canuntur, ut de alio festo sup. Ecl. V, 73 *Saltantes Satyros imitabitur. Quernam coronam* in memoriam victus prioris gestatam Servius tradit.

351. Haec igitur omnia, has tempestatum caeli et aeris vices, de quibus adhuc egit, porro magnum calorem, pluviam et gelu, e lunae phasibus et variis prognosticis, quae experientia docuit, intelligunt agricolae. Est haec meteorognosia rustica. Multa in his sunt, quorum ratio aliqua probabilis reddi potest; enimvero id esset munus non interpretis poetae, sed hominis, qui de *rebus* a poeta traditis disquirere ac disputare vellet: quae partes ab interprete alienae sunt. (*haec ad sequentia aestusque — ventos*, referendum esse, persuasit mihi Wunderl. *Wr.*) 353. Ipse Jupiter *statuit*, h. fixum et constans esse iussit. Mutuatus autem est haec ex Arati Phaenonom. v. 10—13, e quo sequentia pleraque petita. cf. Geopon. I, 2 sqq. Plerisque his prognosticis severiores physices rationes facile assignari possunt (vidimus

id nuper factum a *W. Iones physiol. Disquisitions* pag. 619 sqq.); pro nostra aetate eadem retractavit *Thomson (Seasons: Winter* 118 sqq.). *Monet*, ut vates monent, qui futura docent, luna prognosticis, quae ab ea petuntur, et *menstrua luna* praeclare propter menstruas motus vices. 354. *Quo signo caderent austri*; quod indicium esset venti mox cessaturi. Ita enim *cadere* pro *residere*, *cadit fragor pelagi* Aen. I, 154. Ecl. IX, 58 *ventosi ceciderunt murmuris aurae*; ut contra *surgere* v. 356. Altera Cerdae interpretatio, ut sit pro *incidere*, quod Ge. II, 107, vel *surgere*, auctoritate destituitur. Nec apud Homer. Odyss. ε, 259 est ἐπεσε, sed συνέπεσε. Σὺν δ' Εὐρώς τε Νότος τ' ἐπεσε. concurrunt. Melius laudares Od. ξ, 475, et Hesiod. "Εγ. 547 βορέας πεσόντος, ubi de vento orto, pro ἐμπεσόντος, accipiendum esse videtur; si tamen intentius adspexeris, videbis et ibi esse, *vento cessante*; nam tum nebulae gelidae suboriuntur. Etiam in Aeschyli Agam. 577 πόντος πεσών simili modo dictus est, dum residet.



Agricolae propius stabulis armenta tenerent. 355  
 Continuo, ventis surgentibus, aut freta ponti  
 Incipiunt agitata tumescere, et aridus altis  
 Montibus audiri fragor; aut resonantia longe  
 Litora misceri, et nemorum increbrescere murmur.

357 *arduus* ed. Ven. et Romanus. Male. vid. Not. 359 *increbrescere* Medic. (etiam Aen. VIII, 14. et *crebrescere*, quoties legitur, i. e. Aen. III, 530. XII, 222. 407., in eodem *Wr.*) cum aliis; non *increbrescere* (ut 2. 3. 4. 5. *Wr.*), etsi hoc mollius; at illud austerius et pleniore sono. (*increbrescere* dudum reiectum a V. V. D. D.; probat tamen Heindorf. ad Horat. Serm. II, 5, 93. *Wr.*)

Nec tamen reliqua, quae subiuncta sunt a Marone, efficiunt, ut illud ad poetae rationem melius accommodatum videri possit. Nam subiungit statim alterum: *quid saepe videntes* h. e. quod indicium esset tempestatis ingruentis. Habes itaque duo: signa cessantis et ingruentis tempestatis. Variat enim haec poeta oratione; et propositis inde a vs. 356 pluviarum et fulminum prognosticis, subiicit vs. 393 praesagia serenioris caeli. *quid saepe videntes*, h. quo viso prognostico seu indicio. 355. Conf. Calpurn. Ecl. V, 43 sqq.

356 sqq. — 364. Imminentes procellas nuntiat surdus aeris motus et fragor terra marique increbrescens, quo exterriti alites marini in littus evolant. Ex Arati Prognost. 177 sqq. (909 sq.), qui versus a Cicerone translatus in latinos de Div. I, 7, ubi vid. Davis. cf. Lucan. V, 565 sqq., qui in toto illo loco nostrum ante oculos habuit. Aliorum poetarum loca surgentis tempestatis congestit Cerda h. l. Est enim iam inde ab Homero poeticis ingeniis versatus locus. Virgilium sequitur Plin. XVIII, 35, sect. 85. 86. 87. *Continuo*:

principio. vid. sup. 60. (*Continuo*, ἀντίπα. De vocis potestate vid. Gisb. Koenii Commentar. in Gregorii lib. de Dialectis. p. 194. Brunck.) *ventis surgentibus*: mox vs. 365 *vento inpendente*; vide modo ad v. 354. *freta ponti* poetica periphrasi pro ponto, mari; nihil amplius. 357. *aridus fragor*, qualis asper et acutus lignorum aridorum, cum franguntur. Ita et Lucret. VI, 115—119, et Homericum ἀνὸν ἄῤυσεν, ut Iliad. v, 441, et καρφαλέον ἄῤυσεν Iliad. v, 409. cf. Cerda. Effert autem haud paullo ornatus Aratea l. l. 180 κορυφαί τε βοώμεναι οὔρεος ἄκραι. 359. *Litora misceri*: miscetur ac perturbatur mare littora et saxa alluens, quibus alliduntur fluctus; et *resonantia miscentur* pro simplici *resonant*. Aratus ib. vs. 178. 179 μακρὸν ἐπ' αἰγιαλοὶ βοόωντες, Ἀπταί τ' εἰνάλιοι, ὅπῳτ' εὐδίοι ἡχέσσαι. *Littora ripaeque si resonabunt tranquillo*: cum ventus nondum sentitur; reddidit Plin. XVIII, 35, s. 58. Similia loca Cerda congestit. De *nemorum murmure* seu mugitu cf. Aen. X, 97—99. Expressit h. l. Lucan. V, 551 sqq. *Post vento crescente magis ma-*

Iam sibi tum a curvis male temperat unda carinis, 360

Quum medio celeres revolant ex aequore mergi,  
Clamoremque ferunt ad litora; quumque marinae  
In sicco ludunt fulicae; notasque paludes  
Deserit atque altam supra volat ardea nubem.  
Saepe etiam stellas, vento inpendente, videbis 365

360. TUM CURVIS CARINIS: 364. DESERIT,

360 *a curvis* Pierii Romanus, uterque Mentel. Voss. et Reg., sed eraso *a*. illustratum ab Heinsio; nec recte tamen ab eo receptum, cum non scribendum sed subintelligendum sit. (Sed nimirum exemplis, etiam in poeta, erat probandum, verbum *temperare* cum nudo ablativo strui. Nec potest dativus esse *curvis curinis*, quum, si iungitur huic verbo dativus, non adiciatur *sibi*. Hinc e codd. satis bonis reduxi praepositionem, agnitam etiam ab Arus. Messio, qui hoc ipso versu utitur, quo doceat, *temperare* subiunctam habere *a* praepositionem. *Wr.*) *Iam se* Goth. sec. cum *curvis* Ven. *Iam tibi* Guietus et Gebhardus emendaverant. (quod recepit Voss. *Wr.*) *Iam sibi tum et curvis* alius vir doctus in Misc. Obs. Vol. II, T. II, p. 171, male. 361 *Quom* Medic. a m. pr. 362 In Arato: *χερσαῖα τι-νᾶσσονται περὶ γέσσω*; unde conicias: *Clangoremque ferunt ad litora*. Ergo Virgilius noluit *Clungoremque*, quae propria vox foret, scribere? (— 363. *paludis*, non *paludes*, Medic.; unde gravis auctoritas accedit ad tuendam formam genit. plural. *paludium*; *puludis* etiam Lips. obl. *Wr.*) 364 Laudatur versus a Seneca Qu. Nat. VII, 28. *altum voluit super Zulichem. altum super avolat* Moret. quart. et Vratisl. *supervolat* Parrhas., unde Burm. coni. *super evoluit*. 365 *impellente* Parrhas. et ed. Mediol. unus Mead., notabili aberratione: dummodo codicum auctoritas aliqua esset. (recepit hoc Voss. *Wr.*)

*gis increbrescunt* Catull. Epith. Pel. 275. (De numerorum praestantia vs. 357—59. vid. Voss. *Wr.*)

360. Iam tum satis gravis tempestas in alto, ut navis vix resistat satis fluctibus, increbrescente procellae vi, cum etc. 361. Expressa haec ex Arato; nec tamen cum fide ac diligenter, sed permutatis avium nominibus, forte quod communis earum hac in re est natura. Quod itaque de *ardea*, ἐρωδιῶ, dixerat Aratus v. 182 Diosem. καὶ δ' ἂν ἐπὶ ξηρὴν ὅτ' ἐρωδιὸς οὐ κατὰ κόσμον Ἐξ ἁλὸς ἔρχεται φωνῇ περὶ πολλὰ λεληκώς, ad *mergos* trans-

tulit Virgilius: *Quum medio celeres revolant ex aequore mergi, Clamoremque ferunt ad littora*. At Cicero, qui Arateos versus vertit de Div. I, 8, *fulicem* seu *fulicam* nominavit. Callimachus δὺπτην in fragm. CLXVII ex Etymol. Contra Aratus *mergos* (τὰς αἰθνίας) in littore (χερσαῖα, h. κατὰ τὰ χ., ἐν χέρσῳ, ut ἐν ξηρῷ, Virgilius in sicco, in littore, ut et Aen. X, 301) *alis plangere* memoraverat. Tandem v. 364 cum Arato convenit noster: *Κιννυμένου τε θάλασσαν ὑπερφορέουτ' ἀνέμοιο ardea*: et *moto vento supervolat mare*; hoc exornavit: *notasque palu-*





Humida vela legit. Numquam imprudentibus imber  
 Obfuit: aut illum surgentem vallibus imis  
 Aeriae fugere grues; aut bucula coelum 375  
 Suspiciens patulis captavit naribus auras;  
 Aut arguta lacus circumvolitavit hirundo,

## 377. HIRUNDO;

373 *legunt* in nonnullis apud Pierium, probatum Heinsio. (vid. Q. V. VIII, 4, c. *Wr.*) At *legit* etiam in Romano. *prudentibus* Medic. a m. pr., hocque praefert cum aliis Io. Schrader. Sane et hoc suum sensum habet. Nec minus tamen alterum verum est. 374 *Adfuit* Bynckershocckii emendatio iam a Burm. reiecta est. Wakef. ad Lucret. VI, 70 *obfuit*, pro obversatur, dictum esse contendentis argutias vix quisquam probabit. *ac illum* Moret. quart. in *vallibus* Leid. a m. sec. *ab v.* Leid. alter. 375 *sensere* Goth. sec. 376 *Suscipiens* Zulich.

373. *Numquam imprudentibus imber Obfuit*, obesse potest vel solet. Ornate extulit id, quod in tenui oratione esset: agricolis non facile imber *supervenire* potest imprudentibus, h. non ante providentibus, improviso, ut nec moniti sint praesagio aliquo. Non debebat hic haerere doctorum virorum acumen. Sententia est eadem inf. 425 *Numquam te crastina fallit Hora, neque insidiis noctis capiere serenae.* 374. Diversa sunt Hesiodica *Ἔργ.* 448—451. et ad aliud spectant; verum ante oculos poetae fuere Aratea 299. 300, e quibus et Aristot. H. A. IX, 10 (add. Antig. Caryst. 46 et ibi Beckm.) patet, solere grues, ubi in altum evolaverint, *in aerem*, *ἤξριαι*, animadversa tempestate, statim se demittere et imbrem fugere; iam, quod additur, *vallibus imis*, duplici modo iungi et accipi potest, aut, ut grues imbrem fugiant *vallibus imis*, recipientes se in vallem; ita convenit Aristoteles: *καὶ, ἐὰν ἴδωσι νέφη καὶ χιμῆρια, καταπιᾶσαι*

*ἡσυχάζουσι*, puta arborum frondibus tectae, („Theophrast. de signis pluviarum: *ὅταν γέραναι πέτῳνται, καὶ μὴ ἀνακάμπῳσιν, εὐδίαν σημαίνει. οὐ γὰρ πέτῳνται, πρὶν ἢ ἂν πετόμεναι καθαρά ἴδωσιν.*“ Haec attulit Heyn. in Edit. min. *Wr.*) aut ut iungantur: *imbrem surgentem vallibus imis*; solet enim imber, h. e. nebulae, *surgere vallibus* in aerem rariorem. Sed hoc alienum ab h. l. Prius est verum. Aratus: *στροφάδες δὲ παλιμπετὲς ἀπονέονται*, ubi Schol. *ὑποστρέφουσαι εἰς τοὺς τόπους, ὅθεν ἐκινῆθησαν.* (*ἤξριαι γέραναι* dictae iam Homero II. III, 7. *Wr.*) 375. 376. Ex Arato ibid. v. 222. 223, qui conversi sunt a Cic. de Div. I, 9. *captavit*, captare solet, captat, *auras*, h. ducit, olfacit, *ὠσφρήσαντο*. Plin. XVIII, 88 *Et boves caelum olfactantes seque lambentes contra pilum.* 377. Vid. eund. v. 212. 213. Versus totus est ex Varrone Atacino, notante Servio, una cum v. 376 et 379. *arguta* ad vocem refertur. Plin. XVIII, 87 *hi-*

Et veterem in limo ranae cecinere querelam.  
 Saepius et tectis penetralibus extulit ova  
 Angustum formica terens iter; et bibit ingens. 380  
 Arcus; et e pastu decedens agmine magno  
 Corvorum increpuit densis exercitus alis.

378 *Aut* ed. Ven., nonnulli ap. Pierium, Bodlei. et unus Arundel. ap. Martin., qui recepit. 379 *Ocyus* et malit Cerda, quia in Arato *Θάσσαν* est. *e tectis* ap. Charis. Inst. Grammat. II, p. 193. *e tecti penetralibus* coni. Voss., male. Sic *foci penetrales*. Apud Arvenum pag. 121 ed. Grot. *ova cavis effert penetralibus*: quod Io. Schrader. in schedis laudat. 380 *tenens* Goth. pr. (— 381. Notulae Servianae Burmannus praescripsit a pastu, imprudens, ni fallor. *Wr.*)

*rundo tum iuxta aquam volitans, ut penna saepe percutiat.* 378. Ex eod. 214. 215. Plinio sunt ranae ultra solitum vocales XVIII, s. 87. *veterem querelam* ad fabulam transformationis ranarum (vid. Ovid. Met. VI, 316 sqq.) referunt; sed verbis simpliciter inest notio clamoris continui semperque eiusdem. Poetis enim *querelam* de quacunque animalium voce dici notum est.

379. Arat. v. 224. 225. conversa a Cic. de Div. I, 9. *tecta penetralia*, ut *adytum penetrabile* Aen. II, 762. *templa penetralia caeli* Lucr. I, 1098, ut in nonnullis legitur. *angustum iter* *νόλης ὁχλῆς*, foraminis: si modo Aratum reddere voluit; sin omnino naturam fornicarum exprimere maluit, *angusto calle* incedentium, ut Aen. IV, 405, in loco disertiore: rectius *iter* de tramite isto, quo eunt redeuntque intelliges cum Cerda et aliis. (priorem explicationem commendari verbis *extulit ova tectis*, iam vidit Wunderl. *Wr.*) Apud Plin. XVIII, s. 88 est, *formicae—concursantes aut ova progerentes*.

380. *Arcus*, iris, *bibere*, h.

haurire, attrahere, aquas suis cornibus, pluvio tempore, etiam a nostris hominibus creditur. conf. ad Tibull. I, 4, 44. Loca alia vid. ap. Cerdam. Alias *nubes* dicuntur *bibere*. Sic in Anthol. Lat. lib. V, 113 de Oceano: *Te potant nubes* (sic leg.), *ut reddant frugibus imbres*. Statius Theb. IX, 405 *At pater arcano residens Ismenos in antro, Unde aurae nubesque bibunt atque imbrifer arcus Pascitur, et Tyrios melior venit annus in agros*. Arat. ib. v. 208 *duplicem arcum* habet: *διδύμη Ἴοις*, ex repercussa luce in nubibus. Nostrum laudat Seneca N. Qu. I, 6.

381. 382. Arat. v. 231 — 237. *increpuit densis alis* debebat exprimere *τιναζόμενοι πτερά πικνὰ*. in hoc vero *πικνὰ* (pro *πικνωδῶς*) positum esse putes pro *crebro*. Etiam in epigrammate (Brunck. Analect. Tom. III, pag. 152. VI) *Ἀλετὲ, τὸν χαρίεντα, ποτὶ πτερά πικνὰ τινάξας, Πῶς ἔφραξες*; At Virgilius *πικνὸς* *densus* transtulit et (nam *dense increpare* nihili esset) *πτερά πικνὰ*, *alas densas* interpretatus est, si-ve ut alarum naturam exprimat epitheton, si-ve ut ad multitu-

Iam variae pelagi volucres, et quae Asia circum  
Dulcibus in stagnis rimantur prata Caystri,  
Certatim largos humeris infundere rores, 385

### 383. VARIAS

383 *Tum* pro *Iam* alter Arundel. *variae* Medic. et Gud. Rom. Pierii, unus Arundel. et Bodlei. Sic iam Serv. lectum fuisse notat, ut *infundere* pro *infundunt* dictum accipiat. Ita nova sententia facienda: *Nunc caput obiectare — videas. Iam volucres pelagi varias* in nonnullis ap. Pierium. Mox *atque Asia* Medic. Mentel. pr. a m. pr. et nonnulli ap. Pier.; putes, aut *quae*. (Lectio *varias* aut Servio, aut alii Grammatico, quem secutus est Servius, deberi videtur; vid. Q. V. XVI, 5. *Variae volucres* est Nominativus absolutus; exempla e scriptoribus Lat. petita vid. apud Cort. ad Sallust. Iug. cap. 30. et quos ille laudat. Sed etiam Infinitivo absoluto, licet *videas* infra sequatur, locum esse posse non negaverim; vid. Q. V. XXX, 3. Illud etiam, quod est in Mediceo, *atque*, testari videtur Grammaticorum conatus, orationis, male cohaerere visae, utcumque emendandae: *volucres pelagi atque — volucres, quae sunt — circum Asia Caystri prata. Wr.*) 384 *mirantur* Reg. a m. pr. videtur exhibere.

dinem corvorum referat. Iungenda vero: *increpuit alis densis*; non vero: *exercitus densis alis*. Plin. XVIII, s. 87 dixit *corvi — se concutientes*. Simplicius Homer. II, β, 462 *ὄρνιθων πτερυγῶν ἔθνεα πολλὰ — ἐνθα καὶ ἐνθα ποτῶνται ἀγαλλόμεναι πτερόγυεςσι*. Ceterum ad hoc praesagium referenda Horatii verba Carm. III, 27, 9 *antequam stantes repetat paludes Imbrium divina avis imminuentum*.

383 — 387. Ex avibus marinis et cygnis praesagia pluviarum memorat. *Iam videas varias volucres — infundere* etc. Cygni hic dicuntur *in stagnis dulcibus Caystri* (in stagnis, quae Cayster fl. egressus ripas, inundando vicina, facit) *rimari prata Asia circumcirca*: pro vulgari, versari in iis. *rimari* autem de cygnis, pabulum et herbas quae- rentibus. Georg. II, 199 dixit Mincium *Pascentem niveos herboso flumine cygnos: stagna recte dulcia*, utpote vivi et per-

ennis fluvii, non situ putrescentis aquae. *Asiam paludem* dixit Aen. VII, 701. At Homerus *Ἀσίῳ λειμῶνα*. Est autem *Asia* angustus tractus paluster Lydiae ad Caystrum, non longe a Tmolo, satis notus ex Homer. Iliad. β, 461 *ἢ κύκνων δονλιχοδείρων Ἀσίῳ ἐν λειμῶνι Καῦστροῖον ἀμφὶ δέεθρα*: quem expressit Virgil. vss. 383. 384. conf. Waltheri Animadverss. hist. et crit. n. IV. Reliqua partim a Varrone Atacino sumsit, cuius fragm. in Catalectis vet. poetarum: *Tum liceat volucres pelagi tardaeque paludis Cernere inexploto studio* (ἄπληστον; hoc est, quod noster *incassum* dixit. At Servius, quod densae plumae non admittunt aquam ad cutem.) *certare lavandi, Et velut insolitum pennis infundere rorem*: partim ab Arato Diosem. 210. 211 *Πολλάκι λιμναῖαι ἢ ἐνάλιαι ὄρνιθες Ἀπληστον κλύζονται ἐνέμεναι ὑδάτεσσιν*; h. *caput obiectant fretis*, s. aquis



Nunc caput obiectare fretis, nunc currere in undas,  
Et studio incassum videas gestire lavandi.

Tum cornix plena pluviam vocat improba voce,  
Et sola in sicca secum spatiatur arèna.

Ne nocturna quidem carpentes pensa puellae 390  
Nescivere hiemem, testa quum ardente viderent

### 391. HIEMEM:

386 *in undam* Medic. a m. sec. Gud. et unus Mead. (*undas* prior lectio Medic.; vid. Q. V. VIII, 3, VIII, b. *Wr.*) *undis* Mead. alter, ut nonnulli apud Pierium. *in unda* alii. 387 *studio incensas* malebat Io. Schrader. 388 *Tunc* Nonius in *pluvia*. (etiam Serv. Dresd. *Wr.*) *rauca voce* Servius et edd. nonnullae; quod probat Kingius ap. Martin., sed est alterius glossema. (Nempe rectius Serv. Dresd., quam vulgatae editiones: „Tunc cornix plena: plena dicit rauca, contra naturam suam.“ vid. Q. V. XVI, 1. *Wr.*) *plenam* ed. Ven. 389 Post hunc versum adduit nonnulli: *At caput obiectat querulum venientibus undis*, ut in Franc. Leid. et Voss., in hoc quidem, ut et in Bodlei. et uno Arundel., post v. 388. In Medic. Gud. Mentel. pr. et sec. Parrhas. in margine erat a rec. manu scriptus. (invenitur etiam in cod. 4. 9., et in 2. a m. sec. *Wr.*) Reg. et Mead. cum ed. Norimb. habebant: *Et caput*. In Cantabr. deerat *obiectat*. Confectus versus e v. 386. 390 *Nec* vulgo. *Ne* Medic. Gud. Mentel. pr. et Moret. pr., item Rom., perpetua quidem variatione. Debebat tamen utique et h. l. placere, ut viri docti fere ubique restituerunt: atque sic iam Naugerius ediderat; ergo sequutus sum. (*ne* pro *nec* incuria a se relictum scribit Wunderl. Praefat. pag. VII. Vid. notata ad vs. 126. *Wr.*) 391 *cum testa* Rottend. sec.

immersant. Quae omnia si inter se compares, poeticam in nostro, quamquam novissimus post illos venit, copiam non desideres. Plinius XVIII, s. 87 e nostro: *Et quum terrestres volucres contra aquam clangores dabunt, perfundentes sese; sed maxime cornix*.

388. Aratus plenius vss. 217 — 221 conversis a Cic. de Div. I, 9. add. 290. 291. Nostrum expressere Claudian. XV, 493. Lucan. V, 555. 556. *cornix improba*, sive infausti omnis, sive *improba vocat*, pro improbe, clamore improbo, nimio, continua crocitate eaque odiosa: vid. sup. ad v. 145. *plena voce*, e pleno guttore, Gallis *gras*: *παρέα κροῖζουσα*. Eam *vocare*

*pluviam*, quam denuntiat, iam Lucret. dixerat V, 1084. 1085. *sola secum spatiari* dicitur, sola, non gregatim, ἢ πολλὴν στροφήεται παρ' ὕδαρ; ut: secum esse, habitare.

390 — 392. Ornate. Etiam puellae lanam ducentes tempestatem seu pluviam ingruentem ex scintillatione lucernae et fungi, qui ex stuppa in fungi speciem excrescit, concretionem divinare norunt. *Oleum scintillat*, h. flamma oleo nutrita. *testa* est lucerna fictilis. Vides, quemadmodum rem vilem non ignobili oratione expresserit. Nec minus tamen bene et copiose Aratus ib. 244 — 248. 302 sqq. adde Plin. XVIII, s. 84. cf. Apulei. Met. II, 18.

Scintillare oleum, et putris concreescere fungos.

Nec minus ex imbri soles et aperta serena  
Prospicere et certis poteris cognoscere signis.

Nam neque tum stellis acies obtusa videtur, 395  
Nec fratris radiis obnoxia surgere Luna,

395. VIDETUR; 396. LUNA;

393 *eximbres soles* Pierius e Romano et nonnullis antiquis, quod recipit Martinus, ne, cum mox e solis et siderum fulgore praesagia capienda dicantur, pluvio caelo id facere praecipiat poeta. Sed ut hoc argutius est, quam verius, nam pluviarum intervalla esse possunt, in quibus stellae fulgeant, ita *eximbris* sola analogia se tuetur. (vid. Not. *Wr.*) Porro Reiskius coniciebat: *soles per aperta serenatos*. 394 *agnoscere* Parrhas. 395 *Nam neque* at Goth. pr. *tunc astris acies obtusa videri* apud Gellium N. A. VII, 17; hoc posterius impense placet Heinsio; et ipse hoc a Virgilio profectum esse malim: ut sit is, quem infinitivum historicum appellant: *videri, sargere, ferri*. (At memoria lapsum ita scripsisse Gellium, altera illa diversitas *tunc astris* satis probat; nec locus hic Infinitivo absoluto. vid. Q. V. XXX, 6. *Wr.*) *tunc acies stellis* inverso ordine Zulich. *tum in stellis* Mentel. pr. *cum stellis* ed. Commel. 396 *Nec fratris radiis obnoxia surgere Luna*. Cum interpretatio in h. v. haereret, et poetae menti et rei memoratae contraria exiret, visa mihi erat fraus latere in *Nec* pro qua sententiam requirere *Et* suspicabar; ita ut locus sic procederet: *Nam neque tam stellis acies obtusa videri, Et fratris radiis obnoxia sargere Luna*, infinitivo historico; ut sensus sit: nam *et* stellarum acies tum cernitur *non* obtusa, *et* surgit, in conspectum venit, Luna. Nihil impediti in his esset; ornatus caussa adiectum: *fratris radiis obnoxia*, soli. Legi-

393—414. Sequuntur praesagia serenitatis: et primo quidem usque ad vs. 400 ea declarata sunt per absentiam eorum, quae impendentes pluvias significabant apud Aratum 206 sq., tum vs. 401 ea apposita sunt, quae nunc fiunt. (*ex imbri*, i. e. post imbrem. Nam postquam imber desierit, ex certis quibusdam signis cognosces, serenitas reditura, an nova pluvia metuenda sit. *Wr.*) *Serena*, ut *serenum*, absolute dictum, ut alia simili modo, h. *serenum* caelum, quod *apertum* vocari potest, nullis nubibus obductum: καθαρὸν φάος ἀμβλύεσθαι dixerat Arat. Prognost. 281, et φάτινν καταιρομένην πάσης ὑπέροθεν δμίχλης v. 265, ubi ad

unam stellam hoc praesagium retulit; cum Virgilius omnino stellarum obtusam et obscuratam lucem memoret. 396. *Nec fratris radiis obnoxia surgere Luna*. Vexatus locus; nec perspectus, nisi totum coniunctum legeris: *Nam neque — Nec — non — non* usque ad v. 400. ut eadem sententia continuetur; non autem, ut vulgo fit, priores duo versus 396. 97. seiunctum a ceteris sensum constituent. In his quidem sententia per se haud difficilis est ad assequendum: lunam pura tunc luce nitere. At verba contrarium produnt: *nec Luna surgit*, h. e. non oritur; atqui, caeli serenitate reddita, stellae lucent et luna conspectui redditur. Varios inter-

Tenuia nec lanae per coelum vellera ferri;  
Non tepidum ad solem pennas in litore pandunt  
Dilectae Thetidi alcyones; non ore solutos

tur quoque *Et* in Schol. Statii Theb. II, 146. Versum tamen emendatione non indigere, comparato loco Arati, quem poeta ante oculos habuit, docui in Excursu ad h. v. Io. Schrader. coniciebat *fulgere pro surgere*, nullo cum fructu. *obnixa* Moret. pr. Potest quoque interpunctio mutari: *nam neque tum stellis acies obtusa; videtur nec fratris radiis obnoxia surgere Luna*. Verum sententia ita non mutatur, quae esset: stellae lucent, luna non oritur. 397 *Tenuia e* Medic., sed altero *u* et τῷ *e* linca obducto. 398 *Nec* Lcid. pr. et unus Mead. *Nam* ed. Ven. *pinnas* Rom. *tepidè* Goth. sec. (*litora* Medic. *Wr.*) 399 *ore soluto* alii apud Serv. (*halcyones* Voss. et Iahn. exhibent; verius puto *alcyones*. Sic etiam, de cetera aspiratione, hoc nomen Romani poetae videntur scripsisse; nec ulla apud Heinsium lectionis varietas notatur, nec hic, nec infra III, 338. Qui, quum Danielis patris editionem, in qua est *alcyones*, cum scriptis libris contulerit, in omnibus videtur invenisse, quod et ipse et Heynius ediderunt. Firmant hanc scripturam Medic., Fragm. Vat. ad III, 338., et, quantum ex Bottarii silentio colligere licet, Romanus. Apud Graecos scriptores invenio et Ἀλκυών, Ἀλκυόνη, et Ἀλκυών, Ἀλκυόνη exaratum, illud, praeter alios, apud Homerum. *Wr.*)

pretandi modos grammaticae adversantes vid. in Excursu ad h. v. Expedire rem mihi videor ex Arati verbis, quae poeta reddidisse videtur ex vss. 281 sq. quos in Exc. apposui. Scilicet Aratus tempestatis ingruentis signum apponit: „quando repente stellarum lux obtunditur, offuscatur, *nulla apparente causa*, nec nubibus obductis, nec caligine alia, nec luna suborta, *quae nimirum luce sua eas offuscet, iis officiat*. Ergo verba Maronis, qui, e contrario, abesse tempestatis praesagia declarare vult, naturali vi et sensu posita sunt: nec videtur, cernitur, acies stellarum obtusa, nec cernitur *surgere*, nec surgit, oritur, *Luna*, radiis fratris *obnoxia*, lucem suam a sole mutuari solita, h. e. non oritur, prodit, *ut luce sua stellas obscurare possit*. Ergo abesse poeta ait id, quod tempestatis instantis signum esse posset, cum cae-

lum repente, nulla de causa apparente, tamquam aere densato, obscuratur. (Frustra se torsisse interpretes mihi videntur. Ego dici puto rubicundam Lunae faciem, tempestates portendentem, qualis interdum sub solis occasum conspicitur. Occidentis solis radii rutilant; hinc ita fratri obnoxia interdum est Luna, ut ipsa rutilet. Iahnus, Vossium et Wunderl. secutus: „Luna ita serena est, ut non, sicut vulgo, lucem a sole mutuata esse videatur.“ *Wr.*) — Nunc vs. 397. *Tenuia nec lanae*. Ex Arato ibid. v. 206. 207 πολ- λάκι δ' ἐρχομένων ὑετῶν νέφεα προπάροιθεν οἶα μάλιστα πό- κοισιν εὐκίοντα ἰνδάλλονται. *vel- lera lanae*, nubeculas lanis similes, nostris hominibus *oviculas* dictas, serenitatis nuntias, accipiebam, ut alii; male vero: nam ex poetae sententia esse debet prognosticum instantis tempestatis pluviosae; quod nunc



Inmundi meminere sues iactare maniplos: 400

At nebulae magis ima petunt, campoque recumbunt;

Solis et occasum servans de culmine summo

Nequidquam seros exercet noctua cantus.

Adparet liquido sublimis in aere Nisus,

401 *Aut* Moret. sec. et fragm. Moret. *campoque residunt* Goth. sec., non male, sed ex interpretatione. 402 *de lumine* Ven. 403 *Necquidquam*; frustra, ut sup. 96 *nec nec illum Fluva Ceres alto nequidquam spectat ucervo*. Et sic saepe. De interpretatione vid. Not. Iungo: *Nequidquam exercet c.* At Eduard. King.: *Nequidquam servans occasum*, quippe qui in tanta caeli serenitate vix possit observari. Servius, quem vulgo sequuntur interpretes, *nequidquam* pro non poni vult. Io. Schrader. emendabat: *Nequaquam*. 404 *uethere* Rom. unus Mead.

abesse ait. Sunt ergo nubes per caelum sparsae mox in densiorem et obscuram nubem coiturae: Plin. XVIII, 35, s. 82 *Si nubes, ut vellera lanæ, spargentur multae ab oriente, aquam in triduum praesagient*. Aliena a re loca sunt, quae Cerda memorat, Lucani IV, 124, 5. Martialis, et reliqua. — 399. *Dilectae Thetidi alcyones*. Sic iam Theocr. VII, 59 *Nereidibus dilectas* dixerat. *Ἀλκύνες, γλαυκαῖς Νηρηΐσι καὶ τε μάλιστα Ὀρνίθων ἐφίλαθεν ὄσαις τέ περ ἐξ ἁλὸς ἄγρα*. Iis incubantibus mare tranquillum esse, unde dies Halcyonii dicti sunt, nota res est. Aliena tamen haec ab h. l. sunt, quo praesagia ingruentis tempestatis memorantur: *alcyones raro in conspectum veniunt, nec nisi Vergiliarum occasu et circa solstitia brumae*: vid. Aristot. H. A. V, 9. Plin. X, 32, s. 47. tunc ergo praesagientes aeris mutationem pennis expansis esse solent. — 400. *manipulos* non modo messae frugis, sed herbarum, graminis, straminis etc. eos *iactant solutos*, h. ita ut solvan-

tur iactando: notum signum instantis mutationis caeli. Etiam Plin. XVIII, 88.

401. Sequuntur nunc ea, quae serenum caelum vere portentunt: subsidentes nebulae, noctuae cantus, etc. Arat. ibid. 256 sqq. tum ad 402. cf. ibid. v. 267 — 269, ubi diserte *ἡσυχον αἰδουσα*: nulla re interpellante eam canentem adeoque continuo. Noctua observans solis occasum, atque adeo noctem, sedens in arboris cacumine, canit assidue, sed frustra: avis enim quamvis ominosa, tempestatisque alias nuntia, nunc tamen, quo minus serenitas redeat, non impedit. Plin. XVIII, 87 *Sic noctua in imbre garrula* (praesagit serenitatem), *at sereno, tempestatem*. Nihil mihi videtur magis esse expeditum hac nostra ratione; vid. tamen Var. Lect. (*nequidquam*, an, quia non auditur sero canens? ut Ecl. II, 4.: „ibi haec incondita solus Montibus et silvis studio iactabat inani.“ *Wr.*)

404. Haliaeetus nunc cirin

Et pro purpureo poenas dat Scylla capillo; 405  
 Quacumque illa levem fugiens secat aethera pennis,  
 Ecce inimicus, atrox, magno stridore per auras  
 Insequitur Nisus: qua se fert Nisus ad auras,  
 Illa levem fugiens raptim secat aethera pennis.  
 Tum liquidas corvi presso ter gutture voces 410  
 Aut quater ingeminant; et saepe cubilibus altis,  
 Nescio qua praeter solitum dulcedine laeti,

406 — 409 in Ciri repetuntur: 538 sq. *Quamcunque* Gud., male. *aera* unus Arundel. *pinnis* Medic. Gud. Reg. a m. pr. Mentel., hic et 409. 408 *qua fert se* Rottend. 409 *raptum* Medic. a m. pr. et alter Menag. *partim* Probus in Grammatica. *rapidis* Voss. alter et Goth. sec. *secat aera* Parrhas. Ceterum hos tres versus 407 — 409 *παντολογοῦντας* et spurios damnabat Reiskius et ab edit. Argent. abesse notabat. Essent idcirco translati e Ciri putandi. At sic 406 *Quacumque* simul erit rescindendus. 410 *Cum liquidas* Ven. *presso corvi* Moret. sec. 411 *Atque ter ingeminat* Reg. a m. pr. 412 *dulcedine capti* Menag. et Goth. primus, ut alias poetae. Sed vid. inf. IV, 55.

infesto volatu persequitur. De Scylla, quae patrem Nisum Minoi prodiderat, in avem una cum patre mutata, ipsa in cirin, pater in haliaetum; qui eam nunc pertinaci odio persequitur, si conspexerit; vid. Cirin et Argumentum. Fabula ap. Ovid. Met. VIII. conf. sup. ad Ecl. VI, 74. *liquidus* etiam aeris naturam mobilem denotat. 407. *inimicus*, *atrox*; potest ita accipi, ut alterum pro adverbio sit: atrox Nisus inimice insequitur: quandoquidem docent viri docti, non bene duo epitheta iungi; nisi alterum participium sit. vid. Georg. III, 149. IV, 19. Aen. III, 70. Ubi tamen orationi *δεινότης* aliqua inest, non male tum duo epitheta iunguntur ad augendam rei gravitatem, sive adiectivum sive participium sit: ut in illo, quod infra lib. III, 149 *Asper, acerba sonans*. Idem etiam tum locum habet; cum res per plura attributa, adiuncta, aut alia,

quae rei propria sunt, declaranda ac describenda est: uti Aen. VI, 283 *Ulmus opaca, ingens*, *quam* etc. Ita si statuas, caussas ex ipsa rei natura petitas teneas. Multo frequentiora haec sunt in Homericis. (Wunderl. malit iungi *inimicus Nisus insequitur atrox*, h. e. atrociter, vehementer, *δεινὸς ὢν*. Quod h. l. minus placet. *IVr.*)

410. Aratus ibid. v. 271—277, sed disertius, et Lucret. V, 1077—1085. *presso gutture*, coarctato, acuto cantu, clangore, *λιγυνομένοισιν ὁμοῖα*. *voces liquidae* oppon. raucis: quibus corvus imbres alias denuntiat: cf. Plin. l. c. — 412. *Χαίρειν κέ τις ὠτίζοιτο* ibid. 274. *dulcedine laeti*, h. voluptate, gaudio. Similis locus inf. IV, 55. *imbribus actis*, exactis, finitis, desinentibus, Burmannus exponebat: vereor, ne hinc tenuis nimis ratio exoriatur. Melius *actis*, ab actis, pulsis. (*actis* pro actis

Inter se in foliis strepitant; iuvat imbris actis  
 Progeniem parvam dulcisque revisere nidos:  
 Haud equidem credo, quia sit divinitus illis 415  
 Ingenium, aut rerum fato prudentia maior:  
 Verum, ubi tempestas et coeli mobilis humor

## 413. SE FOLII 414. NIDOS.

413 in *foliis* Medic. Gud. sex alii; item Romanus, Medic. Pierii cum aliis; nec non tres apud Martin. (*foliis strepitant* valeret: motis foliis strepitum excitant; quam explicationem respuit vel illud, quod adicitur *inter se*. Itaque in foliis strepitant, i. e. sub arboribus, quo post imbrem frequentes conveniunt, sive inter folia. Res ipsa satis nota. Prae-positionem revocavit etiam Iahnus. *Wr.*) *strepitant foliis* Moret. unus. *crepitant* Leid. alter, quod sane et ipsum dicitur, ut ap. Avien. p. 122 in hac ipsa re. 414 *et dulces invisere* Franc. *natos* Vratisl. 415 Reiskius eleganter coni. *Haud (equidem credo) quia sit divinitus illis Ingenium*; et sequitur *maior*; ergo et *divinitus*. Facile itaque praeferam. (Horat. Sat. I, 4, 43.: „Ingenium cui sit, cui mens diviniior.“ Sed vid. Not. *Wr.*) Video in idem hoc iam alios viros doctos incidisse (in *Hist. de l'Acad. des Inscript.* Tom. XXXIV, p. 168. 169), etiam Io. Schraderum. est quoque *divinitus* ap. Io. Sarisber. de Nugis Curial. II, 2. At Wakef. improbat ad Lucret. II, 180, quia ibi occurrit: *Hoc — ausim confirmare — nequaquam nobis divinitus esse creatam naturam mundi*. Ex vulgari lectione est supplendum: *Haud equidem credo hoc ita fieri, quia sit*. 416 *facto* Franc. *fato rerum* Toll. 417 *mollibus* Gôth. pr.

coelo. Ge. II, 334.: „actum caelo aquilonibus imbrem.“ Add. Ge. II, 130. *Wch.*)

415. Non hoc eos propterea facere videri ait, quia illis *divinitus sit ingenium*, h. e. ex Pythagoreorum, Platonicorum ac Stoicorum placitis *pars divinae mentis et haustus aetherii*, ut IV, 219. 220, ubi vide, conf. Cicero de Divin. I, 49, s. 110. 53 pr., *aut rerum prudentia maior fato*, h. quam fatum, hactenus scilicet, ut, quid futurum sit fato, ipsi praevideant et praesentiant. Scilicet solet iis, qui divinandi facultatem habent, potestas aliqua et imperium in fatum poetica ratione tribui. Nescio tamen an usquam illa divinandi vis habita sit *maior fato*, quae fata mutare posset; quod nec Iovi licebat, qui tantum retardare

fatum poterat. Itaque praeferenda esse videtur altera, quae facilitate se commendat, interpretatio: „quia rerum prudentia maior (quam in hominibus esse solet) iis sit *fato*, ut ante, *divinitus*, a fato data.“ (Bene sibi opposita sunt *divinitus* et *fato*. Nam res constitutae sunt aut *divinitus*, h. e. a numine aliquo, aut per *fatum*. *Wch.* — *rerum fato* iungunt Voss. et Iahn., eam secuti interpretatiorem, quam priore loco proposuit Heynius. *Wr.*)

417—23. Verum, ubi caelum et aer mutatur, et aer humidus modo densatur, modo rarefit et tenuatur, naturae harum avium mutationem aliquam subeunt, et motus diversos a prioribus sentiunt. *Iupiter — denset*. Tribuitur Iovi, quod nos



Mutavere vias, et Iuppiter uvidus austris  
Densat, erant quae rara modo, et, quae densa,  
relaxat;

Vertuntur species animorum, et pectora motus 420

#### 419. DENSET

418 *Mutavere vices* Markland. ad Stat. Silv. V, 2, 152 eleganter coniectat, ut Catroeus etiam ediderat; utque in uno Arundel. legitur. Sed nec male, procellae seu tempestatis ac nubium via ac ratio naturaque mutatur, cum sudum fit, et omnino *mutat vium* quodcumque movet se, procedit. Paullo diversa ratione *viae caeli* dictae Georg. II, 477 pro motu siderum, ut via solis, siderum: quae pro exemplis laudat Burm. h. l. *uvidus* est ex Medic. *humidus* alii, *umidus* Romanus. (*Uvidus, uvens*, saepissime in *humidus, humens*, mutatum; vid. Gronov. Diatr. cap. 24. Heins. ad Ovid. Am. III, 5, 6. Broukhus. ad Tibull. I, 9, 37. Drakenb. ad Sil. It. IX, 30. Quae res explicanda e vetere scribendi ratione, aspirationem in voc. *humidus* respuente; ita facillime *uvidus* in voc. magis frequentatum *umidus* transire poterat, quamquam non negaverim, fieri etiam potuisse, ut *umidus* in *uvidus* interdum corrumperetur. Vim autem et potestatem horum vocc. si spectamus: humida, humentia, contraria sunt siccis et aridis: Ovid. Met. I, 19.: „Frigida pugnabant calidis, humentia siccis.“ Plin. H. N. XVII, 14.: „Calamos aridos inseri non oportet, quia cortex non humescit.“ Caes. Bell. Civ. I, 58.: „Naves ex humida materia factae.“ Cic. Verr. I, 45.: „Ignem ex lignis viridibus atque humidis fieri iussit.“ *Uvens, uvidus*, est largiter humens, rorans etiam ac stillans: Plaut. Rud. IV, 3, 5.: „uvidum rete.“ Horat. Od. I, 5, 14.: „uvida vestimenta“ e naufragio. Ovid. Fast. IV, 427.: „locus adspersione multa *Uvidus* ex alto desilientis aquae.“ ibid. vs. 686.: „rura assiduis uvida semper aquis.“ Stat. Silv. III, 1, 144.: „Nereides scopulis uventibus haerent.“ Quod si quis Horatium mihi opponat, Od. IV, 5, 39.: „dicimus sicci mane die, dicimus uvidi,“ ut taceam, posse etiam uvida recte opponi siccis, voc. *uvidus* hoc quoque loco eam, quam ci tribuimus, sustinet potestatem: uvidi enim potantes, i. e. largiter bibentes, dicuntur, nunquam humidi. Sed ex his ipsis Horatii verbis, aut similibus, Servius sua hausisse videtur: Ecl. X, 20.: „humidum est, quod extrinsecus habet aliquid humoris, uvidum vtro, quod intrinsecus.“ Iam ad nostrum locum ut redeam: quamquam infra vs. 462. *Auster* vocatur *humidus*, huic tamen orationi et plurali austris gravius videtur convenire vocabulum *uvidus*. *Wr.*) 419 *Denset* e Medic. Rom. et melioribus Heins. conf. Cerda. *Densat* vulgo. cf. sup. ad 248. (ubi *densat* h. l., quod reposui, scribendum esse censui. *Wr.*) Mox *et* ante *quae* deest Leid. pr. *aut quae* malit Kingius ap. Martinum in app., sed *et* saepissime eadem vi. *reluxet* Ven. et Zulich. 420 *pectore* Mentel. pr. cum duodecim aliis Heinsii et Burm., item nonnulli apud Pierium et Martinum et Goth. uterque: ferri et hoc potest.

de Natura pronuntiamus. Is aerem rarum densat, densum ac gravem rarefacit. 420. *Vertuntur species animorum*; paullo aliter ap. Homer. Odys. σ, 135. i 36. nobilissimis versibus: tales hominum mentes, ita homines

animo affecti, adeoque laeti ac tristes, uti sors cuiusque diei rerumque externarum conditio ferat: ita enim interpretandi versus: *Τοιός γάρ νόος ἐστὶν ἐπιχθονίων ἀνθρώπων, Οἷον ἐπ' ἡμᾶρ ἄγῃσι πατὴρ ἀνδρῶν τε*

Nunc alios, alios, dum nubila ventus agebat,  
Concipiunt: hinc ille avium concentus in agris,  
Et laetae pecudes, et ovantes gutture corvi.

Si vero solem ad rapidum lunasque sequentis  
Ordine respicies: numquam te crastina fallet 425  
Hora, neque insidiis noctis capiere serenae.  
Luna, revertentes quum primum conligit ignis,  
Si nigrum obscuro conprenderit aera cornu:  
Maxumus agricolis pelagoque parabitur imber.  
At si virgineum suffuderit ore ruborem: 430

424. LUNASQUE, 425. ORDINE, 430. AT,

421 *Tunc alios* Gad. 422 *hic ille avium contentus* Medic. a m. pr. ovium Ven. in auris malit Io. Schrader. Wakef. ad Lucret. V, 1082 interpungit: *hinc ille avium concentus, in agris Et laetae p.* 424 *Sin* Mentel. tert. a m. sec. *ad solem rapidum tres, ad rapidum solem* Moret. fragm. (*sequentes* Medic. Wr.) 425 *respicias* Menag. pr. et Seneca epist. 88. *prospicies* Franc. *prospicias* Parrhas. (— 426. Principio scriptum fuerat in Medic. *nec et noctes. Wr.*) Vss. 427. 428. 429 leguntur ap. Senecam Suasor. p. 27. Gron. 427 *colliget* Goth. sec. 428 *obscurae* Medic., sc. Lunae, quod etiam elegantius haberi possit. (Sed *obscurae* Medic. a m. sec. Wr.) *comprenditur* Ven. *aera* vetustissima exemplaria habent, idque reposuit Nauger. Ald. tert., at priores *uere*, quod Pierius et Catroeus praeferebant; ut est in cod. Rottend., minus bene. vid. Burm. et Martin. 429 *agricolae* ed. Cerdæ; et mox *virgineo*, sine libro, nt videtur, scripto. 430 *Aut si* Medic. a m. pr. et Menag. alt. *ora* fragm. Moreti: ita esset: *suffundere ruborem sub ora*; nec male hoc se haberet, et doctius foret. (Serv. Dresd. *ora pudorem. Wr.*) Coni. Heins. *virgineo suffuderit ora rubore*; quod usitatum poetis, sed hac ipsa de caussa suspectum. Nunc *ore* est in ore. (Cf. Not. ad Ge. III, 439. Wch.)

θεῶν τε: at in Marone animorum habitus mutatur ex tristitia ad laetitiam versus. 423. *ovantes gutture* h. cantu, laetam vocem edentes.

424 — 437. Ad praesagia e lunae phasibus, *lunas* dixit, et iis, quae in solis specie apparent, progreditur. Iis enim observatis, sequentis diei tempestatem ac caelum facile praedisci posse, etiamsi noctis serenitas aliud promittere videatur. In his omnibus ante oculos fuit Aratus, qui copiosus est in hoc prognosticorum genere. 426. Sic Aen. V, 851 *caeli toties deceptus fraude*

*sereni*. Rem ipsam subministravit Aratus Diosem. 46 sq.

427 — 437. Luna renascens si obscura fuerit, est praesagium pluviae; si rubicunda, venti. Quarta dies a nova luna si puro nitore fulserit, serenitatem per totum mensem portendit. Respicit h. l. Plin. XVIII, 79, qui plura apposit. Ex multis, quae de luna tradit Aratus Diosem. 51 — 55. 69 — 72. 417 sq., haec selegit poeta; nonnulla quoque v. 432 — 435 aliter est interpretatus. Virgilium expressit Vegetius de Re milit. V, 11. 427. 428. Novilunium. si nova luna

Ventus erit; vento semper rubet aurea Phoebe.  
 Sin ortu quarto, namque is certissimus auctor,  
 Pura, neque obtusis per coelum cornibus ibit:  
 Totus et ille dies, et qui nascentur ab illo  
 Exactum ad mensem, pluvia ventisque carebunt, 435  
 Votaque servati solvent in litore nautae  
 Glauco et Panopeae et Inoo Melicertae.

434. ET, QUI 435. CAREBUNT:

432 *ortu in q.* editum video usque ad Pulmannum constanter; retinent tamen et post illum Ruaci, Catroei edd., et e codd. Parrhas. Bodlei. alter Arundel. Goth. pr., et sic apud Senecam Suasor. p. 27. *namque his* Goth. pr. Voss. pr. edd. Iunt. et Ald. pr. (*neque is* Medic. a m. pr. *Wr.*) hic Voss. Versum hunc ante oculos habuit et ex h. l. interpretandus est Valer. Fl. II, 367 *Et (f. ut) lunum quarto densam videt imbribus ortu Thespiades*; nam contrarium eius ponit, quod Maro pronuntiat: sin luna non habuerit cornua acuta, quia nubibus densis obscurata est, Tiphys colligit inde tempestatem non in melius mutatum iri. 433 *Plena neque obtusis* Seneca Suasor. In Einonis Chronico vulgato in Analect. Matthaei Tom. III, p. 121. vulgatum, p. 138. *Laxa nec obscuris* recitari, monuit Burm. *obtunsis* in Romano et multis scribitur. *nec Pierii libri*, et Goth. pr. 434 *nascetur* Rom. Pierii et Regius Martini. *nascuntur* Longob. Pierii. 435 *carebit* ed. Ven. 436 *ad litora* Romanus. 437 *Punopiae* Medic. *Panopae* ed. Iunt. *Melicerti* Medic. a m. pr. (*Melicerti*, ortum ex *Melicerte*, ut exstat in cod. Rom., est prior lectio Medic. Ceterum vix potest dubitari, quin *Glaucouque* scripserit Virgilius; vid. Q. V. XI, 3. *Wr.*) Graece esset: *Γλαύκῳ καὶ Πανοπέῃ ἰδ' Ἴνώφ Μελικέρτῃ*.

nigra fuerit; si nigro aere novae lunae cornu fuerit obscuratum. 429. *agricolis pelagoque*, pro nautis. Ne haereas, cur pelago imber minetur. 431. *vento* h. l. cum ventus futurus est. Arat. Diosem. 52. 53. (*Semper* h. l., ut Graecum ἀεί, de eo, quod fieri solet; nostrum *jedes mal, aile mal. Wr.*) 432. Non habeo, quomodo haec conciliem cum verss. Arati 60. 61. qui *χελμῶνα*, *tempestatem*, significari ait. Nisi Maro, vss. iis neglectis, vss. 62. 63 expressit: *εἰ δέ κεν οἱ κεράων τὸ μετῆρορον εὖ ἐπινεύοι, δειδέχθαι βορέω*: *sin cornu superius bene curvatum sit* (tum sane luna non est obtusis cornibus) *expecta aquilonem, qui*

nubes dispellat. Omnino apud Aratum omnia subtiliora sunt, cum fastidiosa copia talium prognosticorum: qua quidem in re, comparatione utriusque poetae facta, facile admiraberis Maronis iudicium in dilectu et brevitate studio. *auctor*, qui pollicetur, vaticinatur, h. l. praesagit. 436. 437. Secunda erit navigatio. Iam 437 Parthenii versum esse, ex Gell. XIII, 26, et Macrob. V, 17 novimus: *Γλαύκῳ καὶ Νηοῖ καὶ* (l. *Νηοῦ καὶ*) *Ἴνώφ Μελικέρτῃ*, seu ut Gell. laudat, sed ex interpolatione, *Εἰναλίῳ Μελικέρτῃ*. *Panope* vel *Panopeia* (*Πανόπη, Πανόπεια*) est inter Nereides: Aen. V, 240. *Melicertam* autem esse Palae-



Sol quoque et exoriens, et quum se condet in  
 undas,  
 Signa dabit; solem certissima signa sequuntur,  
 Et quae mane refert, et quae surgentibus astris. 440  
 Ille ubi nascentem maculis variaverit ortum,  
 Conditus in nubem, medioque refugerit orbe:

438. CONDIT

438 *Sol quoque exoriens*, sine *et*, relicto hiatu, Medic. Moret. pr. Ven. v. Heins. supra ad vs. 4. *Sol q. cum e.* ed. Ven. *condit* fragm. Moreti, Gud. Moret. unus, Mentel. pr. a m. pr. et praeferam ipse, quia doctius est, alterum, *condet*, vulgare. (quare doctius illud? *Wr.*) Ibidem vs. 427 *col- ligit*. Nec tamen non recedit ab hoc Maro aliis locis, ubi res et versus postulat. (Iahnus *condet* reduxit, coll. vs. 458. Recte; vid. Q. V. VI, 5. *Condit* etiam 3. 5. 8. *Wr.*) *nec quum se* Ven. Reg. a m. pr. *udet* Goth. see. *ad undas* Moreti quart. 439 *sequuntur* Pierius et Heins. e melio- ribus, *sequentur* alii. Emendatiorem lectionem iam Naugerius dederat Ald. tert. *sequuntur* est pro adest, inest, ut Homericum *ἔπειται*. 440 *au- stris* Medic. et Rottend. see. a m. pr., etiam Erf. a m. pr. 441 *orbem* Parrhas. et ed. Veneta Burmanni; cui ablanditur lectio; modo eodiem maior esset auctoritas, nec recurreret versu sequ. *orbe*. Verum etiam paullo ante v. 432 *ortu quarto*; et est hoc exquisitius, ut adeo bene legi et probari possit: *medioque refugerit ortu*. Eadem variatio Horat. Carm. IV, 2, 58, ubi vid. Bentlei. 442 *refulgerit* Rottend. see., et *refulserit* Erf. Videtur posse referri ad illud phaenomenon, eum ex atris nubibus medius orbis solis erumpit, *ὁπότε — τὰ δ' αὖ περὶ μέσσα φαίνεται*, h. *τὰ μέσσα περιφαίνεται*, *medius solis orbis elucescat*, ap. Arat. v. 98. At vetat hoc sententiarum ordo apud Aratum, quem Virgilium retinuisse manifestum est. Et Avien.: *Sed non ora cuvo similis medioque recedens Orbe quasi*. Berg- strasser. mutabat: *variaverit orbem — medioque refugerit ortu*. quod Wakef. adeo probavit, ut reciperet in poetae verba. Quod mutare malim, est: *mediove*. Alioqui obscurum est, sintne duo, an trina, an unum pro- gnosticum quod memoret. Nam diversum hoc ab antee. *maculis variaverit*.

monem inter deos receptum, Inus f., satis constat.

438—440. Iam de progno- sticis ex sole agit, quae ille et sub ortum et sub occasum dat, affert. Ex Arato Diosem. 87— 89. In seqq. variavit nonnulla Virgilius ex eo ducta, aut plura in unum contraxit. Plura, quae tamen nec omnino inter se et cum nostro conveniunt, alia etiam ad unum idemque redire videntur, v. apud Plin. XVIII, 35, s. 78. 441. Sol oriens si maculosus, (Plin. l. c. si nubes nigrae rubentibus intervenerint.

*ποικίλλεσθαι* est Arato: *varios errare colores* mox dixit v. 452) nubibus obductus, ab exteriori tantum sui parte conspicuus et quasi concavus est, imber por- tenditur. *medio orbe refugere* simpliciter accipi posset, abdi, e conspectu subduci; nam poe- tis *medium* parum accurate di- citur; sed vetat Aratus Diosem. 96 *ὁπότε κοῖλος ἐειδόμενος πε- ριτέλλη*. Et Plinius: *concavus oriens pluvias praedicit*. Ad reliqua vid. Arat. Diosem. 90. 91. 113. 114, et 123 — 125. *ab alto* seu mari (hoc alienum

Suspecti tibi sint imbres; namque urguet ab alto  
 Arboribusque satisque Notus pecorique sinister.  
 Aut ubi sub lucem densa inter nubila sese 445  
 Diversi rumpent radii, aut ubi pallida surget  
 Tithoni croceum linquens Aurora cubile:  
 Heu, male tum mitis defendet pampinus uvas:  
 Tam multa in tectis crepitans salit horrida grando.  
 Hoc etiam, emenso quum iam decedit Olympo, 450

447. CUBILE; 450. DECEDET

445 *At ubi* Rottend. sec. 446 *rumpent* reduxit Heinsius, ut in aliis locis, pro *erumpent*: quod vulgare esset, quodque vulgo legebatur: nec tamen ubique: *rumpent* iam in Egnat. Commelin. occurrit; et habent istud omnes meliores etiam Pierii. *rumpunt* Rom., ut et Regius et Ald. tert. (et Ms. Bosii apud Cort. ad Lucan. I, 317. *Wr.*), sic convenit cum *surgit*. Mox *surget* etiam e melioribus repositum; idem iam Egnat. Commelin. et hinc alii. (*surget* etiam Medic. ap. Foggin. *Wr.*) Ceteri, in his Aldd., *surgit*. (hoc etiam 2. 3. 4. 5. 12. *Wr.*) 448 *defendet* Pieriani, item Medic. et alii boni libri. At *defendit* Gudian. a m. sec. Moret. duo, Leid. pr. Zulich. ed. Ven. Erf. a m. sec. *defendat* ed. Mediol. *vites* Ven. et Menag. sec. a m. sec. *tum* Ven. 449 *Tam antiquiores. Quum m.* apud Nonium in *Grando. Tum* Mentel. duo, fragm. Moreti cum octo aliis. *Iam* Ven. Leid. alter a m. pr. Genev. ed., nec displicet Burm. conf. v. 506. 450 *decedit* Medic. et Pieriani nonnulli. conf. sup. v. 209. *descendit* Rottend. alter. (*decedit* etiam Ald. tert., recte; sic enim *ubi iam, quum iam*, ubi significamus, modo futurum esse aliquid, cum Praesente iungitur: ut supra vs. 208. sq.: „ubi fecerit et iam dividit;“ sic libri praestantissimi. Ge. III, 303.: „cum frigidus olim iam cadit extremoque in orat Aquarius anno.“ ibid. 336.: „Solis ad occasum, cum frigidus aera vesper Temperat et saltus reficit iam roscida Luna, Litoraue alcyonen resonant.“ Ge. IV, 401.: „medios cum sol accenderit aestus, Cum sitiunt herbac et pecori iam gravior umbra est.“ Sic etiam *cum nondum* Ge. II, 321.: „auctumni sub frigora, cum rapidus non dum hiemem contingit equis, iam praeterit aestas.“ Et *dum mox* Ge. III, 296.: „dum mox frondosa reducit aestas.“ Contra Futurum adiiicitur particulis *cum iam*, ubi certum quoddam, sed remotius, tempus respicimus: Aen. XII, 821.: „Cum iam connubiis pacem felicibus, esto, Component, cum iam leges et foedera iungent.“ *Wr.*) *emisso* Leid. pr.

ab h. l. *Wr.*) seu ex aethere. vid. ad v. 324.

445. Si sub ortum Sol medio orbe obscuro radios quaque versus exterius sparserit. Plinius l. c. *Si in exortu longe radios per nubes porriget, et medius erit inanis, pluviam significabit.* vid. Aratus Diosem. 97—99 et 152. 447. Cum lux oriens erit pallida, grando ingruet. Versus est Ho-

mericus Od. ε, 1. In v. 448.

449 ipsa structurae conversione orationem exquisitam factam vides; grando ingruit; et ornate *crepitans salit* pro, cadit: cf. Aen. V, 458. 459. (*iam multa*, i. e. nam plurima; vid. ad Aen. XII, 830. Sic etiam infra vs. 505. sq. *Wr.*)

450. Si solis orbi praetextuntur nubes variae, nigrae denun-

Profuerit meminisse magis: nam saepe videmus  
 Ipsius in vultu varios errare colores:  
 - Caeruleus pluviam denuntiat, igneus Euros;  
 Sin maculae incipient rutilo immiscerier igni:  
 Omnia tum pariter vento nimisque videbis 455  
 Fervere: non illa quisquam me nocte per altum  
 Ire, neque ab terra moneat convellere funem.  
 At si, quum referetque diem, condetque relatum,  
 Lucidus orbis erit: frustra terreberet nimbis,  
 Et claro silvas cernes aquilone moveri. 460

452. COLORES; 453. EUROS. 455. TUNC 457. A  
 TERRA

451 *Profuerat* ed. Ven. iam Toll. 453 *Caeruleos* Leid. alter. *Caeruleus* Reg. 454 *Si Romanus. incipiunt* Medic. Gudian. Leid. pr. a m. pr., it. apud Pier. aliquot: (*incipiunt* est prior Medic. lectio. *Wr.*) et, si reliqua loca ad idem tempus revocentur, doctius ita dictum arbitror. *miscerier* Leid. alter, Franc. Mentel. et Gudian. alter. 455 *cum pariter* Franc. *tum* Rom. (quod revocavi; vid. Q. V. XXV, 5, a. *Wr.*) 457 *ab terra*, Valer. Probus Art. Grammat. I. *at* Medic. (*ab* reposui; vid. Q. V. I, 1. *Wr.*) *moveat* idem a m. pr. (et Ms. Bosii apud Cort. ad Lucan. I, 631. *Wr.*) et ita edidit Catroeus, nec probante Burm. Infrequens quidem, nec tamen insolens, *moveat convellere*, permoveat ut solvam. 459 *nimbisque* fragm. Moret. 460 *cernis silvas* Goth. sec.

tiant imbres, rutilae ventum.  
*errare* doctius quam esse. 452—  
 455. Ex Arat. Diosem. 102 —  
 107. *Sin maculae*: sin permix-  
 tae inter se erunt et nigrae et  
 rutilae. Mox 456 *Fervere* ele-  
 gantius quam, impleri. Si venti  
 et nimbi quaque versus fervent,  
 ut vs. 327 *aequor* dictum *fer-*  
*vere*, de magno motu et agita-  
 tione. In illis autem: *non illa*  
*quisquam me nocte* etc. suavis  
 orationis, imprimis tenuioris, va-  
 riandae color: similis illis: Georg.  
 II, 315 *Nec tibi tam prudens*  
*quisquam persuadeat auctor Tel-*  
*lurem* — *movere*. III, 436 *Ne*  
*mhi tum molles sub dio carpere*  
*somnos*, *Neu dorso nemoris li-*  
*ceat iacuisse per herbam*. Sub-

lectus tamen et is Arato: ut in  
 Phaen. 287 *Μὴ κείνω ἐνὶ μὲνι*  
*περικλύζοιο θαλάσσης* etc., de  
 quo loco iam Longin. s. 26 mo-  
 nuit; item 413. 154. 323. Etiam  
 alii: Nicand. Ther. 124. Callim.  
 in Dian. 175. Maneth. V, 202.  
 Quid? quod similis forma in Ho-  
 mero occurrit Odyss. μ, 106 de  
 Charybdi: *μὴ σύγῃ κείθι τύχοις;*  
*ὅτε ῥοιβδῆσειεν*. Mox *moneat*,  
 hortator, auctor sit.

458—460. Si mane et vesperi  
 sol purus erit ac serenus, certum  
 id serenitatis pignus puta; flante  
 aquilone, qui serenat caelum.  
*Si et occidit Sol pridie serenus*  
*et oritur, tanto certior fides sere-*  
*nitatis*. Plin. l. c. Aratus Diosem.  
 93 — 95. 126 — 129. 158. 159.



Denique, quid vesper serus vehat, unde serenas  
 Ventus agat nubes, quid cogitet humidus Auster,  
 Sol tibi signa dabit: Solem quis dicere falsum  
 Audeat? ille etiam caecos instare tumultus  
 Saepe monet, fraudemque et operta tumescere  
 bella. 465

461 *quod serus* Zulich. *ferat* Medic. a m. pr. Romanus et Cantabrig. (*ferat* est prior lectio Medicea. *Wr.*) 461 *quid vesper serus vehat.* Dixerat iam Varro in Satyra Menippea: *nescis quid vesper vehat.* ap. Macrobi. Sat. II, 8. 462 *agit* Reg. Martin. *unde serenans Euris* agat coniiciebat Reiskius, acute, ut esset quod *Austro* responderet; et quia poetam decebat magis, *Eurum* quam *ventum* excitare. Etiam Io. Schrader. coni. *serenus Euris*: ut opp. *humidus Auster*. Enimvero, *unde* Euris veniat, ignorari nequit; sed, unde ventus venturus sit, quo nubes dispellantur, hoc dubitari potest. *quid cogitet* accipiebat Reiskius, quasi, coagitet et compellat; uti *agit* sit quasi abigat. Locum declaravit Spencius Polymet. XIII, p. 203. *quid cogat* et edd. Aldd. pr. et sec. cum Iunt. ex *cogit* et pro cogitet, ut saepe erratum. vid. Burm. *qui cogitat* Moret. quart. Kingius in app. edit. Martin. *to cogitet* non ferendum esse putabat; itaque malebat *cogat* et aut *concitet*. Hoc est: minus poeticum praeferre alteri, quod poeticae rationi est consentaneum. 463 *dedit* Moret. pr. 465 *aperta* Bodlei.

461 — 463. Verbo, ex sole praesagia omnino petimus certissima, quae circa vesperam caeli facies, serena an nubila, futura sit; a qua caeli parte ventus dispellens nubes an adducens pluvias venturus sit. 462. *quid cogitet Auster*, praeclare; vento in personam mutato: ut ap. Horat. *quodcumque minabitur Euris*; et: cum annis saevit horrendamque cultis diluvium meditatatur agris. Expressit tamen et ars ventos: inque his Austrum, facie truculenta, minaci, superciliosa (vid. ap. Stuartum *Antiquities of Athens* c. III in turri octogona Andronici Cyrhetae et cf. Spencium Polymet. Dial. XIII, 13). 463. Hinc color ductus Manil. II, 134. 135 *Quod Fortuna ratum faciat, quis dicere falsum Audeat, et tantae suffragia vincere sortis!* Noster *falsum* pro fallenti dixit.

464. Ingeniosus transitus ad emblemata carminis, seu episodii, non inelegans, quamquam ad nostra tempora minus accommodatum; quo poeta et illud effecit, ut varietate aliqua distingueretur argumenti tenor, et esset, ubi ingenium poetae se iactare posset. *Caecos tumultus* dixit bellicos ex occulto natos; eosdem mox *fraudes* et insidias coniurantium, et *operta bella* explicat. Nostrum ante oculos habuit Manil. I, 893 *Quin et bella canunt ignes subitosque tumultus, Et clandestinis surgentia fraudibus arma. tumescere* vero elegantius quam oriri, surgere; trahuntur enim attributa maris ac procellarum ad bellorum motus. Sic *fluctus*, *aestus*. Sic et οἰδᾶν. Rulinkenius ad Vellei. II, 15, p. 115 ab arborum et plantarum gemmis ducere malebat.



Signa dabant. Quoties Cyclopum effervere in agros  
 Vidimus undantem ruptis fornacibus Aetnam,  
 Flammarumque globos liquefactaque volvere saxa!  
 Armorum sonitum toto Germania coelo  
 Audiit; insolitis tremuerunt motibus Alpes. 475  
 Vox quoque per lucos volgo exaudita silentis,  
 Ingens; et simulacra modis pallentia miris  
 Visa sub obscurum noctis; pecudesque loquutae,  
 Infandum! sistunt amnes, terraeque dehiscunt;  
 Et maestum inlacrimat templis ebur, aeraque su-  
 dant. 480

476. SILENTIS I. 478. LOQUUTAE;

472 *Aetnan* Moret. pr. 474 *sonitus* Menag. sec. Goth. see. et Schöl. Iuvenal. Sat. XI, 111. inferre vult *tonitrum* Wakef. ad Lueret. II, 48. *soriturum* ex toto Venet. *sonitu* Goth. pr. 475 *tremuerunt* Moret. pr. et Zulich. *montibus* Medic. a m. pr. cum aliis, etiam Romanus a m. sec. (et Serv. Dresd. *Wr.*) Probat et reponit *montibus* Wakef. modo apposuisset, quid sint *insoliti montes*? 476 *est audita* Reg. ap. Martin. (*silentes* Medic. Comma in fine versus addidi; vid. Q. V. XIII, 2, d. *Wr.*) 479 *omnes* Menag. pr. 480 *lacrimat* Pierii Oblongus. (quod male tueri Vossium ait Lenz. ad Stat. Silv. I, 2, 124. ed. Hand. laud. ab Iahn. *Wr.*)

470. Oblata tamen sunt prodigia omnis generis illo tempore. *Obsceni* canes, ominosi, mala portendentes, ut *importunae volucres*, odiosae, molestae, mali ominis cantu. 471. Igitur aliquoties Aetna illo anno ignibus arserat. Esset hactenus reperta caussa caliginis totius anni. Aestuantis Aetnae explosi ignes verbis a tempestate maris petitis describuntur. Omnino *undae* flammis tribuuntur. Exempla dat Cerda. *liquefacta saxa*, quia massa tum liquescens mox lapidescit. Est quae vulgo *Lava* appellatur: cf. Aen. III, 576, et Carm. Aetna.

474. Arma in caelo visa saepe narrata sunt; nunc a Rheno. Videtur ei superstitioni *aurora borealis* originem dedisse. Alpes saepe tremuisse Plinius notavit

lib. II, sect. 82; mirum, hoc prodigium nunc raro nuntiari: saepius de Apenninis. An forte veteres glaciei perennis ruinas et percussum inde solum et aerem pro terrae motu habuere?

477. *simulacra* mirum in modum *pallentia* e Lucret. I, 124 sunt defunctorum umbrae. conf. Cerda. Mentibus hominum magno imminenti calamitatis metu percussis spectra obiecta esse in locis solis, non insolens res est. Mox 478 intell. *boves vocales*. vid. Tibull. II, 5, 78. Tum *sistunt amnes* se, consistunt. Ad rem refer Horat. Carm. I, 2, 13 sqq. *Vidimus flavum Tiberim* — inde miraculo aucto ad fontem recurrunt amnes: caussa adiecta est in *terrae dehiscunt*, scil. motu ac ruina soli, qua obseptus fluvii cursus est. (*sistunt — dehiscunt*,



Proluit insano contorquens vertice silvas  
 Fluviorum rex Eridanus, camposque per omnis  
 Cum stabulis armenta tulit. Nec tempore eodem  
 Tristibus aut extis fibrae adparere minaces,  
 Aut puteis manare cruor cessavit, et altae 485  
 Per noctem resonare lupis ululantibus urbes.

485. CESSAVIT; 486. RESONARE, ULULANTIBUS,

481 *Proruit* Schol. Cruqu. Horat. Carm. IV, 4. vid. Burm. *vortice* alii. (*vertice* omnes codd. Heins. *Wr.*) vid. eund. (Ad Aen. I, 117.: „*rapidus vorat aequore vertex*“ haec scribit Heinsius: „Mediceus et hic et alibi semper, quoties ea vox hac significatione offertur, *vertex*.“ Eaque forma ubique apud Foggin. exstat, nisi quod Ge. III, 241. *vorticibus* legitur; sed quum ad eum ipsum versum Heinsius adnotet, in libris mss. legi *verticibus*, vix dubites, quin Fogginius in eo exemplari, quod ad cod. Medic. a se exactum typothetae exprimendum tradidit, imprudens *vorticibus* reliquerit. Quare consultius duxi, ubique *vertex* retinere. Idem censet Heyn. ad Ge. III, 241., cui assentitur Wunderl. Praefat. ad Edit. min. p. XII. Weichertus tamen ad Val. Fl. l. VIII, 348. antiquioribus poetis, et in his Virgilio, formam *vortex* restitui iubet. *Wr.*) 482 Pronuntiandum *Fluviorum*. facit hoc ad gravitatem versus. (In Mediceo signa quaedam his verbis appicta sunt, quae Fogginio videntur monere, ut legatur: *Eridanus fluviorum rex*. Tum *omnes* idem Medic. *Wr.*) 483 *armenta trahit* Moret. sec. Zulich. edd. Vcn. et Mediol. cum Regio Martini et Erf., quod sollemne. vid. Burm. (vid. Q. V. XVI, 1. *Wr.*) 484 *haud* ed. Mediol. *minacis* Gud. *minantes* alter Rottend. 485 *Haut* p. ed. Mediol. *Nec* p. Lutat. ad Stat. Theb. IV, 374. *Aut putris* Franc. (et Serv. Dresd. *Wr.*) *altae* Heins. e Medic. et al. codd. et edd. h. magnae, proprie altis locis positae, tum altis aedibus, murisque, instructae; tandem simpliciter magnae. (*altae* etiam Serv. Eodem modo variatur Aen. IV, 443. Et *alta Roma* Aen. I, 7. *Carthago* IV, 97. *Wr.*) Miro modo vir doctus, Wakef. ad Lucret. VI, 580 epitheton eo spectare contendit, quod intra *aedes altas*, ut intra *altas cavernas*, sonus augetur. Obtinuerat hoc edd. inde ab Aldo vulgatas: obsedit inde Batavas edd. *alte* initio a Pulmannianis facto. Cunninghamius emendarat *alta*, ut Horat. Sat. I, 6, 43 *magna sonabit*. Reiskius conieciabat: *altam* sc. noctem. 486 *Per noctes* Leid. sec.

vid. V.L. ad vs. 157. *Wr.*) 480. *ebur aeraque*, sunt signa ex ebore et aere; ea *illacrimari* credebantur, forte dum tepido sudabant humore per tempus pluvium collecto. Adeo in re alioqui satis obvia occaecati metu animi trepidabant.

481. De arte poetae vid. Scallig. Poetic. V, 14, p. 278. Ut ira, rabies, sic furor et *insania* incitato flumini tribuitur. Locum ante oculos habuit Lucan. I, 408 sqq. Padi autem eluvies in-

credibiles saepe agrorum hominumque strages fecisse narrata est. (Eridanus rex fluviorum dici videtur, quia maximus est fluviorum Italiae plurimosque fluvios alveo suo excipit. Wunderlichius comparat Ge. II, 98. *rex ipse Phanaeus*. *Wr.*) 485. Ad prodigia haec cf. disputata in Opusc. Vol. III, Prolus. XI et XIV. (Wunderl. negat, *resonare* ex repetendo verbo *cessaverunt* pendere; tum enim *aut*, non et postulari; *resonare* autem

Non alias coelo ceciderunt plura sereno  
Fulgura; nec diri toties arsere cometae.  
Ergo inter sese paribus concurrere telis

487 *sinistro* Gud. a m. sec.

esse Infinitivum historicum. Oratio sic procedit: *Nec cessaverunt fibrae minaces apparere et urbes resonare*: praegressae autem negandi particulae sexcenties et ita subiicitur, ut illa negatio ad utrumque orationis membrum referatur; vid. Q. V. XXX, 6. *Wr.*) 487. *Sereno tonuit*. Huc refer Horat. Carm. I, 2, 3. 4. 488. Vid. Cicero de N. D. II, 5, §. 14.

489. Haec prodigia insequutum esse ait bellum civile, praelio ad Philippos, Macedoniae adiectae, olim Thraciae, urbem commisso, et Bruti Cassique nece nobilitatum. Poetica ratione Philippos dicit vidisse Romanas acies concurrere, et quidem iterum concurrere, Romanos alterum praelium, post illud in priore bello civili ad Pharsalum habitum, inter se fecisse. *Nec diis fuit*, visum est, indignum, iniquum, pro, iis placuit, in eodem Macedoniae regno, latius accepto, bis stragem Romanorum fieri. *Emathia* Macedoniae est pars, ad quam proprie nec Pharsalus nec Philippi referri possunt; sed poetae latius eo nomine etiam pro Thessalia utuntur. *Haemus* mons est Thraciae, cui poetica ratione urbs Philippi subiaceret dici potest. Lucan. I, 675 *latosque Haemi sub rupe Philippos*. IX, 271 *Emathios Philippos* dixit. Magna pars Thraciae olim Macedonibus paruit. Satis nobis declarasse vide-

mur loci sententiam. Ad virorum doctorum contentiones descendere non possumus, quae maxime errori debentur, quod τὸ iterum cum videre iungebant, non iterum concurrere. Inserta est nuperae Romanae editioni etiam hoc de loco viri docti disputatio; et alia Holdsworthi (in *Diss. upon Virgil* p. 375 sqq.), (vid. etiam Cort. ad Lucan. VII, 853. *Wr.*) qui binos Philippos fuisse cum observasset, alteram urbem ad Strymonem, alteram non longe a Pharsalo Thessaliae circa Thebas Phthiae, utramque a poeta respici putabat; mira prorsus ambiguitate, et lusu tanto poeta indigno. In Virgilio tamen nemo haerebit, qui interpretationem recte instituerit. Manilius, qui hunc locum in extrema libri primi parte ante oculos habuit, eandem poeticam rationem amplexus paullo licentius extulit: *Civiles etiam motus cognataque bella Significant* (cometae sive alia meteora), *nec plura alias incendia mundus Sustinuit, quam cum ducibus iurata cruentis Arma Philippeos implerunt agmine campos*. *Vix etiam sicca miles Romanus arena Ossa virum lacerosque prius superadstitit artus*. Licuit poetae, quamquam paullo crassius, in eodem loco praelium factum dicere, quod in illis regionibus, in eo regno aut plaga, factum. Ut adeo ne tum quidem vitiose dictum videri debeat, si Philip-

Romanas acies iterum videre Philippi; 490  
 Nec fuit indignum superis, bis sanguine nostro  
 Emathiam et latos Haemi pinguescere campos.  
 Scilicet et tempus veniet, quum finibus illis  
 Agricola, incurvo terram molitus aratro,  
 Exesa inveniet scabra robigine pila, 495  
 Aut gravibus rastris galeas pulsabit inanis,  
 Grandiaque effossis mirabitur ossa sepulcris.

491 *Non* Moret. sec. Parrhas. Markland. ad Stat. Silv. III, 68 cum interrogatione legendum esse contendit: *Nec fuit indignum, Superi, bis.* Et sic cd. Mediol. Bene utique et hoc. Vulgata tamen nec minus bene. Itaque nullus emendationi locus. conf. Burm. *superbis* Goth. pr. 492 *laetos* Reg. Martin. cum nonnullis edd. (*Emi* pro *Haemi* Medic. *Wr.*) 493 *tempus veniet et illis finibus*, quum iungebat interpretatione Reiskius. Alius forte simili acumine iungat *Scilicet et, tempus veniet quum*, f. Magis accommodatum esset, iungere: *Nec fuit indignum — pinguescere campos, Scilicet, et veniet tempus.* Aut cum Wakefield.: *pinguescere campos Scilicet. Et t.* (*Scilicet et t. v. ἔσται δῆπὸν καὶ, ὅταν* cet. Recte *scilicet* sequentibus iungitur; superioribus adiectum languet. *Wr.*) 494 *terra* ed. Iunt. *terrae* Venetus. 495 *inveniat* Rottend. sec. a m. pr.

pis ipsis dicat iterum concurrisse Romanas acies. Quid? quod contendendi potest, veteres, cum haec Virgiliana carmina legerent, sententias non aliter constituisse? Ex imitatione Ovidii iudices. Is Met. XV, 823. 824 de Caesaris ultione: *Pharsalia sentiet illum, Emathiaque iterum madefacti caede Philippi.* Et Lucanus, qui lib. VII sub f. totum hunc locum expressit, *Thessalia infelix!* v. 853 *Ante novae venient acies, scelerique secundo Praestabis nondum siccis hoc sanguine campos.* Et tandem Petronius cap. 121 (de Bello Civ. 110) *Cerno equidem geminam iam stratos morte Philippos.* Noli tamen propterea cum viris doctis existimare, veteres Pharsaliam cum Philippis confudisse. Latius *Emathiam, Thessalam, Haemum, Philippos* et *Pharsalum* in poetis, qui de his prae-liis agunt, dici, ac si ad eandem

regionem omnia illa referenda sunt, ex comparatione dictorum obvia res est. 489. *paribus telis*, cum utrinque a Romanis pugnaretur. Hinc Lucan. I, 7 *infestisque obvia signis Signa, pares aquilas, et pila minantia pilis.* Et Valer. Fl. VI, 404 *Romanas veluti saevissima cum legiones Tisiphone regesque movet: quorum agmina pilis, Quorum aquilis utrinque micant.* 491. 492. Decrevit dii, fatale fuit, bis caedes Romanorum in finibus Macedoniae fieri.

493. Expressit et haec loco sup. laudato, Manil. I, 908. 909. Natum phantasma ex vulgari: ossibus caesorum Romanorum agros constratos esse. 494. A Lucret. V, 932 *ferro molirier arva.* 496. *inanes* non otiosum galearum epitheton: cum *pulsabit* adiunctum sit; alias *cavas* et ab effectu *sonantes* dicunt. Locus a multis expressus, in-



Di patrii, Indigetes, et Romule, Vestaque mater,  
498. PATRII I.

498 *Di patrii, Indigetes*, distingui potest. vid. Not. (ita distinxit Wunderlichius; et sane ita distinguendum videtur; ad prius enim nomen pertinet Vestae, ad alterum Romuli commemoratio. vid. Q. V. XXXIII, 6. *Wr.*) *Indigenae* ed. Ven. *Di patriae* Heinsius maluisse fertur.

primis Claudiano XXI (de Laud. Stilic. I), 134 — 137. 497. *Grandia ossa* ad communem de vastis priscorum hominum et heroum corporibus opinionem praeclare dixit; conf. Aen. XII, 899. 900. Cum in istis praeliis fortissimi homines cecidissent, posteritas, quae corrupto huic et decrepito saeculo successura est, eodem modo horum ossa mirabitur, ut nos priscorum hominum. Debuit autem hoc, iam Maronis temporibus, saepe contingere, ut terra eruta aratores in magna ossa fossilia inciderent: quae, cum belluarum ex priscis telluris ruinis essent, ad priscos tamen homines ac gigantes referrentur. Debuere quoque, post tanta Italiae bella, saepe agris motis in loca pugnarum factarum incidere homines et ossa cum armis permixta reperire: quod miramur nostris aetatibus, post tam numerosa praelia et caedes factas, rarius fieri, ut arma Romana terris effossis reperiantur.

498. *Dii patrii* et *Indigetes* ab aliis pro iisdem, ab aliis pro diversis habentur. vid. Cerdam, Ruaeum, Martinum et Thesaur. L. L. (quibus adde G. Korte Tres Dissertatt. critt. de usu Orthograph. Lat. III, 5. *Wr.*) Nec mirum hoc, pro varia nominum rerumque acceptione. Itaque in hoc otium consumere nolin. A

poetis minus severa diligentia in his requiritur. Pro iisdem habet etiam Spencius, et Iovem, Iunonem, ac Minervam designari putat Polymet. p. 315. Possunt tamen ex poetae animo distinguenda videri numina, si Ovid. locum Met. XV, 861 sq., qui inde expressus est, respicias. *Dii Indigetes* sunt ἐγγύοιοι. Ex iis Aeneas erat: vid. Liv. I, 2 extr. Tibull. II, 5, 46. Aen. XII, 794. Idem Aeneas *deos patrios* seu *Penates* a Troia in Latium advexerat. (vid. Var. Lect. *Wr.*) 500. *iuvensem*, ut Ecl. I, 43, Romani sermonis noto usu appellat Octavianum Caesarem, tum circa XXVII annum agentem. *Saeclo* (ut v. 468) *everso* dixit, quod in prosa, *rebus perditis succurrere*: ut *eversum imperium* pro labefactato, ad interitum ruente. v. Duker. ad Liv. XXX, 16, 6. Ceterum nonnulla in sequentibus sunt, quae forte Romanis magis probari potuerunt, a nobis excusari forte satis est; etsi declarare videntur, iam tum poetae animo insedissee Aeneidis argumentum, ut a Troianis rebus fata Romanorum apta et nexa faceret, *Laomedontis* certe *periuria* numis longe petita videri possunt; nec sententiarum admodum commodus et naturalis ordo et iunctura esse. Verum de Romanorum sensu quaerendum erat, non de nostro. Scilicet magna aliqua calamitas

Quae Tuscum Tiberim et Romana Palatia servas,  
Hunc saltem everso iuvenem succurrere saeclo 500  
Ne prohibete! Satis iam pridem sanguine nostro  
Laomedontae luimus periuria Troiae.  
Iam pridem nobis coeli te regia, Caesar,

499 *Qui* fragm. Moret. Voss. et abest a Veneto. 500 *Huic* Goth. sec. a m. sec. *averso* Mentel. pr. a m. pr. *iuvenem everso* Venetus. 501 *Nec Ven. nam pridem* ed. Ven. 502 *Laomedontae* Voss. pr. Parrhas., e vitio saeculi. Burmann. (*Laum.* etiam Serv. Dresd. *Wr.*) 503 *coeli nobis* Romanus.

non nisi deorum iris immitti potest: exarsere illae magno aliquo scelere ac piaculo commisso. Ita bella civilia referuntur ad maiorum magnum aliquod ἄγος: ab Horatio ad parricidium Romuli Epod. VII, 17, a Virgilio ad Troianorum, qui gentis Romanae auctores fuere, facinora. Iam porro: bellorum civilium scelera novum sunt ἄγος, novum piaculum, quo obstricti homines deorum iras in se provocant; inde calamitates easdem iras et novas portendunt prodigia: quae procuranda sunt et τὸ ἄγος expiandum. Verum reatus ille solvi nequit nisi certis ritibus et sacris piacularibus, non nisi ab homine puro ac sancto aut a deo aliquo curandis: hic erat Octavianus Caesar, qui idem remp. unus restituere poterat. Hoc idem persequutus est Horat. I Carm. 2. Iam his notionibus imbutum animum si habueris, facile expedies singula: Permittite, dii, ut Caesar remp. restituat et belli civilis scelera expiet. Satis malorum experti sumus: 501. 502. Ne nobis eum eripite, tamquam unum illum, qui culpam nostram expiare potest: etsi aevi huius tantae sunt e bellis civilibus corruptelae, ut dei aliquis praesentiam vix ferant.

Haec omnia splendide ornavit et amplificavit.

502. De Laomedonte nota narratio, qui Apollinem ac Neptunum mercede pro muris Troiae exstruendis pacta fraudaverat. Horat. III, 3, 21 *ex quo destituit deos mercede pacta Laomedon mihi castaeque damnatum Minervae cum populo et duce fraudulentum*. Potest tamen ac debet *Laomedontea* Troia simpliciter pro epitheto haberi, et *periuria Troiae* latius ad omnia ἄγῃ et facinora Troianorum, eoque ipso ad fata ac mala inde nata, referri, quae in Romanos, eorum posteros, redundarunt. Adeo insederat hominum animis illud iudicium: numen irasci, et numinis iras non nisi vindicta scelerum placari posse, et, si scelerum auctores poenas effugerint, expeti has a nepotibus. 503. Retrahendum est ad v. 500: unus est Caesar, qui remp. labe factam restituere et mala tollere, deorum iras placare potest; at hic, ipse diis par et mox deus futurus, verendum est, ne ab hac scelerum contagio subductus nobis eripiat: fere ut Horat. I Carm. 2, 45, qui totus locus inde a v. 25 pro aemulatione huius loci Maroniani haberi potest.

Invidet, atque hominum queritur curare triumphos:  
Quippe ubi fas versum atque nefas; tot bella per  
orbem, 505

Tam multae scelerum facies; non ullus aratro  
Dignus honos; squalent abductis arva colonis,  
Et curvae rigidum falces conflantur in ensem;  
Hinc movet Euphrates, illinc Germania bellum;  
Vicinae ruptis inter se legibus urbes 510  
Arma ferunt; saevit toto Mars inpius orbe:  
Ut quum carceribus sese effudere quadrigae,

512. UT, EFFUDERE, QUADRIGAE A.

505 *versumque* Franc. 506 *Iam multae* Reg. Goth. pr. (*Iam* etiam in Medic. apud Foggin.; sed *tam* legere sibi videtur Freytagius in ipso codice. *Wr.*) *Tam multae* Moret. quart. *non nullus* Menag. pr. *nullus aratro Cessit honor* Serv. ad Aen. IV, 103 citat vitiose. 507 *adductis* Rottend. alter. 508 *curvantur in ensem* Franc. *formantur* Nonius Marcell. in *rigidus*, et Servius ad Aen. XII, 304. *Flare* tamen et *conflare* sollemnus de ferro, aere, cudendo, dum liquescit. 510 *Vicinae inter se ruptis iam legibus* duo Moret. et Menag. pr., nec non Cantabrig. 511 *Arma fremunt* Wakef. eleganter! Nec tamen quae eleganter dicuntur, nulla alia re urgente, poetae possunt obtrudi. Etiam Aen. IX, 133 *gentes arma ferunt Italiae*. XII, 586 *arma ferunt alii. tota Mars improbus urbe* duo Mss. apud Serv. ad Eclog. IV, 13. *una urbe* unus ap. eund. ib. *secum* aberratum Goth. pr.

505—511. Ad annum ab U. C. 717 M. Agrippa et L. Gallo Coss. haec spectant; aut, quod melius fiet, ad apparatus pugnae Actiacae per sequentes annos sunt referenda. conf. Vita Virgillii ad hos annos. Anno illo 717 multis prodigiis turbati erant animi, dum inter Triumviros parum firma fides, et paulo post graves inimicitiae; inter Caesarem et Sext. Pompeium bellum recrudescibat; Antonius cum exercitu adversus Parthos iam dudum Syriae infestos ibat; ab Agrippa, qui Rhenum transierat, in Gallis bellum modo confectum erat. Haec omnia in unum conferre potuit poeta, ut gravior esset sententia. Si de apparatu belli Actiaci hac Georgicorum parte agi cum Martino

existimare malis: v. 509 latiori sensu erit accipiendus de extremis imperii finibus, unde copiae contrahebantur ab Antonio et Caesare. (vid. quae ad Ge. IV. extr. disputavi. *Wr.*)

505. *ubi* h. l. apud quos. fas nefasque *versum*, confusum. (*tot bella — tam multae*, vid. not. ad vs. 449. *Wr.*) 506. *Novum scelerum proventum* dixit Lucan. II, 60. 507. *Dignus honos*, satis magnus. 510. De dissidiis civilibus accipe. *ruptis legibus*, pactionibus mutuis. Aen. VIII, 540 *poscant acies et foedera rumpant*. adeoque pace rupta.

512. A Circo sumta comparatio tumultuantis orbis; semel emissi currus cum tanto impetu ruunt, ut ab auriga retineri ne-



## Addunt in spatia, et, frustra retinacula tendens,

513 *Addunt in spatia* Burmannus revocavit, cum Heins. in *spatio* praelulisset. *Addunt in spatia* erat lectio Alld. et ex his profectarum; *Addunt se in spatia* Egnat. Commel. Steph. Pulm., et ex his vulgatae; ita et multi codd., etiam Arundel. et uterque Gothanus; et sic legitur in edd. Quinctil. Inst. Or. VIII, 3, 78. At multi codd. se omittunt, ut Heins. et Pierins de suo Mediceo, Romano, atque aliis testantur; quatuor alii a Burmanno, inter quos Regius, quinque a Martino et in ed. Cuningh., e qua et ipsa exulat se, edd. 1474 et 1476 laudantur. Pro hac lectione militat Silius XVI, 372 *In spatia addebant*, ubi tamen vetustae membranae in *spatio* habent, quod etiam Drakenb. vulgavit. Iam in nostro loco Medic. et Gud. habent scriptum *Addunt spatia*; nisi quod in Medic. in et a supra sunt adscripta. Ita etiam in Mss. nonnullis ap. Quinctil. VIII, 3, 78 legitur. Erat itaque pertenuis auctoritas, qua Heins. nixus *Addunt se in spatia* responderebat; gravior alterius lectionis *Addunt in spatia*: ut se suppleatur ex antec., ut Aen. I, 440 *Infert se — miscetque viris*. Vel ut absolute ponatur *Addunt*, ut fit in aliis, pro *Addunt se*. Haec forte melius expedit rem, quam quae cumulata sunt ab Heinsio. Nam de eo nemo dubitet, si adiunctum esset *cursum*, expeditam rem esse: *Addunt cursum in spatia*; ut *addere gradum* et similia; item *corripere spatium*. Sic quoque, utrum in *spatia* an in *spatio* legas, parum refert; nec inde res conficitur, quod ap. Lucret. VI, 300 est: *Ignescat tamen in spatia longoque meatu*. De ceteris vid. Not. Schrader. in schedis con. *quadrigue*, *Ardent*, in *spatia* et fr. (Difficile est, certi aliquid de h. l. pronunciare, quum, quidquid ex variis lectionibus, quas enotavit Heinsius, concinnaveris, non satis constet de ipsa vi ac potestate huius dictionis *addere in spatia*, vel *addere in spatia*, vel *addere se in spatia*, vel *addere se in spatia*. Si quaeris, quod primum quaeri debet in tali re, unde orta sit tanta lectionis diversitas, causam huius rei vix dubites quin Medicei, Gud. et Mentel. pr. lectio *Addunt spatia* indicet. Virgilius videtur scripsisse *Addunt se spatia*; iam media voce per subsequentem in-

queant. *Spatia* hic de septem spatiis seu gyris accipiunt, quibus in Circo decursus finiebatur. Nec tamen hoc necesse. *Spatia* pro *spatio* h. ipso loco, quo decurritur, et de decursu aequae bene dicuntur, ut Ge. II, penult. III, 203. Aen. V, 316. *Addunt quadrigae in spatia*: difficultatem habent, quam vix ita tolli posse censeo, ut omnes in solvendi modum conveniamus: nullus enim est, in quo non aliquid asperitatis relinquatur ab insolenti usu τὸν *addere*. subintelligitur a doctissimis interpretibus inde a Servio *cursum*, h. intendunt, in ipsis spatiis currendi sumunt vires; in quo tamen durum, omitti *cursum*.

*Addere spatia spatia* esset alium post alium decursum facere, aliud post aliud spatium currere; at h. l. non hoc, sed *impetus* currentium et fervor *auclus* a poeta respicitur, qui maior maiorque et maximus esse solet sub decursus finem. *In spatia*, h. in decursum, iam aliqua ex parte factum, debet *addi* non aliud ac novum spatium, sed aliud quid, quod adhuc quaerimus. Servius, in *processu equorum cursus augetur*. Pomponius: „addunt in spatia, id est, in ipso spatia currendi sumunt vires.“ *Addere* esse posse augere, recte ponitur; sed quaeritur res, quam quadrigae addunt, augent. Accipiebam *addere* pro addere se;

## Fertur equis auriga, neque audit currus habenas.

tercepta, vid. Goerenz. ad Cic. Acad. II, 5, 14., lacunam alii interposita praepositione *in* expleverunt; alii e libris genuinam lectionem exhibentibus pronomen *se* repetierunt; alii utrumque, *in* et *se*, intulerunt. Simile quid Aen. II, 778. factum videbimus. Et extrito pronomine quum requireretur accusativus, *spatio* in *spatia* mutandum videri poterat; quamquam multae id genus depravationes etiam per elisionem ortae. Silius autem imitatio parum probat, quum apud ipsum non certo constet de lectione. *Addunt se* Virgilius eodem fortasse modo dixit, quo Ecl. X, 74.: „Quantum vere novo viridis *se* subiicit umbra.“ Ge. II, 19.: „laurus Parva sub ingenti matris *se* subiicit umbra.“ Hinc *addunt se spatio* proprie i. q. *crescunt spatio*, i. e. crescit currendo ipsa celeritas equorum; sive: quo plus spatii decursum fuerit, eo acrius currunt. Id si audacius dictum videbitur, poterit hanc loquendi rationem e Graeco aliquo poeta traustulisse Virgilius videri; certe neminem puto offensum iri, sicubi legat: ἵπποι ἀέξονται δρόμῳ. Interea in tanto criticorum et interpretum dissensu versum relinquere intactum satius duxi. *Wr.*)

h. concitare se, concitato cursu ferri. *Dare se in fugam* etiam in pedestri oratione frequentamus; similia vid. Georg. IV, 528. Aen. XII, 633. *addere se* pro simplici *dare se*, immittere se, ruere in decursum, cum impetu ferri *in spatia*, in decursum, nullo septem spatiorum respectu, sed omnino in decursum, habet analogiam. Scilicet *addere se* vulgari usu est, adiungere se, accedere: ut Ecl. VI *Addit se sociam timidisque supervenit Aegle*. Aen. IX, 149 *Addunt se protinus omnes Etrusci socios*. Inde, si idem fit cum impetu, irruere, *instare*, ἐπέχειν ut Od. τ, 71. *Addere* pro mittere, immittere, iniicere dictum esse, etiam b. Gesnero probari video ad Quinctil. VIII, 3, 78 et confirmari a Burm. ad e. l., quamquam graeca ibi minus bene laudari puto. *Teucris ad-dita Iuno* pro infesta, in eos concitata et exasperata Aen. VI, 90 hinc illustrari potest. Ita *addunt*, instant. Expressit nostrum Silius XVI, 372 *Iamque*

*fere medium evecti certamine campum* *In spatio addebant*. Gratius Cyneg. 227 *incumbere spatiis* (προσκειῖσθαι τῷ δρόμῳ) eo sensu dixisse videtur; et Homer. Iliad. ψ, 375 ἵπποις τάθη δρόμος. Post omnia haec fateor tamen, ad facilitatem Virgilianam nondum orationem videri esse adductam. (Vossii ratio, *addunt in spatia* pro *addunt spatia in spatia*, s. *spatiis*, dictum existimantis, ferri non potest; hoc enim si poeta dicere voluisset, scribendum ei erat *addunt spatia*; cfr. Not. ad Aen. IV, 142. Iacobs. ad Ge. IV, 149.: „naturas apibus quas Iuppiter ipse *Addidit*,“ haec scribit: „*addidit*, i. e. dedit, ut Ge. I, 512.: *quadrigae addunt in spatia*, i. e. dant se.“ Quae quidem explicatio ipsa simplicitate se commendat; vid. tamen V. L. *Wr.*) 514. Nota figura *currum*, h. equos, *non audire habenas* dicit, qui regi non possunt. Horat. Ep. I, 15, 13 *equi frenato est auris in ore*, Pindarus ἄρματα πεισιχάλινα dixit Pyth. II, 21.

## EXCURSUS I

### *De aratro Virgiliano.*






Georg. I, 169 sqq. *Continuo in silvis magna vi flexa domatur  
In burim et curvi formam adcipit ulmus aratri: Huic a stirpe pedes  
temo protentus in octo; Binae aures, duplici aptantur dentalia  
dorso. Caeditur et tilia ante iugo levis, altaque fagus, Stivaeque,  
quae currus a tergo torqueat imos.*


Exposui locum quantum potui pro sermonis ratione; etsi rei agrariae peritia non satis instructus. Admodum itaque laetabar, cum post illa a me scripta viderem virum doctum, rei agrariae peritum, eumque perspicacissimum, *de aratro veterum* accurate agere (*Betrachtungen teutschen Patrioten heilig* III Band 1780, p. 283 sqq.); repetiit eadem fere in *Actis Acad. Elect. Mogunt.* 1779, p. 125 sqq. Proponam ex eo, quae ad Virgilium spectant, acute utique et ingeniose disputata. De ceteris dispiciet bonus Hesiodi editor, si quis eius carmini aliquando obtigerit.

Primo versus: *Caeditur et tilia ante iugo levis, altaque fagus Stivae, quae currus a tergo torqueat imos*: e Martini indicio constituit; eosque bono sensu carere pronuntiat, nisi *cursus* emendetur cum viro docto apud Martinum. Enimvero sic Maro latine dicere non potuit: quod sensus quemque suus docere potest, si sermonis usum habeat. At *currum* pro *aratro rotis instructo* dicere per poetici sermonis indolem et usum licuit; eum, h. e. aratrum, regit, *a tergo torquet* arator; *imi currus* epitheto ornante dicti sunt non minus poetice, quatenus vomere alte impresso inferior aratri pars desuper ab eo, qui stivam moderatur, flectitur ac regitur; exit itaque, modo genium poetici sermonis teneas, e Virgiliana lectione sententia eadem, quam viri docti inferre volunt per lectionem corruptam. Negat vir doctus aratrum rotis instructum iam tum innotuisse. Atqui notum illud fuisse hic ipse locus docere debebat. Quod a Catone et Varrone illud non commemoratum est, pro argumento idoneo esse nequit: cum neuter id agat, ut instrumentorum rusticorum formam curiose describat. Fac vero utrumque id egisse, quod non egit: potuit secundum illos, Virgilii aetate, in agro Mantuano, aliud usu haberi. Innotuere post arma a Iulio Caesare in Gallias illata alia quoque a Gallis inventa; ut certa vehiculorum genera, carrucae et sic porro; coli coepit in Alpibus secale (Plin. XVIII, 16, 4) Romanis ignotum.



Occurrunt alia in Virgilio Italiae superioris agris propria ac singularia. Plinii verba lib. XVIII, 48 a me laudata omnem facile dubitationem tollerent, si lectio in iis esset minus incerta. *Dentalia*, h. e. dentale, *ἔλνυα*, bene vir doctus, quem laudavi, docet accipiendum esse de vomeris parte anteriore (*Pflugkopf*), in acumen acta: hoc dentale *duplici* esse *dorso*, h. e. binis cruribus in formam litterae V (*Sohlhölzern*) aptatum; *binas aures* tandem, tabellas a Varrone I, 29, 2 memoratas, vomeri additas (*das Streichbret und Molterbret*), et utrique cruri ita impactas, ut impresso in solum vomere terra proscissa utrinque accumulata in sulcos attollatur. *Buris* est temo, *ἵστοβοεύς*; scil. proprie pars eius infima, ut iam Salmas. in Solin. p. 576 docuit. Inspicienda et cognoscenda sunt reliqua; etiam de aratro Hesiodico; nisi quod malim eum simpliciter apposuisse, qualem eius formam ac speciem apud animum effingeret, nec de epochis mutationum inter Aegyptios, Graecos, et Romanos tam multa esse ariolatum, quae ad liquidum perducere nequeunt. Quod enim nostro tempore fieri videmus, non minus olim locum habuit, ut in diversis populis ac regionibus seu more maiorum seu soli natura aliave necessitate urgente diversa esset aratri forma, retinereturque deterior multis in locis, cum in aliis dudum inventa et frequentata esset melior et elaboratior. Evolvat, cui talia curae sunt, Paullum Lucam *Voyages* Tom. I, p. 182. Norden *Voyage en Egypte* Tom. I, pl. 56. add. Goguet *Orig. des Loix* T. I, p. 184 sqq. Sunt antiquae artis opera, in quibus aratrum visitur: vix tamen notionem accuratam inde consequi licet: Comes de *Caylus Recueil d' Antiquités* Tom. V, pl. 82. Museum Etruscum Tom. I, tab. extr. Spon. Miscell. p. 308. IX. Winckeln. *Monum. ined.* p. 105. Gemmae aratrum, obscure tamen, referentes sunt Mus. Flor. Tom. II, tab. 42. Gorlaei Dactylloth. Tom. II, n. 231. Aratrum, quod in Hesiodi edd. ex ant. codd. exhibetur, et in Montfauc. Palaeog. gr. p. 9 repetitum est, senioris seu commentii seu usus esse patet; nam ab Hesiodo adscriptum nemo dixerit. Formam aratri, quo nunc Mantuani ac Veneti agricolae utuntur, una cum alio exquisitoris structurae, Martyn exprimi curavit ad p. 48. Verum neutra forma cum Virgilianis verbis satis convenit. Videbatur sibi Anglus, A. I. *des Carrieres* (*a Dissertation on Virgil's description of the ancient Roman Plough* 1788.) veram aratri Virgiliani formam reperisse in pondere Romano. Verum qui inspexerit, statim deprehendet mirum errorem, est enim as Romanus cum prora ratis, quam ille pro aratro habuit. (Innotuit mihi inter eos, qui ab eo inde tempore de his egere, *Adamus Dickson Husbandry of the Ancients Edimb.* 1788. c. XVIII, p. 375 sqq. qui omnino ad carmen Georgicorum consuli potest. Verum ille, etsi verborum interpres parum idoneus, ipsas res illustrat, praeceptorumque veritatem et utilitatem explorat; atqui haec ad interpretis poetae provinciam







haud spectant. Non sine fructu inspexeris ad h. l. Vossii V. C. Commentar. in Georgica.) (Quae fuerit atratri a Virgilio descripti forma, quum imagines veterum aratrorum, quae in artis operibus exhibitae exstant, non plane cum illa Virgiliani atratri conformatione congruant, coniectando assequi studuerunt Viri Docti. Itaque ut aliqua probabilis eius species oculis legentium obiceretur, aeri incidendam curavi tum eam atratri formam, quam I. H. Vossius ad h. l. proposuit, tum eam, quam F. Th. Schulz delineavit in libello bonae frugis plenissimo, cui inscriptum est: *De Aratri Romani forma et compositione. Ienae 1820. 8.* De ea re qui post Vossium scripserunt, commemorat idem Schulzius pag. 3.; quibus addo Arndtii Itinerarium *Bruchstücke aus einer Reise durch einen Theil Italiens* Vol. I. pag. 253. In ea, quam Vossius exhibuit, atratri Virgiliani forma duae maxime res displicent, rotae, quibus caruisse illo tempore aratrum Romanum, tum silentium veterum scriptorum probat, tum certissimis rationibus evincit Schulzius pag. 34. sqq. Nam Plinii verba ab Heynio allata nec probant, Virgilii iam aetate adiectas fuisse rotas aratro, et corrupta videri possunt, ut visa sunt Richtsteigio, quem laudat Schulzius. Praeterea in Vossiana descriptione, quid sit *duplex dorsum*, non apparet. Itaque proxime ad verum accessisse puto Schulzium. *Wr.*)

## A r a t r u m R o m a n u m

a p. V o s s.

AB <i>buris.</i>	GH IK <i>binæ aures.</i>
CD <i>temo.</i>	L <i>iugum.</i>
GEK <i>dentalia.</i>	MN <i>stiva.</i>
PE <i>vomer.</i>	N <i>manicula.</i>
F <i>culter.</i>	Q <i>currus imi.</i>

## A r a t r u m R o m a n u m

a p. S c h u l z.

Fig. I. Aratrum Romanum simplex. 1) dentalia. 2) buris. 3) temo. 4) stiva cum manicula. 5) vomer. 6) iugum, a. funiculus, b. clavus, c. collare, d. lora (subiugia).

Fig. II. Vulgaris Romanorum vomer. Hic in anteriore dentalis parte figitur, eiusque utrumque latus eminet.

Fig. III. Dentalia atratri Romani.

Fig. IV. Atratri auriti species. Partes 7. 7. tabulae seu aures dicuntur.

## EXCURSUS II\*

*Ad locum de prognosticis serenae tempestatis  
ex pluviali.*

Georg. I, 393 *Nec minus ex imbri soles et aperta serena Prospicere et certis poteris cognoscere signis. Nam neque tum stellis acies obtusa videtur; Nec fratris radiis obnoxia surgere Luna; Tenuia nec lanæ per coelum vellera ferri; Non tepidum ad solem pennas in litore pandunt Dilectæ Thetidi alcyones; non ore solutos Immundi meminere sues iactare maniplos: At nebulae magis ima petunt* etc. Haesi in his interpretandis et me in iis haerere ingenue sum professus. Spectare enim ad boni interpretis et critici officia censeo, ea loca quae non satis assequitur non intacta relinquere, aliisque fraudem facere, quasi sensus per se sit satis apertus, sed lectorem de iis diligentius etiam, quam de aliis, monere. Inspectis aliis interpretibus, nec aliud quid, quam quod ipse tenueram, afferri, difficultates autem interpretationis multos ne sensisse quidem vidi. Senserat eam forte is, qui apud Gellium VII, 17 de notione vocis *obnoxius* h. l. quaerebat. Scilicet sumitur, quod primo statim aspectu occurrit: inde a 395 praesagia serenitatis memorari. Atqui ea, quae memorantur, non conveniunt huic consilio, immo vero repugnant. Sensus enim vss. 395—400 hic esse perhibetur: stellarum et lunae clara ac pura lux est (quae tamen sententia grammatice ex verbis erui nequit, ut statim videbimus): *non* nubeculae lanis similes per caelum feruntur (atqui hae adesse deberent, quippe quae sunt sereni caeli nuntii), *non* alcyones alas ad solem expandunt (atqui, si hoc inter praesagia serenitatis est, alas debebant expandere, cum caeli serenitas instet), *non* sues iactant frugum manipulos (an vero per omne tempus pluvium id faciunt sues, nec nisi sereno caelo hoc facere omittunt?). Haec tam parum inter se conveniunt, ut vix assequaris, quomodo poeta tam acutus iungere ea inter se, aut interpretes ea tanquam per se plana et expedita admittere potuerint. De posterioribus nihil vidi monitum: haesit disputatio tantum in prioribus, *Nam neque tum stellis acies obtusa videtur*: quod potest bene ita accipi: aciem stellarum nunc non amplius videri esse obtusam; adeoque eam esse claram, et stellas enitescere; id quod fit dispulsis nubibus et caeli serenitate reducta. At enim alter versus: *Nec fratris radiis obnoxia surgere Luna*, nullo modo nec grammatice, nec sensus paritate convenit. Antiqua iunctura tradita est a Servio, ut repetatur *obtusa*. Ita erit: *nec Luna, fratris radiis obnoxia*, quae lucem mutuatur a sole, *videtur surgere obtusa*: contra vero videtur oriri clara. Recte. At enim primo *videtur* alio modo nunc accipitur quam superiore versu, ubi erat *pro cernitur*, nunc autem

est δοκεῖ, et alio modo construitur, cum infinito; si tamen misum id facias, grammatice non potest *obtnsa* repeti sic nude; antecesserat: *neque videtur acies stellis obtusa*, debet adeo sequi: *neque videtur acies obtusa Lunae*, casu tertio, τῇ Σελήνῃ; non autem, *nec Luna videtur* „surgere obtusa.“

Aggressus eram cum viris doctis locum interpretatione altera: *et Luna videtur surgere* (cernitur surgens) *oriri*, non *obnoxia fratris radiis*, soli; quasi esset: ita ut non sit *obnoxia*, non videatur esse *obnoxia*; ut sensus esset: luna tam clara et pura luce oritur, lucet, ut non soli debere lucem, sed propria luce lucere videatur. At quae tandem argutiae hae sunt! an luna clariorem lucem habitura esset, si propria luce luceret? unde hoc suspicari licet? an non a sole lucem foeneratur satis claram ac puram, modo iustum tempus redierit? Venerat in mentem, sententias melius sibi constare, si vs. 396 pro *Nec fratris* legeretur *Et* adscita altera lectione meliore *videri*, hoc modo: *Nam neque tum stellis acies obtusa videri, Et fratris radiis obnoxia surgere Luna*: infinito historico, ut sit: nam *et* stellarum acies tum, si serenitas redditur, cernitur *non* obtusa, *Et* surgit, oritur, in conspectum venit, Luna, quae ex natura sua est *obnoxia fratris radiis*. Lapsus in disiunctivis similis observatus est et aliis in locis, et legitur quoque *Et fratris* apud Schol. Statii Theb. X, 146.

Placebam mihi in his. Mox tamen vidi reliqua, quae sequuntur, non magis sic esse apposita et accommodata sensui poetae. Negantur enim in illis ea, quae serenitatis prognostica esse debebant: *Tenuia nec — Non tepidum. Non ore s.* Ita tandem perspexi a toto poetae consilio aberrari per istam interpretationem; et latere fraudem in eo, quod animadversum haud erat, poetam primo rem declarare negative, dum docet, abesse ea, quae instantem tempestatem nuntiare possint et soleant; tum vs. 401 eum subiicere ea, quae vere iis tum successerint: *At nebulae magis ima petunt.* Quod et Plinius habet XVIII, s. 83 *nebulae e montibus descendentes, aut caelo cadentes, vel in vallibus sidentes, serenitatem promittunt.*

Itaque in vss. 395 — 400 negative poeta exponit sententiam suam, et successuram caeli serenitatem ominatur primo ex absentia eorum, quae imbres impendentes et tempus pluviosum denuntiare possint. Sunt autem haec ista: *stellarum acies obtusa, luna latens, nubes tanquam gregales, (ἀγέληδόν) per aerem actae, alcyones ex sensu instantis pluviae expandentes alas, snes erientes frugum manipulos.* Omnia haec, pluvium tempus denuntiantia, nunc non cerni ait, nunc abesse. Contra vero vs. 401 *nubes descendunt in terras, aere tenuato, et demittunt se in valles*, et sic porro. Nunc enim affirmative praesagia serenitatis instantis enumerat. Sententiarum veritas in his elucescit, et totam loci interpretationem nunc in Notis sic refinxī.



Ita vero versus, ad quem omnis bona interpretatio offende-  
bat, verum suum sensum facile recuperat: *Nec fratris radiis ob-  
noxia surgere Luna*; vere enim sensus est, et esse debet: nec  
Luna lucet. Enimvero, quomodo hoc cum ceteris conveniat,  
tandem ex loco Arati assequutus sum, quem poeta expressit. Sci-  
licet Aratus Diosem. 281 sq. ingruentis tempestatis signum appo-  
nit hoc: quando stellae obscurantur, *nulla apparente caussa*, nec  
nubibus obductis, nec caligine alia, *nec luna subeunte*, quae sci-  
licet luce sua obscurare eas posset; itaque et in Marone: *stellarum  
lux non est obtusa, nec tamen luna oritur, lucet, quae luce sua  
eas obscurare possit*. In his nihil est, quod nos moretur. Appo-  
nam versus Arati:

ἤμος δ' ἀστερόθεν καθαρόν φάος ἀμβλύνηται,  
οὐδέ ποθεν νεφέλαι πεπιεσμέναι ἀντιώσιν,  
οὐδέ ποθεν ζόφος ἄλλος ὑποτρέχῃ οὐδὲ σελήνῃ,  
ἀλλὰ τὰ γ' ἐξαπίνης αὐτὼς ἀμειννὰ φέρονται.  
μηκέτι τοι τόδε σῆμα γαληναίης ἐπικείσθω,  
ἀλλ' ἐπὶ χεῖμα δόκευε —

„Cum autem, ait Aratus, stellarum clarus fulgor hebetatur  
(*stellis acies obtusa videtur*) neque tamen alicunde nubes coactae  
illis se praetexant, *neque aliunde caligo alia subeat, neque luna*;  
sed astra extemplo nulla de caussa languida ferantur: non amplius  
tibi hoc signum serenitatis habeatur, sed expecta tempestatem.“  
(ἀστερόθεν est vera lectio; non οὐρανόθεν. ἐπικείσθω potest a cal-  
culo ductum esse, ut ἐπιτιθέναι apponere in numero, annumera-  
re; nisi fuit ὑποκείσθω, *ne habetor*.) Clarius rem exponit Schol.  
vetus: ὅταν ἴδῃς ἐν καθαροῦ ἀέρι αἰφνιδίως ἀμβλυνομένους ἀστέ-  
ρας, μήτε νέφους, μήτε ἄλλης τινὸς ἀχλύος ἐπισκιαζούσης, „μήτε  
σελήνης ἐπιπροσθούσης“ (ἐπιπροσθεούσης) χεῖμῶνα προσδόκα. δη-  
λοῖ δὲ, ὅτι ἡμῖν ἀνεπαίσθητος ὁ ἀῆρ παχυμερὲς γινόμενος τοῦτο  
ποιεῖ. γίνεται δὲ τοῦτο αὐχμοῦ ἐπιπροσθούντος (ἐπιπροσθέοντος)  
τοῖς ἀστροῖς, καὶ τὸ λαμπρὸν αὐτῶν ἀμβλύνοντος, τὸ οὖν „οὐδὲ  
σελήνῃ“ προσέθηκεν, ἐπειδὴ ἡ σελήνη σκέπει τῷ ἰδίῳ φωτὶ καὶ  
ἀμαυροῖ τοὺς ἀστέρας. — Ita, puto, omnis difficultas est sublata,  
omnis caligo dispulsa. Respicit hunc ipsum locum, luna tamen  
haud memorata, Plin. XVIII, 35, s. 80 *Quum repente stellarum  
fulgor obscuratur, et id neque nubilo, neque caligine: pluvia aut  
graves denuntiantur tempestates*. Ceterum infinitivum *videri* pro  
vera lectione me habere iam professus sum.

---

P. VIRGILII MARONIS  
G E O R G I C O N  
LIBER SECUNDUS

---

A R G U M E N T U M

**P**ropositio cum invocatione Bacchi 1—8. De *arborum* inprimis-  
que vitium et olearum *cultura* acturus, primo loco varios arborum  
proventus, alios a natura alios ab arte profectos, exponit. Aliae  
itaque arbores sponte nascuntur — 21; aliae arte parantur: et  
quidem avulsione — 23, infossione 24. 25, propagine 26. 27, sur-  
culo 28. 29, concisione 30. 31, insitione 32. 33. 34. Nunc edoctu-  
rus, studium esse adhibendum et suam cuique arbori pro generis  
et soli natura culturam: Maecenatis propitiam voluntatem implor-  
rat — 46. Arbores, quae sponte proveniunt, cultu emendari pos-  
sunt — 56; quae satu nascuntur, feliciora habent incrementa  
transplantatione, et aliis artificialis culturae generibus — 72; in-  
primis inoculatione et insitione proprie dicta — 82. Deligendae  
quoque arborum eiusdem generis species praestantiores — 108.  
Caelum porro cuiusque arboris naturae idoneum est circumspecien-  
dum; nam magna in hoc est varietas — 135; et sic aditum sibi  
parat ad laudes Italiae, omnium rerum proventu felicissimae —  
176; tandem soli natura est exploranda, cui proventus generi illa  
conveniat — 225; subiiciuntur criteria soli cognoscendi et iudi-  
candi — 258; et viae acrationes soli tractandi et naturae eius  
emendandae, adeoque ipsa cultura cum omnino arborum, tum  
inprimis vitium. Scilicet primo docentur quae in plantatione ob-  
servanda sint — 314; etiam de tempore plantationis faciendae —  
345; de cura post illam adhibenda, inque hac de putatione (362 —  
370) et de avertendis iis, quae nocere possunt novellis arboribus  
(371 — 379); cumque in his caper sit, excurrit in morem mac-  
tandi hirci in Bacchi sacro — 396. In vitibus tamen inprimis  
adsidua est cura per totum annum adhibenda — 419. Minus ope-  
rosa est olearum cultura — 425, et pomorum — 428, exigua aut  
omnino nulla sativarum arborum — 457. Inde excursus in laudes  
vitae rusticae, pars carminis felicissima — ad fin.

---

**H**actenus arborum cultus et sidera coeli;  
 Nunc te, Bacche, canam, nec non silvestria tecum  
 Virgulta, et prolem tarde crescentis olivae.  
 Huc, pater o Lenaeae; tuis hic omnia plena  
 Muneribus; tibi pampineo gravidus auctumno 5

1 Deerat hic versus in Zulich., scilicet ut saepe primi versus, a chryso-graphis supplendi. A Gesnero in Thesaurio LL. voc. *hactenus* inter loca, quibus illud adverbium temporis esse interdum videri possit, affertur hic versus et subiicitur: „Sed primus versus abest plane in MS.“ Verum codex ille Zulichem. in Virgilio tantae auctoritatis non est. Tum vero in utraque lingua adverbium loci et temporis inter se permutantur. Ergo et h. l. *Hactenus* et *Nunc* proprie posita sunt de loco: verum temporis notio ei ipsi subest. (—3. Medic. *olibae*, mutata *b* a manu recentiore in *v. Wr.*) 4 *Nunc p.* unus Mead., ut et *v. 7. tuis haec o.* a Cerda editum. *sunt* in unum Arundel. ex glossa migravit, ut et in Voss. apud Burm.

1. Respicit ad lib. I, v. 1. Poetae exordio utitur Columella III, 1. 2. 3. Nunc arborum curam exponam. Arbores memorat, ut poeta, *vites*, *virgulta*, h. e. arbores silvestres, et *oleas*. *Silvestria* dubito an ex vulgari usu dictum sit. *silva* poetis omnino pro arboribus dicitur: ut saepe hoc libro, v. c. 181 *silva vivacis olivae*: videtur adeo *silvestris* epitheton ornans esse, et *Virgulta silvestria* nil nisi silvae, h. arbores omnis generis. (Propriam significationem retinendam esse, recte contendit Wunderl. Arbores autem poeta iungit cum vitibus, ut bene vidit Vossius, et silvestres, quippe quae maritari soleant vitibus, et frugiferas, quia omnis pomi inventor habebatur Bacchus, coll. Theocr. II, 120.: „μᾶλα Διωνύσοιο.“ et Athen. III, 7. pag. 82. d. „Νεοπτόλεμος δ’ ὁ Παριανὸς ἐν τῇ Διονυσιαδί καὶ αὐτὸς ἱστορεῖ, ὡς ὑπὸ Διονύσου εὐρεθέντων τῶν μῆλων, καθάπερ καὶ τῶν ἄλλων ἀκροδρόων.“ *Wr.*) 3. *Oleae* e semine nascituae tardissima esse incrementa,

iam olim Hesiodo auctore creditum in loco qui nunc cum aliis pluribus ex opere τῶν ἔργων excidit. Plin. XV, 1 Hesiodus — *negavit oleae satorem fructum ex ea percepisse quenquam; tam tarda tunc res erat.* conf. Varro R. R. I, 41, 6. *δυσανξής* dicta Theophrasto; hinc propagare eas, quam serere, maluit aetas posterior: conf. 31; eadem tamen propter hoc ipsum e naturae lege firma ac *vivax*, inf. 181.

4. Splendida invocatio! — *hic*, in iis, quae dicentur a me, in argumento carminis mei. *tibi*, pro per te, Graecorum poetarum usu; beneficio tuo. *florere* est hic, laetum esse, plenum esse. *auctumnus pampineus* est proventus auctumni e vinea, vindemialis, ὀπώρα. (de numeris huius vs. vid. Voss. et Q. V. XII, 4. 9. 10. *Wr.*) Eadem tandem notione paullo post *vindemia*. (Sed verius fortasse Wunderl.: „*Mihi pampineus auctumnus visum est de tempore accipere, ubi vindemia est.*“ *Wr.*) *labra* (Tibullo I, 1, 10 *lacus*,) sunt vasa



Floret ager, spumat plenis vindemia labris;  
Huc, pater o Lenaeae, veni; nudataque musto  
Tingue novo mecum dereptis crura cothurnis.

Principio arboribus varia est natura creandis:  
Namque aliae, nullis hominum cogentibus, ipsae 10  
Sponte sua veniunt, camposque et flumina late

8 *dereptis* ab Heinsio bene emendatum. *direptis* vulgo. (*dereptis*, praeter Mentel. prior., etiam 2. 4. 7. Vossius et Iahn. ediderunt *direptis*. Atque etsi non negaverim, proba haec quoque videri: *diripere cothurnos, tunicam, vestem*, semper tamen violentiae notionem his adhaerere existimaverim, quae aliena est ab h. l. Dici autem vix potest, quoties *di-* pro *de-* in libris vel optimis, ut in ipso Mediceo, exaratum deprehendatur; vid. V. L. Aen. I, 211. *Wr.*) 10 *Atque aliae* Goth. pr. 11 *que* abest a Zulich.

ad recipiendum mustum apta. 7. Suavissima imago Bacchi uvas calcantis una cum poeta, dum auxilium sibi a deo ferendum in carmine de vinearum cultura expetit. cf. elegans Epigr. Maecii in Analect. Brunck. Tom. II, pag. 239, XI. *Cothurnatus* exhibitus fere olim Bacchus: quod etiam e signis aliisque monumentis constat. Calcare pedibus uvas etiamnum in Italia sollemne. Confer amoenissimam vindemiae descriptionem, a Satyris habitae, apud Nemesian. Ecl. III, 40 sqq. Fauni super lacu stantes exhibitum sunt ex anaglypho a Com. Caylus (*Recueil d'Antiq.* T. V, tab. 72. cf. *Pitture di Ercolano* T. I, tab. 35).

9—21. Arbores procreantur aut natura aut arte. *Arboribus creandis*, h. e. arborum nascentium, *natura*, ratio, *est varia*; (vid. Not. ad Ge. I, 3. *Wr.*) et quidem naturalis ratio triplex, aut ut sponte veniant, h. proveniant (sup. I, 54), aut semine, aut ab radice: Plin. XVI, 32, s. 58. Conf. Theophr. Hist. Plant.

II, 1. quem, et Varronem I, 39, 3, expressit Virgilius. item Columella de Arborib. pr., qui ad h. l. respicit. add. Pontedera Antiqq. Gr. Lat. Epist. XII, et Gesner. ad Varron. l. l. Ceterum in iis, quae sequuntur, ornandis quanta poetae ars sit, facile sentiri potest, si ad nudam pedestris orationis narrationem ea redegeris.

11. *Sponte sua*. Parum subtiliter veteres ea, quae sponte nascuntur, *αὐτομάτως*, distinguere ab iis, quae semine nascuntur: cum tamen nec ista sine semine proveniant. Voluere scilicet declarare id genus plantarum et arborum, quod primum genium dixeris, quod in loco, quem occupat colonus, iam natum repererat: quemadmodum vulgus herbas malas et inutiles sponte solo nasci dicit: semen, unde illae gignuntur, vento et aere allatum ac proiectum humique conditum, non in oculos incurrit, adeoque sine semine nasci illae putantur. Iam sup. Ge. I, 22 *novas non ullo semine fruges*

Curva tenent: ut molle siler, lentaeque genestae,  
Populus, et glauca canentia fronde salicta.

Pars autem posito surgunt de semine: ut altae  
Castaneae, nemorumque Iovi quae maxuma frondet

15

12 *et molle* Franc. *laetaeque* Mentel. pr. a m. pr. *genestae* scripturam in scriptis plerisque invenit Heinsius. Vulgo *genistae*, quod tamen etiam in Medic. et Rom. occurrit. Sic quoque variat in Gratio, Calpurnio et al. (infra tamen vs. 434. *genestae* in Medic. *ifr.*) 14 *surgant* Ven. *surgunt posito* Zulich. 15 *frondent* legebat Reiskius, ut sint, nemora quae omnium frondent maxima, scil. aesculus et quercus. Nec male sic locus constitutus esset: *Castaneae, nemorumque Iovi quae maxuma frondent, Aesculus atque — quercus.*

dixerat. Nec aliter Theophrastus, Varro, Plin. l. c. 12. 13. *Siler* salicis forte genus; nec enim satis notus frutex est. vid. ad Plin. XVI, s. 35. *Genesta* fruticis viminei genus (conf. inf. 434. vid. Martin.); hinc *lenta*, flexilis, ut *lenta vitis* Ge. I, 265. *Salicta* pro salice, cuius natura pulcre expressa: *γλανκίροα*.

14. Uti illae arbores *nullo*, debebant dicere, caeco et occulto, semine nascuntur, sic nunc alterum genus, etsi et ipsum sine hominum opera, *seminue* tamen, quod de arbore in terram fluxit et insinuavit se solo, nascitur. *surgunt*, nascuntur, *posito de semine*, h. ex semine proveniunt, quod decidit: ut castanea et ilex, si nux, glans, deciderit et ab humo recepta fuerit. Plin. XVII, 10 *Ac pleraque ex his ipsa natura docuit, et inprunis semen serere, quum decidens exceptumque terra vivesceret. Sed quaedam non aliter proveniunt; ut castaneae, inglandes.* Ex iis, quae dicta sunt, intelliges alienas esse a poetae mente argutias, ut *spoute venire* dicantur arbores semine

non proiecto, sed temere cadente; *posito de semine*, opera et industria hominum in terram sparso aut defixo. Ita Burmannus et Kingius apud Martinum disputant: accommodate utique ad physices praecepta, de quibus tamen securi veteres agricolae fuisse videntur, cum adeo e philosophis multos eum errorem errasse satis constet. Scilicet h. l. naturales modi nunc enarrantur; de satione artificiali mox agetur. Iterum poeta sponte natas et ex semine quod deciderat (*seminibus iactis*) distinguit inf. 47. 57. Ceterum *semina* si apud poetam, etiam apud alios, audieris, latius illa, nec modo de granis, verum et de nucibus, nucleis, baccis, interdum de radicibus, plantis, stolonibus, et quovis propagandi genere, interdum de omni principio, unde aliquid gignitur, cogitandum est. Ita *castanearum semina* sunt nuces. Simili modo *serere* de omni procreandi modo adhibetur. Sane haec loquendi improprietas interdum obscuritatem facit. De *castaneis* vid. Columella IV, cap. extr. cf. Plin.

Aesculus, atque habitae Graiis oracula quercus.  
 Pullulat ab radice aliis densissima silva:  
 Ut cerasis ulmisque; etiam Parnasia laurus  
 Parva sub ingenti matris se subiicit umbra.  
 Hos Natura modos primum dedit; his genus omne 20  
 Silvarum fruticumque viret nemorumque sacrorum.  
 Sunt alii, quos ipse via sibi reperit usus.

16 *Aesculus* alii. Damnat scripturam Heins. *atque alte* Erf. forte pro, *altae*. *Grais* in multis scribitur. 17 *a radice* Ven. et Moret. quart. vide lib. I, 20. 18 *et iam* Gudian. cum aliis. (— 19. Medic. *subigit*, ortum ex vetere scriptura *subicit*; de qua dicitur alio loco. *Wr.*) 21 *virent* Goth. pr. 22 *Sunt alii quos* etiam Medic. a pr. manu, sed a sec. *aliae quas*; ut ex Foggino colligas. Eo tendit emendatio Scaligeri: *Sunt aliae, quas ipse vias sibi repperit usus*; et Heinsius etiam argutus: *Sunt uliae quas ipse viae s. Kingius ap. Martin. app. emendabat: Sunt ulii (modi) quos ipse viam sibi. Sunt alii quos ipse viam* Venetus et Pierii Longob., quod Pierio et Heinsio venusta videbatur appositione dictum. *Sunt alii* Mentel. sec. a m. pr. *Sunt alii quos ipsa via* in Gudiano vidi a m. pr. Sed bene vulgatam defendebat Burmannus. conf. Burmannus Sec. ad Anthol. Lat. pag. 527. (Omnis h. l. in Mediceo lectionis varietas inde profecta videtur, quod, ut refert Fogginius, is est literarum ductus, ut nescias, *alie*, an *alii* legas; iam qui *ulie* legeret, deesse *a* ratus, hanc literam supra scripsit, et proinde *o* in *quos* expuncta, item *a* supra pinxit, ut existeret *quas*. Serv. Dresd.: „Sunt alii: modi scilicet.“ *Wr.*)

XVII, 10, s. 10, et primario loco 20, s. 34. 15. *Aesculus*, arbor glandifera e quercuum genere, admodum procera, conf. inf. v. 291—297. Iovi sacra. Dicta ea *maxima nemorum*: accipe pro: in nemoribus. Sic Graeci casu secundo uti solent: ὕψηλοτάτη ἀλσέων pro ἐν ἄλσεσσι dicerent. (*nemora*, ut *silvae*, cfr. 26., *silvarum aliae*, pro arboribus dicitur. Ita rectum *maxima nemorum*. At Latinum est *nemoris maxima*, ut *potentissimus Galliae*. *Wch.*) *quercus habitae oracula*, h. pro sede oraculi Dodonaei. vid. Homer. Odyss. ξ, 327. 328, quamquam modus edendae sortis diverse traditus est. („quercus, oracula prima;“ Ovid. Am. III, 10, 9. *Wr.*)

17. *Viviradices* vocant; quamquam id nomen latius patet, et stolones ac truncos etiam designat, quos transferas in aliam terram. *Subiicit se*, adolescit, crescit. Supra Ecl. X, 74 *Quantum vere novo viridis se subiicit alius*. Locum expressit Claudian. X, 244 sqq. Docte autem variata oratio pro: *aliae ἀπὸ παρασπάδος*, radice infixata solo, gignuntur, ut cerasus, ulmus et laurus. 20. 21. Hi sunt modi naturales.

22—34. Sunt alii modi arborum creandarum artificiales, h. quos usus ipse sibi reperit, *via*, id est arte, ratione, industria et experientia, ut centies *via* apud nostrum et alios. Colum. X, 338 *salutis Ipsa novas artes varia experientia rerum Et la-*



Hic plantas tenero abscindens de corpore matrum  
 Deposuit sulcis; hic stirpes obruit arvo,  
 Quadrifidasque sudes et acuto robore vallos;      25  
 Silvarumque aliae pressos propaginis arcus

### 23. ABSCIDENS

23 *Hic plantas teneras abscindens corpore m.* unus Arundel. *abscindens* reposuit Heins. codicum aliquot auctoritate. *abscindens* vulgo scribitur; ita tamen et Medic. Omnino ex hac varietate nihil inferre licet, cum perpetua sint librariorum ludibria in *abscisus*, *abscissus*, et sic in similibus. *tenerum* Goth. pr. At tenerior arboris pars est eadem illa, qua stolo propullulat. (Infinitis locis permutantur inter se *abscindere* et *abscidere*; ut ceteros, qui eius rei exempla attulerunt, omittam, vid. Drakenb. ad Liv. XXXI, 34, 4. Haud ita difficile erit, iudicare, quid cuique loco conveniat, si hoc tenuerimus: abscidi aliquid cultro, ense; abscindi rem alia aliqua vi, idemque fore esse *abscindere*, quod *avellere*; abscidi autem translate dici etiam de iis, quae quandam habent similitudinem cum re ferro resecta: hinc rupem, spem, orationem abscisam dicendam esse, non abscissam. Iam vero stolones cum fibris avelluntur ab arbore, non reciduntur; atque ut hoc *avellendi* verbo Latini scriptores ad eam rem significandam utuntur, ita Graeci verbo *παρὰσπᾶν*, quod est *abscindere*, non *abscidere*. Itaque *abscindens*, licet improbatum Cortio ad Lucan. III, 33., reposui. — 24. *hinc* Medic. a m. pr.; idem *stirpe*, sed supra scripta s. *Wr.*) 26 *alii* Leid. 26. 27 *flexos propaginis arcus* *Nexae spectant* codices quidam apud Servium ad Aen. IV, 231. (Steph. edit. *Nec se.*)

*bor ostendit miseris ususque magister Tradidit agricolis.* conf. inf. IV, 315. 316. I, 133, et praeclarus Lucretii locus, qui Maroni praeluxit lib. V, 1360 sqq. Sunt autem modi hi: *avulsione*, *infossione*, *propagatione*, *surgulo*, *concisione*, *insitione*. cf. Plinius XVII, 10, s. 9. Omnia, quae sequuntur, cum ex eodem Plinio et aliis, tum imprimis ex Theophrasto de Caussis Plant. lib. I et Hist. Plant. lib. II egregie illustrari possunt, ut iam in multis fecere Ursinus ac Cerda. Ad rem tenendum hoc, pluribus modis eandem arborem gigni posse; ne putes singulis arboribus unum tandem modum convenire; est tamen alia alii ratio utilior.

23. Alius *avellens stolones* e

radice (vid. v. 17) fossis (sic *sulcus* inf. 289) seu scrobibus mandat. vid. Plin. XVII, 10, s. 13. Idem: *Omnia*, inquit, *celerius adulescunt stolonibus ablatis, unamque in stirpem redactis alimentis*, ibid. 13, s. 20. Ita *avulsione* arbores proveniunt.

24. Alius modus est, quo quis *truncos*, seu vastiores ramos ac taleas in pali modum aut quadripartito fissas, cum radicibus, *in terram infodit*. cf. Plin. XVII, 17, s. 27. Colum. cum alibi, tum V, 9, 3. Quo prodigium spectat, quod aliquando hasta cornea in terram defixa in arborem crevit.

26. 27. Tertius modus fit *propagine*. Ut aliae, inquit, arbores proveniant, incurvatas in terram scrobe facto demittere

Exspectant, et viva sua plantaria terra;  
 Nil radicis egent aliae, summumque putator  
 Haud dubitat terrae referens mandare cacumen.  
 Quin et caudicibus sectis (mirabile dictu) 30  
 Truditur e sicco radix oleagina ligno.  
 Et saepe alterius ramos inpune videmus

28. ALIAE;

28 *putatum* fragm. Moret. 31 *ex sicco* volebat Pontedera Antiqq. pag. 153 et in Script. R. R. pag. 1297, antique pro *secto*. At vid. Not. 32  
*At saepe* Menag. et Zulich.

necesse est, et in terra sua, h. ea, in qua mater crevit, plantare. Non quidem nescio post Servium, Cerdam quantum aliquem modum *transpositionis* ex verbis: *et viva sua plantaria terra*, inferre. Tum saltem legendum foret: *aut viva*. Plin. XVII, 20, s. 34 *sunt et propagines* castanearum — *Sed translata nescit hospitari pavelque novitatem*. cf. Colum. IV, 33, 4.

28. 29. Est hoc sationis genus, cum ex summa arbore rescissa virga seu *talea*, tamquam *surculus*, scrobe facto in humum defigitur. 29. *referens*, quia, notante Reiskio, iam ante illinc enatum fuerat. Nisi omnino ornate dictum putandum: *referens mandat* pro simplici *mandat*. Nam fert, defert, *refert* illud *cacumen*, *taleam*, in illum locum. (putator, qui ad arborem putandam exierat, *refert* *surculum* proprie dicitur, ut reportare I, 275. *Wch.*)

30. 31. Nonnullae arbores, et inter has imprimis olea, ita procreantur, ut *caudex* seu stipex, resecta radice et abscissis ramis, idemque dissectus ac fissus, *terrae infodiatur*. Ita ex ipso stipite radix truditur, quae

terrae se affigat. *Caudex sectus* per se simpliciter esse posset, resectus et abscissus; sed obtemperandum est viris peritis, praeeunte iam Servio et Cerda, *caudicem* seu truncum scindi in plures partes, diffindi ac concidi, ita ut ex medulla nova arbor procreetur. *e sicco ligno*, quia truncus rescissus est. Plin. XVII, s. 9 inter genera sationis arborum: *et consecto arboris trunco*. Plura in omnem hanc rem sunt ap. Plin. XVII, s. 27. 28. 29. Laudatus iam est a Cerda Theophr. Hist. Plant. II, 1. et 7. Ab illo altero modo sup. 24. 25 memorato hic ita differt, ut infossio fiat truncis cum radicibus; quintus hic modus, resectis radicibus. (*e sicco* quid sit h. l., quaeritur. Siccior pars arboris est truncus, succosae radices et summa pars arboris, ramuli ac frondes. Apte Vossius comparat Pallad. XI, 5.: „radiculae non ad siccum debent recidi: — — recidemus relicto digiti spatio.“ Idem tamen Voss. laudat Plin. H. N. XVII, 30.: „Non inhumare taleas, aut siccare prius, quam serantur, utilius compertum.“ Unde Iahnus verba *e sicco* h. l. proprie

Vertere in alterius; mutatamque insita mala  
Ferre pirum, et prunis lapidosa rubescere corna.

Quare agite o, proprios generatim discite cul-  
tūns, 35

Agricolae, fructusque feros mollite colendo;  
Neu segnes iaceant terrae. Iuvat Ismara Baccho  
Conserere, atque olea magnum vestire Taburnum.  
Tuque ades, inceptumque una decurre laborem,

33 *mutata tres. Vertere in alterius naturam, atque insita coniciebat* Heinsius. Inf. 50 tamen haec — *scrobibus mundet mutata* eodem modo dicta sunt. 35 *o* abest a Medic. (non abest *o*, sed minore litera interiectum. *Wr.*) 36 *cultusque feros* laudant Schol. Horat. Cruqu. Sat. II, 2, 66 et Macrob. Sat. VI, 6, ubi etiam *mollire*, male. 37 *Ne Menag.* Miror neminem tentare: *iuvet!* multo magis, si cum Reiskio exquisitiorem sensum inferas: *decrevi canere, quomodo vinum, quale fert Thracia, et oleum, cuius ferax est Taburnus, colatur.* τὰ Ἰσμαρα (ὄρη) etiam Propert. III, 10, 25 de Ulysse: *Ciconum mons, Ismara.* 38 *Tiburnum* Goth. pr. 39 *inceptum una* Franc. *discurre* alter Rottend.

capienda existimat. Recte fortassis; nisi forte non *siccare*, sed *secare* scripserit Plinius. *Wr.*)

32. 33. 34. De *insitione* agit. Tamquam poeta, mala et corna memorat, fructus pro arbore. Quod structuram verborum attinet, ambiguum est, pirusne ex insitione ferat mala et prunus corna, an inverse cornus pruna. Cum recte monitum sit, corna Aen. III, 649 *victum infelicem dare* dici, posterius videtur amplectendum esse. Ex insitione cornus fert pruna rubentia, ut pirus mala. (*corna* pro *corni*, ut vs. 426. *poma* pro *pomi*, dicere ausus est Virgilius. *Wch.* At „Rectius Martinus: prunus fert corna: quam explicat. recte vindicat Manso in *Vermischt. Abhandl. und Aufsätz.* p. 290. sqq.“ *Iahn.*)

35. Discite, qui per singula genera, cuique generi, cultus proprius sit. 36. E Lucret. V,

1367 *Inde aliam atque aliam culturam dulcis agelli Tentabant, fructusque feros mansuescere terra Cernebant indulgendo blandeque colendo.* 37. (*terrae*, vid. Q. V. VIII, 3, VI, 6. *Wr.*) *Ismarus*, mons Thraciae, vitibus, et *Taburnus*, mons Samnii, olivis nobilis, quamquam uterque alioquin asper et horridus. Laudat Burnam. Intpp. Gratii Cynege. 509, ubi: *Candini saxa Taburni. Ismarum urbem* Homerus memoravit et vinum a Marone Ulyssi datum: Odyss. I, 197. Inde urbs in propinquo Maronea et vinum Maroneum clarum habent nomen. Montem Ismarium e nostro Auson. Mosella 159 nominat, ubi de vino agit. Pertinent autem hi versus adhuc ad adhortationem agricolarum, ut arboribus idoneis in locis colendis operam dent.

39—46. Proposito quasi argu-



O decus, o famae merito pars maxuma nostrae, 40  
 Maecenas, pelagoque volans da vela patenti.  
 Non ego cuncta meis amplecti versibus opto;  
 Non, mihi si linguae centum sint, oraque centum,  
 Ferrea vox; ades, et primi lege litoris oram;  
 In manibus terrae; non hic te carmine ficto, 45  
 Atque per ambages et longa exorsa tenebo.

Sponte sua quae se tollunt in luminis oras,

#### 46. EXORSA,

40 *O patriae* Moreti sec. a m. pr. *O deus et pars maxima nostri* in codd. aliquot Pierii et a m. sec. Erf. 41 *volens* Leid., quod Burm. verum esse putat, atque etiam, ut nunc video, Reiskius, et recepit Wakef. (etiam Voss. *Wr.*) conf. Heius. ad Aen. V, 219. Ovid. Met. II, 128. probabo et ipse, si codices accesserint. Nunc tamen video nec alterum ineptum esse. Poetis nec minus solenne est *volare* de navibus. Scilicet, si hic *volens* communis lectio fuisset, tum aliquis *volans* elegante coniectura emendasset. Ita enim fere mos virorum doctorum ferre solet. *petenti* Goth. pr. 42 *opto* non est tentandum; quidni dicat se ne cupere quidem hoc, quod nec sibi proposuit. 43 *orave* Zulich. 43. 44 Repetuntur Aen. VI, 625. 626. *Aenea vox* inutili emendatione reponitur ex Homericis. Erat, puto, poetae liberum, alterutrum ponere. conf. Burm. Mox *litoris undam* ed. Iunt. *primum* Regius Martini. 47 *auras*, quod inde ab Aldo in edd. superioribus erat, a Pulmanno in *oras* mutatum, iterum revocavit Heins. Sic Medic. a sec. m. cum Gudiano, et ceteri ad unum omnes. At

mento libri ad eius pertractationem Maecenatem invocat; commodiore loco, quam si paullo ante v. 5—9 Baccho subiunxisset privatum hominem. Nam Caesarem recte ultimo post deos loco ponebat Ge. I, 24 sqq. *Decurrere* recte quidem ad stadium aut circum refertur; sed propter v. 41 a cursu navigationis peti- tum videri debet: quod Ruaeus monuit. 40. Maximam suae famae et gloriae partem eo contineri ait, quod Maecenatis amicitia utatur. 41. *da vela*. fave canenti. Tractationem materiae plerumque navigationis formulis exprimunt poetae. Similia vid. apud Cerdam. 43. Item Aen. VI, 625 sq. ex Iliad. β, 488 sq. Iam ab Hostio poeta latine expressa erant Homerica: cuius

versus apud Macrobius Sat. VI, 3 sunt: *Non si mihi linguae Centum atque ora fient totidem vocesque liquatae.* 44. Summa tantum rerum capita se leviter perstricturum esse significat; ea scilicet, quae tractari poetice ornarique possunt. Hoc dicit *littus legere*, radere, ut *terrae in manibus*, h. prope sint, vicinae; ἐν χερσὶν simili sensu Apollon. I, 1113; non vela in altum dare. εἰς χεῖρα γῆ συνῆψαν Eurip. Heracl. 430. *carmine ficto*: mythici aut heroici argumenti, sed didactici, in veris rebus versantis. (*longa exorsa*, longum opus. *Wch.*)

47. Iam ad culturam arborum progreditur. Et primum quidem v. 47—60 de emendatione arborum silvestrium agit,

Infecunda quidem, sed laeta et fortia surgunt.  
 Quippe solo natura subest. Tamen haec quoque,  
 si quis

idem Medic. Aen. VII, 660 constanter habet *luminis oras*, quod Heinsius ibi retinuit; retinendum igitur erat etiam h. l. *oras* Cerda c. Gifanio et Wakefield e codd. Lucret. et inprimis lib. V, 779 tuetur. Ambiguitatem ex antiqua pronuntiatione profectam vix plane tollas; nam etiam *aura ora* pronuntiassent videntur. Itaque si vel maxime *oras* scribimus, potest hoc pro *auras* scriptum haberi. Ita nodum non solveris, si dixeris in Ennio et Lucretio *luminis oras* legi: nam ita nunc in edd. expressum esse constat quidem; quomodo autem isti scriptores acceptum esse voluerint, non magis inde constat. Sufficit, formulam ab Ennio et Lucretio poetae nostro quasi in manus fuisse traditam: iam cum iidem *in aetheris auras*, *aeris auras*, aut simpliciter *in auras* saepius usurpent (v. Burm. h. l.), firmari forte hinc potest et illud: *in luminis auras*. Ductum videri potest ex *φάος αὔρα*, v. c. Callim. in Di. 117. *auri aura* Aen. VI, 204, ubi conf. Not. Priscian. Perieg. 1020 *aura viridi quae splendet Iaspis*. Ne tamen in loquendi more arguteris, eumque e physica subtiliore ductum putes, hoc tene: aura adductum ad suos sensus odorem, etiam lumen, bene videbant veteres; hinc auram luminosam, et pro ea auram luminis dixere; sic auram aetheris, pro aura aetherea, et hoc pro aethere. Laudatur ex Iliad. v, 937 *Ἥχῃ δ' ἀμφοτέρων ἵκετ' αἰθέρα καὶ Διὸς ἀνγὰς*, ubi Barnesii coniectura *αὐλὰς* hoc ipso Latinorum poetarum vocabulo refelli potest. — Sin tamen *luminis oras* dictas velis, ut *terrae*, *caeli oras*, h. e. extrema, dictum esse puta. (*Oras*, quod praeter Heyn. Vossius et Iahnus receperunt, quamquam non ulla alia, quae certa haberi possit, quam Medicei nititur auctoritate, quare alteri lectioni praetulerim, discas e Q. V. X, 1. Erudite, ut solet, Weichert. Epist. crit. pag. 55. sqq. *auras* defendit. Wr.) 49 *solis* Mentel. pr. a m. pr. et tert. a m. sec. interpolatum ad vulgarem loquendi modum. *hoc quoque* Ven.

cum respectu ad naturales modos, quibus arbores nascuntur 9—21. Nunc primo loco primum modum attingit (v. 9—13); quae sponte enasci solent in agro inculto, insitione aliisque modis mitiorem naturam consequi possunt. Varronem, puto, ante oculos habuit I, 39. 40. *in luminis oras*, in lucem, adeoque in aetherem. conf. Var. Lect. 49. Quippe solo natura subest. Lucret. III, 274 *Nam penitus prorsum latet haec natura subestque*. Quinctil. Inst. Orat. X, 2, 11 *Namque iis, quae in exemplum assumimus, subest natura et vera vis: contra omnis imitatio ficta est*. Itaque solo natura

*subest*, h. inest ea naturalis vis ac virtus (v. c. sales, calor, humor, temperies), quae ad procreandas illas arbores necessaria est ac propria. 49. 50. *Tamen haec quoque si quis* etc. Formula eadem sup. Ecl. VI, 9. Silvestres arbores fecundarum naturam induunt, si iis arbores aliae mites (nam *omnis surculus omni arbori inseri potest, si non est ei, cui inseritur, cortice dissimilis*: Colum. V, 11, 1) inserantur, aut si eae transferantur. *mutata*. si est ea, quae iam *mutata sunt*, debet subintelligi ex insitione; ita ut nunc insitae et ex insitione mutatae arbores in plantaria transferantur, quod

Inserat, aut scrobibus mandet mutata subactis, 50  
 Exuerint silvestrem animum; cultuque frequenti  
 In quascumque voces artis haud tarda sequentur.  
 Nec non et sterilis, quae stirpibus exit ab imis,  
 Hoc faciet, vacuos si sit digesta per agros:  
 Nunc altae frondes et rami matris opacant, 55  
 Crescentique adimunt fetus, uruntque ferentem.  
 Iam, quæ seminibus iactis se sustulit arbos,

50 at Menag. et Parrhas. *inundata* Moret. sec. *mandet multa arte sub-*  
*actis* Reiskius coniciebat. At v. 33 *mutatamque insitu mala Ferre pirum.*  
 51 *culto* que Gud. a m. pr. 52 *Ad quascumque* fragm. Moret. *voles*  
 Medic. et Gud. a m. sec. (*artes* Medic. *Wr.*) Sic et codd. apud Pierium,  
 nec non *velis*; sed doctius alterum. conf. Burm. *sequantur* Moret. pr.  
*sequuntur* sec. 54 *faciat* Medic. a m. pr. et Gud. (*faciat prior, faciet*  
 altera lectio Medic. *Wr.*) *disiecta* ed. Ven. 55 *Nunc latae frondes*  
 Wakef. P. IV p. 45 et mox *uruntve.* 56 *Crescentisque* quinque, cum  
 Goth. sec. a m. sec., et *Crescentesque* quatuor apud Burmann., hoc etiam  
 Regius et Cantabrig. habebant. 57 *Nam* Gud. et tres alii ap. Burm., duo  
 ap. Martin. et vett. edd. (de potestate particulæ *iam* vid. Q. V. XXIII,  
 9. *Wr.*) *Namque* uterque Goth.

quam bene fiat ignoro. Ut *mutata* sit mutando, ita ut muten-  
 tur, uti antea accipiebam, du-  
 riter fieret. Simplicissimum est  
*mutata* accipere loco mutato, ex  
 suo loco transposita et in scrobe  
 plantata: nam sola transpositio-  
 ne arborum silvestrium natura  
 mitescit, solo, caelo, cultu:  
 qua de re vid. agentem Theo-  
 phrast. de Causs. Plant. III, 23.  
 ubi: ὁλως δὲ αἱ μεταβολαὶ τῶν  
 δένδρων (γίνονται) διὰ τὰς θε-  
 ραπείας. Plin. XVII, 10, s. 12  
*qui transitus mirum in modum*  
*mitigat etiam silvestres. scrobes*  
*subacti*, ut terra subacta, quæ  
 foditur. (Opposita non accurate  
 elocutus est Maro; arbores post  
 insitionem aut solo suo possunt  
 relinqui, aut alio transferri, h. e.  
*mandari scrobibus subactis*, mol-  
 litis. Cic. de Senect. XV, 51.:  
 „terra gremio mollito ac subacto  
 semen excepit.“ *Wrch.*) Mox

*animus* eleganter pro natura,  
 ingenio arborum. 52. *artes*,  
 modos, cultus artificiales. Sua-  
 viter! quascumque artes ad ma-  
 iorem earum cultum adhibeas,  
 feliciter tibi succedere videbis.

53 — 56. Alius modus silve-  
 stribus arboribus mitem natu-  
 ram induendi est, si stolones ab  
 radice pullulantes (v. 17—19)  
 in campum vacuum et in solem  
 transferentur, cum ipsis nunc  
 umbra matris noceat, ut adulti  
 aut nullos fructus ferant, aut  
 maligne. Quæ eadem res do-  
 cuit plantaria et seminaria in-  
 stituere: cf. Plin. XVII, 10, s.  
 12. 13. et cap. 13, s. 21. *steri-*  
*lis*: substituendum κατὰ τὸ νοη-  
 τὸν, arbos. (*Nunc*, vid. notata  
 ad Ecl. X, 45. *Wr.*) *fetus*, ar-  
 borum fructus, sæpe, ut supra  
 I, 55. infr. 429. *urere* vero per-  
 quam accommodate de subdu-  
 cto succo. (*urunt ferentem* quo-



Tarda venit, seris factura nepotibus umbram;  
 Pomaque degenerant succos oblita priores;  
 Et turpis avibus praedam fert uva racemos. 60  
 Scilicet omnibus est labor inpendendus, et omnes  
 Cogendae in sulcum, ac multa mercede domandae.  
 Sed truncis oleae melius, propagine vites  
 Respondent, solido Paphiae de robore myrtus;

## 61. INPENDENDUS;

59 *fucos* Toll. *prioris* Mentel. et Leid. 60 *una* Menag. 61 *imponendus* laudat Philarg. ad v. 288, male. 62 *magna mercede* Franc. vid. ad Tibull. I, 1, 2. 64 *et Paphiae* Ven. *Respondent melius Paphiae* unus Arundel., e glossa inter lineas.

modo dictum sit, exponetur Q. V. XXVIII, 5. adde XXXIII, 3. *Wr.*)

57—62. Sequitur altera ratio naturalis procreandarum arborum (supra v. 14—16), ex semine in solum delato, una cum modis eam arte emendandi et adiuvandi. Ex h. l. dilucidandus Plin. XVII, 10, s. 10. Egerat de semine—*Omnia haec tarda proventu ac degenerantia et insito restituenda.* 57. *seminibus iactis*, seu temere, cadentibus iis in solum, seu manu iactis: utrumque enim nunc complectitur propter parem eventum. 58. *tarda venit*. tarde provenit. Ut Ecl. IX, 50 *Inserere, Daphni, pios; carpent tua poma nepotes.* cf. Seneca Ep. 86. Ursinus *nepotes* de arborum sobole accipiebat; quem refellit Burm. 59. *oblita*: de iis, quae aliam naturam induunt; suaviter; haustum ex perenni illo fonte poeticorum phantasmatum: cum transferuntur ad res inanimatas ea, quae animantium sunt. conf. Ern. ad Callim. in Del. 34, ubi de insulis: *ἡπίτοιο λάθονται.* 60. *turpes racemi*

praeclare, deficiente cultu, squalidi, rugosi; ut contra *uvae cultae, nitentes, pulchrae.* Uva h. l. pro vite, quae nostris quidem in terris ex acinulis non procreatur; at in insulis Americae adhuc id fieri narratur.

61. 62. Artificiales modi arborum e semine procreatarum incrementa accelerandi; qui non minus locum habent in reliquis arboribus, sive sponte, sive ex viviradice natis; itaque rem generalius proponit; nec tamen (conf. Theophr. de Caus. Plant. I, 6), ut poetam decebat, eundem ac vss. 22 seq. ordinem anxie servat. Arbores, inquit, silvestres omnes transferendae sunt in alium agrum et in scrobibus (hi sunt *sulci*, vide v. 24) defigendae, et *multa mercede*, multi laboris impendio, colendae. Praecepta veterum de his diligenter exposuit Plin. XVII, s. 14 sq. Habuit poeta ante oculos Lucret. V, 1360—1377.

63—68. Est tamen cuique arbori suum culturae genus accommodatissimum. *Oleae melius respondent*, votis, consilio, feliciter proveniunt, e *truncis*:

Plantis et durae coruli nascuntur, et ingens 65  
Fraxinus, Herculeaeque arbos umbrosa coronae,  
Chaoniique patris glandes; etiam ardua palma  
Nascitur, et casus abies visura marinos.

65 *et durae* Medic. et ceteri fere omnes ap. Heins., sicque Aldd. et hinc profectae. Alii, in quibus Goth. sec., *edurae*, quod ille praeferebat, ut esset *valde durae*, ut Ge. IV, 145. Eadem varietas apud Servium, Pierium, Martinum. Reiskius divellebat: *Plantis e* vel *ex, durae*. *Edurae* inter editas habent Egnat. Commelin. Fabric. Pulmann., et hinc vulgatae. At recte revocavit alteram lectionem Burmannus. Nam sententia requirit, ut continua sit oratio: *Et coruli nascuntur melius plantis. nascentur* Arundel. unus. 66 *que* abest a Leid. uno. *arbos frondosa* Goth. pr. 67 In illo *Chaonii patris* possit subtimidus aliquis haerere, cum absolute quidem *pater* saepius, vix vero cum gentili aliquo nomine dicatur, *pater Dodonaeus, Olympius, Idaeus*; cui rei parata medicina foret: *Chaoniaeque patris glandes*. Sed Aen. VIII, 454 *pater Lemnius* de Vulcano. *et iam* Gud. cum tribus aliis et utroque Mead., ut v. 18. *et ardua* Toll. *planta* Franc. (Medic. *Chaonieque*; sed voc. *patris* requirit epitheton, neque ita nude ponere licebat. Erit autem fortasse, qui, quum vs. sq. verbum *nascitur* repetatur, id non aliter recte fieri posse existimet, quam adiecto voc. *plantis*; hinc ita constituendum esse hunc locum: *Chaoniique patris; plantis etiam* cet. Sed bene docet Vossius, *nasci* per se significare idem, quod *plantis nasci*. *Wr.*)

h. caudicibus sectis (vide v. 30) sive taleis oleaginis (v. Cato 45, 1. Varro I, 40, 4. ubi vid. Not. I. Schneid. Colum. V, 9, 1 sqq. Plin. XVII, 18, s. 29) in terram defixis: *vites, propaginibus* in humum demissis (v. 26); *myrti* autem, Veneri sacrae (vid. Bentley. ad Horat. II Carm. 15, 5), *solido de robore*, h. trunco seu stipite aut vastiore ramo ad palmodum in terram infosso. vide v. 24. 25, et Plin. XVII, 17, s. 27. At *surculorum plantatione* (vide v. 28. 29, et Plin. XVII, 17, s. 28) optime proveniunt *corulus, fraxinus, populus*, Herculi sacra (supra Ecl. VII, 61), et *quercus*, Iovi Dodonaeo consecrata; *palma* etiam et *abies*, aedificandis navibus apta, *ἐλάτη ναυπηγήσιμος*, ut Theophrast. H. Plant. V, 8. (*Herculeae arbos umbr. cor.* intelligenda *ἀχρεώς*, quam ab Acheronte retulit Her-

cules, fronde eius arboris coronatus; hinc viri fortes eiusmodi corona se redimunt, ut Teucer ap. Horat. Od. I, 7, 23. item iuvenes in gymnasiis certantes; vid. Voss. ad Ecl. VII, 61. Possit aliquis etiam de oleastro, unde coronae Olympicae fiebant, ab Hercule in Altin transplantato, cogitare; quemadmodum *Λατοῖδα στέφανοι* de praemio victoriae Pindaro Nem. IX, 129. dicuntur. Sed diserte Plinius H. N. XVII, 11. *plantis nasci populos* ait. *Wr.*) — Martinus fuisse sibi ex amicis narrat, qui quercum, palmam et abietem aliter quam ex satione nasci negaret, (negat etiam Vossius. *Wr.*) quique adeo cum v. 66 sententiam claudi, et in illis: *Chaoniique patris glandes* etc. *semine* subintelligi vellet. Hoc tamen fieri nequit, et perperam dubitatur de illo veterum usu,

Inseritur vero et nucis arbutus horrida fetu;  
Et steriles platani malos gessere valentis;

70

### 69. FETU NUCIS ARBUTUS HORRIDA

69 *Inseritur vero et nucis arbutus horrida foetu* Medic. a m. pr. Ita plane Gudianus et Goth. sec. (etiam 2. 3. 8. 14. *Wr.*), nisi quod ille *ex nucis*. Utrumque ab eo, qui versui metuebat, interpolatum. *arbutus horrendus* Rottend. alter, Zulich. et tres Martini, ut iam Servius male quosdam legere ait. *et foetu* recte repositum a Burmanno, ut sex libri apud Heins. eum uno Arundel. et Goth. sec., pro *ex fetu*. (*fetu nucis arbutus horrida*: sic etiam Heynius ediderat. Versus hic ipse vel maxime horridus. Medic. quidem eundem verborum ordinem exhibet; sed notae quaedam indicant, *fetu* in fine versus esse collocandum. Reete sane; numeri enim versus hypermetri, per se minus grati, emolliuntur tamen ubique producta penultima vocabuli extremi syllaba. Hinc brevis syllaba indicio esse debebat, turbatum hic esse verborum ordinem. Unum praeterea eodem vitio laborantem hypermetrum Heynius futuro editori emendandum reliquit Ge. III, 449. Vid. Weichert. Comment. I. de versu poetarum epicorum hypermetro. pag. 23. Sed quoniam in disputationem de versu hypermetro ineidimus, duplici errori occurrendum videtur. Non recte censent, opinor, poetas Latinos ex prava Homeri imitatione hypermetros immiscuisse carminibus suis; equidem eam rem a Tragicis Graecis repetitam puto, infinitis loeis brevium syllabarum elisionem in fine senariorum sibi indulgentibus; quamquam hoc nolim ita accipi, quasi excusationem ex ea re Epicorum Latinorum licentiae paratam existimem. Tum aureae aetatis poetas falso credi primos hypermetrum induxisse in poesin Romanam, arguit Gellius Noct. Att. XII, 2.: „De Virgilio quoque eodem in loco verba haec ponit — Seneca —: *Virgilius quoque noster non ex alia causa duos quosdam versus et enormes et aliquid supra mensuram trahentes interposuit, quam ut Ennianus populus agnosceret in novo carmine aliquid antiquitatis*.” Atque ecce tibi hypermetrum Ennii p. 116. edit. Hessel.: „magna ossa lacertique Apparent homini”; quem ipsum verum imitatione expressit Virgilius Aen. V, 422.: „Et magnos membrorum artus, magna ossa laertosque Exiit.” Rectius autem illa Ennio tribui videntur, quam Lucilio, cuius nomen in Macrobianae editione a Pontano curata praescribitur l. VI, 1. Quare Ennium quoque usum esse hypermetro, quod negat Weichert. pag. 13., nemo iam dubitabit. — 70. *sterilis et valentes* Medic. *Wr.*)

quo illas arbores plantis seu surculis procrearunt: de *palma* vid. Pallad. April. cap. 5, 2, de *quercu* Colum. IV, 33, 5.

69—72. *Insilio* restabat ex v. 32 sq. Optime inseritur *arbuto*, in arbuto, in arbutum, (*horrida* ea dicitur a cortice hispido et aspero) *nux*, *platano* malus, *fago* castanea, *omo* pirus, et *ulmo* quercus. Respicit locum Plin. XV, 15, s. 17. Traduntur hic insitionis genera, quae a nostris hominibus, qui in hac

re aliquid se videre putant, negantur fieri posse: non enim inseri posse arborem arbori, nisi sui generis. Negat idem auctor praestantissimus Millerus: conf. Martin. ad h. l. Negat etiam du Hamel (*Physique des Arbres* P. I, Liv. IV, c. 4. Art. VII, pag. 85 sqq.), cum tamen alii orno se insevisse pirum, castaneam quercui, testentur. (vid. quos laudat Geissler. in Scholiis ad Virg. Georg. p. 4. *Wr.*) Verum et Colum. lib. V, 11, §. 12 an-



## Castaneae fagus, ornusque incanuit albo

71 Iam veteres h. l. tentarunt. vid. Serviana, Philargyr. et Pierium. (poteris omni hac disputatione facile supersedere, si legeris ea, quae scripsi in Q. V. XII, 14. Scaligeri emendationem carpit Cruceus Antidiatr. pag. 53. sq. *Wr.*) Scaliger in Proleg. ad Manil. legebat *Castaneas fagus* antiquae, pro, fagi, gessere; quod Cerda amplexus est et Cuningham. Heins. *fagos* graeca forma accipiebat pro *fagus*. Alii interpunxere: *Inseritur — et steriles platani malis: gessere valentes Castaneae fagos*. Pro scopulo, cui impingerent, fuit ambigua structura. Vulgo legerunt et iunxerunt verba *Et castaneae fagos* cum antecedentibus, ut subintelligatur *gessere*. Ita vero fagus insita esset castaneae: mira res, quam nemo facile probet. Martinus, cuius septem codd. in *Castaneae fagos* consentiebant, cum castaneae inter obvios et viles fructus fuerint in Italia, fagineae contra glandes pro dulcibus habitae, non dubitat has castaneis inseri potuisse atque adeo vulgatam lectionem et structuram sequitur, quae in Aldd. pr. et sec. et hinc profectis occurrit, cum Egnat. et aliis. Meliorem lectionem dedit Nauger. in Ald. tert. *Castaneae fagus, ornusque*. Ut sententia a superiore versu sit disiuncta, utque *fagus incanuit flore castaneae* iungatur. Mirari licet, editores eum iterum deseruisse. Legitur hoc idem in Mentel. pr. a m. sec. et in Goth. sec. Mihi *fagus* a poeta positum, sed a Grammaticis ex inani metu, ne syllaba brevis metrum solveret, in *fagos* mutatum hocque ad antecedentia retractum esse videtur. Vix dici potest, quot poetarum loca corrupta sint ab iis, qui non videbant, caesura ac tono omnem syllabam produci posse. Castaneas autem inseri aliis solitas e Plinio docere possum XVII, 10, 10 *Omnia autem haec* (de satione egerat) *tarda proventu ac degenerantia et insito restituenda. Interdum etiam castaneae*, sc. ut eae proveniant laetius, inserendae sunt: ut h. l. fago, h. quercui esculentae. Reiskius *ficus rō fagus* substituebat. Mox *incanuit* Moret. sec. et a m. sec. Erf. *que abest a Ven.*

tiquos contendit male idem negasse, et quandam quasi legem sanxisse, eos tantum surculos posse coalescere, qui sint cortice ac libro ac fructu consimiles iis arboribus, quibus inseruntur. Cuius ille opinionis errorem discutiendum tradendamque posteris rationem existimabat, qua possit omne genus surculi omni generi arboris inseri. Quod ad nucem in arbuto insitam attinet, testatur Pallad. II, 15, 19. postquam inde a s. 6 copiose de nucē, inprimis amygdala egerat, subiicit: *Inseritur, ut plerique volunt, mense Februario in arbuto; sed melius in trunco; ut aliqui, et in pruno, vel in se.* Et in Carmine de Insit. 163: *Arbuteas frondes va-*

*stae nucis occupat umbra.* Et paullo ante: *Flumineam salicem fecundant ardua membra castaneae.* Ita salici insita est castanea: ut h. l. in fago. Quod ad verba attinet, tenendum, vulgari quidem ratione: *arbuto nucem inseri*, dici, at nec minus tamen rariore modo: *arbutum inseri nucē*, ut h. l. *nucis fetu*, quod non tertio, sed sexto casu accipiendum. *Nux* autem generale vocabulum, ut sit nux iuglans, nux avellana, nux amygdala, pinea et al. 70. *platanus gerit malum sibi insitam.* 71. *fagus flore castaneae et ornus albo piri flore incanuit:* h. e. castanea inseritur in fago, conf. Plin. XVII, 10, 10, et *pirus* in orno: consentit Pallad.

Flore piri, glandemque sues fregere sub ulmis.

Nec modus inserere atque oculos inponere  
simplex.

Nam, qua se medio trudent de cortice gemmae,  
Et tenuis rumpunt tunicas, angustus in ipso 75

Fit nodo sinus: huc aliena ex arbore germen  
Includunt, udoque docent inolescere libro.

Aut rursum enodes trunci resecantur, et alte  
Finditur in solidum cuneis via; deinde feraces

Plantae inmittuntur: nec longum tempus, et in-  
gens 80

72 *glandesque* Gud. et quatuor alii, et duo Martini. Plin. XV, 15, s. 17 *cerasum* pro glandibus laudat, memoriae lapsu. Etsi Pallad. de Insit. 143 *cerasum* in lauro, populo, et platano, inseri ait. *sues legere* Moret. pr., male. vid. Burm. 74 *medie* Erf. *trudent medio* Zulich. *vertice* Moret. sec. 77 *Inducunt* Rottend. alter et alter Menag. pro var. lect., sed vid. Heins. 78 *At* Moret. sec. (quod Voss. recepit. *Wr.*) *et alta* Parrhas. cum Erf. 80 *inmittantur* nonnulli apud Pierium.

de Insitione 60: *Pirus* — *Fraxineasque suo flectit honore manus* *Ornus* enim fraxini silvestris genus. vid. Martin. h. l.

73 — 77. Plures inserendi modos vid. ap. Colum. V, 11, de Arbor. 26. Plin. XVII, 14, s. 22 sqq. qui copiose de iis agit, et Theophrast. de Caus. Plant. I, 6 et recentiores, quicumque de arborum cultura tradidere, in primis du Hamel *Physique des Arbres* P. II, Liv. IV, cap. 4 sqq. Est quoque Palladii carmen de *insitione* in libro XIV, quod sigillatim recensuit Wernsdorf. in Poet. min. Vol. VI. Ex his inserendi modis, qui sunt varii (*nec modus simplex* est, h. sunt varii, ut III, 482 *nec via mortis erat simplex*) non nisi duos insigniores commemorat poeta, *inoculationem* et *insitionem* proprie dictam. *Inoculatio* fit, dum in ea parte, qua *gemmae*, h. nova germina seu oculi *se tru-*

*dunt*, erumpunt ex cortice, *ruptis tuniculis*, h. libro, interiore cortice, vulnus fit; sive *angustus sinus*, h. cavitas, avulsa gemma et cortice in modum scutuli, cuius loco *includitur novum germen*, ut coalescat cum vetere *libro*. Respicit h. l. Plin. XVII, 14, s. 23 et s. 24, ubi idem: *Virgilius ex cacumine inseri vetat*.

78 — 82. Iam de *insitione* proprie dicta. *rami felices* sunt arboris feracis, cuius *plantae* h. surculi silvestri arbori inseruntur. *Aut rursum* non contrariam aliquam rationem infert, ut Kingius putabat: sed altera ratio nunc subiungitur. *resecantur*, fit incisio seu fissura in trunci cortice, qua parte nullus nodus est. — 80. 81. 82. Pulcerima descriptio; quis non videat? Calpurn. Ecl. II, 40. 41 *Non minus arte mea mutabilis induit arbos Ignotas frondes et*

Exiit ad coelum ramis felicibus arbos,  
Miraturque novas frondis et non sua poma.

Praeterea genus haud unum, nec fortibus ulmis,  
Nec salici lotoque, neque Idaeis cyparissis;  
Nec pingues unam in faciem nascuntur olivae, 85  
Orchades, et radii, et amara pausia bacca,

84. SALICI, CYPARISSIS. 86. BACCA:

81 *arbor* e tribus propter sonum praetulit Burm. *arbos* alii. (vid. notata ad Ecl. III, 56. *Wr.*) 82 *Mirata est* que Servius laudat. Sic Gud. *Miratasque* Medic. Mentel. uterque, Franc. Regius cum Goth. sec. At *Mirata que novus* fragm. Gudiano codici assutum, ut auctor notae Servianae in suo invenisse videtur. Satis liquere mihi videtur, haec omnia esse eorum, qui post *exiit* idem tempus continuari volebant. *Miratisque* vel *Emirata* coni. Heins., hoc alterum quoque Schrader. (*miraturque* Medic. a m. sec. Apparet, *miratas* e sono sequentis voc. ortum esse; vid. Q. V. VIII, 2, b. Hinc expuncto sigmate *mirataque* factum; hinc Serviana lectio *mirata estque*; vid. Q. V. XVI, 5. *Wr.*) Expressit versum Silius VII, 208 Hic — florebat Massicus — *Miratus nemora et lucentes sole racemos.* (*frondes* Medic. *Wr.*) 83 *unum est* alter Menag. 84 f. *lotoque*; sed copulantur sic plura eiusdem generis. *neque I.* in scriptis Heinsii. (vid. Q. V. XXXII, 10. *Wr.*) 86 *Orchades*, quod dudum in melioribus erat, Aldd. et hinc propagatis, etiam Steph., Heinsius e suis et Pierianis revocavit; quo aliorum codd. aberrationes alludunt. Et sic Gr. *ὄρχας*. Obsidebat tamen ex edit. Egnat. et Manutii emendatione editiones *Orchites*, Servii auctoritate (qua? nulla alia, quam quod ita praescriptum est eius notulae in edit. Burm.; at cod. Dresd. cum aliis ap. Heins. et Burm. *orchades* praebet. *Wr.*) et usu perpetuo scriptorum de re rustica comprobatum. vid. Harduin. ad Plin. XV, 1, s. 2 et h. l. Heins. At hoc metri lex non patitur, ut nec id, quod unus Meadianus offert, *Orchades, radiique*, nec si *Orchites radiique et a.* scriberes, aliud ageres quam ut vulgare substitueres doctiori. Omnino varie idem vocabulum extulere veteres ex *ὄρχας, ὄρχις, ὄρχιτης, ὄρχις*.

*non gentilia poma.* Sed alii luxuriantur in hoc. vid. loca ap. Cerdam. (De copula *et*, celeritatem exprimente, vid. Q. V. XXXV, 6. *Wr.*)

83 — 108. Ad culturam, in qua poeta versatur, spectat dilectus cum generis praestantioris, tum caeli ac soli idonei: de hoc altero a vs. 109 sq. 117 sq. Itaque varias arborum familias seu species eiusdem generis esse, exemplis, ut poeta, docet. Ornatissimus locus adiunctorum copia ac varietate. Illustratio

uberior e Plinio, Columella, et Palladio petenda.

84. *Lotus* modo herbae praetensis genus est, iucundum pecudis pabulum, nobis *Steinklee*, conf. inf. III, 394, modo herba palustris ex nymphaearum genere, Nilo frequens; hoc vero loco est genus arboris, *Italiae familiaris*, dulcissimo fructu. *ziziphum* nostram seu iuiubam esse putat cum aliis Martinus ad h. l. In *Ida*, Cretae monte, *cyparissi* s. cupressi sponte proveniunt. cf. Ursin. ad h. l. —



Pomaeque, et Alcinoi silvae; nec surculus idem  
 Crustumis Syriisque piris, gravibusque volemis.  
 Non eadem arboribus pendet vindemia nostris,  
 Quam Methymnaeo carpit de palmite Lesbos; 90  
 Sunt Thasiae vites, sunt et Mareotides albae,  
 Pinguibus hae terris habiles, levioribus illae;  
 Et passo Psithia utilior, tenuisque Lageos,

91. VITES; ALBAE; 93. UTILIOR;

87 *Poma neque, Alcinoi silvae* emendabat Reiskius. 88 *Syriisque pomis* ed. Ven., male. *volaemis* Medic. et Mentel. pr. *volomis* Rottend. (*Crustumis* et *Syris* Medic., sed supra scripta altera *i*; tum *a* in *volaemis* puncto, tanquam delenda, notatur. *Wr.*) 89 *pendet* Medic., quod Heinsio arridet, quem vid. ad Aen. VI, 209. Sed h. l. intempestiva elegantia. 90 *Quamve* Cruqu. Schol. ad Horat. Od. I, 17, male. Est *Μήθυμνα*. (de vino Lesbio vid. Wagner. ad Val. Fl. III, 5. *Wr.*) *de cespite* Zulich. 91 *et sunt* Leid. pr. *M. uvae* Erf. a m. pr. 93 *Est passo* reponebat Reiskius. Scribunt libri *Phithia*, *Sithia*, *Sichia*, *Phicia*, *Psithia*. Variat scriptura iterum inf. IV, 269 *vel Psithia passos de vite racemos*; etiam ap. Colum. III, 2, 24. *ἡ Ψιθία* sc. *σταφύλη* est Geopon. V, 2, 4 et apud Hesych. Etymol. p. 149, l. 26, et qui primo loco memorandus est ap. Nicand. Alexiph. 181. *Psythium* est apud Plin. XIV, 9, s. 11 pr. Athen. p. 28 extr. ex Eubulo. Vel sic tamen praeferam *Psithia*, cum sic in Mediceo sit et in edd. Aldd., cumque librariorum senioris aevi aberret fere stupor in *γ*. (*Psithia* constanter Serv. Dresd. In Medic. *Psit* in ordine legitur, supra scriptum *ia*. *Wr.*) *Lagea* commodam etymologiam non habet (ducunt a *λάγιος*, pro *λαγῶος*, leporinus); memoratur tamen ap. Macrob. II Sat. extr. et a Plin. XIV, 2, s. 4. 7 ex Virgilio, ubi additur, esse vitem extra Italiam. Variat *ligeos*, *legeos*, ut in Goth. pr.

86. Ex infinitis olearum generibus (vid. quos laudant Cerda et Martinus) tria tantum, observante etiam Plinio XV, 2, enumerat poeta, *orchadas*, oblongi generis, *radios*, longioris, et *pausias*, quae, dum adhuc virides et acerbae sunt (habent autem tum amarum succum, hinc *amara bacca*), leguntur ac tunduntur, Colum. XII, 47, 1. — 87. *Alcinoi silvae* sunt ipsa *poma*, ut saepe apud poetas. De eius hortis Odyss. η, 112 sqq. 88. *volema pira* grandia, quae volam facile impleant; a Catone 7, 3 sumtum. vid. Plin. XV, 15, s. 16.

89. Italas vites diversas esse

ab aliis ait. *Vindemia* provenit vitium, *uvae*. *pendet arboribus*, vel quia iis vites maritantur in Italia, vel ut arbores pro vitibus dictae sint; ut alibi apud Virgilium et Horatium; et hoc praestat. (priorem interpretationem praefert Wunderl. *Wr.*) Recensum veterum vitium ac vinorum vide in Athen. I, pag. 26 sq. Columella III, 2. Plin. XIV, 3 et 6 sqq., e seriore aevo nonnulla vid. apud Coripp. III, 89 sq. E recentioribus inspicenda praeter Andr. Baccium et Edw. Barry, de vitibus Italici soli commentatio in *Giornale d' Italia* T. XI, pag. 253 sqq. Maro h. l. ad XV genera enumerat.

Tentatura pedes olim, vincturaque linguam;  
Purpureae, preciaeque; et quo te carmine di-  
cam, 95

Rhaetica? nec cellis ideo contende Falernis.

Sunt et Aminaeae vites, firmissima vina,

97. VINA;

94 *iunctura* Gud. Menag. uterque, et edit. Iuntae. 95 *praetiae, prae-*  
*ciue* (hoc in Medic. *Wr.*), *pretiae* scribitur. („Pro *πρέκνος* alios dixisse  
*πρέκνος* docet Hesychius: *πρέκνος, μελανόχρους*. Hinc fortasse *precieue*  
*uvae* explices ap. Virgil.“ Haec Meinek. ad Euphorion. fragm. pag. 149.  
*Wr.*) *praeco quae* in Rottend. sec. a m. sec. *quo te nomine dicam*  
apud Senecam laudatur Nat. Quaest. I, cap. 11. 96 *Rethiu* Rottend. *ne*  
*cellis* multi ap. Burm. (*nec recte tuetur Wunderl. Obs. ad Tib. I, 2, 37.*  
*laud. ab Iahn. Wr.*) *nec cellis adeo* in nonnullis antiquis legi et ab Aru-  
siano laudari notat Pierius. 97 In *Aminaeae* et scriptura et syllabarum  
quantitas variat, et secundum illam vel *Sunt et*, vel *Sunt etiam* scribitur.  
In Medic. *Sunt et Aminneae*; (sic ap. Foggini; Heinsius ex eodem affert  
*Sunt etiam A.*; sed rectius vidisse Fogginium, scribit Freytagius. *Wr.*)  
quo alii variis modis alludunt. In Ald. pr. erat *Sunt et Amyneae*, in sec.  
*Sunt et Amynaeae*. Correxerit Nauger. in tert. *Sunt et Aminaeae*, docte  
utique. Egnat. *Aminneae*. Primus interpolavit Paullus Manutius: *Sunt etiam*

Eum Gallica vina ignorasse no-  
tat Plin. XIV, s. 3. et s. 4, 7  
*Dixit Virgilius Thasias, et Ma-*  
*reotidas et Lageas, complures-*  
*que externas, quae non reperi-*  
*untur in Italia.* 91. *Mareoti-*  
*cum vinum* notum vel ex Horat.  
Carm. I, 37, 14 a locis circa la-  
cum Mareoticum super Alexan-  
driam: vid. Borrichii Hermes  
c. 4; nunc deterius illud, quon-  
iam Arabum latrocinia maturi-  
tatem uvarum intercipiunt. 93.  
*Vinum passum* ex uvis passis,  
a pandendo, h. in sole coctis, ut  
exarescerent. Modum conficien-  
di vid. apud Colum. XII, 39.  
*Psithia* vitis, *lagea*, quae fa-  
cile inebriat, *purpurea* et *precia*  
vitis apud Plin. XIV, 2, s. 4 sqq.,  
et Colum. III, 2 sqq. videnda. De  
nominum caussis vid. Var. Lect.  
*lageos tenuis*, exiguos ac tenues  
racemulos et uvas habens. (*te-*  
*nuis* Servius interpretatur: „pe-

netrabilis, quae cito descendit  
in venas;“ idque sequitur Voss.  
*Wr.*) *olim*, quum aliquando  
vinum ex ea expressum fuerit.  
Burm. 95. 96. Plin. XIV, 6,  
s. 8, 5 *In Veronensi Rhaetica*  
*vina, Falernis tantum postha-*  
*bita a Virgilio.* Melior inter-  
pretatio, quam quae a Seneca  
in medium affertur Nat. Qu. I,  
11. Laudantur etiam a Strabone  
lib. IV, pag. 206. Sueton. Aug.  
cap. 77 *maxime delectatus est*  
*Rhaetico.* adde Plin. XIV, s. 3  
*Ante eum* (Tiberium) *Rhaeticis*  
*prior mensa erat*; et *uvis Vero-*  
*nensium agro.* vid. Martin. h. l.  
96. Variatione nova dicta haec  
pro vulgari: at Rhaetica uva  
omni laude maior est: tametsi  
inferius sit vinum Rhaeticum  
Falerno.

97. 98. *Vinum Aminaeum*,  
cuius, ut vinorum celebritas pa-  
rum constans ac diuturna esse

Tmolius adsurgit quibus et rex ipse Phanaeus;

98. TMOLUS ET ADS.

*Ammineae*, quod hinc vulgo obtinuit. Non minus poetarum auctoritas et scriptura in Gracis libris variat. vid. Pierium, Cerdam, Heins., Burm. ad h. l., Harduin. ad Plin. XIV, 2, s. 4, 1, Gesner. in Ind. ad Scriptt. de R. R. h. v., et nuper Niclas ad Geopon. V, 17, 2. Inter haec tamen teneri poterat hoc: *Amineum* (Ἀμίνειον) vel *Aminaeum* (Ἀμινάειον) esse veriorum et antiquiorem scripturam; nam litterae duplicatae senioris aevi sunt; sylabarum autem quantitatem constitui ex Samonico c. 37 *Aut in Amineo* c. 29 *Succus Amineae*: et sic in Galeno Method. med. lib. XII, 4, in loco praeclearo de vinorum diversorum virtutibus Ἀμινάιος οἶνος, Hesych. et alii meliores. Corrupti codices fuere iam Ausonii aevi, quippe qui scripsit: *Solus qui Chium miscet et Ammineum*. Origo vitium, unde ad multa loca translatae sunt, iam olim fuit incerta. Si verum est in Probo ex Aristotele legi, vinum ex Chio fuisse: patriam hanc ei assignare licebit; at Philargyr. ex Aristotele in Politicis Thessalos fuisse narrat, qui suae regionis vites in Italiam transtulerint. Porro *fortissima vina* Moret. quart. (et Ms. Bosii apud Cort. ad Lucan. II, 473. Comparat vir doctus in Iacob. *Disquisit. Virgil.* p. 13. Hom. Odys. IV, 622. εὐήνορα οἶνον. *Wr.*) Burmanno, *Sunt vites vina*, durius dictum videbatur; coniciebat: *Dant etiam A.* At enim: *Sunt etiam A. v.* accipiendum: Aliud vitium genus est Aminearum, unde vinum diuturnae bonitatis conficitur. (vid. de hoc appositionis genere Q. V. XXXIII, 3, d. *Wr.*) 98 *Tmolius adsurgit*. Ita Pierii Medic. et Longob., nec non Medic. et reliqui potiores Heinsii, quo spectant *Thmolius* Franc. *Timolus* fragm. Moret. *Timolius* Voss. pr. *Mollius* unus Mead. Quod si pro vero habendum est, nolim tamen cum Burm. regem aliquem Tmolium et Phanaem intelligere, qui olim in illis partibus regnarint; quae tota ratio ieiuna et indigna foret tanto poeta; sed aut montem Tmolium et Phanaem substituerem, pro vino dictum, quod in eo nascitur, aut verum ex Graeco aliquo poeta conversum dicerem, ubi Τμώλιος ἢ δὲ Φανάιος erat, scil. οἶνος; et legitur in Servianis: *De Lucilio hoc tractum est, qui ait Χῖος τε δυνάστης*, id est, οἶνος. Apud Silium VII, 166 *Falernus*. In Tibullo II, 1, 27 sunt *fumosi Falerni*, sc. cadi. Θάσιος et Πλαυνέλιος absolute dictos lege ap. Philostr. II Imagg. 26 extr. Sed in edd., ut Aldd. pr. et sec. Iunt., et codd. Rottend. Gothano sec. *Tmolus assurgit* legitur, quod ego olim pro vero habebam; montes duo, Tmolus

sólet, cultu enim deficiente vites optimae facile degenerant, nulla alia memoria, praeter nominis, nobis restat, Graecae originis et Italici cultus, cum in aliis tum in Falernis agris maturuisse videtur. cf. Intpp. ad h. l. et ad Caton. 6, 3. Multis utique in locis illud memoratur, in Peucetia, Calabriae parte, ap. Hesych. ubi vid. Intpp. in Tuscia et in Sicilia; maxime tamen in solo Campania Macrob. Sat. II, 16 *nam Amineae fuerunt, ubi nunc*

*Falernum est*. Et Galen. l. c.—*ὅτε Νεαπολίτης ὁ Ἀμινάιος, ἐν τοῖς περὶ Νεάπολιν χωρίοις γινόμενος, ὥστε καὶ ὀνομάζουσιν οὕτως αὐτόν*. Ad colles Leucogaeos, supra Neapolim versus Puteolos, refert et Amineos colles, et Falernos Martorellus (*1 Fenici primi Abitatori di Napoli* T. I, p. 171. 190). Atque eius tantam ex diuturna inprimis bonitate praestantiam perhibet poeta, ut ei adeo vinum *Tmolium*, a Lydiae monte vi-



Argitisque minor, cui non certaverit ulla  
Aut tantum fluere, aut totidem durare per an-  
nos. 100

Non ego te, dis et mensis adcepta secundis,

et Phanaeus, pro vitibus in iis cultis poetice poni; idque tanto probatius fieri putabam, quoniam Tmolus erat numen montis. v. Ovid. Met. XI, 159 et cf. numum Sardoniorum, qui apud multos visitur; v. nunc Eckhel. Doctrina Num. Vol. III, p. 113 qui et p. 123 rarissimum numum urbis Tmoli eodem capite insignem memorat; occurrit quoque Tmoli caput in marmoribus et gemmis; eos autem, qui metro metuebant, nec sibilo geminari litteram videbant, interpolasse id modo *Tmolus et*, modo *Tmolius*, conf. Var. Lect. ad v. 71. Nunc mihi probabilius videtur, scriptum fuisse ab Marone: *Tmolus et adsurgit*, excidisse postea *et*, cumque vitium animadverteretur, rescriptum esse *Tmolius*. *Tmolus et* Nauger. quoque reposuit Ald. tert., Benedictus in Flor. 1520, et, qui Naugerium sequuti sunt, Manut. Fabric. Commelin. Pulmann. Ad hoc itaque redii: etenim rationem habet, montes poni pro vitibus: Tmolus, et ipse Phanaeus, rex inter montes vitiferos. Silius VII, 210 respiciens hunc locum, ubi de tractu Massico: *atque ex illo tempore dives Tmolus et ambrosius Ariusia pocula succis*. Ac *Methymna ferox lucubus cessere Falernis*. *Favens* Vratissl. (Medic. *Molius*, sed appicta T. Retinui codicum lectionem *Tmolius*, quae duplici modo explicari potest, ut aut *mons* subintelligatur, quemadmodum in his: *Aventinus*, *Palatinus*, *Quirinalis*, cet. aut Graeco modo dictum sit, apud quos talia frequentissima: *Χῖος*, *Ἀέθριος*, *Πράμνιος*, cet. subintellecto substantivo *οἶνος*. Vide, si placet, Lamb. Bosii Ellips. Gr. p. 347. sqq. ed. Schaef. „Similiter,“ ait Wunderl., „in nominibus marium non semper neutrum, sed et masculinum usurpari vides, *Aegaeus*, *Ionius*. Vid. Heineck. Animadv. in Sat. Iuv. p. 84. et Passow. ad Pers. p. 219.“ Prius ellipseos genus prorsus ab h. l. alienum; ineptum est enim, quam proprium sit huius montis nomen *Tmolus*, adiectivum pro eo ponere. Alteram autem ellipsin si admittes, quae sane admittenda, Virgilius Graecum aliquem poetam expressisse videbitur. Eaque ratio fortasse eo firmari poterit, quod Graecis magis, quam Romanis, convenire videtur talis dictio βασιλεὺς οἶνος, quo ducunt etiam Lucilii verba a Servio laudata. Eodem argumento utitur Wunderl. Idem recte refutat Vossii rationem, ad *Tmolius* ex seqq. *rex* retrahentis, quod ipsa verborum *rex ipse* collocatio fieri vetet. Ceterum Medic. est pro *et* a m. pr. et *Phaneus*. *Wr.*) 99 *Archivusque* alter Rottend. *Argutisque* fragm. Moret. *non cui* Ven. 101 Sic meliores codd. ubique omnes. Ante Heins. in edd., ut in codd. nonnullis: *Non ego te mensis et dis a. s.*, male. *dis aut m.* unus Arundel.

neis nobilissimo (sup. Ge. I, 56), et *Phanaeum* (fuere Phanae, Φάναϊ, portus et promontorium Chii insulae, quae alias vino *Ariusio* nobilis est, in eo templum Apollinis Phanaei,) *adsurgere*, cedere, vid. Ecl. VI, 66, dicat. conf. Var. Lect. 99. Cum illis: *Sunt et Aminaeae vites* iunge *Argitisque* minor. Est etiam Argitis vitis, uva. Ἀργῖ-

τις ab ἀργός, quod vinum candidum reddit. Est autem *minor* et *maior*, cf. Colum. III, 2, 21. 100. Ea vitis, vino inprimis abundans, πολύοινος, est, eoque firmo ac durabili.

101. Vinum *Rhodium*, cuius in mensis secundis usus erat; cumque de eo ante omnia Diis libaretur, hinc vitis *Rhodia* *dis adcepta*, grata et mensis secun-

Transierim, Rhodia, et tumidis, Bumaste, racemis.

Sed neque, quam multae species, nec, nomina quae sint,

Est numerus; neque enim numero comprehendere refert:

Quem qui scire velit, Libyci velit aequoris idem 105

Discere quam multae Zephyro turbentur arenae;

Aut, ubi navigiis violentior incidit Eurus,

Nosse, quot Ionii veniant ad litora fluctus.

Nec vero terrae ferre omnes omnia possunt.

Fluminibus salices, crassisque paludibus alni 110

Nascuntur, steriles saxosis montibus orni;

Litora myrtetis laetissima; denique apertos

Bacchus amat collis, aquilonem et frigora taxi.

104. NUMERUS, 110. SALICES; 111. NASCUNTUR;

102 *Transieram* Zulich. a m. pr. et edit. Genev. *gravidis Bumaste racemis* unus Mead., ex interpretatione. 103 *et nomina* Voss. unus et Moret. fragm., quod solent poetae ad variandam orationem adhibere. *quot sint* Erf. 104 *Et numerus* ed. Ven. 105 *Quem si* Gudian. *Quae qui* Leid. unus a m. sec. *scire volet* unus Mead., non male. 106 *Dicere* Medic. cum aliis, (in quibus 2. 3. 4. 5. 11. *Wr.*) perperam. *turbantur* in tribus apud Burm. et apud Charisium Grammat. In Columella III, 2, 29, ubi hi versus memorantur, *versentur arenae* in vulgaribus legitur; sed etiam ibi vetusti *turbentur*. Apud Ammian. Marcell. XXXI, 4 *truduntur* vel *trudentur* legitur. 108 *quod* Gud. *venient* Moret. sec. 112 *mitissima* Franc., unde Burm. *ditissima*, sed recte nil mutabat. *apricos* emendabat van Hoven Campens. Fasc. III, p. 228. 113 *amant* Leid. sec. (*colles* Medic. *Wr.*)

*dis*, fere ut apud Horat. III, 11, 7 *lyra Divitum mensis et amica templis*. 102. Plin. XIV, 1, s. 3 *Tument mammarium modo bumasti*, βουμαστοί.

103 — 108. Locus ornatissimus. Respicit eum Plin. XIV, 1 extr. et 2, s. 4 pr. 104. *neque est numerus*, enumerandi facultas cuiquam suppetit. *neque enim* positum pro, neque etiam, nec vero numerum tenere necesse est, non numeratu opus est.

109 — 135. Uti diversa sunt

arborum genera, ita etiam diversum solum, quo aut nascuntur arbores quaeque aut felicius proveniunt. (— 110. *Fluminibus nascuntur*, vid. Not. ad Ecl. I, 52. *Wr.*) 112. *Litora myrtetis laetissima* exquisitiore forma pro vulgari, *myrti solent esse laetissimae in litoribus*; quod si fit, *litora* haud dubie et ipsa *laeta* videri possunt. Ge. II, 124 *et amantes litora myrtos*. Mox *apertos colles* itidem doctius dixit quam *apricos*, qui forte alicui in mentem venire possint.

Adspice et extremis domitum cultoribus orbem,  
 Eoasque domos Arabum, pictosque Gelonos. 115  
 Divisae arboribus patriae: sola India nigrum  
 Fert ebum; solis est turea virga Sabaeis.  
 Quid tibi odorato referam sudantia ligno

114 *et aberat a quarto Moret. Adspice et externum, domitis cultoribus, orbem* Burm. coniiciebat; at vide Notas. 115 *domus* Ven. et Longob. Pierii, Goth. sec. *Gelones* Franc. 116 *Diversae* Reg. et Mead. Martini. Sic semper variant libri. *sed India* Franc. 117 *hebenum* alii scribunt (in quibus ipse Medic. et Servius. *Wr.*). *et* Longob. Pierii. 118 *Quid et o.* ed. Ven.

114. 115. Exemplo etiam esse possunt arbores exoticae; pro his memorantur ipsae in extremo terrarum orbe sitae regiones, ut Arabum et Gelonorum. Sunt autem *Geloni* e Sarmaticis populis, qui ultra *Borysthenem* vagabantur. Docte de iis egit Gatterer noster in Comment. de populis Sarmaticis Vol. XII, p. 219 sq. *picti* appellantur, ut Aen. IV, 146 *Agathyrsi*, ubi vid. Not. Scilicet communi plerique barbari et feri populi more corpora pingunt, sive quod in membrorum nuditate id unum vanitatis et nobilitatis genus restat; sive quod obducta pigmentis et coloribus corpora culices, quorum infinita examina inculatae et paludosae terrae ahunt, nec non sentes, etiam frigus, minus sentiunt; sive quod horribili adspectu terrorem hostibus incutere volunt. Colorem autem aut cuti acu punctae inungunt, aut inurunt. Hinc modo *pictum* corpus memoratur, modo *stigmatibus notatum*. Claudian. in Ruf. I, 314 *Membraque qui ferro gaudet pinxisse Gelonus*. Illa autem, *extremis domitum cultoribus orbem*, ex poetica copia dixit pro *extremis ter-*

*ris*. Cum argumenti natura coniunctum erat, ut eas a cultu designaret, et pro *orbem extremum domitum* h. subactum, cultum ab agricolis, *a cultoribus*, poetica inversione, *extremos cultores* memorat. Male h. l. Servius et qui eum sequuntur victorias pop. R. huc trahunt.

116. 117. Sunt arborum genera certis terris domestica et propria. Respicit h. l. Plin. XII, 4, s. 8. *India* et de India proprie dicta accipi potest, nam et ibi nasci *ebenum*, narrant multi e veteribus (vid. Theophrast. Hist. Plant. IV, 5) et, quod malim, de Aethiopia, cui ebenus propria arbor. Solet enim India latissime dici, ut satis notum. cf. inf. Georg. IV, 293 ibique Burmann. Doctam ad h. v. notam esse video Vossii. Sequuntur tamen mox vs. 120 *nemora Aethiopum. Tus Sabaeorum* iam Georg. I, 57.

118. *Opobalsamum* Iudaeae, vallis inprimis Hierichuntinae, et Arabiae. conf. praeter laudatos a Cerda, et Paus. IX, 28. De ipsa stirpe disputata vid. a Wessling. ad Alpini hist. nat. Aegypti, et in nota illa controversia de opobalsamo orientali Romae orto



Balsamaque, et baccas semper frondentis acanthi?  
 Quid nemora Aethiopum, molli canentia lana? 120  
 Velleraque ut foliis depectant tenuia Seres?  
 Aut quos Oceano propior gerit India lucos,

119 *bacas* alii. *Balsama quid baccas* unus Mead.; ut sit: *Balsama? quid, baccas*. Ingratum tamen sic, quod ter redit *Quid. que* abest a Cantabrig. 120 *albantia* Leid. unus. *depectat* alii apud Servium, ut *Seres* pro *Ser* sit. *depectent* alter Rottend. *despectant* duo. *et foliis* duo. 122 *proprio* Voss. a m. sec., forte ex eo, quod est in duobus Martini et ed. Nuremb. *proprior*, (ut Medic. *Wr.*) sollenni lapsu.

1639. 1640 liber *Petri Castelli*, *Balsamum examinatum* (Messanae 1640), et *Io. Georg. Volkamer* *Opobalsami orientalis examen* 1644, in quibus ad h. l. passim provocatur. Verba ipsa vulgari oratione sic esserrentur: ne memorem *arbores odoratas sudantes balsamo*. Pro arboribus dixit *ligna*. Alias *exsudat, desudat*, balsamum. 119. *Acanthus* h. l. non herbae (ut Ecl. III, 45 et al.), sed arboris, genus, nec tamen satis comperto, habetur. Spina est seu Aegyptia seu Arabica, nam et hae inter se diversae; communius *acantha*, vulgare nomen *acacia*, unde gummi Arabicum colligi solet. vid. Alpin. c. Wesling. p. 164. Baulin. hist. Plant. Tom. I, P. II, pag. 426 sqq. de Plant. Aegypt. nunc *mimosa nilotica* Linn. Habet quidem ea arbor siliquas, non *baccas*; sed bacca latiore significatum habet. Arboris huius usus etiam in sculptilibus fuit. Caesaris triumphus Ponticus apparatus ex acantho habuit: Vellei. II, 56, 2. De agrifolio cogitare non licet; laudantur enim plantae peregrinae.

120. Plin. XIX, 1, s. 2 n. 3 *Superior pars Aegypti in Arabiam vergens gignit fruticem, quem aliqui gossypion vocant,*

*plures xylon, et ideo lina inde facta xyлина.* Parata ex ea byssus.

121. Vulgaris olim usque ad Imp. Iustiniani tempora, quibus primum verniculi, quos nos *bombyces* vocamus, Constantinopolin adlati sunt, opinio fuit, Seres, Indicam gentem, Sericum ita parare, ut textam a bombycibus lanuginem ex certarum arborum foliis depecterent. Plin. VI, 17, s. 20 *Seres lanicio silvarum nobiles perfusam aqua depectentes frondium canitiem.* vid. Salmas. ad Solin. c. 63 et al. Cerda ad h. l. Nostro tempore cum de Serico tum de Seribus multa accuratius disputata sunt, quam ante; constatque non unum esse vermium genus, nec eandem fuisse serici conficiendi rationem. Vide saltem Mannertum, breviter multa complexum, Geograph. ant. Vol. IV extr. (Extat quoque *Brotier* Diss. in *Mémoires de l'Acad. d. Inscr.* To. XLVI.)

122 — 125. Plin. VII, 2 *Arbores quidem (in India) tantae proceritatis traduntur, ut sagittis superari nequeant.* Arbores *Cocos* ferentes intelligebat *Catroeus*. Nimis anguste. Plurima vastarum et inhumanum arborum genera in India nasci, fi-

Extremi sinus orbis: ubi aera vincere summum  
 Arboris haud ullae iactu potuere sagittae?  
 Et gens illa quidem sumtis non tarda pharetris. 125  
 Media fert tristes succos tardumque saporem

123 *Extremique sinus orbis, ubi vincere summum* Parrhas., ab interpolatione. 124 *aut ullae* Medic. cum tribus aliis et utroque Goth. 125 *haud tarda* Schol. Horat. Cruqu. Carm. III, 4. *sagittis* fragm. Moret. *aut dura* fragm. attextum cod. Gud.; et sane, inquit Heinsius, *tardum saporem* proxime subiungit. Burmannus malit altero versu *durum saporem* h. asperum, ut Ge. IV, 120. Mirabar nemini versum totum *Et gens illa quidem sumtis non tarda pharetris* suspectum fuisse. Vidi nuper Iac. Bryant non aliter statuere; nunc etiam Brunkium in sua editione. (Quare igitur suspectus hic versus? an, quia codicum auctoritate destituitur? at legitur in omnibus; an, quia sententia abhorret a reliqua oratione? at egregie inservit rei illustrandae augendaeque. Sed nimirum epitheton *tardus* proximo versu repetitum *voδειας* suspicionem facit. At quid iam fiet his locis: Ge. III, 524. sq.: *terram—terras*. Aen. I, 504. sq.: *medios—media*. V, 780. sq.: *pectore—pectus*. Ge. I, 301. sq.: *curant—curas*. Quid? quod intra paucos vss. Aen. VI, 613. 17. 23. 26. *ingens* quater repetitum videmus? Nempe ea res, si inter vocabula brevi intervallo bis aut saepius usurpata interpunctio gravior intercedit, non est semper in vitio ponenda; modo ne eadem sit vocabuli repetiti sedes ac terminatio. Vid. etiam notata ad Ecl. VI, 16. et Iahn. ad Aen. I, 315.; et de vi copulae et Q. V. XXXV, 9. *Wr.*) 126 Offendit *tardum* post *tarda* superiore versu. *sardumque saporem* coniciebat Reiskius, qui contrahit os in similitudinem risus Sardonii, ut Ecl. VII, 41. Wakefield ad Lucret. VI, 780 coni. *asprumque*. (Sed vide, quae ad vs. 125. notavi. *tristis* Medic. *Wr.*)

dem faciunt recentiores rerum Indicarum auctores. *Extremi sinus orbis*, interior, adeoque remotior terra, extremae orbis partis: cuius veram et explicitam notitiam non habuisse veteres, et pro temporum successu diversas et erroneas notiones aliis alias successisse, nunc inter notas res est. *aer summus arboris* pro cacumine dictus. Statius Theb. V, 564 *nemorumque per aera densi Dissultant nexus serpentis*. Fere ut: *aura auri refulsit*, et sic alia. *potuere* ex aoristo pro possunt. *et quidem*, et tamen, *non tarda* ea gens, malim strenuam interpretari, quam non tardi ingenii, h. calentem, peritam.

126—135. *Malum Medicam*

seu Assyriam; item Persicam: nisi haec ad diversum genus est referenda. Ad citrorum genus, s. ad *citria*, eam esse referendam dubitari nequit. Quam autem familiam Maro respexerit, non satis liquet. Convenit locus maxime cum Theophrast. Hist. Plant. IV, 4 extr. et cum Plin. XII, 3, 7; adeoque aurantiae (*Pomeranze*) genus aliquod poetae ante oculos fuisse verosimile fit: vid. Bauhin. Hist. Plant. T. I, p. 90. 92. Plinii aevo adhuc, praeterquam apud Medos et in Perside, nusquam proveniebat. Palladius, qui saeculo III ineunte vixisse putatur, praecipuam eius cultui curam impendisse creditur; vid. eum in Martio X, 11 sqq. certe is s. 16, cum antea

Felicitas mali; quo non praesentius ullum,  
 Pocula si quando saevae infecere novercae,  
 \*Miscueruntque herbas et non innoxia verba,\*

127 *praestantius* Longob. Parrhas. edit. Ven. et Macrob. Sat. II, 15, frequente errore. (*quod* Medic. a m. pr. *Wr.*) Post hunc in Gothl. sec. versus 130 sequebatur. 129 *Miscuerint* fragm. Moret. unus Mead. et vett. edd. *Miscuerant* Franc. Cantabrig. Goth. sec. Eadem varietas apud Pierium. Versus insertus ex Ge. III, 283, ubi v. dudum damnatus nunc et eiectus a Brunckio et in edit. Parmensi. (Si genuinus est hic versus, optime propugnaverunt eum Iahnus et, qui ab hoc laudantur, Vossius et Weichertus. Mihi quidem valde otiosus h. l. videtur; et quum Ge. III, 283. ad orationem apte numeroque claudendam necessarius sit, idem nostro loco nimis longo intervallo disiungit illa: *quo non praesentius ullum* — — — *Auxilium venit.* Accedit Medicea auctoritas, ab editoribus plane neglecta, hunc versum non in ordine, sed in margine inferiore exhibentis. Quae res etsi non tanti est momenti, ut iam nullum dubitationi locum relictum esse putem, mirifice tamen auget suspicionem ab Heynio excitatam. Itaque stellulas ab eo appositas retinendas censui. Audiamus etiam Brunckium ita disserentem: „Huius versus e regione adleverat olim in margine Grammaticus versum l. III, 283.: *Miscueruntque* cet., qui postmodo huc intrusus fuit, sane quam importune. Ibi enim facta mentione rei, quam ad amorum veneficia, non sine magicis incantationibus fieri solita, veteribus adhibitam fuisse constat, ut e Theocr. Pharmaceutria et IV.

universe de citro dixisset, eiusque cultu, pergit: *Assertit Martialis* (Gargilius) *apud Assyrios pomis hanc arborem non care-* — adiectis nunc iis, quae alii de malo Medica narrant. cf. etiam Macrob. Sat. II, 15. ubi ex Oppio in libro de silvestribus arboribus: *Citrea item malus et Persica; altera generatur in Italia, et in Media altera: tuncque subiicit fere eadem.* Videtur tamen recte Medicam malum a Persica discernere Vossius et ad citri genus acidioris referre: de quo videbunt botanici, locis a Cerda cumulatis inspectis et expensis. Adde fragm. Herodiani (ad calc. Phrynichi) p. 212 *μηλα Μηδικὰ τὰ νῦν κίτρα*. ubi vid. Nunnes. Ita *tristes succi*, aut erunt acidi aut amari (ut Ge. I, 75 et al.), sive propter corticis ac granorum amaritudinem, sive succo, qui cultu deinceps

adsiduo mitigari coepit. *tardus sapor*, h. diu palato immanens, quia acerbus, pungens, est. 127. *Felix*, de arbore si dicitur, ad fecunditatem proprie respicit. Et sane citri fetus perpetua successione succrescunt. Nunc tamen ad salubritatem potius epitheton spectare videtur, ut contra infelix, infaustum, est, quod nocet. Pro veneni antidoto habitum esse pomum Medicum etiam ex Theophrasto, Dioscoride, Plinio, constat; nec forte iniuria in certis saltem venenorum generibus. 128. *novercae*. Solenne hoc antiquis, novercalia odia, fraudes, insidias, venena memorare. v. c. Horat. III, 24, 18. Ovid. Met. I, 147. multo tamen magis Romanis, quam Graecis. 129. *verba non innoxia*, h. noxia, incantationes; et eodem sensu *herbae non innoxiae*, venenatae.



Auxilium venit, ac membris agit atra venena. 130  
 Ipsa ingens arbos faciemque simillima lauro;  
 Et, si non alium late iactaret odorem,  
 Laurus erat: folia haud ullis labentia ventis;  
 Flos ad prima tenax: animas et olentia Medi  
 Ora foveant illo, et senibus medicantur anhelis. 135

Sed neque Medorum, silvae ditissima, terra,  
 Nec pulcer Ganges, atque auro turbidus Hermus,

Aeneidos notum, novercas innuit Poeta privignorum cupidine inflammatas, qualis fuit Phaedra, Thesei uxor. At hic de novercis agitur, quae privignorum fortunis inhiantes, eos veneno perimunt, amplioris patrimonii liberis suis conciliandi causa: cui utique rei noxiorum verborum, seu magici carminis nullus est usus. Praeterea verisimile non est in absoluto poemate, eoque non admodum prolixo, Virgilium his eundem versum sine ulla varietate adhibuisse. "*Wr.*" 130 *agitata* Vratisl. 131 *facieque* uterque Mead. *lauros* Medic. a m. pr. 132 *ructaret* Ven. 134 *ad prima* Medic. et vetustiores Pierii et Heinsii, item tres Martini. In aliis *apprima*, *apprime*. 135 *medicatur* Ven. 136 *ditissima regna* Medic. a m. sec., interpolatrice. Accipiebatur olim et interpungebatur: *Medorum silvae, ditissima terra*: ita languet appositum hoc. (*regna* altera lectio Medicei. *Wr.*) 137 *aura* Medic. a m. pr. *aut auro* Zulich. ut IV, 9 *neque — aut*. Variatur tamen haud uno modo negatio iterata. *neque* Goth. sec. a m. pr.

130. *agit* est exigit, expellit.

134. *Ad prima*, ut in *primis*, cum *primis*, *apprime*, inter alias arbores: non enim decidunt flores cito. Mederi Parthos iis pomis graveolentiae oris, etiam Plinius monuit eod. l. post Theophrast. 135. *fovent* h. curant, *ἰατρικὸν*; cum mox substituitur, *medicantur*. Est enim genus curae, calefacere, reficere modico calore, quod proprie est *fovere*; hinc latius etiam de aliis.

136 — 176. Sequitur signatissimus locus, cum quo cf. Plin. H. N. lib. extr. Dionys. Halic. I, 36. Varro R. R. I, 2, digressio in laudes Italiae, quas similibus aliorum scriptorum locis firmavit et illustravit Cerda. Quantopere autem cultu praestitisse putabimus Italiam, si cum nostrorum temporum habitu eam comparemus! Neque

Media, malis suis felix, nec India proprie dicta, ad Gangem, aut Lydia, cuius est aurifer fluvius Hermus, e Phrygia descendens, et mox cum Pactolo eodem alveo profluens, nec Bactriana, neque Aethiopia, aut si mavis, reliqua India, neque Arabia cum Italia comparari potest; multo minus Colchis, monstris infamis v. 140.

136. Patet *silvae ditissima* iungendum esse: Medorum terra, ditissima silvae h. e. silvarum, pro, malorum, quas ante dixerat. 137. *auro turbidus Hermus* per oxymori speciem pro aurifer. Expressit hunc locum Martialis Epigramm. VIII, 78 *turbato sordidus auro Hermus*. Subtiliter magis quam vere monet Drakenb. ad Silium I, 159 Hermum turbidum non suo, sed auro per Pactolum illato, signi-

Laudibus Italiae certent; non Bactra, neque Indi,  
Totaque turiferis Panchaia pinguis arenis.

Haec loca non tauri spirantes naribus ignem 140

Invertere satis inmanis dentibus hydri;

Nec galeis densisque virum seges horruit hastis:

Sed gravidae fruges et Bacchi Massicus humor

Implevere; tenent oleae armentaque laeta.

#### 141. INVERTERE,

138 *certant* Leid. a m. sec. *nec Indi* quatuor cum Donato ad Ter. Phorm. II, 1, 14. 139 Putes esse *Totave*. Sed variant poetae has copulas multis modis, ut nihil tuto statuere possis. (vid. Q. V. XXXVI, 10. *Wr*.) 140 *Nec l. Medic.* a m. sec. *spirantis* Mentel. duo. 141 *immanes* ante Heins., male. *immani* Goth. pr. *hydri* Medic. (sed ultima littera expuncta. Ceterum *satis dentibus* Dativus est, ut recte statuunt Voss. et Iacobs.; quare comma post *Invertere* sustuli; sed quam Iacobsius in auxilium vocat prolepsim, ut *sererentur dentes*, eam cave admittas; sententia haec est: *invertere loca dentibus hydri* — scil. serendis — quales ab Iasone satos accepimus. *Wr*.) 142 *galea* videtur legisse Auctor Medae v. 256 in Anthol. Lat. pag. 167. *viris* Zulich. 144 *oleaeque* ante Heinsium, qui Pierianos nonnullos et omnes suos sequutus *que* sustulit. In Mediceo additum a manu sec. Deest in libb. Burm., in Regio Martini, et Gothano sec. Ergo codd. auctoritate exulat, quod verum numerosiorem et suaviorem faceret. (at non meliorem; ubi immorari animum imagini volumus, commodius omittitur copula. *Wr*.) Color idem est in Lucret. V, 204 — *partem montes silvaeque ferarum Possedere; tenent rupes vastaeque paludes. oleae sarmentaque laeta* edit. Argent., nōtante Reiskio; ab interpolatrice utique manu. Io. Schrader. tentabat: *arbustaque*. Quod sane et ipsum ferri posset; uti de vitibus ea vox occurrit, et cum oleis melius conveniret. Inciderat quoque in idem Wakef. ad Lucret. V, 1377. Verum poeta transitum ad greges facit. *lata* non modo coni. sed et reposuit Wakef. quia *αἰπόλια πλατέα αἰγῶν* apud Homer.

ficari. *Bactra*; Bactrianam, tamquam splendidum nomen memorare videtur; etsi et illa terra inter felicissimas est; etiam Oxus in ea aurum vehere dictus: de Mirab. Ausc. 46. 139. *Panchaia*, Arabiae regio, seu Arabia nunc est; proprie insula fabulosa Euemeri Arabiae ab Oriente obiecta, quam ex Ennii Euemero norat Virgilius. cf. Diod. V, 41, etsi et ibi diversa est insula turifera. *pinguis*, aut propter tus pingue, quod resinae naturam habet, aut fertilis, *turiferis arenis*, solo arenoso, cui frutex turis innascitur, h. pro ture, de

quo vid. Plin. XII, 14, s. 30 sqq. In prosa diceres: habens solum, quod fert pingue tus.

140 — 143. Nota fabula de dentibus draconis ab Iasone ad expugnandum vellus Colchicum profecto satis, et viris armatis hinc enascentibus, qui Sparti dicti. vid. Apollon. III, 409 sqq. *horruit* pulcrius quam extitit, exiit, nata est. Versus 140 translatus ex Lucret. V, 29 *Et Diomedis equi spirantes naribus ignem*. 143. *fruges gravidae*, laetae. vid. ad Ge. I, 319. Mons *Massicus*, Campaniae, ad Sinuessam, vitibus consitus.

Hinc bellator equus campo sese arduus infert ; 145  
 Hinc albi, Clitumne, greges, et maxuma taurus  
 Victima, saepe tuo perfusi flumine sacro,  
 Romanos ad templa deum duxere triumphos.  
 Hic ver adsidium, atque alienis mensibus aestas;  
 Bis gravidæ pecudes, bis pomis utilis arbos. 150  
 At rabidæ tigres absunt, et saeva leonum  
 Semina; nec miseros fallunt aconita legentis;

150. ARBOR

145 *Hic* hoc et seq. versu Erf. a m. sec. 146 *Hinc albi, Tyberyne* Goth. sec. a m. pr. *te maxima* Schol. Cruqu. Horat. Od. IV, 2. *tauri* Reg. Martini cum Erf. 149 *ver perpetuum* Schol. Cruqu. Horat. Od. II, 6. conf. ad Ecl. IX, 40. *Hic iter* Ven. *messibus* apud Martium vir doctus legebat, e Claudiani XXXVI, 224 *alieno gramine*, ut de Medica, herba, intelligatur, sed male; de anni tempore cogitat poeta: aestatem etiam per eos menses durare, quibus hiemem aliae terrae sentiunt. 150 *arbor* praetulit Burm., ut v. 81. (restitui *arbos*. vid. notata ad Ecl. III, 56. et Iahn. ad Aen. VI, 310. *Wr.*) 151 *rapidæ* nonnulli apud Pier. et Burm. cum Gothanis, perpetua variatione. *obsunt* Ven. *leones* Medic. a m. pr., quod placet Heinsio; (sed hoc ne statim pro vero amplectaris, vetat, quod modo praecessit *tigres*. *Wr.*) et habet ed. Gunningham. Scilicet epexegesis illa et elegans et Virgilio familiaris. conf. Heins. ad Claudian. de B. Gild. 138. Sed v. loc. Lucretii in Notis. Reiskius locum sic refingendum coniciebat: *et secla leonum. Semina nec miseros fallunt aconita legentes*, h. nec fallunt aconita miseros illos, qui semina, h. herbas, legunt, aut potius *germina* pro *semina*; namque alias pendebit *legentes*, neque habebit, quo referatur. (— 152. *legentes* Medic. *Wr.*)

145 — 147. Ornatissimi versus pro: in Italia equi et boves praestantes nascuntur. *Clitumnus*, Umbriae Cisapenninae fluvius, ubi iuxta urbem Mevania Tiniae se miscuit, cum eo ad Tiberim descendit. Campi adiacentes etiamnum armentis opulenti. cf. de Clitumno Epp. Plin. VIII, 8. *albi greges*, quia fluminis aquis ea vis inesse putabatur, ut armenta *candido* colore essent. Simile quid creditum de Galaeso in agro Tarentino; cf. ad Horat. Od. II, 6, 10, et Scamandrum opinio fuit rutilas reddere ovium lanas. cf. Aristot. H. A. III, 2. Alia vid. in Nota Becmanni ad lib. de Mirab. Ausc. c. 184. *Taurus* ab his ar-

vis adductus candidus *victima* in triumpho immolari solita. Omnia haec satis a multis illustrata: vide vel Cerdam. Sed ii tauri cum ante triumphantis currum ducerentur, hinc ipsi *ducere triumphos ad templa* dicuntur.

149. *alienis mensibus aestas*, hibernis. Ex Lucret. I, 182 *Quod si de nihilo fierent, subito exorerentur Incerto spatio atque alienis partibus anni*. 150. Oves et arbores biferæ. Nota Italiae laus. vid. de Mirab. Ausc. c. 81 et ibi Nota clarissimi editoris. *utilis* pro fertilis, ab effectu. inf. 323 *ver utile silvis*.

151 — 154. Ornate: Caret Italia ferarum monstris, vene-



Nec rapit immensos orbis per humum, neque tanto  
 Squameus in spiram tractu se conligit anguis.  
 Adde tot egregias urbis, operumque laborem, 155  
 Tot congesta manu praeruptis oppida saxis,  
 Fluminaque antiquos subterlabentia muros.  
 An mare, quod supra, memorem, quodque ad-  
 luit infra?

153 Miror inprimis post alterum *immensos τὸ tanto* nemini displicuisse, quod explicari quidem potest, non tanto, quam in aliis terris: quod tenue esset; at cum definitum nihil sit, cum quo comparatio instituitur, ad elegantiam facere vix putamus. In promptu est *lento* legere, Nicand. Ther. 222 *νωθεῖ ὀλκῶ*, seu *torto tractu*, ut alias poetae. Nec aliter legisse putes Nemesian. Ecl. IV, 40 *torto non squamea tractu Signat humum serpens*. Qui poetarum lectione tritus est, me non monente assequetur, sententiae vim non in epitheto quaeri, ornatus causa addito. Alias nec Nemesianus *torto* adicere poterat. (*tanto* et numeri tuentur, et sententia flagitat. Recte Brunckius: „Non hic negat Poeta ullos esse in Italia angues; sed qui ibi reperiantur, non tam magnos, proinde non tam horrendos, quam in Asia esse ait. Modicos orbis rapit per humum, nec tam magno tractu se colligit in spiram anguis in Italia. Non satis causae esse apparet, cur sollicitetur haec lectio. Cfr. III, 420.“ *Orbes Medic. Wr.*) 155 *labores* Vratisl. et fragm. Moret., it. Regius Martini. conf. ad Aen. I, 455. (*urbes Medic. Wr.*) 156. *Tunc c. duo. coniecta Erf.* 158 *supra est* Parrhas. *abluit* al., ex more.

natis plantis et reptilibus. *saeva leonum semina, γέννη*, saevileones, ex Lucretiano III, 741 *triste leonum Seminium. tanto*, tam longo, quam alibi.

155. *operum laborem*, h. opera, fabricas, aedificia. Mox *congesta manu* simpl. exstructa in rupibus. Fuere autem multa per Italiam oppida, inprimis antiquiora, in editis ac praeruptis locis sita; inque his ipsa Roma. 157. *Fluminaque antiquos subterlabentia muros* esse possunt sive medias urbes permeantia, sive muros alluentia. Praefero nunc haud timide alterum hoc; *subter* est pro praeter. Talis enim situs multarum fuit per Italiam urbium, ut ad amnem sitae essent: idque nunc eo pertinet, ut Italiam multis fluviis rigari significet. (*Sub, subter*, saepe

de re inam editioris loci partem tangente; sic subire muros, exercitum tumulis ab hoste occupatis subiicere, quod est apud Liv. VII, 24. Contra *super* de eo, quod est in excelsiore loco positum, Aen. I, 680. sq.: „Hunc ego — super alta Cythera, Aut super Idalium sacrata sede recondam.“ ubi vid. Not. *Wr.*) Nimis angustum est: quod ad aquaeductus, Cloacam et Capitolium, hos versus revocant; (fecit hoc Geissler. in Schol. ad Georg. p. 5. *Wr.*) at poeta *tot urbes, tot oppida*, memorat, et *antiquos muros*. Etsi aquae ductibus praesidium parare possis ex Rutil. I, 101, ubi de iisdem egerat: *Intercepta tuis conduntur flumina muris*. Esset adeo intra urbem.

158. *Mare superum* et *infe-*

Anne lacus tantos? te, Lari maxume, teque,  
 Fluctibus et fremitu adsurgens Benace marino? 160  
 An memorem portus, Lucrinoque addita claustra,  
 Atque indignatum magnis stridoribus aequor,  
 Iulia qua ponto longe sonat unda refuso,  
 Tyrrhenusque fretis inmittitur aestus Avernis?

159. TEQUE FL. 160. ADSURGENS, BENACE,

159 *Lauri* duo. Fabricius distinguere volebat: *Te, Lari, Maxime, teque* etc., ut tres praecipui lacus Italiae memorentur, Larius, Verbanus, qui et Maior, et Benacus. Nimis subtiliter. 160 *insurgens* malebat Wasse ad Sallust. Iug. 33, quia hoc et alias simili sensu occurrit. At hoc ad emendationem nullam satis est. 161 *Quid memorem* Rufinian. p. 251. *abdit* Gud. *claustro* duo. 162 *magnis clamoribus* Aretinus in Epp. laudat, quod probabat Wasse ad Sallust. l. 1. 164 *Averni* Toll. et Serv.

*rum*, Adriaticum ac Tyrrhenum, mirae opportunitatis Italiae ad rerum hominumque commercia. 159. *Lacus Larius maximus*, h. permagnus, sub Alpibus (nunc *Lago di Como*), in agro Mediolanensi, *Lacus Benacus* in Veronensi (*Lago di Garda*), propter magnitudinem ventis ac procellis obnoxius non aliter ac mare. Idem Mincium amnem medio alveo transmittens, vid. Plin. IX, 22 et cf. Aen. X, 205. *adsurgens*, tumescens.

161—164. M. Vipsanio Agrippa, L. Canidio Gallo Coss. U. C. 717, cum contra Sext. Pompeium male rem gessisset Octavianus Caesar, ut reficiendis classibus locum tutum haberet, Agrippae consilio portum Baianum in sinu Puteolano (inter Baias et Puteolos) commodiorem et tutiorem ita reddidit, aut verius novum portum aperuit, ut lacum Lucrinum, interiecto aggere a mari seclusum, cum lacu Averno, qui isti adiacebat, coniungeret, aggerem autem modo dictum, qui V' stadiorum erat,

latitudine vix quadrigis recipiendis par (Strab. V, p. 245), postquam eo perfosso aditum navibus in portum fecerat, ita muniret, ut a fluctibus superari nequiret, navibusque tutus intra eum esset receptus. Hic *Portus Iulius* vocatus. vid. Sueton. Aug. 16. Excisae tum silvae, quae loca vicina occupabant. Locus classicus est apud Dionem XLVIII, 50, alia dedit Cluver. Ital. ant. IV, 2. Adversus Servium, qui plura miscuit, disputat Ouwens N. H. p. 581. Praelatus tamen sequenti tempore portus Misenus. Memorat itaque poeta portum Iulium; quem sic ornavit: *portus Lucrinoque addita claustra*, h. aggerem illum non tum primum factum, sed novis operibus adstructum, quo ipso portus effectus est. Eodem modo accipiendum est illud Plinii, ex nostro adumbratum, XXXVI, 15, s. 24, 12 *mare Tyrrhenum a Lucrino molibus seclusum*, nimirum, ostio tantum portus relicto. *aequor* autem *indignabatur*, ea parte, qua unda *Iulia*

Haec eadem argenti rivos aerisque metalla 165  
 Ostendit venis, atque auro plurima fluxit.  
 Haec genus acre virum, Marsos, pubemque Sabellam,

167 *Hoc* Zulich. et Mead. *viros* Goth. sec. a m. pr.

*sonat ponto longe refuso*, h. qua portus Iulius immisso mari erat effectus; *refusus*, ut saepe fieri solet, non contrariam aut iteratam actionem notat, sed simplicis vim habet. Possit quidem et ita accipi, ut pontus a mole aggeris in mare proiecti refundi, reprimi videatur, ut ap. Lucan. II, 617 *violentos insula Coros Excipere saxis lapsasque refundere undas* dicitur: sed alter versus ad eandem sententiam exprimendam valet: *Tyrrhenus aestus*, h. mare aestuans, immittitur, per os portus, *fretis Avernis*, h. lacui Averno, qui pro intimo portus recessu erat, et ad quem e Lucrino fossa ducta erat. Lucan. II, 616 *Nec tamen hoc artis immissum faucibus aequor Portus erat*. (Verba cum *re* composita saepe significant id, quod cursum suum mutat, a recto itinere deflectit. Hinc pontus *refusus* h. l. videtur esse mutato fluctuum cursu in lacum Lucrinum irruens atque ita sinum ac portum efficiens. Sic Lucan. VIII, 797.: „qua terra extrema refuso Pendet in Oceano;“ quod capiendum de sinu maris, qui est ad Pelusium. Similem in modum saepe vallis dicitur *reducta*, i. e. sinuosa, ut Aen. VI, 703. VIII, 609. et ipse sinus *reductus* Ge. IV, 420. Aen. I, 161. Aliud est *Oceanus refusus* ap. Virg. Aen. VII, 225. *Wr.*) Immutavere

locorum faciem longa aetas, terrarum ruinae et subterranei ignes, imprimis Monte Novo exorto, ita, ut nunc adeo de situ et vestigiis huius portus inter viros doctos disputetur. vid. Paoli Antiqq. Puteolan. Accipitur vulgo de hoc portu Iulio Horatii locus Art. 63 *Debemur morti nos nostraque, sive receptus Terra Neptunus classes aquilonibus arcet, Regis opus*. Mihi ille portum Alexandrinum respexisse videtur; *regum* Ptolemaeorum opus, a quo *aquilo* arcendus erat.

165. 166. In eadem argenti, aeris, aurique metalla. Copiam exprimit per *argenti rivos* (ex Lucret. V, 1255) et *auro plurima fluxit*, poetica ratione, pro, plurimum auri in ea est; tametsi hoc ad Padum referri possit, nam apud Plin. XXXIII, 4, s. 21 in Pado *segmenta auri reperiri* traduntur. Ad montes ac silvas aliquando incensas, ut metalla excocta fluerent (Lucret. V, 1242 sqq.), referebat Iul. Sabinus. *aeris metalla Ostendit venis*, quod in vulgari oratione fuisset, *venas aeris ostendit. aeris metalla* h. aes o. in *venis*. *Ostendit* autem non otiosum; quia certis tantum vestigiis res credebatur, metalla autem Italiae exercere Senatus consulto vetitum erat: Plin. III, 20, s. 24 extr. XXXIII, 4, s. 21. XXXVII extr.

167—170. *Marsi*, bellico-



Adsuetumque malo Ligurem, Volscosque verutos,  
Extulit; haec Decios, Marios, magnosque Camillos,  
Scipiadas duros bello, et te, maxume Caesar, 170  
Qui nunc extremis Asiae iam victor in oris

168 *Adsuetum malo* Zulich., addita ridicula glossa, id est, navibus vel pomis. *Ligurum* Medic. a m. pr. Mox *Vulscos*, *Vulcos*, *Volcos*, *Volctos* scribitur. *veruto* (scil. adsuetum) Lipsius emendabat. Sed vid. Not. 169 *haec doctos Murios* Ven. (*Camellos* Medic., i minio supra picta. *Wr.*) 170 *maxima* Gud. 171 *extremis aciem* Goth. pr.

si, cum *Sabinis*, severa disciplina nutritis, primo loco memorari solent inter Italiae populos. *adsuetum malo* pro malis, aerumnis, laboribus, *κακοπαθεία* (cf. Aen. IX, 604 sqq.), *Ligurem*; colit enim agrum exilem et saxosum. *Inculta Alpium postrema possident*, ait Servius (cf. *Addison's Remarks on several Parts of Italy* p. 6). Male hoc in tali carmine et in tali loco ad malam fidem horum hominum trahitur, ut facere videmus etiam nuperum scriptorem (*Observations sur l'Italie* T. III, p. 279), cum eadem nunc opinio de Genuensium ingenio inter Italos obtineat. Idem auctor (*Grosley*, T. II, p. 413. 414) recte, quam diversa facies Italiae nunc sit, observat, et quam parum in eam cadat inprimis illud: *Magna parens frugum, magna virum! Volsci autem veruti*, h. hastae genere, *veru* (*veru Sabellum* Aen. VII, 665 dixit), seu telo veruto, armati. Apparet autem, quod usu communi simpliciter *verutum* vocatur, esse proprie verutum telum vel iaculum, veru instructum ac munitum. *Scipiadas duros bello* h. induratos ad bellum.

171 — 173. Ut horum verusum sententiae fides constet,

cum Ruaeo et Catroeo Burmanus eos altera recognitione insertos esse credit, U. C. 734, quo Augustus in Asia signa a Parthis recepit et Medis pacem dedit. (vid. V. L. ad Ge. IV, 203. *Wr.*) Est adeo vir doctus, qui vss. 171. 172 tollendos esse censeat, cum nec a. 724 nec 734 satis conveniant. Cogitandum tamen erat, nos in poeta, non in historico versari; versusque esse tam praeclaros, ut vix ab aliquo interpolatore eos profectos esse arbitreris. Quod autem ad eam opinionem attinet, qua seriore manu ab ipso poeta inserti esse putantur: equidem in bono poeta vix hoc probandum putabo, si diversi temporis in eodem carmine vestigia reliquerit. At nec tali suspicioni locus est, spectantque et hi versus ad eosdem annos, quos in aliis Georgicorum locis subinnuerat, 724. 725 ab U. C., modo poetam, ut alibi facit, v. c. Georg. III pr., magnifice efferre et ornare cogites id, quod vere nihil aliud erat, quam quod Caesar ex Aegypto, quo paullo post pugnam Actiacam Brundusio traiecerat, per Syriam in Asiam iter fecit, et hieme ad Euphratem exacta Asiae res constituit. vid. Vita Virgil. ad a. 724. Itaque *extremis victor*

Inbellem avertis Romanis arcibus Indum.

Salve, magna parens frugum, Saturnia tellus,

Magna virum, tibi res antiquae laudis et artis

Ingredior, sanctos ausus recludere fontis, 175

Ascraeumque cano Romana per oppida carmen.

Nunc locus arborum ingeniis: quae robora  
cuique,

172 *In bellum advertis* Vratisl. *artibus* duo apud Martinum, quod ex Aen. VI, 853 probare velle, ludus esset. Probabat tamen Wakef. in sua Georgicorum editione; e qua tamen nolo quicquam afferre, quandoquidem seriore omnium carminum Maronis editione ea haud attigit, adeoque ipse damnassee videtur. 174 *artem* Gud. *artes* coni. Wakef. 175 *Aggredior* Priscian. lib. VII, quod est vulgare verbum hoc sensu. *Ingrediar* fragm. Moret. conf. Burm. *excludere* Zulich. (*fontes* Medic. *Wr.*) 177 *ingentis*, q. r. *cano* Gud.

*in oris Asiae*, usque ad Euphratem progressus, et *Indum avertit*, dum praesidiis fines, h. urbes in finibus, firmat. (sed vide, quae paullo post leguntur. *Indi*, i. e. orientis populi, qui Antonium in bellum secuti erant; vid. Aen. VIII, 685. sqq. *Wr.*) *Indum imbellem*, ut Ge. I, 57 *molles Sabaei* et omnes Asiae ad Austrum versae populi: petiit hinc Nemes. Cyneg. 74 *Imbellem fugam Parthorum*. Novum esset *imbellem* accipere, nulla iam amplius bella tentantem, scilicet, quod arma tua reveretur; ut Reiskius etiam accipiebat. *Arces* de finibus dici, docet Burm.: scil. quatenus ii arcibus et praesidiis muniti solent. Omnino tamen imperium Romanum declarat. (potius ipsam Romanam, in septem collibus, i. e. arcibus sitam. *Wr.*) Inf. Aen. IV, 234 est ipsa Roma *Ascanione pater Romanas invidet arces?*

173 — 176. Tamquam deam appellat Italiam. *tibi*, in tuum honorem, aut tui gratia, *ingre-*

*dior*, adgredior, dicere instituo, *res antiquae laudis et artis*, rem rusticam apud maiores in honore habitam. *sanctos ausus recludere fontis*, quia primus inter Romanos hoc argumentum versibus tractat. De formula hac poetica loquendi vid. Mitscherl. ad Horat. I Carm. 26, 6. *sanctos*, quos accedere metuebant, reverentia quasi numinis alicuius, adeoque novos. *Ascraeum carmen* omnino pro georgico, quia Hesiodus, ex Ascra, Boeotiae vico, oriundus, opus de opere rustico condidit; non vero, quod vulgo putatur, ex Hesiodo adumbratum aut expressum.

177. Nunc locum *de varia ac diversa soli et agrorum indole et natura*, et a v. 226 — 258 *de notis ac criteriis cuiuscumque soli* tractat; et quidem universe, ut non modo arborum culturam respiciat, sed et frumentorum ac pascuorum curam habeat. Nunc locus, inquit, est opportunus ac proprius doctrinae de arborum ingeniis tradendae, *quae robora*, h. quae praecipua vis

Quis color, et quae sit rebus natura ferendis.  
 Difficiles primum terrae, collesque maligni,  
 Tenuis ubi argilla et dumosis calculus arvis, 180  
 Palladia gaudent silva vivacis olivae.  
 Indicio est tractu surgens oleaster eodem  
 Plurimus, et strati baccis silvestribus agri.

## 182. EST,

178 *aut quae* Arundel. et edd. vett. cum Goth. pr. *serendis* tres. *creandis* unus Arundel. *ferendis* vel propterea praeferendum esse videbat Reiskius, quia v. 195 *armenta* sequuntur. 180 *Tenuis ubi argillae dumosis calculus arvis* Probus Arte Grammat. Sed vulgatum tuetur etiam Nonius Marcellus in *Tenuae*. *arva*, quae sata sunt arata, non posse esse *dumosa* putabat Reiskius; itaque coniiciebat, *dumosis calculus ancris*. Ancrae et antrae sunt *ἀνλῶνες*, *στενοὶ τόποι*, confragosae, abrupta, curva, sinuosa loca saltuum. Eandem vocem Propertio I, 1, 11. I, 2, 11 obtrudebat Scaliger, e Glossis Isidori. Sed *arvum* poetae est commune omnium agrorum nomen. vide vel II, 177. 181 *gaudet* Medic. Gud. tres alii cum Goth. sec., scilicet quia *calculus* in animo haerebat. (— 182. *est* in Medic. omisum, sed supra scriptum. *Wr.*) 183 *baccis stridentibus* Leid. pr.

ac virtus cuiusque soli sit, qua potissimum valet (Claudianus XVII, 178 *Nosse soli vires*); *quis color*, quale ex adspectu iudicium fieri possit, et quam naturam seu naturalem vim ad res ferendas habeat. (vid. quae notavi ad I, 3. *Wr.*) Videtur in sqq. ante oculos habuisse Theophrast. de Caus. Plant. II, 5 et 6, in aliis Xenoph. Oecon. cap. 16, 2 sqq. conf. Varro R. R. I, 9. et Vitruv. VIII, 1.

179 — 183. Solum argillaceum et calculosum ait esse idoneum oleis. *terrae difficiles* parum feraces, quasi morosae, parcae, ut contra *faciles*, fertiles, quasi liberales, munificae. *frugum facilis terra* Claudian. XXIX, 54. Iunguntur etiam *colles maligni* eodem sensu et respectu ad liberalitatem soli ac fertilitatem: sic quoque *solum benignum*. cf. Burm., qui in notione finienda laborare videtur. Praeceptum ipsum illustrat Theo-

phrastus de Caus. Plant. II, 1. Cato c. 6; neque repugnat, quod olearum cultui alii solum pingue adsignant. Caeli enim locorumque indoles ac situs alibi aliud suadent. cf. Plin. XII, 18, s. 30. 31. Virgilius de regionibus Transpadanis cogitabat, aquarum eluviei obnoxiiis; ut bene vidit Martinus. 180. *ager*, *λεπτός*, *λεπτόγειος*, solo seu argilloso seu saxoso. *Tenuis argilla* Servio *sine humore*, quia est (ex opposito, puta) *et pinguis*. Scilicet est exilis, ieiuna, adeoque sine succo, sterilis. 181. *vivacis olivae*. Plin. XVI, 44, s. 90 *Firmissimae ergo ad vivendum oleae, ut quas durare annis CC inter auctores conveniat*. conf. Theophrastum de Caus. Plant. II, 15. Hist. Plant. IV, 15. 182. *Oleaster*, diversus ab eo, quem nos eo nomine appellamus. vid. Martin. *Plurimus*, ut Georg. I, 187 *cum se nux plurima silvis Induet in florem*.



At quae pinguis humus, dulcique uligine laeta,  
 Quique frequens herbis et fertilis ubere cam-  
 pus; 185

Qualem saepe cava montis convalle solemus  
 Despicere: huc summis liquuntur rupibus amnes,  
 Felicemque trahunt limum; quique editus austro,

### 187. DISPICERE

184 *At quae* Medic. a m. pr. et Gud. *Atque et alter* Menag. *Et quae* Franc. 187 *Dispicere* Heius. tuetur hic et ad Aen. VI, 734 e Gud. Mentel. et Menag. *Dispicere* vulgo, quod tuetur Wakef. ad Lucret. II, 741 et defendi potest. (Non satis accurate Heynius in Not. verbum *dispicere* explicat per *prospicere*, *videre*, quae significatio vereor ut exemplis comprobari possit. *Dispicere* est: *huc illuc oculos conicere quaerendi causa*; hinc valet *investigare* atque ita invenire, et ut plurimum de rebus latentibus et abditis dicitur. Quae notio quam egregie toti sententiae conveniat, facile apparet: *dispicere* enim de eo dictum accipiemus, qui eiusmodi locum, vineae condendae aptum, inveniat. Veruntamen iubente portionum codicum auctoritate *despicere* recepi, quod ante me fecerunt Voss. et Iahn. *Dispicere* est: locum inferiorem ex altiore prospicere. Sed quid hoc: *despicere cava montis convalle*? At docte Huschk. ad Tibull. I, 4, 49.: „*altae valles nihil aliud, nisi colles sunt*, cf. IV, 3, 7., vel etiani *cavae montium convalles*, Virg. Ge. II, 186. Liv. VII, 24.: *Propulstis a castris, supina valle praecipites egistis, stratis corporibus hostium superstitis. Complete eadem strage campos, qua montes replestis.*“ Ratio in promptu. *Wr.*) hic Goth. pr. *liquuntur* Medic. a m. sec. et alii. (sed *n* in Medic. a manu multo recentiore addita. *Wr.*) *liquuntur* Vcn. cf. ad Aen. III, 28. *montibus* Moret. quart. 188 *obditus* vel *uvidus austro* coni. Io. Schrader.

ubi oleastri frequentes nascuntur.

184 — 191. Solum pingue vitibus colendis idoneum est. *At humus, quae pinguis et uliginosa est, et campus, qui editus austro, versus austrum, est, et — hic tibi sufficiet olim viles praevalidas*, h. e. vitibus colendis idoneus est. Pinguedinem et *uber* h. ubertatem soli (vid. ad Aen. I, 531) colendis convenire vitibus, docet poeta: consentiunt rei rusticae scriptores: ut copiose ostendit Cerda. Vide imprimis Colum. III, 11, 8. Scilicet referendum et hoc ad diversa vitium genera et diversam caeli solique naturam. *pin-*

*guis*: opp. tenui argillae. 186 — 189. indicia talis soli in convallibus et in collibus. 187. *Dispicere* pro vulgari, *prospicere*, *videre*. (sed vid. V. L. *Wr.*) *huc liquuntur*, — *quique editus Austro*, in vulgari oratione fuisset, quo — *liquuntur et limum trahunt; aut qualem eum campum videmus, qui editus Austro*, h. versus Austrum, adeoque ei expositus est. *felix limus*, ad fertilitatem faciens, fecundans. 188. 189. Magnus auctorum, qui de vitibus colendis scripsere, in hoc dissensus, cum alii austris infestari vineas tradant. Multa loca congestit Cerda. Scilicet poetam de vineis, in solo hu-

Et filicem curvis invisam pascit aratris;  
 Hic tibi praevalidas olim multoque fluentis 190  
 Sufficiet Baccho vitis; hic fertilis uvae,  
 Hic laticis, qualem pateris libamus et auro,  
 Inflavit quum pinguis ebur Tyrrhenus ad aras,  
 Lancibus et pandis fumantia reddimus exta.  
 Sin armenta magis studium vitulosque tueri, 195

189 *flicem* e codd. et edd. vindicat Heinsius. In vulgatas nescio quas irrepererat *silicem*. Quod res ipsa non respueret, nam, ut Colum. ait III, 11, 8, *amicus vineis silex*; et filice consitam humum nimis ieiunam esse, quam ut vitibus idonea sit, iudicabat Millerus. Sed *flicem* Plinius confirmat. vid. Not. (*felicem* Medic. vid. V. L. ad Ge. III, 297. *Wr.*) 190 *Hinc* Ven. (*fluentes* Medic. *Wr.*) 191 *Sufficiat* Gud. *vires* Reg. Martini. 192 *libatur* ed. Mediol. 193 *ad auras* Gud. et Goth. sec. 194 *Lancibus et patulis* Medic. a m. pr. et unus Mead. (vid. Q. V. XVI, 1. *Wr.*) Burmanno suspectus locus erat; modo et *pateris* coniectabat, minus feliciter; modo vasis nomen latere putabat. Cur *pandum* tamen, quod et incurvum et reflexum est, de paropside aut patina non aequè dictum putemus, ac de carina, navi? *oneratas lances* dixit Aen. VIII, 284. XII, 215. 195 *studium est v.* unus Mead.

mili, pingui et uliginoso satis, alios de collibus loqui, tenendum est. 189. Plin. XVII, 4, s. 3 *Virgilius et quae flicem ferat, non improbat vitibus*. Est nostrum *Farnkraut*, *fougère*. Pterin aquilinam Linn. esse, censebat Schreber. ad Theocr. Id. III, 14. *invisa aratris* propter implexas inter se et late serpentes radices, easdemque exstirpatu difficiles, *πολύρριζος*.

190—194. Valde ornate effert illud: praestantissimum vinum in tali solo nasci. *pateris et auro* notum est, ad quam figuram soleat referri. Mihi tamen id Grammaticorum commentum valde ieiunum videtur. Scilicet poeta *aurum* simpliciter pro *patera aurea* dicere potest; saepe hoc uno contentus est; interdum, ut h. l., hoc ipsum explicative adponit, cum generaliorrem vocem primum posuisset. Similiter res sese habet in aliis

exemplis. 193. Tibicinem Etruscum sacrificiis adhibitum fuisse, vel ex Livio notum est. *pinguis* in ludibrium gentis dictum esse videtur. Catull. XXXVII, 11 *Aut pastus Umber aut obesus Etruscus*. Nam ad buccas inflatas referre nolim. Habitu corporis ex adsiduis sacrificiorum epulis, quibus adhibebantur tibicines, exprimi, non male Servius censebat. *ebur* est tibia ex ebore. *reddimus*: damus, diis offerimus. Sacrorum vocabulum esse, etiam Servius notat. Aen. XII, 215 *viscera vivis Eripiunt, cumulantque oneratis lancibus aras*.

195—202. Observetur praeceptorum in his formis variatio et orationis copia. Agros saltuosos et irriguos pascuis idoneos esse monet. Exempla nunc in ipsum praeceptum convertit. *tueri*, ut servare, eo sensu, quo est nutrire, alere, itaque et pa-

Aut fetus ovium, aut urentis culta capellas:  
 Saltus et saturi petito longinqua Tarenti,  
 Et qualem infelix amisit Mantua campum,  
 Pascentem niveos herboso flumine cyncos;  
 Non liquidi gregibus fontes, non gramina deerunt;  
200

Et, quantum longis carpent armenta diebus,  
 Exigua tantum gelidus ros nocte reponet.  
 Nigra fere et presso pinguis sub vomere terra,

### 197. SALTUS,

196 *Aut ovium fetus* Medic. cum permultis. *Aut fetus ovium urentes* Menag. pr. et *urentes* ed. Ven. (*urentes* Medic. *Wr.*) 197 *Et saltus* duo. *satyri* Medic. a m. pr. Franc. et pr. Moretanus, cum glossa, *id est oppidi*. Habet lectio doctrinae speciem. Ita et veteres Grammatici legerunt et acceperunt, ut sit pro Satyrii; *Satyrium Tarentum*. v. Probus, et, qui inde sua transtulit, Iulius Sabinus. In vetere responso Phalantho dato apud Strab. VI, p. 427 *Σατύριόν τοι δώσω*. conf. Opusc. Vol. II, p. 218. 219. Etiam Stephani Byz. epitome, *Satyrium* tractum prope Tarentum esse, unde gentile Satyrinus et Satyrius s. Saturius sit; ita *Saturi Tarenti* non male hic legi videtur, pro *Saturii*: Heinsius tamen has e vitio scripturae et pronuntiatione vocalis *u* et *y* confusa ortas nugas reiicit. conf. inf. IV, 335, ubi *saturō colore* etiam *Satyro* legitur scriptum. *Satiri* Gud. (vid. Q. V. XVI, 4. *Wr.*) *Terenti* Medic. a m. pr. 199 *herboso in f.* unus Mead. et edd. vett. in omisso *herboso* Goth. pr. 200 *deerunt* Heins. recepit. *derunt* Medic. et ab alia manu adscripto *e*. Sic sex alii. (etiam 3. *Wr.*) *desunt* vulgo. 202 *reponit* Medic. (et 2. *Wr.*) *reponat* Rottend. tert. 203 *et abest* a tribus et Goth. pr. ex Gudian. *pingui* Medic. (Nempe iunctim in Medic. scriptum *pinguisub*. Et ipse Foggin. hic adnotat: „Nimirum una s duplici verbo inservit, quod in Cod. saepe occurrit.“ *Wr.*)

scere, hoc v. c. etiam Grat. Cyneg. 306. 307. *urentes culta capellas*, laedentes seu serrato dente seu saliva, ut exarescant. Ita *urere* dictum erat Ge. I, 77 et inf. 378. 379. — *saturum Tarentum* propter insignem agrorum ubertatem (vid. Horat. Carm. II, 6, 10 sqq.); a consequenti; ut *pinguis*, et 224 *dives Capua*. Illustrat usum epitheti Heinsius. *longinqua*, longinquos agros. (i. e. longe remotos, utpote in extrema Italia positos. *Wr.*) — 198. Notum ex Ecl. I argumento, et Ecl. IX, 27.

28. — 199. Vid. Ecl. VII, 11. 12. 13. *herboso flumine*; Minicius enim arundine et alga obsitus est. — 201. 202. per noctem succrescit. *ros*, tamquam caussa fertilitatis: unde *ῥῆλος ἐέρση*: v. c. Graev. ad Hesiod. Sc. H. 395. Poetica quidem amplificatione dicta, nec tamen a vero plane abhorrentia. cf. Plin. XVII, 4 extr. De Campo Roseae ad Lacum Velinum vid. Serv. ad Aen. VII, 712. Cluver. Ital. ant. p. 679.

203 — 211. Tandem humus pulla seu nigra, pinguis, et pu-



Et cui putre solum, (namque hoc imitatur arando)  
 Optuma frumentis: non ullo ex aequore cernes 205  
 Plura domum tardis decedere plaustra iuencis:  
 Aut, unde iratus silvam devexit arator,  
 Et nemora evertit multos ignava per annos,  
 Antiquasque domos avium cum stirpibus imis  
 Eruit: illae altum nidis petiere relictis; 210  
 At rudis enituit impulso vomere campus.

## 204. SOLUM (N. ARANDO),

204 *Ut cui* Serv. et Philargyr. ad 263. *hic* fragm. Moret. *imitantur* Menag. pr. Rottend. et Moret. pr. a m. pr. *imitatur* Medic. a m. pr. et Voss. Io. Schrader. tentabat: *rimamur*. 205 *non nullo* Cantabrig. 206 *discedere* fragm. Moret. *descendere* unus Mead. 207 *deiecit* Medic. Pierii; sed occurrit ea variatio saepius. conf. Burmann. 208 *avertit* ed. Mediol. vid. Georg. I, 256. 209 *domus* Ven. (atque hanc formam in vettimis membranis Non. Marc., hunc vs. laudantis, se reperisse scribit Cort. ad Lucan. VIII, 216. Sed vid. V. L. Ge. I, 182. *Wr.*) 210 *alium* Ven. *petivere* Regius. 211 *Aut* Medic. a m. pr. Moret. sec. et Voss. eum Regio Martini. *Et* Mentel. tert. eum uno Mead. Et sunt, qui ad sequentia referant; male. *impresso* ed. Mediol., ex aliis forte locis, ut v. 203.

*tris*, h. resoluta, tenera, adeoque solibus et imbribus penetrabilis (vid. Ge. I, 44 et inf. 262. 263; γῆ μανῆ, κόρυνη, λεπτή, εὐδροος, εὐδίοδος), agrum frumentis serendis idoneum praebet. Arationis consilium est hoc ipsum, ut, quae terra talis non sit, glebis fractis ac comminutis putri similis efficiatur. conf. loc. Columellae V, 4, 2. et Dickson p. 148 sq. Idem Colum. diserte h. l. interpretatus est X, 7 *Pinguis ager, putres glebas, resolutaque terga Qui gerit, et fossus gracileis imitatur arenas*. Locum ante oculos habuere in iisdem praeceptis condendis Colum. II, 2, 4, et de nigro colore §. 14 sqq. Plin. XVII, 4, s. 3. Pallad. lib. I, tit. 5. *tardis* et naturae boum et oneris notionem, adeoque plaustrum, quo frumentum ex agro devehitur, magnitudinem suggerit. 207—211. Alterum

genus agri frumentosi est novallis, caesa vetere silva: 207 sqq. cf. Colum. l. c. II, 2, 11. Versuum pulcritudinem vel me non monente sentis. *iratus* suaviter, quod silvae inutiles bonum solum occupabant. *devexit* poetice; vulgari ratione id, quod antecedit, poneretur, excidit, exstirpavit. cf. v. 408. Ad v. 209 omnes laudant locum Lucret. I, 19 *Frondisferasque domos avium*. At ipsum Virgilium pressius sequitur Manilius I, 774—777; habuit etiam ante oculos Silius V, 505—508. Tum subiectus est 211 versus pulcherrimus. *impulso vomere*, adacto, ut v. 203 *presso*, I, 45 *depresso aratro*. *rudis campus*, nunc primum proscissus. *rudibus qua luceat orbita sulcis* dixit Nemesian. Cynege. 14. Alia dabit Burmann. *enituit* autem, enitescit, magna cum vi: est enim

Nam ieiuna quidem clivosi glarea ruris  
 Vix humilis apibus casias roremque ministrat;  
 Et tophus scaber et nigris exesa chelydris  
 Creta negant alios aequae serpentibus agros 215  
 Dulcem ferre cibum et curvas praebere latebras.

214. SCABER, 215. CRETA,

213 *Vix apibus humilis* Erf. (*umilis* Medic. *Wr.*) 214 *tofus* multi scribunt. (sic ipse Medic. *Wr.*) *fossus* Goth. sec. *scaber nigrisque* edd. Aldd. et lunt. emendatum a Naugerio. *chelindris* tres. *chilindris* Erf. 215 Vulgo interpungebatur post *Creta*: ut *negant* esset: *negant* homines. *ieiune*. 216 *furvas* conl. lo. Schrader. *vacuas* et *varias* in libris legi notat Ursinus. At vide Notam. *tenebras* Regius Martin.

bona terra *post vomerem nitescens*, ut Plinius ait XVI, 5, s.3. quandoquidem omnino *nitent*, quae culta sunt, ut Ge. I, 153. Aen. VI, 677. conf. Burm. (hanc interpretationem sequitur Vossius; sed verior altera ob adiectum *impulso*. *Wr.*) Totam vero structuram in pedestri oratione sic institueres: *antiquas domos avium eruit, quae altum petunt, dum interea campus enitescit* etc. Quod si meminissent interpretes, non verum 211 cum sequentibus iunxissent. vid. ap. Burm. et Martin.

212—216. Notetur nova orationis connectendae variatio, dum *ad notas mali agri* transit. At *solum glareosum*, satis est, si herbas apibus idoneas suppeditat. *ieiuna glarea*, infecunda; *λυπρά*. Diversum solum ab vs. 180, ubi etiam *tenuē*, sed argillaceum et calculosum; nunc sabulosum. *rorem*, quem apes e floribus et herbis sugunt, nuncque flores ipsi, quibus ille inesse solet. Alienus a pastu apum humor, quo noctu irrigantur prata. *Ros marinus* quidem, frutex, a Servio intelligitur, quem alii se-

quantur. Sed nondum locum vidi, in quo ille simpliciter *ros* appelletur. (Rectius, puto, Vossius rorem marinum h. l. simpliciter rorem dici existimat, laud. Plin. H. N. XXIV, 11.: „haec quae ex *Rore* supra dicto nascitur.“ *Wr.*) De *casia*, herba coronaria, thymelaeae affini, vid. h. l. Martinum et sup. ad Ecl. II, 49.

214 — 216. Sententia est: Terra tophacea et cretosa serpentibus omnium est aptissima. Hoc ita extulisse videri debet: *tophus et creta negant alios agros aequae ferre serpentibus cibum*, scilicet, ac ipsi, tophus et creta, ferunt. Sollenni poetarum more sic solet rebus vita carentibus, uti mens et consilium, ita loquela, tribui. Notum illud Catulli: *Phaselus ille — ait fuisse navium celerrima*. Ita etiam *nego*. Nec aliter Graeci. Paulo post v. 234 *sine in sua posse negabunt Ire loca*. Item 268 et al. Ita *nolle*, *recusare*, pro, non posse; et *novit*, pro potest. *exesa*, cavernosa, ut Aen. VIII, 418 *exesa caminis antra Aetnaeae*: non vero quasi

Quae tenuem exhalat nebulam fumosque volucris,  
Et bibit humorem, et, quum vult, ex se ipsa re-  
mittit;

Quaeque suo semper viridis se gramine vestit,  
Nec scabie et salsa laedit robigine ferrum: 220  
Illa tibi laetis intextet vitibus ulmos;  
Illa ferax oleo est; illam experiere colendo

217. VOLUCRIS; 219. VIRIDI SEMPER

217 *Quem* Goth. pr. *fumosque lucoris* Rom. (Medic. *exalat*, ut Aen. VII, 84. sic *alitas* Ge. II, 350. Sed *exhalantem* Aen. II, 562. *halitus* Aen. IV, 684. VI, 240. *halantes* Ge. IV, 199.; *alant*, sed supra scripta *h*, Aen. I, 417.; vid. etiam notata ad Ge. III, 497. Ceterum *volucres* idem Medic. *Wr.*) 218 *Ut bibit* Ven. *Quae* unus Mead. 219 *semper viridi* Medic. et Moret. pr., it. Pierii Rom., uterque Goth. (Hunc verborum ordinem tum propter optimorum librorum fidem revocandum putavi, tum propterea, quod ita solet adv. *semper* pronomini personali aut relativo subiici; cf. Ecl. I, 7. III, 62. V, 74. Aen. X, 327. XI, 378. Quae res latissime patet. Alia autem est ratio Aen. XII, 778. Nam quod Iahnus dicit, *semper viridi* ita posita in unam notionem coalescere, idem fieri potest etiam inverso ordine, ut Ecl. III, 3.: „Infelix o semper oves pecus.“ Aen. III, 217.: „pal- lida semper ora.“ Sed *suo viridi gramine* prorsus scabrum; longe aliud est, quod supra legitur vs. 147. *tuo flumine sacro* et alia; vid. not. ad Aen. IX, 816. Certissima est Fabri emendatio, *viridis* scribi iubentis, confirmata iam codicis 3. auctoritate; s. autem in *viridis* absorptam esse sequente eadem consona, apertum est; et vid. notata ad vs. 203. Ac *viridis se vestit*, paucis fortasse intellectum librariis, suo more dixit Virgilius pro: *viridem se vestit*, i. e. vestit se gramine, quo fit, ut vireat; Aen. I, 314.: „mater sese tulit obvia.“ Eadem dictio recurrit VI, 830. et X, 552. Aen. V, 373.: „Qui se Bebrycia veniens de gente ferebat.“ XII, 860.: „Talis se sata nocte tulit;“ ubi conf. I, 503. Porro III, 310.: „Verane te facies, verus mihi nuntius affers?“ XI, 810.: „in montes sese avius abdidit altos.“ De prolepsi vid. quos laudat Sillig. ad Catull. XI, 3. Sed magis fortasse arriserit ea explicatio, ut, quum poeta hoc vellet dicere: „quaeque suo semper gramine viridis est,“ ornatus hoc ita elocutum statuamus „viridis se vestit.“ *Viridis* etiam Vossio et Bothio probatum. *Wr.*) *viridis* emendat Faber. Scilicet non male ita legeretur, si constaret, poetae ita loqui placuisse. 220 *Haec* unus Mead. *aut salsa* Medic. a m. sec. cum Leid. et Goth. sec. (pro et in Mediceo a m. pr. fuerat *tt*; hinc dubia lectionis *aut* fides. *Wr.*) *falsa* Menag. pr. 221 *Ipsa* Zulich. *intextit* edd. aliae et Goth. sec. *tibi in laetis* Mead. 222 *oleo* e vetustis Pierii et multis suis reposuit Heins. Sic et laudabat Nonius Marcellus et Arusianus Messius. *oleae* vulgo editum et lectum cum Medic. *olee* Goth. sec. cum Erf. (Bene *oleo*, quod exstat etiam in codd. 11. 12. 14.; *oleae* vel elisioni, vel librariis debetur, eiusmodi adiectiva, *ferax*, *fertilis*, *secundus*, *infecundus*, etiam cum tertio casu iungi ignorantibus; id quod ipsi Nonio Messioque accidit,

serpentes terram exederint. 216. *curvas latebras* pro cavis. Sic et Ge. III, 544.

217 — 225. Post terras sin- gulis culturae generibus aptas memorat agri genus optimum vinetis, olivetis, frumentis et pascuis aequaliter idoneum. 217.



Et facilem pecori, et patientem vomeris unci.

Talem dives arat Capua, et vicina Vesevo

Ora iugo, et vacuis Clanius non aequus Acerris. 225

Nunc, quo quamque modo possis cognoscere,  
dicam.

laudd. ab Hcinsio. *Ferax oleo*, i. e. *ad oleum*. Lucan. IX, 696.: „sterilis tellus fecundaque nulli Arva bono.“ Sil. It. II, 498.: „Fecundum in fraudem hominum genus.“ Plin. H. N. II, 78.: „Tractus fertilis ad omnia.“ Cfr. etiam Cort. ad Sallust. Jug. XVII, 5. *Wr.*) 224 *erat* Medic. et Mentel. pr., uterque a m. pr. et Goth. pr. *Vesaevo* iidem cum Mentel. Reg., utroque Voss. (etiam Serv. Dresd. *Wr.*) *Vesaeo* Rom. 225 Gellius N. A. VII, 20 scriptum in quodam commentario se reperisse memorat, a Virgilio primum fuisse editum: *Nola iugo*; mox ob negatam sibi a Nolanis aquam, in propinquum rus ducendam, poetam offensum nomen urbis in *Ora* mutasse; quod ipsum Gellio suavius ad aures esse videbatur, antecedente vocabulo in *o* desinente. Easdem nugas Philargyrius ad h. l. et in Servianis ad Aen. VII, 740. Refellit eas patriae studio Ambros. Leo de Nola lib. I, c. 2 in Schotti Scriptt. hist. Ital. *Clanis* Parrhas., ut ab aliis appellatur. 226 *Tunc*, quo fragm. Moret. *quo quaeque* ed. Ven. *quo cumque* Romanus, Morct. quart.; et sic Pierius in codd. fere omnibus antiquis legi testatur; add. Erf. et ex edd. Mediolan. (quod non debebat placere Iahnio. *Wr.*) *quancumque* vel *quocumque* Zulich. *posses* Rom.

Plin. XVII, 4, s. 3 *terra optima*  
— *quae tenues exhalat nebulas*.

223. *facilem*, liberalem, uberem, copiosum pabulum praebentem. conf. ad v. 179. Mox 224 *vicina Vesevo*: antequam Vesuvii incendiis tractus ille erat vastatus; quod Titi Imp. tempore evenit: etsi etiamnum ea regio agros habet feracissimos, quotquot calamitatem experti nondum sunt. cf. Martial. IV, 44. Utuntur hoc loco viri docti ad docendum, ante cladem illam anni C. N. 79 nullam contigisse aliam. Intelligitur tamen ex Strabonis aliorumque locis, ante omnem hominum memoriam, antiquissimis temporibus, incendio aliquo montem conflagrasse. 225. *Clanius* arat, h. e. Clanii accolae, qui fluvius est Campaniae, iuxta Linternum in mare se immittens, vicinis agris, et inter hos Acerranis, exundatio-

ne exitiosus; ita ut Acerrae infrequentes essent. (Ita *Cumae vacuae* Iuven. III, 2. *Wch.*) Emendatum hoc vitium locorum deductis per canalem aquis stagnantibus per Hispanos: ut didici ex Lupuli Itinere Venusino p. 11. Dicas pro exemplo felicitatis parum commode agrum circa talem urbem laudari: potest tamen solum fluvio obnoxium, et tamen praeclarum esse. Enimvero non agri Acerrani, quibus illa calamitas interdum accidit, sed ager ad Clanium, qui per multum agrorum tractum decurrit, donec Acerras attingit, laudatur. Duxit ex h. l. Silius VIII, 537 *Clanio contentae semper Acerrae*.

226 — 258. Terra quomodo sit probanda (*δοκιμασία γῆς*), quibusque notis eius natura densa, rara, salsa, pinguis, humida, gravis, levis, nigra, fri-

Rara sit an supra morem si densa requires:  
 Altera frumentis quoniam favet, altera Baccho,  
 Densa magis Cereri, rarissima quaeque Lyaeo:  
 Ante locum capies oculis, alteque iubebis 230  
 In solido puteum demitti, omnemque repones  
 Rursus humum, et pedibus summas aequabis are-  
 nas.

Si deerunt, rarum pecorique et vitibus almis  
 Aptius uber erit; sin in sua posse negabunt  
 Ire loca, et scrobibus superabit terra repletis: 235  
 Spissus ager; glebas cunctantis crassaque terga

227. REQUIRAS 228. BACCHO; 233. RARUM, 234.  
 APTIUS,

227 aut — sit densa Ven. Zulich. Erf. a m. sec. ed. Mediol. et Genev. requires Medic. a m. pr. cum tribus aliis. (requires est prior lectio Medicei; idem tuetur Serv. Dresd. per futura videbis, inspicias, explicans. Sustuli manifestum vitium requiras, cui si quis versum 49. aut 54. patrocinari putet, is misceat alienissima; vid. Q. V. VI, 4. Wr.) 230 altumque Moret. sec. videbis Gudian. cum tribus aliis, et Medic. Pierii, it. ed. Norimb., ac Goth. sec. a m. sec. 231 In solidum fragm. Moret. ed. Ven. dimitti plures. reponas alter Moret. 232 summis aliquot apud Pierium. 233 rarum est Franc. Si deerunt terrae Parrhas., utrumque ab interpolante manu mali interpretis. deerit edd. antiquae vel Pierio teste; et sic ed. Norimb., quod defendi posset; sed alterum, quod inde ab Aldd. legitur, doctius. deserint unus Mead. 234 si in Mentel. pr. Sis in Ven. Sed si in Menag. Si que in Zulich. 235 superarit fragm. Moret. 236 versaue terga Moret. quart., male. (cunctantes Medic. Wr.)

gida cognoscenda. Inter alios cf. Plin. XVII, 5, s. 3. Colum. II, 2, 19. add. Geopon. II, 10. et Vitruv. VIII, 1.

227. Si requiras, terra rara sit an densa: locum capies antea oculis — 230. Locum soli solidi eliges, in quo puteum, altam foveam, scrobem (βόθρον Geopon. II, 11) facias, fodi iubeas etc.; at exquisitius, demitti. Porro τὸ solidum pro loco solido. 233—237. Si deerunt, scil. arenae, terra, ad scrobem replendum, — sin eae negabunt posse ire in sua loca,

foveae spatiis recipi, si non poterunt reponi (vid. ad v. 215), ut adeo supersit terrae egestae aliquantum etc. conf. Colum. II, 2, 19. 234. uber, ubertas, uber et fecundum solum. vid. v. 185; h. l. simpliciter, humus, solum; subiicitur ei, quod vs. 230 erat, uber rarum fore (cui opp. spissus, crassus ager; vid. Colum. III, 12, 2) et pascuis ac vineis aptum. viles almae, v. 233, quia praebent, quo alas te; et in boni seu muneris parte sunt. terga agri, v. 236, de superficie, in qua sulci fiunt.

Exspecta, et validis terram proscinde iuencis.  
 Salsa autem tellus, et quae perhibetur amara,  
 Frugibus infelix, (ea nec mansuescit arando,  
 Nec Baccho genus, aut pomis sua nomina servat) 240  
 Tale dabit specimen: tu spisso vimine qualos,  
 Colaue praelorum fumosis deripe tectis;  
 Huc ager ille malus dulcesque a fontibus undae  
 Ad plenum calcentur: aqua eluctabitur omnis  
 Scilicet, et grandes ibunt per vimina guttae; 245

239. INFELIX (EA 240. SERVAT), 243. MALUS,  
 UNDAE,

237 *Et specta* Servius legerat; lapsus frequens est. *Exerce et validis* Rom. Pierii. *et ante validis* in Medic. a m. pr. aberat. (— 239. Iahnus parenthesin a *Frugibus* inchoat; et dubitavi, an hoc sequeretur; sed ut vulgarem interpungendi modum retinerem, numerorum elegantia persuasit. *Wr.*) 240 *Nec Buccho decus* emend. Io. Schrader., ut Aen. II, 89 *nomenque decusque Gessimus*. At Colum. X, 38 *Quo Bacchi genus aut*, ex hoc ipso loco. *numina* Rottend. *servet* Mentel. pr. 241 *tum* unus Mead. *squalos* Leid. unus. *spissos v. qualos* Longob. Pierii, ed. Ven. 242 *deripe* plures. 243 *Huc* Messius Arusianus legisse videbatur Heinsio; sicque a pr. m. Erf. 244 *luctabitur* alter Menag., ut plerique Pierii. *uquae luctabitur amnis* a m. sec. fragm. Helmstad. in Analect. litt. Helmstad. 1783, p. 194. 245 *Ilicet* coni. Io. Schrader., *Scilicet* est *ὅγ.* v. sup. ad I, 282. *de vimine* alter Moret.

238 — 247. Salsum et amarum solum sapore exploratur, aqua colo eliquata. cf. Colum. II, 2, 20, et de Arbor. 3, 6. *quae perhibetur amara*, quam vulgo amaram appellant. Nisi est pro simpl. *est. infelix*, infecunda. 240. Vinum generosissimum et poma optima in tali terra degenerant. *genus et nomina*, elegantius Burm. notat, ut in hominibus, ita hic, nobilitatem designare. *specimen*, documentum, *δείγμα*, probatio, *ἀπόδειξις*.

241 — 247. Rem vid. in primis ap. Geopon. II, 10 et 11. V, 7. Qualos vimineos, seu calathos, ac cola praelorum, h. supponi praelis uvarum et olivarum solita, ut novum mu-

stum aut oleum in iis exceptum percoletur ac liquetur, *deripe tectis fumosis*, pro, sume. Ornatus inde petitus, quod ista vasa, ne humore corrumpantur, ad fumum reponi solent. 243. *Ager*, particula terrae ex eo agro; *τῆς γῆς τι*. *Huc* — *calcentur*, exquisitius quam *hic*; infert enim alterum, huc infundantur, et calcentur, subigantur. 244. *Ad plenum*, plene, ut colum plenum sit. Horat. Od. I, 17, 15 *Hic tibi copia Manabit ad plenum benigno Ruris honorum opulenta cornu. eluctabitur* pulcrius aceffluet. (*eluctari*, i. e. per angustias atque obstacula aegre evadere: Seneca N. Qu. IV, 2.: „Nilus per angusta eluctatus.“ Pacat. Pa-



At sapor indicium faciet, manifestus et ora  
Tristia tentantum sensu torquebit amaror.  
Pinguis item quae sit tellus, hoc denique pacto

246. FACIET MANIFESTUS,

246 *Et idem. Sat* unus Mead. Reiskius non male ita interpungebat: *At sapor indicium faciet; manifestus et ora T.*, ut sit *amaror manifestus*; facit hoc idem Wakef. et malim sic ipse interpungere. (fecit hoc etiam Iahnins; et obtemperavi, sed cunctabundus. *Wr.*) 247 *amaror* apud Gell. I, 21 Hyginus Grammaticus in libro, qui fuerat ex domo atque familia Virgilii, invenisse memorabat. Eamdem lectionem amplectebatur Favorinus et ipse Gellius. Agnoscit quoque Macrobi. Sat. VI, 1, et sic septem apud Heins., quatuor apud Burm., ed. Ven., nostri Gothani cum Erf. et Medic. a m. sec. (In *amaror* ultimam *r* ab alia, eaque antiqua, sed, ut videatur, non Apronii, manu additam refert Fogginius. Qui *amaro* scripserunt, Grammatici fortasse, vid. Q. V. XVI, 6., id nescio an propterea fecerint, quod desiderarent epitheton vocabulo *sensu* adiciendum. Ac sane parum suave, ad nostrum scilicet sensum, sic nude positum *sensu* videtur, praesertim quum facile eo careas. At amat talia Virgilius: Aen. III, 147.: „Nox erat, et terris animalia somnus habebat.“ ibid. 363.: „cuncti suaserunt numine divi.“ ibid. 664.: „Deutibus infrendens gemitu.“ IV, 46.: „Huc cursum Iliacas vento tenuisse carinas.“ ibid. 679.: „Idem ambas ferro dolor atque eadem hora tulisset.“ V, 161.: „Rectorem navis compellat voce Menoeten.“ VI, 187.: „Si nunc se nobis ille aureus arbore ramus Ostendat nemore in tanto.“ ibid. 355.: „Tres Notus hibernas immensa per aequora noctes Vexit me violentus aqua.“ X, 102.: „tremefacta solo tellus.“ Longe autem maxime vocc. ore et manu sic frequentata: Aen. I, 614.: „et sic ore locuta est.“ cfr. II, 524. IX, 319. VI, 76.: „finem dedit ore loquendi.“ III, 659.: „Trunca manu pinus regit et vestigia firmat.“ VII, 604.: „Sive Getis inferre manu lacrimabile bellum.“ IX, 773.: „Unguere tela manu ferrumque armare veneno.“ XI, 453.: „Arma manu trepidi poscunt.“ Cfr. etiam II, 459. 717. IV, 344. V, 499. *Wr.*) *amaro* alii, et inter eos quidem vetustissimi, Romanus, nec non Medic. et Longob. Pierii a m. pr. Praefert hoc post Pierium Heinsius, quia durum esset, *sapor*; *amaror*. Quod mireris, si de canone critico cogites: *amaror* vox exquisita, Lucretiana. *sensum amaror* Tollerianus, et unus Arundel. cum eodem fragm. Helmstad. 248 *tellus quae sit* alter Moret. et Goth. sec.

neg. 34, 4.: „vix eluctatis cadaveribus evoluit.“ Vid. Cort. ad Luc. II, 219. *Wr.*) 246. *sapor* aquae expressae. *manifestus*; in pedestri oratione vel manifesto, vel indicium manifestum. *Amaror torquebit sensu ora tentantum*, h. gustantium, ex Lucret. II, 401 *At contra tetra Absinthi natura ferique Centauri foedo pertorquent ora sapore*. Iam hic sensus haud

dubie proprie *tristis* appellandus; quod de amaris rebus dici, supra v. c. I, 75 vidimus; et obvium erat poetae iungere, *sensu* seu sapore *tristi*; at magis exquisitum, transferre epitheta ad adiuncta; hinc *tristia ora*. (*tristia* convenit *oribus*, cum *amaror* ea torquet. Saepe in actione obiectis adiunguntur epitheta, quae illis tantisper, dum actio durat, conveniunt. Ita expe-

Discimus: haud umquam manibus iactata fatiscit,  
 Sed picis in morem ad digitos lentescit habendo. 250  
 Humida maiores herbas alit, ipsaque iusto  
 Laetior. Ah nimium ne sit mihi fertilis illa,  
 Neu se praevalidam primis ostendat aristis!  
 Quae gravis est, ipso tacitam se pondere prodit,  
 Quaeque levis. Promptum est oculis praediscere  
 nigram, 255

## 252. LAETIOR, AH

249 *aut umquam* Menag. pr. *manibus tractata* emend. Wakef. ad Lucret. IV, 231. 250 *ad* deest fragm. Moret. et a sec. m. quarto Moret., it. Goth. pr. 251 *alit herbas* Zulich. 252 *a, ha, nimium* multi, ut solent. (vid. Ecl. II, 60. *Wr.*) *ne sit tibi* Erf. *fertilis una* Menag. pr., unde Heins. coni. *uvae. ulla* Erf. a m. pr. (*Laetior* fortasse erit, qui in suspiciouem adducat. Quid enim sibi vult *ipsae*, quum eadem sententia utroque orationis colo contineri videatur? Hinc coniicias, Virgilium scripsisse *lentior*, ut hic prodcat sensus: ipsa quoque, ut pinguis illa, lenta est, lentescit. Cfr. not. ad Ecl. VII, 48. Quid? quod *laetior*, quod in Medic. a m. pr. exstat, e literis adi. *lentior* — *letitior* — ortum videri potest? At explicatione locus adiuuandus. Verba *ipsa laetior* h. l. significauit terram, quae ipsa per sese herbas laetiores gignit, non stercore roborata aut rivis irrigata; vid. Q. V. XVIII, 2, m. *Wr.*) 253 *Nec se* uterque Medic. cum Romano et aliis, etiam apud Martinum. (Sed Mediceus ille Apronianus *nec* a m. pr., *neu* a m. sec. vid. Q. V. XXXVI, 14. *Wr.*) *Ne se* alii apud Pierium, et Parrhas. *Heu* unus Arundel. *praecipitem* Zulich. *ostendit* Ven. *ostendet* Aldd. pr. et sec. et Iunt., quod placet Burmanno; de terra quasi gloriante. 254 *prodet* Medic. *promit* Regius et Cerda. *tacitum* apud Pierium est vitium Aldinae sec. 255 *praediscere* quatuor apud Burm. et Goth. pr. cum Erf., nec non Romanus. *cognoscere* Zulich. Ita et alibi Ge. I, 252, 51.

dies Aen. IV, 102.: *regamus populum communem*, et VII, 343. et infr. 352. *Wch.*)

248 — 250. Pingue et glutinosum (idemque dulce) solum tactu cognoscitur. *manibus iactata*, versata, tractata, trita, *fatiscit*, atteritur, ut abeat in arenulas, solvatur in pulverem arida facta. vid. Ge. I, 180 ibique Not. *ad digitos lentescit*, lenta adhaeret digitis, *habendo*, dum manibus habetur: ut Aen. XII, 88 *aptat habendo Ensem*: ut haberi possit ab eo; ut capiat manu. *habendo* passive, ut Lucret. I, 313 *Annulus in digi-*

*to subtertenuatur habendo*, dum habetur, tractatur. Ad rem cf. Plin. XVII, 4, s. 3. Colum. II, 2, 18 laudato hoc loco.

251. 252. 253. Humidum solum prodit se herbis nimium luxuriantibus. *ah nimium ne*. Egregia variatio eius, quod simpliciter efferrent nostri homines: *quod terrae genus nemo sibi optet*. Similis inversio Ge. I, 456 *Non illa quisquam me nocte per altum Ire iubeat*, ubi vid. Not. Rem vid. apud Plin. l. l. *primis aristis*, pro, herbis surgentibus, ut Serv.

254. 255. 256. Solum grave

Et quis cui color. At sceleratum exquirere frigus  
Difficile est: piceae tantum taxique nocentes  
Interdum, aut ederae pandunt vestigia nigrae.

His animadversis, terram multo ante memento

256 *Et quisquis color.* at edd. Aldd. primae et hinc profectae, et sic Medic. a m. sec. et plerique omnes; etiam nostri. Defendit hoc Servianorum auctor. *Seu quisquis* ed. Ven. *Et quis cui cive color* Romanus. *Et quis cuique color: at sceleratum*, ut est in Medic. a m. pr., in aliis ap. Pierium, et in uno Mead.; et cum versum labefactum viderent, *color* mutato in *colos*, quemadmodum Pierii Mediceus habet, aut excluso *at* lectum esse in antiquis libris, patet e Servianis, Zulieh. et uno Arundel. Scilicet *Et quis cui color*, quod Naugcrius Ald. tert. adseiverat, inde Manut. Commelin. Pulmann., vera lectio; reperitur illa in Mentel. pr. a m. pr. *cui*, pro cuiunque, vid. Burm. (*quis cuique* prior, *quisquis* altera lectio Medicei. Recte utique *Et quis cui color* editur, quae est etiam Palat. lectio. Alienus est locus a Burm. ad illustrandum hoc dicendi genus ex Livio allatus. *Cui* dictum pro *cuique*; sic interdum *quis* pro *quisque* post relativa; rarius illud quidem apud antiquiores, crebrius apud inferioris aetatis scriptores. Tacit. Annal. II, 26.: „Addidit munificentiam Caesar, quantum quis damni professus erat, exsolvendo.“ IV, 23.: „ipsaque e provincia, ut quis fortunac inops, moribus turbidus, promptius ruebant.“ *Wr.*) 257 *tantum piceae* Moret. sec. 258 *haut* Medic.; in eodem *pandunt* primae duae litterae in litura a m. rec. an ille *pangunt* habuit? 259 *His etiam adversis* Ven., at vid. inf. Georg. III, 123.

an leve, nigrum an alio colore, ipso oculorum usu cognoscitur. *tacitam se prodit*; poetica ratione, vulgo diceret, *tacite*; at, pro adverbio *tacita* prodit se terra, argutius *tacitam se*. Cf. Colum. II, 2, 15 sq.

256—258. Frigida terra ad cognoscendum difficilis est. *sceleratum* pro noxio, ut venenum. Ita *impius*; adeoque detestabilis, execrandus. Ita saepe ipse Maro. Aen. III, 60 *scelerata terra*. VII, 461 *sc. insania belli*. add. II, 231. XII, 949. Subest sane notio reatus ex scelere, caede et sic porro: verum, ubi de poeta et de epitheto quaeritur, in etymo non licet haerere, ita ut sit solum, quod enecat. *Taxi* aut certum genus intelligendum, aut alio sub caelo magis noxia eius natura esse solet. De ea, item de *hedera nigra*,

multa loca congestit Cerda. cf. Martin. *pandunt vestigia*, indicia praebent frigoris. nisi ad radices referas, quibus solo sunt affixae, ut adeo dictum sit pro simplici: ibi crescunt. *Vestigia* pro pedibus, plantis, radicibus, figuntur, extenduntur, panduntur. Ita ut acciperet, inducebatur Wakefield versu Lucretiano lib. V, 912 *Aut hominem tanto membrorum esse impete natum, Trans maria alta pedum nixus ut pandere posset*. Verum poetae consilium, sententiae tenor, et similia, quae antecesserant, vs. 241 *tale dabit specimen, promptum est praediscere*, firmant priorem interpretationem.

259—262. Transit ad *vinearum sationem*, de quibus copiose agit ad v. 419, etsi multa interposita sunt, quae vitibus com-



Excoquere, et magnos scrobibus concidere montis, 260

Ante supinatas aquiloni ostendere glebas,  
Quam laetum infodias vitis genus; optuma putri

260 *circumdare montes* Romanns. et omittit Medic. Pierii, quod placebat Martino, qui et malebat *magnis scrobibus*. Omissum et in edit. Cuningh., quod idem malebat Cort. ad Plin. VII epp. 4. Scilicet quia alioqui in tertio membro copula desideratur: *Ante supinatasque*. Iac. Bryant acute: *Atque supinatas aquiloni* emendat; quod equidem praeferam. (Non recte et omitti volunt; vid. Q. V. XII, 15.; et in tertio membro ob repetitum *ante*, de quo vid. Ecl. I, 70. Not., copula non desideratur, ut infra vs. 294. sq.: „multosque nepotes, Multa virum volvens durando saecula vincit.“ *Wr.*) Cum de collibus agatur, *magnos* non bene memorari montes facile sentias. Placet itaque quod Martinus malebat: *magnis scrobibus*. (Bene *magnos*. Qnam late pateat mons, totum scrobibus concidendum praecipit poeta, nec parcendum labori. — *montes* Medic. *Wr.*) 261 *extendere* Moret. alter, male. vid. Not. 262 *lentum* Zulich. et Leid. alter cum Goth. sec., perpetua variatione, inprimis in vite. v. Ecl. III, 38. *laetum* hic verum. Multa enim praecipiunt huius sationis auctores de eligendo fecundissimo et probatissimo stirpis genere. vid. Colum. III, 6.

munia sunt cum aliis arboribus: cf. Plin. XVII, s. 14. 16, et primum quidem *de faciendis scrobibus*; sed quam pulcre et ornate hoc praeceptum tribus his versibus 259 — 261 proposuit! Arbitror autem ante oculos habuisse poetam Xenoph. Oecon. cap. XVI, 11 sqq., et Theophr. de Caus. Plant. III, 5. De vitium cultura inprimis videndi Columell. lib. III. Geopon. lib. V. Plin. XVII, 35 sq. Serendarum vitium tres sunt modi: aut in pastinato (agro in totum fosso, quo mox ferramento bifurco, pastinum dicitur, defigitur surculus) aut in sulco aut in scrobe: Plin. l. l. 35, 7. Colum. III, 13, 1. Pallad. II, 10 pr. *Excoquere*, *πέπτειν*, *πεπαίνειν*, macerare, adeoque excoquendum dare, ut Burmannus bene monet, sole, gelu, pruinis: ut ap. Colum. XI, 3, 13. Iam *concidimus terram scrobibus*, dum scrobes crebros facinus, incidimus in ter-

ra; *concisam fossis Aegyptum* e Iustino II, 1 laudat Burmann. Cum autem vineae in collibus fere plantentur, *montes* memorat poeta. Facit tamen mirationem epitheton *magnos*. (vid. V. L. *Wr.*) Alia ratio videtur iniri ab aliis, ut *montes* sint egesti e fossa colliculi soli: ac si esset, excidere. *glebae supinatae*, terra ligonibus inversa. *aquiloni ostendere*, exponere, ut flanti perviae sint. Hesiod. "Egy. 612 τότε πάντας ἀπόδορε οἷκαδε βότρυς. Δεῖξαι δ' ἡελίῳ δέκα τ' ἡμᾶτα καὶ δέκα νύκτας. Nemesian. Cyneg. 208 *tepidoque ostendere soli*: hunc et Stat. Theb. VI, 90 *lucos ostendere Phoebo*, iam laudavit Burm. Habuit etiam hunc locum in animo Colum. X, 74 — 76. Causam coquendi soli apponi puta vs. 262. 263. Nam optimus vineis serendis ager *putris* seu resolutus et tener est; vid. ad v. 204; *putris* autem fit ventis,

Arva solo: id venti curant, gelidaeque pruinae,  
Et labefacta movens robustus iugera fossor.

At, si quos haud ulla viros vigilantia fugit: 265  
Ante locum similem exquirunt, ubi prima paretur  
Arboribus seges, et quo mox digesta feratur,  
Mutatam ignorent subito ne semina matrem.  
Quin etiam coeli regionem in cortice signant:

### 267. FERATUR;

263 *curent* Voss. pr. *gelidueve* unus Arundel. 265 *Ac si* Medic.  
*aut* duo cum Goth. sec. et Erf. *surgit* Vratisl. 266 *exquirant* Leid.  
unus. 267 *degesta* Mentel. pr. Moret. sec. Rottend. tert. a m. pr. *ege-*  
*sta* Menag. sec. et Bodlei. vid. sup. v. 54. *ferantur* Goth. pr. (*feratur*  
bene defendit Iahnus contra Vossium, *seratur* scribentem; vid. etiam  
Heyn. in Not. *Wr.*) 268 *Mutata* tres apud Burm., quinque apud Mar-  
tin. et vett. edd. multae, Pierio et Martino testibus: nec non Goth. pr. a  
m. pr. (et 2. 3. 5. 11. 12. *Wr.*), quod et ipsum bonum esset. sup. 50 *ta-*  
*men haec quoque si quis* — *scrobibus mundet mutata subuctis*. (sed ita  
tale verbum, quale *desiderent*, non *ignorent*, requireretur. *Wr.*) *igno-*  
*rant* Moret. duo. (*norint* coni. Dorph.; sed *ignorent* bene interpretatus  
est Heyn. *Wr.*) *subito ignorent* Menag. pr. *neu* unus Arundel. *nec* unus  
Mead. Locum Calpurnii II, 50 hinc expressum *succos ne forte priores*  
*Lunguida mutata quaerant planturia terra*: et Colum. X, 153 *sicco ut*  
*consuescat pulvere plunta Nec mutata loco siccis exhorreat aestus*: iam  
laudavit Burm. 269 *signat* ed. Iunt.

pruina et opere. 264. *iugera*  
*labefacta* pulcre pro terra vi-  
neae, quae pastinatur, seu per  
totam vineam pastino foditur:  
fodiendo enim movetur, concu-  
titur, mollitur.

265—268. Diligentiores pa-  
tresfamilias in seminario (plan-  
tarium ac vitiarium etiam vo-  
cant) educant vites, quas deinde  
in vineam transferant. Conf. Co-  
lum. III, 4 et 5. Geopon. V, 3.  
266: 267. *Arbores* h. l. pro viti-  
bus; ut ex tota oratione patet:  
etsi ceteroquin etiam aliarum ar-  
borum seminaria sunt. Curant  
illi, ut locus, *ubi prima paretur*  
vitis *seges*, h. seminarium vi-  
tium, simili ingenio ac natura  
sit, quam locus, quo mox di-  
gesta *feratur*, nota loquendi

forma, ut alterum in partici-  
pium mutetur, ut v. c. inf. 318  
*concretam radicem adfigere ter-*  
*rae*. h. transferatur et digeratur,  
sive vitiarium. In sermone pe-  
destri diceret: locum similem ei,  
quo mox feratur. *Seges*, quia  
*semina* dicit et *serere* communi  
vocabulo, quo et scriptores rei  
rusticae de vineis plantandis  
utuntur; sic et *στέματα*, et  
*στέλγειν*; adeoque *seges* est sur-  
culorum. Eadem ab agri cultu-  
ra petita ratione paullo ante,  
*arva*, *glebas*, *iugera*, de vi-  
neis dixit, ut a vulgari sermone  
recederet poetica oratio. *Satio-*  
*nis autem duo genera*, *malleoli*  
*vel viviradicis* Columella III, 14,  
2; haec sunt *semina*. 268. *Mu-*  
*tatam subito matrem*, novam,

Ut, quo quaeque modo steterit, qua parte calores  
270

Austrinos tulerit, quae terga obverterit axi,  
Restituant; adeo in teneris consuescere multum est.  
Collibus, an plano melius sit ponere vitem,  
Quaere prius. Si pinguis agros metabere campi:

270 *Et* Gud. a m. sec. *steterint* — *tulerint* — *obverterit* Medic. *colores* idem a m. pr. 271 *quae terga* Heins. revocavit, quod omnes superiores edd. obtinebat; inde a Pulmannianis invaluerat *qua*, quae communis esset ratio; forte ea non lectio, sed sphalma librarium. *quae et* fragm. Moret. *cui* vel *quoi* coniecerat Heins. *terra* unus Mead. *obverteret* Mentel. pr. Goth. pr. *avertit* Leid. pr. 272 *in teneris* Medic. et meliores. *a teneris* alii, ait Heinsius: nec tamen vidi sic editum, aut lectum; nisi quod Pierius praefixum habet tamquam ita in edito, quo utebatur, lectum. At excitari solet a Grammaticis *a teneris*, et est illa varietas in Quintil. I, 3, 13, ubi versus laudatur: ut omnino Grammaticos vulgo *a teneris* laudasse probabile sit. *a teneris assuescere multum* Schol. Horat. Carm. III, 11, 9. *mansuescere* fragm. Moret. *multum* 'st Rom. Pierii. 273 *aut plano* Zulich. *vitem* Heins. e Medic. et alii. *vites* vulgo. *sit quaerere vites* ed. Ven. 274 *Si* Medic. a m. sec. additum. *agris metab. campos* Gud. *mercabere* pro var. lect. Moret. pr.

ignotam, terram. *ne ignorent*, adeoque nec adsuescant, nec in ea proficiant, nihil ferant.

269 — 272. Provident quoque, qui vites plantant, ut restituant unamquamque eodem situ, cardinum caeli ratione habita, quo in seminario steterat. *quaeque* paullo altius ad *arbores* v. 267 referendum. Colum. V, 6, 19. 20 hunc locum in animo habuit. De arboribus omnino eadem ap. Plin. XVII, s. 16. *avi*, polo septemtrionali; vi appositi. Signatur in planta meridiana caeli pars in cortice, ut translata vitis eadem parte austrum spectet, adeoque a tergo septemtrionem habeat.

273. 274. Ut vulgo haec accipiuntur, sitne melius vineam in colle, an in campo facere? hiat oratio: nec enim locus esse videtur huic quaestioni; et utrumque et recte fit, et fieri

potest, et quamquam *campi largius vinum*, *colles nobilius ferunt*. Pallad. I, 6, 7. Geopon. VIII, 1, quod tamen hic subiicitur, nihil ad hoc facit. Sed dilectus ratio, pro caeli, regionum et tractuum diversa natura, variare, et ea dubitatio existere potest, sub hoc vel illo caelo, in tali vineae situ, aut in certo genere vitium, quod habeas, utrum potissimum facere conveniat, campestre an collino solo vineam serere. Ergo antequam vitem ponis, plantas, considera, utrum illa laetius in loco plano, an in colle, proventura sit. Colum. III, 1, 5 *Exploratum tamen habebit prudens agricola gemis vitis habile campo*, quod *nebulas pruinaeque sine noxa perfert*; *colli*, quod *siccitatem ventosque patitur*. conf. Plin. XVII, 22, sect. 35, 16.

274 — 277. Iam, si in plano



Densa sere; in denso non segnior ubere Bacchus. 275  
Sin tumulis adclive solum collisque supinos:  
Indulge ordinibus, nec secius omnis, in unguem

277. ORDINIBUS. NEC OMNIS IN

275 *Bacchum* Goth. pr. 276 *adcline* Medic. a m. pr., nec tamen a Fogginio notatum. (Nempe Fogginio teste et Freytagio *aclive* exstat in Mediceo, *d* superscripta. *W*r.) *humilis* idem a m. pr. *proclive* Moret. quart. *supini* Nonius in *indulgere*, et Parrhas.; et potest defendi. *Qui tumulis* Goth. sec. 277 *setius* Medic. Gud., uterque Mentel. Erf. a m. pr. et alii. *segnius* Rottend. et unus Bodlei. cum Erf. a m. sec., solita variatione. *serius* Arundel. De perpetua in hac voce varietate scribendi vid. Heius. ad Ovid. Met. II, 809. inf. Aen. IX, 441. V, 862. Antiquior utique est scriptura *setius* et *secius*. A *sequius* tamen vel *secus* ducere, syllabae primae quantitas vetat. Puto *secius* a *se*, pro *sine*, ductum esse; et formatum ut, *ocius*. Alii in seqq. distinguunt et interpungunt hoc modo: *Nec secius — quadret: Ut saepe — Mars errat in armis. Omnia — ut sit nec secius ut pro non secus ac: sint arbores in quincuncem positae*, ut legio cohortibus per manipulos dispositis. (Heynius: *ordinibus. Nec secius omnis in — — positis secto* etc. Haud levis hic nobis obiicitur difficultas, multo illa quidem gravior, quam visa est superioribus editoribus. *Non secius* idem fere, quod *non minus*. Huic *non secius* eam interdum inesse, quam h. l. vult in Not. Heynius, significationem *item, etiam*, non nego. Verum haec sunt transeuntis ad alia. Sed tale quid minime convenit huic loco, ubi non novum quid affertur, sed illustratur, quod modo praecesserat, *indulge ordinibus*. Vossius, quem Iahn. sequitur, leniore post verbum *quadret*, plena autem in fine vs. 283. interpunctione posita, iungit *Nec secius — ut*. Sed exempla ab illo laudata rem minime faciunt. Nam *secus — ut*, quod ex Horat. Od. III, 25, 8—12. affert, a Bentleio e codd. in *secus — ac* mutatur. Quod autem e Plauto idem excitat *pariter — ut*, demonstrandum erat, etiam aureae aetatis scriptores sic locutos esse. Plus habent ponderis exempla a Bachio ad Tibull. IV, 12, 2. allata, Horat. Od. I, 16, 7—9.: „Non Liber aequae — Tristes ut curae.“ Plin. Epist. I, 20, 1.: „cui nihil aequae in causis agendis, ut brevis placet.“ At si probum *aeque — ut, secus — ut, pariter — ut*, num inde consequitur, etiam *secius — ut* Latinum esse? Cre-

vineam facis, densas, sin in colle, raras plantato vites. In praeecepto hoc variant scriptores: qui hos consulere voluerit, adeat Notam Cerdae ad 275. *Metari agros*, finiendo, h. l. de eo, quod consequitur, intellige, nempe vineam instituere, facere. 275. Haec aut sic accipi possunt: *in denso ubere* (v. 234) *non segnior Bacchus est*; h. in solo denso (cf. 229) vini non minus laetus proventus, etiamsi nimirum *densa*, h. dense, plan-

tes: aut, *in denso*, h. e. cum, minoribus spatiis relictis, densae ponuntur vites, *Bacchus non segnior ubere*, h. ubertate est, scil. si in pingui solo vineam facis. Alterum hoc verius habendum. At *in densa ubertate* vix latine dicitur. (*densum uber* est uber, solum densum vitibus, ex contextu, ut *litus densum* est densum arenis, Ovid. Met. II, 576. *W*ch.) *segnis* de proventu vid. Not. ad Ge. I, 151. Ceterum hic manifestum sit, So-

Arboribus positis, secto via limite quadret.  
Ut saepe ingenti bello quum longa cohortis

278. POSITIS S. 279. SAEPE,

dam, si quis mihi persuaserit, *minus* — *ut, magis* — *ut*, esse non soloeca. Nam apud Propert. I, 15, 7. sq.: „Nec minus Eois pectus radiare lapillis, ut formosa, novo quae parat ire viro;“ *Nec minus* est transeundi formula, et valet *item*. Sed demus hoc quoque Vossio: at, quum ita necesse sit, in fine vs. 283. plene interpungi, non est ferendus vs. 284., ita idem repetens praeceptum, ac si non praecesserit idem. Quae quum ita sint, unam hanc viam relictam video, ut ita haec distinguamus: Indulge ordinibus, nec secius omnis, in unguem arboribus positis, secto via limite quadret. i. e. nec secius, s. nec minus, quam arbores in unguem, i. e. accurate, s. in quincuncem, posita, quadrent ac digerantur vites. Itaque haec est poetae sententia: non minorem in vitibus, quam iu arboribus, disponendis adhibendam esse curam. Et ablativum rei comparatae voc. *secius* adiungere haud dubitat Heins. ad Ovid. Met. II, 809. Aliam horum verborum explicationem tentavit Vir Doctus in Seebodii Nova Bibl. crit. T. VIII. Vol. II. p. 1192. sq., cuius sententiam, quam non satis perspicio, servatis ipsius verbis propono: „pflanze man die Reben auf Abhängen, oder im Blachfelde, dicht oder weit; gut, nur halte man Reihen und sehe mit eben der Sorgfalt auf den Haupt- und Kreuzgang: non minus indulge viae secto limite.“ (Wr.) 278 *saepto* Medic. a m. pr. Fuld. et cod. Ursini in Servio, sed recte *secto* adstruit exemplis Burm. (*septo*, sic, prior Medic. lectio. Wr.) *facto* Goth. sec. (et Serv. Dresd. Wr.) 279 *ingenti in bello* unus Arundel. (Eieci comma, quod erat post *saepe*. Aen. I, 148.: „Ac veluti magno in populo quum saepe coorta est Seditio.“ X, 723.: „stabula alta leoc eu saepe peragrans.“ — *cohortes* Medic. Wr.)

cratis disputationem Virgilii animo insedissee Xenoph. Oecon. cap. XVII, 8—11. 276. *Sin* metabere *solum adclive tumulis*, quia in tumulo situm est, ad tumulum adsurgit. 277. *Indulget ordinibus* et is, qui simpliciter facit ordines, et is, qui laxiores ac rariores facit, magnis spatiis relictis, ut delectari quasi iisdem videatur. Bene Servius: „ordines effice largiores.“ 277. 278. *Nec secius*, h. item, porro, etiam, *arboribus positis* (h. vitibus; nisi de arboribus cogites, quibus maritantur vites), *omnis via quadret in unguem*, ad unguem (quod proprie de superficie laevi dicitur), *viae*, h. e. ordines, exacte convenient, con-

gruant (pro simplici, parentur), *limite secto*, linea ducta, quae ordines facit. Scilicet posteriora haec poetica copia accedunt. *Limitem* ad transversam viam refert Martinus, nimis subtiliter. Item non quincuncem, sed quadratum ordinem respici monet: quodsi ex voc. *quadrare* ducere voluit, recte reprehenditur; ut bene Voss. ad h. l. docet. Plin. XVII, 11, s. 15 *In disponendis arboribus arbustisque ac vineis quincuncialis ordinum ratio vulgata et necessaria, non perflatu modo utilis, verum et ad spectu grata, quoquo modo intueare, in ordinem se porrigente versu.*

279—283. Iubet ordines vitium esse pares. Splendida com-

Explicuit legio, et campo stetit agmen aperto, 280  
 Directaeque acies, ac late fluctuat omnis  
 Aere renidenti tellus, nec dum horrida miscent  
 Proelia, sed dubius mediis Mars errat in armis:  
 Omnia sint paribus numeris dimensa viarum;  
 Non animum modo uti pascat prospectus ina-  
 nem; 285  
 Sed quia non aliter vires dabit omnibus aequas

280 *Explicit* Iunt. *regio* Menag. 281 *Directae* Romanus, Medic. cum multis, ut mox *demensa* v. 284. *lato* Ven. *at* unus Mead. *et* edd. vett. *fulgurat* tentabat Io. Schrader. 282 *renitenti* multi. *nitenti* Vratisl. *nedom* Zulich. *misit* Mentel. a m. pr., librariorum quisquillae. At Wakef. ad Lucret. V, 504 ubi pro *commiscet* e libris eruerat *commisci*, cum in Virgilio locum circumspexisset, ubi idem locum haberet, scribere iubet h. l. *miscit*. Etsi antiqua forma esse potuit, *misco*, *miscere*, ut in aliis; forte ex *μίσγω*, pro *μίσω*, *μυγνύω*. *Miscet* ut ad Martem trahatur, per se bene se habeat; sed quorsum mutes vulgatum, quod et ipsum bene se habet? 283 *mediis dubius* Rottend. alter. (*demensa* Medic., et sic alii complures apud Heins.; etiam 2. 4. 5. *Wr.*) 285 *ut, pascat, prospectus* librariorum errores vid. apud Burm. Porro ex Mediceo laudat Heins. *inani*, ut sit pro inanitate. Verum, si hoc legeretur, esset potius explicandum in aere, cado, ut *inane* apud Lucret. et Virgil., ut Ecl. VI, 31. Fogginius tamen excudi curavit *inane*. (adicta tamen lineae transversa, ut existat *inanem*. *Wr.*) Ex simili scriptura *profectum*, quod Voss. habet, *inane*. Burmannus e Britanno codice laudat *prospectus inanis*; Martin. nullam variationem notavit. Est illud etiam e coniectura docti Britanni propositum Obs. misc. Vol. I, T. I pr. facile firmanda ex Aen. I, 463 *animum pictura pascit inani*. Equidem, si vel codices hoc haberent potiores, alterum vel unius codicis auctoritate tuerer, tamquam exquisitius et poeticae rationi convenientius. Epitheta ita permutari ad maiorem orationis venustatem quis non observavit? *animus inanis* est eius, qui prospectu inani pascitur; ut *animus vanus* eius, qui vana sequitur. Transferri scilicet talia in nostrum sermonem nequeunt. Nam vanus et ieiunus animus h. l. intelligi ac reddi non debebat. In Misc. Obs. IV, pag. 344 Vir Doctus (I. Iortin.) *animum inanem* interpretatur vacuum, otiosum, ex Georg. III, 3; at vereor, ut hoc fieri possit. (— 286. *viris* Medic. *Wr.*)

paratio, quacum dudum contulere Lucret. II, 323 — 332. cf. loca Homerica Odyss. ξ, 267sq. Iliad. τ, 362sq. *longa*, eo ipso, quod se explicat. *late tellus fluctuat aere*, pro eo, quod aes in tellure, h. arma, armorum fulgor, fluctuat, coruscat, dum moventur passim arma et convertuntur. Sic *undantes segetes, flamma, fumus. renidenti* ex Lucret. l. l. 328. *mediis in*

*armis*, inter duo exercitus. *Mars errat dubius*, egregie, cum incertum adhuc est, ab utra parte et quando pugna initium habitura sit. Nam de eventu pugnae dubio hic non quaeritur. 284 — 286. *paribus numeris*, Colum. *ordinetur vinea paribus intervallis*. Iubet igitur Maro ordines vitium serere pares, non modo delectationis caussa, quam animus ex prospectu capiat, ani-



Terra, neque in vacuum poterunt se extendere  
rami.

Forsitan et, scrobibus quae sint fastigia, quaeras.  
Ausim vel tenui vitem committere sulco:

Altior ac penitus terrae defigitur arbor; 290

Aesculus in primis: quae quantum vertice ad auras  
Aetherias, tantum radice in Tartara tendit.

Ergo non hiemes illam, non flabra, neque imbres  
Convellunt; inmota manet, multosque nepotes,

287 *se a Rom. abest*; et hunc loquendi modum amare Maronem, notat Heins. ad Aen. II, 207. *nec idem Rom.* 289 *vel Remi* ed. Ven. conf. Burmann. *ter tenui* unus Mead. 290 *Altius* vulgo. At *Altior* e Medic. Heinsius; eodem sensu, sed exquisitiore usu; qui Martinum h. l. fugiebat. (vid. Q. V. XXXIII, 2. *Wr.*) Sic et nonnulli apud Pierium. *Altior* at coni. Iac. Bryant. (vid. Q. V. XXXV, 15, a. *Wr.*) *arbor* scripti constanter. *desiditur* Voss. pr. *defingitur* Goth. sec. 291. 292 iidem vss. Aen. IV, 445. 446. 292 *radicem* Medic. et Rottend. tert. Parrhas., non male. (sed *vertice* praecedat. *Wr.*) Eadem varietas Aen. IV, 446. *ad Tartara* Ven. 293 *nec fl.* Arundel. 294 *Convellent* Parrhas. *nepotes* Heins. e Medic. et Vaticano veterrimis reposuit. *multosque per annos* vulgo ubique, quod et Nonii Marcelli editiones agnoscunt. (mira sane discrepantia, ni appareat, fontem esse, unde ista fluxerint, Ge. IV, 208.: „immortale manet, multosque per annos“ etc. vid. notata ad Ge. IV, 4. *Wr.*) conf. sup. v. 58. Iul. Sabinus: „*nepotes*; vincit longam posteritatem nepotum. Sic intelligendum putat Apronianus.“ Non video, quid in hoc singulare sit Aproniano. Sed Aproniani lectionem eam esse, notare voluit. Iungi sane et distinguere potest non uno modo. Non male faciat qui sic constituerit: *multos nepotes, multa virum saecula vincit durando, volvens* sc. ea saecula,volvendo, s. saecula quae volvuntur, volvunt se. (sic recte; Heynius post *saecula* inciderat. *Wr.*)

*mus inanis*, pro animo eius, qui inanem voluptatem e prospectu capit; qui probat rem, quae tantum ad voluptatem facit, nullam utilitatem habet, quae patrifamilias proposita esse solet. 287. In tenui oratione tamen poeticae indoles elucescit. Nam in prosa fuisset: *sed ut terra det* etc. *vires dabit aequas*, pro, aequae suppeditabit alimenta, succum; tandem addito, *in vacuum*, in aerem.

288. De altitudine scrobium in plantandis vineis et arbustis. Sintne scrobes in profundum agendi, quaeritur. vid. Colum.

III, 13, 2. IV, 1 pr. de Arb. 4, 3. Geopon. V, 12, 19. *fastigium* pro profunditate e re rustica petitum, vid. Indicem AA. de RR. Rationem habet eam, qua profunda *alta* dicuntur. 289. *sulcus* pro scrobe. Mensuram ipsam suppeditant Plin. XVII, 16, 22, s. 35, 7. Colum. III, 13 et 15. Adde Xenoph. Oecon. c. XIX. Est autem vitis ἐκ τῶν ἐπιπολαιοῦσῶν. vid. Theophrast. de Causs. Plant. III, 5.

290. At arbores, quibus vires iugantur, altius in terram et penitus defigendae sunt; agitur enim de opera vinitoria; non de

Multa virum volvens durando saecula vincit; 295  
Tum fortis late ramos et brachia tendens  
Huc illuc, media ipsa ingentem sustinet umbram.

Neve tibi ad solem vergant vineta cadentem;  
Neve inter vites corulum sere; neve flagella

295. SAECULA, 299. NEVE FL.

296 *brachia pandens* Gudian. et Leid. a m. sec., ut Aen. VI, 282, et antecesserat modo *tendit*, observante Heius. Sed *tendens* Donat. ad Terent. Phorm. I, 2, 56, Burmann. (*Tam fortes* e coniectura scripsit Voss.; vid. Q. V. XXV, 6, c. *Wr.*) 297 *ipsam* Arundel. 298 *vertant* ed. Ven. 299 *corylos* Reg. Martini.

natura arborum: tum esset *defigitur*, defigit se. 291—297. Ornatum poeta ex aesculi, quae ex quercuum genere est, descriptione quaerit. Illa: *quae, quantum — in Tartara tendit*, iterum leguntur Aen. IV, 445. 446 de quercu; adumbrata ex Hesiod. Theog. 720 sqq. At ex nostro Valer. Flacc. I, 580. 581. Respicit h. l. Plin. XVI, 31, sect. 56. 294. Optime ita iunges: *multos nepotes durando vincit*, h. vita superat, *multa virorum saecula volvens*, exigens. (meliora vid. in V. L. *Wr.*) Recte Cerda notat, variasse Maronem eo flexu versum Lucret. I, 203 *Multaque vivendo vitalia volvere saecula*. et III, 961 *Omnia si pergas vivendo vincere saecula*. (*virum saecula*, i. e. hominum aetates; vid. Liv. IX, 18. med. *Wr.*) 297. *sustinet* pro vulgari *efficit*, *reddit*; sed ornate, nam simul ramorum magnitudinem declarat poeta, oneris notione adiecta. (proprie dictum videri *sustinet*, probat Q. V. IX, 3, VII, a. De vi pronom. *ipsa* vid. Q. V. XVIII, 2, n. *Wr.*) Sunt igitur duo, quae radicum altitudine efficiuntur,

primo, quod arbor firma et diuturna est, secundo, *tum*, quod ita truncum habet satis validum ad ramos latissimos sustinendos.

298. De situ vinearum: de quo dissensus fuit inter veteres. Colum. III, 12, 5 *caeli — cuius regionem quam spectare debeant vineae, vetus est dissensio — Virgilio de industria occasum sic repudiante*: Neve tibi ad s. Plinius XVII, 2 med. *Virgilius ad occasum seri damnavit*. Ubi vid. quae sequuntur.

299. De arbusto, h. vitibus arboribus iugatis. Plin. XVII, 24, s. 37 *Necant invicem inter sese, umbra vel densitate, atque alimentum rapina — vitis — odit et corylum; ni procul absint, tristis et aegra*.

299. 300. *flagella* sunt vitium minorum sarmentorum capita, in quibus uva nascitur; maiora capita sunt palmae seu palmites. Varr. I, 31, 3. Cum ipse vinearum colendarum rationem haud calleam, apponam verborum sententiam, una cum iudicii eorum, qui ipsam artem profitentur. Aut utrumque, *flagella summa petere*, et *plantas summa ex arbore destringere*,

Summa pete, aut summa defringe ex arbore plantas; 300

### 300. DESTRINGE

300 *Summa puta* coniecerat Heins. Sed vid. Burm.; nec de putatione hic agitur. *defringe* Medic. et ceteri praestantiores magna ex parte; sic Romanus et pars Pierianorum, duo codd. et vett. edd. apud Martin. et uterque Goth. cum Erf., quo alludit *haud summa defringe* ed. Ven., idque vero propius esse existimabat Heinsius. Idem tamen *stringere* copiose illustrat. At Burmannus, si recte eius verba accipio, illam lectionem non probabat; non enim sarmenta sunt manu frangenda, sed ferro acuto abscindenda; Varro I, 40 *et quae de arbore transferas, ut ea deplantes potius, quam defingas*. Enimvero id alienum ab h. l. Utrum utrum legas, *destringe* et *defringe*, idem est, quod *pete*, *sume*. Potest autem *destringi* et id dici, quod ferro abscinditur. Porro *distringere* in aliis. (Lectionis *distringere* — *destringere*? — admodum dubia fides. *Defringe* etiam Potterii codd. omnes et uterque Lips., idem notae Serv. praescriptum. Et qui *destringere* praeferebant, iis primum docendum erat, *destringere* dici de auferendo surculo. At *stringere*, *destringere*, ex usu constanti valet: folia, fructus, decerpere, tum omnino auferre aliquid de superficie; nostrum *abstreifen*, *ablauben*. At negat Vossius *destringi* surculos, sed *resecari*; hinc *destringe* genuinam esse lectionem. Verum aperte opponuntur *abstringere* et *ferro amputare* apud Colum. V, 6, 17.: „quidquid frondis enatum fuerit, alternis annis aut ferro amputare, aut *astringere*, ne nimia umbra viti noceat.“ *Astringere* enim h. l. non esse i. q. *adstringere*, ut Gesner. in Thesauro autumat, sed i. q. *abstringere*, ex ipsa verborum collocatione perspicitur. Nam *adstringi* frondes nulla causa est quare non singulis quibusque annis, sed alternis, voluerit Columella. Contra *defringe* defenditur verbis Varronis ab Heyn. laud. Hacc enim si tanquam contraria ponere voluisset Varro: manu frangere et ferro *resecare*: non usus esset *deplantandi* verbo, quod si forte non excludit, certe non proprie adiunctam habet ferro abscidendi notionem, ac, nisi fallor, omnino eam auferendi surculi rationem denotat, qua cavetur, ne arbor ipsa et cortex violentius laeda-

unum idemque est, aut sunt duo diversa. Si utrumque praeceptum eandem rem declarat: surculos, quos defigere velis, non ex superiore vitis parte petendos esse ait: melius enim proveniunt surculi, ex inferioribus vitis partibus sumti: *Tantus amor terrae*, adeo magna, notabili aliqua consuetudine teluris tenentur illae inferiores partes, ut laetiores ubertatem ab iis, quam ex summis partibus, expectare possis. At alii cum Martino ad duo praecepta locum redigunt: alterum, quod posteriore loco memoratur, sur-

culos ex summa vitis parte non esse petendos: *aut* (nunc erit pro *nec*) *summa destringe ex arbore plantas*; alterum: ipsorum surculorum summam partem esse aspernandam: *ne flagella summa pete*, h. summam eorum partem, summa cacumina; quae communi vinitorum usu solent recidi et reiici, tamquam parum firma, et dum spongiosa corticis mollitudine humorem nimis facile admittunt, luxuriosa. Cf. Colum. III, 10, 1 — 4 et sqq. Respicit h. l. Plin. XVII, 14, s. 24 *Virgilius e cacumine inseri vetat*; nec tamen poeta tantum



Tantus amor terrae; neu ferro laede retuso

301. NEU

tur. Sic de plantatur, quod exigua vi decutitur, apud Plin. H. N. XVII, 16. extr.: „Et quae cortice nituntur tantum, vel levi aura ocissime deplantantur.“ et ap. Colum. II, 2, 26.: „neve aut cornu bos ad stipitem vehementius offendat, aut extremo iugo truncum delibet ramumque deplantet.“ Itaque apparet, *deplantare* et *defringere* sic differre, ut illud leniorem, hoc paulo violentiorem surculi petendi modum significet. Iam vero is est orationis Varronianae color, ut hoc ipso de fringendi verbo solitam fuisse eam rem designari suspiceris. Itaque non vituperabimus Virgilium, quod de fringendi verbo usus est. Nam aut communem loquendi modum secutus est, aut, si minus proprie locutus videbitur, potuit tamen commode h. l. de fringendi verbum usurpare, quum non de modo, quo, sed de loco, unde auferendus sit surculus, praecipiat. Denique, quod omnem scrupulum ex dubitantum animis eximet, quum non iubeatur, sed vetetur rusticus istud facere: de fringere plantas e summa arbore: nihil obstat, quominus eo uteretur verbo poeta, quod rem sinistre factam indicaret. Itaque revocavi *defringe*. (Wr.) *plateis* Gud. Tandem aut *summa* Heins. post Pierium e Mediceo, Romano et aliis antiquioribus praetulit; cum editum esset *aut summas*, ut in uno Mead et Erf. legitur. 301 Non Moret. fr. Ne Bodlei. *retunso* scribitur in Mediceo et multis etiam Pierianis. *laederet uno* Rom. *laedere tuso* Moret. sec. et Goth. sec., at Reg. apud Martin. *Neu ferro laede vetusto*, et unus Mead. *Neu ferro lege recuso*; librariorum deliciae!

de insitione cogitabat. (De toto h. l. aliter statuo, quam superiores Interpretes. Duo hic proponi praecepta, tum e partic. *aut*, tum e repetito voc. *summa* intelligitur. *Arbor* autem h. l. neque ipsa est vitis; — fallitur enim Heynius, arboris vocabulo interdum vitem denotari putans, ut supra vs. 89. 278.; quod non aliter fit, quam ita, ut voc. *arbor*, tanquam generis nomen, vitem, ut speciem, includat, ut ap. Horat. Od. I, 18, 1.: „Nullam, Vare, sacra vite prius severis arborem;“ — neque *arbor* h. l. ea dici videtur, quae maritata est viti, ut Vossius existimat; qua in ratione minus fortasse displicebit illud „*summa ex arbore*,“ quam ipsa sententiae obscuritas et oratio non satis distincta, quum *summa flagella* et ipsa vocari possint, quae ex *summa ar-*

bore petuntur. Itaque ad simpliciore explicationem redeundum videtur. *Flagella* proprie, ut h. l., vitium extremi ramuli. Quid sit *flagella petere*, ex altera versiculi parte cognoscitur: neu *flagella*, vitium puta modo memoratarum, *summa pete*, quae plantae. *Arbor* h. l. quaevis arbor frugifera; ex ea quoque, ut e vite, media, non extrema, petendas ait plantas. Cuius interpretationis si locupletiore aliquem auctorem circumspicis, en tibi Plinium, hoc ipsum Virgilio praeceptum respicientem H. N. XVII, 14.: „*Oleis circa medias succus: inde et surculi: cacumina sitiunt.* — — Virgilius ex *cacumine* inseri vetat. Certumque est, ab humeris arborum orientem aestivum spectantibus surculos petendos.“ At, inquires, de vitibus modo

Semina; neve olea silvestris insere truncos:  
 Nam, saepe incautis pastoribus excidit ignis,  
 Qui, furtim pingui primum sub cortice tectus,  
 Robora comprehendit, frondesque elapsus in altas 305

## 302. NEVE OLEAE

302 *olea* Medic., quod incommodum esset; non enim hic de insitione agitur. *inserere* hic est interserere. (*Oleas* apud Foggin. et hinc nata haud dubie reliquorum codd. lectio *oleae*. Sigma e proximo voc. *silvestres* adhaesit. Veram lectionem *olea*, quam restitui, quum sententia tueretur, quam explicavi in Notis, tum, praeter Plinium in Not. laudatum, Palladius, manifesto haec ipsa Virgilii verba respiciens, V, 2.: „Nunc locis temperatis, oliva inseratur. — Sed ut oleastro inseras, contra illud, quod ex oliveto insito et casu incenso renascitur oleaster infelix, sic providendum est.“ etc. *Wr.*) 303 *Iam saepe* coni. Heins. *incidit ignis* Ven. *πῦρ ἐμπέσῃ ὕλῃ* Homer. Iliad. 2, 155, sed recte urget Burm. *τὸ incautis*. 304 *fortem* Medic. a m. pr. *tectus sub cortice primum* Zulich. 305 *illapsus* ed. Ven., male, Burm. Georg. I, 244 *flexu sinuoso elabitur anguis*.

agit poeta, non de arboribus. Is ipse est Interpretum error. Primum verba vs. 301. *neu ferro laede retuso semina*, quid iubet de solis vitibus intelligi? tum non recte vs. 302. *insere* pro *intersere* dictum volunt. De vera insitione loqui poetam, clamant vss. 313. 314. Vetat poeta oleae surculos oleastris inseri; incendio enim facile absumi tale arborum; quod si fiat, non sui similes arbores revirescere, sed degenerare rursus in oleastros. De vitibus qui haec accipiunt, videant primum, quam vim habeat illud *similes* vs. 313.; negantur reverti posse; at si non possunt reverti, ineptum erat hoc adiicere: nec sui similes reverti posse. Porro vide inanem ornatum vs. 314. *foliis amaris*. Sed tersa omnia et congrua, si meam sequeris interpretationem: non revertuntur arbores, i. e. non eae, quae modo fuerant, sed dissimiles; infelix, infecunda redit

arbor, non fertilis; hinc etiam optime sibi respondent *similes* et *foliis amaris*. Denique vid. V. L. vs. 302. *Wr.*)

301. 302. De hoc praecepto vid. Colum. IV, 24, 21. 22. 302. *Semina*, surculi, sarmen-  
ta, quae modo *plantae*. 302 — 314. Nec *insere*, s. intersere oleastros inter vites; quia tamquam spissa et pinguis arbor (vid. Theophrast. Hist. Plant. V, 10 *πυκνὸν καὶ λιπαρόν*), facile ignem concipit, et incendio late sparso totam vineam vastat. Male (immo recte! vid. quae disputavimus in Not. ad vss. 299. sq. unde etiam reliqua ab Heynio non satis recte exposita emendare facile poteris. *Wr.*) hic de insitione olearum cogitabat Victor. ad Varron. I, 40, 4. De oleastro oleis interposito Sabinus, perperam. Mirum ad nostrarum vinearum rationem videri debet, in vinea talem pastorum incuriam locum habere potuisse; at in Italiae vineis seu

Ingentem coelo sonitum dedit, inde sequutus  
 Per ramos victor perque alta cacumina regnat,  
 Et totum involvit flammis nemus, et ruit atram  
 Ad coelum picea crassus caligine nubem:  
 Praesertim si tempestas a vertice silvis 310.  
 Incubuit, glomeratque ferens incendia ventus.  
 Hoc ubi, non a stirpe valent, caesaeque reverti

## 312. UBI;

307 *atque alta* Nonius Marcellus agnoscit. *victorque alta* Parrhas. Non vitavit poeta *altas* — *alta* bis dicta. 311 *frequens* fragm. Moret. *furens* Moret. sec. a m. sec., eleganter quidem, sed ab emendatore. *ferens*, flammis et incendia longe lateque spargens, ut Burm. 312 *Haec* fragm. Moret. *Hoc ubi non*: interpunxere alii apud Philargyr. Wakef. ad Lucret. IV, 662 distinguit *Hoc, ubi* ut sit propter hoc, hac de causa, — *infelix superat*. Mox malim: *caesaeve reverti*, (nihil necesse; vid. Q. V. XXXVI, 10. *Wr.*) nec, si vel maxime superiore parte praecisus truncus fuerit, revirescunt. (*a stirpe*, recte hic quidem; alias *ab stirpe*; vid. Q. V. I, 1. *Wr.*)

arbutis te versari cogites. vid. Plin. XVII, 23, s. 35, 22. Ceterum locus ex ornatissimis est. 305. *Robora*, h. truncum oleae. 306. *coelo*, ad caelum, ut 309. *sequutus*, progressus, gliscens. 308. *ruit*, agit, emittit, eiecat. *nemus* pro vineto. Loci pulcritudinem unusquisque facile sentit. Conf. Silius V, 510 — 514 ex nostro expressus; inf. Aen. X, 495 sq. Hom. Iliad. 1, 155 sq. v, 490 sqq. loca laudata iam a Cerda. 310. *a vertice* poetica copia et ornatu adiectum, h. de super, de caelo, *ὑπόθεν*, ut *εἰ δέ κε νῆϊ Τυφώθεν ἐμπλήξῃ δεινὴ ἀνέμοιο θυέλλα*, Arat. Phaenom. v. 423. Sic fere Aen. I, 118 *ingens a vertice pontus* In puppim ferit, ex Homer. Od. ε, 313 *ἔλασεν μέγα κῆμα κατ' ἄκρης*. *ab alto*, Ge. I, 324 et al. Et sic descendunt venti. Haec sunt simplicissima, eaque tenenda. Potest etiam superne incumbens

ventus propterea commemoratus videri, ut in vites, tamquam humiliores, ex oleastris incendium immittat. Ita quidem Cerdam sequenti interpretanda haec esse olim putabamus; sed sunt haec argute, non vere dicta. Burmannus malebat *a vertice*, a tergo, h. a campo vacuo et puro, unde incipit silva, qua parte ventus irruens in totum nemus involvit flammis: *vertex* tamen, etiamsi ad tergum referri possit, id quod in quaque re summum est, aut superiores partes, significat. Servianorum auctor *a vertice*, ab aquilone, interpretabatur (h. a polo arctico), ut Ge. I, 242 *Hic vertex nobis semper sublimis*. Grammatici subtilitas! *silvis* haud dubie de vinea oleastris consita intelligendum.

312. Quod si acciderit, vites quidem revirescere nequeunt, dum interea oleastri novas fron-



Possunt atque ima similes revirescere terra:  
Infelix superat foliis oleaster amaris.

Nec tibi tam prudens quisquam persuadeat au-  
ctor, 315

Tellurem Borea rigidam spirante movere.  
Rura gelu tum claudit hiems; nec semine iacto

### 313. POSSUNT, 316. MOVERI

313 *ima valent reviviscere* Erf. *terras* Medic. a m. pr. 314 *foliis superat* Moret. pr. 316 *movere* omnes, praeter Romanum Pierii et Mentel. pr., qui, cum Nonio in *Rigidus*, habent *moveri*, quod Heins. recepit. Scilicet est haec forma exquisitior etiam quam altera. cf. ad Ecl. VI, 85. (Sed nihil his commune cum illis. Nunquam autem adduci potero, ut lectionem *moveri* a Virgilio profectam esse credam. Primum enim aliud est, *persuadeat moveri*, aliud *persu. movere*; illud ex linguae lege de eo dicitur, quod credere iubemur; quod alienum est ab h. l., certe nimis languidum. Tum Nonii auctoritas, hunc versum non una cum praecedente laudantis, plane nulla est. Itaque e Medic. reliquisque magno numero codd. revocavi *movere*, nihil duorum librorum mendosam scripturam reveritus; quam ne quis tueatur ex Aen. III, 61., cautum est per ea, quae ibi adnotavimus. *Wr.*) 317 *dum* Toll. *tunc* Goth. pr. Rom. (etiam Medic. apud Foggin.; sed vid. Q. V. XXV, 5, b. sub fin. *Wr.*) *nec semina iacta Concretam patitur* elegans est coniectura Reiskii: ita enim tollitur difficultas vulgaris lectionis, in qua deest subiectum, quod adfigat radicem terrae: v. Not. nunc esset: nec gelu patitur semen adfigere radicem terrae.

des agunt, adeoque soli totam tandem vineam obtinent. (Meliora petes ex iis, quae in Not. ad vs. 299. sq. et in V. L. ad vs. 302. scripsimus. *Wr.*) In verbis copia est, nec tamen otiosa: *non valent a stirpe*; h. e. aegrotant et corruptae sunt radicitus et penitus. *caesae*, praecisae, stipite seu trunco combusto acciso, reciso. *superat*, superest incendii calamitati, revirescit. *infelix*, infecundus.

315 — 345. De tempore sendarum vitium vid. Colum. III, 14, et XI, 2, 22. 26. 79. Theophr. de Causs. Plant. III, 4. conf. h. l. Martinus. adde Geopon. V, 6. Primo non esse sationem faciendam flante borea. Plin. XVII, 22, s. 33, 8 *quiesce-*

*re ventos sationis die utilissimum: plerique austros optant, Cato abdicat.* add. XVIII, 34, s. 77, 1. cf. Voss. Tum vere, et autumno vitisationem faciendam praecipit noster: et inter haec in locum de vere excurrit. Nova variatione praeceptum orditur: *ne tibi quisquam persuadeat*; cf. sup. ad I, 456 *Non illa quisquam me nocte* — quod addit, id orationi vulgaris formae fastidium abstergit, *auctor tam prudens*, qui enim suadet, is est auctor; et tellurem borea spirante rigidam *movere*, pro, ut moveas. *Movetur tellus* aratro, rastris, ligone, sarculo; h. l. dum scrobes in superficie sua refodiuntur; nam 258 praecesserat: *terram multo ante me-*

Concretam patitur radicem adfigere terrae.  
 Optuma vinetis satio, quum vere rubenti  
 Candida venit avis, longis invisa colubris; 320  
 Prima vel auctumni sub frigora, quum rapidus Sol  
 Nondum hiemem contingit equis, iam praeterit  
 aestas.  
 Ver adeo frondi nemorum, ver utile silvis;

318 *Concretum* Medic. a m. pr. quod Voss. ingeniose adhibet ad difficultatem loci tollendam, ut *concretum* antiquum vocabulum sit quale in Lucretio est *adhaesum* pro adhacasio, et commode laudat Lucret. IV, 1236 de semine tenui: *locis quia non potis est adfigere adhaesum*. sicque inf. 398 *exhaustum*. Esset adeo: *nec patitur*, semine iacto, *radicem adfigere concretum terrae*; adfigere concretionem; paullo durius et horridius. Habes nunc trinas rationes consulendi versui. 319 *est post satio* meliorum auctoritate sustulit Heins. *viventis satio est* Goth. pr. 321 *rapidos* Gud. *rapidis equis* malebat Heins., at recte Burm. 322 *aestas* scil. si duas anni partes constituas, aestatem et hiemem: ut saepe fit. Interpositum ver et auctumnus. At Wakef. reposuit *aestus*. 323 *frondi est* Medic. Parrhas. (Medic. *frondi e nemorum*; mediae e supra adscripta s. Nemora, ut explicat Voss., arbores plantatae, silvae sponte natae. *Wr.*) Pro *silvis* conieciabat Burm. *suleis*, ne idem bis diceretur. At copia orationis sine synonymis nulla esse potest.

mento — scrobibus concidere.

318. *Concretam*, poetica copia appositum; ita ut cum terra concreseat, dum adfigitur. Claudian. XXVIII, 77 *Hinc tibi concreta radice tenacius haesit Et penitus totis inolevit Roma medullis*. Ex vulgari ratione e Servio accipitur sic, ut ad frigus glaciemque referatur, quasi radix *concreta gelu* esset; tum vero *concretae terrae* legendum esset. *Semine iacto*, surculis positus, ut 268. cf. ad v. 267. (sic ap. Arat. vs. 9. *σπέρματα πάντα βαλέσθαι* interpretatur Voss. *Wr.*) Sic statim v. 319 *satio*. Porro *et semine iacto* non *patitur* hiems, h. e. gelu, *radicem adfigere terrae* quaeritur subiectum; debebat hoc peti ex *semine iacto*; atqui hoc vix latine fieret; dicendum esset: *nec hiems semen iactum patitur* —

sequor ergo alterum, ut *affigere* pro affigere se dictum sit, more poetico haud infrequenti. Expeditior res est in Prudentii loco in Symm. II, 983 *Nec potis est tenuem telluri affigere fibram*, nam ibi praecedit subiectum, *herba*: haec recte dicta affigere fibram telluri.

319. *vere rubenti*, ut alias poetis *purpureum*, *φοινικόπεπλον*, pulcrum. cf. Ge. IV, 306. 320. De ciconia intelligendum. 322. Supra Ge. I, 312 *ubi iam breviorque dies et mollior aestas. hiemem*, signa hiemalia.

323. Ver, non modo vitibus, sed omnibus omnino arboribus serendis idoneum ac commodum tempus. (de Adv. adeo vid. Q. V. XXVI, 6. *Wr.*) 324. *Ἡ ὥρα γονιμωτάτη* Theophr. Causs. Plant. III, 4. Pulcerrimus versus, ut totus locus, quem imi-





Parturit almus ager; Zephyrique tepentibus au-  
ris 330

Laxant arva sinus; superat tener omnibus humor;  
Inque novos soles audent se germina tuto

Credere; nec metuit surgentis pampinus Austros,  
Aut actum coelo magnis Aquilonibus imbrem:

Sed trudit gemmas, et frondis explicat omnis. 335  
Non alios prima crescentis origine mundi

330 *omnis ager* Menag. sec. pro div. lect. *Parturit alma Venus* unus Arundel., mala correctoris manus. *tremetibus auris* Romanus, Gud. cum vetustis permultis; solita variatione. *strepentibus* Leid. pr. *Zephyrisque* Medic., lapsu librarii. 331 *L. a. simul* Erf. 332 *germina* Burm. reposuit post Catroeam. Unius Fabricii pro hac lectione auctoritas laudatur, qui vetustos libros ita legere testatur; cui adde Regium apud Martinum. Sed iam Celsus pro hac lectione pugnat apud Philargyrium. Vulgo *gramina* legebatur; revocavit quoque Wakef. et quis neget ita dici posse et solere? Itaque exemplis haud indigebamus. Enimvero quoties de frigore agitur aut adurente aut retardante vernum terrae proventum, non *gramina* memorantur, quae gelu ferre haud possint, sed *gemmae* et *germina*, et *flores*. *gramine* tres apud Burm. *toto* Ven. 333 *timuit* Ven. *pampinos* Gud. (*surgentes* Medic. *Wr.*) 335 *tendit* Ven. (*frondes* Medic.; idem *omnes*. *Wr.*) 336 *crescentis*. Benth. ad Manil. II, 428 *nascentis*.

327. *magnum corpus* Terrae intelligendum, ut Aen. VI, 727 de hoc universo. Expressi ex h. l. veteris poetae versus in Pervigilio Veneris: *In sinum maritus imber fluxit almae coniugis, Unde fetus mixtus omnes aleret magno corpore*. 329. Vid. Lucret. I, 10 sqq., in quos versus omnis Venus infusa est.

331. Terra admodum est humida. *Superat humor*, abundat, cum respectu ad lac matris. *laxant arva sinus*, quae frigore adstricta erant. Lucret. V, 804 *Multus enim calor atque humor superabat in arvis: Hinc, ubi quaeque loci regio opportuna dabatur, Crescebant uleri terra radicibus apti*. conf. seqq. 332. *Germina* communi ratione loquendi *se credunt soli*. Lucret. V, 780 *novo fetu quid primum in luminis oras Tollere et incer-*

*tis tentarit credere ventis*. Sed totum locum in animo habuit noster, si utrumque compares. *Credunt autem se, dum in novum solem prodeunt, hinc credunt se in solem nove dixit, exemplo tamen Lucretii VI, 1070 Vitigeni latices in aquai fontibus audent Misceri, quom pix nequeat gravis et leve olivum*. Transtulit hanc formam Seneca Herc. fur. 147 de luscipia exoriente die: *Pennasque novo tradere soli Gestit*. 334. *magnis Aquilonibus*, vehementibus, procellosis. vid. Burm. Lucretius V, 817 *At novitas mundi nec frigora dura ciebat, Nec nimios aestus, nec magnis viribus austros*. Vides, unde noster hausserit.

336. Quanto cum ornatu exposuit hoc: mundi natales in vernum tempus incidisse! An

Inluxisse dies, aliumve habuisse tenorem  
 Crediderim: ver illud erat; ver magnus agebat  
 Orbis, et hibernis parcebant flatibus Euri:  
 Quum primae lucem pecudes hausere, virumque 340  
 Terrea progenies duris caput extulit arvis,

## 341. FERREA

339 *hiberni Euri* Medic., minus poetice. 340 *Cum primae* Heins. recepit ex Medic. et permultis, etiam Romano ac Mediceo apud Pierium. (et 5. 7. 12. ap. Pottier. *Wr.*) *Cum primum* vulgo. *Tum primum* Arundel. ed. Ven. 1472, Par. 1494. *Cum primam* Cantabrig., quod et ipsum ferri possct. *Cum lucem primum* Zulich. 341 *Terrea progenies* apud Lactantium Inst. II, 10 legi iam Pierius notavit. Sic Medic. a m. sec. (*terrea* est altera Medicei lectio; *terrea* etiam 11. apud Pottier.; eodem spectat, ut vidit Vossius, Philargyrii explicatio: „Quia creditum est primo homines e terra natos, a qua humo homines existimabant dictos.“ *Wr.*) Probarunt id viri docti ap. Burm., et inter hos Bentley. ad Horat. Epod. II, 18; receptum adeo est in edit. Cuningham. Burmannus eam lectionem impugnât, forte tamen argumentis parum idoneis. Scilicet quod in vulgata, *Ferrea*, reprehendere possis, est hoc, quod ab h. l., ubi de prima hominum stirpe, adcoque de aurea aetate agitur, aliena est, et ad aetatem seniores, ferream dictam, spectat *gens ferrea*, *σιδήρειον γένος* Hesiodi, genus hominum ferreum: ad cuius imitationem dictum est de Sparti in Boeotia aut in Colchide, qui cum armis ex terra orti sunt; proprie diceret, fuisse eam *ferream progeniem*. Igitur nunc ad eum sensum recurrendum, ut *ferreum* omnino sit durum: cum quoque alterum adiunctum sit, *duris arvis*. Defendit vulgatam etiam Burm. Secundus ad Antholog. Lat. p. 166. Fateor tamen vel sic me praelaturum fuisse *Terrea*, modo de usu vocis mihi melius constaret; nam, quod *Terrigenas* Lucretio dici ais, nondum satisfacit, ut et *terrea progenies* dicatur; nec auctoritas e Columella est, *terreum* dici pro terrcnum. (auctoritatem conciliant vocabulo *terreus* Oudend. ad Frontin. VI, 1, 31. a Burmanno, et idem ad Sueton. Calig. 19. et Tzschuck. ad Pomp. Mel. I, 9, 4. a Iahnio laudati. *Terrea* h. l. revocarunt Vossius et Iahnus, quos sequendos existimavi. *Wr.*) Porro *durum caput* Moret. qu. Goth. pr.; et sic vett. edd. apud Martin. *agris Franc. armis* Bodlei.

ante Marouem aliquis ita statuerit, nescio; potuit poeta in illud phantasma incidere, dum versus Lucretianos recognoscebat V, 778 seqq. Quod poetae fingere licuit: hoc alii disputationis theologicæ caput facere ausi sunt, num vere an auctumno mundus exordium habuerit. Vide v. c. Simson. Chronicon pr. Multa Cerda et alii ad h. l. afferunt, quæ ad alteram vulgatiorem spectant opinionem,

etsi cum illa priore coniunctam: prima mundi aetate perpetuum ver affluisse: unde nasci debuit phantasma paradisi, aetatis aureæ, vigoris hominum recentium iuvenilis, et quæ alia sunt his similia. *crescentis mundi*, pro vulgari, nascentis. 337. *tenorem* pro tempestate dixit, cum proprie, si ad tempus referatur, sit continuatio aliqua temporis, eaque æquabilis. Non aliam rerum conditionem, aliud tum

Inmissaeque ferae silvis, et sidera coelo.

Nec res hunc tenerae possent perferre laborem,

Si non tanta quies iret frigusque caloremque

Inter, et exciperet coeli indulgentia terras. 345.

343 *sufferre* Medic. a m. pr., quod commendat Heins. (*sufferre* est prior lectio Medic.; obsidebat scilicet librarii auribus litera *s* ex praecedente verbo *possent*; quae res dici vix potest quot errores peperit. Et lapsus proclivis; sic eodem versu in eodem cod. *Nes res* a m. pr. pro *Nec res* scriptum est. Ceterum *possent*, ut refert Foggini, in *possint* mutari tentatur in Medic. *Wr.*) *proferre* Rottend. sec. 344 *Cum iam tanta Ven. que post calorem* omittunt plurimi. (sed, ut videtur, non optimi. *Wr.*) Philargyrius primam lectionem fuisse ait *calorque*. Scilicet metuebant boni viri versus mensurae. *Inter et iret* permutatis scdibus habet edit. Norimb. apud Martinum. 345 Burmannus, dum in usu *τοῦ excipere* haerebat, coniecitbat, *exciperet caeli indulgentia ventos*, aut, *adspiceret caeli indulgentia terras*. Sed vid. Notas. Unus Mead. *haec pareret* habet pro *exciperet*; unde facile aliquid extricari possit; sed est ab inepta manu. *ex-  
cipient* Rom.

anni tempus, fuisse putem, cum mundus creabatur. 338. *Orbis agebat ver*, ut *agere festum*. *Magnus vero orbis, mundus, magna terra*, perpetua sunt poetis graecis et latinis; ex antiqua scilicet poesi; unde et nomen *Magnae matris* fluxit. 340. *lucem pecudes hausere* Lucretiana loquendi forma, ut II, 1038. Virgilius quoque in Aen. X, 898. Respondet altera, *luce rigari*. 341. Et cum homines prius e terra nati sunt: notissima veterum opinione: Lucret. V, 803 sq. II, 1150 sq. Quanta ornatus varietas hoc et sequente versu! duri homines e dura terra nati.

343. Redit ad superiora inde a vs. 330. *res tenerae*, nova sata, frondes, gemmae etc. *laborem*, scil. ex frigore ac calore tamquam molestiam, *πόνον*. (Wunderlichio videtur crescendi labor significari. *Wr.*) *tanta quies*, de tranquilla anni temperie, moderata inter aestum et frigus. *iret* pro esset, vulgari

verbo. Petita autem haec e Lucretii penu V, 1213 *quoad moenia mundi Et taciti motus hunc possint ferre laborem*. Alii vss. 343 — 5 cum antecedentibus de orbe terrarum in vere nato iungunt, *ut possent, iret, exciperet*, sint pro *potuissent* et sic porro dicta; nec hoc male. (quod merito reiecit Iahnus. *Wr.*) Possis laudare Lucret. V, 778 *Nunc redeo ad mundi novitatem, et mollia terrae Arva, novo fetu quid primum in luminis oras Tollere* — et sup. Ecl. VI, 34 *et ipse tener mundi concreverit orbis*. — 345. *Excipiunt sese invicem res*, quae sibi succedunt: tum etiam res, casus, qui existunt, emergunt aut succedunt, *excipere nos* dicuntur, ut in illo: *aliud bellum eum excipit*. Ita videtur h. l. dictum. Alioqui ex eo, quod *excipere*, benigne aliquem tractare, fovere, designat, petitum videri possit, ut Caelum excipere dicatur Terram. (ita Wunderlich. *Wr.*) Sed hoc argutius, quam



Quod superest, quaecumque premes virgulta per  
 agros,  
 Sparge fimo pingui, et multa memor occule terra;  
 Aut lapidem bibulum, aut squalentis infode con-  
 chas:

Inter enim labentur aquae, tenuisque subibit  
 Halitus, atque animos tollent sata. Iamque re-  
 perti, 350

Qui saxo super, atque ingentis pondere testae,

348 *cochleas* Reg. a m. sec., e glossa. 350 *atque homines* ed. Ven. *tollunt* alter Menag. *Namque* Ven. 351 *saxa* nonnulli apud Colum. III, 15, 4, ubi hi versus repetuntur. *ingentis* firmat etiam Rom., at *ingenti pondere* Medic. a m. pr. Mentel. pr. a m. sec., et Nonius Marcellus in *urgere*. *ingenti pondere testa* apud Colum. l. l. codex Sangermanensis seu Goesianus. Mox *Urguentur* laudat ex eodem Heinsius; at Goesiana collatio, *reurgetur*.

par est, dictum esset; nec apparet, quomodo Caelum Terras ut puerum recens natum excipiat. (ita Vossius. *Wr.*) *indulgentia* pulcrius quam temperatio, clementia. Gratius 295 *Dum tepida indulget terris clementia mundi*.

346. Nunc de cura surculorum positorum. Cf. Theophrast. Causs. Plant. III, 5 et 7. Colum. III, 15. Geopon. V, 9, 21. *virgulta*, sarmenta intelligo, seu surculos vitium cuiusvis generis, sive malleolos, sive viviradices, sive propagines. Martinus tantum ad propagines referri posse putabat, quia *premes* apponatur, quod proprie de iis dici possit. Enimvero *premere* poeta de omni plantatione recte dicere potest, cum surculus in scrobe ponitur, defigitur, infoditur. Tum Columella III, 15, 4, ubi hosce versus recitat, de transferendis de seminario vitium plantis, non de propagine aut traduce loquitur: qui nisi

intercederet sua interpretatione, mallem non modo de vitibus, sed etiam de arboribus accipere. Porro *per agros* est de vineis accipiendum; quod sermonis poetici ratio suadebat, ut vulgares modos vitaret; tum *serere*, *semina*, *segetem*, iam saepe de vineis et arbustis vidimus.

348. Vid. Colum. l. l. et iam laudatos: Theophr. de Causs. Plant. III, 5 et 7, quem sine dubio poeta ante oculos habuit, et Geoponic. V, 9. Dixit *lapidem bibulum*, pumicem, aut sabulosum, et *squalentes conchas*, mucosa aliqua saliva inductas. cf. ad Ge. IV, 91. 349. 350. *tenuis halitus* venti, inter pumicum ac testarum fragmenta, tamquam per spiramina, penetrare potest, atque adeo radices fovere et recreare. Theophr. l. l. ὅπως συρόσῃ γίνηται τοῦ ὕδατος, καὶ τοῦ θέρους οὗτοι (οἱ λίθοι) καταψύχῳσι τὰς ῥίζας. *animos tollent sata*, vigorem, vires, quam praeclare! pro, vites lae-

Urguerent: hoc effusus munimen ad imbris;  
Hoc, ubi hiulca siti findit canis aestifer arva.

Seminibus positis, superest diducere terram  
Saepius ad capita, et duros iactare bidentis, 355

354. DEDUCERE 355. BIDENTIS;

352 et fusos idem codex. *hic effusus* Ven. *effossos* Toll. *munimine* unus Mead. (*imbres* Medic. *Wr.*) 353 *Atque ubi* Voss. pr. et unus Mead. *Aut ubi* Lutat. ad Stat. Theb. IV, 708. *findit* Erf. *scindit* ed. Mediol. (In Medic. pro *hiulca* primum scriptum fuerat *evica*. *Wr.*) 354 *superem* eadem ed. Mediol. *educere* Pierius ex aliquot vett. laudat. *diducere* quatuor apud Burmann. Sic Romanus; et defendi illud possit: Ut terra ad malleolum positum aequetur. (*diducere* etiam 3. 4. 7., quod Vossius cumque secutus Iahnus reposuerunt; recte, ut videtur. Unde deducatur terra, frustra quaeras; sed diducitur, i. e. diminuitur fractis glebis. Qua in re quum cavendum esset, ne laederentur malleoli, verbum *diducere*, a quo omnis abest violentiae notio, usurpavit poeta. Quod remotius a malleolis erat solum, bidentibus aut vomere comminuebatur. Neque aggregabatur terra ad capita, sed, quod admonuit Vossius, scrobes, ut deorsum agerent radices surculi, ne compleri quidem ad summum solebant. *Ad capita* i. e. circum capita. *Wr.*)

tissime efflorescent. *Iamque repti*, h. fuere etiam, qui insuper etc. (Iunge *urgerent super* h. e. desuper. Compositum usurpavit Tacitus Ann. II, 23.: *fluctu superurgente*. *Wch.*—Aen. IV, 507.: „super exuvias, enseque relictum Effigiemque toro locat.“ VI, 254.: „pingue super oleum infundens.“ — De hoc usu copulae atque vid. Q. V. XXXIII, extr. *Wr.*) 352. *hoc* — *Hoc*; non est h. l. τοῦτο μὲν, τοῦτο δὲ, sed ad idem referendum; hoc puta saxum acclinatum a latere, aut testa super imposita cavo suo munit surculos adversus imbres et adversus aestum. (Est etiam tertia ratio, ut a testa caloris tenaci per noctem intepescat vitis.)

354—370. Nunc de iis, quae post vitisationem agenda; et nunc quidem primo loco de *re-pastinatione* Colum. III, 18, 1. Ap. Plinium *fossio* est XVII, 22,

s. 35, 17 — *Superest deducere terram*, fossione, quae quotannis est exercenda, et de qua omnes praecipiunt. vid. Geopon. V, 22, 3 et notam. cf. inf. 398. Colum. IV, 3, 2 *Deinde malleolo inter ordines posito crebris fossionibus pastinatum resolvere atque in pulverem redigere. Sic enim malleoli et viviradices et reliqua semina, quae deposuerimus, convalescent, si mollis ac tenera humus, nullis herbis irrepentibus, humorem stirpibus praeberit, nec duritia soli novellas adhuc plantas velut arcto vinculo compresserit. Ex his poeta satis illustratus videtur. Seminibus positis pro surculis defixis. Plin. XVII, 22, s. 35, 21 ponito in scrobe aut in sulco, operitoque et bene occultato. Fodiendo terra deducitur ad capita, adducitur, aggeritur, ad radices (cf. Servius) si quidem terra coaequanda est gemmis ex-*

Aut presso exercere solum sub vomere, et ipsa  
 Flectere luctantis inter vineta iuencos;  
 Tum levis calamos et rasae hastilia virgae  
 Fraxineasque aptare sudas furcasque valentis,  
 Viribus eniti quarum, et contemnere ventos 360  
 Adsuescant, summasque sequi tabulata per ulmos.  
 Ac, dum prima novis adolescit frondibus aetas,  
 357. IUENCOS. 359. FURCASQUE BICORNIS:

356 *cum vomere* Goth. pr.; et sic edd. vett. (— 357. *luctantes* Medic. *Wr.*) 358 *cumulos* Ven. 359 *que ante aptare abest* in fragm. Moret. et Reg. Martini. *trabes* pro *sudas* Franc. *furcasque valentes* Medic. Gud. et ad minimum sex alii apud Heins., duo apud Martin., et Romanus cum aliquot aliis apud Pierium. (et 2. 3. 8. ap. Pottier. *Wr.*) Mireris inconstantiam doctorum virorum, qui vetustatem ac consensum librorum modo omni rationi criticae anteferunt, modo vel leviori causae postponunt. Hic *valentes* haud dubie maxima habet praesidia, *bicornes* solam rationem exquisitoris usus. Reposuit quoque *valentes* Brunck. (item Vossius ac Iahnus; recte: *bicornis* ex Ge. I, 264. repetitum. *Valentis*, non *...tes* Medic. *Wr.*) 361 *Adsuescunt* Rottend. text. *Adsuescat* Goth. pr. (*tabulata* Medic. *Wr.*) 362 *Et dum* Parrhas. *Ac cum* Leid. pr. *At* Goth. pr. *adolescet* idem cum tribus et Erf.

*tantibus*: Colum. IV, 5, 2. 3. (sed vid. V. L. *Wr.*) *iactare bidentes* fossionem exprimit adacto ligno. Colum. IV, 14, 1 *Insequitur deinde fossor, qui crebris bidentibus aequaliter et minutim soli terga convertat.*

356. Colum. III, 13 *Aut scrobibus aut sulcis vineae plerumque conseruntur, — vel aratro vel bidente insistant — ut more novalium terra transversis adversisque sulcis proscindatur. Id genus vineti non conducit agricolae, nisi ubi laetissimo solo vitis amplo incremento consurgit.* cf. Plin. XVII, 22, sect. 35, 22 *Intervallum iustum arborum, si aretur solum, XL pedum sqq.* — 357. *inter vineta*, ut aretur inter vitium ordines, ut inversa aratro terra glebae utrinque versus vites insurgant. Nam olim, ut etiamnum in Ita-

lia (conf. Spence Polymet. pag. 253), inter medios vitium aut olivarum ordines, agri arabantur.

358 — 361. De *pedatione vitium* et *iugatione* ad vites, non maritatas arboribus, sustentandas palo aut iugo, aut aliis modis. conf. Colum. IV, 12. Plin. XVII, 22, s. 35, 19. 361. *tabulata* in vineis sunt ordines ramorum in arboribus, ulmis imprimis, prominentium, quos recisis aliis, ita in plana tendunt, ut Servius ait, dilatant ac per gradus deflectunt agricolae, ut robustiores palmites unum post alterum ramum attingere iisque sese applicare et se elevare tanquam per gradus possint. Locus est apud Colum. V, 6, 11. 12. 23. 24.

362 — 370. *Putationem* seu *pampinationem* in nova fronde plane nullam, in tenero palmite



Parcendum teneris; et, dum se laetus ad auras  
 Palmes agit, laxis per purum inmissus habenis,  
 Ipsa acie nondum falcis tentanda, sed uncis 365  
 Carpendae manibus frondes, interque legendae.

363 *Parcendum est* duo apud Burm., et uterque Mead.; alter etiam:  
*dum sese pro et dum se.* 364 *quum se—agit* Nonius Marcell. in *laxus.*  
*aget*, quod in pedestri praeferres, Medic. Pierii, et octo apud Heins. et  
 Burm. cum Goth. sec. a. m. pr. *lapis* Parrhas. et Reg. Martini. 365  
*Ipsa acie nondum falcis tentanda* Burm. recepit, ut plane Medic. et Pie-  
 rii Romanus, utpote antiquissimi, tum multi alii, etiam Probus Grammat.  
 lib. I, et *Ipsa acie* iam cditum erat usque ad Commelin. et Pulmann., qui  
 intulcre in vulgg. *Ipsa acies falcis nondum t.* At Heins. ordinem immu-  
 tarat: *nondum falcis tentanda*, ut est in multis. *Ipsa nondum acie ful-*  
*cis* Rottend. tert. Sane *acies falcis*, seu ferri, potest tentari, sed si eam  
 explores, ut in Suetonii illo loco Ner. 49. At hic *acie fulcis* (poetica ve-  
 nustate pro *falce*) tentantur novelli palmites, dum putantur. conf. Not.  
*acie* iam in vulgatis ante Pierium legebatur; in Medic. *acies* a m. sec. ru-  
 bro adpicta s littera. (*acies* 14. apud Pottier.; memorata iam Servio diver-  
 sitas. *Wr.*) *sub undis* in fine versus legebat Goth. pr.

non ferro sed ungue tentandam, in adultam vitem severe esse  
 exercendam. Praecepti primam partem confirmat Theophr. de  
 Causs. Plant. III, 9. Cato 33, 2, at refellit Columella cum l. c. V,  
 6, 22 sq., tum IV, 11, 1 *nam illam veterem opinionem damna-*  
*vit usus, non esse ferro tangen-*  
*dos anniculos malleolos, quod*  
*aciem reformident; quod frustra*  
*Virgilius — timuerunt.* Conf.  
 Geop. V, 23. 25. *frondibus: de*  
*vite agit.* Sic mox 366 et alibi.  
 Itaque putavi etiam *frondatorem*  
 ad vites spectare Ecl. I, 57, etsi  
 et alias arbores amputari, et  
 frondem pecori substernendam  
 parari meminerim, et qui hoc  
 facit, proprie *frondatorem* dici.  
 Plin. XVIII, 31, s. 74 *Et fron-*  
*dis praeparandae tempus hoc*  
*est. Unus frondator quatuor*  
*frondarias fascinas complere in*  
*die iustum habet.* Catull. LXI  
 (LXIV), 41 *Non falx attenuat*  
*frondatorum arboris umbram.*  
 Servius tamen et ipse ad Ecl.

I, 57 *frondatorem* de utroque  
 operae genere frequentari docet.  
 Accedit Ovid. Met. XIV, 649 de  
 Vertunno: *Falce data fronda-*  
*tor erat vitisque putator.* —  
 364. *laxis inmissus habenis* de  
 celeribus et effusis incrementis;  
 a Lucretio habet V, 785. *per*  
*purum*, per aerem; Lucr. *per*  
*auras*; et sup. v. 287 *in va-*  
*cuum*, et alias *per inane*. (Ali-  
 ter dixit Horat. de sereno caelo  
 Carm. I, 34, 7.) 365. *Ipsa*,  
 scil. prima aetas, cui tribuitur  
 tamquam actio id, quod in ea  
 fit. *Virgulta* ex v. 346 repe-  
 tit Servius. Expressit reliqua  
 Quinctil. Inst. II, 4, 10. 11. *in-*  
*terlegere*: videtur hoc novasse  
 poeta, pro legere; quoniam per  
 intervalla frondes, aliis omissis,  
 carpuntur. (*inter* adverbialiter  
 usurpari censet Wunderl. ad vs.  
 351. *Wr.*) Ceterum commu-  
 nia sunt haec praecepta curae  
 aliarum arborum. Mox *exie-*  
*runt*, in altum se sustulerint, ex-  
 creverint. cf. sup. v. 81. 369. *du-*

Inde ubi iam validis amplexae stirpibus ulmos  
 Exierint, tum stringe comas, tum brachia tonde:  
 Ante reformidant ferrum; tum denique dura  
 Exerce imperia, et ramos conpesce fluentis. 370

Texendae saepes etiam, et pecus omne tenen-  
 dum,

Praecipue dum frons tenera inprudensque labo-  
 rum:

Cui, super indignas hiemes solemque potentem,

367 *validis amplexae viribus* Medic. a m. sec. Zulich. Moret. quart. pro var. lect. ed. Mediol. Colot. Ursiui, unus Meadianus; et arridere potest. Sed est memoriae lapsus ex frequenti poetarum lectione ortus, sive Grammatici nimis acuti interpolatio. (*Viribus* est altera lectio Medicea; *stirpibus* tractum videri possit ex Ge. II, 53.: „*stirpibus* exit.“ Ceterum *tam* pro *iam* Medic. *Wr.*) 368 *tunc* ante Burm., quod Romanus tuetur etiam sequ. v. (Medic. bis *tunc*, vs. tamen sq. *tum*. vid. Q. V. XXV, 5, b. extr. *Wr.*) *tende* Goth. pr. 369 *reformident* duo. 370 *ramos conpesce valentes* Romanus, quod Pierius Varronis quidem loco de R. R. I, 31 confirmat; at quantum alteri venustate cedat, facile apparet. Item sup. 359 in parte codd. legitur: videturque adeo vagum in margine vetusti alicuius codicis appictum fuisse. (*fluentes* Medic. *Wr.*) 371 Post *tenendum* ante Heins. erat *est*; sublatum secundum libros; abest etiam a Mediceo a m. pr. et a multis *et*. (vid. Q. V. XVI, 1. *Wr.*) Romanus, vetustissimus liber, et Bodlei. *tuendum*. Arundel. *et iam pecus omne timendum*: interpolatione non mala; ut nunc etiam Reiskium coniecisse video. At vulgata ratio doctior esse videtur. 372 *Praeterea quum frons tenera* Nonius in *frons*. Servium *fruns* legisse credebat Burm. et Wakef. ad Lucret. II, 596. 373 *solemque tepentem* Menag. alt. pro diversa lectione. Male. Georg. I, 92 *rapidive potentia solis*. Schrader. in schedis coni. *Edonas hiemes*.

*ra imperia*, h. severa, a disciplina militari petitur; sive ab equis regendis vel pueris, ex Burmanni sententia, qui laudat Horat. Carm. IV, 1, 6. 7. Cic. Cat. mai. 15 *vitem* — *quam serpentem multiplici lapsu et erratico ferro amputans coercet ars agricolarum, ne silvescat sarmentis et in omnes partes nimia fundatur*. 370. *ramos fluentis*, palmitis, diffluentes, luxuriantes. Diversae sunt *fluidae frondes* Lucretii II, 596, h. molles, a vento facile decussae.

371 — 419. Post opus sollenne cultus vineatici memorantur

quae adhuc vinitori curanda sunt: primo loco avertenda sunt, quae novellis vitibus nocere possint: pecudes, frigus, aestus: ducit ea res ad immolationem hirci Baccho fieri solitam; tum vs. 397 sq. repetenda est omnis illa cura vinitoria fodiendi, pampinandi, putandi. — *tenendum* pecus, h. continendum, coerendum, quo ipso efficitur vulgata interpretatio, arcendum, quo vocabulo Plinius in eodem praeepto utitur XVII, 22, s. 35, 17. 372. *frons inprudens laborum*, h. frondes ignarae et impatientes iniuriae ex dente pecudis. (re-

Silvestres uri adsidue capraeque sequaces  
Inludunt, pascuntur oves avidaeque iuvencae. 375

374. CAPRAE

374 *tauri vel ursi conii*. Cerda. Io. Schrader. *silvestres hirci*: ut III, 314 *Pascuntur silvas*, sc. hirci, utque apud Homer. ὄρεσσι τοὶ αἰγες, et alibi *silvestres caprae*. Idem tentabat: *capraeque fugaces*. Macrobi. VI, 4 f. „uri Gallica vox est, qua feri boves significantur.“ adeo Virgilium non respuisse peregrina voce uti. *adsiduo* Ven. *capraeque* multi cum Medic. (*caprae* etiam Rom. Quam lectionem quum antiquissimorum codd. auctoritas commendet, *caprae* videtur ortum esse ex *capre*; sic enim libarii e pro ae scribebant; et *capreque* liquido comparet in utroque cod. Lips. Tum epitheton *sequaces* magis convenit capris, quam capreis. Aliae autem pecudes quum uno loco manere in pascuis soleant, caprae vagantur, ea semper sequentes, quorum feruntur cupiditate, haec quoque deserentes, ubi alia sese offerunt, quae gustatu dulciora fore sperant. Illustrat usum huius epitheti Ecl. II, 64.: „Florentem cytisum sequitur lasciva capella.“ Accedit, quod caprinum genus, vitibus in primis infestum, silentio praeterisse Virgilium vix est credibile. Vs. autem 380. tantum abest ut convellat hanc sententiam, ut magis etiam confirmet. Putida enim foret huiusmodi oratio: „uri, iuvencae, oves, quum plurimum noceant vitibus, propterea caper Baccho immolatur.“ *Wr.*) 375 *Illidunt* Ald. pr. *aves* Gud. a m. pr. *cui illidunt*, non dixit *illidunt* et *pascantur* quae pedestris oratio esset, pro *cum ei*, ut ei, *illidunt*, quam toties a poetis desertam videmus, ut oratio sit a vulgari recedens. (Ne poetis quidem licet, pro arbitrio quidvis pro quovis ponere; qua in re non semel erravit Heynius. Sic autem solent infinitis locis singula enunciata deinceps poni a poetis, non indicato per conjunctiones nexu, qui inter ea intercedat. Cfr. etiam infra vs. 460. *Wr.*)

ctius Wunderl.: „labores significat omnia, quae vites patiuntur.“ *Wr.*) 373 — 379. *Cui frondi illidunt, eamque depascuntur*. *Super*, seu plus quam seu praeter. (*super* hic est *praeter*; plus enim nocere, quam hiemes, illa animalia, vs. 376. contenditur. *Wr.*) Plus quam frigoris vis et solis potentia, h. aestus, nocent vitibus novellis boves agrestes et caprae et ceterae pecudes. *indignae hiemes*. Quisquis *indigna*, h. quibus dignus alter non est, quae immerito patitur, omninoque dura, saeva, iniusta, iniuriosa, facit, aut talia fert, eum poetae *indignum* appellant. cf. Ecl. X, 10 *indigno cum Gallus amo-*

*re periret*. Itaque *hiemes indignae* h. l. recte a Servio explicantur *saevae*. 374. *Uros* proprie dictos in Italia nullos esse satis constat. Hercyniae silvae solitudines illo tempore eos incoluisse e Caesare constat. At enim vel ex lib. III, v. 532 manifestum est, *uros* poetae improprie dictos esse pro feris bubus, quales Italia nunc nomine *Bufalo* frequentat. (Serv. Cod. G. ap. Burm.: „Uri autem boves silvestres, quos vulgo bobalos appellant.“ *Wr.*) Est autem *bubalus* cornibus compressis, sursum resupinatis, fronte crispata. *caprae sequaces* poetica elegantia, quae vites insectantur, persequuntur, ut Servius



Frigora nec tantum cana concreta pruina,  
 Aut gravis incumbens scopulis arentibus aestas,  
 Quantum illi nocuere greges, durique venenum  
 Dentis, et admorso signata in stirpe cicatrix.  
 Non aliam ob culpam Baccho caper omnibus aris 380

377 *herbis arentibus* Goth. sec. a m. pr. *ardentibus* Franc. et Cantabrig. cum Erf. *aestus* Medic. Pierii et Parrhas. Mcad. unus et Reg. ed. Ven. (Ceterum cfr. notata in V. L. Aen. VIII, 559. *Wr.*) 379 In *admorso* magna varietas, quae forte Grammaticis debetur, qui generi τοῦ stirpe timebant. Sed vid. Aen. XII, 208. *admorso* Romanus Pierii. Sic et Pierii Mediceus a m. pr. Mediceus Fogginii *a morso*, (ut etiam Serv. Dresd. in not. Philarg. ad vs. 367. *Wr.*) mutatum in *a morsu*. Sic et in aliis Pierius ex *admorso* erasum esse *d* aut factum *a morsu* vidit. Eadem varietas apud Heins. et Burm. *admorso*, *amorso*, *amorsu*. Librariorum et Grammaticorum ludibria. 380 *ob caussam* unus Arundel. et Schol. Statii Theb. V, 259. *Bacchi* Parrhas., ut sit: omnibus aris Bacchi, de quibus sane solis est accipiendum.

reddit, unde ap. Horat. II Sat. 4, 43 *Vinea summittit capreas non semper edules*. Mox eadem fere vi *avidae invencae*. 375. *Includunt* multo significantius quam *laedunt*, nova tamquam petulantiae et iniuriae notione adiuncta, ut Georg. I, 181 *Tum variae includunt pestes*. Et communiter capris tribuitur lascivia, petulantia. *pascuntur oves*, etiam, cum depascunt, dum frondes carpunt oves.

376. Idem, quod modo dixerat, gravius ac disertius exponit. *Nec frigora concreta* (tributum *frigori* epitheton, quod rebus proprie convenit per frigoris tempestatem congelatis et adstrictis.) *nocuere tantum pruina cana*, nocent tantum gelu. 377. *gravis aestas*, molesta, exitiosa. *scopuli arentes*, quibus aestas *incumbit*, h. e. sol assiduus cautes excandefaciens, accommodate hoc loco memorantur, cum de vitibus agitur. Sic *aprica saxa* inf. 522. *venenum*

pro saliva noxia. Sup. v. 196 *urentes culta capellas*.

380 — 389. Varro de R. R. I, 2, 18. 19 *Quaedam enim pecudes culturae sunt inimicae ac veneno, ut istae, quas dixi, caprae; eae enim omnia novella sata carpendo corrumpunt, non minimum vites atque oleas — Sic factum, ut Libero patri, repertori vitis, hirci immolarentur, proinde, ut capite darent poenas*. Et notus est locus Ovid. Fast. I, 353 sqq.; et quoties non in gemmis caper vites aut arbores arrodens occurrit? Recte haec; unde satis apparet primum versus sententia, ob hanc vitibus illatam noxam hircum in Bacchi sacris mactari; at enim eandem etiam ob caussam ludi scenici facti? eandem ob caussam ascoliasmus? hincne Liberalia? et reliqua? Haec nemini molesta fuere. Scilicet poeticus ornatus sententiae recte accipiendae et interpungendae obfuit, quae ita procedere debet:

Caeditur, et veteres ineunt proscenia ludi,  
 Praemiaque ingeniis pagos et compita circum  
 Thesidae posuere; atque inter pocula laeti  
 Mollibus in pratis unctos saluere per utres.  
 Nec non Ausonii, Troia gens missa, coloni 385

332. *ingentes* vel *ingentis* vulgo lectum; scil. Thesidae, etsi Pierius iam commendaverat alterum; ad quod recipiendum mireris Heinsium hic adeo timidum fuisse. *Ingeniis* reposuit Burmannus ex antiquissimis Pierii, Philargyrio, cod. Ursini, et ed. Ven. Sic Lucret. II, 11 *certare ingenio*: ubi v. Wakef. 334. *saluere* vetustissima scriptura; alii, ut pronuntiatum iam olim, *saliere*. vide h. l. Heins. et Burm. Sec. ad Anthol. Lat. p. 540. (*saluere*, quod etiam in Paris. 7., prior lectio Medicea, altera *saliere*; illud etiam Terentiano, hunc vs. afferenti, restituit Santen. p. 47. *Wr.*) 385 a *Troia* Leid. et *Troia* Regius Martin.

Ea de caussa caper in Bacchi sacris immolatur, et, cum hircus semel Baccho sacer esset, in vetere tragoedia Atheniensium caper poetis praemium erat propositum, (scilicet quem ipsi mox honoris caussa deo immolabant) *carmine qui tragico vilem certavit ob hircum* Horat. Art. 220. cf. Tibull. II, 1, 55 et ibi Not., nec non hircinis pellibus (ex immolatis hircis) utres facti, in quos oleo inunctos adsilirent. Tum, quod poetae licebat in ornatum captandum exspatiari, quomodo ex Graecorum illis sacris Latina eiusdem dei sacra fluxerint, commemorat. Illustri locus est; singula videbimus. (A mactatione capri Dionysia apud Graecos originem acceperit, simulque ludos scenicos, qui festo illo etiam tum edebantur, canit Virgilius. *Wch.*)

381. *veteres ludi ineunt proscenia*, pro, olim, antiquis temporibus, ludi in scenam inducti, facti, exhibiti sunt. *proscenium*, proprie ante scenam versus orchestram, pulpitum habebat, quo actores prodibant, h. l. omnino

pro scena positum. 382. 383. *Thesidae*, Athenienses, *posuere praemia*, pro praemio, hircum, *ingeniis*, h. poetis, *circum pagos et compita*. Nota de prima rei scenicae origine fabula. vid. Horatii Art. 275 sq., quae ad Dionysia ruralia, τὰ κατ' ἀγροῦς, per pagos, utique pertinet: e quorum genere cum ab initio essent τὰ ἐν Ἀίμναις, s. *Lenaea* (diversa quidem et haec a *Dionysiis urbanis*, seu *maioribus*), auctis tamen urbis opibus, ea praecipuam celebritatem consequuta sunt, ut diversa plane ab ruralibus habenda sint, ut cum exquisitae doctrinae copia ad Hesyrium ad liquidum perduxit Ruhnkenius, in App.

384. Ἀσκληιασμὸς, in Dionysiis paganis, τοῖς κατ' ἀγροῦς, sollennis, lusus notissimus, quem etiam in lapide apud Gorium Inscript. Etrusc. T. II, p. 105, conspici posse iam Burm. notavit, et quem passim in gemmis et marmoribus exhibitum videas (vid. Gorium Inscr. Etrusc. l. l. Adde v. c. Gori laei Dactyloth. T. II, n. 508). *Utrum* fuit usus,

Versibus in comitis ludunt risuque soluto;  
 Oraque corticibus sumunt horrenda cavatis;  
 Et te, Bacche, vocant per carmina laeta, tibi que  
 Oscilla ex alta suspendunt mollia pinu.

386 *rituque* Moret. sec.

388 *Et te Bacche canunt* a Cerda editum.

quia in eosdem et vina e lacubus transfundere, et uvas ad torcular deportare mos erat. vid. apud Com. de Caylus *Recueil d'Antiqu.* T. V, pl. 58.

385—389. Liberalia quidem Romae mense Martio celebrabantur. Et haec respexisse videri potest poeta, si v. 390 adverteris. Sed festum Bacchi celeberrimum vindemiam factam excepisse videtur. Fiebant, uti in festo post messem conditam (vid. Horat. Epist. II, 1, 140), per pagos multa ludicra: pubes rustica, personata et larvis e cortice factis ora habens obducta, non modo iaciebat iocos et diceria in praetereuntes; quam vindemiae licentiam adhuc in Italia vigere observant, qui ex oris illis ad nos veniunt; et sua aetate Ausonius narrat in *Mossella* 161—168; verum etiam *versibus in comitis*, (*Saturniis*, ait Santen. ad Terentian. pag. 181. *Wr.*) ex tempore effusis (*Improvisare* nunc appellant hoc idem Itali); et haec est Fescennina licentia apud Horat. II Epp. I, 145; canebant porro hymnos in Bacchi honorem, et *oscilla*, αλώρας (cf. Valcken. ad Theocrit. p. 246), h. larvas e corticibus factas, quales etiamnum in monumentis occurrunt, ex arboribus suspendebant: ea h. l. *mollia*, h. mobilia, pendula. Sunt geminae haec *oscilla* referentes:

unam exhibuit Spencius *Poly-met.* Pl. XX, fig. 2, plures v. c. Lippertus in *Dactyliothe.* cf. *Pittura d'Ercol.* T. IV, p. 14. Idem elegantissimi ingenii vir, Spencius, originem et causam huius ritus in eo reperiēbat, quod eos Bacchi vultus appensos vento impelli quaquaversus et converti volebant agricolae, quoniam, quia ille deus faciem converterat, summa agri ubertas sequi credebatur. conf. vs. 392. Acutius haec coniectata, quam quod Servius habet ad Aen. VI, 741, qui ad purgationem vento vel aere fieri creditam haec refert. Inter amuleta habita esse credunt alii: quod saltem de horrendis larvis mihi probabile fit; in Bacchicis haud aequae: si inspexeris anaglypha Bacchica; sunt pulcra, hilaria. Multa his de rebus cum ab aliis tum ab Casaubono de Satira tradita sunt, multa accuratius et utilius tradi possent. cf. Horat. Epist. II, 1, 145. Tibull. I, 7, 35—40. II, 1, 55 sq. De *oscillis* inani opera alii post Servium plurima, et h. l. Cerda. Inprimis commentum fuit vulgare, quo ab Erigones suspensio oscillorum usus repeteretur; vid. Hygin. f. 130 et ibi Munck. In verbis *Ausonii*, *Troia gens missa*, paullo licentius se iactat poeta. Ausonii, Itali h. l. sunt, cum proprie tantum Latini, inque his



Hinc omnis largo pubescit vinea fetu; 390  
 Complentur vallesque cavae saltusque profundi,  
 Et quocumque deus circum caput egit honestum.  
 Ergo rite suum Baccho dicemus honorem  
 Carminibus patriis, lancesque et liba feremus;

390 *rubescit* Menag. pr. 391 *Complenturque cavae valles* Moret. sec. 392 Laudat Columella III, 21, 4. *quodcunque* Parrhas. *Et quodcunque decus* Schol. Horat. Sat. I, 2, 84. corrupte. *quocumque deos* Gud. Quod vero Guellius et ex eo Cerda ad h. l. laudant carmen in Bacchum, e Mureti Galliambo petatum est: ne fallaris, moneo. 393 *suos honores* codd. aliquot Pierii, quod ipsi rem splendidiorem efficere videbatur. *honestum*—*honorem* displicebat Io. Schradero. 394 *lancesque et Franc.*, per se non male. *ferentes* Zulich.

Albani ac Romani, dici possint oriundi ab iis, qui cum Aenea, Troia missi, profecti erant. (*ex alta pinu*, pinus sec. Varron. I, 15. inter arbores agris terminandis poni solitas; *ex alta*, quo latius pateat prospectus. *Voss.*) 390. Exoratus et placatus his sacris ac festis deus summam vindemiae ubertatem votis reddit. *vinea pubescit*, satis obvia translatione, vites exuberant, *largo fetu*, laeto uvarum proventu. *Valles saltusque*, si vitibus consita loca, ut probabile videtur, hic expressa sunt, improprie dicuntur de vineis, in plano et in collibus satis. *valles* adeo pro planis locis, *cavae*, Graecorum exemplo, ut Pindar. I, 3, 18 *κόλρα νέπα*. (*cavae* non est mere ornans et ex poetica copia adiectum: Liv. XXVIII, 2.: „ibi in cava valle, atque ob id occulta, considerare militem ac cibum capere iubet.“ Itaque haec non de vineis solis dicta existimaverim, sed de omni regione, cui Bacchi adspectus fertilitatem conciliet. *Wr.*) 392. *Et quocumque deus*. Pulcerimus haud dubie versus. Nihil

imagine hac vividius, nihil iucundius. Praeiverant tamen haud dubie Graeci poetae: compara v. c. Callimach. in Apoll. 50 sq. in Dian. 124 sq. Statuam dei per vineam circumferri solitam huc advocant Interpretes; saltem oscilla poterant memorari. Probabilius tamen, universe poetam de dei adspectu cogitasse. Petatum autem ex antiqua religione, qua praesentia deorum, imprimis Apollinis et Bacchi, certis locis ac temporibus fieri solita ferebatur, et, quoties dii apparerent, omnia ridere, frondescere, progerminare, enthuasiastica loquendi forma, narrabantur. In quod phantasma facile incidere potuere homines, quum *numinis nutu* ea fieri dicerent, quae naturae vis et tenor gignit. Locum hunc ad Bacchi natales transtulit Avien Perieg. 1121 sq. ubi cf. Wernsd. *caput honestum* est pulcrum, formosum, quale Bacchi expressum adhuc in monumentis conspicitur. *Carminibus patriis*. Fuere adeo carmina antiqua Romanorum in Bacchi honorem canendi solita. Alia fuere Fescen-

Et ductus cornu stabit sacer hircus ad aram, 395  
Pinguiaque in veribus torrebimus exta columnis.

Est etiam ille labor curandis vitibus alter,  
Cui numquam exhausti satis est: namque omne  
quotannis  
Terque quaterque solum scindendum, glebaque  
versis  
Aeternum frangenda bidentibus; omne levan-  
dum 400  
Fronde nemus; redit agricolis labor actus in or-  
bem,

395 *Et ductis* Gud. a m. pr. *Eductus* Leid. tert. *Si ductus* Serv. ad Aen. IX, 627 in edd. quibusdam. *stabit cornu* Leid. alter. *ad aras* edd. Macrobbi Sat. IV, 2. Serv. ad Aen. IX, 627 in scriptis. 396 *torquebi-  
mus* Medic. Pierii. *veribus* Rom. (et ita longe plurimi; vid. etiam Burm. ad Aen. V, 103. In Medic. scriptum *veribus*, quod ex *veribus* ortum videri possit; sed duplex r ex sono verbi subsequentis *torrebimus* natum. Vid. etiam Pier. ad Aen. I, 212., ubi in Medic. et ceteris praestantioribus libris, ut ubique, *veribus*, in Fragm. Vat. *veteribus*. *Verubus* nostro loco tantum e Palat. Parrhas. et sec. Rottend. laudatur. *Wr.*) 397 *curan-  
dus* Franc. *alte* Ven. (— 398. *exhaustis* Medic. *Wr.*) 401 *labora-  
tus* Reg. a m. pr.

nina: de quibus paullo ante. *lances*, et quidem in iis *liba* (cf. supra ad v. 192), feruntur ad aras. *cornu ducitur* victima ritu sacrorum. Sic et *stare* verbum sollemne. vide Serv. Victimae partes, quae non in ara adolebantur, sacris epulis apponebantur, hinc v. 396 *columna verua* ex corylo; quam arborem cum dilectu poni aiunt interpretes ex v. 299 *Neve inter vites corulum sere*.

397 — 407. Restat alius labor in cura vitium (*est etiam alter ille labor* curandarum vitium), qui numquam finitur, ut vineam iterum iterumque repastines (fodias), pampines, vites ablaquees ac putes, *cui numquam satis exhausti* (pro exhaustionis, Serv.), h. qui numquam satis exhauri-

tur. Multa de his videbis monita in Colum. IV, 23 — 28.

398. *namque* pro vulgari, nempe quod. (*ille labor* — *namque* Graeca haec membrorum connexio ὅδε πόνος — γάρ. Ita Thucyd. I, 3.: δηλοῖ δέ μοι καὶ τόδε — πρὸ γὰρ κ. τ. λ. *Wch.*) Ad rem Columell. IV, 4, 1 *Numerus autem vertendi soli bidentibus, ut verum fatear, definiendus non est, cum, quanto crebrior sit, plus prodesse fossionem conveniat*. Idem IV, 14, 1 *crebros fossoris bidentes requirit*. cf. Geop. V, 25. Hoc idem, puto, innuit Catull. LXI (LXIV), 39 *Non humilis curvis purgatur vinea rastris*. 399. *versis bidentibus*: ligonibus duos dentes habentibus, qui vertuntur ad glebas frangendas, et commi-

Atque in se sua per vestigia volvitur annus.  
 Ac iam olim, seras posuit quum vinea frondis,  
 Frigidus et silvis aquilo decussit honorem;  
 Iam tum acer curas venientem extendit in an-  
 num 405

402 *Atque ipse sua* Voss. *In se perque sua vestigia* Franc. *annis*, h. per annos singulos, *volvitur*, sc. labor, malebat Reiskius. 403 *Et ium olim* vulgo ante Heins. *At alii.* (Medic. pro *posuit* praebet *possint*, supra scripta u. Idem *frondes. Wr.*) 404 *ut silvis* Schol. Horat. Epod. XI, sed aliter Nonius et Priscianus. *e silvis* Parrhas. 405 *extendet* Medic.

nuendas; ut recte docuit vir doctus. 401. *nemus* pro vinea, *levandum fronde*, quasi importuno onere; putandum; etiam arbores amputandae sunt per vineam. *labor*, qui actus erat, *redit in orbem*, et *annus*, h. annua opera, annuus labor, *volvitur in se*, revolvit se, *redit, sua per vestigia*, eadem, ac superiore anno, ratione, modo, tenore ac progressu. *Sua se in vestigiaolvere* de mundo Varius, ante Virgilium, et post hunc alii poetae dixere; quorum loca vide apud Cerdam.

403 — 407. Auctumno exacto statim in sequentem annum vinitoris cura et opera extendi debet. *seras ponit cum vinea frondes*, cum vites frondes amittunt, quae ad seriozem auctumnum duraverant. *silvae* ipsae vineae esse videntur; nisi sunt arbusta iugata vitibus. *honorem* de frondibus arborum frequenter poetae. *Rusticus* est vinitor, sed vides poetam semper recedere a vulgaribus. Tibull. I, 1, 7 *Ipse seram teneras maturo tempore vites Rusticus. acer*, diligens, labori non parcens. *dens Saturni* est falx amputatoria, notum dei insigne. Iam v. 407

*putationem vitium* exprimi, satis patet. Colum. IV, 23, 1 *Placet ergo, si mitis ac temperata permittit in ea regione, quam colimus, caeli clementia, facta vindemia, secundum Idus Octobris, auspicari putationem* et rel. Iam Cerda et alii non modo *putationem*, sed et *ablaqueationem*, cum inutiles radicae ferro rescinduntur, praeciendam fuisse putant, eamque in verbis *vitem adtondens* quaerunt. Et sane Colum. IV, 8, 1 *Nam post Idus Octobris, prius quam frigora invadant, vitis ablaqueanda est*; ubi in seqq. disertius res exponitur. Sed haec optantur potius, ut verbis insint, quam inesse probantur; sic et pastinatio memoranda fuisset. conf. Geopon. III, 13; et *ablaqueationem* sub *putatione* complecti ipsum Columellam video IV, 24, 4 sqq. 404. Varronis hunc versum esse Servius testatur. Imitatione expressit, sed infeliciter, Marklando iudice, Statius Silv. I, 2, 154 *Excludunt radios silvis decussa vetustis* Frigora: arbores altae ac densae obumbrare locum declarat per *frigus decussum*, veniens, factum a silvis. 406. *relictam vitem*, et



Rusticus, et curvo Saturni dente relictam  
 Persequitur vitem adtondens, fingitque putando.  
 Primus humum fodito, primus devecta cremato  
 Sarmenta, et vallos primus sub tecta referto;  
 Postremus metito. Bis vitibus ingruit umbra; 410  
 Bis segetem densis obducunt sentibus herbae:  
 Durus uterque labor. Laudato ingentia rura:

410. METITO: BIS 411. HERBAE.

406 *Agricola* pro *Rusticus* Rom. 407 *Prosequitur* Zulich. et unus Mead., sed vid. Burm. *adtondens* vetusta Nonii Marcelli exemplaria, ut *ancidere. attundens* scribunt alii. *tondens* Franc. *fugitque* Menag. (*frigit* Medic. a m. pr. *Wr.*) 408 *deiecta* ed. Ven. al. *desecta*. sup. v. 207 *silvam devexit arator.* 409 *et deerat* Ven. *primum* nonnulli; ut semper. *reporto* Voss. alter. 410 *postremos* Rottend. sec. *umbrae* Zulich. 411 *obducant* Leid.

fructu et frondibus nudatam; quod itaque eius reliquum est, iam nunc est putandum; quam rationem etiam Martinum sequi video. Burmannus *neglectam tonderi* interpretatur, praeteritam et cui post vindemiam nulla adhuc sit cura adhibita. Etiam Servius, *relictam*, scilicet a se paullo ante desertam.

408 — 419. Subiicit nunc tempora operis vinitorii: ut moneat, tempestive omnia esse curanda. conf. Colum. IV, 27. 409. *vallos*, h. pedamenta, ne imbris putrescant. vid. Varro R. R. I, 8, 6. Quantum enim video, poeta promiscue modo vites altas ulmis aliisque arboribus iugatas, modo statuminibus, iugis, perticisve ac vallis firmatas, memorat. Iam 410. 411 *metere* pro vindemiare, ut supra *segetem, arva, serere, semina* ad vineas transferri vidimus. cf. ad v. 267. Porro bis in anno, vere et auctumno, pampinationem et runcationem fieri debere dicit poeta; sed rem ab antece-

dente designat: bis pampini excrescunt nimia copia, bis herbae exuberant, adeoque eruen-  
 dae et evellendae sunt. *sentibus* poetica copia adiecti; sunt hic omne id, quod ex istis herbis enascitur et solum implicat.

412. Cum tam assiduam ac perpetuam operam requirat vitium cultura: placeant aliis vineae magnae; tibi parva probe-  
 tur, quae recte et tanto maiore cum fructu a te coli possit. Pallad. I, tit. 6, 7 *Ita in arbitrio nostro est, utrum plus habeamus, an melius — fecundior est culta exiguitas, quam magnitudo neglecta.* Sed luculentus huius rei et loci commentarius est apud Colum. I, 3, 8 sqq. IV, 3, 4 sq. conf. Plin. XVIII, 6, s. 7, 3; utrique versus hic laudatur. Vidit hoc sagacissimus quisque e nostris hominibus, latifundia perdidisse olim Italiam, nunc plerasque Europae provincias ac terras. Forma orationis ex Hesiodico petita *Ἐργ. 643 Νῆ' ὀλίγην αἰνεῖν, μεγάλη δ'*

Exiguum colito. Nec non etiam aspera rusci  
 Vimina per silvam, et ripis fluvialis arundo  
 Caeditur, incultique exercet cura salicti. 415  
 Iam vinctae vites; iam falcem arbusta reponunt;  
 Iam canit effectos extremus vinitor antes:

417. EXTREMOS EFFETUS

413 *rusti* nonnulli scribunt. vid. Heins. *frusi* Iul. Pompon. Sab. *aspere frusci* a m. pr. Medic. (et litera *f* prius *t* fuerat, ut notat Foggin. *Wr.*) in quibus argutandi copia esset. 414 *per silvas* Moret. quart. et Regius Martini. et a Franc. abest. 415 *Creditur* Menag. pr. 416 *victae* Medic. a m. pr. et Reg. a m. sec. *iunctae* Moret. sec. et duo ap. Martinum. *iunctae vites*, iugata vinea Iul. Sabin. *fulcemque* Goth. sec. 417 *Iam canit effectos extremus vinitor* Romanus; et sic Medic. Fogginii, nisi quod a m. sec. *effectus* erat, (*effectus* est altera lectio. *Wr.*) it. Erf. *effoetus extremus* alii cum cdd. vett., ut Argent., et hoc etiam Nonius Marcellus in *antes* agnoscit. Possit hoc ferri, si nulla esset variatio. At alii plerique *effectus extremos*. Hinc alia librariorum ludibria: *effoetus* vel *effectos extremus*, *effectus extremos*, *effectos extremos*, *effoetus extremos*, *effoetus extremis* in Goth. pr. Scilicet primam lectionem fuisse, *effetus extremos*, verisimile sit, quam mutarunt Grammatici, qui brevis syllabae productionem non ferebant, ut nunc sit quod per omnes ab Aldd. inde edd. vulgatum: *extremos effetus*. (*effetus extremos* tñetur Cortius ad Lucan. VII, 770. Facilis traectio adiectivorum ab eadem vocali incipientium, candem quoque habentium mensuram. Praestantissimi libri voc. *extremus* vel *extremos* posteriore sede collocant. *Effectos extremus* etiam in Paris. 2. 3. 4. 7. 12. legi testatur Pottier. Iam vero cur praeter necessitatem poeta metrum violarit, dicens *effectus*, vel *effetus extremos*, quum servata lege metrica *extremoseffetus* dicere pótuerit, nulla cogitari potest causa; de qua re vid. omnino Q. V. XII, 14. Hinc accusativum *effectos* vel *effetus* requiri patet. *Effeti* autem *antes* sensum praebet ab h. l. prorsus alienum, *effecti* contra commodissimum; significatur enim transactus vitium curandarum labor. Sic Moret. vs. 117.: „Constet ut effecti species nomenque moreti.“ Nec ad vinitorum epitheton *effetus* recte refertur; *effetus* enim valet 1.) qui peperit; 2.) qui pariendi aut procreandi facultatem amisit; hiuc 3.) de senectute; 4.) de homine libidinibus exhausto; 5.) de agro exsucco. Nusquam autem *effetus* dicitur is, qui laboribus defatigatus est. Itaque alteri lectioni *effectos* soli locus concedi potest. Denique diversitas *extremos* pro *extremus*, et *effectus* vel *effetus* pro *effectos* inde orta, quod nominum iuxta positorum terminationes saepissime a librariis inter se permutantur. *Wr.*)

ἐνὶ πορτῇ θεῶσαι. Sic h. l. *laudato*, valere iube, aliis relinque, habeant illi sibi, ut *colito* pro praefere, potiori loco habe.

413. *ruscus* virgulti genus, *oxymyrsine*, *ruscus aculeatus*. cf. Martin. 415. *salices* curandae sunt, h. virgae ex iis parandae. *incullae*, quae ipsae

per se nulla cura indigent et sponte proveniunt.

416. *Iam arbusta*, h. vites iam satis putatae sunt; aut, cum vites iam memoratae sint, arbores, quibus vites iugatae sunt; *reponunt falcem*, dum per eas reponere falcem licet; falcem non amplius requirunt. 417 — 419. Pulcerrime perfectam et

Sollicitanda tamen tellus, pulvisque movendus;  
Et iam maturis metuendus Iuppiter uvis.

Contra non ulla est oleis cultura; neque illae 420  
Procurvam exspectant falcem rastrosque tenaces,  
Quum semel haeserunt arvis, aurasque tulerunt.  
Ipsa satis tellus, quum dente recluditur unco,  
Sufficit humorem et gravidas cum vomere fruges.

#### 420. CONTRA, 424. HUMOREM,

420 *nonnulla* Leid. unus et Bodlei., ut iam Servius notavit legi. Sed mala ac perpetua aberratione. 422 Maior versibus vigor inesse videtur, si post *tenaces* interpungas, et novam sententiam ordiaris: *Cum semel haeserunt arvis aurasque tulerunt: Ipsa s.* (Sed tum offenderet *quum* bis in eadem verborum complexione positum. *Wr.*) Similiter subiicitur: *Poma quoque, ut primum — Vi propria nituntur.* Moneri potest, et monitum est, ita 420. 421 nimis magna polliceri poetam, oleas enim in seminario haud parum operae requirere; recte utique; sed poeta agit de oleis iam e viridario in olivetum transpositis. Nec tamen tam pervicaciter levem coniecturam teneo, ut minus eam probanti irasci aut maledicere velim. *tulere* Goth. pr. 424 *gravidas cum foenore fruges* coni. Reiskius et Io. Schrader. Vide Notam.

absolutam vinitoris operam putandi ac runcandi designat. Pervenit ad extremos *antes*, ordines vitium; *canit* eos, gaudet se eo pervenisse, et quidem *effetus*, viribus exhaustus, qui iam defunctus esse labore sibi videbatur; (sed vid. V. L. *Wr.*) iterum tamen ac denuo vinea fodienda seu pastinanda; quae ipsa fossio *pulveratio* dicitur. vid. Serv. h. l. et Indicem Scrippt. R. R. *ὑποζώνισις* Graecis. Et post tamen haec omnia novus labor ex tempestate iniqua et aeris iniuriis oriri potest, ut adversus grandinem, pluvias, rubiginem, reliqua aeris vitia vitis munienda ac defendenda sit. Ita v. 419 accipiendus esse videtur. cf. Colum. IV, 3, 4, ubi de vinea: *Res enim est tenera, infirma, iniuriae maxime impatiens* etc.

420. 421. Olearum contra

nulla est cultura, h. oleae nulla fere cultura indigent. *Levi cultu sustinetur olea* Colum. V, 8, 1, ubi de earum cultu agere incipit. Add. Plin. XVII, 30 sqq. Porro *neque illae Procurvam — tenaces*, h. nec putatione nec pastinatione opus est, scilicet non tam assidua ac perpetua. Bene Servius: *quod tamen ad curam refertur anniversariam, nam necesse est, licet tarde, olivam putare*; id quod vel ex Columella notum est. 422. *Cum semel haeserunt terrae*; sup. 317 *vites semine iacto Concretam — radicem adfigere terrae*. Et ad illa *aurasque tulerunt* cf. v. 332 sq. In illis: 423. 424 potest quidem recte dici: *ipsa tellus satis*, h. assatim, *sufficit* scil. oleis humorem; iudicio tamen ac delectui Virgiliano consentaneum, *satis* ita accipere, ut oleas *sata* appellaverit, quemadmodum



Hoc pinguem et placitam Paci nutritor olivam. 425

Poma quoque, ut primum truncos sensere valentis,  
Et vires habuere suas, ad sidera raptim  
Vi propria nituntur opisque haud indiga nostrae.

428. NITUNTUR,

425 *placidam* quinque apud Burm., male. (Medic. *nutritur*, sed *u* in *o* mutata. Ceterum cf. notata ad Aen. III, 61. *Wr.*) 426 *Pomaque iam Ven. calentes* Medic. a m. pr. (idem *truncus. Wr.*) 428 *que* abest a Parrhas. et Gifanii libris, etiam a Romano vetustissimo, qui *opes haut* suo more scribit. Agnoscas facile fulcrum versus a Grammaticis submissum. (Minime otiosum est *que* h. l., sed iungit inaequalia membra; vid. Q. V. XXXIII, 2.; quod qui non intelligerent, sustulerunt copulam; quae adiecta fortiorem reddit orationem. *Wr.*)

supra vineas. cf. ad v. 267. Sic mox v. 436 *saepemque satis*. Porro *dens uncus* ligonis ac bidentis est; et sententia sic constituitur, ut, dummodo fodiatur et bidente aut sarculo subigatur humus, iam ipsam tellurem dicat suppeditare oleis humorem; si vero etiam aretur solum et aliquando magis frangantur glebae, tellurem subministrare *gravidas fruges*, h. uberem olivarum proventum. Colum. V, 9, 15 *Nam veteris pro-verbii meminisse convenit: eum, qui aret olivetum, rogare fructum; qui stercoret, exorare; qui caedat (putet), cogere; et §. 12 Sed id (olivetum) minime bis anno arari debet, et bidentibus alte circumfodiri*. Tandem *cum vomere* potest quidem ita accipi, ut sit, cum aratione, h. e. ducto vomere, aratione facta, sed verius est, ut suppleatur, *cum recluditur vomere*: scilicet *et tellus sufficit fruges gravidas, cum recluditur vomere*. (Hoc secuti Voss. Wunderl. et Iahn. verba ita distinguunt: *et gravidas, quum vomere, fruges*. Ita duplex proponeretur

praeceptum; unde Vossius voc. *satis* recens *satas* oleas significari ait; hoc autem velle Virgilium, ut humus circa recens *satas* et teneras arbusculas bidente fodiatur; quum adultae sint, ad fructus rogandos sufficere arationem. At uno praecepto haec inclusit Columella, bidentem et arationem simul adhiberi iubens, l. l. V, 9, 12. Quare equidem sic statuo: *cum* esse praepositionem, — sic etiam Servius — et vim habere conditionalem, quam ei inesse demonstrat formula illa Celso maxime frequentata *cum eo tamen, ut, ne, i. e. ita tamen, ut, ne*; vid. etiam Drakenb. ad Liv. III, 37. Non dissimile est Ennianum illud p. 62. edit. Hessel.: „Dono, ducite, doque volentibu’ com magnis Dis;“ quod pluribus illustravit Columna ad h. l. *Cum vomere, i. e. cum aratione, sive si, vel quum aratur*. Similiter Ge. IV, 400. *circum haec, i. e. si haec feceris*. Causae effectusque coniunctionem quandam exprimit *cum* Ge. I, 190.: „Magna-que cum magno veniet tritura calore.“ Aen. I, 55.: „Illi in-

Nec minus interea fetu nemus omne gravescit,  
 Sanguineisque inculta rubent aviaria baccis. 430  
 Tondentur cytisi, taedas silva alta ministrat,  
 Pascunturque ignes nocturni et lumina fundunt.  
 Et dubitant homines serere, atque inpendere curam?

## 432. NOCTURNI,

429 *gravascit* Mentel. Leid. *virescit* Rottend. pro var. lect. et Goth. pr. 430 *que* abest a Goth. sec. *alvearia* Gud. a m. pr. Mox in Romano v. 432 autem versum 431 ponitur, male. 432 *que* abest a Goth. pr. et uno Mead. *ac lumina* unus Pierii, nimirum Romanus, duo Heins. et Goth. sec. *fundi* Gud. pro div. lect. (quod Heinsio probatur; vid. Q. V. XXX, 6. *Wr.*) 433 Abest hic versus a Mediceo, et aberat ab Ursini Colotiano. (Sic solet Colotianus Mediceum sequi. Itaque hi libri duo unius instar habendi. Signa tamen quaedam in Mediceo appicta admonere videntur lectorem, deesse hic versum in aliis libris lectum. *Wr.*) Sed sententia versum absolvens facile excidere potuit. Versus per se est praeclarus. *curas* Goth. pr. et ed. Dau., nonnullaeque ap. Martinum. *cura* Rottend. tert. et Goth. sec.

dignantes, magno cum murmure montis, Circum claustra fremunt.“ Nota est etiam temporalis potestas praepositionis *cum*, ut Ge. III, 324.: „Luciferi primo cum sidere.“ *Wr.*) 425. *Hoc*: est Homericum *Τῷ* pro *διὰ τοῦτο*, propter hoc, propterea, ut Lucret. IV, 1087 et alii. *nutritor* pro vulgari *nutri*.

426. Commendat poeta reliquarum quoque arborum cultum. *Poma* videntur omnino pomiferae esse arbores. (Ad vs. 34. haec scribit Wunderl.: „*corna* pro *corni*, ut vs. 426. *poma* pro *pomi*, dicere ausus est Virgilius.“ *Wr.*) Reliqua sic vulgo accipi video: *truncos sensere*, quibus insitae sunt mali, et cum succos eorum in se derivarunt. Verum *sensere*, ut poeta dixit, pro habuere, habent; ubi semel adleverunt, ut iam trunci sint, non surculi; ubi iam robur habent. *vires suas*, nos, succos necessarios, et *propria vi*, natura sua. conf. vss. 79 — 82.

429. Pergit in argumentatione usque ad v. 454; exornavit autem locum arte mirabili. Si oleae et omne pomorum genus non eandem ac vineae operam desiderant, multo minus reliqua arborum genera multum laboris exigunt, et magnos tamen fructus ferunt.

429. 430. Silvestres arbores fructus et utilitates plurimas nobis ferunt, nec tamen ullam aliam curam exigunt, quam ut seramus. *interea*, dum vitibus tam gravis labor impenditur, oleaeque et poma minore cultu proveniunt. *omne nemus*, omne arborum genus, *gravescit fetu*, βρέθεται, ut *gravida frugibus arbos*, et Eclog. III, 56 *nunc omnis parturit arbos*. Lucret. I, 253. 254 *At nitidae surgunt fruges*, ramique virescunt Arboribus, *crescunt ipsae fetuque gravantur*. — *aviaria*, „secreta nemonum, quae aves frequentant.“ Servius. A donibus poeta ad

Quid maiora sequar? — salices humilesque genestae,  
Aut illae pecori frondem, aut pastoribus um-  
bras 435

Sufficiunt, saepemque satis, et pabula melli —

434. SEQUAR? SAL. 436. SUFFICIUNT; MELLI.

434 *sequor* Erf., quod coniecit Io. Schrader. (Acute quidem Schraderus. Coniunctivo in eiusmodi interrogatione utitur, qui leviter et per transitum rem aliquam tacturus est; Indicativus contra est rem coeptam omittentis; illud ad sequentia spectat, hoc ad praegressa. Illius generis exempla praebent Ecl. VI, 74.: „Quid loquar, ut Scyllam Nisi“ etc. Ge. I, 104.: „Quid dicam, iacto qui semine comminus arva Insequitur?“ Aen. VI, 601.: „Quid memorem Lapithas?“ VIII, 483.: „Quid memorem infandas caedes?“ Huius generis exempla exstant Aen. II, 101.: „Sed quid ego haec autem nequidquam ingrata revolvo?“ IV, 368.: „Nam quid dissimulo?“ nempe: hoc ita esse. vid. Q. V. XXXI, 3. Unde intelligitur, videri nostro loco scribendum: *Quid maiora sequor?* commemoraverat enim poeta iam maiora, non nunc demum commemoraturus est. Sed religiosum est, lectionem tanto codd. consensu firmatam deserere. Quid vero, si non critici, sed interpretis auxilio haec indigent? Nempe illud *maiora* referendum non ad praegressa, sed ad ea, quae paulo post vs. 437. sqq. leguntur, ubi toti montes lucique cum altis arboribus commemorantur; nam etiam buxus, qua nobilis erat Cytorus, proceritate insignis fuit. Itaque oratio ita se habet: „quid maiora sequar — quum etiam minora suum habeant usum — buxum, qualis est in Cytoro, piceas, pinus, cedros, cupressos?“ Scilicet fefellit Viros doctos vis copulae *Et* vs. 437., qua post plura interposita continuari orationem docuimus Q. V. XXXV, 9. *Wr.*) *genestae* in antiquis scribi, Pierius notat. vid. sup. v. 12. (*genestae* hoc quidem loco etiam Mediceus; item Serv. Dresd. *Genistae* Rom. et 2. 3. Praeterea *humilis* Medic. *Wr.*) 435 *Et tiliae pecori* multos legere notatum in Servianis. *umbras* post Pierium Heins., e melioribus. *umbram* alii. (in quibus Mediceus et edit. tert. Ald. *Wr.*)

silvas traduxit. Sup. v. 328 *avia virgulta*. 431. *Cytisus* inter arbusculas apud Theophrast. et Plin. *Cytisum Marantae* videri a poetis intelligi, docet Martinus ad h. l. cf. sup. ad Ecl. II, 64. Mox in pedestri oratione structura fuisset, *taedas silva ministrat, quibus, seu unde, ignes pascuntur*. De *taeda*, proprie dicta, arbore, *succo parciore liquidioreque quam in picea, flammis ac lumini sacrorum etiam grata*, vid. Plin. XVI, 10, s. 19. 433. Quae cum ita sint, nonne debebant homines serere eas arbores, et hoc quidquid operae est, iis impendere? For-

ma orationis ut in illo Aen. VI, 807 *Et dubitamus adhuc virtutem extendere factis?* (vid. Q. V. XXXV, 7, d. *Wr.*)

434. *Quid maiora sequar?* vulgari ratione: ne maiora commemorem. Sed *maiora* possunt esse utilitates maiores et arbores maiores: hoc Cerda, praeunte Servio, sequitur: Quid insistam in narrandis commodis maiorum arborum (de picea modo egerat), cum salices et genestae etiam afferant utilitates suas. *genestae*, vid. sup. v. 12. Mox 435 *illae* ex sermonis venustate abundat, et vulgaris structura ac ratio erat: Ita verbi caussa salices et



Et iuvat undantem buxo spectare Cytorum,  
 Naryciaeque picis lucos; iuvat arva videre  
 Non rastris, hominum non ulli obnoxia curae.  
 Ipsae Caucasio steriles in vertice silvae, 440  
 Quas animosi Euri adsidue franguntque feruntque,

437 An fuit: *Ut iuvat — spectare!* (vid. notata ad vs. 434. *Wr.*) *Cytoron* tres apud Heins. Scribunt et *Citheron*, *Citherum*, *Cytheron*. Est τὸ Κῦτῳρον. 438 *Mariciae* Daniel. ed. et R. Steph. 439 *Non rastris* Leid. *Non ullis hominum* ap. Priscian. lib. XVIII. *non nulli* Rot-tend. sec. et Gud. a m. pr. et unus Mead. At vulgata ap. Gell. VII, 17. *non vilior noxia* Medic. a m. pr. 440 *Caucaseo* alii. vid. Eclog. VI, 42. (*Caucasio* praeter Medic. etiam 3. 5. vid. V. L. ad Aen. I, 201. *Wr.*) 441 *Quos et assidue* librariorum ineptiae apud Burm. *teruntque* malebat Voss.

genestae pabulum, umbracula, saepes, mel praebent. (vid. Q. V. XXI, 8. *Wr.*) *pecori*, capellis. 436. *sata* non modo agri arati, verum etiam, ut toties vidinius, modo 423, sunt arboreta, vineae, oliveta. *pabula apibus*, variata oratione et exquisitiore, *melli* dixit.

437. Locus ornatus. Primum formulam docte variavit poeta pro vulgari: porro etiam buxus grata arbor est et picea. (de tota orationis forma necesse est consulantur ea, quae in V. L. ad vs. 434. scripsimus. *Wr.*) *Cytorus* Paphlagoniae mons in tractu maritimo, buxo nobilis. vid. ad Catull. 4, 13 *Cytore buxifer*. Adiacebat urbs eiusdem nominis (loca veterum sunt apud Cerdam et Martinum). *undantem buxo*, fluctuantem; (non *abundantem*, ut interpretantur codd. Servv. G. et Dresd. et Wagner. ad Valer. Fl. pag. 39. *Wr.*) qua imagine segetum, fruticum, et arbustorum laeta facies frequentissime a poetis exhibetur. Docte porro *undantem buxo Cytorum* pro, buxum undantem in Cy-

toro. *Buxi* autem quanta in aliis terris magnitudo sit, vel ex eo discas, quod Bion Idyll. II, 3 parvum Amorem per eius ramos huc illuc insilientem facit. 438. Pix e plurium arborum resina sit, maxime ex pinu ac picea. Plin. XIV, 20, s. 25 *Naryx*, vel *Narycum*, et *Narycium*, Locrorum Epicnemidiorum urbs, (non Epicnemid., sed Opuntiorum. *Wr.*) Aiakis patria. Iam ab his Locris colonia in Italiam deducta Locros condidit. conf. Aen. III, 399. Ad utram regionem *pix Narycia*, cuius et Columella X, 386 et Plinius XIV, 20, s. 25 meminerunt, referenda sit, dubitari posset, nisi *picis Bruttiae* satis frequens inter antiquos mentio fieret. vid. Heins. ad Ovid. Remed. 264. Petebatur ea inprimis e monte et silva *Sila*, de qua conf. Aen. XII, 715. vid. Strabo VII, pag. 400 B. 438. 439. *arva* silvis consita s. silvas, quae nullo humano cultu indigent. *non obnoxia* nihil labori nostro debentia, ut Servius; non egentia cura nostra.

Dant alios aliae fetus; dant utile lignum  
 Navigiis pinos, domibus cedrumque cupressosque.  
 Hinc radios trivere rotis, hinc tympana plaustis  
 Agricolae, et pandas ratibus posuere carinas. 445

442 *foetus* Gud. 443 *pinus* Gud. a m. pr. et quinque alii, etiam Goth. pr. conf. ad Aen. XI, 135. *cedrumque* Heins. e suis; ut Pierius in Rom. et antiquioribus aliis, et Martinus in duobus invenerunt; pro vulgari *cedrosque*. Eidem assimilatum in aliis et alterum, *cupressumque*. vid. ap. Burm., addo Arundel. (atque hoc praefert Vossius; non recte. *Wr.*) *que* post *cupressos* omittunt multi. *cupressus* Parrhas. 444 *Hic — hic* Moret. pr.

441—453. Sunt multae aliae arbores, unde utilitates accipimus. Caucasum puta poetice pro quocunque monte ac silva nominari. *steriles silvae — dant fetus*; oxymoron: sed priore loco *steriles* sunt sine fructu eduli; *fetus* vero sunt usus; ut statim *utile lignum* subiicitur. Similiter *viminibus salices fecundae* (ut bene observat Meierotto in Dubiis p. 7). *franguntque feruntque* in animo habuit, *agere ac ferre*, h. vexare. (At longe aliud est *ferre et agere*, ἄγειν καὶ φέρειν. *Ferunt* h. l. fere idem, quod *frangunt*. Talia autem minime ad vivum rescanda; solent enim sic interdum verba cognatae significationis ac similis soni cumulari; cfr. notata ad Ge. I, 157. *Wr.*) 443. Iuniperi certo generi, Oxycedro, nomen *Cedri* fere veteres tri-

buisse, observat Martinus. Conf. inf. ad Aen. VII, 13. IX, 137\*). 444. 445. De arboribus rustici conficiunt rotarum radios et plaustorum *tympana*, h. rotas ex solidis tabulis compactas (vid. Scheff. de Re vehic. I, 6 et h. l. Burm. Male tecta vehiculorum alii interpretantur), et navium carinas. *Hinc — hinc* iungit Burmannus, ut sit ex alia — alia arbore, parum commode ad meum quidem sensum; sed *hinc* ex illis arboribus, ex illis fetibus v. 442. (recte Heynius; aliter etiam vs. 445. dicendum erat: *hinc pandas*, non *et p. Wr.*) *trivere*, h. terere solent, atterendo, tornando conficere. *terere* pro *tornare*: vid. de ea voce Bentlei. ad Horat. I Sat. 3, 91. *posuere*, faciunt: ex τιθέναι, θεῖναι, pro ποιήσασθαι. ut toties Homerus.

\* Idemque me per litteras docuit Io. Andr. Murray, collega coniunctissimus: „Cedrus Libani ex ple-  
 „rorumque sententia est Pinus Ce-  
 „drus Linn., quae, si ratio habenda  
 „partium fecundationis, flores  
 „masculos ac feminos in eadem  
 „planta gerit et fructum strobila-  
 „ceum edit; a congeneribus au-  
 „tem speciebus per folia fascicula-  
 „ta aucta distinguitur. Cedrum Ita-

„liae et Graeciae ex genere Iuni-  
 „perorum esse multa docent, quae  
 „co imprimis differunt a Pinis, et  
 „consequenter etiam a Cedro Liba-  
 „notica, quod flores utriusque se-  
 „xus diversis arboribus insident,  
 „et fructus bacciferi sunt. Spe-  
 „ciem autem certo definiri hactenus  
 „non suppetit. An Iuniperus  
 „Lycia Linn.? an Iuniperus Oxyce-  
 „drus Linn.?”

Viminibus salices fecundae, frondibus ulmi,  
 At myrtus validis hastilibus et bona bello  
 Cornus; Ituraeos taxi torquentur in arcus.  
 Nec tiliae leves aut torno rasile buxum  
 Non formam adcipiunt ferroque cavantur acuto. 450  
 Nec non et torrentem undam levis innatat alnus,

446. ULMI: 447. HASTILIBUS, 450. ADCIPIUNT,

446 Potest et hic duplici modo interpungi; aut sic, ut vulgo fit; aut: *Viminibus salices, fecundae frondibus ulmi*. Quod praefram. (Recte vulgo interpungitur; in bono enim poeta semper simplicissima ratio tenenda. Remoto etiam colo in fine versus, comma posui, ut facilius iam prodeat verborum ordo: salices viminibus, frondibus ulmi, at myrtus et cornus, bello bona, validis hastilibus fecundae. Et fuisse, qui haec ita distinguere mallerent, discitur e Serv. Dresd. Sustuli etiam comma, quod erat post *hastilibus*. Wr.) *fecundae vitibus ulmi* Zulich. et Medic. a m. pr., ut ap. Burn. commemoratur. At Foggini fide *frontibus ulmi* legitur, *d* ab recenti manu alteri *t* adscripta. (idque suo iam testimonio confirmat Freytagius; neque is *vitibus* in cod. invenit.) Est hoc quidem etiam in Leid. *frondibus* Ven. et fr. edd. Aldd. et Iunt. cum Goth. pr. 447 *Ad* Medic. a m. pr., item *bella*. Tum *at bona b. unus* Mead. *bona telo* coni. Io. Schrader., ut respondeat hastilibus. 448 *Itireos, Tyraeos, Ithyrios, Ithyreos, Ithireos*, inserto *et* ab aliis, librariorum ludibria apud Burn. At *Itureos* aliquot apud Pierium. Graeci scriptores audiendi sunt, in quibus *Ἰτουραῖοι*. (*Ityreos* etiam Medic. et Serv. Dresd. Wr.) *curvantur* in nonnullis ap. Pierium, Fabric., Goth. pr., sed est hoc interpretamentum *τοῦ* torquentur, quod fere omnes scripti, Burmanno teste, habent. Videtur alterum legisse Avienus Perieg. 931. de arcubus: *Ambitus hos etenim multus trahit, et grave pondus curvis inest taxis*. Mox v. 450 ante v. 449 in Goth. pr. erat positus. 451 *torquentem* Medic. a m. pr. (est ea prior lectio, ducta e vs. 448. Wr.) *adnatat* ex ed. Argent. notarat Reiskius, unde refingebat: *torrente unda levis adnutat ulnus*.

446. *frondibus ulmi*. Ulmus — *frondem* iucundioribus praebet, etc. vid. Colum. V, 6, 3 et VII, 3, 21. Varro I, 24, 3. 447. *myrtus*: conf. Aen. VII, 817. III, 23. *bona bello cornus*, h. sagittis, iaculis, hastis; *tota* enim *ossea* est, Plinii verbo XVI, 38, s. 73. 448. *Ituraea*, ultra Iordanem, vel inde, quod ea Philippi tetrarchia apud Lucam et Iosephum fuisse memoratur, nota. Incolebant eam Arabes latrociniis infames, et sagittandi arte clari: latiore tamen nominis acceptione Ituraei etiam ad Sy-

riam referri solent: conf. ad Vibium Sequ. h. v. p. 400. Lucan. VII, 230. 514. Cicero Philipp. II, 8 et 44. Vide Cellar. Geogr. ant. T. II, p. 529; hinc praestantissimos arcus poeta ab iis designat.

449. 450. *Nec non*, etiam tilia et buxus tornari et scalpi possunt. *buxum* doctius poeta dixit, ea forma ut *malus*, *malum*.

451. *Alnus* navigiis utilis est. Padi ripae *alnis* consitae; itaque usus earum in faciendis navigiis promptus ac proclivis. Georg. I,



Missa Pado; nec non et apes examina condunt  
 Corticibusque cavis vitiosaeque ilicis alveo.  
 Quid memorandum aequae Baccheia dona tulerunt?  
 Bacchus et ad culpam caussas dedit; ille furentis  
 Centauros leto domuit, Rhoetumque Pholumque  
 Et magno Hylaeum Lapithis cratere minantem.

452 *examine* Medic. a m. pr. (*examine* Medic. apud Foggin. sed *c* transfossa, et ultimae *e* supra adiecta *a*. *Examinu* idem Medic. Ecl. IX, 30. Ge. IV, 103.; utrobique *c* transfixa. *Examina* in eod. Ge. IV, 21. *W*r.) 453 *alvo* ab Medic. et aliis scribitur. vid. Burm. (*alvo* libri, praeter Romanum, ad unum omnes; *alvus* pro *alveus* dici etiam Lexica docent; itaque *alvo* recipiendum videri possit; at vid. Q. V. XVI, 4. *W*r.) 454 *et quae B.* ab aliis legi, in Servianis notatur. (*tulere* hic, non *tulerunt*, scribendum videri, pronunciavi Q. V. V. *W*r.) 455 *cupam* apud Lutat. ad Stat. uno loco, at altero *culpam*. v. Burmann. *culpae* Parrhas. Goth. pr. unus Mead. 456 *Rhoetum* scribi ex membranis plerisque notavit Heinsius. *Rhoecum* ex Callimacho (in Dian. 221) reponere volebat Pierius. *Rhoecum* gigantis nomen esse, *Rhoetum* Centauri, statuerunt alii; melius dixeris, nomina aut poni promiscue aut confundi. In latinis libris *Rhoetum* constanter scribi, copiose docuit Bentlei. ad Horat. Carm. II, 19, 23. adde Intpp. ad Hygin. p. 5 Stav. *Centaurus*, graeca flexione, ex aliquot vet. notavit Pierius. 457 *magno* ed. Iunt. *Hyleum*. *Hileum*, *Ileum*, *Yleum*, *Leum*, scribitur, v. Propert. I, 1, 13. Graecum est *Ῥαῖος*. *minacem* Menag. pr., sed vid. Burm.

136 *Tunc alnos primum fluvii*  
*sensere cavatas.* Ex Lucan. IV,  
 131. 134 colligas, latera coriis  
 fuisse tecta. *torrens* proprie ad  
 Padi naturam. *Missa Pado*,  
 immissa in amnem de navalibus.  
 At Burmannus, ut alius ibi na-  
 tae transferantur ad alias re-  
 giones, ut *India mittit ebur*,  
 Georg. I, 57, quod alienum a  
 loco. Expressum esse versum a  
 Claudiano XXXV, 178 *missam-*  
*que Pado qui remigat alnum*,  
 iam alii notarunt. 453. *Corti-*  
*cibus cavis*, intra corticem, et  
 adeo intra truncos cavos ar-  
 borum.

454. 455. Sationem silvarum  
 suadere poetam memineris ex  
 v. 433. Tot tantisque utilitati-  
 bus multum cedunt fructus vi-  
 nearum quae tamen tam assi-  
 duam operam exigunt; quin ea-

rum cultura multa adeo mala  
 affert. Hoc, ut poetam decebat,  
 a generali ac nuda enuntiatione  
 ad facti exemplum deducit. *ad*  
*culpam*, h. ad furores, ad fa-  
 cinora et crimina committenda  
 incendit homines; ut iam bene  
 Burmann. exposuit. 456. Spe-  
 ctant ad Centaurorum vino ine-  
 briatorum furores et pugnam  
 cum Lapithis in nuptiis Pirithoi  
 cum Hippodamia. Vid. Ovid  
 Metam. XII, 210 sqq. Habuit  
 noster ante oculos Odyss. φ,  
 295 sqq. Cum ap. Ovid. l. I.  
*Rhoetus* et *Pholus* non occisi sed  
 fugati memorentur, Martinus,  
 alium doctum Britannum, se-  
 quutus, copiose adstruit, *fu-*  
*rentes leto* iungendum esse, non  
*domuit leto*. At enim *furere*  
*caede* facile dixeris, numquam  
*furere morte*, *leto*. Sed tota

O fortunatos nimium, sua si bona norint,  
Agricolae! quibus ipsa, procul discordibus armis,  
Fundit humo facilem victum iustissima tellus. 460

458 *bona si sua* Franc. *norunt* Moret. pr.

dubitatio illa inanis est ac vana, si, quanta in his fabulis poetarum variatio sit, et impune esse possit, memineris. Quid enim? Ab aliis *Hylaeus* et *Rhoetus* ab *Atalanta* in *Arcadia* occisi memorantur. vid. *Apollod.* III, 9, 2. *Schol. Callimachi* in *Dian.* 221 et ibi *Spanhem.* Alia pugna *Herculis* cum *Centauris* fuit apud *Pholum* devertentem: vid. *Apollod.* II, 5, 4. et *Not. ad e. l.*

458. Sequuntur laudes vitae rusticae, locus nobilissimus, cuius pulcritudinem qui non sentiat, is nec dignus sit, cui enarretur. Qui dulcedine harum voluptatum captus diutius suis sensibus indulgere vult, is post laudatos iam a *Cerda* et aliis *Statium Silv.* IV, 5. *Xenoph.* *Oeconom.* conferat *Culicem* v. 57—96. *Horat.* *Epod.* II. *Carm.* III, 1, 21—24. *Serm.* II, 6, 59 sqq. *Claudian.* LV *Felix qui patriis* etc. *Tibull.* I, 1. I, 5, 19—35. I, 10. II, 1. II, 3. *Statium Silv.* II, 2. *Senecam Herc. fur.* 159 sqq. Ex recentioribus primo loco *Thomsonum Autumn* 1232 sqq. Nobis quidem in ornatu huius loci accuratius retexendo, fessum tantarum minutiarum recensu, animum paullisper recreare liceat, inprimis cum in multis eius pulcritudinem non assequutos esse videam interpretes, quos quidem vidi. — *fortunatos nimium*, sollenni modo loquendi, pro multum, valde.

459. 460. *procul discordibus armis.* Atqui saepius quam velent agricolae infestant arma, copius agros insidentibus (*Meierotto* in *Dubiis* p. 8)? Scilicet poeta ponit id, quod in hac vita et agrorum longinquitate plerumque contingit; cum urbes opulentiae saepius expugnentur et diripiantur. Ita et alii poetae; cf. *Culex* 80. 81. Alioqui sic esset accipiendum: ut ipsi agrestes militiam non sequantur, nec opes et divitias e praeda. cf. ad *Tibull.* I, 1 pr. *ipsa tellus, αὐτῇ, αὐτομάτῃ*, lubens volensque. *facilem victum*, qui facile paratur, ut infra v. 500 *fructus, quos ipsa volentia rura Sponte tulere sua*, non sunt tantum silvestres, sed amplificatione poetica dicuntur etiam ii fructus, qui facili opera parantur. (vide ne *facilis* sit i. q. *ἄφθονος*, affluens; quae quidem notio apprimè convenit verbo *fundit*. Vid. de hac significatione adiectivi *facilis* *Gronov.* ad *Liv.* XXIII, 11. *Graev.* ad *Cic. Epist.* ad *Fam.* III, 12. Sic ipse *Virgilius Aen.* I, 444.: „sic nam fore — — facilem victu per saecula gentem.“ ubi vid. *Not.* *Compara* etiam *Homericum* illud: θεοὶ ῥεῖα ζῶντες. *Wr.*) *fundit*, sufficit, suppetitat; cum copiae notione. cf. *Ecl.* IV, 20. Translatum inde ad partum, inprimis facilem ac felicem. *iustissima*, quia *creditum reddere*

Si non ingentem foribus domus alta superbis  
Mane salutantum totis vomit aedibus undam;  
Nec varios inhiant pulcra testudine postes,  
Inlusasque auro vestis, Ephyreiaque aera;

462 *vomat* Medic. Picrii, Voss. et Moret. quart. et Schol. Cruqu. Horat. Carm. III, 18. Epod. II, quod esset elegantiae oratoriae; (quam dixerit H. elegantiam, non facile assequaris. Si quum est fatentis et concedentis, adiunctum habet Indicativum. *Wr.*) praeter codices tamen, Schol. Statii Theb. I, 146 et Macrob. Sat. VI, 2, vulgatam tuentur. *salutate* Ven. *notis* Reg. Martini, sed vid. Notam nostram. 464 *Inclusasque* Medic. a m. pr. (*inlusas* cum litura inter *n* et *l*; et videtur Fogginio scriptum fuisse *inclusas*. *Wr.*), Romanus et al. ap. Pierium ac Martinum, cum Erf.; et sic in Scrvianis quosdam male legere notatur; a duobus *que* abest. (*vestes* Medic. *Wr.*) *Ephyraea*, *Ephyrea*, male alii. Est sane *Ἐφυρα*, *Ἐφυραῖος*; sed et *Ἐφύρειος*, *Ἐφυρηῖος*. Forte ad eum modum formatum dixcris *τὰ Κύθηρα*, *Κυθηραῖος*, *Κυθέρειος*, *Κυθηρηῖος*.

terra, *acceptum referre*, dicitur, eique *fides*, *fenus*, *aequitas* tribuitur. Sublectum esse hoc Menandro (non Menandro, sed Philemoni; vid. Meineke ad Men. et Phil. Reliqu. pag. 406. *Wr.*) statuebat doctus Britannus; cum in Fragmentis sit: *δικαιοτάτων πτῆμ' ἐστὶν ἀνθρώποις ἀγρός*, *Ὡν ἡ φύσις δεῖται γὰρ, ἐπιμελῶς φέρει*. Saltem bene convenit. *γῆδιον δικαιοτάτων* etiam Xenophon dixit Cyrop. VIII, p. 468. At *tellus* fundit *humo*. Vavassor de vi et usu voc. pag. 150 observat hoc et ait, esse utrumque unum idemque. Male vero. Scilicet habet hoc poeticus sermo praecipui, dum copiam sectatur, ut synonymis ita utatur, ut alterius latior, alterius angustior ipso positu, significatus sit. *humo*, h. ex solo, culta sua superficie; sic *rivos praetereuntis aquae* Tibull. I, 1, 28. ubi vid. Obs. adde supra Ecl. V, 47. Livium V, 44, 6. Sic supra v. 411 *segetem obducunt sentibus herbae*. Mox 461 *domus totis vomit aedibus*. Sed

et *humus* ex sermonis proprietate numquam pro toto terrarum orbe ponitur, sed sive ad frugum culturam (Avien. Descr. Orb. 1193 *Dives humo tellus*), sive ad humationem corporum fere referri solet.

461. 462. Si fastus et luxus potentium abest. Primo loco Clientium turbam memorat. Certavit, quod iam Macrob. VI, 2 notavit, cum Lucretio II, 24—36 pulcerrimo loco; quo etiam exprimendo iam vires expertus erat in Culice 61 sqq. Aliter suavissimum phantasma ornaverat Catull. LXIII, 269 sqq. *Vomere* sermonis Romani genius in aditu, qui magnam hominum copiam admittit, facile fert, cum et *vomitoria*, ut in theatro, dicantur: Macrob. VI, 4; *totis aedibus vomit*, ad maiorem etiam multitudinis significationem, quae totam domum, h. e. atrium, repleverit, et vomit *foribus*, per fores. Vix enim placet *domus alta foribus*. Eodem etiam *unda salutantum* facit; sic et *effusa* multitudo di-



Alba neque Assyrio fucatur lana veneno,  
Nec casia liquidi conrumpitur usus olivi:  
At secura quies, et nescia fallere vita,

465

465 *fuscat* quatuor ap. Burm. cum Erf. et tres apud Martinum, qui et in textum recepit. Sed ut vs. seq. *corrumpitur*, sic h. l. *fucatur*, cum accessione odiosae notionis, quasi vitiatur, contaminatur. *nec* Goth. pr., ut in Servio aliisque, etiam Romano. *lena* Ven. 466 *liquida* Goth. sec. *liquidae olivae* e Leid. laudat Burmann. ad Samonic. de Medic. 961. conf. ad Ecl. V, 68. 467 *Ac Longobr.* Sed Goth. sec. *vitam* Romanus, alter Mentel. et Menag., quod ferri posset, praeferrī alteri non potest.

citur. Ceterum haec eadem brevius, nec minus tamen graviter, expressit Horat. *Forumque vitat, et superba civium Potentiorum limina.*

463. 464. Si non superba palatia incolunt. Ad verbum: *Si non habent*, at quam splendidius pro eo, *inhiant*, habere cupiunt, si non habere curant, *postes varios pulcra testudine*, h. fores opere variegato, testudineo. Expressos hinc vides versus Lucani X, 120. 121 *Ebur atria vestit, Et suffixa manu soribus testudinis Indae Terga sedent, crebro maculas distincta Zmaragdo. vestes, stragulas, auro inlusas*, h. pictas (*ludere, lusus, ludibrium, ὑβρις*, sunt artificii naturam imitantis vocabula), *Ephyreiaeque aera*, signa et vasa ex aere Corinthio.

465. 466. Si porro nec purpurae nec unguentorum usum habent. *fucus* de adoptato colore quocunque frequentatum; ut et *venenum* de quovis succo, inprimis aut amariore aut acriore. *Assyrium* h. l. pro Syrio et Phoenicio, ut plerunque apud poetas fit: sic *Ἀσσύριον ξείνον* accipiendum puto de mercatore Phoenicio apud Theocrit. II, 162. *usus olivi*, nova periphrasis, quo

quis utitur. Horat. Od. III, 1, 42 *Nec purpurarum sidere clarior Delinit usus.* inf. III, 135 *nitio ne luxu obtusior usus Sit genitali arvo.* De casia vid. sup. ad Ecl. II, 49. Georg. II, 212. ad Tibull. I, 3, 61. At h. l. intelligendus est frutex ille, de quo Plinius agit XII, 43 et de quo inprimis videndus Haselquist. Huius casiae ligna miscebant unguentis; cum vulgus oleo nativo uteretur. *Corrumpi* cum dilectu, pro misceri, temperari, quocunque modo, h. l. tamen cum adiuncta notione: in deterius mutationem fieri: ut vitiatum, contaminatum, sit. (exempla huius locutionis vid. apud Cerd.; Iacobsius laudat Plutarch. T. II. p. 393. C.: „τὰ μινύμενα τῶν χρωμάτων οἱ βαφεῖς φθείρεσθαι, καὶ φθορὰν τὴν μίξιν ὀνομάζουσιν.“ Wr.)

467. *secura quies*, quam quis agit secure. Sic in Bucol. *tuta valle*, in qua quis tutus versatur. Lucan. V, 526 *Securus belli; praedam civilibus armis Scit non esse casas.* Hoc expeditum. At *nescia fallere vita* nil aliud esse potest, quam *vita tuta, ἀσφαλής*, certa, nullis casibus adeoque nec metui obnoxia. Antecesserat *secura quies*. Scilicet

# Dives opum variarum; at latis otia fundis,

468 *ac* in libris ap. Pier. et in Reg. Martin. *laetis* in edd. Macrob. Sat. VI, 2, quod Heinsio arridet. At enim *laetos campos, agros; fundos* autem *latos* probandos puto, etiam hoc sensu, ut sint patentes. *et laetis* duo ap. Burm. (*et laetis* e Medic. affert Burm. Verum apud Fogg. *at latis* exstat. Certe *laetis* Heinsius, qui id sibi impense arridere ait, si invenisset in Mediceo, non Burmanno demum commemorandum reliquisset. *laetis* tamen etiam 2. 7. 14. *Wr.*) *lectis* Gud. a m. pr.

*vita fallere nescia* est idem ac *vita non fallax*. Iam *spes non fallax* est certa. *Seges non fallax*, fallere nescia, esset certa, de qua metus nullus est; atque hinc *ager non fallax*. Adeoque *vita non fallax*, vita certa, tuta, nullis vicissitudinibus obnoxia, quam tutus ac securus agas. Hactenus cum viro docto exponas: quae expectationem de se sustinet, quae praebet ea, quae de illa expectabas. Iam autem hoc ipsum inter potiores vitae laudes habetur, quod nulla re eius fructus turbatur. *Parva non mendax* apud Horatium est, quae vera canit, quatenus fata certa ac fixa sunt. Et hanc explicationem Servius altero loco posuit: *aut quoniam immobilis est status vitae eorum; urbanorum enim vita aut insidiis aut proscriptione variatur*. Ad Hesiod. *Egy.* 227 sqq. respexisse putabat Ursinus. Ad verba tamen nihil inde lucreris. Per se dicta *fallere nescia vita* pluribus modis accipi possit; ut h. l. quoque factum. Vulgo accipiunt sic, ut sit innocua (scil. ut sit vita hominum, qui non fallunt, fraudum expertes sunt; homines simplices): sententia quidem vera, quae et in Culice occurrit 72 *Otiisque invidia degentem et fraude remota*. Et sane *vita*, βίος, pro hominibus. Dura ta-

men interpretatio. Fuit vir doctus, qui malebat interpretari: vita, quae non fallit, non latet, non effugit sine fructu. Ita tamen adiectum aliquid desideres, quod ad illam notionem ducat. Nam Horatii I Ep. 18, 13 *fallentis semita vitae* alienum est; ibi est: quae latet, obscura est. In hunc sensum expectares h. l. vitam, quae potest fallere, h. quae fallit, latet. (Si in prioribus *secura* ad homines pertinet, qui *quiete* fruuntur, consentaneum est, epitheton quoque *nescia fallere* ad homines vitam agentes referri, intelligique vitam liberam a dolis et fallaciis, h. e. cupiditatibus. Exhibuit igitur Maro vitam metu vacuum et cupidinibus; et ea demum est vita beata. *Wch.*) 468. *opum variarum*. Reprehenditur epitheton ab ill. Homio Tom. III, c. 21 *Elem. Critic.*, tamquam nimis laxum adeoque enervum; debuisse enim opes sigillatim enarrari, aut unum opum genus poni, non autem incertam et fluctuantem notionem admitti. Arguta haec sunt, non negem; argutius tamen, videre, poni a poeta primo loco genus, tum subiici opes singulas: otium, antra, etc. Fefellit viros doctos, quod non viderunt, *At* h. l. esse pro formula sententiae, sed cum vi aliqua,

Speluncae, vivique lacus; at frigida Tempe,  
 Mugitusque boum, mollesque sub arbore somni 470  
 Non absunt; illic saltus ac lustra ferarum,  
 Et patiens operum exiguoque adsueta iuventus;  
 Sacra deum, sanctique patres; extrema per illos  
 Iustitia excedens terris vestigia fecit.

Me vero primum dulces ante omnia Musae, 475

472. OPERUM, ADSUETA,

469 *ac tres ap. Burm., duo apud Martin. et uterque Goth. et Medic. et Comm. Cruqu. ad Horat. Od. I, 21.* 471 In antiquis edd. *illi et illis* legitur, et *Non absint. illis* etiam Cantabrig. *illinc* Ven. *nec et et lustra* nonnulli. 472 *At* Leid. et Donat. ad Terent. Andr. I, 1, 43, ubi et *parvoque*, quod habent fere omnes scripti et editi eodem sensu. At *exiguoque* recepit Heinsius. Habent id Romanus, Mediceus, Venetus, ed. Ven. et edd. Macrobbi VI, 2. vid. Burm. (*exiguo* etiam cod. Serv. G. apud Burm. Vossius *parvoque* recepit; sed recte iam Burm. vidit, ex Aen. IX, 607., ubi idem versus legitur, hoc repetitum esse. Facile etiam exquisitior vox *exiguo* in vulgarem *parvo* mutari potuit. *Wr.*) 474 *vestigia figit* Cantabrig., ut Aen. VI, 159. 475 *Me vero primum* malebat Reiskius, h. e. *οἰκείον καὶ ἴδιον ἑαυταῖς*, sibi addictum et proprium. *Dulces Musas* ex h. l. memorat Dialog. de Orat. 13.

continuandae, ut in Graecis poetis δὲ, *αὐτὰρ*; et similia. *latis otia fundis*: non de latifundiis cogitandum; sed sunt campi et colles aperti, unde prospectus patet late: quae res ad animum et frontem explicandam magnam vim habet (Meierotto pag. 9). 469. *vivi lacus*, aqua perenni. *frigida Tempe*, umbrosae valles. 470. *molles somni*, lenes, tranquilli et dulces. Ecl. VII, 45. 471. *Saltus* proprie de pascuis. *lustra ferarum*, silvae, venationem designant. 472. *operum*, int. opus rusticum; laboriosa iuventus, vitae pars melior. *exiguo adsueta*, ut *parvo*. Tibull. I, 1, 25 *contentus vivere parvo*. 473. Illic *sacra deum*; scil. sancta sunt et habentur, ut Servius: hoc vult, sacra ibi caste coli; illic pietatem et metum deorum esse. *sancti* sunt *patres*, vene-

rabiles, qui sancte ac pie coluntur. Nisi argutius haec dicta malis: Illic demum sacra vere sacra (pro sacris vere habita) sunt, illic senum sanctitas visitur. 474. *extrema per illos vestigia fecit*, cum scilicet iam multo ante aulas et palatia beatorum reliquisset. Vid. Arat. Phaen. 100 sqq. Supersunt inter agrestes vestigia priscae iustitiae et innocentiae.

475 — 489. Primum, ante omnia, studiis philosophiae ac naturae consecratam vitam agere se velle ait, quod si non licuerit, at certe rusticam. Utraque enim vita beata et exoptabilis; 490 sqq. alterius tamen deliciis ac bonis describendis immoratur. Expresit haec auctor Dialogi de Orator. cap. 13, digno, qui comparatur, loco. Semina sententiarum iacta iam videas in Axiocho



Quarum sacra fero ingenti percussus amore,  
Adcipiant; coelique vias et sidera monstrent;

476 *percussus* omnes optimi et antiquissimi. Ante Heins. *percussus*, quod nimis grave; nam percussus prosternitur; prava paucorum librorum lectio obtinebat. vid. Heins. et Bentl. ad Horat. Epod. XI, 2. (in Mediceo *percussus* supra scripta *l*; *percussus* etiam 4. 11. *Wr.*)

Platoni vel Aeschini tribui solito. Comparandus Thomson in *Hymne* 572 sqq.

475. 476. *primum ante omnia adcipiant me*: ita enim latine dicitur, primo loco: ut cum verbo iunctum sit *ante omnia*: ut Ecl. II, 61 *nobis placeant ante omnia silvae*. *Ante omnia primum mihi dicendum est*. An *Musae dulces ante omnia* bene dicantur, dubito; saltem in poeta nondum legere memini *ante omnia* iunctum cum adiectivo; sed *pulcer ante omnes*, non *pulcer ante omnia* ut supra omnes pulcra puella est, non: pulcra est supra omnia, *felix una ante alias Priameia virgo*. non, *ante omnia*. In serioribus occurrit, ut in Plinio *ante omnia efficax*, *ante cuncta mirabilis*. (Verborum collocatio, quod vidit iam Vossius, suadet, ut *ante omnia dulces* iungamus; idque Romanis auribus non ingratum aut novum fuisse, similis neutrorum usus probat; crebro legimus v. c. talia, quale hoc est: „nihil illo, sc. homine, iucundius.“ Comparare etiam illud licet, quod in allocutione non est infrequens: optime, dulcissime rerum. *Wr.*) *dulces Musae*, *μελίσχαι* Arato Phaen. 16. 17, quem locum in animo habuit. *Musae accipiunt eum*, qui se iis tradit, consecrat. *Sacra ferre* proprie est

sacrificantis, v. c. Aen. III, 19, tum omnino sacerdotis. Iam autem poetae *Musarum sacerdotes* frequenter appellantur. vid. Cerda. Notum Horat. Carm. III, 1, 3, et Propert. III, 1, 2 *Primus ego ingredior puro de fonte sacerdos Itala per Graios orgia ferre choros*. Manil. I, 6 *Ad viridi nutantes vertice silvas Hospita sacra ferens*. Porro magno *percussus amore* (πληγείς, vid. ad Aen. IX, 197) expressum ex Lucret. I, 922. 923 *sed acri Percussit thyrso laudis spes magna meum cor, Et simul incussit suavem mi in pectus amorem Musarum: quo nunc instinctus, mente vigenti, Avia Pieridum peragro loca etc.* Ex quo loco satis patet, poetam duxisse phantasma ab orgiis deorum, quos qui colebant, ἐνθουσιῶντες sacra celebrabant; ut Bacchi, Cybeles.

477. *coelique vias et sidera*, quod in vulgari oratione, siderum cursum in caelo. Iam Orpheus Argonaut. 205 ὅς ῥα πορείας Οὐρανίας ἀστρων ἐδάη κύκλους τε πλανήτας. *viae coeli* non uno modo dictae: vid. sup. I, 416. 417, ad Propert. IV, 1, 103. Quod vero poeta physicas quaestiones commemorat tamquam studii sui praecipuam partem, facit propterea, quia antiquiorum vatium, ut Orphei, Lini, Musaei, proprium id stu-

Defectus solis varios, lunaeque labores;  
 Unde tremor terris; qua vi maria alta tumescant  
 Obiicibus ruptis, rursusque in se ipsa residant; 480  
 Quid tantum Oceano properent se tingere soles  
 Hiberni, vel quae tardis mora noctibus obstet.  
 Sin, has ne possim naturae adcedere partes,  
 Frigidus obstiterit circum praecordia sanguis:

478 *laboris* Mentel. a m. pr. Laudat versus Macrobianus de Somn. Scip. I, 15. 479 *tusemunt* Longob. et Voss. pr. 480 *Obiicibus* scribunt alii; et sic iam apud Gellium N. A. IV, 17. (*obiicibus* praeter alios Medic. Rom. et Serv. *Wr.*) *residunt* ed. Dan. et ant. edd. *resident* Moret. pr. 481 *properant* ed. Iunt. *intingere* Goth. sec. 483 *non* quatuor ap. Burm. (et Serv. Dresd. *Wr.*) *non possum* Goth. sec.

dium fuisse traditum erat; porro quia Empedoclis, post Xenophanem et Parmenidem, *περὶ φύσεως* carmina inprimis magnam auctoritatem habebant, a Lucretio maxime commendatam, cuius studiosus admodum fuisse videtur Virgilius. Habent etiam physices capita haec et argumenta hoc praecipui, quod poeticum vel maxime ornatum admittunt. Expresserunt eundem locum communem multi poetae, ab Intpp. laudati, inprimis Manil. I, 99 sqq. Propert. III, 5, 25 sqq. 478. *lunae labores*, defectus. Lucretius V, 750 dixerat: *Solis item quoque defectus Lunaeque latebras* (vel hoc uno versu, Virgiliani carminis quantitas suavis sit, intelliges) *Pluribus e caussis* (hi sunt defectus varii) *fieri tibi posse putandum est*. 479. *qua vi m.*, h. caussas accessus ac recessus maris aestuantis. Argumentum sane philosophicae contemplationis sollemnius, quam alterum, tempestatum maris caussae; quod quidem et ipsum verba ferrent. *Obiices* sunt littora inprimis in ae-

stuariis. 481. Caussas varietatis in dierum noctiumque mensura intellige. Etiam hoc Lucretius exposuerat V, 679 sqq. *Quid tantum properent soles hiberni*, sol in hieme, hiemali tempore, *tingere se Oceano*, occidere etc.

483 — 489. Si philosophus esse nequit, agricola saltem esse vult.

484. Stuporem animi a frigore sanguinis ducere recte potest poeta, qui tantum probabilia sequitur; inprimis cum e philosophis nonnulli ita sensisse videantur. *Empedocles animum esse censet cordi suffusum sanguinem* Cic. Tusc. Qu. I, 9, ubi vid. Davies. Quod vero sanguinem circa praecordia memorat, ex antiqua Italorum philosophia petium videri poterat, in qua praecordia, *φρένας, πραιπιδας*, sedem non modo motuum animi, sed et mentis, faciebant. vid. Cicero ibid. Sed et hoc ipsum Empedocleum est, cuius versus laudatur in Etymologo Magno in *αἷμα* et alibi: *Αἷμα γὰρ ἀνθρώποις περικάρδιόν ἐστι νόημα*.

Rura mihi et rigui placeant in vallibus amnes; 485  
Flumina amem silvasque inglorius. O, ubi campi  
Spercheosque, et virginibus bacchata Lacaenis  
Taygeta! o, qui me gelidis in vallibus Haemi  
Sistat, et ingenti ramorum protegat umbra!

486. CAMPI,

485 *rigidi* Rom. Pierii. 486 *O ubi Tempe* coniectura plurium docto-  
rum virorum apud Burm., at ea vs. 469 iam memorata, et vid. Notas. (*Do*  
*ubi* Medic. a m. pr. *Wr.*) 487 *Spercheosque* dictum ut *Ἀλφειὸς*, Al-  
pheus, *Πηνειὸς*, Peneus, sic *Σπερχειὸς*, Spercheus. Heinsius reposuit  
e Mediceo; in quatuor *Spercheus*; (ut Medic. a m. sec. *Wr.*) Alii *Sper-*  
*chiosque*, *Sperchios et*, *Sperchiusque*, hoc quidem in vulgg. edd. v. Heins.  
h. l. et ad Ovid. Met. I, 579. (*Sperchius* cum Servio praebeant eius familiae  
codices, in qua excellit Romanus. *Spercheus* etiam 3. 4. Vid. Q. V. IV.  
*Wr.*) 488 *gelidis convallibus* Medic. et unus Mead., forte *gelidi*, in-  
quit Heins. (Plures si addicerent libri, reciperem *convallibus*, quum modo  
praecesserit *in vallibus* vs. 485. *Wr.*)

Notabilis locus Schol. Cruqu. ad  
Horat. Art. 465 Empedocles —  
*qui dicebat, tarda ingenia fri-*  
*gido circa praecordia sanguine*  
*impediri*. At quomodo ad haec  
somnia homines delabi potuere?  
Scilicet, quod primis rerum ae-  
tatibus nullus erat sapiens, qui  
non esset poeta, nullus poeta,  
qui non maiore animi motu at-  
que aestu raperetur, aut, ut  
loquebantur, divino spiritu (*ἐν-*  
*θουσιαῶν*) ageretur. *Calor* ita-  
que *sanguinis* cum animi vi, in-  
genii subtilitate, poetica facul-  
tate, naturae aliquam coniun-  
ctionem habere videri poterat.  
Imitatus est versum Lucan. II,  
557 *Fervidus haec iterum circa*  
*praecordia sanguis Incaluit*.

485. *amnes rigui*, h. l. qui  
rigant. *amem*, colam. Exem-  
plis illustrat Burm. 486—489.  
O quam vellem ruri vitam agere!  
Tamquam poeta nobiliora rura  
memorat, in Thessaliae, Laco-  
nicae, ac Thraciae campis. cf.  
Culicem v. 93, in quo quasi se-

mina aut rudimenta huius pul-  
cerrimi loci videas. *O ubi* non  
itaque est, ut situm locorum  
quaerat, sed ut ibi degat. Ha-  
bet tamen locus maiorem *δενό-*  
*τητα*, si ita iungis: *O utinam sit,*  
*qui me sistat ibi, ubi campi* etc.,  
enthusiasmo abreptus sententia-  
rum ordinem turbavit. (Vulgo  
verba sic ordinant: *O qui me*  
*sistat, ubi campi* etc., quod par-  
tim a vv. ordine non firmatur,  
partim etiam propter subiuncti-  
vum *sistat* et pron. *qui* pro *quis*  
offendit. Iunge igitur: *O ubi*  
*[sunt] campi. . . . o [ubi est,] qui*  
*me sistat* etc. Iahn. Vid. etiam  
Q. V. XXII, 3. extr. *Wr.*) *Campi*  
*Spercheosque* poetica structura  
enthusiasmo et ipsa consentanea  
dixit, pro campis ad Sperchium,  
campis Thessaliae, in cuius con-  
finiis subter Oetam montem flu-  
vius ille in sinum Maliacum exit.  
(vid. Q. V. XXXIII, 4. *Wr.*)  
*Taygeta* sc. iuga, *ὄρη*, ut τὸ  
*Ταῦγετον*, montes ex Arcadia  
per totam Laconicam procurren-



Felix, qui potuit rerum cognoscere causas; 490  
Atque metus omnis et inexorabile fatum

491 *ineluctabile fatum* Romanus Pierii, ex Aen. VIII, 334 scilicet.

tes; subiecta iis Sparta et Euro-  
tas amnis. *bacchata*, passive,  
quae bacchando frequentantur,  
in quibus virgines Lacaenae bac-  
chari, orgia Bacchi celebrare,  
solent. Sic *bacchata Naxos*  
Aen. III, 125. Erat autem sub  
Taygeto Bacchi templum, quod  
adhiuc Pausaniae aetate viseba-  
tur; ad id solis mulieribus aditus  
patebat, et mulieres solae sacra  
in operto faciebant. vid. Pausan.  
III, 20. Ita explicatus locus pla-  
cere potest. *Haemus* autem in-  
primis silvis abundabat: hinc vss.  
488. 489.

490 — 493. Beata est, inquit,  
vita philosophi, at nec minus  
beata vita rustici. cf. ad vs. 477.  
Columella in praef. iam a Cerda  
laudatus: *Res rustica — quae  
sine dubitatione proxima et quasi  
consanguinea sapientiae est.* Ci-  
cero in Cat. mai. 15 *Venio nunc  
ad voluptates agrorum, qui-  
bus ego incredibiliter delector,  
quae nec ulla impediuntur se-  
nectute, et mihi ad sapientis vi-  
tam proxime videntur accedere.*  
Philosophiae autem Lucretianae  
capita hic proferri ex primis sta-  
tim Lucretii paginis manifestum  
fit. vid. Lucret. I, 49 sqq. ad  
150, qui versus optimi huius lo-  
ci commentarii sunt. Forte et  
Graecus poeta utrique ante ocu-  
los erat. Laudatur ex Empe-  
docle: "Ὀλβιος, ὃς θεῶν πα-  
τρίδων ἐκλήσατο πλοῦτον ap. Cle-  
ment. Alexandr. Stromat. V extr.  
Veris autem de natura rerum,  
deorum et animae, rationibus

ab Epicuro propositis, metus,  
terrores, ac cupiditates homini-  
bus detractas et ad veram felici-  
tatem viam patefactam esse,  
saepe a Lucretio praedicatur.  
Conf. Cic. Fin. I, 13 (vid. Bent-  
leii *Remarks upon a late dis-  
course of Freethinking in a Let-  
ter by Phileleutherus Lipsiensis*  
segm. 20). Ipsum Lucretium his  
laudibus praedicari putabat  
Spencius Polymet. Dial. II, p. 14,  
quod non placet; non quidem  
propterea, quod nimis magnifi-  
cas, quam pro Lucretii meritis,  
laudes esse dicam; nam quae  
secta non suum principem ita  
extollit? Fecit hoc idem in Epi-  
curo suo Lucretius. Verum non  
hic locum habebat unius cuius-  
quam certi hominis laus et prae-  
dicatio. Non male expressit lo-  
cum Seneca Agam. 604 — 608.  
Colorem orationis mutuatus est  
hinc gravissimo loco Lucan. IV,  
394 *Felix qui potuit mundi nu-  
tante ruina, Quo iaceat iam  
scire loco!* h. e. novit, in tenui  
hac fortuna, humili hoc loco,  
securam sibi fore vitam; ex ma-  
gna fortuna se deiici non posse;  
contra potentes et divites metus  
hic agitat continuus, ne opibus  
suis excidant. 490. *qui potuit*,  
ad formam aoristi, qui potest. —  
492. *metus* ex superstitionibus  
falsisque opinionibus natos, in-  
primis de fato et de inferis. Lu-  
cret. I, 79 *Quare Religio* (su-  
perstitio) *pedibus subiecta vicis-  
sim Obteritur.* *Metus subiectos*  
vide ibid. 67 sqq. 103 sqq. V,

Subiecit pedibus, strepitumque Acherontis avari!  
 Fortunatus et ille, deos qui novit agrestis,  
 Panaque Silvanumque senem Nymphasque sorores!  
 Illum non populi fasces, non purpura regum, 495

492 *strepitusque* Reg. et unus Mead. *Acherontis averni* Erf. a m. pr. (— 493. Pro *qui novit* in Medic. exstat *quidquit*; sed *n* supra adiecta literae *d*. Idem *agrestes*. Wr.) 494 *Silvarumque senem* ed. Ven.

1193 sqq. III, 14 *Nam simul ac Ratio tua coepit vociferari, Naturam rerum haud divina mente coortari*, Diffugiunt animi terrores, moenia mundi *Discedunt*, totum video per Inane geri res, Apparet Divum numen sedesque quietae — *At contra* nusquam apparent Acherusia templa. *strepitum Acheruntis* ex Lucret. III, 37 *Et metus ille foras praeceps Acheruntis agendus Funditus, humanam qui vitam turbat ab imo, Omnia suffundens mortis nigrore, neque ullam Esse voluptatem puram liquidamque relinquit*. Quomodo illum metum expellat vid. eod. libro III, 842—907 ad fin. cf. Seneca de Benef. VII, 1. Nam in rationibus argumentisque, a quibus illa persuasio ducitur, discrimen inter sanam et insanam philosophiam cernitur. Quam ornate haec dicta sint intelliges, si reputes nihil aliud haec esse, quam: natura rerum rite cognita nec fatum nec mortem a te timeri.

493. 494. Vitae rusticae amoenitatem a splendidis et sanctis rerum imaginibus petit, ex primorum hominum, aureae aetatis, vita suntis; nempe cum innocuis et puris castisque illis hominibus dii versabantur, eos frequentabant et in medio eorum conspiciebantur: vide vel Ca-

tull. LXIII, 384. Itaque is, qui silvas, valles, fontes et antra frequentat, praeclare deos agrestes nosse dicitur. Cul. 76 *Illi sunt gratae rorantes lacte capellae Et nemus et secunda Palles*.

495 — 499. Vivit animo imperturbato, atque, ut ab omni cupiditate, ita ab omni cura ac sollicitudine vacuo, et vere vitam beatam ex Epicuri formula agere videri potest. *Illum non populi fasces* (vid. Lucret. III, 1009), *non purpura regum flexit*, flectit; et sic in seq. *doluit, invenit, vidit*. nil curat honores ac magistratus, in quem transferantur, aut quibus regna sive reddantur sive eripiantur; quae fortunarum conversiones annis proximis a profligatis Antonianis partibus satis frequentes haud dubie inciderant. *et infidos agitant discordia fratres* illum non flexit, nil movet; nil curat bella civilia: ut nec bella externa; *Aut coniurato descendens Dacus ab Istro*. Credere par est, poetam etiam in priore membro, de fratrum discordia, certam aliquam personam ac nomen ex illo tempore memorare debuisse ac voluisse, ut in altero *Dacum*. Respexit utique Arsacidarum dissidia, quae in illos annos incidunt, quibus Georgica perscripta esse et feruntur et vi-

Flexit, et infidos agitans discordia fratres;  
 Aut coniurato descendens Dacus ab Histro;  
 Non res Romanae perituraque regna; neque ille

498. ROMANAE, ILLE,

496 *invidia fratres* Moret. sec., e glossemate τοῦ *discordia*. 497 *Et Acron* ad Horat. Od. I, 35. III, 6. *discedens* multi, vide Burm. *Daci montibus inhaerent* Florus IV, 12, 18. (Voss. edidit *Istro*. Cum adspiratione tamen legitur in Mediceo hic et Ge. III, 350., ubi Heinsius ita hoc nomen in praecipuis libris exarari scribit, in partes vocato etiam Terent. Maur. vs. 218. *Wr.*) 498 *res Comanae* Reiskius emendabat, id est, Armenae vel Parthicae; cum indignum poeta, et quidem Romano, sit, rempublicam Romanam *peritura regna* appellare. conf. Notam. Simile fere acumen argutantis Grammatici est apud Rufinian. de schem. Dian. pag. 267, qui locum inter eas figuras refert, cum dicere manifeste parum tutum est: noluisse adeo Virgilium dicere: *Non res Romanae periturae*.

dentur, inter consanguineos, Phraatem et Tiridatem, quos per fratres declarat, agitata. In hoc, puto, acquiescendum est. (Eodem exemplo usus eandem sententiam elocutus est Horat. Od. I, 26, 3 sqq. *Wch.* — Veram esse hanc explicationem probabit Q. V. XXXVI, 7. *Wr.*) Sane etiam in Armenia maiore, cum Artaxiae Artabazes filius successisset, bellum ei civile a Tigrae fratre, Roma ab Armenis arcessito, motum est; verum haec in annum 734, decimum a pugna Actiaca, proximum ante Virgilii obitum, incidunt. vid. Dio LIV, 9. Catroeus quidem secundam aliquam Georgicorum recensionem comminiscitur, sed nullo plane aut levi argumento. *Daci* autem, (cum Getis ad Slavicos populos referendi: quod docuit Gatterer noster Comment. Soc. R. Gotting. Vol. XI ubi pag. 186) qui montium iuga trans Istrum incolebant, unde *descendens Dacus*, ut fere semper, *quoties concretus gelu Danubius iunxerat ripas, decurrere sole-*

*bant et vicina populari*, Florus IV, 12, 18: ita illo tempore Mysiam et mox Thraciam vastabant. Iam 724 Statilius Taurus Dacorum agmina palantia reiecit. Missus adversus eos et Bastarnas M. Crassus, C. Caesare V, et Sex. Apuleio Coss. U. C. 725. Dio LI, c. 23 sqq. de iis triumphavit a. 727. *Ister coniuratus*, h. populi ad Istrum, qui arma cum iis sociabant. Ex nostro Statius I Theb. 20 *Et coniurato deiectos vertice Dacos*. Idem Daci cum Getis aliisque barbaris non cessarunt Istro glacie concreto Romanos fines vastare, donec Q. Tuberone et Paullo Fabio Coss. U. C. 743, et anno sequenti perdoniti sunt, littusque castellis et vallo munitum est. cf. Sueton. Octav. c. 21. Ceterum Epicuream sapientiam ab omni republica homines avocasse, res est satis nota vel ex Ciceronis disputationibus.

498. *peritura regna*, quae pereunt, afflicta; in prosa: regnorum ruinas, eversiones, interitus nil curat; quot enim re-



Aut doluit miserans inopem, aut invidit habenti.  
Quos rami fructus, quos ipsa volentia rura 500

499 *miserans aut non invidit* Zulich. ex interpolatione. 500 *valentia* Ven.

gna non fuere sublata a Romanis! *res Romanae* intelligendae vicissitudines et fortuna imperii Romani. Sunt autem haec accommodata ad hypothesin Epicuri, et intra eius placita accipienda. Alioqui enim, in ciye Romano, impium hoc et sceleratum foret, reipublicae sortem nil curare. (*res Romanae perituraeque regna* in unam notionem coniungenda: bella Romanorum cum exteris gesta, his exitiosa. Quare comma, quo haec distinguebantur, sustuli; vid. Q. V. XXXIII, 4. Vossius Sexti Pompeii, Lepidi, Lucii Marciue Antonii dominationem significari, hosque ipsos vs. 504. *reges* appellari existimat. *Wr.*)

499. *neque ille Aut doluit* (dolet) *miserans inopem, aut invidit habenti*, non duritie et ferocia animi, aut Stoica aliqua apathia, quae male, a Servio inde, huc advocatur, sed nec dolet nec invidet, quod in agro remotus ab omni pauperum miseria et divitum luxu ac fastu animum ab omni perturbatione vacuum habere potest. Copiose illustrat locum Burm. Docent hoc antecedentia: *non populi fasces* etc., quos, in agro qui degit, non videt, ideoque nec curat, quis illa opibus suis et artibus consequatur. (*habenti*, diviti, ut habere apud Cic. Ep. VII, 29. dicitur; add. Eurip. Herc. Fur. 636.: *ἐχούσιν, οἱ δ' οὐ*. *Wch.* Ceterum cfr. Tibull.

I, 1, 77. sq.: „Ego composito securus acervo Despiciam dites despiciamque famem.“ *Wr.*)

500 — 503. Praeiverat Lucret. V, 935 (notante Macrob. VI, 1 extr.) *Quod sol atque imbres dederant, quod terra crearat Sponte sua, satis id placabat pectora donum*. Non autem sunt pro tautologis habenda, *ipsa, volentia, sponte sua*; sed facere putanda ad notionem primariam vivide et fortiter declarandam. Expressit sequentia Seneca Herc. fur. 159 sq. *volentia rura* ex graecismo exponit Toupus in Suid. T. II, p. 49, ubi ex Xenoph. laudat: *ἡ γῆ θέλονσα — διδάσκει* et hinc *θέλεμος γῆ* T. I, p. 285. Praebebatur tamen ipsa res poetae hoc, vel sine Xenophonte, si *ipsa, sponte sua*, sane etiam lubentia ac *volentia*, h. e. lubenter, ferunt fructus rura. Inf. IV, 551 *victorque volentes Per populos dat iura*. Graeca ratione poeta uti tum dicendus est, non, quoties uterque sermo in aliquam formam naturali sententiarum modo et ordine consentit, verum quoties aut a sermonis patrii genio et usu sollenni recedit, adoptatque formas Graecas, seu vulgares seu poeticas, ita ut, nisi ex lectione Graecorum scriptorum eas memineris, expediri locus nequeat; aut ubi manifesta studii et aemulationis signa et indicia prodit scriptor. Semel haec dicta sint, cum toties graecismos

Sponte tulere sua, carpsit: nec ferrea iura,  
 Insanumque forum, aut populi tabularia vidit.  
 Sollicitant alii remis freta caeca, ruuntque

### 503. CAECA;

501 *carpit* Macrob. Sat. VI, 1. *rura* Romanus. 502 *Insanumve*  
 Rom. (et Ald. tert. vid. Q. V. XXXVI, 7. *Wr.*) *trudit* Vratisl. 503  
*freta rauca* Leid.

perperam memorari viderim. — 501. *Sponte sua*, vid. ad v. 459. Adumbrata esse haec ex Lucret. V, 935. 936, iam notatum Macrob. Sat. VI, 1 extr. — *ferrea iura*, rigida, quae nec gratia nec metu ullius flectuntur, nec miseratione. — 502. *Insanum forum*, insano clamore, litibus, perstrepens. Sic *rabies*, *furor*, foro et caussidicis tribuitur. *nec populi tabularia vidit*, h. nulum nec vectigal, nec portorium, nec pascua a populo tamquam publicanus conduxit, quarum redemptionum tabulae, publica instrumenta, in tabulario servabantur; quod Romae erat in atrio Libertatis. vid. Liv. XLIII, 16.

503. *freta caeca*, ignota, inexplorata esse videntur. Si essem paullo arrogantior, dicerem pro imperio „et in hunc sensum verbum accipiendum est.“ Nunc bene novi, vocem habere plures notiones, quas alius aliam non minus bene pro arbitrio suo substituere possit; itaque moneo, posse freta *caeca* quoque dici et accipi, si quis malit, obscura, nigra; ut Aen. III, 200 licet accipere, *caecis erramus in undis* propter seqq. At inf. III, 260 non sunt *freta caeca*, sed *nox caeca*: *Nocte natat caeca serus freta*. Servio sunt nostro loco

*freta caeca* subito in tempestatem surgentia, quorum motus caeci, incerti sunt. Ad pericula et discrimina navigationis respici patet. Scilicet, cavere poetae interdum vix possunt, quin, quod ad impellendam mentem ac feriendum sensum adiunctum est, propter diversos vocum significatus, ambiguum adeoque obscurum maneat. Sunt haec inter ea, quae sentiri debent, non subtiliter dilui. (*caeca*, i. e. plena incertorum casuum, plena periculorum propter latentes scopulos, syrtes, al. Laudat Iacobs. Serap. Anthol. Pal. VII, 400.: „ἡ ῥά τις ἦσθα Ἐμπορος, ἢ τὸ φλοῦ πύματος ἰχθυόβολος.“ et VII, 275.: „Μαλέου τὸ φλαῖ σπιλάδες.“ — Vossius, et, ut videtur, Heynius, tria his verbis significari putant: mercaturam, bellum, potentiorum gratiam. Concinniora haec erunt, si statuis, primum agi vs. 503. sq. de regnis exteris bello petitis, tum vs. 505. de domesticis Romanorum discordiis. Nam illa: *Sollicitant alii remis freta*, et haec: *penetrant aulas et limina regum*, quum incertum sit, quomodo per se spectata capienda sint, ita demum lucem accipient, si, adiunctis etiam his: *ruuntque in ferrum*, ad unam omnia rerum imaginem revocabuntur. Nec fa-

In ferrum, penetrant aulas et limina regum;  
 Hic petit excidiis urbem miserosque Penatis, 505  
 Ut gemma bibat, et Sarrano dormiat ostro;  
 Condit opes alius, defossoque incubat auro;  
 Hic stupet adtonitus Rostris; hunc plausus hiantem  
 504. FERRUM; 507. AURO.

504 *penetrantque* Menag. a m. sec. 505 *patriosque Penates* Parrhas. (*Penates* Medic. „Post octo interiectos versus accurrit rursus clausula *parvosque Penatis* in versu, cuius procul dubio sinceram lectionem dedimus. In illo *Penatis*, etiamsi impense placeret, e Mediceo adsumere non sustinuit Heinsius, quia vox eadem paulo ante praecesserat. Quae ratio inutilis est. Nam in Virgilio multa corrigenda essent, si numquam ei licuisset tali intervallo bis eandem adhibere vocem. At mihi diversam ob causam minus hic placent miseri Penates; vellemque codex obtulisset aliquis *miserosque parentis*.“ Haec Brunckius. Sed v. V. L. ad vs. 514. *Wr.*) 506 *indormiat* Heins., ex uno Mediceo, in quo tamen et ipso a sec. m. in notatum punctis. *dormiat* vulgo omnes: et nunc revocavi. Porro *Serano*, *Sarano*, *Serrano*, vitiose scribitur. 508 *hic plausus* Medic. a m. pr.

cile invenias ullum apud Virgilium locum, cuius de sententia iure ambigi possit; multaue, quae videntur ambigua, facilia sunt expeditu, si ubique memineris, solere ita Virgilium cogitata non semper una simplicique enunciatione comprehensa, sed in partes suas quasdam soluta eloqui. Itaque semicola, quae erant post *caeca* et *ferrum*, in comminata mutavi. *Wr.*)

505—507. Hic, militiae adscriptus, excindit (excindere parat) *urbem*, int. Romam, *Penates*, h. patriam suam (bella autem civilia respicit); ut luxu diffluat. Militia omnino illo tempore inter modos opum ac divitiarum quaerendarum expeditiores, scilicet e praeda et agris assignandis. vide v. c. Propert. Eleg. III, 5. Tibull. I, 1, 1—4, ubi vid. notata, multo magis in civilibus bellis, per praemia militiae. *gemma*, poculum gemmeum, ex gemma factum. cf. Propert. III, 5, 4. (*bibere gem-*

*ma*, ut apud Iuvenal. XII, 47. *bibere caelato*. *Wch.*) *Ostrum Sarranum*, Tyrium, ab antiquo urbis nomine, Sarra seu *Tsor*; de quo satis multa disputavit Bochartus. 507. Sic et Aen. VI, 610 *Aut qui divitiis soli incubuere repertis*. Ex Varro: *Incubet et Tyriis, atque ex solido bibat auro*: adumbratum esse versum, notarat Macrob. Sat. VII, 1, p. 374 (576). conf. Tibull. III, 3, 3 sqq.

508—510. Alius eloquentiae forensis laudem, dum pro rostris dicentem audit; alius populi studia miratur et cupit gratus apud populum haberi; *nimum gaudens popularibus auris* dixit Aen. VI, 817. *hiantem* prae admiratione ac stupore, *conripuit*, percussit, animum commovit, *plausus per cuneos*, h. theatrorum ordines ac sedilia, quo excipiebantur, qui gratiosi essent apud populum, ut de Pompeio, Cicerone, Maecenate (vid. vel Horat. I Carm. 20. II, 17, 25)



Per cuneos geminatus enim plebisque patrumque  
Conripuit; gaudent perfusi sanguine fratrum, 510  
Exsilioque domos et dulcia limina mutant,

### 510. CONRIPUIT.

509 *geminatus* ex omnibus scriptis Heinsius reposuit. Sic et Pierii et Martini libri cum antiquis edd. Vulgatae tamen edd. praeter unam Egnatianam *geminatur* aut *geminantur* habebant. Illa *geminatus enim*, in parenthesi posita inde ab Elzevirianis, illustrare sibi videtur Heinsius ad Aen. X, 874, mihi tamen nondum satisfacit, nec ipse mihi satisfacio. Minus tamen putidus versus ad meum sensum est, si intra parenthesin aut totum, ut Aldd. pr. et sec., ut sit: *hunc plausus hiantem* (*Per cuneos — patrumque*) *Conripuit*; aut verba *geminatus enim plebisque patrumque*, cum Ald. sec. et hinc ceteris, recipias. Friget tamen utrumque, multoque magis, si *geminatus* ad *plebem* et *patres* referas. Immo vero est, repetitus, iteratus. Servius enim retraxit; ut sit: *Corripuit enim hunc geminatus*. Atqui hoc repugnat sermonis genio. Melius esset dicere, *enim* esse pro  $\delta\eta$ ,  $\gamma\alpha\rho$ , asseverative positum: ut Aen. II, 100 *Nec requievit enim*. VIII, 84 *Quam pius Aeneas tibi enim, tibi, maxima Iuno, Mactat*. Potuisset poeta facile asperitatem hanc emollire: *geminante manu*. (Vox enim asseverandi habet potestatem, in *enimvero* et *sed enim* maxime conspicuam. Hinc interdum auct vim praegressi vocabuli, ut in illis ipsis exemplis, quae Heynius attulit; nec multum differt a particula *quidem*; cfr. notata ad Ge. I, 79. Modo noli aliter in vernaculo sermone hoc exprimere, quam vocis intensione. Voss. et Iahn. verba *geminatus — patrumque* parenthesi includunt et verbum *est* subaudiunt; quod friget. Denique *geminatus* explicandum ex vocc. *plebisque patrumque*; non est *iteratus*. Wr.) 510 *Corripit: hi gaudent* emendat Marklandus ad Statii Silv. III, 2, 61, non quod in praeterito tempore offendebatur, ut Burmannus putabat, sed quod non sunt, ad quos referas *tò gaudent*. Nec tamen alii subiicere post superiora a versu inde 503 adeo durum est. Ipse Burmannus *Corripit* coniecitabat; minus feliciter. *sanguine patrum* ed. Norimb. 511 *domus* duo apud Burm. et uterque Goth. *lumina* Zulich.

res nota. *enim* interponitur, ut alias *quidem*: *geminatus* quippe ille, ut  $\delta\eta$ ,  $\delta\eta\lambda\alpha\delta\eta$ , scilicet. ut sit: hunc rapit, animum movet, ut appetat, plausus plebisque patrumque, h. e. populi, iteratus ille quidem per cuneos; (vid. V. L. Wr.) vult ille gratosus haberi, in gratia apud populum esse.

510—512. *Gaudent perfusi sanguine fratrum*. h. e. gaudent alii perfundi, ex graeco more. (vid. Q. V. XXVIII, 6. Wr.) Ad veteranos autem et ceteros refero, quibus promissi per bella

civilia (hinc *perfusi sanguine fratrum*) agri assignabantur; ita cum sequente versu sententias arte coniunctas esse videas: relictis agris patriis et solo natali in aliena praedia, alio sub caelo sita, immigrant. Lucretii versus sunt III, 70 *Dum homines paupertatem fugiunt, Sanguine civili rem constant — Crudeles gaudent in tristi funere fratrum*: quem hic expressum esse, iam a Macrobio monitum Sat. VI, 2. 511. *Exsilio*, dum in colonias deducuntur: (*Exsiliu* vix recte ad colonias retuleris. Nam qui in bellis

Atque alio patriam quaerunt sub sole iacentem.  
 Agricola incurvo terram dimovit aratro:  
 Hinc anni labor; hinc patriam parvosque nepotes

513 *terram molitus aratro* Medicus et Colot. Ursini; forte ex Georg. I, 494. (Medic. *agricola*, sed *u*, testante Foggino, in *o* mutata. *Wr.*) *demovit* Leid. et Rottend. 514 *parvosque penates* Mediceus, quod impense placebat Heinsio; dummodo non v. 505 *miserosque penates* antecessisset. Malim alioqui et ipse: *patriam* (adcoque publicum) *parvosque Penates*; satis recte dici potest agricola tueri et alere domum ac familiam. Et inf. IV, 155 *Et patriam solae et certos novere penates*. Add. Ciris 418 et alii. Sane permutantur fere *penates* et *nepotes* in libris: vid. Markland. ad Statii Silv. I, 2, 145, qui etiam *penates* praefert: sed parum gravi de causa: „quare enim poeta *nepotes* potius quam *liberos* memoraret?“ Atqui memorat tamquam poeta, cui liberum est et esse debet, ita permutare; alioqui concidit tota poetica. Burmannus praefert *nepotes*, ne his idem dicat poeta, *patriam* et *penates*; qui metus utique vanus esset; nam *patria* nequaquam ad tugurium ipsum revocari potest, sed totum rus, vicum et agros, complecti debet, ut Ecloga I, 3. 4. 68. Equidem fateor me ad hoc hacere, quod *patriam* ex annuo labore sustinere dicitur agricola; vix enim hoc aliter fieri potest quam conferendo in publicum et militia ex delectu. Atqui hoc alterum non ex agro petitur, prius non est Romanum, illo saltem tempore; (*vectigalia* ap. Horat. Od. III, 16, 40 sunt redditus agelli, quos *porrigere* aliquis potest, amplificare, augere, *cupidine contracto*) malim utique *patrem parvosque nepotes* scriptum esse; et potest *patriam* ex versu superiore 512 repetitum videri. Enimvero non agitur de eo, quid in votis habeamus, sed quid scriptum esse a Marone probabile sit: et hic fatcor nihil posse ad liquidum perducere. *patrem* tamen reposuit Wakef. (*parvosque penates* ex Aen. VIII, 543. petitum videtur; cf. notata ad Ge. I, 46. II, 47. Probatur tamen ea lectio Brunckio; vid. V. L. ad vs. 505. — Quidni autem *patriam*? nonne agrorum proventu omnes cives aluntur? Et de alendo haec esse capienda, docent, quae subiiciuntur, parvi nepotes boumque armenta. Atque ecce tibi iam contraria: Urbani quum patriam pessumdent, rusticus contra suo labore sustinet eandem. *Wr.*) Idem Marklandus malebat: *Hic anni labor*; et sic Gud. pro

civilibus vicerant, iis agri in Italia adsignati; cui quidem rei non convenit patria alio sub sole posita. Rectius igitur haec de iis dicta cum Vossio statuas, qui Antonium in Aegyptum secuti. Sed falluntur, qui bellorum civilium iam supra factam mentionem hic repetitam volunt. Quare haec est horum vss. sententia: ibi immania scelera, paricidia, exsilia, ignota illa rusticis. *Wr.*) 512. Fere ut Horat. illud Od. II, 16, 18 *Quid terras alio calentes sole mutamus?* Sol

pro coelo, plus minusve ex sole, propiore seu remotiore, calente.

513—531. Suavissima bonorum, quae vita rustica habet, descriptio. 514. *labor anni*, per annum, annuum opus rustici; nunc tamen subest simul notio proventus annui ex hoc labore; nam subiicitur: *hinc sustinet*, alit et educat inde, *nepotes*, liberos, et *patriam*: Romano sensu et sermone amat, tuetur, patriam aliquis, pro ea moritur; haec et alia sunt, quae Horatius innuit in his: *Qui didicit, pa-*

Sustinet; hinc armenta boum, meritosque iuven-  
cos. 515

Nec requies, quin aut pomis exuberet annus,  
Aut fetu pecorum, aut Cerealis mergite culmi,  
Proventuque oneret sulcos, atque horrea vincat.  
Venit hiems: teritur Sicyonia bacca trapetis;

. 515. IUVENCOS; 517. CULMI;

var. lect. nec male. (*Hic* recepit Vossius, probatum etiam Handio ad Stat. Silv. pag. 267. Bene *hinc*; ex vulgari ratione diceretur: hinc annui labores, quos rustici subeunt, ut domum suam patriamque sustineant. Et commodum ab Iahnio laudatur Schirach. in Clave Poetar. classicor. P. II. p. 471. ita hunc locum explicans: „Descriperat poeta varia studia, quibus sollicitarentur homines ad satiandas suas cupiditates. Quanto felicius agricola! Unice incumbit suis agris colendis et rei rusticae augendae, nihil praeterea curans, nec incertus de re futura per totum annum suum laborem beatus persequitur, et habet, unde patriam suosque sustentet.“ — 515. *hic* Medic. apud Foggin. *Wr.*) 516 *quin et* Menag. alter. *exuberat* Menag. quart. 517 *et Cerealis* Menag. alter. (*Cerealis* primum in Medic. scriptum fuisse, notat Foggin. *Wr.*) 518 *Proventumque* Goth. pr.; ferrem, si *Proventus* esset, *aut horrea* Medic. a m. pr. et Zulich. *oneret cellas* con. Io. Schrader. Fatendum tamen, si severius cum poeta agas, totum versum otiosum esse post antecedentia. (Minime! *Wr.*)

*triae quid debeat, et quid amicis.* At patriam Romanus non alit; aleret cives, sustineret opibus suis amicos. Horat. Sermon. II, 2, 104 *cur, improbe, carae Non aliquid patriae tanto emertis acervo.* atqui praecesserat: *quare templa ruunt antiqua demum?* Erit itaque eo referendum, ut de suo conferat ad utilitates publicas et commoda universe. (Vid. quae scripsi in V. L. *Wr.*)

516—518. Nullum anni tempus est, quo cesset ager afferre aliquid fructus. *pomis exuberet annus*, poetica ratione, sed solenni, pro, poma exuberant in anno, h. auctumno. (A Virgilio sua mutuatus videtur Plin. Panegyri. c. 29. a Wunderl. laud.: „omnis usibus nostris annus exuberat.“ *Wr.*) 518. *Annus*

*onerat sulcos proventu*, ante messem, *horrea vincit proventu*, messe facta. Sunt Tibulli IV, 1, 185 *Horrea secundas in deficientia messes*, et sup. Georg. I, 49 *Illius inmensae ruperunt horrea messes.*

519. Cum hieme, h. e. cum extremo auctumno, olivitis tempus ingruit. (quod ab Octobri mense ad Ianuarium extenditur. Vid. Colum. XI, 2, 83. XII, 50. Pallad. XI, 10. XII, 4. Voss.) Olivae, ut poetarum mos, a praestante aliquo genere adiectum nomen habent. (*Venit hiems: teritur* etc. hanc orationis structuram illustrant, quae Wunderl. ad h. l. et in Observatt. in Tibull. I, 6, 37. attulit. *Wr.*) *Sicyonem oliviferam* etiam Ovid. memorat in Ibin 319,



Glande sues laeti redeunt; dant arbuta silvae; 520  
 Et varios ponit fetus auctumnus, et alte  
 Mitis in apricis coquitur vindemia saxis.  
 Interea dulces pendent circum oscula nati;  
 Casta pudicitiam servat domus; ubera vaccae  
 Lactea demittunt; pinguesque in gramine laeto 525  
 Inter se adversis luctantur cornibus haedi.  
 Ipse dies agitat festos, fususque per herbam,  
 Ignis ubi in medio et socii cratera coronant,  
 Te, libans, Leneae, vocat; pecorisque magistris  
 521. AUCTUMNUS; 527. FESTOS; 528. MEDIO,

520 *redeunt laeti* Rufinian. de Schem. Lex. p. 30. *ardua* Gud. pro var. lect. 521 *ponit fructus* Erf. 523 *pendent dulces* ante Heins. sed *dulces pendent* omnes fere scripti, etiam Pierii. 525 *dimittunt* nonnulli: duo omittunt *que* cum uno Mead. 527 *fastos* Ven. *fusosque* Gud. et Goth. sec. (Mutatae interpunctionis rationem reddet Q. V. XXXIII, 10. *Wr.*) 528 *ingenio* pro *in medio* Mediceus; (sed a m. sec. *in medio. Wr.*) forte *Ignis ubi Genio*, inquit Burmannus, id est, ara ipsi posita. Malim *Ignis ubi, Genio et socii c. c.*, h. in honorem Genii: in quod et Schraderum incidisse, in schedis video. Sed ludibrium librarii esse puto. 529 *Leneaeque* Voss. Erat scilicet in alio *Leneae*, ut in Medic. a m. pr.

ex P. IV, 15, 10. Statius Theb. IV, 50. *trapetum*, quo oleae teruntur; mola olearia. vid. Ind. ad Scriptt. R. R.; egregie illustrata in doctissimo libello Alb. Lud. Frid. Meisteri nostri *de torculario Catonis*. 520. (*glande redeunt* iungit Wunderl. Observatt. in Tibull. I, 3, 40.; non recte, quum absit loci notio a glande; itaque iunge: *glande laeti. Wr.*) *arbuta*, vid. supra ad Eclog. III, 82. 521. *ponit fetus auctumnus*, dum poma matura decidunt. Ita *poni frondes* supra dixerat v. 403. Potest tamen, si ita placuerit, a partu petitum dici, qui *poni*, edi, dicitur; ut ova ponuntur.

*oscula* iucundius, quam si, circum ora; sunt enim ad osculandum porrecta. 524. *pudicam mulierem* (Horat. Epod. II, 39) designat. Adscripseram olim *αἰδοῖν παρὰκοῖτιν*. sed recte monitus, eam in Homero esse *αἰδοῦς ἄξιαν*, hoc sustuli. 525. 526. Ex Arat. Diosem. 369. 370. conf. Odyss. κ, 412. *κορύπτειν* Theocr. III, 5.

527—531. Quicquid in vita rustica iucunditatis esse solet, memorat poeta; itaque et festorum sollennia diis rusticis habita; inque his unum, in Bacchi honorem. 528. *Ignis ubi in medio*, scil. ara, in qua sacrum fit, ex quo epulae parantur. Tibullus de sacris, messis tempore factis, II, 1, 21 *Tunc nitidus*

523. Pergit ad gaudia domestica agricolae; *pendent circum*

Velocis iaculi certamina ponit in ulmo; 530  
 Corporaque agresti nudant praedura palaestrae.  
 Hanc olim veteres vitam coluere Sabini;

## 531. PALAESTRA

531 *nudant* Burm. recepit, et sic sane Romanus, aliiq. vetusti Pierii, et praestantiores Heinsii ac Burm. *nudat* tamen, quod vulgo editur, excepta Egnatiana recensione, Mediceus cum fragm. Moret. et parte librorum Martini (et 2. 5. *Wr.*) exhibet; et videtur haec ratio exquisitior esse, si paterfamilias *nudat membra*, dum proponit certamen et auctor est nudandi membra. Sed in his librorum auctoritati non refragor. *perdura* Medic. a m. pr. *nudat palaestrae* idem eum fragm. Moret., quod Heinsio placebat, et Wakefield. qui recepit, quia Lucret. V, 969 de hominibus foris: *membra nudabant terrae*, pro quo editum erat, *nuda dabant*. Idem hinc tuebatur Aen. V, 536 lectionem, *Et nunc terga fugae nudant*; in quo tamen loco easus tertius minus conveniret, quam in nostro loco. Est enim casus tertius cui, cuius causa nudamur: Lucan. VIII, 425 *Dacis Rhenique catervis Imperii nudare latus*. Male itaque et in Silio XVII, 444 *Quos ubi nudantes conspexit Humilcare cretus Terga fugae* reposuerant pro, *fuga*. Verba, ut nunc edita sunt, discrete recitat Lutat. ad Stat. Theb. VI, 827. (Nihil obstaret, quominus *nudat* reciperetur, si ea esset praestantiorum librorum lectio. At *nudant* etiam in Medic. exstare Foggin. et Freytagius testantur, neque ita pro certo affirmasset Heynius, *nudat* ab Heinsio in Medic. inventum esse, si diligentius excussisset notam Heinsii. Reduxi autem *palaestruae*; quod quam facile potuerit in *palaestra* corrumpi, nemo non videt; sed *palaestra* quomodo cuipiam librario in mentem venerit mutare in *palaestrae*, vix exputaveris. Atque ipse locus, quem tenet *palaestra*, iungi iuberet *praedura palaestrâ*, quod alienum est ab h. l., non *nudant palaestrâ*. *Wr.*) 532 Tangit locum Schol. Persii Sat. I, 87, quamquam mendose. *vitam veteres* Morct. et Parrhas. *volvere* Ven.

*plenis confisus rusticus agris Ingeret ardenti grandia ligna foco, Turbaque vernarum, saturi bona signa coloni Ludet. Socii.* Horat. Epist. II, 1, 142 *Agricolae prisca — Condita post frumenta levantes Tempore festo Corpus — Cum sociis operum pueris et coniuge fida.* Adumbratus e nostro locus Gratii Cynege. 486 sqq. Nec aliter, quam de sacro Genio vel Lari facto, accipiendum carmen Horat. III, 17, 13 sq. *crater*, unde libatio fit, corollis ornatur. vid. ad Aen. I, 724. 530. *certamina ponit*, ἀθλα τίθησι, certaminis praemia. conf. Aen. V, 66. (Iure negat Wunderlichius, cer-

tamina dici usquam pro praemiis certaminis; *certamina ponere* valere idem, quod *instituere certamen*, et esse illud comparandum cum Graeco ἀγῶνα προτίθημι. Plat. Phaed. c. 42. p. 55. l. 3. „εἰ πονηρίας ἀγῶν προτεθείη.“ Soph. Ai. 936. „ὁ πλὼν ἔκειτ' ἀγῶν πέρι.“ *Wr.*) *agresti palaestra*, lucta.

532 — 535. Ornate: haec vita fuit priscae Italiae. Ponit singulatim, haec vita fuit priscorum Sabinorum, Romanorum et Etruscorum. 533. *Etruria crevit*, h. Etrusci potentes facti sunt; ad magnas opes agricul-

Hanc Remus et frater; sic fortis Etruria crevit  
 Scilicet et rerum facta est pulcherrima Roma,  
 Septemque una sibi muro circumdedit arces. 535  
 Ante etiam sceptrum Dictaei regis, et ante  
 Impia quam caesis gens est epulata iuven-  
 Aureus hanc vitam in terris Saturnus agebat.  
 Necdum etiam audierant inflari classica, necdum  
 Inpositos duris crepitare incudibus enses. 540  
 Sed nos immensum spatii confecimus aequor;

533. CREVIT;

534 Malim iungere: *Sic fortis Etruria crevit Scilicet, et rerum.* Eodem modo I, 281. 282. (Recte utique; nam *et post scilicet* positum valeret *etiam*, ut Ge. I, 493. *Wr.*) 535 Idem versus Aen. VI, 786. *septem quae una* ed. Iunt. et aliae. 536 *Antea* Gud. 540 *Inpositis* duos Medic. a m. pr. (est ea prior lectio. *Wr.*)

tura pervenerunt. Burmannus intempestive Etruriae mentionem, et non nisi in Maecenatis gratiam, fieri aiebat; sed quid potissimum vir doctissimus in hac suspitione sequutus sit, videtur enim aliquid sequutus esse, non apposit. Fuere utique magnae Etruscorum opes et terrarum cultus egregius. 534. *rerum facta est pulcherrima*, nota forma, quam Burm. ad h. l. illustrat, omnium imperiorum praestantissimum ac beatissimum factum est. Iisdem fere verbis Cicero pro Rosc. Amer. c. 18, §. 50. Formam tamen et rationem loquendi non expedit Burmannus. Est scilicet Graecum *χρῆμα κάλλιστον*, *res pulcherrima*, et doctius *pulcherrima rerum*. Tum *scilicet* est δὴ, ἄρα, utique, sane. Ut Graeca sint: καὶ δὴ καὶ Πρώμῃ ἤκησσε διὰ τοῦτο, κάλλιστόν τι πράγμα. 535. *arces* pro montibus.

536. Ante Iovem, sub rege Saturno, aurea aetate (unde

poeta ipsum dixit *aureum*), sic vivebant homines. *Impia gens*, h. hominum genus, *impium*, quod naturae legem violat, bovem mactando. cf. Arat. Phaenomen. 132. Cic. N. D. II, 63, §. 159. (— 538. *aureus Saturnus*, ob auream aetatem, cuius ille tamquam parens et auctor fuit. Similiter Theocrit. XII, 15.: „ἡ ῥά τόν’ ἦσαν χρύσειοι πάλα ἄνδρες.“ *Iacobs.*) 539. *classica inflari*, cani inflato cornu, tuba, buccina. vid. Propert. III, 3, 41. 42. (2, 11. 12.) conf. ad Tibull. I, 1, 4. — 540. Ornate pro, procudi enses.

541. 542. Sed finis faciendus est libro. Eodem tropo Tryphiod. 664 Μουσῶων ὅδε μὸς χθός. ἐγὼ δ’ ἄπερ ἵππον ἐλάσσω Τέραςτος ἀμφιέλισσαν ἐπιψάνουσιν αἰοιδῆν. *aequor immensum spatii*, immensa spatia, h. decursus, habens, immensorum spatiorum campus. De *spatii* vid. ad Ge. I, 512.



Et iam tempus equum fumantia solvere colla.

542 *spumantia* Rom. et aliquot alii Pierii, item Parrhas. (et 3. 7. 8. *Wr.*) Eadem varietas ap. Quinctil. VIII, 6, ubi versus laudatur. At *fumantia* melius hoc quidem loco; et exhibent Charisius et Beda de tropis S. S. (Equi ipsi et *spumare* et *fumare* dicuntur; vid. Hand. ad Stat. Silv. I, 21.; sed *colla spumantia* non est sanum; videtur tamen id probari Cor-  
tio ad Lucan. IV, 754. *Wr.*)

*Colla equorum solvere*, dum iu- μένη Callimachus a Cerda lau-  
gum solvitur, demitur. Sic ὕφ' datus H. in Pall. Lav. 10. λύειν  
ἄρματος ἀνχένας ἵππων λυσα- ἵππους, *solvere equos*, sollemne.

---

---

P. VIRGILII MARONIS  
G E O R G I C O N  
LIBER TERTIUS

---

ARGUMENTUM

**O**rditur poeta librum ab expositione argumenti 1. 2: tractare se argumentum ab aliis intactum, unde novam laudem Mantuae suae sit paraturus — 39. Inde favorem ac studium Maecenatis sibi expetit — 48.

Procedit praeceptio a fetura armentorum. Legendae primo loco bonae matres; notae bonarum vaccarum — 62; admissura ita curanda, ut et bos et taurus in iuventa constituti sint — 71. Notae equi generosi et ad admissuram idonei — 122. Tum ea, quae ante admissuram sunt curanda — 137. Cura matrum gravidarum — 156. Cura vitulorum — 178. Cura pullorum equinorum — 208; inprimis arcendi illi a nimia Venere: inter quae locum de Veneris stimulantis furore persequitur — 282. Post curam armentorum progreditur ad curam pecudum: cum praefatione super difficultate argumenti cum dignitate pertractandi — 294. Primo de ea cura, quae ad pecudes in stabulis habendas spectat — 321; tum de passione vere orto: cum excursionem in narrationem de Nomadibus Afris et Scythis — 385; praecepta de studio lanarum — 393, et lactis — 403. Cura canum — 412. Monita de cavendis animantibus noxiis — 439, et de avertendis morbis — 473. Ita aditum sibi parat ad locum de peste autumnali armentorum ac gregum nobilissimum — ad fin.

---

Te quoque, magna Pales, et te memorande canemus

Pastor ab Amphryso, vos, silvae amnesque Lycae.  
Cetera, quae vacuas tenuissent carmine mentis,  
Omnia iam volgata: quis aut Eurysthea durum,

2. AMPHRYSO; 4. VOLGATA;

2 *Amphreso* Medic. (potius *Amfreso*. *Wr.*) *Amphryssos* Romanus; at *Amphryso* fragm. Vatic. Variant eodem modo codd. in Callimacho et al. Tuetur simplicem litteram Brunck. ad Apollon. et recte: add. Steph. Byz. in *Ἀμφρύσος*. Alii *Amphriso*, *Amphrisio*, ut Goth. Mox *Lycae* recte omnes scribunt: ut ap. Pausaniam aliosque Graecos scriptores; ubique occurrit: τὸ *Λύκαιον*. Male confunditur alibi τὸ *Λύκειον* Athenarum: ut sup. I, 16. 3 *carmine* Burmannus reposuit, ut erat in nonnullis Pierii; in fragm. Vatic. Medic. et aliis *carmina*, quod vulgo editur. Proclivior lapsus in hoc ex illo, quam vice versa; (commemorat hanc lectionis diversitatem iam Philargyrius; *carmina* tamen codd. Potterii omnes cum utroque Lips. Sed *carmine* bene defensum ab Heynio. *Wr.*) *mentis* idem scripsit ex Rottend. tert. pro *mentes*. (*mentes* etiam Medic.; *mentis* alter Lips. *Cetera*, non *caetera*, veterrimi libri, Medic. Rom. Fragm. Vat. *Wr.*) 4 *volgata* idem ex Gud. et Mentel. tert. *sunt vulgata* Parrhas. Bodlei. et unus Mead.

1. 2. Nunc rem pecuariam aggre-  
diar. Pro ea Palem, deam  
pastoritiam, et Apollinem No-  
mium, et Lycaeam, Arcadiae  
montem Pani sacrum, memorat.  
*Amphrysus* Thessaliae, et qui-  
dem Phthiotidis, notum flumen;  
ad quod Apollo boves pavisse  
dicitur, cum Admeto, Pheraeo-  
rum regi, serviret, ἐθήτευσε.  
vid. Eurip. Alcest. pr. et Calli-  
mach. in Apoll. 47 sqq. Tibull.  
II, 3, 11. III, 4, 67. Nota fa-  
bula. Expressit locum Lucan.  
VI, 368. *Pastor ab Amphryso*  
pro Amphrysus, more loquendi  
paullo doctiore. Graece dice-  
res: Νομὲς Ἀμφρύσῃθεν. cf.  
Toup. Ep. crit. pag. 165. (sic so-  
let praepositio *a* circumscriben-  
do adiectivo inservire; vid. Be-  
ckeri *Elegeia* Rom. pag. 152.;  
adde notata ad Ecl. I, 54. *Wr.*)

Mox *silvas amnesque Lycae*  
memorat pro deo Lycaeam te-  
nente, Pane; et hunc pro re pa-  
storitia. 3. Pindarum Olymp.  
Ode II pr. ante oculos habuisse,  
Cerde putabat; debebat saltem  
Isthm. VII pr. comparare; etsi  
et hoc nimis sedulo fieret. Com-  
munis enim illa est ratio multo-  
rum poetarum, ut alia sibi prae-  
repta esse, alia vulgaria a se  
omitti dicant. Magis certum est,  
nostrum multos imitatos esse, in-  
primis Manilium lib. III pr. cf.  
Aetna pr., ubi vid. Wernsdorf.  
Oppian. Cyneget. pr. Nemesian.  
Cyneg. 15 sq., ubi conf. Titium.  
*Tenent mentes* ea, quae dele-  
ctant, et exprimit hoc ipsum  
delectationis naturam. *vacuae*  
autem *mentes*, a curis, rebus ac  
studiis severis, vacantes, sol-  
lenne de iis, qui poetarum car-



Aut inlaudati nescit Busiridis aras? 5

Cui non dictus Hylas puer, et Latonia Delos?

Hippodameque, humeroque Pelops insignis eburno,  
Acer equis? Tentanda via est, qua me quoque  
possim

Tollere humo, victorque virum volitare per ora.

## 6. PUER?

5 *Busiridis arces* Medic. a m. pr. *illaudari* Goth. pr. 6 *Quoi in Pierianis*: ut Ecl. IV, 62. Et sic fragm. Vatic. (Non recte ab Heynio gravius interpungebatur post *puer*, quo fit, ut, retenta pronunciantis voce, vitium contrahant numeri. Vid. Santen. ad Terent. Maur. p. 272. cui adde Gaisford. ad Hephaest. p. 308. sq. *Wr.*) 8 *est abest a Toll. tum dan-da via est* ed. Ven.

mina audiunt. Monenda haec propter Burmanni subtilitates fuere.

4—7. Dum *Eurystheum* memorat, Herculis labores intelligit. Eodem referendi Busiris et Hylas. Commemorat autem fabulas, quas a satis multis poetis tractatas esse constabat; hinc v. 6 *Cui non dictus? Dicere* enim de poetis solenne. Fuisse quoque necesse est carmina de Delo, et de Pelope eiusque cursu curuli, quo Hippodamiam Oenomaï f. obtinuit: at ea omnia poetarum opera interciderunt, praeter Apollonii et Theocriti loca de Hyla, Herculis amasio, et Deli laudes apud Callimachum. Quae autem ex deperditis excitari hic possent, notae modum excessura essent. 5. De *illaudato*, h. de testando, Busiride inprimis multa Interpretes cumularunt. Isocratea oratio plane hic commemorari non debebat. Sed videndi inprimis Gell. II, 6, ubi cf. Iac. Gronov. Macrob. Sat. VI, 7. Omni disputatione potiora sunt illa Gellii verba: *illaudatus est quasi illaudabilis et innominabi-*

*lis, qui neque mentione aut memoria ulla dignus, neque umquam memorandus est.* Expressit autem Homeri οὐκ ὀνομαστόν Od. τ, 260. 597. Sic ἀπόθητος. vid. Toup. Ep. crit. pag. 82; nec ad notam formam λιτότης confugere necesse est. Etsi autem in iis, quae nunc extant, carminibus Busiridis vix mentio facta occurrit: potuit tamen ac debuit (vid. Apollodor. II, 5, 11) ille ab Hercule caesus memorari in Ἡρακλείαις: quo nomine plura olim extitere carmina, inprimis Pisandri Camirensis (vid. Excurs. I. ad lib. II. Aen.), Nymphios Heracleotae, Panyasios. (vid. ad Apollod. Notae pag. 324 sqq.) 8. *Acer equis*, h. arte equestri, („haud facile approbaveris compositionem: *acer arte equestri.*“ *Wch.* Praefat. pag. XVIII.) *quadrigis* ducendis, strenuus, excellens, δεινός.

9. Circumspiciendum mihi argumentum, cuius tractatione nomen consequar. *victor* poetico ornatu adiectum, uti solent, si de magno aliquo opere peracto, magna re, quam assequutus sis,

Primus ego in patriam mecum, modo vita super-  
sit,

10

Aonio rediens deducam vertice Musas;

Primus Idumaeas referam tibi, Mantua, palmas;

Et viridi in campo templum de marmore ponam

10 *superstes* eadem ed. Ven. Gell. I, 22 versum laudat, et putat dictum esse ἀνθρώπων, parum proprie, pro, *longinquius diutiusque adsit*. 11 *veniens* Menag. pr. *residens* Rottend. alter, perpetua permutatione cum *rediens*. 12 *Idimeas*, *Idymeas* (sic Medic. Vat. 5. 8.; sed in Medic. a supra scripta. Wr.), *Hydimeas*, ut mox *Mintius* scribitur. *Primus* et *Idumeas* Reg. Martin. Est Ἰδοῦμη, Ἰδοῦμαιος. (Weston. in Anglorum diario classico XX. p. 291. *Itonaeas*, coll. Stat. Theb. VII, 721., coniecit. Iahn. — Ceterum vid. Q. V. XXXX, 1. Wr.)

agitur. Non male Servius: *victor, effector propositi et voti*. Lucret. I, 76 *Omne inmensum peragravit Epicurus*, — *Unde refert nobis victor, quid possit oriri etc. virorum per ora volitare*, ornatus quam, ferri per ora, in ore omnium esse. Notum autem Ennii illud: *volito vivus per ora virum*. Sollenne porro famam nominisque celebritatem per volatum declarari; ornavit notionem Horat. II Carm. 20.

10 — 13. Primus ego inter Mantuanos nomen poetae consequar. At hoc splendide elocutus est. *Primus*. Bene Serviana: *Ideo primus, quod ante illum nullus Mantuanus poeta fuit*. Argute magis quam vere modo Graecis poetis carminis palmam eripere, modo, quod Catroeus commentus est, iter in Graeciam suscipere velle putatur. Qui primus inter aliquem populum poeta clarescit, is *Musas secum in patriam ducere* dici potest, et ornatus *ab Helicone*, Boeotiae, *Aonibus* olim habitatae, monte; idem *referre* laudem, gloriam, praemia, victo-

riae insignia, *palmam* dici potest, respectu *certaminum musicorum*, quae inter Graecos haberi solebant. *Idumaeas* autem *palmas* poetico plane epitheto appellavit, a nobili aliquo genere. *Idumen* poetae pro *Idumaea* ac tota *Iudaea* dicunt; quam quidem palmis frequentem fuisse notum est. vid. II. apud Cerdam et al. *arbusto palmarum dives Idume* Lucan. III, 216, et praeclare Stat. V Silv. 2, 138. 139 *Au Solymum cinerem palmetaque capta subibis Non sibi felices silvas ponentis Idumes?* Debet autem huius versus suavitatem, ut unicuique obvium est, qui utrumque poetam legit, noster Lucretio suo I, 118 *Ennius ut noster cecinit, qui primus amoena Detulit ex Helicone perenni fronte coronam, Per gentes Italas hominum quae clara clueret*.

13. Haec et quae sequuntur, et templi huius aedificatio, quam rationem ac coniunctionem cum ceteris habeant, omiserunt monere Interpretes. Scilicet in eo substiterat poeta, ut laudem poeticam, quam in patriam suam

Propter aquam, tardis ingens ubi flexibus errat  
 Mincius et tenera praetexit arundine ripas. 15  
 In medio mihi Caesar erit, templumque tenebit.  
 Illi victor ego, et Tyrio conspectus in ostro,

17 *Illi*, quod ubique editur, tnetur Medic. cum aliis, h. in Caesaris honorem. At *Illic* Romanus, Medic. cum aliis antiquissimis Pierii. Sic in Franc. in Cantabrig. et Arundel., h. e. ad templum. Porro *et* abest a Franc.

redux referret, cum victoria compararet, quam aliquis inter Graecos ex sollemni certamine victor reportaret. Notum autem est, nullum sollemniuum ludorum in Graecia genus fuisse, in quo non eo tempore ingenii certamina, ἀγωνες μουσικοί, eloquentiae, poetices imprimis, instituerentur. De Olympiis et ceteris sollemnibus aequae certum est, ac de Dionysiis, Panathenaeis etc. Victores autem ex Olympicis ac ceteris ludis non modo sollemni pompa urbem suam ingressos esse, verum etiam victoriae praemia diis consecrasset, interdum etiam sive templum sive aram aliudve monumentum in victoriae memoriam condidisse, multis ex antiquitate exemplis ac titulis adhuc superstitibus declarari potest. Unum commemorasse nunc quidem satis sit, quod Athenis superest, monumentum choragicum, vulgo *Demosthenis Laterna* dictum, quod post Sponium *Le Roy* et *Stuart* c. IV exhibent. Quae quidem a nobis dicta si memineris, nihil quidem abhorrens aut insolens in toto poetae carmine occurret. Laudis ac victoriae suae poeticae monumentum exstruet templum, in quo praemia reportata tamquam donaria consecret; templum autem ingeniose

satis ita ornat, ut Augusto non modo dedicatum, sed et omnibus iis instructum et excultum esse iubeat, quae ad Augusti laudes praedicandas viam parare poterant. Cum autem inter divinos honores etiam ludorum sollemnia sint, etiam haec in Augusti honorem se editurum esse promittit. Si autem ingenii in poeta copiam et incrementa cognoscere volupe est, conf. extr. partem Aeneid. VIII, et eum, qui locum ante oculos habuit, Statium Theb. II, 728 — 740. Ceterum multa ad h. l. disputantem vide sagacissimum ac doctissimum Virum Hurdium, nunc Ven. Vigorniensis (Worcestriae) Episcopum, ad Horat. Epist. ad Aug. Vol. II, p. 43.

13. Victoriae monumentum exstruam templum, Caesaris titulo ornandum. *ponere templum*, τιθέναι, satis notum. *Propter*, prope Mincium, de cuius inundantis vicina aquis stagnantibus supra vidimus ad Eclog. I, 52. VII, 12. 13. Georg. II, 198. inf. Aen. X, 206. — 16. Statua dei in medio templo, ἐν τῷ ναῷ, sacrario: ut saepe in numis visitur.

17. *victor ego*, qui carminis palmam ac gloriam in patriam retulerim; id quod absolutis Georgicis, quae Neapoli scribe-



Centum quadriiugos agitabo ad flumina currus.  
Cuncta mihi, Alpheum linquens lucosque Molorchii,  
Cursibus et crudo decernet Graecia cestu. 20

20 *duro* — *cestu* Romanus Pierii. Sed *crudo* melius, e crudo corio. Aen. V, 69. *decernet* firmavit Heins. vetustiorum librorum auctoritate; inter quos fragm. Vatic. Sic quoque pars Pierianorum cum edd. inde ab Aldd. At Medic. Longob. et alii *decertat*; quomodo nonnulli ap. Heins., quatuor Martini, Goth. sec. Erf. cum vett. edd., et sic Medic. a m. sec., nam prima scriptura in eo et Mentel. pr. ac Franc. et ed. Fabric. *decernit*. cf. ad Aen. VII, 525. Tandem *Graecia ludo* Zulich.

bat, futurum erat; etsi hoc adiectum nimis angustum videri potest. Loquitur poeta omnino de gloria ac laude carminis. *Purpura conspicuum* dixit se, tamquam eum, qui ludos ederet, magistratum exemplo, qui ludos curabant, praetexta induti; purpura in togae ora praetexta. At purpurea vestis non fuit nisi triumphantium, eaque picta, auro distincta. Nisi in Graecis civitatibus alium morem fuisse contendas. Sacerdotum purpuram huc advocabat Servius. conf. Plin. IX, 36, s. 60. 18. *agitabo currus*, non aliter accipiendum, quam poetam editurum ludos, in quibus quadrigae mittantur, agitentur. *Centum* autem *quadrigas* tamquam poeta ponit; et recte hic memores locum Tibulli I, 7, 49 *centum ludis Geniumque choreis concelebra*, nec non Gratii Cyneget. 520; nam subtilius quam verius esse videtur, quod iam Servius monuit, ad XXV missus ludorum Circensium hoc referendum esse. (Numerus centenarius in sacris et in conviviis sollemnis videtur fuisse; vid. Eustath. ad Il. A. p. 49. init. Docte Huschkus ad Tibull. I, 7, 49., ea, quae Heynius super hoc

ipso Virgilii versu disputat, respiciens: „Addere Heynius imprimis debebat Catullum LXIV, 388.: „„Saepe pater divum templo in fulgente revisens, Annua quum festis venissent sacra diebus, Conspexit terra centum procurrere currus.““ Pertinet res ad illud Pindari dictum, *πάντα θύειν ἑκατόν*. Fragm. 51. 154. — — Miror autem, nemini in mentem venisse Horatium III, 8, 13.: „„Sume, Maecenas, cyathos amici Sospitis centum.““ Ubi notandum, quod Acron adscripsit: „„verbo usus est convivarum, centum cyathos.““ Haec Huschkus. Hinc *arae centum* Aen. I, 417. IV, 199. sq. vid. etiam V. L. ad IV, 510. *Wr.*) *ad flumina*, ad Mincium. Nugas Servianas audire non debebant Interpretes.

19. Suos ludos, propter maiestatem numinis, cui fiant, Graecorum Olympia et Nemaee celebritate superaturos esse dicit. *Alpheum* Olympiam praeterlabi, et *Molorchum* (vid. Tibull. IV, 1, 13), Cleonaeum, excepisse hospitio Herculem, cum leone Nemaee interemto ludos Nemaecos restitueret, satis notum est. vid. Apollod. II, 5, 1, et

Ipsē, caput tonsae foliis ornatus olivae,  
Dona feram. Iam nunc sollemnis ducere pompas

22 *deducere* Ven. alter Menag. ed. Iunt.

Probus ad h. l. *crudus* cestus, e corio crudo.

21. 22. Iam, quod ad se pertineat, se *ferre* velle *dona*, h. se sacrificia ad templum (paullo post, *ad delubra*), esse facturum dicit, capite corona oleagina redimito. *tonsam olivam* appellat, quae et Aen. V, 774 et 556 *tonsa corona* occurrit, attonsam vulgo esse volunt, ornatus caussa; malim dicere simpliciter, quia decerptae sunt frondes ex arbore. Neque aliud est Horatianum illud: *decerptam fronti praeponere olivam*. Ex edicto tamen aut sub ferulae minis edicere quicquam nolim. (Duplex est apud Virgilium coronarum oleagarum usus: in certaminum victoribus ornandis, et in sacris faciendis. Felix enim in primis habebatur haec arbor et pacifera: Aen. VI, 230.: „ramus felicitis olivae.“ VII, 750.: „felici comtus oliva.“ Ge. II, 425.: „placitam Paci nutritor olivam.“ Aen. VIII, 116.: „paciferae ramum praetendit olivae.“ Et victores coronantur olea Aen. V, 309.: „Tres praemia primi Accipient flavaque caput nectentur oliva.“ ibid. 493.: „Mnestheus victor evinctus oliva.“ Quia autem pacifera, apta est eadem ad pacem Deum exposcendam; quare corona oleagina sacrificantes vincti Aen. V, 774.: „Ipse caput tonsae foliis evinctus olivae—pateram tenet extaque salsos Porricit in fluctus.“ Tibull. II, 1, 15.:

„Cernite fulgentes ut eat sacer agnus ad aras Vincitque post olea candida turba comas.“ Valer. Flacc. III, 424.: „Temporatum vittis et supplice castus oliva Implicat.“ et sacerdotes Aen. VII, 417.: „induit albos Cum vitta crines; tum ramum innectit olivae: Fit Calybe Iunonis anus templique sacerdos.“ VI, 809. de Numa: „Quis procul ille autem ramis insignis olivae Sacra ferens.“ ubi vid. Serv. VII, 750.: „Quin et Marrubia venit de gente sacerdos, Fronde super galeam et felici comtus oliva.“ Ciris vs. 147.: „sacerdos Pallentis foliis caput exornarat olivae.“ Iam apparet, oleaginam coronam sibi ut sacrificaturo sumere Virgilium. Argutatur igitur Vossius, quum scribit: Augusti gratia poetam corona oleagina se velle redimire, quod olea signum sit pacis et fertilitatis. Tonsa autem oliva non ea ratione dicitur, qua Heynius existimat; sic enim non intelligitur, cur non quaevis coronae de quavis arbore petita ita vocentur. Male Paschalius de Coronis VII. c. 2.: „Corona tonsa est lecta e pratis, sive hortis, familiaris nostris locutione *tondere prata, herbas, violas*, et similia.“ Proprie dici tonsam, i. e. cuius folia, ut parem omnia haberent longitudinem, attonsa fuerint, contendit Vossius. Servius h. l. interpretatur: „minutis foliis compositae.“ et Aen. V, 774.: „comtae, minutis foliis.“

Ad delubra iuvat, caesosque videre iuencos;  
 Vel scena ut versis discedat frontibus, utque  
 Purpurea intexti tollant aulaea Britanni. 25  
 In foribus pugnam ex auro solidoque elephanto  
 Gangaridum faciam, victorisque arma Quirini;

24 *atque* Argent. ed., notante Reiskio. 25 *tollent* Menag. alter. *intexta* Menag. pr. 27 *Gargaridum* Rottend., sed Graecis *Γανδαρίδαι*, quod alii flexisse videntur, dum a Gange ductum putabant: Salmas. ad Solin. p. 698. *victoris et arma* Parrhas.

et V, 556.: „Tonsa, composita.“ Philargyrius quoque nostro loco tonsam vult esse compositam. Vides, ubique compositam contamve ab his Interpretibus dici, nusquam attonsam. Et vix crediderim, tulisse hoc veterum superstitionem, ut res sacro destinata usui mutilaretur. Hinc alia tentanda explicatio. Olea arbor erat umbrosa, Claudian. de Bello Get. 319., multas gignens frondes, unde etiam tondebatur a colentibus. Plin. Hist. Nat. XV, 2.: „Sine dubio et in oleis solum maxime, caelumque refert: verumtamen et tondentur.“ Hinc facile tibi persuadeas, decerptam fuisse aliquam foliorum partem in coronis oleaginis, ne frontem nimis obumbrarent, atque hinc dici tonsam olivam. Iam vero probabile est, decerptis maximis minora atque eiusdem ferme longitudinis folia relicta esse, et hoc sensu a Servio ac Philargyrio dici contam coronam compositamque minutis foliis. Ceterum tonsilem et sutilem coronam confundit Salmas. Plin. Exercitatt. p. 703. Tonsa corona tribuitur etiam pueris Troiam ludentibus Aen. V, 556.; quam et ipsam oleagineam fuisse puto. *Wr.*)

22. *Iam nunc iuvat*; tamquam poeta id, quod facere gestit animus, ad praesens tempus revocat, quasi actutum in eo occupatus sit. Rapitur animus aestuans in medias res, tamquam si coram gerantur.

24. 25. Priora, ad sacra pertinebant, in quibus pompa ad templum ducta, et victima caesa, haec, nescio an satis opportune, iterum ad ludos, inter quos etiam *scenicos* editurus est; hoc quidem more Romano. *Scena*, utpote versatilis, circumagitur. Velum autem sive *aulaeum*, prodeuntibus iamiam actoribus, non, ut nunc, demissum, sed in altum sublatum fuisse, adeoque intextas seu pictas imagines, h. l. Britannos, procero corpore, et forte eo habitu pictos, tamquam qui ipsi vela tollerent, quasi ex terra surgere visas esse, vix opus est multis docere. Locus classicus Ovid. Met. III, 111 — 114. Hurdus l. c. de aulaeo delubri accipiebat.

26—30. Ad ornamenta templi in Augusti honorem condendi transit: anaglypha in foribus, conf. Aen. VI, 20 sqq. et Exc. XV. ad lib. I. Aen., et quidem ex ebore et auro: ut ap. Cic. Verr. IV, 56; (respexisse tamen videtur inprimis fores templi Apolli-



Atque hic undantem bello magnumque fluentem  
 Nilum, ac navali surgentis aere columnas.  
 Addam urbis Asiae domitas, pulsumque Niphaten, 30  
 Fidentemque fuga Parthum versisque sagittis,

28 *Atque hinc* Goth. sec. et Brunckii liber; quod ille recepit: erit ergo pro, iude, postea. (recepit etiam Vossius. *Atque hic*, i. e. in altera forium parte, ut altera valva pugnam Gangaridum, altera Aegyptiorum exhibeat. Ceterum in eiusmodi phantasmate non premenda omnia. *Wr.*) 30 *At tum urbes* ed. Ven. *Niphuten* Medic. a m. sec. cum multis aliis. (Medic. a m. pr. *Navatem*; sed priori a expunctae supra adscripta i; supra v comparet f, m autem in n mutatur. *Niphaten* 3. 5. 8. *Niphatem* 2. 7. 11. 12. *Wr.*) *Niphatem* ante Heins. *Niphate* Goth. sec. a m. pr., quasi Parthus ab eo monte pulsus esset. Sed virgulae omissione factum puto. *Niphates pulsus* audacter dictum. Si *victus*, *domitus*, esset, nihil offenderet. Iac. Bryant fuisse coniecitabat *pulsumque Phraatem*. (*urbes* Medic. *Wr.*)

nis Palatini a. 725 dedicati: Propert. II, 23, 12 *Et valvae Libyci nobile dentis opus; altera deiectos Parnassi vertice Gallos, altera moerebat funera Tantalidos.*) tum v. 34 signa ac statuas. *Pugnam Gangaridarum* (Indorum ad Gangis ostia ab occidentali parte) memorat, quia communis ille laudum locus in Augusto, ut Indos cum Parthis victos ei aut promitterent aut darent. conf. sup. Georg. II, 171. 172. Aen. I, 289. Curabit itaque a sculptore effingi Indos victos, Aegyptum subactam, post Actiacam victoriam, tum Asiam, Armeniam et Parthos ad obsequium redactos. Memorat autem res, per quas ars symbolice ea reddere possit: pugnam et victorem Augustum, Nilum et tropaeum columnae rostratae. Quaeras, quomodo urbes et reliqua? Scilicet, ut in numis videmus provincias muliebri forma supplices, Armeniam maestam sedentem inter arma, Parthum unum vel duo ad tropaeum sedentes manibus post tergum revinctis. Augustum autem per

*Quirinum* designatum videri, obvium est. Melius hoc, quam *Quirinum* pro populo Quirini, Romanis, a poeta dici. *arma Quirini* poetica consuetudine pro Quirino in armis, armato. Nisi *arma* pro bello, pugna aut victoria, dicta accipias, quod et ipsum bene fieret.

28. 29. Aegyptum, victis Antonio et Cleopatra pugna Actiacae navali, in potestatem ab Augusto redactam memorat. *undantem bello* et *magnum*, copiose, *fluentem* (nam *fluit magnus, multus*, fluvius, *πολύς ῥέει*: cf. Bentl. ad Horat. I Serm. 7, 28), (vid. notata ad Aen. VIII, 559. *Wr.*) Nilum magno spiritu amnem appellat, propter magnos apparatus bellicos ab Antonio in Aegypto factos; ut populos aut provincias *bello tumentes* dicunt, cum animose bellum parant; ut omnino superbia, fastu, *tumere* dicuntur homines. Quod cum ad fluvium transfertur, praeclare ille fluctus volvere, aquas augere et incitare, bello undare dici potest. Fert idem patrius sermo. Hoc melius, quam si

Et duo rapta manu diverso ex hoste tropaea,  
 Bisque triumphatas utroque ab litore gentis.  
 Stabunt et Parii lapides, spirantia signa,

33 *a littore* duo et vet. edd. *caroque ab l.* Leid. unus, *diverso a litore* Schol. Horat. Cruqu. Od. I, 35. *ab abest a* Goth. pr. (*gentes* Medic. Wr.) 34 *Et stabunt* Acron ad Horat. Od. I, 19, sed Cruqu. vulgatum. *lapidis* quatuor, et sic edd. nonnullae. Sed alterum poeta dignius.

*undantem bello*, h. caede et sanguine, intelligeres; quid? quod nec armis quicquam in Aegypto actum, nullum praelium commissum fuit. *Columnam rostratam* altero versu describit, tamquam tropaeum. Occurrit illa quoque in Augusti numis. *Surgunt* autem columnae, ut aedificia, moenia; vulgari sermone, stant. (Praesignes hi versus numerorum gravitate; cfr. etiam Q. V. XXXV, 22. Wr.)

30. 31. Victoriā de Armeniis, quos a monte Niphate designat, ad quem adcolunt, et de Parthis promittit. conf. Vita Virgilii ad a. 734 et 724. De Niphate Horat. Carm. II, 9, 19 sqq. et Comment. ad e. l., et Lucan. III, 245, cui Niphates fluviū est.

32. 33. Exprimet porro in iis foribus duo tropaea, alterum de Oriente extremo victo, alterum de Occidente. Ad meum sensum, non haec sunt historice explicanda; nam non ea, quae iam facta sunt, sed *quae ita fore auguratur*, memorat; si tamen populum bello iam tum destinatum intelligere velles, de Cantabris, non de Britannis, ut Interpp. faciunt, haec essent accipienda. Ad bellum Cantabricum etiam ipse tandem Augustus profectus est U. C. 728, quarto a Georgicis, ut vulgo creditur, ad finem perductis anno.

Ei, qui omnia in vss. 33, 4. 5. ad certa tempora revocare mavult, statuendum est alterum, Georgicis nonnulla serius inserta esse. Neque hoc absurdum esse dicam. (vid. V. L. ad Ge. IV, 203. Wr.) *tropaea rapta manu*, poetica ratione de victoria reportata; si tamen in *rapta* argutandum sit, celeritatem victoriae exprimi dicas cum Philargyrio. *diverso ex hoste*, in diversis terrarum partibus. Sic *diversos Celtas* appellat Gratius Cyneg. 156, cum Medum modo nominasset. Alter versus eiusdem sententiae nova est exornatio: *gentes utroque ab litore*, h. extremi Orientis et Occidentis, (de hoc usu praepositionis a vid. notata ad Ecl. I, 54. Wr.) *bis triumphatas*, de quibus bini triumphii habiti sunt (non vulgari usu, ut bis eadem gentes victae sint); (hoc tamen usus loquendi exigere videtur; probabiliora igitur, quae Voss. disputat, quem vide. Wr.) h. totum terrarum orbem victum ab Augusto.

34. *spirantia aera, vivos vultus*, Aen. VI, 848. 849. 35. Gentis Iuliae progenitores, ut vulgo ferebantur, ducta ab Iulo, sive Ascanio, Aeneae filio, origine. A Iovis et Electrae filio Dardano Erichthonius, cuius filius Tros Ilum, Ganymeden et Assara-

Assaraci proles, demissaeque ab Iove gentis 35  
Nomina, Trosque parens, et Troiae Cynthius auctor.

Invidia infelix Furias amnemque severum  
Cocyti metuet, tortosque Ixionis anguis  
Inmanemque rotam, et non exsuperabile saxum.  
Interea Dryadum silvas saltusque sequamur 40

35 *dimissae* aliquot: item alii *a Iove. gentes* Menag. alter. 37—39  
Aberant ab uno Mcad. 38 *Cocytum* Moret. sec.; ab eodem mox *que*  
abest. *Ixionis orbes* Romanus; quod perpetuum hac in re; itaque Spen-  
cius Polymetis Dial. XVI, 189 et alius Vir doctus, de quo iam Burm. mo-  
nuit, in Miscell. Obs. Vol. I, p. 269 et 390. Vol. III, p. 309 vulgatae prae-  
ferebat, inprimis propterea, quod nullus anguibus in Ixionis supplicio lo-  
cus est. At vid. Not. et ibi Serv. conf. Schrader. ad Musaeum p. 286.  
In iisdem Obs. cum Marklandi coniectura, *Ixionis axes*, tum Batavi Editor-  
is, *Ixionis artus* vel *ungues*, proposita. Omnia perperam. *axes* etiam  
Davisius ad Cic. de N. D. II, 42 coniectabat. 40 *sequemur* Erf.

*cum* genuit. vid. Homer. Iliad. v, 215 sq. Ex Ilo Laomedon, ex hoc Priamus. *Ex Assaraco Capys*, ex hoc *Anchises*, ex hoc *Aeneas*. Porro *Apollo*, Troiae conditor, adiungitur, quia is, tamquam deus tutelar, inprimis magna religione ab Augusto colebatur, quem adeo Apollinis filium vulgus ferebat. vid. Sueton. Aug. c. 94.

37. Altera ex parte in hoc templo signum ponetur Invidiae, sed debellatae et ad Tartarum proturbatae. Splendide autem omnia exornavit. Scilicet bella civilia omninoque discordiam civium iam plane coercitam esse, symbolice innuit; ut in simili imagine *Claudentur belli portae*, *Furor impius intus Saeva sedens super arma* etc. Aen. I, 293 sq. *metuere* Cocytum, Ixionis et Sisyphi supplicium, Invidia dicitur ornate, quae in Tartaro versatur, ac si istarum rerum aspectu terreatur; ut alias *horre ac terreri* dicitur pro simplici *videre. severus*, perpetuum

rerum infernarum epitheton, ut tristis, saevus. 38. *tortos Ixionis anguis*, quibus, pro vinculis, religatus est ad rotam, postquam illicitos Iunonis petivit amplexus. Ita et Servius. Sive poeta hoc ipse excogitavit, sive, quod probabilius fit, ex poeta Graeco acceptum habuit: ingeniose pro vinculis angues innexuit Ixioni. (Iahnus laudat Staveren. ad Hygin. 62. p. 129. *Wr.*) Vulgo simpliciter vincula et nexus memorantur: v. Apollon. Rhod. III, 62. Alia loca vid. in Misc. Obs. Vol. I, pag. 269. Vol. III, p. 312 sqq. Indulsisse sibi poetas in Ixionis rota volvenda, videbimus inf. Ge. IV, 484. *Saxum* Sisyphi notari, obvium est; quod *exsuperari* non potest hactenus, quoniam ad summum montis verticem emoveri et adduci nequit. *λαῶς ἀναιδής* Odyss. λ, 597, improbus, ingens, qui pondere suo urget, nec submoveri potest, adeoque gravis.

40. Interea argumentum se



Intactos, tua, Maecenas, haud mollia iussa.  
 Te sine nil altum mens inchoat. En, age, segnis  
 Rumpe moras; vocat ingenti clamore Cithaeron,  
 Taygetique canes, domitrixque Epidaurus equo-  
 rum;  
 Et vox adsensu nemorum ingeminata remugit. 45

42 *actum* Zolich. *Eia age segnes* Valer. Probus Art. Grammat. I ap. Heins. *segnis* Heins. e potioribus. 43 *vacat* Medic. a m. pr. (idem *rumpere*. *Wr.*) Mirum a viris doctis *Cythaeron* edi et scribi; quod male fit; *Κιθαρώων*. 44 *domitorque* Zolich. *equarum* Leid.; vulgatam agnoscit Lutat. ad Stat. Theb. IV, 123. vid. ad Georg. I, 59 Burm.

suum de armentorum cura prosequuturum esse ait. *saltus intactos*-, argumentum carminis, quod nullus adhuc inter Romanos poeta attigerat. *haud mollia iussa* h. dura, rem non levem, difficilem, imponentia. Itaque *Te sine*, nisi eo auctore, seu suaserit, seu iusserit.

42. 43. Praeclare illud: Ades, o Maecenas! (ad absentem, puta, dictum a poeta) ex eo ornat, quasi rerum, quas dicturus sit, turba instet, nec, ut multis eum exoret, patiat. Vidit Cerda. *Nunc nostra serenus Orsa iuues* Valer. Fl. I pr. ad Caesarem Vespasianum. Vulgo ita accipitur, ut poeta se ipsum alloquatur et excitet. (Sic Ruæus et Cerda; quos sequor. *Wr.*) Accipe saltem dicta pro vulgari: Verum ad ipsam rem accedendum est sine mora. 43. *vocat ingenti clamore Cithaeron*. Haerebam in adiuncto: *ingenti clamore*. Ad sacros Bacchantium ululatus, v. c. Ovid. Met. III, 702. 703, referre hoc non licet. Ad armenta vulgo referunt, eumque pascuis nobilem esse edunt Interpretes. De altero hoc equidem dubitabam; multo magis, quo-

modo *ingens clamor* ad armenta revocari posset; qui contra de venatione passim a poetis frequentatur: conf. inf. 413; et sequuntur *Taygeti* (vid. supr. Georg. II, 488) *canes*, quod et ipsum ad venationem spectat. Tradet autem et canum curam v. 404. Ouvens in Noct. Hag. p. 583. 584 multis exemplis docuit, armenta et greges in Cithaerone errasse: qua de re equidem non dubitabam; occurrit enim res in fabulis Amphionis ac Zethi et Oedipi; sed nobilitatem pascuorum exemplorum usu declaratam desiderabam, ut ab ea Cithaeron poetae memorari posset pro quibuscunque pascuis. Clamorem boum et vaccarum occurrere, non magis inficiabar: at *ingenti clamore* quis boves designet? Decedam tamen de opinione mea ea de causa, quia argumentum, quod versat poeta, non tam ad venationem, quam ad armenta spectat, adeoque boves in Cithaerone requiruntur, ut mox equi. Alterum vero *ingenti clamore* sic tuebor, ut non ad Cithaeronem solum referam, verum ad omnia, quae sequuntur: ingenti clamore vocant me

Mox tamen ardentis adcingar dicere pugnas  
Caesaris, et nomen fama tot ferre per annos,  
Tithoni prima quot abest ab origine Caesar.

Seu quis, Olympiacae miratus praemia palmae,  
Pascit equos; seu quis fortis ad aratra iuencos: 50  
Corpora praecipue matrum legat. Optuma torvae  
Forma bovis, cui turpe caput, cui plurima cervix,

46. 47. 48 qui abesse forte poterant, pro spuris habebat Hurdus l. l. ad Horat. Ep. ad Aug. 16. 46 *Mox etiam* Regius Martini. (*ardentes* Medic. Wr.) 47 *tot fama* Zulich. *Caesaris et famam et nomen tot* Rufinian. de Schem. Lexeos p. 32. vid. Burm. Sane non male interpungas: *adcingar dicere pugnas, Caesaris et nomen fama.* 48 *quod* Medic. a m. pr. Romanus, Reg. et Goth. pr. *quotus est* Ven. 49 *miratur* Menag. alt. *praemia pugnae* Nonius Marcell. in *mirari*, errore solito. 50 *seu quis fortis ad aratra iuencos.* Aut iungi potest *pascit iuencos ad aratra*, aut *fortis ad aratra.* 51 *Optuma* scripsit Heins. ex Mentel. et Nonio Marcello, quod cum semel ille induisset, servandum fuit per totum Virgilium. (— 52. *bous*, sed *i* supra scripta Medic. Wr.)

Cithaeron, Taygetus et Epidaurus. Ita de vaccarum, canum et equarum vocibus communiter *ingens clamor* commode praedicari potuit. Ita tandem rem expeditam puto. (Sensus est: res pecuaria vehementer postulat — quod est  *vocat ingenti clamore* — studium meum. Wch.) *Epidaurus* cum tota Argolide equorum cura nobilis: nisi ex Homero tenueris, vide vel Intpp. Horat. Carm. I, 7, 9 *Aptum dicit equis Argos.* conf. inf. 121 et Strabo VIII, p. 595. 48. Sollenni poetarum huius aevi more et artificio Augusti laudes ampliores ad annos seriores maiorque rerum et artis usu firmatos seponit. *Tithonus* et ipse ad gentis Iuliae origines pertinet. Erat enim Trois abnepos, Laomedontis filius. Tempus, quod ab hoc progenitore (nam *a prima Tithoni origine* est, *a Tithono*) effluxit ad Caesarem, pro infinito tempore ponitur. Argutantur et in his

Intpp., inprimis Martinus. *Ardentis pugnas* vs. 46 Augusteo saeculo indignas censet Warton. at *studium, virtus, ardens; ardent pugnae, pugna calet, fervet; quidni et, ardet?*

49—51. De fetura armentorum acturus, vaccarum optimarum, quae tauro submitti possint, notas enarrare incipit. cf. Varro R. R. II, 5. Colum. VI, 1 et 21. Pallad. Mart. tit. XI, 5. Plin. VIII, 45, s. 70. Geopon. XVII, 2. *Olympiacae miratus praemia palmae*, victorias e certamine curuli, splendide pro studio certaminum curulium. 52. *turpe caput*, fronte lata; ut omnes scriptores laudati monent; unde et *βούς εὐρυμέτωπος* et *πλατυμέτωπος*. *Nec ab adpectu decoros* Columella Apeninum alere dixerat VI, 1, 2, et Plin. VIII, 45, s. 70 *Non degeneres existimandi etiam minus laudato adpectu.* Nec tamen *turpis* et *magnus* propterea pro

Et crurum tenuis a mento palearia pendent;  
 Tum longo nullus lateri modus; omnia magna,  
 Pes etiam; et camuris hirtae sub cornibus aures. 55  
 Nec mihi displiceat maculis insignis et albo;  
 Aut iuga detractans; interdumque aspera cornu,

## 57. DETRECTANS

53 *armento* Ven. *ammento palearia* Goth. pr. 55 *camuris* Rom. Medic. a m. pr. (est ea prior lectio. *Wr.*) et alii. *cameris* apud Nonium et in libris nonnullis ap. Heins. scribitur; conf. Macrob. VI, 4 extr. *camyris* Medic. a m. sec. et Mentel. alt. *camiris* Gud. Moret. Goth. sec. *curvis* Voss. alt. *cum cornibus* Medic. a m. pr. 56 *Nec tibi* Medic. a m. pr. (est ea prior lectio. *Wr.*) Parrhas., nec hoc male. *et auro* Zulich. 57 *detractans* Rom. cum vetustiss. Pierianis: et sic edd. vet., in his Ald. pr., et nonnulli apud Burm., tres apud Martin. (*detractans* etiam 2. 3. atque hoc restitui. Sic etiam *attractare* in nonnullis libris Aen. II, 719. Vid. V. L. ad vs. 419. Broukhus. et Burm. ad Prop. II, 2, 11. Staveren. ad Corn. Nep. Alcibiad. c. VI. et Eumen. c. II. Drakenb. ad Liv. XXXIV, 15, 9. et quos hic laudat. Cort. ad Sallust. Iug. c. LIII. eiusdemque Dissertatt. crit. de usu Orthograph. Lat. I. cap. III, 7. *Wr.*) *que* abest a Leid. *cornum* Gudian. a m. pr.

synonymis habenda. *cui plurima cervix*, h. cervice longa et, quod notes, simul firma et crassa; nam in cervice robur tauri inprimis spectatur. 54. Lateribus porrectis, *βαθυπλεύρους*, esse vult eas vaccas. *Latus* autem pro toto corpore, perpetuo usu. (*latus* et hoc loco proprie positum est, neque usquam Latine pro toto corpore usurpari memini. Exemplis certe comparatis, qualia haec sunt: Horat. Od. II, 7, 18. Virg. Aen. VII, 108., significatio illa nequaquam comprobatur.“ Wunderl. in Praefat. p. XVIII.) 55. *Pes etiam* scilicet magnus est. Hoc naturalis orationis ordo offert. Cerda cum aliis ex Varronis loco II, 5, 8, quem sequutus esse videtur poeta, *pedibus non latis* etc., hanc interpretationem refellit et iungit: *Pes etiam et aures hirtae* esse debent. *Aures hirtas, setosas, pilosas*, in laude esse,

dubitari nequit; et eas inter notas bonae vaccae omnes referunt: at *pedes hirtos* memorari non vidi. Varronis autem locus frustra huc vocatus, et *pes* nimis anguste ex vulgari ratione acceptus. Poeta totum crus eo nomine designare potuit. Crura autem etiam Varro l. l. *breviora potius, quam longa* esse voluit, ut ex libris ibi legendum; sed dum brevia sunt, crassa, *compacta* (ut Colum. VI, 1, 3), eo-que magna esse possunt. *σκέλη παχύτερα μᾶλλον ἢ μακρότερα* Geop. XVII, 2. Numquamne nos in poeta versari, memores erimus? *camura cornua* sunt incurva, introrsum conversa. vid. Macrob. Sat. VI, 4. *ἐλικας βόας εὐνομετώπους* Homeri (ut Od. λ, 288) non male comparat Ursinus.

56. *Nec mihi displiceat*. *Litotes* figura est, inquit Servius, id est, valde placeat, ut Aen.



Et faciem tauro propior; quaeque ardua tota,  
 Et gradiens ima verrit vestigia cauda.  
 Aetas Lucinam iustosque pati hymenaeos 60  
 Desinit ante decem, post quatuor incipit annos:  
 Cetera nec feturae habilis, nec fortis aratris.  
 Interea, superat gregibus dum laeta iuventas,  
 Solve mares; mitte in Venerem pecuaria primus,  
 Atque aliam ex alia generando suffice prolem. 65  
 Optuma quaeque dies miseris mortalibus aevi

58 *facie* Rottend. alt. et Voss. pr. (Medic. *proprior*, ut etiam supra II, 122.; *proprius* Ge. IV, 47. et Aen. I, 526., hoc tamen loco altera *r* puncto miniato notata; et quum in eodem Aen. IX, 275. *propioribus* scriptum esset, prima *i*, quod sane mireris, in *r* mutatur, teste Foggino. *Wr.*) 59 *una* Menag. alt. *vertit* Franc. Goth. 60 *Aestas* Medic. a m. pr. *Lucina* Romanus et Medic. a m. pr. *Lucinamque pati iustosque hymenaeos* Zulich. (— 62. *aratris* Medic. apud Fogg. *Wr.*) 63 *iuventas* Heins., ut Roman. Medic. a m. sec. (est ea altera Medicei lectio, prior *iuventus*. *Wr.*) et ceteri vetustissimi. *iuventus* vulgo, ut est in Goth. pr. (et 1. 12. 14., *iuventas* etiam Serv. Dresd. *Wr.*) 65 *confice* unus Arundel.

VII, 261 *Munera nec sperno. maculis insignis et albo*: definire non ausim, utrum sint maculae nigrae in albo corpore, an albae in nigro rufove; praestat hoc iunctura, maculis et albo. *aut— interdumque pro nec, nec.* cornu mirax: ut ipsa ferocia validi corporis vigorem declaret.

60. Aetas iusta admittendi taurum et pariendi. Colum. VI, 24, 1 *Ex his, qui quadrimis minores sunt, maioresque quam duodecim* (noster decem) *annorum, prohibentur admissura* etc. conf. Varro R. R. II, 1, 13 et II, 5, 13. Plin. VIII, 45, s. 70; at vide, quam caste et decore poeta hanc rem expresserit; ut et in seqq. *Iusti hymenaei*, iusta et matura aetate initi. vid. Burmann. 63 sq. *Interea*, in spatio hoc quinquennii, dum iuvenili vigore utuntur boves ac tauri, hos *solve*, admitte. (*superat*, i. e. abunde est, ut recte explicat

Bach. ad Tibull. pag. 342. Tibull. IV, 1, 28. sq.: „Nam quamquam antiquae gentis superant tibi laudes, Non tua maiorum contenta est gloria fama.“ Salust. Iug. c. 68.: „cui virtus, gloria, atque alia optanda bonis superabant.“ Ipse Virg. Ge. I, 189.: „Si superant fetus, pariter frumenta sequentur.“ Idem expressit Vossius: „*da die Heerd' in ueppiger Jugend sich freuet.*“ *Wr.*) De tauris nunc non laborat; cum de iis alio loco mox dicturus sit vss. 212 sqq. 64. *pecuaria* non loca h. l., sed ipsa pecora, boves, sunt. cf. inf. 471 *aestiva. primus*, h. quamprimum mitte, dum iuvenilis aetas superest, durat. (*primus* potius, ut Wunderl. explicat, i. q. prior omnibus. Ge. II, 408.: „Primus humum fodito, primus delecta cremato Sarmenta“ etc. *Wr.*) Sic mox *Prima fugit*, vulgo,

Prima fugit; subeunt morbi, tristisque senectus;  
Et labor et durae rapit inclementia mortis.

Semper erunt, quarum mutari corpora malis:

Semper enim refice; ac, ne post amissa requiras, 70

Anteveni, et subolem armento sortire quotannis.

67 *fuit* Moret. pr. a m. pr. *morbus* Franc. Interpungunt quoque *senectus* Et labor; et d. at labor est aerumna, quae conficit vires. Auferunt nos aerumnae et mors fatalis. 69 *Semper erit* Menag. pr., noto graecismo, quem expulsum a librariis putabat Broukh. *Semper enim* unus Mead. *mavis* Medic. cum Venet. Voss. pr. Parrhas. et ed. Ven. tres apud Martin. cum edd. vett. *matris* Rottend. alter. *navis* Goth. pr. (*mavis* bis Serv. Dresd., addita etiam interpretatione: *magis velis*. E cod. Rom. *mallis* enotavit Bottarius, quod ipsum e ductu literae *U* ortum videtur, nisi forte in ipso cod. fuit *U*, et id, quod scripserat Bottarius, per typothetae errorem corruptum est. Et quamvis res ipsa et regulae grammaticae Coniunctivum flagitare videantur, Indicativus tamen defendi fortasse poterit e Cic. de Orat. I, 12.: „Unum erit profecto, quod ii, qui bene dicunt, afferunt proprium.“ Ernestius ibi *afferant*, Schuetz. *afferent*. At recte, ni fallor, *unum erit, quod afferunt*, quod est idem atque *unum afferent*. Hinc *erunt, quarum m. c. mavis*, accipi sic poterit: *quarundam corpora mutari males*. Interim *malis* servavi. *Wr.*) 70 *an ne* Rottend. sec. *admissa* Medic. *commissa* Ven. 71 *et* abest a Longob. et Medic. Pierii.

cito. Ut sint *aetatis mediae, magis quae iuventute minor est, quam quae declinet in senium* Pallad. IV, 11, 4. 65. in locum bouum decedentium substitue, fac generari, alios.

66. *Optima dies, ut optima, melior, bona aetas, de iuventute; fugit ea prima, transit primum, tamquam prima vitae pars; succedit senectus infirma. Ab armentis ad homines retulit brevem ac fluxam vitae conditionem. Dicas, non satis cum ceteris vinctam et iunctam esse sententiam; id quidem fateor; fatendum tamen et hoc, sententiae plus dignitatis ex hac ad mortales translatione accessisse. Commentatur in h. l. Seneca Ep. C. (p. 765 ed. Lips.)*

69. Varro R. R. II, 5, 17 *Item* (de bobus agebat) *ut in reliquis gregibus pecuariis delectus quot-*

*annis habendus, reiiculae reiiciundae, quod locum occupant earum, quae ferre possunt fructus.* Colum. VI, 22, 1 *Sed curandum est omnibus annis in hoc aeque atque in reliquis gregibus pecoris, ut delectus habeatur; nam et enixae et vetustae, quae gignere desierunt, summovendae sunt* etc. cf. eundem de ovibus VII, 3, 13. 14. *quarum corpora, h. quas cum aliis permutari velis; alias iis submittere, substituere, sufficere. Semper enim refice, h. igitur, ut γὰρ pro ἄρα, δὴ.* (In verbis *semper erunt quarum* latet: semper inquire, quae boves reiiciendae sint. Ita coniunctio *enim* apta. *Wch.*) *amissa* scil. corpora. 71. Totum locum, et hunc inprimis versum vide ad canes translatum et imitatione expressum a Nemesiano Cyneget. 200 — 205. *Sortiri* etiam sine

Nec non et pecori est idem dilectus equino.  
 Tu modo, quos in spem statues submittere gentis,  
 Praecipuum iam inde a teneris inpende laborem.  
 Continuo pecoris generosi pullus in arvis 75  
 Altius ingreditur, et mollia crura reponit;

76. REPOSIT.

72 *dilectus* e Medic. et vet. Heins., ut ante *suboles*. Vulgo *delectus*.  
 ut *pecori* Ven. *esto idem* conl. Heinsii. 73 *statues* ab Heins. ex Me-  
 dic. et antiquissimis aliis; sic et Macrobi. Sat. VI, 6, et Probus in Arte  
 Grammat. (etiam 3. 8. *Wr*); sic tamen iam ediderant Egnatius et Nauge-  
 rius. *statuis* vulgo. *gentes* Roman. 75 *generosus* Cerda edidit, sine  
 auctoritate. 76 *reflectit* Cantabrig.

sortis notione est eligere et sub-  
 stituere.

72 — 137. Sequitur locus de  
 equorum cura, et quidem de  
 admissura usque ad 208. In  
 equo admissario seligendo quae  
 sint spectanda 75. signa e forma,  
 incessu, animo, colore, aetate,  
 tum et vs. 100 parentes ac stir-  
 pem, alacritatem et impatien-  
 tiam in curriculo, ad 122 et  
 victum reliquamque curam sub-  
 iungit, sub ipsum admissurae  
 tempus etiam in equabus — 137.  
 73. Exquisita varietate, ut Ser-  
 vius notavit, cum de taurino  
 genere ageret, matrem nunc,  
 cum de equino, patrem admis-  
 sarium describit. *Submittere* di-  
 citur universe de iis, qui sub-  
 stituuntur in aliorum locum, aut  
 ad supplendum gregem aluntur;  
 vid. sup. ad Ecl. I, 46; nunc  
 proprie de equis, qui ad ad-  
 missuram aluntur, h. ut in lo-  
 cum aliorum, feturae inutilium,  
 ipsi succedant. Satis definita  
 res et expedita adiecto, *in spem*  
*gregis*; praecipuam curam iis  
 impende, quos, ut nova proles  
 inde nascatur, volens substituere  
 admissariis propter vires fractas

removendis. Ita discernere licet  
 plura temere confusa. Ut poe-  
 ta, permutat voces *gregem* et  
*armenta*, ut *grex* nunc equo-  
 rum sit, ita et *pecus*.

75. *Continuo*, primo. De for-  
 ma hac cf. Georg. I, 169. (Sen-  
 tentia horum verborum haec est:  
 Statim ex incessu, s. ipso iam  
 ex incessu coniectura de equo  
 fieri poterit. *Continuo* est no-  
 strum *gleich*, *sofort*; cfr. Ge.  
 I, 60. 169. III, 158. 271. 468.  
 Latine mox per *iam*, mox per  
*statim* explicari potest. *Wr*.)  
*pecus*, h. l. equinum v. 72. No-  
 tas has generosioris pulli illu-  
 strant loca a Cerda congesta:  
 vide Xenoph. de re equestri pr.  
 Varro R. R. II, 7. Colum. VI, 29.  
 Geopon. XVI, 1 et 2. Inter poe-  
 tas, praeter Oppianum, qui Ma-  
 ronem ante oculos habuisse vi-  
 detur, Cyneg. I, 173, cf. Neme-  
 sian. Cyneg. 240 sqq. ex nostro  
 illustrandus, et Calpurn. Ecl.  
 VI, 51 sqq. Omnino ad antiqui-  
 tatem rei equestris videndus Bo-  
 chart. Hierozoic. II, 6 sq. 76. *Al-  
 tius ingreditur*, Varro l. l. *Cru-  
 ribus rectis et aequalibus*. Colu-  
 mell. l. l. *aequalibus atque altis*



Primus et ire viam, et fluvios tentare minaces  
 Audet, et ignoto sese committere ponti;  
 Nec vanos horret strepitus. Illi ardua cervix,  
 Argutumque caput, brevis alvus, obesaque terga; 80  
 Luxuriatque toris animosum pectus. Honesti  
 Spadices, glaucique; color deterrimus albis,

77 *Primus inire viam* ap. Senec. ep. 95. (*minaces* Medic. *minacis* Rom. *Wr.*) 78 *ponto* Medic. a m. pr. Gud. cum plerisque scriptis et edd., etiam Seneca ep. 95. Sic et uterque Goth. et Erf. (sic etiam quidam codd. Serv. *Wr.*) Ita *pontus* quaevis aqua esset. vide tamen Heins., qui defendit *ponti*; quod habet Rom. Longob. Pierii cum aliis, etiam edit. Mediol. (ea est altera Medic. lectio; eadem exstat in Serv. Dresd. et 3. 5. 14. *Wr.*) Colum. VI, 29, 1 *si fossam sine cunctatione transibit, pontem flumenque transcendit.* 79 *varios* edd. Ald. (pr. puta) et Iunt. et aliae, Goth. pr., duo Martini. Interiecta haec et parenthesi esse includenda: *Illi ardua cervix — Et gilvo* dixit Quinctil. Inst. Or. VIII, 2, 15, quod tamen facere necesse non est. (Fecerunt tamen Bothius et Iahnus; quod improbo ob vs. 86. sqq. *Wr.*) 82 *glaucouque* Mentel. tert. a m. pr. *albo* Parrhas. *albis et gilvo* iunctim, ut sint *albugilvi*, iam in Servianis pannis legitur; ita tamen *albo et gilvo* expectares, aut *albis e gilvo*.

*reclisque cruribus*; nec ad spiritum et superbiam nunc referendum. Monuit etiam Martinius. *mollia crura reponit*, poetica ratione pro molliter: fit autem hoc, dum crura et ipsa sunt mollia, h. quae facile flecti et incurvari possint. Quod si ars accesserit, tum *sinnat alterna volumina crurum* v. 192. Ab Ennio sumtum hemistichium, *et mollia crura reponit*, notavit Servius. πῶλον ὑγρῶς κάμπτειν τὰ γόνατα dixit Xenoph. ibid. c. 1, 6. Imitatum esse Silium XVI, 444 observat Burmann. tum *mollia crura superbi Attollens gressus*. Versum etiam in animo habuit Gratius Cynege. 503 *ardua fundet in auras Crura*. (*Mollia*, mobilia, ut supra II, 389. *Voss.*)

80. *Argutum caput*. Si caput habet non magnum Varro l. l. §. 5. *exiguum caput* Colum. VI, 29, 2. *breve* Horat. Sat. I, 2,

89. Ergo notio subest venustatis alicuius cum brevitate et alacritate; si ad animum transferatur, ingeniosae subtilitatis et acuminis. (*arguta solea*, Catull. Eleg. ad Manl. vs. 72. *Iacobs.*) *brevis alvus*, h. venter substrictus. Varro ibid. *ventre modico, lumbis deorsum versum pressis*. Et Nemesian. 244 *Immodicumque latus, parvaeque ingentibus alvi*. 81. *Luxuriat toris animosum pectus*, ornate pro, pectus est torosum et eminens pulpis, ut Servius ait, h. *latum ac plenum*, ut Varroni ibid. Colum. autem: *lato et musculorum toris numeroso pectore*. Pallad. *pectus late patens*. *Luxuriari* vero ex more de laetioribus incrementis.

82. Inter pulcros equorum colores refert *spadicem glaucumque*. Quamquam de colorum apud veteres nominibus difficilis est disputatio, ex loco

Et gilvo. Tum, si qua sonum procul arma dedere,  
Stare loco nescit; micat auribus, et tremit artus;  
Conlectumque fremens volvit sub naribus ignem. 85

84 *tremet* Montel. pr. 85 *fremens* Medic. cum quinque Heins. Cantabrig. Erf. edd. Ven. et Mediol. et Medic. Pierii a m. sec. (et 3. 8. 11. 12. 14. *Wr.*) *tremens* Franc. a m. pr. At *premens* etiam Seneca epist. 95. quod, noto poetarum more, notionem primariam roborat, *volvit pre-*

tamen classico Gellii II, 26. cui adde III, 9. (post virorum doctorum disputationes hic et ad Grat. Cyneg. 532. Salm. Exerc. Plin. pag. 935) satis apparet, esse spadicem, a spadice palma dictum, ex rufo genere, et convenire cum nostro fusco colore a castanea appellato: in equis color *badius*, *bai*, *baio* (a βαῖς, βαῖον, ramus palmae). Nam *phoeniceus*, quem tu graece φοίνικα dixisti (ap. Hom. II. ψ, 454), et *rutilus* et *spadix*, *phoenicei συνώνυμος*, qui factus graece noster est, exuberantiam splendoremque significant ruboris; quales sunt fructus palmae arboris, non admodum sole incocti, unde *spadici* et *phoeniceo* nomen est. *Spadica* enim *Dorici* vocant avulsum e palma termitem cum fructu. add. Schneideri doctam notam ad Palladium p. 135. Iam *glau-cus* in nostrum *grau*, quod proxime ad caeruleum accedit, incidere, ex iis, quae ab Intpp., imprimis Martino, dicta sunt, apparet. *Album* colorem hic pallidum, et a *candido*, nitente, quem ipse alibi commendat (Aen. XII, 84), diversum ponere potuit, etsi alias utrumque nomen promiscue adhibere soleat; quod Martinus docere volebat. Potest tamen et illa ratio probari, ut *candor* in equis quidem

aliis laudari potuerit, at in aliis, ut in admissario, de quo hic agitur, improbari. *Gilvus* tandem flavus color is esse videtur, qui ad mellis colorem proxime accedat. vid. Salmas. ad Solin. pag. 181. Pro cineritio haberi video ab auctoribus Picturar. Herculan. Tom. I, p. 131, Nota 2 et 138. De coloribus equorum omnino vid. Bochart. Hieroz. II, 7, imprimisque de albo p. 104 sq., de gilvo p. 109.

83 — 85. Equus animosus et pugnandi ardore incensus: locus a multis tractatus; nonnulla collegit Cerda; add. Statius Theb. VI, 389 sq. VIII, 382 sq. et primo loco Aeschyl. VII ad Theb. 394 sq. iam comparatus cum Marone a Schutzio. *micat auribus*, in soluta oratione, aures micant in capite, celeriter moventur, arriguntur. (hoc *arriguntur* deleri iubet Wakef. ad Lucret. II, 195. *Wr.*) *agiles aures* Nemesian. Cyneg. 245. Et pro, tremit artubus, seu artus tremunt, magis poetice dictum, *tremunt artus*. 85. *ignem* praeclare dixit ardentes anhelitus; ut et alii poetae. Loca collegit Cerda. Hinc *Diomedis equi spirantes naribus ignem* ap. Lucret. V, 29. *Fumant humentes calida de nare vapores* Nemes. Cyneg. 248. cf. Stat. Theb. VI, 471. 472.

Densa iuba; et dextro iactata recumbit in armo.  
 At duplex agitur per lumbos spina; cavatque  
 Tellurem et solido graviter sonat ungula cornu.  
 Talis Amyclaei domitus Pollucis habenis  
 Cyllarus, et, quorum Graii meminere poetae, 90  
 Martis equi biuges, et magni currus Achilli.

*mendo sub naribus*, ut cum impetu illum expiret; spiritu cum fremitu, ac si interclusus esset, subinde ducto, diductis naribus. *εὐρύνει τοὺς μυκτῆρας* ap. Xenoph. l. c. Hactenus exquisita est lectio; altera usitatio et ad interpolationem non tam proclivis. Pro altera tamen lectione gravior est auctoritas, quod manifeste est expressa ex versu Lucretiano V, 1076 *Et fremitu patulis sub naribus edit ad arma*. Receperat iam Wakef. et Voss. etsi vereor vel sic, fore qui factum improbent. 87 *Aut tres* Burn. *Et Parrhas. Ac Erf.* 83 *quatit ungula* Rom. Pierii; ex Aen. XI, 875. VIII, 596 et Ennio ap. Macrob. Sat. VI, 1. vid. Heins. Cum *solido cornu* melius consentit *sonat. graviter solido* Menag. pr. 89 *Amyclaeis habenis* Mentel. et Menag. pr. fragm. Moret. Rottend. alter, Reg. *Amycla et Rom.* 90 *Grai* scribunt multi codd. antiquiores, ut et alibi. (quemadmodum etiam Medic. et Serv. Dresd. *Wr.*) vid. Pierium. 91 *Achilli* Heins. e Mentel. pr. Gud. et duobus aliis. Adde Goth. sec. *Achilles* Medic. a m. pr. pro *Achillei*. At *Achillis* Rom. cum al. v. ad Aen. I, 30. (Medic. *Achilles* et supra scripta *i*; *Achilli* e Parisinis 2. 3. vid. V. L. ad Aen. II, 476. Formam *Achillei* alienam esse a Virgilii carminibus, infra dicitur Aen. I, 30. Ceterum in eodem Medic. *Marte sequi* legitur, et in voc. *biuges* altera *i* puncto, ut delenda, notatur, scilicet male intellecta literarum insidentium ratione, de qua alio loco dicitur. *Wr.*)

Multo magis res in Graecis obvia: *πῦρ πνέοντες*.

87. *Duplex spina* ab omnibus veteribus in bono equo laudatur. vid. Varro II, 7, 5. Colum. VI, 29, 2. Geopon. XVI, 1. vid. alios apud Cerdam. Innuere videntur spinam latam, crassam, ut maxime versus clunes tamquam cavum sulcum faciat, nec tamen ipsa spina appareat. Nemesian. Cyneg. 243 *Illis ampla satis laevi sunt aequora dorso*. Idem Calpurn. Ecl. VI, 54 expressit, *Terga sedent*; et forte hinc Ovidii Met. XII, 401 *Sic tergum sessile, sic stant Pectora celsa toris*. Contrarium vitium, *extans spina* apud Varonem, et Grat. Cyneg. 526 *si tenuis dorso curvatur spina*.

88. *solido cornu*; vult ungulas duras esse; ut monent Varro, Colum. l. l., ut solenne epitheton *μῶνυχες, κρατεράωνυχες ἵπποι*. *Sonat*, et hoc proprie; *et urbem Eques sonante verberabit ungula* Horat. Epod. 16, 12. vid. Xenoph. de re equ. cap. 1, §. 3.

90. *Cyllarus* equus communiter Castori soli tribuitur, qui *ἱππόδαμος* iam Homero Odys. λ, 299 dictus. Nec minus tamen interdum uterque frater equis insidet. Sunt tandem et loca ab Intpp. excitata, in quibus Cyllarus Polluci tribuitur, vid. Cerda et Martinus. *Amyclae*, Laconicae urbs, Tyndarei regia, in qua educati Castor et Pollux. Res nota. 91. *Martis equi* ex





Frigidus in Venerem senior, frustra que laborem  
Ingratum trahit; et, si quando ad proelia ventum  
est,

Ut quondam in stipulis magnus sine viribus ignis,

97 *in Venerem est senior* Reg. Martin. *in Venere segnior* Medic. a m. pr. 99 *in abest* a Medic. a m. pr. et Gud. et Schol. Iuvenal. VI, 366, qui tamen male *magnus nam viribus*, at idem ad Sat. X, 205 vulgatum exhibet. *in stipula* Romanus.

*abde faces*, ab hoc loco remove, at idem II, 3, 65 *formosas tristibus agris abdere* abducendo eas et servando in agris. Vides et hoc exemplo, per edictum grammatica constitui non posse; sed causas esse perspiciendas et eruendas. Iubet itaque poeta diligentem patremfamilias amovere, ablegare, a praedio, quocunque modo, itaque etiam vendere, effectum et inutilem ad admissuram (quamquam ille aliis adhuc laboribus sufficere potest) equum, quamvis senectae miseratio subeat; esse enim eam *turpem*, vel, communi senectutis epitheto, respectu *iuventae*, *pulchrae*, *speciosae*, *nitidae*; vel ex sqq., qua ille se turpiter det, nec in Venerem satis animi ac virium habeat. Ovidius hoc Trist. IV, 8, 19 *Nec cadat et multas palmas inhonestet adeptas*; si quidem versus est Ovidii. *turpi finem donat senectae* ad nostri ductum Silius XV, 654, ut iam Cerda vidit. Ouwens l. l. *nec turpi iungebat: et ignosce senectae non turpi*. (Hand. ad Stat. Silv. pag. 59.: „Quidquid dicant viri docti, cum Gronovio, Schotto et Ouwenso coniungas *nec turpi*. Alioquin enim legendum est *neve turpi*, aut *ne turpi ignosce senectae*.“ Sed vid. Q. V. XXXVI, 15. *Wr.*)

97. Quanto cum dilectu voluptatem laborem (quamquam hoc proprium hac in re. vid. inf. ad v. 127) et *ingratum* et *trahere* pro perficere dixit! et 98 *proelia*: quae perperam ad veram pugnam ac bellum retulit Cerda; etsi ad veram pugnam haec transtulit Silius V, 571 — 573 in loco hinc imitatione expresso. *proelia* Veneris frequenter. cf. Aen. XI, 736.

100. Procedit nunc Maro post illa, quae in equo admissario eligendo observanda sunt inde a v. 72, ad alia in eo observanda, quo *animo* ac spiritu, qua *aetate* sit; tum demum altero loco, *hinc*, etiam alias *artes*, virtutes, *prolemque parentum*, h. si quos alios iam pullos iidem parentes ediderint, qua ii sint indole, quo vigore, vid. Burm. Nam eo sensu, ut pullos, quos olim ipse iam procreaverit, respicias, quemadmodum Varro de ariete praecipit II, 2, 4, accipi nequit, quia de novo admissario hic agitur; nisi dicas, non de novo, nec de uno, nunc agere poetam, sed de toto admissariorum genere. At idem II, 5, 9 de bubus: „*neque non praeterea, ut mares seminis boni sint, quorum et forma est spectanda, et qui ex his orti sunt, ut respondeant ad parentum speciem*.“





Et proni dant lora; volat vi fervidus axis;  
 Iamque humiles, iamque elati sublime videntur  
 Aera per vacuum ferri, atque adsurgere in auras;  
 Nec mora, nec requies; at fulvae nimbus arenae 110  
 Tollitur; humescunt spumis flatuque sequentum:  
 Tantus amor laudum, tantae est victoria curae.  
 Primus Erichthonius currus et quatuor ausus

107 *vocat* Medic. a m. pr., perpetuo lapsu. 108 *elatis* Medic. *alatis* Gud. 109 *Aerá per tenerum* Macrobi. Sat. VI, 13, ut alias poeta Aen. IX, 699, ubi vid. Heins. *exsurgere* Romanus, cum quatuor apud Burm. Goth. sec. (et 7. 14. *Wr.*) *insurgere* Longob. et Oblongus Pierii. *in aures* iidem cum aliis. 110 *ut* Zulich., ut sit: *ut tollitur! humescunt spumis*. Wakef. *uvescunt* malit quia Lucret. I, 307 *vestes uvescunt* occurrat. 112 *tanta est* Medic. cum nonnullis. *est* etiam ab aliis abest. (in quibus 2. 4. 5. vid. Q. V. XV, 7, c. *Wr.*) 113 *quattuor* fere scribitur ex more: sed iudicio parum explorato. cf. V. L. ad Aen. I, 223.

*animi sunt arrecti spe*. Ita et exponenda Aen. XI, 452 *arrectae stimulis haud mollibus irae*. V, 138 *laudum arrecta cupido. exsultantia corda*, h. micantia, trepidantia, non modo metu ignominiae, ut dixit Lucret. III, 142 *Hic* (in pectore) *exsultat enim Pavor ac Metus*; verum etiam omnino toto illo animi motu, quo in tali tempore animus agitari solet. (Similiter ab Alexandride apud Athen. XV. p. 688. B. incitatus et vehemens motus cordis cum saltatione comparatur: „ὦ πονηρὰ καρδία, Ἐπικαιρέακον ὥς εἰ μόνον τοῦ σώματος, Ὅρχη γὰρ εὐθύς, ἢν ἰδῆς δεδοικότα.“ Aeschyl. Choeph. 161.: „ὄρχεῖται δὲ καρδία φόβῳ.“ adde vs. 1011. Haec suggestit Iacobs. *Wr.*) Arbitror enim omnem illum animi tumultum et aestum spe, metu, expectatione, laudis studio, pudore subinde pectus vexante, a poeta per *pavorem* significari. *Pavor* autem *haurit corda*, exhaurit, dum sanguinis liberum

meatum intercludit et impedit, quod sensus et experientia docet. Hinc pallor. Male Servium sequuti interpretabantur: *ferit*, ut Aen. X, 314 *latus hauritur*, de ense; idem pavor *pulsans*: nam cor palpitat pavore. (Aeschyl. Prom. 906.: „καρδία δὲ φόβῳ φρένα λαντίζει.“ Iacobs.) 106. *verbere torto*, torti flagelli; aut *verber* pro flagello; ut saepissime. (vid. Wunderl. Praefat. pag. XVI. *Wr.*) 107. *volat vi*, cum impetu; nisi iungas: *vi fervidus*. (Illud praestat; hoc tamen tuetur Wakef. ad Lucret. V, 434. *Wr.*) 108. 109. *Iamque humiles*, — plane ex Hom. l. I. 368. 369. Quam magnifica autem illa, *per aera* (nam vacuum ornat, ut saepe) et *adsurgere in auras!* 110. *fulvae nimbus arenae Tollitur*: certavit cum Homer. l. I. 365 ὑπὸ δὲ στέρνοισι κονίη Ἰστατ' αἰερομένη, ὥστε νέφος ἢ δυνέλλα. 111. cf. Homer. l. I. Iliad. ψ, 380. 112. *amor laudum*, cupiditas, ut semper poetae.

Iungere equos, rapidusque rotis insistere victor.  
 Frena Pelethronii Lapithae gyrosque dedere 115  
 Inpositi dorso, atque equitem docuere sub armis  
 Insultare solo, et gressus glomerare superbos.

114 *rapidusque* Heins. e Romano, Medic. a m. pr. et aliis, etiam Servio. (*apidusq.* in Medic. legitur, *r* in principio, *i* sub finem vocis, utraque minio supra appicta. *rapidusque* etiam 2. 3. 4. 5. *Wr.*) Vulgo *rapidisque*, ut nostri, et omnes Martini, praeter unum Arundel. *vector*, ἐπιβάτης, emendabat Meursius Exerc. Crit. P. II, lib. IV, c. 27; nec dubito, hoc idem aliis in mentem venisse. Sed ποιητῶν τερον *victor*; de cursus certamine agitur. (— 115. Altera *i* in *Pelethronii* Fogginio videtur ab aliena manu adiecta. *Wr.*) 116 *Imposito* Goth. pr. *Impositum dorsoque equitem* legendum putabat Reiskius. (At vid. not. ad Ge. I, 142. *Wr.*)

113. *Erichthonium*, Athenarum regem post Amphictyonem, quadrigas invenisse, tradunt quoque alii. Novum est, quod, Lapithas (quos a saltu *Pelethronio* in Pelio monte Thessaliae designat) non Centauros, equorum primos domitores fuisse, narrat Maro. Apud Plinium VII, 56 *Equo vehi Bellerophonem; frenos et strata equorum Pelethronium; pugnare ex equo Thessalos, qui Centauri appellati sunt, habitantes secundum Pelium montem* (invenisse dicunt). *Bigas prima iunxit Phrygum natio, quadrigas Erichthonius.* Est adeo Pelethronius vir Lapitha apud Plin. add. Hygin. f. 274, ubi vid. Not. aut igitur fabulam variavit, aut, quod verius arbitror, Centauros inter Lapithas retulit; videri enim possunt tribus Lapitharum silvestris fuisse montium iuga inhabitans. Frenorum inventum Bellerophonti Pindar. Ol. XIII, 90 sq. tribuit loco praeclaro. Scilicet non historica fide, sed aut fama obscura aut poetae figmento talia nituntur. 114. *rotis insistere*, quadriga-

rum cursu certare. *rapidus* (epitheto a cursu petito) et *victor* certamine: omnia ornaté! 115. *gyros dedere*, h. invenere, docuere, equum in gyrum flectere. cf. ad Tibull. IV, 1, 94. 116. *equitem* veteres Grammatici pro equo dictum volebant. vid. Gell. XVIII, 5. Macrob. Sat. VII, 9. Perperam; cur *eques non insultare* dicatur, qui et incedere, decurrere? vid. h. l. Burm. *Insultare docet campis* iam Varius ante Virgilium dixerat apud Macrob. VI, 2 in praeclaris versibus: *Quem non ille sinit lentae moderator habenae; Qua velit, ire; sed, angusto prius ore* (leg. orbe) *coercens, Insultare docet campis fingitque docendo.* Tum *eques sub armis*, armatus; idem *eques insultat solo* et *glomerat gressum*, quatenus equum id facere cogit. Similiter Horat. Epod. 16, 12 *cineres insistet victor, et urbem eques sonante verberabit ungula.* („gressus glomerare, i. e. colligere reductis et in arcum replicatis cruribus anterioribus, dum posteriora tenduntur.“ Sic Lemar. *Wr.*) *Lapithae* itaque insidentes equis

Aequus uterque labor; aequae iuvenemque magistri  
 Exquirunt, calidumque animis, et cursibus acrem;  
 Quamvis saepe fuga versos ille egerit hostis, 120  
 Et patriam Epirum referat, fortisque Mycenae,  
 Neptunique ipsa deducat origine gentem.

His animadversis instant sub tempus, et omnis

118 *Durus uterque labor* Philargyr., forte ex interpretatione. (*Durus* repetitum ex Ge. II, 412. Vossius scripsit *labos*, probatum etiam Bothio; at vid. not. ad Ecl. III, 56. *Wr.*) *iuvenumque* Goth. pr. 119 *que* abest a Goth. sec. in *cursibus* Parrhas. *calidis* unus Arundel. (— 120. *hostes* Medic. *Wr.*). 121 *Cyprum referat* unus Mead. *fortisque*: subtilius esset *ve*. 122 *ipsam* uterque Arundel. *origine nomen* Romanus, quod saepe pro gente, genere, familia. vid. Heins. et Burm. h. l. (illatum *nomen* ex Aen. X, 618.: „Ille tamen nostra deducit origine nomen.“ Nec facile apud probatos auctores *nomen* de pecudibus. *Wr.*) *mentem* ed. Ven. 1475. 123 *His anima adversis* Medic. *instat* Menag. sec. *omnem — curam* Erf.

*docuere*, exemplo suo, *equitem insultare solo*, h. primi fuere huius artis auctores.

118. In utroque equorum usu, nimirum et equestri hoc, cursus quadrigarumque, et admissionis illo, iuventus omnium maxime et vigor iuvenilis spectatur; nec refert, eum iam multis praeliis interfuisse et praeclaro genere aut stirpe esse ortum; nisi scilicet iuvenilis aetas adsit. Respexi in hac structura verborum sententiarum ordinem, v. 95. 100. Alii, (in quibus Voss. *Wr.*) quod sane primo adspectu obvium est, referunt ad proxime antecedentia, usum equi et ad cursum et ad currum; ita vero episodium languere videtur. *magistri*, ut bene monet Ouwers p. 588, h. l. sunt alendorum equorum studiosi, non fingendorum. Sic inf. 445 ovium, et IV, 283 qui apes colit, apiarius. (Notandum autem rarius loquendi genus *aeque . . que*, — *que*, pro *aeque — ac*, *aeque iuvenem*,

*ac calidum et acrem*. Sic enim ut haec capiamus, suadet, quod iuventutis maxime habenda est ratio, ut apparet e vs. 120. sqq. *Aequae — et* etiam apud Ciceronem invenitur; *aeque et — et* apud Pallad. de R. Rust. I, 6. *Wr.*) 120. *fuga versos* pro vulgari, in fugam. 121. *Epirus* (vid. sup. Georg. I, 59. conf. Bochart. Hieroz. II, 6) et *Mycenae* cum tota Argolide (vid. sup. v. 44) equos praestantissimos alebant. 122. Quamvis genus ducat ab ipso Neptuno, a quo et Cerere, in equum conversis, *Arion* ille notissimus in fabulis equus natus fuit. Variat tamen fabula.

123—134. De admissura ipsa praecipit. Equus et taurus (nam v. 49 de utroque praecipere incipiebat. conf. Martin.) ea ingruente saginandi, equae ac vaccae sunt macerandae. Commune praeceptum Varronis II, 5, 12 et II, 1, 17. Columellae VI, 27, 8, Palladii et omnium, qui hac de re praeceperunt. *pingue* pro



Impendunt curas, denso distendere pingui,  
Quem legere ducem, et pecori dixere maritum; 125  
Florentisque secant herbas, fluviosque ministrant,  
Farraque, ne blando nequeat superesse labori,

126. PUBENTESQUE 127. FARRAQUE; LABORI;

124 *Impendent* quart. Moret. *distinguere* Leid. unus. (Medic. a m. pr. *densos*, inde ortum, quod terminationes vicinorum vocc. librarius permu-  
tavit; nam in eodem legitur *cura*; s supra scripta. *Wr.*) 125 *duxere*  
in Romano fuisse, notatum iuvenit Burm., sed a Bartolo nil annotatum.  
At sic leg. in Cantabrig. et ed. Ven. 1482 et a Paulo Manutio. *dixisse*  
Franc. *Quem legere virum* Serv. ad Ecl. VII, 7. 126 Exemplum loci,  
in quo ratio critica codd. consensum elevat. Antiquissimi omnes *Floren-*  
*tisque*. Sic et Gell. I, 22. At *Pubentesque* Ven. Voss. Moret. quart. et  
pr. a m. sec. Rottend. tert. pro var. lect. et Reg., item unus Arundel. et  
aliquot Pieriani, et sic Servius. Primus induxit in editos Ge. Fabric. Com-  
melin. Steph. Nisi dicendum, hanc lectionem ex Aen. IV, 514 transla-  
tam esse: *Falcibus et messae ad lanam quaeruntur aenis Pubentes her-*  
*bae.* et XII, 413 *puberibus caulem foliis*. Brunck. *Florentis* revocavit.  
(Nisi compertum haberemus, unde lectio *pubentis* huc inferri potuerit, fa-  
cilis fortasse adduceret, ut alteram lectionem *florentis* et ipse reiicerem.  
Iam vero quum *florentis* et longe plurimorum et optimorum codd. auctori-  
tate commendetur, impetum inhiberi necesse est. Rei rusticae auctores  
iubent molles herbas, non proceras, admissariis praeberi; pubentes igitur,  
non florentes. Quod quidem praeceptum vix potuit latere Virgilium.  
At vero minime hinc efficitur, *florentes* deteriore esse lectionem. Quid  
enim, si Virgilius florentes herbas h. l. easdem esse voluit, quas puben-  
tes? Ac *florere* saepe ad arva transfertur, ut intelligantur agri, qui nitent,  
non qui florem induunt; hinc florentes herbae, quae nitent. Et quum *fore-*  
*re* proprie dicatur de nitore, ut Aen. VII, 804.: „florentes aere catervas;“  
ubi vid. Serv.; pulchre dixeris florentes herbas, quae nitent verno tempore;  
quem nitorem adultae admittunt. Hinc Aen. VI, 677. „campi nitentes“ in-  
fernales. Atque en tibi Servium Dresd., qui, praescribens *florentis*, haec  
subiicit: „Sane quidem nonnulli *florentis*, nonnulli *pubentis* legunt, quod  
tantumdem valet.“ Quodsi reprehendi Virgilius poterit, quod ambigue locutus  
sit, esto ea Virgilii causa; nos, quorum est critice facere, nostram tuebi-  
mur. *Wr.*) 127 *nequeat* e vetustioribus post Pierium Heins. (*nequeans*  
Medic. a m. pr., *nequeat* a sec. *Wr.*) Ita tamen iam Nanger. correxerat  
Ald. tert. *nequeant* vulgo. Sic quoque editur ap. Gell. I, 22, ubi ille *su-*  
*peresse* interpretatur *supra laborem esse neque opprimi a labore. nec —*  
*nequeant* Goth. pr.

pinguedine, sagina, ut in Lu-  
cretii versu I, 258 agnoscebat  
Philargyrius: *Hinc fessae pecu-*  
*des pingui per pabula laeta*  
*Corpora deponunt*; ubi vulga-  
tum est: *hinc fessae pecudes*  
*pingues*: ut iungantur *pingues*  
*per pabula*, etsi duo epitheta  
sic iuncta offendunt. *denso*, non  
laxo, quod quibusdam potioni-

bus per fraudem agasones fa-  
cere consueverunt, ut bene Ser-  
vius. (*distendere*; similiter En-  
nius p. 89. ed. Hessel.: „venter  
Carnibus humanis distentus.“  
*Wr.*) Idem *dixere*, h. designa-  
vere. Horat. Od. II, 7, 27 *Quem*  
*Venus arbitrum dicit bibendi?*  
*fluvios*, aquam. 126. *pubentes*  
*herbas*, lanuginosas. *pubes* γρῦός,

Invalidique patrum referant ieiunia nati.

Ipsa autem macie tenuant armenta volentes;

Atque, ubi concubitus primos iam nota voluptas 130

Sollicitat, frondisque negant, et fontibus arcent;

Saepe etiam cursu quatiunt, et sole fatigant,

Quum graviter tunsis gemit area frugibus, et quum  
Surgentem ad Zephyrum paleae iactantur inanes.

128 *nati*. Per Pulmann. edd. irreperat *gnati*. 129 *Ipsi* Leid. a m. sec. recepit Wakef. *nocte pro macie* cd. Argent., notante Reiskio. 130 *nam nata voluptas* coniectabat Burm., et sic Cantabrig., sed vide Not. Io. Schrader. tentabat: *ubi concubitus primi iam mota voluptas*. vel *c. primos innata voluptas* (ut IV Georg. 177 *innatus amor*, Ovid. VI Met. 458 et saepe) vel *ignota v.* (Nulla in voc. *nota* difficultas, sed in voc. *primos*; nihil enim refert, primusne sit concubitus, necne; nec hoc, quod praecipit poeta, modo ante primum concubitum, sed ante quemvis faciendum erat. Verba *iam nota voluptas* proprie accipienda; *ubi primos* poetica dixit licentia pro *ubi primum*, *quum primum*, ut Aen. I, 723.: „Postquam prima quies epulis.“ Cfr. omnino Q. V. XXVIII, 3, b. et 4. *Wr.*) 131 *et frondibus arcent* nonnulli ap. Pierium. Sic Philargyr. habebat, et Goth. sec. 133 *Tum* in ed. Cerd. *tonsis, tusis*, alii, ut semper.

unde ἄνθη γρωῶδη. 127. Ut possint sufficere admissurae, — et ne pulli prodant patrum maciem et infirmitatem. Columella VI, 27, 8 *eoque tempore, quo vocatur a feminis, roborandus est largo cibo; et, appropinquante vere, ordeo ervoque saginandus* (hoc est γρασίζειν. vid. ad Geopon. XVI, I, p. 1106), *ut Veneri supersit; quantoque fortior inierit, firmiora semina praebeat futurae stirpi.* conf. eund. VI, 24. Varr. II, 5, qui et II, 2, 13 *ordeum si est datum, firmiores fiunt ad laborem sustinendum.* cf. supra ad v. 97.

129. Ipsas autem feminas, equas et vaccas, ante admissuram de instituto extenuare solent. *Voluptatem* hic stimulos, desiderium voluptatis, esse, conf. Ecl. II, 65. Aen. X, 846, recte vidit Martinus; reliqua non ae-

que. Ea voluptas *sollicitat concubitus*, magis poetice, quam *sollicitat*, stimulat, eas ad concubitus. *nota voluptas*, cuius iam sensum habent, quam sentire incipiunt. *Notum* enim latissime patet poetis ad ea non modo, quibus adsuevimus, verum etiam, in quibus cum maxime versamur, quae sentimus, quorum conscii sumus, et quae quocumque alio modo nos attingunt. (sed vid. quae in V. L. disputavi. *Wr.*)

132. *quatiunt*, agitant, conficiunt, ut vires relaxentur. Nam, quae quatiuntur, laxantur. Versum 132 expressit Val. Flacc. III, 21 *Dindyma — dum volucris quatit asper equo.* Ad v. 133 cf. Ge. I, 192 et 298, h. medio aestu. Mense Iulio admittuntur tauri; at equi iam inde ab aequinoctio verno. cf.

Hoc faciunt, nimio ne luxu obtusior usus 135

Sit genitali arvo, et sulcos oblimet inertis;

Sed rapiat sitiens Venerem, interiusque recondat.

Rursus cura patrum cadere, et succedere ma-  
trum

Incipit. Exactis gravidæ quum mensibus errant:

Non illas gravibus quisquam iuga ducere plau-  
stris, 140

Non saltu superare viam sit passus, et acri

135 *obtusior* scribunt antiquissimi. 136 *Sint* unus Mead. *auro*  
Ven. 1475 et Goth. sec. cum Erf. a m. pr. *sulcosque* ed. Bas. 1586. *et*  
abest ap. Bedam. *succos* Zulich. *inermes* Serv. ad Aen. XII, 370. Pi-  
get convertere tales quisquilias. (Medie. *ublimet*, puta *sublimet*, sed *u*  
in *o* mutatur, teste Foggino. *Wr.*) 137 *sitiens rapiat* Parrhas. 138  
*turba patrum* Goth. sec. *eadem* pro *cadere* Ven. Possis quoque inter-  
pungere: *Incipit, exactis — errant. Non illas gravibus.* Porro poeta  
non animadvertit *gravidæ gravibus* sibi succedere. 140 *gravidis* unus  
Mead. 141 *saltus* Medic. Menag. alter.

Martin. ad h. l. 134. *paleae a* frumentis separatae flante Favonio Colum. II, 21, 5.

135. 136. Ne partes genitales sint obtusiores, nimia obesitate, ad usum, quem habent in concipiendo fetu. Inde *usus* pro ipsa re, qua quis utitur, adeoque pro natura et habitudine rei, quatenus ea ad certum usum idonea est, dicitur. Sic supra II, 466 *usus olivi* pro oleo. Et apud Horat. Od. III, 1, 42 *purpurarum usus* pro purpura, qua quis utitur. Hoc idem exprimitur altero membro: *ne luxus, luxurians pinguedo, oblimet sulcos inertis*, h. ne eae partes (*sulcos* eadem metaphora appellat, qua, secundum Graecos (*αὐλακας*. conf. ad Eurip. Phoen. 18), iam Lucretius erat *usus*, ut *arvum* et alia dicuntur) oblimatae sint, h. obductae, pinguedine interclusae; sed ut celeriter concipiant genitalem au-

ram. Haec ultima v. 137 ex Lucret. IV, 1203. 1204 expressit, at et castius et venustius. Praeivit iam Hippocrates de aere et locis c. 10 extr. de Scytharum mulieribus. Alio sensu *Venerem rapere* apud Horat. Serm. I, 3, 109 *Venerem incertam rapientes more ferarum*, concubitum sine matrimonio appetentes.

138—156. Admissura facta admissarii negliguntur, et tota cura in matres gravidas convertitur.

139. Cum vicinae partui sunt, *exactis gravidæ mensibus errant.* vid. Varro II, 7, 10. 14. et reliqui de R. R. scriptores. 140. Proprie plaustra ducuntur a bobus iugo iunctis. Sed poetica ratio vulgarem invertit. Quamquam vero idem praeceptum ad equam, quadrigis seu bigis iungendam, pertinet, orationem tamen poeta, ut variet,



Carpere prata fuga, fluviosque innare rapaces.  
 Saltibus in vacuis pascunt, et plena secundum  
 Flumina: muscus ubi, et viridissima gramine ripa,  
 Speluncaeque tegant, et saxea procubet umbra. 145  
 Est lucos Silari circa ilicibusque virentem

## 143. PASCANT

142 *fluvios* — *minaces* Zulich. ex v. 77. (*rapacis* hic ex ipso Medic. restituendum erat. *Wr.*) 143 *pascuntur vero silvas* Nonius Marcellus in v. *secundum*; forte ex 314. *pascant* equae: non enim haec est corruptae latinitatis sordidissima macula, ut Wakef. ad Lucret. II, 995 paullo inclementius pronuntiat, contendens, agricolas et armentarios pascere greges, et armenta pasci. Non memincrat Ecl. III, 96 *pascentes capellas*. IV, 45 *pascentes agnos*. V, 12 *puscentes haedos*, et sic porro inf. 467. Aen. VI, 199. Dicitur adeo non uno modo *pascere gregem*, *pascere se* et *pascere herbas*, quod usitatius, depascere. *Pastibus* in expressum a Cerda. *pascunt* Medic. a m. pr. (est ca prior lectio. *Wr.*) Moret. pr. unus Arundel. (adde Rom. et Paris. 3. Recte vero Wakefieldius; neque ullum ex proba Latinitate proferri posse certum exemplum opinor, unde verbum finitum *pasco*, *pascis*, etc. aut Infinitivus *pascere* vim Passivi *pascor*, *pasci*, sustinere probetur. Nam Tibull. II, 5, 25.: „Sed tum pascebant herbosa Palatia vaccae,“ aut *pascebunt* pro *depascebant*, simplex pro composito, habendum, aut, ut iubet Wakef., scribendum *vaccas*. Participi longae alia est ratio; sic enim deficientibus Participiis alia Participia substituantur; quod ne a soluta quidem oratione alienum, ut *iniens annus*, *aetas*, est *annus*, *qui*, *aetas*, *quae initur*. Sensisse hoc videtur Vossius, qui sic scribit: *pascant*, sc. pastores gravidas. Quod vix Latinum dixeris; tertia enim persona pluralis numeri, ubi infinitum est subiectum, ferme in narrando tantum, non in iubendo locum habet. Quae quum ita sint, redeundum erit ad contentam illam a criticis lectionem veterum librorum, Medicei, Romani: *pascunt*, i. e. pascere solent gravidas armentarii. Sic enim solet Virgilius modo praecipientis, modo referentis partes agere. *Pascant* facile vides ex praegressis subiectisque Coniunctivis ortum esse. *Pascunt* autem, ubi tegant — *procubet*, i. e. pascunt eligentes locum, ubi tegant, procubet. *Wr.*) 144 *viridissima gramina ripae* Medic. *gramina ripa* quart. Moret. *germine* unus Mead. (nullus liber est in extr. vs. addit; vid. Q. V. XV, 1. et 2. *Wr.*) 145 *procubat* Moret. sec. *protegit* Medic. a m. pr. (Medic. a m. pr. *protegit*, sed supra transfixam i scripta a; deinde adiectae syllabae *cu* et *be*. *Wr.*) Potest autem vel iungi et repeti: *ubi speluncae tegant*; vel seiungi: *Flumina, muscus ubi et ripa. Speluncaeque tegant et s. p. u.* (haec ratio iam non procedit, post reductam vs. 143. antiquam lectionem. *Wr.*) 146 *lucos* fragm. Vatic. Medic. a m. sec. et Leid., male. (*lucos* est prior lectio Medicei; *lucos* etiam Rom. *Wr.*) *Silari* Medic. a m. pr., quod firmat Heins. *circum Ven. circa Parrhas. Est lucum Silari iuxta* Seneca epist. 58.

ad genus bovillum magis defle-  
 ctit. *acri fuga*, celeri cursu.  
*Carpere prata fuga*, ductum ab  
 eo, quod *carpere viam*, *spatia*,  
 dicimur, dum singulis gressibus  
 aliquid de spatio decerpitur, car-

pitur. Res alioqui nota. 143.  
*Saltus vacui*, in quibus solae,  
 quietae, otiosae pascuntur; sine  
 maritis, Philargyrius exponit.  
 (rectius Serv. Dresd. reddit per  
*apertis. Wr.*) *plena flumina*,

Plurimus Alburnum volitans, cui nomen asilo  
Romanum est, oestrum Graii vertere vocantes;  
Asper, acerba sonans; quo tota exterrita silvis  
Diffugiunt armenta; furit mugitibus aether 150

147. QUOI NOMEN

147 *Pluribus* Seneca ibid. et tres ap. Burm., male; vid. Georg. I, 187. *quoi* post Pierium ex antiquis aliquot. At *cui* Heinsiani et alii omnes. (Quum ubique Heynius ediderit *cui*, non debebat h. l. *quoi* retineri; dicitur de ea re alio loco. *Wr.*) *asylo*, *asillo*, alii, male, et mox *oestron*. 148 *est* abest a Goth. sec. et tribus Martin. *Grai* fragm. Vatic. et alii, ut v. 90. (idem *Romanust. Wr.*) *vocando* Longob. Pierii. *Graii venere vocantes* coniiciebat Reiskius; ἐληλύθασι (pro κατελήφθησαν) καλοῦντες. 149 *Aspera* Goth. pr. 150 *Diffigunt* pro var. lect. Gud. *fugit mugitibus* fragm. Vatic.

ne, dum aquam ex alto hauriunt, fetum elidant.

146 — 156. Arcendum esse a gravido pecore *asilum* ait, qui cum in omnibus pascuis, imprimis in pratis aquosis, obvius sit, maxime tamen in silvis montis Alburni, iuxta Silarum, Lucaniae fluvium, qui Tanagrum recipit, frequens esse solet; unde ab his locis a poeta declaratur. Etiamnum eas terras ab asilis infestari docent, qui de iis locis agunt aut narrant. Est autem *asilus*, noto inter Romanos nomine, Graeco οἰστρος dictus (vid. Odyss. χ, 300, et praeter Apollon. I, 1265 sqq. Oppian. Hal. II, 521 sqq. cf. loca poetico ornata tumentia apud Quint. Smyrn. XI, 207 sqq. Tryphiod. 348 sqq.), *plurimus* (ut VI Aen. 239 *haud ullae volantes*, h. e. alites, et inf. Ge. IV, 16 *volantes*, apes, τὰ πτηνά.) *volitans*, h. e. insectum, e vesparum genere (nec multum ab eo diversus μύωψ, forte et *tabanus* apud Varronem R. R. II, 5, 14, quem eundem vulgo cum asilo putant), sine proboscide,

at aculeo seu spiculo in cauda acutissimo, quo ova intra cutem armentorum demittit. Martinus laudat *Ant. Vallisneri Esperienze ed Osservazioni intorno all' origine, suiluppi e costumi di varj Insetti* (in Opp. Tom. I, pag. 225). Adde *Reaumur des Insectes* Vol. IV, pag. 504 sq. 148. *vertere vocantes*, poetica periphrasi, vocant, reddunt, in eorum sermonem versum. Monendum erat; nam argutantur in hoc iam veteres Grammatici. 149. *Asper*, iracundus, qui facile exacerbat. τραχὺς, τετραχῶς οἰστρος Apollon. III, 276. *acerba sonans*, pro acerbe; edens alarum membranis sonitum et susurrum gravissimum. Ex Lucret. V, 34. ubi Hesperidum mala servans, *Asper, acerba tuens, immani corpore serpens*. et Aen. IX, 794 *at terribus ille, Asper, acerba tuens, retro redit*. (Maxima verborum pars, quae illam admittunt compositionem, significat *edere sonum* vel *adspicere*, ut *clamare, vociferari, clangere, gemere, sonare, latrare, fremere, tue-*

Concussus, silvaeque et sicci ripa Tanagri.  
 Hoc quondam monstro horribilis exercuit iras  
 Inachiae Iuno pestem meditata iuvencae.  
 Hunc quoque, nam mediis fervoribus acrior instat,  
 Arcebis gravido pecori, armentaque pasces 155  
 Sole recens orto, aut noctem ducentibus astris.

Post partum cura in vitulos traducitur omnis;  
 Continuoque notas et nomina gentis inurunt,

151 *Tanacri* fragm. Vatic. 152. 153 aberant Moret. quart. (*horribili*, sed supra scripta s, Medic. *Wr.*) 153 *pestes* fragm. Moret. 154 *Hoc* Leid. tert. *Hanc* Zulich. *instant* Leid. pr. a m. pr. 155 *que* post *pecori* inserit Medic. a m. sec. Menag. pr. uterque Mead., male. *pascis* fragm. Vatic. 156 *austis* Cantabrig. et edd. vett. 157 *in vitulos cura* ante Pierium legitur. *deducitur* Oblong. Pierii.

*ri. Wch.*) 150. *Diffugiunt*, conf. Valer. Flacc. III, 581—585. Ingeniose suspicabatur Böttiger V. C. (in *Kurt Sprengels Beyträgen zur Geschichte d. Medic.* II. St. p. 28) e loco Longi et Valerii Flacci III, 56. consternata per asilos armenta locum dedisse opinioni de terrore Panico et de Panis terriculis medio die. *furit aether*, resonat percussus furientum mugitu. Alias: furit mugitus per aetherem. (Usus dicendi Graecus. Aesch. Sept. 141. *δορυτινάντος δ' αἰθῆρς ἐπιμαίνεται. Wch.*) 151. *siccus Tanager*, aestu solis exsiccatus, in eundem Silarum defluens torrens. Sic *ξηρὸς Κράσις*, verius *Κραῖσις*, apud Herod. V, 45, ubi conf. Wessel. Habuit autem poeta ante oculos Homer. Odyss. χ, 300 sq. Apollon. I, 1265 sqq.

152. *Hoc monstro*, hoc asilo, quem immisit, *Inachiam invencan*, Io, Inachi filiam, in vaccam mutatam, in furorem coniecit Iuno. 153. *pestem meditata*, grave malum excogitavit.

154. *mediis fervoribus*, medio die; at illud ornatus. Sic inf. v. 331 *mediis aestibus*. de hoc enim usu dubitari nequit; conf. sup. ad I, 297. 298. *acrior instat*, saevius vexat. 155. *arcebis pecori* exquisitius, quam *arce a pecore*. docet Burmann. 156. *astra ducunt noctem*, quae iis in conspectum venientibus succedit. Alias noctem, *Noctis currum sequi* dicuntur *sidera*. vid. Tibull. II, 1, 87.

157 — 178. A gravidis et enixis matribus cura ad pullos et vitulos transfertur. Orationem ut definite instituat: primo tantum de vitulis memorat. 158. *notas et nomina gentis inurunt*, Et quos. Priora nullam habent offensionem. *inurere notas* solenne est; et possunt *notae et nomina gentis* dicta esse explicative, ut sint *nomina ipsa nota*. Etiam Aen. III, 444 *foliisque notas et nomina mandat*. Et Calpurn. V, 84 *impressurns ovi tua nomina*. — Liceret alias poetae quoque dicere, *innrere ovem nota*. At quaeritur de al-



Et quos aut pecori malint submittere habendo,  
 Aut aris servare sacros, aut scindere terram 160  
 Et campum horrentem fractis invertere glebis;  
 Cetera pascuntur viridis armenta per herbas.

## 159. Et,

159 Turbata oratio in copula: *Et non habet alterum*, quod ei respondeat; non enim satis est dicere, esse ordinem: notas inurunt: *et nomina gentis*, *et quos aut. aut. aut.* (dixerat Vossius. *Wr.*) Difficultas versatur in hoc, quod ita esset supplendum *et inurunt eos*, vitulos, *quos*. Atqui rustici *inurunt notas vitulis*, non autem inurant *vitulos*. Aut igitur dicendum est, quod in nota posui, aut accuratius de loco est quaerendum. Ex coniecturis, quas olim attuleram, nulla nunc placet. (Wunderlich.: „*Et pro et quidem* declarando inservit.“ Iahnus: „Simplicissima ratio esse videtur, ut ad voc. *Et* ex praecedenti versu verb. *signunt* suppleatur.“ Hoc durum, utrumque languidum. Mihi sic videtur: poeta quum hoc dicturus esset: *et quos malint submittere*, *et quos aris servare* etc. statim aliam, disiunctivam, intulit particulam, *aut*, quasi oblitus praegressi *Et*; hinc comma post *Et* sustuli. Apud Nonium v. *lutrocinari* legitur fragm. Ennii: „*fortunusque quas coepere lutrones Inter se memorare*.“ Sic edit. Mercer, sed in edit. *Fragm. Ennii* Hessel. pag. 131. „*fortunas ecquas*;“ praeterea vix potest dubitari, quin *cepere*, non *coepere*, scripserit Ennius. Iam si genuina est lectio *fortunas ecquas*, videri potest *ecquus* Graeco ἔκῳ responderc. Unde, qui audacior esse vellet, coniciat, apud Maronem legendum esse: *Ecquos aut pecori*; cuius socium audaciae habeat Barthium ad Stat. Silv. I, 3, 2. Sed est etiam alia ratio, qua tuearis *ecquos*, ut ea sit sententia: inurunt notas, sc. investigantes, *ecqui* sint, quos malius etc.; cf. Not. ad Ecl. III, 41. Hanc et emendationem et explicationem ceteris praefendam puto. *Ecquis* et *et quis* sexcenties confusa, ut in ipso Medic. Aen. III, 341. *etqua* pro *ecqua*; vid. Cort. ad Luc. IV, 542. Et *ecquis* in indirecta interrogatione legitur ap. Cic. Tusc. IV, 23, 52. *Wr.*) *malunt* Moret. pr. unus Mead. *malit* Ven. et alter Mead. 160 *sucros* omnes vetusti. *sucris* vulgg. edd. ante Heins. cum nonnullis codd. 162 *pascuntur* Voss. pr. *Leid.* pr. Iungebantur in edd. sententiae: — *invertere glebis*; *Cetera pascuntur viridis armenta per herbas*. Hic autem quaeritur, quinam illi sint aut esse possint vituli, praeter tria genera iam memorata. Nam vituli aut feturae, aut lanio ad cultum vel ad aram, aut arationi destinantur: non apparet, quae sint *cetera*. Difficultatem iam senserat Cerda, tum Martyn, qui ita sustulit, ut versum 162 *Cetera pascuntur* — cum seqq. coniungeret; ut locus

tero, quod sequitur et de eius iunctura *inurunt notas et quos*. Scilicet altero loco supplendum est: et inurunt notas *uis*, quos *malint*, h. e. notas, quibus designent eos, quos malint *aut* — *aut*. (*Notas inurunt*, quos pro *notant*, quos; in quo non est, quod haereas; sed vid. V. L. *Wr.*) 159. *submittere* in locum eorum, quos ad feturam

torpere vident. vid. ad v. 73. *habendo*: ornat, quod habetur, alitur. ut Ge. I, 3. Ad sententiam conf. Colum. VII, 9, 12 de suis. *aris servare* decentius erat, quam lanio tradere. 161. *campum horrentem*, simpliciter novalem, pro quocunque agro glebas duras et asperas habente. 162. *Cetera armenta*, reliqui quidem omnes vituli in communi

Tu quos ad studium atque usum formabis agrestem,  
 Iam vitulos hortare, viamque insiste domandi,  
 Dum faciles animi iuvenum, dum mobilis aetas. 165  
 Ac primum laxos tenui de vimine circlos  
 Cervici subnecte; dehinc, ubi libera colla  
 Servitio adsuerint, ipsis e torquibus aptos  
 Iunge pares, et coge gradum conferre iuencos;  
 Atque illis iam saepe rotae ducantur inanes 170

ita se habeat: — invertere glebis. *Cetera pascuntur viridis armenta per herbas*; Tu quos ad studium — pro vulgari dicta, praeter eos, quos ad studium atque usum formabis agrestem, hos iam vitulos hortare. Martyno parueram in priore editione; deserueram postea, quia durior mihi videbatur iunctura, nam expectabam: *At quos*. Nunc tamen ad prius illud redeundum esse video, Vossio quoque monente, qui etiam *pascuntur* adoptavit. Vides me haec saltem non sub ferula dictare, nec cum cuiuspiam contumelia. (*Cetera*, i. e. ut etiam Philargyr. interpretatur, non signata, unde lac tantum erogabatur. *Wr.*) Expunxi autem comma post *tu*; nam iungere praestat: *quos tu formabis*. 163 *ad studia* Romanus, Gudian. pro var. lect. Parrhas. a m. sec. *servabis* fragm. Moret. (— 165. Philargyr. ait, posse etiam ita haec distinguere: *animi, iuvenum dum m. aet. Wr.*) 166 *At primum* edd. vett. Et Nonius. *lupos* Reg. Martini. *ciclos* aliquot codd. et ed. Ven. *circos* Gud. pro div. lect. Parrhas. Goth. sec. et fragm. Vatic. a m. pr. cum Iulio Sabino; hanc vocem e Lucretio restitutam esse vellet Wakef. ad Lucret. VI, 954. 167 *Cervice* Medic., sed idem *sub nocte* et *ericios* a m. pr. *deinde* unus Mead. 168 *ipsos tunc* Zulich. Goth. sec. *ipsos et* Moret. quart. *ipsis de* Oblong. *ipsis et* Longob. Pierii. *ipsis ex* Reg. *ipsis cum* unus Mead. *aptis* Zulich. *actos* duo. 169 *gradus* Goth. sec. *iuencis* Medic. a m. pr. 170 *Atque illos* Medic. a m. pr. *ducuntur* Rottend. pr. et unus Mead. Montel. pr. *ducentur* Ven.

grege pascuntur, praeter eos, qui operi destinantur rustico. (cfr. infra vs. 212. sqq.: „Atque ideo tauros procul atque in sola relegant Pascua, post montem oppositum, et trans flumina lata; Aut intus clausos satura ad praesepe servant.“ *Wr.*) 163. Transit ad aliud praeceptum, quod formula orditur: *Tu quos*; ut et alibi fecit: quos tu autem ad studium agreste, h. opus rusticum, educare paras, iam vitulos adsuefacere debes labori. Rationem domandi boves a Varrone petiit de R. R. I, 20. et diligentius Colum. VI, 2, 1. Pal-

lad. IV, 12. — 164. *viamque insiste domandi*, artem et rationem ingredi, curam suscipe domandi, h. e. iam tum mature doma. 165. *faciles animi*, molles, dociles. vid. ad Tibull. I, 1, 40. *mobilis aetas*, in qua corpus mobile, *εὐκίνητον*, flexile, agile, vegetum.

166. 167. Expressit versum Nemesian. Cyneg. 184 *Libera tunc primum consuescant colla ligari*: de catulis. 168. *aptos*, vinctos; nexos et illigatos invicem ex vimineis illis vinculis; non ex cornibus, ut iam tum stupor hominum multorum fe-







Invalidus, etiamque tremens, etiam inscius aevi.  
At, tribus exactis, ubi quarta adceperit aestas, 190

### 190. ADCESSERIT

189 *et iumque* — *et iam* Heins. disiunxerat Charisii auctoritate. Et sic libri nonnulli; cf. Pierium; et edd. vett. Enimvero *iam* — *iumque* aut *iamque* — *iamque* dici obvium est; at, *et iamque* — *et iam*, ut in primo membro altera copulativa sit otiosa, poni posse valde dubito. Magis itaque vulgarior ratio, *etiam* — *etiam*, placet; ut in priore parte adiuncta copula iungat reliqua cum antecedente: *Invalidus et etiamnum tremens, etiamnum inscius aevi*. conf. Aen. VI, 485. Atque ita plane fragm. Vatic. Medic. interpolatus *iamiamque tremens, iamiam inscius*, cum a pr. m. *etiamque* scriptum bis fuisset. (in Medic. fuerat *etiamque tremens* ∴ *tg inscius aevi*; sed *et* in *etiam* miniatis punctis notatum, et supra scriptum eodem colore *iam*; tum *tg* item miniatis virgulis transfixum et atramento supra scriptum *etiam*. *Wr.*) *iamiamque* etiam in Moret. fragm. *Invalidusque* Regius Martini. *etiamque* Parrhas. 190 *Ac* Menag. pr. et Reg. Martini. *aestas* Heins. reposuit, ut habebat Romanus, Gudian. Mentel. pr. a m. pr. et Zulichem., uterque Arundel. Mead., et vett. edd., ut Ven. et Mediol., etiam fragm. Vatic., sicque edidit Naugerius, et qui cum seqq. Ceteri *aetas*, quod an pro anno absolute dixcrit ullus poeta, mihi quidem nondum liquet; ubicunque enim legitur, varietatem lectionis invenias. conf. Pier. et Burm. conf. inf. Georg. IV, 207. Agnoscit tamen hoc Servius et Nonius Marcellus in *Exigere*. Porro idem Romanus *acceperit*; sic et Regius ap. Burmann., exquisitiore, puto, ratione. conf. Ecl. VIII, 39; at fragm. Vatic. a m. pr. *occeperit*. (Ut possimus de hac lectionis diversitate iudicare, rem ipsam propius inspiciamus. Primum igitur e Columella discitur, qui ad certamina alantur equi, domari exacto tertio anno; sic enim ille VI, 29, 4.: „Equus bimus ad usum domesticum recte domatur, certaminibus autem expleto triennio: sic tamen, ut post quartum demum labori committatur.“ Consentit Varro II, 7, 12. sq.: „neque prius biennio confecto a lacte removendum — equulum — — — Cum iam ad manus accedere consuerint, interdum iis imponere puerum, bis aut ter primum in ventrem, postea iam sedentem. Haec facere, cum sit trimus, tum enim maxime crescere, ac lacertosum fieri. Sunt qui dicant, post annum et sex menses equulum domari posse, sed melius post trimum, a quo tempore farrago dari solet.“ His respondent, quae infra leguntur vs. 205. sq.: „Tum demum crassa magnum farragine corpus Crescere iam domitis sinito;“ etc. Iam vero verbum *accedere* in numerando eam habet vim, ut valeat *insuper addi, adiici*; vid. Lexx. Itaque, vulgatam lectionem si sequimur, exacto quarto anno equum domari inbebit Virgilius. Verum id fieri debebat ineunte quarto anno, ergo ubi quarta acceperit aestas; cf. Ecl. VIII, 39. *Accesserit* autem qui pro *advenerit* dictum putabunt, vereor, ne ambiguitatem vix ferendam obtrudant Virgilio. *Aetas* tamen, quod est in plerisque, recipere non ausim. *Wr.*)

*que relaxet Corpus.* Est hoc *palpare*, *ποπύζειν*.

187. *iam primo depulsus ab ubere*, pro, quam primum, statim ac. (vid. quae notavi ad vs. 130. Male Serv. Dresd.: „non primo ubere, sed iam primo

quasi unum lege, ut sit: iam primo audeat depulsus ab ubere matris.“ Et ita Wakef. ad Lucret. I, 261. *Wr.*) *Audeat*, pro faciat, praeclare; quatenus ea, quae narravit, animosi equi sunt, inque his, quod pullus

Carpere mox gyrum incipiat, gradibusque sonare  
 Conpositis, sinuetque alterna volumina crurum;  
 Sitque laboranti similis; tum cursibus auras,  
 Tum vocet, ac per aperta volans, ceu liber habenis,  
 Aequora, vix summa vestigia ponat arena: 195  
 Qualis Hyperboreis Aquilo quum densus ab oris  
 Incubuit, Scythiaeque hiemes atque arida differt

196. AQUILO, 197. HIEMIS

192 *currum* Medic. a m. pr. Rottend. tert. 193 *cum cursibus* Reg. et Parrhas. in marg., fragm. Vatic. a m. sec. Goth. sec. *cruribus* edit. Norimb. 194 *Tum vocet* Heins. reposuit ex Medic. et optimo quoque; etiam Romanus sic habet. *Provocet*, quod vulgare, editur vulgo. *Tum movet* vel *vocet* Zulich. *Cum vocet* alter Menag. *Advocet* unus Arundel. *petat* tert. Rottend., ex interpret. 195 *ponit* alter Moret. *verrat* Moret. quartus, qui a m. pr. *resonat vestigiat. signat* apud Serv. ad Aen. V, 317. 196 *condensus* Meuag. alter. (et Lips. alter. *Wr.*) *horis* duo. 197 *Incumbit* Goth. sec. *horrida* Toll. *arrida* Franc. conf. inf. v. 458. *desert* alter Rottend. Gudian. a m. pr. ed. Ven. (*hiemis* Heynius, haud dubie ex Burm. edit., expressit; quod in *hiemes* tacite mutarunt Voss. et Iahn. Certe, si accusativum huius voc. in *-is* missum statuas, eodem modo scribendum erit Ge. I, 100. et II, 373. Invenio tamen *hiemis* in fragm. Vatic. exaratum a Bottario, imprudente fortasse. In Mediceo Fogg. exhibet *hiemes*; sic etiam, quos solos praeterea inspicere licuit, uterque Lips. Heinsius silet, ut saepe. *Wr.*)

non expavescit ad plausus. *invicem*, vicissim, quod quum in istis ferocem animum prodit, capistrum tamen admittit opera tua. (in vicem haec experientia, i. e. modo strepitui, modo capistris adsuefaciendus equus, invalidus adhuc, antequam fortior factus refragetur. *Wr.*) 189. Equus ferox, indomitus, potest videri *consci*us esse *aetatis*; iuventae, vigoris, virium; itaque *in*sci*us aevi*, virium, quas nondum nec habet nec expertus est. Valer. Fl. I, 771 *aevi rudis altera proles*, h. aevo, aetate rudi. Recte Servius: nondum habens ab annis fiduciam.

190. Vid. Varro R. R. II, 7, 13. Colum. VI, 29, 4. (et V. L. *Wr.*) 191. 192. *Carpere gy-*

*rum*, ut viam, campum, sup. 142. h. in gyrum seu orbem ire. *sonare gradibus conpositis*, incedere, ungula sonante, gressibus numerosis. *sinuet alterna volumina crurum*, h. alte tollat, iactet, crura alternis; at quam ornatè! 193. 194. *tum, tum cursibus auras vocet*; h. provocet, ut recte interpretati sunt viri docti ex sollemni poetarum usu, etiam Graecorum. Paullo diversa ratione *ventos velis vocare* dicitur, qui extendit vela ad recipiendum ventum; et *alis ventos vocat*, advocat, avis, quae eas expandit ad volatum. In exemplis apud Heins. et Burmann. utraque notio confunditur; ad posteriorem spectant Aen. III, 253. IV, 417. 223.



Nubila: tum segetes altae campique natantes  
 Lenibus horrescunt flabris, summaeque sonorem  
 Dant silvae, longique urgent ad litora fluctus: 200  
 Ille volat, simul arva fuga, simul aequora verrens.

198 *dum segetes* octo boni codd. cum uno Arundel. et Mead. Martini. cum Regius. *nutantis* fragm. Vatic. Urget Io. Schrader. *campos natan-tes* dici aqua submersos: ut sup. I, 371 *Omnia plenis Rura natant fossis*. Lucret. saepe, v. c. VI, 1140 de Aegypto, et 266. Silius IV, 162. ubi Drak. Itaque coniecit *campique nitentes*: quod frequens de segete dici quis dubitet? Verum cogitandum, *campos* pro segete dictos; nihil autem magis consentaneum, quam *segetem natare*, *fluctuare* dici, vento impulsam. Paulo diversum est, quod sup. *undantem buxo Cytorum* dixit II, 437, et II, 281 *ac late fluctuat omnis Aere renidenti tellus*; etsi simili modo dici potuissent: campi segete natantes. Sed proxime ad Maronem Ausonius Mosella 194 *Totu nutant crispis iuga motibus, et tremunt ab- sens Pampinus*: de umbra in amnem proiecta. Uti apud Statium II Silv. 2, 49 *vitaeque nutant praetoria ponto*: et *natat umbra profundo* II Theb. 42. Imitationem loci notatam video ex Maximiano (personato Gallo) *Arva sub aestivis undant horrentia flabris*. 199 *sonoris* fragm. Voss. *Etesia flabra aquilonum* Lucretii V, 741 poetae ante oculos fuisse censebat Wakef. (Santenio ad Terentian. p. 249. videtur scribendum: *Horrescunt levibus flabris*. Sed vid. Not. IVr.) 200 *longeque* praescriptum est notae Heinsianae; nescio unde; nam ubique legitur editum *longique*, et etiam Medic. Rom. et alii; et laudat Heins. *ὑψηλὰ μακρὰ θαλάσσης*. *longeque* Medic. Pierii cum aliis, pro quo possis laudare inf. 238 *Longius ex altoque sinum trahit*. 201 abest versus a fragm. Moret. *verrit* citat Serv. ad Aen. IV, 72. *ipse* unus Arundel. *arma* Reg.

V, 211. VIII, 707. At in nostro loco ad currendum non opus est vento.

196 — 201. *Cursus celeritatem cum vento comparat spirare incipiente: volans — qualis aquilo, quum incubuit atque differt, (tum segetes — fluctus) volat*; et quia tot ornamentis sententia erat intercepta, interponit vs. 201 *Ille volat*. Porro *Hyperboreas oras* simpliciter pro borealibus et septentrionalibus, ut infra v. 381, et IV, 517 dixit. *Aquilo densus*, non, ut volunt, qui densat nubila: sed qui magna cum vi et impetu late fertur; *densus* praeterea pro dense. Owenens N. H. p. 589 *densum* perpetuo aequalique tenore spirantem, non per intervalla, acci-

pere vult. *differt hiemes* seu procellas, h. dissipat, ex Lucret. I, 273. *arida nubila*, nubes sine pluviis. (*differt* potius: dissipans ante se agit; *arida* autem *nubila*, quippe sicci Aquilones: Senec. Nat. Quaestt. III, 28.: „fluere assiduos imbres, et non esse modum pluviis, suppressis Aquilonibus et flatu sicciore.“ Lucan. IV, 50. sq.: „Pigro bruma gelu siccisque Aquilonibus horrens Aethere constricto pluvias in nube tenebat.“ Vid. ibi Cort. IVr.) *campi natantes*, segetes undantes ac fluctuantes; a similitudine maris fluctus volventis; natant quae aquis obducta sunt, itaque nunc agri aristis segetum. illustratum dudum a viris do-

Hic vel ad Elei metas et maxuma campi  
 Sudabit spatia, et spumas aget ore cruentas;  
 Belgica vel molli melius feret esseda collo.  
 Tum demum crassa magnum farragine corpus 205

202 *Hinc* Medic. a m. sec. Gud. et alii; et sic fragm. Vatic. et Roman.; et recte; ab hoc tempore: quod designatum erat v. 190 et 205. (*Hinc* reponi etiam Iahnii iubet; vetat hoc fieri sententia vss. 205 — 8. *Hic* valet *tal*is, tam egregius equus. *Wr.*) *Hic et ud* Comment. Cruq. ad Horat. Od. IV, 2. et etiam Rom. et Oblong. Pierii. *maximu Circi Sudabit spatia* coniciebat Markland. ad Stat. Silv. V, 1, 21, nimis calide; ita *Eleus Circus* a poeta dictus esset. Iungenda sunt: *ad metus et spatia campi Elei*. 203 et abest a Rottend. tert. et Parrhas. *agit* Leid. a m. pr. et fragm. Vatic. 204 *Bellica* Medic. a m. pr. Moret. pr. unus Mead. Goth. sec., quod placebat Martino; recte tamen reiecit Heins. Eadem varietas alibi. v. Heins. *Belgia* Menag. pr. *ferat* fragm. Voss. *heseda* Parrhas. 205 *Tu* Reg. *ferragine* Medic. a m. pr. (est ea prior lectio. *Wr.*) Sic et alii scribunt, aut *feragine*. *sartagine* Heins. con. Caussam non video.

ctis: vid. ad Val. Fl. III, 525, ubi *tenui vagus innatat unda Crinis*. *Lenia flabra* videntur ab aquilone, qui densus incumbit, aliquantum esse aliena; enimvero segetes, utpote humiliores et cedentes, lenius, leniore cum strepitu, agitantur; arbores contra, maiorem venti impetum sustinentes, sonorem edunt ac fragorem. (vid. Q. V. XXXV, 3. *Wr.*) Mox *longi fluctus urgent*, pro longe, at multo exquisitius *fluctus longi*, qui e longinquo veniunt; *urgent*, protrudunt se, volvuntur. *Ille*, aquilo, volat. De equo hunc versum parum commode accipias: cum sit *aequora verrens*. (Ita dicendum esset, poetam paullo audacius haec dixisse de equi celeritate.) *fuga*, de celeri cursu ac motu, ut saepe poetae. *Verrere* de ventis, ex more poetarum, pro perflare.

202 — 204. Hic vel bonus erit in certaminibus, e quibus Olympica, tamquam praestan-

tius genus, memorat; vel agitantis curribus. At quam ornate singula! *maxuma spatia campi*, curriculi, hippodromi, pro magnis. De *spatiis* Georg. II extr. *Sudabit*, plus quam, decurret. E curribus *essed*a *Belgica* ponit. Cum de generosioris equi munere agatur, considerari videtur nomen currus bellici, inprimis cum v. 179 *Sin ad bella magis* etc. dixisset. Iam Romani essedis vulgo usi sunt iter facientes: id quod poeta vix pro dignitate carminis memerare potuit; petierant autem usum a Britannis, qui ex essedis pugnabant. conf. Cerda et Martin. Aut itaque dicendum: poetam esseda pro nobiliore genere, bigis quadrigisque lautorum hominum, quibus generosiores equi iungi solent, posuisse; ut passim Caesarum, curribus triumphalibus, thensis, ut apud Horat. Ep. II, 1, 192 de pompa triumphali in theatro exhibita etc., aut, quod praeferam, pro curribus bellicis esse-

Crescere, iam domitis, sinito; namque ante do-  
mandum

Ingentis tollent animos, prensique negabunt  
Verbera lenta pati et duris parere lupatis.

Sed non ulla magis vires industria firmat,  
Quam Venerem et caeci stimulos avertere amo-  
ris, 210

Sive boum, sive est cui gratior usus equorum.  
Atque ideo tauros procul atque in sola relegant  
Pascua, post montem oppositum, et trans flumina  
lata;

Aut intus clausos satura ad praesepia servant.

206. CRESCERE IAM DOMITIS S.

206 *domiti* tres ap. Burm. (vid. Q. V. XXIII, 6. *Wr.*) 207 *tollunt*  
duo, et Serv. ad v. 174 in nonnullis Mss. *animos pressique* Zulichem.  
208 *Verbera dira* fragm. Moret. *dura* Reg. 209 *nonnulla* fragm. Vati-  
tic. a pr. m. (idem *viris. Wr.*) *industria servat* vett. aliquot apud Pie-  
rium cum ed. Ven.; alterum magis poeticum. 211 *quoi* fragm. Vatic., ut  
v. 6. (in fragm. Vat. est *quo*, et *i* supra adiecta; in eodem *bovom* a m.  
pr., vid. infra vs. 419. *Wr.*) 212 *Atque adeo* Moret. quart., sed vid.  
Heins. *procul atque infusa resurgunt* Ven. *relegat* Franc. 213 *ap-*  
*positum* Leid., quod Heins. probabat; recte reiecit Burm. conf. Not. *nata*  
Medic. a m. pr. 214 *Atque* Zulich.

da dixit, a nobiliore genere sive  
etiam ab origine, *Belgica*; apud  
Belgas enim, ut apud Britannos,  
usus eorum erat; et quidem bel-  
licus, ut ex Caesare de B. Gall.  
constat. (Sententia horum vss.,  
detracto ornatu, haec est: is  
equus talis est, quali in certa-  
minibus Graeci, in bellis Belgae  
e curru pugnantes utuntur. *Wr.*)  
*feret*, ut v. 184, pro patietur  
dici, monet Burmann.; nam pro  
*trahet* poni posse dubitat. Recte  
sane; sed potest equus etiam  
*ferre currum*, h. rapere, raptim  
auferre. *molli collo*, domito.  
Serv. 206. *ante domandum*,  
ante quam domentur, *πρὸ τοῦ*  
*πώλομαινεῖσθαι*. (ante *dom.*, i. e.  
si farraginem praebueris, ante-  
quam domare inceperis. *Wr.*)

207. 208. *prensi* proprie. vid.  
Ge. I, 285 *Et prensos domitare*  
*boves. verbera lenta*, lenti fla-  
gelli. *lupatum*, frenum, lupis  
seu aculeis ferreis munitum.

209—283. Exspatiatur in lo-  
cum praeclarum de armentorum  
furore ex Veneris stimulis. Pa-  
rat autem transitum commode  
commemoratione virium nimia  
Venere exhaustarum. *caeci amo-*  
*ris*, non, oculis capti, sed, oc-  
culti, clam per venas et ossa  
saevientis.

212. Habuit locum ante ocu-  
los Columella VI, 27, 8, et ver-  
sum sequentem Gratius Cyne-  
g. 377 *trans altas ducere valles Ad-*  
*moneo*; *latumque fuga supera-*  
*bitis annem*. Ovid. Art. II, 487  
*spatio remota per loca dividiuos*



Carpit enim vires paullatim uritque videndo 215  
Femina; nec nemorum patitur meminisse, nec  
herbae.

Dulcibus illa quidem inlecebris et saepe superbos  
Cornibus inter se subigit decernere amantis.

Pascitur in magna Sila formosa iuvenca:

Illi alternantes multa vi proelia miscent 220

Volneribus crebris; lavit ater corpora sanguis;

216 *neque herbae* Pierii Oblongus. 218 *subicit* Mentel. a m. pr.  
219 *Legebatur silva.* Sila olim alios legisse, Servius memorat, quod ut fiat, nullam hic necessitatem cogere, ut in Aen. XII, 715 *Ac velut ingenti Sila, summove Taburno*; itaque vulgo ab Intpp. neglectum. Fateor tamen, mihi verum ante Servium inspectum iam dudum nimis tenuem visum fuisse, etiam sono minus gratum; ita ut expunctum esse mallet; tum post *silva* redeunt v. 223 *silvae*. Nunc video in altero Aen. XII loco eandem comparisonem institui, et taurorum pugnam narrari. Sila autem, mons silvossus, Apennini huc procurrentis iugi pars extrema, in extremis Bruttiorum oris, unde laudata illa *pix Bruttia*. conf. sup. ad Georg. II, 438. Dubitabam olim, an et *silva Sila* occurreret, cum non recorderer Cic. Brut. 20 *Nam cum in silva Sila caedes facta esset*, aut Plinii III, 10 *Inde Apennini silva Sila*. et esse quoque montes feminino genere, ut Rhodopen inf. 351. Reposui itaque nunc confidenter in *magna Sila*, quod post ista Brunck. iam admiserat, et nunc quoque Voss. (Libri, ut videtur, omnes *silva*, nisi quod in Medic. v puncto notata, tanquam delenda. Neque epitheton *magna*, nec tracti per spondeos numeri, aut recurrentes eadem vocabulorum terminationes conveniunt simplici *silvae* nomini. Malignim tamen abesse hunc versum, ut ingratam moram narrationi obiiicientem. Ac, nisi fallor, adscriptus fuit margini hic versus, ex alio quodam, alius fortasse poetae, carmine petitus, simile taurorum super aliqua vacca certamen continente. Praeter rhythmum ipsa res probat, ab hoc versu incerpisse aliquod carmen; sic autem solent primi versus afferri a veteribus poetis aliena carmina allegantibus. Nec silentio praeterierim, quod Lips. alt. eundem versum *Pascitur* etc. post vs. 221. repetit. Vide etiam V. L. ad Ge. IV, 203. *Wr.*) 220 *Idem fere versus* Aen. XII, 720—723. *inter se cornua miscent* Zulich. *praelia tollunt* unus Mead. 221 *lavit ater vulnera sanguis* ter apud Nonium occurrit; sed male, cum eodem iam versu *vulneribus crebris* praecesserit. Heins. *lavit* tres Burmann. Medic. a m. sec. (*lavit* prior lectio Medicea. *Wr.*)

*amne equos dixit.* 213. Dum mons est *interpositus* inter duo, utrique est *oppositus*, obiectus. *lata* non otiosum est. 214. *satura praeseptia* sunt plena, uti is qui saturatus est. 215. *uritque videndo*, passive, macerat, consumit, dum cernitur.

217. Illa quidem saepe amantes etiam pugnare cogit inter se. Loca alia poetarum de pugna

taurorum conguessit Cerda. Plura in Statio (v. c. Theb. VI, 864 sqq.) et Flacco passim reperias. Add. Oppian. Cyneg. II, 43 sq. Iactant se in hoc argumento poetae. 218. Totus versus unum illud Apollonii II, 89 exprimit, *ταύρω Φορβάδος ἀμφὶ βοῶς κενωτόηοτε θηριόασθον.* in *magna Sila*, silva et monte Bruttii in extrema Italia. v. V. L. (*magná*

Versaque in obnixos urguntur cornua vasto  
 Cum gemitu; reboant silvaeque et longus Olympus.  
 Nec mos bellantis una stabulare: sed alter  
 Victus abit, longeque ignotis exsulat oris; 225  
 Multa gemens ignominiam plagasque superbi  
 Victoris, tum, quos amisit inultus, amores;  
 Et stabula adspectans regnis excessit avitis.  
 Ergo omni cura vires exercet, et inter  
 Dura iacet pernox instrato saxa cubili, 230

222 *vergentur* Franc. 223 *Tum* Morct. pr. *resonant silvae* que Medic., sed *reboant* et Nonius et Macrobr. Sat. VI, 4 agnoscit, qui et a Lucretio (II, 28) acceptum affirmat. *que* post *silvae* abest a Parrhas. *longus Olympus* pro vulgato *magnus Olympus* iam Heinsio probatum recepit Burm. ex uno Mediceo et Macrobr. VI, 4 extr., ut sit mons longo ingo excurrent. Verum h. l. *Olympus* non mons, sed caelum; ut: *it clamor caelo*. (bene *longus*, propter *reboant*; *magnus* ex Aen. X, 437. huc illatum videtur. Ceterum *longius* Medic. a m. pr. *Wr.*) 225 *excubat* Ven. 226 *ignominia* Leid. et Menag. sec. 227 Ad finem versus casu exciderat interpunctio. 228 *stabuli* in Medic. a m. pr. Fogginius tamen non expressit. (apud Foggin. *stabul*, tum puncta lituram indicantia, et supra scripta *a*; fortasse *stabulum* primum fuerat. Freytagius scribit: „*stabuli* antiqua lectio, correctata ab eadem manu in *stabula*.“ *Wr.*) *excedit* Zulich. 229 *et intus* Ven. 230 *pernix* constanter libri et Grammatici, qui a *pernitendo* ductum esse *perseverantem* contendunt. Quod si a Virgilio est, nove dixit. Nondum enim locum vidi, ubi *pernix* ita dictum esset; sed semper est celer, acer, strenuus, etiam in loco, quem male laudant, Horat. Epod. II, 42 *Pernicis uxor Appuli*. (Serv. Dresd. „Sunt etiam, qui aliter legunt, *pernox*, i. e. pertinax.“ *Pernix* Voss. et Iahn. revocarunt; sed vix feras *iacet pernix*; vid. etiam Doederlenii librum *Lat. Synonyme u. Etymologieen* P. II, pag. 127. sq. *Wr.*) *Pernox* iam ab Ald. ed. alt. et tert. editum, male iterum relictum ab aliis, qui primam Aldinam expressere, multis doctis viris, etiam Scaligero, Heinsio, proba-

*Silâ*; vid. Q. V. XXXIII, 8. extr. *Wr.*) 220. *alternantes*, ἀμειβοόμενοι, pro vicissim, invicem inter se. cf. Aen. XII, 720—723. 221. *lavit*, poeticum verbum pro tingit, perfundit, defluit de corpore. Mox *obnixos* cum dilectu et vi. Nec omisit huius vocis usum Statius, cum imitatione hunc locum exprimeret Theb. IV, 399 *Ardua collatis obnixi cornua miscent Frontibus*. 227. Valerius Flaccus, iam Cerda monente, hinc accepit: taurus victor ubi — revisit *Et patrium nemus*, et bello quos ultus amores. L. II, 548. 549. 228. *stabula adspectans*, respiciens, rectorquens oculos; ut facinus in re, quam inviti relinquimus. *excessit*, docte mutato tempore, pro excedit. 229 sqq. Praestantissimum hunc locum, ut iamdudum viderunt cum Scalig. Poet. c. 14 Interpretes, imitati sunt Lucan. II, 601—607 praeclaro loco, Statius Theb. II, 323—330, Silius Ital. XVI, 4—10. 230. *instrato*, h. l. non *strato cubili*,

Frondibus hirsutis et carice pastus acuta;  
 Et tentat sese, atque irasci in cornua discit  
 Arboris obnixus trunco, ventosque lacessit  
 Ictibus, et sparsa ad pugnam proludit arena.  
 Post, ubi conlectum robur viresque relectae, 235

tum revocavit Burm. Ex glossa Regii et Mentel. pr. Schol. Iuvenal. VIII, 10, Philargyr. (in edit. Commelin. c. cod. Palat. expressa) suspicio erat, hoc iam olim in libris fuisse; et exhibent sane uterque Mead. Cantabrig. Bodlei. et alter Arundel. Variat similiter lectio ap. Avien. descr. Orb. terr. 946. ubi cf. Wernsd. Porro *instrato cubili*, non *strato*; quis dubitet! nuda humo, nudo silice: inde adiectum, *inter dura saxa*. Wakefieldio hoc facietur visum, et putat ille substernendas esse tauro saltem frondes, ne latus atterat; itaque iungit: *instrato saxa cubili frondibus hirsutis; et carice pastus acuta*. Ceterum Lucretianum est: *Atque intempesta cedebant nocte paventes Hospitibus saevis instrata cubilia fronde*: lib. V, 984. 985, ubi de *parato hominum cubili* agitur. 232 Hos versus iterum apposuit poeta Aen. XII, 104—106. 233 *innixus* Schol. Iuvenal. XII, sed et ibi Voss. *obnixus*. *adnixus* Toll. *obnixos* Gud. *truncos* alter Menag. 234 f. *in pugnam*, ut Maronis mos fert. (qui mos? Ita etiam Aen. XII, 106.: „ad pugnam proludit;“ nec iungitur praepositio in verbo *proludere*. Wakefieldio ad Lucret. V, 658. videtur praepositio eicienda. Wr.) *praeludit* Franc. conf. ad Aen. XII, 106. *aut sparsa* Roman. 235 *Ast ubi* Medic. Colot. *Postquam* c. Goth. sec. *robor* scribit Romanus et Gud. *viresque relectae* Heinsius reposuit c. Mediceo, Gud. a m. pr. Rottend. tert. pro var. lect. Colot. Ursini. *receptae* ceteri omnes, quod aegre dimittam. Etiam apud Lucan. l. c. II, 604 *Nec redit in pastus, nisi cum cervice recepta* (ubi nunc Burmann. *repleta* reposuit) *Excussi placuere tori*. Et Statius II Theb. 326 *Cum profugo placuere tori, cerviceque recepto Sanguine magna redit*. Unde Io. Schrader. et h. l. tentabat *cervice recepta*. *viresque recepit* Zulich. (*receptae* repugnat usui Virgiliano. Aen. XI, 731.: „reficitque in proelia pulsos.“ XII, 788.: „armis animisque relecti.“ Wr.)

in nudo solo. Mox *carex*, iunci genus, cf. Martin. h. l. et ad Ecl. III, 20. 232. *irasci in cornua discit*. Iterum hoc Aen. XII, 104 *mugitus veluti cum prima in praelia taurus terrificos ciet atque irasci in cornua tentat*. Cum sententia obvia sit, in ratione grammatica aliquis haerere possit. *Irasci in aliquem* nemo, puto, pro *alicui* dixerit; sic tamen accipi video. Quid ergo est: *irasci in cornua*? Nemo *irascitur in ensem, hastam*. Sed in poetico sermone duo modos confundere licet: irascens exercet se in cornua, seu ad cor-

num usum; iam pro *iratus exercet se* simpliciter *irascitur* dixit. Eadem forma iam Euripides usus erat Bacch. 742 *Ταῦτοι — εἰς κέρας θυμούμενοι*. Inf. Aen. X, 725 *urgentem in cornua cervum*: qui insurgit in obvios cornibus, dictum est, et expeditiore ratione: *Armenti modo dux vires in cornua sumo*, Ovid. Met. VIII, 882. Iam vide nihilo doctrinam et humanitatem Vossii. (Rectius tamen Vossius *irasci in cornua* interpretatur: iram quasi colligere in cornua; sunt enim cornua irae et ultionis instrumenta; saepe autem poe-



Signa movet, praecepsque oblitum fertur in hostem:

Fluctus uti medio coepit quum albescere ponto,  
Longius ex altoque sinum trahit; utque, volutus  
Ad terras, inmane sonat per saxa, neque ipso  
Monte minor procumbit; at ima exaestuât unda 240  
Verticibus, nigramque alte subiectat arenam.

### 237. UTI,

236 *oblicum* (pro obliquum) Medic. Colotianus, Leid. unus. Sed hoc insidiantis potius, quam ferocis et cum impetu ruentis. *et fertur* Mentel. alter pro *effertur*, ut Heins. putat. 237 *uti medio* Romanus cum aliis Pierii, deccm apud Heins. et Burm. tres Martin. Goth. sec.; et ita scribi debebat: reposuque nunc cum Bruncio pro *ut in medio. uti in medio* duo Burm. Oblongus Pierii, et Regius Martin. *ubi in ed. Ven. in primo — ponto* Medic. a m. sec., forte ex Aen. VII, 528 *Fluctus uti primo coepit quum ulbescere vento*, ubi idem Medic. *ponto* habet. (Medic. *Fluctus ut in medio*, altera lectio *in primo*; vitiosum *in*, qua de re vid. Q. V. XIII, 5, b, 1. *Wr.*) Sed vid. ad eum locum Var. Lect. De interpunctione vid. Not. h. l. 238 *sinus* Menag. pr. *atque volutus* Vcn. Parhas. Erf. 239 *nec ipso* ante Heins., ut alii. *neque ipse* Goth. sec., felici lapsu. (bene *ipso*; vid. Q. V. XVIII, 3, a. *Wr.*) 240 *at una* tres. *et ium* Gud. a m. pr. 241 *subvectat* Medic. Romanus, optimi cum Menag. pr. Moret. quart. fragm. Moret. ed. Mediol. Goth. sec. Sic et variatur Georg. IV, 385. (male *subvectat*, quod dicitur de onere. *Wr.*) *Verticibus* et hic Medic. cum al.; et id constanter sequi debebat Heins. (sed vid. quae scripsi ad Ge. I, 481. *Wr.*)

tae animorum affectus tribuunt rebus, quibus hi utuntur ad explendam suam cupiditatem. Vid. etiam Bentlei. ad Manil. II, 246. Virgilium expressit Silius XV, 64.: „torvi in cornua tauri.“ 233. *ventosque lac. ictibus*. „Videtur mihi gladiatorum verbum *Ventilare* circumscribere et repraesentare. *Ventilare* siquidem gladiatores dicuntur, quum ante pugnam gladiis motis et lusoriis ictibus aerem ferientes proludunt ad certamen. Unde et Seneca XXI, 118.: Quam stultum est, quum signum pugnae acceperis, ventilare.“ Haec Lemar. *Wr.*)

236. Pulcre ex re militari, cum signa, aquilae, inferuntur.

Ge. IV, 108 de apibus, *non — Ire iter aut castris audebit vel lere signa. oblitum*, qui omnem iam adversarii sui memoriam animo dimiserat, adeoque securum. Nil hic est, cur aestues. 237 — 241. Laudata a multis comparatio, ex Homer. Iliad. δ, 422 — 426 expressa, notante iam Macrobi. V, 13, repetita eadem Aen. VII, 528 — 530 minore cum ornatu. *albescere*, quod de spumantibus maris fluctibus dictum illustrat Cerda, praeclare pro existere, oriri, surgere. 238. Potest duplici modo interpungi, vel sic ut feci, ut sit: *uti fluctus longius ex altoque sinum trahit, quum coepit albescere ponto medio*. Solent

Omne adeo genus in terris hominumque ferarumque,  
 Et genus aequoreum, pecudes, pictaeque volucres,  
 In furias ignemque ruunt: Amor omnibus idem.  
 Tempore non alio catulorum oblita leaena 245  
 Saevior erravit campis; nec funera volgo  
 Tam multa informes ursi stragemque dedere  
 Per silvas; tum saevus aper, tum pessima tigris.  
 Heu, male tum Libyae solis erratur in agris.

242 *que post ferarum* abest a tribus. 243 *pecudis* Ven. *et pecudes* Leid. sec. Interpungit Wakef. *Et genus aequoreum pecudes.* ut forte conveniat cum Lucretianis II, 342. 344. 246 *Saevior occurrit campis* Moret. sec., quod arrisit Heinsio et Burmanno. 247 *infumes ursi* Zulich. *tum multa* Rottend. alter. 248 *Per silvas* Heins. e Medic. et aliis compluribus, non restituit, sed revocasse videri debet, nam sic iam Nauger. ediderat; irreperat iterum in vulgg. *Per silvam*, quod alii habent. *tunc* hic et paullo post Goth. pr., ut forte plures, v. c. Romanus. 249 *versatur in agris* ex antiquissimo codice laudat Pierius, ex Medic. autem *erravit*. Porro *in arvis* maior codd. pars, teste Heinsio et Martino; male tamen, cum arva culta sint. (*arvis* etiam aliquot codd. Serv. *Wr.*) Burmannus optabat, ut codex aliquis haberet, *erratur arenis*.

poetae notionem principem, ut *ἐνάργειαν* habeat, bis, ter, red-  
 dere; non itaque displicere pot-  
 est *longius ex altoque sinum tra-*  
*hit*: nam in hoc comparationis  
 cardo versatur. Martyn inter-  
 punxit cum aliis: *Fluctus uti*  
*medio coepit cum albescere ponto*  
*Longius, ex altoque sinum tra-*  
*hit; utque volutus — sonat.* ex-  
 plendum erit ex antec. uti fluctus  
*signa movet et fertur in hostem*:  
 cum coepit albescere, ex alto-  
 que sinum trahit. Atqui *fluctus*  
*signa movere et in hostem ferri*  
 miro modo dicerentur; ex seqq.  
 vero nihil video quod suppleam;  
 nec iungi potest: *fluctus uti*,  
 medio — longius, *ex altoque si-*  
*num* trahit: quorsum enim co-  
 pula spectet? Cur igitur super-  
 cilioso magisterio spernenda sit  
 altera ratio, nondum perspicio.  
 (vid. Q. V. XXXIII, 2. et Wakef.

ad Lucret. IV, 200. *Wr.*) Ac-  
 cipitur porro *ex alto*, ex pro-  
 fundo: atqui hoc demum sequi-  
 tur vs. 240, 1 *at ima exaestu-  
 unda Verticibus, nigramque alte*  
*subiectat arenam. sinum trahit*  
*fluctus*, facit, sinuatur, ex alto  
 versus littus. (*ipso monte*, vid.  
 V. L. *Wr.*)

242 sq. Locum de furiis Ve-  
 nerei ardoris in animantibus  
 multi poetae varie tractarunt.  
 Sed proxime noster Lucretii ve-  
 stigia pressit, inprimis I, 12 sq.,  
 una cum Aristot. loco Histor.  
 Anim. VI, 18. (de Adv. adeo  
 vid. Q. V. XXVI, 6. *Wr.*)  
 246. *erravit*, pro est, esse so-  
 let. Poeticam orationem consi-  
 dera: dicta haec pro: tum fe-  
 rae, e quibus leaenas et ursas  
 primo loco nominat, effleratissi-  
 mae sunt. 247. *informes ursi*,  
 deformes, turpes. cf. Cerda; an

Nonne vides, ut tota tremor pertentet equorum 250  
Corpora, si tantum notas odor adtulit auras?

Ac neque eos iam frena virum, neque verbera saeva,  
Non scopuli rupesque cavae, atque obiecta retar-  
dant

Flumina, conreptos unda torquentia montis.

250 *pertentat* Moret. sec. et duo Rottend., quod post *vides ut* ferri potest. v. Burm. cf. Ge. I, 56. (Sed aliud est *vides ut*, aliud *Nonne vides ut*. Cfr. etiam disputata ad Ge. I, 56. et Ecl. IV, 52. *Pertentat* autem vix dubium est quin ab iis sit exhibitum, qui etiam proxime sequentia ex illo *vides ut* pendere arbitrarentur; hinc contra in uno cod. vs. 253. *retardent* legitur. *Wr.*) Vox *pertentare* iterum occurrit Aen. I, 502 *Latonae tacitum pertentant gaudia pectus*. 252 *At* Franc. Goth. pr. ed. Norimb. (*nec verbera* Ald. tert. *Wr.*) 253 *Nec sc. Reg. retardent* pr. et quart. Moret., quod Heins. ad *vides ut* referebat; malim nullo cum istis nexu, per se, dictum pro *retardare possunt*. 254 Editum erat *correptosque*; quam corruptelam dudum eiecerant Aldd. sec. et tert., cum his iunt. Fabric. et al., iterum intulere Commel. Pulmann. et ceterae Batavae. Itaque *que* iterum eiecimus: quod restituunt Wakef. et Voss. (et Iahn. *Wr.*) tam varia sunt hominum iudicia. (*Correptos*, absque copula, ex uno Moret. sec. laudatur. Non habet hic locum copula; quid enim hoc: *flumina obiecta et torquentia*? iungenda haec erant, non disiungenda; neque inest peculiaris vis in voc. *obiecta*, ut, si vel abesset, nullum inde ad sententiam redundaret detrimentum. Ac si quaeritur, unde illata sit copula, duplex reddi potest causa. Ansam enim dedit huic corruptelae aut creber usus copulae in praegressis; quo accedit, quod et supra et infra *correptos* eadem in versus sede *que* habetur, ad quod facillime aberrare potuerunt librariorum oculi; aut etiam mos quidam veterum interpretum, quum ab uno vel voc., vel versu ad alterum progrediuntur, copulam interdum annectentiam; sic infra vs. 441. Servianae notulae haec sunt praefixa: „*Et altius ad vivum persedit*“, ubi et ab interprete adiectum; et h. l. Serv. Dresd.: „*obiecta*, i. e. opposita; *correptosque*, suo cursu et impetu motos et cavatos.“ cfr. V. L. ad vs. 456. Vid. etiam Q. V. XVI, 1. Ceterum *montes* Medic. *Wr.*) *subiectosque* Goth. sec., forte quod librarii animo insidebat adhuc *obiecta* ex vers. sup. Markland. Ep. crit. ad Franc. Hare pag. 52 emendat *correptos fundo*; nam aliter, inquit, sensum vix efficias. Tu vero iunge: *retardant Flumina obiecta, torquentia montes, saxa, correptos unda, fluctu et impetu suo*. Io. Schrader. tentabat *pontes*; quod cupide arreptum reposuit Wakefield, quia similis versus Lucret. I, 286 *Nec validi possunt pontes venientis aquae Vim subitam tolerare*.

aliunde nota sit rabies aliqua insignior, ut celebrata est ursarum rabies ex partu, ursorum ex Veneris stimulis, videndum erit; apud Aristotelem l. c. est tantum hoc, *χαλεπὸς αὐτοῦς γίνεσθαι τοῖς πλησιέζουσι*. 249. Conf. loc. apud Calabrum Paralip. V, 373. 374. 377. 378. Formam orationis vidimus iam sup.

I, 447 *Heu male tum mitis defendet pampinus uvas*.

250. Verba gravissima in sqq. *si notas odor adtulit auras*, exquisitiore ratione dictum, quam, *si odor allatus est*, aut, *si aerae odorem attulere*; modo teneas, odorem sic esse rem, quae olfactus sensum excitet; emitendo corpuscula, quibus aerae



Ipse ruit dentisque Sabellicus exacuit sus, 255  
 Et pede prosubigit terram, fricat arbore costas,  
 Atque hinc atque illinc humeros ad volnera durat.  
 Quid iuvenis, magnum cui versat in ossibus ignem  
 Durus amor? Nempe abruptis turbata procellis  
 Nocte natat caeca serus freta; quem super in-  
 gens 260

256. COSTAS A.

257. ILLINC, HUMEROSQUE

255 *dentemque* Schol. Horat. Cruqu. Od. I, 1, at idem ad Od. III, 6 *dentes*, ut et Donat. ad Terent. excitat. (*dentes* Medic. *Wr.*) 256 *pedibus subigit* Zulich., et in ora edit. Iunt. notatum a Pierio, sicque ed. Paris. 1494. 257 *humerosque* multi ap. Heins., Romanus cum aliis Pierii, tres Martini cum vet. edd., quod et Martinus recepit, et hoc recepto recte distinguas post *illinc*, ut iungantur: *fricat arbore costas Atque hinc atque illinc; humerosque ad volnera durat.* atque hoc nunc recepi. Antea legebatur: *fricat arbore costas, Atque hinc atque illinc humeros ad volnera durat.* non video, cur ita interpunxerit Heins. (*que* praeter alios omittunt optimus Medic. et Parisini 2. 3. 5. 11. et videtur *que*, ut vs. 254., crebro copulae usui deberi. Geminatur quidem *atque* interdum, sed ita, ut ad polysyndeti figuram accedat. Quo ex genere est etiam illud apud Tibull. II, 5, 73.: „Atque tubas, atque arma ferunt crepitantia caelo Audita.“ Cfr. quae notavi in V. L. ad Ecl. V, 22. et Q. V. XXXV, 23. *Wr.*) 258 *cum versat* Regius Martin. *durum cui* Nonius in *Durus*; sed in *Versat* habet *magnum*, ut et Donat. ad Terent. Andr. I, 5, 44. 259 *adruptis, obruptis, abruptis, a brutis*, sollennes aberrationes hic vide ap. Burm. Defendi potest *obruptis*, ante eius oculos et ora. Defendit quoque Wakef. ad Lucret. V, 505. *Nempe obruerit* Rot-tend. alt. 260 Hoc ordine omnes scripti Burm. et Heins. et vetustissimi Pierii. At ex eo apparet, lectum quoque esse: *Caeca nocte natat*; (sic Ald. tert. *Wr.*) et in Oblongo: *Nocte natat caeca freta serus.* Venetus porro: *Nocte natat tota*, et Goth. pr. *sectus freta.*

ingravescent. Convenit Horat-  
 tianum II Carm. 8 extr. *tua ne  
 retardet Aura maritos.* 253. Va-  
 rii versum poetae nostro propo-  
 situm fuisse, notant Interpp.  
*Non amnes illum medii, non  
 ardua tardant*; apud Macro-  
 Sat. VI, 2. p. 381. Mox montes  
 sunt fragmina, saxa ruentium  
 montium. 255. Loca alia poe-  
 tarum congessere Guellius, Cer-  
 da, et Beckman. ad Antigon.  
 pag. 161. Praeivit poetarum pa-  
 rens Iliad. λ, 416. ν, 475. He-  
 siod. Sc. 386 sq. 257. *durat*,  
 indurat. Plinius VIII, 52, s. 78

*Sues ferae semel anno gignunt.  
 Maribus in coitu plurima aspe-  
 ritas. Tum inter se dimicant,  
 indurantes attritu arborum co-  
 stas lutoque se tergorantes.* cf.  
 Aristot. Hist. Anim. VI, 17. Res  
 satis nota. *Sabellicus sus*, ex  
 montibus Sabinis. Iam II, 167  
*pubem Sabellam* vidimus, *ligo-  
 nes Sabellos*, h. e. Sabinos, apud  
 Horat. (Ceterum vid. Q. V.  
 XXXX, 2. *Wr.*)

258—263. Ad Leandri Hel-  
 lespontum tranantis, ut Hero  
 potiretur, audaciam respici, ob-  
 vium est. Praeter Musaeum et

Porta tonat coeli, et scopulis inlisa reclamant  
Aequora; nec miseri possunt revocare parentes,  
Nec moritura super crudeli funere virgo.  
Quid lynces Bacchi variae, et genus acre luporum  
Atque canum? quid, quae inbelles dant proelia  
cervi? 265

Scilicet ante omnis furor est insignis equarum;  
Et mentem Venus ipsa dedit, quo tempore Glauci

265. ATQUE C.

266. SCILICET

267. ET MENT.

261 *et* abest tert. Rottend. 263 *funera* Rottend. alt. *vulnere* Ven. Sed vid. Aen. IV, 308. 264 *pecus acre* Gud. pro div. lect. Eandem diversitatem notat Burm. ex Aen. III, 221. (*genus acre leonum* Lucret. V, 860. *lynches* Medic. *Wr.*) 265 *canes* Erf. *quisque, quidque, quaeque, quique*, aberrationes apud Burm. assentiendum tamen Vossio, qui *quique* tamquam mollius eligit. (In eiusmodi re non recedendum a spectatissimorum codd. auctoritate; at *quique* ex uno Parrhas. enotatum video. *Wr.*) in *bellis* Rom. (— 266. Hunc versum in editionibus a margine paululum reductum recte Iahnus eodem, quo ceteros, ordine decurrere iussit. *Wr.*)

Ovidii Epistolam vid. Statii VI Theb. 542 sqq. *serus*, sero tempore. *nocte caeca*, qua caecutimus, nihil cernimus, tenebriosa. *νύχιον πλωτῆρα* dixit Musaeus. *procellae abruptae*, h. abruptantes se, ut *proruptus*, *praeruptus*, adeoque praecipites, cum impetu ruentes. cf. ad Aen. III, 199. 261. Dum super eum tonat. *Porta coeli*, pro caelo, ab Ennio et Homero petatum esse, iam in Seneca Epist. 108 extr. legitur. Ratio inter plures inanes, quas afferunt Intpp., vera est illa, quod caelo, Olympo, poetae tribuunt regiam, adeoque etiam fores, limina, *portas*. conf. Homer. Iliad. ε, 749. θ, 393 sq. Argutantur quoque in hac porta ac descensu alii, ut Apollon. III, 159 sqq. add. Macrobi. I, 17. pag. 306.

Nolim autem de Iove cogitari, qui intra portam caeli stet, et per ostium fulmina iaciat. — 262. 263. Nec cogitatio de luctu parentum, et quod amata puella eius morti superstes esse nolet, eum retinet. *crudeli funere*, acerbata morte. Quodcunque ab immiti animo, fato, decreto, proficiscitur, et ipsum est immitte, crudele. (Iunge *moritura super*, non *super crudeli funere*. Aen. IV, 308.: „Nec moritura tenet crudeli funere Dido?“ *Wr.*) 264. *maculosa lynx* Aen. I, 323.

266. Quid haec singula commemorem, cum omnium praesentissimum exemplum in equis ipsis sit, hinc *το Scilicet*, utique. 267. *mentem* pro indole dixit, ut tam furioso amore rapiantur. Fabula de *Glaucō* vel

Potniades malis membra absumsere quadrigae.  
 Illas ducit amor trans Gargara, transque sonantem  
 Ascanium; superant montis, et flumina tranant. 270  
 Continuoque, avidis ubi subdita flamma medullis,  
 Vere magis, quia vere calor redit ossibus, illae  
 Ore omnes versae in Zephyrum stant rupibus altis,  
 Exceptantque levis auras; et saepe sine ullis  
 Coniugiis vento gravidae (mirabile dictu) 275  
 Saxa per et scopulos et depressas convallis  
 Diffugiunt; non, Eure, tuos, neque Solis ad ortus;

268 *adsumsere*, *assumsere* ibidem, et in Goth. 269 *Illam* Commentator vetus Horat. Od. I, 35. (— 270. *montes* Medic. *Wr.*) 271 *uber* in Gud., male. 272 *redit omnibus* quatuor ap. Colum. VI, 27, 5, ubi excitantur hi versus. *redit calor ossibus illis* Romanus. 273 *Ore* — *verso* Ven. et fragm. Moret., prosaica forma. *Ora* Zulich. pro div. lect., exquisitius: sed sine auctoritate idonea; *ad Zephyrum* Romanus Pierii; et Mediceus ad verticem vocis, item antiquiss. Goes. liber apud Columellam l. l. (Scilicet omissa fuerat in Medic. praepositio, deinde pro arbitrio, ut videtur, sed male, suppleta. Sic hoc quoque loco Medicum corruptelae indicem habebimus, ut saepe; cfr. Ecl. IX, 66. X, 12. Ge. I, 339. II, 302. Aen. III, 670. adde Q. V. VIII, 3, a. *Wr.*) 274 *Exspectantque* Medic. a m. pr. (est ea prior lectio. *Wr.*) et Goth. sec. 276 *depressos* Plotius de metris p. 2630. (*convalles* Medic. *Wr.*)

ex Palaephato et Ovidio nota; ad h. l. Probus eam affert. Alebat ille equos *Potniis*, qui Boeotiae vicus erat, non longe a Thebis, quibus Venus furorem innisit, ut ipsius domini membra dilaniarent, quoniam ab eo ab admissione arcebantur. Diversas caussas alii memorant. *Ποτνιαδες πῶλοι* Eurip. Phoeniss. 1130. 269. Solito more poeta pro quovis monte ac fluvio certum montem ac fluvium ponit. *Gargara*, vertex quidam montis Idae iuxta Troiam, memoratus iam sup. I, 103. *Ascanius* lacus Bithyniae sub Olympo monte, satis quidem notus, at hic fluvius ex eo exiens intelligendus; nam *sonantem* et equis transmittendum memorat. Meminerat autem eius fluvii *Eu-*

*phorion* (vid. Strabo XIV, pag. 999 C. D), e quo non pauca mutatum esse Virgilium suspicor. 273. Res vulgata, veteres credidisse, *ἐξανέμουσθαι*, vento gravidas reddi posse equas. Praeter Cretam (vid. Aristotel. Hist. Anim. VI, 18) in Lusitania circa Olyssiponem (cf. Varro R. R. II, 1, 19) Favonio seu Zephyro flante id potissimum contingere, existimatum est (loca vid. apud Cerdam), quoniam aestuantes amore equas versus Oceanum currentes Zephyrum hiantem ore excipere videbant. Vide inprimis Colum. VI, 27, 3 sqq., ubi totus hic locus adscribitur. Res iam Homeri aetate nota. vid. Iliad. π, 150. 151, ubi Harpyia Podarge ad Oceanum pascens Zephyro peperit equos Achillis.



In Borean Caurumque, aut unde nigerrimus Auster  
Nascitur, et pluvio contristat frigore coelum.

Hic demum, hippomanes vero quod nomine di-  
cunt 280

Pastores, lentum destillat ab inguine virus;  
Hippomanes, quod saepe malae legere novercae,

278 *In Boream* ante Heins. vulg. *Chaurumque* scribit Romanus, Medic. cum plurimis. (apud Foggin. *Charumque*, sed u supra scripta; *Chauri* etiam infra vs. 356. in Medic. Servius h. l.: „*Caurum* pro *Corum*, sicut *saurex* pro *sorex*, *caulis* pro *colis*.“ *Wr.*) *Corumque* Toll. *Chorumque* duo cum Longob. Pierii. 279 *pluvio c. sidere* Romanus Pierii, non improbantibus Heins. et Burm. Ab hoc tamen loco alienum videtur, cum de austri effectum ac vi agatur, is contristat *frigore*, *hieme*, *pluvia*; non vero, *sidere*. Sed est sollennis ea permutatio, conf. ad Ovid. Met. V, 281; et *sidus pluvium* vulgarius. In *frigore* consentiunt omnes libri Columellae l. I. *pluvio* — *pulvere* Goth. pr., perperam. *constringit* Ven. 280 *Hic* Heins. e melioribus. Antea *Hinc*. (quo pro quod Ald. tert. *Wr.*) 281 *destillat* omnes scribunt meliores; et recte ita Heins. *distillat* alii. (eadem varietas ap. Lucan. VIII, 777. ubi vid. Cort. *Wr.*)

Apud eundem ex Borea suscepti equi Iliad. v, 222 sqq. 277 — 279. *non Eure tuos* — Cum ita conceperunt, uti dixerat, ad Zephyrum versae, diffugiunt ac discurrunt, non ad ortum, sed in Boream Caurumque et Austrum, h. e. septemtrionem et meridiem versus. Illustrantur haec Aristotelis l. I. verbis iam ab aliis laudatis: *θέουσι δὲ οὐτε πρὸς ἔω, οὐτε πρὸς δυσμὰς, ἀλλὰ πρὸς ἄρκτον ἢ νότον*. (quibus simillima sunt in Aelian. H. A. IV, 6, etsi non assequor, quid suavitatis poeticae habeat in carmine haec tam curiose facta circumscriptio) differt tantum philosophus a poeta in hoc, quod occidentem simul excludit. *Caurus* seu *corus* hic septemtrionalibus ventis adnumeratur; *flat ab occasu solstitiali et occidentali latere septemtrionis a Graecis dictus Argestes*, ex *frigidis-simis* et ipse — Plin. XVIII, 34, s. 77. conf. Martin. (vid. Gell.

N. A. II, 22. *Wr.*) — 279. *pluvium frigus*, quod austro tribuitur, molestias creat Intpp., imprimis Martino. Enimvero notum satis est, poetico sermone *hiemem* et *frigus* simpliciter de pluvio tempore dici. Itaque et *frigidus auster* Ge. IV, 261, qui *humidus auster* Ge. II, 462. Ductum autem ex Homero, qui suum caelum respiciebat. Hinc et Hippocr. II de diaeta c. 5, t. 6 *ἀνάγκη δὲ τὸν νότον θερμόν τε εἶναι καὶ ὑγρόν, ὅκον μὴ τῶν χωρίων αἱ θεσεις αἰτιαί εἰσιν*. conf. c. 6, t. 9.

280. *Hippomanes*, humor, non venenum, ut male *virus* accipitur, ex equae, ubi Veneris stimulis incaluit, locis eliquatus, quo pro philtro usae esse videntur veneficae; ut etiam Probus observat; addit poeta: *vero quod nomine dicunt*, proprie, quia scilicet eo nomine etiam appellatur caruncula, fronti (et linguae) pulli recens editi innasci,

Miscueruntque herbas et non innoxia verba.

Sed fugit interea, fugit inreparabile tempus,  
Singula dum capti circumvectamur amore. 285  
Hoc satis armentis. Superat pars altera curae,  
Lanigeros agitare greges hirtasque capellas.  
Hic labor; hinc laudem fortes sperate coloni.  
Nec sum animi dubius, verbis ea vincere magnum

283 *que abest a Menag. pr. Miscuerantque duo. Miscuerintque* Romanus et Mead. Versus hic bis in hoc carmine occurrit, hic et Georg. II, 129. Vix probabile fit in carmine tam elaborato poetam hoc admisisse. Restat, ut iudicandum sit, utro loco insertus esse videri possit ab alia manu. Iam in praesenti loco vix bene eo careas. Altero loco, Georg. II, 129, melius abest, cum ibi de beneficio proprie dicto agatur, cum quo carmina, *verba non innoxia*, non necessario coniuncta sunt: vid. ad e. l. Brunck. (et nostram notam. *Wr.*) 284 *irremeabile tempus* Zulich., ut et unus Aen. X, 467 exhibet. conf. Burm. ad Anthol. Lat. p. 131. 285 *cum* Rottend. alt. *rapti* Ven. *rapti circum sectamur* Erf. 286 *Hic* Ven. *Superest* Medic. a m. sec. (in Medic. legitur: *superat est*; sed *est* transfixum et rubris punctis notatum. *Wr.*) 287 *Lanigeras* alt. Menag. 288 *Hinc labor* Medic. Pierii cum aliis pluribus; et sic edd. vulgg. ante Heinsium, qui bene revocavit *Hic*, quod iam Nauger. reposuerat. Sic Medic. Rom. et fragm. Vatic. *laudes* Parrhas. Regius et unus Mead. *sperare* Ven. Goth. uterque et edd. Ven. 1475. 1476. 289 *Non sum* Rottend. Leid. alter. *verbis evincere* Gudianus, ut Lucret. V, 100 *pervincere dictis. me vincere* Ven. Lucret. V, 734 *Difficile est ratione docere et vincere verbis*. Vincimus ardua et difficilia; h. l. ea, quae tenuia et exilia sunt, ut in carmine vix placere possint, vincit poeta ornando verbis ornantibus et tropicis.

et ab equa enixa statim devorari credita. vid. Plin. VIII, 42, s. 66. Aelian. H. A. XIV, 18. Antig. Caryst. 24. c. nota Beckmanni. conf. Aen. IV, 515. 516; porro etiam herba aliqua: Theocr. II, 48. 49. Est de *hippomane* disputatio Baelii in Dictionario, nec tamen quicquam reconditi habens. Praestat Aubentonum et Buffonum (*Hist. nat.* T. IV, pag. 214, et p. 329) audire, qui docuere, fronti pulli talem carunculam raro admodum adhaerere, sed inter amnium et alantoidem membranam eam fere reperiri, et esse pro liquoris interfusi faecibus habendam. Verum in nostro hippomanes prioris generis

memoratur: conf. Tibull. II, 4, 58. Propert. IV, 5, 18. Respicit ad eum Plin. XXVIII, sect. 80. 282. *malae*, impiae, iniustae; supra Georg. II, 128 *saevae*; ubi hic idem cum sequente versu legitur. Videtur cogitandum de amore Phaedrae in Hippolytum aut simili alio novercae in privignum. 283. *non innoxia verba*, incantationum, carmina magica. (De forma orationis vid. Q. V. XXXIII, 4. *Wr.*)

284 — 403. Transitus a cura armentorum ad curam ovium et caprarum. Dum omnia haec de armentorum cura sigillatim pertractamus, singula perlustramus, capti harum rerum studio. *agi-*

Quam sit, et angustis hunc addere rebus honorem. 290

Sed me Parnasi deserta per ardua dulcis  
Raptat amor. Iuvat ire iugis, qua nulla priorum  
Castaliam molli devertitur orbita clivo.

Nunc, veneranda Pales, magno nunc ore sonandum.  
Incipiens stabulis edico in mollibus herbam 295

290 *hinc addere* malebat Burm. (etiam Wakef. ad Lucret. I, 921. *Wr.*), ex verbis scilicet honorem addere. Et sic plane Goth. pr. Enimvero *hunc honorem*, ornatum hunc, cui cum maxime operam impendit. 293 *devertitur* optimus quisque scribit. *divertitur* alii. vid. Burm. adde Pierium. 294 *ore canendum* unus Mead. 295 *tabulis* Gud. (*tabulis* etiam Medic., sed supra scripta s. Cortius ad Lucan. II, 79. haec scribit: „stabulis *edico* mollibus. vitiose Ms. Bosii: *in moll.*“ At haec videtur omnium librorum esse lectio. *Wr.*)

*lare greges* proprie agere, pascere, hinc omnino curare. 288. In hoc opera vestra posita esto; cura pecudum vobis inprimis cordi sit. *fortes* h. l. ornat. *laudem*, qualis boni ac prudentis patrisfamilias esse potest.

289 — 293. Satis quidem novi, quam difficile sit, haec poetica oratione commode exprimere, et res tam tenues pro dignitate carminis satis ornate commemorare. Sed studium huius rei abripit me ad hoc carmen pertexendum, et inflammat me haec ipsa cogitatio, quod in materia versor, a nullo adhuc e Romanis poeta tractata. Ut pulcritudo carminis simul elucescat, ad vulgarem orationem singula revocavimus. Ita enim demum intelligere poetam videri possumus. Ceterum, quod iam Macrobius VI, 2 monuit, manifestum est, poetam hic vestigia pressisse Lucretii I, 921 — 929, et V, 98 sqq., hoc quidem loco inter alia: *Et quam difficile id mihi sit pervincere dictis, Ut fit, ubi insolitam rem adportes*

*auribus ante* etc. Nostro autem haec eadem sublegit Manilius III, 25 — 30 sqq., et locum respexit Plinius XIX, 4, s. 19 extr. *honorem* h. l. pro ornatu, dignitate. *molli clivo*, ut facilis adscensus et descensus sit. Respicit autem hic *avia Pieridum loca nullius ante Trita solo. devertitur*, devertit se, deflectit, ducit ad *Castaliam κρήνην* nullus trames, quo prior alius incesserit.

294. *veneranda Pales*, ut *sancta dea*. Videtur tamen ad religiones pertinere. Nam *cana Pales* apud Statium Theb. VI, 111. *grandaeva Pales* Nemes. Ecl. I, 68. *magno ore* respectu vs. 289. 290, quod rebus tenuibus dignitatem addere constituit.

295 sqq. Primo loco per hie mem in stabulis tenendas et alendas esse oves et (v. 300) capras praecipit. *Incipiens*, ἀρχόμενος, ut passim Graeci, h. et primum quidem; aliis locis, *Principio*, *Continuo*, et v. 300 *Post hinc digressus*, h. deinde vero. Observes et haec eo fa-



Carpere ovis, dum mox frondosa reducitur aestas;  
 Et multa duram stipula filicumque manipulis  
 Sternere subter humum, glacies ne frigida laedat  
 Molle pecus, scabiemque ferat turpisque podagras.  
 Post hinc digressus iubeo frondentia capris 300  
 Arbuta sufficere, et fluvios praebere recentis;  
 Et stabula a ventis hiberno opponere soli

296 *educitur* Menag. pr. *inducitur* Parrhas. *Edico* carpere — *sternere* — *sufficere* et *praebere*: haec ad pastores, primo quod loco ponitur, ad oves spectat; *edico* oves *carpere*, et pastores *sternere*. Sed ferenda haec in omni oratione. 297 *Et multam duram* Goth. sec. *Et multum dura* Ven. *dura* fragm. Vatic., et a m. sec. *in stipula. durum* Rom. *felicum* Mentel. pr. (Medic. *stipulam*, m fere abrasa; idem *felicum*, ut Ge. II, 189. *Wr.*) 300 *degressus* unus Leid. *digrediens* Servius ad Aen. VIII, 546. (— 301. *recentes* Medic. *Wr.*)

cere, ut tenuitas carminis vite-  
 tur. *stabula mollia*, in quibus  
 molliter habentur, explicat vss.  
 297. 298. De substernendae autem  
 frondis diligenti cura videantur  
 Cato de R. R. c. 7, 7. Varro II, 2,  
 7. 8. Colum. VII, 3, 8. Adde Calpurn.  
 Ecl. V, 116 sq. locum e nostro adumbratum.  
*carpere herbam*, in praesepe appositam,  
 h. ali (quae autem eae herbae seu  
 pabula sint, vid. apud Colum. VII, 3,  
 21. 22 et 4, 2. cf. Calpurn. Ecl. V,  
 98—103), *dum mox frondosa reducitur  
 aestas*, non verum tempus, quo educi  
 possunt in prata tantum vicina et  
 campos, sed aestatem memorat, cum  
 caeli constantia ea est, ut in silvis et  
 saltibus sub dio agere possint. vid.  
 Calpurn. V, 44—52. 297. De *filice* vid.  
 ad Georg. II, 189. Substernere iubet  
 in humo stramina, ut adversus gelu  
 tueatur: eloquitur altera exquisitiore  
 forma: *substernere humum stipula*,  
 stramine (I, 289). 299. *turpes podagras*.  
 Videtur *clavum* innuere, morbi genus,  
 cum tubercula

in ungulae discrimine nascuntur. vid.  
 Columell. VII, 5, 11. Sic et Martinus  
 coniecit; reddit autem pedes *turpes*,  
 deformes tuberibus et nodis.

300. Etiam caprarum cura est  
 habenda; primo quidem per hiemem.  
 301. *Arbuta* (vid. Ecl. III, 82) *frondentia* pro *frondibus  
 arbuti*. 302—304. Colum. VII, 3, 8  
 de ovibus: *humilia facere stabula*—  
*ut simul hieme calida sint*—ea poni  
 debent contra medium diem: *namque  
 id pecus, quamvis ex omnibus animalibus  
 vestitissimum, frigoris tamen impatientissimum  
 est*; et de capris VII, 6, 5 *huic pecudi  
 nocet aestus, sed magis frigus*. Varro  
 quidem de R. R. II, 2, 7 *stabula* (ovium)  
 loco idoneo ut sint; ne ventosa; quae  
 spectent magis ad orientem, quam ad  
 meridianum tempus: et de capris c. 3,  
 6 *stabulatur pecus melius, ad hibernos  
 exortus si spectat, quod est alsiosum*.  
 cf. Geopon. XVIII, 9. Sed malim  
 affirmare, Virgilium in hoc a Varrone  
 discessisse, quam

Ad medium conversa diem: quum frigidus olim  
Iam cadit extremoque inrorat Aquarius anno.  
Hae quoque non cura nobis levior tuendae; 305  
Nec minor usus erit: quamvis Milesia magno  
Vellera mutantur Tyrios incocta rubores.

304. CADIT,

303 *At Menag. pr. tum f. o. Iam redit Ven. dum f. unus Arandel.* quod pedestri verbo propius, usque dum. („Vossius *dum* recepit, quod necessarium est, nisi forte post *diem* punctum posueris et reliqua sic distinxeris: *Cum frigidus — — unno; Hae quoque — — tuendae.*“ Haec Iahnus; sed quare *dum* necessarium sit, non video. *Wr.*) 304 *extremo nudatque Parrhas.* 305 *Haec quoque — tuendae* Romanus antiquissimus cum fragm. Vaticano; unde apparet, a lapsu librarii primum ortum habere alteram lectionem Ms. Medic. *Haec — tuenda.* Et hoc interpretantur Servius, Philargyrius, Grammatici, tamquam exquisitam generis enallagen, et sic plerique libri cum edd. Ven. et Mediol. et Aldd. pr. et sec. At Nanger. in Ald. tert. *Haec — tuendue*, quod ab iis, qui Aldd. priores exprimebant, neglectum Heins. recte revocavit, Philargyrius habebat, et Gud. cum Moret. et omnes Martini libri. (Veterrimi libri saepe sunt indices corruptelarum, ut h. l. Rom. et fragm. Vatic., in quibus *Haec — tuendue*. Ut rarissimus est feminini *hae* usus, ita longe creberrimus neutrius *haec*; quare nihil miraberis, si *hae* fere in *haec* mutatum reperies; cfr. Aen. III, 167. VI, 853. VII, 175. XII, 849. Quod hoc loco etiam facilius fieri potuit propter sonum proximae literae *q*. Iam vero quum pronomini *haec* non convenire intelligerent *tuendae*, *tuenda* scripserunt. Nec commode *Haec tuenda* de capris dixeris, quae toto genere spectantur, non speciebus. Recte contra Ge. II, 47.: „Sponte sua quae se tollunt in luminis oras, Infecunda quidem;“ quum arborum plurimae sint species. Quem locum cum nostro comparare non debuisse Wunderlichium, iam intelligitur. *Wr.*) Nec unus Mead. *Haec — tuendum* Heins. adscripserat in marg., quae Lucretiana forma foret. Quorsum tamen eam inferas? Calpurn. V, 9 *quos ecce greges a monte remotos Cernis in aprico decerpere gramina campo: Hos tibi do senior iuveni pater; ipse tuendos Accipe. cura brevior* Ven. *vobis* Moret. qu. pro var. lect. 306 Non deterius foret distinguere: *Nec minor usus erit. Quamvis Milesia magno — rubores: Densior hinc* (a capris) *soboles.* (Praestat altera ratio; neque cum Wunderlichio plene interpunxerim post *tuendae. Wr.*) 307 *incocta colores* Goth. sec., ut et Romanus cum aliis Pierii, male. *rubores* etiam fragm. Vatic.

huius concordem cum Varrone sententiam poetae, tamquam quaestione admota, exprimi, *a ventis*, h. aversa a ventis, inprimis aquilone. conf. inf. v. 318. *hiberno soli opponuntur* eo ipso, quod *sunt ad meridiem conversa*. Tandem *cum — anno*, h. hiberno tempore. Aquarius occidit medio Februario. *extremo*

autem *anno*, s. anni parte, si is a vere initium habet: cum huius enim ortu, operis rustici novus ordo procedit. 307. Caprini generis curam non esse negligendam ait, etsi ditiolem provenitum ex ovibus esse non neget. *Milesiam lanam* memorat poetico more, dum genus aliquod, et quidem praestantius fere, pro

Densior hinc suboles; hinc largi copia lactis.  
 Quam magis exhausto spumaverit ubere mulctra:  
 Laeta magis pressis manabunt flumina mammis. 310  
 Nec minus interea barbas incanaque menta  
 Cinyphii tondent hirci saetasque comantis  
 Usus in castrorum, et miseris velamina nautis.

### 312. HIRCI, COMANTIS,

308 *hic largi* fragm. Vatic. 309 *Quam magis* Heins. confirmavit e Mediceo et quos habebat omnibus, excepto tert. Rottend., quod idem ille copiose illustrat, et pluribus c. Lucretio illustrare aliquis possit. Vulgarum formam habet alterum, *Quo magis*, in Romano, et aliis Pierii, (etiam 3. 8. *Wr.*) ed. Ven. et quod mireris Nauger. Ald. tert. cum seqq. Mox *multra* fere scribunt, etiam *mulcra*. vid. ad v. 177. *exhausta* alter Rottend. *ubera* et hic Rom. *ubere exhausto* est, expresso. 310 *manabunt flumina mammis* ubique editur; sic Mediceus cum bonis aliis; etiam fragm. Vatic. *ubera* Romanus cum aliis Pierii, Parrhas. et pars libror. Heins. Goth. pr., omnes Martini, uno excepto Cantabr., edd. Ven. et Medic. Praeferebat hoc Pierius, Gifan., Cerda, Oudendorp. et alii viri docti. *ubera* cum *mammis* iuncta non magis offendant ac *nemorum silvae, rivorum aquae* et similia. Sed ut pulcrius, ne *ubera, ubere*, succedant in binis versibus, ita verisimilius *flumina*. Obversari poterat librario *ubere* e versu sup. Utramque lectionem Philargyr. memorat. 312 *Ciniphei, Cyniphi, Cinyphai, Cynisei*, male scribunt alii. (*Cinyphi* Medic., sed altera *i* supra apposita. *Wr.*) Est *Κίνυψ*. vid. Herod. IV, 198. *hircis* Romanus, et in aliis Pierii *hirquis*; ex interpolatione interpretis. vid. Not. Reiskius modo *tradent* pro *tondent*, ut *hirci* nominativus sit, modo *hircis*, ut *Cinyphii* sint ipsi Afri incolae, modo *Cinyphiis hircis* comiciebat, ut subaudiatur: pastores tondent. (*comantes* Medic. *Wr.*) 313 versus ap. Colum. VII, 6, 2.

communi nomine ponendum est. *magno mutantur*, permutentur, magno pretio emantur, *vellera incocta Tyrios rubores*, pro incocta ruboribus, lanae coquendo tinctae purpureo colore.

308. Nam διδυμοτοκεῖ δὲ ὥς ἐπὶ πολὺ, καὶ τρέφει τὰ γεννώμενα, καὶ προσόδους δίδωσιν οὐκ ὀλίγας, τὰς ἀπὸ γάλακτος, καὶ τυροῦ, καὶ ἐρέας (aut potius κρέως, ut bene Niclas), πρὸς δὲ τούτοις τὰ ἀπὸ τῆς τριχός: Geopon. XVIII, 9. cf. Colum. VII, 6, 7. 309. Quo magis — eo magis. *Quam magis — tam magis*. ut Aen. VII, 787. 788; vid. h. l. Heins. Mox *flumina* de magna copia, res in poetis obvia.

311 — 313. E Varrone R. R. II, 11, 11. conf. Geopon. XVIII, 9. 313. *Usus in castrorum*. conf. Calpurn. V, 67. 68. locum expressit Silius III, 274 — 276. *tondent*, scil. homines, pastores, ut iam aliquoties vidimus. sicque iam Philargyr. *Cinyphii hirci*; *Cinyps* fl. Libyae, in ora nunc Tripolitana, exit in sinum Syrticum. Eodem nomine regio nota; conf. Intpp. Ovidii V Met. 124. *hircus* h. l. ab eo dictus, dum e poetica ratione a praestantiore aliquo genere epitheton ducitur, ut toties iam notatum, et ut mox *Lycaens* pro quocumque monte, et v. 332 *quercus Iovis*. cf. v. 345. Cili-



Pascuntur vero silvas, et summa Lycaeï,  
 Horrentisque rubos, et amantis ardua dumos; 315  
 Atque ipsae memores redeunt in tecta, suosque  
 Ducunt, et gravido superant vix ubere limen.  
 Ergo omni studio glaciem ventosque nivalis,  
 Quo minor est illis curae mortalis egestas,  
 Avertes; victumque feres et virgea laetus 320  
 Pabula; nec tota claudes foenilia bruma.  
 At vero, Zephyris quum laeta vocantibus aestas  
 In saltus utrumque gregem atque in pascua mittet:

314 *vere* Parrhas. 316 *suusque* Ven. *immemores* Medic. (*ipse immemores* apud Foggin. *Wr.*) 317 *Deducunt* Donat. ad Terent. Hecyr. IV, 4, 27. 318 *ventos glaciemque* Parrhas. et quart. Moret. *ventosque minaces* Vratisl. *nivosis* Venetus. (*omnis studio* Medic. *Wr.*) 319 *Quo minor* antiquissimus et optimus quisque Rom. Medic. et alii, et sic cum Serv. ac Philarg. maior pars librorum Heins. et Martini, etiam Goth. uterque cum Erf. (et ita Parisini omnes. *Wr.*); adde edit. Eguatii et alias nonnullas antiquiores; eodem sensu ac vulgatum *Quo minus*; poetica ratione adverbium in epitheton aut adiectivum mutari quoties iam vidimus! Sed a sensu versus plane aberrabant critici. v. Not.; hinc erat, quod alterum praeferebant. 320 *Avertas* Menag. alter. *Avertis* Ven. *largus* mallebat Io. Schrader. (vid. Not. *Wr.*) 321 *claudis* Medic. (*faenilia* idem et fragm. Vatic. cum Rom. *Wr.*) *claudas* Erf. *feralia* Parrhas. a m. pr. 322 *Legebatur: At vero Zephyris cum laeta vocantibus aestas: In saltus utrumque gregem atque in pascua mittes.* Ita vero dura erat verborum innotura, cum supplendum esset: *quum lueta aestas*, scil. erit. Obvium tamen est, duo versus 322. 323 esse protasin; et *mittet* et leniorem et elegantiolem orationem efficere; *aestas mittit*, qua incipiente mittuntur. Et *mittet* Mediceus a m. pr. et libri apud Ursinum habere memorantur. Ceteri omnes, etiam fragm. Vatic. cum editis, *mittes*, prono lapsu. (*mittes* a m. sec. Medic. *Wr.*) *mittas* Franc. Obtemperavit iam monenti Brunck. in ante *pascua* abest Rottend. alt.

ciorum autem ex hircinis villis  
 usum respici obvium est. Iul.  
 Sabin. „centones et coopertoria  
 lectorum. Anacliteria dicuntur  
 Mataratia.“

314 — 321. Addit hoc: facilem esse rationem alendi capras. *Pascuntur* seu depascuntur *silvas*, ut alibi prata, herbas, (cf. ad v. 143.) etsi et accipi potest, per silvas; sc. *caprae* e v. 300, et 316 *ipsae*. Mox *rubi* nobis *Brombeerstaude*. 316. sponte redeunt, *suosque ducunt*, de fetibus cum Servio accipio, quos

matres educunt ac reducunt. 318. Eo magis frigus, cuius impatientissimum est hoc pecus, ab eo arcere stude, et hanc ei operam impende tanto magis, quo minus illud in ceteris omnibus rebus cura humana indiget; *est egestas* (h. egent) *curae mortalis*. 320. Conf. Calpurn. V, 96 sqq. 110 — 115. *laetus* refer ad studium, si quis facit promte, lubenter. (*Laetus* i. q. pinguis, largus, ut vs. 385.; et vs. 494. sq. iunguntur laetae herbae et plena praesepia. Hinc ad lar-



Et cantu querulae rumpent arbusta cicadae:  
 Ad puteos aut alta greges ad stagna iubeto  
 Currentem ilignis potare canalibus undam; 330  
 Aestibus at mediis umbrosam exquirere vallem,  
 Sicubi magna Iovis antiquo robore quercus  
 Ingentis tendat ramos; aut sicubi nigrum  
 Illicibus crebris sacra nemus adcubet umbra;  
 Tum tenuis dare rursus aquas, et pascere rursus 335

328 Versum repetit Copa 27. cf. Cul. 151. 329 *At utroque loco Rom.*  
*et fragm. Vatic., veterē more. adque alta Rom. Aut puteos fragm.*  
*Moret. ad vel et ad alta codd. ap. Columellam l. c. aut letu Erf. Qui*  
*talia captat, potest tentare iubebo, ut v. 300 iubco, 295 edico, IV, 264*  
*suadebo. et recepit iubebo Wakef. 330 ilignis. Ita fere plurimi et*  
*fragm. Vatic. In aliis aberratur: illigneis, illignis, iligneis, ilineis, in*  
*lignis, lignis, vid. Pier. Heins. Martin. et Burmannus ad Antholog. Lat.*  
*lib. I, epigr. 110, 3. ligneis Goth. sec. (Medic. lignis, i tamen supra*  
*prae fixa; et primum ignis scriptum fuisse Foggino videtur. Wr.) 331*  
*ast mediis Parrhas. aut fragm. Vatic. Regius Martin. Longob. et tert.*  
*Rottend. ac nonnulli ap. Pier. et edd. vett. et unus Mead. ut ed. Ven.*  
*1482. in Nonius Marcellus in aestus. adquirere Longob. 333 tendet*  
*Leid. alt. In patulos tendat Moret. sec., per se non male. nigra Gud.*  
*nigram Mentel. pr. (apud sicubire Medic. a m. pr. Wr.) 334 sacrum*  
*nemus pr. Moret. Parrhas. Leid. a m. sec., et sic Gud. Sed in tali positu*  
*epithetorum perpetua permutatio. atra et arta pro sacra codd. apud Col-*  
*lumell. l. c. incubet Rottend. tert. et Erf. gressus pro crebris Medic.*  
*a m. pr. In vulgata nil mutat Columella. 335 Tunc Rom.*

*beat, aut fontis. In verbis*  
*autem, ubi quarta hora coeli,*  
*cuius mensuram e solis in caelo*  
*decursu cognoscimus (sic coeli*  
*menses Ge. I, 335; coeli tem-*  
*pore Ge. IV, 100), conlegerit si-*  
*tim, aestu tum succedente, con-*  
*traxerit, fecerit, animantibus*  
*sitim. Horatius noto loco Carm.*  
*IV, 12, 13 Adduxere sitim tem-*  
*pore, Virgili. Hora quarta*  
*autem, nobis fere nona. Nam*  
*in Italia quindecim horas habet*  
*longissimus dies secundum Plin.*  
*II, 75, s. 77. vid. h. l. Martin.*  
*328. Praeivit Hesiod. Ege. 582.*  
*583. Scut. Herc. 393—397. Si-*  
*milia alia vid. apud Cerdam.*  
*rumpent arbusta, solenne de*  
*magno clamore aut strepitu. cf.*  
*ad Ge. I, 49. Graev. Lect. Hesiod.*

c. 18. Scilicet proprie rumpi-  
 tur aer clamore per silvam; tum  
 ipsa silva. *arbusta* h. l. inter vi-  
 tes iugatas, ut bene monet vir  
 doctus, secundum Plinium, qui  
 eas nec in campis nec in frigi-  
 dis aut umbrosis nemoribus esse  
 ait, in loco de cicadis lib. XI,  
 27, s. 32. 334. *nemus adcu-*  
*bet, adstet, in propinquo si-*  
*tum sit, inprimis si in clivo sit;*  
*ut sup. v. 145 saxea procubet*  
*umbra. Nisi ad cubat simpliciter*  
*accipis pro cubat, situm est;*  
*ut apud Horat. IV Carm. 12, 18.*  
*(Proprie umbra dicitur cubare,*  
*accubare; hinc ipsae res umbram*  
*praebentes. Wr.)*

335—338. Tum poti greges  
 iterum educendi et pascendi us-  
 que ad serum vesperem. cf. Cal-



Solis ad occasum: quum frigidus aera vesper  
 Temperat, et saltus reficit iam roscida luna,  
 Litoraue alcyonen resonant, acalanthida dumi.  
 Quid tibi pastores Libyae, quid pascua versu  
 Prosequar, et raris habitata mapalia tectis? 340

336 *aere* Goth. pr. Ceterum maiorem interpunctionem e medio versu sustulimus. (Ald. tert. *Vesper* maiore litera; recte, nisi fallor, ob vs. 324.; ita proximo versu etiam *Luna*, non *luna* exarandum erit; ac mireris, cur vs. 338. *Halcyonen* Vossius, sed *vesper*, *luna*, idem scripserit. Sed vereor, ne hac in re infinitis locis peccetur. *Wr.*) 337 *rosida* scribunt nonnulli, ut et apud Columellam l. c. et alias. 338 *alcyonem* Reg. *resonent* alter Rottend. *acalanthida* tuetur librorum apud Pierium, Heins., Martin., constantia, quamquam diversis modis *achaia*ntida, *athalantida*, *acalenthida*, tandem *achantida*, sine *et*, scribitur. *acalantida* fragm. Vatic. *et acanthida* cdd. ante Heins., etiam veteres, insederat; pro quo laudari potest Calpurn. VI, 7 *ut vincat acanthida cornix*. Contra Paullinus: *Nec nisi vere novo resonant acalanthida dumi*. Similiter non modo *ἀκανθῖς*, verum et *ἀχаланθῖς* occurrit. vid. hic Heinsius. 339 *pastoris* Leid. *versa* Goth. pr., quasi subinde mutari solita. Sed verius librarii est ludibrium. 340 *Persequar* Zulich. *mappalia* male alibi scribitur. vid. Burm.

purn. V, 60 sq. et supra laudatos. *tenues* simpliciter ornat, a natura *aquarum* petitum. *reficit roscida luna*, h. ros cadens, dum luna lucet, noctu; adscriptus vulgari opinioni lunae, tamquam caussae. Hinc illud, quod ab Alcmane de rore dictum laudatur ab Intpp. (ap. Plutarch. Sympos. libr. III extr.) οἷα Διὸς θυγάτηρ μέγα τρέφει καὶ Σελάννας δίαις: felici commento facit rorem, τὴν Ἀρόσον, Iovis et Lunae filiam. *rorifluam Lunam* in Catalectis invenias pag. 239. Contra sideribus tribuitur ab aliis *Humor ille, quem serenis astra rorant noctibus* Pervigil. Ven. 20. Ea ipsa de rore et nocturno humore observatio fecit haud dubie, ut Lunam deam γόνιμον, almam rerum matrem, crederent. *Litora resonant alcyonen*, h. alcyones cantum: memoratae iam Ge. I, 398. 399. (aliter hoc explicat Wunderl. ad

Aen. I, 328. *Wr.*) *Acalanthis* pro eadem habetur cum *acanthide*, seu *cardueli*, *Goldfink*.

339 sq. — 383. In saltus et pascua educendos esse greges dixerat a v. 322. Dum poeta undique ornatum carmini et gratiam ex varietate quaerit, ut ad hanc pascendarum ovium curam exemplo invitet, Afrorum nomadum morem memorat, qui per totam aestatem pecus in saltibus habent; at contra 349. in septemtrionalibus plagis semper in stabulis pecus continetur. Ceterum locus est ex nobilissimis.

339. *Libyae pascua* iam ab Homero nobilitata Odyss. δ, 85. 340. *mapalia*, casae seu tuguria cannis ferulisve confecta in coni aut furni, aut in carinae speciem, ut apud Sallust. Iug. 21, seu sparsim solo fixa seu plaustis circumferri solita, ut apud Plin. V, 3. At h. l. prius

Saepe diem noctemque, et totum ex ordine mens-

Pascitur itque pecus longa in deserta sine ullis  
Hospitiis: tantum campi iacet. Omnia secum  
Armentarius Afer agit, tectumque, Laremque,  
Armaque, Amyclaeumque canem, Cressamque pha-  
retram. 345

Non secus ac patriis acer Romanus in armis  
Iniusto sub fasce viam quum carpit, et hosti  
Ante expectatum positus stat in agmine castris.

343 *cumpis* unus Arundel. et unus Mead. 344 *Armentarnus* fragm. Vatic. a m. sec. *laboremque* Romanus, librarii stupore. 345 *Crassam-*  
*que* Menag. alt. *pharetramque* ed. Iunt. (Medic. *Amyclueum* a m. pr.,  
*Amycleum* a sec. *Wr.*) 346 *Haud secus* Quintil. IX, 3. *Nec secus*  
Goth. sec. 347 *Inulto sub fasce* fragm. Vatic. *quom* Rom. et fragm.  
Vatic. dum Nonius Marcellus in *fasces* et Donat. in Terent. Andr. I, 1, 9.  
Porro *et hostem* Medic. a m. pr. cum aliis nonnullis Heinsii, Regius, Goth.  
sec. Erf., item cod. Fabricii Chemnic. et Vegetii vett. edd. I, 19. duo vett.  
libri apud Pierium: sed perperam. In Vegetii codd. porro est *hostis ex-*  
*spectatus*, et *hostes*; vid. Misc. Obs. Vol. VII, p. 139. *hosti* etiam Rom.  
et fragm. Vatic. tuentur. 348 *stat ugmne sine in* Romanus. *stut in*  
*ordine* recitat Arusianus Messius Grammaticus. Et sic Leid. et margo  
Periz. ap. Vegetium, quod placebat Viro docto in Misc. Obs. I. I.

locum habet; nam sunt *mapa-*  
*lia raris tectis*, h. mapalia rara,  
sparsa passim per agros, non in  
vicis collecta. Silius *dispersa*  
*mapalia* dixit ex hoc ipso loco  
lib. XVII, 90. cf. inf. ad Aen.  
I, 420. Apud Lucan. IV, 684  
sunt *vacua*, h. vacuo et deserto  
in loco fixa. 343. *Hospitia*  
pulcre certae sedes ac domus,  
quo se recipiant. 344. Locum  
hunc imitatus Silius II, 441 —  
445. Habuit etiam ante oculos  
Valer. Flacc. VI, 324 — 339, ut  
iam notatum apud Burm. 345.  
*Amyclaeum* (sup. v. 89) *canem*,  
et *Cressam*, s. Creticam, *pha-*  
*retram*, a praestantiore genere  
(vid. ad v. 312) nominat. Licet  
poetis eiusmodi ornamenta cap-  
tare. Horat. *Non eget Mau-*  
*ris iaculis*. conf. eundem III,

19, 8. III, 26, 10. Nisi hoc es-  
set, de Nomade Afro talia me-  
morari non possent.

346. Non secus ac Romanus  
omnia secum agit, cum armatus  
incedit. *patriis* — *armis*, pul-  
cro epitheto; quod *patriam vir-*  
*tutem*, *disciplinam*, in animum  
revocat. 347. *Iniusto sub fasce*,  
magno onere, ut Serv. iam ex-  
plicuit, conf. ad Ge. I, 145. ubi  
*labor improbus*. Res est nota de  
Romano milite vel ex Cic. Tusc.  
Qu. II, 16, et laudatur Veget.  
I, 19 *Pondus quoque baiulare*  
*usque ad LX libras*, et *iter fa-*  
*cere gradu militari* etc. conf.  
Intpp. ad Taciti German. 30.  
348. *Ante expectatum hosti*, an-  
tequam hostis expectaret (vid.  
Burm.), h. subito, repente,  
*ἀπροσδοκῆως*. *stat in agmine*,

At non, qua Scythiae gentes, Maeotiaque unda,  
 Turbidus et torquens flaventis Hister arenas, 350  
 Quaque redit medium Rhodope porrecta sub axem.  
 Illic clausa tenent stabulis armenta; neque ullae  
 Aut herbae campo adparent, aut arbore frondes:  
 Sed iacet aggeribus niveis informis et alto  
 Terra gelu late, septemque adsurgit in ulnas. 355  
 Semper hiems, semper spirantes frigora Cauri.  
 Tum Sol pallentis haud umquam discutit umbras:

349 *Maeotia* Heins. cum melioribus, quem vide. *Maeotica* vulgo. (ut 11. 14.; *quas*, sed s puncto notata, Medic. *Wr.*) 350 *fluentes* Franc. *Hister* scribunt praecipui codd. hic et alibi; au recte, dubito. Est enim prava sequiorum saeculorum aspiratio. (vid. notata ad Ge. II, 497. *Wr.*) 351 *Quamque iacet* Schol. Horat. Epod. 10, sed aliter idem Od. III, 10. *redit* video a Pierio excitari, male. *Rhodope medium* Franc. *sub axe* Gudian. *gelidum* — *sub axem* scribendum esse contendebat Io. Schrader. Verum *medium* ornatus caussa adiectum, non geographica subtilitate. 352 *nec ullae* Romanus. 354 *arboribus* Ven. *aggregibus* Goth. pr. 355 *surgit* Franc. 356 *spirantis* Comm. Cruqu. ad Horat. Od. I, 22, sed ad Od. 25 *spirantes*. *spirantes frigore venti* Lutat. ad Stat. Theb. IV, 653. *Chauri* scribunt fere et hic, ut v. 278. (*Cauri* unus 14. e Parisinis. *Cauri* etiam Serv. Dresd. — 357. *pallentes* Medic. *Wr.*)

adstat agmine, ut *incedere*, *ire*, *sequi*, *agmine*. Usitatiore modo diceres: *agmen stat*. Scilicet *agmen* ipse exercitus, dum *incedit*. *positis castris*, dum *interea* celeriter castra ponuntur. Nam, cum *agmen* hosti se ostendit, a tergo vallum fit.

349. *At non* ita pascitur itaque pecus etc. (vid. V. L. ad Aen. IV, 528. *Wr.*) Debet itaque maior distinctio poni in fine versus 351. 350. Et Ister *turbidus* torquendo, dum torquet. (Ordo est: *Et turbidus torquens*; quod etiam Wunderl. significare videtur Obs. ad Tibull. I, 7, 15. vid. notata ad Aen. VIII, 559. *Wr.*) 351. *redit porrecta* simpliciter pro, it, procedit, est porrecta, dictum accipies. Vulgaris ratio erat, *iacet*; sed ut *flectit se* de montibus dicimus,

sic *redit* pro hoc ipso ponere potuit. Similiter *vergit*, *tendit*, mons ad septemtrionem. *sub axem*, polum, non geographica ratione poni, patet per se. Ceterum poeta latius septemtrionem declarat per Thraciam, quae a meridie eius fines constituere videri potest.

354. *Sed iacet terra, late informis aggeribus niveis et alto gelu, septemque in ulnas adsurgit*, scil. his ipsis aggeribus novis et alto gelu seu glacie. Poetica ratione extulit, quod communi erat: *nix*, qua obducta est terra, *adsurgit in septem ulnas*. (vid. Q. V. XXXIII, 3. *Wr.*) 356. *Semper hiems et Caurus*: quem paullo ante vidimus vs. 278 et quae sequuntur, de remotioribus versus septemtrionem plagis, etsi ad



Nec quum invectus equis altum petit aethera; nec  
quum

Praecipitem Oceani rubro lavit aequore currum.

Concrescunt subitae currenti in flumine crustae, 360

Undaque iam tergo ferratos sustinet orbis,

Puppibus illa prius, patulis nunc hospita plaustis.

Aeraque dissiliunt volgo, vestesque rigescunt

Indutae, caeduntque securibus humida vina,

358 *Nec dum* tres utroque loco et Goth. sec. *Nec cum vectus* Parrhas. et fragm. Moret. *altus* ed. Ven. 359 *latet aequore* Ven. (*lavit* prior, *lavat* altera Medicei lectio. *Wr.*) *cursum* Goth. sec. 360 *in* abest Reg. Martini. (— 361. *orbes* Medic. *Wr.*) 362 Distinctio huius versus ambigua, ut semper in tali positu. Posueram antea post *puppibus illa prius patulis*, sane *pandas carinas* dixerat II, 445. Burm. *patulis* ad *plaustis* referri malit, et hoc recte, ex canone aliquoties memorato, alterum potius ornandum esse epitheto, quam nomen prius; inde enim maior orationis vis existit: quamvis Wakef. male id fieri pronuntiet ad Lucret. VI, 550. Vir doctus Iac. Bryant totum versum pro suppositio habet; displicebat scilicet acumen a Maronis more et persona alienum. Si tamen sententiam prioris versus reputes: sustinet unda rotas, adeoque currus, quae prius navigiis pervia erat: acumen perit; et *hospita* est simpl. quae admittit, qua incedunt plaustra. 363 *dissolvunt* Ven. 364 *Induti* Gud. in rasura, ut Heinsio coniectura sit, fuisse *Indutis*.

miraculum aucta, vera sunt, non de iis, quas vss. 349. 350 posuerat. Sed poetae haec adnumerant, non appendunt; hoc est paullo crassius id, quod volunt, declarant, *ut maior ornamentorum copia inde suppetat*, quoties rationem ac delectationem affert rei dignitas, novitas vel magnitudo. Nec eo descendere necesse est, ut dicas, Thracicas oras olim graviore hieme laborasse; quod sane verum esse et ipse arbitror; verum in poeta tali subtilitate melius caremus.

357. Cf. illa Horat. Carm. I, 22, 17 sq. *Pone me pigris* etc. *umbrae* sunt nebulae et caliginosum caelum interdiu. Tres hi versus ex Homero versi Odyss. λ, 15 — 19. conf. Tibull. IV, 1, 65 sq. Valer. Flacc. III, 399.

Ovid. Met. XI, 592.— 358. *nec quum invectus equis*, curru, ἵπποις pro ἄρματι et ἵππεύειν curru vehi. *per Siculas equitavit undas Euris* apud Horat. 359. *rubro* — *aequore* non proprio vocabulo, sed ornante, pro rutilo, rubescente, igneo. Neque hoc loco evincere potest Cerda, etiam occidentale mare rubrum a Virgilio vocari.

360. Ornatissimi versus de glacie: et quidem ex repentino gelu. *Mollesque luti concrescere crustas* dixisse antea Lucretium notant Intpp. VI, 626. Idem *ferratos rotarum orbēs* VI, 555.— 363. Ge. IV, 135. 136 *Et cum tristis hiems etiamnum frigore saxa Rumperet*. At de aere laudatur Strabo II, p. 126 (74) cum Epigrammate, quod est quod in Analectis To. III, p. 234.

Et totae solidam in glaciem vertere lacunae, 365  
Stiriaque inpexis induruit horrida barbis.

Interea toto non secius aere ninguit:

Intereunt pecudes, stant circumfusa pruinis

Corpora magna bouum; confertoque agmine cervi

Torpent mole nova, et summis vix cornibus ex-  
stant. 370

Hos non inmissis canibus, non cassibus ullis,

365 *Et totae in solidam* Romanus. (Bothius *lagunae* edidit, et Wunderlich. *lacunas* pro *lagenis* accipit, cum stagna in glaciem versa post flumina glacie concreta commemorare ineptum sit. Recte quidem, siquidem sic simpliciter lacunas nominasset. Sed eas totas in solidam glaciem concrecere dixit, atque gradatione in his usus est. *Iahn.*) 366 Versus abest Romano. 367 *non setius* Rom. et plurimi. *non segnius* Vratisl., ut Serv.; et sic alibi. vid. ad Ge. II, 277. *aequore* unus Arundel.; et sic apud Priscianum lib. X, sed aliter Charisius. *aequore ninguit* ex vet. libro Giphani. Ind. Lucret. in *ninguere*. *mingit* Franc. 369 *Corpora nigra* Toll., forte *pigra*: sed vid. Burm. *conserto* Zulich. et Reg. Martini. *confecto* post Romanum Franc. Ven. et Goth. pr. sed vulgata ap. Lutat. ad Stat. Theb. VI, 601. 370 *et* deest Mediceo. (non deest, sed supra scriptum legitur. *Wfr.*) 371 *Quos non Parrhas. immensis* Zulich. Eadem varietas Aeneid. I, 125. *nec cassibus* fragm. Moret. et unus Arundel.

364. *humida vina*, h. alias fluida. Non itaque otiosum epitheton, ut apud Quinctil. Inst. VIII, 6, 40. Locum expressisse videtur Ovid. Trist. III, 10, 23. 24. Laudat Burmann. Statii Intpp. Theb. IV, 1. Macrobi. Sat. VII, 12. At inf. 379 cerevisia homines uti narrat poeta? Non esse haec in poeta urgenda, recte monet Ouwers pag. 596. 365. *vertere* se, verti solent. *lacunas*, fossas inter agros intelligit Servius, nimis anguste. Dixit poeta pro lacubus ac stagnis.

367. *non secius*, non minus, atque ante. conf. ad Ge. II, 277. (*non secius*, i. e. quam saevum frigus, tam multae nives; sic explicat haec Vir Doctus in Seebodii Nov. Bibl. crit. T. VIII. Vol. II. pag. 1192. recte, puto. *Wfr.*) Mox *pruinis* pro nivibus.

Videtur poeta h. l. certasse cum Homero Iliad. μ, 278 — 286, praeclaro loco. — 368. Si armenta stabulis tenentur v. 352, quid de his vss. fiet? Difficultatem vidit Iul. Sabinus. Scilicet cogitandum nunc de repentinis nivibus per eos quoque dies, quibus in pascua aguntur. Succurrere voluit Ouwers p. 594, dum *pecudes* et *boves* de feris minoribus et bubus agrestibus seu uris accipiebat. Durum id esset. Verum non nimis urgenda quae poeta ad miraculum effert cumulata ex iis, quae de borealibus plagis remotioribus narrantur. Intervalla esse debent hiemis remissioris et saevioris, etsi 356 *semper hiems*. Nam 360 *Concresecunt subitae — crustae*: ergo non semper durant. Itaque sunt quoque tem-

Puniceaeve agitant pavidos formidine pinnae:  
 Sed frustra oppositum trudentes pectore montem  
 Comminus obtruncant ferro, graviterque rudentes  
 Caedunt, et magno laeti clamore reportant. 375  
 Ipsi in defossis specubus secura sub alta  
 Otia agunt terra, congestaque robora totasque  
 Advolvere focis ulmos, ignique dedere.  
 Hic noctem ludo ducunt, et pocula laeti  
 Fermento atque acidis imitantur vitea sorbis. 380

372 *Puniceaque* unus Mead. *agitant pecudes* Regius. *pinnae* e melioribus Heins. *pennae* vulgares. 373 *Et frustra* Romanus. *oppositos* Goth. pr., putes fuisse *opposito*. *pectora* Gud. 376 *defossa* Venet. *speciebus* Rom. *specibus* Gudian. *scrobibus* Vratisl. 377 *que* in fine versus abest a multis; minus bene. (Medic. *totasque*, ultima tamen syllaba rubro puncto notata. *Wr.*) *totis* Leid. a m. sec. 378 *ulmosque* Ven. 379 *Hinc* Voss. pr. et Franc. *ludo noctem* Rottend. alt. (et Serv. Dresd. *Wr.*) *spolia* Goth. pr. 380 *Firmento* Medic. (dubitat Foggin., *ferment*, an *firment* exaratum fuerit; finalis o supra adiecta. *Wr.*) *frumento* que Francianus; notabilis lectio, utpote de cerevisia e frumento cocta. Tacit. Germ. 23 *Potui humor ex hordeo aut frumento, in quandam similitudinem vini corruptus*. cf. Geopon. VII, 34. *fermento* que Gud.

pora, quibus greges extra stabulum in agro habiti *repentino* gelu oppressi laborant. Neque in *cervis* haerendum; posuit, ut poeta, pro feris quibuscunque. 370. *mole nova*, insolenti, n. nivis. (*nive recens lapsa*, sic interpretatur idem V. D., quem ad vs. 367. laudavi. *Wr.*) 372. *formidinem* hic funiculum illum venatorum plumiis intextum esse, quo cervi territi in retia aguntur, obvium est. Aen. XII, 750 *Cervum puniceae septum formidine pennae*. Apud Senecam est Hippol. 46 *picta rubenti linea penna vano cludat terrore feras*. Dixit quoque suaviter nivis altam molem *montem oppositum*, quem urgent pecudes pectore, ut ex nive emergant aut ut incedant.

376. Vita populorum borea-

lium adumbrata ex iis, quae de Thracibus et Sarmatis narrari solebant, partim quoque de Germanis. (Tacit. Germ. c. 16. ubi vid. Brot. *Ipsi*, vid. Q. V. XVIII, 2, b. et d. *Wr.*) *defossos specus* pro fossis dixit: ut in Cul. 273 *defossas domos* pro subterraneis. *defodere* est proprie alte fodere, mox et fodiendo aliquid condere. 378. *advolverunt*, pro, *advolvunt*, ἀορίστως. 379. *noctem* appellat noctes longas hiemis. cf. vss. 357. 358. 380. *pocula vitea*, vinum, *imitantur fermento*, ζύμη, hordeo seu frumento fermentato, h. cerevisia, *atque sorbis*. Hoc quidem vinum nullo Romanis usu frequentatum; nam eius ne mentionem quidem faciunt R. R. antiqui auctores, et Pallad. II, 15, 4 *Item ex sorbis maturis, sicut ex piris, vinum*



Talis Hyperboreo Septem subiecta trioni  
Gens effrena virum Rhipaeo tunditur Euro,  
Et pecudum fulvis velatur corpora saetis.

Si tibi lanitium curae: primum aspera silva,

381 *Quin et H. Schol. Horat. Od. II extr., sed vulgata apud Donat. Priscian. Bedam. Hyperboreis Toll. (Yperboreo Medic., h minio supra appicta. Wr.)* 382 *Πιναῖα ὄρη* scribitur. (cf. notata ad Ge. I, 240. *Wr.*) 383 *velatur* recte Heins. reposuit, tamquam elegantius per graecismum, e Romano, et alio Picriano a m. pr., item Gudiano. *vellatur Ven. valla-* *tur Wakef. ad Lucret. IV, 591. ubi Pineae semiferi capitis vallamina* *quassans pro velamina* intulerant viri docti, recordatus huius loci *valla-* *tur* reponendo egregie locum sanasse se pronuntiat. At Naugerius dudum hoc idem expresserat Ald. tert.; redierant tamen editores, ut innumeris aliis in locis, ad vulgarem lectionem *velantur*, quae insidet reliquis codd.; etiam Medic. *fluviis* (a pr. m.) *velantur. (Velatur* notae Servii ap. Burm. praefigitur; sed aliae editt. cum cod. Dresd. *velantur*, vel sic salvo graecismo, si ex praegresso *virum* repetieris *vir*. At pluralis verbi debetur propinquo plurali *corpora*; vid. Q. V. VIII, 2, a. extr. Defendit tamen *veluntur* Cort. ad Lucan. IV, 367. *Wr.*) Versum languere facile sentias, si sententiam excusseris. Tamquam inutilem rescindere quoque volebat Iac. Bryant modo a me laudatus. Pedem fixerat poeta in loco lubrico. Narrationi finiendae sententiam subiicere volebat hanc: Ita vivunt populi septemtrionalium terrarum. Hoc, ut poeta, ornare debuit. Pro, ita vivunt, hac vita utuntur, adversus vim frigoris pellibus tecti; subiecit ornatiora *tunditur Euro gens et velatur saetis pecudum*: frigoris vim experitur, et adversus illam velleribus ferarum corpus munit. 384 *lanicium* Parrhas. scribit cum aliis. Aliter meliores. *Sit tibi* quidam codd. ap. Serv. Aen. II, 140 et ed. Norimb.

*feri* traditur, et acetum. Memorat tamen Plinius inter reliqua vini fictitii genera XIV, 16, s. 19, 3. Est autem *sorbus* nobis *Sperberbaum*, *Arlesbeer*. cf. Plin. XV, 21, s. 23.

381. *Septemtrio* seu *septem triones*, h. boves, quasi *teriones* a terendo dicti (vid. Varro L. L. VI, 4, et Gell. II, 21), sidus, antiquis Graecis *ἑπτάσταν* appellatum, quoniam sub plaustrī specie septem versus polum arcticum stellae repraesentabant; ut forte *septemtrio* sit *septem stellarum* seu currus; in plaustrī locum mox Ursa maior et minor, aut altera certe (Homer. Odys. ε, 273) successit. vid. Arat. Phaenonom. 27. conf. ad Aen. I, 744.

382. *Gens effrenorum virorum*, vulgari ratione; h. immanium, ferorum. *Eurum* iterum pro quocunque vento dixit; itaque *Rhipaeo* adiecit, ut borealem ac frigidum declararet; etsi, si arguteris, Rhipaei montes ab Oriente Scythiae positi videri possunt: de quibus ut de omni Septemtrione pro diversis temporibus et opinionum vicissitudine multa ac varia fabulatos esse veteres, saepe et a multis viris doctis monitum ac disputatum est, ariolationibus quoque de iisdem rebus interpositis. (— De vs. 383. vid. Q. V. XXXIII, 3. *Wr.*)

384 — 393. Praecepta super lanarum studio. vid. Colum. VII,

Lappaeque tribulique absint; fuge pabula laeta; 385  
 Continuoque greges villis lege mollibus albos.  
 Illum autem, quamvis aries sit candidus ipse,  
 Nigra subest udo tantum cui lingua palato,  
 Reice, ne maculis infuscet vellera pullis  
 Nascentum; plenoque alium circumspice campo. 390  
 Munere sic niveo lanae, si credere dignum est,

385 *tribolique* Romanus, Medic. Gud., ut Ge. I, 153. *fuge pabula tetra*  
 em. Schrader. At vid. Notam. 388 *cui tantum* Donat. in Phorm. Teren-  
 tii II, 56, Moret. quart. Franc. et Erf. *palatu* Mentel. tert. 389 *Reice*  
 scribebat Romanus, sed et v. 422 *Deice*. (*reice* ctiam Medic. et Servius,  
 quem vide. *Wr.*) *nam maculis* Gud. *inficiet* Menag. a m. sec. 390 *Na-*  
*scuntur* Medic. a m. pr. *Poscentum* Ven.; pro *Pascentum* credebat Burm.  
*Nascentis* Mead. *pleno* Reg. Martini. *plenumque* Rottend. alt. *cam-*  
*pum* Reg. 391 Io. Schrader. malebat *Vellere*. *sic credere* codex Servii  
 ad Georg. I, 16, facili lapsu.

3, 9. 4, 4. De *lappis* et *tribu-*  
*lis* Ge. I, 153. 385. *fuge pa-*  
*bula laeta*. Hoc poeta a con-  
 terraneis suis habet. Columella  
 VII, 2, 3 *pretiosiores lanae ha-*  
*bentur* — *quae circa Parmam et*  
*Mutinam* macris *stabulantur*  
*campis*; quamquam ibi nomen  
 locorum proprium esse volunt.  
 Philargyr. „quia laeta pascua  
 solocem lanam faciunt, hoc est,  
 minutam, duram atque hirsu-  
 tam.“ 386 — 389. Ita omnes  
 auctores R. R. post Democritum  
 Geop. XVIII, 6. vid. Varro R. R.  
 II, 2, 4. Colum. VII, 2, 6. 3, 1.  
 Pallad. VIII, 4, 2. Plin. VIII, 47,  
 s. 72. Aristot. Hist. Anim. VI,  
 13. Cf. Calpurn. Eclog. II, 36 sqq.  
 de lingua nigra coloris varii  
 caussa in sobole constare de-  
 buit e longa observatione. (*ipse*,  
 vid. Q. V. XVIII, 2, n. *Wr.*)  
 390. Alium circumspice e grege.  
 Nobilitavit rem tenuem: *pleno*  
*campo*.

391. Fabula e Nicandro sum-  
 ta, qui Georgica et ipse scripse-

rat. vid. Macrob. Saturn. V, 22.  
 Pan in arietem mutatus nivei  
 velleris pulcritudine Lunam in  
 nemorum recessus pellexerat.  
 Probus nivei arietis vellere se  
 circumdedisse Panem, etiam ex  
 Nicandro, memorat. Plures Ar-  
 cadum fabulae fuerunt de Luna  
 dea e caelo vocata; placuit in-  
 primis poetis narratio de Endy-  
 mionis amoribus: quibus adduc-  
 ta Luna de caelo descendit. Vi-  
 sum aliquod, opinatum, popu-  
 lare, (philosophema appello,  
 quoniam aliud vocabulum magis  
 aptum haud suppetit) in fabula  
 hac antiqua latere probabile fit;  
 forte Lunae deliquium. Pan Ar-  
 cadum deus domesticus, quo  
 Naturam rerum declarasse vi-  
 dentur. De Luna autem multa  
 erant fabulati, quae se etiam an-  
 tiquiores esse iactabant, *προσε-*  
*λήνο*ς. vid. Opusc. T. II, pag.  
 334 sqq. *Munere* lanae niveae,  
 h. pretio; re pretiosa: lana ni-  
 vea, qua se commendabat, offe-  
 rens se sub specie candidi arietis.  
*munus* appellare potuit poeta

Pan deus Arcadiae captam te, Luna, fefellit,  
In nemora alta vocans; nec tu adspersata vocan-  
tem.

At cui lactis amor, cytisum lotosque frequentis  
Ipse manu salsasque ferat praesepebus herbas. 395  
Hinc et amant fluvios magis, et magis ubera ten-  
dunt,

Et salis occultum referunt in lacte saporem.  
Multi iam excretos prohibent a matribus haedos,

394. AT, 396. MAGIS, AC M.

392 *capta* Rottend. alt. In utroque Meadiano vss. 391. 392 inverso ordine erant scripti. 393 *tu* abest Parrhas. *nec es aspersata* pr. Moret. *ne es adspersata* Gud., male. 395 *Ille manu* Romanus et Medic. Pierii, cum pluribus Heinsii, tribus Martini, Goth. pr. Erf. et vett. edd., quod equidem praeferrcm. *Ipse* Medic. Gud. Moret. pr. cum aliis tuentur; bene utique et ipsum, quis dubitet? (*Ille* commendat etiam Iahnus. At recte *ipse*, quod pronomen notandis rebus contrariis inservit. Nam quum antea ei, cui lanitium curae sit, praecceperit poeta, ut lacta et larga pabula fugiat, nunc contrarium facere iubet eum, qui lactis causa gregem alat. Denique haec *ipse manu*, i. e. mea, tua, sua manu, iungere amat Virgilius; cfr. Gc. IV, 329. Aen. II, 321. 645. III, 372. V, 241. 499. VII, 143. 620. *ipsa suis manibus* XI, 74. *Wr.*) 396 *magis et magis* ante Heins., ut in aliis. (hoc revocavi, et ita Medic. Gud. Moret. pr. Reg. alii-que, etiam, ut videtur, Rom. *Ac* videtur ab iis invectum, qui frequenti illa formula *magis ac magis, magis atque magis*, deciperentur. Hinc Ge. IV, 311.: „*tenuemque magis magis aera carpunt*“ multi codd. *ac* interponunt; eodem modo peccatur ap. Catull. XXXVIII, 3. Sed nostro loco alterum *magis* ab altero seiungendum, quod fit per *et*. Non movendum tamen et Cic. Epist. ad Att. XIV, 18. extr. Ovid. Heroid. II, 129. Horat. Od. I, 25, 6.; quamquam erunt fortasse, qui ac his locis scribendum putent. *Wr.*) 397 *occultam* Gud. *referant* Ven. *referent* Rottend. tert. 398 *Multi etiam* Leid. et Moret. quart. cum Goth. sec. et tribus Martini.

simpliciter id, quo inducimus et fallimus alterum.

394 — 403. Nunc de lactis studio. E Varrone II, 2, 19. cf. Pallad. XII, 13, 8. Geopon. XVIII, 12 et 19. De *loto*, herba, quae et *melilotus*, vid. ad Georg. II, 84. 396. *tendunt* (f. distendunt, distendant, ut alibi, v. c. Ecl. IX, 31) *ubera* lacte. Nam pinguescunt oves potissimum ex potu. Notavit iam Aristoteles Histor. Anim. VIII, 10.

398. Ut lactis maiorem co-

piam habeant, multi haedos non submittunt capellae, sed statim a matre depellunt sobolem (et v. c. vendunt, mactant etc.). *iam* accipio pro porro. *Multi* (eadem orationis forma Ge. I, 225 *Multi ante occasum Maiæ coepere* et 193 *Semina vidi equidem multos medicare*) *prohibent* haedos a matribus et excernunt, seu secernunt, amonent, hinc ornatus dictum *prohibent excretos*. Servius *excretos*, validiores, reddit. Duxit adeo ab



Primaque ferratis praefigunt ora capistris.  
 Quod surgente die mulsero horisque diurnis, 400  
 Nocte premunt; quod iam tenebris et sole cadente,  
 Sub lucem exportans calathis adit oppida pastor;  
 Aut parco sale contingunt, hiemique reponunt.

399 *Simaque* Heins. coni. *praefigunt* Leid. a m. pr., unde Io. Schraeder. *praestringunt*. 401 *a tenebris* cod. Leid. Servii ad Ecl. III, 5. *cadenti* Rottend. tert. *cadentes* Rom. (Medic. *cadente* cum lineola transversa in fine, ut sit *cadentem*; et sic liquido Serv. Dresd. *Wr.*) 402 *Sub luce* Rottend. tert. (et Serv. Dresd. *Wr.*) *exportunt* Romanus, Medic. Gud. cum multis scriptis et editis; etiam utroque Goth., item vett. Grammat.; atque ita illa: *udit oppida pastor*, discernenda sunt ab antecedentibus. Alios video distinguere: *quod — cadente*, *Sub lucem* (sc. premunt): *exportans calathis adit oppida pastor*. Ita totam noctem caseis premendis exigent. (*exportunt*, omnium Mss. lectio, revocata ab Iahnio, debetur praegresso *premunt*. Sic Aen. X, 138.: „Accipit et molli subnectens circulus auro,“ ubi aliquot codd. *subnectit*. Sic IX, 678. Medic. *coruscant* pro *corusci*, quia praegressum *adstant*. Sic vs. 424. ex praegresso *solvuntur* ortum *trahunt* in Medic. pro *trahit*. Hoc si tenueris, magna pars exemplorum, quae Heins. ad Aen. VI, 209. laudat ad tuendum pluralem num. verbi cum substantivo singularis numeri iunctum, idonea auctoritate destituetur; vid. Q. V. VIII. Praeterea ne ipsa quidem permutatio Participii Praes. cum tert. Persona plural. Praes. infrequens. Ita Aen. I, 57. *tenent* Medic. a m. pr. pro *tenens*; III, 527. *stant* Medic. pro *stans*; VIII, 43. *recubant* Medic. a m. pr. pro *recubans*; X, 540. *superstant* prior lectio Medicei pro *superstans*; X, 696. *manent* Medic. et Pierri Obl. pro *manens*. Hinc retinui Scaligeri emendationem *exportans*. *Wr.*) 403 *Ut parco* Rottend. sec. *Ac purce* qu. Moret. *contingunt* ubique legitur, nusquam *continguunt*. cf. Not.; ut nec inf. 448 *Aut tonsum tristi contingunt corpus amurca*.

*excrecere*: idque sequuntur alii, de auctoritate usus securi, cum aliud exemplum haud adduxerint. Potest tamen res analogia confici; usitatum enim est, *cretus* natus, a crescere, quod et fuit pro nasci. *concretus*, a con-crescere, itaque et *excretus*: dictum, ut *adultus* ab adolescere. Aut verba haec vim quoque transitivam habuere, aut fuit quoque *olere*, *adolere*, pro augere: de quo disputatum est ad Aen. I, 704 et iam sup. Ecl. VIII, 65. *Capistra* autem int. *περιστροφίον* genus aculeis insertis, quod non quidem os obturet, sed si uberibus os admoveant,

matrem pungat, eamque recalcitrare faciat.

401. *Nocte premunt* in caseum; *Mulgent vere ad caseum faciendum mane*: Varro II, 11, 4. quod autem lac vesperi mulsero, aut mane in urbem vendendum mittunt, aut caseum inde faciunt, et quidem compactum et durabilem; ut contra priore loco v. 401 de caseo, qui recens consumitur, loqui videtur. Sic satis expedita res videtur. 403. *parco sale*, modico, quia *et nimio sale imbui* potest. cf. Colum. VII, 8, 5. Ibid. §. 4 *caseus rursus torrido sale contingitur*; ut adeo *contingunt* esse videatur

Nec tibi cura canum fuerit postrema: sed una  
 Velocis Spartae catulos acremque Molossum 405  
 Pasce sero pingui. Numquam custodibus illis  
 Nocturnum stabulis furem, incursusque luporum,  
 Aut inpacatos a tergo horrebis Hiberos.  
 Saepe etiam cursu timidos agitabis onagros,  
 Et canibus leporem, canibus venabere damas. 410  
 Saepe volutabris pulsos silvestribus apros  
 Latratu turbabis agens, montisque per altos

405 *actumque Mol.* alter Rottend. *Molosum* scribunt plurimi. 407 *cursusque* Leid. 408 *indignatos* Medic. a m. pr., memoriae vitio. *im-plucatos* Ven. ed. Ven. (*Hiberos* cum aspiratione hic et ubique Medic. *Wr.*) 409 *onagris* Leid., sed v. Burm. *tumidos* unus Arundel. 410 *lepores* Toll. et Parrhas. *dammās* scribunt alii, hinc *damnas* Franc. 411 *pulsis* alter Rottend. 412 *turbabis agros montisque per altos* Medic., male. vid. Not. conf. Burm. *terrebus* Romanus.

pro *continguunt*, a *tingunt*, aut, ut veteres scribebant, *tinguunt*. Calpurn. V, 34 *rursusque premetur Mane, quod occiduae mulsum redegerit horae*. Quae ibi antecedunt: *At si forte vaces, dum matutina relaxat Frigora sol, tumidis spument tibi mulctra papillis: Implebis, quod messe fluat*; Mane, inquit, mulge oves: *implebis quod messe fluat*, lac habebis in messorum usum interdiu: ut apud Maronem in urbem exportatur. Ita nulla emendatione indiget locus. *calathis* vimineis, ut Copa 16. viti-  
libus.

404 sqq. — 413. Procedit ad curam canum. Praeiverat iam Hesiodus *Egy.* 604. 605. proximo loco Varro II, 9. add. Columell. VII, 12. Plin. VIII, 11, s. 61 sq.

405. *Spartani canes* (qui v. 345 *Amyclaei*), *veloces*, imprimis sagacitate et odoratu praestantes, venationi; *Molossi* autem ex Epiro cum venationi

tum gregum curae adhiberi soliti. 406. *Pasce sero pingui*. Expressit h. l. Nemesian. Cyneg. 159. Gratius Cyneg. 307. 408. Eodem, quem saepe iam vidimus, poetarum more communi, pro quocunque abigeo et praedone (qui Hesiodo ἡμερόκοιτος ἀνὴρ l. c.) *Iberum* posuit, quia ea gens rapinis et praedationibus infamis, imprimis cum nondum satis perdomita esset; hinc *inpacatos Iberos* appellat: Varro-  
nem de R. R. I, 16, 2 ante oculos fuisse poetae probabile fit: *multos enim agros egregios excolere non expedit propter latrocinia vicinorum, ut in Sardinia quosdam — et in Hispania prope Lusitaniam*. cf. L. Iff. de Abigeis. *a tergo*, in vicinia habitantes et insidiantes. — 409. *Onagros*, ferum asinorum genus, Phrygiae et Lycaoniae, Arabiae, ut nunc Syriae, nec non Africae cum assignent veteres (vid. Varro R. R. II, 6, 3. Plin. VIII, 44, s. 69), nemo in Italiae silvis

Ingentem clamore premes ad retia cervum.

Disce et odoratam stabulis adcondere cedrum,  
Galbaneoque agitare gravis nidore chelydros. 415  
Saepe sub inmotis praeseptibus aut mala tactu  
Vipera delituit, coelumque exterrita fugit;

413 *Ingenti clamore* Vratisl. (duo Mss. ap. Cort. ad Lucan. VIII, 290. *Wr.*) et Schol. Statii Theb. IV, 323, ut supra v. 43 hoc libro, *vocat ingenti clamore Cithaeron*; et praeferebat Burm., sed in utroque modo ornatui tantum inservit epitheton; neutro vim aliquam suam habet; igitur pareo auctoritati codicum, quibus accedit Nonius Marcellus. *Ingentes — cervos* Erf. 414 *in stabulis* alter Menag. *incendere* Colum. VII, 4, 6. qui recitat vss. 414—418 et 420. 421. (Medic. *caedrum*, ut etiam Aen. VII, 13. Et Aen. VII, 178. *cedro*, Aen. XI, 137. *cedrum* quum scriptum fuerat, utroque loco *a* supra scripta visitur. *Wr.*) 415 *gravi* habebant Servii libri. Sic Regius et Moret. pr. et edd. vett., ut vel ex Pierio patet; quod firmes ex Nicandro, quem h. l. sequutum esse nostrum manifestum est, qui v. 51 βαρύοδμος ἐπὶ φλογὶ μοιρηθεῖσα Χαλβάνη. Sed reliqui libri constanter *gravis* vel *graves*, et hoc ex propria natura huius serpentis. v. Not. *celidros*, *colydros*, *chelindros*, *cyldros*, aberrationes. 416 *sub ignotis* Romanus, non male. Sic quoque Erf. Sed perpetua haec variatio. Sic Aen. XI, 327. vid. Burm. 417 *delicuit* Rottend. tert. *dilituit* Gud.

commemorat. Itaque poetico more, cum omnino feram, quae canibus agitari posset, nominare vellet, certum quoddam, utque oratio esset doctior, minus notum genus posuit; sic supra *uros*, sic *cervos* alibi. Sic *cedrum* in Italia recensuit Aen. XI, 137, notante iam Victorio lib. XXXVIII, 1. 412. *agens* ad ornatum adiectum; vocabulum venantium proprium, dum urgent feras: Aen. IV, 71 *cerva* quam *fixit pastor agens telis*. et I, 192 *et omnem Miscet agens telis nemora inter frondea turbam*. Ita et 413 *premere*, premendo, urgendo, instando, ad retia agere.

414 sq. — 439. Sequuntur praecepta de cavendis noxiis animantibus. Vide Colum. VII, 4, 6. Geopon. XVIII, 2. Ante oculos poeta habuit Nicandri Theriac. 35. 51 — 53. Nostri vestigia pressit Calpurn. Eclog.

V, 86 sq. Conf. h. l. Cerda. De *cedro*, forte iunipero oxycedro, vid. ad Ge. II, 443, et Aen. VII, 13. 415. Plin. XII, 25, s. 56 *Dat et galbanum* (succum viscidum) *Syria in eodem Amanomonte e ferula* (de qua vid. ad Ecl. X, 25). *Sincerum si uratur, fugat nidore serpentes*. Alia loca vid. apud Cerdam et al. Intpp. Eiusdem *ferulae* etiam radix adversus morsus serpentum adhibebatur. vid. Samonicus de Medicina 846. *graves chelydros* dixit, (ut inf. *graves elleboros*, ex ipsa rerum natura) quia sunt foetore intolerabili quasi putris ulceris. vid. Nicand. Theriac. 411 sqq. (p. 28. ed. Gorr.). E Dioscoride et Galeno alia loca laudant Intpp. — 416. De *Vipera* quae vivos parit Plin. X, 62, s. 82. *mala tactu*, noxia, si tangatur. *caelum fugit*, h. lucem, stratis motis admissam.



serpentum genere esse potest, quia *pecori adspargere virus* solet. 420. *Fovit humum*. Magis explicite Ge. IV, 42. 43 *effossis latebris sub terra fovere larem*. *Fovet locum* is, qui multus et assiduus in eo moratur; sic *castra fovere* Aen. IX, 57, et sic, *fovere latebras in humo*; hinc magis poetice, *fovere humum*. Mox *Cape saxa*. Ita pugnantem inducit pastorem in Culice 155sq. 190. 421. *colla sibila*, quae sibilum edunt, *tumentem*, ex Nicandro Theriac. 179. 180 *ψαφαρός δ' ἀνατίμ- πλαται αὐγὴν Ἄκριτα ποιφύσ- σοντος*. cf. eund. v. 21. *Deiice*, prosterne, quia *tollentem minas*, h. sublato pectore et capite minuantem. Variavit versum poeta Aen. II, 381 *Attollentem iras et caerulea colla tumentem*. 422. *caput abdedit alte*, in terrae la-

Solvuntur, tardosque trahit sinus ultimus orbis.  
 Est etiam ille malus Calabris in saltibus anguis, 425  
 Squamea convolvens sublato pectore terga,  
 Atque notis longam maculosus grandibus alvum:  
 Qui, dum amnes ulli rumpuntur fontibus, et dum  
 Vere madent udo terrae ac pluvialibus austris,  
 Stagna colit; ripisque habitans, hic piscibus atram 430  
 Inprobus ingluviem ranisque loquacibus explet;

## 431. EXPLET.

424 *trahunt* Medic. a m. pr., quod, Heinsio iudice, non casui debitum videtur, qui ad Aen. VI, 209 plura huius generis collegit, ubi nomini singulari, cui plurium partium, formarum et individuorum, et cuiusvis tandem collectionis notio subest, aut quod poetico more pro plurali numero positum est, verbum plurale in codd. iungitur, ut sup. Georg. II, 89 *pendent vindemia*. Aen. III, 142 Gudian. *victum seges aegra negabant*. In perpetuis tamen librariorum in hoc genere erroribus nihil temere affirmem, nec parum tutam elegantiam captem. (vid. notata ad vs. 402. *Wr.*) Alioquin malebat Heins. in nostro loco: *tardosque sinus trahit ultimus orbes*; aut etiam *tardosque trahi* s. Scilicet communiore ratione *orbes trahunt sinus*. 425 *Ille malus etiam C. Parrhas. Esse iam ille Romanus*. 426 *Lubrica* pro *Squamea* Moret. pr. et Menag. pr. cum uno Arundel., qui et hunc versum exhibebat post v. 437, item Parrhas. Sed repetitum est illud cum toto versu ex Aen. II, 473 — 475. *sublatu* Medic. a m. pr. 428 *Et qui dum amnes ullis* Parrhas. *ullis* etiam Menag. pr. Rottend. sec. Moret. fragm. Regius Martin. *amnis* Gud. *ruperunt* ed. Ven. 429 *ac abest* ed. Iunt., etiam Argent. et Rom. *terrae palustribus* Ven. *pluvialis* Goth. pr. 430 Versus abest a Menag. pr. *colet* Gud. *ripisque*; molestum *tò que* et *tò hic*: sive ad *stagna* sive ad *ripis* referas: multo tamen molestius est, si prius adoptes. Vereor ne antiqua lectio, metri metu, mutata sit, cum esset: *stagna colit ripisque habitat*; *hic* — *hinc* p. Francianus, quod malim. (Bene se habent omnia; *hic* ad opposita spectat. Oratio sic procedit: „anguis, qui stagna colit, et, in ripis habitans, hic quidem, in stagnis, piscibus ingluviem explet, sed, postquam exusta palus, in agris saevit, homines et pecudes mordens.“ Hinc pronomen relativ. *qui* vs. 428. etiam ad vs. 433. sq. pertinet. Mutanda igitur fuit interpunctio, et post vs. 431. semicolon pro puncto ponendum. *Wr.*) *tum* p. Nonius in *Improbis*. 431 *Improbat* ed. Ven. *implet* Gud., uterque Mentel. et multi alii, etiam Pierii.

tebras sese proripiens; tamen vel sic feriri potest parte extrema. *extremae agmina caudae*, praeclare ad magnitudinem. Omnino sunt ornati versus: *orbes*, ut *κύκλοι*, et *nexus*, proprie de serpentibus.

425. De *chersydro* seu *dryino* et *dryina* agit. Est et hic ex hydrorum genere, forma similis

fere aspidi chersaeae parvae. Versus de eo Nicandri Theriac. 359 sqq., quos expressit Virgilius. Videtur de eodem in Culice agi; nescio an et inf. IV, 459. Respexit locum Statius Theb. V, 520 sq. 426. *sublato pectore*, erecto: ut ad v. 421. vid. h. l. Cerda. 428. *rumpuntur fontibus*, rumpunt se, erumpunt,

Postquam exusta palus, terraeque ardore dehiscunt,  
Exsilit in siccum, et flammantia lumina torquens  
Saevit agris, asperque siti atque exterritus aestu.

#### 432. DEHISCUNT:

432 *exusta* repositum ab Heins., ita enim veterrimus quisque, et sic bene dici docbat Burn. h. l. Sed confirmem etiam ex Nicandri loco, unde expressit: *ἀλλ' ὅταν ὕδωρ Σείριος ἀζήνησι* (h. *ξηραίνῃ*). *exhausta* vulgo legebatur, ut et in Mediceo Pierii erat interpolatum, et ut Gud. Ven. Goth. pr. et plures Martini exhibebant. A Mead. altero aberat v. 432. 433 *Extulit* Medic. depravatam ex *exulit*, quod Menag. pr. exhibebat; quamquam Heins. ad Aen. II, 207 illud ex eo usu defendebat, quo *se* subicitur, h. extulit se. *Exiit* Longob. et Medic. multi Heins. et Burn. Arundel. et Mead. Goth. alt., minus bene. *et* aberat a Regio Martini; in eodem *lumina linquens*. 434 *Serpit* Zulich. *asperque sinus* Medic. a m. pr. *exercitus aestu* in nonnullis legi Cerda notavit. Sic Colotianus habuit, et alius cod. Dorvillio memoratus Obs. Misc. Crit. Vol. I, pag. 3, sicque legebat vir doctus apud Markland. Ep. crit. ad Franc. Hare pag. 121; etiam Io. Schrader. Idem Heins. pro coniectura adscripserat; Marklandus *extorridus*. In eodem Obs. Crit. loco *expergitus* coniectatur. (In ipso Medic., quod fugit Heinsium, litera *t* rubro puncto notata, tum supra alteram *r* litera *c* minio appicta, ut fiat *exercitus*. *Wr.*) At vide Not.

prorumpunt se; ut Ge. IV, 368. *hic*, in ripis, abundat. (non abundat; vid. V. L. *Wr.*) 431. *in-gluviem* improprie dixit pro ventre, ut iam Servius; nam proprie est *πρόλοβος*, ut in avibus, primum in gutture cibi receptaculum. Laudat Cerda Aristot. Histor. Anim. II, c. 17. cf. inf. Var. Lect. ad Aen. II, 471. Silium haec imitatum esse, notat idem. Locus est lib. VI, 155—158. *atram* autem dixit, h. funestam, exitiosam, luctuosam. *Improbis*, immodice avidus, vorax. vid. ad Georg. I, 119.

432. Haec plane e Nicandro l. l. 434. *Saevit agris*, gravius, cum notione irae, quam *serpit*, incedit per agros. Nicander dixerat v. 371 *νέμεται διψήρεας ὄγμους*. *exterritus*, Interpretibus negotium fecit, cum *aestu* iunctum. In Obs. Misc. Crit. Vol. I, pag. 3 et 83 modo, ut *φοβηθεῖς*, *furore quodam per-*

*citus, excitatus, aut exterrens se*, modo de saevitiae ex caloribus vi exacerbatione, modo *ἐκπλαγείς*, *punctus*, *in rabiem versus*, explicatur. Simplicissimum utique est, ut *furens, insanus* exponatur; nam synonyma habentur: consternari, amentia corripere, furere. In Nicandri loco, quem poeta hic praesentare voluit, v. 371 *Theriac*. ipse serpens terret alios: *ἐν δὲ κελεύθοις Γλώσση ποιφύγδην νέμεται διψήρεας ὄγμους*. *in viis vero linguae sibilo exterefaciens incedit per siccos agros*. Schol. *τὸ δὲ ποιφύγδην ἀντὶ τοῦ φουσητικῶς καὶ μεθ' ὀρμῆς ἐκφοβῶν*. Sibila, τραγικωτέρως reddit Aeschyl. Sept. ad Th. 383 *Tydeus* — *μεσημβριναῖς κλαγγαῖσιν ὥς δρόκων βοᾷ*. Sed petiit poeta suum *exterritus* ex alio loco v. 417, ubi de *dryino* seu *chelydro*: *relictis ille paludibus, venans per prata ranas*,



Nec mihi tum mollis sub divo carpere somnos, 435  
 Neu dorso nemoris libeat iacuisse per herbas:  
 Quum positis novus exuviis nitidusque iuventa  
 Volvitur, aut catulos tectis aut ova relinquens,

435 *Nec mihi* Medic. Franc. duo Martini, cum ed. Paris. 1494, Goth. sec.; et sic ap. Quintil. IX, c. 3, ubi in aliis: *Nec noctu molles*. quod recipi praestat, ut iungatur sententia cum antecedentibus et lenior procedat. (Vulgo enim *ne*, quod incuria in textu a se relictum ait Wunderl. Praef. p. VII., retractata sententia, quam idem prouuntiaverat Observatt. ad Tibull. I, 2, 37.; retinuit tamen Iahnus. *Wr.*) *sub divo* vulgo editum ante Pulmann., sicque fere codd., etiam Medic. et Rom., idque revocavit Brunck. Pulmann. intulerat *sub dio*; nil refert; sed *divo* est antiquior scriptura, ut etiam ex Lucretio patet. Goth. alter etiam *molli* a m. pr. (*molles* Medic. *Wr.*) *clivo* Arundel. 436 *sileat iacuisse* Venetus, pro *liceat*, putat Burm., quem vide. *libeat dormire* alter Rottend., ex interpretatione. (Aen. I, 214.: „fusique *per herbas*“ et ita alias; sed recte h. l. *per herbas*; vid. Q. V. VIII, 3, III. *Wr.*) 437 *Compositis* Franc. et Parrhas. Idem versus inf. Aen. II, 473, ubi similis varietas. Alii post hunc versum repetunt v. 426. vid. sup. ad h. v. 438 *reponit* Serv. ad Aen. II, 357. Ceterum, quoties h. l. retracto, otiosi aliquid inesse sentio in his: *aut catulos tectis aut ova relinquens*, et offendit in tam polito carminis defectus copulae in *volvitur micat*; et quod caussae annumeratae sunt, quasi a scriptore historiae naturalis qui de incertis pronuntiare non audeat, *aut—aut*. Satis erat afferre ista: *novu cute indutum serpentem* cum maxime ira tumentem saevire. Nec plura memorantur in altero loco Aen. II, 473 — 475 *Quulis — nunc positis novus exuviis nitidusque iuventa* *Lubrica convolvit sublato pectore terga Arduus ud solem, et linguis micat ore trisulcis*. Neque ap. Nicandr. 31 sq., quem noster ante oculos habuit, annumerantur haec, *aut catulos, aut ova*. Suspicebam itaque duo a poeta poni tempora, quibus serpens furis maxime exardescit, pelle mutata et e puerperio: ut scriptum esset ab eo: *Quum positis novus exuviis nitidusque iuventa Volvitur, aut, catulos tectis atque*

Σπέρχεται ἐν μύωπος ἀηθέα δέ-  
 γμενος ὄρην, *furit ab asilo*  
*agitatus*, h. exterritus; ut recte  
 adeo ad furias, quibus corripitur,  
 referatur, ut supra v. 149  
 ab asilo *tota exterrita silvis* *Diffu-  
 giunt armenta. asper siti, ex-  
 asperatus, furens sitis impatien-  
 tia*. Videtur, ut iam Guellius  
 monuit, reddere voluisse Grae-  
 corum *Δίψη παραλλέος*, ut  
 Iliad. φ, 541. Statius l. c. 521  
*siccique nocens furit igne veneni*.

435. Subiicitur nunc aliud  
 periculi genus ex aliis serpentum  
 generibus, qui in cavernis latent  
 et ex iis prodeunt certis tempo-

ribus. Videtur pastoris in Cu-  
 lice memor esse. *Nec*, et *ne*,  
*mihi tum*, de forma vid. ad Ge.  
 I, 456. Hic autem alium Nican-  
 dri locum ante oculos habuit  
 Theriac. 28 — 34, et 137. 138.  
 conf. Valck. ad Theocr. pag. 253.  
 qui me non habet assentientem  
 in iis, quae disputavit, nec vi-  
 detur loci difficultatem per-  
 spexisse. 436. *dorsum* proprie  
 est montium; hinc, si montes  
 silvis consiti, etiam silvarum,  
 nemorum. Horat. Sat. II, 6, 91  
*Praerupti nemoris — dorso*. 438.  
*catulos aut ova*. Scilicet alia  
 serpentum genera sunt vivipara,

Arduus ad solem, et linguis micat ore trisulcis.

Morborum quoque te caussas et signa docebo. 440

#### 439. SOLEM ET ORA

*ova relinquens, Arduus ad solem linguis micat ora trisulcis.* Ita bene conveniunt: *volvitur aut micat.* Si pertinaciter lectionem vulgatam defendas, dicendum est, priore loco omisum esse *aut*, et povi tempora *tria diversa*: quum aut novus depositis exuviis, aut catulos relinquens, aut relinquens ova, apricatur. (Non uno modo lapsus est h. l. Vir Summus. Primum inagenda haec: *Volvitur arduus ad solem*; neque enim copula tot verbis postponitur a Virgilio; quare comma post *solem* posui. Tum nescio, qua auctoritate *ora* invexerit Heynius. Burmannus, quemadmodum in Mediceo exstat, *ore* exhibuit; qui quum nullam lectionis diversitatem commemoret, vix potest dubitari, quum in libris ipsius Heinsiique lectum fuerit *ore*: *ore* etiam Parisini codd. omnes et nterque Lips., item editiones veteres, quae mihi ad manum erant, omnes. Frustra igitur laborant Voss. Wuuderl. et Iahnus in manifesto sphalmate vel refelleudo, vel propugnando. Quod autem Heynius *aut ova* in *atque ova* mutatum vult, nullo modo probari potest, quum catuli antea commemorentur. At possunt simul in serpentis fovea et catuli et ova nondum exclusa iuveniri. Verum id quidem; sed nimis hoc exile ac tenue pro huius loci ratione. Facile concedas, altertrum desiderari posse; sed ornatus cansa haec cumulantur. Ceterum vid. Not. *Wr.*) 439 et abest a Leid. et Toll. *ore* Erf. (vid. notata ad vs. proxime praegressnm. *Wr.*) Idem versus Aen. II, 475. 440 *caussas*. Cum morborum caussas poeta non expediat, sed remedia: Io. Schrader. emendat, *curas*. Nimis severe in poeta. (quidni causas? statim exponitur, unde scabiem contrahant oves. *Wr.*)

alia ovipara. Melius tamen, quod Cerda et alii, ova aut catulos iam ovis exclusos. (vid. V. L. *Wr.*) Ceterum si uterque versus ad unum idemque tempus revocatur, necesse est, secundum poetam nostrum, ut eodem tempore serpens et pellem exuat et pariat ova aut catulos educet: quae an vere ita se habeant, non reperio. Serpentes fetum vere conceptum mense Augusto edere, spoliū autem hieme depulsa, qua sub humo latuerant, incalcescente sole, interdum tamen et auctumno exuere, memorantur ab Aristot. H. Anim. lib. V, extr. VIII, 15, al. 17. qui locus de vernatione serpentum est classicus. Vide nunc Schneider. Physiologia amphibior. Specimen I, pag. 12. 13.

Itaque statuere malim, non ad unum tempus haec esse revocanda, sed diversa memorari, h. e. diversas caussas et tempora, quibus e cavernis prodeant ad iracundiam proclives; quum volvitur (aut) *novus exuviis possilis, aut relinquens catulos, aut relinquens ova.* (sed vid. Q. V. XXXX, 3. *Wr.*) 439. Communiori ratione *micat lingua*, dum celeriter movetur, vibratur; doctius, *serpens micat linguis in ore*. Tum *arduus ad solem*, erectus ad caelum, sed cum dilectu, ad solem, cuius calore recreatur. Iunctura est: *volvitur*, h. e. volvit se, et *micat arduus*. — 440. De morbis ovium cf. Varro R. R. II, 1, 21 sq. *Animadvertendum, quae cuiusque morbi sint caussae, quae-*

Turpis ovis tentat scabies, ubi frigidus imber  
 Altius ad vivum persedit et horrida cano  
 Bruma gelu; vel quum tonsis inlotus adhaesit  
 Sudor, et hirsuti secuerunt corpora vepres.  
 Dulcibus idcirco fluviis pecus omne magistri 445  
 Perfundunt, udisque aries in gurgite villis  
 Mersatur, missusque secundo defluit amni;  
 Aut tonsum tristi contingunt corpus amurca,  
 Et spumas miscent argenti, et sulfura viva,  
 Idaeasque pices, et pinguis unguine ceras, 450  
 Scillamque, elleborosque gravis, nigrumque bi-  
 tumen.

449. ARGENTI, VIVAQUE SULFURA

441 *cum frigidus* Rom. 443 *cum intonsis* ed. Ven. *inlutus* Medic. („*inlutus* primum fuerat.“ *Foggin.*) et Rom. *adlutus* aliquot ap. Pierium. 444 *hirsutis* Medic., ut modo *tonsis* ovibus. Sic et Romanus, et hoc praeferri debebat. (s littera adscita e proximo vocabulo, ut Ge. I, 125. 146. III, 108. 141. 349. Aen. I, 559. II, 333. et saepe alias. Si *hirsutis* legeretur, requireretur *aut*, non *et*. Nam *tonsis* ad utrumque versum pertinet; tonsarum enim corpus facile a vepribus laedi potest, hirsutarum, longos igitur villos gerentium, non aequae. *Wr.*) *hirsute* Franc., pro *hirsutae*. 445 Unde in Gotting. edit. *pluviis* irrepperit, nescio. Possit praesidium parari ex Colum. VII, 4, 8 *caelestis aqua sub dio solibus in hunc usum durata paullum decoquitur*. 447 *misosque* Gud. *mersusque* Zulich. *amne* Rottend. sec. 448 *amurga* Gud. (et Medic. vid. notata ad Ge. I, 194. *Wr.*) 449 *vivaque sulfura*, quod vulgo editur, nisi quod in Elzev. *sulfra* scriptum video, quart. Moret. Rottend. tert. et alter Mentel. habebant; et tuentur Servius, Marius Victorinus, multae edd. vett., et est communis lectio. At Rom. Medic. omnesque alii codd. Pierii (Medic. quidem et Longobard. a m. sec.) cum Erf. *et vel ac sulfura viva. sulfurum vivumque* duo Voss. Porro *sulpura* Rom. et alii scribunt. (Medic. *et sulpura viva*; hinc restitui veram lectionem; vid. notata ad Ge. II, 69. *Wr.*) 450 *unguine taedas* Papirianus apud Cassiodorum de orthographia p. 2295. Sed aliter Charisius et Priscianus, hic etiam *pinguis*, ut in scriptis. (*Ideas* Medic. *Wr.*)

*que signa earum caussarum sint, et quae quemque morbum ratio curandi sequi debeat.* — et Colum. VII, 5.

441. Vide Colum. I. c. ubi s. 5. ad h. l. provocatur. 442. *persedit*, pervenit, penetravit; alias, insedit. 444. Vid. Calpurn. Ecl. V, 74 sqq.

445. E Varrone II, 1, 23. Hinc sup. I, 272 erat: *balan-*

*tumque gregem fluvio mersare salubri.* — 448 — 451. Conf. Varro II, 11, 7. Colum. VII, 4, 7. 5, 7. Geopon. XVIII, 8 et 15. Compara etiam Gratii Cynege. 415. 416. *tristi*, amara, ut saepe. ut *tristis lupinus* Ge. I, 75. *contingunt*, cf. sup. 403. *spuma argenti*, n. defervescentis, dum coquitur (*Silberglätte*). Locus de ea classicus apud Plinium



Non tamen ulla magis praesens fortuna laborum est,  
 Quam si quis ferro potuit rescindere summum  
 Ulceris os. Alitur vitium, vivitque tegendo,  
 Dum medicas adhibere manus ad vulnera pa-  
 stor 455

Abnegat, aut meliora deos sedet omina poscens.  
 Quin etiam, ima dolor balantum lapsus ad ossa

#### 454. TEGENDO:

452 est abest Goth. sec. (vid. Q. V. XV, 7, c. *Wr.*) 453 potuit. Io. Schrader. f. *properat*; sed est aoristus pro, potest. Ut mox 459 *Profuit*, prodesse solet. (*si quis potuit rescindere*, i. e. si quis rescindat, vel resciderit; rarum loquendi genus, de quo vid. Eleg. ad Messal. pag. 66. *Wr.*) 456 aut e melioribus omnibus Heins. et vulgo; (Vereor, ne et, quod in plerisque legitur, e Servio petatum sit, qui, usitato Grammaticis more, ab alio ad aliud transiens, et praefixisse videtur; cfr. V. L. vs. 254. Et *abnegat* est desperantis, medendo posse quidquam profici, *sedet* est ignavi; hinc aut recte editur. *Wr.*) porro *omina*, ut castigatiores habent. Vulgo *omnia*, ut et Mediceus ac Romanus. (*Omnia* revocavit Iahnus; et proba haud dubie dictio *meliora poscere*, ut apud Tibull. III, 4, 1.: „Dii meliora ferant.“ ubi vid. Interpp. Utuntur veteres hac formula ad avvertenda mala vel praesentia, vel futura. Verum non memini, usquam adiungi *omnia*; neque hoc *omnia* in deprecando locum habet, sed in apprecando, ut *omnia bona precari*, et quae sunt his similia. *Wr.*)

XXXIII, 6, s. 35. *pix Idaea*, praestantius genus; intellige autem liquidam, *Teer*, ex Plin. XXIV, 7, s. 24. *scilla*, cepe marinum. *elleborus gravis*, a gravi odore. *album* autem genus h. l. spectari, viderunt iam alii ex Colum. VII, 5, 7.

452. Excitat versus Columell. VII, 5, 10, habuit ante oculos Gratius Cyneg. 360 sqq. Calpurn. V, 75 sq. Sensus est apertus, nullum esse remedium efficacius. *labores* putare possis esse ea, quae medendo morbo parantur. Verum usu loquendi *labores* sunt aerumnae, mala, h. l. morbus: *Fortuna* est remedium; sed quomodo? *Fortuna* est etiam eventus fortunatus, successus; ergo etiam fortunatus exitus morbi: adeoque id quod eum affert, seu

curatio seu medela et remedium. Ita *nulla fortuna magis praesens est*, nullus certior remediorum adhibitorum successus est, nullum praesentius auxilium, *laborum*, huius mali, scabiei, nulla certior salus. Aliter dicta sunt Aen. VII, 559 ego, *si qua super fortuna laborum est*, *Ipsa regam*: casus fortunae. 454. *rescindere ulceris os*, quod vulgo aperire ulcus. (vid. docte de hoc verbo disputantem Wakef. ad Lucret. II, 406. *Wr.*) *vitium*, ulcus, sanies. *tegendo*, dum tegitur. Mox eadem ulcera, *vulnera*. Est autem versus adumbratus e Lucret. IV, 1062 *Ulcus enim vivescit et inveterascit alendo*. 456. *meliora omina*, pro consequenti, auxilium deorum. 457. *dolor*, morbus, exulce-

Quum furit, atque artus depascitur arida febris,  
 Profuit incensos aestus avertere, et inter  
 Ima ferire pedis salientem sanguine venam: 460  
 Bisaltae quo more solent, acerque Gelonus,  
 Quum fugit in Rhodopen, atque in deserta Ge-  
 tarum,  
 Et lac concretum cum sanguine potat equino.

Quam procul aut molli succedere saepius umbrae  
 Videris, aut summas carpentem ignavius her-  
 bas, 465

458 *Cum fuerit, fueritque*, vitiose nonnulli. *aut artus* Menag. alter, ut et Pierius enotarat e cod. *horrida febris* Toll. ex *arrida*, ut Franc. conf. sup. ad v. 197. 459. 460 recitat Colum. VII, 5, 10. *intensos* coni. Heins., quod nolim, et Wakef. ad Lucret. I, 301. 460 *saliente* Regius. *Bisaltae* priore producta etiam Ovidius, et Claudian. XXI, 134. At Grattius 523 corripit *facilis tutela Bisaltae*. (*Bissultae* Serv. Dresd. *Wr.*) 462 *aut in Medic.* (Recte retinetur *atque*; alterum enim, Rhodopes, nomen referendum ad Bisaltas, alterum, Getarum, ad Gelonos. Et talis verborum positus optimo cuique scriptori, maxime Ciceroni frequentatus. Neque enim utrumque ad Gelonos pertinet, quippe quibus propior Getarum regio, remotior, interiecto etiam Istro flumine ac monte Haemo, Rhodope. Verbum autem *fugit* ad propius subiectum accommodatum. *Wr.*) *deserta ferarum* Franc., repetitum ex Aen. III, 646, observante Burmanno. 463 *luc conceptum* Helen. Acro ad Horat. Carm. III, 4. Sed vulgata est in Comment. Cruqu. et Porphyry. 464 *ut Reg.* Martini. *succumbere* unus Arundel. *mollius umbrae* idem Reg. 465 *et summas* Medic. a m. pr. (et prior lectio, altera *aut. Wr.*) *carpentem* idem a m. sec. *segnius herbas* Romanus. (quod unde ortum sit, indicat Medic., qui a m. pr. *carpentes* exhibet. *Wr.*)

ratio. *depascitur*, νέμεται, absumit. Guellius comparat Graecorum poetarum γνιοβόρος πνρετός. 459. *incensos aestus*, vulgarius, *fervidos*. 461. *Bisaltae*, Thraces, cis Strymonem in Macedoniae oris habitantes; alii ex iis etiam ultra Strymonem. Accurate de iis agentem vid. Gatterer. Comment. de Herodoti et Thucydid. Thracia. Comm. III, p. 33 sqq. (in Commentat. Soc. R. Gott. Vol. VI.) De *Gelonis* ad Borysthenem vid. ad Ge. II, 115. 462. *Quum fugit*, sive expulsus a vicinis populis, seu simpl. migrat, et a

Borysthene inde per Getarum deserta, cis et ultra Istri ostia, descendit in Thraciam et ad Rhodopen. Si in historico versaremur, liceret hinc discere Gelonorum vagos ultra et cis Istrum errores. (Sed vid. V. L. *Wr.*) De lactis equini usu videre potes loca apud Cerdam et passim alios.

464—469. De lue pecudum. Signa pecoris febris pestilenti tentati enumerat: *Quam videris*. 464. *molli umbrae*. Umbra est grata, iucunda; at quomodo *mollis*? an in qua molliter recumbas? longe petitum esset.

Extremamque sequi, aut medio procumbere campo  
Pascentem, et serae solam decedere nocti:

Continuo culpam ferro conpesce, prius quam  
Dira per incautum serpent contagia volgus.

Non tam creber, agens hiemem, ruit aequore  
turbo, 470

Quam multae pecudum pestes. Nec singula morbi  
Corpora conripiunt, sed tota aestiva repente,  
Spemque gregemque simul, cunctamque ab ori-  
gine gentem.

#### 472. CONRIPIUNT;

466 *Extremumque* Ven. 467 *et* abest ab uno Mead. *solum* Menag. pr. *sera* — nocte nonnulli apud Pierium. *discedere* fragm. Moret. *recedere* Ven. conf. ad Eclog. VIII, 23. *deducere* Erf. 468 *morbum ferro* Zulichem. a m. sec. *ferro culpam* Aldd. et aliae hinc editae; etiam edd. vett. et omnes scripti Martini, minus concinne. Meliorem ordinem dedit Egnat., hinc Commelin. 470 *ruit aequora* Gud., quod confirmat Heins. ad Aen. VIII, 63 et Aen. I, 84 et placet admodum; recepit quoque Wakef. (Nihil hic de concitato mari, quod esset *ruit aequora*; sed de crebro, i. e. denso, imbre haec intelligenda. *Aequore* additur, ut saepe, quum procellosa tempestas describitur; maxime enim horridae solent esse tempestates in mari. *Ac ruere* saepe de imbre; *hiems* tempestas cum imbre aut grandine; *tam creber ruit turbo*, i. e. turbo exoritur cum tam crebro imbre. Iunge igitur: „Non turbo hiemem agens tam creber ruit;“ non sic: „Non tam creber turbo, hiemem agens, ruit.“ *Wr.*) *aere* Vratisl. *rubit* Franc., pro *subit* conl. Burmann. 471 *pecodum* Gud. *pecorum* Ven. *Ac singula* Goth. pr. 473 *totaque ab origine* Zulichem.

Verum sensuum vocabula permutat oratio poetica: ita grata et iucunda sunt blanda, dulcia, lenia, mollia. *umbrae tenerae* sunt apud Propert. I, 18, 21. (Rectius tamen Vossius umbram mollem dici existimat a molli-tie quaerentis. *Wr.*) 468. *Continuo culpam conpesce*, h. statim occide. *culpam*, h. caussam morbi, malum, vitium, ἀτιν. *conpesce*, coerce, ne latius serpat, *ferro*, ipsa pecudis caede. Gratius Cyneg. 410 *In primo accessu tristis medicina, sed una Pernicies redimenda anima, quae prima sequaci Sparsa malo est, ne dira trahant contagia*

*vulgum*. Conf. ibid. v. 369 sq. 467. *serae decedere nocti*, ut Eclog. VIII, 88, exquisitius *ac sera nocte*; ut adventanti aut accedenti de via decedimus.

470. 471. Infirmum pecus et variis morbis obnoxium pecus ovillum. Videri potest Varro II, 3, 5. 8. Colum. VII, 5. Geopon. XVIII, 9. Gratius Cyneg. 479 sqq. *turbo agens hiemem*, procellas, imbres; *non tam creber*, crebro, *ruit*, h. non tam crebri ac frequentes turbines in mari exoriantur. (Sed vid. V. L. *Wr.*) Ge. IV, 80. 81 *non densior aere grando Nec de concussa tantum pluit ilice glandis.*



Tum sciat, aerias Alpis et Norica si quis  
Castella in tumultis, et Iapydis arva Timavi, 475  
Nunc quoque post tanto videat, desertaque regna  
Pastorum, et longe saltus lateque vacantis.

474 *Tunc* Medic. (*tunc* etiam notulae Servianae praefixum, ut exstat in cod. Dresd.; vid. Q. V. XXV, 5, b. *Alpes* idem Medic. *Wr.*) *aut Norica* Parrhas. *et congrua* Ven. *Gnorica* Zulich. *ac Norica* Goth. sec. 475 *Iapydis* scribendum. vid. Drakenb. ad Liv. XLIII, 5. Graecis sunt *Ἰάποδες*. Ut apud Strab. et Steph. Byz. *Iapygis* Roman. et Medic. Pierii, Gudianus. Male defendebat Pierius. (Foggini. *Lapydis* in Medic. invenit, sed ultimis tribus literis a m. rec. restitutis. *Wr.*) *arma* vitiose vulgg. nonnullae. 476 *tantum* Goth. sec. 477 *luetique* Goth. pr. *saltus longe lateque* Erf. *vagantis* Gud. *vagantes* tert. Mentel.

*pestes*, morbi. *aestiva*, ut v. 64 *pecuaria*, pro gregibus. 473. *Spemque gregemque*, „agnos cum matribus.“ Servius. (vid. Q. V. XXXIII, 7. *Wr.*)

474. *Tum sciat* aliquis, morbis totos greges abripi. (Observa h. l. ornatum ex copula; vid. Q. V. XXXIII, 7. *Wr.*) Sequitur locus de peste auctumnali armentorum ac gregum celeberrimus, adumbratus e Lucret. VI, 1136 sqq. Cum quo conferendae sunt a studiosis harum rerum adolescentibus nobiles pestilentiae descriptiones apud Hippocrat. Epidem. III, sect. 3, pag. 1081 sqq. edit. Genev. (etsi haec non pestis proprie dicta, sed lues). Thucyd. II, 47 sqq., tum Ovid. Met. VII, 518 sqq. Silium XIV, 581 sqq. Lucan. VI, 80 sqq. Senecam Oedip. 35 sqq., qui omnes Maronem, mirum in affectibus movendis artificem, aemulati sunt, varietate ornatus mirabili, plerumque a phantasia et vi poetica petita. Comparationis huius gustum dare potest Scaliger lib. V Poetices cap. 11. Hic quidem mireris, quid Interpp. adduxerit, ut, post Servium, hanc pestem eandem cum

illa, quae Peloponnesio bello ineunte Atticam invasit, esse existimarent; quae ipsa res et alteri errori locum dedit, ut omnia utrique morbo inter homines et bestias communia esse vellent. Respexit haud dubie poeta similem aliquam calamitatem, tum quidem satis notam, quae ante aliquod tempus maxime affligerat Noricum, h. terras, quas nunc episcopatus Salzburgicus, magna Austriae pars cum Stiria et Carinthia, occupat. *aerias Alpes* vocat, perpetuo montium epitheto. 475. *Norica castella in tumultis* non esse possunt loca munita, nam agitur de gregibus, sed habitationes in locis editis, adeoque villae, vici in montibus. *Timavum*, in Venetorum oris fluvium, a vicinis *Iapydibus*, Illyrici populo, appellavit. De eo vide ad Aen. I Exc. VII, et de Iapydibus vid. ad Tibull. IV, 1, 108. 476. *regna pastorum*, agros, notum vel ex Ecl. I, 70. *post tanto*, tanto tempore post; Ecl. I, 30 *longo post tempore*. Pro saltibus et pascuis dixit ornate *castella in tumultis*, *arva*, *regna*, *saltus*.

Hic quondam morbo coeli miseranda coorta est  
 Tempestas, totoque auctumni incanduit aestu,  
 Et genus omne neci pecudum dedit, omne fera-  
 rum; 480

Conrupitque lacus; infecit pabula tabo.  
 Nec via mortis erat simplex; sed ubi ignea venis

478 *Hinc* Ven. et unus Arundel. (et Serv. Dresd. *Wr.*) *coeli morbo* Zulich. (Medic. *cohorta. Wr.*) 481 *Corripuitque* quinque ap. Heins. et Burm. duo Martin. Goth. pr. edd. ant. *Corripitque* Gudianus, aberrationes sollennes. Confirmat alterum Pierius e Rom. et optimus quisque liber. *que* abest ab nonnullis. *pabula morbo* Ven. (Aegre desideratur copula in altera versus parte; quare insistens vestigiis Serv. Dresd., in quo legitur *Corrupitque lacus infecitque pabula tabo*, scribendum censeo *infecitque*, causa corruptionis a praegresso *corruptit* repetita. Sed videri poterit hic versus duplici mendo a librariis inquinatus et sic potius legendus: „*Corruptique lacus infectaque pabula tabo*.“ Interim nihil mutavi et lectionem vulgatam utcumque defendi ad Ecl. IV, 6. *Wr.*) 482 Sic *Nec modus inserere atque oculos imponere simplex* sup. II, 73 h. modi varii. *ventis* Medic. a m. pr. (idem *ignea* apud Foggin. *Wr.*)

478. *morbo coeli*, vitio aeris. conf. Aen. III, 137—139. *Tempestas* h. l. temperies. *totoque auctumni incanduit aestu*, non tam exarsit, ortus est, aut duravit toto auctumno, sed aer inflammatus est tota aestus auctumnalis vi. Solet enim auctumni aestus inprimis gravis et intolerandus esse et morbos gignere, inprimis succedente diei aestui nocturno frigore. Omni-  
 no autem ea, quae in seqq. exponuntur de pestilentia seu lue pecudum, undique sunt collecta, nec facile uno tempore cuncta se exserunt; omnia tamen declarant miasma et contagem per totum aerem diffusam, quae vitalem vim solutam destruit. 481. Ordinem, inquit Servius, sequutus est, quem et Lucret. tenuit VI, 1094 sqq. et Sallustius: primo aerem, inde aquam, post pabula esse corrupta. (contra Lucanus VI, 93.: „coeloque paratior unda Omne pati vi-

rus.“ *Wr.*) *tabo*, veneno, miasmate aeris. conf. Lucret. VI, 1123. 1124. 482. *Nec via mortis erat simplex*. *Via mortis non simplex*, non unus, sed varii erant mortis modi. Ita fere Oros. V, 21 *Nec mortis erat via simplex aut una conditio*; acceperere alii sic, ut mors non sit levis, sed cum diris cruciatibus coniuncta. Eo fere redit, quod habet Servius: *nec moriebantur ex usu, id est, secundum naturalem ordinem; non tantum fuga animae, sed etiam corporis resolutione*. Est autem Sallustii, qui ait in fragm. incert.: *Nec simplici quidem morte moriebantur*. Sane mors simplex dicitur, quae nullis tormentis ac doloribus geminatur, ut in loco e Sueton. Caes. 84 a Burm. laudato. 482—485. Primum aestu febris ingenti ac siti totum corpus torrebatur, mox contabescebat colligatione ac resolutione omnium humorum.

Omnibus acta sitis miseros adduxerat artus:  
 Rursus abundabat fluidus liquor, omniaque in se  
 Ossa minutatim morbo conlapsa trahebat. 485  
 Saepe in honore deum medio stans hostia ad aram,  
 Lanea dum nivea circumdatur infula vitta,  
 Inter cunctantis cecidit moribunda ministros.  
 Aut si quam ferro mactaverat ante sacerdos,  
 Inde neque inpositis ardent altaria fibris, 490

490. FIBRIS;

483 *aucta sitis* Parrhas. *apta* Goth. pr. *abduxerat* aliquot ap. Burm. cum edd. Aldd. Iunt. (sed emendatius dedit Naugerius Aldin. tert.) Goth. sec., etiam Philargyr., qui explicat, *contraxerat*. 484 *abundabant* Gud. *fluuidus* Medic. cum tribus Burmann., Rom. et Goth. pr., Servius. vid. Gifan. Ind. Lucret. (hoc quidem loco prior *u* miniatis punctis in Medic. notata. *Wr.*) 486 *media* Ven. *ad aras* ed. Dan. et aliae antiquiores, saltem Egnat. 487 *Linea* edd., quibus Pierius utebatur. (etiam Ald. tert. Praeterea *niveo* Medic. a m. pr. *Wr.*) *Laurea* aliae edd. vett. 488 *magistros* Romanus. Sed *ministri* sunt popae, ut iam alii docuere. 489 *At si* alter Rottend. Zulich. *mactaverit* Leid. alt. et Regius Martini. (— 490. *nec* Medic. ap. Foggin. *Wr.*)

*Sitis* pro aestu, calore, unde sitis oritur, ut iam Servius exposuit. *sitis ignea*, ut Stat. Theb. IV, 699 *haurit sitis ignea campos*, ubi alii, ex interpretatione, *arida*. *sitis acta omnibus venis*, per omnes venas, omnes humores, penetrans, se insinuans. *Intima pars hominum flagravat ad ossa*, Lucret. VI, 1166. *adduxerat artus*, cute contracta, quod fit ea exarescente, ut in feбри. *adducta cutis* ex Ovidio nota Met. III, 398. *liquor fluidus*, humores corrupti, colliquescentes, tabum, conf. Lucretiana VI, 1202 et rel. *trahebat omnia ossa in se*, dum quasi in tabo natarent, *ossa minutatim morbo conlapsa*; cuius generis liquationes et resolutiones ossium etiam in aliis morbis videmus. De tabe et putredine cadaverum, non de hac, acci-

piendus Lucanus VI, 88 *Corpora dum solvit tabes et digerit*, diminuit, resolvit, *artus*.

486. *Hostiam* intellige maiorem, taurum, cuius exta inspiciebantur. *in honore deum medio*, in medio sacrificio; noto usu voc. *honos*. 487. *dum ei circumdatur infula lanea vitta nivea*, poetica ratione, h. infula vittata. *Infula* est latius quiddam, et capiti, e quo fere pendebat, velando aptum, *vittis* alligari et constringi solita. vid. Lucret. I, 88. 89. Est de hoc copiosa disputatio apud Gesnerum in Thes. L. L. voc. *infula*. 489. *ante*, h. antequam moriens caderet. *Inde*, ex ea neque fibrae, h. exta, ardent impositae altaribus; cum autem nec minus ipsa ara pro victima ei imposita ponatur: hinc, *altaria ardent*, exquisitius dixit.



Nec responsa potest consultus reddere vates;  
 Ac vix suppositi tinguuntur sanguine cultri,  
 Summaque ieiuna sanie infusatur arena.  
 Hinc laetis vituli volgo moriuntur in herbis,  
 Et dulcis animas plena ad praesepia reddunt. 495  
 Hinc canibus blandis rabies venit, et quatit aegros  
 Tussis anhela sues ac faucibus angit obesis.  
 Labitur infelix studiorum atque inmemor herbae,

## 498. INFELIX,

491 *potes* Goth. pr. *consulto* Gud. a m. pr. 492 *Aut* quinque Burmann. Goth. quatuor Martini et vett. edd. *At* alii. 493 *scabie* Vratisl. *fuscatur* Menag. pr. Mentel. tert. 494 *vitulis lueti* Goth. sec. 496 *blandis canibus* Parrhas. 497 *et faucibus* Goth. pr. (Medic. *tusis* et *anela*, utrumque a m. pr. *Anhelus*, *anhelare*, *anhelitus*, ubique Mediceus. Nec dubito, quin *anhelus* antiquior fuerit huius voc. forma, *anelus* recentior et ea, qua vulgo usi sint eo tempore, quo cod. Medic. exaratus est. Cuius rei luculentum est, puto, testimonium Aen. V, 739.; ubi quum *anelis* exaraturus erat librarius, vertit ille stilum, scriptamque iam literam *e* expunxit et reliqua cum adspiratione adiecit. Nempe ipsa calami festinatio fecit, ut saepe librarii ea, quae ipsorum aetas sequeretur, inferrent, interdum autem per ipsos, quos transcriberent, antiquiores codices admoniti a temerario impetu revocarentur. Vid. etiam notata ad Ge. II, 217. Ceterum in eodem Medic. item a m. pr. exstat *obessis*, in Rom. *ovessis*. Wr.) 498 *herbis* Zulich. De interpunctione v. Notam. Pernititur tamen in retinenda interpunctione *Labitur infelix studiorum* Wakef. (Recte, puto; vid. Not. Wr.)

490. sunt *exta mula*, cum aliqua pars aut deesset, aut corrupta esset.

492. 493. Vix sanguis fluit ex vulnere. *suppositi cultri*, e sacro ritu subter iugulum adacti. Conf. Aen. VI, 248 et Serv. 493. *ieiuna sanie*, tenui ac exiguo humore eoque corrupto.

494 sqq. Locum, quem poeta iterum tractavit Aen. III, 137 — 140, ubi *Linguebant dulces animas aut aegra trahebant Corpora*, *μελίφρονα θυμὸν ἀπηύρα*, est iam in Hesiod. Sc. Herc. 428. expressit Statius IV Theb. 725 sq. (*laetis* ad copiam refer; nam infecta erant pabula, vid. vs. 481., et respondent vs. sq. *plena praesepia*; cf. Not. ad vs. 320. Wr.)

*Hinc — hinc* pro, porro. Proccedit enim ad strages armentorum et pecudum in pecuariis factas. 497. De *angina* loquitur, Gr. *ὑάγχη* aut *βράγχος*, qui et morbus suum peculiaris. Laudant Aristot. Hist. Anim. VIII, 21. *fauces obesae* Servius explicat *tumescit*. quidni proprie accipias?

498. *studiorum* (h. cursus simpliciter. Heinsius Circensia partium studia huc revocabat) *atque inmemor herbae* (conf. v. 520 et sup. 216; nimis argute alii palmam seu victoriam explicant), ita malim iungere; nam *infelix studiorum*, h. infelicitis studii, non est hac in re equus. Non enim nunc aut cursu infelix est aut certamine, sed morbo

Victor equus, fontesque avertitur, et pede terram  
Crebra ferit; demissae aures; incertus ibidem 500  
Sudor; et ille quidem morituris frigidus; aret  
Pellis, et ad tactum tractanti dura resistit.  
Haec ante exitium primis dant signa diebus.  
Sin in processu coepit crudescere morbus:

499 *advertitur* Lutat. ad Stat. Theb. V, 137. *fortisque* Erf. a m. sec.  
500 *Crebro* duo Burm. Longob. Goth. sec. *dimissae* Mentel. pr. 501  
*morituri* Medic. a m. pr. *moriturus* vitiose tres Martini, Goth. pr. *ar-*  
*ret* Franc. *aret* Moret. sec. *ares* Rom. 502 *tractandi* Mentel. pr.  
alt. Rottend. et Medic. a m. pr. (est ea prior Medic. lectio. *Wr.*) *et at-*  
*tactum* Schol. Statii Theb. V. (Serv. Dresd.: „Et hoc ipsum figuratum est:  
*resistit hanc rem, pro huic rei.*“ *Wr.*) *attractum* Leid. a m. pr., ex *at-*  
*tractum*, ut in Romano. *ad tractum* Longob. Wakef. ad Lucret. VI, 1193  
emend. *attactu*. 503 *Huic* Toll. *dat* unus Arundel, notanda lectio;  
ita ad morbum oratio refertur. Succedit tamen alius pluralis *tendant*.  
504 *Sive in* Erf.

tentatus. At *infelix studii* est  
is, qui in studio suo successum  
non habet, nullum praemium,  
aut potius ex eo noxam et ma-  
lum. Contra Aen. XI, 416 *for-*  
*tunatusque laborum*. Apparet  
etiam ex imitatione Ovidii Met.  
VII, 542 *Acer equus quondam,*  
*magnaeque in pulvere famae,*  
*Degenerat palmas;* veterumque  
oblitus honorum ad praesepe  
gemit, *morbo moriturus inerti*.  
(Durior hic, quamquam ne apud  
Virgilium quidem exemplis plane  
destitutus, vid. V. L. ad Ecl.  
III, 110., verborum positus:  
*studiorum atque immemor her-*  
*bae*. Hic praestiterit iungere:  
*infelix studiorum*, cui nihil pro-  
sunt studia sua, victoriae re-  
portatae. Similis sententia in-  
fra de bove, vs. 525.: „Quid  
labor aut benefacta iuvant?“  
Ad structuram illustrandam fa-  
cit Ge. I, 277.: „dies felices  
operum.“ Aen. IV, 529.: „in-  
felix animi Phoenissa.“ *Wr.*)  
499. *Victor* ad indignitatem rei

additur, cum nihil ei prosit vicis-  
se cursus certamine. *fontes aver-*  
*titur*, potum aversatur. 500.  
*Crebra*, crebro, ut iam saepe.  
(vid. Forbig. ad Lucret. II, 359.,  
ubi tamen *crebra* pro Nominat.  
primae declinat. haberi velim.  
*Wr.*) *incertus*, qui per vices,  
non certis intervallis constitu-  
tas, accedit et recedit, incon-  
stans, *ibidem*, circa aures, ca-  
pitis sudor; signate. Lucret. VI,  
1185 *Sudorisque madens* per  
collum *splendidus humor*. 501.  
*ille quidem morituris frigidus*  
ex notissimo quidem Hippocra-  
tis aphorismo IV, 37 οἱ ψυχροὶ  
ἰδρώτες, ξὺν μὲν ὀξεῖ πυρετῷ  
γινόμενοι, θάνατον σημαίνουνσι.  
(Ceterum vid. Q. V. XXVIII,  
2, b. *Wr.*) 502. Cutis est sicca.  
Ornate. *ad tactum*, tactu, cum  
tangeretur, *tractanti*, tangenti,  
resistebat, *dura*, dum tenta ac  
sicca est.

504. Iungenda: *Sin in pro-*  
*cessu coepit crudescere morbus:*  
*Profuit inserto lat. crudescere,*

Tum vero ardentes oculi, atque adtractus ab  
alto 505

Spiritus, interdum gemitu gravis; imaque longo  
Ilia singultu tendunt; it naribus ater

Sanguis, et obsessas fauces premit aspera lingua.

Profuit inserto latices infundere cornu

Lenaeos; ea visa salus morientibus una; 510

Mox erat hoc ipsum exitio, furiisque refecti

Ardebant, ipsique suos, iam morte sub aegra,

(DI meliora piis, erroremque hostibus illum!)

505 *abstractus* Regius Martini. 506 Wakef. interpungit *spiritus interdum, gemitu gravis*. Gravius est, quod idem in parenthesi includit vss. 505 — 508. (refutatus ab Iahnio. *Wr.*) *gemitus* Leid., ad vulgariorem rationem. *altaque longo* Medic. a m. pr. (In ipso versu *altaque* in Medic., appicto tamen supra signo, quod indicet, voc. *imaque*, in fine versus additum, illi substituendum esse; scilicet aberraverant oculi librarii ad superiorem versum. *Wr.*) *unaque* Parrhas. *imaque longi Ilia singultus tendunt* Reiskius coniiciebat. 507 *in naribus* Reg. superscr. *ater et naribus* Rom. *autem* pro *ater* unus Mead. 508 *oppressas* apud Macrobian. Sat. VI, 2, male. *obesas* Goth. sec. *aspera* vel *arida* quart. Moret. 511 *exitium* Toll., sed vid. Burm. *refecto* Ven. *referti* duo Moret. 512 *in morte* Romanus. 513 *Di meliora prius* Parrhas., mox *que* abest Leid. *ardoremque hostibus* Romanus. Sed vid. h. l. Burm. *horrorem* cod. Fabricii Chemnic. et Goth. sec.

crudior ac saevior fieri. Ita demum Servianum locum habet: *validior fieri*. Ut contra *mitescere, molliri*, dicuntur, quorum nimia vis imminuitur. 505. 506. Lucretius VI, 1184 *Creber spiritus, aut ingens, raroque coortus*. Sed, quae tantum illustrant, hic quidem asserre non possumus. Multa huiusmodi apud Cerdam videri possunt. 507. *tendunt* se, ut iam saepe aut *tendunt* sc. pecudes; ut modo v. 503 *dant*. hoc melius, ut nunc ad totum genus redeat; armentorum. 508. *lingua aspera*, inflammatione, *premit*, quia simul intumuerat (ut Ovid. Met. VII, 556 *Aspera lingua tumet*), *fauces obsessas*, seu simpliciter constrictas, interclusas ipso tu-

more, seu ulceribus, quae frequentia in hoc morbo, et a Lucretio etiam memorantur: v. 1146 *ulceribus vocis via septa coibat*. Φλυκταίνας Graeci appellant (quae restituendae in Geopon. XVII, 29, ubi vulgo περὶ φθειριῶντος. Cod. φλύη ταίνων τῆς γλώσσης leg. φλυκταίνων).

509. Imitatione expressa a Nemes. Cyneg. 228. 229. Vini usum omnes fere veteres hac in calamitate commendant: tamquam antisepticum; etsi saepius nocere debuit quam prodesse. 512. *Ardebant furiis*, furore corripiebantur, quos vinum infusum refecerat. 513. Versus eximio cum artificio insertus; abominatione hac ad miserationem et ipsa faciente: date erro-



Discissos nudis laniabant dentibus artus.

Ecce autem duro fumans sub vomere taurus 515

Concidit, et mixtum spumis vomit ore cruorem,

Extremosque ciet gemitus. It tristis arator,

Maerentem abiungens fraterna morte iuvenum;

Atque opere in medio defixa relinquit aratra.

Non umbrae aliorum nemorum, non mollia pos-  
sunt 520

Prata movere animum, non, qui per saxa volutus

### 519. RELIQUIT

514 *Discisos* Toll. *Diffissos* unus Mead. (*discussos* Serv. Dresd. *Wr.*) *udis* — *dentibus* Mediceus a m. pr., ut sup. v. 388 *udum palatum* et alia. vid. Heins., qui et coni. *crudis dentibus* vel *avidis*; praestaret saltem *duris*. At *nudi* sunt, nudati a labiis ore reducto, more ringentium, canum inprimis ac furiosorum. Recte Philargyr. „ut foeditatem exprimeret, adiecit *nudis*.“ Lucret. V, 1063 *Inritata canum — Mollia ricta fremunt duos nudantia dentes*. Porro *ossibus artus* Parrhas. (— 515. Malit fortasse aliquis: *Ecce etiam*; sed *autem* transitum facit ad novum, aequae miserum, spectaculum. *Wr.*) 516 *spumis mixtum* Mentel. tert. 517 *Et tristis* Ven. (Medic. primum *et*, sed *e* in *i* mutata. — 518. *maerere* et *maestus* constanter Medic. *Wr.*) 519 *reliquit* Donat. in Andr. Terentii III, 5, 1, Moret. sec. Zuliehem.; et Pierius ex eodd. ita notarat. Sic et unus Mead. (Parisini 7. 8. 11. 14. cum Serv. Dresd. *Wr.*) et vet. edd. et exquisitius hoc magisque ex usu poetae quam vulg. *relinquit*. (in tali re audiendi codices; quare revocari optimi cuiusque libri lectionem *relinquit*, probatam etiam Iahnio ad Ge. IV, 434. *Wr.*) 520. 521 *Non umbra* ed. Burm. et nostra prior, e vitio. (Medic. *An u., a* quidem ferme abrasa et supra pietis literis *on. Wr.*) *non gramina possunt Grata movere* edd. nonnullae ante Pierium. *Parta* Zuliehem.

*rem*, furorem, mentis abalienationem, ut iam Philargyrus, *hostibus*, profanis, impiis, scelestis, opp. *piis*. Aemulatus est Nicandrum, Theriac. 86 *Ἐχθρῶν ποῦ τέρα κείνα καρήασιν ἐμπελάσειε*. Placet sibi in hac formula Ovidius: v. c. *Hostibus eveniant convivia talia nostris*. Sed et in seqq. mirare dilectum poetae, quo omnia ea potissimum memorat, quae non tam horrorem, quam miserationem movere possint. 515. *fumans*, sudore. 517—519. Lacrimosam imaginem sensit et expressit Statius Theb. IX, 82 — 85. Guellius

alium locum laudat e Tryphiodoro, dignum, qui comparetur (v. 14 — 16). 520 — 524. alteriusne huius iuveni superstitis, an tauri, qui prociderat, an universe taurini generis fortunam deplorat poeta? ambiguus haereo. Si, quod ultimo loco posui, probabilius est, ad unum saltem taurum revocavit, ut poeta, quae de toto genere pronuntiare voluit. (ad universum taurinum genus haec revocanda esse, declarat verbum *pascuntur* vs. 528. *Wr.*) In verbis expressit noster Lucretiana II, 361 — 363 *Nec tenerae*

Purior electro campum petit amnis: at ima  
Solvuntur latera, atque oculos stupor urguet inertis,  
Ad terramque fluit devexo pondere cervix.

Quid labor, aut benefacta iuvant? quid vomere  
terras 525

Invertisse gravis? atqui non Massica Bacchi  
Munera, non illis epulae nocuere repostae;

522 et Reg. Martini. (— 523. *inertes* Medic. *Wr.*) 524 *ruit* Erf. (et Serv. Dresd. *Wr.*) *deflexo* Menag. alt. *vertice* Regius Martini, e glossa. 525 *benefacta* alii distinguunt, ut sint facta praeclara. Atqui enarrantur mox beneficia in homines. *iuvent* Nonius Marcellus in *gravis*. *quo vomere* Zulichem., non male, ut *quo* pro ad quid vel quid ponatur, ut millies; sed quia ambiguum facit sensum, retineo *quid*. Burmann. *terras* ne sequatur post *terrum* Wakef. emendat *glebas* ex Lucret. I, 212. (vid. notata ad Ge. II, 125. — 526. *graves* Medic. *Wr.*)

*salices*, atque *herbae rore videntes*, *Fluminaque ulla queunt summis labentia ripis Oblectare animum*. 522. *Electrum metallum*, non *succinum*, intelligendum puto, quia illud splendore nobilior, et commune fere poetis est, ab argento aquarum perlucidum candorem notare. Adstipulatur Servii auctoritas. cf. Callim. in Cer. 29 et ibi Spanhem. At apodosi h. l. inservit; ut ἀπόδο, ἀλλά. 523. *Solvuntur latera ima*, flaccescunt, corrugantur. Sed et reliqua languorem denotant.

525 — 530. Sex horum versuum pulcritudinem ita admirabatur Poetices lib. V, cap. 11, p. 264 b. Scaliger, ut eorum auctor fuisse mallet, quam Croesum aut Cyrum dicto audientem habuisse. Equidem malim certe versus scripsisse, quam eos tantum interpretari. Ad miserationem movendam memorat haec, quod nec laborum hominibus fructuosorum praemia ferunt; nec ex intemperantia et

luxurie, ut multi homines, morbos et mortes sibi aut arcessiverunt aut maturarunt. Itaque vs. 528 supplē: quin potius *frondibus et v. pascuntur s. h.* 526. *terras gravis*, spissum, pingue solum, unde difficilis aratio, *glebae cunctantes*, ut Ge. I, 236. quaeque nec minus adeo *gravi vomere*, *gravi labore*, indigent. *Massica* vina vid. Ge. II, 143. 527. *epulae repostae* in tam varia interpretatione malim accipere pro simplici, *positae*, *appositae*, ut Ge. IV, 378 et *plena reponunt pocula*. Fert hoc usus saeculi Augustei, saepius in Marone et Horatio notatus ab Intpp. et iam in Lucretio, ut III, 347. 105. Si tamen vis in composito quaerenda, equidem inde petam, quod singuli ferculorum missus novis mensis apponi solebant: ut adeo sit: iterum iterumque apponere. Sic Aen. VII, 134 *reponite vina mensis*. Alio modo dicuntur *vestes repostae*, servatae in vestiario. At epulae in cella carnaria ita servatae,

Frondebis et victu pascuntur simplicis herbae;  
 Pocula sunt fontes liquidi atque exercita cursu  
 Flumina; nec somnos abrumpit cura salubres. 530  
 Tempore non alio dicunt regionibus illis  
 Quaesitas ad sacra boves Iunonis, et uris  
 Inparibus ductos alta ad donaria currus.  
 Ergo aegre rastris terram rimantur, et ipsis

529. LIQUIDI, 530. FLUMINA,

528 *et victum* Longob. Pierii, ut sup. v. 314. IV, 181 et alia loca apud Heins., sed antecessit *Frondebis*. 529 *atque* ubique legitur; nescio unde in Elzev. irrepserat *aut*: quod iterum expulit Heins. Gudianus etiam, *exercita cursum*, ut sit graecismus. *atque excita cursu* Schol. Horat. Od. II, 2. 530 *abrumpit* tres apud Burm. (item 2. 4. et Serv. codd. V. et Dresd. Praeterea *salubres* Medic., *salubris* Rom. et Serv. Dresd. *Wr.*) 531 *ducunt* alter Rottend. 534 *terram rastris* alt. Moret. *rutris* Io. Schrader. et h. l. vid. ad II, 94. *rimantur* Ven.

ἔωλον δειπνον, vereor ne nau-  
 seam moturae sint gulosis: ut  
 vero sint epulae operose conqui-  
 sitae et paratae, ignoro, an usus  
 Latini sermonis admittat. Vi-  
 des, nos saltem verecunde talia  
 apponere, non cum aliorum  
 contumelia, aut ex edicto pro-  
 nuntiare. (Vide haec accuratius  
 exposita rectiusque, ut spero,  
 explicata Q. V. XXXXI. *Wr.*)  
 529. 530. *exercita cursu Flumi-  
 na*; h. vexata, fatigata; orna-  
 tui servit epitheton, ut *fessae  
 erroribus undae*, decurrentes  
 aquae. vid. Burm. Alio in sen-  
 tentiarum ordine esse possunt  
 aquae turbatae equorum tranan-  
 tium pedibus, non autem h. l.  
 (*Exercita cursu flumina*; signi-  
 ficatur aqua currens, limpida,  
 non stagnans; quam explicatio-  
 nem requirit, quod praecesser-  
 rat: *liquidi fontes*. Vim voc.  
*exercita* explicat Wakef. ad Lu-  
 cret. V, 263. *Wr.*)

531. Tum factum esse aiunt  
 id, quod nullo alio tempore in

istis terris contigit, ut penuria  
 candidarum vaccarum esset ad  
 rem sacram, fere ut Catull. Epith.  
 Pel. 16 *Illa atque haud alia* (vel  
*Illoque, haudque alia*) *viderunt  
 luce m.* 532. 533. Male post  
 Servium Interpp. Iunonem Ar-  
 givam et eius sacerdotem, filio-  
 rum, Cleobis et Bitonis, pietate  
 notam, huc advocant. *sacra  
 Iunonis*, certum sacrum pro  
 quibusvis sacris ponit; sed in  
 his nivearum boum usus inpri-  
 mis insignis erat ad pompam  
 deae ducendam. Pro *bubus* ita-  
 que *bufalos* (nam hi sunt h. l.  
*uri*, vid. sup. ad Ge. II, 374.)  
 currui iunctos dicit. *impares*,  
 simpl. quod alter maior, alter  
 minor, diverso etiam, si placet,  
 colore, esset. *donaria* h. l. pro  
 donariorum loco, templo, ut  
*pulvinaria*, pro templis, iam  
 Servius exposuit. *alta* autem  
*donaria*, alte exstructa, ad no-  
 tam copiae et magnificentiae do-  
 nariorum; unde et ipsum *tem-  
 plum altum*. 534. Ipsi homines



Unguibus infodiunt fruges, montisque per altos 535  
 Contenta cervice trahunt stridentia plaustra.  
 Non lupus insidias explorat ovilia circum,  
 Nec gregibus nocturnus obambulat; acrior illum  
 Cura domat. Timidi damae cervique fugaces  
 Nunc interque canes et circum tecta vagantur. 540  
 Iam maris immensi prolem et genus omne natantum  
 Litore in extremo, ceu naufraga corpora, fluctus  
 Proluit; insolitae fugiunt in flumina phocae.  
 Interit et curvis frustra defensa latebris  
 Vipera, et adtoniti squamis adstantibus hydri. 545  
 Ipsis est aer avibus non aequus, et illae  
 Praecipites alta vitam sub nube relinquunt.

541. PROLEM, NATANTUM,

535 *effodiunt* Goth. sec. (*montesque* Medic. *Wr.*) 536 *Contempta* duo, ut fere semper variatur in h. v. *Extenta* Legnich. ms. 537 *insidians* Romanus et Gudian. (et Paris. 7. *Wr.*), per se non male. At vid. Not. 538 *Non* Toll. et Franc. Goth. pr. 539 *Timidae* alt. Rottend., at vid. Servium. *dammæ* multi. *morbique fugaces* Comment. Cruqu. ad Horat. Ep. II, 1, 136. 543 *ad flumina* Longob. et Regius Martin. (dispicet *proluit*; expectes *proiicit*, aut simile quid. *Wr.*) 544 *an furvis*, inquit Burm., sed est pro cavis. vid. Georg. II, 216 et ibi Notam. 545 *exstantibus* malit Io. Schrader.

terram fodiunt, et *fruges*, h. semina, *unguibus*, digitis, *infodiunt*, terra occulunt. *Contenta cervice*, quae intenditur. Usus vocis Lucretianus. Quam ornate haec omnia!

537 — 540. Etiam feras lues tentat. *insidias explorat ovilia circum*, exquisitius quam explorare, exquirere insidiis ovilia, aut observare circa ovilia id, cui insidias facere possit, et insidiandi locum. Aeneid. IX, 59 sqq. *Ac veluti pleno lupus insidiatus ovili* Cum fremit ad caulas etc. *nocturnus*, noctu, ut toties vidimus. *acrior cura*, morbi.

541. Aristotelem Hist. Anim. VIII, 19. 20 negare, pisces ullo pestilenti morbo tentari, iam

Cerda notavit; et videri potest castissimus poeta potius ingenio indulsisse, quam rerum veritati, certe in illis, quae de serpentum v. 544. 545 strage memorat, quae qua fide, qua auctoritate, posuerit, ignoro. Sed infectis aquis pisces contagiosis morbis vexari, res est inter historiae naturalis auctores nunc satis explorata. (de vi particulae *iam* vid. Q. V. XXIII, 9. *Wr.*) *Phocae*, vituli marini. 543. *insolitae fugiunt*, pro insolito more. (*insolitae*, i. e. mari, non fluminibus adsuetae; vid. Wunderl. Praefat. pag. XVI. *Wr.*) 545. *adtoniti*, torpentes, rigentes. *squamis adstantibus*, stantibus, erectis, horrentibus.

Praeterea iam nec mutari pabula refert,  
 Quaesitaeque nocent artes; cessere magistri,  
 Philyrides Chiron Amythaoniusque Melampus. 550  
 Saevit, et, in lucem Stygiis emissa tenebris,  
 Pallida Tisiphone Morbos agit ante Metumque,  
 Inque dies avidum surgens caput altius effert.  
 Balatu pecorum et crebris mugitibus amnes  
 Arentesque sonant ripae collesque supini. 555  
 Iamque catervatim dat stragem, atque aggerat ipsi

548 *iam nec e libris reposuit* Heins. Ita tamen iam legebatur in Com-  
 melin. Pulmann. Elzev.; vulgo alii, *nec iam*, cum Romano, ut et Beda  
 de metris. At Macrobr. Sat. VI, 2 *Praeterea nec muturi iam pabula*.  
 549 *cessare* Medic. a m. pr. *Amythaonius, Amitaoniusque Menalpus*,  
*Maloampus, Melampus*, aberrationes. vid. Apollod. I, 9, 11. 551 *a*  
*Stygiis* tert. Rottend. *semissa* Gud., adhaerente *s* ex antec. voc. 552  
*agitare Metumque* ed. Ven. *agitansque Metumque* Erf. 553 *Inque*  
*diem* Ven. *affert* Rottend. alt. 554 *mugitibus aer* Chronic. Menconis  
 apud Burmann. *auras* Vratisl. 555 *Horrentesque* Romanus, nec mi-  
 nus bene. Nam pestilenti anno omnia apud poetas *horrent, squalent*,  
 scil. tabe, illuvie. (et praefert *horrentes* Nobbius Syntagm. locor. parallel.  
 p. 105. *Wr.*) Sed est ea sollennis varietas, et *arere* non minus idoneum,  
 cum aestus morbi caussa sit: sup. 478. conf. Aen. III, 142. *collesque su-*  
*perni* pr. Moret. Eadem varietas Georg. II, 276. 556 *stragem dat*  
 Goth. pr. *aggerat* Reg. Martini.

549. *Quaesitaeque nocent ar-*  
*tes*, parata remedia. *cessere ma-*  
*gistri*, cedunt morbo (*mussabat*  
*tacito medicina timore* Lucret.  
 VI, 1177), vincuntur, artem ei  
 suam imparem esse vident me-  
 dici, et quidem *praestantissimi*,  
 quos nominibus clarissimis exor-  
 nat *Chironis*, e Philyra Nympha  
 et Saturno, et *Melampodis*, ex  
 Amythaone, Aesonis fratre, nati,  
 quorum hic quidem auguriis et  
*καθαρμοῖς* maxime illustris apud  
 poetas, alter vero herbis. Nam  
 hoc Martino in mentem venire  
 non debebat, ut hanc narratio-  
 nem ad Argonautarum tempora  
 referret.

551 — 553. Versus longe  
 praestantissimi et pictura omni  
 vividiores, neglecti tamen ab

Intpp. *Et pallida Tisiphone e*  
*Stygiis tenebris in lucem emitti-*  
*tur*, aut, quod gravius est,  
*emissa saevit*, et ante se agit  
*Morbos ac Metus*, et more eo-  
 rum deorum, qui hominibus si-  
 ve augusta sive terribili forma  
 apparebant, fit maior maiorque  
 (vid. in Exc. XIII ad Aen. I),  
*surgitque adeo et effert caput*  
*avidum*, quia ipsa est mortis  
 avida, *indies altius*. — Interea  
 undique circa ipsam armenta et  
 greges aegrotant, mox toti gre-  
 ges pereunt 554 — 557; at  
 quanto feralius ipsa dea *dat*,  
 edit, *strages*, etc.! Priora imi-  
 tatus est Gratius Cyneg. 373  
*Quod sive a Stygia Letum Pro-*  
*serpina nocte Extulit, et Furiis*  
*commissam ulciscitur iram, h.*

In stabulis turpi dilapsa cadavera tabo:  
 Donec humo tegere, ac foveis abscondere discunt.  
 Nam neque erat coriis usus; nec viscera quisquam  
 Aut undis abolere potest, aut vincere flamma. 560  
 Ne tondere quidem morbo illuvieque peresa  
 Vellera, nec telas possunt adtingere putris:

560. FLAMMA; 561. NEC T. 562. PUTRIS.

557 *delapsa* duo Burm. *cadavera morbo* alter Rottend. Eadem variatio Gc. IV, 252. 558 *ac* abest Goth. pr. *dicunt* idem. *discant* Moret. pr. pars libb. Martini et vulgg. edd. apud Pierium, quod ei maiorem dignitatem habere videbatur. (et hoc sequitur Bothius; quasi hoc sit Tisiphonens consilium. *Donec* h. l. idem est, quod *cum tandem*. Aen. VI, 745.: „exinde per amplum Mittimur Elysium, et pauci laeta arva tenemus: Donec longa dies, perfecto temporis orbe, Concretam exemit labem purumque reliquit Aetherium sensum.“ *Wr.*) 560 *flammis* Goth. pr. 561 *Ne tondere quidem* Medic. Gud. Mentel. pr. Leid. (quod revocavi; vid. notata ad Gc. I, 146. Apud Foggin., ut ex ipso discimus, incuria *nec pro ne* in textu relictum. Ceterum *inluyieque* in Medic. *Wr.*) *ingluvieque* Erf. 562 *ne* ed. Iunt. *telas adiungere putres* fragm. Moret., non indocte. Ita *telae* dictae sunt proprie; quod etiam video placuisse Vossio; casus tamen an iudicium lectionem produxerit, non dixero; auctoritas utique codd. decst. (Jahnus, refutans Vossium, haec scribit: „Non illud his verbis dicitur, quod nemo haec vellera tractaverit, sed hoc, quod nemo ea sine periculo attingere potuerit. vid. vs. sq.“ Ita qui statuit, iis, quae proxime subiecta sunt, uberius explicari praegressa existimet necesse est. At gravius est illud *Verum etiam*, quam quod ferat eiusmodi oratio. Itaque telas ego quoque proprie dictas arbitror; non poterant autem telas attingere, quia putres erant, statim igitur rumpebantur. Sententia hunc in modum conformanda est: „nec, si quis totonderat et telam inde fecerat, ullo ea erat usu; quid? quod, si qui tamen induerant eiusmodi vestem,“ etc. Intericci haec: *si quis totonderat et telam inde fecerat*; sic enim conditionales sententiae interdum omittuntur a poetis; ut supra vs. 206.: „namque ante domandum Ingentes tollent animos;“ i. e. nam, si farraginem dederis ante domandum, etc. Aen.

et emittit Furias, quae ulciscantur iras suas.

559 ad fin. Unicus modus restabat pestilenti morbo medendi (isque etiam nostrorum sapientum iudicio unicus, qui satis efficacax sit), ut tacta cadavera ex conspectu hominum auferrentur, *ut humo tegerentur*. Nihil enim ex toto animante usui alicui inservire poterat. *Coriorum* nullus erat usus, si quis, id quod tentasse videntur, ea deripere et corpora iis nudare in animum

induxerat; *carnes* autem, h. e. corpora, quomodo, in tanta copia, aut *aqua*, aut *igni* consumi potuissent? Sed 561 *nec lanae* ullus usus erat, corrupta *pelle* per ulcera et saniem, quae est *illuvies*, nec tutum erat eas lanas (*telas* a consequente appellat doctius), pestilenti putredine infectas, *adtingere*. (melius haec exposita leges in V. L. ad vs. 562. conf. etiam ad vs. 563. Ceterum de contagione ex eiusmodi tela orta vid. Additamenta



Verum etiam, invisos si quis tentarat amictus,  
 Ardentes papulae, atque immundus olentia sudor  
 Membra sequebatur; nec longo deinde moranti 565

I, 334.: „Multa tibi ante aras nostra cadet hostia dextra;“ scil. si id feceris, quod te rogamus. X, 423.: „Haec arma exuviasque viri tua quercus habebit;“ scil. si hoc mihi dederis, ut virum interficiam. XII, 808. sqq.: „Ista quidem quia nota mihi tua, magne, voluntas, Iuppiter: et Turnum et terras invita reliqui. Nec tu me acria solam nunc sede videres Digna indigna pati;“ i. e. Nec tu, si voluntas tua mihi non esset nota, etc. XII, 879.: „cur mortis adempta est Conditio? possem tantos finire dolores;“ i. e. possem, si illa adempta esset. — Ceterum *putres* Medic. *Wr.*) 563 *Quin etiam* Romanus, non male. (*ne quidem — sed, sed etiam* vid. ap. Tursellin. de Particulis pag. 522. sq. ed. Schwartz. Hinc colon pro puncto vs. 562. posui. *Wr.*) etiam *miseros* Ven. *temptaret* Medic. a m. pr. (est ea prior lectio. *Wr.*) 565 *sequebantur* Ven. et Rottend. sec. Similiter Georg. IV, 8 variatur. *longe* Zulich.

ad Indices Gotting. literarios Part. XLIV, p. 361. sq. laud. a Geisslero in Schol. ad Georg. pag. extr. *Wr.*) Quid? quod adeo, 563 si quis c lana vestem confecerat, *amictus invisos*, quos abhorreres, appellat, eamque induerat, *papulis*, pustulis, exanthematibus, carbunculis, rodenti sanie tumentibus, et foetido *sudore*, ac brevi tempore post 565 *sacro igni* corpus infestabatur. Est autem *sacer ignis*, de quo Colum. l. c. VII, 5, 16. Laudatur quoque Lucret. VI, 1165. ibid. 660, erysipelatis *φλεγμονώδους* genus, vid. Celsum V, 28, 4, quamquam is ab erysipelate diversum facit. Aliis phlegmone est. 564. *sudor membra sequebatur*, per omnes partes se diffundens, ut Aen. IX, 812 *tum toto corpore sudor Liquitur*. 565. *moranti* dixit ornate pro, ei, h. eius artus seu corpus; scilicet non per longum tempus ei moras trahere licebat, cum sacro igni tentari coepit.

Totum locum explanavimus,

quod Interpretibus molestias cum facessivisse videbamus. Adiungamus adhuc nonnulla. *Viscera abolere undis* 559. 560 fere ita accipiunt, ut sit, malum ex visceribus sive lavando sive coquendo abolere, h. sive morbidam naturam, sive pus et saniem, sive, ut Servius subiicit, mucorem quendam carni corruptae inhaerentem. At hoc nec verborum nec rei natura aut veterinaria ratio admittit. Alterum, *flamma vincere viscera*, aut coquendo, aut torrendo, fieri putant: sane Servius ad v. 490 e Plinio laudat: *morbosa caro non coquitur*; et similia narrant alii; superstitiose potius, puto, quam vere; et possunt utique verba per se hoc significatu accipi; non vero, ut vidimus; hoc contextu. Quid tandem naturae rei magis consentaneum, quam ut cadavera igni cremarent, aut in flumina proiicerent, quo utroque modo consumuntur; quod facere deinde tanta cadaverum strages prohibebat. Flamma vincitur

## Tempore contactos artus sacer ignis edebat.

566 *contractos* vulgares nonnullae edd., etiam codd. *contactos sacer artus* Rom. *cum tactos* Goth. pr.

proprie res, quae concrematur; quorsum pertinet similis locus, quem Guellius hic commemorat e Nicandro Theriac. v. 37 de lapide gangite: ἤν οὐδὲ κρατεροῖο πυρὸς περιζαίννται ὄσμῃ. Vera sententia statim in oculos incurrit, modo quis animum advertat. (Sed falsissimam esse hanc Heynii interpretationem, veram autem Servii habendam, totus locus clamat. *Wr.*) Est de hoc

loco plena ostentationis disputatio Itali cuiusdam in edit. Virgilii Ambrogiana T. I, p. LIII. Melius tradi nonnulla, alia perperam exponi, vidimus a Pauleto (*Recherches sur les Maladies epizootiques* T. I, p. 44 sqq.), qui ad ignem sacrum, seu erysipelas vagum ardens et malignum, quod statim in gangraenam abit, pleraque, quae narrantur, spectare putat.

---

P. VIRGILII MARONIS  
G E O R G I C O N  
LIBER QUARTUS

---

A R G U M E N T U M

De re apiaria et mellificio in hoc libro acturus, primo loco exponit argumentum, Maecenatisque propitiam voluntatem sibi exorat 1 — 7. Inde de alvearii situ, fabrica, et apparatu praecipit — 50, tum de examinum exeuntium cura, seu vere ineunte vagantur — 66, seu ad pugnam exeunt discordibus inter se voluntatibus super rege creando — 87. Tum alteruter rex est necandus — 102, aut, si temere vagantur apes, partim regibus alae sunt resecandae, partim gratae herbae circa alveare serendae — 115. Cum attingeret locum de horto colendo, hoc argumentum aliis tractandum reliquit — 148. De ingeniis, naturis, et moribus apum agit, revocata earum oeconomia, quam vocamus, ad reipublicae formam, quam enarrat — 218; tam sollerter institutam illam, ut rationis illae munere impertitae esse videantur — 227. Sequitur locus de exemptione favorum — 238; sin relinquatur pars favorum, quae tum curanda sint — 250. De morbis apum et morborum cura — 280. De examinis extincti reparatione et de progeneratione apum ex iuvenco peremto et putrefacto — 311. Quod cum inventum Aristaei esse perhibeatur: descendit ad enarrationem fabulae: qua ille fertur extincto examine adiisse matrem Cyrenen, ab hac iussus consulere Proteum, de causis calamitatis et eiusdem remediis, edoctusque, evenisse sibi rem ob piaculum contractum ex Eurydices, Orphei coniugis, raptu, inferias ei fecisse: quo facto boum corpora in luco relictia paullo post examnibus novis efferbuere — ad fin.

---



**P**rotenus aerii mellis coelestia dona  
 Exsequar. Hanc etiam, Maecenas, adspice partem.  
 Admiranda tibi levium spectacula rerum,

1 *Protenus* unus Gnd. scribebat: ceteri *protinus* e vulgari pronuntiatione. cf. ad Ecl. I, 12. *aerei* tert. Rottend. 2 *Persequar* Vratisl. (*Micenas* Medic. *Wr.*) 3 *miracula rerum* alter Moret., forte ex v. 441.

1. *Protenus*, hinc, deinceps de mellificio se dicturum esse pollicetur. *aerium mel*, quia ex rore (qui utique ex aere defluit, inquit Servius,) colligi ab apibus credebatur. Seneca Epist. 85 *Quibusdam placet, non facienti mellis scientiam apibus esse, sed colligendi. Hinc mel aerium Virgilio, quod ex rore aeris factum*: *Protenus* aerii mellis caelestia dona. conf. Plin. XI, 12, s. 12. Aristot. Hist. Anim. V, 22. Columell. IX, 14, 20 et alios, quos Cerda laudat. Erroris quidem caussa facile intelligitur; eadem tamen de caussa, *coelestia dona*, deorum munus, appellat mel, conf. Plin. l. l. Ceterum ab initio statim huius libri adolescentes ad duo attendant, primum ad artificium rem tenuem et exilem imaginibus cum gratis et iucundis, tum praeclaris et magnificis, sine inepto tamen fastu, ornandi; deinde ad calliditatem in inferenda varietate ac copia in argumentum quamvis ieunum et exile, quorum maxime episodiorum opes referas. Ornatum quidem ac varietatem maxime modo ab maiorum animantium, pecudum et armentorum, modo ab hominum attributis, inprimis iis, petitum videbis, quae humanae

vitae et hominum societati ac coniunctioni, rebus publicis adeo et exercitiis, propria esse videntur: unde *tectâ, aedes, penates, lar, thalami, cunabula, stabula, oppida, urbs, aula, regna, praetoria, portae* et alia arcessita sunt, quorum quidem usum ipsa suppeditavit vulgaris hominum ratio, dum intelligentiam nescio quam et sollertiam apum ingeniis tribuunt, eamque mirificis rerum miraculis exornant et quae illae occulto aliquo naturae ductu et impetu, de quo mortalis mens nihil certi statuere potest, faciunt, ad voluntatem et prudentiam, virtutem animi ac pietatem, referunt. Poeta autem praeclare his praesidiis usus est; habet enim insignem ad animos nostros suavitatem, si nostrorum morum ac consiliorum imaginem in aliis animantibus adumbratam videamus. Totus autem hic de apibus locus multis illustrari potest post Varronem III, 16, unde pleraque sumta, ex Columellae libro IX, qui, dum de apum disciplina tradit, praeter Celsum et Hyginum, quorum libri nunc interciderunt, Virgilium sequutus est. Adde Aristot. Hist. Anim. V, 20 — 22, et IX, 40; et hunc poeta saepe ad verbum

Magnanimosque duces, totiusque ordine gentis  
Mores, et studia, et populos, et proelia dicam. 5  
In tenui labor; at tenuis non gloria: si quem

4 *totiusque ex ordine* plurimi habent, scripti et editi, etiam Medic. (et hoc in textu apud Foggin.; sed in calce libri notat Fogginus: „*Lege totiusque ordine.*“ Hoc autem *Lege* hanc habet vim apud Foggin., ut mendum incuria a se relictum indicet; itaque in Medic. genuinam lectionem exstare existimabimus; quod iam confirmant literae Freytagii. *Wr.*) Tam parum peritos rei metricae quis credat grammaticos et librarios? At recte particula metro inimica exsulat ex Rom. et aliis melioribus. Mederi voluit vitio quart. Moret. *totasque ex ordine*, Venetus: *totique ex ordine*. (E Paris. soli 3. 8. omittunt praepositionem, memoriae lapsu laud dubie a librariis illatam; cfr. in primis Ge. III, 341.: „totumque ex ordine mensem;“ et IV, 507. adde notata ad Ge. I, 46. II, 47. 294. 513. III, 237. Aliud est autem *ordine*, i. e. via quadam ac ratione, rite; aliud *ex ordine*, i. e. deinceps, alius post alium; sic etiam Aen. V, 773. ubi cfr. Not. *Wr.*) 5 *et abest ante studia* in Mentel., at ante *populos* in Rom. fragm. Moret., etiam in edd., ut Cerdæ. vid. Burm. Ad *populos* offendebat Io. Schrader. in schedis, et coni. *motus*: quod sane locum habere posset; sed *populos* dixit poeta, quia sub diversis regibus habentur apes. (Pro *mores* Medic. *maiores* a m. pr. *Wr.*) 6 *ac* Regius Martini et edit. Paulli Steph.; forte *si qua* vel *si quem* sc. laborem, Burm. *si quam* ed. vet. ap. Wakef. At vide Notam.

expressit. Plin. XI, 1—20. Geopon. XV. Pallad. I, 37—39. Plures scriptores, qui nunc interticerunt, Plinius adhibuerat: vid. Ind. libri XI, in his fuit nobile nomen Aristomachi, qui *μελιτροργιζὰ* scripserat. Eum tamen Columella tantum ex Hygino laudat IX, 13, 8. Tam parum frequens fuit iam tum tam clari scriptoris lectio. Imago eius in gemma circumfertur sculpta (ap. Agostini P. II, t. 97. Maffei P. I, t. 57), a cuius similitudine marmor eo nomine appellatum Mus. Cap. I, 59. Columellae ea loca adscripsi, in quibus ad Virgilium respexit; alia, quae nec rem nec verba illustrent, sed nota iam per se verbis iisdem aut variatis effecerunt, omisi. Multa ex hoc libro vidi transtulisse Quinctilianum in Declamat. XIII. Quae autem in ipsa doctrina de mel-

lificio et apum natura a Virgilio ac veteribus perperam tradita esse, post Swammerdamii (*Tr. de Apibus* in *Bibliis Naturae*) et Réaumurii (*Hist. des Insectes T. V.*) sagacitatem ex multis nostrae aetatis virorum diligentissimorum super mellificio libellis satis constat, ea ab his auctoribus petenda sunt. — 6. Conf. Ge. III, 289. 290. *si quem Numina laeva sinunt* sc. dicere haec; quod utique proximum est. Ita si orationem suppleas, facile dispellas nubeculam, Burmanno h. l. obiectam; quamquam, dum negat, *sinere aliquem* pro ferre, tolerare, dici, obici poterat inf. v. 47 *Neu propius tectis taxum sine. Numina laeva* accepta sunt ab Interpp. sinistra, adversa; laudata iam est auctoritas Gellii V, 12 extr. et Nonii Marcelli in *Laevus*. Secundum hos sensus

Numina laeva sinunt, auditque vocatus Apollo.

Principio sedes apibus statioque petenda,  
Quo neque sit ventis aditus, (nam pabula venti  
Ferre domum prohibent,) neque oves haedique  
petulci 10

Floribus insultent, aut errans bucula campo  
Decutiat rorem, et surgentis adterat herbas.  
Absint et picti squalentia terga lacerti

7 *laeta* Regius Martini. *sinant* Serv. ad Aen. II, 693. 8 *sedes statioque petendae* Moret. pr. et Mentel., at extrita littera ultima, *e*. et receptum hoc erat ab Heinsio. (parum apte *petendae*, quum non diversa sint inter se *sedes* et *statio*. *Wr.*) *petenda est* Ven. et Leid. (vid. Q. V. XV, 7, a. *Wr.*) Sed in tali variatione nil facile decernas. vid. Burm. *legendae* conl. Io. Schrader. At *petere* est parare. 9 *fit* edd. nonnullae, male. 10 *nec* Goth. pr. 11 *insultant* Moret. sec. *aut haerens* Franc. *buccula*, *bacula* al. 13 *pallentia terga* Parrhas.

est: non exiguam ex tali quamvis tenui argumento gloriam reportari posse, modo per adversa numina liceat, h. modo ne quod numen adversetur, et modo Apollo (pastoralis, Nomius) invocatus faveat. Fatendum tamen, leniorem esse rationem et iuncturam, si admittas, *laevum* h. l. ex augurali disciplina petiti-um significare propitium: etsi Burm. repugnat, quia alia huius usus exempla desiderantur. *Numen*, *numina*, omnino pro voluntate deorum, eiusque declaratione dici, notum est; itaque dici pro oraculis, vaticiniis, ominibus, auspiciis: Aen. II, 123 *quae sint ea numina divum*, quale illud sit responsum. VIII, 512 *quem numina possunt*, aruspiciis vox. et VIII, 78 *tua numina firmes* de somnio. III, 363 *euncti suaserunt numine divi*. ergo et de augurio dici potuit. In hoc autem sinistra fausta esse satis constat; translatum quoque ad prodigia et ostenta, ut

laetum fulmen Aen. II, 693 *In-tonuit laevum*. IX, 630. 631 *Audiit et caeli genitor de parte serena Intonuit laevum*. Est ergo augurium a laeva parte *numen laevum*.

8. De alvearii situ praecipit; quae cavenda sint — 17, quae optanda — 32. Eadem praecipiunt Varro III, 16, 12sq., quem poeta omnino sequutus est, et reliqui, quos supra laudavimus, inpr. Colum. IX, 4—7. Idem locum hunc excitat cap. 4 pr. Epitheton *haedi petulci* Lucretio deberi II, 367, in quo sunt *agni petulci*, observatum in Macrob. VI, 5. (de grammatica horum verborum ratione *Quo neque — neque* vid. Q. V. XXXIII, 4. *Wr.*) 12. *surgentis herbas*, crescentes, ut Ecl. V, 39. Ge. I, 161 et alibi.

13. Varia animantia apibus insidiantia ab alveari (*pinguia stabula* dixit) arcere iubet. Lacerorum varia genera sunt. Stellionem potissimum intelligi



Pinguibus a stabulis, meropesque, aliaeque volu-  
cres,

Et manibus Procne pectus signata cruentis. 15

Omnia nam late vastant, ipsasque volantis

Ore ferunt dulcem nidis inmitibus escam.

At liquidi fontes et stagna virentia musco

#### 14. VOLUCRES;

14 *ab stabulis* Medic. (idque reponi iubet Wakef. ad Lucret. IV, 245. cfr. Q. V. I, 1. *Wr.*) *que* post *meropes* abest a quatuor apud Burm. et ed. Ven. Medic. Pierii et uno Mead. *aliae* videri potest nimis tenue esse vocabulum pro reliquorum dignitate. Sensit quoque Io. Schrader., qui coni. *meropesque malaeque volucres* vel *meropes avidaeque v. vel blat-taeque v. vel vespaeque v.* (Bene *aliae*, modo comma, non semicolon, in fine versus ponas; praeparat enim *aliae* transitum ad Procnen, hoc modo: cum *aliae* volucres, tuum maxime Procne. Et est Graecismus: ἄλλα τε πτηνὰ, καὶ Πρόκνη, unde explicandum est etiam illud ἄλλως τε καί. Plat. Apol. Socr. cap. 16.: „φᾶντοί γάρ ἂν εἶεν τῶν ἡμιθέων ὅσοι ἐν Τροίᾳ τετέλεντήσασιν, οἳ τε ἄλλοι καὶ ὁ τῆς Θέτιδος υἱός.“ cfr. Sturz. Lexic. Xenoph. Vol. I. pag. 141. Adde Q. V. XXXIII, 6. *Wr.*) 15 *Progne* scribunt deteriores, ut *cygnus* pro *cynus*. Est *Πρόκνη*. vid. Heins. ad Ovid. Met. VI, 428. *Et maculis Procne* Markland. ad Stat. Silv. V, 3, 84 coni.; eleganter utique, si poetae ita placuisse constaret. Maculas enim ipse poeta declarat suis verbis; eas etiam Ovid. VI Met. 670 appellat *notas*. Si tamen maculas sibi ipsa manu adpersit, quidni *manibus cruentis*, h. cruore, *pectus signasse* bene dicatur? habens pectus signatum manibus suis. 16 *ipsasque volucres* ap. Nonium in *nidos*. 18 *Et* Menag. alter.

(de quo inf. 243) pronuntiat Iulius Sabin. At perperam: distinguit utrumque genus Colum. IX, 7, 5. 6 *venenatus stellio* — et mox *contra fallaciam lacerti, qui velut custos vestibulo prodeuntibus inhians apibus affert exitium*. Memoratur *stellio* inf. 242. *merops* nota avis, apibus inimica. *apiastrum* vulgo vocant, aut ab *apum* comestione nomen imponunt; *Inmenwolf*, *Bienenfrass* (vid. Kleinium *Hist. Avium Fam.* IV, Gen. 15, Tr. 2. Expressa imago apud Albinum *Hist. nat. Avium* T. I, n. 44). Eandem una cum hirundine, *Procne*, etiam alii commemorant inter aves apibus infestas.

vid. apud Cerdam. (et V. L. ad h. l. *Wr.*) 15. Etiam Ovid. Met. VI, 669 *neque adhuc de pectore caedis Effugere notae, signataque sanguine pluma est*. Scilicet maculas in collo hirundinis rubellas ab sanguine repetunt, quo respersit se Procne, cum filium manibus suis iugularet. 16. 17. Et ipsas apiculas rapiunt, ut pullis suis comedendas apponant. (De forma orationis vid. Q. V. XXXIII, 3. Adde praeterea Not. ad Aen. I, 471. *Wr.*) *volantes*, τὰ πτηνὰ, iterum ut sup. III, 147 *volitans* de insecto. Ornatus verus! *nidi* pro pullis.

18. *stagna virentia musco*,

Adsint, et tenuis fugiens per gramina rivus,  
Palmaque vestibulum aut ingens oleaster inum-  
bret: 20

Ut quum prima novi ducent examina reges  
Vere suo, ludetque favis emissa iuventus,  
Vicina invitet decedere ripa calori,  
Obviaque hospitii teneat frondentibus arbos.  
In medium, seu stabit iners, seu profluet humor, 25

19. TENUIS, GRAMINA, 21. UT, 23. CALORI;

19 *at tenuis* melius repeti bene vidit Meierotto in Dubiis p. 22. (non video, quam bene; vid. Q. V. XIII, 2, d. *Wr.*) *rivos* Medic. a m. pr. 20 *inumbret* Heins. reposuit e Mediceo, Romano, aliisque Pierii. Gud. a m. pr. et Rottend. tert. (et Mss. Cort. ad Lucan. IV, 456. *Wr.*) Vulgo omnes, *obumbret*, quod et Columella agnoscit IX, 5, 4 et ipsum bene se habet. Eadem varietas Aen. XI, 66. *adumbret* Mentel. pr. et Bodlei. (et 2. *Wr.*) 21 *Et cum* quart. Moret. *ducunt* Mentel. (et 2. 3. 4. *Wr.*) *Ut cum vere novi* (Sangerm. *novo*) codd. apud Columellam IX, 5, 4, omisso versu sequente, exhibent. 22 Potest quoque distinguī: *reges; Vere suo ludetque furis.* (non potest; vid. notata ad Ge. I, 142. *Wr.*) *ludetque* Ven. Rottend. sec. a m. pr. (et 3. *Wr.*) *ludique* Menag. alt. *laudetque* unus Mead. *messa* Medic. a m. pr. *cavis emissa* con. Io. Schrader., non male, de alveari. Verum et *favi* bene pro eodem; nam favi non modo de melle, verum et de cellis et loculamentis, poetae dicuntur. Sic inf. 104. 161. 179. 23 *Vicino* Ven. *vita colori* Menag. sec., quae de varietate vid. Heins. ad Orid. Epist. VI, 54. *discedere* Rom., male. 25 *profluit* Gud. a m. pr. dno Moret.

stagna intellige dulcis aquae, si-  
ve ripa musco obducta, sive  
saxis musco coopertis extanti-  
bus. cf. Georg. III, 144. Ecl. VII,  
45. Lucret. V, 949. Horat. Epist.  
I, 10, 7. Mox *tenuis rivus* signate,  
nam profundus ac rapidus abri-  
peret apes aquantes. conf. Varro  
III, 16, 27 aquam — ita ut ne  
altitudine ascendat duo aut tres  
digitos etc. *tenuis fugiens ri-  
vus*, duplici epitheto. vid. ad  
Georg. I, 407. (male haec fu-  
giens per gramina commatis in-  
clusit Heynius; neque ad Ge. I,  
407. remitto lectorem, sed ad  
ea, quae notavi ad Aen. VIII,  
559. *Wr.*) 21. 22. Cum pri-  
mum evolaverint. (cfr. not. ad  
Ge. III, 130. *Wr.*) 22. *Vere*

*suo*, sibi grato et aptissimo.  
Serv.; seu, quo ipsae natae sunt  
aut adolevere, quove primum  
volatum tentant, fructusque col-  
ligunt. (Recte, puto, Servius;  
sic navis suo fertur vento; sic  
suos, vel non suos vota ha-  
bent deos; i. e. propitios, faven-  
tes; vid. Gronov. Obs. l. IV, 17.  
et interpretes ad Aen. II, 396.  
et ad Tibull. III, 3, 28. Acute,  
non dixerim, quam vere, Vos-  
sius ait, comparari ver apum,  
quod incipiat a verno aequino-  
ctio, cum initio veris, quod homi-  
nes statuunt, incipientis a V. Id.  
Februar. *Wr.*) 23. *decedere ca-  
lori*, ut *nocti* sup. Ge. III, 467.  
24. Pulcerimus versus: *arbos  
obvia teneat hospitio*, h. excipiat.

Transversas salices et grandia coniice saxa,  
 Pontibus ut crebris possint consistere, et alas  
 Pandere ad aestivum solem; si forte morantis  
 Sparserit, aut praeceps Neptuno immerserit Eurus.  
 Haec circum casiae virides, et olentia late 30  
 Serpylla, et graviter spirantis copia thymbrae  
 Floreat, inriguumque bibant violaria fontem.  
 Ipsa autem, seu corticibus tibi suta cavatis,  
 Seu lento fuerint alvearia vimine texta,  
 Angustos habeant aditus. Nam frigore mella 35

26. SAXA:

27 *Pontibus et Mentel.* tert. Reg. *Pontibus et crebris possunt* Gud. *possunt* etiam Goth. pr. 28 *non forte* quart. Moret. 29 *immiserit* unus Mcad. et vett. edd. 30 *viridis* Mentel. sec. (Errori tribuendum, quod Gronov. Diatr. pag. 351. hunc versum ita laudat: „Hic circum casiae“ etc. *Wr.*) 31 *Serpilla* nunc ubique fere edi mireris. *Serpul-la* Medic. cum multis. *Serpylla* Rom. cum aliis. (sane ita Bottarius; at Pierius *serpulla* hic quoque exstare in Rom. testatur. *Wr.*) Etiam *Serpi-la*, *Serpilia*. cf. ad Ecl. II, 11. Est *Ἐρπύλλον*. 33 *iura pro suta* Ven. 34 *Seu fuerint lento* Franc. *ulvuriu* Medic. Roman. vid. Burm. et Pierium. (sed *e* in Medic. supra scripta; vid. Q. V. XVI, 4. *Wr.*) *alviarea* tert. Mentel. *vimene* Gud. 35 *aditos* Medic.

25. *seu stabit iners humor*, in stagno v. 18. Hoc *iners* sine motu, nec tamen putre ac situ corruptum: quod aversantur v. 48 sqq. 29. *aut Eurus praeceps*, ventus vehementior, cum impetu irruens, *immerserit Neptuno*, aquae. Hoc vero est, rem tenuem amplificare! (*Spars-erit*, imbre. Nam *spargere* pro *irrigare*, *irrorare* usurpatur. *Wch.*)

30. *Circum haec*, quae modo enarravit, circa fontes et stagna, amoena prata esse debent. Colum. IX, 5, 6 *Conseri deinde debent circa totum apiarium arbusculae*. — De *casia* herba coronaria, alias *thymelaea*, cuius fructus in officinis *granum Chidium*, monitum iam est ad Ge. II, 213; de *serpyllo* ad Ecl. II, 11;

*thymbra* eadem quae satureia, *Pfefferkraut*, aut eiusdem saltem generis. cf. Martin. 32. — et violae proveniant; at quam ornate! Imitatione expressit Claudianus XXXVI (de Rapt. Proserp. libr. III), 233 *prima sub luce, cum rore serenae Albet ager sparsosque bibunt violaria succos. violaria*, loca violis consita, h. l. pro violis possunt accipi. *irriguum*, h. l. qui irrigat. (vid. Not. Wunderl. ad vs. 115. *Wr.*)

33. De fabrica alvearis vid. Colum. IX, 6, unde §. 1 colligas, *suberis cortices* potissimum h. l. intelligi. Stramineorum alvearium usum notum fuisse Romanis, non reperio. 36. *liquefacta remittit*, ornatius pro, *liquefacit. remittere*, pro resolu-



Cogit hiems, eademque calor liquefacta remittit.  
 Utraque vis apibus pariter metuenda; neque illae  
 Nequidquam in tectis certatim tenuia cera  
 Spiramenta linunt, fucoque et floribus oras  
 Explent, conlectumque haec ipsa ad munera glu-  
 ten

40

Et visco et Phrygiae servant pice lentius Idae.  
 Saepe etiam effossis, si vera est fama, latebris  
 Sub terra fovere larem, penitusque repertae

36 *ea quippe* Barth. Adv. XXXVII, 6 e Mss. laudat. *culorique facta* Romanus. *culefacta remittit* Parrhas. *resolvit* alter Rottend., ex interpretatione. 38 *in* abest Zulich. 39 *succo* Ven. *fuco linunt et* Parrhas., male. 40 *collectum haec* quart. Moret. *ipsu haec* Goth. pr. 41 *viscosque* Goth. sec. *Figiae* Gud. e *Frigiae*, quod in aliis. *servent* idem. *lentius idem* Parrhas. 42 *e fossis* Mentel. 43 *Sub terram* codd. apud Pierium, liber Fabricii Chemnic., Mss. Barthii, Venetus, Regius, Goth. pr. et vett. edd., velut Ven. et Paris. 1494. etiam Egnat., at Aldd. et ceterae vulgg. *Sub terra. Sub terras* Medicus Pierii, et unus Arundel. conf. Burmannus. *fovere* tuetur Medic. Pierii, Gud. cum septem aliis, Regius Martini. *fodere* vulgo ante Heins. (ita etiam 7. 8. 14. et Medic. a m. sec. *Wr.*) *fodiere* Medic. a m. pr. vid. Heins. et Ge. III, 420.

vere. 37. *neque illae Nequidquam*, h. ac propter hoc ipsum. *nequidquam* h. l. sine caussa, frustra; at Georg. I, 95. 96. 192. 403 sine fructu. 39. *Spiramenta*, quae v. 35 *angusti aditus*. conf. Colum. IX, 7, 5. (rimas alvearium tenues intelligit Voss. *Wch.*) *fucus* est alga vel ulva marina vel palustris; quae cum ad h. l. minus sit idonea, alterum assumendum est, ut *fucus* sit quod allinitur, h. l. succus florum; pro quo dictum *fucus et flores*; quo oblinuntur rimae alvei. *floribus*, h. succo florum. Habuit ante oculos Aristot. verba H. A. IX, 40. p. 944 ed. Paris. D. et 945 A. 40. Paratum ad hoc consilium *gluten*, s. glutinum, est *propolis* veterum de apibus magistrorum. Plinius XI, 7, sect. 6 *E vitium populorumque migliore gummi*

*propolis, crassioris iam materiae, additus floribus* (succo e floribus), *nondum tamen cera, sed savorum stabilimentum, quae omnes frigoris aut iniuriae aditus obstruuntur, odore et ipsa etiamnum gravi, ut quae plerique pro galbano utantur*. Minus recte ad *pissoceron* revocat poetae verba ad e. l. Harduinus, et ad *erithacen* Martinus cum aliis; etsi nomina haec permutari verum est: vid. Beckmann. ad Mirab. Ausc. 15, pag. 42. Varro III, 16, 23 *De his propolin vocant, e quo faciunt ad foramen introitus protectum in alvum, maxime aestate. Idaea pix*, vid. Ge. III, 450.

42. *effossis* non quasi ipsae effodiant, ut Servius accipit. *fovere larem*, habitant, vid. ad Georg. III, 420 *fovū humum serpens*. 43. 44. Et reperiri so-

Pumicibusque cavis exesaeque arboris antro.  
 Tu tamen e levi rimosa cubilia limo 45  
 Ungue fovens circum, et raras superiniice frondis.

## 46. SUPER INIICE

44 *ilicis antro* ed. Ven. conf. Ge. II, 453. *arboris alvo* codd. nonnulli apud Pierium, liber Ursini, Menag., pro *alveo*. vid. Heins. Sed Maerob. Sat. VI, 7 *antrum* agnoscit et pro caverna insolenter poni notat. 45 *e* tuetur Heins. e Medic. et aliis compluribus. Vulgo *et*, quod Nauger. intulit, haud deterius, utrumque agnoseit Serv. abest utrumque Toll. (Reliqui haec ita, ut ab Heins., Burm., Heynio edita sunt. Plura enim hic incerta, quae expedita malis, antequam sententiam feras. Primum Heinsius *e levi* in Medic. scriptum esse ait; at Foggini. exhibuit *et levi*). Tum non satis certa lectio in Servio; is „Alii, inquit, *Et levi* legunt. Unus tamen sensus est: nam hoc dicit: quod illae nimio labore perficiunt, tu e levi unge rimosa cubilia circumfovens limo.“ At recte Burmannus: „Servius alium ordinem constructionis videtur secutus, et *e levi* separatim ponere, eodem modo, ut *e fucili*, *e tuto*, et similia occurrunt; — nam opponit Servius nimio labori. Sed hoc procedere non potest, quia eo sensu prima in *levi* debet corripi. Quare si ita capere libet, legendum sine dubio *e leni*.“ Egrege vero Burmannus; et ita plane cod. Dresd., ex quo ita Serviana constitue: „E LEVI RIMOSA CUBILIA LIMO: Alii *et levi* legunt: unus tamen sensus est. Alii *et leni* legunt: nam hoc dicit:“ etc. Itaque triplicem lectionem commemorasse putandus est Servius. Duplicem quidem, ut vulgata Exemplaria, agnoscit etiam Edit. Basil., sed ita, ut et ipsa pro *et levi* praebeat *et leni*. Ceterum *e limo ungere* illustrat Burm. ex auctoribus rei medicae. *IVr.*) *limosa* Zulich. *cubacula* Bodlei. *limo*: In Declamat. XIII, p. 275 ed. Burm. ubi hic locus expressus est: *Iuvabat aut lenta vimina vernis fetibus texere, et — hiantes rimas tenaci linere fimo*, putes eum legisse h. l. *fimo*. Sed *luto et fimo* est in Columella. 46 *favens* Toll. (*superiniice* sic iunctim scripsi; et amant poetae longiora in altera hexametri parte vocabula, non item in priore. *Frondes* Medic. Ceterum *densas* expectaverim, non *raras*. *IVr.*)

\*) Hoe in ipso codice invenit Freytagius.

lent intus in pumicum, s. saxorum, ut Iliad. β, 87. 88 arborumque cavitatibus: unde mel repertum in cavis arborum truncis et in rupium cavis. cf. Plin. XI, 18, s. 19.

45. 46. Apum diligentiam apiarii opera adiuvandam dicit. *Laevis limus*, lutum, aqua subactum, sane et tactu lubricum et visu nitidum. *ungue e limo* proprie dictum, ut medici solent. vid. eund. *rimosa cubilia* in pedestri sermone, rimas cubilis, h. alvearis, *ungue circum*,

*fovens*, hoc poetico ornatu adiectum; nam ad calorem continendum alias id fieri solet, ut rimas obturemus. Cetera illustrat Colum. IX, 14, 14 *Quicquid deinde rimarum est, aut foraminum, luto et fimo bubulo mistis illinemus extrinsecus, nec nisi aditus, quibus commeent, relinquemus. Et, quamvis porticu protecta vasa, nihilominus congestu culmorum et frondium superlegemus, quantumque res patietur, a frigore et tempestatibus muniamus.*

Neu propius tectis taxum sine; neve rubentis  
 Ure foco cancos; altae neu crede paludi,  
 Aut ubi odor coeni gravis, aut ubi concava pulsu  
 Saxa sonant vocisque offensa resultat imago. 50

Quod superest, ubi pulsam hiemem Sol aureus  
 egit

Sub terras, coelumque aestiva luce reclusit:  
 Illae continuo saltus silvasque peragrant,  
 Purpureosque metunt flores, et flumina libant

#### 50. SONANT,

47 — 50 Possunt haec videri alieno loco posita, et supra inter ea, quae cavenda sunt, referenda fuisse. Etiam Io. Schrader. in schedis locum illis suum circumspiciebat post v. 32. Poteras pari iure post v. 17 annumerare. Scilicet si in philosopho *dogmatico* versabaris, id exigi poterat, ut severo ac subtili ordine ille uteretur. Scravit quoque eum Colum. 1. l. IX, 5, 4. 5. 6. Nec tamen turbasse ordinem sententiarum videri debebat poeta. Supra v. 8 sqq. de situ alvearii, tum quae in eo cavenda sunt, agebat; inde a v. 33 de ipsa fabrica; spectandum in hac, ut angustum sit ostium; ut, exemplo apum, ab apiario rimae et foramina obliantur; tandem ut nec odor nec sonus infestus ad apes accedat. 47 *Nec propius* tert. Rottend. *Ne Arusianus. taxum sine tectis* alter Moret. *taxum tectis sine* Oblongus Pierii. (Ceterum cfr. notata ad Ge. III, 53. *Wr.*) 49 *odos* tert. Rottend. *olor* Barthii codex, quem v. Adv. XXXVII, 6 et ex eo Keuchen. ad Ser. Samonic. 97. *dolor* pro var. lect. in Gud., forte ex *olor.* *pulso* idem a m. pr. *grandia pulsu* Vratisl. (*caeni* Medic. et Romanus. Practerea *conchava* Medic., et *pulsi* prior in eodem lectio. *Wr.*) 50 *voci* ed. Norimb. 52 *terram* Moret. sec. (vid. Cort. ad Lucan. II, 58. *Wr.*) *terra* Medic. a m. pr. *refulsit* Parrhas. 53 *silvas saltusque* Franc. *pererrant* Toll. et Parrhas., item ed. Paris. 1498.

47 — 50. Subiicit nonnulla, quae in adornando alveari videnda sunt. cf. V. L. De *taxo* vid. Georg. II, 257. Ecl. IX, 30. De *cancris nidore*, cum est ignibus *adustus* (uri autem solet in variorum morborum cura), vid. Gesneri notam ad Colum. IX, 5, 6. 48. *neu crede eas paludi aut* eiusmodi loco, *ubi* — odor *gravis*, molestus, quia fortis et terter est. (Ceterum vide Q. V. XV, 2. extr. *Wr.*) *offensa imago*, h. *solidis adlisa locis*, ut Lucr. VI, 574. Sequitur poeta Varronem III, 16, 12. conf. Co-

lum. IX, 5 extr. Rei caussam Plinius adiungit XI, 19, sect. 21 *Inimica est et echo, resultanti sono, qui pavidas alterno pulset ictu.*

51. Ceterum vere ineunte exire incipiunt apes: *schwärmen*. cf. Colum. IX, 14, 1 et 18. *egit pulsam*, pepulit, *hiemem sol sub terras*; quod antiquae tabulae poetam debere suspicabatur Spencius Polymet. p. 191; petita verius rei species aut a sideribus et ipso Sole occidente, aut a Sole ad alterum hemisphaerium decedente. *coelum reclusit*,



Summa leves. Hinc nescio qua dulcedine laetae 55  
 Progeniem nidosque foveant; hinc arte recentis  
 Excudunt ceras, et mella tenacia fingunt.  
 Hinc ubi iam emissum caveis ad sidera coeli  
 Nare per aestatem liquidam suspexeris agmen,  
 Obscuramque trahi vento mirabere nubem: 60-  
 Contemplator; aquas dulcis, et frondea semper  
 Tecta petunt. Huc tu iussos adsperge saporos,

58. HINC,

(56. *recentes* Medic. *Wr.*) 57 *Excludunt* Rottend. tert. Mentel. pr. Leid. a m. pr. Goth. pr. *Extudunt* Moret. pr. *figunt* Franc. Ven. Goth. pr. unus Mead. Sic Servius et edd. Steph. aliaque. 58 *Kin ubi* Mentel. pr. a m. pr., pro *Quin*, ut Heins. coni. *Hic* Reg. Martin., quod praeferam. (Probum *hinc*; sed male vulgo post *hinc* commate interpungitur, quo fit, ut eum *Contemplator* vs. 61. iungatur. *Wr.*) *missum* Rottend. tert. Gud. a m. pr. vide v. 22. 59 *per aestivum* Reg. Martin. 60 *mirabile* Goth. pr. Hoc idem coniecerat Reiskius, et *Contemplator* pro nomine accipiebat. Sed vid. Georg. I, 187. (— 61. *dulces* Medic. *Wr.*) 62 *Huc* ed. Iunt. cum al. *Hic* fragm. Moret. Vratisl. et Reg. Martini. *Huc tu caveis adsperge favorum* aut *tunsos adsperge saporos* ex v. 267 emendabat Reiskius. Sed vid. Not.

tectum adhuc et obductum nubibus ac nimbis. 54. *Purpureos flores*, simpl. pulcros, ut saepe. *croceos* alibi, ut v. 109. *metunt* elegantius, quam carpunt. Ap. Lucret. III, 11 est *limare*: *Floriferis ut apes in saltibus omnia limant*. (ubi vid. Wakef. *Wr.*) ἀμύσασθαι sic Callim. in Dian. 164. 55. *leves* poetico ornatu, quo ipso indicatur, cur suspensae in superficie se librare possint. *Hinc*, ex his floribus et fontibus, *fovent*, alunt, *progeniem nidosque* (ut vs. 17 pro pullis), novos fetus suos. Columella IX, 14, 18 *Nam ab aequinoctio verno sine cunctatione iam passim vagantur, et idoneos ad fetum decerpunt flores atque intra tecta comportant. nescio qua dulcedine laetae, idem versus* Georg. I, 412.

58 — 62. Itaque etiam nova examina, cum primum se aeri credunt, fontes et arbores petere videbis. *hinc* nunc saltem ad operis faciendi ordinem erit referendum, duce Plinio XI, 6, s. 5. *Caveas*, de alveo, a theatri sedibus petita imagine. conf. Colum. IX, 9 pr. 59. *per aestatem liquidam*, per aerem liquidum, aestiva serenitate; ut *liquidus aer, aether*. *Nare*, volare, ut contra *navis* volat apud poetas. Philargyr. ex Ennio laudat: *transavit cita per teneras caliginis auras*. Et Lucret. III, 590 prius *quam anima prolapsa foras enaret in aeris auras*. Mox idem: *trahi vento*. 60. *nubes*, perpetuum de examine. Valer. Fl. I, 396 *Fuscat nube diem, dum plenas nectare cellas Pandit, et in dulcem reges emit*

Trita melisphylla, et cerinthae ignobile gramen;  
 Tinnitusque cie, et Matris quate cymbala circum:  
 Ipsae consident medicatis sedibus; ipsae 65  
 Intima more suo sese in cunabula condent.

Sin autem ad pugnam exierint; (nam saepe duobus

63 *melisphylla* Heins. e Medic. et melioribus scripsit; vulgo *meliphylla*, communi ratione. Aberrationes alias in hac et altera voce *cerinthe* vid. apud Burm. et in Colum. IX, 8, 13, ubi versus laudatur. Est τὸ κήρινθον. *ignobile carmen* Ven., an *germen*? Burm. 64 et abest Menag. sec. 65 *considunt* Mentel. pr. Moret. sec., et mox *condunt*. *condident* Goth. pr. *meditatis* Franc. (*medicantis* Medic. a m. pr. *Wr.*)

*tit Hymetton*. ubi Weitz. multa subiicit. 61. *Contemplator*: de formula hac praecipienda vid. sup. ad Georg. I, 487. 62. *Huc*, in arborem, ut hinc in novum alveare condi possit, nec ulterius procedat agnen, *adsperge saporos iussos*, succos, quos adspergere moneo, iubeo; inf. v. 549 *monstratas excitat aras*. cf. Varro III, 16, 30. 31, adde 22. 23 et 14. 63. *melisphyllum*, seu melissophyllum, apiaster, conf. Varro III, 16, 10, vulgo *melissa*. conf. Martin. *Cerinthe*, nobis hortensis, in Italia silvestris ac valde frequens, hinc *ignobile gramen*, h. herba. vid. Plin. XXI, 12, s. 41. Expressam eius faciem habes apud Martinum. cf. Colum. IX, 9, 13, ubi et hic versus laudatur, et c. 12. 64. *Matris cymbala*, in Magnae Matris Deorum, Cybeles, sacris adhiberi solita, ut notum. Ceterum tinnitu aeris apes cogi et in alvearia condi, res vulgari usu cognita. Caussam alii a metu, ut Varro III, 16, 30. Colum. IX, 8, 10. 12, 1, quod sequitur Lucanus IX, 284 sqq. pulcherrimo loco; alii a voluptate, quam ex sonitu capiunt, pe-

tunt, ut Aristot. Hist. Anim. IX, 40. Plin. XI, 20, s. 22. Geopon. XV, 3. quod ipse Virgilius sequi videtur inf. 151 *Curetum sonitus crepitantiaque aera sequitae*. Prior ratio eo videtur posse comprobari, quod meliculosum animans etiam echo reformidat (vid. v. 50), et pulveris iactu a pugna revocatur v. 86. 87. Varro III, 16, 30. Locum etiam ante oculos habuit Claudian. XXVIII (de VI Cons. Honor.), 259 sqq. 65. *medicatis sedibus*, h. in loco succis adperso et oblito. *medicare semina* vidimus Ge. I, 193. *cunabula* pulcre, quia de fetu apum.

67 sqq. Quem alii Intpp. horum versuum nexum sibi finxerint, equidem non assequor. Solent enim illa, *nam saepe duobus — discordia motu*, in parenthesi ponere (quam hic sustulimus) et, quae sequuntur, apodoseos loco habere; invito plane sensu, et particula *que* otiosa. Sed poeta negligentiore oratione usus est, et, dum in digressionem abripitur, praestantissimum omnium confessione locum, apodosin non nisi v. 86. 87 subiunxit; ita ut re-

Regibus incessit magno discordia motu)  
 Continuoque animos volgi et trepidantia bello  
 Corda licet longe praesciscere: namque morantis 70  
 Martius ille aeris rauci canor increpat, et vox  
 Auditur fractos sonitus imitata tubarum;  
 Tum trepidae inter se coeunt, pennisque coruscant,  
 Spiculaque exacuunt rostris, aptantque lacertos,  
 Et circa regem atque ipsa ad praetoria densae 75

68. MOTU,

68 *incussit magnos discordia motus* Reiskius coniiciebat. Sed *discordia incessit*, ut *cupido, metus, incessere modo animos, modo animis*, etiam in pedestri oratione saepe dicitur. 70 *praediscere* Ven. et Vratisl., quod Burmanno in his libris usitatus videbatur. 71 *canor invocatur* Sangerm. cod. apud Colum. IX, 9, 4. Ibidem unus *tonitus*. 72 *Auditor* Gud. a m. pr. *tractos sonitus* tentabat Io. Schrader. ex v. 260 *tractimque susurrant*. 73 *trepide* uterque Goth. *pinnisque* Gud. et Mentel. pr. 74 *Spicula exacuunt sine que* Mentel. pr. a m. pr. *Spiculaque acuuntque* Vratisl. 75 *ad* deest pr. Moret.

liqua omnia in medio interiecta sunt; quod notatum iam video Philargyrio. (Habet haec ratio, quod displiceat; itaque Heyniam interpolationem rursus mutavi; vid. omnino Q. V. XXXV, 9. *Wr.*) Si nova examina alveari prodeunt, tinnitu aeris revocantur; sin ad pugnam exierint, aspersione pulveris. *Regibus incessit discordia*, pro vulgari ratione, *reges incessit*. *Reges*, quos nunc apum matres esse scimus. Dignitatem carminis in re tenui in seqq. admirari satis nequeas.

69. *Corda bello trepidantia*, h. animos belli cupiditate, pugnae ardore, trepidantium, festinantium, satagentium, dum se ad bellum accingunt, ut mox *trepidae coeunt*, h. festinantes. Apponam Servii notam: „*trepidantia bello corda*, alacritate pugnandi, non timore.“ Alibi Ge. III, 105 *exultantiaque hau-*

*rit Corda pavor pulsans*. Transtulit autem poeta ea, quae omnium apum migrationes antecedere solent, ad id, quod illo maxime tempore accidere solet, cum bellum civile movetur; et habuit ante oculos Aristotelem H. A. IX, 40. pag. 946 E. Varro nem R. R. III, 16, 30, poetam autem vicissim Columella IX, 9. 71. Dum bombum faciunt. *fracti sonitus*, h. non continui, modo fortiore, modo remissione spiritu. 73. *pennisque coruscant*, ex frequenti motu *περὰ ποικίλα. αἰόλα*. Idem est *micare*. 74. *Spicula rostrorum* (sic vulgari more effertur, pro simplici, rostra), aculeos, acuunt, seu cum Martyno simplicius, rostris suis acueri videntur aculeos, quod muscas quoque facere videas. *aptant lacertos* petitum a pugilibus, qui ante certamen explorant vires, brachia iactant, ut Aen. V, 376. 377.



Miscentur, magnisque vocant clamoribus hostem.  
 Ergo ubi ver nactae sudum camposque patentis,  
 Erumpunt portis: concurritur; aethere in alto  
 Fit sonitus; magnum mixtae glomerantur in orbem,  
 Praecipitesque cadunt; non densior aere grando, 80  
 Nec de concussa tantum pluit ilice glandis.  
 Ipsi per medias acies, insignibus alis,

\* \* \*

Ingentis animos angusto in pectore versant,  
 Usque adeo obnixi non cedere, dum gravis aut hos,

76. HOSTEM.) 77. ERGO, PATENTIS E. 78. POR-  
 TIS, 79. SONITUS, 81. GLANDIS; 82 — 83.  
 Signa lacunae apud Heyn. nulla sunt.

77 *ver sudum nactae* Erf. *nactae* Gud. *nate* Goth. pr. *campusque* *potentis* Gud. (antique, vid. Lexx. Wr.) Interpungebatur — *patentis*: *Erumpunt* — Ita erat durior ellipsis *τοῦ fuerint*, vel *sunt*. cui occurras, si cum aliis *nactae erumpunt portis*: iunxeris. Inde continuatur oratio: *concurritur* etc. Itaque mutavi. (at multo fortiores reddit pristina interpunctio orationem. Neque ita dura verbi substantivi omissio; sic Ge. III, 235.: „ubi collectum robur viresque refectae.“ ibid. 271.: „ubi subdita flamma medullis.“ et cfr. Q. V. XV, 2. Idem sentit Wunderl. Wr.) 78 *Irrumpunt* Aldd. Iunt., et sic Goth. pr.; Heins. *mallet se rumpunt*. v. ad Georg. I, 446. *concurrunt* Ven. et Goth. sec. Post *aethere in alto* interpungit Zulich. cum edd. nonnullis, sic quoque Wakef. Porro *aethere alto* quart. Moret. *ab alto* Reg. Martini. (— 79. *magno* Medic. a m. pr. Wr.) 81 *Non de* Menag. pr. et Reg. *pluet* edd. Commelin. et al. *fluit* tert. Rottend. et Gud. pro var. lect. (— 82. Post hunc excidisse aliquem versum, tum e pronomine *Ipsi*, quod, quo referatur, non habet, tum ex totius orationis inconcinnitate satis apparere arbitror; itaque lacunae signa interposui. Vid. Q. V. XVIII, 2, e. Wr.) 83 *in corpore* alter Moret. pro var. lect., sed vulgata est apud Schol. Statii Theb. I, 417. Post hunc versum in alt. Rottendorphii erat: *Ipsi inter sese reges fulgentibus alis*.

πῆλκε δὲ χεῖρας Apollon. II, 45.  
 75. *praetorium*, h. l. ex usu ca-  
 stremsi. 77. Redit oratio ad vs.  
 67 *Sin autem ad pugnam exie-  
 rint*. Ergo, *ubi ver nactae* —  
*erumpunt portis*, concurrunt.  
*Miscentur* pro conveniunt. *ver*  
*sudum*, εὐδίων. Mox 79 *mixtae*,  
 pugna congressae; utrumque ex  
 μίγνυσθαι, μίχθῆναι. 77. *ver*  
*sudum*, caelum sudum verni

temporis; idem sunt *campi pa-  
 tentes*, aer purus et liquidus,  
 non nubibus clausus; ut bene  
 Servius. 82. *Ipsi*, reges. ut  
 Burmann. monet. (aliena affert  
 Burmannus. Wr.) 84. *obnixi*  
*non cedere*, usque adeo dum;  
 in vulgari oratione, ita obnitun-  
 tur, ut non cedant, donec. —  
 86. *hi motus*: ut iam ad vs. 67  
 dictum, est haec apodosis sen-

Aut hos versa fuga victor dare terga subegit. 85

Hi motus animorum atque haec certamina tanta  
Pulveris exigui iactu compressa quiescunt.

Verum, ubi ductores acie revocaveris ambo,  
Deterior qui visus, eum, ne prodigus obsit,  
Dede neci; melior vacua sine regnet in aula. 90

Alter erit maculis auro squalentibus ardens;  
Nam duo sunt genera: hic melior, insignis et ore,

### 85. SUBEGIT:

85 *subegit* reposuit Heins., quem vide, ut omnes Pieriani et ex-  
cepto fragm. Moret. Heinsiani, Martiniani, Gothani. Edd. obsidebat *coe-*  
*git*, quod vulgare verbum est. Est tamen Egnat., quae *subegit* exhibet.  
Heins. etiam *fugae victor dare terga* malebat. Sed et alterum Aen. XII,  
463. v. Burn. (— 86. *tantum* Medic. *Wr.*) 87 *quiescunt* Medic.  
et ant. plerique eodd. apud Pierium, et unus Arundel. (et 3. 7. 8. 12. *Wr.*)  
et recepi nunc pro vulg. *quiescent*. (nihil mutavi, quum, quid Heinsiani  
libri sequantur, plane ignoremus\*); *quiescunt* probat etiam Cort. ad Lu-  
can. I, 103. *Wr.*) *quiescant* Bodlei. 88 *ambos* Philarg. et alii. Sed  
meliores *ambo*, (sic Medic., et ceteri, ut videtur, Heinsiani. *Wr.*) ut et  
Charisius ac Maurus. vid. Pierius. 89 *obsiet* Medic. a m. pr., ἀρχαῖος,  
inquit Heins. *ne providus* Zulich. 91 *Alter enim* Sangerm. ap. Colum.  
IX, 10, 2. *maculis albo* see. Rottend., miro lapsu. 92 *hinc melior*  
Menag. *meliorque* Medic. a m. sec. Moret. quart. Zulich. et Regius, ut  
versui caverent. *insignis et auro* ed. Ven. *meliori insignis et ore* con-  
iciebat Reiskius.

\* sed *quiescunt*, quod apud Fogginium exstat, in ipso codice legi, li-  
terae Freytalii me docent. *Wr.*

tentiae generalis, variis orna-  
mentis interpositis; nam vs. 77  
*Ergo*, inquam, *ubi erumpunt por-*  
*tis* ad pugnam, adperso pulvere  
dirimendae sunt apes. 87. *con-*  
*pressa quiescunt*, comprimuntur.

90. Dissidium civile inter exa-  
mina enecto altero rege sedan-  
dum; nunc de specie ac colore  
regum et ceterarum apium. *me-*  
*lior*, fortior, victor. *prodigus*,  
h. l. qui tantum mel consumit,  
nullum ipse parat. 91. Sequen-  
tes versus recitat et illustrat Co-  
lunella IX, 10. Sunt autem fere  
ad verbum ex Aristotele confecti  
H. A. X, 40. pag. 945 D. E. ed.  
Paris. Opp. *maculae squalentes*,

tinctae, obductae, *auro*, h. ma-  
culae aureae. conf. Aen. X, 314.  
XII, 87. Unde mutuatus est Si-  
lius II, 547. 583. Putidum est  
Grammaticorum (vid. Geil. II, 6.  
Macrob. VI, 7. Nonius VI, 26)  
commentum, *squalere* a *squamis*  
deducentium. Sed *squalere*, etsi  
communiter de corpore illuvie  
et sordibus obducto dicitur, ex  
primo ac proprio significato de  
madore corrupto ac muco; tum  
apud poetas de quacunque re,  
cui aliquid illinitur, incrustatur,  
adeoque etiam de colore adsciti-  
tio, usurpatur. Omnino *squa-*  
*lent*, quae non sunt *laevia ac*  
*nitida*. conf. ad Aen. X, 314,

Et rutilus clarus squamis; ille horridus alter  
 Desidia, latamque trahens inglorius alvum.  
 Ut binae regum facies: ita corpora plebis. 95  
 Namque aliae turpes horrent; ceu pulvere ab alto  
 Quum venit et sicco terram sput ore viator  
 Aridus; elucent aliae, et fulgore coruscant  
 Ardentes auro et paribus lita corpora guttis.

96. CEU, 97. VENIT,

93 *clarus gemmis* Burmann. 94 *lateque* quart. Moret. *alvom* Gudian. 95 *corpora plebis* Medic. et omnes Heinsii, quod hic recepit (idem iam ediderat Egnatius); et est utique exquisitius, adeoque poeta dignius, quam vulgatum *gentis*, neque exemplorum agmine firmare opus erat. Habebant *plebis* omnes Martini, uno Bodlei. excepto; habent uterque Gothanus, et apud Colum. IX, 10, 2 meliores, in quo aliae diversitates videri possunt: laudat enim: *Namque duae regum facies, duo corpora plebis; Alter erit muculis auro squalentibus ardens; Et rutilus clarus squamis insignis et ore:* ex vss. 91. 92. 93. (— 96. *turpis* Medic. *Wr.*) 97 *et sicco terram* aliquot Pieriani; porro Medic. Gud. Moret. pr. et Rot-tend. tert. Et sic apud Colum. l. l. Ante Heins. *et terram sicco*, ut vulgo omnes. Apud Columellam porro: *quum pulvere ab alto Cum venit.* Burmannus coni. *ceu pulvere anhelus Cum venit.* At inserviebat Columella sententiae suae, ut ex lectione facile apparet. Laudat enim sic: *Atque hic maxime probatur, qui est melior; nam deterior, sordido sputo similis; tam foedus quam, pulvere ab alto cum venit et sicco terram sput ore viator, et, ut idem ait, desidia latamque trahens inglorius alvum;* (ex vs. 94) *Omnes igitur duces deterioris notae dede neci, melior vacua sine regnet in aula: (ex vs. 90) qui tamen et ipse spoliandus est alis, ubi saepius cum examine suo conatur eruptione facta profugere* etc. 99 *et abest* in libris apud Colum. IX, 4, 2. Pro *lita* erat *ita* Moret. quart. Antea cum Philargyrio interpositum erat: *ardentes auro, et p.*

quae vero tantum ab asperitate spectantur, ea *horrere* dicuntur, etiam sine sordium notione. 92. *insignis ore*, forma; mox v. 95 *faciem* dixit. Plin. XI, 16 *Omni-bus* (regibus) *forma semper egregia et duplo, quam ceteris, maior.* 93. *alter ille horridus*, foedus adspectu (mox *turpes horrent*, eodem sensu v. 96). *desidia*, incultu et negligentia, et hoc ipso *latam trahens alvum*, obesus, *πλετνγάζτωρ* apud Aristotelem. Aliorum loca vid. ap. Guell. et Cerdam.

96. *turpes horrent* pro sunt,

sed cum notione asperitatis: conf. ad vs. 91. *ceu viator horret, quum venit ab alto pulvere*, alte a vento in aerem levato, acto; pro simplici: a via pulverulenta. *sputit terram*, aut in terram; ait Serv. pro compos. adspuit, inspuit: aut re vera terram, propter pulverem, sc. ut terra dicta sit pro pulvere; sputit, exspuit, pulverem. (Sane sic: *pulverem exspuit*; vide Colum. ab Heyn. in V. L. laud. *Wr.*) *Aridus*, pro siccus, sitiens; ut *ἀνάλεος* apud Callim. in Cer. 6 *ὅκ' ἀφ' ἀνάλέων στομάτων πτώ-*



Haec potior suboles; hinc coeli tempore certo 100  
Dulcia mella premes; nec tantum dulcia, quantum  
Et liquida, et durum Bacchi domitura saporem.

At quum incerta volant, coeloque examina ludunt,  
Contemnuntque favos, et frigida tecta relinquunt:  
Instabilis animos ludo prohibebis inani. 105  
Nec magnus prohibere labor. Tu regibus alas  
Eripe. Non illis quisquam cunctantibus altum  
Ire iter, aut castris audebit vellere signa.  
Invitent croceis halantes floribus horti,

101 *premens* Medic. a m. pr. Reg. et unus Arundel. 102 *et ante durum* aberat ab Gud. a m. pr. et Zulich. *ac* pr. Moret. *edomitura* Gudianus. 103 *Et quom* Franc. 104 *Contemtuque favos — relinquam* Mss. Barthii: prius ferri possit; est tamen ex vulgari ratione. (*Contemprunt et relinquunt* Vatic. *Wr.*) 105 *In stabulis* Medic. a m. pr. et duo alii. *prohibetis* Rottend. sec. 106 *Tu rigidus* Regius Martini. 108 *et castris* Rufin. de Schemat. lexeos p. 32. *tollere signa* unus Mead., male. 109 *olentes floribus orti* Franc. et unus Arundel. *alantes* Regius. (vid. ad Ge. II, 217. *Wr.*)

μεγ ἄπαστοι. 99. *Ardentes corpora*, corporibus, *lita*, illita, oblita, inducta, *auro et paribus guttis*, aureis maculis. Locum expressit et excitavit Colum. IX, 3, 2. Idem affirmat, Virgilium Aristotelis in his auctoritatem (Histor. Anim. IX, 40; adde V, 22) esse sequutum. Conf. Varro III, 16, 19.

100. Ex his praestantissimi apum fetus educantur; ex his optimum mel paratur. *coeli* (vid. ad Ge. III, 327) *tempore certo*, vere et auctumno. *premes*, eliquando. cf. v. 140. 101. *mella liquida* et communi naturae mellis epitheto, et vero etiam proprio quodam dicuntur. Tum autem et in vitio haberi possunt tanquam fluentia, ut v. 36 (opponuntur *tenacia* v. 57), et in laude, ut h. l., ut sint pura, et opponantur iis, quae faece ac

sordibus crassa sunt. conf. inf. 163. 164. Porro, quod sequitur, veteres vina melle *condisse*, atque hinc etiam *mulsum* conficere consuevisse, satis notum est vel ex Horat. Sat. II, 4, 24. *durum saporem*, austerum.

103 — 115. Ut loco semel capto retineantur apes, et ad mellificium invitentur, enarratur, quid factu opus sit. *frigida tecta* ex hoc ipso, quod alvearium ab apibus destitutum est; nam quum assidue incolunt, tum *fovent*, ut v. 43 *fovere larem*. Sic *frigidus torus* pro viduo. Nam opus, quod *fervet*, huc trahi nequit. — 105. *ludo*, a volatu vago et incerto. 106. Rem eandem tradit Columella, simulque modum IX, 10, 3, et IX, 9, 8. 107. *quisquam*, quasi de militibus loqueretur. *altum iter*, de volatu. (aut ad ludum,

Et custos furum atque avium cum falce saligna 110  
Hellespontiaci servet tutela Priapi.

Ipsa thymum pinosque ferens de montibus altis

Tecta serat late circum, cui talia curae;

Ipsa labore manum duro terat; ipsa feracis

Figat humo plantas, et amicos inriget imbris. 115

Atque equidem, extremo ni iam sub fine labo-  
rum

Vela traham, et terris festinem advertere proram,

116. EQUIDEM; 117. PRORAM;

110 *custos frugam* Medic. a m. pr. *florum* Goth. sec. *aut avium* Rot-  
tend. sec. *et Menag.* pr. 112 *feres* Reg. Etiam *tinus* legi Philargyr.  
monet. cf. eundem ad v. 141. 113 *ferat* quart. Moret. (*quod* Vatic.  
*Wr.*) 114 *ferentes* quart. Moret. 115 *Affigat humo* Goth. sec.; et  
sic saepe alibi, ut v. 169 *Afferret* et 188 *Affit*, pronuntiandi vitio. 117  
*et terris properarem* Mentel. pr. pro div. lect. *avertere* sec. Moret. et  
Vratisl. Goth. pr. *proras* Gud. a m. sec.

aut ad bellum exhibit. *Wr.*)  
109. horti, in quibus sunt flo-  
res halantes. 110. Omnia haec  
vulgo nota; quid tamen ad apes?  
dices. Scilicet Priapi signum,  
in hortis positum, arcere falce  
sua etiam ab alvearibus fures,  
et aves apibus infestas terrere  
videri poterat. conf. Horat. Sat.  
I, 8, 4 sqq. Eum Lampsaci ad  
*Hellespontum* potissimum cul-  
tum esse, nec minus constat.  
*tutela Priapi*, pro *Priapus*, *cu-*  
*stos*, pro, quae custodit hor-  
tos a furibus, observat fures.  
Sic quoque Macrobius reddit III,  
6 extr.

112. De thymo apibus gratis-  
simo res nota. Loquitur autem  
poeta Romanus de eo, qui nunc  
*thymus capitatus*, in Italia et  
Graecia frequentissimus. cf. Mar-  
tin. *semper vivens pinus* memo-  
ratur etiam Columellae IX, 4, 2,  
et 5, 6; erat autem illa veteri-  
bus inter hortenses arbores, ut  
vel ex Ecl. VII, 65, ubi vid.

Heins., et inf. v. 141 patere  
potest. conf. Cerda. Quae in  
botanicorum libellis memorari  
solent, ex illis, non ex notis ad  
poetam sunt petenda. Chamae-  
pityn, herbam topiariam, Scali-  
ger intelligebat ad Culicem p. 41  
Append. Virgil., minus bene.  
115. *amici imbres*, aqua ex  
fonte aut fluvio. *inriget imbris*,  
scil. plantis, vel in plantas, ex-  
quisitius, quam vulgare, *irrigat*  
*plantas imbribus*. Aen. I, 691  
*Venus Ascanio placidam per*  
*membra quietem Irrigat*. (Conf.  
eandem constructionem verbi  
*irrigare* apud Caton. R. R. c. 36.:  
*amurcam irrigare ad arbores*.  
Unde *fontis irriguus* recte dicitur  
IV, 32. *Wr.* Tibull. II, 1, 42.:  
„Tunc bibit irriguas fertilis  
hortus aquas.“ *Wr.*)

116 — 148. De cura horti co-  
lendi argumentum aliis se relin-  
quere tractandum dicit; quam  
partem deinceps Columella libro  
X explendam suscepit. Nam Ra-

Forsitan et, pinguis hortos quae cura colendi  
 Ornaret, canerem, biferique rosaria Paesti;  
 Quoque modo potis gauderent intuba ravis, 120  
 Et virides apio ripae; tortusque per herbam  
 Cresceret in ventrem cucumis; nec sera comantem  
 Narcissum, aut flexi tacuissem vimen acanthi,

118 *colenti* Gud. a m. sec., quod ab emendatrice manu profectum, exquisitius est vulgato. forte *colentis*, inquit Burm., quod necesse haud esset. 119 *bifori* Erf., indocte. *Basti* Medic. a m. pr. (idem *ornarem* a m. pr. *Wr.*) 120 *intuba*, *intyba*, *intiba*, scribitur. v. sup. Ge. I, 120. *positis* — *fibris* Longobard. *positis* ed. Ven., et *fibris* etiam Priscian. lib. IX et XI agnoscit. Sed hoc haud dubie ex Georg. I, 120 repetitur. 121 *viridis* fragm. Vatic. (etiam Medic., sed ultima *i* in *e* a manu rec. mutatur. *Wr.*) *totusque* Toll. *per herbas* Goth. pr. Regius et ed. Paris. 1494. 122 *sera* Medic. et alii boni, recte; *sero* duo Pierii et multi alii, quod et vulgare est, et metro repugnat.

pini hac de re insipidum opus in hunc censum non venit. Plin. XIV, 1 *Quamquam videmus Virgillum praecellentissimum vatem, ea de caussa* (rerum humilitate) *hortorum dotes fugisse, et e tantis, quae retulit, flores modo rerum decerpisse, beatum felicemque gratiae*, etc. Versus sunt longe ornatissimi, inprimis herbarum hortensium epithetis et aliis attributis.

118—124. Forsitan de cura hortorum dixissem. Iam ornatum contemplare. 118. *pingues hortos*, solo pingui adeoque fertili. *quae cura colendi ornaret hortos*, in vulgari oratione: *esset*; in qua etiam tempora aliter sibi responderent: *traherem, festinare*, — *canerem*. 119. *Paestum*, s. Posidonia, Lucaniae urbs, ad sinum Paestanum, non longe a Silaro, rosis clara urbs apud poetas, a triginta inde annis propter praeclaras ruinas nobilis, itemque numorum veterum repertorum copia. Sunt de his multorum opera,

inprimis Thomae Mayor, et Comititis de Gazola editore Paullo Ant. Paoli. *biferum* autem propter egregiam caeli clementiam, et ad Homeri imitationem de Alcinoi hortis Od. η, 117—121. (Tradidit de Mileto Aethlius secundum Athenaeum I. XIV, c. 19. p. 379. Schw.: Σῦκον καὶ ῥόδα δὲ τοῦ ἐνιαυτοῦ ἐγένετο. *Wch.*) 120. Enarrat nonnulla olera hortensia et coronaria ex topiariis. De *intubo* vid. ad Georg. I, 120. *Apium*, *σέλινον*, varia habet genera, ut petroselinum. Sed hic *palustre* intelligendum videtur, nobis *Selery* dictum, quod locis riguis gaudet. cf. Mart. 121. 122. Usus eadem imagine Propert. IV, 2, 43 *Caeruleus cucumis, tumidoque cucurbita ventre*. 122. 123. De *Narcisso* vid. supra ad Ecl. II, 48, et h. l. Martin. Videtur scilicet veterum Narcissus esse *Narcissus* noster *albus circulo purpureo vel croceo minor*. Sed *sera comantem*, sero florentem, appellat, quod sub clementiore caelo etiam



Pallentisque ederas, et amantis litora myrtos.

Namque sub Oebaliae memini me turribus altis, 125

### 125. T. ARCIS

124 *que* abest ab edd. ant. et fragm. Vatic. *Pallantesque* Rottend. sec. At tert. *Pallantisque*, ut *Palantes hederæ* sint, velut *Errantes*. Sed sunt aberrationes illæ perpetuæ; et *hedera alba* a *nigra* distinguitur. vid. Heinsius. 125 *Oebaliae memini me turribus altis* vulgo ubique legitur. *Oebaliae* — *arcis* apud Arusian. Messium, quod unice verum esse nullus dubito, nunque cum Brunckio recepi. Quis enim *Oebuliam* dixerit de urbe Tarento, aut Tarentina regione? quis *turres Oebaliae*? quis ferat *turres Atticæ* pro Athenis? At *arcem* pro urbe dicere poterat, quamquam et *arx Tarenti* ex Livio satis nota. *turribus autis* Medic. a m. pr. *Oebalio* Goth. pr. Mira ex hoc nomine orta est corruptela apud Corippum de laud. Justin. III, 94 *vites* — *Quas manibus propriis Ithacus plantavit Ulysses Arce sub Oebalia Laertia limina servans, Nondum Troiani vitans discrimina belli.* Nisi *Oebaliam urcem* forte ex Laconica cum Penelope, Icarii filia, in Ithacam transferas, nullus ei locus esse potest. In cod. unico, unde carmen profectum est, erat: *Parces ubi Italiæ.* Nunc Barthii emendatio recepta: *Pace sub Iliaca.* Interea fatendum est, corruptelam in Marone esse videri valde antiquam, quandoquidem in Claudiano ex imitatione dictum occurrit: *Liris, et Oebaliae qui temperat arva Galaesus:* in Prob. 260. (Librorum mss. lectionem defendunt Voss. et, qui ab Iahnio laudatur, Weichert. Commentat. de Titio Septimio poeta. 1824. ed. Itaque *altis* revocavi. *Wr.*)

seriore anni tempore, Novembri ac Decembri, floret, ut de Thracia ac Graecia tradiderunt Busbequius et Turnefortius. Et Theophrast. de Hist. Plant. VI, 6, loco ab Heinsio laudato: *νάρκισσος ἢ λείριον* — *ὄψιον δὲ σφόδρα* · *μετὰ γὰρ ἀρκτοῦρον ἢ ἀνθησις, καὶ περὶ ἰσημερίαν.* In *comantem* vinum agnoscit Meierotto in Dubiis p. 10, ut respiciatur copia florum et scaporum, quos narcissus habere solet. Mitscherlich. noster Adnotat. ad H. in Cer. p. 112 ad v. 12 Hymni hoc epitheton advocat: *τοῦ καὶ ἀπὸ ῥίζης ἑκατὸν κάρα ἐξεπεφύκει.* *Acanthus* h. l. herbae nomen, noster *acanthus sativus*, seu *mollis Virgilii*, apud Bauhin. *Wälsche Bärenklau.* vid. ad Ecl. III, 45, ubi *mollis*, ut inf. v. 137, *ὕγρος* Theocrito, quod hic *flexus*, quia adultior

caulis reflectit se et vergit ad humum; propter hoc ipsum poetica ratione *vimen* ei tribuitur, quod proprie non habet, sed caulem. *tortos acanthos* dixit Columella X, 241. *Pallentis hederas*: ponit genus certum; nam sunt et nigrae.

125. De Tarento loquitur; *arx Oebalia* dicta, h. Lacedaemonia, ab Oebalo, vetere Lacedaemonis rege, Tyndarei patre. Parthenii Spartani, Phalantho duce, *diu et per varios casus iactati, tandem in Italiam deferuntur, et, occupata arce Tarentinorum, expugnatis veteribus incolis, sedes ibi constituunt.* Justin. III, 4. De his et Tarenti originibus actum in Commentat. de legibus Tarent. in Opusc. academ. Tom. II, pag. 217 sqq. Ager autem Tarentinus inter fertilissimos habitus; anne *Galaeso*

Qua niger humectat flaventia culta Galaesus,  
Corycium vidisse senem, cui pauca relict

126 *Qua niger omnes libri, scripti et expressi; nec aliter legerat Sidonius Apollinaris c. 24, 8 Quales Corycium senem beantes Fuscabat picei lana Galaesi.* At ante Heins. editiones Plantinianas et Elzev. occuparat piger ex Io. Scopae collectaneis. Alterum proprie Galaeso tribuitur; ambigitur modo, quo sensu. v. Burm. ad h. l. Sed est haud dubie aqua nigricans, quia pellucida et profunda; ita enim solet fundus nigricare, adeoque et ipsa aqua. *Umbrosum* Galaesum dixit Propert. II, 25, 67. At enim hoc sensu *niger amnis* absolute dici vix potest: aliter se habet *silva nigra*. *Galaesus* scribunt Medic. et meliores, Γαλαῖσος. vid. Heins. *Galaesus* vulgo. Respicit h. l. Propert. II, 34, 67 ubi Maronem in haec loca deducit: *Tu canis umbrosi subter pineta Galaesi Thyrsin et attritis Daphnin arundinibus.* 127 *Corytium* Iunt. ed.

irriguus, noto ex Horat. Carm. II, 6 *Dulce pellitis ovibus Galaesi Flumen, et regnata petam Laconi Rura Phalantho.* 127. *Corycium* nunc *senem* induxisse videtur Varronis exemplo, qui fratres Veianos laudat III, 16, 10. 11. Locum expressit Sidonius Apoll. Carm. XXIV, 58. 59. *Corycus* Ciliciae oppidum, antro et croco satis notum; ex quo agro oriundus senex hic in agrum Tarentinum a poeta adducitur, sive is casu eo pervenerat, sive traductus a Pompeio, qui, narrante Servio, victis piratis Cilicibus partim ibidem, partim in Graecia, partim in Calabria, agros dedit. Laudes tamen huius senis apud poetam in piratam veteranum vix cadere videntur. Apud Probum alia est narratio: „Pompeius quum oppugnaret piratas, remigibus eorum promissit agros, si vicisset eorum adiutorio; quorum proditione victor Tarentinorum agros veteranis divisit, et quicquid deterrimum fuit, remigibus dedit.“ Indocte haec quoque narrata; et, si quid inde tenendum, saltem dicemus, veteranos a Pompeio in

agrum Tarentinum tum vacuum ab incolis deductos esse. Inter haec quid vetat, quo minus certum hominem Cilicem intelligamus, quem poeta, quocunque tandem casu ille in Italiam traductus fuerat, in his terris hortum colentem noverat? Venerat enim poeta in haec loca sub a. U. C. 715. vid. Vitam. At illa Servii ratio vix ferri potest, ut *Corycius senex* appellative dictus sit, qui more apud Corycios usitato agrum coleret. *Hortus* quidem *Corycius* recte ita diceretur, a praestantiore cultus genere, non autem *senex*.

127. 128. *cui pauca relict* *Iugera ruris erant. relictum rus* cum absolute dicatur, vix aliter accipi potest, quam sive de subsecivo, h. in metatione, cum agri assignarentur, intra limites non recepto (vid. Goes. Ind. in R. Agrar. Scriptt.), sive de contento omnino propter ieunitatem soli neglecto et deserto agro, ut Servius facit (quo et reliqua vocant: *nec fertilis illa iuvencis, Nec pecori opportuna seges, nec commoda Baccho* et mox in *du-mis*). Nam *ager relictus*, sc.

Iugera ruris erant, nec fertilis illa iuven-  
 Nec pecori opportuna seges, nec commoda Baccho.  
 Hic rarum tamen in dumis olus albaque circum 130  
 Lilia verbenasque premens vescumque papaver,  
 Regum aequabat opes animo; seraque revertens

## 128. ERANT: 132. ANIMIS

129 *Nec Cereri* Salmas. Exerc. Plin. p. 366 laudat; memoriae sc. vitio. Tum noli cum nonnullis haerere in *illa seges* nec fertilis — nec commoda Baccho. Iungenda sunt: *pauca iugera*, *illa iugera erant seges* nec fertilis per iuven-  
 corum arationem, nec opportuna. Dicta *seges* omnino pro agro, proprie quidem de proximo. (an „de consito?“ *Wr.*) 130 *Hic (rarum!)* in *dumis*, interpungendum coniectat Burm., sed vid. Not. *Hinc* liber Bersmanni; ipse con. *Huic*: quod et Erf. a m. sec. habebat. *Hinc* etiam Longobard., ex paucis illis iugeribus, inquit Pierius. (*holus* Medic.; vid. Cellar. Orthograph. p. 301. ed. Harles. *Wr.*) Versus 130. 131 aberant a Goth. sec. 132 *aequabit* quart. Moret. *animo* quatuor apud Burmannum, et sic Serv. ad Aen. I, 18. vid. ad Phaedr. II, 3, Burmann. (Bene *animo*; vid. Q. V. VIII, 2, c.; nec unquam de mente et sententia *animi* plurali, sed *animus* singulari numero; sic *animo* Aen. I, 532. II, 660. III, 34. IV, 15. V, 748. VI, 158. IX, 191. X, 890. et saepius; *animis* de audacia, ferocia, furore, etc. Nempe senex ille regibus se beat-  
 tiorem putabat; ac notissimum est illud apud Horat.: „Persarum vigui re-  
 ge beatior.“ *Hinc animo sibi aliquid fingere*, non *animis*; et similia eodem modo. Sane, si de pluribus agitur, locum habebit etiam pluralis. Atque *animo* commendant hoc loco libri minime spernendi Mentel. pr. Menag. pr. Moret. pr. Leid. et Alb. Originem mendi indicat Moret. sec., in quo *animos*; adhaeserat s ex sequenti vocabulo: iam quum *animos* ferri non posset, sponte se offerebat *animis*. Eodem modo peccatum Aen. XI, 774., ubi vide, quae annotavimus. Statium autem Silv. I, 2, 122.: „*Vincit opes animo*“ alludere ad haec Virgilii verba voluisse, ut putat Marklandus, vix crediderim. *Wr.*)

hereditate, avitus, cum nihil, quod eo ducat, adiectum sit, ut v. c. contrarium in illo Martialis: *Res non parta labore sed relict*a, valde dure dictus esset. Habes tamen in hoc Burmanni auctoritatem. 128. 129. *nec fertilis illa iuven-  
 cis*, h. iuven-  
 corum la-  
 bore, aratione. *seges* omnino pro agro, solo. Nec arationi, nec pascuis, nec vineis bonum solum fuisse dicit.

130. in *dumis*, in solo spi-  
 noso ac dumis indulgenti, hoc equidem novi latine dici posse; etiam sic, ut sit, inter dumos,

in dumeto, quod non videtur locum habere; an vero esse pos-  
 sit latine dictum pro in horto, saepe ducta ex dumis, incluso, quod vir doctus me docet, alii diiudicent. Certe non ausim di-  
 cere, olus crescere in saepe, pro in horto saepe cincto, ita nec, in dumo. *premens*, plan-  
 tans, ut Georg. II, 346 *quae-  
 cunque premes virgulta per  
 agros*. ut *premere* sit legere, decerpere, metere, adiecta opus-  
 esset alia voce, manu, ungue, ut Ge. I, 157 *falce premes um-  
 bras*, resecabis. Calpurn. V, 111



Nocte domum dapibus mensas onerabat inemtis.  
 Primus vere rosam atque auctumno carpere poma,  
 Et, quum tristis hiems etiamnum frigore saxa 135  
 Rumperet, et glacie cursus frenaret aquarum,  
 Ille comam mollis iam tondebat hyacinthi,

## 135. ETIAM NUNC

133 *ineptis* Franc. (*inertis* Potterius e Medic. enotat; nempe ita ty-  
 pothetae errore exaratum est apud Fogg., ut ipse refert Foggin. *Ineptis*  
 etiam Lips. pr., i. e. *inemptis*; idem *honerabat*; sed Medic. *onus*, *oneratus*,  
*onustus*, *onerare*, constanter sine adspiratione. *Wr.*) 134 *atque* omit-  
 tit pr. Moret., hiatu non inaudito. 135 *etiamnum* Heins. e Medic. et  
 Gud., etiam Pierianis. *etiam nunc* vulgo, et hoc recte; (ut putat etiam  
 Wakef. ad Lucret. V, 17. *Wr.*) est enim antiquius; itaque revocavi. Mo-  
 nitum ad Ecl. II, 41. (hic certe *etiamnum*, quod est in Medic. et Gud.,  
 praeferendum. Vide notata ad Ecl. II, 41. *Wr.*) 136 *firmaret* Moret.  
 sec. Pro *glacie* Wakef. *glacies* reposuit, eleganter quidem. 137 Vul-  
 gata erat lectio: *Ille comam nullis iam tum tondebat acanthi*. Miratio-  
 nem iam per se facit hoc, quod *acanthus*, seu *branca ursina*, cum inter  
*semper frondentes* sit (ut Georg. II, 119 *baccas semper frondentis acan-*  
*thi*), alienus ab h. l. est, in quo de floribus *alieno tempore florentibus*  
 agitur. Iam vero *mollis iam* (non, *tum*) *tondebat hyacinthi* scribunt di-  
 serte Medicus, Gud. Rottend. tert. a m. pr., Mentel. duo, Menag. alt. et  
 Moretani tres (quo Regius alludit: *iam tond. iacynthi*). Eandem lectio-  
 nem in vetust. libris invenerat Achilles Statius; itaque nondum receptam  
 esse olim mirabar; et nunc eam recepi, adstipulante Brunckio. Nam ma-  
 nifestum est, aut importunum metum de metri ratione, aut scripturam  
 sine aspiratione locum dedisse depravationi in *acanthus* ad ductum Ecl.  
 III, 45, ubi *mollis acanthus* occurrebat. *iam tunc* Ven. At Martini libri  
 cum Gothanis in vulgata lectionem conspirabant; nec Pierius quicquam  
 de suis monuit. (*tondebat hyacinthi* etiam 3. 8. 11.; et *achanti*, sic, de-  
 terior lectio, in margine Medicei miniatis literis appicta. *Wr.*)

*tu tamen aut laeves ederas aut*  
*molle salictum Valle premes ge-*  
*lida*, ubi est seu falce seu ma-  
 nu stringere, frondes decerpere.  
 Mox *rarum olus* potest referri  
 ad pauperem hortum, ut modic-  
 um olus inde provenisse dicat;  
 sed verius est ita dici, quoniam  
 proprium sationis et plantationis  
 est, ut olera parvis inter se in-  
 tervallis, *raris ordinibus*, se-  
 rantur; id quod in solo tenui  
 multo magis fieri necesse erat.  
 Saltem hoc malim, quam poro-  
 sum interpretari, ut spongia  
 rara dicitur. *circum* in oris area-

rum oleribus consitarum. *Ver-*  
*vena*, hierobotane, *Eisenkraut*,  
 h. l. apum caussa sata. *vescum*  
*papaver*, tenui grano; Ge. III, 175  
*vescas salicum frondes* dixit; ad  
 quem vs. vide. 134. *carpere*,  
 carpebat, historico modo, ut et  
 v. 140. 135. *frigore saxa Rum-*  
*peret*, v. Ge. III, 363. Etsi vix  
 credas, in locis his Italiae ex-  
 tremae circa Tarentum tantam  
 hiemis saevitiam incidere posse,  
 ut pro generali hiemis notatione  
 haec sint habenda. 137. *co-*  
*mam mollis iam tondebat hya-*  
*cinthi*: h. carpebat hyacinthos

Aestatem increpitans seram zephyrosque morantis.  
 Ergo apibus fetis idem atque examine multo  
 Primus abundare, et spumantia cogere pressis 140  
 Mella favis; illi tiliae, atque uberrima pinus;  
 Quotque in flore novo pomis se fertilis arbos  
 Induerat, totidem auctumno matura tenebat.  
 Ille etiam seras in versum distulit ulmos,  
 Eduramque pirum, et spinos iam pruna ferentis, 145

133 *zephyrosque vacantes* Erf. a m. pr. (*morantes* Medic. Wr.) 139  
*multum* Gud. a m. pr. 141 *tilia* Medic., quod merito praeferit Heins.  
 Et sic emendarat Reiskius. (*tilia* elisioni originem videtur debere. Wr.)  
 142 *Quodque, quoque* al. apud Burm. 143 *feribat* Schol. Cruqu. Horat.  
 III, 1, quod in prosa ferrem. *legebat* Moret. fragm., quod in cultorem,  
 non de arbore, dici posse, bene monnit Burm. 145 *que* abest a duobus  
 Burm. *Iduramque* Leid. pr. a m. pr. *pinum* Medic. a m. pr. *Edurasque*  
*pinus* Goth. pr., metro invito. *spinas* Leid. Zulich. Rottend. pr. a m. pr.  
 Moret. sec. *prunos iam spinu ferentis* Ven.

media hieme. *coma hyacinthi* pro  
 ipso flore. 138. Argutus versus.  
 Ipse antevertebat praecocibus  
 floribus aestatem et zephyros,  
 et idcirco increpare eorum tar-  
 ditatem ac moram videri poterat.

140. Mellificio antevertebat  
 alios; mella maturius expri-  
 mebat favis. *apes fetae* melle.  
 141. *pinus*, vid. ad vs. 112.  
 142. 143. Fidem praestabant ar-  
 bores, nec frustrabantur spem  
 ex flosculis et gemmis conce-  
 ptam. Poma futura latent in  
 floribus, hinc *arbos induit se*  
*pomis in flore novo*: at *in flo-*  
*rem ipsum induit se arbos* supra  
 Georg. I, 187. 188.

144 — 146. Ille etiam ulmos  
 in ordinibus, κατὰ στίχους, h. e.  
 ille ulmorum ordines posuerat;  
 at elegantius *distulit*, disposuit,  
*in versus*. conf. Ge. II, 277 sqq.  
 Servio duce, quem Iulius Sab.  
 exscribit, Martinus de *trans-*  
*plantatione arborum iam adul-*  
*tarum*, quam ille Corycius se-  
 nex felici eventu tentabat, acci-

pit; motus epitheto adiecto: *se-*  
*rae ulmi*. Probaveram hoc ipse  
 in prioribus edd. et ad eadem  
 iam redeo. (Non recte haec de  
 transplantatione accipi viden-  
 tur; neque enim quid egerit se-  
 nex, sed quid habuerit in hor-  
 to suo, narrat Virgilius. Itaque  
*in versum distulit ulmos*, si  
 probe intelligo mentem poetae,  
 idem valet, quod *habebat in*  
*versum dilatas ulmos*. *Serae*  
 autem *ulmi* proprie quidem non  
 sunt adultae, sed tarde crescen-  
 tes, ut recte explicat Burm. Sed  
 plantatas ab homine illo iuvene,  
 eo tempore, quo eas vidit Vir-  
 gilius, iam adultas fuisse, ex  
 vs. 145. sq. intelligitur. Wr.)  
 Ergo *ulmos* appellat *seras*, non  
 tam sero adolescentes, sed iam  
 adultas. *piros eduras*, h. valde  
 duras, validas; conf. Var. Lect.  
 ad Ge. II, 65. *Spinus*, oxya-  
 cantha, *Hagedorn*, cui iam pru-  
 nus insita erat; tandem *plata-*  
*nus* (vid. Georg. II, 70) iam um-  
 brosa. haec forte ad priorem

Iamque ministrantem platanum potantibus umbras.  
Verum haec ipse equidem spatii exclusus iniquis  
Praetereo atque aliis post me memoranda relinquo.

Nunc age, naturas apibus quas Iuppiter ipse  
Addidit, expediam, pro qua mercede, canoros 150  
Curetum sonitus crepitantiaque aera secutae,

146 *umbras* Heins. e Pierianis et suis. Sic Goth. sec. et omnes Martini. *umbram* vulgo. *platanus* — *umbram* Goth. pr. 147 *haec ipse quidem* novem apud Burm., uterque Goth. Regius et ed. Norimb. *haec ipse eadem* Ven. *ipsa* Medic. a m. pr. *exclusus* omnes Pieriani et Heinsiani, Goth. sec. et omnes Anglici; et confirmat Columellae imitatio lib. X pr. Vulgg. *disclusus*, male. Altera tamen lectio iam ab Egnatio erat prodita, et e Palat. in ed. Commelin., tum H. Steph. et Pulmann. *seclusus* Menag. pr. 148 *post me memoranda* Nauger. cum Steph., quod deseruere alii: itaque revocavit Heins. e parte librorum; ut Goth. sec. Reg. et Cantabrig. exhibent; et confirmari id potest e Colum. X praef. 3 et X, 5, quo maior pars alludit cum Mediceo et uno Arundel. *post memoranda*, (sic etiam 2. 3. *Wr.*) ita, ut similis syllaba exciderit; quam supplevere alii, ut in Pierianis aliquot et uno Meadiano: *post haec memoranda*, aut, ut vulgo legebatur, et ut in tribus Martiniianis legitur: *post commemoranda. aliis primo memoranda* ed. Ven. (*commemoranda* recepit Vossius; abstinuit Virgilius hoc verbo, prosae orationi magis, quam poeticae conveniente, quamquam non ignoro legi apud Ovidium aliosque. *Wr.*)

interpretandi modum revocare possit. 147. Cf. ad v. 116. Colum. lib. X, praef. et pr. *spatii iniquis*, spatio nimis angusto, intra quod cursum suum tenere cogitur. Respicit locum Plinius quoque lib. XIV pr. 148. Servius ad h. v. *Gargilium Martialem* significari prodit; scripsit sane is de hortorum cura, sed est serior aetate, et non nisi Palladio primum laudatus.

149 sq. De re privata ac publica apum agere orditur. *πολιτεῖαν καὶ βίον* dixit Arist. H. A. IX, 40, et inde Didymus Geop. XV, 3, 1. Fabula nota vel ex Callimacho H. in Iov. 49 sqq. Fuere tamen multa, quibus fabulam ornaverant poetae: in his v. c. illud, quod Ambrosiam Iovi puero apportabant columbae inter Planctas advolantes: Odyss. μ, 61 sqq., ubi cf. Eu-

stath. Servata ad inferiora usque tempora antri Dictaei religio et apum in eo examina certoque tempore erumpentis ignis prodigium; vid. Antonin. Lib. 19. Obscuriora tamen sunt illa, ad quae Maro h. l. respexit; eoque interpretatio non satis tuta; imprimis propter verba *pro qua mercede*. Nolo iterum ea, quae olim disputata sunt, repetere, sed apponam, quod iam olim praetuli. Iovem puerum apes, allectae *cymbalis Curetum*, *sub antro* montis *Dictes* in Creta *paverant* melle; pro ea re, tamquam mercedis ac praemii loco, miram hanc, et humano ingenio similem naturam iis indidit Iuppiter. Extulit haec poeta inverse: naturas has indidit Iuppiter apibus, pro meroede *eius*, quod eum puerum olim *paverant*. Nunc relative redditum,



Dictaeo coeli Regem pavere sub antro.  
Solae communis natos, consortia tecta  
Urbis habent, magnisque agitant sub legibus ae-  
vum;

Et patriam solae et certos novere Penatis; 155

### 153. GNATOS

(152. In Servianis legitur *Dictaeum*, sed cod. Dresd. *Dicteo*. — 153. Medic. *communes*; idem a m. pr. *lato*, a sec. *natos*; sic, *natos*, non *gnatos*, quod expuli, Vatic.; vid. Q. V. XXXVIII, 2. *Wr*.) 154 *que* abest a quart. Moret. uno Mead. et vett. edd., forte melius. *aevom* Gudianus. (item Vatic. *Wr*.) 155 *A patriam* pro *Ah* codd. aliquot apud Pierium. et ante *certos* abest Longobard. (*At* prior, *Et* altera lectio Vatic. Tum *Penates* Medic. et Vatic. *Wr*.)

*pro qua re, pro qua mercede, pro eo quod pavere; in mercedem eius quod. Ita vulgo dicitur, pro quo, ut sit: pro eo quod. ἀντὶ οὗ.* (Recte vero Heynius. Oratio ad communem consuetudinem revocata ita procedit: nunc expediam naturas, quas Iuppiter apibus addidit, ac mercedem — i. e. naturas mercedis loco acceptas — pro qua pavere. Ita demum Indicativi constat ratio. Sic Aen. VI, 614. sq.: „Ne quaere doceri, quae forma viros fortunave mersit;“ i. e. ne quaere doceri formam, quae mersit. Eodem modo Cicero de Fin. IV, 24, 67.: „At, quo nituntur homines acuti argumento ad probandum, operae pretium est considerare;“ i. e. operae pretium est considerare argumentum, quo nituntur; vid. ibi Goerenz. Et in Cat. mai. IV, 12.: „nihil est admirabilius, quam quomodo ille mortem filii tulit;“ i. e. quam modus, quo. *Wr*.) Euemerum poetam ante oculos h. l. Virgilio fuisse discimus ex Colum. IX, 2, 3 — *an, ut Euemerus poeta dicit, cra-*

*bronibus et sole genitas apes, quas nymphae Phryxonides educaverunt, mox, Dictaeo specu, Iovis exiitisse nutrices, easque pabula munere dei sortitas, quibus ipsae parvum educaverant alumnum* (Ita vero a Iove mel acceperunt, quo Iovem puerum alerent?). *Ista enim, quamvis non dedeant poetam, summum tamen et uno tantummodo versiculo leviter attigit Virgilius, cum sic ait: Dictaeo — sub antro.* Tradiderat autem illa Eumerus in *sacra historia*, ἀναγραφὴ ἱερὰ, ab Ennio latine conversa, in qua cum aliorum deorum, tum *Iovis Dictaei*, tamquam mortalis hominis, natales, patriam ac sepulcrum persequutus fuerat. vid. Minuc. Felix Octav. 21. Lactant. Inst. div. I, 11. Non ergo admittam coniecturam virorum doctorum, *Eumelum*, de quo vid. inf. ad v. 316, esse legendum in Columellae verbis. Locuſ, qui sequitur, est ex praestantissimis, propter dignitatem tenuitati rerum additam, ex translatis ab humano genere. 155. *patriam*

Venturaeque hiemis memores aestate laborem  
 Experiuntur, et in medium quaesita reponunt.  
 Namque aliae victu invigilant, et foedere pacto  
 Exercentur agris; pars intra saepta domorum  
 Narcissi lacrimam, et lentum de cortice gluten, 160  
 Prima favis ponunt fundamina, deinde tenacis  
 Suspendunt ceras; aliae, spem gentis, adultos  
 Educunt fetus; aliae purissima mella  
 Stipant, et liquido distendunt nectare cellas.  
 Sunt, quibus ad portas cecidit custodia sorti; 165  
 Inque vicem speculantur aquas et nubila coeli;  
 Aut onera adciipiunt venientum, aut agmine facto

156 labores Arundel. Erf. (*hiemes* Medic., sed *e* in *i* mutatur. *Wr.*)  
 157 reportant Voss. 158 victum quart. Moret. victui sec. Moret. *vi-*  
*gilant* apud Priscian. VII. *foedere parco* Reg. Martin. 159 inter unus  
 Arundel. *tecta domorum* unus Mead. 160 lente Moret. quart. *lectum*  
 Longobard. cum aliquot aliis apud Pierium et Reg. Martini, non male;  
 sed recepta lectio est pulcrior. 161 tenacis Priscian. VII, Rottend. tert.  
 Gud. (et Vatic. *Wr.*) *tenaces* al. 162 in spem Leid. a m. sec. Goth. sec.,  
 male. 163 durissima Medic. a m. pr. (est ea prior lectio. *Wr.*), male.  
*liquentia* et mox *dulci distend. nectare* Seneca Ep. 84, ex Aen. I, 433,  
 ubi et sequentes versus 167—169 iterum appositi. 164 nectare telas  
 Ven. 165 ad portam tendit unus Arundel. sorte Leid. et Zulich. sec.  
 Goth. sec. et Erf. a m. sec. sorti est idem casus sextus; ut vesperi, ruri.  
 vid. Drakenb. ad Sil. VII, 368, (et quae afferunt Forbiger. ad Lucret. I, 977.,  
 et, quos idem laudat, Viri docti. *Wr.*) quamquam non video, cur non sorti  
*cadere* res possit, tertio casu, h. in sortem, cum sors et ipsa portio ac  
 munus sit. ad portam Alcuinus Grammat. vid. ad Liv. IV, 37, 6. Burmann.  
 Sed illud minus poeticum. 166 quae nubila Ven. 167 adciipiunt:  
 pro vulgari, excipiunt; hoc tamen reposuit Wakef. quia sit proprium.

simili modo dixit Columell. IX,  
 12, 1. IX, 9, 1. Ad locum fa-  
 cit Ambros. Hexaem. V, 21.  
 157. Georg. I, 127 In medium  
*quaerebant*. 158. Partitae in-  
 ter se opus ac munera certo or-  
 dine (hoc est *foedere pacto*),  
 aliae *victu invigilant*, victui  
 quaerendo, cibo congerendo,  
 operam dant, et *exercentur*  
*agris*, discursu et vagatione  
 vexantur, fatigantur, per agros;  
 quae Graeci per medium, nos  
 reciproce exprimimus, exercent  
 se. ut saepe *exerceri laboribus*,  
*opere*, dicimur, quod tracta-

mus. Habebat hic ante oculos  
 poeta Aristot. H. A. IX, 40. pag.  
 946 extr. Lineae autem sunt  
 ductae iam in Hesiodo O. 596 sqq.  
 160. *Narcissi lacrimam*, gut-  
 tam, nectar, humorem dulcem,  
 seu melleum, quem imus flo-  
 rum calyx exsudat. tum *gluten*  
 e resina, gummi, corticum.  
 161. *favis*, cellulis mel receptu-  
 ris, *fundamina*, propolin: vid.  
 sup. ad v. 40. 164. *distendunt*  
*nectare cellas*, ornatius quam,  
 replent, expleant; nam maiorem  
 abundantiam repraesentare ani-  
 mo videtur, quod adeo cellula-

Ignavum, fucos, pecus a praesepibus arcent.  
 Fervet opus, redolentque thymo fragrantia mella.  
 Ac veluti lentis Cyclopes fulmina massis 170  
 Quum properant, alii taurinis follibus auras  
 Adcipiunt redduntque, alii stridentia tinguunt  
 Aera lacu; gemit inpositis incudibus Aetna;

## 170. VELUTI,

168 *Ignavom* Gud. *Agninum* duo Barthii. *a praesepibus urgent* unus Arundel. 169 *Fervit* coni. Cuningham. et Io. Schrader. sicque legerat Philargyr. (sed hoc testimonio nihil conficitur, nisi in eo codice, quem versavit Philargyrius, ita exaratum fuisse, librarii fortasse errore. *Wr.*) *flagrantia*, *flaglantia*, *fraglantia* et in Franc. *frangentia* legitur. vid. Burm. (*fraglantia* Medic. et Vatic. *Wr.*) 170 *lenti* fragm. Vatic. 171 *alii t. f. auras* aberat Longob. Iidem versus Aen. VIII, 449—453, sed ibi *ventosis follibus*; et *antrum* pro *Aetna*, et *multa vi*, et *tenaci forcipe massam*. 172 *stringentia* Ven. 173 pro *Aetna*, *antrum* in Longobard. Medic. et Pierianis aliis, Rottend. pr. Menag. pr. alt. Voss. Franc. Goth. sec. (in quo alterum pro glossa adscriptum), et uno Arundel., quibus adde fragm. Vatic., forte ex Aen. VIII, 451. (vid. notata ad vs. 4. *Wr.*)

rum latera tumere faciat. *distendit spicis horrea plena Ceres*: Tibull. II, 5, 84, ubi vid. Not. et supra III, 124 *denso distendere pingui*, *Quem legere ducem*. Hoc idem alias est *rumpi*, ut Ge. I, 49.

166. An futuri sint imbres, ne reliquae exeant, ut bene Cerda. conf. v. 191. 168. *fucos*, *Dronen*, apes maiores iis, quae mel faciunt. Columella IX, 15, 1 *Mox vere transacto sequitur mellis vindemia*. — *Eius maturitas intelligitur, cum animadvertimus fucos ab apibus expelli ac fugari*; quod est genus amplioris incrementi, simillimum apibus, et, ut ait Virgilius, ignavum pecus, et sine industria favis assidens. Nam neque alimenta congerit, et ab aliis invecta consumit. Verumtamen ad procreationem sobolis conferre aliquid hi fuci videntur, insidentes seminibus, quibus

*apes figurantur. Itaque ad fovendam et educandam novam prolem familiarius admittuntur. Exclusis deinde pullis, extra tecta proturbantur, et, ut idem ait, a praesepibus arcentur. Vides veteres non ubique in physis desipuisse.*

169 — 175. Eadem industria apum est in melle elaborando, quam in fabrica aliqua plurium operantium; poterat officinam fabrilem laudare; at poetica ingenii vi maiorem speciem rerum reddidit ex Vulcani fabrica ferraria. *lentis massis*, ferri, quod procudi ac duci potest, *properant*, properanter conficiunt, *σπένδουσιν, ἐπείγουσι*, fulmen. Sic Callim. in Dian. 49 de ipsis Cyclopibus: *ἐπείγετο γὰρ μέγα ἔργον*. Lacus, ut fontes, pro aqua positus. Lucret. VI, 147. 148 *Ut calidis candens ferrum e fornacibus olim Stridit, ubi in gelidum propere* (aut potius



Illi inter sese magna vi brachia tollunt  
 In numerum, versantque tenaci forcipe ferrum. 175  
 Non aliter, si parva licet componere magnis,  
 Cecropias innatus apes amor urguet habendi,  
 Munere quamque suo. Grandaevus oppida curae,  
 Et munire favos, et daedala fingere tecta:  
 At fessae multa referunt se nocte minores, 180

174 *multa vi* Rottend. sec. ex eod. loco; sicque inf. v. 450 et alibi.  
 175 *massam* in fine versus Vratisl. et Nonius in *Fornus*; ex Aen. VIII,  
 453. 176 *opponere* Goth. sec. 177 *Cecropeas* multi scribunt ex  
 more. 178 *quaeque suo* Franc. 179 *figere* unus Mead., quod hic  
 legendum putabat Burm. Sec. ad Anthol. Lat. pag. 375. 180 *multae*  
 Zulichem. Laudat Burm. Intpp. ad Suet. Aug. 78, Drakenb. ad Liv. V, 26.

*propter*, dum prope adstat aqua)  
*denersimus imbrem*. Hoc ma-  
 gis poeticum, quam ut *lacus*  
 ipsum vas sit; uti in vineis *la-*  
*cus* sunt. Ovid. Met. IX, 170 *ge-*  
*lido ceu quondam lamina can-*  
*dens, Tincta lacu, stridit*. (*im-*  
*positis incudibus*, non Aetnae,  
 ait Vossius, sed ἐν ἀκροθέτῳ.  
 Hom. II. XVIII, 476.: „θῆκεν ἐν  
 ἀκροθέτῳ μέγαν ἄκμονα.“ *Wr.*)  
 175. In numerum: ἐν ὄνθμῳ,  
 εὐθύθμως ut Eclog. VI, 27.  
 Ceterum hunc eundem locum re-  
 finxit poeta Aen. VIII, 449—453.  
 Compara Callimach. in Dian.  
 59—61.

176. Cum essent, qui hanc  
 comparisonem magnae molitio-  
 nis, studii et laboris apum cum  
 Cyclopi opere fabrilis pro ine-  
 pta et ridicula haberent, cum  
 res exiguae et tenues tam magni-  
 ficis exemplis ormentur, Popius  
 in praeclara disputatione (*Post-*  
*script*) Odysseae subiecta, mo-  
 nente etiam Martino, eam ita  
 defendebat, ut ex animantium  
 actionibus, quamvis tenuibus,  
 nunquam risum recte captari di-  
 ceret; sed tantum ex hominum

actionibus, multa ac magna,  
 adeoque inepta et absurda mo-  
 litione effectum exiguum ac iei-  
 num consecrantibus. Praeclare  
 profecto; sed vera ratio ad hunc  
 modum erat reddenda: Compa-  
 ratio non versatur in specie  
 apum et Cyclopi, sed in ope-  
 rae industria; poetae autem par-  
 tes, in hoc imprimis rerum ge-  
 nere, quae per se tenues sunt  
 et exiles, versantur in eo, ut  
 iis ornatu, dignitate et gravitate  
 eam speciem induat, qua pro-  
 bare se ac delectare animum  
 possint: hoc autem assequitur,  
 dum *animantium actiones hu-*  
*manis studiis et consiliis* assi-  
 mulat, adeoque etiam compa-  
 rationes ab hominibus petitas ad  
 illa transfert. Accedit, quod  
 tota tractatio de apibus nos iam  
 adsuefecit imaginibus a rebus ac  
 fatis, moribus ingeniisque ho-  
 minum, petitis. 177. *amor ha-*  
*bendi*, h. l. acquirendi studium,  
 cum mel parant. *munere suo*,  
 pro cuiusque vicibus, ut 158 sqq.  
 partibus cuique assignatis. 179.  
*munire favos*, pulcrius quam,  
 fingere, facere, fabricari. (Alii

Crura thymo plenae; pascuntur et arbuta passim,  
Et glaucas salices, casiamque, crocumque ruben-  
tem,

Et pinguem tiliam, et ferrugineos hyacinthos.  
Omnibus una quies operum, labor omnibus unus.  
Mane ruunt portis; nusquam mora: rursus, eas-  
dem 185

Vesper ubi e pastu tandem decedere campis  
Admonuit, tum tecta petunt, tum corpora curant;  
Fit sonitus, mussantque oras et limina circum.  
Post, ubi iam thalamis se composuere, siletur  
In noctem, fessosque sopor suus occupat artus. 190  
Nec vero a stabulis pluvia indipendente recedunt

183 *italiam* Gud. a m. pr. 184 Distinguunt multi post *quies*. vid. Heins. et Burm., quod et ipsum ferri potest. *labor omnibus idem* Rottend. pr. ut Georg. III, 244, sed et v. 212 *mens omnibus una est*. 187 *dum* edit. Norimb. (*tunc* in Medic. exstare ait Foggin., non addens tamen, utro loco sic scriptum repererit, an utroque; vid. Q. V. XXV, 5, b. *Wr.*) *pectora* Rottend. sec. vid. Aen. VIII, 607. 188 *musantque* duo. *musatque* Leid. *luminu* ed. Norimb. 190 *suus sopor* Mentel. tert. et Reg. Goth. pr. *suos sopor* Ven. 191 *recludunt* Medic. a m. pr.

intelligunt opera ad munienda alvearia. *Wch.*) *daedala tecta* a Lucretio habet. 181. *pascuntur*, depascunt, ut verbi usum vidimus Ge. III, 314. II, 375. De *arbutis* v. Ge. III, 300. I, 148. *glaucas salices*, Ge. II, 13. *casiam*, II, 213. *pinguem tiliam*, a melle florum et foliorum, quod exsulant, glutini apum idoneum. *ferrugineos hyacinthos*, alias *purpureos*, *vaccinia nigra* Ecl. II, 18. Nobis *lilia floribus reflexis*, *Türkischer Bund*. conf. Martin., qui hyacinthi huius poetici formam exhibuit. (— 185. *ruunt portis*, portas agnive re-  
linquunt. Liv. XXVII, 41.: „equites peditesque certatim portis ruere.“ *Iacobs.*)

188. *mussant*, murmurant, fremunt: vid. ad Aen. XI, 454

*flent maesti mussantque patres*. 189. *thalami*, cubicula, pro alveis. (Antiphil. Ep. 29.: „μελισσῶν αὐτοπαγεῖς θαλάμαι.“ *Nicias* Ep. 7.: „κηροπαγῆς θάλαμος.“ *Iacobs.*) 190. *sopor suus*, ex usu huius nominis poetico, illis debitus et conveniens, quippe labore diurno paratus, aut illis solitus et usitatus.

191. Convenienter versui 149. 150 sequuntur nunc alia singularia ingeniis apum insita: praesensio tempestatis ingruentis; tum vs. 197 sobolis mira reparatio. 191. Arat. Diosem. 296. inter signa imbris ingruentis: οὐδ' ἂν ἐπὶ ξουθαὶ μεγάλου χειμῶνος ἰόντος πρόσσω ποιήσαιτο νομὸν κηροῖο μέλισσαι, ἀλλ' αὐτοῦ μέλιτος τε καὶ ἔργον εἰλίσσονται (h. κατὰ, περὶ μέ-





Verum ipsae e foliis natos et suavis herbis 200  
 Ore legunt; ipsae regem parvosque Quirites  
 Sufficiunt, aulasque et cerea regna refingunt.  
 Saepe etiam duris errando in cotibus alas

## 202. REFINGUNT;

200 *ipsae e foliis* Heins. e Medic. Gudian. Morct. quart. Franc. Toll. Sic et Roman. et omnes Martiniani cum edd. nonnullis ant. et Goth. uterque. *et foliis natos et* Rottend. tert. At aliae cum vulgg. e omittunt; sunt etiam, qui ordinem mutant, *natos foliis*; ut apud Pierium et in vett. edd. *natas* Catroeus edidit. *e suavis herbis* Mediceus et Montel. pr. (et 2. *Wr.*) *sed suavis* Romanus. 201 *pabulumque Quirites* Medic. a m. pr., manifesto socordiae vestigio. Heins. tamen hinc faciebat: *pau-losque*. 202 *que* abest a Franc. *alvorum et cerea regna* Longobard., cum in aliis *tecta* sit, si recte capio Pierium. Verum hoc deterius esset: nam in maius auget rem poeta et alveare in aulam ac regnum mutat. Mox *refingunt* vulgo editur inde ab Aldd., quod tuentur Medic. cum aliis codd. et edd. vett., nec non Serv. et Philargyr. *refingunt*, editum iam a Commelin. et Pulmann., tuentur Rom. Medic. et quaedam alia Pierii exemplaria antiquiora, ex Heinsianis Montel. pr. Rottend. pr. et Leid., forte et alii Burm. libri, ed. Ven., tres Martini, Goth. scc.; et multo magis grammatica ratio, cum de favis agatur; de quorum structura et ratione multa sunt ap. Plin. XI, 10 et al. et *figere* quidem *favos*, *tecta*, dici possit, non *refigere*, conf. Heins. ad Ovid. I Fast. 158. (Medic. *avias* pro *aulus* a m. pr. Serv. Dresd. „Refingunt, i. e. figunt;“ sed verbo *figunt* supra appicta n. *Refigere* si teneas, capiendum esset de semper iterato mellificii opere; sed h. l., ubi de sufficienda prole agitur, requiritur *refingunt*; hinc etiam *cerea regna* non de favis, sed de apibus cerea regna, i. e. alvearia, nova semper sobole frequentantibus accipiendum. *Wr.*) 203 — 205 Primo statim oculorum coniectu, alicno loco hos tres versus positos esse intelligas; quam etiam fuisse opinionem docti alicuius Britanni ex Martino disco; et promptum est locum iis suum post v. 196 adsignare, nec cum percommo- dum fore dubitari potest. Neque aliter Io. Schraderus censebat. Nec vulgarem ordinem defendas facile, nisi in poeta nos versari dixeris, in quo subtilitatem dialecticam male requiras. Ad hanc itaque legem possunt sententiae loci sic constitui: apes ex floribus et herbis fetus legere dixerat v. 200. Quae sequuntur: *ipsae regem parvosque Quirites Sufficiunt, aulasque et cerea regna refingunt*, non diversa, sed eadem sententia,

*Mémoire* 9) observationes communis opinio est; unde mox excludantur apes, cum novae matres, tum mares, seu fuci, tum mellificantes apes, in quibus nondum ulla sexus nota reperta est: ut adeo apes cum fornicis novam animantium classem constituent, quae triplicem sexum complectatur.

197 — 199. Novus orationis color: *Illum mirabere*, h. e.

alia, eaque nec minus mira, natura est, quod concubitu non indulgent, nec concipiunt, nec pariunt. Colum. IX, 2, 4 *utrum examina — concubitu sobolem procreent, an heredem generis sui floribus eligant, quod affirmat noster Maro.* (— 200. de vi pronomini *ipsae* vid. Q. V. XVIII, 2, q. *Wr.*)

203 sq. *Saepe etiam.* Ex floribus apes et fetum et fetus

Adtrivere, ultroque animam sub fasce dedere:  
 Tantus amor florum, et generandi gloria mellis. 205  
 Ergo ipsas quamvis angusti terminus aevi  
 Excipiat: neque enim plus septuma ducitur aestas:  
 At genus immortale manet, multosque per annos

novis imaginibus exornata, est: *ipsae sufficiunt regem et populum*, scil. ex floribus, sive e *foliis et herbis*; nam hae modo praecesserant; et, ubi illi habitare possint, *aulas et cerea regna resingunt*, h. favos parant, ex florum succo ac polline. Cum itaque ex floribus et fetum, et fetus cunabula ac cubicula, et cibum etiam capiaut: tanto florum ac mellis ex iis conficiendi studio inflammantur, ut etiam onere, quod ferunt, ita humo affligantur, ut alas atterant acutis lapillis, et viribus exhaustae deficiant. Nunc a v. 206 nova omnino propositio exordium ducit: itaque maiorem interpunctionem apposui. (Ea si tenueris, quae in V. L. ad vs. 202. scripsi, facile intelliges, non procedere rationem eam, quam sequitur Heynius. Manifestum est etiam, sententiam versuum 206. sqq. nexam esse e vs. 202., et quae media interposita sunt, i. e. vss. 203—5., iis interpellari turbarique coeptam orationem. Itaque vix dubites, quin vss. 203—5. alieno sint loco positi. Sed aptiorem circumspicienti locum vix apparebit, qui satis sit commodus. Itaque mihi videntur hi versus, absoluto iam hoc libro aut etiam toto Georgicorum opere, a Virgilio, ut fit, in marginem codicis coniecti esse et inde in texta illati; cfr. Serv. ad Aen. III, 204. ibique Heyn. V. L. Neque aliter statuo de Ge. I, 47—49. 135. II, 171 sq. III, 32. 219. IV, 276. 291—293. vid. etiam Ruæus et Burm. ad Ge. II, 171. Heyn. ad Ge. III, 32. IV, 191. et a me notata ad Ge. III, 219. IV, 291.; tum Weichert. ad Val. Flacc. p. 105. sq. et quos hic laudat. Wr.) 203 *Ipsae etiam* Erf. *certando* Ven. et ed. Ven. 204 *utroque* Reg. cum glossa inepta: aquae et florum. 205 *gigniendi* alter Rottend. *gratia mellis* con. Io. Schrader. 206 *angustus terminus* edd. plurimae cum Aldd. pr. et sec. et Nonius in *Excipere*; minus poetice; et *angusti* defenditur omnium bonorum codd. auctoritate. 207 *Excipiant* quart. Moret. *Accipiat* ed. Ven. et Erf. *aetas* Rottend. tert. Leid. quart. Moreti et pr. a m. pr. Goth. sec. vid. ad Georg. III, 190. 208 *Et Rom. At est attamen. manent* Franc., non ineleganter, iudice Burm.; ipsae, apes, genus immortale, manent. Nam videtur nimis tenuiter dictum *genus manet immortale*. Debebas tamen iungere: *genus manet*, durat, ita ut subiungatur ornans *immortale*. Benth. ad Lucau. coui. *At genus immortale tamen.* recepit Wakef.

cunabula et cubicula, parare dixerat. Subiungit, mutato sententiae ordine: Itaque tanto florum obeundorum studio tenentur, ut etiam alas interdum atterant acutis lapillis, et onere oppressae deficiant. cf. V. L. (de Adv. ultro vid. Q. V. XXVII, 1. Wr.) 205. *generandi gloria mellis*, h. studium; spes et studium gloriae ex mellis generatione.

206. *Ergo*, cum tam facili

ac prompta natalium ratione ex floribus se reficiant — *genus immortale manet*, quod copia poetica trinis modis enuntiat. 207. *Excipiat*, ut fortuna, sors, calamitas nos excipere dicitur; h. ut iis sit. Ut λαβεῖν, λαχεῖν, ita *excipere* nos dicuntur ea, quae obtingunt, eveniunt, in primis certo ordine, tempore, sequela. Sic Ge. II, 345 *Si non exciperet caeli indulgentia terras*. Aen. III, 317. 318 *quis te*

Stat Fortuna domus, et avi numerantur avorum.  
 Praeterea regem non sic Aegyptos et ingens 210  
 Lydia, nec populi Parthorum, aut Medus Hydaspes,  
 Observant. Rege incolumi mens omnibus una est;  
 Amisso rupere fidem, constructaque mella

210 *nec sic* Erf. *Aegyptos* e Medic. Heins., quem vide. *Aegyptus* vulgo. 211 *Ludia* Rom. *Lybia* male duo apud Burm. *Lydia Parthorum populi* quart. Moreti; forte *India* legendum, inquit Burmannus, quae rectius *ingens* dicitur. At vide Notam. Porro *et Medus* Medic., sed a m. pr., quod Heins. firmat hic et ad Aen. VI, 327. *Medus Hydaspesve* alii; sed recte reiiicit Burm. et vid. Not. *Lydia, Parthorum aut populi, Medusve Choaspes* coni. Nodell. Not. crit. p. 76. (*Metus* primo scriptum fuerat in Medic. *Wr.*) 212 *Observant regem* Gud. pro var. lect., male. (*Regi* Medic. a m. pr. *Wr.*) Porro *incolumi* scribunt quatuor apud Burm. est omittunt quatuor apud Heins. et unus Mead. 213 *constrictaque* sec. Rottend. Vratisl.

*casus deiectam coniuge tanto excipit?* Ita de philosophis: excepit scholam Crantor; et Aen. I, 276 *Romulus excipiet gentem*, regem eum habebunt Albani. Nec multum diversa exempla in Livio. *septima aetas*: vid. Aristot. Hist. Anim. V, 22. Plin. XI, 20. Colum. IX, 3, 3. *plus*, plus quam. 209. *Fortuna domus* ornatus, quam domus, et hoc pro apum genere. Subire potest animum *Fortuna domus Augustae*, *Augustorum*, *Augusti*, proprio ac sollenni more dicta: inprimis in numis; respectu ad statum et conditionem gentis fatali aliqua necessitate perpetuam et perennem: quod et Ruhnkenius in memoriam revocabat: cf. Oudendorp. ad Suet. Aug. 65. Markland. ad Stat. Silv. V, 2, 76. Dubitare tamen licet, an illo iam tempore, quo Maro Georgica condidisse traditur, illa notio frequentata sit et frequentari potuerit. Nondum Augusta domus ea dignatione tum habebatur: spectantque illi tituli ad seriora tempora: ad quae adeo

et hi carminis versus essent revocandi tamquam serius inserti: quod opinari licet, probari nequit.

210. 211. Cerdam et alios ad unum Persarum regem, cui hi populi omnes parebant, referre video. Sed videntur potius plures populi memorari, regum suorum inprimis observantes. *Lydia ingens*, non respectu ad reliqua imperia habito, sed ad Croesi victorias et opes. *Medus Hydaspes*, negotium facit Intpp. Est enim Indiae fluvius, cui epitheton *Medus* parum convenire videtur. Itaque post Servium in Media quaesivere flumen huius nominis, de quo tamen Geographi silent. Haud dubie poeta, forte Graeci alicuius poetae exemplo, designasse videtur imperium veterum Persarum, cuius fines ad Indiae illam partem pertinebant, in qua Hydaspes erat. Egit nunc de hac Indiae parte Persis subiecta accurate Heeren noster P. II. *de commerciis antiqu. populorum* p. 300 sqq. Pro Persico itaque, seu Persa, *Me-*



Diripuere ipsae, et crates solvere favorum.  
 Ille operum custos; illum admirantur, et omnes 215  
 Circumstant fremitu denso, stipantque frequentes;  
 Et saepe adtollunt humeris, et corpora bello  
 Obiectant, pulcramque petunt per vulnera mortem.  
 His quidam signis, atque haec exempla secuti,  
 Esse apibus partem divinae mentis et haustus 220  
 Aetherios dixere; deum namque ire per omnis  
 Terrasque, tractusque maris, coelumque profun-  
 dum;

214 *Dirupere* ed. Iunt. et Zulich. 215 *Ipse* quart. Moret. *ille admira-*  
*ratur* Medic. a m. pr. (*illum admirantur* altera Medic. lectio. *Wr.*) 216  
*frementes* Mentel. pr. Zulich. et Bodlei. 218 *per funera* Goth. pr.  
 221 *Aethereos* alii, ut semper. 222 *Terras et* Moret. quart. *Et ter-*  
*ras* Zulich. *Terrarum tractusque* Medic. a m. sec., sed interpolatrice.  
 Versus legebatur iam Ecl. IV, 51.

*dum* amnem poetico more ap-  
 pellavit, ut Horat. Od. I, 2, 51  
 et al. (Ego quid sentiam de h. l.,  
 indicavi Q. V. XXXX, 3. *Wr.*)  
 212. 213. Respicit locum Seneca  
 de Clement. I, 4. 214. *crates*  
*favorum*, pro textis; vid. Ge.  
 I, 166. Faciunt itaque, quod  
 saepe exercitus fecisse legimus  
 amisso duce suo: rumpunt, sol-  
 vunt fidem, deficient.

216. Vid. Varr. III, 16, 8.  
 Aristot. H. A. IX, 40. 217. *bello*  
*Obiectant*, armis hostilibus: in-  
 gruentibus hostibus. Omnia haec  
 graviter et ornate.

219 — 227. Ex Pythagoreo-  
 rum disciplina, quam deinde  
 Platonici ac Stoici, quamquam  
 diversis quique modis commen-  
 tantes, amplexi sunt, haec pe-  
 tita, de anima mundi, h. prin-  
 cipio agente, per omnem natu-  
 ram fusa, omnium animantium  
 animas subministrante, et eas-  
 dem, dissoluto corpore, iterum  
 in se, tamquam sibi *συγγενής*,  
 recipiente. Cum autem illa mens

subtilissimi ac purissimi aetheris  
 aut ignis naturam habere cre-  
 deretur: spiritus ex ea emanan-  
 tes *aetherios haustus*, particu-  
 las aethereas dixit. Idem pla-  
 citum exposuit Aen. VI, 724 —  
 751, et tenendum illud propter  
 multa alia poetarum loca. Sci-  
 licet magna pars poeticorum  
 philosophematum ex Empedo-  
 cleis est petita; quorum ingens  
 auctoritas quondam esse debuit.

219. Ex his signis, *τεκμη-*  
*ρίοις*, atque haec exempla, ar-  
 gumenta, *sequuti*. Ornavit poe-  
 ta vulgare nostrum: His apum  
 factis quidam adducti sunt, ut  
 opinarentur etc. (*His signis*,  
 h. e. quum haec signa sint. No-  
 tandus est ablativus absolutus  
 cum participio per coniunctio-  
 nem atque copulatus, argumen-  
 tum certum, quam arcte ratio  
 ablativorum absolutorum cum  
 participiis cohaereat. Livius XXI,  
 34.: „*Hannibal — obsidibus ac-*  
*ceptis, et comineatu usus — se-*  
*quitur.*“ Similiter Graeci, vid.

Hinc pecudes, armenta, viros, genus omne ferarum,

Quemque sibi tenuis nascentem arcessere vitas;  
Scilicet huc reddi deinde ac resoluta referri 225  
Omnia; nec morti esse locum; sed viva volare  
Sideris in numerum, atque alto succedere coelo.

Si quando sedem angustam servataque mella

### 228. AUGUSTAM

223 *Hic Rom.* 224 *nascentur* quart. Moret. *nascentum* Erf., quod defendi posset. (*tenuis* Medic. *Wr.*) *arcessere* scribunt alii ex more pravo. *accessere* unus Mead. *vitam* Regius Martini. 225 *hac resoluta referri* pr. Voss. Moret. fr. Gud. Rottend. sec. (forte pro *huc*). *ad resoluta* Reg. Martin. *aere soluta* unus Mead. *referre* Medic. (sed ultimae e miniata i supra appicta. *Wr.*); at vulgatam tuetur Lutat. ad Stat. Theb. VI, 112. Possis et h. l. *scilicet* iungere cum antecedentibus: *arcessere vitas Scilicet, huc r.* 227 *succidere* Leid. solo Toll. *alto se condere caelo* Rom., se recipere in caelum animas, docte, et ut vulgaris lectio esse possit eius interpretatio. Ceterum varietatis similis exempla vid. apud Burm. ad Lucan. II, 609. 228 *angustam* Rom. cum al. Pierii; quinque apud Burm., sex apud Martin., uterque Goth., multae vett. et vulg. edd., etiam Aldd. pr. et tert., nec sane hoc incongruum aut ab apibus alienum. Recte tamen Heins. et Burm., ex Mediceo inprimis ac Servio, tuebantur alterum, *augustam*; cum iam dudum regiam ac palatia aliaque a regum maiestate petita apibus tribui viderimus; statim autem v. 229. 230 alia adiciantur, quae ad earum sanctitatem pertineant, ut caste ac pure, ore pro-luto, adeundas esse dicat. (At mihi pro rei tenuitate nimis splendidum videtur hoc epitheton; neque haec res eum vel requirit, vel recipit ornatum; quare persuasum est mihi, etiam Bothio, Virgilium scripsisse *angustum*. Supra, ubi de republica apum agebatur, suo iure magnificentius locutus est poeta. Hoc autem loco si quis sanctiora illa verba retinuerit, verendum erit, ne sacrilegium committat, qui spoliaret alvearia; quae repugnantia vereor ne a Romani poetae sensu plane abhorreat. In eandem sententiam Heynius ipse disputat ad vs. 230.; quo magis mirum videri debet, quod idem *augustam* probavit. *Wr.*) *augustam sedem* Erf.

Thucyd. I, 2. 65. 75. Demosth. in Mid. c. 3. 14., genitivum absolutum et participium coniunxerunt. *Wch.*) 222. *coelum profundum*, altum, in magnam altitudinem exsurgens; ut contra *altum mare* pro profundo. 224. *tenuis vitas*, animas, quippe aetheriae naturae. *arcessere*, accipere. 226. *Omnia*, h. spiritum omnium, quae vitam sibi ex aethere arcessive-runt. 226. 227. h. e. nihil per-

ire (ut Macrobius. So. Sc. II, 12.) sed evolare in aetherem. *Sideris in numerum*, inter sidera, nam eadem mundi anima sidera movet; cum autem corpore soluta anima propter aetheriam suam naturam altum petit: redit ea in caelum et astris admiscetur. Successit mox illa opinio, qua iustorum ac pi-orum animas in sidera reponi arbitrati sunt. *in numerum*: uti v. c. Vellei. II, 73 *fugitivos in*

Thesauris relines: prius haustu sparsus aquarum  
Ora fove, fumosque manu praetende sequacis. 230

229. 230 Magna lectionis in his verss. est diversitas: ut plerumque fit in tali nominum et epithetorum positu: *prius haustu sparsus aquarum Ora fove*. Ita post Grimoaldum Heins. emendavit e Gud. a m. pr. Medic. a m. sec. et quatuor aliis; adde ed. Ven.; et sic Longobard. Pierii a m. pr. et pars Martinianorum legere videtur. Alludunt alii: Rom. Mentel. sec. a m. pr. *haustu*. Medic. a m. pr. *astu*. Moret. sec. *haust*. Tum *Ora* Moret. pr. a m. sec. et Goth. sec. Ante Heins. lectum erat eodem sensu, sed forma minus exquisita: *prius haustus sparsus aquarum Ore fove*: quod et Servius legerat. Ald. pr. *haustus* — *Ora fove*. Ald. sec. *haustus spars. aquarum, Ore fuve* (quod et in Erf., nisi quod *Ora* scriptum est): tert. *huustu sp. aq. Ore fove*. Est vir doctus (Caillard.; vid. F. A. Ebert. liber, cui inscriptum: *Ueberlieferungen zur Geschichte* etc. Vol. I. fasc. II. pag. 104. *Wr.*) qui in *ore* latere suspicatur *rore*; ita leg. *haustus spursus aquarum rore fove*: ut sit sparsus rore aquarum fove haustus vel haustum. Sequentes editores modo hoc modo illud sunt amplexi. *prius haustus parvus aquarum Ore fove* coniciebat Reiskius, ut *parvus* pro *parce* sit. Ludibria lectionum sunt *auctas* in Reg. *fave* Arundel. At Philargyr. *Ore fave*, „cum religionē ac silentio accede.“ Et Servius: alii *Ore fave* legunt, ut sit, tace. Etiam Medic. a m. pr. *Ore fave*, cum Ald. sec. Recepit hoc Brunkius tamquam praecipiti Aproniani iudicio mutatum: esse ex re sacra petitem, ut adeo purus et cum silentio accedat apiarius. Premunt tamen hanc lectionem haec: quod aliena esse videtur religionis notio ab h. l. Si „ad *sedem augustam* (quam de regia ac palatio accipiendam esse, docent reliqua) tamquam ad aram seu delubrum accedere iubetur agricola;“ mira profecto illa esset religio, ut sacrilegium commissurus lingua et ore favere, et tum fumum inferre iubeatur. Io. Schrader. coni. *prius haustu sparsus aquarum Ora, move*, scil. alveum: ingeniose saltem. Colum. IX, 15, 6, ubi hac de re: *Talis ollu*, (per quam possit afflari) *cum est alveari obiecta* (h. e. admota) *spiritu admoto fumus ad apes promovetur*. Fuit quoque, qui voces, *Ore fove*, ita acciperet, ut esset, ore fove fumos (spiritu excita) et manu praetende. (Medic. *Ore fave*; sed ultimae prioris voc. syllabae litera *a* supra adiecta; in *fuve* autem transfixa est *a* virgula miniata et eodem colore *o* supra appicta. Vitii originem indicare videtur aliorum librorum mendosa lectio *haustus*, quae causa erat accusativi *oru* in ablativum *ore* mutandi. Iam quum notissima esset dictio *ore favere*, proclivis erat error, ut pro *fove* scriberetur *fave*. Quamquam non dissimulaverim, non esse huius lectionis *Ore fave* eandem causam, quam illius paulo ante reiectae *augustam*, quandoquidem *ore favere* de omni, non de sacro solum, silentio dicitur: Ennius p. 114. edit. Hessel.: „Insidiantes heic vigilant, partim requiescunt Protecti gladiis sub scutis, ore faventes.“ Nihil proficientia disputat Bauer. ad Sanct. Min. T. I. p. 159. sq. *Wr.*)

*numerum exercitus sui recipiens*, h. in ordines, in partem, adeoque immiscens, inserens.

228 — 237. De castratione favorum praecipere incipit, et quidem cum praesidia contra apum iram et furorem, fumum et aquae adspersionem, tum

tempus mellationis vere et autumnino tradit.

228. 229. *servata mella Thesauris relines*, pro, thesauros mellis servati; qui *relinuntur*, resignantur; proprie amphorae, dolia et alia oblita pice et obducta relini dicuntur. 229. 230.



## Bis gravidos cogunt fetus, duo tempora messis:

231 *foetos* pr. Rottend. „*flores* emendatum fuit. Et bene *gravidos flores*, quia ex his omnia generant.“ Sic Philargyrius. Vides ineptias Grammatici: qui tamen bene sensit difficultatem inesse voci *fetus*. Versus 231 — 235 interpositi cursum orationis impedire videbantur Io. Schradero; malebatque ille eos post v. 233 collocare. Ita vero alia orationis asperitas suboritur.

*prius haustu sparsus aquarum Ora fove*. Si vera haec est lectio, et si interpretandi regulas sequeris, sententia verbis efficitur haec: ut *fovere ora haustu aquarum* dicta sint pro, fovere aquam haustam ore, h. eam tenere, continere, habere; poetica copia addit *sparsus*, scil. ora, quoad ora; habens ora sparsa, adspersa, proluta, aqua. Expedita hactenus sententia; sed quaeri nunc potest, quorsum hoc factu opus sit. Statuebam, caussam esse, ne ora male olentia sint, quod foetorem ferre nequeunt apes: quod veteres miris modis in miraculum auxere; cf. Varr. III, 16, 6. Colum. IX, 14, 3. Geop. XV, 2, 19. 3, 4, ibique Niclas. Favet usus loquendi: nam sup. II, 134 *animas et olentia Medi Ora foveant illo*, malo Medico. Et credidisse videntur veteres, ei, qui ad apes accederet, videndum esse, ne gravi odore eas offenderet. Columell. IX, 14, 3 *Verum maxime custodiendum est curatori — uti abstineat fere ab omnibus redolentibus esculentis — itemque foetentibus acrimoniis alliis vel ceparum ceterarumque rerum similitum*. Pallad. IV, 15, 4 *Haec — efficiens, castus et sobrius, et alienus a balneis* (Crescentii liber: *ab alliis*) *vel a cibis acribus, et odoris immundi, atque omnibus salsa-*

*mentis*. Quibus quidem locis nihil esse potest apertius. Enimvero, vel sic non satis patet, quorsum gravi odori cavere opus esse creditum fuerit, cum fumos mellarius prae se ferat manu.

Servius ita accepit: „*Ore fove*, ipsos haustus scilicet. Et hoc dicit: Spargendo aquam imitare pluviam.“ Praeclare ad ipsam rem; nam solere apiariorum hac arte aggredi apes, ut eas ex alvearis parte, qua favos recisuri sunt, fugent, notum est; et sequitur altera similis fraus, ut fumus immittatur; solitosque hoc idem facere veteres, ex Geopon. XV, 6, 1 suspicabatur Beckmann. collega coniunct. hac super re a me compellatus; sequitur Servium Cerda, et iam ante eum Iulius Sabinus, quem plenior Servium cum Probo habuisse liquet: „Fumo fugantur apes ex alveis; et postquam fugatae sunt, aspergine aquae conglobantur, ut non errent; hoc ideo fit, ut exemto melle facilius inferantur alveis.“ et paullo post: „*fove*, contine in faucibus tum sparsus haustus aquarum.“ Ut haec interpretatio locum habeat, dicendum est, antecedens dictum esse pro consequente: fove aquam haustam ore, scilicet ut adspergas apes aqua easque fuges. Nec alio modo expeditas rem, si alteram lectionem adoptaveris: *haustus*

## Taygete simul os terris ostendit honestum

(232. *Taygetae* Serv. Dresd. *Wr.*)

*aquarum ore fove*; nam et hoc pro consequente dictum est, ut aqua ore hausta apes adspergas. Tum vero quaeras in hac lectione, quid sit *sparsus*? nullo enim sermonis usu defendi potest, *sparsus* pro spargens dictum esse. Sed et hic accipiendum est: *aspersus* ipse aqua, sc. quoad os, aqua repletum. *Fumum praetendere*, h. ante se ferre; quo scilicet apes in vestibulum vel cellam aliamve alvei partem abigantur favosque eximendos a mellario relinquunt: conf. Geopon. XV, 5, 5, et 6, 1. Colum. IX, 15, 4. 5. 6. Plin. XI, 16, sect. 15 extr. (Virgilius monet, os aqua prius esse abluendum. *Fovere* fere est abluere, purgare lavatione. Aen. XII, 420. *fovere voluus lympa*, ubi res manifesta. *Wch.* — Mihi tamen nondum omnia videntur expedita; ac vereor, ne *sparsus* non sit a poetae manu profectum. Addo a Brunckio disputata: „Satis mirari nequeo, lectionem hanc, *prius haustu sparsus aquarum ore fave*, qua nihil ad sententiam aptius, ad phrasin concinnius, e Medic. cod. ab Heinsio non adsumtam fuisse. *Augustam* merito praetulit, ob subiecta ad sanctitatem apum pertinentia. Igitur ad Alveare tamquam ad aram seu delubrum accedere iubetur agricola. Atqui mos erat, ut sacra adituri prius aqua pura lustrarentur, tum linguis faverent, quod postremum a praecone in sacris omnibus imperabatur. Sic in Aen. V.

*Ore favete omnes et tempora cingite ramis.* Lustrationis exempla passim obvia. Aen. IV. *Dic corpus properet fluviali spargere lympa.* VI. *corpusque recenti spargit aqua.* VIII. *rite cavis undam de flumine palmis sustulit.* IX. *ad undam processit, summoque hausit de gurgite lymphas.* Haec similiaque si compares exempla, facile senties, nihil aliud hic Poetam praecipere in animo habuisse, quam puritatem et silentium, idque ex sacrorum ritu. Iam quis possit esse sensus in Heinsii lectione? *prius ora fove haustu aquarum*: id est, aquam in os sume, os prolue. Qua gratia? ut foetorem emendes. Hoc an haustu aquae fieri possit nescio. Supra Medicae mali flore *olentia Medi ora foveant.* Tum foetorem illum nimium quantum esse deberet, cui obruendo satis non essent qui praetendi iubentur fumi. Sed, quod praecipuum est, quid sibi vult participium *sparsus*? Qui haustum aquae in os sumit, is utique eo haustu non *sparsus* est. Poetica copia additum aiunt. Equidem copiam in Virgilio agnosco; sed tales salebras, tam asperam compositionem nusquam vidi. Nullus itaque dubito, quin since-ram Virgilio lectionem servaverit Medic. codicis librarius, quam praepostero iudicio Apronianus, sive quis alius inepta correctione infuscavit.“ *Wr.*)

231—235. Sunt haec interposita. Bis in anno mella exi-

*Plias, et Oceani spretos pede repulit amnis;*

233 *Plias* Heius. e Medic. et al., ut dissyllabum sit, ex Πλειάς. Vulgo *Pleias*, quod esset Πληϊάς. (recte *Plias*; nam *Pleias* semper trisyllabum est; vid. K. L. Schneideri Gramm. Lat. Vol. I. p. I. p. 233. *Wr.*)

inuntur, vere transacto (Colum. IX, 15, 1), et circa aequinoctium (IX, 14, 11). *gravidos fetus*, apes melle graves, agricolae, seu mellarii, *cogunt* bis, compellunt extra alvei vestibulum. Colum. IX, 15, 6 *fumus ad apes admovetur: quae confestim nidoris impatientes in priorem partem domicilii et interdum extra domicilium se conferunt*. Coguntur ergo in unum locum. *fetus* ita pro apibus omnino dixit, ut *fetus adultos* sup. v. 163, et *fetus apum* saepe Columella. Sensum tamen et ipse habeo inesse aliquid duri; itaque bene monentibus concedo: inprimis, quod nunc non ipsae apes sunt graves melle, sed favi sunt graves. Manendum igitur in altera Cerdae, Ruaci et Martini interpretatione, qui ad interpretum consensum provocat, *fetus gravidos* esse ipsum mel. *cogere mella* vidimus supra vs. 140. Dictum erit *fetus* notione generali de quocumque proventu, nunc mellis; non modo pecudum, arborum, agri. *triticeos fetus* Ovid. Fast. I, 693; *gravidus Cereris fetus* de frumento ac pane, Ciris 230, ergo nunc absolute proventus mellis. *gravidus* autem nunc est plenus, dives, ut *gravidas aristas*, *gravidus culmos* dictos vidimus. *duo tempora messis*, mellationis. De his videndi Aristot. Hist. Anim. IX, 40. Colum. IX,

14, 5. 11. IX, 15. XI, 2, 50. 57. Plin. XI, 16 et 15. At trinam mellis vindemiam Varro memorat III, 16, 34, et Didymus Geopon. XV, 5, 1.

232. 233. h. e. sub ortum Pleiadum. Colum. XI, 2, 36 *Decimo Kal. Maias Vergiliae cum sole oriuntur — Nonis Maiis Vergiliae exorimtur mane — VI Idus Vergiliae totae apparent*. cf. Plin. XVIII, 26, s. 66, 1. (matutinum, s. heliacum intelligendum esse, monnit *Mollweide* libello infra laudato pag. 386. *Wch.*) *simulac Pleias*, seu *Plias* ex Πλειάς, *Taygete* (est ea una Pleiadum, quae h. l. una cum ipsa intelligendae sunt) *ostendit os honestum*, pulcrum: tamquam Nympha, *terris*, h. in conspectum venit, orta est. cf. Aen. VIII, 590. 591 et alibi. Theocr. XVIII, 26 Ἀὼς ἀντέλ-λουσα καλὸν διέφανε πρόσωπον. et, simulac Taygete, nympha, nunc sidus, *repulit pede*, quod faciunt, qui in altum enituntur, elevant se (cf. Ovid. IV Met. 710. Statius Achill. I, 99 *liquidum ter gressibus aequor Repulit*), *amnes Oceani* (Homeric vocabulo, ut Odyss. λ, 638, ambit enim terram amnis more), quia sidera cosmice orientia ex oceano assurgere videri possunt, ut sol; *spretos*, ornatu poetico adiectum; quod convenit alioquin iis, quae pede repellimus.



Aut eadem sidus fugiens ubi Piscis aquosi  
Tristior hibernas coelo descendit in undas. 235

234 *Piscis amoris* Mss. Barthii in Adv. XXXVII, 6 cum glossa, quae fabulam Veneris Typhoei metu in piscem mutatae respicit; inepti librarii seu grammatici acumen. *aquosus* est, qui aquas, imbres, concitat. conf. Exc. ad h. l. sub fin.

234. 235. Et sub occasum, qui in VI Idus Novembris referatur; vid. Colum. ibid. §. 84. conf. 77. 78. Plin. XVIII, sect. 59 et 60. conf. sup. ad Ge. I, 221. Vide et Pontederam Antiqq. Lat. et Gr. p. 247, et Gesner. de Hyperb. ad Orph. pag. 470, et nunc Pfaff. de Ort. et Occas. sid. pag. 59 sq. *Aut ubi eadem Pleias descendit coelo*, occidit, *tristior*, quia tristi, ingrato, anni tempore, *in undas hibernas*, tempestatibus vexatas, quippe mense Novembri. In mare autem se condere videri possunt sidera occidentia. *fugiens sidus Piscis aquosi*, quandoquidem is Pleiadum situs est in caelo, ut alter Piscium eas a tergo urgere et insequi videri possit, utque adeo non sit de subsequente aliquo Piscis occasu accipiendum; sed de Pleiadum occasu unice agatur, quae in sphaera ita expressae sunt, ut pone eas positus sit alter ex Piscibus. Descendit itaque Pleias, cui a tergo vicinus est Piscis, ex positu in sphaera. Ulteriorem declarationem vid. in Excursu ad l. v. ubi eam exposui, cum nulla cuiuspiam contumelia vel verborum calumnia. Mirus est hominum mos, qui alterius epulis repleti ossa adesa in eius os illidunt. Hos in Musarum contubernio vixisse quis unquam credit? (De versibus 231 — 235.

egit *Mollweide* in dissertatione inscripta: *De Pisce, quem occidens Pleias fugit*, inserta libello: *Commentationes Mathematico-Philologicae tres*. 1813. Is, explanata significatione verbi *fugere*, quod de sidere usurpatur occidenti, ubi aliud apparuit vel super horizontem adscendit, *Piscem notium* sive *australem*, de quo iam Servius cogitavit, intelligendum esse statuit. Eius enim ortum vespertinum super horizonte Italico praecedere occasum matutinum Pleiadis spatio temporis haud admodum longo, ut Pleias matutine occidens *Piscem* notium vespertino ortu orientem fugere dici queat. Simul ostendere conatus est, *Piscem* notium nude *Piscem* appellatum, eiusque in significationibus tempestatum rationem habuisse veteres. Contra hanc opinionem in libello *Monatl. Corresp. herausg. v. Zach Decembr.* 1813. p. 544. sqq. acute et vere disputavit vir praestantissimus *Ideler*, docens, tempore Virgili ortum Piscis vespertinum visibilem in diem III. ante Calend. Sept., at occasum matutinum visibilem Pleiadum in diem XVIII. ante Calend. Decembr. incidisse; ita vero, cum alterius occasus ab ortu alterius duobus mensibus et dimidio distet, notionem verbi *fugere* alienam esse; neque veteres Piscis notii in παραπήμασι

Illis ira modum supra est, laesaeque venenum  
Morsibus inspirant, et spicula caeca relinquunt  
Adfixae venis, animasque in volnere ponunt.

236 *modum super est* nonnulli Pieriani et Giphanii Mss., unde ille *supra* facit, quod Lucretianum est. 238 *Affixae venis* vulgatum inde ab Aldd. *Adfixa in venis* scc. Mentel. a m. sec. et pr. Moret. unus Aruudel. et alter cum Erf. et cum edd. nonnullis (inter quas Argent. 1502, notante Reiskio, cui valde arridebat ea lectio), *Affixa in venis*. Videri potest hoc Grammatici, de metro solliciti, (iure quidem solliciti. *Wr.*) opera interpolatum esse ex *Adfixa venis*, scil. spicula, ut erat in Pierii pervetere libro, Mentel. pr. Reg. Moret. sec. Leid., item Goth. sec. et Brunckii libro, *Afixa venis* Leid. sec. („Probabilis est illa lectio, *adfixa*, quam complures servant codices, et tuto recipi poterat.“ Haec Brunckius. At vid. Q. V. XII, 15. *Wr.*) Habet tamen et altera lectio, qua ipsae apes affigentes se cuti eius, qui eas infestat, Lucret. V, 1321 *leae Deplexaeque dabant in terrum volnere victos Morsibus adfixae validis atque unguibus uncis*; *Affixae venis* dicuntur, cum grammaticam rationem, est enim elegantissima, tum librorum auctoritatem, Romani, Medicei, et ceterorum; eodem referendum *Affissae* Zulichem. At vero *Adnixae* Oblongus Picrii, quod si aliorum librorum suffragia haberet, non iucundum esset. Latius processit interpolatio in ed. Ven. *Affixas venis animas in*, et in ed. Mediol. *Affixae venis animas in*. Porro *animosque* Moret. qu. *in volnere* Gud., et *in vulnera* Romanus, Mentel. pr. fragm. Moret., uterque Goth. Erf. unus Arundel. et Picrii aliquot; sicque iam Nangerius edidit in Ald. tert., et hiuc alii, sed pauci. Atque ita Nonius in *anima*, Schol. Iuvenal. IV, 91. Macrob. Sat. VI, 6 extr. Probat Oudendorp. ad Lucan. II, 151, sed ita, ut ad eum *τοῦ* in usum referat, cum finem ac causam denotat. Malim ad exquisitiorem illum usum referre, cum quartus pro sexto casu adiungitur; neque adeo praeferre alteri ut magis vulgari dubitem. Neque tamen reiici *in volnere*, dum vulnus inferunt, potest, quod Mediceus et alii tuentur.

rationem habere potuisse. Ipse denique acquiescit et assentitur viro docto Costard, qui in libro *History of Astronomy* pag. 90. coniecit *Aut eadem sidus fugiens Orionis aquosi*, ut simul ex prioribus repetatur. Orionem enim *aquosum* dici Aen. IV, 52. cf. I, 535., utpote tempestatum auctorem, et Hesiodum, quem Virgilius crebro secutus sit, *Egy.* 619. 620. Pleiades Orionem fugientes facere. Cum autem tribus syllabis vocabuli *Orion* plerumque productis metrum periclitaretur, Buttmannus ab eo consultus docuit p. 548—51. *Orion* ita usurpatum Lati-

nis, ut modo prima, modo ultima corripere, et Graecis, Eurip. Ion. 1153. Cycl. 212., etiam media correpta; itaque fieri potuisse, ut ambas priores corripuerit Virgilius. Nec tamen correctio illa assensum tulit Buttmanni, qui pag. 551. in sententiam H. Vossii concessit, ad quam et meam rationem fere accedere video, quae haec est: Pleias, quum occidit, dicitur *fugiens sidus P. aq.* h. e. fugiens tempus hiemale, seu tempestates hibernas. *Sidus* est certum anni tempus. Hinc Tacit. Ann. I, 70. *sidus aequinoctii*. Metonymice significat temperiem coeli.

Sin duram metues hiemem parcesque futuro

239. SIN, D. METUENS HIEMEM, P. FUTURO,

239 Editum erat *metues*. Pro hoc *metuens* Gud. a m. pr. Franc. Toll., porro Roman. et codd. aliquot Pierii et Regius Martin. edit. Iunt., nec reiiciendum est, inquit Heins., quin etiam elegantius hoc dictum censeo; itaque nunc recepi, probatum quoque Vossio. (Saepius quidem sec. Persona Indicat. Praes. aut Futuri pro Particip. Praes. in codd. invenitur; sic in Medic. Ge. II, 529. *libas* pro *libuns*, Aen. VI, 476. *lucrimas* pro *lacrimans*, VIII, 392. *micas*, IX, 181. *signas*, X, 480. *libras*, IX, 391. *resolves* pro *resolvens*, ubique tamen *n* supra appicta; sed interdum etiam Particip. Praes. pro sec. Pers. Praes. aut Futuri, ut in eodem Medic. Ge. IV, 101. *premens* pro *premas*, IV, 399. *flectens* pro *flectes*, Aen. X, 900. *increpitans* pro *increpitus*, sed ubique *n* transfixa. Non est autem in tali re quaerendum, utrum videatur elegantius, sed utrum meliores habeat codices auctores, aut sententiae magis conveniat. Et *metues* praebent tum plurimi, tum optimi libri mss. Sententiam autem examinanti facile apparebit, *metuens* ferri non posse. Eum enim hoc Participium tenet locum, ut ad utrumque verbum, *parces* et *miserabere*, referendum sit. Iam recte dices: *metuens hiemem parces futuro*, non item: *metuens hiemem contusos animos miserabere*. Neque recte haec, *parces* et *miserabere*, disiunges, quum coniungenda sint: *parces miseruns*; *miserabere*, verbum finitum pro Participio; vid. Q. V. XXXVIII, 3. Itaque *metues* restitui. *Wr.*) *metuis* sec. Moret.

Sic accipe verba Plinii Panegyri. c. 15. *patrium sidus ferre*. Et *grave sidus* de tempestate mala apud Ovidium est Metam. V, 281. Non alienum vero, tempestates hibernas referri ad *Piscem*, seu verius *Pisces*, qui mensibus hibernis totam per noctem conspici possunt, eaque de causa illos *aquosos*, auctores imbris et tempestatis, appellari. Et recte *Plias*, tempestate hiberna ingruente cum occidat, illam *fugere* dici potest. Ceterum Aprilimense *Pliadas os honestum ostendere* asseveranti ne credas. Nam illas a die VI. ante Calend. Maii usque ad diem pridie Id. Iun. latere, hodie constat; et Hesiodus iam illas quadraginta noctes diesque non apparere noverat. *Egy.* 385. sq. *Wrch.* — Item non satisfacit Mollweidius Viro docto in *Diariis Ienens.* 1814.

ch. 124. p. 43. sq. ab Iahn. iam laud. *Wr.*)

236. Coniuncta haec cum superioribus; nam, dum mel excinditur, iras apium maxime experiare. Varro III, 16, 7 *neque ignava, ut non, qui eius opus conetur disturbare, resistat*. 237. *spicula caeca*, h. occulta, brevina, quae possunt latere. Serv. *Morsus* pro aculeorum ictibus dici, obvium. 238. *Adfixae venis*, gravius quam cuti, corpori. *in vulnere*, in inferendo vulnus. Nam aculeis amissis mori creditae sunt. Plin. XI, sect. 19.

239—247. Sin apiarius, hiemis inimitioris metu, cura apum et miseratione, non omnes favos excindat, et aliquam mellis partem apibus relinquat: at saltem, propter variorum insectorum insidias suffiendus est



Contusosque animos et res miserabere fractas: 240  
 At suffire thymo, cerasque recidere inanis,  
 Quis dubitet? nam saepe favos ignotus adedit  
 Stellio, et lucifugis congesta cubilia blattis,

243. STELLIO; BLATTIS;

240 *Contusos* Gud. et duo Moret. (vid. ad Ge. I, 262. *Wr.*) *Concus-*  
*sosque* Regius Martin. *miserabile* idem Regius cum ed. Ven. (et Serv.  
 Dresd. *Wr.*) *mirabere* Longobard. a m. sec. 241 *At* omnes fere codd.  
 Heinsii: *Aut* vulgo. *An* Reiskius coniiciebat; an quis dabitet? *Aut suf-*  
*ferre thumo* (*thumos* apud Foggin.) Medic., nec non Roman. et ed. Ven.  
*thymum* tres apud Burm. *At suffire finio*, scil. bubulo, coni. Io. Schra-  
 derus, ex communi praecepto auctorum de R. R. et Plin. XXI, 14, s. 47.  
 Recte. Verum etiam thymo cneoro suffumigatur: v. c. Geopon. XV,  
 2, 37. *cerasque recidere* Zulich. *incidere* Parrhas. habuisse videbatur.  
 (*inanes* Medic. *Wr.*) 242 *Quis dubites* Goth. pr. *adhesit* Romanus.  
 243 *Stellio et lucifugis* omnes Pieriani, omnes fere Heinsii; nec abesse  
 a suis τὸ et monet Martinus; nec abest a Goth., extrusum tantum est, id  
 quod et ipse malim factum, in edd. vulgg. ante Heins., et quidem inde a  
 Manut. Fabric. Commelin. Heinsius revocavit, ut pes creticus sit; quod  
 mihi merum Grammaticorum commentum esse videtur. Quid enim ieiunius  
 et ineptius a poeta fieri possit, quam in heroico versu alienos pedes ad-  
 miscere! Verum pronuntiandum est binis syllabis *Stelljo*. Hoc ab aliis  
*Stelio*, *Stilio*, *Stillio* scribitur. Porro *lucifugi* c. c. *blatti* Zulich. *exesa*  
*cubilia* Pierii manus in ora codicis, ex interpolatione non inscita; Io.  
 Schrader. *contexta*. Tum *blattis*, *blactis*, *plattis* scribitur ap. Burmann. et  
 Colum. IX, 7, 5. Reiskius ita locum refigebat: *An suffire thymo ceras-*  
*que recidere inanes* *Quis dubitet* (*nam — Stellio*), *lucifugis congesta cu-*  
*bilia blattis?* ut *ceras inanes* sint haec *cubilia*. (Medic. *stelio*, sed *stello*  
 prius scriptum fuisse, notat Foggin. Nihil autem movendum; nam si omi-  
 seris copulam, sive tribus, sive duabus syllabis pronuncies *stellio*, facies  
 contra Virgilii morem; si tribus, habebis creticum pro dactylo, vid. nota-  
 ta ad Aen. IX, 296.; sin duabus, corrumpes numeros, vid. Q. V. XIII, 2,  
 d. De synizesi vid. V. L. ad Aen. I, 2. Mutanda autem erat Heyniana

alveus, inanes cellae exscalpen-  
 dae et recidendae, ne quod in  
 iis animalculum occultum lateat.  
 Trepidabant et hic Intpp. Ob-  
 servata haec omnia iam erant  
 Aristoteli; vid. H. Anim. IX, 40.  
 p. 946 A., sed in caussis reddendis  
 laborabat maximi philosophi  
 acumen. Monent eadem Geo-  
 ponici, Varro et Columella cum  
 Palladio. 239. *parces futuro*,  
 conditioni ac necessitati apum  
 futurae. Priscianus haec ipsa ad  
 apodosin referebat, ut essent,  
*parce* et *miserator*. 240. Spo-

liato alveo et cibi penuria, hie-  
 mali tempore. conf. Colum. IX,  
 14, 11. 241. *Ut omnes vitiosi*  
*favi tollantur*, curandum est.  
 Colum. IX, 13, 8. cf. §. 11. 12.  
 c. 14, 1. 2. 13. Varro III, 16,  
 34 extr. *At* in apodosi, ut su-  
 pra aliquoties: εἶτα, ἀλλὰ, ἀλλὰ  
 γὰρ. quod etiam *attamen*. 243.  
*ignotus Stellio*, non observatus,  
 occulte adrepens. et *blattis con-*  
*gesta cubilia sunt*, h. blattae  
 cubilibus eo, in favos vacuos,  
 congestis, adedere favos. *luci-*  
*fugis*, per noctem vagantibus;

Inmunisque sedens aliena ad pabula fucus;  
 Aut asper crabro inparibus se immiscuit armis, 245  
 Aut dirum, tineae, genus; aut invisae Minervae  
 Laxos in foribus suspendit aranea casses.  
 Quo magis exhaustae fuerint: hoc acrius omnes  
 Incumbent generis lapsi sarcire ruinas,

244. FUCUS, 245. ARMIS;

interpunctio. Apparet enim, vs. 244. non esse cum subiecto, sed cum praegressis iungendum; fucus enim convenit verbum *uedit*, non *se immiscuit*; tum ipsa verborum iunctura hoc flagitat: *et lucifugis — Immunisque — Aut asper*. Neque in his, *congesta cubilia*, omissum est verbum *sunt*, quod in versione expressit Vossius, sed, quod ipse Heynius in Not. vidit, repetendum *adederunt* ex superioribus. Quod si insolentius dictum videatur, cogites velim, his verbis *congesta cubilia* nihil nisi magnam blattarum indicari multitudinem; solet enim hoc animalium genus, quemcumque occupavit locum, magna cum frequentia insidere. Idem sensisse videtur Wunderl., quem in interpungendis his vss. secutus sum. *Wr.*) 244 *fucos* Gud. a m. pr. Mentel. pr. *ad pocula* Medic. a m. pr., librarius scilicet, qui de se forte agi putabat. 245 *scabro* Medic. a m. sec. (*crabro* est prior lectio Medic. *Wr.*) duo Moret. Franc. Goth. sec. *crebro* tres alii. *se miscuit* Voss. pr. Moret. fr. Franc. Toll. ed. Mediol., porro Goth. sec. Erf. et unus Mead. *inparibusque immiscuit* qu. Moret. 246 *dirum* optimus quisque apud Heins., hoc idem iam ediderat Nanger. et Egnat., neglectum a sequioribus. *durum* vulgo. *tinae* scriptura vett. librorum. (sic etiam Medic. ap. Fogg.; idque in ipso codice vidit Freytagius. *Wr.*) vid. Ursin. Cerd. Heins. 247 *In foribus laxos* edd. ante Heins., sed iam Pierius monuerat, codices aliter habere. *Laxosque in foribus* Zulichem. *arachnea* Toll. 248 *fuerunt* et mox *complerunt* Medic. (sed *fuerint* altera in eodem lectio. *Wr.*) *fuerit* Ven. *omnis* multi. 249 *Incumbunt* Zulich. Moret. fragm., idem *fulcire ruinas*. *ruinam* ed. Ven. *operis lapsi* coni. Schrader.

ut Servius recte explicat. Est vermium genus, *tineas*, *Bienenmotten*, *Raupen*, *Bienenwürmer* appellant, ceram depascunt; ex erucis in chrysalides tandemque in blattas lucifugas transformari solent. conf. Colum. IX, 14, 1. 2. 8. 9. *Phalaenam tineam mellonellam* Linn. vocant nostri viri docti. 244. *fucus* (vid. ad v. 168) *immunis*, quod ipse nihil operae ad mellificium confert. cf. Hesiod. *"Egy.* 303. 304. Theogon. 594 sqq. 245. *inparibus armis*, h. l. quibus apes pares non sunt. *asper*, vid.

Georg. III, 149. 246. *tineae*, quarum papiliones enecare iubet Colum. IX, 14, 8. *invisae Minervae*; nota fabula de Arachne.

248. *Quo magis exhaustae* apes sunt melle subducto (nec tamen eo usque, ut fame pereundum sit, nec alieno tempore), *eo acrius omnes* operam dant, ut iacturam tantam reparent; *ruinas generis lapsi*, ut paullo ante, *res fractas*, a republica et imperio aliquo sumtum. Notum autem inter melitturgos, ex mellis abundantia inertia et luxuria solvi apes; itaque etiamnum in-

Conplebuntque foros, et floribus horrea texent. 250

Si vero, quoniam casus apibus quoque nostros  
Vita tulit, tristi languebunt corpora morbo;  
Quod iam non dubiis poteris cognoscere signis:  
Continuo est aegris alius color; horrida vultum  
Deformat macies; tum corpora luce carentum 255  
Exportant tectis, et tristia funera ducunt;  
Aut illae pedibus connexae ad limina pendent,  
Aut intus clausis cunctantur in aedibus, omnes  
Ignavaeque fame et contracto frigore pigrae.

250 *fores* edd. nonnullae, ut Cerdæ, et Pierius in ora codicis sui. Possit esse vestibulum. *cavos* l. *favos* Io. Schrader. ex Colum. IX, 15, 4 et sup. v. 104. In *horrea* duplicem lectionem agnoscit Iulius Sabinus, et *horrea*, et *horea*: nam *horeum* esse mel aestivum, „et ita legendum esse puto; Plinius sic ait: *Alterum genus est mellis aestivi, quod ideo vocatur horeum a tempestivitate praecipua* —“. Male hoc: mel illud est ὀρεῖον ap. Plin. XI, s. 13. 251 *Sin* quatuor apud Burm. Oblongus Pierii, Goth. sec. *nostris* Rom. et aliquot apud Pierium. 252 *tristis* Moret. sec. *languebunt* Moret. pr. *tabo* pro *morbo* Voss. alter. Eadem variatio Georg. III, 557. vid. Heins. ad Ovid. Met. XV, 627. 254 *color horridus alia* Medic. a m. pr. (Nempe haec est prior Medicei lectio: *Cont. est uegris color horridus alia vultum. Wr.*) *horrida multum* Franc. et Zulich. pro div. lect. 255 *Difformat* unus Arundel. *et corpora* Donat. ad Terent. Hecyr. II, 4, 27. 257 *an connexae?* quoniam negant in morbis id solere fieri, ut plures in uvae modum, βοτρυδών, globatae aliae ex aliis pendeant; sed tum singulas passim haerere. (Itaque cape haec de suis cuiusque apibus pedibus inflexis et inter se nexis, ut in morientibus insectis videre licet. Aliud est Aen. VII, 66.: „pedibus permutua nexis.“ *Wr.*) *connexa* edd., male. Porro: *Atque illae* aliquot apud Pierium. 258 ante *omnes* distinctionem ponebat Reiskius, nec male, idque ipse nunc sequor cum Wakef. 259 *Ignavaeque* Romanus, sed idem *fuma*. (indicat huius mendi originem Mediceus, in quo est *fumae*; pro *e* autem, maxime finali, non raro in libris mss., etiam in Medic., *ae* exaratur. *Wr.*) et abest Goth. pr. *contractae* Cerdæ editio; sed in illa multa vitiose excusa.

ter mellificii nostri noxas habetur, quod non satis mellis apibus subducitur, contra vero, vere ineunte, novus cibus apponitur. Observatum iam Aristoteli H. A. IX, 40, versus fin. Hinc nec fucos omnes interimendos esse contendebant veteres. vid. eundem et Colum. IX, 15, 3. 250. *foros*, alveos, favos in alveis, sive a locis spectaculorum, sive a tabulatis navium: *et flo-*

*ribus horrea texent*, florum succo ac polline conficient favos: proprie cellulas, in quibus tamquam horreis mel reconditur.

251 — 280. De morbis apum et morborum cura. Versus 253 ad 263 interpositos esse memento, nec male forte parenthesis includas. Comparari possunt Varro III, 16, 20. Colum. IX, 13, ubi §. 7 totum h. l. expressit.



Tum sonus auditur gravior, tractimque susur-  
rant: 260

Frigidus ut quondam silvis inmurmurat Auster;  
Ut mare sollicitum stridit refluentibus undis;  
Aestuat ut clausis rapidus fornacibus ignis.  
Hic iam galbaneos suadebo incendere odores,  
Mellaque arundineis inferre canalibus, ultro 265  
Hortantem et fessas ad pabula nota vocantem.

260 *tractuque* Mentel. et Bodlei. vid. ad Gratii Cynege. 362, Burm. *tractumque* Goth. pr. *susorrant* Gud. *susurant* Franc. 261 *silvas inmurmurat* Longobard., nec male. v. Heins. 262 Abest versus a Parrhas. *Aut* Medic. Pierii, Moret. pr. Zulich. Reg. apud Martin. *stridit* Heins. e Medic. Gud. a m. pr. Vulgo *stridet*; quod et Romanus tuetur. 263 *Aestuat inclusis* Servius Danielis et aliorum ad Aen. V, 595. *ingens* Medic. a m. pr. 264 *Hinc iam* Medic. cum tribus aliis apud Heins. et Erf. (at *hic* est prior lectio Mediceae. *Wr.*) *infundere* Rottend. tert. pro div. lect. *inferre canalibus ultro*, interpungit Wakef.

252. *Vita tulit*, h. conditio, sors, natura apum, ut βίος, et saepe *vita humana*. 254. *alius color*, ἀλλοχρῶσθαι. 259. *Ignavae fame*, inedia. Sed proprie potest tamen accipi; est enim *fames hiberna* inter morbi causas: unde inter remedia infra vs. 280 cibi copia ponitur. *contracto frigore pigrae*, proprie sunt ipsae *frigore contractae*. Sed transfertur hoc, poetico more, ad ipsum frigus. 260. *tractim*, tractu, trahendo se, sive ad tempus referas, ut sit continuo, iugiter, sive ad locum, ab uno angulo ad alterum, per omnes alveorum et examenum ordines susurro continuato, ἐπισεσφωμένως, nil interest. Hoc forte doctius, ut Lucret. III, 529 mori homines per membra sublato sensu: *post inde per artus Ire alios tractim gelidi vestigia leti*. 261. *Frigidus Auster*, vid. ad Ge. III, 278. 279. Mox 262 *mare sollicitum*, sollicitatum, commotum, ὀρυνόμε-

νον, seu defluxu maris reciproco, seu, ut in Homero, fluctibus ad littus impulsis et allisis. 263. *fornaces* sunt fabrorum apud poetas. Ternas comparationes ex Homero expressas esse post Servii indicium vidit iam Guellius, Iliad. ξ, 394 — 399. Aliam Homericum loci imitationem in Quinto Smyrnaeo videas, locupletissimi ad ornatus quaerendos ingenii poeta, modo castigatior esset, lib. V, 364 — 380 — 386 — 389. ubi facile agnosces luxuriam, si cum Virgilio compares.

264. De *galbano* vid. ad Ge. III, 415. (de vi Adv. *ultro* vid. Q. V. XXVII, 1. *Wr.*) 266. *fessas*, aegras, ut saepe. 267. *admiscere*, scil. illis mellibus, quae infundis. Colum. I. I. *Id cum accidit, arundineis infusi canalibus offeruntur cibi, maxime decocti mellis, et cum galla vel arida rosa detriti*. Galla, excrescens ille in glandiferarum nonnullarum arborum foliis tu-

Proderit et tunsum gallae admiscere saporem,  
 Arentisque rosas, aut igni pinguia multo  
 Defruta, vel Psithia passos de vite racemos,  
 Cecropiumque thymum, et grave olentia centau-  
 rea. 270

Est etiam flos in pratis, cui nomen amello  
 Fecere agricolae, facilis quaerentibus herba;

### 269. PSITHIA

267 *tunsum*, *tusum*, *tuscum*, *tutum*, *tonsum*, scriptum vid. apud Burmann. et III, 133. *immiscere* Franc. et Regius Martini. 268 *Arden-tesque* Reg. Martin. 269 *psythiae* Medic. cum quatuor Heinsii: quem vide. *psit* haec Romanus. *Sithia* Reg. vid. ad Georg. II, 93. (Medic. ap. Foggin. h. l. *Psitiae*, supra adiecta h. Heynius *psithia*, minore litera initiali, h. l. exaraverat; at maiore Ge. II, 93., quam reduxi, ne desideretur constantia. Obscura est huius nominis origo. Cod. Serv. Dresd. ad Ge. II, 93. haec habet: „Psithia genus est vitis ab insula vel regione.“ Sed Cretam diserte nominat Cod. G. ap. Burm. Neque hoc ineptum; passum enim in Creta potissimum fieri solitum; vid. Iuvenal. XIV, 271. ibique Interpp. Quamquam non dissimulo, auctore Scholiasta Nicandri Alexiph. vs. 181. passum Psithium ex uvis Pramniis parari. *Wr.*) *pussus* Mentel. pr.

mor, insectis gravidus, adstri-  
 gentem habet naturam (unde  
 h. l. *sapor gallae* pro galla),  
 adeoque profluvium sistit alvi,  
 quo laborant vere ex certo pa-  
 buli verni genere apes. cf. Co-  
 lum. IX, 13, 2. Varro III, 16, 22.  
 269. *Psithia* vitis utilissima pas-  
 sis uvis et conficiendo inde vino  
*passo*: vid. Ge. II, 93. *Defru-*  
*tum* vinum dulce ac coctum, de  
 quo multa apud Scriptores R. R.  
 270. *Cecropiumque thymum*,  
 vid. sup. v. 112. 177. *centaureum*  
 sive centaureum, maius et mi-  
 nus, *Tausend Guldenkraut*, a  
 Centauro Chirone nomen traxit.  
 vid. Plin. XXV, 4, sect. 14, 6,  
 sect. 30. 31.

271. Consentiant viri docti  
 in hoc, *amellum* esse *Asterem*  
*Atticum caeruleum vulgarem*,  
 nobis *Sternkraut*; quem in Ita-  
 lia, Sicilia, et Gallia Narbo-

nensi incultis et asperis conval-  
 libus passim nasci Raius testa-  
 tur; unde *facilis quaerentibus*  
*herba*. Eius formam excudi cu-  
 ravit Martinus. Pugnat tamen  
 pro Meliloto flore luteo (Trifolio  
 n. 5 apud Linn.) Wedel. Exercit.  
 med. philol. Cent. 3, Exerc. 5.  
 Et profitetur ipse Hoffmann. no-  
 ster, botanices arbiter haud du-  
 bie idoneus, non omnia, quae  
 in Virgilio memorantur, *Asteri*  
*Amello* respondere: vid. Virum  
 doctiss. in *Asterum Horti Got-*  
*tingens*. Decade prima. (cf. Gött.  
 Gel. Anz. 1800. p. 1321.) Vere-  
 cundius itaque ii, qui vix pri-  
 mis labiis hoc plantarum stu-  
 dium attigerunt, in pronun-  
 tiando de hoc rerum genere esse  
 debebant. 273. *uno de cespite*,  
 seu uno eodemque soli loco, seu  
 una eademque radice, uti expo-  
 nit Philargyrius, quem sequitur

Namque uno ingentem tollit de cespite silvam,  
 Aureus ipse, sed in foliis, quae plurima circum  
 Funduntur, violae subluet purpura nigrae; 275  
 Saepe deum nexis ornatae torquibus arae;  
 Asper in ore sapor; tonsis in vallibus illum  
 Pastores et curva legunt prope flumina Mellea.  
 Huius odorato radices incoque Baccho,  
 Pabulaque in foribus plenis adpone canistris. 280  
 Sed si quem proles subito defecerit omnis,

274. IPSE; 281. SED,

273 *Namque imo* aliquot Pieriani, Franc. et ed. P. Dan. Basil. et al., item Goth. pr. Erf. unus Mead. et edd. vett., etiam Egnat.; et probavit Heins. ad Ovid. Ep. XX, 41 et Catroeus, notante etiam Burmanno; fluxit ex perpetua varietate. Maior librorum auctoritas pro *uno*, etiam sic inde ab Aldd. editum. *de vertice* vett. apud Pierium. 275 *Funduntur* Leid. *Eduntur* Zulichem., mox *sublucent* qu. Moret. Goth. pr. succumbit Zulichem. 276 *Forte hinc nexis* Burmann. Est sane subintelligendum. (Ad hunc quoque versum pertinere arbitror, quae scripsi ad vs. 203.; damnant eum Iahn. et Weichert. *de Verss. aliquot iniuria suspectis* pag. 63.; qui quidem quum haeret etiam in voc. *torques*, — necti enim coronas, non torqueri — nihil equidem invenio, quod offendant; non est enim intelligenda corona, i. e. flores in orbem nexi, sed sarta tortuoso flexu aras cingentia. *Wr.*) 278 *incurva* (Foggin. *en curva*) Medic. a m. pr., et probat Heins. *per flumina* Romanus, quod admodum placebat Burmanno. *Amellae* Medic. a m. sec. unus Arundel. et Cantabrig., male. 280 *exponne* Roman., quia in foribus. 281 *Sed si quidem* Medic. Pier. et aliquot alii apud Pierium et Heins., Bodlei. unus Arundel. et vett. edd.

Martinus, ut *cespes* sit radix cespitosa, seu radix fibris inter se in cespitis modum implexa. 274. 275. flore flavo, foliis purpureis violaceo colore. (*aureus ipse*, vid. Q. V. XVIII, 2, n. *Wr.*) 276. Solent arae sertis ex hoc amello nexis (*Festons*) ornari. 277. *tonsis in vallibus*, quas pecudes tondent (vid. Ge. I, 15 et al.); nam sequuntur *pastores*, qui inter pascendum herbam colligunt. (*tonsis*, *κατομήνας*, vid. Q. V. XXVIII, 3. *Wr.*) 278. *Mella. Brixia—Flavus quam molli praecurrit flumine Mella* Catull. LXIII (67), 33. Fluvium itaque ex

vicinia agri Mantuani memoratum vides. vid. Capreoli de reb. Brix. p. 9 Tom. ult. Thes. Scriptt. Ital. 279. *odorato Baccho*, simpl. *ἀνθοσμίαν, εὐόσμον, εὐώδη*, ut Theocr. XIV, 16, odorum vinum, adeoque generosum, intellige. Colum. IX, 13, 8 *Optime tamen facit anelli radix, cuius est frutex luteus, purpureus flos: ea cum vetere amineo vino decocta exprimitur, et ita liquatus eius succus datur.*

281. Ingreditur nobilissimum locum de reparanda stirpe apum, cum morbo examina tota interierint. Sequitur autem opinionem veteribus communem, posse ex



Nec, genus unde novae stirpis revocetur, habebit:  
Tempus et Arcadii memoranda inventa magistri  
Pandere, quoque modo caesis iam saepe iuvenicis

282 *haben*is Rom., ferrem: *habebis*. 284 *caesis iam forte i. pr.*  
Moret.

bove caeso nova apum examina  
excludi; quod Aegyptiorum in-  
ventum et artificium esse vulgo  
iactabatur. vid. Varro II, 5, 5.  
III, 16, 4, et multi apud Intpp.  
ibi et ad h. l. laudati. Virgilium  
auctorem Plin. laudat XI, 20,  
sect. 22, et Colum. IX, 14, 6; et  
cap. 2, 1, unde Magonem et De-  
mocritum potissimum haec tra-  
didisse discas, homines parum  
idonea fide: assenserunt tamen  
Hyginus ac Celsus. Experimen-  
tum rei qui instituerit, non me-  
moratum vidi. Videtur illa  
Orientis olim communis opinio  
fuisse, ut omnino insecta, ita  
apes ex putribus cadaveribus  
generari; cui illa observatio forte  
locum fecerat, quod apes in iis  
terris, ubi passim per silvas et  
sine cultu vagabantur, mel in-  
terdum in cadaveribus, ut ex  
narratione de Samsonio constat,  
facere videbant. Non quidem  
nisi exsiccatis cadaveribus apes  
ita insidere, non vero sanie dif-  
fluentibus, quam apes aversan-  
tur, notatum est a multis; etsi  
eas nec crudas carnes omnino  
abhorre alii testatum faciunt;  
vid. Nota Becmanni ad Antigon.  
Caryst. pag. 106. Huius porro  
mellificii in craniis et cadaveri-  
bus animantum observatione ad-  
ducti, fuere, qui fidem facerent,  
se, cum apum examina nova  
habere vellent, verno anni tem-  
pore, apum fetibus novis a na-

tura destinato, cadaver bovis  
commodo loco exposuisse, quo  
apes tamquam ad alveum con-  
volarent, et mater seu puerpera  
ova deponeret. conf. Mellmann.  
Comment. de *mutatis formis*  
p. 25. In angustam illam do-  
mum v. 295—298 apes apposi-  
tae casiae thynique fragrantia  
v. 303. 304 alliciebantur. Quod  
autem contundendo enecabant  
bovem, id vereor ne inani opi-  
nioni tribuendum sit; nisi quod  
forte sic putrefactio acceleraba-  
tur. Ceterum Aegyptiorum in-  
ventum ad Thessaliam traduxit  
Maro v. 317 sq.

282. *genus novae stirpis*, ge-  
nus novum, a nova stirpe ori-  
undum, examen. 283. *Arca-  
dii magistri*, pastoris, Aristaei,  
vid. infra v. 317 et 539. Se-  
quitur igitur in hoc Maro eos,  
qui eum Arcadiae heroem edi-  
derant: quod idem Iustin. XIII,  
7, 10, et Nonnus Dionys. XIII,  
277 sunt amplexi. Ab aliis ad  
Thessaliam revocatus Aristaeus  
heros; idem Caeae et Cyrenis  
cultu habitus. Cf. de eo ad Ge.  
I, 14, cum disputatione Thielii  
1774 Gottingae habita; nunc  
Eckhel Numi vet. p. 108. et Do-  
ctrina Numor. vet. P. II, p. 326  
ad numum Caeae. Sane et ipse  
Maro infra v. 317 sqq. Cyre-  
nen in Thessalia collocavit, Pe-  
nei patris antra inhabitantem,  
ipsum autem Aristaeum Tempe

Insincerus apes tulerit cruor. Altius omnem 285  
 Expediam prima repetens ab origine famam.  
 Nam qua Pellaei gens fortunata Canopi  
 Adcolit effuso stagnantem flumine Nilum,  
 Et circum pictis vehitur sua rura faselis;

286 *patria repetens* Ven. *primam* Goth. pr. 287 *Nam quam* Medic. (nempe virgula transversa supra *qua* cernitur ap. Foggin. Praeterea *Pellei* in eodem ap. Fogg. *Wr.*) *quae* Gud. *Pellei, Pelei, Palei*, nonnulli. *Penei* Franc. Est Πέλλα, Πελλαῖος. 288 *Adtulit* Zulich. *et fuso* Goth. pr. 289 *pactis* Rottend. sec. *phasellus* Cerda secundum lapides. (*phaselis* Medic.; vid. notata ad Ge. I, 227. *Wr.*)

incoluisse significat v. 317. 284. Et quomodo iam saepe caesis iuvenicis *cruor insincerus*, corruptus ex putredine, *tulerit*, protulerit, generarit, *apes*. 286. *omnem famam*, rei memoriam, narrationem. Ordinem autem narrationis ita constituit: Aristaeum Tempe Thessaliae incolentem apum examina lue grassante amisisse. Conquestum calamitatem apud matrem cum iisset, ab hac responsum accepit, Proteum in Pallene 392 de caussa mali et medela esse consulendum. Adit iuvenis Proteum ex eoque audit luen immissam esse eius apibus propter tentatam ab eo Eurydicen, Orphei coniugem; expiandum esse flagitium et placandam Nympharum iram. Tum Aristaeus in Thessalam redux sacrum parat, caesas Nymphis victimas in nemore relictas paullo post revisens, apum examina ex visceribus prognata videt.

287—293. h. per totam Aegyptum. Interpretum aestuantium conatus commemorare nil attinet. Videamus singula. *gens fortunata*, a terrae felicitate,

seu fertilitate ex Nili incrementis. *Canopus*, ὁ Κάνωβος, Aegypti urbs, non longe ab Alexandria; quae, quod iam Martinus, vir elegantis iudicii, vidit, occidentalem Aegypti partem designat (est enim Canopicum primum ab occidentali latere Nili ostium); unde Aeschyl. in Prometheus. v. 845 ἔστιν πόλις, Κάνωβος, ἐσχάτῃ χθονός. *Pellaeum*, h. Macedonicum, a nobili Macedoniae urbe Pella, unde *Alexander Pellaeus*. Ex quo autem tempore Macedones Aegyptum obtinuerunt, a regibus ipsa terra *Macedonica*, adeo et *Pellaea*, appellari potuit. *stagnantem* pro inundanti dixit poetico usu: sic Lucan. II, 417 de eodem Nilo — *per Libycas Nilus stagnaret arenas*. Alia vid. apud Cerdam. Et sane *effuso flumine* stagnat aqua in locis vicinis, etsi ipso alveo aqua concitatore cursu fertur. *pictis faselis*, pulcre, nam hoc proprium Aegyptiorum, quemadmodum ex Diodoro lib. I, 98 et Herodoto II, 96. 97 satis constat, ut certo navicularum genere, *Baris* nomen erat, per Nilum discurrerent.

Quaque pharetratae vicinia Persidis arguet, 290  
Omnis in hac certam regio iacit arte salutem.

291. \*ET VIRIDEM AEGYPTUM NIGRA FECUNDAT  
ARENA,\*

292. \*ET DIVERSA RUENS SEPTEM DISCURRIT IN ORA\*

293. USQUE COLORATIS AMNIS DEVEXUS AB INDIS;

290 *Presidis* Goth. pr. *vicina Pathyridos* Clerici coniectura, a Burmanno satis acerbe explosa. Possint huius generis plura coniectari; ut, *vicina Papremidis*, vel *Prosopidis*. Sed vid. Not. Nisi *vicinium* haberetur, liceret *confinia* coniectare. Hoc ipsum nunc video Bentleium coniectasse ad Lucan. II, 435. Mira cum subtilitate Persas Herculis comites ap. Sallust. Iugurtha 18 in Africam adductos huc deportat Hasaeus in Diss. et Obs. Bremae 1731. Diss. XI. 291 In Romano (et Hafn. B. *Wr.*) versus ita transpositi, ut sint: *Quaque pharetratae — Et diversa — Usque coloratis — Et viridem Aegyptum*. (quem ordinem revocarunt Vossius et Iahn.; recte sane, si reliqua bene se haberent. *Wr.*) Medic. Gud. duo Rottend. et Leid. duo hos transponunt: *Et diversu ruens — Et viridem*. Praestat haud dubie utraque versuum collocatio ea, quae vulgata est. Verum vel sic otiosi aliquid manet in versu: *Et viridem Aegyptum nigra fecundat arena*; etsi in verbis ipsis nihil reprehendendum esse video: nam *arena* pro limo recte, ut a poeta, dici potuit; vid. Notam ad h. v. Mihi valde probabile fit, versum aut fuisse adscriptum in tabulis poetae, cum nondum decretum esset, utrum hunc an alterum *Et diversa ruens* anteferret, aut ex bono poeta in marginem fuisse appictum a Grammatico. Ita scriptum erat: *Quaque pharetratae vicinia Persidis arguet Usque coloratis amnis devexus ab Indis*. Versu 291 *Et viridem* utique melius caret totus locus: et iam Cerda, sed alia eaque parum idonea de causa, quia v. 190 ad Persidem revocabat, eo descendit, ut versum 291 damuaret. Acutissimus vir, Iac. Bryant, locum varie tentabat. Primo versus sic collocatos malebat: *Et circum — Et diversa — Usque — Et viridem — Quaque pharetratae — Omnis in hac*. Tum damnat *stagnantem* Nilum; et lusum in verbis agnoscit *nigra arena* et *viridem Aegyptum*. Tandem eo devenit, ut alteram loci partem a Nilo ad Gangem transferat, excluso versu 291, aut retracto post v. 289 et emendato: De Gange adeo dicta essent haec: *Quaque pharetratae vicinia Persidis arguet, Et diversa ruens septem discurret in ora, Usque coloratis amnis devexus ab Indis*. Sane Gangem per septem ora in mare inferri ipse poeta alio loco memoravit: Aen. IX, 30. 31. Addit vir doctus Melam III, 63 — 66. Propert. III, 22, 16. Incideram et ipse aliquando in hanc suspicionem, inprimis quia Maro etiam altero loco Gangem et Nilum iungit: *Ceu septem surgens sedatis annibus altus Per tacitum Ganges aut pingui flumine Nilus*. Enimvero revocabant me plura: primo quod apum generationem nemo ad Indos retulit, quid quod nec mellificium inter Indos memoratum ne ex recentibus quidem de India scriptoribus memini; tum non minus contortum est illud, quod, *qua vicinia Persidis arguet*, Ganges narratur decurrere. Nec ab occidente Persidis in confiniis populum aut regionem novi, in qua apum reparationem miro ullo more memoratam meminerim, etsi de mellificio Babyloniorum, et Iudaeorum, nonnulla narrata teneam. Omnes has nebulas discussas esse ar-

290. *Quaque vicinia Persidis* quae vicina sunt ac contigua, *arguet*, h. ab ea parte, qua Aegyptus Persis contermina est; poetica oratione *urgent*. Solent veteres, multo magis poe-



bitror, si, quod in Nota apposui, animadverteris: Nili ostia duo extrema, ab occidente Canopicum, ab oriente Pelusiaceum, innui; hoc alterum ad fines imperii Parthici spectare videri potuit, cum Arabes modo armis domiti modo societate armorum iuncti interiecti essent. Tum vero *vicinia a vicinium* ubi deduxeris, intelliges: *eundem Nilum urgere vicinia Persidis*, propiorem habere cursum versus Parthos ostium Nili Pelusiaceum. *fecundet* Gud. quod arripuit Wakef. hunc in modum: *Quaque pharetr. Et diversa ruens. Usque coloratis. Ut viridem Aegyptum nigra fecundet arena.* (De Gange haec ne intelligamus, vetant verba *devevus ab Indis* vs. 293., Nili, non Gangis cursum indicantia. Heynius et Vossius ostium Canopicum et Pelusiaceum his verbis designari statuunt; sed vide primum, quam hoc sit tenue h. l., utramque Nili ripam commemorari; tum, si ea, quae inde a vs. 290. leguntur, unum ostium Pelusiaceum designant, vide, quam parum apte insertus sit versus. *Et diversa ruens septem discurret in ora*; denique vix probabitur cuiquam nimis ampla et verbosa Nili descriptio posito ipsius Nili vs. 288. nomine. Sed leguntur hi versus in omnibus libris mss. Nimirum valet ad eos, 291—293., quod Heynius in V. L. statuit, quodque ipse dixi ad Ge. IV, 203.: videri quidem hos vs. esse Virgilii, sed margini codicis fortasse ab ipso allitos, aut, quod magis probabile, ex aliis eius carminibus, deperditis illis quidem, ab aliquo adscriptos, et hinc in texta inventos. Cuius rei fides mirifice h. l. augetur eo, quod triplex est codicum inter se discrepantia in collocandis his versibus. Sed persequamur reliqua. Nihil dico de epithetis *viridis* et *nigra*; quamquam erunt praeter Bryantum, quibus haec minus placeant. At Persis quomodo Aegypto vicina dici possit, non exputo. Parthos saepe a poetis dici Persas, verum est quidem; sed Parthi etiam quo iure dicantur in confiniis Aegypti habitare, non intelligo. Neque is est hic locus, ubi liceat liberius uti populorum nominibus: nempe in situ locorum accuratius definiendo sua et propria vocabulorum notione utendum est, ut facile quis videat, quae designetur regio. Quare adduci non possum, ut credam Vossio, Arabes quoque Persarum nomine comprehendendi. Quid igitur? num efficiendum putabimus vs. 290.? At verba *omnis regio* vs. 294. vix videntur admittere hanc criticis severitatem; neque enim credibile est, haec poetam adiecturum fuisse, si eum modo tractum intelligi voluisset, qui est circa Canopum. Integer est igitur et genuinus, si quid video, versus 290. Ac Persidis nomine indicari regnum Parthicum, mihi quoque persuasum est; sic enim Persas vocari eos, qui proprie Parthi appellandi erant, ex communi poetarum usu inter omnes constabat illo tempore. Parthos autem Euphrates tum seiungebat a Romanorum imperio. Itaque Syriam puto a Virgilio his verbis significari. Quod autem de Syria nihil tale a veteribus scriptoribus memoriae proditum est, nihil nos movere debet, modo constet, id quod ex ipsis verbis perspicui existimo, eam fuisse, quam dixi, poetae opinionem. Iam vero vide mihi, quam alieni sint ab hac oratione tres proximi versus! quos iam eo, unde irrepserunt, remigrare iussi. Ceterum miror, Heynium, Iul. Sabini auctoritate motum, dudum e Latinitate eiectionem vocabulum *vicinium* revocare voluisse. *Wr.*) 293 *Ille* Rottend. pr. pro var. lect. *roñ Usque. devectus* nonnullos legisse, ne dubites; sensu plane eodem; sed minus poetice; quod declivi via defertur, id est *devevum. ab undis* Franc. 294 *in hanc* Roman. *regio certam* Franc. certe Medic. a m. pr. *iacet* Roman. Gud. a m. pr. et alii. (etiam in Mediceo *iacit* mutatur in *iacet*; male, quamquam ἀρχαῖ-κῶς locutum poetam aliquis dixerit. *Wr.*) *petit* Venetus, ex interpretatione. *imbre salubrem* Erf. a m. pr., stupore librarii.

tae, fines saepe non satis subtiliter, ex geographica ratione, designare. Nysam ad Nilum col-

locatam vides ex verss. Homero tributis apud Diodor. III, 66. *Persis*, h. l. pro imperio Par-

Exiguus primum, atque ipsos contractus ad usus, 295  
Eligitur locus: hunc angustique imbrice tecti

295 *Exiguus* Erf. in *usus* Medic. a m. pr. et alii, more solito. vid. Burm. (in Mediceis prior lectio; ad supra scriptum a m. rec. *Wr.*) *ipsos* ab Mediceo a pr. m. aberat. Lenius fuisset *atque hos*. (at hoc verum pessumdaret. *Wr.*)

thico, ut iam Burm. accepit, more sollenni Romanorum poetarum; sic *Medus Hydaspes* v. 211; hinc et *pharetrata*, quod de Parthis proprie dici solet; quis Parthorum pharetras ignorat? Multo tamen commodiorem verborum et sententiae iuncturam fore video, si, in quo Iulius Sabinus (quem v.), e pleniore Servio forte an ex Probo, praecesserat, *vicinia* a *vicinium* ductum esse existimetur; hoc modo: *Quaque amnis usque a coloratis Indis devexus*, h. Nilus, *vicinia*, h. vicina loca, finitima, fines, *Persidis urget*, attingit; ab orientali Aegypti parte, seu versus ostium Nili Pelusiacum; et *viridem Aeg.* etc. Sed videamus reliqua. *Et qua amnis usque ab Indis coloratis* (Aethiopibus, vid. ad Ge. II, 116, ad Tibull. II, 3, 55. 56) *devexus*, *καταπερὴς*, ex altis montibus proclivi descensu in planiciem dum defertur, pronus, *fecundat Aegyptum*, *viridem* laeto agrorum proventu, *nigra arena*, pro limo; est enim *arena* poetis simpl. solum (ut Georg. I, 105 *cumulos male pinguis arenae* de glebis tenacibus. Lucan. II, 417 *si non per plana iacentes Aegypti Libycas Nilus stagnaret arenas*); et *ruens discurret in septem ora diversa*. Igitur totus locus huc redit: Per totam Aegyptum, cum in occidentali

latere, circa Canopum non longe ab Alexandria, tum in orientali, versus fines Parthici imperii, adeoque per totam inferiorem Aegyptum (Delta nomine celebratam), *omnis regio*, tota gens, *iacit salutem certam*, ponit salutis spem ac fiduciam, *in hac arte*, reparandi apes ex boum visceribus. Locum vexatissimum videor mihi sic satis commode interpretari posse; in aliorum quidem rationibus sive expendendis sive refellendis moras neque hic nectam. At si iam de ipsa sententia et poetica ratione iudicium ferendum est, Virgilii acumen et verecundiam desiderare mihi videor. Nam et nimis protracta et inimpedita friget oratio, et paullo ieunius Nili natura bis describitur: quamquam singula membra suo ornatu ac lumine fulgere facile sentio. Sed et hic mihi videtur Euphorionem aliquem aut alium poetam Alexandrinum expressisse; quem locum qui animo tenebant, Romani poetae copia magis forte delectabantur, ac nunc in nostris animis, hoc auxilio destitutis, fieri potest. Si cui tamen aliter videtur, nil intercedo. (vid. quae disputavi in V. L. *Wr.*)

295. Conf. cum seqq. excerptum ex Florentino in Geopon. XV, 2, p. 406 sqq. (p. 1070 sq. Nicl.). Sequutus forte noster

Parietibusque premunt artis, et quatuor addunt,  
 Quatuor a ventis, obliqua luce fenestras.  
 Tum vitulus, bima curvans iam cornua fronte,  
 Quaeritur: huic geminae nares et spiritus oris 300  
 Multa reluctanti obstruitur, plagisque peremto  
 Tunsas per integram solvuntur viscera pellem.  
 Sic positum in clauso linquunt, et ramea costis

### 301. OBSUITUR

297 *premunt aras* ed. Ven. 298 *adversa luce* edd. nonnullae, ut ex Cerda liquet. 299 *bina* sex ap. Burmann. *vima* Medic. (sed *b* supra scripta. *Wr.*) *corvans* Gud. 301 *Multa resultanti* Menag. pr. *obsuitur* Heins. reposuit ex unico Mediceo, in quo *opsuitur*, ut et in Gud. a m. pr., quod iam defenderat ad Ovid. Fast. II, 578. Laudavit tamen idem ex libro Colot. Ursinus. *obruitur* Ven. Parrhas. Vulgo legebatur: *obstruitur*, quod utique proprium et pedestri sermoni conveniens erat, ἀποπεφράχθαι. idque tuentur viri docti Voss. et Wakef. neque intercedam: Aen. IV, 440 *Fata obstant placidasque viri deus obstruit aures*. Apud Lucret. VI, 225 est *oppilare*. (Geopon. XV, 2, 25.: „Εὐθὺς δὲ ἂ ποπεφράχθω πᾶς τοῦ βοῦς πόρος ὁ θόναις καθαφαῖς καὶ λεπταῖς πίσσῃ κεχρισμέναις· οἷον ὄμματα, καὶ ῥῖνες, καὶ στόμα, καὶ ὅσα τῇ φύσει πεποιήται εἰς κένωσιν ἀναγκαῖαν.“ An ἀναγκαῖα? Revocavi *obstruitur*; neque enim licet poetis quidvis pro quovis ponere. Ceterum Mediceus et Colotianus unius testis pondus habent. *Wr.*) 302 *Tonsa*, *Tusa*, alii. vid. ad v. 267. 303 *in* deest quart. Moret.

erat Varronem, cuius hac de re locus, ad quem Florentinus provocat, intercidisse videtur. *contractus*, coartatus, spatio angusto factus, ad hunc ipsum usum, *locus*, οἶκος, *decem cubitorum in altitudinem et latitudinem*, inquit Florentinus. 296. *Hunc locum et angusti imbrice tecti*, h. angusto tecto (cuius fastigiis imponi solent cavae tegulae, *imbrices*), et *parietibus artis*, angustis, *premunt* pro exstruunt, sed multo elegantius, quasi coercent; et quatuor relinquunt spiracula ad quatuor caeli cardines spectantia.

299. *Τριακοντάμηνον βοῦν* Florentinus l. l. 300. *spiritus oris*, h. os. 301. *multa reluctanti*, πόλλ' ἀεκαξομένῳ, ut

apud Homer. Od. v, 277. Iliad. ζ, 458. 302. *solvuntur*, resolvuntur contusa, comminuuntur, ut in putredinem tanto citius abeant, *pelle* tamen *integra* manente. Sed et simpliciter *solvuntur tunsas*, pro tunduntur: ὁμοῦ ταῖς σαρκὶ τὰ ὀστέα συναλοῦντες· φυλακὴν δὲ ἐχέτωσαν, τὸ μὴ αἱμάξαι τι τοῦ βοῦς et rel. *viscera* pro omni carne.

303. *in clauso*, luto etiam denso obducta ianua et fenestris; ut diserte Florentinus p. 407, sed, ut adiicitur, XXI die dies et purus aer admittitur, vento tamen excluso; et tum rursus omnia oblita occluduntur. Quo facto, undecimo inde die, aperta domo examina nova effervescere reperiuntur. Facile ex his ap-



Subiiciunt fragmenta, thymum, casiasque recentis.  
Hoc geritur, Zephyris primum inpellentibus un-  
das, 305

Ante novis rubeant quam prata coloribus, ante  
Garrula quam tignis nidum suspendat hirundo.  
Interea teneris tepefactus in ossibus humor  
Aestuat; et visenda modis animalia miris,  
Trunca pedum primo, mox et stridentia pennis, 310  
Miscentur, tenuemque magis magis aera carpunt;

### 310. PENNIS M.

304 *recentis* Heins. reposuit ex scriptis, etiam Pierianis, seu verius revocavit; nam sic iam Egnat. Commelin., hinc alii ediderant; reliquae edd. fere, *virentes*, e glossa. vid. Heins. ad Aen. VI, 674. Ovidii Fast. V, 123. 306 *et ante* Roman. (etiam Mediceus, sed *et* punctis notatum. *Wfr.*) 307 *Sarcula quam* Zulich. *signis* Voss. *suspendit* Mentel. pr. a m. pr. pr. Moret., et Nonius in *Garrulae*. 310 *pinnis* video Heinsium emendare, ut fere alias. Et sic in Pierii libris et Romano. Interpungere licet l. post *primo*, ut ad *visenda* retrahas; l. post *miris*, ut iungas: *Truncu pedum primo, mox et str. p. Miscentur*. 311 *tenuemque magis ac magis* Romanus, et alii Pierii, unus Mead. Goth. pr. Erf. Sic etiam Medic. a m. pr., deleta postea  $\tau\tilde{\omega}$  *ac*, et in Menteliano, sed eraso *que* a m. sec., ut sit *tenuem magis ac magis*: quomodo pr. Mentel. et pr. Voss. et alii quinque Heinsii; quatuor Burmanni, tres Martini, Goth. sec. Et sic Ge. III, 185. 396 *magis atque magis*. Probat itaque Heinsius; et est lenius quam: *magis mugis*; quod uno Catulli exemplo, quamquam et illo ambiguae iuncturae, defendi poterat LXIII, 274 *Post vento crescente magis magis increbrescunt*. (vid. V. L. Ge. III, 396. *Wfr.*) Porro *aera captant* Rom., male; hoc facerent spirantes.

paret, quomodo mater apes in οἶνον penetrare potuerit. *ramea fragmenta*, ramorum, h. ramos. *casias*, vid. sup. ad Ge II, 213.

305 — 307. Haec faciunt in-eunte vere. Plin. II, 47 *Ver aperit navigantibus maria, cuius in principio Favonii hibernum molliunt caelum*, — *Is dies VI est ante Februarias Idus*. cf. XVI, 25, s. 39. *novis coloribus*, floribus. *rubeant*, efflorescant, niteant. Georg. II, 319 *vere rubenti*.

308. *humor*, vitiatu putredine sanguis, sup. v. 285 *insin-cerus cruor*. *teneris* autem *ossi-bus*, quia haec ipsa contusa col-

liquescent. 309. *Aestuat*, fermentescit. Rem disertius expositam vide in Florentini loco p. 407 extr. Narrata sunt haec, etsi ex ovis excludi vermiculos, ex his evolare apes satis constat, fabulosa, fere ad eum modum, quo animantia primo esse nata opinati erant indocti physici inter Aegyptios apud Diod. I, 10. Ovid. Met. I, 422 sqq. 310. *Trunca pedum* graece pro *trunca pedibus*, et hoc pro, truncis pedibus. Locum expressit, sed suo more, Ovid. Met. XV, 582 sqq. 311. *aera carpunt*, ut *viam*, h. volant; quod idem est, *stridentia*

Donec, ut aestivis effusus nubibus imber,  
 Erupere; aut ut, nervo pulsante, sagittae,  
 Prima leves ineunt si quando proelia Parthi.

Quis deus hanc, Musae, quis nobis extudit artem? 315

Unde nova ingressus hominum experientia cepit?  
 Pastor Aristaeus fugiens Peneia Tempe,

### 313. PULSANTE S.

312 *et a. effusus* quart. Moret. et unus Mead. 313 *Eripuere* aliquot Pieriani; in aliquot aliis *velut*; quod et in quinque ap. Burm. in uno Arundel. Goth. sec. a m. sec. *vel ut* Franc. et unus Mead. 315 *aut Musae* Moret. quart. *extulit* permulti; sed *extudit*, quod inde ab Aldd. editur, et meliorum consensus, et grammatica ratio defendit, quod est exquisitius; habet etiam adiunctam aliquam notionem assiduitatis. Dicat aliquis, hanc in deum non cadere; verum non ita argutantur poetae. *excudit* vitiose nostri, duo Burm. et plures Martini. vid. ad Georg. I, 133. *qui nobis* codd. apud Pierium. *vobis* Erf. a m. pr. 316 *ingressum* Mentel. sec. *ingressum hominem* ed. Ven. *coepit* edd. multae apud Burm. 317 *Aristheus* semper Goth. sec. *fugiens Peneia Tempe*, φεύγων Πηνήϊα Τέμπη.

*pennis miscentur.* 313. *Erupe-*  
*re*, melius quam erumpunt; *ut*  
*sagittae* erupere, *nervo* arcus  
*pulsante*, propellente sagittam.

316. *Unde nova hominum*  
*experientia cepit ingressus*, ha-  
 buit exordia; unde processit:  
 qua re homines adducti ad hanc  
 artem ab experientia suppedita-  
 tam progressi sunt. Lucret. I,  
 384 *Unde initum primum ca-*  
*piat res quaeque movendi.* To-  
 tum hunc locum a secundis poe-  
 tae curis profectum esse, tra-  
 dunt Grammatici. vid. Vitam  
 Virgilii §. 39. De Aristaeo vid.  
 modo ad v. 283. Quod inven-  
 tum reficiendarum apum ad eum  
 refertur, ignoratur, quo exem-  
 plo Maro fecerit; ignoratur quo-  
 que, quo auctore Aristaeo cri-  
 men tentatae Eurydices impa-  
 ctum sit. Ex perpetuis fere  
 exemplis Romanorum poetarum  
 ad Graecos se componentium,

inprimis Virgilii et Horatii, et  
 ad sensum cuiusvis viri docti,  
 qui lectione varia animum ad  
 haec paravit et acuit, fit proba-  
 bile, saltem suspicari licet, vel  
 ex summo rerum ornatu, Ma-  
 ronem hic alium, eumque Grae-  
 cum poetam, expressisse. Fuisse  
 vetus poema, *Βουγονίαν*, sub  
 Eumeli antiquissimi poetae no-  
 mine, ex Eusebiano Chronico  
 constat: num. MCCL, et ibi Sca-  
 lig. cum Vallars. et Salmas. ad  
 Solin. p. 602. 603. An is ipse  
 autem ad Aristaeum artem re-  
 tulerit, quod a Salmasio affir-  
 mari video, nulla auctoritate  
 constat. Sapit totum commen-  
 tum poetae Alexandrini ingenio-  
 sam suavitatem. Philetæ ver-  
 sum excitavit Antigonius Caryst.  
 c. 23 *Βουγενίας, φάμενος, προσε-*  
*βήσας μακρὰ μελίσσας*, si modo  
 verba sana sunt. Fabulam ipsam  
*de bugonia* exponit Ovid. Fast.

Amissis, ut fama, apibus morboque fameque,  
 Tristis ad extremi sacrum caput adstitit amnis,  
 Multa querens, atque hac adfatus voce paren-  
 tem: 320

Mater, Cyrene mater, quae gurgitis huius  
 Ima tenes, quid me praeclara stirpe deorum,  
 Si modo, quem perhibes, pater est Thymbraeus  
 Apollo,

### 321. MATER CYRENE,

319 *extremum* libri aliquot apud Pierium. *extremum sacri* fragm. Moret. *placidum caput* Medic. (petitum hoc ex Aen. I, 127.: „summa placidum caput extulit unda.“ cfr. V. L. vs. 352. *Wr.*) 320 *affatur* Mentel. pr. *effatus* Goth. pr. *parentem est* tres ap. Burm. Goth. pr. (si est omisum putabis, tueberis hoc vs. 530.: „namque ultro adfata timentem.“ cf. etiam vs. 444. et Q. V. XV, 6. Sed quum praecedat *querens*, rectius *adfatus* pro inusitato *adfuns* dictum acceperis; vid. Ramshorn. Gr. Lat. pag. 455. extr. *Wr.*) 321 Distingui potest *mater! Cyrene mater!* (rectius hoc. *Wr.*) *Cyrine* Gud. semper, et alter Mentel., forte ex pronuntiatione τοῦ η in Κυρήνη. Vox haec priorem productam habet h. l. et ap. Apollonium; at correptam apud Pindarum et Callimachum. Observavit quoque Spanhem. ad Callimach. in Apoll. 73. 322 *tenens* Mentel. pr. *de clara* Erf. *a stirpe* Rom. cum uno Pieriano, Gud. et sec. Moret. vid. ad Aen. I, 19. (iungenda haec: *praeclara stirpe genuisti*; male huc inferas praepositionem; neque est horum verborum ulla cum Aen. I, 19. similitudo. *Wr.*)

I, 361, Met. XV, 361 sq. cf. Antig. Caryst. Mirab. c. 23. ibique Becm.

317. Aristaeus ex mente poetae tum in Thessalia degebat, necdum Ceam adierat. *fugieus*, simpl. relinquens, *Tempe*, discedens inde ad *caput amnis*, Penei, fontem, vid. Exc. ad h. l. Sic fons Timavi — *novem ora* Aen. I, 245. 246. Ignorantia totius phantasmatis poetici olim, Burmannum temere sequutus, ostium Penei intelligi volebam. (idque significari existimat Iahnus, Delamallum ad Valer. Fl. Tom. II, p. 495. et Weichertum *Comment. de turgido Alpino* p. 6., secutus; negat Becker. Eleg. Rom. pag. 39. *Wr.*) Vegetat tamen hoc rerum species et

locorum ratio, quam poetae animo insedissee manifestum est; etiamsi concessero, *caput*, uti *os*, *ora*, de fluminum ostio dici posse, quod docuisse sibi visus est Burm. ad Valer. Flacc. V, 351. Lucan. II, 52, adversus quem docte disputantem vide Ouwens Noct. Hag. pag. 598 sqq. Nec assensum exprimunt seu illa: *extremi amnis*, seu ea, quae infra memorata vss. 359—362, haec enim ad fontem et initia fluminis non minus bene referri queunt. Sane antrum, ex quo fons progreditur, perpetua apud poetarum Fluviorum regia, et Nympharum sedes; conf. Spence Polymet. pag. 226. 227, et nunc antra et vasti recessus in visceribus terrae intelligendi, ad



Invisum fatis genuisti? aut quo tibi nostri  
 Pulsus amor? quid me coelum sperare iubebas? 325  
 En etiam hunc ipsum vitae mortalis honorem,  
 Quem mihi vix frugum et pecudum custodia sollers  
 Omnia tentanti extuderat, te matre, relinquo.  
 Quin age, et ipsa manu felicis erue silvas;  
 Fer stabulis inimicum ignem, atque interface mes-  
 sis; 330

Ure sata, et validam in vitis molire bipennem:  
 Tanta meae si te ceperunt taedia laudis.

324 *an quo* Menag. *noster* Medic. a m. pr. (quod non indicatum video apud Foggin.; neque in ipso codice vidit Freytagius. *Wr.*)  
 325 *quis me* quart. Moret. *videbas* Goth. sec., perpetuo lapsu. 327  
*pecorum* tres apud Burm. et aliquot apud Pier. 328 *extulerat* quinque  
 Burm. *excuderat* Ven. et duo Martin. cum vett. edd. *excuterat* unus  
 Mead. Hoc *extundere*, invenire, parare, vidimus iam v. 315 et I, 133.  
*temptanti extuderat* Rom. (— 329. *felices* Medic. — 330. *messes* Medic.  
*Wr.*) 331 *duram in vitis* Medic. a m. pr. (*duram* est prior lectio;  
 utrumque epitheton huic nomini iungitur, vid. Aen. II, 479. et XI, 651.  
*Wr.*) *in vitis* Gud. *in vitem* Zulich. *in vires* Goth. pr. *bipinnem* Rom.  
 (etiam Medic. hic et Aen. II, 627.; et quum nostro loco *bipennem* incuria  
 a se relictum fateatur Foggin., idem ei fortasse aliis quoque locis accidit.  
*Bipennis* Quintiliani aetate in usu fuisse, patet ex Instit. Orat. I, 4, 12.  
 Vid. V. L. Ge. I, 398. *Wr.*)

quos per ipsum fontem descensus fit. Pro exemplo hic locus esse potest, in poeta interpretando grammaticam et criticam subtilitatem nihil expedire, si sensus poeticus hebeat. Erat autem mater, Cyrene, una ex Nymphis huius fluminis, eademque Penei filia seu neptis. Apud Pindarum P. IX, 90. 121, ab Apolline illa in Libyam abducitur; at h. l. patris regiam incolit. Porro hunc versum et has querelas ex Homerica expostulatione Achillis cum Thetide Iliad. α, 349 sqq. expressas esse, notarunt Intpp. Sed mirifice exornavit Virgilius nude ab Homero primum tradita. Conf. etiam Iliad. σ, 70 sq. et Callimach. in Cer. 99. — 323. *Thym-*

*bra*, ager Troadis, fluvio Thymbrio irrigatus, qui in Scamandrum cum Simoente iam iunctum se immittit; fano Apollinis nobilis. Strabo XIII, p. 893. Est autem versus adumbratus ex Odyss. ι, 529 *Εἰ ἔτερόν γε σὸς εἶμι, πατὴρ δ' ἐμὸς εὖχεται εἶναι.*  
 324. Ita Aen. II, 595 *quonam nostri tibi cura recessit.* 326. 327. Exornavit poeta τὸ ἀτιμῶν Homeri; hanc gloriam, quam mihi multo cum labore, longae experientiae molestia, ex agrorum cultu et pecudum (adeoque etiam ex apum) cura paraveram, hunc fructum amitto, et hoc quidem, cum te deam matrem habeam. *frugum et pecudum*: nam eidem Aristaeo tributa cura pecoris, ut Ge. I, 14,

At mater sonitum thalamo sub fluminis alti  
 Sensit. eam circum Milesia vellera Nymphae  
 Carpebant, hyali saturo fucata colore, 335  
 Drymoque, Xanthoque, Ligeaque, Phyllodoceque,  
 334. SENSIT: 335. COLORE;

333 *thalamos* alter Menag. *thalamo sonitum* Franc. 334 *Sentit* vet. aliquot apud Pierium. *Melesia* Gudian. *verberu* Medic. a m. pr. (est ea prior lectio. *Wr.*) 335 *satyro* Rom. et tres apud Burm., et sic Serv. ac Philargyr. vid. ad Georg. II, 197. *vitreo*, *viridi*, *hilari*, a nonnullis lectum fuisse e Cerda colligitur. *phaucata* Goth. pr. 336 E Graeco: *Δρυμό τε, Ξανθό τε, Λιγυιά τε, Φυλλοδόκη τε. Drimo, Drumo*, (sic Medic. *Wr.*) *Dremo* vid. apud Burm. *Xantho* alii, et *Legea*. (et sic Medic. Fogginio, sed *Ligea* Heinsio teste. At Fogginii testimonium firmat Freytagius. *Wr.*) *Phyllidoceque* Heins. reposuit e pr. Mentel. et novem aliis; vulgo *Phyllodoceque*, quod tuetur Rom. Medic. alii, item Macrob. Sat. V, 17, nec, cur mutandum fuerit, video: nam *Φυλλοδόκη* rationem habet grammaticam; *Φυλλιδόκη* ei adversatur. Scribitur etiam *Philledoce*, *Philidice*, *Phillidoce*, *Phyledoce*.

unde idem *Νόμιος*. cf. Pindar. l. c. 329. *felicis silvas*, arbusta fructiferarum arborum. 330. *inimicum ignem*; diu notatum, hunc esse *τὸ δῆϊον πῦρ* apud Homer. et alibi. *interfice messis*, perde. Lucretianum verbum. *perimere*, *necare*, in simili iunctura dixere etiam alii. (Sed *herbas arescere et interfici* ex Ciceron. Oeconomicis affert Nonius, laudatus ab Ursino. *Wr.*) 331. *sata post messes* et cum *vitibus* iuncta cum Martino dices esse arbores satas. *molire*, vibra, iacta; ut excidantur vites.

333 sqq. Adumbrata haec ex Homero, ubi Thetis in imo maris fundo luctum Achillis resciscit Iliad. σ, 35 sq. *sonitum*, confusum, nondum disertam vocem, qua filium agnoscere posset. Quae sequuntur, adumbrata sunt ad vitam priscorum hominum; sedebant in thalamo puellae, etiam regiae, assidentibus seu comitibus et aequalibus seu

famulis, ut opus facerent seu nendo seu texendo; nunc deabus assignatum opus e lana praestantissima, Milesia, ut Ge. III, 307 vidimus, colore caeruleo. 334. *Vellera carpebant*, lanam ducebant fuso, nebant. 335. *hyali colore*; voluit colorem *hyalinum* exprimere, h. viridem, vitro, viridioris coloris puta, similem. *hyalus*, *ὑαλος*, pro vitro, nove dictum: forte dum graecum aliquem poetam sequebatur Virgilius; nam ex vita vulgari et tabernis institutiis, si vel maxime, quod ignoro, *hyali* vox in iis frequentata fuisset, eam non adoptasset Maro. Imitatus Auson. Mos. 418 *Caeruleos nunc, Rhene, sinus hyaloque virentem Paude pepulum*. Simili ausu a Lucret. IV, 1121 *thalassina vestis* dicta, et *θαλασσαίαν μίτραν* sic dictam puto apud Tryphiod. 333. Sunt igitur *vellera fucata*, lana tincta, colore *hyali*, vitri, h. colore viridi, *saturo*, h. quo ipsa vellera

Caesariem effusae nitidam per candida colla;  
 Cydippeque, et flava Lycorias; altera virgo,  
 Altera tum primos Lucinae experta labores; 340  
 Clioque et Beroe, soror, Oceanitides ambae,  
 Ambae auro, pictis incinctae pellibus ambae;

338. \*NESAEE, SPIOQUE, THALIAQUE, CYMODOCEQUE,\*

341. BEROE S.

337 Ante hunc sequens versus ponebatur in Goth. 338 *Νησαίη, Σπειώ τε, Θάλειά τε, Κυμοδόκη τε* fere ut in Iliad. σ, 39. *Niseque* apud Macrob. Sat. V, 17. Alii: *Neseque, Nisaeae, Nisaei, Nesea, Nisaeae, Nisaeque, Nisea Aepioque*. Porro *Theleiaque, Talique*, et *Chimodoceque, Cymidoceque, Cynodoceque*. Totus versus abest ex optimis Rom. Medic., aliisque plurimis, etiam Mead., et potest ex Aen. V, 826 huc tractus esse videri, eiectus quoque a Brunck. et in ed. Parmensi Bondon. 339 *que* post *Cydippe* a Medic. et plurimis abest. (Retinui tamen; vid. Q. V. XI, 3. *Wr.*) *Lycoris alternaque* Rom. *Lyceris* Goth. pr. et al. 340 *primum* alter Menag. Zulich. (*primum* — *laborem* Serv. Dresd. — 341. Ingrati hi numeri; quare Virgilium ita haec pronuntiassse censeo: *Clioque et Beroe* | *soror*; hinc ante *soror* interpunxi. *Wr.*) 342 *invictae* Erf. *incinctae vestibus* alter Rottend.

saturata sunt; nam proprie *lana* est *satura*, quae satis colore imbuta est. Alias, ubi *vitreum mare, vitreus pontus*, et similia dicuntur, ad colorem caeruleum spectare id videtur; si *vitreus fons*, ad pelluciditatem. *Vitream Circen* alia audacia dixit Horat. I Carm. 17, 20 pro marina; ut alias deae marinae solent dici *caeruleae*; *vitreum antrum* Ovid. Met. V, 48. Praeiverat Corinna, quae *ὑάλινον παῖδα* dixerat pro marino. vid. Toup. App. ad Theocrit. p. 20. 21. *ὑαλοειδέες τόπαροι* sunt in Orphicis *Λιθικοίς* VIII.

336. In huiusmodi enumeratione multorum nominum ex mythicis rebus petitorum videntur sibi valde placuisse veteres poetae, nullus tamen magis, quam Ovidius; forte, quia eruditionis laudem res habebat, et

varietatis copiaeque gratiam nominum ex etymo significatus affundere potest. Nostris quidem sensibus periit illa suavitas. Ceterum hic locus et haec nomina ex Homero petita Iliad. σ, 37 sqq. Add. Hymn. in Cer. 418 sq. Hesiod. Θ. 264 sq. 240 sq. Hygin. p. 4. 5. 341. *Oceanitides ambae*, hae igitur solae Oceani filiae; adeoque ceterae Nereides: quas numero I, illas ter mille fuisse traditum: Apollod. I, 2, 2. 7, ubi vid. Not. conf. Valck. ad Ammon. lib. III, c. 1. At Iovis filiae Naidess Odyss. ν, 356. ρ, 240, et Oreades Iliad. ζ, 420. Odyss. ζ, 105. Communi tamen usu omnes dictae Nereides. Hoc est illud, quod Grammatici innuere volebant aut debebant, dum eas a Nerei filiabus distinguebant. vid. Ammon. h. v. 342. Ambae cinctae auratis et pictis, h. variis, pelli-



Atque Ephyre, atque Opis, et Asia Deiopea,  
Et tandem positis velox Arethusa sagittis.

Inter quas curam Clymene narrabat inanem 345  
Volcani, Martisque dolos et dulcia furta;

### 343. DEIOPEA;

343 *Ephyra* Medic. *Epyre* Goth. pr. et *Asia* Heins. post Pierium e Medic. et pluribus. *atque* vulgo. Post *Asia* inserunt et Aldd. Iunt. et aliae. *Deiopia*, *Diopea*, *Diopeia* alii. Est *Δηϊόπεια*. Hiatus est post *Ephyre*. ἡδ' Ἐφύρη, ἡδ' Ὀπίς. 344 *At tandem* Medic. (sed e supra scripta. *Wr.*) *velox positis* Schol. Statii Theb. I, 271. 345 *Clymene curam* Erf. *curas inanis* Gud. et unus Pierii. refinxit Wakef.: *Inter quas Clymene curas narrabat inanes*: ad Lucret. V, 1430. coll. III, 117. *narravit* Goth. pr. *mandabat* Erf.

bus, tamquam Nymphae, et quidem venatrices; cf. v. 344.

343. *Asia* a tractu Lydiae: vid. sup. Georg. I, 383. (De geminata copula *atque* vid. Q. V. XXXV, 23. et 28. *Wr.*) 344. *Arethusa velox*, ergo et ipsa venatrix, cum Clio et Beroe; *positis sagittis*, quae tum deposuerat arcus; nam assidebat colotum inter ceteras. Parum placet, quod Servius habet: „nebridas habentes; sed hic venatricum est habitus, quem ideo Nymphis dat, *quia multas eas legimus ex venatricibus factas*.” Quomodo tamen venatrices Nymphae, in saltibus versari solitae, nunc in imo aquarum fundo, sub terris, inter Nymphas aquarum deas locum habere, aut Nymphae Potamides et marinae inter venatrices deas referri possint, olim dubitabam. Nec fundo suo carere visa est ea dubitatio viro docto et aequo harum rerum iudici Ouwens Noct. Hag. p. 605. Scilicet dicendum est, poetas omnino in Nympharum generibus discernendis non ubique esse solere satis subtiles ac diligentes, et Nymphas fontium

et amnium silvis et saltibus, contra vero ex montibus et saltibus deductas Oreadas et Napaeeas venationi immisceri, adeoque sagittis et arcubus instrui. Ita Diana Nymphas venatrices ex Oceaninis legit apud Callim. in Dian. 42. Spanhem. ad v. 13. Inf. 383 cum patre Oceano invocantur Nymphae silvarum et fontium promiscue. Offendunt tamen vel sic iuncta inter se et ad unum genus relata ea, quae tam diversi generis sunt. (At bene Serv. Dresd.: „TANDEM POSITIS: quae ex venatrice in Nympham versa fuerat.” Fabula ipsa satis nota. Inde emendanda, quae Heynius scripsit. Hinc etiam vera vis vocis *tandem* intelligitur. *Wr.*)

345. *curam inanem Volcani*, studium inane in observando adultero et sumenda ab eo ultione: ut recte Meierotto p. 29; cum rete fabricaretur, quo Martem cum Venere opprimeret. Respexit locum Odys. θ, 266 sqq. Qui fabulam post Homerum narraverint, dabit Wernsdorf. Tom. IV, p. 53 Poet. min. 346. *Martis dolos* Cerda dolos

Aque Chao densos divom numerabat amores.  
 Carmine quo captae dum fusis mollia pensa  
 Devolvunt, iterum maternas inpulit auris  
 Luctus Aristaei, vitreisque sedilibus omnes 350  
 Obstupuere; sed ante alias Arethusa sorores  
 Prospiciens, summa flavum caput extulit unda;  
 Et procul: O gemitu non frustra exterrita tanto,  
 Cyrene soror, ipse tibi, tua maxima cura,  
 Tristis Aristaeus Penei genitoris ad undam 355  
 352. UNDA.

347 *Atque* (sic Medic. cum multis; vid. Wakef. ad Lucret. III, 757. *Wr.*) vitium edd. Elzcv. ante Heins., quem vide et Pierium. conf. ad Ecl. VI, 63. VII, 13, ubi Serv. *Eque Chao* laudat; et *enumerabat*. *Atque chadens os* Roman. *divum densos* Erf. *narrabat* unus Mead. cum edd. Ven. 1476. 1482 et Erf. 348 *fusis dum* Gud. tert. Rottend. (etiam Medic. ap. Foggin., quem ordinem in ipso codice invenit Freytagius. — 349. *aures* Medic. *Wr.*) 350 *vitreisque in sedibus* alter Rottend. *vitreis quoque* s. Reg. Martin. *vitreis* binis syllabis. (cur binis? prima corripitur: Horat. Od. III, 13, 1.: „O fons Bandusiae, splendidior vitro.“ *Wr.*) *amnes* Medic. (a m. pr., sed *omnes* a sec. *Wr.*) 351 *Obstipuerunt* Rom. Medic. cum aliis melioribus, ut toties, quoties vidimus. 352 *flavum* dum editum a Naugerio et ab Egnatio et hinc in vulgg. firmavit Heins. e scriptorum omnium cum Roman. et Medic. consensu. Aldd. pr. et sec. et hinc aliae nonnullae *placidum*, repetitum ex Aen. I, 127. conf. sup. v. 319. *summaque suum caput* Leid. 353 *Et procul, at gemitu* Leid. *Atque procul gemitu* Zulichem. 355 *Penei genitoris*. Vitiosam lectionem metrum prodit, quod sagacissimus metri exactor, Io. Schrader., monuit Emen-datt. praef. p. XXI. Est enim Πηνειοῦ ex quo poctarum usu trisyllabum Latine fit, ut ex Ἀλκείων *Aeneae*. Nec nisi seriores poctae in his licentius versantur; vide v. c. Sammon. et ibi nuperum doct. editorem Ackermann. p. 23. Multa quidem ad diluendam causam poetae attulit Ouvens Noct. Hag. p. 607 sq. conf. p. 285. (Si defendere vellem, equidem laudarem Horatianum *Pompei, meorum prime sodalium* Carm. II, 7, 5.) Alia petita sunt ex observatione aliorum in re metrica, quae et ipsa a regulis recedunt; hoc est culpam culpa dissolvere; alia sunt diversa. Si v. c. ut apud Nemesian. Cyneg. 272 *Nerei* occurrit dissyllabum; est hoc a Νηρεὺς, Νηρεῶς, unde Νηρεΐδες, Νηρηΐδες. De *Belides* conf. ad Aen. II, 82. Unus esset modus *Penei* dissyllabum defendendi, si dixeris, pro Πηνειὸς dictum quoque esse Πηνεὸς, ut tot alia in εἰος v. c. τανύρεος, Hesiod. Sc. Herc. 104, et communi usu alia, ut σιδήρεος, σιδήρεος. Ἀνγείας et Ἀνγέας. Ἀλκείας et Ἀλκέας, unde *Aeneadae*: Aen. I, 157. Ita saltem legerem in

Vulcani in Martem structos accipiendos esse contendit, ex Odys. θ, 276. Sed vetant adiecta *dulcia furta. doli Martis* haud dubie eadem dicuntur, cum clam Vulcano fierent, ut ibid. vss. 268. 269. 347. *den-* *sos — amores*, crebros, magno numero et longa narrationis serie pertexendos. cf. Ouvens p. 591. 350. *Luctus*, querelae. v. 353 *gemitus*. *vitrea sedilia* nunc proprie e vitro, si ita placet. (de vitreis Nympha-

Stat lacrimans, et te crudelem nomine dicit.  
Huic percussa nova mentem formidine mater,  
Duc, age, duc ad nos; fas illi limina divom  
Tangere, ait; simul alta iubet discedere late  
Flumina, qua iuvenis gressus inferret. At illum 360  
Curvata in montis faciem circumstetit unda,  
Adcepitque sinu vasto, misitque sub annem.

Theocr. XXV, 15 Πηνειῶ ἀμύεγα τίφος. In poeta nostro proclive est suspicari, *Penei* ex glossemate profectum esse in locum epitheti, quo voc. *genitoris* ornatum erat. Quale tamen illud fuerit, nemo facile assequetur. Bentlei. ad Lucan. III, 191 *magni g.* emendabat; Wakef. *Penei patris ad v.* vox tamen tam plaua haud facile excidisset, et pari iure viceua alia substitui posset. (, De *Penei* disyllabo apud Virg. Ge. IV, 355. non dubitabat Santeuius; dubitarunt alii, ipse adeo Heynius. Dubitandi causa fuit, quod est *Penei* pro *Peneii* a Πηνειός, Πηνειοῦ, sed *eii* in unam syllabam contraxit Virg. etiam Ecl. III, 96. in *reice capellas*. Non enim ibi, quod volunt Servius ad eum loc. et Priscian. p. 545, 34., est proceleusmaticus pro dactylo, sed duae priores syllabae vocis *reice* per synizesin coalescunt. Sic est *eiciat* trisyllabum apud Terent. Andr. III, 3, 8. *Lynceis* quoque contractum e *Lyncēis* — *Lynceiis* — ferendum Santenio videbatur in Horat. Serm. I, 2, 91. Sunt quidem apud hunc etiam a *Pompeius*, *Volteius* vocativi duarum syllabarum *Pompei* Od. II, 6, 5. *Voltei* Ep. I, 7, 29.“ Haec Lennepius ad Terent. Maur. p. 427.; cetera bene; sed *reice* et *eiciat* nihil valent ad hanc causam defendendam. Rectius tamen ita statui mihi videtur, Graecos, ut Ἀλφειός pro Ἀλφειῶς, ita etiam Πηνειός pro Πηνειῶς dixisse, et ad hanc se liceutiam Virgilium h. l. composuisse; quamquam certum exemplum formae Πηνειῶς exstare non memini. *Wr.*) 357 *Hic* pr. Rottend. Goth. sec. *Hinc* Ven. unus Arundel. unus Mead. Erf. vett. edd. (Medic. *huc*, *i* supra scripta. *Wr.*) *perculsa* vulg. ante Heins. Monuerat iam Pier. 358 *Duc age duc*. Secundum Rhemnium Palaemonem scripserat Virgilius *Duce*; v. Wakef. ad Lucret. II, 484. (pertinet Rhemnii praeceptum tantum ad *dice*; vid. V. L. ad Aen. I, 753. *Wr.*) 359 *discernere* alter Menag. *descendere* unus Mead. 360 *quia iuvenis* Gud. a m. pr. *qua iuveni* Heins. coni. *ad illum* Gud. 361 *in montis speciem* Medic., sollenni permutatione. (et *species* a Grammaticis per *facies* explicari solet, ut infra vs. 406.; *faciem* etiam Interpr. Maii ad Aen. II, 633. *Wr.*) *in faciem montis* fragm. Moret. Parrhas. *in molis speciem* codex Macrob. Sat. V, 3. *fucie* Erf.

rum antris vid. quos Gesner. Thesaur. sub voc. *vitreus* laudat. *Wr.*) Mox *sorores*: non licet nimis severum esse; poeta dixisse videtur, quatenus omnes Nymphae Nereides vel Oceanides fuisse intelligi possunt. 355. *Penei genitoris* Cyrenes. Sed perpetuum magnorum fluviorum, *pater, genitor*; et Cyrenes parens alias Hypseus, etiam apud

Pindarum. Peneum tamen agnoscit Hygin. f. CLXI. (*ipse tibi*, vid. Not. ad Ecl. VIII, 30. et Q. V. XVIII, 3, a. *Wr.*) 356. *nominine dicit*, nominat, poetica periphrasi. conf. Aen. XII, 652. 357. *nova formidine*, repentino terrore. (*nova* proprie dictum putat Wunderl. coll. vs. 333. et 353. *Wr.*) 359. Versus ex Iliad. ω, 96 ἀμφὶ δ' ἄρα σφι λά-



Iamque domum mirans genetricis, et humida regna,  
Speluncisque lacus clausos, lucosque sonantis,  
Ibat, et, ingenti motu stupefactus aquarum, 365

363 *genetrix* Rom. (En memorabile exemplum consuetudinis atque usus analogiae ac rationi repugnantis! A voc. *genitor* enim quum fieri debeat *genitrix*, optimi libri — et Mediceus quidem, nam de aliis pro certo id affirmare non licet, constanter — praebent *genetrix*, *genetricis*. *Wr.*)

ζετο κῦμα θαλάσσης. Qua se iuvenis per fontem in aquas immittit: moles aquarum sinum facit et cavum arcum, ut tamquam per antrum descendat ad loca subterranea, in quibus aquarum sunt receptacula et fontes, et in his, Penei. 361. Versus ex Homer. Odyss. λ, 242 πορφύρεον δ' ἄρα κῦμα περιστάθη, οὐρεῖ ἴσον. 362. Accipere nos dicitur locus, quem ingredimur; *mittere*, dum per eum transimus.

363. Hanc mirationem novarum rerum in iuvenis animo, quamquam gravi cura oppresso, egregie memorari, unusquisque facile animadvertat. Telemachum Homericum poetae nostro ante oculos fuisse versatum Odyss. δ, 43 sqq. putabat Cerda. Gravioris momenti res esset, si certo affirmare possem, unde ea, quae sequuntur, hauserit poeta. Habuit utique ante oculos poetam aliquem, sive Alexandrinum sive antiquiorem, qui de rerum originibus tradebat, et Oceanum omnium dearum deorumque patrem, et aquam commune omnium rerum principium cahebat. cf. inf. v. 381. 382. et loc. ex Il. φ, 195 sq. Certe poeta hic non fontem Penei, quem expectabas secundum vs. 319 *tristis ad extremi sacrum caput adstitit amnis*, sed vastam ali-

quam cavernam sub terra narrat, e qua, tamquam e communi fonte, sed diversis partibus ac locis, omnia flumina orta diversis viis ad terrae superficiem et ad suam quodque originem properent et ex terra prodeant. Est tamen eadem ista caverna tamquam aliqua regia, in qua dii fluvii, fontiumque Nymphae, sua palatia, suos thalamos habeant, quorum unum Cyrene cum suis Nymphis tenebat. Secundum haec facile erit intellectu, quid sint *speluncis lacus clausi*, s. inclusi, qui sunt in speluncis, h. magnae illae cavernae recipiendis aquis; quas ipsi fontes scaturientes faciunt, et unde aqua exsuperans amnis sit. Aen. VIII, 74. 75 de Tiberino: *Quo te cunque lacus — Fonte tenet, quocunque solo pulcerrimus exis*. Addit *lucos sonantes*; cum ex illis cavernis orta flumina procedant aliquantum viae subter terra, donec ad superas auras prodeant, huic viae littora nemoribus obsita, quae strepitu aquarum alluentium resonant, non incommode dari potuere. Aliter *luci sonantes* dicti erant Ecl. X, 58. Servius miram hic notam habet: *Haec — ex Aegyptiis tracta sunt sacris: nam certis diebus, in sacris Nili, pueri, de sacris parentibus nati, a sacerdotibus*

Omnia sub magna labentia flumina terra  
 Spectabat diversa locis, Phasimque, Lycumque,  
 Et caput, unde altus primum se erumpit Enipeus,  
 Unde pater Tiberinus, et unde Aniena fluente,  
 Saxosusque sonans Hypanis, Mysusque Caicus, 370  
 Et gemina auratus taurino cornua voltu

## 370. SAXOSUM

367 *Spectabant* Menag. pr. *Phasin* Goth. pr. cum aliis. 368 *primum se erumpit* Medic. *primum erupit* Regius Martini. *primum erumpit* pr. Rottend. duo Moret. pr. Voss. Ita Pierii Medic. a m. pr. et Oblongus, item Goth. sec. *primum erupit* pr. Voss. et unus Mead. At vulgatam lectionem, *primum se erumpit*, confirmat Medic. cum aliis. v. Ge. I, 446. III, 428. Laudat Burm. Broukh. ad Tibull. IV, 1, 86 et sc ad Grat. Cyneg. 432. Eodem alludent alii libri: *se primum erumpit* Zulich. *primum se erumpit* Romanus, Gud. Franc. et Toll. *primum se erupit* Arusian. Messius recitat, et sic pr. Mentel. a m. pr. Cantabrig. et ed. Ven. 1475. *primum se erupit* tert. Rottend. *Enipeus* plurimi. v. ad Ovid. Met. I, 579. VI, 116. Burmannus. *Enitheus* unus Mead. At est *Ἐνιπέυς*. 369 *Unde caput* unus Mead. *Armena* Franc. Versum 370 praemittere volebat priori Io. Schrader., ut iuncta essent Italiae flumina: *Unde pater Tiberinus — Et gemina — Eridanus*: nec male. Idem vir doctus haerebat in iterato voc. *unde — unde — unde*. Exemplum simile Valer. Flacc. IV, 570. 571. I, 219. 220. 370 *Saxosusque, sonans* Rom. Oblong. et Medic. Pierii, inter Heinsianos Medic. Gud. et alii non pauci; sed perperam. vid. Heins. ad Aen. III, 70. conf. Serv. et Philarg. Vulgatum laud dubie doctius et exquisitius est. (Philargyrius: „Alias: *Saxosusque sonans*, non ut duo intelligendum, *saxosus* et *sonans*, sed ob *saxa sonans*.“ Serv. Dresd. in eandem sententiam: „Nomen pro adverbio.“ Recte utique; vid. annotata ad Aen. VIII, 559. et Q. V. XVI, 4. Quare non dubitavi hanc lectionem ex optimis libris restituere. Et alias quidem neutra adiectivorum verbo *sonare* iungere solet Virgilius; cf. Ge. III, 239. 149. Aen. IX, 125. 732.; sed hoc loco adiectivo uti maluit, quo sibilantem aquae circum saxa strepitantis sonum imitaretur, ut Aen. V, 866.: „ad siduo longe sale saxa sonabant.“ Vid. etiam Not. ad Aen. II, 53. Haec igitur lectio, *suxosus*, et doctior et exquisitior habenda, altera vulgaris. *Wr.*) *Hypanus* duo Burm. *Mesos, Misus* duo Pierii, Goth. sec. *Caicus*. *Καίικος*. *Ἰὼ, Κάικε, Μύσιαί τ' ἐπιζόοιαι*, apud Strabonem ex Aeschylī Myrmidonibus. (*Chuicus* Medic. *Wr.*) 371 *taurino corpore* Medic. a m. pr. *volto* Gud.

*Nymphis dabantur: qui cum adolevisseut, redditi narrabant, lucos esse sub terris et immensam aquam omnia continentem, ex qua cuncta procreantur. Unde est illud secundum Thaleta inf. v. 382 Oceanumque, patrem rerum.* De ceteris vid. Excurs. ad v. 317.

367. *flumina diversa locis,*

quod in pedestri sermone, *diversis locis*. *Lycus* h. l. Ponti fluvius, quia cum *Phaside*, Colchidos fl., iunctus est, ut apud Strabon. XI, pag. 801 B, et uterque in Pontum Euxinum se immittit. *Enipeus* Thessaliae, *Hypanis* Sarmatiae, nunc *Bog* dictum, nota flumina. 368. *caput* h. l. fons. vid. ad v. 319.

Eridanus: quo non alius per pingua culta  
 In mare purpureum violentior effluit amnis.  
 Postquam est in thalami pendentia pumice tecta  
 Perventum, et nati fletus cognovit inanes 375  
 Cyrene: manibus liquidos dant ordine fontis

## 375. GNATI

373 *effluit* secundum Romanum et aliquot Pierii libros, idem Medic. Gud., reposuit Heins. *influit* vulgo. (commemorat hanc lectionis diversitatem etiam Philargyrius. *Wr.*) *influat* Leid. a m. pr. *violentius* Toll. 374 *inter thalami* Zulich. *splendentia* legit Valesius, sed refutatus a Broukh. ad Propert. III, 2, 28, notante Burm. *pomice*, *punice* scribitur. 375 *et* aberat Medic. a m. pr. et Regio Martin.; idem *flentes*. *flexus* Goth. sec. *inanes* Burmannus reposuit, pro *inanis*, ne ambigua esset lectio; praeferrem sic *inaneis*, si semel prisca sequenda sunt. Codices utrumque exhibent. (*inanis* ipse Mediceus; idem *nati*, quod quare restituerim, docet Q. V. XXXVIII, 2. — 376. *libidos* Medic. a m. pr. *Wr.*)

371. Fluviorum dii cornibus taurinis res notissima. Padus vero habet *cornua aurata*; sive propter fertilitatem agri adiacentis, sive simpliciter, quia deorum attributa sollemni epitheto sunt *aurea*. Apud Martialem X, 7 *cornibus aureus receptis* Rhenus appellatur, unde Spencius locum nostri poetae illustrabat Polymet. Dial. XIV, p. 231; sed *aurum* ibi cum cornibus nil habet commune. Ad sidus Eridani, quod *aureum*, lucidum, sit, aut ad ramenta fluvii *aurea* referebat Cerda. (quod probat Vossius, laudato Plin. XXXIII, 4, s. 21. *Wr.*) Impetuosissimum autem annum olim Padum fuisse, ex aliis locis manifestum est; cf. Ge. II, 451. 452, quamquam nunc eius natura diversa esse narratur. 373. *εἰς ἄλα πορφυροῦσσαν*, nigrum, ut notum. Est vir doctus qui *purpureum mare* malit esse albescens. Sane *purpureus* non semper ad colorem refertur; verum etiam ad splendorem ac nitorem purpu-

rae, ut adeo sit pro fulgens, nitens: ut *lumen purpureum*, *nix purpurea*. Mare tamen purpureum simili modo esse accipiendum, exemplis Catull. Pel. et Thet. 269 — 275. Gell. XVIII, 11. Cic. Acad. Qu. IV, 33 non conficitur.

374. Pervenit tandem Aristaeus ad thalamum matris, *pendentia pumice tecta*, antrum pumiceum, exesis saxis, ad camarae morem curvum et fornicatum; ergo latera et tholus sunt *pumice pendenti*; unde poeticus sermo exquisitius etiam *tectum pendens pumice* dicit: ut Seneca Herc. fur. 719 *hic vasto specu pendent tyranni tecta*. Exceptus ille hospitio lavatur et mensa apposita recreatur; fit libatio, in patris quidem Oceani et Nympharum honorem — 383. Inter haec mater, quam ex filio calamitatem didicisse et de remedio cogitasse puta, ex flamma, vino libato enicante, bono omine capto erecta filium ad Proteum ablegat, ut ex eo mo-



Germanae, tonsisque ferunt mantelia villis;  
 Pars epulis onerant mensas, et plena reponunt  
 Pocula; Panchaeis adolescent ignibus arae;  
 Et mater, Cape Maeonii carchesia Bacchi: 380

377. VILLIS. 380. BACCHI;

377 *mantelia* Heins., ut omnes vetustiores. *mantilia* vulgo. vid. ad Aen. I, 702. Salmas. ad Scriptores Hist. Aug. saepius. 378 *Parce* quart. Moret. *Pars onerat epulis mensas* Parrhas. 379 *Panchaeis adolescent pinguibus* Medic. a m. sec., quasi *pinguia* sint unguenta, fere ut *densum pingue* Georg. III, 124. vid. Heins. (Memorabilis lectio *pinguibus*, quamque ab ipsius Virgilii manu profectam suspiceris. Quod si ita est, *Panchaea* substantivum, *pinguia* adiectivum esse censuerim. Nam ut sexcenties talia, quale est *vinum*, *unguentum*, per ellipsin omittuntur, sic nullus dubito, quin etiam *tus*, *aroma*, eodem modo veteres reticuerint. Contra *Punchaei ignes*, i. e. ignis tura Panchaea cremans, vereor, ut Latinum sit. Grat. Cyneget. 441.: „ter *pinguia* libant Tura foco.“ Ovid. Trist. V, 5, 11.: „Da mihi tura, puer, *pingues* facientia flammis.“ Lucan. VIII, 730.: „non *pinguis* ad astra Ut ferat Eos — fumus odores.“ Ac, nisi fallor, Philargyrius quoque *pinguibus* legit vimque substantivi voc. *Punchaeis* tribuit; en eius verba: „*ADOLESCUNT*: hic vim habet frequentationis: et *Punchaeis adolescent*, i. e. Panchaëis odoribus incenduntur arae.“ Ceterum *Punchaeis* Medic. *Wr.*) *adolescent* Servius ad Georg. II, 139. *Sabaeis* Leid. *alae* Menag. Tentat versum Wakef. ad Lucret. II, 417. („An dederit, inquit ille, *Panchaeis* adolent sub turibus arae.“ *Wr.*)

dum reparandorum examinum comperiat; degit ille ad Pallenēs, Thessaliae peninsulae, lit-tora 387 sq. 375. *fletus inanes*, levi de caussa susceptum dolorem, et cui facilis et parata medicina esset. 376. *fontes*, aquam. Excipitur puer ad veteris hospitii inter heroes morem. 377. *tonsīs mantelia villis*, lanea, lanugine in texti superficie attonsa, adeoque laevia, ac tenuia, mollia. (vid. Voss. ad h. l. et ad Arat. 423. *Wr.*) 378. *reponunt*, pro simplici ponunt: ut Ge. III, 527 *mensae repostae*. (*reponunt* proprie hic dici, probabit Q. V. XXXXI. *Wr.*) 379. *tura* (*Panchaea* v. Georg. II, 139) ardent in aris; translatus ab hominum convivii, imprimis festorum die-

rum: peractis epulis fiebat libatio. cf. ad Aen. I, 704, ubi *flammis adolere penates*. Actum quoque ad e. l. de voc. *adolere*: proprie *adolescere* est augeri; inde proprie in sacris de igni. Nunc *ignes Panchaei*, tura ex Arabia, *adolescent*, cremantur, in aris. (Iacobsius, Vossium secutus, haec ita interpretatur: „arae cumulantur ture incenso,“ ut arae, flammis inde surgentibus, ipsae quasi surgere et adaugeri videantur; simpliciter per *cumulantur* explicat Wakef. ad Lucret. V, 798. *Wr.*) 380. *Bacchi Maeonii*, vini Lydii, Tmolii supra Georg. II, 98, pro praestantiore vini genere. Nam Catacecaumenium vinum geographis, non poetis, notum: vid. Strabo XIII, pag. 931 extr.

Oceano libemus, ait. Simul ipsa precatur  
 Oceanumque patrem rerum, Nymphasque sorores,  
 Centum quae silvas, centum quae flumina servant,  
 Ter liquido ardentem perfudit nectare Vestam:  
 Ter flamma ad summum tecti subiecta reluxit. 385  
 Omine quo firmans animum, sic incipit ipsa:  
 Est in Carpathio Neptuni gurgite vates,  
 383. SERVANT; 387. VATES C.

383 *et post silvas* Rom. 384 *perfudit* Medic. Menag. pr. Moret. alt. unus Mead. (Sed *n* in *perfudit* puncto notatum in Mediceo. *Wr.*) 385 *sublata* Medic. a m. pr. et Gud. (*sublecta* Medic. a m. sec.; idem *flammas* et *tectis*. *Wr.*) *subvecta* Moret. quart. cum fragm. Moret. Zulich. conf. ad Georg. III, 241. 386 *firma* Medic.; f. pro *firmata*, coni. Heins. (apud Foggin. sic exaratum invenio: *firm animum*; sed priori voc. literae miniatæ *ans* supra adiectæ. *Wr.*) *formans* Gud. a m. pr. *ipse* ed., quam Heins. tractabat, vitium.

*Carchesium* vas oblongum, ansatum. vid. Athenaeum XI, p. 474 E. Docta de eo disputatio apud Macrob. V, 21. 381. *Oceano*, quippe communi omnium fluminum et fontium patri. Iliad. φ, 195 sqq. et alibi. Diis sacra faciunt alii dii etiam alibi, etiam in anaglyphis antiquis minores maioribus; h. l. etiam Nympha libat Nymphis, dum preces Cyrene facit ad Oceanum et Nymphas placandas filio, qui flagitio in Eurydicen commisso iram earum in se commoverat. Mox v. 382 Oceanus est *pater rerum*: ut adeo omnino naturae parens ille edatur. Hoc Virgilius non ex Homero, sed ex poetis philosophemata decantantibus hausisse videri debet. Segaar et Royaards in Diatribe academ. (1775) p. 81 deceptum putabant Virgilium interpretatione prava versus Iliad. ξ, 246 Ὠκεανῷ, ὃς πρὸς γένεσιν πάντεσσι τέτυκται, cum πάντεσσι acceperit ductum a πάντα: cum tamen sint πάν-

τες θεοὶ intelligendi, cf. v. 201. Verum ipsa loca ex Orphicis et Cratete satis docent, post Homerum alios, qui id prodiderant, Virgilio hoc suppeditare potuisse. conf. loc. e Servio ad v. 363. 383. Nymphae, sorores Cyrenes generali notione, ab Oceano genus ducentes, ut ipsa Cyrene, Hypsei f. cf. ad v. 341. *servant*, incolunt, ut saepe poetae. inf. v. 459 *hydrium servantem ripas*. 384. *Vestam*, ignem. 385. *subiecta*, subiiciens se; emicans et lambens lacunar. Ge. III, 241 unda aestuans *nigram subiectat arenam*. Erat autem hoc fausti ominis, ut saepe alias; quo omine firmata iam mater, ut consilii sui bonum eventum animo praeciperet, ut Proteum adiret, puerō suadet, ex quo reparandorum examinum rationem comperiat. (— 386. *ipsa*, vid. Q. V. XVIII, 2, b. *Wr.*)

387. Locum hunc ex Od. δ, 364 — 384 sqq. adumbratum esse, omnes viderunt Interpp.,

## Caeruleus Proteus, magnum qui piscibus aequor

388 *qui passibus* Zulich. *piscibus* nimis tenue et exile esse videtur. Miror, Heinsium, qui toties *pistres* vel *pistrices* induxit, h. l. non idem tentasse. Saltem praestat *pistribus* vel *pristibus*. (Minime sollicitandum *piscibus*; quasi non etiam magni essent pisces! Coniungendus autem uterque versus ita, ut equi marini descriptionem contineat, anteriore parte equum, posteriore piscem referentis; et sic ipse Heynius in Not. *Wr.*)

ubi, monstrante Idothea, Menelaus in Pharo, Aegypti insula, eodem modo Protea adgreditur, ex eoque reditus in patriam fortunam exquirat. Fabula de *Proteo* ex Aegypto ducta haud dubie; sedes eius apud Homerum ad Pharum insulam, in littore tum deserto; hinc in *Carpathio Neptuni gurgite*, h. mari, versatur (nam Carpathos insula Aegypto obversa est); sed alterum illud, quod *Emathiam*, late h. l. dictam, et *Palleneu*, procurrentem illam Macedoniae in formam peninsulae partem, pro *patria* ei assignat, hoc fabula aliqua antiquiore nititur, conf. h. l. Servium; quae etiam Lycophroni Alex. 115 sqq. memoratur. vid. Apollod. II, 5, 9, et Notas p. 385. Forte fuit illa ex fabulis Orphicis mox in Heraclias adscita; nam Hercules in iis locis Protei filios occidit, quo spectat fragmentum narrationis apud Eustath. p. 686, 24 *φονευθέντων δὲ τῶν παίδων εἰς ὄρος Θρακικὸν Ἥλυτον ἀναβὰς, ἦπνε θεοῖς ἀποκαταστήναι εἰς Αἴγυπτον*. Orphicae autem fabulae ad illas maxime terrarum partes spectant. Omnino Pieriam et vicinas partes, et inter has *Pallenen*, aliquot antiquissimarum fabularum propriam sedem esse, alio loco exposuimus (de Musar. relig. eiusque orig.

1766 Commentatt. Vol. VIII, inter Antiquiores, et Progr. de litt. et art. condit. in Vol. II Opusc. pag. 299). Ceterum illa narratio de variis formis, in quas se transmutabat *Proteus* (et apud alios, ut Pherecydem, Schol. Apollonii IV, 1396, *Nereus*, conf. Apollod. II, 5, 11), originem habere videtur ex poetis cosmogonicis, qui rerum origines suis carminibus tradebant, et aquam omnium rerum principium ponebant, cuius transformationes in reliqua corporum genera, ignem, aerem (conf. inf. 409. 410), et rel. symbolica ista fabula exponebant. Eadem alii tamquam rem gestam narraunt. De Proteo vid. Hymn. Orphic. XXIV. Vix itaque probabile fit, fabulae fundum aliquem in eo esse, quod rex Aegypti nomine Proteus fuit, qui artem inter Aegyptios natam teneret: quod acute suspicabatur, ut alia de fabulae apum reparandarum caussis, vir ingeniose doctus de Pauw (*Recherches philosophiques sur les Egyptiens* Tom. I, p. 174. 175).

388. 389. *piscibus et curru bipedum equorum iuncto*, pro curru piscibus et equis bipedibus iuncto, h. equis marinis, qui posteriore sui parte in pisces desinerent, qualia monstra vel ex vulgaribus picturis nota sunt,



Et iuncto bipedum curru metitur equorum.  
Hic nunc Emathiae portus patriamque revisit 390  
Pallenen; hunc et Nymphae veneramur, et ipse  
Grandaevus Nereus; novit namque omnia vates,  
Quae sunt, quae fuerunt, quae mox ventura tra-  
huntur.

393. SINT FUERINT TRAHANTUR

389 *Eiuncto* Zulichem. *Evincto* Parrhas. unus Mead. *cursu* Goth. sec. 390 *Hinc* alter Mentel. *remisit* Menag. pr. 391 *Pallennem* Zulich. *Pallentem* Goth. pr. *Pellenen* Medic. a m. pr., solita permutatione urbis Achaiae cum altera terrae Macedoniae, olim Thraciae. cf. Valck. ad Theocr. p. 352. *et abest* a Rom. *venerantur* Reg. et unus Arundel. cum ed. Paris. 1494. *ipsi* Medic. 393 *sunt* Zulich. et unus Mead. *quae fuerant* Leid. pr. Moret. unus Arundel. *trahentur* Medic. a m. pr. *trahuntur* Gud. a m. pr. Franc. Regius Martini. *sunt et trahuntur* etiam edd., inter has Argent. *sequuntur* Gud. pro div. lect., et *sequuntur* Macrob. Sat. I, 20. (Magna lectionis diversitas admonere criticum debet, ne temere lectioni receptae assentiatur. Ac profecto nullam video causam, quare Coniunctivos posuerit h. l. Virgilius, quum praecedat *omnia*, cui sequentia ut enunciatio non interrogativa, sed relativa, illustrandi superioris versus gratia subiiciuntur; nec, si posuisset, intelligeres, unde illa lectionis discrepantia orta. Coniunctivos si velis tueri, repetas necesse est *novit*, hunc in modum: *novit omnia; novit, quae sint*, etc. Quem fere in modum Livius XXXIV, 3.: „Recensete omnia muliebria iura, quibus licentiam earum alligaverint maiores nostri, per quaeque subiecerint viris;“ i. e. *et videte, quibus* cet. Ac ne sic quidem Coniunctivo locus esse videtur in ea oratione, ubi enunciatio per Relativum iuncta superioris enunciati obiectum, quod dicunt, contineat: οἷδε τὰ ὄντα. Veram lectionem servavit Serv. Dresd.: *Quae sunt, quae fuerunt*; verbo *sunt* supra appicta i. Lips. obl. *fuerant*, sed ita, ut primo *fuerunt* scribere voluisse librarius videatur. Causa mutandae lectionis haud dubie fuit correpta media syllaba Perfecti *fuerunt*, unde duplex natum vitium, *fuerant* et *fuerint*. Hinc reliqui quoque Indicativi in Coniunctivos versi. Nec *trahentur*, quae est prior Medicei lectio, facile potuit ex *trahantur* nasci, sed ex *trahuntur*. Ubicumque autem penultima Indic. Perfecti corripitur a poetis, eadem regnat lectionis diversitas; cfr. Ecl. IV, 61., ubi paucissimi libri *tulerunt* exhibent, plerique *tulerant*, aut *tulerint*; Ge. II, 129. III, 283. Aen. II, 774. III, 48. 681. X, 334.; vid. etiam Drakenb. ad Sil. V, 264., Burmann. ad Antholog. Lat. T. I. p. 533., et quos illi laudant. *Profuērunt* exstat ap. Tibull. II, 3, 12. et *fuērunt* eidem restituit Bach. II, 5, 79. Ceterum *ventura trahuntur* eleganter pro *ventura, futuro sunt*; aptum autem *trahere*, utpote quod de mora interposita dicatur et de differendo. *Wr.*)

*metitur*, pererrat, medium transiit, ut saepe poetae. Praeivit Homerus, πέλαγος μέγα μετρήσαντες, et μέτρα κελεύθου. 392. *Grandaevus Nereus*, proprio epitheto, est enim ex antiquissimis diis. vid. Theogoniam

Hesiodi 233. et ipse maximus natu inter Ponti liberos. Sic quoque *grandaeva Pales* apud Nemes. Ecl. I, 68. 392. 393. Praeclari versus ad declarandam veram vatum notionem: quos non futura modo prae-

Quippe ita Neptuno visum est: inmania cuius  
Armenta et turpis pascit sub gurgite phocas. 395  
Hic tibi, nate, prius vinclis capiendus, ut omnem  
Expediat morbi causam, eventusque secundet.  
Nam sine vi non ulla dabit praecepta, neque illum  
Orando flectes; vim duram et vincula capto

## 396. CAPIUNDUS

396 *gnate* alii, et sic aliquae ante Heins. (vid. Q. V. XXXVIII, 2. *Wr.*) *capiendus* iidem ante Heins., ut Medic. et alii. (*capiendus* ex omnium librorum auctoritate revocavi; *capiundus* unius Nonii fide nititur. *Wr.*) *capiendis vinclis* Rom. *undis capiendus* Leid. *carpendus* Toll. *captandus* Erf. et omnem Gud. a m. sec. Mentel. tert. Goth. pr. 397 *Expediant* Rom. *secondet* Zulich. 398 *Non sine vi non nullu* Zulich. *Non sine* etiam alter Rottend. *dubit responsa* Probus Arte Grammat. lib. I, ex interpretatione. (et *praecepta* per *responsa* explicatur apud Philargyr. et in Serv. Dresd. *Wr.*) *neque ipsum* pro div. lect. Gud. 399 *flectes*, quod ubique editur, Rom. cum aliis Pierii, Mediceus Foggini, Gud. duo Rottend. *vinces* reliqui Heinsiani, duo Burm. cum ed. Ven. Medic. Pierii et Erf., quinque apud Martin. Goth. sec. (et 2. 4. 8. 9. *Wr.*), quod Burmannus pro vero habebat, alterum pro interpretamento. (non sentiens ille quidem, quam molesta haec sint auribus: *vinces — vim — vincula. Wr.*)

dixisse, sed multo magis praesentia bonis consiliis rixisse et praeterita animo tenuisse dicendum est. Versi autem versus ex Iliad. α, 70. Antiquioribus his diis, ut Proteo, ita Nereo, Glaucō (cf. Not. ad Apollod. p. 416), sic Terrae, Themidi, divinandi vis tribui solita; nec satis constat, qua de caussa, nisi forte, quia de iis antiquioribus, tamquam natu maioribus, prudentia insignior praedicari solet. (vid. de vs. 393. V. L. et Eleg. ad Messal. p. 41. *Wr.*) 394. 395. *Quippe ita Neptuno visum est*: h. Neptuni beneficio, ut sit *γέρας* a Neptuno acceptum. In hoc vero aut mythicam subtilitatem neglexit poeta; Protei enim, si quidem Oceani et Tethyos proles fuit, genus et honores Neptuno antiquiores sunt; aut sequitur eos, qui Proteum

Neptuni filium ediderant. *inmania Armenta*, monstra marina, inter quae *phocae*, nobis vituli seu boves marini, *turpes*, foeda specie: ut sup. Ge. III, 52 bovis *turpe caput*. Exornat autem his versibus illud Od. δ, 386 Ποσειδάωνος ὑποδυώς. Hinc Horat. Carm. I, 2 *Omne cum Proteus pecus* etc., et omnino poetis hinc pastio monstrorum marinarum. Nata autem videtur fabula Homerica ex observatione, quod certo diei tempore incredibilem phocarum copiam egredi in littus et apricari viderent homines: quae res armentorum speciem habebat, quae a pastore in pascua aguntur. Est autem ea phocarum natura etiam aliis in locis, ut passim de insulis Americae narratum legimus. Ceterum ex Homérico loco apparet, valde desertam illo

Tende; doli circum haec demum frangentur in-  
anes. 400

Ipsa ego te, medios quum sol adcenderit aestus,  
Quum sitiunt herbae, et pecori iam gratior um-  
bra est,

In secreta senis ducam, quo fessus ab undis  
Se recipit; facile ut somno adgrediare iacentem.  
Verum ubi conreptum manibus vinclisque tene-  
bis, 405

#### 405. VERUM,

400 *doli demum circum haec* fuisse in edd. ex Pierio apparet. *dolis circum hac demum franguntur* Roman. 401 *accederit* unus Mead. 402 *est* abest a Gudian. a m. pr. Moret. quart. vid. ad Ecl. VIII, 15. *unda* Gud., quod Burmannus defendi posse putabat; at fluxit illa ex *undis* vers. sequi. 403 *in undis* Ven. 404 *adgrediare* Mentel. pr. *summo egre-diare* Goth. pr. 405 *manicis* Moret. pr., et sic coniecerat Vir doctus. At *corripere munibus*, non *manicis*, dici, contendit Burm. h. l. et Vir doctus Obs. Miscell. Vol. I, p. 3; quidni tamen et hoc recte dicatur! ut inf. 439 *manicisque iacentem Occupat*. Tum vero quid viros doctos adiecit, ut iungerent *correptum manicis*? Iungenda erant *manicis vinclisque tenebis*: atqui haec duo iungi solent: ut Aen. II, 146. 147. Sil. Ital. XV, 141. Verum h. l. unius codicis lectio auctoritatem non habet satis gravem, nec quicquam impedit *manus* proprie h. l. dictas. (Moretani pr. gravis sane auctoritas; verum *manicis* ex vs. 439. huc tractum videtur; sic eodem vs. 439. sex codd. e nostro loco pro *manicis* adscivere *vinclis*, unus etiam *manibus*. Sane si adiectum esset epitheton alteri nomini, *vinclis* dico, amplificare notionem prioris, *manicis*, voluisse poeta videretur; ut Aen. II, 146.: „manicas atque arta levare Vincla iubet Priamus;“ i. e. artas manicas. Sed nude adiectum *vinclis* ferri non posset. *Wr.*)

tempore eam Aegypti partem esse debuisse, cum phocae illud littus (insulae Phari ei obiectae ut dictum ad 387) frequentare auderent.

396sq. Vid. Odyss. δ, 388sq. 397. *eventusque secundet*, eventus secundos monstret, quomodo ii obtineantur; h. remedia fortunae, modos reparandi amissas apes. (*eventus*, quae ei acciderant mala, *secundet*, in melius mutet, monstrando causam, qua sublata apes reparatae sunt. — 399. *vincula tendere alicui* est *iniicere*, *innectere* v. Similiter Aen. II, 236. *vin-*

*cula collo intendunt*. Sed *vim tendere* cum casu tertio notat *vim adhibere*. Verba diverso significato in eadem periodo pluribus iunguntur substantivis. Vid. Not. ad Tibull. III, 3, 21. *Wr.*) 400. *circum haec*, ad haec, his vinculis adhibitis. (vid. Not. ad Ge. II, 424. *Wr.*) *inanes*, ut inanes sint. Ceterum reluctatio haec vatum, etiam Pythiae et Sibyllae, adumbrata est ex spasticis affectionibus, quibus corripere videbant ecstatorum istorum corpora. conf. ad Aen. VI, 46. Res non minus de prophetis Hebraeorum nota. Re-



Tum variae eludent species atque ora ferarum.  
 Fiet enim subito sus horridus, atraque tigris,  
 Squamosusque draco, et fulva cervice leaena;  
 Aut acrem flammae sonitum dabit, atque ita vinclis  
 Excidet, aut in aquas tenues dilapsus abibit. 410  
 Sed, quanto ille magis formas se vertet in omnis,  
 Tanto, nate, magis contendere tenacia vincla:  
 Donec talis erit mutato corpore, qualem  
 Videris, incepto tegeret quum lumina somno.

406 *eludent* Heins. secundum meliores, Medic. et al., etiam apud Pierium et Martinum cum Goth. sec. ex edd. Brix. Quorsum item referas *eludunt* in Oblongo, et tribus Heinsii, et *ludent* Roman. (et 4. *Wr.*) At vulgo editum *illudent*, aut *illudunt*; quod est ad vulgarem rationem, idoneum tamen et ipsum. (Serv. Dresd. *ludent*. Bene *eludent*, quod dicitur de iis, qui arte aut velocitate se subtrahunt capturo. Ovid. Met. VIII, 687.: „Ille celer pcenna tardos aetate fatigat, Eluditque diu.“ *Wr.*) 407 *atra tigris*: mirum epitheton. Sunt tigres variae, maculosae. Serv. interpretatur „saeva.“ Iul. Sab. „venenosa tigris et saeva.“ Saltem dicendum: serpentes dici atros Ge. I, 129, v. Benth. ad Horat. II Serm. 8, 95, ab atro veneno; hinc atrum omnino esse pro saevo. Sed atrum omnino quod terrorem facit: *atra venenis tela* ap. Ovidium. *atrae Erinnyes*. Valer. Fl. II, 205 *atraeque genis pallentibus Irae*. Io. Schrader. coni. *hirta*, quod non minus insolens. (— 409. *sonitum flammae* Medic. testibus Foggino et Freytagio. *Wr.*) 410 *tenuis* multi. (in quibus Medic.; modo *tenuis* ad aquas referas. *Wr.*) *in aqua tenuis* Leid. *habebit* Medic., subnotato *h. ex habibit*, ut in Romano. (*e* in *habebit* in *i* mutatur in Medicco. *Wr.*) 411 *vertit* novem apud Burm. duo apud Martin. Goth. pr. *vertat* Erf. 412 *Sed quo nate magis* fragm. Moret. Laudat Burm. Donat. ad Terent. Hecyr. III, 4, 3. *Tantum nate magis* legi, notatur in Servianis. (Lectio *tantum* a Servio commemorata mendosae scripturae debere videtur, quae servata est in Mediceo, ubi exstat *tantu*, circumducta miniata lineola, ut fiat *tanto*. Sic saepius in Mediceo pro finali *o* reperitur *u*, ut Aen. IV, 177. *solu*, V, 69. *crudu*, quod item a m. sec. in *solo* et *crudo* mutatur. *Wr.*) *gnate* fluxit e recentt. edd. 414 *incepto* — *somno* vidcri potest paullo ieiunius dictum; quod observatum quoque Reiskio erat. Proclive est, reponere *incerto*, qualis primus somnus est. At male hoc fieret. Habemus enim Aen. XII, 822 *inceptum furorem*. IV, 316 *inceptos hymenaeos*. VI, 493 *inceptus clamor*; et sic alia aliis locis.

cusabant itaque vates subire illos spasmos. Hinc de Proteo vss. 406 s. 440. 450. 451.

401. Ex Od. δ, 400 sqq.; quo comparato, videbis Virgilium prudenter omisisse ea, quae a poeta iam ita ornata erant, ut nihil addi posset; in reliquis autem ornatu verborum et senten-

tiarum certare. 403. *In secreta senis*, secretam sedem.

406. In varias formas se transformabit; at quanto exquisitius poeta! 407. *sus horridus*, horrentibus setis, *atra tigris*, saeva. Serv. vid. Var. Lect. 408. *fulva cervice leaena*, ἡὐχένειος. ibid. 456. (vid. de hoc versu Q.

Haec ait, et liquidum ambrosiae diffundit odorem: 415

Quo totum nati corpus perduxit; at illi  
Dulcis compositis spiravit crinibus aura,  
Atque habilis membris venit vigor. Est specus ingens

415 *Hoc* Moret. sec., *Hic* qu. Mox *diffundit* Heinsio debetur, qui Medic. Gud. et Menag. utrumque pro se laudat. Addi possunt alii, ut Goth. sec. (etiam Serv. Dresd. et 3. *Wr.*) *diffudit* Reg., uterque Mead. Erf. et edd. inde ab Aldd. *defundit* Heins. ex edit. laudat nescio qua; sicque multi codd. (in quibus 1. 7. 8. *Wr.*), praefertque id Wakef. ad Lucr. IV, 88. *defendit* Mentel. et Rottend. *defudit* Leid. et Goth. pr. (et 5. 11. 14. *Wr.*) At Rom. *depromit* et mox *corpus perfudit* e glossa, ut Burm. docuit. *ambrosa* vel *ambracia* Rom. et al. 416 *Quo tactum* fragm. Moret., concinne omnino, inquit Heins. *Quod totum* alter Menag., male. *permisit* ed. Ven. *perfudit* Rom. et Vratisl. *producit* Franc. *perduxit* Erf. et Iul. Sab. *perducere*, voc. mox a medicis adoptatum: quo aliquoties Serenus Sammonicus utitur. Auson. Mosella 112 *Lubrica caeruleus perducit tergora fucus* de mustella. 417 *naribus* tert. Rottend. pro var. lect., male, Burmann. *auras* Rom. 418 *Et specus* Franc. Rom.

V. XXXX, 3. *Wr.*) 409. 410. Fiet flamma vel aqua. At quam ornate! 410. *Excidet*, elabetur, effugiet, ut ἐκπίπτειν; *dilapsus abibit*, ornatus quam, dilabetur. 412. *contende*, intende, contrahe, πείξειν Hom. v. 419. 414. Communior ratio fuerat: *cum somnus tegetet lumina*.

415. Hic vero cum Homericam simplicitate et veritate contendit Virgilii elegantia et ingenium; nam in Odyssea v. 444 sqq. *ambrosiae odor* iis, qui sub phocarum pellibus laterent, quam maxime erat quidem utilis, rei tamen ipsius parum iucunda narratio; at in nostro iuvenis corpus ambrosia inungitur, ut ille novum robur, novas vires ad vincendum et domandum senem acciperet: *atque habilis membris venit vigor*; at illa: quod *dulcis spiravit aura*, et quidem *crinibus compositis*, me-

ri ornatus causa apposita sunt; alterum quidem satis otiose. Aliiter res se habet Aen. I, 589, ubi Aeneae iuvenile decus afflandum erat. 415. *ambrosiae odorem*, h. ambrosiam odoratam, odorem emittentem, *diffundit*, per membra filii. 416. *perduxit*, h. illeivit, perunxit; at istud exquisitius. Porro vulgari ratione *perduci ambrosiam per corpus*; exquisitius, *corpus ambrosia*, dicitur. 417. *aura dulcis*, h. odor. 418. *habilis vigor*, qui reddit habilem, aptum, idoneum rebus agendis, fortem. Caussam itaque, cur inungeret mater filii membra, poeta ipse apposuit, ut vires impertiret satis validas ad vincendum senem. Alienum itaque, quod Servius habet: „unxit eum, quo posset esse videndi numinis capax.“ Nisi cum viro docto apud Burmann. legas: vincendi. Nec de eo ambrosiae usu agitur, quo

Exesi latere in montis, quo plurima vento  
 Cogitur inque sinus scindit sese unda reductos, 420  
 Deprensus olim statio tutissima nautis;  
 Intus se vasti Proteus tegit obiice saxi.  
 Hic iuvenem in latebris aversum a lumine Nympha

#### 420. REDUCTOS;

419 *lateri* Rottend. *in* abest a Medic. a m. pr. et Toll. (et Alb. *Wr.*)  
 420 Versus iidem, sed variati, Aen. I, 160. 161 *quibus omnis ab alto*  
*Frangitur, inque sinus scindit sese unda reductos.* 421 *Depressis*  
*Ven. et Cantabrig.* (et Serv. Dresd., idem in tribus Mss. reperit Cort. ad  
 Lucan. VI, 505. *Wr.*) *gratissima* Toll., ut Aen. V, 128 *apricis statio*  
*gratissima mergis. statio fidissima* Goth. pr., non male; ut contra *statio*  
*male fida carinis* Aen. II, 23. 422. *Inter* aliquot, notante Martino.  
*casti* cd. Norimb. *obiice* in Rom. et al. (ctiam Medic. *Wr.*) 423 *Hinc*  
 Gud. a m. pr. *avorsum* Toll. *adversus* Vratisl. *a limine* Gud. pro div.  
 script. *a flumine* Erf. a omittunt tres apud Burm. Romanus et plerique  
 apud Pierium, unus Mead. Goth. pr. *Nymphe* Moret. sec. *Nymphae*  
 edd. nonnullae.

ad ferendum numinis conspectum firmari iuvenis debeat, aut ut nota divinitatis ei impertiat, quod Cerda volebat: quia ambrosiae odore Venus numen prodit Aen. I, 403. Poeta enim, ut dixi, rem ipse expedit. Alioqui verum est, ambrosiae, tamquam unguenti, usum memorari haud unum. Est in cultu dearum; pulcritudinem et gratiam affundit; tum numen ipsum aut divinam naturam corpori conciliat, imprimis immortalitatem; saltem ut ne corrumpi illud ac putrescere possit; Iliad. π, 670. τ, 38, ducta haec ex ipso etymo ἀμβροτος, ἀμβρόσιος. Quatenus vires impertit, pectori infusum illud cibi ac potus defectum explet Iliad. τ, 347 — 353 de Achille; ita demum pro cibo ac potu deorum memorari potuit.

418 sqq. Est antrum in rupe exesa, quo plurimum undae, undarum, penetrat; sed, post-

quam intravit, in plures sinus, h. cavitates antri et recessus, dispergit se, adeoque, *scindit sese*. Ita malum interpretari, quia de specu agitur. Alioquin non damne illam rationem, ex qua *sinus reducti* fluctuum, allisorum scopulis, et longo tractu recedentium, cavitate intus relicta, intelliguntur. Iidem fere versus Aen. I, 160. 161.

421. 422. Haec ita intelligo, ut anteriore huius recessus (*Bay*) parte, patente sub dio, navium statio, in interiore, intra scopulos reducta, antrum fuisse dicatur; huic pro munitione ac foribus scopulus obiectus erat, in quo Proteus v. 436 considet ad recensum armentorum. *deprendi* naves tempestate notissimum. *tegit*, tegere consuevit. *obiice*, in prosa, *obiectu*. fere ut Cyclops apud Homer. Od. ι, 240 sq. 423. *aversum a lumine*, in loco, quo lumen ab ostio inde antri non



Conlocat: ipsa procul nebulis obscura resistit.  
 Iam rapidus torrens sitientis Sirius Indos 425  
 Ardebat; coelo et medium Sol igneus orbem  
 Hauserat; arebant herbae, et cava flumina siccis  
 Faucibus ad limum radii tepefacta coquebant:

424 *resistit* omnes vett. apud Pierium et Heins. et Martin. Fuit tamen in plerisque edd. *recessit*, ut est in Goth. pr. ex glossemate, quod iam expulerat Nauger. Ald. tert. cf. Aen. IV, 76. IX, 710 et inf. v. 490. 425 *ravidus* — *Sirius* scripsit Wakef. *rapido* — *caelo* malit Heins., idem *sitientis* scripsit e libris et Prisciano pro *sitientes*. *Serius* Rom. et alii scribunt. *Indos*. Recte Io. Schrader. quaerit: cur Indos nunc? agitur de Thessalia; et cur eos solos? Itaque coni. *agros. herbas* ex 402. Sane ornatu poetico *Indos* dixit, cum omnino homines vel terras memorare vellet poeta. (*Indos*, i. e. plagas meridionales habitantes populos, memorat, quod hos potissimum urit Sirius. *Wr.*) 426 *Ardebat caelo*, et distinguebatur ante Heins. sed, ut saepe dictum, alteri membro est vindicandum id, quod pleniorum facit orationem; contra si plenius est prius membrum, alterum debilitatur et torpet. *medius Sol* Zulich. 427 *Auxerat* fragm. Moret. (ortum ex *auserat*, uti primo in Mediceo exstabat. *Wr.*) *ardebant* sec. Rottend. 428 *Fontibus* Zulich. pro div. lect., quod et Io. Schrader. coni. Verum alterum doctius. (*radiis* Medic. *Wr.*)

permeat. 424. *ipsa procul nebulis obscura*, h. in nebula, ex aequore assurgere solita. *resistit*, stat; ut Apollo in nube Iliad. ε, 185. ο, 308. Quod Homerus v. 402 Proteo pulcre tribuebat, *μελαίνῃ φορὶ καλὴ φθεις*, ad Cyrenen mutata ratione transtulisse videtur, ut ipsa nebula caliginosa oblecta sit. (Quomodo *φορὶς*, quod est apud Homerum, ad nebulam trahi possit, non exputo. *Wch.*) Spencius Polymet. pag. 222 ex antiqua pictura poetam haec mutuatum esse suspicabatur. Praestabat saltem dicere: posse hanc narrationem argumentum idoneum picturae suppeditare.

425. *Sirium* pro sole h. l. accipi volunt. Ita otiose bis dictum: Sol ardebat et Sol caelum medium tenebat. Equidem nondum victus do manus. Mediam aestatem et aestivum calorem per Sirium declarat, ut poeta;

cf. Aen. III, 143. X, 273. Canicula enim, seu Sirio, sub solis transitum in Leonem orto, Aegyptum et reliquam Africae oram summo et intolerabili aestu premi, satis notum: itaque *ardebat*, *ἐφλεγε*, *Sirius rapidus* (ut calor, aestus, sol, *rapidus*, celer ac vehemens), et *torrens sitientes Indos*, h. Aethiopes. vid. sup. v. 293. Ge. II, 116; et tali anni tempore, medium diei tempus subiicit altero versu: *coelo et medium Sol igneus orbem Hauserat*, scil. cursu, peragraverat, emensus erat. Colum. X, 313 Titan — *Hauserit et flammis Lernaë brachia Cancrī*; et ut saepe *exhaurimus* labores et alia, quae ad finem perducimus. Apuleii illud, Met. XI, pag. 258: *Augusti portum celerrime hausimus*, subiiciebat Ruhnck., ubi nunc vid. Oudend. p. 809. Ornavit haec Maro, quae Homerus simpliciter po-

Quum Proteus consueta petens e fluctibus antra  
 Ibat; eum vasti circum gens humida ponti 430  
 Exsultans rorem late dispersit amarum.  
 Sternunt se somno diversae in litore phocae.  
 Ipse, velut stabuli custos in montibus olim,  
 Vesper ubi e pastu vitulos ad tecta reducit,  
 Auditisque lupos acuunt balatibus agni, 435  
 Considit scopulo medius, numerumque recenset.

429 *patens* Goth. sec. 430 *circa* alter Moret. (*circum vasti* Medic. *Wr.*) 431 *dispersit* Heins. e librorum consensu. Sic et Pier. et Martin. libri. *despersit* pr. Rottend. *dispergit* vulgg. edd. et tres codd. apud Heins. Tuetur tamen hoc Medic. et Romanus. (*dispergit* commendat Iahnus; et sic apud Foggini. exaratum, quamquam Heinsius, ex Menag. uno et duobus Moretanis *dispergit* enotans, in ipso Mediceo *dispersit* videtur invenisse; *dispergit* tamen ex ipso codice enotavit Freytagius. Sed quum haec inter se sint diversissima: *rorem late dispersit*, quae alacritatem, et *sternunt se somno*, quae animos iam ad quietem compositos indicant, diversis etiam Temporibus exprimenda erant. *Wr.*) 432 *diversae* Heins. plurium et meliorum auctoritate, quod dudum Nauger. in Ald. tert. intulerat. Adde Pierii et Martini libros. *diverso* alii cum vulgg. edd. in abest ab edit. Venet. Burmannus laudat ad Ovid. Epist. XII, 145. 433 *in montibus altis* Vratish. 434 *vitulas* fragm. Moret. in tecta Ven. Parrhas. (*at tenta* red. Medic. a m. pr. *Wr.*) *reduxit* unus Arundel. 435 *Auditisque* e Romano aliisque probat Pierius; addicentibus Medic. et fragm. Moret., quibus adde Cantabrig.; recepit Heins. *Auditique* vulgo, verum et pro hoc Nauger. iam meliora dederat Ald. tert. 436 *Considit* Heins. post Rom. et Medic. a m. sec., quod Foggini tamen non notavit; („*consedit* antiqua manus, sed correct. in *considit*;" haec scribit Freytag. *Wr.*) item Bodlei. et Cantab.; at Reg. *Conscendit*. Vulgo omnes *Consedit*. vid. Heins. h. l. Ecl. V, 3. VII, 1. Aen. I, 719. Ovid. Met. XIII, 780. (bene *considit*, modo ne Perfectum esse putes; vid. V. L. Ecl. VII, 1. *Wr.*) *recensit* Gud. a m. pr. et Longob. *recensiit* Giphani. e vet. cod. Ind. Lucret. p. 458.

suerat. 428. *siccis faucibus*, alveis. Ornati versus. cf. Ovid. Met. II, 262. 263 et 269. Etiam 430. 431 multo ornatiora, quam Homeri l. l. 448 Φῶκαι δ' ἐξ ἁλὸς ἦλθον ἀολλέες. *rorem amarum*, ut πικρὰν ἁλὸς ὁδμὴν ille dixerat v. 406; diverso tamen modo. 432. *diversae*, in prosa, diversis locis, partibus. vid. vs. 367. (Liv. VII, 36.: „superscandens vigilum strata somno corpora miles.“ „*Strata somno*, h. e. somni capiendi causa strata; *somno* est casus ter-

tius. Virg. Ge. IV, 432.: „*Sternunt se somno*“ etc. Liv. XXXVII, 20.: „Pars vescentes sub umbra, quidam somno etiam strati.“ Haec Doering. ad Liv. l. l. *Wr.*) 433 — 436. Etiam haec ornatiora, quam Odyss. δ, 411 — 413 et 450. 451. *Vesper reducit vitulos*, poeticum, pro, pastor reducit vesperi, ut in Eclogis et alibi. Quam ornate illud v. 435 expressit: reducit oves balantes. *numerum recenset*, πεμπαζεται Homer., ex prisca vita petito verbo, ut numeraretur

Cuius Aristaeo quoniam est oblata facultas:  
Vix defessa senem passus componere membra,  
Cum clamore ruit magno, manicisque iacentem  
Occupat. Ille suae contra non inmemor artis, 440  
Omnia transformat sese in miracula rerum,  
Ignemque, horribilemque feram, fluviumque li-  
quentem.

Verum ubi nulla fugam reperit fallacia, victus  
In sese redit, atque hominis tandem ore locutus:  
Nam quis te, iuvenum confidentissime, nostras 445  
Iussit adire domos? quidve hinc petis? inquit. At  
ille:

443. VERUM, R. PELLACIA 446. DOMUS

438 *senem est* Ven. 439 *munibusque i.* Franc. vid. v. 405. *vinclis-*  
*que* Gud. a m. pr. cum quatuor, et Reg. Martini. 441 *Omnia commutat*  
apud Nonium in *mira. spectacula* Ven. vid. sup. v. 3. 442 *fluvium-*  
*que liquantem* pr. Rottend. *loquentem* quart. Moret. 443 *pellacia* re-  
vocavit Heinsius; ut et multis aliis in locis. Ita uterque Mentel. fragm.  
Moret. tert. Rottend., v. Heins., item Pieriani nonnulli, inter quos Roma-  
nus esse videtur. Adde Philargyr., Goth. sec. a m. pr. *phallacia* Medic.,  
et a m. sec. *fallacia*, ut vulgo omnes vulgari vocabulo. (Recte vero ait  
Vossius, omnibus exemplis ab Heinsio h. l. et a Bentleio ad Horat. Od.  
III, 7, 20. laudatis comprobari id, quod Servius doceat ad Aen. II, 90.:  
verba *pellax* et *pellicere* de iis dici, qui blandimentis et, quod addit Vos-  
sius, magicis artibus, alterum capere studeant; voluit autem Proteus ter-  
rere Aristaeum, non allicere. Addit Vossius, confirmari lectionem *falla-*  
*cia* ab auctore Ciris vs. 378.: „Verum ubi nulla movet stabilem fallacia  
Nisum.“ Originem vitii indicat Mediceus. *Wr.*) *tenuit fallacia* quart.  
Moret. 444 *redit* Parrhas. Laudat varie Donat. ad Terent. Andr. III,  
5, 15. Adelph. V, 3, 18. *tandem est* Rom., male. 446 *Iussus* alter  
Rottend. *domus* Heins. e Medic. et aliis, vulgo *domos*. (*domus*, praeter  
Mediceum, Moret. pr. et Mentel. pr.; sed in ipso Medic. *domus* in *domos*  
mutatur; et *domos* praeterea ubique in Mediceo. Nec raro syllaba fina-  
lis *os* a librariis in *us* mutata, ut in eodem Mediceo Aen. I, 755. *tuus* pro  
*tuos*; IV, 524. *liquidus* pro *liquidos*; V, 113. *ludus* pro *ludos*; IX, 725.  
*multus* pro *multos*; XI, 194. *decorus* pro *decoros*; ibid. 298. *rapidus* pro  
*rapidos*. Omnibus his locis, ut in nostro, *us* a m. sec. in *os* mutatur.  
*Wr.*) *hic petis* Menag. pr.

per quinarium numerum; ut  
nos per denarium.

437. Putandus nunc Proteus  
in antrum concessisse et ad  
somnum se composuisse: ut sup.  
418. 422 innuebatur. *ἐπειτα δὲ*  
*λέκτο καὶ αὐτός.* Sequentia e  
Graecis Odyss. I. l. 454 sq. *ma-*  
*nicis occupat*, vincit, adiuncta

notione celeritatis. 438. Impa-  
tientiam praeclare memorari in  
iuvene, nemo non videt. 441. *in*  
*miracula rerum*, in miras res,  
formas. 442. *horribilemque fe-*  
*ram*, possis *suem* ex v. 407 in-  
telligere; sic Gr. *θήρ*. Sed hoc  
argutius.

445. *Nam*; satis nunc qui-



Scis, Proteu, scis ipse; neque est te fallere quidquam;

Sed tu desine velle. Deum praecepta secuti  
Venimus, hinc lapsis quaesitum oracula rebus.

447 *Proteus*, noto atticismo, Mss. Pierii et Rufinian. de Schemat. Lex. pag. 31. (*Proteus* etiam Medic. a m. pr.; scilicet adhaesit s e proximo voc. *Wr.*) *quicquam* Medic. et alii apud Heins., quem vide. Etiam sic „alii“ apud Servium, liber Romanus et Colot. Alias auctoritates addit Burm. ad Antholog. p. 155. praetulit quoque Brunckius; et sic dudum ediderat Naugerius. *quenquam* Moret. fragm. et ms. Brunck., ut sit, *quenquam fallere te*. Legebatur vulgo: *cuiquam*, quae lectio haud dubie est magis perspicua; altera tamen habet auctoritatem criticam. (*quidquam*, pro quo alii dant *cuiquam*, unice verum. Nam ad codicum auctoritatem elegantia accedit structurae: *fallere aliquem aliquid*, ad Graecam compositionem. Demosth. de Pace p. 59. l. 20. „οὐδὲν τούτων ἐξαπατήσας φανήσομαι.“ Nec verum est, quod nonnulli contra lectionem *quidquam* monuerunt, esse in ea ambiguitatem, cum construi posset: *nec est, quidquam fallere — latere — te*. Nam qui Latine sciunt, non ignorant, *est* pro *licet* accusativum cum infinitivo activi non adsciscere solere. Denique saepius Maro Graecorum usum pronominis *τι* imitatus est. Ecl. VII, 10.: „*Si quid cessare potes*.“ *Wch.* Addit Iahnus Horat. Od. I, 6, 19.: „sive quid urimur.“ Sat. II, 2, 27.: „tanquam ad rem attineat quidquam.“ vid. inprimis, quae scripsi in Not. ad Aen. III, 56. Ceterum Medic. *quicquam*. *Wr.*) 449 *hinc* e Roman. et aliis iam probarat Pierius. Firmabant meliores Heinsiani et tres Martiniani. *Venimus huc* vulgo. *huic* Toll. *lassis* Medic. et ceteri Heinsiani plerique. Sic et Oblongus Pierii et Goth. sec. *hinc fessis* Gud. pro var. lect. Sed recte *lapis* retinetur. (*lupsis* Serv. Dresd.; vid. Q. V. XVI, 1. *Wr.*)

dem noto usu ex Gr. γὰρ, pro δὴ. cf. Clark. et Ern. ad Iliad. o, 201. Aiunt vulgo, subintelligendam esse propositionem, cuius causa reddatur; forte h. l. perdam te, nam —; quae inanis esset subtilitas. Hoc saltem tenere licet: primum forte hunc τοῦ γὰρ usum ita nasci potuisse, cum membrum orationis subitesceret is, qui concitate loquebatur. Hoc loco est pro vulgari *Quisnam*. (ut Aen. II, 373. *Wr.*) Homer. Od. δ, 462 Τίς νύ τοι — θεῶν συμφράσσατο βουλᾶς; — τέο σὲ χορή;

447. Iliad. α, 365 Οἷσθα· τίη τοι ταῦτ' εἰδυίη πάντ' ἀγορεύω; neque est te fallere quidquam. est sane ambiguum hoc et propter

structuram et quia τὸ fallere duplicem habet notionem et latendi et decipiendi. Potest esse: neque est, δυνατόν ἐστι, quidquam latere te. potest quoque esse nec fieri potest, ut quis fallat te κατὰ τι, quidquam, aliqua in re. Similis ambiguitas est in Pindaricis de Cyrene, Pyth. IX, 75, ubi Chiron ad Apollinem, σὲ, τὸν οὐ θεμιτὸν ψεύδει δίγειν. Notionem fallendi, decipiendi, videntur postulare sequentia. (vid. V. L. *Wr.*) 448. *desine velle*, scil. fallere me. Servius, et ex eo Iul. Sabini., acceperant: *sed tu desine velle*, sc. scire; ne quaere ex me. quod ieiunum est. 449. *quaesitum hinc oracula*, h. reme-

Tantum effatus. Ad haec vates vi denique multa 450  
Ardentis oculos intorsit lumine glauco,  
Et graviter frendens, sic fatis ora resolvit:

Non te nullius exercent numinis irae.

Magna luis commissa: tibi has miserabilis Orpheus

454. HAS,

450 *Tandem* Ven. *Tantus ad hoc fatus* Longobard. *At haec* alter Rottend. *At fatus et haec* Medic. (*et fatus. at haec* apud Foggin. invenio. *W.*) *affatus* Goth. pr. *effatur* edd. nonnullae. *vi denique magna* Erf. 452 *sic vates* Erf. 453 *Multae nullius* tert. Mentel. a m. pr., et correctus in *Mute*; item in Regio, erasa littera *l*. (Vix dubito, quin vitium hic versus contraxerit; vid. Q. V. XII, 13. *W.*) 454 *lues* ante Heins., ut pars librorum habet, et inter hos Romanus. *commissa tibi* alios iungere, Servius notat.

dium sortis vice editum, *lapsis rebus*, calamitati ex apum internecone.

452. *ora resolvit fatis*, ad edenda fata. Ceterum quod oculos glaucos ardentes torquet et ore frendet: non ad indignationem, sed ad furorem vaticinantis pertinet. cf. ad v. 400. Spencius Polymet. p. 222 et hoc ex antiqua pictura translatum coniciebat: quasi vero poeta nihil, quod forte pingi potest, narrare possit, nisi e pictura aliqua adumbratum! Ceterum habere nos et h. l. exemplum vaticinii, quod nihil aliud quam monitum et consilium continet, nullam praedictionem rei futurae, iam supra monitum est.

453. Sequitur episodium elaboratissimum de tentato ab Aristaeo Eurydices pudore, et eius, dum fugeret, morte ex hydri ictu, de Nympharum ex eius morte luctu, inflictaque Aristaeo poena per diras ab Orpheo in eum factas et Erinnyas in eum concitatas. Interponitur Orphei conatus infaustus repetendi con-

iugem ex inferis. *Non nullius numinis*, h. non humilis, sed magni, inquit Servius, et ante eum Asper, ut ex Philargyrio patet, et Tisiphonen intelligit; nam scholion versus 453 retrahendum erat ad h. v. At est hoc e Grammatici argutiis. Quae ex sermonis genio et usu se offert ratio, est, ut sit: profecto alicuius dei, Nympharum scilicet, vide v. 532 (at Ouvens ad Tisiphonen mavult trahere N. Hag. pag. 611), *irae exercent*, vexant, persequuntur, *te*; divinitus haec calamitas tibi immissa est; ut solebant antiquitus pestes, morbi, agrorum sterilitates etc. civitatibus ira deorum infligi, ita h. l. Aristaei ὕβρις apum internecone divinitus vindicatur. 454. *Magna luis commissa*, pro magno flagitio haec tibi tanquam poena inflicta est. ἄτην describit, piaculum, in eo commissum, quod Eurydicae caussa fuit mortis; quae postea Orphei morti caussa fuit. *Orpheus*, Orphei umbra, Manes Orphei, nam Orphei mors

Haud quaquam ob meritum poenas, ni Fata resi-  
stant, 455

Suscitat, et rapta graviter pro coniuge saevit.

Illa quidem, dum te fugeret per flumina praeceps,  
Inmanem ante pedes hydrum moritura puella

Servantem ripas alta non vidit in herba.

At chorus aequalis Dryadum clamore supremos 460  
Inplerunt montis; flerunt Rhodopeiae arces,

455. MERITUM, 456. SUSCITAT;

455 *quamquam* Franc. et Gudian. a m. pr. cum Erf. *quodque* Zulich. *ad meritum*, satis pro merito, coniectabam aliquando, cum Reiskio; dum male iungebam: *poenas suscitatur haud quaquam ob meritum*, duce Servio. Sed iung. *miserabilis haud quaquam ob meritum*; itaque Manes Orphei placandi sunt; v. 545; et est ἄγος commissum, cuius poenas Furiae expetunt, nec nisi expiatione facta recedunt. nisi alt. Rottend. (et Medic. testantibus Fogginio et Freytagio. Wr.) *resistant* quidam. *resultant* quart. Moret. 457 *per funera* tert. Rottend., sed vid. Burm. 458 *hydrum* sec. et quart. Moret. a m. pr. 459 *in umbra* Zulichem. a m. pr. 460 *aequali* Roman. *clamore supremo* Romanus et alii Pierii; ut sit clamor ille in funere edi solitus; sed haec Statii alicuius elegantia esset, non Virgilii; nam hic de discurrentium Nympharum eiulatibus agitur. Recte vulgatam confirmat Nonius in *supremus*. 461 *I. colles* Ven. Parrhas. (*montes* Medic. Wr.) *Rhodopaeae* pr. Rottend., male. Est Ροδοπήϊος.

iam tum subsequuta erat inf. 520 sq. *haud quaquam ob meritum*, merito suo, *miserabilis, suscitatur tibi has poenas*, forte ποιητικώτερον *Poenas*, h. Furias; *ni Fata resistant*, h. Parcae: conf. Spanh. de praest. Numism. T. II, p. 639 sq., nisi ita evenerit, ut tibi avertendarum dirarum et expiandae culpaе ratio ac via monstretur. 456. *rapta pro coniuge*, verecunde poeta vim narrat, quam Aristaeus inferre voluit Orphei coniugi. Obscuritatem vatibus sollennem affectatam esse a Marone existimabat Meierotto in Dubiis p. 11. Saltem per ambages sciscitanti iuveni id, quod quaesierat, aperit. (*rapta* pro *erepta*, *mortua*, dictum accipiunt Voss. et Wun-

derl. coll. vs. 504.; idque ipse sequor. Wr.)

457. *fugeret praeceps*, praecipiti cursu; *per flumina*, h. ripam fluminis, praeter flumen. (*dum fugeret*, i. e. praefugiendi studio; vid. Not. ad Aen. I, 5. Wr.) Nomen fluminis poeta non pronuntiat; cogitabam de Peneo, ad quem Aristaeus habitabat vs. 316, alii de Hebro. hydrus servabat ripam, et latebat *in herba*, non in amne. Ceterum comparent cultioris ingenii adolescentes cum sqq. Ovid. Metam. X pr. Hermesianactem apud Athenaeum XIII, p. 597 (nuper a Ruhnkenio illustratum). Adde Senecam Herc. fur. 569 seqq. Herc. Oet. 1031 sqq. 459. *Servantem ripas*, incolentem, in



Altaque Pangaea, et Rhesi Mavortia tellus,  
 Atque Getae, atque Hebrus, et Actias Orithyia.  
 Ipse, cava solans aegrum testudine amorem,  
 Te, dulcis coniunx, te solo in litore secum, 465  
 Te veniente die, te decedente canebat.  
 Taenarias etiam fauces, alta ostia Ditis,  
 Et caligantem nigra formidine lucum

462 *Antraque Pangaea* Zulich. Goth. sec. *Pangaeae* Mentel. pr. *Panchaea* Medic. *Pancheia* Franc. *Pantheia* Goth. sec. *Panchai* Rom., at sunt τὰ Πανγαῖα ὄρη. 463 *et Actias* Heinsius post Pierium omnium codd. consensu, paucis exceptis, qui vulgarem interpolationem sequuntur: *atque Actias*. Ratio eadem ac v. 343. *et Ethias Orithia* Franc. Toll. *Orinthia* Goth. sec. *Heburus* et *Orthyia* Rom. At Graecum foret: Ἡδὲ Γέται ἢ δ' Ἐβρος ἰδ' Ἀκτίας Ὠρείδυναι. (—464. *acerum* Medic. a m. pr., *aegrum* a sec. *Wr.*) 465 *Et dulcis* Rom. 466 *discedente* editio vulgaris nescio quae. Sicque Medic. Pierii; at meliores et libri et vett. edd. *decedente*. conf. Ecl. II, 67. 467 *Trinacrias* Vratisl. *falces* et *valles* Pierius in libris vidit. *avia ostia* Medic. a m. pr., male. (*auta*, non *avia* apud Foggin. expressum. *Wr.*) Vulgata est etiam ap. Schol. Statii et Horatii. v. Burm. 468 *nigra testudine* Vratisl., ex v. 464. Io. Schrader. coni. *ferrugine*, ut saepe de locis inferis, v. c. Culex 272. Nec minus tamen *metus* et *formido*.

iis latentem, ut paullo ante, λο-  
 γήσαντα.

460. *chorus aequalis Dryadum*, pro aequalium Dryadum, una cum ea nutritarum. conf. v. 532. 533. 461 — 463. Per totam Thraciam lamenta Nympharum audita sunt. *arces*, ἄκραι, vertex, more poetarum; ut Ge. I, 240 *Rhipaeas arces*. Enumerantur Rhodope et Pangaeus, montes Thraciae, quae *tellus Mavortia*, Marti sacra, *Rhesi*, qui, post Orphei quidem tempora, ad Troiam duxerat Thracas. *Getae* ex antiquiorum more, non ad geographicas rationes poetae aetate satis notas, etiam h. l. memorari videntur. Memorati iam erant Ge. III, 462. *Actias Orithyia*: tamquam Nympham regionis memorasse eam videtur. Erat Erechthei, Athenarum regis, filia (un-

de *Actias*; Attica terra littoralis, ἄκτινη, olim *Acte*, quod nomen inter poetas haesit), a Borea raptā.

464. *solans amorem*, leniens. cf. ad Aen. I, 238. 239. 465. *solo in litore*. Comparari potest: ἀντὶ ἔπ' ἁλόνοσ Theocr. XI, 14. h. e. *in solo littore*. Non autem Maronem hinc petiisse dico. *secum*, ut Ge. I, 389 *sola secum* spatiatur. Inf. v. 508 *deserti ad Strymonis undam*. (De vi quater repetiti *Te* vid. quae scripsi ad Eleg. ad Messal. pag. 13. et de usu Pronominis *Ipse* Q. V. XVIII, 2, e. *Wr.*)

467. *Taenarias fauces*, specum in Laconica ad Taenarum, in promontorio Taenaro; forte h. l. simpliciter pro aditu dictum. 468. *nigra formidine*, ornate, pro tenebris. 470. Expressit hoc

Ingressus, Manisque adiit, Regemque tremendum,  
 Nesciaque humanis precibus mansuescere corda. 470  
 At cantu conmotae Erebi de sedibus imis  
 Umbrae ibant tenues simulacraque luce carentum:  
 Quam multa in foliis avium se millia condunt.  
 Vesper ubi aut hibernus agit de montibus imber:  
 Matres, atque viri, defunctaque corpora vita 475  
 Magnanimum heroum, pueri, innuptaeque puellae,  
 Inpositique rogis iuvenes ante ora parentum;  
 Quos circum limus niger et deformis arundo  
 Cocyti tardaque palus inamabilis unda  
 Adligat, et novies Styx interfusa coerces. 480

469 *que post manes abest a tribus Burm. manesque adit Rom. (Manes Medic. Wr.)* 471 *Et Medic. Pierii a m. pr. cantum Rom. et al. apud Pierium, ut acciperetur Ad cantum, quod etiam Erf. habebat.* 472 *Umbrae stant Regius.* 473 *in foliis omnes Pieriani et maior pars Heinsii habebat; itaque hic recepit. Agnoscit item Arusianus Messius, unus Arundel. unus Mead. Goth. pr., edd. nonnullae, ut Argent., et defendit satis ratio critica. in silvis Medic. Mentel. pr. Moret. pr. cum aliis vulg. tueuntur. (tractum hoc ex Aeu. VI, 309.: „Quam multa in silvis“ etc. qui locus nostro similissimus; unde etiam tres versus in Romano huc translati. Wr.)* 474 *ubi iam hib. quart. Moret. a m. pr. Rottend. pr. ubi iam — imbres Goth. sec., ab interpolatore non inducto.* 476 *nuptaeque Vratisl.* 478 *limum Rom.* 479 *innabilis unda nonnulli codd. ap. Pierium, item Ven. et Parrhas. Mead. et Reg. et vet. edd., sicque Nauger. in Ald. tert. At vulgatum post antiquiss. libros, et inter hos fragm. Vatic. (quod et undae habet), defendit etiam Macrobius VI, 7. Gell. II, 6, imitatio Ovidii, inamoena regna, et Aen. VI, 438, ubi vs. 479. 480 iterum leguntur. 480 in noviens Rom. (noviens etiam Vatic. Wr.)*

versu ἀμείλιχον Ἀϊδην Iliad. ι, 158. (En hic ornatum ex copula; vid. Q. V. XXXIII, 7. extr. Wr.)

472 — 480. Ornatissimus locus per enumerationem cum iudicio factam. Ψυχὰι, εἰδῶλα καμόντων Iliad. ψ, 72 (unde iam Lucret. IV, 39 *simulacraque luce carentum*) ad canentem confluxere. 474. *ubi vesper aut hibernus*, procellosus (ut χειμὼν et hiems), imber eas agit e montibus (vid. sup. ad Ge. I, 374. 375) ad silvas et arborum tecta. conf. Aen. VI, 309 — 312.

Odyss. ω, 6 sqq. 475. *corpora heroum* simpl. heroes. Versus hi adumbrati ex Odyss. λ, 37 — 43. (Idem versus leguntur Aen. VI, 306 — 8. Wr.)

478 — 480. Quos Cocytus et Styx a reditu prohibent; s. qui in inferis versantur. Iam ornatum vide. Pro Cocyto, limoso et arundinoso fluvio, *limus niger et deformis arundo*, cuius, si late omnia obsidet, iniucundus ac tristis aspectus est; adeoque *palus inamabilis*, ἀνέραστος pro μισητῇ, invisā, detestabilis, et *tarda unda*. Por-

Quin ipsae stupuere domus atque intima Leti  
 Tartara, caeruleosque inplexae crinibus anguis  
 Eumenides, tenuitque inhians tria Cerberus ora,  
 Atque Ixionii vento rota constitit orbis.  
 Iamque pedem referens casus evaserat omnis, 485

481. *Atqui ipsae* Schol. Horat. Cruqu. Od. II, 13. *stipuer* Mentel. pr., ut alii alias. (verbum simplex *stupere* ubique servat *u* in Medic. *Wr.*) *obstupuere* unus Mead. *domos* Rottend. pr. a m. pr. Io. Schrader. coni. *intima Leti Limina*, pereleganter. 482. *caeruleisque* Medic. a m. pr. (est ea prior lectio; idem in Alb. exstat. *Wr.*) *que* abest a Franc. et fragm. Moret. *impexae* Medic. a m. sec. Gud. a m. pr. Voss. cum tribus aliis Heinsii, Parrhas. Possit aliquis Tibullum laudare I, 3, 69, sed ibi diversa ratio est. vid. ad e. l. *implexae*, quod Nauger. primus expressit, verum est, et firmat pars codd. melior, etiam Arusian. Messius. (Horat. Epod. V, 15.: „Canidia brevibus implicata viperis Crines et incommum caput.“ *Wr.*) Eodem alludit *amplexae* in nonnullis Pierianis, quatuor Heins. Reg. Martin. Erf. et edd. Norimb. Argent. Aldd. pr. sec. et Goth. pr. *innexae*, quod Romanus habet, et fragm. Vatic. est interpretamentum. Erat sic Aen. VI, 281 *Discordia Vipereum crinem vittis innexa cruentis*. 483. *que* post *tenuit* abest a nonnullis, vid. Burm., etiam apud Pierium, et recte puto. (Sed parum explorata est fides eorum codd., a quibus abest copula. Heinsiani certe libri omnes *tenuitque* tueri videntur; cfr. etiam Q. V. XII, 15. Curtius ad Lucan. I, 642. *tenuit*, sine copula, in antiquioribus suis Mss. legi testatur. *Wr.*) 484. *Pro vento* Faber *velox*, Burmannus *cantu*, *lente*, vel *campo* coniciebat. *flendo* reposuit Wakef. Saltem in nota apponi satius erat! *Cantu* firmant utique codd. aliquot apud Pierium; et recepta est ea lectio a Martino, nec aliis doctis viris eam improbari vidi. Docet tamen sensus criticus ex interpolatione eam esse profectam, f. ex v. 471 *At cantu*. *Ixionei* scribunt multi codd. et edd.

ro circum, ab omni parte, *al-*  
*ligat*, et *coercet*, implicat, im-

edit, ut Statius et alii hocidem  
 efferunt. *Styx novies interfusa*,  
 dum novies ambit Erebum. Hoc  
 ultimum exprimere voluere Clau-

dian. XXXIII, 23 quos *Styx li-*  
*ventibus ambit Interfusa vadis*,  
 et Statius Theb. IV, 524 *Et*  
*Styx discretis interflua Manibus*  
*errat*.

481. *ipsae domus*: Plutonis  
 regia seu regnum esse possint;  
 enimvero de Tartaro nunc agit;  
 praemittitur quoque, *quin ipsae*  
*domus Leti et intima Tartara*,  
 splendidius hoc, quam intima  
 loca, penetralia. *Tartarum Leti*

*domum* appellare potuit, ut alias  
 Orci regia, Furiarum domus,  
 audit. Aliter Aen. VI, 277, ubi  
*Letum* in primo Orci aditu col-

locat. Reliqua de Tartaro utro-

bique conveniunt. v. 555 sqq.  
 483. *inhians* simpl. hians. 484.  
*atque Ixionii vento rota consti-*  
*tuit orbis*. Si quis, sermonis poe-

tici Romani satis gnarus, ad haec  
 legenda accesserit, necdum aliam  
 rationem imbibere, simplicissi-

mam esse videbit hanc: *Ixionii*  
*orbis rota constitit vento*, tur-

bine, vortice, motu, suo. Ut  
*vento* audacius dictum sit pro  
 turbine rotae, ipsa rotatione,  
 ῥόμβος. Subtiliorem disputatio-



Redditaque Eurydice superas veniebat ad auras,  
Pone sequens; namque hanc dederat Proserpina  
legem;

Quum subita incautum dementia cepit amantem,  
Ignoscenda quidem, scirent si ignoscere Manes:  
Restitit, Eurydicenque suam, iam luce sub ipsa, 490  
Inmemor, heu! victusque animi respexit. Ibi omnis  
Effusus labor, atque inmitis rupta tyranni  
Foedera, terque fragor stagnis auditus Avernis.

489. MANES; 490. SUAM IAM IPSA I.

486 *ad oras* Vratisl. vid. ad II, 47. 488 *subito* Mentel. Gud. a m. pr. Reg. a m. sec., item Rom. aliique Pierii. *cepit amorem* Moret. quart. 489 *Ignosc. tamen* Zulich., sed vid. Burm. 490 *Euridicemque* Franc. scribit, hic et alibi. (Serviana liber Dresd. sic complet: „Quae paene sibi iam erat reddita. Alii“ etc. Hinc patet, alios sic interpunxisse, ut nunc fit, alios ita: *Eurydicenque, suam iam, luce s. i.* Bene, nisi cum detrimento soni fieret. *Wr.*) 491 *victusque animo* non nisi vulgares quaedam edd. *Ubi omnis* Goth. sec. *ibique omnis* Moret. sec. (*respexit* Medic. *Wr.*) 492 *rapta t. Foedere* sc. Eurydice coni. Io. Schrader., ludente ingenio. Cul. 292 *Orpheu, Oscula cara petens rupisti iussa deorum.* 493 *stagnis — Averni* multi codd. et edd. Commelin. Pulm., etiam fragm. Vatic. At Romanus: *stagni est auditus Averni*: ut et unus Mead. habebat, quod recepit Wakef. *Avernus* ratio critica tuetur; et praeter edd., ut Norimberg. Brix. Aldd. et hinc profectas, e codd. Mediceus, Ven. Rottend. et Pierii Medic. a m. pr. Sic Aen. VI, 118 *lucis Avernis* et saepe. *auditur* alter Mead. alter Arundel. et edit. Norimberg. et Argent.

nem reïicimus nunc in Excursum III. huius libri. (sopito vento, ait Wunderl.; verbo enim *consistere* quiescendi inest notio; vento autem quiescit rota, ipso quiescente; vid. Ecl. II, 26. ibique annotata. Ceterum *Ixionii orbis rota* explicat Iacob in *Disquisit. Virg. P. I. p. 11.*: rota Ixionem per orbem agitant. *Wr.*)

485. Mirum in seqq. narrationis artificium: quod facile sentias, si ad vulgarem sententiarum iuncturam revoces orationem. Legis autem, ne respiceret, excogitandae consilium ex vulgari superstitione subnatum esse videtur, cum res aversandas,

etiam in sacris magicis, respicere vetabantur; quod iam Cerdas sensit, quem vide et sup. Ecl. VIII, 102. 490. *iam luce sub ipsa*. Senec. Herc. fur. 813 *Postquam est ad oras Taenari ventum* etc., et *superas veniebat ad auras* v. 486. 491. *victus animi*, noto graecismo, pro *animo*, cupiditate.

492. Tum omnis labor irritus. *effusus*, ut ἐκκεχυμένος. *Foedera*, foedus, conditio, a Plutone imposita. At quorsum *fragor* ter auditur? Servius: „quasi exultarent umbrae redditam Eurydicen.“ Quod recte Martinus explodit, et a prodigiis omnibusque magnae alicuius

Illa, Quis et me, inquit, miseram, et te perdidit,  
Orpheu,

Quis tantus furor? En iterum crudelia retro 495

Fata vocant, conditque natantia lumina somnus.

Iamque vale. Feror ingenti circumdata nocte,

Invalidasque tibi tendens, heu non tua, palmas!

Dixit, et ex oculis subito, ceu fumus in auras

Conmixtus tenuis, fugit diversa; neque illum, 500

Prensantem nequidquam umbras, et multa volentem

Dicere, praeterea vidit; nec portitor Orci

Amplius obiectam passus transire paludem.

Quid faceret? quo se rapta bis coniuge ferret?

(494. *Orpheus Medic. a m. pr.; idem perdidit. Wr.*) 500 *fugit in diversa Medic. a m. sec. (in miniatis literis est supra scriptum. Wr.)* Alterum cum poetico usu convenit. 501 *Pressantem Leid., solito more. 504 quo se erepta Medic. a m. sec. (sed proprie rapere de fato, morte; eripere de vi. Wr.) bis rapta nonnulli apud Pierium.*

calamitatis, aut rerum conversionis, saepe per caeli fragorem ac tonitru significatae, Iove quasi indignante, repetit. Est utique *indignabundi* potius Orci, quam *laetabundi*. Idem vir doctus Miltonum comparat, quem vid. *Paradise lost* IX, 782 sqq. 1000 sqq. Praesidium sententiae suae Servius adiicit hoc: „Lucanus in Orpheo dicit strepitum factum redeunte Eurydice ob hoc, quia *gaudent a luce relictam* (forte, *reductam, reventam*) *Eurydicen, iterum sperantes Orpheia, Manes.*“ Vides in hoc exemplum argutiolae imitationis studio subortae; Lucanus pro fragore exultationis signum editum narraverat, ita enim spem factam Manibus, iterum audiendi Orphici cantus. Aliam, non coniecturam, sed certam sententiam, proponit Vossius: tonitru subterraneum natum es-

se ex arcana vi, qua Pluto Eurydicen in Erebum retrahit. Eandem vim arcanam, qua ad retrahendam puellam opus erat, mox contendit declaratam esse per furorem: *quis tantus furor!*

495. *Quis, quis tantus furor perdidit*, quae imprudentia, intemperantia, scil. amantis Orphei, qui respexerat. Sup. 488 erat *dementia*. et amantium insania quoties non est celebrata per voc. *furere, furor. (iterum — retro, vid. Huschk. ad Tibull. II, 6, 6. Wr.)* 496. *natantia lumina*, moribundi, incerto iam motu fluctuantia, satis a viris doctis illustrata sunt. Praeiverat Lucret. III, 479 *Nant oculi*. (ubi vid. Wakef. *Wr.*) Illustrarunt *oculos natantes, ὄμματα ὑγρὰ*, passim viri docti.

499. *fugit in auras tenues*, ut Aen. V, 740 *Dixerat et tenuis fugit ceu fumus in auras*,

Quo fletu Manis, qua Numina voce moveret? 505  
 Illa quidem Stygia nabat iam frigida cymba.  
 Septem illum totos perhibent ex ordine mensis  
 Rupe sub aëria deserti ad Strymonis undam  
 Flevisse, et gelidis haec evolvisse sub antris,  
 Mulcentem tigris, et agentem carmine quercus. 510  
 Qualis populea maerens Philomela sub umbra

505 *quae Numina Medic.* (sane sic apud Fogg.; Heinsius nihil tale proferit e Medic. Sed Foggini testimonium iam confirmat Freytagius. *Wr.*) et Rottend. pr. a m. pr., ut et Romanus, in quo porro: *Quos fletu Manes.* Gudianus a m. pr. *Quod fletu — quae nomina. qua flumina* Vratisl. Liceret saltem scribere: *Quos fletu Manes. quae numina voce moveret. moneret* Medic. a m. pr. *maneret* Franc. (*Manes* Medic. *Wr.*) 506 *Illā quidem.* Hunc versum tanquam otiosum, et inter graviora, quae autecedunt et sequuntur, interpositum, abesse me malle, olim significaveram. Brunckius non satis firmam causam reperiēbat, cur eum poetae abindicaret. At Meierotto in *Dubliis* p. 28 et ipse in id inciderat, ut versum aut alienum aut alieno loco insertum putaret, saltem retraheret post *paludem* v. 503. Res sane, ut in plerisque huiusmodi causis criticis, est ex sensu diiudicanda. (Adstipulor Heynio, praesertim quum haec praecesserint: „nec portitor Orci Amplius obiectam passus transire paludem;“ quae iam transmissam significant. Suspicio hunc quoque versum ex alio poemate idem argumentum tractante petiitum margini adscriptum fuisse; cfr. notata ad vs. 203. Vossius quidem ita defendit hunc versum, ut Eurydicen dicat cum gravitate opponi Orpheo lugenti; verum oppositorum ratio, praegresso Pronomine *Illā*, Pronomen *hunc* proximo vs. requireret, enim in modum: *Hunc septem totos.* Ceterum Medic. *Ille* supra scripta a; idem *cumba* supra scripta miniata y. *Wr.*) 507 *perhibent totos* unus apud Heins. (Medic. *menses*, et a m. pr. *prohibent.* *Wr.*) 509 *Flesse sibi et* Rom. cum ed. Ven. *sub astris* idem Rom. et aliquot alii Pierii cum alt. Menag. et alt. Voss. Goth. sec., ut et in vulgaribus nonnullis edd., satis docte, cum *gelidis sub astris* de sideribus septemtrionalibus accipi posset, sed meo quidem iudicio, Statio aliquo aut Claudiano dignius. At tueretur *gelida astra* Wakef. et recepit. Ex laudatis saltem facit ad rem Ovid. Epist. II, 123 seu *frigida lucent sidera*, et multo magis Lucret. VI, 720 *fiabra — quae gelidis ab stellis axis aguntur.* Hactenus praestat haec lectio. 511 *pampinea* ms. Brunck. ductum ex Ecl. VII, 53.

*ceu fumus commixtus* sc. cum aura. Petiitum autem ex Iliad. ψ, 100. vid. alia apud Cerdam. 500. *fugit diversa*, cum in diversam, ac qua Orpheus tendebat, partem, h. retro, auferretur. ut sup. v. 367 *flumina diversa locis.* 503. *obiectam* poetico ornatu adiectum. ut Georg. III, 253 *non obiecta retardant flumina.* 505. *Quo fletu — qua voce*, pro quomodo fletu ac vo-

ce, ut Ecl. VI, 80 *quo cursu — quibus alis.*

506. *frigida*, morte, vecta retro per Stygem. Mox 507 *ex ordine*, continuos intellige. Praeivit Lucretius. est ἐξῆς, καθεξῆς. 509. *evolvisse*, διαπύξαι, ἐξελίσσειν. haec, casus suos, querendo enarrasse; ut Stat. Theb. I, 2 *sontes evolvere Thebas.* 510. *tigres*, in Thracia, ut poeta memorat, qui



Amissos queritur fetus; quos durus arator  
 Observans nido inplumis detraxit: at illa  
 Flet noctem, ramoque sedens miserabile carmen  
 Integrat, et maestis late loca questibus inplet. 515  
 Nulla Venus, non ulli animum flexere Hymenaei.  
 Solus Hyperboreas glaciēs Tanaimque nivalem  
 Arvaque Rhipaeis numquam viduata pruinis

512 *dirus* Franc. 514 *ramoque canens* unus Mead. *lacrimabile* Ven.  
 515 *et moestis loca proxima quest.* fragm. Moret. *loca late* Parrhas. et  
 Goth. pr. *loca tunc cum* Zulichem. Vulgata in his versibus confirmatur  
 lectio ex imitatione Grammatici alicuius in Anthol. Lat. Epigr. lib. II, 368,  
 3. 4, ubi conf. Burmannus. 516 *non ulli* Romanum cum optimis Pieria-  
 nis, Mediceum cum melioribus Heinsianis fideiussores habet, itaque repo-  
 suit Heinsius. Vulgo ubique editum: *nullique animum*. Sine copula *nulli*  
*animum* Fabric. e suo cod. probabat; editum nusquam reperio; sed exhi-  
 bent illud codd. Ven. Voss. sec. Parrhas. Leid. Goth. sec., hiatu non in-  
 grato. Emendationes in Obs. Misc. Vol. I, pag. 5 et 81 referre non vacat.  
 517 *Tanainque* alii, et edd. ante Heins. *cana iamque* Roman. 518 *Ri-*  
*phaeis, Rypphaeis*, multi et hic scribunt. vid. ad I, 240.

geographicam et physicam sub-  
 tilitatem haud curat. Sic cer-  
 vos Africae assignavit Aen. I, 184.

511. Fundus huius compara-  
 tionis nobilissimae est apud Ho-  
 mer. Od. τ, 518—524, adde π,  
 216 sq. Hinc plures expressere,  
 quos collegere Guellius et Cerda.  
 At nemo elegantius variavit et  
 ornavit, quam Moschus IV, 21  
 sq., quem et ipsum Virgilius ante  
 oculos habuisse videri potest,  
 forte cum Parthenio Erot. c. 11  
 de Byblide ἀηδονίδων — αἶτ'  
 ἐνὶ βήσση Σιθονίῳ κούρου πέρι  
 μυρίον αἰάξουσιν. Color certe ac  
 filum orationis inde est ductum.  
 Pressius ad Maronis rationem  
 accedit Quintus Cal. XII, 481 —  
 486, etsi ad hirundinem eadem  
 transtulit. add. eundem alio loco  
 VII, 329 sqq. Non autem h. l.  
 ipsa suum filium interemit ma-  
 ter, ut est τεκνολέτειρα ἀηδῶν  
 Sophocl. El. 107. Huetii et Ca-  
 stelvetri reprehensiones huius

loci, inprimis *umbrae populeae*,  
 cum tamen sequatur: *Flet no-*  
*ctem*, ex eo, quod poeticae  
 cum rationis et artis tum oratio-  
 nis haud recordabantur, pro-  
 fectae sunt. *Umbra* tam pro-  
 prium et perpetuum est arboris  
 attributum, ut ad caussas phy-  
 sicas ac tempora respectus plane  
 non habeatur. conf. praecla-  
 ram notam Burmanni. *Populeae*  
*frondis* mobilitatem ac lenē mur-  
 mur inprimis aptum esse cantus  
 moestitiae notabat Martinus.  
 Praeiverat autem Catull. 56, 13  
*Qualis sub densa ramorum con-*  
*cinit umbra Daulias*. 514. *mi-*  
*serabile carmen Integrat*: ite-  
 rat; hoc quidem suavius Home-  
 rus: "Ἦτε θαμὰ τρωπῶσα χέει  
 πολυηχέα φωνήν" ubi variatos  
 modulationis colores expressos  
 vides.

517. 518. *Hyperboreas gla-*  
*cies* vid. Georg. III, 196. Cete-  
 rum in his poetae ingenium

Lustrabat, raptam Eurydicen atque inrita Ditis  
 Dona querens: spretae Ciconum quo munere mat-  
 tres

520

## 520. MATRES,

520 *Spretae Ciconum quo munere matres.* Locum hunc variis modis et iterata vice tentatum, et, ut interdum putabam, feliciter expeditum, quoties iterum accessi, toties sensi commode enucleari non posse. Si verba pro sanis habeantur, quae inter multas alias mihi visa est maxime tolerabilis interpretatio, eam in Notis subieci. At bene sentio quam durum hoc sit: *sperni officio*, *pietate* alterius, pro offendi; ut sit: putare, ad sui contentum hoc pertinere, quod alter in officio suo manet, neque se ab eo abduci patitur mei caussa et voluntate. A poeta tamen versum tam scabrum et sententiam tam parum commodam proficisci potuisse haud credo. Interea non minus lubrica est omnis coniectura, quandoquidem nullus satis idoneus est fundus, cui eam superstruas; nullum autem pondus habere potest emendatio, de qua pronunties: potuisse forte ita scribi; posse tamen et alio modo scriptum esse. Videndi tamen vel sic sunt posteriores virorum doctorum conatus seu interpretandi seu emendandi. Verum audiendi prius codd. et edd. Vulgata est in plerisque libris et in omnibus editis. *Spreto* aliquot autique apud Pier. cum Bodlei. Burmannus ait, et editos nonnullos legere; quos tamen non vidi. Tum, *quo numine* sec. Moret. sec. et tert. Rottend. Ven. Parrhas. Iam ut de interpretum studiis agamus, primo loco Servius adscripsit: „*quo munere*; nuptiali scilicet;“ addit Iul. Sab.: quasi non essent dignae illae, nubeta Orpheo. Ita putes saltem *Spreto quo munere* esse legendum; *spreta* eius fide et pietate in coniugem: dura tamen vel sic expositu Servii ratio, nam sic *offensae* illae essent, non *sprevissent*. Markland. ad Stat. Silv. III, 3, 87 legebat: *quo nomine*, h. quapropter, quamobrem; quod factum nollem; est enim vel plebeio poeta indigna oratio. Asper Grammaticus, quod Philargyrius servavit, *quo munere* eodem modo explicabat, *quamobrem*; et b. Gesuerus hoc idem probabat; esse enim οὐ χάριν, *qua caussa*, et laudabat sup. v. 150 *pro qua mercede*; ferrem, si tam ieunam sententiam a poeta proficisci potuisse credere fas esset. Burmannus locum vitiosum et vix sanabilem sine codice meliore iudicabat: idem tamen, Servii vestigia legens, coniecit: *Spreto Ciconum quem foedere nutres*, ut nuptiale seu coniugiale foedus intelligatur. Varia monebat Io. Schrader., qui et *Cicones matres* malebat, ut Ausoniae, Latinae, Aen. VII, 400. Possunt huiusmodi variationes potius quam restitutiones eius sententiae, quae a poeta profecta

paullo licentius efferbuisse dicendum: Thraciam memorare voluit ac debuit: nunc per totam Scythiam vagatur Orpheus. Adeo nomina tantum ornantia captabat Maro. Nec satis est dicere, Thraciae antiquioribus aetatibus nomen latius patuisse, ex ignoratione terrarum borealium; quae in vulgus nota sunt; ex ea enim ipsa ignoratione veterum propagata sunt nomina

regionum a poetis sequioribus promiscue et incerto usu adhibita. Illa tamen observatio huc non spectabat, quandoquidem mirationem facit hoc, quod *inde ab Hebro* idem homo errasse fertur *per Hyperboreos*, *per Tanaim* et *per montes Rhipaeos*; quae utique Maro ut poeta dixit, non ex geographicis antiquitatis rationibus. 520. *quo munere.* Cum ipsi libri quo

Inter sacra deum nocturnique orgia Bacchi  
 Discerptum latos iuvenem sparsere per agros.  
 Tum quoque, marmorea caput a cervice revolsum

521. DEUM, BACCHI,

esse videri possit, plures afferri: v. c. *Spreto quo carmine*; *Spretæ Ciconum quando agmine*; *Spretæ Ciconum, pro numina! matres*; potest *Spretæ* ex glossa natum esse, cum esset: *Actæ cum numine matres*; quibus tamen nihil plane ad certum rerum momentum proficias. Quod proximo loco verba suppeditare possunt, est: *Spretæ Ciconum quum numine matres*, vi, instinctu numinis, furore ab eo iniecto, *Discerptum sparsere*; ita vero *numine* interpositum est alieno loco; aut, idque omnium lenissimum foret: *Spretæ Ciconum quum munera matres Inter sacra deum*; ut sit *inter munera sacra deum*, quod solenne est apud poetas, ut dona, de sacris. (Possis etiam scriptum suspicari *pro munere*, i. e. quo contemptum suum remunerari vellent. *Wr.*) 521 *nocturnique* omnes fere scripti, inquit Burm.; ita utique optimi Medic. et Rom. et Medic. Pierii. *nocturnaque* pauci cum edd. Aldd. pr. et sec. et hinc profectis, sed emendatius tert. et Egnat. cf. Bentlei. ad Horat. III, 2, 26. *organa* Zulich. 522 *iuvenem latos* Parrhas. 523 *Tunc* Roman. *repulsum* Menag. pr. *recisum* Vratisl.

*munere* tueantur (vide Var. Lect.), videndum, an interpretatione adiuvari ea lectio possit. Et vocis sane *muneris* significatus late patet. Servius nuptiale munus intelligit; quod durum est. Non minus durum est, ut *munus*, donum, sit ipsa Eurydice, *præ hoc munere* *spretæ Ciconum* matres. *munus* pro officio, pro pietate in defunctum, inferiis, honore, quo mortuos prosequimur, bene dicitur; eritque adeo *quo munere*, qua Orphei pietate in coniugem amorisque pertinacia, *spretæ*, sperni se putantes, dum eam, hoc desiderium ereptæ coniugis, in contemptum sui vertebant; quasi noluisse ille ducere aliam mulierem, aut alterius amorem admittere. 521. Primum genus ponit, ut poetica ratio fert, *Inter sacra deum*, tum subiungit ex iis id sacrum, in quo res acta: *inter orgia*, quo nomine omnia sacra enthusia-

stica et mystica appellabantur, *Bacchi nocturni*, cuius sacra noctu celebrari solita. Porro Macrob. IV, 3 *Sacer vero locus imprimis pathos movet. Occisum inducit Orphea, et miserabiliorem interitum eius a loco facit*: „*Inter sacra deum n. o.*“ Haec tandem Grammatico digna in poetam suum observatio! Orphei usus a poeta, qui hanc narrationem primus induxit, ingeniose est arcessitus exemplo aliorum poetarum, maxime Tragicorum: qua de re vid. ad Aen. VII, 385 et Excurs. IX ad lib. VI. Ceterum poeta non attingit crimen Orpheo impactum flagitii, cuius odio et ira incensae mulieres eum dilaniarunt: qua de re Phanoclis versus apud Athenaeum noti sunt, quos nuper illustratos dedit Ruhnck. in Epist. Crit. sub f.

523. *marmorea cervice*, candida, ut saepe alii poetae. vid.



Gurgite quum medio portans Oeagrius Hebrus  
 Volveret, Eurydicen vox ipsa et frigida lingua, 525  
 Ah miseram Eurydicen! anima fugiente vocabat;  
 Eurydicen toto referebant flumine ripae.

Haec Proteus: et se iactu dedit aequor in altum;  
 Quaque dedit, spumantem undam sub vertice torsit.  
 At non Cyrene: namque ultro adfata timentem: 530

Nate, licet tristis animo deponere curas.  
 Haec omnis morbi caussa; hinc miserabile Nym-  
 phae,  
 Cum quibus illa choros lucis agitabat in altis,

### 528. ALTUM.

524 *medius* fragm. Vatic. 526 *Ha multi. Amissam* sec. Menag.  
*A miscra* Roman. a m. pr. 528 *iacto* Gud. a m. pr. 529 *vortice*  
 edd. nonnullae. 530 *est* post *ultro* fragm. Vatic. et Parrhas. ab alia  
 manu. (*paventem* Alb. *Wr.*) 531 *componere curas* Medic. a m. pr.,  
 ut Aen. IV, 340. 341, frequenti variatione. vid. Burmann. *depellere curas*  
 unus Mead. 533 *silvis* pro *lucis* fragm. Moret. *discebat in altis* Voss.  
 pro *ducebat*; aut, ut Io. Schrader., pro *miscebat*.

Cerda. Lucretio deberi videtur et hoc; aut forte eo antiquioribus; nam iam Naevius in Cypria Iliade dixerat: *Collum marmoreum torques gemmata coerces*. (alterum hemistichion *cap. a cerv. rev.* sublectum Ennio, p. 138. ed. Hessel. *Wr.*) 524. *Hebrus Oeagrius*, ab Oeagro, Thraciae rege, Orphei patre. Caput Orphei in mare et hinc in Lesbum delatum ibique sepultum: Hygin. Poet. Astron. II, 7, unde ibi suavis lusciniarum cantus proditus apud Antig. Caryst. 5. Quod de Orphei tumulo in Thracia tradidere alii apud Pausan. IX, 30. p. 769.

529. *sub vertice*, non capitis, sed, ut vulgo nunc pronuntiant, vortice, quem mota eius insultu aqua ciebat: *δίνη*, contorta in se aqua. *torsit sub vertice*, quod

vulgari usu, vortice vel in vortice; ita ut vortex fieret. Nec ratio deest, aut analogia. 530. *At non Cyrene* filium reliquit, consilii inopem. (vid. V. L. ad Aen. IV, 528. *Wr.*) Respiciunt vs. 423. 4. namque ducto in specus et collocato in latebris filio, *ipsa procul nebulis obscura resistit* in ipso scopulo. Scilicet Proteus interuentionis apum, *morbi causam* v. 397, tantum exposuerat, non vero fortunae remedium. Hoc mater subiicit: scilicet culpae expiationem, Nympharum placationem, sacrificio certo ritu faciendo, et inferias Orpheo et Eurydicæ ferendas; quo facto ex victimarum visceribus nova examina exoritura essent. Fatendum est, ea, quae a matre monentur, laud paullo graviora esse Protei monitis.

Exitium misere apibus. Tu munera supplex  
Tende, petens pacem, et faciles venerare Na-  
paeas. 535

Namque dabunt veniam votis, irasque remittent.  
Sed, modus orandi qui sit, prius ordine dicam.  
Quatuor eximios praestanti corpore tauros,  
Qui tibi nunc viridis depascunt summa Lycaeï,  
Delige, et intacta totidem cervice iuvenças. 540  
Quatuor his aras alta ad delubra dearum

### 540. DELIGE ET

534 *Tum* Medic. a m. sec. 535 *Pende* Rottend. pr. Burmanno *tendere munera* insolitum videbatur; itaque cogitabat: *munere supplex Tende*, abi. *Nate petens* Zulich., unde Burm. legendum putabat: *tu munere supplex, Nate, petens pacem, faciles venerare Napaeas. Redde* Withof. emend. vid. Not. 536 *iramque* Franc. Goth. pr. Forte praestat interpungere: *Namque dabunt veniam, votis irasque remittent.* (at vid. V. L. Ge. I, 142. *Wr.*) 537 *quis sit*, ut vulgo loqui solemus, quart. Moret. fragm. Moret., uterque Goth., unus Mead. et edd. vett. vid. ad Aen. IV, 294. (vid. Q. V. XXII. *Wr.*) 538 *eximio praestantis* Rom. (et unus e Gudianis apud Cort. ad Lucan. VII, 770.; quod probat Cortius; et dubitabam, an revocarem. *Wr.*) 540 *Dilige* Longobard. ed. Mediol. (quod commendat nequidquam Cort. ad Lucan. III, 181. *Wr.*) *intactas* Rom. ed. Ven. Gudianus a m. pr., sed vid. Burm.

534. *munera supplex Tende*, protende, *πρότεινε*, offer. Aen. II, 674 *parvumque patri tendebat Iulum*. certe ratione non careret, etiamsi exempla deessent. (Ritus haud dubie respicitur apud Homerum obviis fruges aliaque sacra inter preces tollendi. Apud Sophoclem Electr. 634. Clytaemnestra preces factura imperat servae: „ἔπειρε δὲ σὺ θύμαθ', ἣ παροῦσά μοι.“ Ita proprie positum *Tende*, praesertim cum participio *petens pacem* copulatum. *Wch.*) *munera* autem, ut honores, quocunque deos placamus aut veneramur. *petens pacem*, h. ut propitiae sint. *faciles*, placabiles. 536. *votis*, precibus factis. 538. *eximios* proprium de victimis; res

nota. vid. Cerda. 539. In *Lycaeo*, Arcadiae noto monte, quomodo Aristaeus, Thessaliae agros colens, armenta habere possit, iure miretur aliquis. Hactenus sui oblitus est poeta; etsi enim supra eum Arcadium heroem ediderat, v. 283, non tamen nunc ex Arcadia arcesendae erant victimae in Thessaliam. 540. *cervice intacta*, iugo, ut toties. De numeri causis quaerere non licet; non magis forte quam Ecl. V, 65; ut poeta, certum numerum posuit. At in novenario numero novendiale sacrum cogitare potuit. conf. ad Aen. V, 762. 541. *dearum*, Nympharum v. 532. Omnia in hoc versu proprie dicta. *ad delubra* statuuntur arae, ante

Constitue, et sacrum iugulis demitte cruorem;  
 Corporaque ipsa boum frondoso desere luco.  
 Post, ubi nona suos Aurora ostenderit ortus,  
 Inferias Orphei Lethaea papavera mittes, 545  
 Et nigram mactabis ovem, lucumque revises;  
 Placatam Eurydicen vitula venerabere caesa.

546. PLACATAM — — — CAESA,

547. ET NIGRAM — — — REVISES.

542 *dimitte* Medic. cum ceteris Heins., excepto altero Menag. et Moret. fragm., item tres Burm., uterque Goth. *emitte* sec. Moret. *iugulis sacrum* Goth. sec. 543 *Corpora quaeque* Regius Martin. 544 *nona dies* alter Menag. *ostenderat* fragm. Moret. *reducerit ortus* Parrhas. ex v. 552. *induxerit* unus Arundel. 545 *Orptheo* Roman., ut et v. 553, sed vid. ad Ecl. IV, 57. *Orphi* Goth. pr., ut et v. 553. Ὀρφεῖ. (*Orphei* Medic., sed e puncto notata; *Orphei* idem vs. 553. *W*r.) *Letea* al., immo Ἀηθαια ex Ἀήθη. *mittis* Mentel. pr., ut et v. 553. 546 *Placatam Eurydicen*. Hunc versum post sequentem: *Et nigram*, exhibent omnia Heinsii exemplaria vetusta, uno excepto, item Burmanni Regius, edd. Iunt. et R. Steph., uterque Goth., uterque Arundel. et Mead. Brunck. Erf. ed. Norimberg. et aliae; tandem fragm. Vatic., minus tamen recte; nam post illa: *Orptheo inferiis factis lucum revises*, ubi victimarum corpora iacent, quomodo subiungi posset: *Placatam Eurydicen vitula venerabere caesa*? At vulgatum ordinem habent Mediceus, qui plerumque diversam a Romano familiam ducere solet, Longobard. Pierii cum al. scriptis et edd. Habet tamen et hic versuum ordo aliquid parum congrui: Orptheo papavere inferias feres, Eurydicen placabis vitula caesa et nigra ove. Quae tandem illae inferiae solo papavere? *Nigra ovis* haud dubie ad Orpheum spectat. Adeoque aut delendus est versus: *Placatam Eurydicen*, quod equidem verum esse arbitror, de Eurydice nec nunc nec 454. 553 agitur, aut ille ante alterum collocandus est hoc modo: *Post, ubi — Placatam Eurydicen — Inferias Orphei Lethaea papavera mittes Et nigram mactabis ovem, lucumque revises*. Ita demum narratio sibi constat. Nam ex seqq. apparet, inferias faciendas fuisse *alio loco*; tum vero, inferiis factis ille 553 *lucum revisit*, in quo fanum Nympharum erat, ad quod victimae caesae fuerant relictæ. (Ego eum reduxi horum versuum ordinem, quem sequuntur omnes codd., quos laudant Viri Docti; nam unum tantum, Medicum, inverso eos ordine, eodem, quo in Ald. tert. collocantur, exhibere scribit Heinsius; aliter tamen Fogginus, apud quem et ipsum haec ita leguntur: *Et nigram* etc. *Placatam Eur.* etc. De Longobardico quod scribit Pierius, hoc ita ambiguum est, ut nescias, uter versus alteri in eo praeponatur. Lectio *revisens*, quam etiam ms. Lengn. apud Vossium suppeditat, nimis tenui auctoritate nititur. Heynio versum hunc *Placatam Euryd.* in *νοθήλας* suspicionem adducenti calculum adiicit Iacobs.; recte, puto. Brunckius

templum, in προνάω ex more; *delubra alta*, quia gradibus ascendebatur ad templa. 545. *Lethaea papavera* Ge. I, 78 *Lethaeo perfusa papavera somno*. Orptheo inferiae fiunt, cuius Ma-

nes immissa lue iniuriam Aristaei ultii erant vs. 454. Memorabile illud, quod inferiae papaveribus feruntur h. l. non lacte, vino, libis. 546. *Placatam*, quae placatur, eo modo erit placata.



Haud mora: continuo matris praecepta facessit.  
 Ad delubra venit; monstratas excitat aras;  
 Quatuor eximios praestanti corpore tauros 550  
 Ducit, et intacta totidem cervice iuencas.  
 Post, ubi nona suos Aurora induxerat ortus,  
 Inferias Orphei mittit, lucumque revisit.  
 Hic vero subitum ac dictu mirabile monstrum  
 Adspiciunt, liquefacta boum per viscera toto 555  
 Stridere apes utero, et ruptis effervere costis;  
 Immensasque trahi nubes; iamque arbore summa  
 Confluere, et lentis uvam demittere ramis.

tamen: „Consentaneum erat, Aristaeum Eurydices, cui causa mortis fuerat, umbram placare, haud minus, quam Orphei.“ Si consentaneum, certe non necessarium, coll. vs. 454. sqq. *Wr.*) 547 *locumque* Gud., ut Goth. sup. v. 468. *revisens* Zulich. quod expedit locum, si mutato ordine legeris: *Inferias Orphei. Et nigram m. Placatam.* Et videq hoc sequi virum doctissimum, Vossium. 548 *capessit* Medic. et Gud. a m. pr., ut Aen. I, 77. *facissit* Vratisl. Eadem varietas Aen. IV, 295. 549 *At delubri petit* unus Arundel. *monstratasque* Ven. Parrhas. 550 *eximio praestanti* Gud. *praestantis* Rom. a sec. m. et 551 *intactas*, ut sup. 540; quod etiam in edit. Ven. 1482. (*intacto* Medic. a m. pr. *Wr.*) 552 *induxerit* Moret. sec. et quart. Franc. unus Arundel. unus Mead. *induceret* Leid. *intexerat* Rottend. pr. *adduxerat* Ven. *reducerat* Parrhas. edit. Ven. *reducerit* Vratisl. 553 *misit* Franc. 554 *Hinc* Erf. *auditu* pro *ac dictu* Moret. fragm. Menag. alter. *ac visum* Zulich. Wakefield distinxit: *Hic vero (subitum ac dictu mirabile monstrum!) Adspiciunt liquefacta* —. (— 555. *bovum* Medic.; vid. Ge. III, 211. 419. Aen. II, 306. *Wr.*) 556 *eruptis* Regius et Cantabrig. 557 *Inmensamque trahi nubem* tert. Mentel. (*nubem* etiam Serv. Dresd., *nubes* Medic. *Wr.*) *Immissasque* Zulichem. *que post iam abest* Moret. quart. *trahens* Roman. 558 *visam demittere* Ven. *dimittere* Medic. cum quatuor aliis. vide v. 542.

(si genuinus est hic versus, Eurydicen una cum ceteris Nymphis, vs. 535., placatam existimabis; sic Iacobs. *Wr.*)

550 sq. Iisdem verbis utitur, quibus paullo ante usus erat, Homericō more: cuius ratio tenenda est haec, ne semel bene et proprie enuntiata aut ieiune aut perperam, mutantur. conf. Bentlei. ad Milton. lib. X, 1086. Upton. ad Spencer. *Faery Queen* pag. 643. 644.

554. Conf. sup. 308 sq. Ex-

posita quoque res ab Ovid. I Fast. 377 sq. Met. XV, 36 sq. *monstrum*, pro re monstrosa, mira. 555. *liquefacta per viscera*, tabe, putredine, dissoluta. vid. sup. v. 308. *effervere* voc. Lucretianum II, 927. ἐκζέσαι. 557. *nubes trahi*, nova examina. conf. ad hos versus Nicandr. Alexiph. 443 sqq., ubi de papavere. 558. Βορρῶδον Iliad. β, 89 adhaesisse arbori. (De ratione horum infinitivorum vid. Not. ad Aen. III, 241. *Wr.*)

Haec super arborum cultu pecorumque canebam,  
Et super arboribus: Caesar dum magnus ad al-  
tum 560

559 sqq. Suspectum iam olim hunc, etsi ab homine satis ingenioso pro-  
fectum, Epilogum habui, quia a poetarum more alienum est, talia adiun-  
gere suis carminibus; contra Grammaticos tali lusu delectatos esse ex plu-  
ribus exemplis patet, qui in Anthologia poetarum Lat. prostant. Nec aliter  
de Metamorphoseon clausula statuebam. Vidi mox alios viros doctos non  
aliter statuere, etsi aliis de causis. Brunkius tamquam insoluum, et  
poematis ipsiusque Virgilii gravitate indignum, reiicit. Etiam Io. Schrader.  
offensus erat inprimis illo: *haec ego canebam — dum fulminat*. Addi  
possunt alia: *canere super aliqua re*. Alia praeclara sunt. (De hoc Epi-  
logo quid ego sentiam, pronuntiavi iam ad Eleg. ad Messalam pag. 9. Ut  
nihil dicam de librorum mss. omnium, etiam Grammaticorum, Frontonis  
Exempl. Elocut. sub vocc. *Adfectat et Super*, Servii, Philargyrii, consen-  
su: primum temporum ipsorum ratio nihil suppeditat, quo fretus hosce  
versus rescindendos putes. Tum non ita alienas esse a poetarum more  
eiusmodi clausulas, vix est, quod multis demonstrum; satis fuerit, ipsius  
Virgilii exemplum laudasse, Ecl. X, 70. sqq.: „Haec sat erit, divae, ve-  
strum cecinisse poetam;“ etc. et Ge. II, 541. sq. Porro si elegantiam hor-  
um versuum spectas, nihil est, quod desideres, aut Virgilianum non pu-  
tes; nec recte tantum verborum ornatum ad Grammaticum nescio quem re-  
feras. Denique singula verba si examinabis, nihil reperies, in quo quis  
iure haereat. Exempla Praepositionis *super* pro *de* positae ipse suggerit  
Virgilius: Aen. I, 750.: „Multa super Priamo rogitans, super Hectore  
multa.“ III, 348.: „Incipio super his.“ X, 839.: „Multa super Lauso  
rogitat.“ Nec, si semel ita locutus esset, propterea statim ornatissimi  
versus obelo notandi forent. Quid enim tum fiat verbis Aen. VII, 344.:  
„Quam super adventu Teucrum — curaeque iraeque coquebant;“  
ubi frustra in Virgilii carminibus locum quaeras consimilem. At *fulminat*  
pro rerum modulo magnificentius dictum; sed hoc ipse elevat Heynius in  
Virgil. Vita per annos digesta ad ann. 724. Nec necesse videtur ita statu-  
ere cum Vossio, ut res anno 734. ab Augusto gestas respici atque hunc  
Epilogum illo demum anno adiectum esse dicamus. Denique probe, si  
Vossium sequeris, si Heindorfum ad Horat. Sat. I, 5, 72., etiam necessa-  
rio, quod negat Huschk. ad Tibull. II, 3, 19., cfr. etiam Walchii Emenda-  
tiones Livianae p. 185., cum praeterito tempore, *canebam*, praesens, *dum*  
*fulminat*, iungitur; laudat Vossius Ecl. VII, 6.: *dum defendo deerrave-  
rat*; ubi vid. Not.; et praeter alia haec e Livio: „dum ea Romani pa-  
rant consultantque, iam Saguntum summa vi oppugnabatur.“  
Adde Ramshorn. Gr. Lat. § 189, I, 1. et quae Heinrich. et Beier. scripse-  
runt ad Cic. Orat. pro Tullio 15. *Wr.*) 559 *culto* Gud. a m. pr. *cul-  
tum* sec. Moret. *pecorisque* apud Diomedem lib. I.

559 sq. De hoc Epilogo vid. mortalitatem nominis. (Terent.  
Vitam Virgilii ad a. U. C. 724. Phorm. V, 8, 71.: „Hi gladiato-  
*pecorum*, adeo et apum. 561. rio animo ad me affectant  
562. *volentes per populos*, quo- viam.“ Cic. pro Rosc. Amer.  
rum legati undique eum conve- c. 48.: „quod iter affectet.“  
nerant, ut apud Xenoph. Oe- Haec affert Odinus in Miscell.  
con. 21, 12 ἐθελόντων ἄρχειν. Obs. Crit. Nov. T. XII. p. 474.  
*Olympo*, ad Olympum ad im- *Wr.*)

Fulminat Euphraten bello, victorque volentis  
Per populos dat iura, viamque adfectat Olympo.  
Illo Virgilium me tempore dulcis alebat  
Parthenope, studiis florentem ignobilis oti:  
Carmina qui lusi pastorum, audaxque iuventa, 565  
Tityre, te patulae cecini sub tegmine fagi.

P. VIRGILII MARONIS GEORGICON LIBER  
QVARTVS EXPLICITVS.

561 *Euphraten* Heins. ex optimis. *Euphratem* vulgo. *volantes* Leid. Zulich. 562 *dat iussa* Zulich. 563 *Vergilium* Medic. Rom. et al. vid. Pierium, Cerdam, Burmann. *agebat* Rottend. tert. *habebat* Regius Martin. 564 Expectares Neapoli hoc tribui: *Parthenope studiis florens ignobilis oti.* *oci* Romanus. *ocii* et *otii* alii apud Burmann. *horti* Moret. sec. *cui* Erf. a m. pr. (Wakef. ad Lucret. I, 256. putat ita distingui posse: *Parthenope studiis, florentem ignobilis oti.* *Wr.*) 565 *quo* Ven. Parrhas. *quae* Comm. Cruqu. Horat. Carm. I, 32, sed ad IV, 8 *qui* habet. 566 *tu* Franc. Menag. *cecinit* Medic. et alii apud Pierium. *cecini patulae sub* Parrhas. et Ven., item Romanus et alii Pieriani. Ceterum de quatuor postremorum versuum, quamquam illi non inelegantes sunt, veritate multo magis me dubitare non diffiteor; solenne enim aliquando fuit, lacinias huiusmodi poetis attexere; et in Virgilium huiusmodi disticha et tetrasticha in Catalectis invenias. Sed huic forte suspicioni vel propterea adversabuntur viri docti, quod Harduinus eosdem versus, quamquam non iisdem de caussis, reiecit. Nunc Iacobum Bryant video et ipsum hos versus Maroni abiudicare. Verum licet cuilibet iudicium suum sequi; neque irascar equidem aliter statuenti, qui causas irascendi habuissem sexcenties, cum, ut officio interpretis, suas operas retractantis, satisfacerem, viri docti, cuius ingenium et doctrinam semper magni feci, notas, quas ille, nulla unquam iniuria mea provocatus cum studiosa et iniqua mei insectatione sermone vernaculo scripsit, evolverem. Magnam ei habeo gratiam, quod animadverti plura, quae non satis diserte, minus circumscripte ac circumspecte a me erant enuntiata, eaque correxi, nonnulla recte ab eo animadversa cum bona eius venia adoptavi. Verum debeo ipsi etiam maiora in hoc, quod contumeliosa mei insectatio animum meum firmavit in ferendis aliorum iniuriis; haec ipsi me debere, ingenue fateor; quae ille

564. De Maronis secessu apud Neapolin vid. eod. loco. *studiis* *floret* et is, qui laudem inde et existimationem fert, ex iis inclarescit, et is, qui iis cum maxime deditus est; *floremus* enim iis, quorum copia et abundantia ad manum est. Hoc altero sensu h. l. accipiendum. *Otium* Romanis omne vitae genus a reip. negotiis domesticis

bellicisque alienum, proprie tamen quodammodo de Musarum otiis; *ignobile*, respectu gloriae bellicae et gestarum magnarum rerum. Sic Ge. II, 486 *inglorius*. De Neapoli studiorum parente conf. Wernsdorf. in Poet. min. T. IV, Exc. IX, p. 395. 565. *audax iuventa*, qui omnino carmina vulgare auderet, rem poeticam aggrediretur: ut, *audaci-*



mihi ex antiqua necessitudine et disciplina mea debeat, ipse viderit! (Quare igitur hos ultimos quatuor versiculos abiiciemus? an, quod critica auctoritate destituuntur? an, quod inepti? an, quod non satis Latini? Aut ego caecutio, aut nihil est in his vss., quod non deceat vatem Mantuauum. At enim, si priores quatuor vss. 559 — 62. genuini sunt, ne possunt quidem desiderari vss. 563. sqq.; aut, si versu 562. carmen finisset Virgilius, ineptissimus esset omnium poetarum, quot sunt aut aliis erunt in annis. Atque ipsa Genitivi *oti* forma, quod vidit sagacissimus Weichertus Dissert. *de Versibus iniuria suspectis* pag. 148., probat, ante senescentis Augusti aetatem haec esse composita. — Illud vero animum non advertisse Interpretes mireris, quod haec ipsa: „Haec super arborum cultu pecorumque canebar, Et super arboribus, Caesar dum“ etc. evertunt vulgarem de tempore, quo Georgica scripserit Virgilius, opinionem. Pataut enim septem annos, 717 — 724., huic carmini scribendo poetam impendisse. Maguum sane spatium! sed, si ipsum audis Virgilium, intra annos 723 — 25. totum opus absolutum esse tibi persuadebis. Neque est quidquam in ipso carmine, quod huic opinioni repugnet, ne Ge. I, 505. sqq. vel II, 171. sq. quidem. Gravissimum ad confirmandam meam sententiam inde accedit pondus, quod secundum librum postremo loco commemorat, quarto plane omisso. Quod si quis quaerat, post absolutas Eclogas ante incepta Georgica quid rerum egerit Virgilius, id, ut multa id genus alia, ignoramus semperque ignorabimus. *Wr.*)

*bus adnue coeptis* Ge. I, 40, non quod carminis genus tale esset, quod magnos ausus posceret. Tenue enim genus est bucolicum. Castelvetrius Oper. Critic. p. 154, monente Burm., ad duo genera Eclogarum refere-

bat, alterum humile, alterum sublimius, ut Ecl. IV. VI, acute, quod in τῷ *audax* haesit; at sententia huius versus quomodo in Castelvetrii opinionem redigi possit, equidem non video.

## EXCURSUS I

### *De Pleiade Piscem fugiente.*

Georg. IV, 232 *Taygete simul os terris ostendit honestum Plias, et Oceani spreto pede repulit annis: Aut eadem sidus fugiens ubi Piscis aquosi Tristior hibernas coelo descendit in undas.* De Pleiadum ortu et occasu agi, manifestum fit, declaratumque id satis est in Notis ad h. v. Altera tamen pars vix satis expediri posse interpretatione ulla videbatur: haerebamque in eo ipse, quatenus Pleias occidere dici posset, *fugiens sidus Piscis aquosi.* Etenim in hoc aestuabant Intpp., quale hoc sidus sit, et qua ratione Pleias illud fugere dicatur. Neque enim, sive per grammaticas sive per astronomicas rationes, Servii *Piscis australis*, nec *Pisces*, nec *Scorpius*, nec *Hydra* hic memorari possunt; ut nec *Delphinus*, qui pr. Nonas Ianuarii exoriebatur ex Caesaris ratione, vid. Plin. XVIII, 26, s. 64, quem adeo nec fugere Pleias videri potest. Nisi forte *Piscis* in *Pristis* mutetur, quo nomine Cetum veteres astronomi appellant; possunt ita Pleiades quadam ratione eius rictum hiantem videri effugere; uti Orionem fugiunt in eo, quem laudavit Guellius et cum nostro comparavit, loco Quinti Smyrn. Paralip. V, 367 sq. *Πληιάς εὐτ' ἀκάμαντος ἐς Ὠκεανοῖο ῥέεθρα Δύεθ'*, *ὑποπτώσσουσα περικλυτὸν Ὠρίωνα.* Fuit vir doctus, qui ita succurrere volebat, ut distingueret: *Aut eadem, sidus fugiens ubi Piscis aquosi* (scil. est, ibi) *Tristior hibernas descendit in undas*: quod vix reperiet, cui se satis probet. Petitus de LL. Attic. p. 390 (Iurisprud. Rom. et Att. T. III, p. 483) *Sidus* solem interpretatur, quod satis recte fieri posse, non negem; hunc Vergiliae fugiunt, cum aversam ab illo et contrariam instituunt viam. Sole enim e mari emergente illae in mare descendunt. Hactenus bene. Sed tum iungit *undas piscis aquosi*, ut pro mari dictae sint; hoc vero nullo modo fieri potest, aut certe ieunissime fieret. Itaque adhaerendum forte Petavii iudicio Auctar. Op. de Doctr. Temp. p. II, 9, et in Var. Diss. ad Uranolog. lib. II, p. 95, *esse locum hunc de piscibus inextricabilem.* Subiiciam, quae mihi amicissimus Kaestnerus, hoc de loco con-

sultus, rescripsit. Viri in his litteris principis iudicium quis non lubentissime accipiat! \*)

Ex astronomicis itaque rationibus nullam plane loci interpretationem procedere omnes fatentur. Enimvero re diligentius perpensa, male hoc ipsum fieri vidi, quod rationes nostras astronomicas intulere viri docti. Ex poeticis rationibus lux interpretationi petenda erat. Solenne est poetis, etiam iis, qui de astronomicis praecipunt, ut in describendis sideribus tabulas sui temporis caelestes et asterismos in iis notatos sequantur, formasque et figuras pictas ita exprimant, quasi eae in caelo vere conspiciantur, scilicet ut ornatum versibus suis ex earum varietate petant. Est porro poetis commune, ut *fugere et sequi se, adspicere vel respicere*, dicantur sidera non semper ortus et occasus, successionis et motus respectu, nec alia de caussa, quam quod in tabula caelestis talis eorum positus occurrit, ut aut ex adverso sibi collocata, aut quocunque modo opposita vel subiecta sint. Sic apud Manilium I, 263. 264 *Aurato princeps Aries in vellere surgens Respicit admirans aversum surgere Taurum*. Praeivit statim Homerus in noto versu Iliad. σ, 488, et Odyss. ε, 274, dum Ursam dicit verti circum polum, et Orionem despicere et observare: καὶ Ὠρίωνα δοκέει· atqui is longe ab ea abest, Ursae tamen ex adverso positus. Ita

\*) „Mit dem Fische ist nichts anzufangen. Das übrige würde ich so verstehen:

Vor etwa 1800 Jahren standen die Plejaden im 4 Grade 8. Wenn Sie einem Globo die Alexandrinische Polhöhe von 31 Grad geben, von welcher Henischius in Sphaer. Procli p. 207 Virgils Beschreibung nicht hier, sondern Ge. I, 219 At si triticeam messem etc. annimmt, und den 4 Gr. des 8 etwas über den Morgenhorizont führen; so werden Sie sehen, dass das Ende des 8 etwa unter dem Horizonte ist, und die ☉ also darinnen stehen muss, wenn die Plejaden kurz vor ihr aufgehen sollen; die Jahreszeit dazu ist der May, und der Aufgang der Plejaden, den Virgil hier meynt, geschieht kurz vor der Sonne: Ortus matutinus. Führen Sie über eben den 4 Gr. 8 in den Abendhorizont: so steht gegen über im Morgenhorizonte das Ende der 22, wo sich die ☉ etwa im October befindet, und Virgil meynt vermuthlich, dass alsdenn die Plejaden mit Anbruche des Tages untergehen,

wenn die ☉ ihnen gegen über aufgeht.

Ich glaube, Sie werden finden, dass man den Bienen in Italien das Honig im May und October genommen hat.

Die Fische in der Ekliptik gehen allemahl vor den Plejaden unter, auch der Wallfisch; fliehen ulso die Plejaden, nicht die Plejaden sie. Der Delphin ist noch nicht aufgegangen, wenn die Plejaden untergehen. Also weiss ich diess nicht zu erklären.

Ich habe viel Bücher darüber nachgeschlagen, diese Stelle aber nicht berührt gefunden, als bey Ricciolius Almag. nov. T. I, Lib. VI, c. 22, p. 473, vom Fische aber hat er gar nichts, und sagt, Virgil habe ortum matutinum et occasum vespertinum verstanden. Das erste ist mit mir einerley; das letzte hiesse, die Plejaden sollten kurz nach der Sonne untergehen, da müsste die Sonne etwa im Zeichen der ♋ stehen, und das gäbe für die Zeit des Honignehmens etwa den März: hybernae undae lassen das nicht zu.“



centies Aratus siderum situm designat, simulque ornatum ex natura animantis vel figurae, quae signum facit, petit; ita Orion insequitur Leporem; at Sirius fertur insequenti similis, *φέρεται μετιόντι ζοικώς*, *Καὶ οἱ ἐπαντέλλει, καὶ μιν κατιόντα διώκει* v. 340 sq. cf. v. 28 sq. 316 sq. Sunt alia innumera exempla apud Manilium, ut in uno loco lib. II, 485 sq., ubi inter alia Taurus *fulgentes videt atque audit per sidera Pisces*. conf. II, 466. 519. 456. lib. I extr. Alia exempla ex Ovidio notare licet. Iam cum apud Virgilium Pleiades dicuntur occidentes *fugere Piscem*, seu Pisces, hoc ad situm siderum in sphaera unice spectat; nam aversum Taurum, adeoque Tauri caput cum Pleiadibus, subsequitur alter Piscium. Simili modo Pleiades occidentes fugere Orionem dicuntur apud Hesiod. *Ἔργ.* 619 *Εὐτ' ἂν Πληϊάδες, σθένος ὄβριμον Ὠρίωνος Φεύγουσαι, πίπτωσιν ἐς ἡεροειδέα πόντον*, et apud Quint. Smyrn. V, 367. 368 *Πληϊὰς εὐτ' ἀκάμαντος ἐς Ὠκεανοῖο δέεθρα Ἀνέει' ὑποπτώσσουσα περικλυτὸν Ὠρίωνα*. Ciris 535 *Scorpius alternis clarum fugit Oriona*. Hygin. Astron. II, 26 itaque *constitutum ut, cum Scorpius oriatur, Orion occidat*. Eadem haec siderum facies habitus ac situs tot fabulis locum fecit, ut v. c. huic ipsi Orioni. cf. Schol. Apollonii III, 226. Restat difficultas in epitheto *aquosus*, quod nimis tenue videri potest, si est pro aquatilis. Enimvero *aquosus* est aquas, imbres, cogens, denuntians: ut *aquosus Orion* Aen. IV, 52. *Aries aquosus* Ovid. Met. X, 165. *Eurus aquosus* Horat. Epod. 16, 54. *Pliades aquosae* Stat. IV, 120 imbriferae. Quid quod etiam *hiems aquosa* Ecl. X, 66. Aen. IX, 671, *nubes aquosae* Aen. VIII, 429. Et iam Ζέφυρος ἔφωδρος Odyss. ξ, 458. *Piscem aquosum* ex hoc ipso loco Ovidius petiit: Met. X, 165 *quotiesque repellit Ver hiemem Piscique Aries succedit aquoso*. Ceterum *simul* et *ubi* sibi respondent, pro, quando.

## EXCURSUS II

*De Nympharum domo et Penei regia.*

Georg. IV, 317 *Pastor Aristaeus fugiens Peneia Tempe — Tristis ad extremi sacrum caput adstitit amnis — 321 Mater quae gurgitis huius Ima tenes — 333 At mater sonitum thalamo sub fluminis alti Sensit — 359 simul alta iubet discedere late Flumina qua gressus inferret. At illum Curvata in montis faciem circumstetit unda, Accepitque sinu vasto misitque sub amnem. Iamque domum mirans genetricis et humida regna, Speluncisque lacus clausos lucosque sonantis, Ibat et, ingenti motu stupefactus aquarum, Omnia sub magna labentia flumina terra Spectabat diversa locis — Et caput etc.* Nondum locum vidi alium, qui cum hoc comparari possit, et nova ac mira est rerum facies, quam ex hoc ipso loco apud animum adumbrare necesse est; somnia autem, quae veteres pro suo quisque ingenio de Oceano terram ambiente multis

modis effluerunt, in unum colligere, et ex iis novum aliud somnium iterum fabulari, cui aliud alius ex alio substituat, etsi sagacis ingenii laudem habere potest, non est tamen interpretari. Narrat poeta vastam aliquam sub terra cavernam, e qua omnia flumina orta diversis viis ad terrae superficiem properent, ubi illa suo quodque fonte ex terra prodeant. Adumbrata fere res ad eam speciem, qua in locis inferis posita narrantur ea, quae supra terram sunt, ut luci, flumina: v. c. Ovid. Met. I, 189. Valer. Flacc. III, 402 sqq., aut quemadmodum Styx et Acheron ex inferis emergunt et supra terram sese effundunt. Comparari potest priscum illud philosophema de magna in terrae visceribus abyssu et aquarum receptaculo: de quo secundum antiquiores Plato disputavit in Phaedone Tom. I, pag. 112 (Bipont. p. 253 sq.) et contra eum Aristoteles Meteorolog. II, 2, p. 779 B. C. du Vall., cui inniti puto narrationem apud Senec. Nat. Qu. V, 15 ex Asclepiodoto: *demissos a Philippo in metallum antiquum olim destitutum — longa via fatigatos, vidisse flumina ingentia et conceptus aquarum inertium vastos pares nostris — liberae laxitatis, non sine horrore visos.* Fundum autem mythi aut fecit aut illustrare rem potest Oceanus apud Homerum vss. sup. ad 381 laud. βαθυρόρειται μέγα σθένος Ὀκεανοῖο, Ἐξ οὐπὲρ πάντες ποταμοὶ καὶ πᾶσα θάλασσα Καὶ πᾶσαι κρήναι καὶ φρεῖάτα μακρὰ νάουσιν.

Cavernae huius immensae sub terra facies, a poeta adumbrata, videtur esse haec: ut sint in ea passim speluncae inque iis lacus inclusi magnaeque silvae, per quas flumina subter terram ex lacubus profluant; ut adeo hi lacus sub terra pro fontibus sint, unde illa ortum habeant, donec aliquantum progressa supra terram emicent fonte unumquodque suo: *Iamque domum mirans* sqq. 363 sqq. Qua vi, quo motu, flumina ita in altum ferantur, ex imo terrarum fundo assurgant, et, quomodo ex uno loco omnes amnes prodire possint, ut doceret, a poeta expectari non poterat; a physico hoc postulares iure.

Iam Caverna haec pro regia aliqua fluviorum et aquarum non male haberi poterat. Si poeta Oceani regiam eo modo adumbrasset: nihil puto foret quod mirationem faceret. Talis Neptuni regia passim describitur; Iliad. ν, 21. conf. Ovid. Met. I, 276 sq., in hac Nereidum Chori apud Eurip. Troad. pr. Nerei domus in mari Aegaeo apud Apollon. IV, 772. et Iliad. α, 358. item Thetidis et Eurynomes Iliad. σ, 402 ubi Vulcanus latuerat. At Maro obscuravit commentum illud poeticum inflexa rerum specie, dum Penei fluminis regiam ad eundem modum adumbravit, quo Oceani vel Nerei, aut forte Acheloi, amnium antiquissimi, describi potuisset. Nam per se Flumini deo domus seu regia recte tribuebatur: et in ipso Peneo hoc ex poetarum usu exsequutus est Ovid. Met. I, 568 sq.: *Est nemus Haemoniae* etc. — *Haec domus, haec sedes, haec sunt penetralia magni Amnis; in hoc residens,*

*facto de cautibus antro, Undis iura dabat Nymphisque colentibus undas. Conveniunt illic popularia flumina primum, Mox amnes alii.*

Ut ad certam aliquam rerum speciem, quae quidem animis nostris informari possit, haec revocem; ex toto mihi loco haec constitui posse videntur: Fingamus ingentem illam Cavernam late subterranea loca occupare; esse eam Oceani regiam, seu regnum vastissimum. Ut super terra multi sunt terrarum tractus, diversi fines imperiorum, sic in isto subterraneo aquarum regno quaquaversus sunt ingentia aquarum receptacula in marium modum, speluncas dixit, e quibus diversis locis capita ac fontes fluviorum procedunt, aliquantum inter silvas sub terra cursu facto emergunt, et amnium fontes supra terram constituunt. Ex magno hoc magnorum fluminum numero erat quoque Peneus. Fingamus iuvenem per fontem demissum in immensum illud aquarum regnum subterraneum, deductum esse in eam partem, eam cavernam, quae pro fonte, et pro regia Penei, esset; puta esse magnam aliquod specus, quale illud Nympharum in aditu Ithacae apud Homerum. Specus hoc pro *thalamo* Cyrenes; *thalami pendentia pumice tecta* v. 374: reliqua e vita heroum ac deorum sunt petita: assident ei Nymphae opus facientes 334 sq., assident *vitreis sedilibus* 350. Ut perveniretur ad illud Penei specus, in magnam illam Cavernam descendendum erat; similem descensum praebere necesse est omnes fluviorum fontes ex specubus prodire solitos. Itaque et Aristaeus cum matrem Cyrenen adire vellet, ad fontem Penei accessit: *Tristis ad extremi sacrum caput adstitit amnis*. Illa, etsi interiora terrae, specum ac partem magnae istius Cavernae, quo loco Penei patris erat domus, inhabitabat, recte tamen sub fonte Penei degere dici poterat: *quae gurgitis huius Ima tenes*; et, *mater sonitum thalamo sub fluminis alti Sensit*. Tum ante alias *Arethusa* sorores *Prospiciens, summa flavum caput extulit unda* 351. 352, adeoque per fontem prospexit. Quo modo hoc fieri potuerit: recte non attigit poeta: ad sensum enim satis commode res expediri nequit. Nunc mater filium iubet descendere: haud dubie per fontem Penei, dum aquas discedere et viam ei parare edicit: *simul alta iubet discedere late Flumina, qua iuvenis gressus inferret*. 359. 360. Nunc traditur modus: aquae fontis Penei in media sui parte repressae assurgunt in montis excavati speciem, et tamquam viam, in arcus speciem factam, praebent: *Curvata in montis faciem circumstetit unda Accepitque sinu vasto misitque sub amnem*: 361. 362. Tum ille in magnam illam Cavernam, de qua paullo ante dictum, unde fluminum exordia et fontes procedunt, pervenit et in matris domum seu thalamum adducitur: 363 sq. Cumulantur haec in vss. 363 sqq. *miratur domum genetricis et humida regna, Speluncisque lacus clausos, lucosque sonantes — Omnia sub magna labentia flumina terra Spectabat diversa locis*, tamquam in magno



regno diversas provincias, regiones, tractus, per cavernarum vastitates patentes; et inter has puta fuisse cavernam illam, quam tenebat Peneus.

## EXCURSUS III

*De Ixionis rota ad Orphei cantum subsistente.*

Georg. IV, 484 *Atque Ixionii vento rota constitit orbis*. Vexatus locus. Sensus per se apertus est: Ixionis rotam substituisse; sed haeremus in verbis, partim propter usum verborum tropicum et incertum; partim ignorance mythis, variis modis a poetis narrari et ornari soliti. *Ixioniae rotae* alii poetae *turbinem*, ut Seneca Herc. Oet. 1069, *vortices*, ut Statius Theb. VIII, 50. 51, tribuunt; *ventum* nemo tribuit, ut ne *auram* quidem, quae rotationi proprie daretur. *Ventus* autem vel a rota motus esse debet, vel caussa esse rotae motae. Iam autem *rotam ventum facere*, nemo facile dixerit, nec *ventum* rotae tribuerit, etsi per se recte fieret; nam motu suo haud dubie rota aerem impellit et *ventum* hactenus movet. Possis quoque huc vocare Propertii illud IV, 11, 23 *tacent Ixionis orbis*, quos concitatissimo per aerem motu strepitum facere credere licet. Verum usui et sensui poetico repugnat, nescio quo modo, *ventus* a *rota* motus. Restat itaque alterum, ut *ventus caussa motus* sit, utque aliquid narratum fuerit de motu rotae Ixioniae ex venti impulsu. Quod si plura veterum, inprimis Graecorum, poetarum loca hac de re haberemus, v. c. Euripidis Ixionem (nam et is eum rotae afflixerat, τῷ τροχῷ προσηλώσαι fertur apud Plutarch. de leg. poet. cap. 4 Opp. Tom. II, pag. 19 E.), certiora nos huius rei argumenta habituros esse haud dubito; novum erat et illud Ge. III, 38 *tortos Ixionis angues*; potuere itaque etiam venti aliquae partes esse ea in re. Etsi enim Iliad. θ, 481 *Tartarus sine vento* esse memoratur: ubi Titanes οὐτ' ἀνγῆς ὑπερίονος ἡέλιου Τέρποντ' οὐτ' ἀνέμοισι; potuit tamen res variari ab aliis. Ita ventis non vacat Tartarus apud Platon. Phaed. p. 83 C. Erf., et in ipso Homero Odys. λ, 590. 591, ubi Tantalo poma captante Τὰς δ' ἄνεμος ῥίπτασκε ποτὶ νέφεα σκιάοντα. Venti in Elysio: Aen. VI, 740 et 888 *aeris in campis*, ut in Pind. Ol. II 128 in insulis fortunatis. A vento certe caussa non male repetitur, ut ab eo impellatur rota, cum circumacta Ixionem alligatum rotat, utque eo cessante rota stare possit: modo alas rotae additas cogites ad *ventum* excipiendum: qua de re in mytho nil occurrit. In aere rota circumagi debuit, et proxime accedit, quod Euripidis Scholiastes Phoen. 1192 haud dubie e vetustiore aliquo auctore memorat, Iovem iratum Ixionem rotae illigatum permisisse aeri ferendum, et in aere circumagendum: ὀργισθεὶς δὲ ὁ Ζεὺς ὑποπτέρῳ τροχῷ τὸν Ἰξίονα δῆσας ἀφῆκε τῷ ἀέρι φέρεσθαι —. Exscripsisse

eum videri debet Schol. Luciani DD. 6, pag. 216, T. I: Ζεύς — ὑποπτέρῳ τροχῷ δῆσας τὸν Ἰξίωνα ἀφῆκε φέρεσθαι διὰ τὸν αἶρα μαστιζόμενον καὶ λέγοντα, χρητὴ τιμῶν τοὺς εὐεργέτας. est et in hoc Scholio aliquid novi, Ἰξίων μαστιζόμενος, *flagellatus* num a Furiis? *alata* autem h. celeris rota bene dicitur, ut etiam apud Pindar. l. l. ἐν πτερόεντι τροχῷ. Si ad hunc modum *ventus* proprie dictus accipitur; nunc de casu *vento* quaeritur: quomodo rota substituerit *vento*. Servius ait: „Deest *cum*, et hoc dicit: cum vento suo rota constitit, id est, cum caussa volubilitatis quievit.“ Ellipsis perdura! Melius, puto, ita expones: rotam constitisse *a vento*, cohibuisse se, quo minus a vento impelleretur: ut *consistere* aliquis *a cursu*, dum sistit cursum, recte dici videtur, ut in loco Ecl. II, 25 *Quum placidum ventis staret mare*. Ceteras interpretationes, ut *vento* pro *adventu* aut *cum ventum esset* sit, multo duriores, vid. apud Burm. et reliquos Intpp. Post vocem *vento*, altera dubitatio est de voc. *rota orbis*. Nam *orbis* per se pro *rota*, et *orbis rotae* bene dicitur, ut apud Tibull. I, 5, 10 *orbe rotae*; enimvero displicet, quod *rota orbis* dicta est, periphrasi, quae alio exemplo probari vel illustrari nequit; non magis, quam τροχὸς κύκλου, pro κύκλος τροχού; nisi laudes *rotam rhombi stamineam* Propertii III, 4, 26 (III, 6, 26) pro rhombo ipso, cui stamina, filia, licia, circumdata sunt: verum de h. l. mox dicam. Proposueram in altera editione alteram interpretationem: cum *rotae turbinem* ac *vorticem*, δίνην, tribui passim videamus, ut ipsi *rotae Ixioniae* apud Senec. H. Oet. 1069 *Haesit non stabilis rota Victo languida turbine*. et Stat. Theb. VIII, 50. 51, *cur autem avidis Ixiona frango vorticibus?* videri poetam eodem modo dixisse *ventum*, *turbinem*, *rotae*, h. rotationem: hanc cum constitisse dicere vellet, pro vulgari: *ventus*, seu *turbo*, *Ixionii orbis*, *Ixioniae rotae*, *substitit*, exquisitius dixit: *rota constitit vento*, in rotatione sua, in motu suo. Ipsam *rotam* pro *rotatu*, *rotatione*, *orbis*, *rotae*, accipere non audebam, quia usum hunc edoctus non eram; pronuntiare autem tanquam ex edicto modestia prohibebat. Relinquendum esse videbam lectoris iudicio, utram rationem praeferat. Meierotto priorem amplectebatur in Dubiis pag. 12. Et sic alius amplectetur aliam; sunt enim in interpretatione, quam interdum divinationem verius dixeris, innumera, quae, quia vel rei accurata notio, vel sermonis usus non satis liquet, ex suo quisque sensu constituet in iis, quae per praecepta critices et hermeneutices non ita constituuntur, ut omni dubitationi occurrì possit. Quid igitur est, quod aliter statuens alter alterum insectatur, odio Vatiniano exagitat, calumniatur, sugillat, *non missura cutem nisi plena cruoris hirudo!* hoc non est criticum agere, sed Bello-narium; certe a professione humanitatis est alienum, contra cum atrocitate mentis et morum rusticitate coniunctum, inprimis si memineris, totam hanc artis professionem in tenuibus et minutis versari. Debutit certe aut esse aut fingi a poeta caussa aliqua, cur

rota in turbinem circumageretur; atqui quae caussa magis idonea, quam procella et vorticosus ventus! Non enim satis est ὅτι ὁ Ζεὺς—τὸν τροχὸν ἀειδίνητον κατεσκεύασε, quod apud Schol. Pind. l. c. habetur; poetas tamen, qui animis audientium speciem ac formam aliquam rei, phantasma aliquod proponere debent, excogitasse probabile fit causam aliquam rotae motae ad sensus nostros aptam. In interpretatione autem, utram utram probaveris, manet aliquid duri, quod poeta novasse, forte ex graecis adumbrasse, dicendus est. Me tamen profiteor procliviorē esse in eam rationem, ut *rotam* pro rotatione, δίνη, dictam putem; eodem modo quo Propertii *rotam rhombi* accipio pro rotatione. Apposuit ille epitheton *stramineam*, poetico more, cum *rhombus* proprie *stamineus*, stamine circumvoluto dicendus esset. In altero Propertii loco IV, 11, 23 ambiguum manet, *tacent Ixionis orbes*, sitne *tacent* docte positum pro quiescit, cessat rota, an de strepitu seu rotae seu aeris poeta cogitaverit. Ceterum ex iis, quae Schol. Pindari P. 2, 40 ex Asclepiade ἐν τοῖς τραγωδομένοις repetiit, apparet, prima fabulae stamina ex eo ducta esse, quod Ixionem vetus poeta procella abreptum et in Tartarum praecipitatum ornatè dixerat: ὑπὸ γὰρ δίνης καὶ θυελλῶν αὐτὸν ἔξαρχασθέντα φθαρῆναι. At seriores de furis mentis cupiditalibus agitati cogitarunt.

---

L I P S I A E

EX OFFICINA B. G. TEUBNERI.











